

Sub 13  
n° - 77



R. 4  
3/21

*Handwritten musical notation on a five-line staff, featuring a treble clef and several notes with stems.*

*Handwritten musical notation, possibly a single note or a short phrase.*

N. 85 200



[illegible]



R. 4  
3/21

B. 27  
C. 7



1875

1870







IACOBI SEGARRAE  
ALONENSIS

DOCTORIS MEDICI,  
ET IN ACADEMIA VALEN-  
TINA PUBLICI MEDI-  
CINAE PROFESSORIS,

COMMENTARII PHYSIOLOGICI.  
NON SOLVM MEDICIS SED ET  
*Philosophis & omnium bonarum artium studiosis*  
*longe vtilissimi.*

QVIBVS PRÆFIXVS EST EIVSDEM  
*auctoris libellus de artis Medicæ Prolegomenis.*

GVM INDICE LOCVPLETISSIMO.

\* HAVD QVIDQVAM EGREGIVM

NORMAQVE, LEXQVE SVA.



PRAESTABIS SI MODVS ABSIT:

NAM MODVS EST CVNCTIS,

VALENTIA,

Ex Typographia Petri Patricii Mey. 15<sup>6</sup>.



Be





IACOBI SEGGARRAE  
ALONIS

DOCTORIS MEDICI

ET IN ACADEMIA VALENTINIANA  
TINA PUBLICI MEDICI  
CINQUE PROFESSORIS

COMMENIUM PRIMVM LOGICI

Complectens ea, quæ ad partem Medicinæ Physiologicam pertinent. Continet autem Commentarios

In librum Hippocratis de natura hominis.

In tres Galeni libros de temperamentis.

In tres libros Galeni de facultatibus naturalibus.

\* HAVD QUIDQVAM EGRIGIVM

PRÆSTAVIT SI MODAS VESIT



AVANTAGEUX POUR LA VENTE

'SILONNA TSE SADDAN

VALENTIN

Ex Typographia Petri Patenii Mey. 17





OS DON PHILIPPE por la gracia de Dios Rey de Castilla, de Aragon, de Leon, de las dos Sicilias, de Hierusalem, de Portugal, de Vngria, de Dalmacia, de Croacia, de Nauarra, de Granada, de Toledo, de Valencia, de Galizia, de Mallorca, de Seuilla, de Cerdeña, de Cordoua, de Corcega, de Murcia, de Iacn, de los Algarues de Algezira, de Gibraltar, de las Islas de Canaria, de las Indias Orientales y Occidentales, de las Islas y tierra firme del mar Oceano, Archiduque de Austria, Duque de Borgonia, de Brabante, de Milan, de Athenas y Neopatria, Conde de Absburg, de Flándres, de Tirol, de Barcelona, de Rosellon y Cerdaña, Marques de Oristan, y Conde de Gociano. Por quanto por parte de uos el Doctor Iayme Segarra, Cathedratico de Medicina en la Vniuersidad de Valencia; me ha sido referido que tenays hechos Comentarios sobre algunos libros de Hippocrates y Galeno, de que auays hecho un libro intitulado; *Tonus primus Commentariorum complectens ea que ad partem medicine phisilogicam pertinent*; que son comentarios sobre el libro de Hippocrates de natura hominis, y sobre los tres libros de Temperamentis, y sobre los tres libros de Facultatibus naturalibus de Galeno; y que por ser libro muy util y prouechoso lo desseays imprimir, y que se uenda en los Reynos de la Corona de Aragon; suplicandonos os mandemos dar licencia para ello por tiempo de diez años; con prohibicion que ningun otro lo pueda hazer sino uos, o la persona que uuestro poder tuuiere. E Nos, auida consideracion a lo sobredicho, y al trabajo que auays tenido; y que ha sido uisto, reconocido, y aprouado por nuestro mandado, auemos tenido por bien concederos la dicha licencia en la manera infrascripta. Por ende con tenor de las presentes, de nuestra cierta ciencia y Real autoridad, damos licencia y facultad a uos el dicho Doctor Iayme Segarra, y a la persona o personas que uuestro poder tuuieren; para que podays imprimir, o hazer imprimir, al Impresor o Impresores que quisiereis el dicho libro, en qualesquier Ciudades, Villas y Lugares de los dichos nuestros Reynos y señorios de la Corona de Aragon, y uender en ellos los impressos alli, o en otras partes; prohibiendo segun que con las presentes prohibimos y uedamos, que ninguna otra persona lo pueda imprimir, ni hazer imprimir ni uender, ni llevarlos impressos de otras partes a uender en los dichos nuestros Reynos y señorios sino uos, o quien uuestro poder tuuiere, por tiempo de los dichos diez años, que comiencen a correr del dia de la data de las presentes en adelante, sopena de mil florines de oro de Aragon, y perdimiento de moldes y libros, diuidideros en tres yguales partes; la una a nuestros Reales cofres, otra para uos el dicho Doctor Iayme Segarra, y otra al acusador: con tal empero, que los que hizieredes imprimir para uender en los dichos nuestros Reynos de la Corona de Aragon, no los podays uender hasta que hayays traydo a este nuestro S. S. Real Consejo de Aragon que cabe nos reside, el que nos auays presentado, y esta rubricado al fin de mano de Pedro Franquesa nuestro Secretario, juntamente con otro de la nueva impresion; para que se comprueue si la dicha nueva impresion estara conforme al dicho libro que se nos ha presentado, y esta rubricado como arriba se dize. Mandando con el mismo tenor de las presentes, y de la dicha nuestra cierta ciencia y Real autoridad, a qualesquier Lugartenientes, y Capitanes generales; Cancellor, Vicecancellor; Regentes la Cancelleria, y Regente el oficio y portant uezes de nuestro general Governador, Justicias, Vegueres, Bayles, Sotuegueres, Sotbayles, Alguaziles, Vergueros, Portereros, y otros qualesquier oficiales y ministros nuestros mayores y menores, en los dichos nuestros Reynos y señorios de la Corona de Aragon, constituydos y constituyderos, y a sus Lugartenientes y Regentes los dichos oficios, so incurrimiento de nuestra yra e indignacion, y pena de mil florines de oro de Aragon de bienes del que lo contrario hiziere, exigideros y a nuestros Reales cofres aplicaderos, que la presente nuestra licencia y prohibicion, y todo lo en ella contenido, os tengan, guarden y obseruen, tener, guardar, y obseruar hagan sin contradicion alguna; ni dar lugar ni permitir que sea hecho lo contrario en manera alguna si nuestra gracia les es cara; y demas de nuestra yra e indignacion en la pena sobredicha dessean no incurrir. En testimonio de lo qual mandamos despachar las presentes con nuestro sello Real comun en el dorso selladas. Dat. en la nuestra Villa de Madrid, a nueue dias del mes de Hebrero, año del nacimiento de nuestro Señor Iesu Christo, mil quinientos nouenta y dos.

## YO EL REY.

V. Frigola Vicecancel.  
V. Com. gener. thesau.  
V. Terça R.  
V. Pellicer R.

Dominus Rex mandauit mihi Petro Franquesa, uisa per Frigola Vicecancellarium, Comitern generalem Thesaurarium, Campi, Terça, Quintana, & Pellicer Regentes Cancellaria. & me pro conser. generali.

V. Franquesa pro conseru. generali.  
V. Campi R.  
V. Quintana. R.

In diuersorum xxv. fol. CCXXI.

¶ 2

EGO









DON PETRO SANSDO  
MINO LOCI DE ALBOY, IN SV-  
premo Coronæ Aragonum Consilio Regio Consiliario,  
Iacobus Segarra Doctor Medicus S. D.



HE SEVS ille Athenarum conditor clarissi-  
mus, cum multa præclare gelsisset, vniuersamq.  
regionem Atticam lustrasset, ac perpurgasset,  
nihil prudentius, nihil sapientius fecisse existima-  
tur, quam quod populos eius regionis septua-  
ginta, aut his amplius, qui quasi palantes vaga-  
bantur, in vnam ciuitatem, in commune forum  
sua admirabili, ac prope diuina sapientia, atque eloquentia conuoca-  
uit: sic & huius artis salutaris velut alter Theleus ciuis noster Petrus  
Ximeno, qui & linguarum, & artium varietate præter ceteros mul-  
tum præstabat, cum animaduerneret hanc artem a nostratibus Pen-  
thei instar dilaniatam, & membratim concilam doceri, cum operam  
ille multos annos luminibus illis clarissimis Medicinæ nauasset, Pa-  
risiis Siluio, Louanii Brachelio, Patauii Vesalio, iniunctionem, qua  
aduectam inde formam, & speciem huius artis perfectam, & a car-  
ceribus ad metam vique absolutam ad nos transferret. Quæ ratio  
tum ocellis huius scholæ, & artis ciuibus nostris Hieronymo Le-  
desmæ, & Petro Iacobo Esteue valde probabatur: qui & variarum  
linguarum, & artium multiplex intelligentia illud studium longius,  
& latius, editis etiam de ea arte libris eruditissimis, propagandum cu-  
rarunt. Hos cum aliquot annos summo studio, atque diligentia Lu-  
douicus Colladus audisset, tantum in eo genere studii profecit, vt  
non illam rationem a primariis magistris accepisset, sed princeps eius  
artificii extitisse ab omnibus merito iudicaretur. Quem nos post hu-  
maniorum litterarum, & vtriusque linguæ, atque Philosophiæ stu-  
dia transmissa libentissimo animo audiuimus, totosque nos ei in di-  
sciplinam eius artis informandos tradidimus. In quo studiorum de-  
cursu, cum multum operæ & studii posuissemus, insigniti primum  
publicis scholarum ornamentis, conati sumus iuuentutem, vt a do-  
ctore nostro acceperamus, publice, & accurate erudire. Sed cum au-  
ditorum frequentia, & ciuium, & peregrinorum concessu Dei Opt.  
Max. semper floruissemus, cumque hoc genus studii cultores sem-  
per alat tenuiores, effectum est, vt alsiduis & molestis efflagitationi-



bus auditores nostri, & alii item eiusdem artis studiosi a nobis postularent, ut quae viginti quattuor annis de superiori loco docuimus, ad communem studiosorum utilitatem, aliquando litteris mandarem. Quod cum saepe in alios artis Apollineae peritiores reiecissemus, numquam conquieverunt, dum illud nos breui praestituros polliceremur. Aggressi igitur sumus hoc opus, plenum laboris & invidiae, meliori quidem perficiendi voluntate, quam spe, quod imparatos nos a multis praesidiis agnosceremus. Sed tamen cum multae, eaeque maximae partes huic arti sint propositae, ut ordo institutionis a capite repeteretur, primam illarum partium, quae φυσιογνωσις a scriptoribus eius artis appellatur, persequendam suscepimus. In ea quid a nobis praestetur, praefatio nostra ad lectorem deinceps minutatim explanabit: reliquum erat, ut de adoptando huic operi patrono cogitarem. Qua in deliberatione diutius nobis commorandum non fuit, cum multitudo, & magnitudo tuorum erga nos meritorum omnem eam facultatem nobis eripuisset. Accedebat eo tanta vis ornamentorum, & naturae, & doctrinae, & industriae, quibus tu egregie abundas, ut iniuriam illis, & nostro honori magnam facturi videremur, nisi has vigilias nostrorum laborum tibi, cui tantum debemus, consecrarem. De quibus neminem, qui sanae mentis sit, unquam dubitaturum arbitramur, post iudicium illud gravissimum Regis nostri Philippi Christianissimi, qui te pro incredibili, & toto orbe terrarum spectata sapientia, qua excellit, in hunc ordinem, & locum amplissimum Regii concilii legendum censuit. Sed ne videar hoc auribus tuis elegantissimis dare, illud tantum te supplex obsecro, ut haec nostra scripta, qualiacumque sint, finu tuo fouere, nosque amare, ut instituisti, in posterum pergas. Vale, mi Patrone carissime, meque tibi, tuisque ornamentis addictissimum agnosce. Valentia. A.D. Kal. Aprilis, a Christo Nato. ∞DLXXXVI.

AD



# AD LECTOREM.



**P**RODEVNT nunc tandem in lucem, candide lector; iam diu a multis expetiti Commentarii, quorum editionem pluribus de causis haecenus distuleram. Non enim ignorabam, quam graue sit, atque arduum, varia subire hominum iudicia, & quam difficile, placere multis, a quibus reprehensionem potius, quam gloriam, pro susceptis in scribendo laboribus, te relaturum speres. Et quamuis nulum scribendi genus reprehensionem possit effugere, illud tamen omnium maxime calumniis expositum videtur, quod in explanandis auctoribus versatur; hoc namque certis quibusdam legibus praeter ceteris adstringitur, quas semel transgressus reprehensionem vitare vix possis. Neque fortasse deerunt, qui Hippocratis quidem, Platonis, & Aristotelis libros, utpote propter antiquam dicendi breuitatem difficillimos, commentariis indigere, concedant, ad intelligendum vero Galenum, Asiatica facundia scatentem, nullos prorsus necessarios esse affirmant. Quod etiam si dederint, hunc tamen nostrum laborem superuacaneum iudicabunt, quod plures alii ante nos doctissimi, praestantissimi que medici, in eisdem Hippocratis, Galenique libros, summa cum laude commentarios scripserint. Quin etiam existimabunt non pauci, facinus esse audax, omninoque temerarium, tot tantisque, qui in arte Medica excellunt, viris grauissimis, ab hoc scribendi munere sese abstinentibus, me vnum difficillimam hanc provinciam suscepisse, qui, si usum, aut rerum cognitionem spectes, nullo vnquam pacto cum ipsis conferri possim, aut debeam. Haec quidem, quae & multa, & magna sunt, doctissimum quemque merito deteruissent, me autem proculdubio ab incerto opere reuocassent, nisi mea potius dignitati, quam amicorum precibus, & iuuenum Medicinae studiosorum utilitati deesse decreuissent. Malui namque, in aliquam audaciae, aut temeritatis suspensionem venire, quam in eos ingratus videri, quorum fidem, animumque in me propensum saepe expertus fueram, quosque nominis mei studiosissimos, atque in tanta inuidorum, obtrektorumque frequentia, acerrimos propugnatores semper agnoueram. Sed & frequentes querelas ad me deferabant discipuli, quod in transcribendis iis, quae annis ab hinc quattuor & viginti dictaueram, multum laboris, operaeque impenderent. Addebant quoque, librarium incuria, ita deprauata, ac mendis referta circumferri, ut multa in multis exemplaribus legantur transposita; in aliis integrae periodi, aut verus etiam sensus desideretur. Multa praeterea temporis decursu a nobis adiecta, nonnulla detracta, mutata in melius quam plurima, intelligebant; quae si foras exirent, & omni reprehendendi occasionem e medio tollerent, & certo indicarent; quantum hac ab illis dif-



ferant, quæ nobis fere adolescentibus olim exciderunt. Cum itaque his rationibus impulsus, non ut alias rogarent, sed acriter nunc efflagitarent, ut quos domi novos habebam commentarios, in lucem prodire permitterem; me continere non potui, quin animo adhuc anceps, & dubius, ad ipsorum sententiam inclinarem, insignique voluntati satisfacerem. Quod sane eo libentius præstiti, quod cum litteratissimos viros hac de re consuluissem, nostrorumque laborum censores iudicesque integerrimos constituissem; tantum abest, ut nostri consilii rationem damnauerint, quin potius, ut inchoatum opus perficerem, vehementer sint adhortati. Huc accedit, quod eorundem consiliis instructus, quæcunque obiici possint, minime pertimescenda esse, mihi persuaferim. Cur enim, quæso, obtrictatorum calumnias, aut iustas etiam reprehensiones tantopere verear, quas non Hippocrates, non Plato, non Aristoteles, non Galenus, atque ut vno verbo dicam, non philosophorum, medicorumque præstantissimi effugere potuerunt? Et quamuis Galeni libri omnium minime commentariis indigeant, negari tamen non potest, quin plures apud ipsum legantur sententiæ, quæ nisi apte explicentur, aut prorsus falsæ, aut suo auctori omnino contrariæ videri possint. Quin & quamplurima occurrunt loca difficillima, in quibus res obscuræ, aut controuersæ leuiter attinguntur, quæ accuratius explicari debeant. Immo & ubi copiosius disserit, non raro eget interprete, qui rationum momenta diligenter expendat, veterum, quos reprehendit, falsas opiniones explicet, opinionum fundamenta detegat, & ad summa quadam capita totâ disputationem interdum reuocet. Quæ certe omnia explanatoris opem exposcunt, præsertim cum in plerisque eorum, qui ad audiendum Galenum accedunt, optima ea, quæ Græcis olim maxime familiaris fuit, institutio desideretur, ad veteres auctores intelligendos necessaria. Porro, quod idem hoc argumentum multo antea alii tractarint, neminem a scribendo detertere debet; ita namque scripserunt, ut aliis adhuc scribendi locum reliquerint. Illud potius videtur vrguere, quod hæc scribendi cura, doctissimos quosque medicos tangere debuisset, eosque potissimum, qui in hac florentissima Valentinorum academia, summa cum gloria, maximaque auditorum frequentia, & utilitate, artem medicam publice profitentur: quos sane omnes, non solum ut magistros veneror, ac colo, verum etiam in docendo, scribendoque longe superiores agnosco. Sed tamen, cum in grauioribus studiis, rebusque magis seriis occupati, altiora animo concipiant, ac moliantur, mirum videri non debet, si quæ ad prima artis rudimenta pertinent, nobis tractanda concesserint, qui Galeni consilium secuti, in leuioribus theorematis ingenii vires primum experiri volumus. Quippe quæ ad Medicam Physiologiam pertinent hoc opere tractamus, in quo physiologicos Hippocratis, & Galeni libros interpretamur, qui ceteris utiles, & difficiliores censentur. Huiusmodi autem sunt, Hippocratis liber de natura hominis, tres libri Galeni de temperamentis, ac totidē de facultati-

bus



bus naturalibus: hi namque iuxta antiquissimam huius Academia decretum, omnium primi enarrari publice solent, cum firmissima totius Medicinae fundamenta contineant. Atque utinam, quod in sua Isagoge pollicitus fuerat, praestitisset aliquando Ludouicus ille Colladus, medicus insignis, doctorque meus singularis, & Valentinae gentis (ne dicam totius Hispaniae) decus, atque ornamentum, nam praeterquam quod publicae utilitati consultius fecisset, me quoque ab hac cura, solitudineque scribendi liberasset. Sed & mihi, talem, tantumque doctorem nato, post multos in rebus philosophicis, ac medicis, exantlatos labores, aliquid audendum esse, existimaui. Quamobrem, cum bonam aetatis meae partem in docenda Medicina consumpsissem, ad scribendum tandem animum appuli, ut quemadmodum publice docendo, adolescentium studia haecenus iuui, ita nunc scribendo, ad veterum medicorum lectionem aditum eisdem patefaciam. Quid vero praestiterimus hoc opere, illi haud dubie iudicabunt, qui hosce nostros, cum aliorum commentarijs aequo animo contulerint. Illud quidem omnium maxime mihi curae fuit, ut ex singulis auctoris sententijs germanum sensum elicerem, & quae obscura sunt, aut difficilia, ex ipsomet auctore potissimum explicarem. Vulgatas translationes eo nomine sum amplexus, quod in studiosorum manibus frequentius versentur. Si quid autem minus recte in his conuersum fuit, ex fidelioribus interpretibus, & Graecis potissimum exemplaribus restituendum, aut castigandum curavi: id quod libris de temperamentis Leonarthus Fuchsius magna iam ex parte praestiterat. Quae rursus ab interprete interdum additae, auctoris sententiam obscurant, his notis [ ] inclusa distinxerim. Sicubi Latina interpretatio obscurior paulo aut Graecis non omnino respondere videbatur, quae facilius res ipsa intelligeretur, Graecam dictionem apposui. Galeni libros in capita, atque haec rursus in particulas, siue contextus aliter multo diuisi, quam alii fecerint interpretes, qui, quae sibi coherere debuissent, violenter interdum separant, ac rursus male coniungunt, quae & natura, & docendi ordine a se inuicem plurimum distant: unde non levis sequi solet, rerum, de quibus agitur, confusio. Sed praeter haec, quae ad optimi interpretis munus proprie pertinent, alia quaedam breuiter attigi, quae auctore Galeno, interpreti permittuntur, si modice fiant. Quo sane consilio, quae ab Hippocrate & Galeno, docentur ratione, aut experientia, re ipsa postulante, confirmaui: scilicet philosophiarum calumnias depuli: quid ab aliis interpretibus recte, aut secus dictum sit, interdum animaduerti, quod suum est iuste unicuique tribuens. A quaestionibus tractandis non omnino abstinui, ut facere solent, qui res obscuras, difficiles, ac controuersas, intactas relinquunt, inutiles tamen, ac sophisticas prorsus reieci, easque dumtaxat suis locis inserui, quas fore speravi studiosis utilissimas. Neque vero in has sponte incidi, sed quod vel res ipsa, de qua agitur, controuersa sit, ac difficilis, vel quod ratio aliqua magni momenti, vel grauissimi cuiuspiam auctoris testimonium, iis quae docentur, aduersari videantur. Ex his namque (si Aristoteli credimus



dimus) tractandarum questionum, ubi res postulat, occasionem captare oportet, si vero hac absint, nullus esse potest questionum locus. Quare non citra rationem de-  
clis omnibus damnata perpetuo est, sophistica hac, & (ut ita dicam) questiona-  
ria, docendi, scribendique consuetudo, quæ non sine magno studiosorum malo in  
scholas sensim irrepsit. Cæterum, ut tota hac nostra interpretatio, ornatio-  
deret, ac luculentior, de artis Medicæ prolegomenis libellum olim a me conscri-  
ptum vniuerso operi præfixi, ne quidpiam a nobis desiderari posset, quod ad tyro-  
nes optime instituendos esset necessarium. Sed & libris de facultatibus naturali-  
bus præfationem præposui, ea omnia, quæ ad facultates nostrum corpus gubernan-  
tes in vniuersum pertinent, complectentem, ne hæc cogerer commentarijs inferre.  
Fateor, doctissimum quemque facillimo negotio hæc omnia præstare potuisse,  
non tamen propterea noster iste labor contemnendus est, tum quod alieno fungi la-  
bore, alicui nunquam nocuerit, tum etiam quod hic liber adolescentibus Medici-  
næ studiosis conscriptus sit, iisque potissimum, qui sese nostræ fidei commiserunt.  
Quod si bona fauente fortuna, in manus doctorum hominum aliquando peruene-  
rit, summe fere ipsos oro, atque obtestor, ut præclari sui nominis splendore ita il-  
lustrarent, eximiaque eruditione sic fecueant, ut quem in viéturo libro Martialis ge-  
nium desiderat, ei in suo favore huic nostro impertiantur. Si cui vero cum erudi-  
tissimis nostri temporis medicis aliquando contendere videar, is sane, non contra-  
dicendi studio, sed indagandæ veritatis amore, id factum esse intelligat. Neque  
rursus mihi quissiam impietatis, aut ingratitude notam inurat, quod a doctissi-  
mi Colladi sententia libero animo non raro discedam, cum in republica litteraria  
plus possit veritatis amor, quàm in magistros obseruantia. Hinc enim factum arbi-  
tror, ut neque Aristotelem Platonis auctoritas deterruerit, neque Galenum cele-  
bre Aristotelis, Pelopis, ac Satyri nomen, immo ne ipsius quidem Hippocratis. In  
eo tamen forsitan accusari possim, quod in aliquibus disputationibus, longiori ora-  
tione usus, explanatoris modum, finemque transierim. Verum cum neque sponte,  
neque frequenter, sed cogente docendi ordine, eoque consilio id fecerim, ne aliquid  
eorum, quæ ad partem Medicinæ physiologicam pertinent, prætermissem hoc  
opere videretur: culpæ liberationem me facile impetraturum spero, quemadmo-  
dum & veniam, si quid in his commentarijs aut negligetia, aut ignoratione (quod  
fieri facile potuit) a me peccatum fuit. Si cui vero indicatis errcibus, me tanquàm  
discipulum monere libuerit, pro tanto in me callato beneficio, gratiam ipsi maxi-  
mam habiturum polliceor. Neque exim is sum, qui ab homine vel mediocriter eru-  
dito doceri recussem, tantum abest, ut præclaris, omnique doctrina excultis inge-  
nijs libenter non cedam. A quibus, si hæc qualiacumque sunt, probari, intellexerim  
mus, & alterum commentariorum corpus, & alia fortasse maiora, atque ornatio-  
ra, edere conabimur. Tu interim amice lector, nostris hisce laboribus libenter fru-  
ere, & Vale.

IACOBI



IACOBI SEGARRAE  
ALONENSIS

DOCTORIS MEDICI,  
ET IN ACADEMIA VALEN-  
TINA PUBLICI MEDI-  
CINAE PROFESSORIS.

COMMENTARII PHYSIOLOGICI.  
NON SOLVM MEDICIS, SED ET  
Philosophicis, & omnium bonarum artium studiosis  
longe vtilissimi.

QUIBUS PRÆFIXVS EST EIVSDEM  
*auctoris libellus de artis Medicæ Prolegomenis.*

CVM INDICE LOCVPLETISSIMO.

---

\* HAUD QUIDQVAM EGREGIVM

NORMAQVE; LEXQVE SVA.



PRÆSTABIS SI MODVS ABSIT:

NAM MODVS EST CUNCTIS.

---

VALENTIÆ,

Ex Typographia Petri Patricii Mey. 1596.



IACOBI SEGA...

ALON...

DOCTORIS...

ET...

TINA...

CIN...

COMMENTARI...

NO...

Philosophia...

longe...

QUA...

...

...

...



...

...

Ex Typographia Petri Patris May...



# IACOBI SEGARRAE

## ALONENSIS DE ARTIS MEDICAE PROLEGOMENIS

### LIBER.

#### DE UTILITATE MEDICINAE.

##### Cap. I.

**A** **D**E ARTIS Medicæ prolegomenis hoc libello agere instituiamus, quorum cognitio vtilissima censeatur, non solum quòd summa totius artis capita contineat, verù etià quòd tirones instructiores reddat ad ea quæ in singulis artis partibus priuatim docetur, accuratius perdiscenda. Dicemus itaq; de Medicinæ vtilitate, prima origine, & sectarum varietate, quid Medicina sit; & in quo artium genere contineatur, docebimus, ipsius finem, subiectum, medicæ instrumenta, eiusdemq; officium, ac tandè medicinæ partes explicabimus. Medicinæ vtilitatem in primis demonstrat, inconstans, ac pene fluxilis humani corporis natura. Quippe si corpus humanum aut nihil omnino, aut saltem difficile pateretur, vt lapis, aut ferrum, nulla profecto arte ad sui custodiam indigeret. At vero cum humanum corpus (si quod aliud) variis, fereq; innumeris mutationibus sit obnoxium, vtilissimum fuit hominibus (immo necessarium) artem aliquam constituere, cuius ope & sanum corpus conseruari, & ægrum in pristinum statum reuocari posset. Alioqui miserrimam plane vitam homines viuerent, qui aut lubrica sanitate præditi in morbos passim inciderent, aut morbis afflictati grauissimis, omni prorsus auxilio destituti, misere perirent. Mutari autè potest corpus humanum à causis in vniuersum externis aut internis. Externæ quidè variæ esse possunt, vt cibus, potus, exercitatio, balneum, animi pathemata, & aliæ quamplurimæ: inter quas primum locum obtinet aer, quem dum viuimus inspiratione, & arteriarum dilatactione attrahimus. Internæ verò in duplici sunt differentia, quædam enim necessario mutant corpora, quædam non necessario. Eæ dicuntur necessario mutare, quæ omnia corpora in vniuersum mutant, siue sana sint, siue ægrotent. Atque harum quidem duplex est genus, aliæ namq; nobis cõgenitæ sunt, aliæ non. Congenitæ vocantur, quæ ex principiis nostræ generationis ortum habent, semine scilicet, & sanguine: sunt autè hæ duæ, triplicis substantiæ effluuium, & siccitatis excessus, Proueniunt ambæ à calido singulis partibus insito, quod substantia partium est spiritiuosa, aut ignea & æreæ. Hoc namque duplicem habet motum, ad externa alterum, alterum verò ad interna: vnde merito à Galeno dicitur substantia per se mobilis, & semper mobilis. Dum ad externa mouetur, triplicis substantiæ effluuium molitur, fertur enim suapte imperu in sublime, & mixtionis lege secum vna rapit duplicem aliam partium substantiam humidam, & solidam: atq; id est quod aliquando dixit Galenus, elementa è nostris corporibus perpetuo effluere. Dum verò ad interna fertur, siccitatis excessum inducit, calidi scilicet vi absumpto humido, quod insitum, & primo genium vocant: id namq; proprium est innati calidi pabulum ac nutrimentum.

Lib. 1. de san. tuen. c. 1. & 4.

1. de san. tu. c. 2.

Lib. 1. de trem. rigo. cap. 6.

1. de elem. c. 6.

A Atqui



Li. de Marco.  
Cap. 2.

Atqui absumpto humido solidæ corporis partes indies sicciore evadunt, ipsi- A  
que siccescentibus, animalia (immo & viuentia omnia) senescere, ac tandem  
mori necesse est. Vana siquidem prorsusq; ridicula fuit Aegyptii illius philoso-  
phi opinio, vel potius insania, qui pueris suæ fidei & educationi commissis im-  
mortalitatem frustra pollicebatur. Quo fit, vt senectus & mors nulla arte vitari  
possint, atque secundum naturam accidere dicatur, nō quod naturæ sint opera,  
sed quod opera naturæ necessario consequantur. Quæ etiam ratio est, cur mors  
quæ senio paulatim deducendo surrepit, & naturalis sit, & inter omnia mortis  
genera leuissima censeatur; vsque adeo vt cum voluptate potius quam dolore  
contingat, vt inquit Plato. Porro ex duobus quos diximus motibus, prior qui-  
dem calido innato proprius est, vtpote cuius substantia leuissima sit, ac tenuis-  
sima, alter vero ipsi dumtaxat conuenit, quatenus frigidi est particeps; ab hoc B  
enim, ne insublime feratur, quodāmodo cohibitum, cogitur aliquando ad nu-  
trimentum conuerti. Ac si vere loquendum sit, motus iste calidi ad interna, ve-  
rus motus non est, sed quies potius à suo priori motu quo ferebatur in sublime.  
Hæ itaq; nobis congenitæ causæ corpus humanum non solum immutant, ve-  
rum etiam nostri interitus necessariæ causæ vere censentur. Vnde facile intelli-  
gitur, eundem illum innatum calorem, qui nutrimenta cōcoquit, digerit, & as-  
similat, atq; (vt vno verbo dicam) cuius beneficio viuimus, nostri quoq; interi-  
tus esse auctorem. Est tamen & præter has, tertia quædam mutationis & interi-  
tus causa, non tamen, vt superiores, nobis congenita, sed quæ congenitas sequi-  
tur, nempe excrementorum prouentus. Quippe cum triplicem partium substā-  
tiam deperditam, triplici quoq; nutrimenti genere, cibo, potu, & aëre, instaura-  
re cogamur, nutrimenta vero partim similia sint, partim dissimilia, partes quas-  
dam excrementitias, & ad nutriendum ineptas relinqui necesse est, à quibus, C  
dum in corpore retinentur, aliquam ipsi mutationem accidere rationi est con-  
sentaneum. Ceterum præter tres istas causas, à quibus omnia corpora necessa-  
rio immutari diximus, tres aliæ reperiuntur in iis solum quæ male afficiuntur  
corporibus, nempe morbus, causa quæ morbum præcedit, & quod morbum se-  
quitur symptoma: quorū sane pene infinitus est numerus. Nulla enim est aëris  
constitutio, nullum anni tempus, nulla ætas, in qua familiaria quædam morbo-  
rum & symptomatum genera non obseruentur: quæ diligentissime descripsit  
Lib. 3. aphor. Hippocrates. Cum igitur tot, tantaq; mala, ac incommoda, à tam variis causa-  
rum generibus humano corpori imminerent, artem aliquam necessariam fuisse  
constat, quæ ipsius custodiæ præesset. Hæc autem est Medicina, quæ imminen-  
tia ab externis causis incommoda præcauet: triplicis substantiæ effluuium cor-  
rigit: liberam excrementorum euacuationem procurat: aduentantem senectū- D  
tem, immo & mortem ipsam retardat: ac tandem morbos, morborumq; causas,  
& symptomata depellit. Si quis vero rationem & experientiam negligens, Me-  
dicinam forte vel tamquam prorsus inutilem damnare, vel tamquā minus ne-  
cessariam calumniari tentet, is sane suæ temeritatis, atq; inscitiae testem simul  
ac iudicem, diuinum Ecclesiasticum ita loquentem audiat: Honora medicū pro-  
pter necessitatem, etenim illum creauit Altissimus. A Deo est enim omnis  
medela, & à rege accipiet donationem. Disciplinam medici exaltabit ca-  
put illius, & in conspectu magnatorum collaudabitur. Altissimus creauit de-  
terra medicinam, & vir sapiens non abhorrebit illam. Et paulo post: Da-  
locum medico, & non discedat à te, quia opera eius sunt necessaria. Quæ  
profecto Ecclesiastici diuina sententia, non solum necessarium Medicinæ  
vsum

Cap. 3.



A vsum manifestum docet, verum etiam insignem ipsius dignitatem atque praestantiam ita aperte declarat, ut nullus amplius dubitandi locus esse possit.

*De Medicinae origine. Cap. II.*

**P**rimam omnium artium, atque scientiarum originem ad protoparentes nostros referendam esse, pie simul ac vere plerique crediderunt. Verisimile enim est, Deum Opt. Max. primos illos homines, quos condiderat, non solum fortunae, & corporis bonis ditasse, sed virtutibus etiam ad scientias (quae bona animi sunt) cumulatissime exornasse. A primis illis parentibus ad filios, nepotes, aliosque posteros, artium, scientiarumque cognitio veluti hereditario quodam iure dimanauit. Indies tamen incrementum hominum negligentia & ignorantia, veritatis amor atque studium sensim cepit contabescere, donec ipso tandem extincto artes omnes prorsus perierint. Qui subsequuti sunt, vel quod multarum rerum inopia premerentur, vel quod earum rerum admiratione caperentur, quarum causae erant incognitae, delectas iam ab hominum animis scientias instaurare sunt coacti. Quare probe dictum est ab Aristotele, duplicem olim fuisse inveniendam artium occasionem, urgentem usum, & admirationem. Ob urgentem quidem usum inuenta sunt quae vel ad hominum vitam, vel saltem ad beatiorum vitam erant necessariae: ob solam vero admirationem, quae in sola rerum contemplatione versantur: unde natum est illud, Propter admirari coeperunt homines philosophari. Id quod ex eo etiam constare potest, quod in his locis fuerint primum inuenta, ubi homines primum otio indulserunt. Quo factum fuisse creditur, ut Mathematicae disciplinae circa Aegyptum obortae fuerint, quoniam illic concessum erat, ut sacerdotes otio vacarent. Medicinam vero, ut pote hominibus necessariam, propter urgentem usum inuentam fuisse, rationi est consonum. Dedit autem ipsi, ut reliquis artibus, inuentionis principium experientia: fit enim ars, teste Aristotele, cum ex multis experientiae conceptibus, una de similibus oritur vniuersalis comprehensio. Porro experiendi occasionem necessitas in primis praebuit, cum enim homines vulnerarentur, aut morerentur a serpentibus, aut aliis morbis affligerentur, coacti sunt varia experiri, quae mundi opifex ad hominum usum fecisse videbatur: a quibus aliquos lesos, aliquos adiutos fuisse verisimile est. Quae igitur casu plures iuuarunt, a primis illis hominibus & obseruata, & memoriae mandata diligentissime fuerunt. Sed & imitatio non parum contulit ad Medicinae inuentionem, clysteris namque usum docuit in Aegypto Ibis, rostri aduncitate per eam partem se perluens, qua reddi ciborum onera, maxime est salubre. Et in eadem Aegypto, secundae venae Hippopotamus magister exstitit, qui assidua satietate obesus exit in litus, recedens arundinum caesuras speculatus, atque ubi acutissimum videt stirpem, imprimens corpus, venam quandam in crure vulnerat, atque ita proflauio sanguinis morbidum alias corpus exonerat, & plagam limo iursus obducit. Praeterea herbas, quas a brutis animantibus edocui homines, ad varios morbos depellendos usurparunt: de quibus multa Plinius. Auxit deinde rem quod scribit Herodotus & auctor in reductorii, agros olim palam exponi solitos, ut quod utile, atque experimentis comprobatum unusquisque didicerat, ipsos edoceret. Ab his itaque paruis initiis orta primum Medicina, coepit praecipuis illis temporibus pullulare, & aliquanto magis exulta sensim adulescere. Illi vero habiti sunt primi Medicinae inuectores, qui vel omnium primam Medicinam publice exercebant agrotis operam ferentes, vel quae experimentis comprobata fuerant, in iudicium quandam artem omnium primi redege-

I. Metaph. c. 2.

I. Metaph. c. 2.

Lib. 8. cap. 27.



Li. 7. cap. 56. runt. Verum quinam isti fuerint, non satis constat. Aegyptij: (vt refert Plinius) A  
 Lib. 2. Medicinam apud ipsos repertam volunt: cuius itidem sententiæ est Herodotus,  
 Li. 2. antiq. & Diodorus Siculus, qui Mercurio Medicinæ inuentionem adscribit. Quod &  
 cap. 2. Strabo aperte confirmare videtur, dū Thebanos sacerdotes, Astronomiæ, Phi-  
 Lib. vit. geogra- losophiæque omnis cultores, artium inuentionem Mercurio Trimegisto in pri-  
 phiæ. mis tribuere scribit. Sed vniuersa Græcia Appollinem Iouis filium, primum hu-  
 ius artis auctorem celebrat, quem Deū habitum, ob id Athenienses ἀλεξίπικρον,  
 i. Metamor. quasi malorum depulsores vocabant: & Vestales virgines Romæ in sacris ita  
 Appollinem salutabant, Appollo medice, Appollo Pæan, ita à sedandis morbis  
 nominantes. Vnde est illud Ouidii de Appolline.

*Inuentum Medicina meum est, opiferq; per orbem*

*Dicor, & herbarum subiecta potentia nobis.*


Porro Medicinam his temporibus rudē adhuc & impolitam paullo altius ex- B  
 coluit Aesculapius Epidaurius Appollinis filius, multa inuētis patris adiiciens,  
 atq; ob id in Deorum numerum relatus. Vnde Hyppolitum, & Androgzū Mi-  
 nois filium, ab Atheniensibus interemptum, ad vitā ab eo reuocatos, Græci scri-  
 ptores prodiderunt. Hinc nata olim est cōsuetudo, vt liberati à morbis in Aes-  
 culapii templo, quid auxiliatum esset scriberent; quæ sane à primis illis tempo-  
 ribus ad Antonini Imperatoris etatē perdurauit; vt præ ceteris, ex tabella mar-  
 morea, in insula Tyberina, & in Aesculapii templo Romæ inuenta, & ad hunc  
 Lib. 1. art. gym- vsq; diē (vt refert Hieronymus Mercurialis) apud Marphæos conseruata, collige-  
 naft. cap. 1. re licet, qua Caii, Lucii, Iuliani, Valerii Apri, à grauissimis morbis liberatorum,  
 historiæ Græce descriptæ habentur. Aesculapii deinde duo filii, Podalyrius &  
 Machaon, bello Troiano ducem Agamemnonē sequuti, nō mediocrē opē cō-  
 militonibus suis attulerunt: quos tamē Homerus, nō in pestilētia, neq; in variis C  
 generibus morborū aliquid attulisse auxilii, sed vulneribus tantūmodo, ferro  
 Lib. 29. cap. 1. & medicamētis mederi solitos esse tradidit. Sequentia tēpora, (vt ait Plinius)  
 in nocte dēfissima latuere, forte quod Medicina sapiētiae pars tūc haberetur: mul-  
 tos enim ex sapientiæ professoribus, Medicinæ peritos fuisse accepimus, clarissi-  
 mos vero ex his, Pythagoram, Empedoclē, & Democritū, vt refert Celsus. Pri-  
 mus autē ex omnibus memoria dignis, quingētis post Aesculapiū annis, Medici-  
 nam reuocauit in lucē, & à studio sapiētiae separauit Hippocrates Cous, Demo-  
 criti (vt quidā) aut (vt alii voluerunt) Herodici Selymbriani, & fortasse vtriusq;  
 discipulus. Verisimile enim est, à Democrito Philosophiā, ab Herodico Medi-  
 cinā didicisse. Ceterum & in re medica præceptoribus vsus est pater Heroclida  
 In præfat. & auo Hippocrate, ex nobilissima Asclepiadarū familia. Is itaq; magnus, & di-  
 Ex epist. Pæti. ad Artaxerxē. uinus Hippocrates, iis quæ à suis progenitoribus acceperat, multa adiiciens, quæ  
 & ratione, & longa obseruatione sibi cōparauerat, ex multis particularibus ge-  
 Arift. 1. meta- neralia præcepta, & ex his rursus artē constituit. Nā vt plures eiusdē rei memo-  
 phy. cap. 1. riæ vnius experientiae facultatē, sic plures experientiae vnā artē efficiunt. Quare  
 In præfat. lib. i. sago. nō immerito hunc Hippocratē, ceu primū huius artis auctorē, in hunc vsq; diē  
 medici omnes coluerunt. De quo Soranus, Medicinā quidē inuenit Apollo, am-  
 plificauit Aesculapius, perfecit Hippocrates. Quamuis (si verū fateri licet) ceu  
 primus inuētor, nec debitū ordinē omnibus dedit, neq; omnia ad vnguem de-  
 finiuit, sed in quibusdam limitationes quasdam omisit, obscureq; plurima  
 pro antiqua dicendi breuitate interpretatus est. Neq; vero patris inuentis  
 magnam lucem attulisse videntur Thessalus & Draco Hippocratis filii, neq;  
 etiam



A etiam ambo Hippocrates ex Thessalo & Dracone eiusdem nepotes, imo neque Polybus, in discipulis docendis Hippocratis successor. Quamvis enim hi clarissimi in arte exstiterint, Hippocratisque dogmata amplexi fuerint, nulla tamen posteris monumenta reliquerunt, aut certe paucissima, eaq. & imperfecta, & parum accurate scripta, quorum pleraq. nunc falso Hippocrati adscripta circumferuntur. Qui hos subsequuti sunt viri insignes, Diocles, Praxagoras, Chryseppus, Herophilus, Erasistratus, & alij quamplurimi, tantum abest, ut Hippocratis artem interpretari, aut augere tentarent, ut nouas etiam sectas condiderint, & in diuersas curandi vias diuerterint. Ac in tua profecto medicorum contentione, assiduoq. contradicendi studio, ars Hippocratica, ne omnino intercideret, maxime periclitabatur: nisi Claudius Galenus Pergamenus, medicorum omnium facile princeps, labenti iam ipsi opem tulisset. Is patre Nicone duobus & quinquaginta annis supra quingentos (si Gilberto Genebrardo credimus) post Hippocratem natus, quæ ab Hippocrate recte inuenta fuerant, ita diligenter excoluit, ut artem totâ perfecit, omnibusq. numeris absoluerit. Quippe quæ satis distincta non fuerant, in certum ordinem redegit: quæ non recte definita, definiit: prætermissa addidit, obscureq. dicta explicauit. Ab hoc limpidissimo sapientiæ fonte plures doctrinæ riuuli in posteros dimanarunt, Græcos, Latinos, & Arabes: quidquid enim in his aut recte dictum, aut scitu dignum legitur, Galeno acceptum referri merito debet. Quamobrem licet quamplurimi in arte medica floruerint viri præstantissimi, Hippocratem tamen & Galenum, duo Medicinæ numina, tamquam primos huius artis auctores, venerari, ac colere oportet Medicinæ studiosos.

In chronographia.

### De sectis Medicorum. Cap. III.

C  E medicorum sectis pauca hoc loco dicemus, ne tironum ingenia rei difficultate confundantur. Tres olim celebres medicorum sectæ floruerunt. Rationalis, Empirica, & Methodica: vnde factum est, ut ex medicis alij rationales dicti sint, alij empirici, alij vero methodici. Rationales quidem, quod in curandis morbis rationem vsui accommodarent, id nominis sunt sortiti: quemadmodum Empirici, quod *ἐμπειρίαν* id est experienciâ solâ sequerentur: & Methodici, quod in curatione morborum se methodum perpetuo seruare profiterentur, quamvis reuera essent à methodo alieni. Solam enim rationem, ac vniuersalem methodum sequuti, experientiam contemnebant: in morbisq. curandis communibus dumtaxat indicationibus contenti erant, particularibus omnino neglectis. Empirici contra sola experientia contenti, rationem in omnibus neglegebāt: corporis, & partium naturam ignorabant: morborum & symptomatum differentias & causas contemnebant: ad morborumq. dignotionem ac curationem, syndromem quendam, id est signorum concursu potissimum utebantur. At Rationales, corporis constitutionem, partiumq. naturam inuestigant: morborum, & symptomatum differentias & causas ad vnguem tenent, morborumq. curationem certissima methodo aggrediuntur: quam ex solis communibus indicationibus nequaquam constituunt, sed particulares etiam quasi vtiliores adiungunt. Atqui cum rationem sequantur, experientiam quoq. libenter admittunt: quorum alterum si deficiat, medicum in artis operibus claudicaturum arbitrantur, non secus ac corpus altero deficiente crure. Porro variae istæ sectæ varios habuerunt auctores.



In præfat. li. i.

Li. 29. de nat.  
hist. cap. i.

Cap. i.

Cap. 4.

Rationalis omnium vetustissima magnum illum Hippocratem, primum aucto-  
rem agnoscit: post quem floruerunt Diocles Carystius, Praxagoras Cous, Hero-  
philus Calcedonius, Erasistratus Chius, Mnesitheus Atheniensis, Asclepiades  
Bithynus, & tandem noster Galenus, qui eiusdem rationalis sectæ diligentissi-  
mus cultor extitit, & acerrimus propugnator. Empirica incertum auctorem ha-  
bet, Celsus enim Serapionem Alexandrinum omnium primum fuisse scribit,  
qui rationalem disciplinam nihil ad Medicinam pertinere professus, in usu &  
experimentis ipsam collocavit. Plinius tamen empiricam factionem in Si-  
cilia coepisse commemorat ab Acrone Agrigentino, Empedoclis Phyci au-  
doritatem commendato. Cui etiam fauet auctor lib. de subfig. empi. qui Acronē  
primum Empiricæ disciplinæ scriptorem fuisse testatur. Sed auctor introducto-  
rij refert, Empiricæ præfuisse Philinum Coum, qui primus eam à rationali sepa-  
rauit, occasione ab Herophilo suo præceptore accepta. Refert idē, Empiricos  
ut suam sectam Rationali vetustiore efficerent, Acronem Agrigentinum suæ  
sectæ conditorem celebrasse. Vtūq; verò res habeat, Acronem horū omniū  
vetustissimum fuisse constat, quem sequuti sunt Crito, Philistio, & Serapio, qui  
Acrone quidem iuniores, ceteris autē Empiricis vetustiores fuerunt: quamvis  
(si auctori introductori adhibenda sit fides) Serapionem Philinus præcesserit.  
Floruerunt deinde Apollonij duo, pater & filius, Antiocheni: quos sequuti Me-  
nodotus & Sextus hanc sectam exacte corroborarunt. Methodicæ tandem se-  
ctæ princeps fuit Themison Laodiceus Syrius, Asclepiadis auditor. Eā postea  
excoluit maxime, atq; absoluit Thessalus Trallianus, in quem passim Galenus  
invehitur. Post hos fuerūt Mnaseas, Dionysius, Proclus, Antipater, & alij, quos  
longum esset recensere. Cum igitur Rationalis secta à tot, tantisq; viris exulta,  
omnium tutissima sit, ac vetustissima, hanc solam æquum erit Medicinæ studio-  
sos profiteri.

*Quid sit Medicina. Cap. III.*



Medicina, si vim nominis spectes, est ars medendi: unde constat Me-  
dicinæ nomen non toti arti, sed soli parti curatrici convenire, atq;  
hinc factum esse, ut veteres Philosophi, ac Medici, totam artē sine  
proprio nomine reliquerint. Id enim est quod scribit Plato in  
Gorgia, Cum res duæ in homine sint (corpus scilicet & anima) ar-

tes esse geminas arbitror, & artem quidem ad animam pertinentem, civilem nun-  
cupo, eam verò quæ ad corpus, nomine vno nominare non possum, sed huius ar-  
tis vnius quæ curat corpus, duas pono particulas, alteram quidem gymnasticā,  
alteram medicinam. Quæ sane Platonis verba & totam artem ad corpus perti-  
nentem proprio nomine caruisse, & solam partem curatricem vocatam fuisse  
medicinam, apertissime declarant. Cum verò medicinæ opposuerit gymnasti-  
cam, hanc proculdubio cum parte salubri videtur confudisse: quod an recte fe-  
cerit, non est huius loci explicare. Iam vero Erasistratus, cum totam artem (ut re-  
fert Galenus) absq; nomine etiā reliquisset, eam in duas partes distribuit, qua-  
rum alteram recte salubrem, alteram verò medicinam appellavit. Et ut totius  
artis partes distinxit, sic quoq; & artifices, nam eum qui sanitatem tuetur voca-  
vit salubrem, eum verò qui morbos curat, medicum. Verum quamvis vni tan-  
tum artis parti Medicinæ nomen olim conveniret, procedente tamen tem-  
pore factum est, ut totam artem hoc nomine donarint: quod & quampluri-  
mis aliis rerum appellationibus accidisse experimur. Quippe Geometras ap-  
pellamus

In Thras. c. 38.



- A pellamus, non eos solum qui circa plana, sed eos etiam qui circa solida versantur, quos nemo Stereometras vocarit. Trierarchas quoque veteres Græci solos triremium principes appellabant, postea vero & navalis exercitus quoscunque duces eodem nomine vocarunt. Quamvis ergo Medicina proprie significet artem medendi, & Medicus proprie dicatur artifex is qui morbos curat, loquendi tamen usus ita increbuit, ut & partem artis salubrem, medicinam, & eum qui sanitatem tuetur, medicum nunc appellent. Sed cur cum duæ sint præcipuæ totius artis partes, salubris & curatrix, ab hac potius quam ab illa appellationem sortita est? An quia, ut Galenus ait, pars curatrix (utpote cuius usus magis urgebat) prius inuenta fuit, deinde vero per multum otium adiecta pars salubris? Cum enim ars curatrix medicina vocaretur, ne novum nomen adiecta postea parte salubri inuenire cogerentur, totam artem antiquo nomine Medicinam appellarunt; ab ea artis parte sumpta appellatione, quæ & magis est necessaria, & à primis illis auctoribus primo fuit constituta. Sed præter definitionem nominis, plures aliæ sunt, quæ Medicinæ essentiam, quantum rei natura patitur, explicant; quarum aliæ ex fine, aliæ ex subiecto, aliæ ex totius artis partibus, aliæ tandem ex officio desumuntur. Ex fine sic definitur à Galeno, Medicina est ars cuius finis est sanitas: vel ars sanitatis procuratrix. Ex subiecto sic, Medicina est ars, quæ versatur circa corpus humanum: vel ars corpori humano tuendo dicata. Ex partibus in quas dividitur, antiqui scriptores Medicinam dixerunt esse salubrium & in salubrium scientiam: & Galenus, scientiam salubrium, insalubrium, & neutrorum. Nam totius Medicinæ duæ partes constitui possunt, salubris & insalubris: aut etiam tres, si neutram addideris. Tandem definitur Medicina ex medici officio, veluti cum a Galeno dicitur ars correctrix viciorum corporis humani: nam eiusmodi vicia corrigere unicum est medici officium. Eiusdem generis est hæc altera definitio, Medicina est ars egrorum curatrix, & sanorum conservatrix: sunt enim & hæc duo medici munera, sanitatem tueri, & morbos curare. Huc itidem pertinet definitio ab Hippocrate tradita. Medicina est adiectio & detractio: quæ argutuli quidam sophiste tamquam inartificiofam calumniatur, quasi a vetustissimo, & brevitatis studiosissimo Hippocrate, exactâ definiendi ratione suis adhuc temporibus incognitâ expectare, oporteret. Vis igitur eius definitionis hæc est, Medicina est ars quæ docet rationem adiaciendi & detrahendi à corpore humano. Quare non immerito hanc Medicinæ definitionem, tamquam utilissimam commendat, & amplectitur Galenus, utpote, quæ generalia medici officia brevissime comprehendat, quæ duo sunt, adiacere, & detrahare: detrahare quidem quæ redundat, & quæ desunt adiacere. Quoniâ vero Medicinam definiens Galenus, artem plerumque interdum scientiam ipsam appellat, magna inter recitiores medicos orra est de hac re controversia, sentientibus aliis esse scientiam, aliis artem, alius scientiam simul & artem, aliis partem ipsius scientiam, partem vero artem; aliis tandem facultatem quandam ex arte & scientia compositam. Sed qui attente legerit, quæ de propria scientiæ & artis ratione atque utriusque discrimine ab Aristotele sunt tradita, is certo intelliget, Medicinam artem esse, non scientiam. Quippe cum Medicina habitus quidam sit ad faciendum aliquid vera cum ratione idoneus, & tractet ea quæ & esse & non esse possunt, quorum principium situm est in eo qui facit, non autem in eo quod fit, ars merito censeri debet, nequaquam scientia. Quare sicubi a Galeno aliisque auctoribus scientia dicitur, scientiæ nomen latius patere intelligendum est, ita ut artem etiam comprehendat. Quod & idem Galenus in arte medica recte observavit,

In Thras. cap. ult.

Ibidem.

In Thras. c. 5.

De cost. a. r. c. 3.

Ibidem.

Lib. 1. de sanit. tuen. cap. 1.

Lib. de sectic. r.

In ar. med. c. 2.

In Thras. c. 39.

In Thras. c. 5.

Lib. de flatu.

Lib. II. metho. med. cap. 4.

Lib. 6. ethico. cap. 3. & 4.

Cap. 2.



Lib. 6. Metaph.  
cap. 1.

nam cum dixisset, Medicinam esse scientiam salubrium, insalubrium, & neutro- A  
rum, scientiæ nomen communiter, non proprie, in ea definitione usurpari do-  
cuit: Aristotelem scilicet imitatus, qui artes interdum cum scientiis confundit.  
Id quod tum ex aliis, cum potissimum ex ea diuisione intelligitur, qua scientias  
omnes ipse diuidit in contemplatrices, actrices, & effectrices: certum enim est  
solas contemplatrices vere ac proprie esse scientias, actrices verò & effectrices,  
artes esse dumtaxat, non scientias.

*In quo artium genere contineatur Medicina.*

*Cap. V.*

In Thrasyl.  
cap. 24.



In Thrasyl.  
cap. 28.

Ibidem.

Lib. 6. Meta.  
cap. 1. & 2.

Lib. 1. de fac.  
nat. cap. 2.

Lib. de eff. art.  
med. cap. 2. &  
in Thrasyl. c. 30.

Aria artium genera, ex fine potius quam actionibus, materia, præ- B  
ceptis, aut instrumentis, à se inuicem distinguenda esse ratio mō-  
strat. Quippe cum plures vnius artis actiones esse possint, vt in Me-  
dicina ossium luxatorum in propriam sedem restitutio, partis cor-  
ruptæ abscisio, & aliæ quamplurimæ, nullo vnquā pacto ex actio-  
nibus distinguuntur. Et quamuis vnica esse possit totius artis, vniuersalis actio,  
(vt in Medicina humani corporis vicia corrigere) hæc tamen comparandi finis  
gratia perpetuò exercetur, nisi fortasse & ipsamet actio finis sit artis. Præterea  
neq; ex materiis recte artes distingui possunt, quia materia vna pluribus arti-  
bus interdum subiicitur, vt lignum ædificatoriæ, nauium extructoriæ, & similibus,  
& corpus humanum Philosophiæ naturali, & Medicinæ. Et licet eiusdem mate-  
riæ, siue subiecti, diuersa sit in diuersis artibus ratio, (nā corpus humanū, vt cor-  
pus naturale est, Philosophiæ subiicitur, Medicinæ verò, quatenus capax est sa- C  
nitatis & morbi) cum tamen propria subiecti ratio in singulis artibus pendeat  
ex fine, ab hoc potius quam à subiecto, petenda erit artium distinctio. Huc etiā  
accedit, quod plures in vna arte materiæ reperiri possint, vt in Medicina corpus  
humanum, cibus, potus, & medicamenta: hæc enim omnia Medicinæ materia di-  
cuntur, diuersa tamen ratione, vt postea dicemus. Neq; vero ex præceptis recte  
artes distinguuntur, quia licet in singulis artibus propria quædam præcepta sint,  
hæc tamen propria esse iudicantur, quod ad finem artis comparandum sint uti-  
lia. Porro cū & plura sint in vna arte instrumenta, & plura pluribus artibus pos-  
sint esse communia, & instrumentis vtatur artifex gratia comparandi finis, ex in-  
strumentis artes distingui non posse constat. Reliquum igitur est, vt cum Aristo-  
tele & Galeno varia artium genera ex diuersitate finis constituentur. Cōstituit  
autem Aristoteles tria artium genera, artes scilicet contemplatrices, actrices, D  
& effectrices. Contemplatrices dicuntur, quarum finis sola est contemplatio,  
nudaq; rerum cognitio, & veritas, quæ solæ sunt vere, ac proprie scientiæ, cuius  
generis sunt Physica, Metaphysica, & Mathematicæ disciplinæ. Actrices sunt,  
quarum finis est aliqua actio, ex qua nullum opus ostendi potest: vt ars saltatrix,  
& citharistica. Effectrices autem vocantur, quarum finis est opus ex actione reli-  
ctum, qualis est ars ædificatoria, & pictoria: vnde perspicuū est inter artes actio-  
nis & effecttionis discrimen, quæ tantum differunt, quantū actio & opus. Est au-  
tem actio, auctore Galeno, motus actiuus, opus vero, quod factū iam, atq; com-  
pletum, ex actione relinquitur: veluti cum cibus in sanguinem cōuertitur, actio  
quidem, motus est iecinoris, quod sanguinem generat, opus vero, sanguis a ieci-  
nore genitus. His tribus artium generibus ab Aristotele traditis quartum aliud  
addit Galenus, earum scilicet quas adquisitiuas, aut possessorias vocat, eas  
sine



- A fine etiam à reliquis distinguit : neque enim harum finis contemplatio est , aut actio, aut opus, sed res aliqua possidenda , cuius sane generis est ars piscatoria, & in vniuersum artes omnes venatoriæ. Putat Argenterius, frustra à Galeno additum fuisse quartum hoc genus, cum artes possessoria sub effectricibus comprehendendi possint ; quamuis enim, inquit, nullum opus efficiant possessoria, aliquid tamen circa opus iam factum moluntur . Alij itidem possessorias ad effectrices ob hanc causam reuocandas esse volunt, quia quod possidemus, nostrum quodammodo facimus . Ceterum cum fines sint maxime diuersi, opus ex actione relictum, & res ipsa possidenda, nullumq; ex artificis actione opus in artibus possessorii relinquitur, nitanturq; ipsæ plerumq; acquirere, neq; à se ipsis, neq; ab aliis artibus, sed à sola natura factum opus, non citra rationem videtur Galenus, artes possessorias ab effectricibus distinxisse. Cum igitur quattuor sint artium genera ex finis diuersitate recte constituta, inquirere nunc oportet, in quo genere contineatur Medicina. Atqui nemo dixerit, artem esse contemplatricem, cum in nuda rerum cognitione nequaquam versetur, sed ad actiones aliquas necessario descendat, veluti ad morborum curationem, aut sanitatis custodiam. Sed neq; possessoria esse potest, cum ipsius finis non sit res aliqua possidenda: quamuis auari, ambitiosi; Medici ( quorum maxima turba nostris hisce temporibus inuenitur) dum gloriam, aut quæstum tamquam scopum sibi proponunt, ad artes possessorias violenter ipsam detorqueant. Sed fines huiusmodi, artis non sunt, sed prauorum artificum . Erit ergo Medicina, vel ex actricium, vel ex effectricium numero. At cum ex actione medici aliquod relinquitur opus, nempe sanitas, erit haud dubie Medicina, ars potius effecttionis quam actionis. Porro artium effectricium duplex genus statuit Galenus in Thrasylulo, quædam enim aliquid efficiunt quod antea non erat, vt ars textoria; aliæ vero, opus antea factum aliqua ex parte viciatum, corrigunt, instaurant, & veluti resarciunt, vt ars quæ contritos calceos resuit, & quæ vestes resarcit dilaceratas. At lib. de const. art. med. posteaquam hoc duplex effectricium artium genus proposuit, in arte ædificatoria duo simul reperiri munia docuit, cum & domum à fundamentis erigat, & eandem, vbi ruinam minatur, instauret. Quibus verbis haud dubie significauit, tria esse artium effectricium genera, ita vt aliæ nouum opus efficiant, aliæ opus antea factum instaurent, aliæ vero vtrumq; præstent. Quod multo etiam clarius docuit lib. de opt. sect. ad Thrasyl. dicens, artium alias ea quæ non sunt efficere, qualis est nauium extructoria: alias, quæ facta sunt conseruare, qualis est nauium gubernatrix: alias tandem vtrumq; præstare, qualis est ædificatoria. Ceterum nihil interest, aut duo, aut tria effectricium artium genera statuere, cum tertij generis artes & ad primum, & ad secundum genus pertineant, & ex vtroq; tertium illud componatur. Illud fortasse dubium videri possit, quod artes secundi generis nunc rem factam resarcire, nunc conseruare dixerit, quæ videntur esse diuersa. In idē tamen hæc recidunt, quoniam & conseruare, resarcire quoddam est, nam qui exercitum, aut ciuitatem conseruare dicitur, aliqua ex parte illa necessario instaurat: & qui sanitatem tuetur medicus, humanum corpus aliquo modo resarcit, vt postea dicemus. Quare satis nunc fuerit, in quo artium effectricium genere Medicina sit, inuestigare. Scribit aliquando Galenus, esse ex earum numero quæ rem factam corrigunt, neq; nouum opus faciunt, aliquando vero inter eas artes Medicinam reponit, quæ & faciunt & conseruant. Neq; aliqua est in his Galeni locis cōtradictio, cū vtræq; sententia sit vera. Quippe si consideremus Medicinæ subiectum, erit ex numero

Com. in art. med. pag. 45.

Lib. 9. de Hipp. & Plato. decret. cap. 5.

Cap. 30.

Cap. 3.

Cap. 5.

In Thrasyl. cap. 30. & lib. de const. art. med. cap. 3. Li. de opt. sec. cap. 5.

A 5 artium



artium quæ nouum opus nō faciunt, sed factum dumtaxat refarciunt: neq; enim **A** Medicina corpus humanum facit, sed ipsum à natura factum perpetuo instaurat, ac corrigit. Si verò cōsideremus Medicinæ finem, erit potius ex genere artium quæ & nouum opus efficiunt, & factum conseruant: nam quando morbos curat, & nouam efficit sanitatem, quando verò sanitatem tuetur, ipsam factam conseruat. Sed & solius finis habita ratione, Medicina verè dicetur nouum opus nunquam efficere, quia sanitas quæ aëgris restituit, iam antea erat, cū sit nobis congenita.

*De Medicinæ fine. Cap. VI.*

Lib. 1. Metho.  
med. cap. 7.

Lib. 1. ethi. c. 1.  
De cōst. ar. me.  
c. 3. & in Thra.

cap. 27. & 29.  
Lib. 1. de ratio.  
vid. com. 3.

1. Metaph. c. 3.  
2. de part. cap. 1.



**M**ULTAE olim fuerunt (vt refert Galenus) de Medicinæ fine veterum medicorum opiniones, earq; absurdæ, quod varias medici actiones cum Medicinæ fine confuderint. Aristoteles tamen verissime sentit, sanitatem esse Medicinæ finem: quam sententiā amplectitur quoq; Galenus, vbicunque de hac redisserit. **B**

Quamuis enim non exstat liber, quem de fine Medicinæ se conscripisse fatetur, ex pluribus tamen locis, idem cum Aristotele sensisse constat. Sed & propria finis ratio idem ostendit: finis enim ex Aristotele est id cuius gratia cetera fiunt, vel id in quod motus si nihil impediatur, terminatur: & priuatim vniuscuiusq; artis finis dici solet id ad quod omnia artis præcepta referuntur, ipsum verò aliò non refertur. Cum itaq; sanitatis gratia omnes suas actiones exerceat medicus, earq; semel parta ab agendo prorsus cesset, & omnia medicæ artis præcepta ad sanitatem referantur, ipsa verò non referatur aliò, necessario fateri oportet, sanitatem esse finem Medicinæ. Siquis vero forte contendat, sanitatem alio referri, nempe ad actionum robur, & corporis pulchritudinem, quorum causa expetitur sanitas: is sane intelligat, medicum quidem parta sanitate ab agendo quiescere, corporis autem pulchritudinem & actionum robur ab ægris ipsis expeti, esse tamen vt Galenus ait, veluti fructus quosdā sanitatis. Sed videtur Galenus sibi contradixisse, cum lib. de sect. ad eos qui introd. sanitatē Medicinæ scopum, nō finem statuerit: Id, inquit, quo Medicina intendit (Græce σκοπός) sanitas est, hanc verò ipsam parare, artis eiusdem est finis. Quam sententiam falsam esse iudicans Argenterius, Galenum venia dignum esse sentit, quòd tradat eo libro, non tam quæ vera sunt, quam quæ rudioribus, ad quos scribebat, aptiora videri poterant. Atqui ego non video, cur aptius videri possit tironibus, finem Medicinæ esse sanitatem comparare, quam ipsammet sanitatem. Adde, quòd eandem sententiam repetat lib. de opt. sect. ad Thrasy. his verbis. Sed mehercule ignorant artis vnum esse propositum, sanitatē scilicet, finemq; vnum, qui est eius consequutio. Præstat ergo dicere, Galenum aliquando finem cum scopo confundere, interdum verò alterum ab altero distinguere. Confundit quidem, tum alibi, cum potissimum lib. de cau. procataret vbi ita scribit, Vnde hæc omnia ad idem genus atinent, siue id dicas propter quod aliquid factū est, siue vtilitatem generationis eius, siue finem, siue scopum, nam nec quidquā inter hæc interest. Alibi vero hæc distinguit, scopum vocans finem eum quem mente primum concipit artifex, & à quo ad agendum incitatur, finem autem eius scopi consequutionem. Nam in Thrasybulo sic habet, Id sane omnibus effectricibus artibus propositum est, neq; etiam finis aliud quidpiam, quam propositi consequutio fuerit. Quando igitur scopum cum fine cōfundit, sanitatem inquit esse Medicinæ finem, quando vero finem à scopo distinguit, sanitatem **C**

In Thra. c. 24.  
Cap. 1.

Comu. in art.  
med. pag. 53.

Cap. 5.

Cap. 1.

Cap. 12.

Medi-



A Medicina scopum constituit, finem autem sanitatis consequutionem. Neq; de ratione finis est, vt artifex ipsum semper assequatur. Nam vt victoriam non semper ab hostibus reportat optimus imperator, neque orator eloquentissimus ornate dicendo semper persuadet: ita nec medicus suo etiam munere optime functus, semper curare potest. Atq; hæc meo iudicio præcipua est ratio, cur Medicina vere dicatur, ac sit, ars cōiecturalis. Neque enim aliud voluit Galenus lib. de opt. sect. ad Thrasyl. vbi postquam reprehendit eos, qui artem medicam ratione præceptorum cōiecturalem esse voluerunt, ab actione potius & medentium opera cōiecturalem dici verissime docuit. Quem sane locum pessime interpretatur Argenterius, sentiens velle Galenum, Medicinam cōiecturalem dici, non ex iis quæ proprie ad se pertinent, sed tantum per accidens, ex artificii

Cap. 4.

Com. in art. med. pag. 49.

B scilicet & medentium vicio, vel potius officio: ita vt medici vicia, vel officia, quæ in particularibus versantur, in artem ipsam redundent. Atqui nihil minus voluit Galenus, cui satis perspectum erat, Medicinam per se, & propria sui natura cōiecturalem esse, etiam si nullum in medendo errorem commiserit medicus. Voluit itaq; Galenus ab actione & medentium opera Medicinam cōiecturalem dici, non quòd medicus agendo erreret, sed quòd actio & opera medici, artis etiam præcepta ad vnguem seruantis, incertum euentum habeat, cū finem sibi propositum non semper assequatur. Hanc autem fuisse Galeni mentem ex iis quæ statim subiunxit, facile intelligitur, reddēs enim rationem cur Medi-

C cina cōiecturalis dicatur ab actione & medentium opera, ad hunc modum scribit: Hæc enim incertū euentum habens, cōiectricem artem reddit, nā omnium artium præcepta æque firma sunt & constantia. Verum quoniam non omnium artium finis semper attingi potest, eò fit, vt ipsarum nonnullæ cōiectrices appellantur, quæ incertum ancipitemque, vt dixi, euentum habent. Id ipsum significauit auctor introductorij, qui duplex artium genus in vniuersum statuens, artes quasdam finem semper consequi, alias verò finem quidem desiderare, non tamen semper, sed vt plurimum attingere, atq; has cōiecturales vocari, & ex earum numero Medicinam esse, verissime scripsit. Ceterum quamuis hæc propria sit ratio artium cōiecturalium, vt finem semper non assequantur, aliquando tamen Galenus ad quantitatem remediorū, & affectuum dignotionem, causam retulisse videtur, cur Medicina sit ars cōiecturalis. Nam lib. de sang. miss. ad quantitatem retulit, sic scribens. Nihil æque medicam artem in suis actionibus cōiectricem efficit, atq; cuiusq; remedij quantitas. At lib. 2. de comp. medi. sec. loc. ad dignotionem potius retulit. Quod enim, inquit, artis cōiecturale est, id maxime in affectionum cognitione consistit. Neq; propterea credendum est

Cap. 5.

Cap. 12.

Cap. 1.

66 pugnantiā dixisse Galenum, quamuis enim cōiecturalis dicatur Medicina, quia non semper assequitur finem, remediorum tamen quantitas & dignotio affectuum, vere dicuntur Medicinam cōiecturalem efficere, quia hæc potissimum impediunt, quò minus finem sibi propositum medicus consequatur. Quantitas quidem, quia vt Galenus dicere solet, quod nec dici, nec scribi, nec omnino præcipi potest, id quantitas in vnoquoq; est: dignotio vero, quia licet interdum hæc certa esse possit, & veluti scientifica, plerumq; tamen artificiosa dumtaxat cōiecturæ innititur. Neq; vero existimet quispiam, Medicinæ dignitati atque præstantiæ aliquid detrahi, quòd inter artes cōiecturales recenseatur, id nāq; commune habet cum Iurisprudencia & scientia militari, nobilissimis quidem artibus, cōiecturalibus tamen, cum suo fine aliquando frustrentur.

Lib. 3. metho.  
cap. 3. & lib. 1.  
de art. cur. c. 8.  
Lib. de loc. affect. c. 1.

DE SVB.



Lib. 1. Retho.  
ad Theod. c. 2.  
Lib. 1. aph. 1.  
com. & in Thra  
syb. cap. 28.



Idetur Aristoteles Medicinæ subiectum statuisse corpus omne quod ægrotare, sanariq. potest. Galenus tamen locis pene innumeris, aliq. omnes medici, corpus humanum Medicinæ subiectum meritò constituunt, cum circa hoc solum Medicina versetur.

Quare aut ad humanum, corpus coarctari debet quod ab Aristotele dictum est, aut dicendum, considerasse ipsum vniversalem quandam Medicinam, quæ de sanitate & morbis viuentium omnium differat, animalium inquã, & plantarum, & plures particulares medicinas sub se comprehendat. Nam & veterinaria, medicina quædam est, quæ priuatim circa iumenta versatur: & venatores artē norunt, qua medentur canibus, & auibus: & pastores ouibus, capris, & bobus. Neq. agricolis medicina deest, cuius beneficio plantarum saluti consulant, & earundem morbos curent. Huius ergo vniversalis medicinæ subiectum est corpus omne quod ægrotare, sanariq. potest, eius verò quam per excellentiã Medicinã simpliciter appellamus, propriũ subiectũ est corpus humanũ, quatenus scilicet capax est sanitatis & morbi.

Li. 6. Meta. c. 1.

Aphor. 1. lib. 1.  
in com.

Quod si artium, scientiarumq; dignitatem ex nobilitate subiecti (vt Aristoteles voluit) metiri oportet, quis primum dignitatis gradum inter reliquas omnes artes Medicinæ non concedat, quæ circa corpus omnium quæ sub cælo sunt nobilissimũ perpetuo versatur? Huius subiecti præstantiam expendens Hippocrates, periculosam esse in arte medica experientiam, summo cum consilio animaduertit. Neq; enim, vt inquit Galenus, lateres, lutum, ligna, lapides, regulæ, aut coria, artis medicæ, sicut aliarum sunt materia, in quibus mulierariam citra cuiusquam offensam licet quid possis experiri, & circa eam materiam ad theorematum meditationem & confirmationem versari: quod in lignis fabri lignarii faciunt, in coriis coriarii. Ligna enim & coria si male tractando labefacta uerint, nullum inde cuiquam imminet periculum: in corpore autem humano ea tentare quæ non sunt experientia comprobata, periculo nõ vacat, cum temerariæ experientiæ finis sit hominis interitus. Quoniam vero proprium artium subiectũ dici quoq; solet materia, aut materia subiecta, parum profecto retulerit, corpus humanum Medicinæ subiectum, aut materiam dicere: dummodo obseruemus, materiam ex sententia Galeni duplicem esse, materiam in qua, & materiã ex qua. Materia in qua ea dicitur, cui aduenit finis, nempe sanitas: talisq; materia est corpus humanum, vt hactenus diximus. Materia vero ex qua ea appellatur, ex qua fit, vel comparatur finis: talis vero est multiplex genus instrumentorum, quibus vtitur medicus ad tuendam, vel restituendam sanitatem: de quibus mox agemus.

In Thras. c. 28  
& li. 2. de cris.  
cap. 9.

### De instrumentis medici. Cap. VIII.

Lib. 3. epid.  
par. 3. com. 9.



RIA sunt in vniuersum instrumenta, quibus vtitur medicus ad comparandum finem, diata, medicamenta, & chirurgia. Dieta, id est ratio victus ex pluribus perficitur, quæ tamẽ eadem non sunt in sanis, & ægris. In sanis quidem tota ratio victus, vt docet Galenus, consistat cibo & potu, exercitatione & otio, frictionibus, somno, & vigilia, animi pathematis, balnei, ac veneris, atque vt vnoverbo dicam, earum omnium rerũ vfu, quas vulgo non naturales appellant. In ægris vero victus rationem vocat Galenus curationis ductum, qui per consuetas materias efficitur. Perficitur autẽ

Lib. 1. de rat.  
vid. in morb.  
acut. com. 6.

his



## PROLEGOMENIS.

**A** his quinque potissimum remediis, eodē Galeno auctore, cibo, potu, perfusionibus, cataplasmatis, & clysteribus. Præter diætā maximus quoque usus medicamentorum est, quæ insignia sunt ad morbos depellendos instrumenta. Hæc autē vel simplicia sunt, vel composita: & rursus vel assumuntur intra corpus, vel exterius adiuuentur. Ad chirurgiam, id est manuum operā, peculiaria instrumenta quæ plurima referuntur, ut fasciæ, cucurbitulæ, scalpri excisorii, terebellæ, & quæ eiusdem sunt generis. Porro hæc tria instrumenta Galenus aliique medici vocare solent auxiliorum, vel remediorum materias, unde & materia medica sæpe dicuntur, materia inquam ex qua, non materia in qua, ut antea annotauimus. Quæ sane materiæ medicæ appellatio medicamenti præceteris conuenit, nam & insigne illud Dioscoridis opus, quod medicamenti dicatum est, de medica materia inscribitur.

lib. ii. metho-  
d. cap. 15.



### De Medici officio. Cap. IX.

**B** I recte demonstratū est Medicinam esse artem viciorum corporis humani correctricem, vnicum profecto erit generale medici officium, vicia scilicet humani corporis corrigere. Quod quidē in corporibus ægris nemini dubium esse potest, cum morbi vicia quædam corporis sint: in sanis vero, iisque potissimum quæ optime temperata sunt, difficile cuiquam videri possit, cum hæc nullam correctionem, sed solā cōseruationem exposcant. Nihilominus tamen & sanis sua insunt vicia, quæ emendari postulant, non magna illa quidem, aut multum insignia, qualia insunt ægris, sed minima, & præ exiguitate fere insensibilia; quæ à triplicis partiū substantiæ dissipatione, quæ actione innati calidi sit, & excrementis quæ secundum naturam coaceruantur, ortum habere solent. Quorum naturam, corrigendique rationem optime explicauit Galenus similitudine vestis, ex qua subtegminis fila sensim extraherentur, & sensim quoque mox reponerentur. Quomodo etiam discrimen inter sanorum ægrotantiumque corporum vicia, & vtrorumque correctionē, alterā accommodatissima similitudine declarauit, duorum scilicet doliorum, quæ liquore quopiam plena sint, multis tamen in locis perforata, cuius rei occasione inaniantur: ita tamen ut in alterum dolium tantum humoris sensim quis ingerat, quantum sensim elabatur; alterum vero magnā ex parte inaniri sinat, atque ita inane repente postea impleat. Ex quibus recte tandem concludit, Medicinam sanorum ægrotantiumque vicia vno modo corrigere, correctionisque differentiam in quanto, non in quali versari. Quoniam vero dum humani corporis vicia corrigit medicus, aliquid necessario adiecit, aut detrahit, hæc duo etiā statui possunt minus generalia medici munera, adiecere, & detrahere: hinc namque Medicina dicta est Hippocrati adiectio & detractio. Ac rursus, quia dum exigua vicia corrigit medicus, sanitatem tueri, dum vero magna emendat, morbos curare dicitur: hæc duo itidem erunt minus adhuc vniuersalia medici officia, ex duabus Medicinæ partibus maxime præcipuis constituta, sanitatem scilicet tueri & morbos profligare. Sed & plura alia assignari possunt medici munera particularia, nam quot sunt partes medicinæ salubris, totidem esse possunt peculiaria medici qui sanitatem tuetur, officia. Et rursus quot sunt partes medicinæ curatricis, totidem esse possunt peculiaria munera medici qui morbos curat. Atqui Medicinæ salubris quattuor esse partes, postea docebimus, quare & quattuor erunt officia medici qui sanitatem tuetur, nempe bonum corporis habitū cōseruare, salubrem

In Thra: c. 30.

In Thra: c. 19.

Cap. 20.

Lib. de Nat.

Lib. i. de  
tuen. cap. 1.

statum



## DE ARTIS MEDICAE

atum custodire, vel ad meliorem reducere: conualescentes, & extreme senes A  
reficere: & eos qui iā fere labuntur, ab imminentibus morbis præseruare. Ostē-  
demus itidem, tres esse partes medicinæ curatricis; quare tria quoq; erunt of-  
ficia medici qui morbos curat: nempe victus conueniētem rationē præscribere,  
vtilia medicamenta exhibere, & manuum opera vti. Sub his continentur peculia-  
res omnes, quas medicus exercet, actiones, quales sunt ossa luxata in propriā  
sedem reponere, eadem fracta rite cōponere, ac vnire, partes corruptas abscin-  
dere, & aliæ eiusdem generis. Hæc tamen quæ ad medici officia pertinent, faci-  
lius intelligentur ex iis quæ de Medicinæ partibus nunc dicemus.

### *De partibus Medicinæ. Cap. X.*

*Initio canonis.*



Medicinam variis modis variū auctores in suas partes distribuunt. B  
Celebris semper habita est decārata illa diuisio in theoricam & pra-  
cticam, quam tradidit Auicenna. Theoricam ille vocat scientiam  
principiorum, practicam vero, sciētiam modi, vel qualitatis operā-  
di. Hinc nata est quoq; medicorum distinctio in theoricos & pra-

*Com. in art.  
med. pag. 59.*

cticos: ita vt theorici vocentur qui vniuersalia artis præcepta callent, practici ve-  
ro, qui in curandis morbis diu, multumq; sunt exercitati. Hos quidem plurimū  
extollit vulgus, & remediis abundare putat; illos vero ad docendum quidem  
idoneos, remediis tamen destitutos esse credit: quasi vero optimus medicus ho-  
rum alterutro contentus esse possit, aut debeat. Sunt qui hanc Medicinæ diuisio-  
nem propterea reprehēdant, quod inde sequatur, Medicinam, quæ vna est ars,  
duos habere fines maxime distinctos, esseq; partim contemplatricem, partim C  
eff. ctricem. Sed frustra hæc obiiciunt Auicennæ, qui medicinam sic diuidens  
nihil aliud significare voluit, quam Medicinam partim docere methodum tuen-  
dæ sanitatis, & curandorum morborum; partim vero præcepta tradere ad vtrāq;  
methodum necessaria: quam profecto sententiam verissimam esse, nemo inficia-  
bitur. Quare meo iudicio eo tantum nomine ea diuisio reprehendi potest, vt re-  
cte sentit Argenterius, quod omnia quæ in arte docentur, non explicet, neque  
partes declaret, ex quibus tota ars constituitur. Solent pleriq; Medicinā ex fi-  
nis notione in duas partes secare, salubrem, & curatricem. Quippe cum sanitas,  
Medicæ finis, vel præsens sit, vel absens, quæ Medicinæ pars præsentem sanita-  
tem tuetur, salubris dicitur, quæ vero absentem instaurat, curatrix appellatur:  
idem enim est absentem sanitatem instaurare, & præsentem morbū depellere.  
Porro qui sic Medicinam diuidunt, & se recte diuidere putant, & Galenum hu D  
ius diuisionis auctorem prædicant, cum tamen vtroq; nomine peccent. Neq;  
enim perfecta esse potest eiusmodi diuisio, quæ partem Medicinæ diagnosticam  
non complectitur, quemadmodum neq; prognosticam, neq; Galenus alicubi  
has duas tantum totius artis partes statuit, sed eas, primas ac principes totius ar-  
tis partes esse verissime scripsit. Diuidunt alii Medicinam in tres partes, digno-  
sticam, prognosticam, & curatricē: videturq; hæc diuisio desumpta ex Galeno,  
qui omnia quæ ad Medicinam spectant, vel ad dignotionem, vel curationē, vel  
prænoſionem, vtilia esse docuit. Sed hæc meo iudicio generalis esse non potest  
totius artis diuſio, cum pars salubris appellata (alio qui maxime insignis) sub  
earum partium nulla comprehendatur. Quare potius crediderim Galenū eo lo-  
co partis dumtaxat curatricis meminisse, & eam, quæ soli curatrici vſum præ-  
bent, quæ duę sunt, diagnostica, & prognostica, Nam vt ipsemet subiungit, cura-  
tio qui-

*Lib. 1. de san.  
tuen. cap. 1. &  
in Thras. c. 40.  
Lib. 1. de rat.  
vict. in mor.  
acut. com. 3.*



A tio quidem per se à medicis exercetur, prænotio vero & dignotio propter curationem. Posset aliquis vniuersam Medicinam in duas partes apte secare, sanabilem & insalubrem, aut neutram etiam addere; cum dictum antea sit, Medicinam esse scientiam salubrium, insalubrium, & neutrorum. Neq; absurdū est, aut duas, aut tres Medicinæ partes ponere, cum pars neutra à salubri & insalubri distinguatur, & sub salubri comprehendi possit: nam & neutrum corporis statum solet plerumq; Galenus sub salubri comprehendere. Est itaq; pars Medicinæ salubris, quæ agit de corporibus, signis, & causis salubribus: insalubris, quæ agit de corporibus, causis, & signis insalubribus: neutra vero, quæ agit de corporibus, signis, & causis neutris. Hæc tamen diuisio nullo pacto accommodari potest methodo compositionis, qua Medicinam docere oportet, sed soli methodo solutivæ definitionis, quam sequutus est Galenus in arte medica. Omnium optime

B Medicinam in quinque partes distribuit auctor introductorii, φυσιολογικῶν, αἰτιολογικῶν, παθολογικῶν, σημειοτικῶν, ὑγιαίνων, θεραπευτικῶν. In qua diuisione illud tantū reprehendi possit, qd præmissa fuerit pars prognostica: nisi dixeris, quod idē auctor visus est innuere, prognosticam ad σημειοτικῶν referendam esse, cū disputet quoq; de signis. Erit itaq; optima eius auctoris diuisio, si prognosticam addiderimus, cum ea omnia complectatur, quæ in arte medica traduntur, & iuxta compositionis methodum sit disposita, quæ docendæ Medicinæ est omnium maxime idonea. Sex itaq; statuamus totius Medicinæ partes, physiologicam, pathologicam, dignoticam, prognosticam, salubrem, & curatricem. Physiologica ea omnia docet, quæ ad humani corporis naturam perfecte intelligendam pertinent, qualia sunt elementa, temperamēta, facultates, actiones, & partium usus. Pathologica (quæ Græcis etiā dicitur αἰτιολογικῶν) de iis omnibus agit, quæ præter naturam humano corpori possunt accidere, quæ tria sunt in vniuersum, morbus, causa morbi, & symptoma. Dignotica differit de affectuum, & partium affectuum cognitione, quam quia de signis agit, vocant quoq; Græci σημειοτικῶν.

Cap. 7.

Cap. 8.

C Prognostica rationem tradit prænotandi, & prædicendi in morbis præsentia, præterita, potissimumq; futura. Salubris Græcis dicta ὑγιαίνων, totam cōtinet methodum conseruandæ, vel ad meliorem statum reuocandæ sanitatis. Ac tandem curatrix, quā vocant Græci θεραπευτικῶν, in morbis certa methodo curandis tota versatur. Sola ea Medicinæ pars in proposita diuisione desiderari videtur, quæ de medicamentis disputat, tam simplicibus quam compositis. Sed & hanc ad curatricem iure retuleris, cum morbis medeamur usu potissimum medicamentorum; id namq; significauit Galenus, dum ait, medicationem, quæ membratim agitur, ex his duobus confici, materiæ copia, & eius congruo usu. Quoniā vero inter omnes Medicinæ partes primum locum obtinet salubris & curatrix, quarum gratia reliquæ constitutæ sunt; de his ex Galeni sententia accuratius disputare oportet. Partem itaq; salubrem in quattuor alias diuidit Galenus, ἐνεκτικῶν, ὑγιαίνων, ἀναλεπτικῶν, προφυλακτικῶν. Quæ sane diuisio ex materia subiecta desumpta est, nam licet totius partis salubris proprium subiectum sit corpus sanum, magna tamen esse potest sanitatis latitudo: cum & κατὰ γένος sanitas esse possit, & κατὰ εἶδος, & ἐν εἴδει. Est autem εἰς τὴν κατὰ γένος bonus corporis habitus, bonus inquam, exquisitus, quem optimum etiam appellant, qui sane in optima temperie reperitur. Ac quoniā partium humiliarum sanitas in temperie posita est, in optimo corporis habitu, optimam, perfectissimamq; sanitatem inueniri necesse est. Immo optimus corporis habitus aliud est nihil, quam sanitas in habitu, quæ si missima est & constantissima. Altera est sanitas κατὰ εἶδος, id est secundum

Lib. 7. metho.  
med. cap. 3.

In Thras. c. 30.

Lib. de bono  
corp. hab.

habitu,



habitum, non tamen optimum, sed bonum simpliciter, & cuique duntaxat naturalē: qualis sanitas est corporum intēperatorum, vt biliosi, pituitosi, aut melancholici. Tertia sanitas dicitur *κατεσχέσις*, quam Galeni interpretes sanitatem in affectione, vel secundum habitudinem vocant. Atq; hæc imperfectissima est, & maxime lubrica sanitas, quæ imbecillas actiones edere solet, qualis reperitur in conualescentibus, extreme senibus, in iis qui iam iam labuntur in morbos, & in iis tandem, qui immodice crassi sunt, aut graciles: his namq; omnibus commune est, vt infirmam sanitatē possideant, de qua merito conquerantur. Vnde perspicuū est, inter hanc sanitatē in affectione quæ debiles actiones exercet, & *εὐεξία*, quæ actiones edit robustas, mediam esse sanitatē in habitu, vtpote quæ neque validas omnino, neq. iam debiles actiones exerceat. Ex hac igitur latitudine sanitatis ortū habuerunt quattuor medicinæ salubris partes. Quippe quæ circa corpus *ὑγιαίνον*, id est bono habitu præditū versatur, *ὑγιαίνον* dicitur, id est boni habitus conseruatricem, quæ sane docet, qua ratione perfecta sanitas conseruari possit. Altera communi generis nomine dicitur *ὑγιάνη*, id est salubris, quæ circa corpus sanum secundum habitū versatur, quod nomine etiā communi salubre appellatur. Hæc vero docet, qua methodo sanitas secundum habitum custodienda sit, aut in meliorem statū reuocanda. Tertia sanitas in affectione reliquas duas partes constituit, *ἀναλέπτικη* id est refectricem, & *προφιλάντις*, id est præseruatricē; vtraq; enim circa ea corpora versatur, quæ lubrica sanitate sunt prædita. Id tamen est proprium analeptice, vt eiusmodi corpora reficiat, prophylactice vero, vt ab imminetibus morbis eadem præseruet. Porro has duas partes à salubri & curatrice distinguentes quidam, neutras appellant, quorum sententiam merito interdum probat Galenus, quoniam mediæ sunt inter curatricem, quæ maxima vicia corrigit, & euecticem & salubrē, quæ minima emendant. Possumus etiam aliter Medicinam salubrem in quattuor partes cum Galeno diuidere, non ex materia in qua, vt hæcenus fecimus, sed potius ex materia qua sanitas cōseruatur. Sunt enim in vniuersum quattuor genera auxiliorum, quibus sanitatem tueri possumus, nempe sumenda, faciendā, educendā, & extrinsecus occurrentia, quorum singula singulas medicinæ salubris partes cōstituunt. Sumenda sunt cibus, & potus: faciendā, exercitatio, & otium, somnus & vigilia, vitæ instituta, balneorum, & veneris vsus, cura, & animi pathemata: educendā, sudores, alui excrementa, vrinæ, & in vniuersum quæcunq; è corporibus excerni postulant: extrinsecus vero occurrentia, sunt aer, aqua, loca, & alia si quæ sint eiusdem generis. Iam vero & altera totius Medicinæ pars, nempe curatrix, in tres alias partes diuiditur, *διαίτητικὴν*, *φαρμάκευτικὴν*, *χειρουργικὴν*: quæ diuisio ex diuersitate instrumentorum desumitur, quibus vtitur medicus ad morbos profigandos: sunt enim hæc tria, diætā, medicamenta, & chirurgia. Est igitur diætetica, ea curatricis Medicinæ pars, quæ diætā, id est victus rationē aëris præscribit: quam cibo, potu, perfusionibus, cataplasmatibus, & clysteribus perfici antea diximus. Pharmaceutice (quasi medicamentariam dicas) rationem docet præscribendorum medicamentorum, quæ ad morborum curationē sunt necessaria. Chirurgica vero tradit rationem, qua quis possit manuum opera morbis mederi. Porro sex illæ Medicinæ partes, physiologica, pathologica, diagnostica, prognostica, salubris, & curatrix, à primis illis auctoribus inuentæ sunt methodo resolutionis, proposito scilicet fine, & ratione inuentis mediis, quæ necessaria sunt ad finem comparandum. Atq; id est quod inquit Galenus lib. de const. art. med. Medicinam, vt reliquas etiam artes, potissimumq. effectrices,

In Thras. c. 7.

In Thras. c. 30  
& in art. med.  
cap. 2.

In Thras. c. 40

Lib. i. de rat.  
vi& in mor.  
acut. com. 6.



Astrices, ex cognitione finis constitutionem obtinuisse. Ceterum artem medicā  
 methodo resolutionis inuentam, contraria methodo docere oportet, nempe  
 methodo compositionis. Nam vt methodus resolutionis ad artes inueniendas, In arte med.  
cap. 1.  
 ex suisque partibus constituendas, omnium est aptissima, ita methodus compo-  
 sitionis ad artes docendas maxime idonea censetur; quemadmodū methodus  
 soluendæ definitionis ad totius artis compendium, & particularium memoriā  
 utilissima indicatur. Atqui in compositione eorum quæ methodo resolu-  
 tionis inuenta fuerint, ab iis perpetuo in tradendis artibus exordiri  
 necesse est, quæ sunt omnium prima, ac simplicissima. Cum  
 autē de his (vt antea diximus) pars Medicinæ phy-  
 siologica disputet, ratio postulat, vt ad eam  
 primo loco tradendam aggre-  
 diamur.









# HIPPOCRATIS COI

DE NATURA HOMINIS LIBER.

IOHANNE GVINTERIO ANDERNACO INTERPRETE.

GALENI PROOEMIUM.



*De* Elemētis ex Hippocratis sentētia cōmentariū, quē olim conscripsi, familiariū cuidā peregrinationē instituētī tradidi, ad illius me ingenii captū, habitūq. in eo accōmodans. Quæ igitur ipsū exacte nouisse sciuerā, ea neq. operis initio demonstrāui, neq. cōmemini, etsi ita factitare consueuerim, cū sermo omnibus ipsū lecturis est cōmunis futurus. Quoniam vero in multorū manus

liber, haud noui qua ratione, iam excidit, alium præter illū conscribere visum mihi non est, & interpretationem libri de natura hominis hoc nomine distuli, quod omnia quæ ad eā rē attinebāt, in cōmentario prius edito, cui titulū indidi de elementis

B secundū Hippocratis sententiā, manifestō sim persequutus. Proinde nunc quandoquidē familiares mei ipsius quoq. Hippocratici libri expositionē, nō modo diēlionū ad dogma necessariarū, vt in illo prius feci, sed omniū ordine a me desiderarunt accipere, exordiens interpretationem illa prius scribā, quæ in libri de elementis secundū Hippocratem initio dicere omisi, quod familiarē nostrum ea non latere scirem.

In proœmium Galeni commentarius.



Nter libros omnes physiologicos primum locū merito sibi vendicat liber Hippocratis de hominis natura, quod totius artis Hippocraticæ veluti fundamēta contineat. In hunc, vt in alios plerosq. libros Hippocratis, scripsit Galenus doctissimū cōmentarium, in quo singulas auctoris sententias interpretatur. Huic tamē proœmium præposuit, in quo sui instituti rationē reddit, & alia quædā præfatur ad libri explanationē necessaria. Quod ad instituti rationē attinet, mirū videri posset, cur huius libri interpretationē aggreffus fuerit, cum idē hoc argumentū libris de elemētis antea tractasset, agitur enim vtroq. in opere de cōmunibus & propriis hominis elemētis, quamuis diuersa sit vtriusq. operis inscriptio. Siquidē Hippocrates sui tēporis consuetudinē sequutus, librū hunc inscripsit de natura, vt veteres fere ante ipsum omnes, qui cū libris nullo de elementis scripsissent, in suis tamē de natura libris (vt testatur Gale Lib. i. de elem. cap. vii.) de elementis disputabant. Ac ne Aristoteles quidē peculiarē librū de elemē

D tis edidit, quemadmodū neq. Chrysippus, hic tamē libro de substantia, ille vero & libris de cōelo, & libris de ortu & interitu, de elementis optime disseruit. Galenus tamē de elemētis potius quā de natura opus illud suū inscripsit, quia philosophi omnes suis tēporibus ab antiqua illa cōsuetudine iā omnino recesserāt. Quāobrem parū interesse putat, si quis huiusmodi libros de elemētis inscripserit, aut de natura, aut de substantia, aut de generatione & corruptione. Ne igitur existimaret quisq. a, frustra Galenū de elemētis sapius disputasse, hanc sui cōsiliū rationē reddū, quod in opere de elemētis, nō omnes Hipp. sententias hoc libro cōscriptas ordine explanarit, sed eas dū taxat attigerit, quæ ad confirmandū Hipp. dogma de elementis videbantur necessaria: nunc vero integram totius libri interpreta-



tionem aggrediatur, ut amicis eam efflagitantibus morē gerat. Hic obiter obser- **A**  
 ua honestam Galeni consuetudinem, qui in amicorum gratiam libros fere omnes  
 à se conscriptos, in lucem edere solitus est, ut libros de elementis in gratiam fami-  
 liaris longā peregrinationē instituentis; librum de optima secta in gratiā Thrasy-  
 buli; librum de constitutione artis medicæ in gratiam Patrophylī; librū de prano-  
 tione in gratiā Posthumi; librum de pulsibus ad tirones in gratiā Tenthræ; libros  
 de arte curatiua in gratiam Glauconis; & sex libros priores methodi medendi in  
 gratiam Eugeniani; & post ipsius obitū reliquos octo in gratiā Hieronis. Explica-  
 ta sui cōsiliū ratione, alia quædā proponit ad libri interpretationē necessaria, quæ  
 tamen libris de elemētis consulto prætermiserat, quod certo sciret, familiari cui  
 opus eiusmodi tradiderat, cognita iam esse. Hinc intelligitur docendi, scribēdiq;  
 ratio veteribus familiaris, qui habita ratione lectorum, aut auditorum, videntur **B**  
 interdum variis in locis de eādē re varia dixisse: quod potissimū constat ex  
 Platone. In iis igitur, quæ omnibus futura sunt communia, multo aliter scri-  
 bendum, quam in iis quæ priuatim aliquibus traduntur. In his enim aliqua  
 interdum licet omittere, quæ vel lectorum captum excedant, vel sint ip-  
 sis exacte cognita. Licet quoq; interdum aliqua addere, quæ quod supra vulgi  
 opinionē sint, paucissimis, iisq; selectissimis auditoribus, tradi possunt, quale illud  
 est, quod de anima mundi in Timæo dictū est à Platone. Atq; ut in vniuersum di-  
 cā, aliter in exotericis, aliter vero in acroamaticis disputationibus oportet disfe-  
 rere. Hæc sola præceptiūcula in legendis veterū libris obseruata, multas lites po-  
 test componere, quas sophistæ multis adhibitis distinctionibus sedare vix pote-  
 runt. Hanc si recentiores quidā obseruassent, qui maledicendi studio inanem glo- **C**  
 riam aucupantur, sibi haud dubie in reprehendēdis veteribus magis tēperassent.

*Vnum itaque, & primum dicendum est quid φύσις, hoc est naturæ, vocabulum  
 significet, à quo etiam veterum philosophorum nonnulli nomen sortiti, φυσικοί, hoc  
 est naturales, sunt nuncupati. Fiet autem nobis perspicuum id cuius gratia hoc di-  
 co. Si libros περὶ φύσεως, hoc est de natura, ab ipsis cōscriptos perlegamus. Viden-  
 tur enim hi libri exponere primam substantiam, qualis nam sit, quam non genera-  
 tam, verum sempiternam esse dicāt, omnibus corporibus quæ generationi & cor-  
 ruptelæ obnoxia sunt, subiectam.*

Libri inscriptionem, methodum, auctoris institutum, libriq; vtilitatem nunc  
 explicat, & simul docet hunc librum esse Hippocratis: quæ tamen in opere  
 de elementis consulto prætermiserat. Inscribitur hic liber περὶ φύσεως ἀνθρώπου, **D**  
 hoc est de natura hominis. Quæ inscriptio ut intelligatur, explicat primum quid  
 φύσις, hoc est naturæ vocabulū significet, à quo veterum philosophorum pleriq;  
 φυσικοί, id est naturales sunt appellati, q; libros περὶ φύσεως, id est de natura cōscri-  
 psissent: ex quibus colligit tres significationes naturæ. Significat in primis natura  
 primā substantiā, quā nō generatā, sed sempiternā esse veteres illi phisici voluerūt,  
 omnibus corporibus quæ oriuntur & intereūt, subiectā. Hæc in Timæo variis no-  
 minibus exprimitur à Platone, dicitur enim τιβύνη, μήτρας, ἐκταλῆς, ὑποδοχή, χῆρα,  
 παρδῆχης, hoc est nutrix, mater, formabile, susceptaculū, locus, omniū receptacu-  
 lū, quæ sane varietas nullū olim propriū nomē ipsi fuisse indiū declarat. Galenus  
 tamen à posteris Melissi ὄλην, id est syluam vocatā fuisse scribit, quoniam ut sylua  
 cuilibet ædificio existuendo materiam affatim suppeditat, rudem tamen & im-  
 politam, sic prima ista substantia, rudis quidem illa, & informis, omnibus corpo-  
 ribus gignendis materiā præbet. Sed quis primus fuerit huius appellationis au-  
 ctor, non satis constat. Sentit Chalcidius, Platonis discipulos omnium primos  
 eam

Com. 2. huius  
lib.

Com. in. Ti-  
mæum Plato.



**A** cam appellationē vſurpaſſe. Et quoniā inter diſcipulos Platonis primum Idcam obtinuit Ariſtoteles, hunc poſitiuū intelligendum eſſe credimus, vt recte obſeruat Iohannes Baptiſta Monlorius, ſummus noſtri tēporis philoſophus. Quo factum eſt, vt nuſquam Plato, Ariſtoteles vero frequentiffime vſus ſit nomine eam. Qui vero Ariſtotelem ſubſequuti ſunt, ſimiliter quoq; primā illam ſubſtantiam vāz vocarunt, quemadmodum & noſtri philoſophi, qui materiam primā appellare ſunt ſoliti. Hanc igitur vetuſtiſſimi illi philoſophi ingenitam, ſempiternamq; eſſe crediderunt: neq; id mirum, cū mundū aternū ſtatuereſent. Immo (quod magis mirandum eſt) diuiniſſe Plato, qui teſte Diuo Hieronymo in Aegyptum profeſſus multa didicit, & Iuſtino martyre auctore, ex libro Moſis plura quę ad mundi creationem pertinent, accepit, hanc materiam primam ingenitam eſſe voluit. Nos tamen qui ſummo Dei Opt. Max. beneficio Chriſtiani-  
*Com. in li. pri-  
orum Ariſt. ii  
epiſt. ad lecto.  
Epift. 103. ad  
Paulinum.  
In poſteriori  
apologia pro  
Chriſtianiſ.*

**B** nam religionem libentiſſime proſitemur, & mundum incepiſſe, & ſuam aliquando habiturum affirmamus, & materiam primam à ſummo rerum opifice Deo ex nihilo creatam aſſerimus. Eam namq; in primo mundi ortu, quem diuinus deſcripſit Moſes, ordinem ſeruatum fuiſſe ſacrorum interpretum pleriq; perhibent, vt hanc materiam primā ex nihilo Deus ante omnia creauerit; ex hac vero quatuor elementa, ex hiſque tandem mixta omnia corpora produxerit. Quamuis Diuus Auguſtinus, & alii grauiffimi auctores eodem temporis momento omnia creata fuiſſe potius ſentiant. Id namq; ab Eccleſiaſtico ſignificari putant, dū  
*Lib. 4. de gene-  
ſi ad literā c. 21  
Cap. 18.*  
ait, Qui viuſit in æternum creauit omnia ſimul. Sed Gręca dictio *τοις*, qua vſi ſunt Septuaginta duo interpretes, communiter, vel pariter potius ſignificat quā ſimul. Sed & priori ſentētię, quam iudicamus probabiliorē, vetuſtiſſimi philoſophi, ac poęte plurimum fauent, qui rudem hanc, & informem materiam ante omnia ex nihilo creatam, Chaos appellarunt: cuius naturā Ouidius ex Heſiodo elegantiffime depinxit hiſ carminibus.

Ante mare, & terras, & quod tegit omnia, cœlum,

Vnus erat toto naturę vultus in orbe,

Quem dixere Chaos: rudis indigeſtaq; moles,

Nec quidquam niſi pondus iners, congeſtaq; eodem

Non bene iunctarum diſcordia ſemina rerum, &c.

Hęc igitur prima eſt naturę ſignificatio, qua materiam primā ſignificat, quo pacto Ariſtoteles cū Antiphone, aliſq; vetuſtiſſimis philoſophis, materiā primam naturam etiam appellauit.  
*Lib. 2. phyſic.  
cap. 1.*

**D** Itē declarāt, quę peculiari ratione inſunt ſingulis generatis et corruptibilibus.

Hęc ſecunda eſt naturę ſignificatio. Significat autem id quod peculiari ratione ineſt ſingulis corporibus quę oriūtur, & intereunt. Sed quidnam hoc ſit, nō ſatis conſtat. Iacobus Sylaius videtur ſentire id eſſe temperamentū, cum ſcribat, naturā maxime proprie ſignificare tēperie ex calido, frigido, ſicco, & humido, conſtaram, & Hippocratē toto hoc libro hac naturę ſignificatione vſum fuiſſe. Placuit hęc opinio noſtrorū medicorū pleriq; qui tamen non vident, aliquid quoq; propria ratione elementis ineſſe, in quibus, cū ſimpliciſſima ſint corpora ac ſuauis qualitatibus prædita, tēperies nō inuenitur. Probabilius multo ſentiunt alii, quod peculiari ratione corporibus ineſt, aliterū illud eſſe corporū natura cōſtitutū principū, quod vocāt philoſophi formā ſubſtātiālē. Quippe cū hęc propriā eſſentiā corporibus tribuat, merito dicetur peculiari ratione ineſſe corporibus, quorū commune ſubiectū eſt materia prima. Atq; hinc factū eſt vt Ari-  
*In ſuis Schol.*



Lib. 2. Phys. cap. 1. **A**  
 stoteles formam magis naturā esse dixerit quam materiam, cū hæc, natura quæ-

dam communis sit, illa vero, natura peculiaris ac propria. Ceterū neq; hanc sententiā probo, quoniā Galenus naturæ significationes quas hoc loco proponit, desumpsit (vt ipsemet fatetur) ex libris veterum physicorū, qui omniū primi de natura disputarunt, quibus sola materia videtur fuisse cognita. Nā vt scribit Ari

Lib. 1. metaph. cap. 3. **B**  
 stoteles, plurimi eorū qui primo philosophati sunt, ea sola principia omniū existimarunt, quæ sub ratione materiæ collocantur: id enim elementū rerū, id principium esse dicunt, ex quo fiunt vniuersa. Vnde constat, primos illos physicos qui dixerunt omnia esse vnum, ex quattuor caussarum generibus solam materiā agnouisse. Parmenides omnium primus causam efficientem cognouit, quam dixit esse contrarietatem inter lumen & tenebras: Anaxagoras vero dixit esse mentem: Hesiodus amorem: Empedocles concordiam & litem. Et vt idem Aristoteles innuit, Platoni omnium primo cognita fuit forma. Præterea verba Platonis quæ in hunc locū ex Phædro transfert Galenus, manifesto monstrant, quod peculiari ratione rebus inest non esse necessario formā. Docet namq; Plato, animæ naturam (propriā scilicet, & quæ peculiari ratione ipsi inest) cognosci non posse sine totius natura: atqui hæc natura quæ peculiari ratione inest animæ, nō potest esse forma, quam sane non habet anima, cum sit ipsa potius corporis forma. Ex quibus necessario colligitur, naturam hac secunda significatione non significare formam. Nos vero sentimus, quod peculiari ratione rebus inest propriam esse ipsarum rerum essentiam, quæ quidem maxime proprie natura dicitur hac secunda significatione. At propria rerum essentia non semper est eadem, nā in corporibus primum quidem ac maxime est forma substantialis, deinde vero qualitas, in elementis quidem simplex, in mixtis autem composita, nempe temperamentum. Sed & materia proxima (quæ à materia prima distinguitur) corporum quæ ex ipsa fiunt, natura & essentia dicitur, vt æs statuæ æneæ. At res incorporeæ, siue substantiæ sint vt anima, siue sint accidētia, propriā suam habent essentiam, à forma, qualitatibus, & materia proxima omnino distinctā. Quoniam vero nunc agimus de propria natura corporū quæ oriuntur & intereunt, ex veterum physicorum sententia, neq; formā ipsis prorsus incognitam, neque temperamentū, quod solis mixtis inest; natura significare potest, sed solā materiā proximam, quam veteres illi propriā corporum essentiam esse crediderunt: cum penes huius materiæ proximæ densitatem, aut raritatem, corpora à se inuicem potissimum distinguerent. Huic tamen sententiæ illud videtur quodammodo aduersari, quod Aristoteles duplicem statuerit materiam primā, vnā omnino, alteram ad aliquid, quā certum est esse materiam proximam. Si ergo materia proxima dicitur Aristoteli materia prima, potius pertinebit ad primā naturæ significationem superius explicatam, quam ad hanc secundam. Sed facilis est responsio, nam materia proxima dici potest materia prima, non tamen primo, simpliciter, aut omnino, sed tantū ad aliquid, siue secundū quid, vt aurum vasorū aureorum. Quare cum vtraq; materia prima plurimum à se differat, diuersa quoque ratione dicetur vtraque, corporum natura. Nam materia omnino ac simpliciter prima, natura communis est omnium corporum quæ oriuntur & intereunt; materia vero prima ad aliquid, quam proximam appellamus, veteribus illis philosophis natura propria censebatur. Merito igitur materia prima, natura est in prima significatione, materia vero proxima in secunda, vt dictum est.

Lib. 1. Metaph. cap. 6. **C**  
 stoteles formam magis naturā esse dixerit quam materiam, cū hæc, natura quæ-

dam communis sit, illa vero, natura peculiaris ac propria. Ceterū neq; hanc sententiā probo, quoniā Galenus naturæ significationes quas hoc loco proponit, desumpsit (vt ipsemet fatetur) ex libris veterum physicorū, qui omniū primi de natura disputarunt, quibus sola materia videtur fuisse cognita. Nā vt scribit Ari

stoteles, plurimi eorū qui primo philosophati sunt, ea sola principia omniū existimarunt, quæ sub ratione materiæ collocantur: id enim elementū rerū, id principium esse dicunt, ex quo fiunt vniuersa. Vnde constat, primos illos physicos qui dixerunt omnia esse vnum, ex quattuor caussarum generibus solam materiā agnouisse. Parmenides omnium primus causam efficientem cognouit, quam dixit esse contrarietatem inter lumen & tenebras: Anaxagoras vero dixit esse mentem: Hesiodus amorem: Empedocles concordiam & litem. Et vt idem Aristoteles innuit, Platoni omnium primo cognita fuit forma. Præterea verba Platonis quæ in hunc locū ex Phædro transfert Galenus, manifesto monstrant, quod peculiari ratione rebus inest non esse necessario formā. Docet namq; Plato, animæ naturam (propriā scilicet, & quæ peculiari ratione ipsi inest) cognosci non posse sine totius natura: atqui hæc natura quæ peculiari ratione inest animæ, nō potest esse forma, quam sane non habet anima, cum sit ipsa potius corporis forma. Ex quibus necessario colligitur, naturam hac secunda significatione non significare formam. Nos vero sentimus, quod peculiari ratione rebus inest propriam esse ipsarum rerum essentiam, quæ quidem maxime proprie natura dicitur hac secunda significatione. At propria rerum essentia non semper est eadem, nā in corporibus primum quidem ac maxime est forma substantialis, deinde vero qualitas, in elementis quidem simplex, in mixtis autem composita, nempe tem

peramentum. Sed & materia proxima (quæ à materia prima distinguitur) corporum quæ ex ipsa fiunt, natura & essentia dicitur, vt æs statuæ æneæ. At res incorporeæ, siue substantiæ sint vt anima, siue sint accidētia, propriā suam habent essentiam, à forma, qualitatibus, & materia proxima omnino distinctā. Quoniam vero nunc agimus de propria natura corporū quæ oriuntur & intereunt, ex veterum physicorum sententia, neq; formā ipsis prorsus incognitam, neque temperamentū, quod solis mixtis inest; natura significare potest, sed solā materiā proximam, quam veteres illi propriā corporum essentiam esse crediderunt: cum penes huius materiæ proximæ densitatem, aut raritatem, corpora à se inuicem potissimum distinguerent. Huic tamen sententiæ illud videtur quodammodo aduersari, quod Aristoteles duplicem statuerit materiam primā, vnā omnino, alteram ad aliquid, quā certum est esse materiam proximam. Si ergo materia proxima dicitur Aristoteli materia prima, potius pertinebit ad primā naturæ significationem superius explicatam, quam ad hanc secundam. Sed facilis est responsio, nam materia proxima dici potest materia prima, non tamen primo, simpliciter, aut omnino, sed tantū ad aliquid, siue secundū quid, vt aurum vasorū aureorum. Quare cum vtraq; materia prima plurimum à se differat, diuersa quoque ratione dicetur vtraque, corporum natura. Nam materia omnino ac simpliciter prima, natura communis est omnium corporum quæ oriuntur & intereunt; materia vero prima ad aliquid, quam proximam appellamus, veteribus illis philosophis natura propria censebatur. Merito igitur materia prima, natura est in prima significatione, materia vero proxima in secunda, vt dictum est.

stoteles formam magis naturā esse dixerit quam materiam, cū hæc, natura quæ-

Lib. 5. methaph. cap. 4. **D**  
 stoteles formam magis naturā esse dixerit quam materiam, cū hæc, natura quæ-

dam communis sit, illa vero, natura peculiaris ac propria. Ceterū neq; hanc sententiā probo, quoniā Galenus naturæ significationes quas hoc loco proponit, desumpsit (vt ipsemet fatetur) ex libris veterum physicorū, qui omniū primi de natura disputarunt, quibus sola materia videtur fuisse cognita. Nā vt scribit Ari

stoteles, plurimi eorū qui primo philosophati sunt, ea sola principia omniū existimarunt, quæ sub ratione materiæ collocantur: id enim elementū rerū, id principium esse dicunt, ex quo fiunt vniuersa. Vnde constat, primos illos physicos qui dixerunt omnia esse vnum, ex quattuor caussarum generibus solam materiā agnouisse. Parmenides omnium primus causam efficientem cognouit, quam dixit esse contrarietatem inter lumen & tenebras: Anaxagoras vero dixit esse mentem: Hesiodus amorem: Empedocles concordiam & litem. Et vt idem Aristoteles innuit, Platoni omnium primo cognita fuit forma. Præterea verba Platonis quæ in hunc locū ex Phædro transfert Galenus, manifesto monstrant, quod peculiari ratione rebus inest non esse necessario formā. Docet namq; Plato, animæ naturam (propriā scilicet, & quæ peculiari ratione ipsi inest) cognosci non posse sine totius natura: atqui hæc natura quæ peculiari ratione inest animæ, nō potest esse forma, quam sane non habet anima, cum sit ipsa potius corporis forma. Ex quibus necessario colligitur, naturam hac secunda significatione non significare formam. Nos vero sentimus, quod peculiari ratione rebus inest propriam esse ipsarum rerum essentiam, quæ quidem maxime proprie natura dicitur hac secunda significatione. At propria rerum essentia non semper est eadem, nā in corporibus primum quidem ac maxime est forma substantialis, deinde vero qualitas, in elementis quidem simplex, in mixtis autem composita, nempe tem

peramentum. Sed & materia proxima (quæ à materia prima distinguitur) corporum quæ ex ipsa fiunt, natura & essentia dicitur, vt æs statuæ æneæ. At res incorporeæ, siue substantiæ sint vt anima, siue sint accidētia, propriā suam habent essentiam, à forma, qualitatibus, & materia proxima omnino distinctā. Quoniam vero nunc agimus de propria natura corporū quæ oriuntur & intereunt, ex veterum physicorum sententia, neq; formā ipsis prorsus incognitam, neque temperamentū, quod solis mixtis inest; natura significare potest, sed solā materiā proximam, quam veteres illi propriā corporum essentiam esse crediderunt: cum penes huius materiæ proximæ densitatem, aut raritatem, corpora à se inuicem potissimum distinguerent. Huic tamen sententiæ illud videtur quodammodo aduersari, quod Aristoteles duplicem statuerit materiam primā, vnā omnino, alteram ad aliquid, quā certum est esse materiam proximam. Si ergo materia proxima dicitur Aristoteli materia prima, potius pertinebit ad primā naturæ significationem superius explicatam, quam ad hanc secundam. Sed facilis est responsio, nam materia proxima dici potest materia prima, non tamen primo, simpliciter, aut omnino, sed tantū ad aliquid, siue secundū quid, vt aurum vasorū aureorum. Quare cum vtraq; materia prima plurimum à se differat, diuersa quoque ratione dicetur vtraque, corporum natura. Nam materia omnino ac simpliciter prima, natura communis est omnium corporum quæ oriuntur & intereunt; materia vero prima ad aliquid, quam proximam appellamus, veteribus illis philosophis natura propria censebatur. Merito igitur materia prima, natura est in prima significatione, materia vero proxima in secunda, vt dictum est.

Quæ postquam noueris, alia quoque nescies, nepe quæ non propria ratione vni-



**A** *tium naturæ doctrina hunc in modum efficitur, etiam si vnum aliquis aut duo, quæ rei cuius in sunt, recenseat. Atque sic homines loqui solent, ubi nonnihil de rei natura pronuntiant, quemadmodum & Poëta fecit. Nam, cum prædixisset.*

*Sic iam Mercurius fatus, terra medicamen*

*Exhibet euulsum, naturamque ipsius edit,*

*Mox subiicit,*

*Nigra ipsi radix, verum flos lacteus exstat.*

*In hunc modum qui de herbis, aut omnino de stirpibus scripserunt, sensibile ipsarum naturam edocent, quales sint singulæ, si tactu, gustu, olfactu, & visu eas examines, exponentes: item quam vim habeant vel intra corpus assumptæ, vel foris applicatæ. Siquidem in his vniuscuiusque rei natura sensibilis consistit.*

**B** *Tertio natura significat accidentia quæ unicuique substantiæ in sunt, & potissimum ea quæ aut propria sunt, aut inseparabilia. Nam quamvis hæc non pertineant ad rei essentiam, natura tamen dicuntur, quia ex his deuenire utcumque possumus in cognitionem propriæ naturæ. Ac quoniam hæc accidentia percipiuntur sensibus, naturam sensibilem merito appellare solent. Reperitur hæc & in elementis & in mixtis. In elementis quidem, veluti in igne, cuius natura sensibilis ex leuitate, tenuitate, raritate, & splendore perficitur. In mixtis vero, veluti in humoribus, quos Hippocrates postea ex sensibili natura à se inuicem distinguet, nempe ex colore, qualitatibus, & consistentia. Hæc natura sensibilis dicitur hoc loco à Galeno perfectam efficere doctrinam naturæ cuiusque rei, non quod ipsius cognitio perfectior sit, (est enim multo perfectior propriæ naturæ cognitio) sed quod cuiusque rei cognitio perficiatur tandem cognitis accidentibus. Neque oportet, dum sensibile alicuius rei naturam exprimimus, omnia*

**C** *accidentia percurrere, satis enim est, vnum interdum aut alterum recensere. Quod confirmat testimonio Homeri, qui herbam moly à Mercurio datam Vlyssi aduersus Circes carmina, ex solo colore, radicis quidem nigro, floris autem candido optime descripsit. Sunt qui putent, herbam hanc moly, esse rutam silvestrem, quorum error ex Dioscoride intelligitur, qui utramque seorsum describit. Et quamvis referat Plinius, herbæ moly radicem longam triginta pedes, sibi ex Campania allatam fuisse, probabilius tamen est eam nobis esse prorsus incognitam. Sensibilem hanc naturam omnium diligentissime coluerunt plantarum scriptores, qui natiuos ipsarum colores, odores, sapes, & qualitates tactiles secundas, ut leuitatem & asperitatem, accurate describunt, simulque declarant vires ipsis congenitas, siue intra corpus assumantur, siue applicentur foris. Unde intelligimus, naturam rerum sensibilem potissimum esse positam in qualitatibus secundis: inter quas non enumerat sonum ubicunque de his sermo incidit, forte quod idem corporum sequatur potius quam primarum qualitatum temperiem. Quamvis neque sonum omnino negligant qui plantas describunt, nam ocimastri vascula, cum exaruerint, & semen exciderit, exufflantes pueri, acutissima sibila edere solent: quæ nota ad sensibilem quoque ocimastri naturam haud dubie pertinet. Atque hæc de tribus naturæ significationibus, quas Galenus hoc loco proposuit, alius cōsulto prætermisiss quas tradiderat Aristoteles, & ipsemet accuratius explicauerat libro de nominibus medicis, ut fateatur in hoc præmio. Eas enim naturæ significationes in præsentia dumtaxat persequitur.*

**B** 4

Sent. 24.

Odiss. 7.

Lib. 3. cap. 49.  
& 50.

Lib. 25. cap. 4.

Com. 6. huius  
lib. & lib. 1. de  
fat. nat. cap. 5.

Lib. 5. Metaph.  
phy. cap. 4.



quitur, quæ primis, ac vetustissimis philosophis fuerant in usu, quæq; ad intelligendam huius libri inscriptionem videbantur vtiliores. Rectius igitur fecisset Sylius, si omissis variis naturæ significationibus in quibus colligendis plurimum laborat, difficilem hunc Galeni cōtextum, in quo tres illæ significationes traduntur, diligentius explicasset.

τὸ τῶν.

*At hac \* superior & prima est, de qua tū ego prædixi, tum Plato consulit, ut is eam habeat cognitam, qui volet quamcumque rem, methodo [hoc est ratione & via quadam] tractare.*

Naturæ significationes eo consilio hætenus proposuit, ut doceret, quid naturæ nomen Hippocrati significaret hoc libro: Quoniam vero eam significationē potissimum commendat, quæ superior est, & prima, secundā haud dubie innuit, quæ tertia superior est, & dignitate prima vere dicitur, cum sit omnium maxime præcipua: nisi cum Trincauelio malis priorem legere. Præterea natura quam Plato consulit cognoscendam esse ei, qui velit rem quamcumq; methodo tractare, ea est (ut postea dicemus) quæ peculiari ratione animæ inest: at Plato eam naturam in anima cognoscendam esse præcipit, quā Hippocrates hoc libro in corpore demonstrat, ergo de ea natura agit Hippocrates quæ peculiari ratione homini inest. Rursus ex Hippocratis instituto id certo intelligitur, cum enim neq; de materia prima, neq; de accidentibus hominis disputet, fatendum est necessario, agere de natura quæ peculiari ratione homini inest: hæc enim triplex erat naturæ significatio. Cum autem forma substantialis, & temperamentum, & materia proxima, peculiari ratione (ut antea diximus) corpori humano insint; Hippocrates vero neque de hominis forma, neq; de temperamento disputari hoc libro, restat tandem, ut natura materiam proximam Hippocrati significet. Porro proxima hominis materia sunt elementa, eaq; potissimum quæ propria sunt. Hæc quidem parum attente considerantes medicorum pleriq; nullaq; prorsus ratione persuasi, frustra contendunt, naturam Hippocrati significare temperamentum: quæ itidem videtur fuisse sententia Galeni lib. 2. aphor. com 34. ad hunc modum scribentis: Cum multifariam dicatur natura, in eo significato nunc accipienda est, quo sæpius Hippocrates cum multis aliis locis, tū maxime toto de natura hominis libro usus est; quo loco exprimis elementis temperationē appellat naturam. Sed hunc locum, alioqui difficilem, sic explicarem, ut dicatur Hippocrates usus fuisse hoc libro naturæ nomine pro temperamento, non quod de hominis temperamento disputet, (cum agat potius de elementis) aut quod significatio naturæ ut temperamentum significat, huius libri inscriptioni accommodari debeat, sed quod significatio naturæ qua temperamentum significat, ex hoc Hippocratis libro certissime colligatur: docebitur enim sententia duodecima, Hippocratem omnium primum temperamenti nomen inuenisse. Et quamuis & ipsimet Hippocrati & aliis posterioribus medicis natura potissimum & maxime propriè temperamentum significet, hinc tamen Hippocrates suorum temporum consuetudinē sequutus, naturæ nomine cum vetustissimis illis physicis materiā proximā intelligit. Ex his quæ diximus facile intelligitur huius libri inscriptio, cuius gratia tres naturæ significationes proposuerat Galenus. Quippe cum inscribatur hic liber de natura hominis, monstratūq; sit, naturam significari materiā proximā: perinde est dicere de natura hominis, ac si dicas de elementis hominis: sunt namq; elementa, proxima hominis materia. Quo etiā pacto dictum fuit

Lib. 3. aphor.  
com. 2.



- A fuit à veteribus, ut Aristoteles testatur, elementa naturam eorū esse, quæ natura Lib. 4. metaph.  
constant. Et Hippocrates hoc libro, elementa ipsa nō semel natura appellavit. cap. 4.  
Galenus quoq. id satis aperte significauit, dicens paru m referre, si liber iste de Simplicio  
natura aut de elementis inscribatur. Sed hæc intelligentur facilius ex his, quæ Lib. 1. de  
de methodo, & instituto dicemus. men, cap. 1.

*Ascribam autē tibi verba ipsius. SO. Animæ igitur naturam sine totius natura intelligere te, ut cōuenit, posse arbitraris? PHÆ. Si sane Hippocrati ex Asclepiadum genere credendum est, ne corporis quidem naturam citra hanc methodum possis. SO. Rele quidem o amice dicit, attamen præter Hippocratem, ratio inspicienda, examinandaq. est, an ipsi cōsentiāt. PHÆ. Assentior. SO. Et quid tandem Hippocrates dicit, veraq. ratio? an non sic? considerandum est de cuiuslibet rei natura, simplexne sit, an multiformis, cuius nos sciētes esse voluerimus, quamq. alios docere studeamus. Postea vero si simplex fuerit, facultas ipsius inspicienda est, quam videlicet ad quid agendum, item quam ad patiendum ab alio habeat. Quod si species habet multas, his dinumeratis, in singulis similiter ut in vna, naturalis & agendi & patiendi vis inquirenda. Hæc tibi Platonis verba sunt ex Phædro, quæ tum naturæ vocabuli significatum, tum quomodo substantiam ipsius methodo conueniat inspicere, docent.*



- Hæc Platonis verba quæ in hūc locū transcribit ex Phædro, & naturæ significationem maxime propriam, & eius naturæ cognoscendæ methodum eleganter docent. Natura quidem significationem, quia cum monet Plato, animæ naturam cognoscendam esse crateri, nomine naturæ id haud dubie intelligit, quod peculiari ratione unicuiq. animæ inest: vnde recte nos antea collegimus, naturam in secunda significatione non significare formam. Methodum vero huius naturæ cognoscendæ Hippocrates omnium primus inuenit, eandem Plato ex Hippocrate acceptam amplexus est. Nam ut ipsemet fateatur, qua methodo Hippocrates corporis naturam inuestigat, eadem ipse in Phædro animæ naturam inquit. Methodus autem huiusmodi est. Ut rem quamcumq. methodo tractare possis, necessariū prorsus est, propriam ipsius naturam cognoscere: neq. enim perfectā haberi potest rei cuiuspiam cognitio, nisi illud cognitum sit quod propria ratione ipsi inest. Hæc tamen propria natura cognosci non potest sine totius natura, à qua primum exordiri oportet. Nomine vero totius non solum intelligimus totum vniuersum, sed etiam totum integrum. Neq. enim id tantum hæc methodus præcipit (quemadmodū arbitrantur pleriq.) ut à natura vniuersa exordiamur, sine qua naturæ propriæ ac particulares cognosci non possent; sed præcipit potissimum, naturam totius integri ante cognoscendā esse, ut propria singularem partium totum illud constituentium, aut perfectientium, natura cognoscatur. Porro in inuestiganda naturæ rationis, considerare in primis oportet, simplexne sit, an multiformis, id est ex pluribus composita. Si simplex fuerit, ipsius facultas inspicienda est, quid scilicet, & in quod agere, aut quid, & à quo pati possit: sic namq. perfectā erit eius naturæ simplicis cognitio. Quod si species habet multas, (id est ex multis specie differentibus sit composita) inuestigandum est, quot ea sint, ex quibus componitur: quibus tandem inuentis inquirendum, quid eorum singula agere, & pati



pati possint. Hac methodo inquit hoc libro Hippocrates hominis naturam, A  
 ut docet in presentia Galenus, & clarius multo commentario ultimo huius li-  
 bri. Quippe cum propriam hominis naturam, id est proximam materiā, aut ele-  
 menta propria ex quibus constat, hoc libro demonstrare instituisse, homo ve-  
 ro veluti pars quēdam totius mundi sit, propriam hominis naturam sine totius  
 mundi natura cognosci non posse recte intellexit. Quo consilio totā hanc dis-  
 putationem a natura totius mundi exorsus est, quam iuxta prædictam metho-  
 dum inuestigat, inquirens primum simplex ne sit, an multiformis, id est an uni-  
 cum sit mundi elementum, an plura. Demonstrat vero firmis rationibus, vnum  
 non esse mundi elementum, sed plura. Quare rursus inquit, quot, qualiaq. sint  
 plura illa mundi elementa, necessariiq. rationibus quattuor esse demonstrat, B  
 in quorum singulis naturalem & agendi & patiendi vim expendens, ipsa vo-  
 cat calidum, frigidum, siccum, & humidum. Absoluta ad hunc modum disputa-  
 tione de natura mundi, accedit deinde ad disputationē de natura hominis pro-  
 pria, in qua eandem methodum seruans, inquit primum, simplex ne sit, an ex  
 pluribus composita. Probat vero firmis demonstrationibus, simplicem non esse,  
 id est vnicum non esse proprium hominis elementū, sed plura: quæ tandē quar-  
 tuor esse ostendit, nativasq. ipsorum vires, ac facultates explicat. Iam vero Hip-  
 pocratis vestigia sequutus Plato, eādem prorsus methodo animæ naturam in-  
 quirat in Phædro. Quippe, ut ipse ait, medendi artis atque dicendi eadem fer-  
 me est ratio: proindeq. in utrāq. naturam partiri oportet, corporis quidem in  
 vna, in altera vero animæ. Quemadmodum igitur in Medicina propriæ humani  
 corporis naturæ cognitio ad morborum curationem est necessaria, sic in Rheto-  
 rica ad recte persuadendum propriæ cuiusque animæ naturæ cognitionem ne-  
 cessariam esse docet. Dicitur autem propria cuiusque animæ natura, id quod pe- C  
 culiari ratione cuique animæ inest: alia namq. est iracundæ animæ natura, alia  
 mansuetæ & mitis: alia iridem est animæ liberalis, alia auaræ. Hanc igitur pro-  
 priam animæ naturam recte sensit Plato, cognosci non posse sine totius natura, à  
 qua primum exorditur, inquirens scilicet simplex ne sit, an multi formis. Demō-  
 strat vero multiformem esse, & ex tribus siue partibus, siue facultatibus consti-  
 tutam, concupiscibili, irascibili, & rationali. Ac rursus harum singulæ multiformes  
 esse videntur, pro diuersitate affectuum quos sustinent, & obiectōrū in quæ  
 feruntur. Hinc enim variæ nascuntur animarum differentię, ut anima continens  
 & libidinosa, anima fortis & timida, anima prudens & stolidi. Quod igitur sin-  
 gulis animæ differentiis peculiari ratione inest, id oratori cognoscendum esse  
 præcipit Plato, ne suo sine frustretur. Alioqui enim vix persuadere possit, nisi pri-  
 mum intellexerit, quid singulæ animæ & agere & pati possint: cum dissimili ra- D  
 tione patiatur, & agat anima continens aut libidinosa, anima timida aut fortis.  
 Immo & accuratius adhuc visus est plato Hippocratis methodum imitari, nā  
 ut disputaturus Hippocrates de hominis natura à totius mundi natura exorsus  
 est: ita & Plato videtur sentire, ad cognoscendam humanæ animæ naturā, ex-  
 ordiendum esse ab anima mundi, cuius veluti partes quasdam esse voluit homi-  
 nis, ceterarumq. rerū animas. Quo nomine commendauit Periclem oratorum  
 longe præstantissimum, qui ex iis quæ de natura mentis & dementiæ (ut ipse lo-  
 quitur) ab Anaxagora didicerat, ad dicendi artem traduxit quæ sibi condu-  
 cere videbantur. Tot igitur ac tanta voluit Plato oratori cognoscenda esse, ut  
 recte suo munere fungi possit.

*Tales vero omnes veterum philosophorum libros de natura conscriptos inue-  
 nias,*



**A** nias, nempe Empedoclis, Parmenidis, Melissi, Alcmeonis, & Heracliti. Aliqui non vnum, sed plures huius speculationis libros composuerunt: aliqui etiam multo plures, quemadmodum Epicurus. Incipit enim is, sicuti & alij omnes, a quaestione, vnum ne sit & simplex cuius naturam inuenire conemur, an compositum ex simplicibus quibusdam se prioribus, quæ veterum ipsorum successores elementa nominare consueverunt.

Methodum ante explicatam non solum obseruauerunt Hippocrates & Plato, sed etiam veteres illi philosophi, qui libros de natura conscripserunt, vt Parmenides, Empedocles, Melissus, Alcmeon, Heraclitus, & Epicurus, quorum omnium opera prorsus perierunt. Incipiebant enim omnes ab ea quaestione, sit ne vnum & simplex, cuius naturam inuenire studebant, an compositum ex simplicibus quibusdam se prioribus, quæ veterum successores elementa vocauerunt. Iam vero & Aristoteles eadē methodo disputasse videtur de rerum naturalium principiis & elementis. Obseruatione dignum illud est hoc loco, quod elementi nomen à veterum successoribus inuentum dicatur ad significanda prima illa corpora, ex quibus cetera fiunt: hæc namque (vt antea docuimus ex Aristotele) veteres illi philosophi naturam potius quam elementa appellauerunt. Id quod ex eo etiam constare potest, quod nusquam Hippocrates, nusquam Plato, ignem, aërem, aquam, & terram vocauerunt elementa. Immo nusquam (quod sciam) elementi nomine vsus est Hippocrates, quamuis id putarit fortasse quispiam, deceptus iis quæ leguntur sententia septima, & decima tertia huius libri, in quibus nominis elementi fit mentio. Docebimus tamen suo loco, errorem esse interpretis, qui dictioni Hippocraticæ elementi nomen temere adiecit. Hippocrates ergo ignem, aërem, aquam, & terram, aut (vt ipse loquitur) calidum, frigidum, humidum, & siccum, numquam vocauit elementa, sed tantum naturam corporum. Plato vero elementi nomine sæpe vsus est, nusquam tamen ignem, aërem, aquam, & terram, sed potius triangula rectilatera, elementa esse dixit. Siquidem prima illa corpora diuisit Plato in materiam & formam, quam voluit esse compositam ex æquilateris triangulis, aut ex quadratis, atque hæc rursus ex alijs simplicioribus constare asseruit: triangulum scilicet æquilaterum ex rectilateris duobus, quadratum vero ex quattuor. Ac quoniam ulterius progredi non poterat, in his quasi minimis quieuit, eaq; proinde elementa appellauit. At veterum successores, potissimumque Platonis discipuli, prima illa corpora ex quibus constat, omnium primi elementa vocauerunt, veluti Aristoteles, quem Galenus ceterique philosophi hætenus sequuti sunt.

Lib. 1. phys. & lib. 3. de coelo.

Gal. lib. 5. de Hipp. & Plat. cap. 3.

Quomodo Grammatici in voce quattuor & viginti elementa esse pronuntiant, hoc est simplices, primasque particulas, quæ non amplius in alias diuidi possunt, sicuti syllabæ. Nam si de hac syllaba, stra, primum adimas elementum, scilicet reliquam adhuc integram habere syllabam, tra, ita si rursus ab ipsa, tra, primam adimas literam, t, id quod ex hac reliquum est, habebis, ra, quod diuidi potest. Non tamen, a, adhuc diuidere licet, neque illam ex duobus, tribusue sonis, sicut alias multas constare ostendes: verum indiuisus vnus ipsius sonus est, non secundum quantitatem simpliciter (vt alibi & nos, & alij plerique philosophi ostendi-



mus) verum secundum solam speciem. Pari modo qui quattuor elementa corporum quæ generationi & corruptelæ subiecta sunt, esse dicunt aërem, ignem, terram, & aquam, quoniam amplius singula ipsa in plures species secari nequeunt, ideo naturalis \* speculationis principia, ipsa statuunt.

\* φυσιογνωσία.

Ex iis quæ de libri inscriptione ac methodo hætenus diximus, Hippocratis institutum intelligitur: instituit enim agere de elementis. Galenus tamen nonnulla nunc docet de elementis, ut Hippocratis institutum certius innotescat. Docet itaq; in primis, elementi nomen, quod ad significanda prima illa corpora ex quibus constamus, à veterum successoribus inuentum fuit, ad res alias significandas sepe transferi. In vniuersum enim simplices ac primæ rei cuiusq; particule, quæ amplius in alias diuidi non possunt, elementa dici solent: per abusum tamē, ut ipsemet ait commentariis ultimo huius libri. Quo pacto musica, rythmica, arithmetica, geometrica, & demonstrationis elementa statuuntur. Et Grammatici quattuor & viginti Græcæ orationis, seu vocis, elementa esse pronuntiant, quæ primæ sunt, ac simplicissimæ, vocis ac orationis particule; quæ in alias simpliciores diuidi nequeunt. Quo nomine conueniunt cum primis illis corporibus, quæ proprie ac vere elementa appellantur, quæ primæ itidem sunt ac simplices mistorum corporum particule, secundum speciem omnino indiuisibiles. Et quamuis elementa (ut postea dicemus) à principiis distinguantur, prima tamen illa corpora, quæ proprie sunt elementa, dicuntur hoc loco à Galeno principia, non corporum mixtorum quorum sunt elementa, sed naturalis speculationis, quæ sane incipit ab elementorum cognitione. Porro ex iis quæ Galenus hoc loco docet, hæc elementi definitio colligitur, quam alibi tradidit manifestius, Elementum est minima particula eius cuius est elementum. Et Aristoteles elementum esse ait, id ex quo quidpiam componitur primo, ita ut insit, indiuisibileq; sit specie in aliam formam. Quæ sane definitiones, corporum, vocis, & demonstrationis elementis conueniunt, & in vniuersum simplicibus ac primis rei cuiuscumq; particulis: vnde perspicuum est, elementum, non secus ac partem, ad aliquid dici. At elementa corporum, de quibus solis agendum est hoc libro, ab Aristotele ita definiuntur, Elementum est corpus simplex, in quod cetera corpora diuiduntur, cum potestate insit vel re ipsa, ipsum autē in ea quæ specie differunt, diuidi non potest. Auctor finitionum accuratius definit in hunc modum, Elementum est id, ex quo primo & simplicissimo progenita omnia sunt, & in quod simplicissimum resoluntur. Aliquando tamen Galenus corporum elementa considerat, non quatenus referuntur ad mixta, sed quatenus talia corpora sunt propriam seruantia naturam: qua ratione elementum inquit esse corpus simplicissimum, & impermixtum.

Lib. 1. de elementis. cap. 1.  
& li. 3. de Hip.  
& Plat. decre.  
cap. 2.  
Li. 5. meta. c. 3.

Lib. 3. de cælo  
cap. 3.

Lib. 1. de elementis. cap. 6.

Prima siquidem est corporum minimorum notio quantitatis ratione, deinde alia secunda qualitatis, ut in elementis vocis ostensum est. Atq; hinc naturales philosophi inter se differunt, nonnulli sane elementa corporum generatorum & corruptibilium, particulas quantitate minimas statuentes, nonnulli vero qualitate. Verum de significato vocis elementi libro primo de nominibus medicis copiosissime disputatum est, quemadmodum & de naturæ vocabuli significatione in quinto.

Cum elementum sit minima pars eius cuius est elementum, proponit duas signifi-



- A** gnificationes minimi, ut doceat quomodo elementa corporum minimæ dicantur mistorum particulae. Dicitur ergo minimū bifariam, quantitate, & qualitate siue specie. Quantitate minimum illud dicitur, quod in minorem quantitatem diuidi non potest: & quoniam quantitas diuidi potest in infinitū, nihil profecto erit minimum quantitate: quamuis philosophorum nonnulli id perperam olim concefferint. Specie minimum illud appellatur, quod quamuis secundum quantitatem possit diuidi, in sua tamen specie amplius diuidi nequit. Quo fit, ut in singulis rerum formis detur minimum, quo minus in eadem specie dari nequeat. Ex hac duplici significatione minimi ortum habuerunt duæ veterū philosophorum sectæ de primis corporum elementis. Quidam enim elementa particulas ipe specie minimas esse voluerunt, ut Hippocrates, quem sequuti sunt Peripaterici omnes & Stoici: alii vero existimarunt, esse particulas quantitate minimas, ut Democritus, Leucippus, & ceteri omnes, qui atoma corpuscula dixerunt esse rerum elementa. Eiusdem sententiæ fuit Empedocles, qui mista corpora ex igne, aere, aqua, & terra componi opinatus est, non tamen per se tota temperatis, sed ad minima tantum diuisis, sibiq; mutuo apposis. Hæc docet in præsentia Galenus de significatione nominis elementi, reliqua consulto prætermittit, quoniam de hac re copiose disputauerat libro primo de nominibus medicis, quæadmodū de significationibus naturæ libro quinto. Nemini ergo mirum videatur, si non omnes naturæ, & elementi significationes hoc loco tradiderit, sed eas dumtaxat quæ ad præsens institutū potissimū pertinebant: didicerat enim ex Aristotele, id omne quod vnum est, & paruum, & ad multa conducit, elementum quoque per translationem vocari. Opus Galeni de nominibus medicis nō exstat iniuria temporum, ad ipsius tamen similitudinem conscriptus est liber finitionum medicarum, qui Galeni nomine falso circumfertur. Et nostris temporibus definitiones medicas edidit Iohannes Gorraeus Galenum imitatus.

Lib. 5. metha-  
phy. cap. 3.

- At in præsentia non de appellationibus, aut significatis, sed de rebus ipsis disputatio est, ex quibus minimis siue secundum magnitudinem, siue secundum speciem prima corporum generatorum compositio sit conflata, quæ Aristoteles & nos appellamus οὐκίνητος, id est similaria. Secunda namq; ex his alia corporum sit constructio, quæ vocamus ὀργανικά, id est instrumentaria, manus, cruris, oculi, lingue, pulmonis, cordis, iecinis, lienis, renum, ventris, vteri, & id genus aliorū. Quippe constat ex primis & similaribus, quæ sane etiam πρῶτογενή, id est primogena, Plato appellare consuevit: de quorum differentia dictum quidem iam est vno quodam volumine, nunc autem summam dicetur clarioris doctrinæ gratia.*
- D** Similare igitur est os, cartilago, & ligamentum: simile & membrana, & pinguedo, & caro, tum quæ musculorum fibris circumdatur, quæ & ipsæ sunt similes, tum quæ in visceribus habetur, quam Erasistratus etiam ὡσπερ χυμῶν, quasi dicas affusionem, vocare solitus est.

Quamuis ex veteribus philosophis alii elementa quantitate, alii specie minima statuerint, in eo tamen omnes consentiunt, quod ex illis siue quantitate, siue specie minimis, partes corporis similes generentur. Constat enim & hominis, & reliquorum animalium corpus, ex duplici partium genere, similarium scilicet, & organicarū. Partes similes, ut vocant Aristoteles & Galenus, aut primo ge-



Lib. 2. de tem.  
cap. 5

Ibidem.

mogeniæ, vt Plato appellat, eæ dicuntur, quæ si diuidantur, eandem naturam, idemque nomen habent cum toto: vel quæ ex aliis partibus non componuntur. Harum multa exempla hoc loco scribit, ex quibus duo potissimum obseruare oportet. Primum est, exemplum pinguedinis, quo vsus innuit pinguedinem veram esse corporis partem, quod tamen controuersum est, vt alibi dicemus. Alterum est exemplum carnis, quam duplicem statuit, musculorū scilicet & viscerū, quamuis præter has, alias etiam carnis species ipse concesserit, vt dicemus etiam alibi. Partes organicæ, siue instrumentariæ appellantur, quæ ex partibus similaribus componuntur, aut quæ vbi diuiduntur, neque idem nomen, neque eandem naturam seruant cum toto: cuius generis sunt cerebrum, cor, iecur, & manus. Habent singulæ istæ partes propriam suam constitutionem, partes quidem organicæ ex similaribus, similes vero ex primis elementis. Quare vt prima illa ac simplicissima corpora, partium similarium sunt elementa, ita & partes similes elementa sunt partium organicarum, ex quibus vniuersum corpus cōstat. Hæc sane quæ de elementis Galenus hætenus docuit, vtilissima sunt ad intelligendum Hippocratis institutum; qui agit tantum hoc libro de elementis partium similarium. Quippe cum partium organicarum elementa sensui subiiciantur, non sunt per demonstrationem inuenienda, sed ex anatome cognoscenda; quæ sola docet, quot qualesque sint partes similes, ex quibus singulæ partes organicæ componuntur. At elementa partium similarium sensum prorsus effugiunt, solaque demonstratione inueniri possunt; vnde factum est vt de his olim maxime sit à philosophis dubitatum. Merito igitur Hippocrates de his solis disputare hoc libro instituit.

Ceterum significauit statim ab initio operis, quo medendi methodum qualis nā sit demonstraui fieri non posse, vt per indicationes similaribus corporibus medearis, nisi prius cognitum habeas, vtrum singula ipsa simplicia sint, an ex pluribus conflata: item temperata illa ne sint per tota, an solum se mutuo contingant. Iam vero ostensum est à me, nonnullos medicos (è quorū numero & Erasistratus est) ex dimidio esse dogmaticos, qui instrumentariarum partium morbos ratione curant, similarium, aut neutiquam, aut Empiricorum more. Nec sciunt plerique ipsorum, quomodo instrumentariorum morbi, ab iis qui similaribus accidunt, differant, veluti nec de vtrorumque ipsorum numero. Sed vos, o sodales, etiam de morborum differentiis vnum aliquem è nostris commentariis habetis, & remediorum non exiguum opus, cui titulum indidi Methodum medendi. Verum tum hæc, tum alia, de natura corporis nostri disputationem requirunt, quæ præsentī in volumine docetur.

Explicata libri inscriptione, methodo, & instituto, docet nunc quartò huius libri vtilitatem, quæ est potissimum duplex, altera ad inueniendas differentias morborum partium similarium, altera vero ad instituendam iisdem morbis curationem. Neque enim morbi partium similarium proprii inueniri, neque certa methodo curari possunt, nisi antea cognitum sit, an partes similes ex vnicò elemento constent, an ex pluribus: & rursus si plura sint, sint ne per se tota temperata, an sibi tantum appositia. Hinc enim factum est, vt diuersas morborum species in partibus similaribus, & diuersam quoque curandi rationem, Rationales & Metho-



- A** Methodici tradiderint. Hi namq; cum ex impatibilium atomorum concretionem partes similes fieri putarent, duos tantum simplices morbos concesserunt, meatuum scilicet laxitatem, & eorundem densitatem: illi vero, cum ex quattuor elementis per se tota temperaretur, similes partes fieri arbitrati sint, quattuor potius simplices partium similiarum morbos statuerunt, & rursus quattuor in uniuersum genera remediorum, cum tamen Methodici duobus essent contenti. Sed & ex iis qui sectam rationalem proficebantur, quidam existerunt, qui partium organicarum morbos recta methodo curabant, quod partium organicarum elementa exacte cognoscerent, morbos vero partium similiarum, quarum elementa ignorarent, aut nulla ratione, aut certe Empiricorum more curabant. Quos proinde merito & hic & alibi semidogmaticos vocat, & quorum numero Erasistratum fuisse testatur. Illud tamen silentio pretereundum non est, quod opus de medendi methodo vocet hoc loco non exiguum remediorum opus, cum tamen paucissima ibi describantur remedia. Ut hinc facile sit intelligere, ea tantum vocanda esse remedia, quæ recta methodo ex indicationibus constituta inuenta fuerint, cumq; solum de remediis optime deliberaturum, qui medendi methodum ad vnguem didicerit, non qui plures schedulas, ex aliorum libris transcripserit, aut à suis præceptoribus, vel etiam (si Deus placeat) à pharmacepulis acceperit. Neque enim quod à medico præscribitur remedium esse potest, nisi ægrotum iuuerit.

Lib. 2. metho.  
cap. 6.

- Quare etiam mirari aliquis possit illos, qui librum de natura hominis non esse germanum Hippocratis censent, sed ut ipsi vocare consueverunt ῥόδος, id est spurium, decepti ab iis quæ ipsi afficta sunt, & interposita, de quibus in his ipsis commentariis fusius tractabo. In præsentiarum satis est explicare, quæ in germano, vel etiam adulterino Hippocratis opere comprehensa sunt, quorum lectio sic habet. Huius libelli prima in uno volumine pars ad ducentos & quadraginta versus porrigitur, ostendens ex calido, frigido, sicco, & humido, animalium corpora esse conflata, pariter & de humorum natura decens. Altera post hanc pars varia est, etenim prima pars erraticos morbos a publice grassantibus, pestilentibusq; discernit, & propriam utriusq; generis curationem summam tradit. Hanc subsequens libri pars confectionem venarum persequitur. Deinde de morbis varia est doctrina, & postea salubris victus ratio ad priuatos conscripta: postremo qua ratione quis crassissimos homines attenuet, aut tenuissimos repleat: quibus coniuncta est de vomitu præceptio: mox brevis quædam puerorum victus rationis descriptio: deinde mulierum: post eorum qui exercentur: ad finem adiecta est versibus circiter decem, cerebri morborum doctrina temere, & sine iudicio. Proinde clarum omnibus est, totum libellum ex multis instructum, conflatumq; esse, ad sexcentes fere versus, aut paulo minus extensum. Habet autem primam sane disputationem, ubi de elementis & humoribus agit, omnino Hippocratis arti consentaneam, quemadmodum & secundam, quæ morbos publice grassantes, & erraticos inter se distinguit. At eam, quæ de venarum confectione est euidenter ab aliis interposita, totam habet viciosam. Neque enim iis quæ apparent consonat,*
- & ab*



& ab iis quæ in secundo de morbis passim ingruentibus sunt comprehensa, dissen- **A**  
 tit. Subsequentium alia supposititia sunt, de quibus, cum tibi librum interpretabi-  
 mur, exacte agemus: alia vero sunt mentione digna, & paucis recte dicta, nec ab  
 arte Hippocratis aliena, sicuti quæ de salubri victus ratione prodita sunt. Ex  
 his totus quidem liber constat, verum prima ipsius pars totius Hippocraticæ ar-  
 tis veluti fundamentum continet. Quare demirari nonnullos me dixi, qui eam  
 ab Hippocratis sensu alienam esse tuentur, plurimi siquidem, qui Hippocratis  
 artem habent cognitam, germanis ipsam adscribunt, iudicantes magni Hippo-  
 cratis esse commentarium: quidam vero Polybi eius discipuli, simul & in iuue-  
 nibus docendis successoris, qui nullum plane Hippocratis dogmatum videtur trans- **B**  
 mutasse in ullo suo libro, quemadmodum neque Thessalus eius filius, mirabilis  
 sane vir & hic existimatus, sed qui non in patria, sicuti Polybus, permanserit,  
 nam Archelao regi Macedoniae familiariter conuixit. Itaque per suum habent,  
 ut dixi, & alii prope vniuersi medici præter paucos quosdam, Hippocratis esse  
 librum de natura hominis: id quod nec Plato ipse ignorat. Scribit itaque in Phe-  
 dro sententiam paullo ante a me recitatam, cuius initium hoc est. SO. Anima  
 igitur naturam sine totius natura intelligere te, ut conuenit, posse arbitraris? **C**  
 PHÆ. Si sane Hippocrati Asclepiadae credendum est, ne corporis quidem na-  
 turam citra hanc methodum possis. Hæc verba perlegentes, inconsultos illos nu-  
 gatores considerare oportebat, quo in libro Hippocratis methodus, quam Plato  
 commendat, perscripta sit, quippe non in alio quam presenti hoc commentario de na-  
 tura hominis tradita esse videbitur. Deinde vero & alia singula, quæ Plato cõ-  
 memorauit, quæ etiam ego in opere de elementis secundum Hippocratem edocui,  
 & nihilominus in præsentia persequar. Ad idque nunc me accingo, quandoqui-  
 dem ita vobis visum est, illud sane adhuc ubi sermoni adiecero, orationum, quæ  
 in libro sunt, expositionem aggrediar. Cum liber de elementis secundum Hippo-  
 cratis sententiam à me aliquando conscriptus, in multorum manus incidisset,  
 probatusque ab omnibus esset eruditus, pauculi indocti, qui demonstrationum in eo  
 scriptarum nullam potuerunt reprehendere, (quamuis id aggressi) contabesce-  
 bant, rumpebanturque inuidia, hoc satis esse ad calumniam putantes, si dicerent **D**  
 opus non esse ipsius Hippocratis. Esto igitur neque Hippocratis, nec ipsius Poly-  
 bi, nec si velint, omnino conscriptus liber sit de hominis natura, qui ostendat cor-  
 pora nostra ex calido, frigido, sicco, & humido esse conflata: etsi enim hoc ipsis  
 donabimus, tamen corpora nostra ex his constare, Hippocratis est dogma. Nam  
 in libris qui maxime germani ipsius sunt, non modo differentias morborum his  
 principiis consentaneas facere videtur sed etiam curationis modos illinc inueni-  
 re. Siquidem morbi ipsorum (principiorum) ratione calidi, frigidi, humidi, & sicci  
 inter se differunt: curatio autem fit, calidorum sane dum refrigerantur, humido-  
 rum



**A**rum dum siccantur, veluti & frigidorum dum calfiunt, siccorum dum humectantur. Præterea ante hæc, ipsas naturas hominum alias calidas, alias frigidas, has humidas, illas siccas arbitratur. Aetatesque similiter, & regiones etiam pari modo inuicem differre autumat: cum nihil horum Erasistratus vnquam prodiderit, sicut nec alius quispiam eorum, qui calidum adscititium, non innatum esse putant. Sic etiam alia omnino particularia Hippocrates sane ad hæc principia refert, Erasistratus autem non obseruat: quæ caussa est, vt nonnulla naturæ opera indiscussa reliquerit, quemadmodum in commentariis de facultatibus naturæ docuimus. Quoniam vero qui omnibus honestis obstrepunt, sermonibus prolixitatem criminantur, dicentes, nos quiduis potius quam commentarios scribere, decreui, & hanc ipsorum contumeliam \* rescindere proprio alio opere \* ἀπὸ τῆς ἀπὸ τοῦ ἐμοῦ συγγραμμάτων τῶν κοινῶν οὐκ ἔστιν τοῖς.

**B**is prolixitatem criminantur, dicentes, nos quiduis potius quam commentarios scribere, decreui, & hanc ipsorum contumeliam \* rescindere proprio alio opere \* ἀπὸ τῆς ἀπὸ τοῦ ἐμοῦ συγγραμμάτων τῶν κοινῶν οὐκ ἔστιν τοῖς. à me conscripto, in quo opinionem eandem cum Hippocrate me tueri ostendam, quæ in libro de natura hominis scripta est, & in aliis omnibus commentariis. Noui autem rursus, quemadmodum in omnibus iis quæ à nobis demonstrantur, inuidi ea calumniari veriti quæ ab omnibus collaudantur, criminantur aliquas speculationes eorum quæ ipsis communicant: \* ita etiam nunc facturos ipsos. \* θεωρήματα τῶν κοινῶν οὐκ ἔστιν τοῖς.

**E**tenim in libris qui scribuntur \* dicunt, Hippocratem vti quidem vere scopis elementaribus, calido, frigido, sicco, & humido, non tamen vere ipsum sentire. \* γραφικὸν μὲν.

**C**um autem demonstret rursus ex his corpora nostra conflare, non videri hoc Hippocrati didicisse, quippe librum de natura humana non esse Hippocratis. Sicut igitur illi malefacere non desistunt, ita & nos conuenit, memores eorū quæ in singulis commentariis erant proposita, in memoriam illis reuocare, & neque cum demonstramus Hippocratem in omnibus cōmentariis, artis suæ fundamentum in scientia de elementis repertis statuere, hoc onisso de veritate ipsorum inquirant: neque cum de veritate inquirimus, aut etiam demonstramus, digrediantur ad sententiæ ipsius considerationem. Sed priuatim quidem an vera de elementis disputatio sit, disquirant, priuatim quoque, an hæc elementa Hippocrates statuerit. Cum itaque duo hæc disquirenda proponantur, prius in opere de elementis secundum Hippocratem, & in disputatione modo proposita considerent. Hinc abunde colligitur, eadem semper elementa statuisse, librumque præsentem conscripsisse, viris non imprudentibus apparet.

Hippocratis liber de hominis natura varias olim disputationes continebat, quarum aliæ dogmatis Hippocraticis erant omnino consentaneæ, aliæ vero ab iisdem prorsus alienæ: quæ sane perperam ab aliis adiectæ fuerant. His itaque decepti nonnulli medicorum, librum de hominis natura Hippocratis non esse crediderunt, quorum opinionem Galenus hoc loco refutat. Distinguit vero diligenter quæ vera sunt, & Hippocrati consentientia, ab iis quæ falso fuerant adiecta, quæ itidem interpretum diligentia reiecta iam sunt in alios



Lib. 3. variar.  
obseruat. c. 11.

libros: potissimumq. in librum secundū de natura humana. At liber iste de natura hominis prima erat totius eius voluminis pars, quæ disputationem continet de communibus & propriis elementis. Hanc igitur esse Hippocratis legitimam, Platonis testimonio nūc probat, & ex aliis libris, quos Hippocratis esse constat, recte confirmat, in quibus & varias corporum naturas, & varias morborum differentias, & diuersas curandi rationes, ad elementa hoc libro demonstrata perpetuo retulit. Cetera, quia facilia sunt, explanatione non indigent, etiam si sint a Guinterio obscure translata. Nimirum tamen Marfilii Cagnati diligētiam animaduertere non pigebit, qui frustra obseruat, totum hunc locum, in quo Galenus totum librum de hominis natura diuidit in duas partes, in Græcis exēplaribus deprauatū esse. Quippe cum toti volumini sexcentos fere versus Galenus assignet, & priori voluminis parti ducentos & quadraginta: partem alteram priori longiorem esse, & versibus tercentum & sexaginta constare necesse esset: quod tamen falsum esse credit Cagnatus. Quare lectionem audacter immutans, pro διακοσίοις, id est ducentos, sentit legendum esse ς, numeri quaternarii notam; & pro ἑξακοσίοις, id est sexcentos, sentit legendum esse ἑξήκοντες, id est sexaginta. Ex qua lectione hunc sensum elicit, ut prior voluminis pars ad quattuor & quadraginta, totum vero volumen ad sexaginta fere versus protrahatur. Quam sententiam ut veram efficiat, σίχς, interpretatur contextus, aut particulas, totumque volumen in sexaginta sex contextus partitur: ex quibus prior pars quattuor & quadraginta, posterior vero duos & viginti contineat. Ridiculum tamen est, σίχς interpretari particulas, aut contextus, cum significet potius versus, aut lineas. Neque verum est, secundam voluminis partem breuiorem esse priori, quæ sane fuit Cagnati ratio, eaque leuissima. Neque enim secunda voluminis pars, secundum librum de natura humana (ut ipse forsā arbitratur) dumtaxat complectebatur, verum etiam (ut fatetur Galenus hoc loco) librum Polybi de salubri diætā, qui nunc ab utroque libro de natura humana separatus iam circumferritur. Quod si librum secundum de natura humana, & alterum de salubri diætā, ad secundam totius voluminis partem referas cum Galeno, rem proculdubio ita habere comperies, ut hoc loco scriptum est. Hæc igitur ab obseruationum auctore paullo diligentius obseruari debuissent.

## HIPP. SENT. I.



VI de natura humana vltcrius quam ad medicinam pertineat, disputantes audire consuevit, ei hunc sermonem audire commodum non est. Neque enim το πᾶντα, hoc est in totum, aërem dixerim hominem esse, neque ignem, neque aquam, neque terram, neque aliud quidpiam, quia non vnum in homine esse apparet. Sed hæc iis qui volent dicere permitto.

G A L.



## G A L. C O M.

A **Q**uantum ad seriem hanc dictionum attinet, haud adeo fieri posse videbitur, ut manifesto auctoris sententiam intelligas. Accusat enim eos qui disputationem de natura ulterius abducunt quam medicina postulet: ulterius autem abducere, aliquis poterit intelligere illos, qui ignem, aquam, aërem, & terram, hominis naturae elementa esse dicunt, si non misceant ipsa, item illos qui elementum unum aliquod ponunt: quorum priorem sententiam prompta imaginatione, secundam vero exacta magis consideratione percipimus. Nam qui corpora nostra ex igne, terra, aqua, & aëre inuicem temperatis constare arbitrantur, ab his inique postulabit aliquis, ut secernant ostendendo in nobis aquam, aut ignem, aut terram, aut aërem, aut si non ostendunt, conuinci dicat. Simile enim hoc est, ac si voles in medicamento tetrapharmaco, vel ceram, vel picem, vel seuum, vel resinam puram, sinceramque ostendi, aut iis qui nequeant ostendere, non concedas ex his ipsum esse compositum. Nam dum quattuor contemperari dicuntur, nullum ex ipsis sincerum esse ostenditur. Possis igitur ambo in proposita oratione intelligere; verum in iis quae mox dicuntur, secundum ab auctore astrui videtur. Et si quis animum diligenter aduertat, etiam hac ipsa oratione, ubi inquit, Neque enim hominem in totum aërem esse dixerim, non hoc dicit, quod non sit omnino in nobis aër, quemadmodum neque quod ignis, vel aqua, vel terra, sed quod non in totum sit, quod Graece ἐν τῷ πᾶσι dicunt. Ex qua dictione significatur [Graecum] illud ἐν τῷ πᾶσι, hoc est non omnino, non autem [illa dictione] καὶ ὅλος, hoc est, nulla ex parte. Neque enim res de qua disputamus, per dictionem πᾶσι, tollitur omnino, sed quod in ea absolutum est, & mixturae expers, comminuitur. Quin & Homerus in eo significatu voce πᾶσι uti videtur, in quibus scribit.

ὅλον δὲ πᾶσι  
ἡδὲ καὶ δάσει ἀχαιῶν ἰδὼν προ,

id est,

D Non quia Graecos

In totum voluit sub Troia perdere muris.

Item Hippocrates ipse, cum ait, Morborum acutorum ἐν τῷ πᾶσι, id est non in totum securae sunt praedictiones, siue ad sanitatem, siue ad mortem. Etenim poeta scribit, Iouem in gratiam Thetidis magnam Graecorum cladem velle moliri, non tamen omnino ipsos extinguere: Hippoc. vero multas sane praedictiones firmas esse dicit (ut in commentariis in librum Prognosticon ostendimus) non tamen omnes praestat intelligere. Quod etiam subsequenter declarat, \* Hippocratem non concedere iis, qui aërem solum humani corporis esse elementum dicunt, quemadmodum

\* ἀλλοῦ  
\* οὐκ αἰετῶν.



neque iis qui terram solam, aut aquam, aut ignem: neque enim vnum aliquod A  
horum est, sed omnia elementa. Proinde etiam diuisionem ad finem orationis  
positam, cum ambigua sit in eo ambiguitatis genere quod ex diuisione & com-  
positione nascitur, satius est diuisionem legere, ubi inquit [Græco sermone] *ὅτι*  
*ὅτι φανερὸν ὅτι ἐν ἑνὶ ἄνθρωπῳ*, hoc est, quoniam non vnum in homine ens  
apparet. In qua sententia *ἐν ἑνὶ*, non ut priorem interpretationem celebrantes  
censent, vna est orationis pars, quæ ab aliis Græcis duabus syllabis effertur,  
*ἐν ἑνὶ*, ab Ionicis tribus *ἐν ἑνὶ*, verum duæ sunt orationis partes; prior, nomen  
monosyllabum, ut cum numerando dicimus, *ἑν*, hoc est vnum, duo, tria: altera,  
quam nos quidem *ὅτι*, (id est ens) dicimus, Iones autem duabus syllabis *ἐν ἑνὶ*.  
Ostendetur enim in subsequentibus Hippocrates refragari, non iis qui putant,  
singula quattuor elementorum in corpore contineri, sed iis qui vnum dumtaxat B  
ex ipsis naturam hominis esse arbitrantur. Quomodo igitur, inquires, ulterius  
quam medicina postulat, disputatio hæc procedit, in qua vnum quodlibet ele-  
mentum nonnulli naturam hominis esse statuunt? Quoniam, ut ipse paullo post  
dicet, hanc opinionem sequitur nunquam hominem dolere: & si quis hoc conces-  
serit, vnum etiam remedium esse: sed dolere & curari videtur multifariam,  
eoque falsa plane est opinio. Inspiciamus igitur singula iam dicta, quomodo  
ipsa in subscriptis verbis *καὶ αἶρα καὶ ὕδωρ*. Neque enim *τὸ πᾶν*, hoc est in totum, C  
dixerim hominem esse aërem, neque aquam, neque terram, neque aliud quid-  
uis, quia vnum in homine esse non apparet, sed iis quibus hæc libet dicere  
permitto: Artemodus\* cognomento Capito, Hippocratis libros in lucem edidit, D  
quæ editio non solum apud Adrianum Imperatorem in pretio est habita, verum  
etiam nunc admodum à multis studiose affectatur, probaturque, sicut & ea  
quam Dioscorides ipsi coætaneus inuulgauit. Multa igitur vterque transcri-  
bendo corrigens, veteres scripturas immutauit, quas solas norunt, qui Hippo-  
cratis libros interpretati sunt. Capito autem cum pleraque alia, tum hanc modo  
propositam orationem immutauit, hunc in modum scribens, *ὅτι γὰρ τὸ πᾶν ἢ ἕρ  
ἀέρι τὸν ἀνθρώπου εἶναι, ὅτι πῦρ, ὅτι ὕδωρ*, id est, neque enim in totum aërem dixerim  
esse hominem, neque ignem, neque aquam. Quia enim neque librum viri vete-  
ris inuenit, qui terram solam elementum esse diceret, neque apud eos viros qui  
maxime huiusmodi historiam pertractarunt, puta Peripateticos, huius opinionis  
auctorem quemquam prodi, lectionem audacter immutauit. Satius autem erat in-  
crepare eos, qui contentiose inuestigarunt, quis esset vir, qui terram solam elementum  
opinatus sit: perinde enim hoc est, ac si quæras, quis erat, qui manum luxatam, supi-  
nam deligari voluerit: & quis ille exstiterit, qui calcanei deligaturam, aliter quam  
Hippocrates, fieri precepit: quis rursus, qui clauiculam, aut quis, qui fracturas  
cum ulcere coniunctas in ipso quidem ulcere non deliget, in vtraque autem ipsius  
parte

\* Artemodus.



A parte deliget, aut quis in adurendo humeri articulum, non in quibus conuenit partibus, crustas induxit: aut qui erant, quos in oratione de spinis dorsi accisat. Multa enim id genus Hippocrates & in opere de fracturis, & de articulis est persequutus, nunc quasi vno, nunc quasi multis errantibus. Quemadmodum in opere de victus ratione in morbis acutis, simul multos medicos accisans, hunc in modum scripsit, Noui medicos longe aliter quam conuenit facere, volunt enim omnes sub morborum initiis, vbi homines, aut duos, aut tres, aut etiam plures dies fame cruciauerint, ita iam & sorbitiones, & poculentia offerre. Qui igitur fuerunt qui ita victus rationem tradebant, ostendant nobis interpretes: qui rursus erant, qui pituitam solam esse hominem arbitrarentur: qui flauam bilem; aut qui atram bilem hominem esse iudicabant: nam inferius in hoc ipso de natura hominis libello, esse nonnullos ait, qui sc. opirati sunt. Quare praestiterat interpretibus dixisse, quod forsitan omnes hi suas ipsorum opiniones ne scriptis quidem mandauerint. Rursus fieri potuit, vt ipsi conscripserint, sed libri interciderint, nam hoc pluribus de causis fieri videtur. Nonnulli enim, qui susciperent ipsorum disciplinam, non habebant: nonnulli vero libros, dum viuerent, non ediderunt, deinde mortuis ipsis, vnum aut alterum exemplar, quod supererat, perit. Iam potuerunt etiam, quia scripta ipsorum in pretio nullo erant, negligi, & temporis spatio prorsus interire. Quin etiam inuidi quidam aut supprimunt, aut omnino abolent veterum libros: sunt qui id faciant, vt quae in eis sunt tradita, sua esse dicantur. Vel quid mirum est, eorum libros, qui alienas opiniones litteris prodiderunt, perire, cum etiam apud Aethienses nonnulli inueniantur, tum Comici, tum Tragici poetae, magna celebritate operum commendati, quorum fabulae non amplius supersint? Vt enim alias vniuersas causas omittam, duarum duntaxat, quae Roma nuper acciderunt, meminero. Saepe conflagrata incendio templum, saepe terrae motibus collapsa, aut alia de causa, fecerunt, vt non pauci libri interierint. Perperam igitur Capito ausus est antiquam lectionem abrogare, ita vt ne hoc quidem adiecerit, fieri potuisse, vt primus librorum scriptor errauerit, pro alio scribens aliud. Male item interpretes quidam de Xenophane mentiti sunt, quemadmodum & Sabinus, sic ad verbum scribens. Neque enim in totum aërem dico hominem, sicut Anaximenes, neque aquam vt Thales, neque terram, sicut alicubi Xenophanes: nullo enim in loco sic pronuntiassse Xenophanes inuenitur. Quin etiam Sabinus ipse ex suis met verbis mentiri perspicitur, non praescitum in errorem prolapsus, alicui certe librum, in quo haec pronuntiavit, nominatim protulisset: nunc autem sic scripsit, Neque terram, sicut quodam in loco Xenophanes. Theophrastus autem in naturalium opinionum Compendio, Xenophanis opinionem si ita haberet, conscripisset. Ac tibi licet, si historia de his prodita te oblectat, Theophrasti libros



\* ουνογρη.

perlegere, in quibus naturales opiniones cōpendiose perstrinxit. Quemadmodū A  
 rursum si veterum medicorum opiniones voles discere, integrum tibi est, medicinæ  
 contractionū\* libros euoluere, qui sane Aristoteli adscribuntur, sed à Menone  
 eius discipulo scriptos esse, pro confesso habetur: quare etiā nonnulli hos libros  
 Menonios appellāt. Constat autem, quod & Menon ille, inuestigatis diligēter ve-  
 terum medicorum libris, qui ipsius tempore adhuc supererant, opiniones ipsorum  
 inde collegerit: eorum vero qui iam prorsus interuissent, aut superstites quidem  
 essent, sed non in lucem editi, sententias haud potuit præscribere. In his itaque  
 libris haud inuenias vel ab vno proditum, flauam bilem, aut nigram, aut pitui-  
 tam, hominis naturæ esse elementum: sanguinem vero, etiā qui Hippocrati suc-  
 cesserunt permulti, solum nobis inesse arbitrati sunt, quod prima generatio no-  
 stra ex ipso fiat, mox in vtero incrementum, deinde in lucem editorum absolutio. B  
 Sed Hippocrates paullo post scripsit, tanquam nonnulli sint, qui & pituitam, &  
 bilem, hominem esse arbitrarentur: non ita scripturus, si non quidam fuissent,  
 vel ipsius tempore, vel ante ipsum, qui sic opinarentur.

Disputaturus Hippocrates de hominis natura, id est de propriis hominis ele-  
 mentis, methodum seruans in proœmio explicatam, à natura totius, hoc est à  
 à cōmunibus mundi elementis exorditur. Et antequam propriam, ac veram de  
 his sententiā proponat, reprehendit primum absurdas vererū philosophorum  
 opiniones, qui de iisdem elementis falsa opinati sunt: quæ sane docendi ratio  
 veteribus omnibus familiaris esse solet. Qui de natura humana, inquit Hip- C  
 ocrates, vltius quam ad medicinam pertinet, disputantes audire conluerit, ei  
 hunc sermonem audire commodum non est. Per hunc sermonem, aut vniuersa  
 Medicinæ præcepta ab Hippocrate tradita intelligere oportet, aut (quod ma-  
 gis probo) demonstrationes hoc libro scriptas, vt explicat Syluius. Quippe qui  
 de natura humana, vltius quam ad Medicinam pertineat, disputare cōlue-  
 runt, demonstrationū vim non assequuntur, & pleraq; Medicinæ præcepta sub-  
 uertunt, vt postea dicemus. Sed quinam isti sunt, qui vltius quā ad Medicinā  
 pertineat, disputant de natura humana? Galenus quidē ex dictionis serie nō ita  
 facile Hippocratis institutum colligi posse affirmat. Nam disputationem de na-  
 tura vltius abducere, intelligere quis possit illos, qui ignem, aërem, aquam,  
 & terram, elementa esse dicunt, si non misceant ipsa item illos, qui elementum  
 vnum aliquod ponunt. Quem sane Galeni locum aliquantulum obscurant ver-  
 ba illa, Si non misceant ipsa, quibus ad sententiam Empedoclis videtur allu-  
 dere, qui ex igne, aëre, aqua, & terra, non quidem mixtis, & temperatis, sed D  
 mutuo tantum sibi appositis, omnia corpora fieri credidit. Atque hoc pacto  
 locum intellexit Syluius, cum tamen nusquam Hippocrates huius sententiæ  
 Empedoclis meminerit. Quare non immerito suspicabatur doctissimus Colla-  
 dus, locum esse deprauatum, & pro negatione *ui*, legendum esse *ui*: cū certum  
 sit, Hippoc. interpretes olim dubitasse, (vt ex sequētib; patebit) an reprehen-  
 dantur hoc loco qui quattuor statuunt elemēta, ex quibus mixtis cetera omnia  
 fiant, an potius qui vnicū elementum ponunt. Meo tamen iudicio verba illa re-  
 dundant, siue cum negatione, siue cum affirmatione legantur, nullum enim fe-  
 re sen-



- A** re sensum reddunt, si quæ sequuntur aduerteris. Quod itidem indicat dictio *τὰ στοιχεῖα* in Græco exemplari perperam repetita: præterquam quod in antiquis exemplaribus verba illa haud quaquā legantur. Inquiramus ergo in vniuersum, an eos reprehendat Hippocrates qui quattuor elementa statuunt, an eos qui vnum. Priores quidem videtur reprehendere, cum hæc verba subiungat, Neq;  
 enim in totum, aërem dixerim hominem esse, neque ignem, neque aquam, neq;  
 terrā, quia non *ἐν τῷ* in homine apparet. Quæ sane Athenæus, ipsiusq; sectatores ita interpretabantur, vt velit Hippocrates, non componi hominē ex igne, aëre, aqua, & terra, quia nullum ex his quattuor ab aliis secretum in homine ostendi potest. Hanc rationem, quam ipsi falso Hippocrati adscripserunt, inefficacē esse ostendit Galenus hoc loco, & lib. i. de elem. quia iniquum est postulare ab iis, Cap. 5.  
 qui ex quattuor elementis per se tota mistis & tēperatis hominē constare affirmant, vt solum ignem, aut aërem, aut aquam, aut tertiam, in homine ostendant: quemadmodum iniquum etiam esset postulare à pharmacopola, vt in medicamento tetrapharmaco (basilicon nunc vocant) ceram solam ostenderet, aut resinam, aut picem, aut seuum. Vt nemo igitur recte probauerit, tetrapharmacum ex quattuor illis simplicibus nequaquam componi, quod ipsorum nullum seorsum ostendi possit: ita neq; illi recte probant, hominem non componi ex quattuor elemētis, quod nullū possit seorsum in homine ostendi. Nā dum in homine elementa quattuor, & quattuor illa simplicia in tetrapharmaco contēperari dicuntur, nullum plane sincerum manere intelligitur. Neque id tantum verum est in iis quæ per se tota miscētur, sed etiam (vt testatur Galenus) in siccoribus Lib. i. de elem. cap. 5.  
 medicamentis, quæ veram misionem non admittunt. Ex his intelliges, quā male hunc locū pleriq; explicent, putantes scilicet, proposita ea ratione Galenum ostendere, eos reprehendi ab Hippocrate, qui vnicū elemētum ponunt, non eos qui quattuor, quasi hæc esset Galeni ratio. Ab iis, qui quattuor statuunt elementa, iniquum est postulare, vt aliquod ex his solum in homine ostendant: atqui ab iis quos reprehendit, id postulat Hippocrates: ergo non reprehendit eos qui quattuor elementa ponunt. Ceterum neque hīc, neque alibi, ab iis quos nunc reprehendit, Hippocrates postulat, vt aliquod solum elementum ostendant, quamuis à medicis, qui vnicū humorem dixerunt esse hominis naturam, aliquando postularit, vt vnicū eum humorem ostenderent in homine, Sentent. 7.  
 aliqua saltem ætate, aut aliquo anni tempore. Non est igitur ratio Galeni, sed solutio potius rationis Athenæi, & aliorum, qui eam male colligebant ex hac Hippocratis sententia, à se male intellecta. Nam si quæ hīc scribuntur attentius expendamus, intelligemus certissime, eos potius reprehendi, qui vnicū elementum constituunt. Id ita se habere, plures huius libri sententiæ aperte indicabunt, quas priuatim obseruabit Galenus sequentibus commentariis, & diligenter collegit lib. i. de elem. Nusquam enim Hippocrates, sententiā eorum, Cap. 3.  
 qui quattuor elementa concedunt, sed eorum potius qui vnicū elementum ponunt, refutasse deprehenditur. Sed & ex hac sententia idem colligi potest, licet obscurius, ex Græca scilicet dictione *πᾶν*, qua vsus Hippocrates, non negat hominem aliqua ex parte esse ignem, aërem, aquam, & terram; sed negat tantum, hominem esse solum ignem, aut solū aërem. Hæc enim propria est eius vocis significatio, vt omni ex parte non neget, sed aliquid semper demat, ita vt idem significet quod *παρτελὴς*, non autem quod *μὴ ὅλως*, vt docebit etiam commentario decimo septimo. Probat vero hanc significationem ex Homero & Hippocrate. Homerus enim significare volens, Iouem in



Aphc. 19.  
lib. 2.

Сар.3.

1. metaph. c. 7.

Сар. 4:

Cō. 25. huius.  
lib.

1. de anima. c. 2

gratiam Thetidis magnam Græcorum cladem velle moliri, nō tamē ipsos pror-  
lus extinguere, ea dictione vsus est. Hippocrates vero dum ait in Aphorismis,  
in morbis acutis *ὁ πᾶν πᾶν* certæ sunt mortis, aut salutaris prædictiones, non ne-  
gat pleraq; prædictiones certas esse, sed non omnes certas esse tantum signifi-  
cat. Docet vero Galenus, vnde nata sit tanta inter Hippocratis interpretes dis-  
sensio de legitimo huius primæ sententiæ sensu, vt alii eos ab Hippocrate repre-  
hendi existimauerint, qui quattuor elementa statuunt, alii potius eos, qui vnicū  
elementum admittunt. Causa autem tāræ dissensionis sola fuit ambiguitas, quæ  
latet in Græca dictione *ἐν ἐν*, qua vitur Hippocrates: quæ quidem & coniun-  
ctim legi potest, ita, vt vna sit dictio Ionica, & participium verbi *ἔσται*: & dis-  
iunctim, ita vt duæ sint dictiones, quarum altera sit *ἐν*, id est vnum, altera *ἐν*, id  
est ens. Qui ergo ex Hippocratis interpretibus coniunctim legebant, eos qui  
quattuor ponunt elementa, ab Hippocrate reprehendi colligebant, quasi vel-  
let Hippocrates, hominem non esse ignem, aerem, aquam, & terram, quia nullū  
ex his *ἐν ἐν*, id est existens, in homine apparet. Qui vero legebant disiunctim,  
(vt legendam censet Galenus) multo verius colligebant, reprehendi eos qui  
vnicum ponunt elementum, quasi sic dicat Hippocrates, Neq; enim dixerim,  
hominem esse solum ignem, aerem, aquam, aut terram, quia non *ἐν ἐν*, id est nō  
vnum ens in homine apparet, sed plura. Atq; hunc censet Galenus legitimum  
esse huius sententiæ Hippocraticæ sensum, vt docet etiam sequenti commenta-  
rio, & libro primo de elementis. Porro cur ii qui vnicum elementum statuunt,  
dicantur ab Hippocrate, vltius quam ad Medicinam pertineat, de natura hu-  
mana disputare, hanc rationem reddit Galenus, quia ex dogmate isto Medici-  
næ principia evertuntur, cum ex eo sequatur (vt postea docebimus) hominē non  
dolere, aut si doleat, vnicum esse remedium. Hæc quidem pertinent ad senten-  
tiæ Hippocraticæ explanationem: Galenus tamen extremo commentario re-  
prehendit Artemodum, (vt l, vt Græce habetur, Artemidorum) cognomento  
Capitonem, tum etiam & Sabinū, Hippocratis interpretes, qui sententiæ istius  
lectionem audacter immutarunt. Artemidorus in primis particulam illam sustu-  
lit, Neq; terram, quia in veterum philosophorum libris nusquam inuenit, eius  
opinionis auctorem prodi, vt sola terra sit rerum omnium elementum. Quod  
quidem vere à Capitone dictū videtur, vt cōstat ex Aristotele, qui reliqua ele-  
menta suos habuisse auctores, solam vero terram assertorem nullum habuisse,  
ad hunc modum scribens testatur. Nemo namq; eorum qui vnum dicunt, terrā  
elementum censuit esse, ob magnitudinem paruum vii patet: trium autem ele-  
mentorū quodq; iudicem aliquem habuit, quidam enim ignem, quidam aquā,  
quidam aerem, id inquirunt esse. Et miratur profecto Aristoteles, quod terram  
elementum esse nemo dixerit, cum hæc opinio vulgaris sit, videaturq; Hesio-  
dus ad ipsam multum accessisse: cuius sententiam antea ipse proposuerat, citatis  
eiusdem Hesiodi his carminibus: *Ἄνθεος ὅτε πρὶν ἢ πάντας θεοὺς ἔσθ' ἄνθρωπος*  
*Ἄνθεος ὅτε πρὶν ἢ πάντας θεοὺς ἔσθ' ἄνθρωπος*  
Ante chaos, post hoc facta est latissima tellus,  
Quiq; aliis decus est Diuis, Deus ipse Cupido.  
Galenus quoque huius sententiæ Hesiodi mentionem facit, scribens tueri He-  
siodum, ex terra coelum, & animalia quæ in ea habentur, fuisse genita. Præterea  
idem Aristoteles, cum multas de animæ essentia veterum philosophorum opi-  
niones recensuisset, quorum alii putarunt animam esse ignem, alii aerem, alii  
aquam, hæc subiunxit, Ita omnia elementa præter terram iudicem habuerunt,  
hanc autem nemo tribuit animæ, nisi quis ipsam dixerit ex omnibus elementis  
constare



1. Metaph. c. 3.

Li. de lib. prop.  
cap. 11. & lib. 1.  
de comp. medi.  
sec. gen. cap. 1.

1. metaph. c. 5.

- A** constare, aut omnia esse. Ex quibus patet, nullum ex veteribus philosophis asseruisse, solam terram esse rerum elementum; cum tamen reliquorum elementorum singula suos auctores habuerint. Nam Hippasus Metapontinus, & Heraclitus Ephesius, ignem dixerunt esse rerum omnium elementum, Anaximenes & Diogenes, aërem: Thales vero aquam, propterea quod terram supra aquam collocauit. Hæc igitur cum anima duertisset Capito, lectione temere immutans, illud, Neque terram, omnino sustulit. Hunc ergo merito Galenus reprehendit, quoniam multæ aliæ leguntur apud Hippocratem opiniones absurdæ, quarum auctores prorsus ignorantur: quod probat ex libris de fracturis, de articulis, & de ratione victus in morbis acutis. Immo & hoc eodem libro scribit, aliquos medicos credidisse, solam bilem, aut pituitam esse hominis naturam, ignoramus tamen quinam isti fuerint. Quare ut credimus Hippocrati, aliquos fuisse earum absurdarum opinionum auctores asserenti, ita quoque credere oportet, al quem olim asseruisse, terram esse rerum omnium elementum; quæ tamen opinio vna cum suo auctore extincta fuerit. Unde arrepta occasione varias causas enumerat, ob quas antiquæ opiniones (potissimum quæ absurdæ sunt) fuerint prorsus abolitæ. Sunt autem in vniuersum duæ, vna quidem, quod suas opiniones scriptis non mandauerint auctores, altera vero, quod ipsorum libri interierint. Cuius itidem interitus causas plures enumerat, ac potissimum duas, validos terræ motus, & magna incendia templorum, in quibus olim bibliothecæ seuebantur. Siquidem Romæ, cum templum Pacis aliquando conflagrasset, tunc alios libros à se conscriptos, cum potissimum insigne quoddam opus de compositione medicamentorum secundum genera, periisse refert Galenus. Sabinus quoque Hippocratis lectione temere immutauit, nihil tamen auferens, ut Artemidorus, sed adiciens potius singulis elementis suos auctores. Sic namque legebat Hippocratis sententiam,
- „ Neque enim in totum aërem dixerim hominem esse, sicut Anaximenes; neque  
 „ aquam, ut Thales; neque terram, sicut alicubi Xenophanes. Et quamuis de Anaximene & Thalete vera dixerit, & de Heraclito verum dicere potuerit, qui ignem solum opinatus est esse rerum elementum; de Xenophane tamen aperte mentitus est. Idque ex Aristotele constat, qui scribit Xenophanem, quem ferunt fuisse magistrum Parmenidis, ante hunc & Melissum affirmasse, omnia esse vnum, cumque in totum cælum respicientem, Deum esse ipsum vnum, dixisse. Si ergo vnum illud voluit Xenophanes esse Deum, quomodo illud vnum poterit esse terra? sed & id nunc probat ex naturalium opinionum compendio, in quo Theophrastus veterum omnium philosophorum opiniones persequebatur. Vbi cum proditum non esset, Xenophanem voluisse omnia esse terram, credendum est haud dubie, falso Sabinum absurdam hanc opinionem Xenophani adscripsisse. Hoc naturalium opinionum compendium à Theophrasto conscriptum, non exstat iniuria temporum, quemadmodum nec libri contractionum Medicinæ (quorum hoc loco meminit Galenus) Aristoteli falso adscripti, à Menone tamen Aristotelis discipulo editi, ac Menonii proinde à quibusdā appellati; in quibus veterum omnium medicorum opiniones continebantur.

## HIPP. SENT. II.

**V**identur autem mihi non recte sentire qui huiusmodi affirmant: nam sententia eadem omnes vtuntur, dicunt tamen non eadem, sed sententiæ eundem inferunt epilogum. Quippe



aiunt vñum esse quod est, & hoc esse tum vñum, tum omne; hic A  
 ignem, alius aërem, ille aquam, alius terram. Tū suz quisq. ora-  
 tionis testimonia, & indicia quæ adducunt, nullius sunt pretii. Quod  
 enim in vñam omnes sententiam descendunt, verbis autem discor-  
 dant, \* id ipsos, quæ profitetur, ignorare arguit. Cognoueris autem  
 hoc potissimum, si ipsorum controuersis interfueris, nam cum hi  
 viri inter se contendunt, nunquam ter ordine idem homo in dispu-  
 tando fit superior, etiam coram iisdē auditoribus, sed nunc hic vin-  
 cit, nunc ille, cuicunq. contigerit lingua potissimum fluxilis, tur-  
 baq. accommodata: etsi æquum est, vt qui recte se de rebus senti- B  
 re pronuntiat, rationem suam semper præstet superiorem, siquidem  
 vere sentiat, & recte pronūtiat. Verum mihi videntur hi homines,  
 nominibus dū disputant, \* præ incitia se ipsos subuertere, Melissi ve-  
 ro sententiam restituere. \* De his igitur dicta iam mihi sufficiunt.

\* λέγουσι δὲ τὰ  
 αἰτῶν.

ἐν ταῖς ὁμιλίαις  
 τῶν λόγων αὐτῶν  
 \* ἰπποκράτους.

## GAL. COMMENT.

Verba facit tamquam cum scientibus ea quæ proferunt, qui elementum  
 vñum statuunt. Nam qui ignem esse elementum affirmant, ex hoc alia ge-  
 nerari volunt, densato, coacto, concretoq. ita vt si modice concreuerit, aërem ge- C  
 neret: si amplius, aquam: si absolutissime & plurimū, terram. Qui aquam, quiq.  
 aërem ponunt elementum, pari modo ex concretione, & fusione illorum, alia pro-  
 creari tuentur, concretam siquidem aquam, terram gignere dicunt, fusam, aërē:  
 sicut & aerem concretum, aquam, fusum, ignem. Quare ex mutua in se quattuor  
 elementorū mutatione, ratio orta est eorum, qui vñum quodlibet elementum esse  
 statuunt: atq. ideo sententia ipsos eādē vti, diuersa autem dicere scribit. Pro-  
 inde manifesto hac oratione tota iis aduersatur, qui hominem vñum quoddam  
 solum ex quattuor elemētis esse autumant, aitq. ipsos aberrare. Nam quia nihil  
 demonstrant, summe probabilis \* oratio ipsorum exstiterat, vñum siquidem quat- D  
 tuor [elementorum] esse hominem non tuentur, \* astruuntq. Melissi vero sentē-  
 tiam erigūt, \* probantq. qui sane etiam esse vñum [elementum] existimet, non  
 tamē ex quattuor illis aere, terra, aqua, igne. Videtur autē vir hic considerasse  
 substantiam quandam communem, quattuor subiectam elementis, non generatā,  
 incorruptibilem, quam posteri ipsius [Græce] ὑλὴν [idest materiam] appella-  
 runt: non tamen perfecte id potuisse ostendere. Hanc igitur ipsam substantiam,  
 nominat vñum & omne. Verus autem nequaquam hic sermo est, non enim illud  
 vñum est solum principium corporum, quæ generationi & corruptela subiiciun-  
 tur, quemadmodum Melissus opinatus est: sed præter id qualitates quattuor, fri-  
 gidity summa, siccitas, caliditas, & humiditas. Non tamen hæc elementa sunt,  
 vel aliorum, vel hominis natū & sed principia. Hoc autem apud veteres confu-  
 sum

\* ἰπποκράτης legitur  
 Græce, sed le-  
 gendum αἰτῶν-  
 νος, vt legitur in  
 antiquis, & cō.  
 5. huius lib.  
 αἰτῶντος αἰτῶντος.  
 \* λέγου.  
 \* ἰπποκράτους.



**A**sum erat, ut quibus ne in mentem quidem perueniret principii & elementi differentia, eo quod potuerint uti etiam in principis elementi appellatione. Verum duæ res sunt manifesto inuicem differentes, altera sane est minima totius particula; altera vero, in quam diuidas intellectu ipsi in hanc particulam minimam. Etenim ignem ipsum non licet in duo corpora diuidere, & temperatum ex illis ostendere, quemadmodum neque terram, aut aquam, aut aërem. Considerare tamen possis, alteram esse eius quod mutatur substantiā, alteram ipsius mutationē: neque enim idem est, corpus quod mutatur, & mutatio quæ ei accidit. Siquidem quod mutatur subiectum est, mutatio vero ipsius ex qualitatum vicissitudine contingit. Nam cum summa ei fuerit innata caliditas, ignis efficitur. sicut & aër, ubi summam humiditatem acceperit. Simili modo terra fit, ubi illud subiectum secundum suam ipsius naturam qualitatis expers, omnem in se receperit siccitatē sine calore, aqua vero, cum humiditatem. Etenim de primo frigido quæstio non exigua oborta est, quæ cum ad medicæ artis opera nihil conferat, non est vsui. Quippe utilitas est in disquirendo, utrum corpus hominū simplex sit, an ex quattuor simplicibus compositū, ut & Platonis verba declararunt, & nos in medendi methodo statim inter initia docuimus. Verum de hoc etiā postea dicetur, nūc in memoriā reuocabo, quemodo supra scripta oratione aduersatus sit iis, qui vñū aliquod ex quattuor hominem esse, non iis qui quattuor, asseuerant. Melior itaq. lectio merito diceretur in prima sententia, quæ primā syllabam dictionum ἕν ἔστιν [hoc est vnum existens] in pronuntiatione aspirat, quod enim non vnum sit, sed plura hominis naturam constituentia, Hippocrates ostendit, non tamē quod vñū sit ex quattuor elementis sincerum in corpore. Neutiquam enim id dicunt principum opinionis huius principes, vnum vero aliquod præter quattuor, quod est ex ipsis compositum, enuntiant: sicut tetræpharmacū medicamentū, neq. cerā, neque pice, neque resinā, neque adipem, sed vñū quoddā aliud præter hæc, quod ex omnibus temperatis prouenerit. Porro cum hæc rursus opinio duplex sit, **D**(nonnulli enim quattuor qualitates solas per totas inuicem contemperari, nonnulli vero substantias, pronuntiarunt) Peripatetici sane prioris opinionis auctores, secunde vero Stoici habentur. Præterea ante hos Empedocles, corporum compositorum naturam, ex immutabilibus quattuor elementis generari arbitratur, ita primis illis inter se commistis, ut si quis, leuigata exacte, & in puluerem redacta, æruginem, calcitidem, cadmiā, mysi, ita miscuerit, ut nullum ipsorū sine altero possit contingi.

Vix intelligi possunt quæ hic scribuntur ab Hippocrate, nisi philosophorum, qui vñicum esse dixerunt rerum omnium elementum, opinio & rationes prius explicentur. Constat vero ex Galeni commentario, & potissimū ex libro primo de elementis, philosophos eos, qui vñicum elementum statuerunt, ex eo cetera



Lib. 1. de ele-  
ment. cap. 2.

Lib. 1. de ele-  
ment. cap. 4.

Cap. 4.

omnia corpora, concretionem, aut rarefactionem fieri voluisse. Veluti si ignis solus **A**  
elementum statuatur, ex igne modice cōrescente fiet aer, ex eodem magis de-  
sato aqua, & plurimum desato terra. Ita quoque, si vnicum illud elementum sit  
aer, ex eo rarefacto fiet ignis, ex eodem desato aqua, magis desato terra. Idē  
de aqua & terra intellige. Aduerte tamen, Syluium in explicanda philosopho-  
rum opinione bifariam peccasse: tum quia existimat, voluisse philosophos, ignē,  
aërem, aquam, & terram, ad hominis, aliorumque mistorum generationē con-  
currere, etiamsi vnum ex his sit rerum elementum; tum etiā, quia concretionem  
à frigido, rarefactionem à calido ex horum philosophorum sententia fieri arbi-  
tratur. Atqui neutrum constare potest, nam si quattuor illa ad hominis gene-  
rationem concurrunt, homo non erit vnū; quod tamen illis aduersatur. Quare  
qui ignem dixerunt esse rerum elementum, non ex eo desato fieri primum **B**  
aërem, aquam, & terram, deinde vero ex his quattuor mixta gigni voluerunt,  
sed ex solo igne, omnia, quæ in mundo sunt, corpora generari affirmarunt, eadē  
tantum differre penes maiorem, vel minorem, ignis, ex quo constabant, concre-  
tionem. Præterea, cum vnicum illud elementum, omnis qualitatē expers philo-  
sophi statuerent, vt scribit Galenus, certū est, eos, omnes alterationes negasse,  
nullasque agentes qualitates concessisse. Quare neque concrescit à frigido,  
neque rarefactio fiet à calido. Quod attinet ad rationes, ex Hippocrate & Ga-  
leno constat, ex mutua elementorū in se inuicem transmutatione collegisse ve-  
teres illos philosophos, omnia esse vnum. Eorum namque, qui omnia dixerunt  
esse aërem, hæc erat ratio, ex aëre rarefacto fit ignis, ex eodem desato fiunt  
aqua & terra; ergo aer est rerum elementum. Eadem argumentandi forma col-  
ligebant alii, omnia esse ignem, aut terram, aut aquam. His ita positis, facile in-  
telligetur Hippocratis sententia, in qua reprehendit rationes philosophorū, qui **C**  
vnicum rerum elementum statuerunt. Hos itaque reprehendit in primis, quia  
sententia eadem omnes vtuntur, dicunt autem non eadem, sed sententiæ eundē  
inferunt epilogū. Vtuntur quidē omnes eadē sententiā, quia affirmāt omnes, vnū  
esse quod est, & hoc esse tū vnū tū omne. Dicūt autē, nō eadem, sed diuersa, quia  
vnū illud alii dicunt esse ignē, alii aërem, alii terrā, alii aquam. Sententiæ vero  
eundē inferunt epilogū, quia ad suam sententiā confirmandam, eadem argumē-  
tandi rationē, ex mutua elementorum in se inuicem transmutatione, desumpta,  
omnes vtuntur. Quæ sane auctore Galeno duplici nomine est inefficax, tū quod  
vna eademque ratio ad quattuor diuersas materias transferatur, cum potis-  
simum, quod mutua elementorum transmutatio vnicum potius eius transmutat, o-  
nis subiectum quam vnicum elementum demonstraret, vt cōstat ex Timæo. Porro, **D**  
quam vanæ essent horum philosophorum rationes, ex publicis disputationibus  
ostendit Hippocrates, in quibus non semper idem erat superior, sed nunc hic,  
nunc ille potissimum, cui lingua esset fluxilis, & turbæ accommodata quod so-  
phistis peculiare esse solet. Concludit tandem, hos philosophos præ inscitia se ip-  
sos subuere, Melissique sententiam restituere. Subuertunt quidē seiplos præ  
inscitia, quia inter disputandum vtuntur nominibus, quæ iuxta lectæ omnino aduer-  
santur. Quippe cum dicant omnia esse vnum, id temere probant ex transmuta-  
tione, ad quam plura sunt necessaria. Restituunt vero, ac veluti suscitant Melissi  
sententiam à philosophia iam diu explosam, quia omnia dicunt esse vnum, quē-  
admodum & Melissus affirmavit. Galenus (vt patet ex commentario) non le-  
git *ἐναρξόου*, id est restituere, sed potius *εἰσάγειν*, id est erigere, & probare, vt  
venit interpres: & locum sic explicat libro primo de elementis, vt Melissi sen-  
tentiam



- A tentiam dicantur erigere, ac probare, quoniam data optione ut ex his duobus deceretis adeo absurdum alterum eligatur, res pereclitari videtur, ne praefenda sit sententia Melissi. Is namque sua principia semper seruans, vnum illud intransmutabile statuit, philosophi vero suis principiis minime stantes, & vnicum elementum ponunt, & de transmutatione verba faciunt, ad quam plura desiderantur. Quo sit, ut videantur erigere, ac probare, id est firmiorem, ac probabiliorum reddere Melissi sententiam, alioqui maxime absurdam. Quamnam autem fuerit sententia Melissi, non dixit Hippocrates, explicarunt tamen Aristoteles & Galenus, ex quibus constat voluisse Melissum, substantiam quandam communem, quattuor elementis subiectam, quam ingenitam, & incorruptibilem esse censuit, quamque ipsius posteri (ac potissimum Platonis discipuli) *πρωτη*, appellarunt, & nunc vocant materiam primam, esse vnum & omne. Hanc Melissi sententiam nullis rationibus refellit in praesentia Galenus, cum id multo antea praestitisset Aristoteles; sed tantum simpliciter pronuntiat, non solam materiam primam esse principium corporum quae oriuntur, & intereunt, sed praeter hanc etiam qualitates quattuor primas, caliditatem summam, frigiditatem, humiditatem, & siccitatem. Cum autem Galenus hoc loco duo aduersus Melissum corporum naturam constantium principia statuerit, materiam & qualitates primas, non videtur formam substantialem admisisse, quam Plato & Aristoteles alterum rerum naturalium principium esse affirmarunt. Vnde nata est celebris illa, & inter philosophos ac medicos diu multumque agitata quaestio, de proprio principio elementorum, an scilicet qualitates primae, elementorum principia sint, an formae substantiales a qualitatibus distinctae. Philosophi, multis (ut solent) congestis rationibus nituntur ostendere, primas qualitates non esse elementorum formas, sed tantum formarum instrumenta. Quippe cum in mixtis qualitates primae accidentia sint, quomodo in elementis, substantiae aut formae esse poterunt? Praererea cuiusque rei substantiam & essentiam, intellectus obiectum esse aiunt, quare qualitates, cum obiecta sint tactus, non erunt formae elementorum. Rursus formae, cum sint ex Aristotele veluti numeri, neque intendi, neque remitti possunt: at qualitates & remittuntur, & intenduntur. Iam vero substantiae nihil est contrarium, at qualitates sunt inter se contrariae. Ac tandem elementorum qualitates, cum termini sint alterationis, non generationis, accidentia erunt, non formae: nam ubi aqua caluit, eius alterationis terminus a quo, frigiditas est, quemadmodum caliditas terminus ad quem. Multa quoque sequi absurda dicunt, si qualitates, elementorum formae statuuntur. Nam ignis qui summum haberet calorem, esset magis ignis, quam alter, in quo summus calor non esset: & elementa essent entia per accidens, quia componerentur ex substantia & accidenti: & tandem substantiae fierent ex non substantiis. At medicorum plerique contra sentiunt, qualitates primas esse propria elementorum principia, fictitiasque esse formas substantiales a philosophis inuentas. Ea enim, inquit, sunt propria principia elementorum, quae ad efficiendam mixtionem sunt maxime accommodata, cum elementorum usus is sit, ut ex ipsis mixta corpora generentur: at qualitates, cum in se inuicem agere, & a se inuicem pati possint, principia sunt ad mixtionem magis accommodata, quam formae, quae neque agunt, nec patiuntur. Idem, asunt, sentisse Hippocratem & Galenum medicorum principes. Siquidem Hippocrates hoc libro, ut propriam elementorum naturam explicaret, a qualitatibus ipsa denominans, vocauit calidum, frigidum, siccum, & humidum. Galenus vero hoc commentario non solum dixit, materiam & qualitates esse principia corporum

Lib. 1. physic.  
cap. 2. & 3. &  
lib. 1. meta-  
phy. cap. 5.



Cap. 6.

Cap. 8.

Cap. 1.

Cap. 2.

Cap. 4.

Cap. 1.

porum quæ oriuntur & intereunt, sed etiam agens postea de singulorum elementorum constitutione ex propriis principiis, ignem fieri docebit, quando summa caliditas innata materię fuerit: & aërem, quando materia summam humiditatem acceperit. Et quod maius est, hanc putat Galenus sententiam fuisse omnium philosophorum, cum libro primo de elementis hæc scribat, Iam enim, quod summus calor sit igne simplicior, atque etiam quod illo ad materiam accedente ignis gignatur, pro cōfesso ab omnibus philosophis habetur: & fatetur etiam omnes, quod materia quædā, quæ omnibus elementis subiecta est, quæq; omni caret qualitate, necnon & summus calor in ea procreatus, sint igni suæ generationis principia. Et rursus, Ignis, aër, aqua, & terra, ex nullo alio corpore constituta sunt nisi ex materia & qualitatibus: & proinde has, principia esse concedimus, elementa vero nequaquam. Dum hæc, aliaque similia, in utramque partem proponunt nostri philosophi, ac medici, transeunt quoque non raro ad conuicia. Clamant enim philosophi, solum Aristotelem veram docuisse philosophiam, Galeno autem aliisque medicis, artificibus (ut ipsi vocant) sensualibus, in iis quæ ad philosophiam spectant, non esse omnino adhibendam fidem. Medici contra, philosophos aiunt, quod in nuda rerum contemplatione versentur, multa plerumq; fingere, & Aristotelem nonnulla falso dixisse, vel parum accurate explicasse, quæ tamen diligentius sint à Galeno elaborata. Quo factum est, ut dum utriusque aduersariorum rationes dissolvere tentant, mille monstra pariant: Sed quis quæso non doleat, immo quis a quo animo ferat sophistarum audaciam, qui inter principes viros, Aristotelem & Galenum, dissidia frustra quarunt? Nonne Galenus magistrum Aristotelem semper admiratur, & colit? Nonne ipsius decreta (paucissimis exceptis, iisque anatomicis) ubiq; amplectitur? Quis igitur, nisi insaniat, de rerum natura constantium principiis diuersa ipsos sensisse, vnquam crediderit? Formas itaque substantiales a primis qualitatibus distinctas, vna cum Platone & Aristotele Galenus agnouit, nihilominus tamē qualitates primas verissime statuit elementorū principia. Quamuis enim ignis, aër, aqua, & terra, ut corpora naturalia sunt, à formis substantialibus suam essentiam habeant, quatenus tamen sunt elementa, à primis qualitatibus, tamquam propriis principiis constituuntur: cū mutua actione & passione à qualitatibus proueniente misceantur, ex iisdemque mixtis, & temperatis, mixta omnia gignantur. Huc accedit, quod elementū dicatur ad aliquid, nempe ad mixtum, cuius est minima particula, proindeque qualitates primæ, etiam si accidentia sint, merito dicuntur formæ, & principia elementorum, non secus ac albedo hominis albi: accidit namque igni, aëri, aquæ, & terræ, ut elementa sint, non secus ac homini esse album. Idem proculdubio voluit Aristoteles, lib. 2. de ort. & inter. sic scribens, Nos autem sensibilem corporum quandam esse materiam dicimus, sed eam separari non posse, sed semper esse cum contrarietate, ex qua elementa vocata sunt. Et paullo post, Quare primo quod potentia sensibile corpus existit, principium est, deinde cōtrarietates ipsæ. Ac rursus inquirens communia omnium elementorum principia, ea esse docet materiam & contrarietates qualitatū. Huc etiam pertinet, quod scribit lib. de sensu & fili, Nihil itaque, quatenus ignis sit aut aqua, agere aut pati natū est, sed omnia quatenus contrarietatem subeunt, eatenus agunt & patiuntur. Et lib. 10. metaph. Non est idem esse ignis & elementi, sed ut est res quædam ipse ignis, atq; natura, est elementum: nomen autem significat hoc ipsum accidisse, esse inquam, aliquid ex hoc primo, ea lege ut insit. Iam vero & Aristotelis interpretes, & potissi



**A** potissimum Græci, ut Alexander, Philoponus, Ammonius, & Simplicius, idem  
 prorsus sentiunt de principiis elementorum. Cur ergo, dices, raro aut nunquam  
 formarum Galenus meminit, frequentissime vero qualitatum? An quia forma-  
 rum contemplatio nullum in Medicina vsum præbet, qualitatium vero in singu-  
 lis elementis cognitio medicis est maxime necessaria? Quod & Hippocratem  
 fecisse testatur Galenus, rationem reddens, cur Hippocrates & Plato, ignem, æ-  
 rem, aquam, & terram, nusquam elementa vocarint. Scribit namque Hippocratem  
 vocasse potius calidum, frigidum, siccum, & humidum, ut explicans primorum  
 corporum facultates, ex eorum concursu & confusione naturalia corpora con-  
 stare ostenderet. Nihilque ultra hæc, inquit Galenus, cum nulla id actiua postu-  
 laret necessitas sibi progrediendam Hippocrates putauit, quippe qui specula-  
 tiuam artem minime tractaret. Plato autem, qui contemplatiuam Philosophiā  
 nobiliorem existimabat, solas, quæ in elementis exstant, qualitates considera-  
 re satis non habuit, sed causam quoque earum generationis inquisiuit, inutilem  
 nimirum medico speculationem sequutus. Sed satis sit hæc dixisse de proposita  
 questione, ex qua etiam pendet alterius questionis profligatio, an temperamē-  
 tum forma sit corporum mixtorum, an potius substantia aliqua à temperamēto  
 distincta. Galenus quidem variis in locis solam qualitatium temperiem videtur  
 in mixtis corporibus formam statuissse. Nam lib. i. de usu part. primū ac maxime  
 partibus inesse dixit temperamenta, quæ propriam particularum substantiam  
 complent. Corpus enim, inquit, tale natura est, propterea quod caliditate, frigi-  
 ditate, humiditate, & siccitate, commissum est. Nam carni esse carnem, & neruo  
 neruum, & alio. um unicuique id esse quod est, ob qualitatium quattuor prædi-  
 ctarum certam quandam temperaturam contigit. Et lib. Quod animi mores  
 sequi, corp. temp. Ceterum, inquit, nobis communis omnium corporum con-  
 stitutio in mentem veniat, ex duobus enim ipsam principiis constare ostensum  
 est, ex materia videlicet, quam nudam qualitatibus mēte concipimus, sed quat-  
 tuor qualitatium temperaturam in se continet. Ex his, æs, ferrum, aurum, caro,  
 neruus, cartilago, adeps, omniaque absolute à Platone primogenia, ab Ari-  
 stotele similia vocata, effecta sunt. Denique Galenus in singulis corporis par-  
 tibus temperamentum statuit omnium actionum principium. Quod tum alibi,  
 cum potissimum lib. i. de fac. nat. fatetur, his verbis, Ac mihi quidem tam ve-  
 na, quam reliquarum partium singulæ, ob certam quandam temperiem, quam  
 ex quattuor qualitatibus sunt nactæ, hoc, vel illo modo agere videntur. Hæc  
 expendentes plerique nostrorum medicorum, nullam aliam formam in mixtis  
 corporibus admittunt præter tēperamentum: vno excepto homine, cuius for-  
 mam (ne impij iudicentur) concedunt libenter esse animam rationalem, quæ, ut  
 non educitur de potentia materia, sic ex nihilo à Deo creata, futura est immor-  
 talis. Ceterum quamvis medici temperamento tantum tribuant, reuera tamen  
 in mixtis formā reperitur, à temperamento prorsus distincta. Sed quoniam for-  
 marum contēplatio ad medicæ artis opera est omnino inutilis, temperamēto-  
 rum autem cognitio maxime necessaria, propterea Galenus, alique medici,  
 actiones ad temperiem referunt, eamque & hominis, & aliorum mixtorum na-  
 turam esse asserunt. Immo & mixtorum forma vere dici potest qualitatium tem-  
 peratio, non quatenus corpora naturalia sunt, sed quatenus mixta: accidit nam-  
 que corporibus, ut mixta sint, quemadmodū igni, æri, aquæ, & terræ, accidit esse  
 elementa. Quemadmodū ergo ignis, ut ignis est, suā habet formam à qualitate  
 distinctam, ut elementum vero à summa caliditate, tamquā proprio principio,

Lib. 8. de Hip-  
 poc. & Plat. de  
 cre. cap. 3.

Cap. 9.

Cap. 3.

Cap. 3.

consti-



cōstituitur: ita & corpora mixta, vt naturalia corpora sunt, suā habent formā sub A  
stantialē à tēperamento distinctam, vt autē mixta sunt, ipsorū natura, ac forma,  
dicitur temperamenti, à quo proculdubio habent, vt mixta sint. Ergo (vt ad rē  
redeamus) duo sunt elementorū principia, materia, & qualitates primæ, non  
sola materia, vt voluit Melissus. Non tamen oportet elemēta cū principiis con-  
fundere, vt ante Aristotelem fecisse videntur veteres philosophi: vsque adeo  
vt Plato triangula illa, quæ primorum corporum formas statuebat, elementa  
vocalit. Distinguit vero Galenus elementum & principium hoc nomine, quod  
elementum sit minima totius particula, non quantitate, sed specie, principium  
vero res sit elemento simplicior, in quam minima ea particula intellectu di-  
uiditur. Ex duobus namque principiis singula elementa constituuntur, mate-  
ria, & qualitate: ab hac quidem transmutatio provenit, illa vero transmutatio-  
nis est subiectum. Alterum discrimen inter principium & elementum scribit  
lib. 1. de elemen. quod scilicet elementum sit necessario eiusdem generis cum  
eo cuius est elementum. Quod non solum verum est in elementis corporum, B  
sed etiam in aliarum rerum elementis: nam vt corpus simplex elementum est  
corporis compositi, sic qualitas simplex elementum est qualitatis compositæ,  
nempe temperamenti. At principium non est eiusdem generis cum eo cuius est  
principium, neque enim principia corpora sunt, quamuis sint corporum princi-  
pia. Hinc arrepta occasione explicat Galenus singulorum elementorum con-  
stitutionem ex propriis suis principiis. docetque ignem fieri ex materia prima,  
& summo calore ipsi adueniente: aërē & aquam ex summa humiditate: terram  
vero ex summa siccitate. Quo loco merito dubitari potest, cur duobus elemen-  
tis, aëri & aquæ, eandem qualitatem, nempe humiditatem, tribuerit, & cur nul-  
lum elementum primo frigidum statuerit. Quod ad priorem dubitationem at-  
tinet, varius videtur Galenus, qui cum in præsentia vtrique elemento humidi-  
tatem tribuerit, alibi soli aquæ, alibi soli aëri tribuit. Libro quidem primo de  
simp. medic. fac. aquam inquit summe humectare: & lib. 1. de temper. aquam  
scribit esse summe humidam. At eodem lib. 1. de temper. & com. 13. huius li- C  
bri summam humiditatem tribuit aëri. Sed & Aristoteles similiter videtur in-  
constans, cum lib. 4. meteor. ex omni elementorum genere, aquæ peculiaris-  
sime humidum tribui scribat: libro vero secundo de ort. & inter. dicat, aquam  
frigidi magis esse quam humidi, aërem vero humidi magis quam calidi. Rem  
hanc sic interpretantur Iacobus Syluius & Christophorus Vega, vt aër quidem  
vere ac proprie summe humidus dicatur, quia summam habet humiditatem; a-  
qua vero dicatur summe humida, non quod humiditatem summam obtineat,  
sed quod eam nunquam amittat, quantumuis ab igne calfiat, quam tamen faci-  
le exuit aër ob substantiæ tenuitatem. Eandem quoque explicationem ample-  
ctitur Franciscus Vallesius, sed hanc alteram addit, quod aër humidissimum e- D  
lementum sit, aqua vero humidissimum medicamentum. Quæ sane explicatio,  
neque libro primo de temperamentis, neque huic commentario accommoda-  
ri potest, cum hic ex instituto agat de elementorum constitutione: ibi vero a-  
quam consideret vt elementum. Dicerē potius, verissime Aristotelem & Ga-  
lenum aëri & aquæ summam humiditatem tribuisse, quia vtrumque elementum  
summe humidum est: insunt enim (vt postea dicemus) singulis elementis binæ  
qualitates summæ. In eo tantum discrimen est, quod in aëre summa humiditas,  
primaria & constitutrix qualitas sit, in aqua vero primariæ qualitatis adiutrix.  
Hoc autem loco sine aliquo discrimine vtrique elemento summam humidita-  
tatem

Cap. 6.

Cap. 8.

Cap. 1.

Cap. 6.

Cap. 4.

Cap. 3.

Schol. 13.

huius lib.

Lib. 1. de art.

meden. cap. 1.

Lib. 1. contra.

cap. 2.



**A**tem assignat, quoniam nullum elementum primo frigidum constituit. Nam ut ipsemet fatetur, de elemento primo frigidum quaestio non exigua olim oborta est, quam ne cogeretur in praesentia tractare, utpote ad artis opera inutilem, maluit, frigidi elementi nulla facta mentione, duo elementa summe humida ponere. Sed quoniam physiologica nunc tractamus, non abs re fuerit quaestionem à Galeno praetermissam breuiter explicare. De elemento primo frigidum, magna olim inter Peripateticos & Stoicos (ut refert Galenus) orta est controversia; non quod alii aquam, alii terram primo frigidam statuerent, ut male interpretatur Petrus Peramatus; sed quod alii aquam, alii aerem primo frigidum esse vellent. Stoici namque (quorum sententiam nostris etiam temporibus sequutus est Gaspar Lopezius) aerem putarunt esse frigidum, Peripatetici vero calidum, & aquam proinde primo frigidam. Rationes vero, quae utrinque adferri possunt, consulo nunc praeterimus, ne disputatio longior evadat: praesertim cum pleraque inefficaces sint, & (ut Galenus dicere solet) è longinquo petita. Neque id mirum, cum facile non sit, aut sensu, aut ratione, propositam quaestionem dirimere. Ratione quidem, quia de calore & frigidityte quaestio tractatur, quarum iudex sensus esse debet, potius quam ratio. Sensu vero, quia is externum aerem nunc calidum, nunc frigidum agnoscit, qui tamen impurus est, & aliis permixtus: neque enim elementum aeris purum ac sincerum (cuius qualitates inquirimus) alicubi nunc reperitur. Ceterum Peripateticorum sententia probabilior semper visa est, & rationi magis consentanea; ne scilicet aeri & aquae eadem qualitates tribuantur: cum tamen ad missionem potius oporteat, elementa omnia aliquam habere inter se qualitatum contrarietatem. Galenus quoque Aristotelis sententiam amplexus est, ut constat ex lib. 1. de elem., ubi cum tribuisset igni summum calorem cum siccitate, & terrae cum siccitate summum frigus, reliquis elementis reliquas qualitatum coniugationes convenire dixit, prout sua cuiusque natura postulat. Quare cum aqua frigida sit & humida, aerem calidum & humidum esse necesse erit. Et lib. 1. aphor. com. 14. semen inquit, terrae substantiae minimum, aeris vero, rei calidae & humidae, in se plurimum continere. Interdum tamen videtur sentire aerem esse frigidum, nam lib. quod animi mores, agens de aere, ita scribit: Nam is ipse, quantum in seipso frigidus est, ceterum permissione igni elementi bene sit temperatus. Qui sane locus nonnullos credere coegit, Galenum Stoicorum potius quam Peripateticorum sententiam sequutum fuisse; cum tamen dictionis series manifesto monstret, Galenum loqui secundum Stoicos, quorum opinionem de animae essentia eo loco explicabat: quod recte observatum est à Vallesio. Sed difficilior est alter locus lib. 8. de usu part. ubi videtur Aristotelem reprehendere, quod aerem dixisset calidum. In eo, inquit, sane peccat, quod nunc oblitus sit, se alibi aerem calidum statuisse, an hoc quidem recte fecit, quod falsarum assertionum sit oblitus? Putat Vega, aerem quidem calidum esse, dici tamen hoc loco frigidum comparatione ad cordis calorem, qui maior est calore aeris. Vallesius tamen Galenum inquit, non dixisse aerem esse frigidum, sed tantum non esse calidum, ut voluit Aristoteles: quasi velit, neque calidum esse, neque frigidum. Neuter tamen meo iudicio locum apte explicavit, qui sane intelligendus non est de elemento aeris, sed tantum de externo aere, quem inspiratione attrahimus, qui purum elementum non est. Nam elementum aeris purum, atque sincerum, calidum est, ut antea diximus: qui vero inspiratione attrahitur aer, & calidus, & frigidus, & aliquando temperatus persentitur. Hunc itaque falso putavit Aristoteles esse calidorem cerebro, unde colligebat, refrigerando cordis calori inspiratum aerem nequaquam sufficere, proindeque naturam in animalibus creasse cerebrum, ut

Lib. 2. de simp.  
med. fac. c. 20.  
Lib. de elem.  
cap. 9.  
Com. in cap. 4.  
Lib. 1. de temp.

Cap. 6.

Cap. 4.

Lopezii. com.  
in c. 4. lib. 1. de  
temper. & Peramatus. lib. de  
elem. cap. 11.  
Lib. 1. contra  
cap. 3.

Cap. 3.

Lib. 2. de part.  
ani. cap. 7.



Cap. 5.

Com. 13.

Lib. 2. de fac.  
nat. cap. 4. &  
lib. quod quali.  
sint incorpo.  
Lib. 1. de fac.  
nat. cap. 2. &  
lib. 2. cap. 4.  
& lib. 1. me-  
tho. cap. 2.  
Cap. 9.

sua insigni frigiditate cordis calorem temperaret. Non ergo Aristoteli reprehendit, quod elementum aeris calidum statuerit, sed quod aerem quem inspiramus, cerebro calidior esse dixerit: quod tamen fallum est, quia, ut ait Galenus, quovis tempore, etiam aestate media, externus aer frigidior est cerebro. Quae sane Galeni sententia difficilis videtur, cum aer aliquando calidior sit cute, qua tamen cerebrum est frigidius. Sed locum explicabimus lib. 2. de temper. agentes de temperie cerebri. Prætereunda tamen hoc loco non est nova Hieronymi Cardani de qualitatibus aeris opinio, quam doctè refutavit Iulius Scaliger. Voluit namque aerem ex sua natura temperatum esse, refrigerari tamen ob velocissimum caeli motum, rursusque temperari propinquitate siderum, ac potissimum Lunæ. Vallesius quoque aerem humidissimum statuit, in calore tamen & frigore temperatissimum, & quod maius est, hanc putat fuisse Galeni mentem, deceptus loco illo à se male intellecto ex lib. 8. de usu part. Ceterum cum in elementis, corporibus simplicissimis, qualitates absque mixtura & temperie esse debeant, quomodo in aere qualitates contrariae temperari possint non video. Porro quod aer contrarias mutationes facile subeat, prompteq; incalascit & refrigeretur, id quidem temperamenti mediocritatem non arguit, sed solam substantiae tenuitatem. Quae tamen in igne efficere non potest ut facile refrigeretur, quoniam ab ignis efficacia, & ad agendum vehementia, longo intervallo superatur. Quod si facilis ea ad calorem & frigus mutatio, earum qualitatum mediocritatem in aere, potest ostendere, cur eandem non ostendet etiam in aqua: quae, quamvis aere difficilius, facile tamen refrigeratur, & incalascit. Exclusa igitur ab elementis omni qualitatibus temperie, aerem cum Aristotele & Galeno summe humidum & calidum statuimus. Quamvis enim singulae qualitates primae, propriae sint singulorum elementorum principia, habent tamen alteram qualitatem veluti adiutricem. Constituitur itaque ignis à summo calore, cui summa siccitas sit coniuncta: aer à summa humiditate, coniuncta summo calori: aqua à summo frigore summae humiditati adiuncto: ac terra tandem à summa siccitate, cui frigiditas summa copuletur. Sed hæc intelligentur facilius, ubi demonstraerimus, singulis elementis binas qualitates, easque summas inesse. Extremo commentario colligit ex hac sententia Galenus, Hippocratem superius reprehendisse eos, qui unicum elementum ponunt, non eos qui quattuor. Huius enim sententiae primus auctor fuit ipsemet Hippocrates, eandemque amplexi sunt Peripatetici omnes, & Stoici, & ante utroque Empedocles: quorum omnium commune id dogma fuit, ut quattuor sint rerum omnium elementa, ignis, aer, aqua, & terra. In eo tamen dissentiunt, quod Empedocles huiusmodi elementa impatibilia statuerit, ex quibus ad minimas particulas dumtaxat diuisis, sibique mutuo apposis, mixta corpora fieri credidit. Peripatetici vero & Stoici Hippocratem sequuti, eadem illa elementa patibilia & in se inuicem transmutabilia concedunt, ex quibus & ad minima diuisis, & per se tota mixtis & temperatis, cetera corpora fiant. Rursus inter Peripateticos & Stoicos id leue fuit discrimen, quod illi solas elementorum qualitates, hi vero & qualitates, & substantias elementorum temperari affirmarint, ita ut corporum penetrationem concessisse videantur, & qualitates esse corpora. Et quamvis plerumque Galenus, dum incidit in hanc quaestionem, quid sentire oporteat aperte non dixerit, (quia, ut ipse ait, id medico definire superuacaneum est) constat tamen, Peripateticorum dogma magis probasse. Nam lib. de subst. fac. nat. probabilius esse censet, solis qualitatibus temperaturas fieri. Et lib. 1. de elem. decretum Peripateticorum, si non propter aliud, saltem propter securitatem potius eligendum esse scribit, quoniam quæ Asclepiades aduersus eos scripserat, qui rotas

substan-



**A** substantias per totas misceri asserunt, vim nullam in eos habere poterant qui solas qualitates reperari affirmant. Hinc constat, sententiam Peripateticorum mediam esse inter sententiam Stoicorum & Empedoclis, quæ inter se sunt omnino contrariæ. Tollit namque Empedocles qualitatum temperationem, & veram substantiarum mixtionem negat: Stoici contra, & qualitates, & substantias elementorum misceri, & temperari concedunt: Peripatetici vero substantiarum mixtionem, & qualitatum dumtaxat temperationem admittunt. Constat itidem, mixtionem distinctam esse à temperatione, hæc namque (si proprie loquendum sit) solis qualitibus, illa vero solis substantiis debetur. Sunt tamen inter se usque adeo affinia, ut neq. mixtio sine temperatione, neq. sine mixtione temperatio constare unquam possit. Quippe cum mixtio definiatur ab Aristotele, mistilium alteratorum unio,

Lib. I. de ort.  
& inter. c. vi.

**B** & mistilia ea dicantur, quæ ex agentibus contrarietatem habent, & inter hæc, quæ facilius ad minima diuiduntur: certum est, temperationis beneficio uniri quæ alterata miscentur.

## HIPP. SENT. III.

**A**T medicorum nonnulli dicunt hominem esse sanguinem solum, alii bilem esse affirmant, aliqui pituitam.

## GAL. COMMENT.

Cum superiori oratione aduersus philosophos egisset, qui aut ignem solum, aut aquam, aut terram, aut aërem, naturam corporis nostri esse censerent: etiam ad medicos digressus est proposita serie, ostendens, similiter illis etiam hos aberrare, qui arbitrantur hominem aut solum esse sanguinem, aut bilem, aut pituitam. Manifesto igitur iam distinctum est quod in prima omnium oratione ambiguum esse videbatur, non enim is qui quattuor elementa ponunt, sed illis qui unicum aliquod solum ex ipsis, contradicere semper apparet. Ceterum relinquitur hæc opinio quedam medicorum, absurditate Melissi placito respondens, eorum scilicet qui dicunt hominem esse unum, quod dum mutatur, unumquodque eorum quæ dicta sunt, efficitur.

Reprehendit hac sententia veteres medicos, qui falsa opinati sunt de elementis propriis hominis, ut postea facilius doceat, quid vere de illis sentire oporteat. Sunt autem propria hominis elementa humores ipsi, ex quibus constat, ut ex sequentibus intelligatur. Et quomodo antea philosophos eos reprehenderat, qui unicum dixerunt esse rerum elementum, non eos qui quattuor; ita & nunc medicos illos reprehendit, qui unicum humorem dixerunt esse hominis naturam. Quæ medicorum opinio, quemadmodum & philosophorum, multiplex fuit, alii namque unicum eum humorem putant esse sanguinem, alii pituitam, alii bilem flauam, aut atram. Porro quod in fine commentarii scribit Galenus, relinquitur scilicet ex horum medicorum sententia, opinionem quandam Melissi dogmati absurditate respondentem, sequenti commentario explicabitur.

## HIPP. SENT. IIII.

**H**I quoque omnes idem concludunt, nam unum esse affirmant, quod unusquisque ipsorum vult nominare: atque hoc unum cum sit, mutare speciem & potentiam, cum à calido & frigido cogitur: fierique dulce, amarum, album, nigrum, & omnifarum. Mihi vero neque hæc ita habere videntur.

\* πᾶντοιο.



Medicos etiam ait, qui humorem vnum solum secundum naturam esse, tuta- A  
ti sunt, idem inter se quod philosophos, concludere, indicantes, vnum hunc hu-  
morem, quemcunq. singuli illi statuunt, mutari in alios. Quæ vero astruens suam  
quisque opinionem assumpsit, nullum ex quattuor humoribus secundum naturam  
esse declarant, sed loco ipsorum alium quendam priorem, ex cuius mutatione hi  
fiant. Dogmatis eiusmodi sunt, quod in medica speculatione nequit consistere.

\* δογματος τινός  
τοῖς αὐτοῖς καὶ ἡδὲ ὡς αὐτοῖς  
ὡς οὐκ ἔστιν κατὰ τὴν  
ἐν αὐτοῖς φύσιν, ἀλλὰ  
ἐκ τῆς φύσεως τῆς  
Μελίσιος, κατὰ  
τὴν φύσιν.

quemadmodum neque Melissi sententia in physica. \* In quibus igitur dicunt v-  
num hoc mutari si à calido & frigido cogatur, fierique dulce, amarum, nigrum,  
& album, nullum ex his quattuor dicere illi videntur. Quibus cōtradicens pro-  
fert, id non secundum naturam esse, sed aliud quidpiam quod in hæc mutatur.

Dulcem enim, sanguinem: amaram vero, flauam bilem: albam, pituitam: nigram B  
vero, atram bilem, bona ratione dicta esse, in quæ vnum illud degenerare inquit,  
si à calido & frigido cogatur. Quod autem ad finem orationis adiectum est καὶ  
παντοῖον [id est & omnifarium] sanies\* in difficilibus morbis oborientes indicat:  
Apparet enim & æruginosa, & fusca bilis, quam vocant ἰστροῦδα [quod isatidis  
herbæ, id est glasti, colorem fuscum referat] & quædam rubra, & porracea,  
aliæque nonnullæ nominis indigæ, præsertim vbi morbus putridus fuerit.

\* ἰστροῦδα.

Nudam hætenus proposuit eorum medicorum opinionem, qui vnicum hu-  
morem dixerunt esse hominis naturam: nunc autem accuratius eandem expli-  
cat, & reprehendit. Qui ergo vnicum humorem hominis naturam statuerunt, C  
reliquos etiam humores in homine reperiri concesserunt: non tamen ita, vt hu-  
mores quattuor ad hominis generationem simul concurrerent, vt male expli-  
cat Syluius. Alioqui enim nullius momenti esset ratio, quam ipsis postea obi-  
ciet, Si homo esset vnus humor, necessariū esset eum solum in homine appare-  
re, aliqua saltem ætate, vel aliquo anni tempore, idque potissimum in sanis, vt  
Galenus interpretatur. At si quattuor humores ad hominis generationē cōcur-  
runt, quocunque tempore & ætate quattuor in homine reperietur. Voluerunt  
itaque ex vnico illo humore hominem gigni, mutare tamen speciem, & poten-  
tiam, cum in morbis à calido & frigido cogitur. Mutat quidem speciem, quando  
in alium humorem degenerat, potentiam vero, quādo insitās qualitates exuens  
nouas induit; veluti si vnicus ille humor sit sanguis, mutari potest in humorem  
alterius speciei, veluti bilem vtramque, aut pituitam, quo etiam tempore po-  
tentiam mutabit. Nam dum sanguis erat, calidus erat & humidus, vel potius D  
temperatus, mutatus vero in bilē, calidus fiet & siccus; quemadmodū frigidus  
& humidus, si in pituitam mutetur. Huiusmodi autem transmutationes humoris  
elementaris in alios, à calido & frigido fieri existimarunt: quo nomine a supe-  
rioribus philosophis manifesto dissentiunt, qui omnes alterationes negabant,  
quas tamen medici isti concedebant. Neque id mirum, quoniam quamuis vni-  
cum elementum hominis proprium esse dicerent, quattuor tamen communia  
elementa admittebant, eaque & patibilia, & in se inuicem transmutabilia. Has  
vero vnus humoris in alios transmutationes significat Hippocrates, cū ait, fieri  
dulce, amarum, album, & nigrum: dulce enim vocat sanguinem: amarum, bilem;  
album, pituitam: nigrum vero, atram bilem, sensibilem singulorum humorum

naturam





**A** naturam duobus duntaxat accidentibus exprimens, sapore scilicet & colore. Sed cur sanguinem & bilem ex sapore, pituitam & humorem melancholicū ex colore potius denominarit, rationē recte reddit Syllius. Sanguis enim, siue quartus humor sit, siue ex quattuor humoribus constitutus, si secundum naturam habeat, semper est dulcis, colorem tamen eundem non habet, cum aliquando rubicundior, aliquando flauior, aliquando nigrior appareat. Eadē bilis ratio est, quæ quidem semper gustatur amara, infecta tamen colore vario, etiam si naturalis sit; nam & pallida, & rufa, & flaua esse potest. At contra pituita semper quidem est alba, interdū tamen insipida, interdum dulcis: & humor melancholicus semper niger, austerus tamen, vel acidus. Porro quod dixit Hippocrates *ναὶ παντοῖον*, id est & omnifarium, interpretatur Galenus esse ichores, vel sanies, in difficilibus morbis eborientes, id est viciosos, pranosq; humores præter naturam genitos. Quasi vellent medici, eum vnicum humorem, dum à calido & frigido cogitur, non solum in eos humores quos naturales appellamus, transmutari, sed in alios etiam, qui pessime affectis corporibus præter naturam gignantur. Quorum sane variæ sunt differentiæ, vt exemplo bilis confirmat Galenus, cuius quattuor species præter naturā enumerat, æruginosam, isatodem, rubrā, & porraceam: quamuis præter has aliæ sint duæ, vitellina, & atra. Neque vero nunc oportet examinare, an aliqua sit bilis rubra, & an bilis æruginosa distincta sit à porracea, hæc enim alibi explicabuntur. Alteram olim huius loci interpretationem ab eruditissimo Collado didicimus, qui illud, omnifarium, ad omnes corporis partes referebat: quasi is sit huius loci sensus. Vnicus ille humor, dum à calido & frigido cogitur, non solum in alios humores mutatur, sed etiam fit omnifarium, id est mutatur in omnes corporis partes, cum ex eo solo partes omnes gignantur. Hæc itaque fuit horum medicorum opinio. Quod vero attinet ad eorundem rationes, ex Hippocrate & Galeno intelligitur, ex transmutatione humorum in se inuicem ostendisse, vnicum humorem esse hominis naturam. Nam qui sanguinem, exempli causa, naturam hominis esse voluerunt, id ostenderunt ex eo, quod ex sanguine, dum à calido cogitur, fiat bilis; dum cogitur à frigido, fiat pituita. Quamuis alii quidam medici exstiterint, quorum postea mentionem faciet Hippocrates, qui non ex transmutatione humorum, sed ex purgationibus immodicis colligebāt, vnicum humorem esse hominis naturam. Cum igitur hi, de quibus nunc agimus, non secus argumententur ac philosophi, qui vnicum dixerunt esse rerum elementum; quæcunque aduersus philosophos supra diximus, in hos medicos transferri possunt. Siquidem eadē sententia omnes vtuntur, quia affirmant omnes vnicum humorem esse hominis naturam. Dicunt autem non eadē, sed diuersa, quia vnicum illum humorem quidā dicunt esse sanguinem, alii pituitam, alii bilem flauam, alii bilem atram. Et sententiæ eūdem inferunt epilogum, quia vtuntur omnes eadē argumentandi ratione, ex humorum in se inuicē transmutatione desumpta. Quæ sane inefficax est, tum quia ad quattuor materias accommodatur, cum potissimum, quia, vt Galenus ait, ex transmutatione humorum in se inuicem nō recte colligitur aliquem humorem esse hominis elementum, sed aliquod esse commune eius transmutationis subiectum, ex quo gignantur quattuor humores. Quocirca superiori commentario recte Galenus dixerat, ex sententia horum medicorum relinqui dogma, Melissi placito absurditate respondens. Quamobrem quemadmodum in Philosophia absurdacensetur sententia Melissi, ita in Medicina absurda quoque iudicanda erit horum medicorum opinio.

Sent. 27.



**M**E A vero sententia, si homo esset vnum, nunquam doleret; neque enim esset à quo dolorem perciperet, si homo vnum foret. Si vero dolebit, necesse est etiam remedium vnum esse.

## GAL. COMMENT.

Superius rationes ipsas reprehendebat, quas, qui hominem vnū esse arbitrantur, adducunt, indicans, non solum demonstrationis expertes, sed etiam improbabilis esse. In præsentia opinionem illorum subuertit, qui hominem vnum esse autumant. At idem non est, aut rationem productam coarguere, aut opinionem ut non veram criminari: quippe fieri potest, ut vera sit opinio, non recte autē à quibusdam sit defensa, eoque non opinio, sed hi qui ipsam tuentur, coarguendi sunt. Nunc igitur relictis eorum rationibus, opinionem ipsam solam coarguit, oratione per se validissima, sed breuissima quoque vsus: si enim homo vnum esset, non doleret. Quam sententiam coarguere dixi etiam eos, qui elementa indiuidua, incompactilia, & minima statuunt. Vnum namque specie etiam his auctoribus est, id quod reuera est: sic autem nominatum est primum corpus, generationis & corruptelæ expertis, quandoquidem alia omnia ex illius compositione generationem capiunt. Nascetur enim ex his opinio, generationem nostrā in certa eternorum illorum corporum compositione constituens, quemadmodum Hippocratis placitum in quattuor elementorum temperatura: quod Aristoteles & Stoici admiserunt. Quod autem si vnum simplex elementum esset, non doleret corpus ex huiusmodi elemento constructum, indicium esse ait, nullum aliud existere secundum, quod in ipsum possit agere: non enim fieri potest, ut vnum illud corpus a seipso patiatur. At si etiam aliquis dolere ipsum concesserit ex se patiens, remedium simplex erit; cum enim multa in eo non sint, multos curandi modos esse non licet.

Philosophorum ac medicorū, hominē vnum esse affirmantiū, rationes hæcenus reprehendit: nunc autem vtrorumq; sententiā firmissimis rationibus refellit. Neq; vero hanc disputationem aggreditur, quod se magnū aliquid facturum arbitraretur, sed quod videret (ut Galenus ait) in magno pretio habitam olim fuisse horum philosophorum opinionem, quæ tamen hisce temporibus absurdissima merito iudicatur. Duabus itaq; demonstrationibus ostēdit hac sententiā aduersus philosophos, hominem non componi ex vnico elemento. Prior demonstratio hæc est, si homo vnum esset, non doleret: atqui homo dolet, ergo homo vnum non est. Pendet quidem huius demonstrationis vis ex causis & generatione doloris, de quibus tamen non est nunc dicendi locus: satis namque fuerit hic obseruare, ad dolorem hæc saltem duo esse necessaria, mutationem, & eius mutationis sensum. Dolorem quidem mutatio aliqua necessario præcedit, nam si in eodem statu corpus omnino permaneat, ut antea non dolebat, ita neque nunc dolere poterit. Debet autem hæc mutatio subita esse, & violenta, si futura sit causa doloris. Est quoq; necessarius eius mutationis sensus, sine quo non fiet



A non fiet dolor, etiam si corpus multifariū mutetur. Lapidēs enim & ligna, & in nostris corporibus ossa, etiam si scindantur, aut vrantur, non dolent, quia sensus expertia sunt. His ita positis facile intelligitur Hippocratis demonstratio, si homo, inquit, vnum esset non doleret, neque enim esset à quo dolorem perciperet: quasi dicat, si homo ex vnico elemento cōstaret, non posset dolere, quia nihil esset aliud diuersæ naturæ, à quo immutari posset. Nā si ex solo igne cōstet homo, & reliqua quæ in mūdo sunt corpora, nihil profecto erit, à quo possit homo immutari, cū eadem sit hominis & aliorum omniū natura. Quod si mutatio fieri non potest, neq; etiā fiet dolor, quia ad dolorē (vt statutū est) mutatio aliqua desideratur. Præterea nō doleret, quia tollitur mutationis sensus. Quippe ex eo quod sensu caret, corpus sensu præditū fieri nō potest, quin mutatio aliqua præcedat: atqui elementum illud vnicū expers est sensus, & impatibile: ergo fieri ex eo nō potest corpus aliquod sentiēs. Si quis vero dixerit sensum non tolli, quia vnicū illud est sensus particeps, alterum sequetur maius absurdū, omnia scilicet corpora sensu esse prædita. Sed dicet fortasse quispiam pro philosophis respondens, posse citra alterationem hominem dolere, soluta vnitatem à re quapiam externa, cum dolor non tantum fiat ab iis quæ alterant, verum etiam ab iis quæ vnitatem solvunt. Dicemus tamen, Hippocratis demonstratiōē id absurdū dumtaxat concludere, hominem scilicet non doliturū ab iis quæ alterare possunt, si ex vnico elemento constaret: quod tamen experientia aduersatur, quæ monstrat frequentissime, ab iis quæ alterant, dolores fieri. Dicere etiam licet, neque ab iis quæ vnitatem solvunt hominem dolere posse, tum quia vnitatis à re eiusdem naturæ non posset corrumpi, cum potissimum, quia licet corrumpetur, nullus esset eius corruptionis sensus. Quare firmissima semper erit demonstratio Hippocratis, si homo vnum esset, non doleret, neq; enim esset, à quo dolorem perciperet. Quæ licet ab Hippocrate scripta dumtaxat sit aduersus philosophos, qui vnicū dixerunt esse mundi elementum, simul tamen euertit (vt Galenus in commentario testatur, & lib. 1. de elem.) absurdas eorum opiniones, qui elementa quidem plura, impatibilia tamen statuerunt. Quorū sane multiplex fuit opinio, quidam enim corpuscula minima (qualia ea sunt, quæ in aëre volitant) dixerunt esse rerum omnium elementa, ex quorum concretionē, dum per vacuum resiliunt, mista corpora fieri crediderunt. Vnde factum est, vt vnum & nihil omnia esse dicerent; vnum quidem, atomos; nihil vero, vacuum appellantes. Sed & hæc opinio in varias sectas distracta fuit, alii namq; minima ea corpuscula vocant *ἀναζωα* id est incompacta, vt Asclepiades; alii vero *ἀνιζωα* id est insectilia. Et erurū x his alii insectilia esse dixerūt, quia præ duritie frangi non poterāt, vt Epicurei; alii vero, quia præ nimia paruitate non poterāt amplius diuidi, vt sectatores Leucippi. Iam vero Empedocles plura quoque statuit elementa impatibilia, ignem scilicet, aërem, aquam, & terram; ex quibus ad minima diuisis, ubique tantum mutuo apposis, mista fieri voluit. Postremo Anaxagoras infinita pene elementa, eaque impatibilia concessit, particulas scilicet minimas, quæ in singulis corporibus continentur, veluti in pane, minimas sanguinis, carnis, & ossis, & aliarum rerū particulas. Cum igitur his omnibus id sit cōmune, vt plura elementa, & impatibilia concedant, vim profecto habebit aduersus hos omnes Hippoc. demonstratio: quia quamuis elemēta numero sint plura, specie tamē omnia sunt vnū. Si igitur ex pluribus elemētis impatibilibus (veluti ex atomis) homo constaret, nō doleret, tū quia ab elemētis impatibilibus nulla fieret alteratio; tū etiā, quia tolleretur sensus. Et quemadmodū Hippoc. ex dolore monstrauit hominem non esse vnum, ita & nos ex aliis simi-

Cap. 2.



Lib. 1. de elem.  
Cap. 3.

Lib. 1. de elem.  
Cap. 3.

Ibidem.

libus, veluti ex voluptate, sensu, imaginatione, & memoria, idem demonstrare A  
possumus. Si enim homo vnum esset, non afficeretur voluptate, neque sentiret,  
& sublato sensu, neque imaginaretur, neque recordaretur, cum imaginationis &  
memoriæ veluti fons sit ipse sensus. At homo voluptate afficitur, sentit, imagi-  
natur, & recordatur: ergo homo vnum non est. Hippocrates enim ab vno appa-  
rente ducto argumento, locum nobis reliquit, vt ex aliis eandem vim habenti-  
bus, eandem opinionem refutaremus: consuetudinem scilicet sibi in docendo  
familiarem seruans, vt sub vno exemplo, reliqua, quæ eandem vim habent, no-  
bis intelligenda, & addenda relinquat. Hæc pertinent ad priorem demonstra-  
tionem: alteram tamen non minus efficacem adiungit, si homo vnum esset, &  
doleret, vnicum esset remedium: at remedia sunt plura: ergo homo, etiam si  
doleat, non potest esse vnum. Cum autem ex curatione hæc ratio petita sit, B  
in medicos potius quam in philosophos videtur esse conscripta. Et res pro-  
fecto ita habet, fuerunt enim medici quidam, qui philosophorum senten-  
tiam sequuti, vnicum esse rerum omnium elementum voluerunt. Id quod  
ex Galeno certo colligitur, qui Hippocratis priorem demonstrationem in  
vniuersum tam contra medicos, quam contra naturales philosophos, maxi-  
me efficacem esse scribit. At contra quos medicos? non sane contra eos, qui  
vnicum humorem dixerunt esse hominis naturam, (hi namque quattuor ele-  
menta communia, & paribilia, concesserunt) sed potius contra eos, qui vnicum  
rerum elementum statuerunt cum philosophis. Horum igitur causa adiunxit  
Hippocrates hanc alteram demonstrationem, cuius vim breuiter attingit in  
commentario Galenus, & lib. 1. de elem. copiosius explicat. Vt autem cla-  
rius ostendat opinionis absurditatem, falsam postulat hypothesim, quod scili-  
cet homo, etiam si vnum sit, dolere possit, concessa namque ea hypothesi, alio- C  
qui falsa, alterum sequeretur absurdum, nempe vnicum fore remedium. Si enim  
homo, vnum cum sit, dolet, & mutatur, à seipso tantum mutatur, & dolet, cum  
aliud sit nihil diuersæ naturæ, a quo mutari possit. Quod si vnica est mutatio, v-  
nicus erit affectus. si vnicus affectus, vnicum erit remedium: ergo si homo vnum  
sit, & doleat, remedium vnicum erit. Ostendet autem sequenti sententia, reme-  
dia esse plura: vnde colligitur necessario, hominem non esse vnum. Obserua ta-  
men, hanc secundam demonstrationem vim tantum habere aduersus eos qui  
vnicum elementum ponunt; nam qui plura elementa statuunt, etiam impatibi-  
lia, plures mutationes admittunt, & plures affectus, pluraque proinde remedia  
concedunt. Veluti Methodici, qui atoma corpuscula, communia rerum elemē-  
ta statuentes, duos simplices morbos in partibus similaribus concedebant, la-  
xitatem scilicet meatuum, & eorundem densitatem: & duo quoque remediorum D  
genera, densantia scilicet, & laxantia,

## HIPP. SENT. VI.

**N**Vnc autem multa habentur, multa namque in corpore insunt,  
quæ cum à se mutuo præter naturam calhant, refrigerantur,  
siccantur, & humectantur, morbos pariunt. Quare plures morbo-  
rum species, plura item remedia ipsorum habentur.

Superiore



A

## GAL. COMMENT.

Superiore oratione eos qui hominem vnum esse dicunt (quod est idem ac si dicas, compositorium ipsius elementum vnum esse) ex absurditatibus quæ opinionem consequuntur, coarguit. Non enim doleremus vnquam, si nullum omnino secundum esset, quod vnum illud posset afficere: deinde, etiamsi hoc donauerimus, remedium esset vniforme, non multiforme. Presenti vero sententia exposuit ea, quæ ostensurus est primario esse, à quibus alia omnia procreantur. Hæc autem sunt, calidum, frigidum, siccum, & humidum, quæ cum inuicem mediocriter fuerint temperata, animal sanum est, cum autem se mutuo calfaciunt, refrigerant, exsiccant, & humectant, dolores generari solent, non vno curationis modo sanescentes. Nonnulli siquidem ipsorum terminantur, si particula quæ dolent, incallescant: nonnulli, si refrigerentur, aut siccentur, aut humectentur, desinunt. Traditum de his fusissime est in opere de simplicium medicamentorum viribus, & in medendi methodo, quamquam nihil mali sit, etiam nunc paululum aliquid dicere, cum manifestam habeam indicationem, nos à calido, frigido, humido, & sicco dolere, & curari. Quis enim non nouit dolorem oboriri, cum in hyeme vehementi quis foras progredi tentauerit? quis, cum in æstu vehementi? quis non dolet sitiens? aut quis potu repletus? cum sitis quidem fiat nobis siccescentibus, repletio autem nimia contrariam dispositionem efficiat. Et inflammationes, omnesque tumores præter naturam dolorifici fiunt, interim a superflua humiditate in partem influxa, interim, quod humores, aut calidi præter naturam, aut frigidi existant. Quinetiam curationes, corporum quidē quæ nimia humiditate repleta sunt, euacuatione peraguntur: eorum vero quæ magis quam pro naturæ modo siccescunt, humidorum adhibitione: sicuti etiam qui ex perfrictione dolet, si excalfiat: qui ex immodico calore, si refrigeretur. Ostensum vero a me est, etiam medicamenta omnia, calefaciendo, aut refrigerando, aut siccando, aut humectando operari. Nā primariæ hæc qualitates sunt, & effectrices, & alteratrices corporum, vt in primo de elementis secundum Hippocratem explicauimus. Hæc autem sequuntur gustatrices facultates, quarum nomina sunt, adstrictio, austeritas, acerbitas, amaror, salsedo, acrimonia, acor, dulcedo, & vinctuositas. Item coloris qualitates versantur in albedine, nigredine, rubore, & consimilibus. Tactrices, in duritia, mollitie, friabilitate, & lentore. Gustatoriis autem pares numero sunt & olfactoriæ, sed non habent speciei nomina, nam odorum in fragrantia & fælore differentia, hoc ipsum differentia conuenienter putari queat, dicique multas species consequi. Hæc sane sermonis capita sunt, quædam ipsorum in libro de elementis ex Hippocratis sententia cōprehensa, quædam in opere de simplici medicina. Vulgus autem demonstrationes discere detractat, aduersatur autem iis quæ ignorat, promptius: è contrario studiosi, & veritatis amotores faciunt, qui demonstrationes diligenter ediscunt, tarde autem, ac inuiti, contraheniunt.



Minorem superioris syllogismi propositionem probat, ostendens plura esse remedia, quia plures sunt morborum species. Quod vero plures sint morbi, confirmat, quia multa in corpore sunt, quæ, cum à se mutuo præter naturam calfiunt, refrigerantur, siccantur, & humectantur, morbos pariunt. Quasi sic dixisset clarius, multa sunt doloris remedia, quia plures affectus, doloris causæ esse possunt: dolemus enim à calido, frigido, sicco, & humido. Observat recte Galenus in commentario, Hippocratem hac sententia ea primum exposuisse, quæ ostensurus est postea, communia esse rerum omnium elementa: nunc enim primū meminit calidi, frigidi, sicci, & humidī. Immo ex iis quæ nunc scribit, utcumque ostendi potest, calidum, frigidum, siccum, humidum, & elementa esse communia. Nam si ab his, ubi à iusta temperie deficiunt, dolemus, ergo in iisdem, ubi mediocriter fuerint temperata, sanitas posita erit: atqui sanitas posita est in natura: ergo calidum, frigidum, siccum, & humidum, sunt hominis natura. Nunc tamen nondum elementorum numerum demonstrare instituit, sed tantum docere, à calido, frigido, sicco, & humido, dolores provenire. Id quod Galenus in commentario accuratius explicat, ostendens à quattuor primis qualitatibus dolores fieri, & ab iisdem peti dolorum remedia. Videtur autem omnes causas doloris ad externas & internas reuocasse. Hyeme quidem, dū per loca niuosa iter facimus, dolemus à frigido externo: à calido vero, dum in æstu vehemēti diuinus sub sole versamur. Iam vero cum sitimus, dolemus à sicco, cum sitis fiat nobis sicciscentibus, deficiente scilicet humida substantia. Ac tandem ab humido dolemus, quando replemur potu, à quo ventriculus violenter distenditur. Videtur hoc loco sentire quattuor primas qualitates esse causas doloris, quod tamen maxime est controuersum, quemadmodum & illud, an intemperies dolorem per se efficiat, an media unitatis solutione. Hæc tamen, cum à nostro instituto sint prorsus aliena, alibi explicabuntur commodius. Porro quod à causis internis, calidis, frigidis, humidis, siccis, dolores fiant, exemplo tumorum præter naturam ostendit, in quibus à superflua interdū humiditate quæ ad partem influxit, interdum quod humores calidi sint, aut frigidi, dolores fieri scribit. Quod fiat in tumoribus dolor à copioso humore ad partem influente, phlegmone ipsa declarat, quæ quia pars inflammata, copioso, qui influxit, sanguine repleta distenditur, vehementem dolorem excitare solet. Ac rursus, quod ab humoris caliditate fiat in tumoribus dolor, ex erysipellate & herpete certo intelligitur. At tumores frigidi, ut œdema & scirrhus, indolentes omnino sunt, ut monstrat experientia, proindeque ab humoribus frigidis fieri nō poterunt dolorifici tumores, quod tamen affirmavit Galenus. Non igitur video, quī possit locus iste constare, nisi de his tantum frigidis tumoribus explicetur, qui compositi sunt, quale est œdema phlegmonodes, aut erysipelatodes: quamuis & dolor in his à calido humore fiat, qui frigido permiscetur. Præstat tamen sic locum interpretari, quam totam dictionis seriem audacter immutare, ut quidam faciunt, qui, locum deprauatum esse censentes, sic legendum esse volunt, ut dolorificos tumores à superfluo humore partem distendente; alios vero dolorificos affectus citra tumorem, ab humoris caliditate, vel frigiditate fieri significet Galenus. Ceterum præter quam quod lectionem immutant, falsa quoque dicunt, neque enim in omnibus dolorificis tumoribus, à superfluo humore partem replete dolor efficitur, sed interdum ab humoris caliditate immodica, ut in erysipellate, & herpete dictum est. Vtcumque tamen res habeat, à calido, frigido, sicco, & humido dolores fieri monstrat frequentissime experientia. Quod si plures



- A** si plures affectus dolorem inferunt, & plures remediorum species esse necesse erit. Nam si doleat corpus quod multo humore repleatur, eiusmodi dolorem sedat peccantis humoris euacuatio. Si à causa frigida dolor nascatur, quæ calfaciunt remedio esse solent: & in vniuersum contrariorum contraria oportet esse remedia. Quod autem inquit Galenus, medicamenta omnia, calfaciendo, refrigerando, siccando, & humectando operari, de iis medicamentis intelligendum est, quæ manifestis qualitatibus agunt; nam & tota substantia agere possunt, vt purgantia, & pleraque ex alexipharmacis. Ex iis quæ dicta sunt, colligit tandem Galenus, quod lib. 1. de elem. copiosius docuerat, caliditatem scilicet, frigiditatem, humiditatem, & siccitatem, primas esse qualitates, effectrices, & alteratrices corporum. Sunt quidem alteratrices, quia hæ solæ agere & pati possunt: effectrices vero, quia prima illa corpora, ignem, aërem, aquam, & terram efficiunt, constituuntque. Dicuntur autem primæ, quia reliquæ omnes qualitates has sequuntur, vnde & qualitates secundas eas vocare solent: quæ sane (vt testatur etiam Aristoteles) nullam ex seipsis agendi vim habent. Harum differentias quattuor proponit, colores, odores, sapores, & qualitates tactiles, quarum omnium varias differentias esse docet, de quibus non est nunc dicendi locus. Cur autem inter qualitates secundas non enumerarit sonos, explicatum iam est in procemio huius libri. Sed cur, si secundæ qualitates primas sequuntur, in quibus elementis primæ qualitates sunt omnino contrariæ, contrariæ etiam omnino non sunt qualitates secundæ? Quippe cum ignis calidus & siccus, summe tenuis sit ac levis; aqua, quæ frigida est & humida, non est summe grauis aut crassa, sed potius terra, quæ primis qualitatibus non est igni contraria. Sunt qui dicant id propterea fieri, quia eius qualitatis actio, quæ singulis elementis est propria, aut acuitur, aut exoluitur ab altera qualitate sibi adiuncta. In vniuersum enim caliditatis & frigiditatis actionem acuit siccitas, eandem vero exoluit humiditas: non quod calorem, aut frigiditatem (quæ in elementis summa sunt) humiditas remittat, sed quod agendi vim quodammodo obtunda. Quamobrem etiam si in igne & aëre summa reperiatur caliditas, merito tamen ut, vt ignis tenuissimus sit, leuissimus, atque rarissimus, quia summæ caliditatis actio ab adiuncta siccitate acuitur in igne, in aëre vero ab adiuncta humiditate exoluitur. Et rursus licet aquæ & terræ summa insit frigiditas, terra tamen euasit crassissima, densissima, & grauissima, potius quam aqua, quia frigiditatis actio (quæ est cogere, densare, & increassare) acuitur in terra à siccitate adiuncta, in aqua vero exoluitur ab adiuncta humiditate. Hinc ergo fieri aiunt, vt quamuis secundæ qualitates primas sequantur, in igne tamen & aqua, quibus primæ qualitates sunt omnino contrariæ, non sint omnino contrariæ qualitates secundæ. Alii tutius respondent, crassitiem & tenuitatem, densitatem & raritatem, grauitatem & leuitatem, potius sequi modum substantiæ, quam primas qualitates.

Lib. 2. de ort.  
& inter. cap. 2.  
& 3.

## HIPPOCRATES SENTENTIA VII.

**C**eterum mea quidem sententia, qui hominem sanguinem solum esse, & nihil aliud affirmat, is iure demonstrare deberet, cum non mutare speciem, neque omnimode varium effici. Aut si hoc minus possit, saltem tempus anni aliquod, aut vllam hominis ætatem



etatem ostendere, qua homo vnum existens, sanguis solus appareat. Verisimile enim est, tempus saltem aliquod esse, quo id vnu [elementum] in ipso appareat. Eadem contra illos pronuntio, qui pituitam, qui bilem, hominem esse asseuerant. A

## GAL. COMMENT.

Hic quoque adhuc contra illos agit, qui hominem vnum esse tuentur: quod per initia ipsum proposuisse dixi. Ac primum reprehendit eos, qui sanguinem ipsum esse ferunt, maxime enim conueniebat, inquit, sanos homines sanguinem citra vtramque bilem & pituitam in corpore obtinere, si natura est sanguis solus in corpore. Deinde vero, etiam si admittatur bilem aliquando & pituitam colligi, etatē sane vnam aliquam, aut anni tempus inueniri, quo sanguis solus sine aliis humoribus in corpore esset. Pari modo coarguit eos quoque, qui hominem esse pronuntiant aut bilem, aut pituitam, hoc est, naturam \* esse hoc solum, putantes in hoc, & ex hoc humore primam generationem provenisse, B

\* κατὰ φύσιν.

Vt demonstrauit aduersus philosophos vnicum esse non posse cōmune rerum elementum, ita & nunc aduersus medicos demonstrat, vnicum humorem non esse hominis naturam. Fuit autem omnium celeberrima eorum opinio, qui hominem solum sanguinem esse affirmarunt, quam proinde potissimum refellit hac ratione; Si homo esset solus sanguis, oporteret eum non mutare speciem, neque omnino varium effici: atqui mutat speciem, & varius efficitur: ergo homo solus sanguis non est. Dubium est in huius rationis propositione, an pronomen illud, cum, referri debeat ad hominem, an potius ad sanguinem. Galenus in commentario videtur retulisse ad sanguinem, libro tamen secundo de elementis ad hominem potius retulit: neque id mirum, cum sit vterque sensus verissimus. Nam si ex solo sanguine homo constaret, neque speciem mutaret sanguis, neque varius efficere tur, saltē in hominibus sanis, in quibus solus sine aliis humoribus haud dubie reperiretur. Rursus neque homo speciem mutaret, nam ex solo sanguine constans, non componeretur ex partibus diuersæ naturæ, & speciei. Atqui sanguis speciem mutat, etiam in sanis, in quibus varius apparet, ruber, flauus, nigricans. Mutat itidem speciem homo, quia constat ex partibus diuersæ, immo contrariæ, naturæ, veluti ex carnibus calidis & humidis, & ossibus frigidis & siccis. Græca tamen dictio *αὐτόν*, qua vtitur Hipp. ad *αἷμα*, id est sanguinem, relationem fieri non posse aperte monstrat; nisi forte legendum sit *αὐτόν*, ut innuit Syluius. Galenus autem ad hominē referens, ex partiū corporis diuersitate demonstrat lib. 2. de elemen. hominem ex solo sanguine non constare. Absurdum namque est fateri, naturam alioqui prudentissimam, ex eadē materia tam varias corporis partes formasse: præstabat enim, partes solidas ex crassiori, carnosas vero ex tenuiori materia gigni. Quare merito docebit postea Galenus, propter partium corporis diuersitatem, sanguinem aliis humoribus indiguisse. Sed hæc Hippocratis ratio nihil aduersus medicos videtur concludere, quia quamuis sanguis solus sit hominis natura, speciem tamen mutare, & varius fieri potest, in alios humores degenerans, dum à calido & frigido cogitur, ut C

Cap. 4.

Cap. 2.

Com. 38.

tur, ut D



**A** tur, ut antea dictum est. Id itaque considerans Hippocrates, alteram rationem adiungit, aut saltem superiorem reddit efficaciorē. Si homo, inquit, solus esset sanguis, aliquod saltem esset anni tempus, aut aliqua ætas, in qua solus sanguis in homine appareret: at nulla est ætas, nullum anni tempus, in quo solus sanguis in homine appareat; ergo solus sanguis non est hominis natura. Ex huius rationis propositione intelligitur error Sylui, qui quattuor humores ex horum medicorum sententia ad hominis generationem concurrere, falso concessit, ut antea annotauimus. Assumptio huius rationis probanda erat, probationē tamen distulit in sententiam vigesimam sextam, ubi demonstraturus est, quocunque anni tempore, & quacunque ætate, quattuor humores in hominē inueniri. Iisdem quoque rationibus refutantur opiniones aliorum, qui pituitam, aut alterutram bilem dixerunt esse hominis naturam.

Comm. 4.

## HIPPOCRATES SENTENTIA VIII.

**B**

**E** Go siquidem quæcunque hominem esse dixerō, & secundum legem, & secundum naturam in eo semper inesse, similiter & in iuvene & in sene, & frigido anni tempore & calido, demonstrabo: atque signa, necessitateque edam, ob quas singula in corpore tum augescunt, tum contabescunt.

## GALENI COMMENT.

**C** *Ostensurum se promittit, elementa quæ ab ipso statuuntur, perpetuo in corpore contineri, & secundum ætates, annique tempora, habere tum incrementum, tum contabescentiam, quod est imminutionem. Secundum legem quidē est quod homines existimant, & opinantur: secundum naturam autem, id quod secundum rerum veritatem est.*

Ne quispiam forte putaret, importune Hippocratem à medicis postulasse, ut solum eum humorem, quem hominis naturam esse dicebant, aliquo saltem anni tempore, aut aliqua ætate in homine ostenderent: pollicetur hac sententia, se multo maiora præstiturum. Promittit enim se, & secundum legem, & secundum naturam demonstraturum, quocunque anni tempore, & quacunque ætate, sua elementa in homine inueniri. Secundum legem hinc, & com. 23. interpretatur

**D** Galenus secundum hominum opinionem: sic namque veteres philosophi loqui consueuerunt, ut ipsemet docuit lib. 1. de element. explicans sententiam Democriti & aliorum, qui atomos dixerunt esse rerum elementa. Quippe cum hi qualitates corporibus inesse negarent, lege dicebant esse album, lege amarum, id est secundum hominum existimationem. Secundum naturam interpretatur secundum rerum ipsarum veritatem, quæ expendenda est, ut ait Aristoteles, ex

Cap. 2.

Lib. periermen.

Lib. 9. de Hippoc. &amp; Plat.

decret. cap. 1.

Lib. de opt.

sect. ad Thras.

cap. 2.

uo urinæ,



uo urinae, linguae, & cutis colore. Ex rebus itidem abditis, quaedam per se intellegi  
 et cognoscuntur, ut prima principia, alia aliis mediis, ut principia quae vocant  
 mediata. Vtitur ergo Hippocrates tum sensu, tum ratione, ad sua elementa de-  
 monstranda, & signa necessitatesque se editurum promittit, ob quas humores  
 singuli tum augeantur, tum contabescant. Signa videtur vocasse rationes pro-  
 babilis, necessitates vero, rationes necessarias, utrisque enim utitur ad osten-  
 dendum, qui humores quibus anni temporibus augeantur. Rationes necessa-  
 riae sumentur ex propria natura humorum, & propria anni temporum temperie;  
 rationes autem probabiles sumentur ex accidentibus, excrementis, & morbis.

## HIPP. SENT. IX.

**P**rimum igitur necesse est, generationem ipsius non ab uno esse  
 profectam, quomodo enim aliquid quod unum est, generare ali-  
 ud poterit, nisi alicui immistum fuerit?

## GAL. COMMENT.

Hippocrates igitur semper ea quae manifesto apparent, sequitur, eoque nunc  
 dixit nihil ab uno generari, nisi aliud quidpiam extrinsecus admisceatur, atque  
 id temperaturae symmetria cum ipso conueniens. Nonnulli autem philosophi na-  
 turales appellati, haud scio, quomodo opinionem absurdam pronuntiare sunt  
 ausi, quae omnem naturalem speculationem euertat. Nam qui omne dicit esse v-  
 num, tollit oratione vniuersam generationem. Si enim unum existit id quod na-  
 tum est, non erat prius, sicut neque erit paullo post: neque enim Thales, neque Me-  
 lissus, neque Heraclitus prius erant, aut nunc sunt. An igitur vere aliquis di-  
 xerit, hos viros non fuisse? Anfuerunt quidem, & annis non paucis singuli vixe-  
 runt, non erant autem quo tempore vivebant? An quod essent ipsi illo tempore  
 concedemus, eos autem qui erant, non esse dicemus, cum essent? Atqui si esse quis  
 ipsos fateatur, fuisse quoque fatebitur, quomodo enim platanus, lapis, & leo non  
 erant olim, generationem habentia & interitum? Si autem est generatio eius quod  
 prius non erat, necessarium est, ipsam ex substantia quadam subiecta provenisse:  
 hanc autem videmus, non posse ipsam per se solam quidquam generare. Nam  
 stirpium semina, humiditate & calore mediocri externo, ad aliquid generandum in-  
 digent. Quod si semen solum generare posset, nullius alterius externi auxilium  
 requirens, haud differret vel breuissimo tempore generationem, sed statim pullu-  
 laret. Verum saepe, non mensem solum, sed etiam annos, haud pauca semina per-  
 manere videas. Non enim ex se tantum generandi facultatem habent, sed ex-  
 ternum quoddam praesidium postulant, quod non simpliciter & solum tangat ea,  
 verum aliquam tangendo virtutem tradat, quae intro in totum quod tangitur di-  
 stribuatur. Si iam semen inter generandum alterationem subire videtur in arbo-  
 ribus, herbis, & cunctis stirpibus: multo magis in animalibus euidenter apparet,  
 neque ex masculo solo, neque ex femina, sine mixtione aliquid posse procreari.

Cum



**A** Cum demonstrasset hætenus, vnum esse non posse elementum cõmune, neq; etiam proprium, iuxta methodũ traditam in proœmio, vtrorumq; elementorũ numerum inquirat. Agens vero primum de elementis communibus, quattuor ea esse demonstrat duabus rationibus, quarum altera desumpta est ex communi rerum omnium generatione, altera vero ex communi interitu. Prior demonstratio ex hac sententia, & aliis quæ sequuntur, ad hunc modum contexenda est. Ea sunt communia corporum elementa, ex quibus omnia corpora generantur: generantur autem omnia corpora ex calido, frigido, humido, & sicco: ergo calidum, frigidum, humidum, & siccum, communia sunt mixtorum omnium elementa. Propositio verissima est, vt constat ex definitionibus elementi, quas in proœmio tradidimus. Assumptionem vero vt probet, demonstrat hac sententia ex iis quæ experientia sunt cognita, generationem ab vno fieri non posse. Galenus tamen in commentario ostendit primum generationem è medio tolli, si vnicum tantum statuatur elementum, deinde vero quod ab Hippocrate dictum est, optime confirmat, non posse scilicet fieri generationem ab vno. Quod generatio tollatur si omnia sint vnum, perspicuum est, sequitur enim inde, nihil nunc esse quod antea non fuerit: aut si antea non erat, neque nunc esse. Quippe quod vnum est, vna eademque ratione perpetuo est affectum, cum aliud sit nihil, à quo affici, aut mutari possit. Quare si quod genitum est nunc est, & antea erat: aut si non erat antequam gigneretur, neq; nunc profecto erit: quæ certe omnia propriæ generationis rationi omnino aduersantur, cum generatio sit eius quod antea non erat productio. Porro quod ab vno generatio fieri non possit, exemplo plantarum & animalium recte confirmat. Neque enim plantæ ex solo gignuntur semine, alioqui ne breuissimo quidem tempore generatio differretur, sed statim planta pullularet. Experimur tamen, plantarum semina alicubi reposita per multos menses, aut etiã annos (ferunt enim, milii & panici semina, quò venti non perueniunt condita, in annos cõtum durare) nihil vnquam ex se producere. Vnde patet, præter semen, aliud quiddam necessarium esse ad plantarum generationem. Sunt autem necessaria, moderata terræ humiditas, cuius beneficio terra semen sibi commissum concipit, ac fouet; & solis calor viuentibus omnibus familiaris, qui sopitas seminis facultates in actum euocat, potissimumque facultatem generatricem. Sed euidentius multo experimur in animalibus, ab vno generationem fieri non posse; cum neque ex solo mare, neque ex sola foemina gignatur foetus, sed necessarius sit vtriusque congressus. Verum quamuis certum sit, solum marem gignere non posse, de foemina tamen merito dubitari potest. Quippe cū ad concipiendũ foetum tria sint necessaria, principium efficiens, nempe semen, principium materiale (vt vocant) nempe sanguis, & vtriusque conceptaculum, nempe vterus: nihil profecto ob stare videtur, quo minus possit ex se sola mulier concipere, quæ & semen, & sanguinem, & vterum habet. Huc accedit, quod gallinæ sine galli congressu oua pariant, & molam concipiant mulieres, etiam si non coe-rint. Quamobrem quod hic dictum est à Galeno, nihil ex sola foemina gigni posse, de animalis perfecti generatione interpretatur Syluius; res enim imperfectas, vt ouum & molam, ex sola foemina gigni posse quotidie experimur. Porro quod mola res quædam sit imperfectissima, propria ipsius forma declarat, est enim caro quædam rudis, informis, & otiosa, nullis partium lineamentis distincta. Quorum autem sine galli congressu genitorum imperfectio-nem ex eo intelligere licet, quod ad gignendos pullos sint prorsus inepta.

Hæc



Lib. 10. de nat.  
hist. cap. 60.

Hæc *ὑμνέμα* Græci, Latini subuentanea, Plinius irrita vocat. Ea inquit gigni, aut mutua libidinis imaginatione, aut puluere, aut (vt aliqui volunt) vento, vnde & Zephiria sunt appellata: quæ sane sterilia sunt, minora, minus incundi saporis, & magis humida. Quod attinet ad oua, recte quidem ac vere dictum est, ex sola gallina interdum nasci sine maris congressu, molam tamen ex sola muliere sine yri concubitu fieri posse negat Galenus: immo eos qui hoc affirmant, in eorum quæ sunt historia mentiri scribit. Non enim, inquit, sicut gallinæ sine maribus oua pariunt, ita mulierem aliquando viderunt, vel molam, vel eiusmodi quidpiam aliud sine viro concepisse. Cuius rei rationem hanc paullo antea reddiderat, quod aues gressilibus sint multo sicciores, frigidique humoris redundantia, ob temperamenti siccitatem, in ipsarum semine absumatur: qua assumpta, semen validius euadat, atque robustius, si non ad perfecti animalis generationem, saltem ad rei cuiusdam imperfectæ (quale ouum subuentaneum est) productionem. At in gressilibus, propter humiditatem temperamenti, foeminum semen imbecillius est, ac proinde ineptum, non solum ad perfecti foetus, verumetiam ad molæ generationem. Quæ cum ita sint, mirari profecto licet Syluium, Fernelum, Vallesium, alioque doctissimos medicos, qui hunc

Lib. 10. de nat.  
hist. cap. 64.

Galenī locum prætereuntes, maluerunt cum Plinio sentire, posse mulierem ex seipsa molam concipere: quæ sane opinio non exiguam peccandi licentiam mulieribus concedere videtur. Sed ratio videtur semper virgere, quam tamen

Lib. de semi.  
& in appendice.

ita dissoluit Peramatus, vt mulier non possit ex seipsa concipere, etiā si semen, sanguinē, & vterū habeat, ob masculositatis (vt ipse loquitur) defectū: quasi vero aliud dicat ab eo quod quæritur. Quæritur enim, cur masculositas ad generationem sit necessaria. Probabilius multo ad foeminini seminis infœcunditatem, quod paucum est, & atquosum, huius rei causam alii retulerunt. Ceterum neq; id perpetuum est, nam quamuis plerunque ita contingat, fieri aliquando potest, vt mulier viro calidior, atque robustior, semen calidum gignat, robustum, & ex seipso foecundum. Id enim est quod dixit Hippocrates, in viro & masculinum semen esse, & foemininum: & in muliere foemininum, & masculinū. Præstat igitur cum Galeno rationem ita dissoluere. Si proprii sexus naturam, atq; temperiem (vt plerunque fit) seruauerit mulier, ob seminis infœcunditatē non concipiet. Si vero à proprii sexus temperie recedens, virili temperamento sit prædita semen quidem foecundum habebit, non tamen concipiet, ob menstrui sanguinis, qui alterum est generationis principium, inopiam. Absumetur enim ab

Lib. de genit.

Lib. 2. de semi.  
cap. 4.

excedente calore sanguis, qui in mulieribus suam temperiem seruantibus, in singulos menses excernendus colligitur, quod ob caloris imbecillitatem, totus qui in iecore gignitur, nec digeri, nec in partium nutritionē absumi queat. Argumento sunt viragines, quibus aut nulli, aut paucissimi menses fluere solent, ob temperamenti siccitatem calori coniunctā. Hoc, cum aliæ confirmarūt, tum maxime Brigida à Pegnaranda, mulier quinquagenaria, quam, ceu rarum naturæ miraculum, non semel hic Valentia vidimus, anno nonagesimo supra millesimum quingentesimum. Erat hæc & pulsu, & voce, & facie, & vniuerso corporis habitu, viro omnino similis; nam & barbam habebat vndique densam, & ita prominentem, vt palmi fere longitudinem æquaret. Huic (vt ipsamet referebat) anno duodecimo menses primum eruperant, pauci tamen, & qui in annum decimum octauum similiter permanserant. Quo tempore apparente barba, sensimque crescente, in posterum omnino suppressi fuerunt.

HIPP.



A

## HIPPOCRATES SENTENTIA XII.

**D**Einde neque generant, nisi eiusdem generis quæ miscentur, sint, & eandem vim obtineant: neque similia nobis effici potuerunt.

## GAL. COMMENT.

Non solum ex vno generari aliquid non posse dicit, sed ne ex duobus  
**B** quidem, nisi eiusdem generis sint quæ miscentur, hoc est familiaritatem substantiæ habeant. Id quod manifesto apparet fieri in diuersi generis animalium generatione, quemadmodum in equis habet & asinis, vulpibus & canibus: nam ex horum mixture generatur animal, veluti ex duobus mistum. Quæ autem naturam habent multum inter se differentem, neque si misceantur, vnquam generare aliquid possunt. Porro quod ad orationis finem adiectum est, Neque similia nobis efficiantur, libri interpretes ceu manifestum prætereunt; obscurum autem est, aut non probe à scriptore interpretatum, aut à transcriptoribus viciatum. Quod autem mihi videtur velle innuere, id est, etsi non simile specie sit animal alterum,  
**C** quod alteri miscetur, communionem certe quandam naturæ esse dicit. Non enim similia nobis effici poterunt, hoc est, non generatio ex congressu fieri potest animalis, iis quæ procreantur ipsum, similis. Forsan etiam oratio non sic habebat, Neque similia nobis efficiantur.

Ab vno generationem fieri non posse hæteus dixerat: nunc vero docet neque à pluribus fieri, nisi eiusdem generis, quæ miscentur, fiat & eandem vim obtineant: id quod experientia quoque cognitum est. Ea vero interpretatur Galenus eiusdem esse generis, & eandem vim obtinere, quæ substantiæ familiaritatem habent, potissimum in seminibus. Quo fit, vt non tantum generent quæ sunt eiusdem speciei, sed etiam ea, quæ cum eiusdem generis sint, specie differunt, dummodo ipsorum semina familiaritatem substantiæ habeant. Ex equa namque & asino nascitur malus, ex vulpe & cane lycisca, mixtæ speciei animalia, & quæ vtriusque parentis speciem referunt. Gignuntur autem in Africa huiusmodi plurima, quia, vt ait Aristoteles, ob aquæ penuriam, animalia specie diuersa, in locis irriguis (quæ paucissima sunt) congregantur, alienigenæque copulantur libidine: vnde natum est illud, Africa aliquid noui semper adfert. Eadem vis in plantis apparet, quæ alieno etiam concubitu gaudent. Nam pyrus & pomus si simul inferantur, mixtam arborem, fructumque mistum producant, quæ vtriusque parentis naturam referunt. Malus itidem persica pomo, aut coneo infera, arborem, fructumque producit vtriusque naturæ participem. Solent

Lib. 2. de gener. ani. cap. 5.



Lib. 7. de nat.  
anim. cap. 6. 8.

Lib. 4. de gener.  
cap. 3.

Lib. 7. de nat.  
h. f. c. 12.

Lib. 2. de fem.  
cap. 2. & 5.

Lib. 4. de ge-  
ner. anim. cap.  
1. & 2.

Lib. 2. de fem.  
cap. 5.

Lib. 6. epid.  
part. 4. sec. 27.

Lib. 2. epid.  
part. 6. sec. 22.

Lib. 6. epid.  
part. 2. sec. 44.

Aphor. 38.

Lib. 5.  
Aphor. 48.

Lib. 5.

lent autem plantæ variis modis misceri, insitione, consitione, & aliis quibusdā  
 insertionum generibus, quæ agricultura inuenit. Porro quod extrema hac sen-  
 tentia scriptum est, Neque similia nobis effici potuerunt, vique adeo est ob-  
 scurum, ut dubitet Galenus, sitne ab aliquo temere adiectum, aut male à li-  
 brariis transcriptum. Sentit vero, si lectio seruanda sit, significasse Hippo-  
 cratem, nisi quæ miscentur eiusdem sint generis, nihil, quod suis progeni-  
 toribus sit simile, gigni vnquam posse. Est autem triplex in vniuersum similitu-  
 do, sexus, formæ & generis aut speciei: de quarum causis consule Aristotelem  
 & Plinium, & potissimum Galenum. Et quamuis ad semen & sanguinem, duo  
 generationis principia, omnis quæ inter filios & parētes intercedit, similitudo  
 referri debeat, habet tamen vnaquæq; peculiarem à qua nascitur, causam. Si-  
 militudo sexus ex principiorum temperie ortum habet, nam ex calidiori-  
 bus principiis mares, ex frigidioribus foeminæ potius gignuntur: nam & B  
 mares calidiores sunt foeminis. Quod recte confirmat Aristoteles ex iis, quæ  
 experientia sunt cognita. Nouella enim, & senescens ætas, gignit potius  
 foeminas, quia in hac calor deficit, in illa nondum est perfectus: at flo-  
 rens ætas, quia calida, mares gignit frequentius. Præterea quæ corpora  
 humidiora sunt & frigidiora, foeminas gignere solent, quemadmodum  
 calidiora & robustiora mares. Adhuc flante aquilone, magis quam au-  
 stro, mares concipiuntur, quod partes internæ calidiores euadant. Pasto-  
 res itidem longa experientia docti, multum interesse affirmant ad foetus  
 maris, vel foeminæ generationem, si oues, dum coeunt, aquilonem vel  
 austrum spectent. Galenus quoque similibus rationibus demonstrat, ma-  
 res in vniuersum esse calidiores foeminis. Siquidem mares & breviori tem-  
 pore in vtero perficiuntur, & citius mouentur quam foeminæ. Habent &  
 viri pulsum maiorem, thoracem ampliorē, & vasa latiora: quæ sane  
 caliditatis sunt soboles, quemadmodum & hirsuties. His etiam fidem facit,  
 quod ex calidiori semine (quale est quod gignitur in teste dextro) generatio-  
 nem obtineant mares; foeminæ contra ex semine genito in teste sinistro,  
 quod frigidius est. Fertur namque ad sinistrum testem frigidior sanguis,  
 per venam spermaticam, quæ ex vena emulgente ortum habet. Quo fit,  
 ut masculinos foetus frequentius generent, quibus dexter testis compulen-  
 tor fuerit; foemininos vero, quibus sinister. Quod potissimum accedente  
 pubertate in pueris obseruare oportet, iuxta illud Hippocratis, Cum hirci-  
 cescit, vter exterius testis apparuerit, si dexter, mas, si sinister, foemina. D  
 Neque tantum ex calidiori semine gignantur mares, verum etiam in dextra  
 vteri parte gestari solent, quæ tum ob iecoris vicinitatem, tum quia ad dex-  
 tram testem calidior sanguis descendit, sinistra calidior est. Atq; id sane à ve-  
 nissimis medicis olim obseruatum fuisse legimus, potissimumq; ab Hippocra-  
 te, cum ait, Circa naturam plurimam vim habet manna dextra, & oculus dex-  
 ter, & quæcunque in dextra parte subterfunt; nam & mares dextris par-  
 tibus inhaerent. Et alibi, Quoniam in calidiorē firmiorum, in dextris &  
 nigri. Ac rursus in Aphorismis multo manifestius id docuit, dicens, Mu-  
 lieti geminos ferenti, si altera mamma extenuetur, alterum abortu edis;  
 & siquidem dextra mamma extenuata est; marē, si sinistra, foeminam  
 abortione excludit. Et in vniuersum, Mares, inquit, dextra vteri par-  
 te, foeminæ sinistra magis gestantur. Postremo cum partibus potissimum ge-  
 nitalibus mares à foeminis differant, hæc vero vtrique sexui communes sint,  
 distin-



Lib. 14. de usu.  
part. cap. 5.

Cap. 11.

Lib. gen.  
cap. 30.

**A** distinguantur q; solo situ: marem foeminis caliores esse constat. Nam quod in maribus partes genitales foras promineant, calori acceptum referri debet, cuius proprium est, in prima formatione subiectam materiam dilatare, ac foras propellere; quemadmodum frigiditatis eandem cogere. Vnde fit, ut in foeminis eiusmodi partes intus delitescant, etiam si in utroque sexu (ut recte Galenus docuit) iusta quadam proportionem sibi mutuo respondeant. Quippe praeterquam quod testes & vasa spermatica, maribus & foeminis sunt communia, vterus scroto, uteri cervix peni, pudendum muliebri virili glandi, praeputiumque respondet. Cum itaque mares sola temperamenti caliditate a foeminis distinguantur, causa similitudinis sexus referenda est necessario ad caliditatem vel frigiditatem principiorum. Nascetur ergo mas ex calidioribus principiis, foemina vero ex frigidioribus. Altera est similitudo formae, quam potissimum in faciei, aliarumque partium formatione spectamus. Huius causa est principium generationis efficiens, nempe semen, cum huic soli insita sit vis formatrix. Quippe cum foetus & patri & matri in partium formatione similes esse experiamur, ita tamen ut magis similes sint patri quam matri: huius similitudinis causam utrique parenti communem esse, patri tamen magis quam matri deberi necesse est. Atqui principium generationis efficiens utrique quidem parenti, patri tamen potius quam matri debetur: ergo principium efficiens causa est similitudinis formae. Atque hinc fit, ut parentibus plerumque similes sint filii, interdum avis, vel atavis, aut etiam iis, quibuscom nullam habent affinitatem: praesertim cum facultas formatrix diviniore originis sit, ut alibi dicemus. Sed & fixa, attentaque imaginatio magnam vim habet, ad hanc vel illam formam partibus imprimendam: cuius sane rei plura existant testimonia. Visum namque aliquando fuit, pudicam, honestisque moribus praeditam mulierem, puerum nigrum, aethyopi prorsus similem, sine aliqua criminis suspitione peperisse. Legimus quoque lib. de ther. ad Pis. virum quendam dinitem, dum formem tamen, cum formosam prolem appeteret, uxori iussisse, ut dum coiret, pulcherrimam imaginem attentissime intueretur: eaque industria factum esse, ut formosus puer ipsi nasceretur. Huc etiam pertinet, quod refert divinus Moses, Iacob virgas populeas, amygdalinas, & platani, partim excorticasse, partim cum cortice reliquisse, easque proiecisse in canales, ubi bibiturae erant oves; quae cum in fervore coitus variegatas virgas aspicerent, maculatam prolem ediderunt. Est & tertia similitudo generis aut speciei, cuius causam esse materiale generationis principium, ex animalibus mixtis, quae ex coitu animalium diversae speciei gigni antea diximus, apertissime colligitur. Experimur enim, eiusmodi animalia utriusque parentis speciem referre, magis tamen accedere ad speciem matris quam patris. Nam quae ex asino & equa genita est mula, magis probatur quam ea quae nata sit ex equo & asina; haec namque asinam, illa vero equinam potius speciem referre solet. Ex quibus patet, causam similitudinis generis aut speciei utrique parentum deberi, matri tamen magis quam patri. Atqui materiale generationis principium mater potius praebet, quam pater: ergo principium materiale causa est similitudinis generis aut speciei. De hac tertia similitudine loquitur Hippocrates hac sententia, necesse enim est, foetum eiusdem esse generis cum utroque parente, etiam si diversae speciei esse possit, quemadmodum mixtum animal. At similitudo formae non intercedit necessario inter filios & parentes, cum aliquan-



do neutri parentum similes appareant. Similitudo vero sexus, licet in filiis cum alterutro parente reperiatur, nunquam tamen cum utroque; nisi forte ex naturæ errore nascatur hermaphroditus.

## HIPP. SENT. XI.

**R**ursus nec generatio futura est, si non calidum, & frigidum, humidum, & siccum mediocriter inuicem, & temperate, & æqualiter se habuerint, sed alterum altero longe præpolleat, & valentius imbecilliori.

## GAL. COMMENT.

*Antea quidem dixit, non posse prolificam fieri generationem ullius, nisi quæ eocunt eiusdem sint generis. Non tamen eorum, quæ generis sunt eiusdem, congressus necessario generat. Porro hanc orationem in aphorismis integre persequutus est, ubi inquit, Quæcunque frigidos densosque habent uteros, non concipiunt: & quæcunque præhumentes uteros obtinent, non concipiunt, nam in his genitura extinguitur: adhuc, quæ siccis magis, & ardentes, nam alimenti inopia semen corrumpitur. Quæ vero ex utrisque temperamentum mediocre habent, fecundæ fiunt. His verbis docet, quas ob causas mulieres sterues fiant. Indicat autem id etiam, quod hoc consequitur, de quo & nos alibi, & alii plerique ante nos scripserunt. Innuit & Plato, cum diceret, non exiguam esse artem, qua quis nouit, & viros & mulieres temperamento inter se conuenientes, ad generandum coniungere. Quæ enim de uteri temperamentis dixit, eadem etiam de seminis temperatura intelligere conuenit. Siquidem & hoc humidius est, quam conuenit aliquando, aut frigidius, aliquando siccius, aut ardentius. Familiare autem est sicciori vuluæ humidius semen, humidiori siccius, quemadmodum & calidiori frigidius, frigidiori autem calidius: de quibus vberius in libro de ratione procreandi libero s pertractamus. Nunc satis est scire, quod neque aliquid potest ex vno gigni, neq; ex duobus, aut pluribus coëuntibus (nisi familiaritas mutua sit, & commodatio quædam temperamenti, quæ ex coeuntibus perficitur) id generari potest.*

Neque ab vno, nec; à pluribus etiam si eiusdem generis sint, fieri potest generatio, nisi calidum, frigidum, siccum, & humidum mediocriter inuicem, & temperate, & æqualiter se habuerint. Quod non ita intelligendū est, ut omnino æqualiter quattuor illa temperari debeant, satis enim est, ut nullus sit immodicus excessus pro gignendi corporis natura: id quod significauit ipse met Hippocrates dicens, Sed alterū altero longe præpolleat. Porro quod mediocris calidi, frigidi, sicci, & humidi temperies ad generationem sit necessaria, cōfirmat Galenus ex hominis generatione. Experimur enim, præcipuā sterilitatis causā in mu-



A in mulieribus esse vteri intemperiem, quemadmodum in viris intemperiem seminis: neque id mirum, cum semen sit principium generationis efficiens, vterus vero sit conceptaculum, concipiendo semini, foetuique retinendo à natura preparatum. Sterilitatis causas in mulieribus breuiter complexus est Hippocrates aphor. 62. lib. 5. quas docuit esse insignes vteri intemperies. Frigida quidem intemperies, quæ tanta sit, ut deficiorem vterum efficiat, causa est sterilitatis, tum quod in frigidiori vtero semen virile refrigeretur, & contabescat, tum quod angusta admodum ob densitatem sint ora vasorum eo peruenientium. Vnde fit, ut secundæ ad vasorum ora coherere nequeant; aut si id quandoque fiat, conceptus probe nutriri non possit. Quippe vel nullo prorsus modo huiusmodi mulieribus purgationes fluunt, vel admodum paucae, & hæ ipsæ viciosa, solo tenuiore, aquosiorque sanguine per arcta vasorum ora effluente: præsertim cum & ipsa facile obstruantur, tum ob naturam angustiam, tum quia magna ex parte tali natura præditæ humorem cumulant pituitosum. Præterea humida vteri intemperies sterilitatem inducit, quia, ut Hippocrates ait, in humido vtero genitura extinguitur, non secus ac in palustri solo cerialia semina. Iam vero intemperies calida tum etiam & sicca sterilitatis sunt causæ, quoniam alimenti defectu semine corrumpitur; nam quod arenosæ, squallentiq; terræ accidit, idem ardenti, siccoque vtero videtur accidere. Quod si vterus composita intemperie laborauerit, multo magis sterilitatem inducet. Vnde constat, mediocrem vteri temperiem necessariam esse, ut mulier concipiat: id enim est, quod in fine aphorismi dicebat. Quæ vero ex utraque oppositione moderatam naturæ sunt locorum temperiem, & fecunditate valent. Quemadmodum autem vteri intemperies in mulieribus, ita & in viris intemperies seminis infœcunditatem parit. Calidius enim semen, exsiccatum est, & veluti tostum: frigidius, crudum, & maxime imbecillum: quod vero siccus est, in omnes vteri partes nequit commode extendi; neque ex humidiori partes facile formari possunt. Neque vero de procreandis liberis desperandum est viris qui semen intemperatum habent, aut mulieribus quibus intemperatus est vterus. Nam qui temperati sunt, tam viri quam mulieres, possunt quidem semper gignere, etiam si cum intemperatis coeant: intemperati vero ut gignant, cum iis copulari debent, qui contrariam habeant intemperiem: potissimum si intemperies modica fuerint, nam quæ immodica sunt, sterilitatem plerumque inducunt. Quamobrem semen calidum in vtero frigido, & frigidum semen in calido vtero fecundum esse potest: præsertim si contrariæ seminis & vteri intemperies pares omnino fuerint. Merito itaque dictum est a Platone, non exiguum esse artem, quæ doceat, qui viri quibus mulieribus ad procreandos liberos copulari debeant: quod præcipuum esse voluit obstertricum munus. At nostræ luo muneri satisfacisse putant, si magnis clamoribus parturientem adhortentur, vel potius deterreant, & sponte prodeuntem foetum utcumque excipiant. Porro liber de ratione procreandi liberos, quem fatetur Galenus se conscripisse, nostris temporibus desideratur.

In Theæteto.

## HIPPOCRATES SENTENTIA XII.

Quia propter quomodo rationi consentaneum est, ab uno aliquod generatum esse, cum ne à pluribus quidem generetur, nisi probam temperamenti inuicem communionem sortita sint?



Reliqua huius sententiæ ex prædictis sunt conspicua, meminisse autem oportet nominis in ea dicti *ἡμέτερος*, id est temperamenti, quod Ionico more *ἡμέτερος* protulit; quoniam primus, quorum memoria ad nos peruenit, Hippocrates elementa *ἡμέτερος*, id est contemperari docuit, quemadmodum & paullo ante ostensum est. Atque hac ratione differt ab Empedocle, qui ex eisdem elementis, quibus & Hippocrates, nos, aliaque omnia corpora, quæ circa terram sunt, constare dicit, non tamen inuicem contemperatis, sed per exiguas partes commissis, & se contingentibus. Quod vero & hæc opinio simili modo coarguitur, quo illæ opinioniones, quæ sensibile corpus ex insensilibus, impatilibusq; primis corporibus generant, in cōmentario de elementis ex Hippocratis sententia ostensum est: ubi etiam omnium fere physicarum opinionum mentionem fecimus, quæ de primis principiis, aut elementis exstiterunt.

Hæc sententia nihil noui continet, cum sit veluti epilogus trium superiorum, in quibus statutum est, ab vno generationem fieri non posse, neque à pluribus, nisi eiusdem sint generis, neq; etiam ab his, nisi calidum, frigidum, humidum, & siccum, æqualiter inter se fuerint temperata. Illud solum obseruatione dignum est, quod Galenus animaduertit, nunc primum scilicet meminisse Hippocratem nominis Temperamenti, quo primum ipse vsus videtur, cum & ipse philosophorum omnium, ac medicorum primus, elementa per se tota temperari affirmauerit, ut alibi etiam testatur Galenus. Quam Hippocratis sententiam amplexi postea sunt Peripatetici omnes & Stoici, de quorum discrimine antea diximus com. 2. Quomodo vero Empedocles eadem elementa statuens, ab Hippocrate dissenierit, & quomodo ipsius opinio demonstratione illa Hippocratica refutetur, dictum quoque est com. 5.

Lib. 1. de fac.  
nar. cap. 2. &  
lib. 1. metho.  
meden. cap. 2.

## HIP P. SENT. XIII.

Utm igitur talis & hominis & aliorum omnium natura sit, hominem non ex vno conflare elemento \* necessario colligimus, sed singula quæ ad generationem conferunt, vim aliquam in corpore obtinere, qualem contulerunt.

\* *ἡμέτερος*.

## GAL. COMMENT.

Cum Hippocrates prædixisset, nisi calidum frigido, & siccum humido mediocriter contemperatum sit, corporum videlicet generabilium generationes haud posse fieri: nunc sane manifesto non hominis tantum, sed omnium etiam quæ generationem corruptionemq; corporis suslinent, ex ipsis generationem esse pronuntiat. Nam ex calido, frigido, sicco, & humido, omnia creatur, eoq; communi

omnium



A omnium esse hæc elementa: propria autem hominis naturæ, sanguinem, pituitam, bilem flauam, & nigram. Quamquam ne hæc quidem propria recte dixeris, ut quæ omnium sanguine præditorum animantium sint communia. Constat autem (cuiuslibet) & horum singula ex primis creata esse quattuor [elementis] quæ a qualitatibus nominantes, humidum, siccum, frigidum, & calidum dicimus: propria vero substantiæ ipsorum nomina sunt, ignis, aqua, aer, terra. Neminem si quidem latet, elementa secundum simplices, & mixturæ expertes qualitates nuncupari; cum caliditas summa igni insit, quemadmodum & humiditas aeri, frigiditas aquæ, siccitas summa una cum densitate & frigiditate, terræ. Quomodo igitur nonnulli arbitrantur, Hippocratem, humidum, siccum, frigidum, & calidum, elementa statuere, hæc enim in homine apparere, ignem vero, aquam, aerem, & terram non admittere, eo quod neque horum aliquod in humano corpore conspiciatur? Haud tamen assequentes intellecta, ea quæ in corpore apparent calida, frigida, sicca, humida, esse apparentia, & visibilia corporis elementa; quæ, quis audebit, elementa omnium corporum esse communia, pronuntiare?

Nemo indubie, etiam indoctissimus. Cum Hippocrates dixit, Necesse igitur est, cum talis & aliorum omnium, & hominis naturæ sit, non putandum est, nunc ipsum dicere, ea quæ in corpore humano videntur calida, frigida, sicca, & humida: sed quattuor elementa, quæ summas, & expertes mixturæ qualitates obtinet, ex quibus inuicem contemperatis, omnia quæ in medio sunt corpora, gignuntur, per excellentiam, non proprie appellata, calida, frigida, sicca, humida. Nam si hæc iam contemperata, elementa statuamus, ea quæ summas habent qualitates, haud noui, quid esse dicemus. Iam proxima oratione clarius adhuc suam ipsius sententiam explicat, ad quam modo digrediamur.

Si demonstratum est, ex calido, frigido, humido, & sicco, omnia fieri, recte nunc concludit, calidum, frigidum, humidum, & siccum, communia esse rerum elementa. Quid vero nomine calidi, frigidi, humidi, & sicci, intellexerit, dubium est. Inter Hippocratis interpretes, Athenæus Attaleus, Lib. 1. de e-  
 ipsiusque sectatores putauerunt, Hippocratem non intellexisse ignem, aerem, aquam, & terram, quæ obscura sunt, & in homine nequaquam apparent, sed  
 D elementa potius sensilia, & quæ in homine manifesto conspiciuntur. Existimantque proinde, eos ab Hippocrate reprehendi prima huius libri sententia, qui ignem, aerem, aquam, & terram dixerunt esse hominis elementa: legabant enim isti coniunctam dictionem illam *ἐν ἑαυτῷ*, ut dictum est com. 1. Porro elementa sensilia, & quæ manifesto in homine apparent, sunt partes similes, & humores, ex quibus corpus humanum compositum est. Falsam horum hominum opinionem refellit Galenus ex hac Hippocratis sententia, in qua sic scribit, Cum talis, & hominis, & aliorum omnium naturæ sit, ex calido scilicet, frigido, humido, & sicco constituta. Quibus verbis significat, se de elementis rerum omnium agere, non de elementis solius hominis: at humores, & partes similes elementa sunt hominis propria,



Lib. 2. de ele-  
ment. cap. 1.

ignis autem, aër, aqua, & terra, elementa sunt rerum omnium communia; ergo A  
hæc potius intellexit Hippocrates nomine calidi, frigidi, humidi, & sicci, quam  
partes similes, aut humores. Quamvis, si vere loquendum sit, solæ partes simi-  
lares propria sint elementa hominis, humores vero, elementa communia om-  
nium animalium sanguine præditorum; quemadmodum & animalium exanguium  
propria elementa ea dicuntur, ex quibus, tanquã ex proxima materia, gignun-  
tur. Quare merito Galenus humores dixit, elementa quædam esse veluti me-  
dia inter communia & propria. Præterea absurdum est, humores & partes simi-  
lares, elementa statuere; quæ reuera corpora mista sunt, & calida, frigida, humi-  
da, & sicca dicuntur, non proprie, sed tantum per exuperantiam; ignem vero,  
aërem, aquam, & terram, quæ corpora sunt simplicissima, habentque summas, &  
mixture expertes qualitates, elementa esse nolle. Ex quibus constat, Hippocra- B  
tem nomine calidi, frigidi, humidi, & sicci, non intellexisse humores aut partes  
similes, sed elementa rerum omnium communia: quorum numerum, & vi-  
res ut simul exprimeret, à qualitatibus ipsa vocavit calidum, frigidum, humi-  
dum, & siccum, quamvis propria ipsorum nomina sint ignis, aër, aqua, & terra.  
Porro quod ab Hippocrate dictum est extrema hac sententia, singula quæ ad  
generationem conferunt, vim aliquam obtinere, qualem contulerunt, sequenti  
commentario explicabimus. Nunc vero quoniam Galenus in cõmentario non  
semel dixit, qualitates summas, simplices, & mixture expertes elementis inesse,  
disputare breuiter oportebit, an binæ, quæ singulis elementis insunt, quali-  
tates, summæ sint, an potius altera tantum sit summa, altera non summa. Quæ  
fane quæstio in iis dumtaxat elementorum qualitatibus locum habet, quæ ve-  
luti adiutrices sunt; eas enim quæ propriæ sunt, & elementorum constitutrices  
(qualis est in igne caliditas, in aëre humiditas, in aqua frigiditas, & siccitas in C  
terra) summas esse omnes concedunt. Philosophorum plerique, & non pauci  
medicorum, solas qualitates proprias summas esse fatentur, adiutrices vero  
non summas, sed (ut ipsi loquuntur) prope summum. Quod visus est etiam sen-  
tire Aristoteles, ad hunc modum scribens. Verumtamen cum quattuor sint om-  
nino, una in quoque reperitur, nam & terræ siccitas magis est quam frigus: &  
aquæ frigus magis quam humor: & aëris humor magis quam calor: & ignis ca-  
lor magis quam siccitas. Ceterum hæc opinio non placet, nam si altera qualitas  
summa non est, à qualitate contraria necessario retundetur; tresque proinde, non  
tantum duas in unoquoque elemento qualitates statuere deberet: quas qui  
concedunt, parum profecto absunt, quin elementa, alioqui simplicissima, mista D  
esse fateantur. Alii potius affirmant, qualitatem eam quæ summa non est, non  
remitti à qualitate contraria, sed talem à natura elementis tributam esse: quod  
quam philosophice dictum sit, aliorum esto iudicium. Neque locus ille Aristoteli  
nobis aduersatur, dicitur enim calor ignis magis esse quam siccitas, non  
quod calor summus sit, siccitas non summa, sed quod calor propria sit, & consti-  
tutrix ignei elementi qualitas, siccitas vero qualitas sit caloris adiutrix, & co-  
mes. Idem de reliquorum elementorum qualitatibus intelligere oportet. Præ-  
terea Galenus singulis elementis binas tribuit qualitates summas, nam lib. 1.  
de elem. ignem summe calidum & summe siccum, terram vero summe siccam  
& summe frigidam manifesto statuit. Et hoc commentario summam frigiditatem  
tribuit aquæ, cui lib. 1. de temper. summam humiditatem etiam impertitur. Et  
com. 2. huius libri, & lib. 1. de temper. cap. 5. in aëre simul & aqua summam  
humiditatem constituit. Sed de hac re multa iam diximus com. 2.

Lib. 2. de ort.  
& inter. cap. 3.

Cap. 6.

Cap. 1.



A

## HIPPOCRATIS SENTENTIA XIII.

**R**ursus quando corpus humanum interit, necesse est singula ad suam naturam secreta reuerti, humidum ad humidum, siccum ad siccum, calidum ad calidum, frigidum ad frigidum.

## GAL. COMMENT.

**S**ingula prædicta elementa, ubi homo vita defungitur, secreta inuicem ad suam naturam recedere commemorat, quæ calidum, frigidum, siccum, & humidum vocabat. Non sanguinem dicens, ad mundi sanguinem, pituita ad pituitam, bilem ad bilem, arteriam ad arteriam, carnem ad carnem, venam ad venam, neruum ad neruum redire: sed singulorum horum calidum, frigidum, humidum, & siccum, ad communia omnium elementa discedere. Nervus enim nimirum ex calido, frigido, sicco, & humido, elementis scilicet, compositus est: quippe non ex alio nervo, sicut nec vena ex alia vena. Quoniam ne cogitari quidem possunt, per tota inuicem contemperata esse hæc, caro, vena, os, arteria, & alia particule. Vult autem ipse, (si paulo ante dictorum meminimus) per tota inuicem calidum, frigidum, siccum, & humidum, esse contemperata. Quare non hæc, quæ palam in corpore humano videntur, calidæ, frigidæ, siccæ, & humidæ particule, hominis naturæ elementa sunt, sed illa, quæ has ipsas composuerunt, generantque. Hæc autem sunt, aqua, ignis, ær, & terra: de quibus abunde in opere de elementis secundum Hippocratis sententiam disputauimus.

**E**x communi rerum omnium generatione elementorum numerum hætenus demonstrauit, nunc eundem demonstrat ex communi rerum omnium interitu. Possumus autem Hippocratis demonstrationem ad hunc modum contexere: Ea sunt communia rerum omnium elementa, in quæ mista corpora tandem resoluntur: atqui mista omnia, quando intereunt, resoluntur tandem in calidum, frigidum, siccum, & humidum: ergo hæc quattuor sunt elementa communia. Propositio verissima est, & ab omnibus philosophis concessa, & ex elementi definitionibus, quas in procemio proposuimus, cuius patere potest. Assumptione probat hac sententia, docens corpus humanum, quando interit, (idem de aliis mistis intellige) resolui in calidum, frigidum, humidum, & siccum. Id enim est quod ipse ait, necesse est, singula ad suam naturam secreta reuerti: ita ut calidum quod erat in homine, ipso intereunte reuertatur ad mundi calidum: & frigidum quod in homine erat, reuertatur ad mundi frigidum. Idem de humido & sicco intelligere oportet. Ex hac sententia colligit rursus Galenus, nomine calidi, frigidi, humidi, & sicci, non intellexisse Hippocratem partes similes, aut humores, sed ignem potius, ærem, aquam, & terram. Quippe sanguis qui in homine est, aut pituita, aut bilis, non reuertitur ipso intereunte ad mundi sanguinem, pituitam, aut bilem: neque caro, aut vena, ad mundi venam, aut carnem. Probat quoque priuatim, non intellexisse partes similes, ex iis quæ antea do-



cuerat sententia duodecima, generationem scilicet fieri nō posse, nisi calidum, A  
frigidum, humidum, & siccum, probam temperamenti communionem sortita  
fuerint: certum namque est, partes similes, sibi inuicem non permisceri, aut  
temperari. Quæ sane ratio ad humores transferri non potest, quos postea do-  
cebimus per se totos temperari, ac misceri. Vult igitur Hippocrates, ignem,  
aërem, aquam, & terram, quæ in homine sunt, ad mundi ignem, aërem, aquam,  
& terram, in ipsius interitu redire. Sed quisnam est in homine ignis, aut aer?  
quænam est in homine aqua, aut terra? Ex igne quidem, aere, aqua, & terra,  
communibus rerum omnium elementis, triplex illa substantia, ex qua partes si-  
milares constant, per medios humores gignitur, substantia scilicet spiritiosa,  
humida, & solida. In eo tamen discrimin est, quod spiritiosa substantia (quam  
etiam calidum innatum appellant) ex igne potissimum & aëre constituatur:  
quemadmodum humida ex aëre potissimum & aqua; & solida ex aqua potis-  
simum & terra. Ignis itaque, aer, aqua, & terra, quæ triplicem hanc partium B  
substantiam constituunt, dicuntur in hominis interitu ad suam naturam, vel ad  
mundi elementa reuerti, quia naturam, quam in homine obtinebant, exuunt,  
induuntque naturam simplicium, purorumque elementorum. Quippe cum &  
in homine, & aliis multis corporibus, mista sint elementa, & per se tota tempe-  
rata, pereunte in interitu eiusmodi mitione atque temperie, elementa à se in-  
uicem secerui, & pristinam suam naturam induere, necesse est. Nam vt ante  
mistorum corporum generationem pura erant atque sincera mundi elementa,  
ita & in vltima mistorum resolutione, quæ in mistis impura commistaque fue-  
rant, purissima rursus sunt, atque omnino sincera. Diuersa ratio qualitatū  
est, quæ in mistis temperata inueniuntur, hæ namque, vt Galenus ait, potius in-  
terire vna cum misto, quam ad suam naturam redire dicuntur; cum qualitatū  
temperatio prorsus aboleatur intereunte misto. Porro elementorum numerum  
ab Hippocrate hactenus demonstratum, ex primarum qualitatū numero vi- C  
dentur potius demonstrasse Aristoteles & Galenus. Quippe cum solæ primæ  
qualitates, & agere & pati, totamque proinde substantiam alterare possint, me-  
rito fit, vt hæ solæ elementorum principia statuantur. Quare cum primæ qua-  
litates sint quattuor, & quattuor esse elementa ab illis constituta, necesse erit.  
Cuius sane demonstrationis vim non assequuntur, qui ex numero qualitatū  
primarum elementorum numerum colligi non posse contendunt, quod quali-  
tates quattuor in duobus tantum elementis inueniri possint, veluti in igne &  
aqua, in aere & terra. Quippe cum primarum qualitatū singulæ, subiectam  
substantiam alterare per se totam possint, à singulis singula elementa necessario  
constituuntur. Non ergo ex coniugationum numero (vt aliqui putarunt) sed ex  
numero potius qualitatū primarum, elementorum numerum demonstrauit D  
Aristoteles. Quo demonstrato verissime postea docuit, cum quattuor esse  
possint primarum qualitatū coniugationes, singulis elementis singulas  
conuenire, vt qualitati vniuscuiusque elementi constitutrici altera esset adiu-  
trix, ac veluti comes. Vnde factum est, vt inter elementa omnino contraria, alia  
quædam sint media, quæ, quod alteram qualitatem communem habeant, sym-  
bola appellant. Quæ sane qualitatū communitas, mutuam in se inuicem ele-  
mentorum transmutationem, vniuersamque mitionem faciliorem, promptio-  
remque reddit, quæ inter duo tantum elementa contrariis qualitatibus prædi-  
ta difficilime fieri potuisset. Ceterum hæc Aristotelica demonstratio, cum Hip-  
pocratica omnino consentit. Quippe cum ad rerum ortum atque interitū, sub-  
stantiam

Lib. 1. de elem.  
cap. 8.

Lib. 2. de ort.  
& inter. cap. 2.  
Lib. 1. de elem.  
cap. 9. & lib. de  
const. art. me-  
di. cap. 9.

Lib. 2. de ort.  
& inter. c. 3.



- A**stantiam per se totam à primis qualitatibus alterari sit necesse, in idem fere recidit, aut ex primis qualitatibus, aut ex communi rerum omnium ortu & interitu, numerum elementorum demonstrare. Ex iis tamē quæ scripsit Hippocrates hac sententia & superiori, nascitur quæstio, an elementa actu maneant in mistis, an tantum potestate: vel, vt alii loquuntur, an maneant in mistis elementorum substantiæ, an solæ qualitates. Oportet vero substantiarum nomine formas intelligere, de quibus solis est quæstio, cum ab omnibus concessum sit, elementorum materiam remanere, ex qua vna cum qualitatibus, mista omnia componuntur. Nemo namque hæcenus credidit, ex solis elementorum qualitatibus mista fieri: nisi id fortasse crediderit Athenæus, qui calidum, frigidum, siccum, & humidum, qualitates Hippocrati significare existimauit; quamuis non constanter id affirmarit, vt innuit Galenus. Dicuntur itaque manere actu elementa in mistis, si formas substantiales retineant: potestate vero, si easdem amittant. Lib. 1. de element. cap. 6.
- B** Solus Fernellius præter communem loquendi consuetudinem, elementa suas formas in mistis retinere, & potestate remanere asseruit: sentiēs scilicet, elementorum formas neque liberas, neque sui iuris in mistis esse, sed implicitas, vinctas, & mutua qualitatū pugnantia, digniorisque formæ præsentia quasi interceptas. Reliqui omnes qui elementa suas in mistis formas retinere arbitrantur, actu in mistis remanere affirmant, alii tamē actu perfectō, alii imperfectō, vt ipsi loquuntur. Ac perfectō quidem, qui elementorū formas perfectas atque integras in mistis seruari putant: imperfectō vero, qui elementorum formas seruari quidem in mistis asserunt, remissas tamen, ac veluti refractas. Sed vtrique opinio videtur absurda, prior namque quinque formas substantiales, easque perfectas, & integras, in vnoquoque misto admittere cogitur; simulque concedere, non omnem partem misti mistam esse. Neque enim elementa dum suas formas retinent, mista esse possunt, cum tamen sint misti corporis particulæ. Atqui absurdum est, aliquam partem misti mistam non esse, nam teste Aristotele, vt aquæ pars aqua est, ita & temperati corporis pars, temperata esse debet. Altera vero ex eo potissimum refellitur, quod substantiales formæ (etiam imperfectissimæ, quales illi elementis tribuunt) intendi, aut remitti vlt. nequeant: alioqui alter ignis magis esset ignis quam alter. Præstat igitur, cum philosophorum ac medicorum optimis sentire, elementa in mistis tantum manere potestate. Idque significauit Hippocrates præcedenti sententia, singulaque ad generationem conferunt, vim aliquam in corpore obtinere dicens, qualem contulerunt: quamuis hūc locum ita sinistre intellexerit Fernellius, vt elementa suas formas in mistis retinere ex eo collegerit. Idem quoque Galenus Lib. 2. de nat. part. med. cap. 6.
- D** manifesto docuit, hoc nomine Platonem reprehendens, quod morborum generationem ad communia elementa retulerit; cum potius referenda sit ad propria, nempe quattuor humores, cum hi quidem actu, illa vero potestate corporibus insint. Galeni verba hæc sunt, Potestate siquidem in corporibus insunt, non actu; actu vero insunt, quæ ex ipsis per media alimenta gignuntur, sanguis, pituita, & vtrique bilis. Hoc ipsum haud dubie voluit Aristoteles, de propria mistionis ratione ad hunc modum differens. Cum autem eorum quæ sunt, alia actu sint, alia potentia; quæ mista sunt, esse quodammodo, & non esse contingit; actu quidem aliud existit quod ex eis factum est; potentia vero, quidpiam vtriusque eorum quæ erant, antequam miscerentur, & non esse perditam: id quod ratio prius addubitabat. Nam quæ miscentur, & prius ex separatis conuise, & posse rursus separari videmus. Igitur neque permanent actu, vti Lib. 8. de Hipp. & Plat. decre. cap. 4.
- corpus Lib. 1. de ort. & inter. cap. vlt.



corpus & albedo: neque corrumpuntur, aut ambo, aut alterum, nam eius vir- A  
tus, aut potentia salua manet. Et postea subdit. Cū vero potentias habet quo-  
dammodo æquales, tum vtrumque è sua quidem mutatur natura, in id quod  
vincit ac superat, non tamen fit alterum, sed inter vtrumque medium, atque  
commune. Quæ sane Aristotelis verba præterquam quod apertissime docent,  
quæcumque vere miscentur potestate in mixtis manere, quomodo mistio ab  
ortu & interitu differat, dilucide quoque monstrant. Id namq; iis quæ miscen-  
tur est proprium, vt neque omnino pereant, neque integra omnino seruentur,  
sed potestate tantum manentia, in aliud quoddam medium omnia degenerent.  
Quare lignum, vbi comburitur, non dicitur misceri igni, cum omnino cor-  
rumpatur, ex eoque intereunte gignatur ignis. Neque corpus & albedo, quam-  
uis simul cohæreant, vere dicentur misceri, quia ambo seruantur integra. At in  
mixtione elementorum, neque aër mutatur in ignem, neq; terra in aquam, sed B  
omnia simul in corpus mixtum degenerant. Quoniam vero neque integra ser-  
uantur in mixtis, neque omnino corrumpuntur, sola potestate dicentur rema-  
nere in mixtis. Quippe cum separabilia sint, possunt aliquando separata pristi-  
nam naturam rursus induere, in vltima scilicet mixti corporis resolutione, in  
qua, à se inuicem secreta formas denuo induunt, quas in mixtione antea exue-  
rant; fiuntq; rursus corpora simplicissima, summisque qualitatibus prædita, cum  
tamen antea in mixto corpore amissis formis solas qualitates retinerent, con-  
trariarum actione remissas, ac tēperatas. Sed videtur Galenus concessisse, aëris  
saltem elementum actu in nobis reperiri, dum sic scribit. Solum autem aëreum  
elementū iuxta suam naturam in animalū corporibus, tum in respirationibus, C  
tum in pulsibus cernimus perstitisse; quin etiam in palpitatoriis affectionibus,  
inflationibus, tumoribus, atque iis, quos flatus dicere consueuimus. Quem lo-  
cum sic aliqui explicant, vt quamuis aër, non secus ac reliqua elemēta, potesta-  
te maneat in osse, carne, ceterisque partibus; dicatur tamen solus iuxta suam  
naturam in nobis perstitisse, quia externum aërem, qualis reperitur in vniuerso,  
inspiratione, & transpiratione attrahimus. Sed nonne & aquam quotidie bibi-  
mus, qualis est in vniuerso? Non ergo solus aër, sed præter hunc etiam aqua  
iuxta suam naturam dicitur perstitisse. Locum igitur aliter multo explicare o-  
porteret ex dictionis serie, & Galeni instituto. Instituerat autem docere, cōmu-  
nibus elementis propria respondere, quod ad ipsorum vires & qualitates atti-  
neret. Cumque docuisset, bilem flauam respondere igni, pituitam aquæ, & atram D  
bilem terræ, subiunxit statim, solum aëreum elementum iuxta suam naturam  
in animalibus perstitisse: indicans scilicet his verbis, aëreo elemento, ex quo  
constamus, nullum humorem respondere, sed ipsummet aërem, qui nobis qui-  
dem bene habentibus inspiratione, & transpiratione attrahitur, ægrotantibus  
vero præter naturam gignitur in palpitationibus, inflationibus, & aliis eiusmo-  
di affectibus. Neque enim (quod quispiam credere potuisset) sanguis respondet  
aëri, cum calidus & humidus non sit, sed potius temperatus; æquabilis enim (vt  
ipsemet ait) ex omnibus quattuor elementis temperatura exquisitum sagui-  
nem creat.

## HIPPOCRATIS SENTENTIA XV.

**I** Viuismodi autem tum animantium, tum aliorum omnium  
natura est.



A

## GAL. COMMENT.

Huiusmodi, inquit, non modo hominis, sed etiam aliorum omnium natura est, ex calido nimirum, frigido, sicco, & humido, simplicibus & summis temperata: nam quæ in medio consistunt, omnia temperamentum ex his obtinuerunt. Igitur ab intellectu alienum est dicere, eorum quæ in medio habentur temperaturam, ex eis quæ in medio sunt fieri. Hoc autem non percipiunt se dicere, qui ex eo quod in corpore conspicitur, humido, sicco, calido, & frigido, naturam nostram constare tuerentur. Adhuc absurditas est, si & aliorum omnium, animantium, stirpiumque naturam ex his conflare dicamus: Hippocrates enim clare dixit in oratione proposita, & aliorum omnium talem esse naturam. Illi vero haud scio quid dicent, cum fici semine in terrâ deiecto, verbi gratia, maximâ arbor enascatur. Absurdum est dici, non ex terra & aqua, sed aliunde talem ipsi inesse naturam. Atqui terra sui ratione summe est frigida, calorem vero, ficus, quo vivit, multum obtinet, eoque etiam si in valida hyeme perfrigeretur, non emoritur. Liqueat igitur, corpus fici non solum ex aqua & terra constitutum esse, sed etiam igne & nature particeps evasisse. Quis autem ignorat, & aeris partem recepisse? siquidem lignum ipsius palam est non terra solum, sed & aqua levius. Ex quatuor itaque et ficus constat, et si hæc inde constat, fructus etiam, tum ipsius, tum

B

alii omnes. Sunt autem, triticum, hordeum, fabæ, aliaque cerialia semina, fructuum particule, atque ipsæ idcirco ex quattuor consistunt, terra, igne, aqua, & aëre. Quoniam vero ex fructuum stirpiumque esu, humores, qui in nobis sunt, generantur, & hi nimirum primam generationis originem habebunt, aquam, terram, aerem, & ignem. Sed, ut dixi, hæc etiam in commentario de elementis secundum Hippocratem demonstrata sunt, quare iam ad alteram sententiam digredi tempestivum est:

C

Tres istæ, quæ sequuntur, sententiæ, epilogus sunt sex superiorum. Huiusmodi, inquit, est, tum animalium, tum aliorum omnium natura, constituta scilicet ex calido, frigido, humido, & sicco, per se tota temperatis. Vnde iterum Galenus colligit, nomine calidi, frigidi, humidi, & sicci, non intellexisse Hippocratem partes similes, aut humores, sed ignem, aërem, aquam, & terram. Absurdum namque est dicere, corpora quæ in medio sunt quattuor communium elementorum, nempe corpora mista, ex iis etiam quæ in medio sunt, id est ex aliis corporibus mistis naturam sortiri. Quod & Hippocratis verba aperte testantur, neque enim tantum dixit, huiusmodi esse aut hominis, aut animalium naturam, sed & aliorum omnium. Atqui sola animalia ex humoribus & partibus similaribus constant: constant autem & hæc, & reliqua mista corpora ex communibus elementis, igne, aere, aqua, & terra. Explicat vero brevissime modum, quo mixta corpora ex quattuor elementis componuntur, quem explicavit accuratius lib. 1. de elem. & aptissimis quoque carminibus expressit Lucretius. Dicuntur ergo mixta ex quattuor elementis componi, non quod ex

D

his



his proxime fiant, sed mediis aliis transmutationibus. Corpus enim hominis (exempli causa) proxime quidem ex ossibus, carnibus, membranis, ceterisque partibus similaribus constat: partes autem similares ex semine & sanguine duobus nostræ generationis principiis: semen vero & sanguis ex quatuor humoribus: humores ex alimentis gignuntur: alimenta autem vel ex animalium partibus sumuntur, vel ex seminibus, aut fructibus plantarum, quæ tandem ex quattuor primis elementis proxime generantur. Id confirmat exemplo ficus, quam ex terra & aqua constare ex eo patet, quod nascatur ex semine in terram irrigatam proiecto. Quod autem constet etiam ex igne, indicat calor, cuius opem vivit hyeme etiam frigidissima. Porro quod particeps aeris etiam sit, ipsius lignum ostendit, quod quidem aqua est leuius, cum supra ipsam ferri conspiciatur.

## HIPPOCRATIS SENTENTIA XVI.

**N**am cuncta simili modo nascuntur, & similiter desinunt.

## GAL. COMMENT.

Nemo, qui vel vaticinatus fuerit tales fore homines, qui perperam ipsum essent intellecturi, toties idem dogma repetisset, quemadmodum nunc Hippocrates fecit, omnia dicens, non tantum hominem, similiter nasci, & interire, quemadmodum dictum est, ex quattuor scilicet elementis, non corporis particulis, calidis, aut frigidis, aut siccis, aut humidis. Verum sunt nonnulli adeo imperiti Græcicæ dictionis, ut putent, id quod in corpore humano est calidum, frigidum, siccum et humidum, sensu percognita, communia omnium generationis esse elementa.

Rationem reddit, cur huiusmodi sit animalium & aliorum omnium natura, quia scilicet simili modo cuncta nascuntur, & similiter desinunt. Cum vero dixerit cuncta similiter nasci, ex calido scilicet, frigido, sicco, & humido, & similiter desinere in calidum, frigidum, humidum, & siccum, iterum Galenus colligit, calidum, frigidum, siccum, & humidum, non significare Hippocrati partes similares, aut humores.

## HIPPOCRATIS SENTENTIA XVII.

**Q**uia ipsorum natura, ab iis, quæ recensuimus, vniuersis constituitur, & desinit, ut prædictum est, in idem: & vnde constituta sunt singula, eodem etiam recedunt.

## GAL. COMMENT.

Immoratur suo dogmati, naturam omnium censens ex commemoratis quattuor constitui, & in eadem finire. Vnde enim singula prouenerunt, inquit, illuc etiam recedunt, ad communia scilicet mundi elementa, terram, aquam, aerem, & ignem,



A & ignem. Prorsus igitur Hippocratis sententiam ignorant, & id quod initio dictum est *οτι γαρ το παντα*, &c. id est, neque enim in totum hominem, dixerim, aerem, neque aquam, neque ignem, neque terram, pro *μη δολως*, id est nequaquam & nulla in parte, intelligentes. Liquet enim Hippocratem non velle, communia omnium elementa *μηδολως*, id est, nequaquam in corpore humano esse: verum eos, qui vnum solum ex ipsis dicunt, insectari.

Græce integra legitur hæc οτι γαρ το παντα ηρα λειω τον ανθρωπον οτι υδαρ, οτι πυρ, οτι γην.

Et hæc sententia superioris est ratio, explicat enim, cur simili modo cuncta nascantur, & similiter desinant. Simili quidem modo cuncta nascuntur, quia mixtorum omnium natura, ex calido, frigido, humido, & sicco, est constituta. Similiter quoque desinunt, quia vnde constituta sunt singula, eodem etiā recedunt: resoluuntur enim tandem, quando intereunt, in calidum, frigidum, siccum, & humidum. Ex his quæ hæcenus dicta sunt, colligit Galenus dictionem illam *οτι το παντα*, qua vltus est Hippocrates sententia prima, non significare idem, quod *μη δολως* quæ dictio omnino negat, sed idem, quod *μη παντελως* vt dictum iam est commentario primo. Vnde constat Hippocratem eos reprehendisse, qui vnum ponunt elementum, non eos qui quattuor.

## HIPPOCRATIS SENTENTIA XVIII.

CORPUS autem hominis sanguinem in se continet, pituitam, bilem veramque, & flauam & nigram. Atque hæc sunt ipsius corporis natura, & propter hæc dolet, & sanum est.

## GAL. COMMENT.

Vbi disputationem de communibus elementis absoluisset, ad animalium sanguine praestitorum (in quorum numero est & homo) elementa, in oratione proposita digressus est, decernens, tum nostram ab initio generationem ex sanguine, pituita, & duplici bile, flaua, & nigra, constare: tum totius vitæ perseuerantiam; eaque totam esse naturam hominis, cum humores quidem in solidis partibus continentur, ipsæ vero solidae in prima animalis, quod gestatur in utero, conformatione, generationem ex his sortiantur. Nam omnes particule ex menstruo sanguine factæ sunt, qui non sincerus est sanguis, sed duplicem in se bilem, pituitamque habet: id quod paullo post auctor ostendet. Quinetiam quomodo fiat, vt ex his sani simus, doleamus, & egrotemus, proxima oratione persequitur.

Absoluta disputatione de natura totius, hoc est de communibus mundi elementis, ad alteram nunc aggreditur de natura propria, id est propriis elementis hominis. Quoniā vero sententia septima demonstraerat, vnicum humorem propriam hominis naturam esse non posse, priorum elementorum numerum demonstrare nunc instituit. Hæc autem sententia, quæ veluti generalis quædam propositio eorum est, quæ in sequentibus demonstranda sunt, tria capita continet, quod hominis corpus sanguinem, pituitam, & bilem flauam, & nigram



Lib. 6. epid. par  
8. sent. 7.

gram contineat : quod quattuor ista sint propria hominis natura : & quod ex A  
his homo sit sanus, atque aegretet. Continent in primis partes solidæ humo-  
res ipsos, unde hos contenta, illas vero continentia idem Hippocrates ap-  
pellare solitus est : veluti cum docet tria esse, quæ corpus nostrum constituunt,  
continentia, contenta, & impetum facientia. Vocauit namque continentia  
solidas corporis partes, non solum quod humores vtcunq; contineant, quem-  
admodum dolia continent vinum; verum etiam quod humores foueant, atque  
conseruent integros. Vt igitur optimus gubernator ciues, & optimus impera-  
tor milites continet in officio, ita & partes solidæ humores dicuntur continere.  
Quo fit, vt humores, cum primum partium solidarum totu destituuntur, insigne  
aliquod viciu contrahant. Contenta vocauit humores, quia vt dictum est,  
à partibus solidis continentur, & conseruantur. Impetum vero facientia voca-  
uit spiritus, tum vitales, tum animales, qui cum tenuissimi sint, atque leuissimi,  
nullibi quiescunt vnquam, sed hinc inde cum impetu perpetuo mouentur. Ac B  
vitales quidem valida contractione cordis ad omnes corporis partes per arte-  
riam magnam transmittuntur; animales vero contractione cerebri expellun-  
tur, tum ad oculos, cum potissimū ad principium spinalis medullæ. Porro quod  
quattuor humores sint hominis natura, demonstraturus est postea sententia vi-  
gesima sexta, ea scilicet ratione, quam Galenus attingit hoc commentario,  
quia ex quattuor humoribus homo gignitur, augetur, & nutritur. Nunc vero  
prius ostendit, ob quattuor humores hominem sanum esse, & aegrotare. Expen-  
damus igitur quæ sequuntur.

### HIPP. SENT. XIX.

SAnum igitur est potissimum, cum hæc virtute, & copia, inter  
se mediocriter habent, & præsertim si commixta sint.

### GAL. COMMENT.

Omniū & medicorum & philosophorum, qui absoluti dogmatici sunt, con-  
sensu, elementorum commoderatio sanitatem efficit. Cum autem rationalis se-  
ctæ elementorum institutio duplex genere sit, altera, appositione & complexu  
primorum corporum, generationes compositorum fieri proficitur: altera, tempe-  
ratura. Prior itaque symmetriam in meatuum cōstitutione, quam Græci *μεσότης* D  
appellant, ponit: secunda ex proba elementorum temperie sanitatem con-  
stare affirmat; cuius nimirum opinionis Hippocrates princeps existit. Rursus  
cum duplex sit symmetria, seu commoderatio, hæc in facultate eorum quæ con-  
temperantur, illa in substantiæ quantitate, vtriusque meminit Hippocrates, in-  
quiens, Virtute, & copia. Quod ad sententiæ calcem subditum est, Et præsertim  
si commixta sint, accuratam per tota ipsa contemperationem innuit. Nam in di-  
spositione corporis maxime inculpata, non solum quattuor elementorum commo-  
deratio, sed etiam per tota temperatura, mistioque accurrate absoluitur. In de-  
terioribus autem corporis temperaturis fieri aliquando potest, vt in vna aliqua  
particula



*A particula humores non equaliter, neque similiter, neque per tota inuicem sint temperati. Verum cum nondum functio manifeste læditur, culpata quidem est sanitas, nondum tamen morbus.*

Hominem sanum esse docet, si hæc tria quattuor humoribus insint, ut virtute mediocriter habeant, & copia, & sibi inuicem sint cōmixti. Quæ ut intelligantur facilius, docet Galenus, ex consensu omnium philosophorum & medicorum qui exacte dogmatici sunt, sanitatem nasci ex symmetria elementorū, qualicūq; illa fuerint. Dixit, Ex consensu medicorum qui dogmatici sunt, ut excluderet Empiricos, qui ignorata sanitatis & morbi essentia, & causis vtriusque, soli experientiæ innirebantur. Vocat itaque dogmaticos, siue rationales, eos qui

*B* rationem sequuntur; proindeque sectæ rationalis nomine non solum eam intelligit, quæ vere ac proprie Rationalis dicitur, sed etiam sectam Methodicorum. Nam & Methodici & Rationales in suorū elementorum symmetria sanitatem collocant, Methodici quidem in symmetria exiguorum meatuum, qui ex atomorum concretionem fiunt: Rationales vero in symmetria, & proba elementorū temperie. Quare merito Hippocrates Rationalis sectæ cōditor, docet hac sententia, sanum esse hominem, quando humores symmetriam seruauerint. Meminit autem duplicis symmetriæ, in virtute vel qualitate, & in quantitate vel copia. In qualitate quidem symmetria dicitur, quando singuli humores nativas vires retinent, ita ut sanguis temperatus sit, pituita frigida & humida: bilis flaua, calida & sicca: & bilis nigra, frigida & sicca. In quantitate vero, quando humores singuli iustum modum seruant, ita ut neque deficient, neque excedant.

*C* Et quamuis iusta singulorum humorum quantitas certo definiri non possit, utpote, quæ pro diuersa corporum natura, ætate, anni tempore, regione, & vitæ instituto plurimum variet: certissimum tamen est, sanguinem longo intervallo reliquos humores excedere, cum & tota sui substantia, & qualitate temperamenti, solus ipse inter humores sit nostræ naturæ familiaris. Secundum locum plerique Fernelium sequuti tribuunt pituitæ, quia dulcis est, & in sanguinem

*D* mutari potest, & pluribus partibus nutriendis est necessaria. Sed meo iudicio Lib. 6. de nat. par. medi. c. 8. rem oportet distinguere, cum eadem ratio esse non possit eius pituitæ, quæ una cum aliis humoribus massam (ut vocant) sanguinariam constituit, & eius quæ sanguini nequaquam mista, per venas cum ipso defertur. Quippe cum pituita crudus humor sit, & veluti semiconcoctus sanguis, ipsam potius in vasis manere, quam extra corpus excerni oportebat, ut sensim concocta in sanguinem inuaretur, quo nomine differt ab vtraque bile. Hanc itaque certum est copiosior rem esse, de altera tamen quæ massam constituit, quæstio esse potest. Porro non aliunde certius de pituitæ, reliquorumque humorum copia, iudicium ferre possumus, quam ex usu quem sanguini præbent. Docet bit autem postea Galenus, ob partium nutriendarum diuersitatem, & varietatem morum, quæ & in variis animalibus, & ipsis potissimum hominibus animaduertitur, sanguinem reliquis humoribus indiguille. At pituita ad mores formandos est ineptissima: & paucissimæ sunt corporis partes frigida & humida, quæ pituitoso gaudeant nutrimento, ut statim dicemus. Non igitur vera prædicant, qui pluribus partibus nutriendis pituitam necessariam esse credunt, neque pituitæ dulcedine indiget sanguis ex sua natura dulcissimus, præsertim cum pituita na-

F ruralis



Lib. 5. de usu  
part. cap. 6.

turalis insipida sit, potius quam dulcis. Neque etiam mutatur in sanguinem, A  
quæ massam constituit, pituita, (alioqui enim corrumpere potius, quam  
misceretur :) sed ea tantum quæ impermixta per venas una cum sanguine fer-  
tur, in sanguinem mutari solet. Quæ cum ita sint, reliquum est, ut reiecta pituita  
alterutram bilem in secundum locum transferamus. Et quamvis non desint, qui  
aliter opinentur, nos tamen sentimus, bilem flavam copiosiorē esse, quod plu-  
res partes, (ut muscoli omnes, iecur, cor, pulmo) calidiori sanguine nutiantur,  
calorem autem ex bile accipiat sanguis natura temperatus. Id quod confirma-  
ri etiam potest Galeni testimonio, qui agens de separatione trium excremento-  
rum iecinoris, manifesto scripsit, excrementum melancholicum paucissimum  
esse, copiosius autem biliosum. Licet enim de excrementis quæ separantur, nō  
de humoribus qui massam constituunt, verba faciat; rationi tamen consenta-  
neum est, copiosius excrementum ex copiosiori humore separari. Neque vero B  
bilis acrimonia, & mordacitas, sufficiens causa esse potest (ut multi opinantur)  
cur sanguini non possit copiosior permisceri; nam sanguinis ceterorumque hu-  
morum mistione bilis acrimonia demulcetur. Tertium locum humori melan-  
cholico, postremum vero pituitæ concederem, cū plures sint partes, quæ ad sui  
nutritionem solidiori sanguine indigent, veluti ossa omnia, cartilaginee, mem-  
branæ, & vasorum tunicæ; pauciores vero, quæ pituitoso sanguine aluntur, ut  
cerebrum, spinalis medulla, nervi, ligamenta, & tendones. Ceterum præter  
vtramque symmetriam, de qua hætenus diximus, necessaria itidem est quat-  
tuor humorum cōmixtio, & (ut Galenus ait) per se totos contemperatio.  
Fieri enim non potest, quin insitis sibi qualitatibus, & in se inuicem humores  
agant, & à se inuicem patiantur, seque inuicem propterea temperent, singu-  
lorum qualitatibus contrariarum actione castigatis: quo nomine humores cum C  
primis elementis conveniunt. In eo tamen differunt, quod prima elementa  
potestate maneat in mixtis, humores autem actu reperiantur in massa: alio-  
qui enim in purgationibus immodicis non traheret medicamentum ex massa  
sinceram bilem, aut pituitam. Cuius sane discriminis ratio ex eo pendet,  
quod primorum elementorum mixtio non solum vera sit ac propria, sed etiam  
perfectissima, humorum autem mixtio vera quidem sit (cum sola non sit ap-  
positio, aut ad minimas partes divisio) non tamen sit absoluta, ac perfecta.  
Si quidem hæc longiori tempore indiget, humores vero & quotidie in no-  
bis gignuntur, & absumentur quotidie in partium nutritionem, antequam ad  
perfectam mixtionem perveniant. Quare mirandum non est, si prima ele-  
menta, ubi commista sunt, suas formas amittant, solasque qualitates reti-  
neant, easque remissas; humores vero, ubi miscentur in massa, suas ad D  
huc retineant formas una cum qualitatibus temperatis. Errant igitur, qui  
hac sola ratione persuasi, humores massam confluentes vere ac proprie mi-  
sceri temere negant, cum hoc commentario, & duobus sequentibus fatea-  
tur Galenus per se totos temperari.

### HIPP. SENT. XX.

**D**Olet autem, cum horum aliquod minus, aut amplius e-  
qualet, aut separatim in corpore sit, nec contemperatum  
omnibus.

GAL.



GAL. GOMMENT.

**A** Quemadmodum in sanitate exactam commodationem in quantitate, & virtute, & temperamento per tota constituit, eodem modo in morbo contraria ponit: minus quidem aut maius, ad substantiae quantitatem, & facultatem reducens: non autem contemperatum esse omnibus, ad intemperie, aut inequalitatem temperaturæ, aut quemodocunque aliquis nominare voluerit.

Ex quattuor humoribus sanitatem nasci hæcenus dixit, nunc vero ab eisdem hominem agrotare docet. Quemadmodum autem symmetria in qualitate, & copia humorum, & eorundem mixtio, sanitatem efficiunt: ita & vicia his contraria morbos pariunt. Vicia in qualitate, & copia humorum simul complexus est, dū ait, Cum horum aliquod minus, aut amplius euaserit: vitium autem in mixtione significauit, dicens, Aut separatum in corpore sit, nec contemperatū omnibus. Viciū in qualitate humorum est ipsorum intemperies, veluti si bilis se ipsa calidior, aut pituita frigidior euaserit. Viciū autem in quantitate duplex est, in quantitate scilicet aucta, vel imputa. Rursus in quantitate aucta duplex est vitium, aut enim omnes quattuor humores augentur, aut vnus vel alter. Omnium humorum redundātia Græcis dicitur *πλεθώρα*, Latinis plenitudo, aut multitudo; quæ in vniuersum est duplex, simpliciter, & secundum quid. Ac simpliciter quidem plethora appellatur, quādo humores quattuor ex æquo augentur, seruata inter se proportionē: plethora vero secundū quid ea dicitur, in qua oēs humores ita augentur, vt ipsorum aliquis proportionē excedat. Quoniā vero plures humores proportionē possunt excedere, plures quoque statuuntur differentiæ plethoræ secundum quid. A plerisque statuuntur tres, nempe plethora biliosa, pituitosa, & melancholica: an vero addenda sit sanguinea, in cōtroversia est positū. Sentiant multi, nunquam in plethora sanguinē solū proportionē posse excedere, sed aucto sanguine & reliquos humores in debita proportionē simul augeri putant. Quod visus etiam est sentire Galenus lib. de mult. sic scribens, Nam cum humores omnes intra suā ex natura debitam mensuram creuerint, idem tunc significat sanguinis dominantis, ac humorum nomē: neque enim quidquam differt affirmare, humores augeri, ac ipsum sanguinē. Quibus verbis videtur significare plenitudinem sanguinis eandem esse cū plenitudine simpliciter dicta, in qua humores quattuor seruata proportionē ex æquo augentur. Sed nihil minus voluit eo loco, cum tantum innuat, idem significare plenitudinē sanguinis & quattuor humorum: quia scilicet sanguis (vt postea dicemus) non solum quartum humorem significat, sed etiam vniuersam massam ex quattuor humoribus constitutā, quæ ex humore prædominanti nomen accepit. Immo & eodē lib. de multi. manifesto concessit, excedere interdum sanguinem proportionem in plethora: sic enim habet, Et sane in plethoricis constitutionibus potest sanguis alios omnes longo excedere, interuallo; verum non ita aliorum humorum quispiam, id nāque iam in cacochymiam transit. Nihil igitur prohibet, quo minus in plethora, non secus ac bilis, pituita, & melancholia, sanguis quoque proportionem excedat: ita vt quattuor sint species plethoræ secundum quid, biliosa, pituitosa, melancholica, & sanguinea. Tandem plethora, siue sit simpliciter, siue secundū quid, in duplici est differentiā, ad vasa scilicet, & ad vires. Porro vnius humoris redundātia, neque plenitudo, neque multitudo dici solet, nisi forte cū adiectione humoris redundantis; veluti si bilis, aut pituita multitudinē dixeris. Hanc asserūt oēs dici

Cap. 10.

Cap. 11.



proprie cacochymia, ego tamen distinctione adhibendam esse censeo. Nam qui  
 A redudat humor, vel adhuc miscetur sanguini, vel ipsi potius innatat. Si sanguini  
 adhuc permistus fuerit, nondum cacochymia dicitur huiusmodi vicium, sed  
 est potius vicium sanguinis qualitate peccantis: efficitur namque tunc tempo-  
 ris sanguis, aut biliosus, aut pituitosus, aut melancholicus, aut serosus, pro re-  
 dundantis humoris natura. Quo fit, ut huic vicio corrigendo sanguinis missio  
 conueniat, cum tamen cacochymiae debeat potius purgatio. Quippe sanguinis  
 Lib. 9. meth. missio, auctore Galeno, administratur, ut sanguis naturae inutilis vacuetur, inu-  
 cap. 11. tilis vero redditur sanguis, vel quantitate, vel qualitate. At ubi tanta fuerit pec-  
 cantis humoris redundancia, ut sanguini innatare cogatur, cacochymiam appel-  
 landa esse censeo. In qua quidem peccans humor, separatus dicitur ab Hippocra-  
 te, nec contemperatus omnibus, non quod extra vasa effluerit, sed quod intra va-  
 sa contentus, ceteris humoribus minime misceatur. Vnde pater, cacochymiam  
 viciu esse potius in humorum mixtione, quam in sola quantitate adaucta. Caco-  
 chymiae vero quattuor differentias Galenus enumerat, pituitosam, biliosam, me-  
 B lancholicam, & serosam: quamuis enim serum humor non sit, sed potius humorum  
 excrementum, merito tamen innatantis seris redundantia, cacochymia dicitur,  
 quia cum sit sanguinis vehiculum, ipsi secundum naturam permisceri utcumque solet.  
 Postulat tamen is locus, ut illud breuiter explicemus, an ut reliquorum humorum  
 singuli augeri possunt ceteris iustum modum seruantibus, ita & sanguis quartus  
 humor solus augeri possit: ac rursus si possit, an solius sanguinis redundantia  
 cacochymia dicenda sit, an potius plethora. Sentiant plerique: cum Fulchrio, san-  
 guinem solum augeri non posse, sed eo adaucto simul augeri alios humores, sal-  
 tem eos qui sunt excrementa sanguinis, qualis est vtraque bilis. Quippe cum haec,  
 (ut alibi dicemus) ex sanguine gignatur, flaua quidem ex eo quod in sanguine  
 tenuissimum est, atra vero ex eo quod est crassissimum, & veluti saculentum fieri  
 non posse aiunt, quin si copiosior gignatur sanguis, gignantur quoque copiosiora  
 eiusdem sanguinis excrementa. Magis tamen probo aliorum sententiam, qui  
 solius sanguinis redundantiam verissime concedunt. Si quis enim optima victus  
 ratione seruata, optimi succi cibis frequenter vescatur, quid, quaeso, impedit,  
 quo minus reliquis humoribus iustum modum seruantibus solus sanguis augea-  
 tur? Hanc autem solius sanguinis redundantiam, plethoram appellandam esse,  
 non cacochymiam, satis aperte indicauit Galenus, docens plethoram fieri, vel  
 quattuor humoribus ex aequo auctis, vel etiam solo sanguine. Quo loco sangui-  
 nis nomen quattuor humores significare non potest, ut quidam somniant: alioqui  
 enim sensus redderetur prorsus ridiculus, ut recte observauit Vallesius Fulchri-  
 D reprehendens. Neque itidem locus explicari debet de plethora secundum  
 quid, in qua solus sanguis proportionem excedit, ut interpretabatur doctissimus  
 Colladus, nam cum plures sint species plethorae secundum quid, quorsum so-  
 lus sanguinem meminisset? Agit itaque eo loco Galenus de sola plethora sim-  
 pliciter dicta, quam duplicem esse verissime docet, alteram, quae fit ex aequo au-  
 ctis quattuor humoribus, alteram vero, quae fit solo aucto sanguine quarto humo-  
 re. Ex quibus recte colligemus, omnium humorum redundantiam, plethoram esse,  
 non tamen omnem plethoram esse redundantiam omnium humorum, cum solius  
 sanguinis redundantia plethora etiam sit simpliciter dicta, non secus ac ea quae  
 fit quattuor humoribus auctis ex aequo. Sed de humorum viciis plura fortasse  
 diximus, quam praesens locus postulabat. Illud tamen observare oportet ex Ga-  
 leni commentariis, quod tria illa humorum vicia, in qualitate, quantitate, & mix-  
 tione,



**A**ctione, si exigua sint, culpata sanitatem efficiant, si vero ita sint magna, ut actio aliqua manifesto laedatur, morbos pariant. Solent autem viciū in mixtione (quod cacochymiam vocari diximus) morbos frequentissime gignere, ut tribus sequentibus sententiis docebit Hippocrates.

## HIPP. SENT. XXI.

**N**ecesse enim, cum aliquid horum recesserit, & per se constiterit, non solum locum, ex quo recesserit, morbidum euadere, sed eum etiam ubi constiterit, & influxerit, nimis quam replens, dolorem, laboremque exhibere.

## GAL. COMMENT.

**B** Cum quattuor humorum aliquis per se in aliqua particula constiterit ab aliis separatus, neque totus per tota ipsis contemperatus, animal dolet, dum utraq; particula intemperiem experiatur, tum unde discessit, tum in quam transit. Potissimumque hoc accidit in humoribus qui validas facultates obtinent, hi enim non solum quantitate particulam in quam decubuerunt, aggravantes, sed etiam qualitate dolorem excitant, dum vehementer calfaciunt, aut refrigerant.

**C** Redundans humor, qui male permixtus sanguini innatat, siue intra vasa contineatur, siue extra effluat, varia morborum genera creare consuevit. Hippocrates tamen tantum agit de humore, qui extra vasa profusus, aut in aliquam corporis partem decubuit, aut extra corpus euacuatur. Hic vero agit de humore decumbente dum ait, Cum aliquid horum recesserit, & per se constiterit, duplicem dolorem fieri. Perinde enim est ac si dixisset, cum humor aliquis ab aliis secretus, in aliquam partem decubuerit, duplicem fieri dolorem necesse est; alterum in parte ex qua fluit humor, alterum vero in parte in quam influit. Dolet quidem pars ex qua humor fluit, quia vel ob nimiam copiam, vel praeiā qualitatem, vel utrumque, ad noxii humoris excretionem necessario irritatur. Dolet multo magis pars quae fluxionem suscipit, tum quia vehementer calfit, aut refrigeratur, cum potissimum quia ob tumorem praeter naturam inibi obortum (veluti phlegmonem) violentam patitur tensionem: quam significauit Hippocrates verbis illis, Nimis quam replens. Sed & fluxionis generationem utcumque indicauit, cum hinc colligatur, fluxionem fieri partibus quibusdam noxios humores transmittentibus, aliis vero suscipientibus. Transmittunt quidem partes robustae, suscipiunt autem partes imbecillae: quamuis & fluxio interdum concitet trahentibus partibus ob calorem aut dolorem, ut alibi dicemus.

## HIPP. SENT. XXII.

**E**tenim cum aliquid horum extra corpus effluxerit amplius innatante, euacuatio dolorem exhibet.

## GAL. COMMENT.

Επιπολέζοντος, id est innatante, dictum nunc esse loco Γλιονέζοντος, id est abun-  
tante, intelliges: aut si non hoc quis velit intelligere, pro non temperatum om-  
nibus aliis, per summa innatans, positum esse putabimus: utrumque enim est probabile.



Non quæcunque peccantis humoris euacuatio dolorem excitat, nam quæ A  
moderata est tantum abest vt sit noxia, quin potius sit plerumque vtilissima, &  
à grauissimis morbis sæpe hominem liberet. Sola igitur euacuatio immodica  
noxia censeri debet, vt innuit nūc Hippocrates verbis illis, Amplius innatante:  
quibus significat dolorem fieri, quando euacuatio ita fuerit immodica, vt ex-  
cernatur humor copiosior innatante, Græce ἐπιπλάζοντος. Quam dictionem  
bisariam interpretatur Galenus, aut enim significat humorem redundantem,  
aut non coteremperatum aliis; is namque solet sanguini innatare. Porro immo-  
dica euacuatio humoris innatantis dolorem parit, quia simul cū humore pec-  
cante irritata natura excernitur, qui ad constituendam massam est necessarius.  
Huc accedit, quod per immodicas omnes euacuationes plurimi dissipentur spi-  
ritus, & vires labefactentur: quo nomine ipsas damnauit Hippocrates in apho-  
rismis: in vniuersam quidem, dum ait, Semel, multum, & repente, vel vacuare, B  
vel replere, periculum: priuatim vero in empyis & hydropicis, cum inquit,  
Quicumque empyi aut hydropici vruntur, aut secantur, si pus, aut aqua vni-  
uersim effluerit, omnino moriuntur. Dolet autem in euacuationibus noxio-  
rum excrementorum, non solū pars ea ex qua excernitur humor, sed etiam ea  
per quam transit: Nam & à puris spūto phthisis fieri solet eroso pulmone à pu-  
ris acrimonia, & eroso intestino dysenteria à sincera deiectione.

Aphor. 51.  
Lib. 2.  
Aphor. 27.  
Lib. 6.

### HIPP. SENT. XXIII.

S Irursus intro euacuetur, transferatur, excernaturque ab aliis;  
S neceffe omnino est, vt duplicē, sicut prædictum est, dolorem  
concitet, & vnde excelsit, & vbi exuperat.

### GAL. COMMENT.

Hoc superius esse comprehensum etiam ipse innuit, cum dicit, Sicut præ-  
dictum est: nam dictione, non potestate, à nūc dicta oratione differt, quam paul-  
lo ante adduxit, vbi in hunc modum inquit. Neceffe enim est, cum aliquod ho-  
rum recesserit, & per se constiterit, non solum locum ex quo recessit, morbidum  
euadere, sed eum etiam, vbi constiterit & influxerit, nimis quam replens, do-  
lorem, laboremque exhibere. Cum autem ait, Quæ vero hominem esse dixerō, ea  
semper secundum legem, & secundum naturam inesse monstrabo, Secundum D  
legem quidem dixit, volens innuere hominum opinionem, quam de ipsis habent:  
secundum naturam vero, ipsarum rerum veritatem. Attendamus igitur iam  
verbis ipsius subsequētibz, vt cognoscamus, an quod initio operis pollicitus est,  
nunc præstet.

Putat Galenus hanc sententiam eandem esse cum vigesima prima, meo  
tamen iudicio eadem non est: neque enim verisimile est, breuiloquum  
Hippocratem intra pauculos verbi idem omnino reperisse. Est itaque sen-  
rentia vigesima prima magis generalis in qua in vniuersum agebat Hippocra-  
tes de fluxione innatantis humoris ad quālibet corporis partem. At hæc magis  
est par-



**A** est particularis, cum tantum hie agat de humoris decubitu ad partes internas, & eiusdem translatione ex vna parte in aliam. Decubitum quidem ad partes internas significauit dicens, Si rursus intro euacuetur: translationem vero, cum ait, Transferatur, excernaturque ab aliis: sic namque angina translato humore mutatur interdum in peripneumoniam. Siue ergo in partem aliquam internam decumbat, siue transferatur noxius humor, duplicem, sicut prædictum est, dolorem fieri est necesse; dolet enim pars ex qua insuit humor, dolet itidē & pars in quam decumbit, vel transfertur. Cetera quæ leguntur in Galeni commentario, ab illis verbis, Cum autem ait, Quæcunque vero hominem esse, dixerō, &c. perspicuum est ad huius sententiæ explanationem nequaquam pertinere. Quare non citia rationem suspicati sunt aliqui, aliquā Hippocratis sententiam hic desiderari, cuius commentarius esset totus iste locus. Videtur autem colligi ex Galeni commentario, hanc fuisse Hippocratis sententiam. Quæcunque vero hominem esse dixerō, ea semper secundum legem, & secundum naturam inesse monstrabo. Atqui ego non video, quorsum Hippocrates breuiarist studiosissimus, quæ antea dixerat sententia octaua, nunc iterum inculcasset. Porius itaque crediderim, Galenum hoc loco lectorem præparare ad sequentis sententiæ lectionem, in qua præstabit Hippocrates, quod se præstiturum pollicitus fuerat sententia octaua. Cuius rei occasione repetit Galenus verba illa Hippocratis ea sententia conscripta, Quæcunque vero hominem esse dixerō, ea semper secundum legem, & secundum naturam inesse monstrabo.

## HIPPOCR. SENT. XXIII.

**C** Dico autem esse sanguinem, pituitam, bilem flauam, & nigram: & horum primum secundum legem nomina distingui pronuntio, & nulli ipsorū idem nomen esse: deinde secundum naturam species separari: & neque pituitā vllā similē esse sanguini, nec sanguinem bili, neque bilem pituitæ. Quomodo enim similia hæc essent inuicem, quæ nec colore ad visum, nec manui ad tactum similia esse videntur? Neque enim calida similiter sunt, neque frigida; neque sicca, neque humida.

## GAL. COMMENT.

**D** Tota ipsius oratio manifesta est, & quod instituerat ostendit. Nam proposita hac serie quattuor esse humores in corpore inuicem differentes docuit: in subsequenti vero, quod etiam secundum naturam hi omnes existant, non vnicus ex ipsis. Sed in hac præsentī oratione humores ait, & colore, & consistētia, & caliditate, & frigiditate, inuicem differre: id quod etiam manifesto apparet. Perturbat autem fortasse quosdam, quod humor ab humore siccitate discrepet, cum omnes humores sint liquidi & humidi. Negent igitur hi, quod neque humiditate ipsi differant, siquidem alterū altero humidiorē esse concedunt: quod in omnibus pariter humoribus apparet. Etenim flaua bilis vehementer humescit

F. 4. sepe:



*saepē: cum color ipsius non flauus, sed pallidus efficitur: saepe vero vitelli A modo crassescit, eoque à nonnullis nominatur λευκοδαής, id est vitellina. Atra bilis perpetuo crassior est pallida, & flaua, non parua minoris maiorisque ratione, quemadmodum & sanguis: nā hic interim humidus adeo ut fluat, interim crassus admodū apparēt. Pituitam autē cōmemoratis humoribus proportione respondere videas, variat enim crassitie & tenuitate, dū nunc est aquea, nūc crassa, ut pus representet. Accidit hoc humoribus, qui non vere sunt elementa, quēadmodum aqua, terra, aēr, & ignis sunt: singuli enim, ex quattuor his generati sunt, ita ut in alio aliud ipsorum præpolleat, quemadmodum subinde didicistis.*

Sententia octaua ad hunc modum scripserat Hippocrates, Ego siquidem, quaecunque hominem esse dixerō, & secundum legem & secundum naturam in B eo semper inesse, similiter & in iuvene & in sene, & frigido anni tempore & calido, demonstrabo. Quā igitur ibi pollicitus fuerat, nunc præstat, docens, hominem esse sanguinē, pituitam, & bilem flauam, & nigram; atq; hæc secundum legem (id est secundum hominum opinionem) & secundum naturam (id est secundum rei veritatem) à se inuicem distincta, in homine semper inueniri. Quod secundum legem differant, probat ex propriis nominibus, quæ singulis humoribus tributa sunt; quæ nominum varietas diuersas humorum naturas videtur exprimere. Quod autem differant secundum naturam, probat nunc ex iis quæ percipiuntur sensibus, nempe ex colore, viribus, & consistentia, ex quibus sensibilibus humorum natura perficitur: idem postea demonstraturus ratione. Colore in primis differunt, quoniam sanguis est ruber, pituita alba, humor melancholicus niger, bilis plerumque flaua, interdum pallida, vel rufa. Et ut ex colore Hip- C pocrates, ita & nos ex sapore humores distinguere possumus, cū sanguis dulcissit, pituita insipida, bilis amara, melancholicus humor austerus. Consistentia quoq; differūt, nam sanguis mediocris est, bilis tenuissima, humor melancholicus crassissimus, pituita vero plerumque quidem crassa, interdum autem tenuis, & veluti aquea. Differunt tandem qualitate, siue viribus, nam sanguis est temperatus, pituita frigida & humida, bilis calida & sicca, humor vero melancholicus frigidus & siccus. Galenus in commentario quosdam reprehendit, qui humores à se inuicem humiditate & siccitate distingui posse negarunt, quod omnes humores humidi sint, cum liquidi sint ac fluxiles. Respondet tamē, omnes quidem humores actu esse humidos, potestate vero aliquos esse siccos, ut utrāq; bilem. De hac tamen humorum potestate alibi agendū est ex instituto.

#### HIPP. SENT. XXV.

**Q**uare necessum est, quoniam tantum inter se differunt specie & facultate, non vnum ipsa esse: siquidem non aqua & ignis vnum sunt.

#### GAL. COMMENT.

Quamuis absurda eorum sit opinio, qui hominē vnum esse arbitrantur, Hippocrates tamen studiose ei contradicere videtur, forte quod aliqui illius tempore fuerint insignes viri, qui hanc opinionem celebrarent. Cum enim plurima ve-

terum



**A**terum opera non amplius supersint, multo verisimilius est, opiniones ipsorum nullis mandatas litteris intercidisse: presentim quoniam nonnulli ne vllum quidem opus conscripserunt, quemadmodum Socrates, Pythagoras, & ex claris nostra tempestate medicis Quintus. Præterea magis licet credere, multos viros illustres, dum viuerent, exstitisse, ipsis autem fato defunctis, de dogmatibus opiniones interuisse: cum & Plata tot conscripsit opera, discipuli tamen quædam ipsius placita non memoriæ prodita esse dicant, præter ea quæ scripta videmus. Quemadmodum vero discipulis dogmata non prodita esse dicentibus fidem accommodamus, ita etiam Hippocrati exstitisse nonnullos credimus, qui terram solam commune omnium elementum esse dicerent; in homine autem bilem, aut pituitam. Etenim nunc etiam quosdam noui, qui alia scripserunt, quorum opera partim cum ipsis perierunt, partim peribunt: sicut eius qui terram omnium esse matrem, nutricem, principium, & elementum, affirmat: ipsam namque etiam cælum generasse, & animantia quæ in ea habentur, vti Hesiodus tuctur. Iam vero ex Archigenis sectatoribus aliquis vir non omnino pessimus crediderat, neque inspiratione aërem in corpus ingredi, neque in expiratione foras egredi. Item alius quidam, primum & elementarem humorem pituitam esse volebat. Ne igitur inquiramus nomina illorum, qui absurdas has opiniones primū ediderint, etsi enim quod Thales, aquam solam esse elementum pronuntiauit, ex ipsius libris ostendere nequeamus, attamen hoc quoque omnibus persuasum est.

**C**um sanguis, pituita, & vtraque bilis, colore, consistentia, & qualitatibus, plurimum inter se differant, recte nunc concludit, ea non esse vnum. Quemadmodum enim ex qualitatibus contrariis certo cognoscimus, ignem & aquam vnum non esse: ita & diuersam humorum naturam ex iis quæ prædicta sunt, necessario colligimus. Quæ à Galeno scribuntur in commentario, quod ad sententiæ explanationem parum, aut nihil faciant, consulto prætermittimus: præsertim cum explicata iam sint commentario primo.

## HIPP. SENT. XXVI.

**D**Cognosces autem quod non vnum omnia hæc sint, sed singula vim habeant & naturam propriam, hac ratione. Si enim alicui homini dederis medicamentum quod pituitam educit, euomet tibi pituitam. Et si exhibeas medicamentum quod bilem purgat, euomet tibi bilem. Pari modo & atrā bilem purgat medicamentum, si dederis quod atram bilem elicit. Ac si vulneraueris rursum corporis particulam aliquam, vt vlcus fiat, profluet inde sanguis. Atqui hæc omnia fiunt quouis die & nocte, hyeme & æstate; vique dum possit spiritum ad se attrahere, & rursum emittere: donec aliquo horum connatorum destituatur. Connata autem iunt hæc prædicta.





prædicta. Quomodo enim non cōnata sint? Primū siquidem hō- A  
mo hæc omnia semper, quoad vita fruitur, in se manifesto cōtinet:  
deinde procreatus est ex homine omnia hæc possidente: post nu-  
tritrus in homine omnia hæc obtinente. Quæ ego & dico, & de-  
monstro.

## GAL. COMMENT.

Superiore oratione indicauit manifesto simul & vere, hominem omnia in se  
continere, bilem vtramque, pituitam, & sanguinem: in præsentī vero non hoc  
solum ostendit, sed etiam quod secundum naturam sint, non, vt quidam aiunt, v-  
num ex ipsis. Aliæ igitur opiniones eorum qui vnicum humorem in corpore se- B  
cundum naturam esse referunt, facile possunt conuinci: at illorum, qui sanguinē  
affirmant, non contemnenda est, sed magnum aliquod certamen, quo subuertat-  
ur, requirit. Hoc autem aggredi iam tempus est, initio, ab eo quod prius vir di-  
xit, desumpto. Dicit autem hunc in modum, Ceterum mea quidem sentētia, qui „  
hominem sanguinem dumtaxat, & nullam rem aliam esse censet, is merito nec „  
speciem ipsum mutare, nec omnimodo varium fieri, demonstrare deberet: aut sal- „  
tem tempus anni aliquod, aut vllam hominis ætatem ostendere, qua sanguis vni- „  
cum existens [elementum] solus inesse homini videretur. Verisimile namque, „  
tempus saltem vnum aliquod esse, quo id vnum per se [corporis elementum] C  
appareat. Si ergo huic sermoni adieceris id quod in sententia modo nobis propo-  
sita demonstratur, integrum Hippocratis dogma efficies. Nam ostenditur inibi,  
neque anni tempus aliquod huiusmodi esse, neque ætatem, in qua hominem com-  
monstret aliquis, aliorum humorum non esse participem. Immo etiam per purga-  
tiones liquet, si namque dederis alicui medicamentum, vel bilem ducens, vel pi-  
tuitam, id vacuari videbis quod ab eo trahi natum est: vt pote cum quouis tem-  
pore omnes in corpore contineantur humores. Huic autem orationi quidam re-  
nituntur, qui non fatentur, purgans medicamentum familiarem ex corpore hu-  
morem attrahere, sed in speciem, in quam natum est, mutare. Verum quod falsa D  
ipsorum oratio existat, commentario vno de viribus medicamentorum purgantium  
in scripto, a nobis ostensum est: dicetur autem etiam nūc vnum quidpiam eorum,  
quæ illic comprehensa sunt, causa exempli. Vidistis enim in ipsis artis operibus,  
non raro conuinci eos, qui id quod euacuatur, a medicamentis purgantibus trahi  
non admittunt. Vt pote cum aqua intercutem, ascite dicta, laborantes medica-  
mentum aquam ducens assumpserint, nō exigua aqueæ humiditatis copia euac-  
uatur, & tumor ventris submittitur. Quod si flauæ bilis, aut nigrae eliciens me-  
dicamentum ipsis propines, paucissimum euacuabis humorem, & tumor ventris,  
non modo nihilo minor, sed etiam maior euadet. Contrarium accidere in arqua-  
ticiis



**A** ticus ex iecinoris obstructione conspexistis, nā viscere prius ipsis ad apertum medicamentis in id efficacibus, cum bilem ducens exhibitū fuerit, & copiosa redundantis humoris vacuatio accidit, & affectus statim cessat. His simile nouistis etiam in his fieri, qui pituita, aut atra bile infestantur: etenim multus, qui affligit, humor euacuatur, & egroti magnum experiuntur auxilium. Si igitur talia purgantium vi trahuntur, & medicamenta in quauis ætate, & anni tempore purgant, perpetuo quattuor in corpore humano existunt. Oportebat enim sicut prædictum est, saltem vnum aliquod anni tempus, aut hominis ætatem, quæ solum sanguinem haberet, apparere, si opinio eorum qui solum sanguinem naturam hominis esse prodiderunt, vera statuatur: quod idem est, ac si omnes ipsius particula ex solo sanguine conformentur, nutrianturque semper solo sanguine. Porro cum bifariam sanguis dicatur, alter, qui in venæ sectione, & vulneribus vacuari videtur, vtriusque bilis, & pituitæ ( vt ostendi ) particeps: alter autem purus, sincerus, & non cum aliis humoribus mistus: ex eo sanguine secundū prius significatum conceptum efformari, verum forsitan est, ex eo autem qui secundo, falsum: nunquam enim solus hic in iis quæ vterum gerunt, gignitur. Cur autem adiecerim sermoni, forsitan, vos non latere arbitror: nam in commentariis de semine plurimas corporis particulas ex semine generari docuimus, solas autem carnosas ex sanguine conformari. Sed quia exigua seminis moles est, quæ in vuluas coniicitur, nutrimentum vero ipsi & incrementum ex sanguine obuenit: ideo quis particulas propemodum ex sanguine conformari dixerit. Quatenus autem semen generationem ex sanguine obtinet, eatenus concepti generationem ex sanguine esse si quis dixerit, vera fateri videbitur: sed non ex sincero sanguine, aliorum humorum experte, sed ex eo qui per excellentiam nominatus est. Huiusmodi sane totus propositæ orationis sensus est, particularium vero in ea hic erit. Primum si significare conuenit communem, non solum medicorum consuetudinem, sed omnium quoque Græcorum, qui bilem sine adiectiuo nominant, cum pallidam, aut flauam signare voluerint. Ceterum quod hæc vtraque nomina de vna humoris specie dicuntur differentis humiditate & siccitate, paullo ante a me expositum est. Reliquas omnes biles cum appendice nominant, æruginosam dicentes, aut nigram, aut rubram, aut porraceam.

» Secundum ab hoc in serie proposita indicare oportet, vbi inquit, Quousque spiritum in se possit attrahere, & rursus emittere. Constat enim, inspirationem velle ipsum fieri instrumentis inspiratoriis externum aërem attrahentibus, expirationem vero emittentibus. Deinde tertium, vbi ait, Donec aliquo connatorum destitutum fuerit: vult enim, non solum cum sanguine animal priuatum fuerit, interire, sed etiam cum aut pituita a, ut flaua, aut nigra bile.

Demon.



Demonstrat firmissima ratione, quattuor humores secundum naturā distin-  
ctos, in homine semper contineri: & sanguinem, qui in nobis est, simplicem non  
esse, sed ex quattuor humoribus constitutum: & tandem cōcludit, quattuor hu-  
mores esse propriam hominis naturam: quod præcipuum erat Hippocratis in-  
stitutum. Sicque non solum præstat quod pollicitus fuerat sententia octaua, ve-  
rum etiam perficit (vt fatetur Galenus) rationem, quam sententia septima pro-  
posuerat aduersus medicos, qui hominem dixerunt solum esse sanguinē. Quæ  
sane opinio celeberrima olim existit, neque facile conuinci potest, cum ex  
clarissimis philosophis non pauci, vt Diogenes, Critias, & Empedocles, san-  
guinem animam esse crediderint: vnde & Virgilius animam dixit purpu-  
ream, & dextra effundi asseruit. Hanc itaque opinionem refutauerat sententia  
septima hac ratione, Si solus sanguis esset hominis natura, necessarium esset, vt  
aliquo saltē anni tempore, vel aliqua ætate, solus sanguis in homine appareret;  
at nullum est tempus, nulla ætas, in qua solus sanguis in homine appareat: ergo  
solus sanguis non est hominis natura. Huius rationis assumptionem probat in  
præsentia Hippocrates, ostēdens, quocumq; anni tempore, & quacumq; ætate,  
quattuor humores in homine contineri. Id autē probat ex medicamentis, quæ  
proprie purgantia appellantur, quæ similitudine totius substantiæ humores sibi  
familiares attrahunt, quemadmodum magnes ferrum. Quædam enim sunt me-  
dicamenta purgantia bilem, vt aloë; alia pituitam, vt enicis: alia bilem atram, vt  
elleborus niger. An vero sit aliquod medicamētum, quod similitudine substan-  
tiæ sanguinem sincerum purget, dubitatum est à plerisque. Refert tamen Gale-  
nus lib. de fac. med. purgant. (sit tamen Galeni sit) olim inuentam fuisse herbam  
huiusmodi vi præditam, quæ ad hæc vsque tempora incognita est, à morte sci-  
licet eius qui primus eam inuenerat: cuius sane historiam scitu dignam in hūc  
locum transferre non pigebit. In Thracibus, inquit, Bithyniam incolentibus,  
me adhuc puero, inuenit homo quidam herbam, quam si quis assumpsisset, san-  
guinem primo, tum vitam emittebat. Multis itaq; hoc pacto morientibus, cum  
facinus hoc diligenti inquisitione dignum arbitrarentur, herbarium cōpten-  
dunt, & ad gētis magistratū ducunt. Is cum non solū hominē enecare studeret,  
sed si quis alius herbā aut didicisset, aut docuisset, à nullo se ipsā didicisse vene-  
ficis aperuit. Verum in suburbanum cum aliquando suillum iecur deferret, vt  
gente ventre, super herba quadam iecur deposuisset, quod aliquanto post cum  
sustulisset, vidisse, ex vniuerso iecinore sanguineos riuulos ad herbam cōfluere.  
Ex hoc coniectura facta corpori sanguinem ea detrahi posse, periculo mox in  
obuium quodam facto, vt verū comperit quod fore sperarat, ad malos vltus her-  
bam postea transtulisse: se tamen alicui alii eam monstrasse negauit. Hæc herba  
rimus ille diu inter quæstiones habitus retulit: populi vero magistratus, cum plu-  
rimam illis in locis nasci hanc herbam, ex dictis cognouisset, vinētis oculis ad  
supplicium ipsum duci iussit, ne cui inter eundem herbam indicaret. Quod itaq;  
experientia comprobatum est, tāquam certum statuens Hippocrates citra pro-  
bationem aliquam pronuntiavit, à medicamentis purgantibus familiares hu-  
mores educi, credens nimirum, neminem vnquam iis quæ manifesta sunt im-  
pudenter contradicendum. At post Hippocratem huiusmodi vim purgantibus  
medicamētis negauit omnino Asclepiades, ne facultatem attracticem conce-  
dere cogeretur. Eam vero, quam purgantibus medicamentis assumptis expe-  
rimur fieri euacuationem, accidere dicebat, non quod humores à medica men-  
tis trahantur, sed quod ab iisdem potius gignantur. Absurdam hanc Asclepia-  
dis

Lib. 2. de Hip.  
& P. at. decret.  
cap. vet.  
Lib. 9. æn. id.

Cap. 4.



- A**dis opinionem cogitur hunc Galenus obiter refutare, ne infirma, aut inconstans videatur Hippocratis demonstratio: quamvis alibi id præstiterit accuratius. Si ergo medicamenta purgantia non attrahunt humores, sed ipsos potius (ut dicebat Aesclepiades) gignunt, parum profecto referret, hoc, vel illud medicamentum purgans quocumque morbo laboranti exhibere: quod tamen falsum esse in artis operibus experimur. Nam si ascite laboranti dederis medicamentum purgans aquam, copiosa sequetur vacuatio, & ventris tumor aqua excreta submittetur. Eidem vero si dederis medicamentum purgans bilem flavam, aut nigram, & paucissima sequetur euacuatio, & ventris tumor maior euadet. Sed cur ventrem magis intumescere dixit? nonne satis erat dixisse, tumorem ventris non fieri minorem? An id dixisse satis non erat, cum euacuata medicamento vi bile calidissima, aqua vero, atque pituita in corpore relicta, magis refrigeretur iecur, auctoque propterea affectu, ventris tumor maior euadat?
- B** Contrarium prorsus accidit ictericis, iisque potissimum qui ex iecinoris obstructione tales euaserunt. His namque si viscere prius aperientium medicamentorum usu ab obstructionibus liberato, medicamentum bilem purgans propinaueris, & copiosa euacuatio succedet, & affectus prompte cessabit: quod tamen non fiet exhibito medicamento purgante aquam. Refutato ad hunc modum Aesclepiade, & eo constituto quod purgantia medicamenta substantiæ similitudine attrahant humores, expēdamus iam Hippocratis rationem ex purgantibus medicamentis de sumptam, qua optime demonstrat, quattuor humores natura distinctos semper in homine contineri. Quocumque, inquit, tempore, & quacumque ætate homini dederis medicamentum purgans pituitam, euomet pituitam: & quocumque tempore, ac ætate, dederis medicamentum purgans alterutram bilem, hanc proculdubio educet: & quocumque tempore, & ætate, partem aliquam vulneraueris, profluet inde sanguis: ergo quattuor humores natura & specie distincti, in homine reperiuntur perpetuo, non solus sanguis. Ad tollendam vero omnem ambiguitatem, docet Galenus, sanguinis nomen bifariam usurpari, aut enim significat sanguinem vtriusque bilis & pituitæ participem, (quem vulgo massam sanguinariam vorant, & quem secta vena, aut parte quāpiam vulnerata effluere conspiciamus) aut significat sanguinem purum ac sincerum, ab aliis humoribus distinctum, quem proinde quartum humorem appellant. In secundā igitur significatione falsum est, sanguinem esse hominis naturam, neque enim ex solo sanguine quarto humore corporis partes fiunt. At in prior significatione forsitan, inquit, est verum, quia scilicet omnes partes ex massa sanguinaria generationem obtinent. Adiecit forsitan, ut ipsemet interpretatur, propter partes vere solidas, ac spermaticas, quæ ex semine potius quam sanguine gigni videntur. Nihilominus tamen quoniam ex sanguine fit semen, non tantum partes carnosæ, sed etiam spermaticæ, vere dicuntur ex sanguine fieri. Adde, quod (ut alibi ostendemus) tam partes spermaticæ quam carnosæ, ex semine simul & sanguine generationem sortiuntur. Hec quidem ad rationem Hippocraticam pertinent; Galenus tamen tria priuatim explicat, quæ in hac sententia observatione sunt digna. Primum illud est, quod nomine bilis simpliciter & sine adiectione, iuxta communem omnium hominum consuetudinem, bilem naturalem intelligere oporteat, quæ pallida est, rufa, aut flava: reliqua enim genera bilis præter naturam cum adiectione vocant, æruginosam bilem dicentes, porraceam, rubram, aut nigram: quæ itidem bilis generata præter naturam cōmentario quarto similiter recensuit. Secundo explicat

Lib. 2. de elementis. cap. 3. & lib. 1. de fac. nat. cap. 13. & lib. de fac. medic. purg. c. 2.

verba



Cap. 5.

verba illa Usque dum possit spiritum ad se attrahere, & rursus emittere : quæ <sup>A</sup>  
 sane idē valent, ac si dixisset, dum possit respirare. Cumq; respiratio ex inspi-  
 ratione & expiratione sit composita, vtriusque meminit Hippocrates; inspira-  
 tionis quidem, cum ait, Usque dum possit spiritum ( id est aërem ) ad se attra-  
 here: expirationis vero, cum inquit, Et rursus emittere. Ac videtur Hippocra-  
 tes hoc loco respirationem à vita non separasse; quæ etiam fuit sententia Gale-  
 ni lib. 6. de loc. affect. Quippe, inquit, in confesso est, & spirationem à vita, &  
 vitam à spiratione separari non posse, adeo: vt viuens omne spiret, & spiras om-  
 nino viuat. Quod intelligendum de animalibus est, ac sanguineis potissimum,  
 vtpote calidioribus; nam quæ exanguia sunt, nihil respirationis seruare viden-  
 tur, dum mortuis similia per hyemem in latibulis degunt. Quamuis in hysteri-  
 cis mulieribus dubium sit, & maxime controuersum, seruetur respiratio, necne:  
 & vt Galenus ait, vtrumque probabiliter affirmari possit. Quippe cum ob vte- <sup>B</sup>  
 ri affectum vniuersum corpus his maxime refrigeretur, minimus ille, qui rema-  
 net calor, sola transpiratione conseruari potest, abolita etiam respiratione, vt  
 in exāguibus. Sed non minus probabiliter (immo fortasse magis) dicere possu-  
 mus, seruari quidem respirationem in hysteriis, ita tamen exigua, vt sensum  
 prorsus effugiat. Postremo illud explicat, Donec aliquo horum connatorum  
 destituatur: quod idem est, ac si dixisset, Donec aliquo ex quattuor humoribus  
 destituatur, connata enim vocat quattuor humores. Vnde colligit velle Hip-  
 pocratem non tantum hominem mori deficiente sanguine, sed etiam quocunq;  
 alio humore deficiente: neque enim dum vixerit homo, aliquo humore desti-  
 tuti potest, vt postea docebit. Cur vero quattuor humores vocarit connata, hanc  
 rationem ipsemet reddit, quia quoad vita fruitur homo, quattuor humores in  
 se continet: & procreatus est ex homine eisdem possidente: & tandem nutritus  
 est in homine eisdem quoque obtinente. Neque vero hinc solum rationem red- <sup>C</sup>  
 dit, cur quattuor humores vocarit connata, sed simul quoq; demonstrat, quat-  
 tuor humores esse propriam hominis naturam, aut propria elemēta. Ea namq;  
 sunt propria elementa hominis, ex quibus homo generatur, augetur, & per to-  
 tum vitæ spatium nutritur: atqui ex sanguine, pituita, & vtraque bile generatur  
 homo, augetur, & nutritur: ergo sanguis, pituita, & vtraque bilis, sunt propria  
 hominis elementa.

## HIPPOCRATIS SENTENTIA XXVII.

\* ταύτη τὴ γνώμη  
 χρεώδης.

**Q**ui hominē vnum esse dicunt, videntur mihi ita sentire, \* quod  
 ex iis qui assumptis medicamentis, in nimis purgationibus  
 perierint, alios bilem vomere, alios pituitam conspicati, putauit v- <sup>D</sup>  
 nusquisque ipsorum id esse hominem, quod eum qui purgaretur,  
 morientem reiicere videret. Item qui sanguinem esse hominē sta-  
 tuerunt, eiisdem sunt sentētiz, \* nam conspicientes in hominibus  
 qui iugulantur, sanguinem ex corpore effluere, hunc animam esse  
 hominis censent. Ac testimoniis his vtuntur omnes inter dispu-  
 tandum.

\* τὴ αὐτῆς γνώμης  
 χρεώδης.

## GAL. COMMENT.

Qui dicunt, inquit, hominem vnum esse, tamquam multi sint id dicentes, non  
 vnum.



**A** vnus. Ex quibus igitur persuasionem hanc sibi induerunt, qui ex quattuor humoribus vnum aliquem homini generando sufficere arbitrantur, Hippocrate ipse indicauit; quæ nobis quidem improbabilia, vt dixi, illis autem probabilia nimirum apparent. Nam in purgationibus immoderatis cum viderent alius alium alio atq; alio humore extreme euacuato interire, illum solum humorem hominis naturam esse censuerunt.

Arrepta occasione ex iis quæ superiori sententia de purgantibus medicamentis dixerat, reprehendit nunc veteres quosdā medicos, qui non ex transmutatione humorum in se inuicem (vt illi de quibus per initia dictū est) sed ex purgationibus immodicis colligebant, vnicum humorem esse hominis naturam. Qui igitur bilem dicebant esse naturam hominis, id ex eo colligebant, quod exhibito medicamento purgante bilem, si immodica purgatio sequatur, hominem mori vacuata tota bile experiamur. Eadem argumentandi ratione utebantur, qui pituitam, aut nigram bilem putarunt esse hominis naturam. Ac tandem qui sanguinem naturam hominis esse arbitrati sunt, suam sententiam ex eo confirmabant, quod qui iugulantur, toto sanguine vacuato vitam finiant.

## HIPPOCRATES SENTENTIA XXVIII.

**E**T si primum in purgationibus immodicis nullus perierit, qui solam bilem purgando vacuarit. Sed cum medicamentum aliquis bilem ducens potauerit, primum sane bilē euomet, mox etiam pituitam, deinde præter bilem, etiam atram bilem compulsi euomunt; postremo autem vitam finientes, purū quoque sanguinem.

## GAL. COMMENT.

Hic rursus clare Græcorum consuetudinem innuit, qui bilem frequenter sine appendice, flauam, atram vero semper cum appendice vocant. Porro quod in tota oratione significatur, manifestum est, nullum enim mori inquit, cui vnus solum humor purgatus fuerit, cum alii quoque semper cum ipso euacuantur.

**D** Medicorum rationes ex purgationibus immodicis petitas, inefficaces esse docet, quoniam peccant in materia, vt vulgo dici solet. Sed & in forma peccant, vere affirmare possumus, cum omnes vtantur eadem argumentandi formula, ex immodicis purgationibus desumpta, concludant tamen alii, solam bilem esse hominis naturam, alii pituitam, alii atram bilem. Præterea in simili forma dari potest inutilis argumentatio, nam aqua hydropicorum confertim euacuata, & toto pure confertim in suppuratis effluente, mors sequitur, vt inquit Hippocrates: ergo aqua & pus sunt ipsorum natura. Vt igitur hæc ratio est inefficax, sic quoq; & illa, euacuata in purgationibus immodicis bile sequitur mors, ergo bilis est hominis natura. Hippocrates tamen tantum docet peccare in materia, assument enim tanquam verū, in purgationibus immodicis hominem mori vnico humore vacuato, quod quidem falsum esse monstrat. Quippe si exhibito medicamento purgante bilem superpurgatio sequatur, euacuata bile

Aphor. 27.  
Lib. 6.

non



Aphor. 9.  
lib. 4.

non statim homo interit, sed post bilem educitur pituita, deinde atra bilis, postremo sanguis purus, post quem moritur homo. Galenus in commentario rursus obseruat, quod iam antea obseruauerat de bilis appellatione: nos vero alia duo obseruamus. Primum illud est, quod dixit Hippocrates, Deinde præter bilem, etiam atram bilem compulsi euomunt: nam dictio illa, compulsi, humorem melancholicum summa cum violentia per vomitum educi manifesto indicat. Vt hinc intelligas, facilius multo per inferna purgari, ut ipsemet monuit in aphorismis, dicens, Melancholicos infra vehementius purgabis. Alterum est, quid nomine puri sanguinis intellexerit, dum ait, post purum sanguinem hominem interire. Videtur Syluius eum intellexisse, qui à suis excrementis, sero, & vtraque bile expurgatus est exquisitissime: ego tamen potius intelligerem quartum humorem. Neque inde sequetur, purum sanguinem intra vasa solum reperiri posse.

### HIPP. SENT. XXIX.

Idem accidit à medicamentis pituitam educentibus. Primum sane pituitam euomunt, mox flauam bilem, deinde atram, postremo sanguinem purum, post quem moriuntur.

### GAL. COMMENT.

Postquam humor medicamento purganti familiaris fuerit euacuatus, mox illum consequitur primus, qui ad euacuationem inter alios expeditissimus est: post illum, qui secundum in hoc genere ordinem possidet: deinde sanguis omnium postremus, ut qui humor sit naturæ familiarissimus. Tutum namque est tantillum de eo dicere, quod si non solus est natura hominis, certe omnium aliorum familiarissimus est.

Si exhibito medicamento purgante pituitam sequatur purgatio immodica, negat quoque sola vacuata pituita hominem interire: sed ea vacuata bilem, postea atram bilem, postremo purum sanguinem educi asserit. Idem sentire oportet de nigra bile, neque enim hac sola excreta peribit homo, si purgatio immodica acciderit, propinato medicamento atram bilem purgante: sed post hanc educetur primo bilis, mox pituita, tandemque sanguis purus. Ex iis quæ duobus hisce sententiis dicta sunt ab Hippocrate, colligit Galenus ordinem, qui in vacuandis humoribus seruari solet per immodicas purgationes. Est autem is, ut qui purganti medicamento assumpto familiaris est humor, primo loco semper euacuetur, deinde vero ordine sequatur qui fuerit ad motum paratior. Constat vero ex propria humorum natura, ob caliditatem, leuitatem, ac tenuitatem, ad sequendum paratissimam esse bilem: deinde sanguinem, qui pituita, & atra bile calidior est, & tenuior: postea pituitam, quæ fluxilior, humidiorque est atra bile: quæ quidem, cum crassissima sit, & maxime terrestris, ad motum est ineptissima. Cur igitur, inquit, docuit Hippocrates omnium postremum vacuari sanguinem, qui pituita & atra bile sequacior est? Est sane id peculiare sanguini, ut solus ipse sit nostræ naturæ amicus, & familiaris. Quo fit, ut quamuis paratior sit ad motum, à natura tamen arctissime retineatur, donec omnino victa, ipsum tandem effluere sinat. Hanc solam dubitationem explicat hic Galenus,

& lib.



- A** & lib. 2. de elem. occurrunt tamen aliæ, quæ explicationē postulant. Est illud in primis difficile, quomodo dictum sit ab Hippocrate, neminem vnquam in purgationibus immodicis mori vnico humore dumtaxat vacuato: cum id & rationi, & ipsimet, Hippocrati aduersetur. Rationi quidem, quia cogermur fateri, ex tribus, aut duobus, aut vnico etiam humore hominem interdum constare: quod est absurdum. Hippocrati vero, quia is antea dixerat, Donec aliquo humorum connatorum destituatur, id est, donec viuatur, vt interpretabatur Galenus. Et rursus agens de quattuor humoribus scribet postea ad hunc modū, Ita etiam si aliquod ex cognatis deficiat, non vtique poterit viuere. Rem hanc optime explicat Syluius. Si, inquit, omnino deficiat aliquis humor, hominem interire necesse est, abolita scilicet quattuor humorum mixtione. At per purgationes immodicas totum aliquem humorem (etiam si is sit medicamento familiaris) euacuari negat; quoniam natura de animalis conseruatione maxime sollicita, portionem aliquam semper retinet, sine qua tota humorum constitutio corrumpetur. Viuit itaque in superpurgationibus æger, donec naturæ viribus exolutis purus sanguis educatur, Verum res adhuc difficultate non caret, etiam si concedamus cum Syluius, totum aliquem humorem nō vacuari, cum monstret experientia, mori aliquando in superpurgationibus ægrum, vacuata sola bile, aut pituita, antequam purus excernatur sanguis. Verissime quidem dixit Hippocrates, neminem in superpurgationibus mori vnico euacuato humore, quia qui pereunt ob purgationis violentiam, perire non possunt, donec purum sincerumque sanguinem excernant. Qui vero pereunt nondum excreto sanguine, ob virium exolutionem, aut aliam causam moriuntur, non ob vehementiam purgationis, de qua agebat hoc loco Hippocrates. Iam vero & illud difficultatem parit, quomodo in purgationibus immodicis omnes humores vacuentur, cum à purgante medicamento solus humor familiaris attrahi possit. Respondet Galenus, humores, qui medicamento familiares non sunt, ob triplicē causam vacuari, irritationem ac mordicationem, vasorum apertionem, & eorundem imbecillitatem. Nam posteaquam medicamentum humorem familiarem attraxit, si vires adhuc integras seruet, mordet vasorum ora, & facultatem expultricem irritat; quæ sola causa sufficiens erat, vt prompte lequeretur humor paratior ad motum. Atqui ob medicamenti mordicationē, & vacuationem immodicam, referantur quoque oscula vasorum, quæ ad vētriculum & intestina pertinent; & vasa ipsa vehementer defatigantur, tum quia à purgante medicamento suguntur, ac veluti emulgentur; tum etiam quia vnico humore vacuato, & eo qui contrarius est integras vires seruante, insignem intemperiem contrahunt. Quare licet in purgationibus immodicis omnes humores euacuentur, non tamen eadem est eius euacuationis ratio. Quippe humor medicamento familiaris, quem primo loco euacuari diximus, totius substantiæ similitudine attrahitur; reliqui vero humores ob prædictas causas vacuantur quidem, non tamen attrahuntur; aut si trahantur, solo calore trahuntur, non autem similitudine substantiæ. Restat nunc, vt locum quendam Galeni explicemus, qui cum iis quæ dicta sunt, fortasse pugnare videbitur. Legitur is lib. 2. de elem. ad hunc modum, Quod etiam purgantibus medicinis euenit, quippe quæ vbi vniuersum id bilis, aut pituitæ, quod in corpore fluit, attraxerunt, ipsum peculiarem humorem solidarum partium vi & labore attrahunt, eas quasi dissoluentes, & ad elementa deducentes, & animal interuicini tradentes: violentia vero illius attractionis, alius quispiam humor

Cap. 4.

Sent. 26.

Sent. 38.

Lib. 3. de simp. med. fac. cap. 27. &amp; 28.

Cap. ult.

G mor



Lib. 7. metho.  
med. cap. 6.

Lib. 3. de fac.  
nat. cap. 13.

Lib. 1. de semi.  
cap. 16.

Aphor. 37.  
lib. 2.

mor consequitur illi affinis, qui primum vi attrahebatur. Quibus sane verbis **A**  
indicat, à medicamento purgante vacuari primum humorem familiarem innatantem, deinde humorem proprium partium solidarum, postremo humorem qui fuerit ad sequendum paratior. At dictum hæcenus fuerat, in purgationibus immodicis vacuari primum humorem medicamento familiarem, postea vero eum qui paratior fuerit ad sequendum. Porro nullā esse in his locis pugnātiā aperte intelligitur, si prius explicauerimus, qui humor dicatur eo loco à Galeno proprius partium solidarum. Cum autem eodem Galeno teste, quattuor sint humores in singulis partibus solidis, nempe sanguis contentus in exilibus partium vasis, ros, caro & adeps, & humidum primogenium; monstrat orationis series, per humorem proprium partium solidarum intelligendum esse necessario sanguinem in exilibus vasis contentū. Is enim solus, & à partibus corporis, & à purgantibus medicamentis attrahi potest, reliquæ humiditates non possunt. Attrahitur quidem sanguis in exilibus vasis contentus per longiores **B**  
inedias, in quibus ventriculus alimēto destitutus, ex propinquis vasis & iccore cogitur sanguinem attrahere: hæc vero partes inanitæ trahunt ex aliis, aliæque rursus ex aliis, donec ad extrema vasa, quæ in habitum corporis finiuntur, attractio peruenerit: quibus sane ob validissimam vasorum attractionem, proprium nutrimentum tandem eripitur. Per venerem quoque immodicam solidæ corporis partes imbecillimæ reddi solent, quoniam proprium ipsarum nutrimentum valida actione testium retrahitur. Quod si corporis partes id præstāt, quid, quæso, facient medicamenta purgantia, in quibus attractionis motus valentior multo esse solet? In eo tamen discrimen est, quod partes corporis sanguinem in exilibus vasis contentum ad se retrahant; purgantia vero medicamenta, non **C**  
sanguinem, sed humorem familiarem cuiusmodi sanguini mixtum. Quippe medicamentum purgans initio quidem familiarem humorem sanguini innatantem attrahit, deinde vero eum qui sanguini mixtus est in vasis magnis, & tandem eum qui mixtus est sanguini in exilibus vasis contento; ex hac autem violenta medicamenti attractione sequitur necessario sanguinis, & carniū, reliquarumque partium colliquatio. Colliquatur enim, & veluti dissolvitur sanguis, dū humor medicamento familiaris violenter ab eo elicitur. Colliquantur itidem, ac dissoluuntur carnes, & reliquæ partes, quia proprio destituuntur nutrimento, dum ex sanguine in propriis vasis contento, humor medicamēto familiaris violenter attrahitur. Solet quoque huiusmodi colliquatio iis accidere, qui ab omni **D**  
cacochimia liberi temere purgantur: de quibus dixit Hippocrates, Qui integra sunt corporis valetudine, purgationes ægre, molestæque ferunt. Nulla igitur est in illis locis contradiētiō, hīc namque in vniuersum dixit, vacuari primum in purgationibus immodicis humorem medicamento familiarem; ibi vero accuratius docuit, humorem familiarem, qui primus à medicamento attrahitur, innatare interdum sanguini, interdum autem sanguini permixtum esse: idque vel in vasis magnis, vel in exilibus, quæ partium solidarum sunt propria.

### HIPP. SENT. XXX.

**N**Am medicamentum, cum in corpus fuerit ingressum, primum sane ducit quodcunque ipsi, inter ea quæ corpori insunt;



- A insunt, natura maxime respondeat, deinde alia quoque & trahit, & purgat. Quemadmodum semina, & stirpes terram ingressæ, singula, quæ in terra secundum naturam ipsarum sunt (id est familiaria) attrahunt: est autem & acidum, & dulce, & amarum, & salsum, & omnifarium. Primum igitur plurimum eius quod ipsis cognatum sit, arripiunt, postea alia quoque ad se alliciunt. Tale quid & medicamenta in corpore faciunt, etenim quæ bilem mouent, primum meracissimam purgant bilem, deinde mixtam. Item medicamenta pituita clementia, primum purissimam pituitam educunt, deinde mixtā.
- B Iam iis qui iugulantur sanguis fuit primum calidissimus & ruberrimus, deinde pituitosior & biliosior.

## GAL. COMMENT.

- Perspicua est auctoris sententia, utpote qui rei de qua agit, testimonia adferat. Dicit enim, medicamentum, ubi in corpus venerit, primum sane humorem sibi familiarem attrahere, deinde etiam alios. At meminisse oportet, etiam de stirpibus ipsum verba facere, nempe quod & harum unaquæque sibi naturale & cognatum ad se attrahit. Contineri enim in terra acidum, dulce, amarum, salsum, & omnifarium, veluti etiam in homine: acidum quidem, atram bilem; amarum vero, flauam; dulce, sanguinem; salsum, pituitam. Etenim talis quædam est pituita, quemadmodum alia dulcis, alia acida, & quædam alia nullam insignem obtinens qualitatem. Atque ideo mihi videtur, ad orationis finem adieciisse Omnifarium, ut qui non tantum in pituita, sed in aliis etiam humoribus per multas viderit differentias. Sicut enim acida, dulcis, amara, & salsa; ita etiam acerbæ, austera, acris, & pinguis, humorum species est; tum in animalibus, tum in stirpibus, & nimirum quæ in terra ipsis respondent.

- Quæ hætenus dixerat de ordine euacuandorum humorum in purgationibus immodicis, ea nunc illustrat aptissima plantarum similitudine. Hæ namque ex terra succum sibi magis familiarem perpetuo trahunt; quo si destituantur, & alios minus convenientes alliciunt. Continentur enim, ut in animalium corporibus, sic etiam in terra, varii succi, dulcis, acidus, amarus, salus, pinguis, & alii, quos verbis exprimere non possumus; quos significauit ea dictione Omnifarium. Delectatur autem alia plantæ alio succo pro diuersa scilicet cuiusque natura, ut lupinus & absinthium succo amaro. Quinctiam & diuerso gaudet solo, ut palma salso; quæ proinde circa loca maritima uberius provenire solet. Et quid mirum, quæ si hæc fiat in plantis, quæ terræ affixæ viuunt, cum idipsum animalibus, quæ ad quærenda alimenta loco moueri possunt, & nobis ipsis qui ratione ducimur, sæpe experiamur accideret? Cogimur enim non raro vrgente fame viciosis cibis velci, palustrisq. ac cœnosa aqua bibere premente siti. Quod igitur plantis, brutis, & nobis ipsis, frequentissime accidit, idem & purgantibus medicamentis accidere credendum est. Etenim quæ bilem purgant medicamenta, attrahunt primum bilem meracissimam, id est innatantem
- G 2 sanguini,



sanguini, deinde mixtam, id est quæ sanguinem vna cum aliis humoribus constituit. Iam vero & iis qui iugulantur, docet Hippocrates, sanguinem calidissimum & ruberrimum primum effluere, deinde pituitosiorē, & biliosiorē. Quæ tamen sententia difficilis videtur, quia cum sanguis incisa vena suo pte impetu foras profluat, neque pulsus ab alio, neque attractus; qui tenuior est, qualis est ferrosior, aut biliosior, effluet primo loco, non autem ruberrimus, & optimus, qui medio cras est consistentiæ. Ceterum vere illud dictum est ab Hippocrate, nam per initia, antequam nutrimenti defectum sentiat natura, profluit incisa vena optimus sanguis, qualiscumque scilicet in vasis continetur. At sanguine immodice profluente, cum primum natura sentit nutrimenti defectum, retinet, & amplectitur sanguinem meliorem; eumque solum fluere sinit qui deterior est, qualis est pituitosior & biliosior. Experientia quoque rem ita habere in iis potissimum monstrat, in quibus necessitate urgente cogimur sæpius sanguinem mittere. Quod sane olim à Ludouico Collado, medico præstantissimo, doctoreque B meo singulari, primum obseruatum memini, dum adhuc adolescens ad visendos ægros cum ipso accederem. Nam quod hîc dixit Hippocrates in iis qui iugulantur fieri, ut scilicet sanguis optimus primum effluat, deinde pituitosior, & biliosior; id ille uxori Ludouici Arcisii, medici celeberrimi, tunc accidisse obseruauit, cui ob vehementissimam vteri strangulationem, sanguis è talo detractus sapissime fuerat. Animaduertit hoc loco Syluius practicum errorem, qui ad confringendos renum calculos hircinum sanguinem maxime commendantes, eum seruandum esse præcipiunt, qui ex iugulato hirco medius effluit. Sentit autem ipse, cum potius eligendum esse, qui primo loco effunditur, utpote qui calidissimus sit & ruberrimus, ut inquit Hippocrates. Verum cû sanguis biliosior, quem secundo loco effluere diximus, tenuiorum partium sit, nescio an præferenda sit sententia practicum.

## HIPP. SENT. XXXI.

**A**Vgescit in homine pituita per hyemem, hæc enim hyemi maxime est secundum naturam, inter ea quæ corpori iniunt: frigidissima enim est. Indicia sunt, hanc esse frigidissimam, si pituitam, bilem, & sanguinem voles attingere, pituitam reperiēs frigidissimam, etsi viscosissima sit, & vi potissimum post atram bilem agatur: quæ autem vi aguntur, calidiora redduntur à vi coacta. Attamen etiā post hæc omnia frigidissima ex sua ipsius natura esse pituita apparet. Porro quod hyems pituita corpus replet, hinc cognoueris. Homines spuunt, reiciuntque per nares pituitosissima hyeme: item laxi tumores albi (oedemata dicuntur) potissimum in hoc anni tempore proueniunt, aliique morbi pituitosi.

## GAL. COMMENT.

Clara est oratio, quæ lectorem diligenter requirat, non interpretem qui ipsam explicet. Quod autem in fine scriptum est, Aliique morbi pituitosi, hoc modo ex ipsius scriptura intelligendum est. Oedemata alba hyeme potissimum oriuntur, item alii pituitosi morbi hoc tempore infestant: denique et febres, sicut in æstate omnino biliosiores, sic in hyeme pituitosiores.



- A** Agit tandem de incremento & decremento singulorum humorum in singulis anni temporibus; quod etiam se explicaturum promiserat sententia octaua. Hic autem docet, hyeme augeri pituitam, atque id probat ratione necessaria, quæ desumpta est ex propria hyemis & pituitæ natura. In singulis namque anni temporibus humores illi augentur, qui sunt maxime secundum temporum naturam: at inter humores pituita maxime est secundum naturam hyemis; ergo hyeme secundum naturam augetur pituita. Propositio certissima est, cum pro intemperie aëris in quo versamur, animalium corpora necessario mutentur; & pro varia corporis temperie varii quoque humores gignantur. Assumptionem probat Hippocrates, quia quemadmodum hyems inter anni tempora frigidissima est, ita inter humores pituita. Cuius frigiditatem insignem tactus manifeste percipit, siue in aliqua parte collecta maneat, siue extra corpus vacuetur. Nam & quo tempore à purgante medicamento attrahitur, frigida adhuc sentitur, cum tamen calferi debuisset violento eo attractionis motu, qui in educenda pituita, quam bile, violentior esse solet, cum sit plerumque tonacissima. Ex hoc Hippocratis loco necessario colligitur, motum esse causam caloris; quamuis inter philosophos ac medicos difficile sit & controuersum, an omnis motus ad locum calorem augeat, an solus motus attritionis: & rursus an omnia corpora motu calfiant, an corpora tantum solida: & tandem quomodo motus possit calorem producere. Hæc ramen breuitatis studio consulto nunc prætermittimus, in nostris commentariis pathologicis accuratè explicanda. Adfert præterea rationes probabiles, ab excrementis & morbis desumptas, quibus etiam hyeme pituitam augeri ostendit. Id in primis declarant excrementa pituitosa, quæ plurima per oculos, nares, & palatum, hyeme excerni solent. Id ipsum confirmant morbi hyemi familiares, qui ex pituita ortum habent, ut per.
- B** sentitur, cum tamen calferi debuisset violento eo attractionis motu, qui in educenda pituita, quam bile, violentior esse solet, cum sit plerumque tonacissima. Ex hoc Hippocratis loco necessario colligitur, motum esse causam caloris; quamuis inter philosophos ac medicos difficile sit & controuersum, an omnis motus ad locum calorem augeat, an solus motus attritionis: & rursus an omnia corpora motu calfiant, an corpora tantum solida: & tandem quomodo motus possit calorem producere. Hæc ramen breuitatis studio consulto nunc prætermittimus, in nostris commentariis pathologicis accuratè explicanda. Adfert præterea rationes probabiles, ab excrementis & morbis desumptas, quibus etiam hyeme pituitam augeri ostendit. Id in primis declarant excrementa pituitosa, quæ plurima per oculos, nares, & palatum, hyeme excerni solent. Id ipsum confirmant morbi hyemi familiares, qui ex pituita ortum habent, ut per.
- C** ipsum confirmant morbi hyemi familiares, qui ex pituita ortum habent, ut per. Aphor. 23. lib. 3.
- ipneumonix, lethargi, grauedines, raucitates, tusses, pectoris, laterum, & lumborum dolores, cephalalgia, vertigines, & apoplexia. Hic tamen tantum meminit œdematum, quæ sunt tumores præter naturam laxi, & albi, ac proinde ex pituita orti. Illud vero obseruatione dignum est, quod dixerit Hippocrates, τὰ δὲ διδ' ἡμᾶς λευκὰ, id est œdemata alba, quasi dari possint œdemata non alba. Atqui Galenus locis quamplurimis obseruat, œdematis nomen significare in vniuersum Hippocrati tumorem omnem præter naturam; aliis vero medicis recentioribus significare potius tumorem pituitosum. Quæ significatione (quæ magis propria est) sic definiri solet, œdema est tumor albus, laxus, & indolens.
- D**

4. apho. com.  
34 & 5. apho.  
com. 65. & 1.  
pregn. com.  
29. & 6. epid.  
par. 4. com. 1.  
& 6. epid. par.  
1. com. 2. & 17.

## HIPPOCRATES SENTENTIA XXXII.

**V**ere autem valida\* adhuc quidem pituita in corpore existit, & sanguis augetur, nam frigora remittunt, & aquæ superueniunt. Sanguis autem eadem ratione augetur, & à pluuiis, & diebus calidis: nam secundum naturam ipsi hæc ex omni tempore potissimum insunt; quippe humidum est & calidum. Id quod sic cognosces, vere homines & æstate, potissimum dysenterijs corripiuntur: ex naribus sanguis profluit: calidissimi ipsi sunt, & maxime rubicundi.

\* ἰσχυρῶς.



Est sane & huius sententiæ contextus perspicuus. Dictum tamen à me est in primo de temperamentis libro, satius esse, ver temperatum vocari, non humidum & calidum. Suberat vero caussa aliqua, ob quam medicorum philosophorumque nonnulli ipsum calidum humidumque dicerent. Sic enim in anni temporibus hoc humidum & calidum esse dicunt, ut in genere eorum quæ corpora habent, animalia: hæc sane cum plantis conferentes, ver autem autumno, inter anni tempora optimum, & (ut ita dixerim) solum exacte secundum naturam habens, cum eo quod præter naturam affectum est. At sanguinem vere redundare, cum alia, tum illud indicio est, quod tunc dysenteria infestent, cruenta scilicet dicta, non quæ ex bile intestina exulcerant. Verum de cruenta hac dysenteria in quanto operis de articulis commentario tractavi, affectum hunc ostendens frequenter copia sanguinis oboriri, qui in venis continetur, deinde quem natura per intestina confertim excernit, sicut & mulieribus per uterum, nonnullis per nares, aut hæmorrhoidas, aut vomitum. Porro æstatem adiunxit veri, tum dysenteria ratione, tum ob cutis ruborem: nam beneficio sui ipsius caloris generatus vere sanguis, & rubicundam totius corporis cutem efficit, & per anum quibusdam excernitur. Ceterum calidi ad tactum tunc apparent homines, tum sanguinis, tum etiam ambientis aeris beneficio.

Singula anni tempora in tres partes diuiduntur, principium, medium, & finem, elucet autem maxime propria temperies media potissimum parte, quoniam principium cum præcedentis temporis fine magnam adhuc affinitatem habet, & finis cum sequentis principio. Cum igitur ait, vere validam adhuc esse pituitam, de veris principio id intellige, quod præcedentis hyemis fini est adhuc simile. Et rursus cum inquit, sanguinem augeri, de toto quidem vere intelligere oportet, potissimum tamen de vere medio. Porro quod vere augeatur sanguis, probat primum ex propria utriusque natura, deinde ex morbis, & accidentibus. Quippe sanguis inter omnes humores maxime est familiaris veri, cum sit calidus & humidus quemadmodum ver; cuius calorem ex eo ostendit, quod frigora remittantur; humiditatem vero, quod superueniant aquæ, quamvis hæc copiosiores sint hyeme, & frequentiores. Galenus tamen in commentario recte aduertit, ver temperatum potius dici debere, quam calidum & humidum: & obiter indicat veterum philosophorum ac medicorum errorem, qui ex collatione ad alia anni tempora, præsertimque ad autumnum, ver calidum & humidum esse perperam collegerunt. Et quod de vere affirmat Galenus, idem & nos de sanguine asserimus, quem temperatum potius quam calidum & humidum esse sentimus. Sed hæc pertinet ad disputationem de temperamentis. Morbi præterea familiares veri, quales sunt dysenteria, & sanguinis è naribus profluvia, sanguinem vere augeri certo demonstrant, utpote qui ex sanguinis redundantia nascantur. Neque vero omnis dysenteria affectus est familiaris veri, sed ea tantum quæ redundantis sanguinis soboles est, quam propterea cruentam appellant, quod scilicet in ea optimus quidam, copiosus tamen sanguis deliciatur. Hæc docuit Galenus iis accidere, quibus artus aliquis abscissus est, aut qui consuetas exercitationes repente omiserunt: præsertim



A præsertim si cibis similiter ac antea repleantur. At dysenteria simpliciter dicta, quæ fit ex ulcere intestini, veri familiaris non est, quemadmodum neq; aliæ duæ dysenteria, quæ hepatis affectus sequuntur; in quarum altera sanguis deicitur loturæ carniū similis; in altera vero crassus, & atrabiliaris. Ceterū obiciet aliquis, morbos qui fiunt vere, non solum ex sanguine, sed ex aliis etiā humoribus ortum habere: ait namque ipsemet Hippocrates in aphorismis, Vere Aphor. 20. lib. 3. infania, melancholia, epilepsia, fluxiones sanguinis, angina, grauedines, distillationes, tusses, lepræ, impetigines, vitilignes, & pustulæ ulcerosæ plurimæ, tubercula, articulorum dolores. Obiectionem dissoluit Galenus in eius aphorismi commentario, dicens, non omnes morbos, qui vere fiunt, proprios ipsius esse, sed eos tantum, qui fiunt ex sanguine. Reliquos autem veris naturam nequam sequi, sed vere ex accidenti fieri sentit, quia noxii humores præcedentibus temporibus geniti, per totamque hyemem in intimo corpore reconditi, à moderato veris calore liquantur: qui dum ad partes principes impetum faciunt, grauissimos pariunt morbos, ut insaniam, epilepsiam, & apoplexiam. Ostendit tandem vere augeri sanguinem ex duobus quæ apparent, accidentibus, calore scilicet & rubore. Vere namque rubicundi sunt homines, & calidissimi, non acri & mordaci calore ut æstate, sed miti, ac familiari. At calor mitis soboles sanguinis est, quemadmodum & rubor: color enim in cuti (nisi aliquid impediat) redūdanti humori similis semper efflorescit. Quod autē Hippocrates veri adiunxerit æstatem, de æstatis principio intelligendum est, in quo morbi & accidentia veri familiaria adhuc permanent, quoniam adhuc abundat sanguis, ut sequenti sententia docebit.

## HIPP. SENT. XXXIII.

A Æstate sanguis inualefcit adhuc, & bilis in corpore attollitur, produciturque in autumnum: in quo sanguis quidem paucus generatur, contrarius enim ipsius naturæ autumnus est. Bilis autem æstate & autumno corpus occupat, id quod hinc discere licet. Homines hoc anni tempore sua sponte bilem vomunt, & in medicamentorum potionibus biliosiora purgantur: constat autem & febribus, & hominum coloribus. At pituita æstate imbecillior est seipsa, quippe contrarium ipsius naturæ tempus est siccum & calidum.

## GAL. COMMENT.

Æstate, & præsertim per ipsius initia, plerisque sanguis abundat vere auctus, ut qui ab ambientis aëris calore nondum sit discussus. Augescit autem bilis, quod hoc anni tempore corpus præter naturæ modum incalascit. Ceterum nominauit hic rursus bilem citra appendicem coloris vocabuli, flauam, nunquam atram simpliciter nominans, verum semper cum adiectione coloris nominis. Particularia in oratione manifesta iis sunt, qui animum adhibent.



Aphor. 21.  
lib. 3.

Sanguis vere auctus adhuc inualefcit æstate, initio fcilicet æstatis, quod simile adhuc eft præcedentis veris fini, quoniam, vt inquit Galenus, ab ambientis A  
aëris calore (qui fcilicet non eft immodicus) nondum difcuti potuit. At procedente æstate bilis potiffimum augetur, & in autumnum producit, ad initium fcilicet autumnæ, quod cum præcedentis æstatis fine affinitatem adhuc feruat. Et quamuis ex propria æstatis & bilis natura potuiffet Hippocrates (vt in fuperioribus fecerat) demonftrare, æstate augeri bilem, quæ fola inter humores calida eft & ficca: id tamen nunc folum probat ex excrementis, morbis, & accidentibus ætati familiaribus. Nam biliofa excrementa vomuntur potiffimum æstate, & in medicamentorum potionibus biliofiora purgantur. Morbi itidem ex bile orti æstate funt frequentiffimi, vt febres, tertianæ fcilicet, & ardentes, ophtalmiæ, aurium dolores, oris vlcerationes, genitalium putredines, & ludationes. Præterea homines æstate pallidi apparent, aut flauæ, redundantis bilis colorem B  
referentes. Quoniam vero non folum de humorum incremento, fed etiam de eorundem decremento agere inftituerat; proinde cum docuiffet æstate augeri bilem, docet quoque æstate pituitam imminui. Nam vt augentur humores teporibus familiares, ita contra decrefcunt difsimiles & contrarii: at pituita frigida & humida ætati calidæ & ficcæ eft contraria. Obferua hoc loco dixiffe Hippocratem, pituitam æstate imbecilliorẽ effe feipfa, vt indicaret, in incremento & decremento vniufcuiusque humoris, fui ipfius, non autem aliorum humorum habendam effe rationem. Veluti cum dicimus æstate augeri bilem, intelligendum non eft, maiorem effe copiam bilis quam aliorum humorum, fed maiorem effe bilis copiam æstate, quam aliis anni temporibus. Ac rurfus cum æstate dicimus pituitam minui, intelligendum non eft, minorem pituitæ quam aliorum humorum copiam effe, fed pauciorẽ effe pituitam æstate, quam reliquis anni temporibus. C

### HIPP. SENT. XXXIII.

\* ισχυράτη.

Sanguis porro per autumnũ pauciffimus gignitur in homine; quoniam ficcus eft autumnus, & refrigerare iam hominem incipit. At atra bilis in autumnno plurima, valentiffimaque \* eft.

### GAL. COMMENT.

Superiore contextu dictum erat, sanguinem in autumnno paucum generari, vt qui naturam autumnno contrariam habeat: nos autem quomodo contrariam habeat, edocuimus. Si enim sanguis calidus & humidus eft veri fimiliter, autumnus autem, vt ipfe dixit, ficcus eft, & refrigerare iam hominem incipit: merito autumnus veri contrarius eft, & humorem redundantem sanguini contrarium obtinet ficcum & frigidum. Generatus autem eft talis bona ratione, quod in æstate humores prius adurantur, reliquæ vero adustorum humorum, refincto fcilicet calore, ftatim frigida & ficcæque redduntur: frigida quidem propter calorem extinctum: ficcæ, quod totus ipfius humor, cum affaretur, fit cõsumptus.

Quod madmodum æstate pauca pituita, ita & autumnno pauciffimus gignitur sanguis, qui naturam habet autumnno proisus contrariam. Est enim sanguis calidus



- A** lidus & humidus similiter veri (id est modice calidus & humidus, quemadmodum ver) autumnus vero siccus est, & refrigerare iam hominem incipit. Quibus verbis inæqualem in calore & frigore autumnus intemperiem indicasse videtur, qui neque calidus, neque frigidus vere dici potest, sed mane ac vespere frigidus, meridie autem calidus. Dicitur tamen incipere iam hominem refrigerare, quia refrigeratur iam autumnus aer, qui proxima æstate calidissimus existit. Ut autem autumnus paucissimus gignitur sanguis, ita plurima atra bilis redundat. Ceterum cum atræ bilis appellatio & humori melancholico naturalis, & atræ bili exquisitæ communis sit, merito dubitari possit, de qua atra bile locus iste intelligendus sit. Contendunt multi intelligendum esse de atra bile exquisita, quia licet humor melancholicus naturalis augeatur etiam autumnus, id tamen aiunt tanquam manifestum ab Hippocrate prætermisum. Id confirmant ex generatione atræ bilis exquisitæ, quæ ex flava bile vehementer adusta plerumque gignitur: atqui æstate magna flavæ bilis adustio præcessit, cuius occasione plurima in autumnus atra bilis exquisita gignatur. Faut quoque horum opinioni dictio, valentissima, quæ usus est Hippocrates; quæ sane humori melancholico naturali convenire non potest, sed soli exquisitæ atræ bili, quæ vehementissima est, insignique pollet agendi facultate. Autumnus præterea ab eodem Hippocrate insaluberrimum, & morbis perniciosissimis obnoxium Aph. 9. lib. 3. censeri asserunt, quod exquisita atra bilis in eo redundet. Præstat tamen meo iudicio, de atra bile naturali locum interpretari, quæ cum frigida sit & sicca, autumnus prorsus respondet, cui tamen atra bilis exquisita similis esse non potest, cum sit potestate calidissima. Et quorsum, quævis, hac sola sententia egisset Hippocrates de humore præter naturam redundante in autumnus, cum in aliis anni temporibus tantum docuerit, qui humores secundum naturam augeantur? Sed & quæ in commentario scribit Galenus, atræ bili exquisitæ accommodari nullo pacto possunt. Reddens enim rationem, cur atra bilis autumnus redundet, ad hunc modum scribit, Generatur autem talis bona ratione, quod in æstate humores prius adurantur. Atqui atra bilis exquisita ex humorum, aut (quod idem est) ex sanguinis adustione nequaquam gignitur, sed potius ex bile flava, vel humore melancholico adusto, vel putrefacto: melancholicus autem humor ex sanguinis adustione secundum naturam gignitur, ut alibi dicemus. Explicans præterea quomodo atra bilis autumnus redundans, frigida sit & sicca, ita scribit, Reliquiæ vero adustorum humorum, restincto scilicet calore statim frigida sicque redduntur; frigida quidem, propter calorem extinctum; sicca, quod totus humor, cum assaretur, sit consumptus. At atra bilis, (quam ipse vocat adustorum humorum reliquias) vel actu frigida & sicca dicitur, vel potestate. Actu quidem dici non potest, cum sit potius humida & fluxilis: ergo dicetur talis potestate. Atqui humor melancholicus naturalis potestate frigidus est & siccus, atra vero bilis exquisita potestate est calidissima: ergo de succo melancholico naturali, non de atrabile exquisita locum interpretatur Galenus. Neque refert, quod bilem atram valentissimam dixerit Hippocrates, Græce *ισχυρότατην*, quoniam copiam potius, quam in agendo vehementiam ea dictione significavit; quemadmodum etiam antea *φλέγμα ισχυρόν* dixit, quamvis pituita magna non polleat agendi vi. Adde, quod & humor melancholicus naturalis, alicui frigidus & siccus, valentissimus hoc nomine dici possit, quod graves, diuturnosque morbos creet, ut quartanam, epilepsiam, apoplexiam, & alios eiusmodi. Causa vero insalubritatis autumnus, non est atræ bilis exquisitæ abundantia,



Aphor. 22.  
lib. 3.

dantia, sed inequalis potius intemperies, ut dicemus lib. 1. de temper. Porro A  
quod humor melancholicus naturalis secundum naturam augeatur autumnno,  
non probat Hippocrates aliqua ratione, quia id perspicuum erat ex propria  
utriusque natura. Nam si sanguis (ut ipse dicebat) proinde autumnno pau-  
cissimus gignitur, quia naturam habet autumnno contrariam, certe plurimus gi-  
gnetur melancholicus succus, quod inter omnes humores autumnno is sit maxi-  
me familiaris. Potuisset quoque id ipsum ostendere ex autumnalibus morbis,  
quales potissimum sunt febres quartanæ, & incertæ, lienis tumores, aqua inter-  
cus, epilepsia, melancholia, & alii ex humore melancholico orti, quos alibi  
descripsit.

### HIPP. SENT. XXXV.

\* τυχονισ.

U<sup>m</sup> vero hyems ingruit, bilis refrigerascens\* pauca gigni-  
tur, & pituita rursus augetur, tum a pluuiarum copia, tum à B  
noctium prolixitate.

### GAL. COMMENT.

\* ὅτι μὲν οὖν ἐν  
αἵς ἐπὶ τὴν ὥρην  
ἐκείνην τὸν χυμὸν  
ἀυγίζῃ προϊστέον  
ἐκείνῳ.

Humorem in singulis quattuor anni temporibus præpollentem, vult ipsi tem-  
pori respondere temperamento. Ideoque pituita frigida & humida nominatur  
hyemi similiter: sanguis autem calidus & humidus veri: flauam bilem, calidam  
& siccam esse dicit uti æstatem: & nigram, sicut autumnum, frigidam & siccam.  
Quod igitur dixit, quibus anni temporibus singuli humores augentur, antea pro-  
bauit: nunc autem causam reddit, cur pituita hyeme redundet, ex crebris, inquit,  
pluiis, & noctibus prolixis, eo quod hoc anni tempus humidum sit & frigidum. C  
Humidum igitur esse monstratur pluuiarum copia; frigidum, noctium longitu-  
dine. Nam caloris, quem æstate aër nos ambiens obtinet, sol auctor est, dum  
prope supra verticem nostrum emergit, & diem longiorem efficit. Ita etiam hye-  
me frigiditatis idem auctor est, cum obliquus, humilisque, & breui tēpore supra  
terram fertur. Hippocrates autem vult, animantium corpora pro ambientis nos  
aëris constitutione affici, ita ut siccentur quidem in siccis ipsius temperamentis,  
humectentur autem in humidis; ita vero & incalescant in calidis, refrigerentur  
in frigidis. Si igitur hyems humida & frigida est, bona ratione in ipsa pituita D  
superat, cum sit frigida & humida: id quod etiam prius ipse ostendit. Ratio  
autem ipsi & aliis anni temporibus consentire videtur, nam æstate flaua bilis  
præcellit, quoniam sicca & calida potestate est: vere sanguis, humidus calidusq;  
humor, siquidem & ver calidum esse & humidum prædicauit: in autumnno au-  
tem atra bilis, quæ frigida & sicca est, temporis respondens. Proinde\* non exi-  
gua quæstio de veris temperamento oritur, quomodo calidum & humidum dica-  
tur: quam cum tractarem, ostendi melius esse temperatum ipsum dicere. Qua  
ratione constat, et sanguinem non calidum et humidum, sed temperatum appel-  
lari. Præterea maior adhuc quæstio erit, ab interpretibus libri ommissa, nempe de  
pituita,

\* τυχονισ.



- A** pituita, quæ humida quidem & frigida consistentia est, sed in hyeme generatur. Cur autem dixerim non exiguam fore quæstionem, iam tibi aperiam. Hippocrates ipse in aphorismis inquit, Ventres hyeme & vere natura calidissimi sunt, & somni longissimi, itaque per ea tempora cibi liberalius dari debent, calor enim natiui copia magna inest, ut cibus proinde plenior requiratur: argumento ætates sunt, & athletæ. Et iterum, Aestate, & autumno cibos ferunt difficilime, hyeme facillime, mox vere. Si igitur hæc sunt vera, & pituitam, frigidum humorem, non temperatum nouimus quemadmodum sanguinem, quomodo in hyeme copiosior generabitur? Conueniebat enim ex alimento probe concocto sanguinem potius generari quam pituitam. Quæ igitur dubitationis solutio? Meo quidem iudicio, ventres hyeme calidissimi sunt naturali calore, hoc est temperatissimi; particula autem corporis refrigeratur magis in hyeme: quibusdam & venter ipse ex itinere, aut vestium penuria, aut studiorum genere, aut huiusmodi aliquo. Penetrat igitur omnis <sup>\* ἀποδο.</sup> ambientis aeris frigiditas in corpus quam penitissime, quibusdam etiam vsque ad ventris regiones, ut expositum est. Quare licet in ventriculo cibi assumpti probe concocti sint, certe in iecinore dum mutantur non exactum sanguificationis ornamentum <sup>καὶ μὲν</sup> recipiunt, sed aliqua ipsius parte frustrantur. Insuper minus multo totius corporis venæ ipsum transmutant refrigeratæ. Accedit huc etiam copia ciborum qui hyeme offeruntur, qualitatibus simul pituitosiores. Nam legumina hyeme multa comedunt, panisque multo amplius quam in aliis anni temporibus, similaginem, placentas seu liba, quæ Græci rhyemata vocant, oleras, rapas satiuas, carnesq; multas; quasdam ex his manifesto pituitosas, scilicet ouillas; quasdam, nisi probe conficiantur, ut aprorum, <sup>ἔω.</sup> et præsertim porcorum. <sup>χοίρων.</sup> Item bulbis, cochleis, caseo, aliisque hoc genus multis per totam hyemem vescuntur, quæ facile in pituitam transeunt. Quinetiam bibunt complures vinum recēs, quod et ipsum pituitæ generandæ idoneum est. Quare his de causis pituita hyeme redundat.

- D** Ad hyemē, à qua inchoauerat, tandem reuertitur, docetque bilem refrigerascentem paucam in ea gigni, & pituitā rursus augeri. Bilem refrigerascentem putant aliqui esse bilem potestate frigidam, qualis est atra bilis naturalis, quæ, cum plurima genita sit præcedente autumno, accedente hyeme pauca merito gignetur. Ego tamen flauam, non atram, bilem intelligo, ut constat ex Hippocratis instituto. Neque enim tantum instituit docere, qui humores quibus anni temporibus augeantur, verum etiam, qui minuantur. Atqui ut humores illi augeantur, qui sunt temporibus familiares; ita qui sunt contrarij, necessario minuuntur. Quemadmodum ergo antea docuit, æstate pituitam imbecilliolem esse seipsa, quia æstati contraria est, & autumno paucissimum gigni sanguinem, quia naturam habet autumno contrariam: ita & nunc oportebat docere, humorem cum hyeme decrefcere, qui temperamento hyemis aduersatur. Aduersatur autem hyemi flaua bilis, quæ sicca & calida simul est; non autem atra bilis, quæ frigiditate



gigiditate cum hyeme conuenit. Præterea bilis simpliciter dicta citra adiectionē A  
coloris, Hippocrati ceterisq; Græcis pallidam, aut flauam bilem semper signi-  
ficat, vt antea annotatum iam est: atqui nunc Hippocrates bilis nomine vsus est  
citra coloris adiectionem: ergo pallidam intellexit, aut flauam. Neque vero  
bilis refrigerascēs dicitur, quod sit potestate frigida, sed potius quod acceden-  
te hyeme refrigeretur: vox enim illa refrigerascens passionem potius quam  
actionem grammaticis significat: quod etiam indicat vox Græca *ψυχραίνω*. Do-  
cet secundo, pituitam hyeme augeri ob pluiiarum copiam, & noctium proli-  
xitate: quasi dicat, pituitam humidam & frigidam, hyeme frigida etiā & hu-  
mida secundum naturam augeri: est enim ob pluiiarum copiam humida hyems,  
frigida vero ob noctium longitudinem. Siquidem vt caloris, qui æstate viget,  
auctor est sol, dum fere supra verticem fertur, & diem efficit longiorem; ita &  
hyemis frigiditas referenda est ad solem, qui obliquus, & humilis, & breui tem- B  
pore fertur supra nostrum hemisphærium. Vnde colligimus, ex pluiiarum co-  
pia vel defectu, & solis accessu vel recessu, expendendam esse in anni temporibus  
propriam temperiē. In vniuersum enim ex pluiiarum copia humida fit consti-  
tutio, sicca vero ex earundem inopia. Rursus constitutio calida fit ex accessu so-  
lis, & recto ipsius motu; frigida autem ex solis recessu, & motu obliquo. Gale-  
nus in commentario difficilem tractat quæstionem, an hyeme augeri potius de-  
beat sanguis quam pituita: videtur enim Hippocrates contraria de hac re do-  
cuisse. Nunc enim, & sententia trigesima prima manifesto docuit augeri pi-  
tuitam, vtpote quæ hyemi temperamento respondeat: at in aphorismis sangui-  
nem potius augeri voluit, dum ait, Ventres hyeme, & vere natura calidissimi  
sunt, & somni longissimi: quo fit, vt copiosius indigeant alimento, quia plus  
insiti caloris habent. Et rursus, Aestate & autumno cibi copiam ferunt difficili-  
me, hyeme facillime, vere minus. Nam si ventres hyeme natura calidissimi sunt,  
calor autem insitus concoctionis est instrumentum, perfectissima fiet hyeme  
concoctio ciborum, cuius soboles sanguis est: non pituita, quæ imbecillam cō-  
coctionem sequitur. Hanc igitur quæstionem dissoluit Galenus, subobscurè ta-  
men. Quare vt quæ à Galeno dicuntur facilius intelligi possint, aduertere o-  
portet, corpora nostra & per se, & ex accidenti ab hyeme affici posse, diuersasq;  
esse, immo contrarias, huiusmodi mutationes. Per se namque refrigerantur cor-  
pora hyeme, quæ humida & frigida est; ex accidenti tamen calfiunt, calore per  
antiperistasin ad interna reuocato. Qui igitur sibi non cauent ab externi aëris  
frigore, hi sane non solum corporis habitu, sed etiam cavitatibus, & internis vi-  
sceribus perfrigerari solent; atque id est quod inquit Galenus, quibusdam hye-  
me refrigerari ventrem, ex itinere, aut vestium penuria, aut studiorum genere. D  
His nāq; ambientis aeris frigiditas in corpus quā penitissime penetrat, refrige-  
ratoq; vētriculo, iecinore, & venis, & vniuerso corporis habitu, læsisq; proinde  
tribus concoctionibus, pituita his omnibus hyeme abūdat. Qui vero ab externi  
aeris iniuriis se tutos seruant, neq; hyemis vim sentiūt, neq; perfrigerantur, aut  
saltē refrigerantur tantū extrema cute: quo fit, vt calore ad interna lugato, & vi-  
scera interna, & ventres magis calfiāt. Concoquūt igitur optime ob copiam nati-  
ui caloris assumpta alimenta, non solum in ventriculo, verum etiam in hepate  
& venis, & vtilem potius sanguinem colligunt, quam redundantem pituitam.  
Quinetiam solæ corporis partes perfrigerantur interdum hyeme, cavitates au-  
tem solæ calfiunt: quo tempore in iecinore & venis & vniuerso corporis habi-  
tu pituita redundabit; in ventriculo autem ob caloris copiam optima fiet cibo-  
rum

1. aphor. 15.

1. aphor. 18.



**A**rum concoctio. Ex his facile profligatur proposita quaestio, nam si propriam hyemis naturam expendas, quae per se corpus refrigerat & humectat, certissimum est pituitam hyeme augeri: quod dixit hoc libro Hippocrates. At in aphorismis, expendens potius quod ex accidenti contingit iis qui externi aeris vim nequaquam experiuntur, verissime quoque docuit, copiosiora alimenta facilius superari hyeme: unde sequitur, augeri potius sanguinem. Ceterum praeter frigidam & humidam intemperiem, quae causa efficiens est, alteram causam materialem (ut vocant) adiungit, quae magni quoque momenti est ad reducantem pituitam hyeme gignendam. Haec autem causa est copia ciborum pituitosorum, aut frequens ipsorum usus. Vescuntur enim homines hyeme pane copiosiore, leguminibus multis, oleribus, rapis, carne suilla recenti, cochleis, caseo, & iis quae Graeci rhyemata vocant. Sunt autem rhyemata, ut testatur Galenus, praestantiora iuniorum genera; nam quae deteriora sunt, lagana potius appellantur. Lib. 1. de alim. fac. cap. 4.

**B** Praeterea potus vini recentis, quo nonnulli utuntur hyeme, ad pituitam augendam non parum conducit. Ex quibus tandem colligimus, pituitam in his hyeme augeri, qui internis visceribus perfrigerantur, aut qui pituitosis eduliis, aut nimis aut frequenter vescuntur: contra vero in his hyeme augeri sanguinem, quibus interna viscera per antiperistasin calfiunt, aut qui optimam servare student victus rationem. Alteram quaestionem de temperie veris & sanguinis, quam Galenus hoc commentario attingit, lib. de temper. explicabimus.

## HIP P. SENT. XXXVI.

**C**HAbet igitur corpus humanum haec omnia perpetuo, temporis autem anni circumacti ratione, nunc magis augefcunt, nunc imminuuntur singula ipsorum, secundum partem, & secundum naturam.

## G A L. C O M M E N T.

**D**Omnia, inquit, commemorata, hoc est quattuor humores, corpus humanum toto vitae curriculo obtinet: id enim significat ipsi τὰ ἀειδα, id est perpetuo. Augescunt autem, inaniunturque haec, prout anni tempora mutantur: nam temporis anni circumacti ratione, idem significat quod transmigrantis, id est mutati, & in aliud quoddam sibi proximum transeuntis. Porro quod augescere haec & diminui secundum partem, & secundum naturam dicit, nonnulli quidem secundum partem intelligunt de corporis partibus esse dictum: nonnulli vero, ei quod secundum naturam dixit, contrarium. Ut oratio sit talis, quattuor humores comprehenso humanum corpus semper obtinet, copiosiores autem & pauciores pro anni partibus, et pro natura. Quod si mutata oratione dicas, sensum habebit tum utilem, tum verum, nam humorum copia secundum anni tempora variat, si annus secundum naturam dispensetur: et secundum totius anni partes, etiam si non secundum naturam gubernetur, humores quantitate differunt. Licet etiam de anni temporibus partes inaudire.

Perspicua



Perspicua est auctoris sententia, utpote quæ superiorum sit epilodus. Illud A tantum continet difficile, quod ad finem scriptum est, Secundum partē, & secundum naturam: cuius loci tres adfert interpretationes Galenus. In prima illud Secundum partem refert ad partes corporis, quasi velit quattuor humores augeri & imminui pro diuersa partium corporis temperie: quod certe verissimum est. Nam in ventriculo frigido abundat pituita, in calido nequaquam: & in iecore calido augetur bilis, in frigido autem paucissima gignitur. Altera vero pars, Secundum naturam, & de propria temporum anni, & vniuscuiusq; humoris natura apte intelligi potest: neque enim id explicauit Galenus. Proposuit vero his verbis hanc primam interpretationem, Vt oratio sit talis, quattuor humores comprehensos humanum corpus semper obtinet, copiosiores autem, & pauciores, pro anni partibus, & pro natura. Quo loco suspicor, in Græco etiam B exemplari mendam iubeffe, & pro τοῦ ἔνιαυτοῦ, id est anni, legendum esse τοῦ σώματος, id est corporis. Si enim illud Secundum partem retulit ad partes corporis, quomodo quæso harum non meminit, sed tantum partium anni? In altera interpretatione Secundum partem contrarium facit ei quod est Secundum naturam; ut sit is sensus, Per anni tempora augentur & minuuntur humores; secundum naturam quidem, si totus annus secundum naturam dispensetur; secundum partem vero, si præter naturam se habuerit. Nā si hyems frigida sit & humida, augebitur pituita: si frigida & sicca, atra bilis potius augebitur. Quæ sane interpretatio utilis est, licet videatur aliquantulum violenta. Tertia interpretatio est omnium facilima, in qua illud Secundum partem refert ad partes anni, illud vero Secundum naturam, quo referri debeat, non docet. Quod si referatur ad propriam cuiusque humoris naturam, is erit sensus, Augentur & minuuntur humores, & secundum anni tempora, & secundum propriam naturā, C quæ anni temporibus respondeat, vel aduersetur. Aliam interpretationem à superioribus omnino distinctam commentus est Eustathius Quercetanus. Putat enim Hippocratem his verbis docere, humores augeri ac decrefcere per temporum vicissitudines; ita ut & pristinum modum superent, aut infra eum consistant; & nonnumquam illum etiam excedant, qui esse cuiq; salubris solet. Illud, inquit, innuit Hippocrates vocibus κατὰ μέγεθος hoc vero indicat sub verbis κατὰ φύσιν. Atqui hæc interpretatio violentissima profecto mihi videtur: quomodo enim violentum non sit, secundum partem interpretari, supra, aut infra pristinam humorum mensuram; Secundum naturam vero, supra propriam cuiusque corporis naturam? Sed & grauius adhuc peccat, quod iuxta hunc sensum Hippocratis sententiam pessime conuertat, nimia licentia vsus.

## HIPPOCRATIS SENTENTIA XXXVII.

QVe madmodum enim totus annus particeps est omniū, & calidi, & frigidi, & sicci, & humidus; neque enim in hoc quidquā vlllo tempore consisteret sine omnibus quæ in hoc mundo insunt: verum si vnum aliquod deficiat, omnia simul abolebuntur; nam omnia ab eadem necessitate constituta sunt, & à se mutuo aluntur.

## GAL. COMMENT.

Calidum, frigidum, siccum, & humidum, non quod secundum excellentiam nomina



nominatur, consideraturque, sed elementare intelligens, etiam in proposita oratione indicauit, ubi inquit, annum vniuersum omnium esse participem. Quippe non eorum omnium quæ per excellentiã dicuntur, vniuersus annus cõpos est, sed elementorum; tota quidem hyems humidi & frigidi: æstas contrariorum, sicci & calidi: autumnus frigidi & sicci. Præterea manifestius hoc innuit, cum diceret, corrumpenda etiam alia, si vnum ex ipsis interierit. Etenim cum vnum ex elementis perit, id quod ex ipsis compositum est corruptũ iri vera est oratio; cum ex iis quæ secundum excellentiam nominantur, falsa. Quippe contrarium ipsum verum est, cum aliquid ex illis perit quæ ex dominio appellationem sortiuntur, oppositum ipsi conseruari; cum enim æstas non est, hyems est: cum hyems non est, æstas est: cum ver abest, autumnus est: cum autumnus non est, ver est. At si omnino calidum elementum perierit, humidum quidem concrescet, quoniam non amplius calidum est. Sin autem sol omnino interit, nulla plãta, neque animal relinquetur. Eadem ratione si frigidum elementum pereat, omnia ignis erunt: & si siccum, aqua erunt omnia: atque sic vniuersa in mundo generata corpora corrumpentur. Idcirco dixit, elementaria in ipso corpora ex se inuicem nutriri: nã exactum elementum intelligitur magis quam sit; quod vero cũ illo propemodum idem est, vnum aliquod est ex eorum numero quæ subsistunt. Si igitur absolute humidam frigidamque aquam fieri cogites, non aqua adhuc seruetur, quippe statim concrescet, subsistet, & fluere cessabit. Item si terram simili modo adamussim siccam frigidamque; consideraueris, durius adamante tale corpus erit. Atque si eiusmodi euaserit, stirpiũ generatio desinet; ubi autem hæc desierit, etiam animalium nutrimentum abolebitur; & si hoc, nimirum ipsa etiam animantia. Cum igitur elementum secundum excellentiam intelligitur siccum & frigidũ, & terra quæ in mundo est, siccum esse & frigidum corpus dicitur, & aqua humidum. Verum ignis ipse cuiusdam aëriæ etiam substantiæ, sicut & fumosæ particeps est; quin & humiditatis ad nutritionem manifesto indiget, sicut in lucernis flammæ ostendunt. Quapropter mundi elementa alimentum ex se mutuo obtinent, atque ideo Plato quoque dixit, Idem enim, vt sibi alimentum suum & corruptionem exhibeat, ac omnia in se, & à se, tum patiatur, tum agat, artificiosè fabricatum est.

Absoluta disputatione de communibus & propriis elementis, vtraque comparat inter sese, duplicemque inter ipsa similitudinem inueniri docet. In eo imprimis conueniunt, quod quemadmodum totus annus particeps est calidi, frigidi, sicci, & humidi, ita vt si aliquod ex his deficiat, necessarium sit omnia quæ in mundo sunt aboleri: sic quoque corpus hominis & aliorum animalium sanguine præditorum, quattuor humores ita perpetuo continet, vt si aliquis horum deficiat, necesse sit hominem interire. Colligit rursus ex hac sententia Galenus, nomine calidi, frigidi, sicci, & humidi, intellexisse Hippocratem com-



munia mundi elementa, non autem ea quæ dicuntur talia per exuperantiam. **A**  
 Quippe dixit Hippocrates, totum annum, calidi, frigidi, humidi, & sicci, partem esse: at annus non dicitur particeps humorum, & partium similarium; sed potius ignis, aeris, aquæ, & terræ, ex quorum qualitatibus anni tempora constituuntur. Dixit præterea, si calidum, vel frigidum, vel humidum, vel siccum defecerit, omnia quæ in mundo sunt, necessario corrumpi: at deficiente parte aliqua simili, aut aliquo humore, interire quidem possunt animalia, non tamen proinde peribunt omnia quæ in mundo reperiuntur. Vnde patet, nomine calidi, frigidi, sicci, & humidi, communia mundi elementa intelligi oportere: de quorum necessario usu agit Hippocrates in præsentia, omnia, dicens, ab eadem necessitate constituta esse, & à se mutuo ali. Constituta quidem sunt ab eadem necessitate, quia ob communem quæ præbent usum, necessaria omnino sunt ad mundi conseruationem. **B**  
 Usus autem est, ut contrariis qualitatibus se inuicem temperent, quibus agentibus & patientibus mixtio sit, ad compositorum corporum generationem necessaria. Atqui deficiente aliquo elemento mixtio simul è medio tollitur, quia elementum deficienti contrarium integras vires seruabit. Si namque, ut Galenus ait, calidum elementum omnino perierit, elementum humidum, nempe aqua, à summa frigiditate, quæ pereunte calido remanebit, necessario concresecet. Sin autem, inquit, sol omnino interit, nulla planta, neque animal relinquetur. Sed quorsum agit de sole, cum de communi quattuor elementorum usu sermo sit institutus? Nūquid sol e numero elementorum est, ut videtur afferere, qui igneum elementum negant? Ceterum culpa interpretis nata est hæc difficultas, qui locum hunc male transtulit, qui Græce sic habet, ἀπολείται δὲ πάντα τὰ πασι κοινὰ, ὅθεν δὲ ὅτι φύσιν, ὅτι ζωὴν ὑπολείφθῃσεται, id est, auferetur autem omnino etiam sol, vnde nulla planta, neque animal relinquetur. Quasi velit Galenus, pereunte elemento calido, nempe igne, non solum aquam concresecere, sed auferri etiam solem; eoque sublato auferri simul plantas & animalia; utpote quæ ad sui generationem, & conseruationem, viuifico solis calore indigeant. Quod si pereunte igne auferatur sol, sentit haud dubie Galenus, solem non secus ac corpora hæc inferiora ex quattuor elementis constare: de qua re inter philosophos est quaestio. Neque tantum auferatur mixtio pereunte elemento calido, sed alio quocunque deficiente necessario aboletur. Si enim frigidum elementum pereat, omnia ignis erunt: & si pereat elementum siccum, aqua erunt omnia; proptereaque vniuersa quæ in mundo sunt corpora corrumpentur. Sed præter hunc usum communem, quem solum attigerunt Hippocrates & Galenus, alios peculiare singula elementa mixtis corporibus, potissimumque animalibus, priuatim exhibent. **D**  
 Calidi elementi multiplex est usus, id namque generationis, auctoris, & nutritionis auctor cæsetur: atque, ut vno verbo dicam, præcipuum instrumentum est omnium fere actionum naturæ, quarum beneficio vivimus. Frigidi elementi iidem fere sunt usus ad exercendas naturæ actiones: nisi quod calidum per se agit, frigidum vero ex accidenti. Neque enim frigidum alicuius actionis naturæ organum est, immo plerisque naturæ actionibus, veluti concoctioni & assimilationi, aduersatur. Ex accidente tamen naturæ actiones iuuare dicitur, quatenus scilicet calidum temperat, ac retundit. Quo fit, ut innatum calidum, cui naturæ actiones debentur, simplex calidum non sit, sed frigidum temperatum. Cum primum vero ab hac temperie calidum recesserit, idoneum naturæ organum amplius non est, ut in febrientibus experimur. Ad hæc elementum frigidum in causa est, ut calidum aliquando à suo motu quiescens,



A scens, feratur ad interna, fruaturque nutrimento sibi à natura præparato, ut in plures annos animalia durare possint. Alioqui enim insito sibi motu ferretur perpetuo in sublime, & perpetuum efficeret triplicis substantiæ effluuiū. Iam vero elementum humidum in prima statim animalis formatione insignem præstat vsum, ut actiones, alterationesque a calido provenientes in subiectam materiam facile suscipiantur: quod sane humidi propriū est, ut recte docuit Aristoteles, humidum definiens id esse, quod alienam figuram facile admittit. Præterea vinculum est, ac veluti gluten, quo diuersorum elementorum substantiæ uniuntur: neque enim humidum primogenium aqueum est dumtaxat, verum etiam aëreum, ac propterea pingue. Est quoque pabulum, ac veluti nutrimentum calido innato præparatum, non secus ac externæ flammæ oleū, cera, aut seuum. Tandem elementi sicci triplex est vsus, in prima enim formatione id præstat, ut alterationes quæ proficiscuntur à calido, in subiecta materia retineantur, diutissimeque durent: quod sicci proprium est. Efficit deinde, ut generationis nostræ principia sensim exsiccantur, ne scilicet præ nimia humiditate inepta essent ad partium potissimum solidarum formationem. Cum vero duplex sit elementū siccum, igneum, & terreum, illi potissimum debetur principiorum exsiccatio: tum quia oportebat humida remanere principia, cum potissimum quia ignis præter quā quod siccat, agilitatem quoque actionibus præbet. Postremo siccum elementum terreum, solidam substantiam tribuit, ex qua vna cum spirituosā & humida singulæ animalium partes constituuntur. Quæ cum ita sint, manifesto liquet quattuor elementa ad mundi conseruationem esse necessaria. Sed & mutuam operam sibi inuicem præstare videntur, quoniā, ut inquit Hippocrates, à se mutuo aluntur. At cum solis viuentibus vera conueniat nutritio, eo tantum nomine dicentur elementa nutriri, quod in se inuicem transmutentur: quo etiā pacto Plato & Aristoteles nutritionem elementis in Timæo. concesserunt. Quod si à se inuicem elementa aluntur, recte Galenus colligit, Lib. 2. de ort. & inter. cap. 8. pura ac sincera elementa mente potius concipi, quam reuera dari. Sunt igitur, quæ nunc in mundo sunt, ignis, aer, aqua, & terra, sibi quidem inuicem permixta; eadem tamen cum veris purisque elementis nomina seruāt, quia videntur adhuc veterem illam purorum elementorum formam retinere. Quod accuratius explicauit lib. 1. de elem. sic scribens, Sunt enim hæc omnia quasi adulterata, & aliis mista quæ sunt diuersi generis, semperque alterum alterius tum magis tum minus particeps est; ut tamen in missione ipsa illius (si quis animum intendat) forma appareat, quod alia excedit. Et lib. 1. de simp. medi. fac. cum docuisset aquam puram dignoscendam esse gustu, visu, & olfactu, explicans quid per sinceram aquam intelligere oporteat, ita habet, Igitur aqua, quæ absque his est omnibus, ut ad naturam certe, ne ipsa quidem adamussim sincera fuerit, sicut nec aliud vllum ex quattuor elementis; sed ut ad seculum & vsum sincera est. Sed & hoc commentario probat exemplo aquæ & terræ, pura elementa nullum vsum mundo præbere posse. Nam pura sinceraque aqua à summa frigiditate necessario concrederet, essetque proinde ad nostros vsus prorsus inutilis. At quæ nunc reperitur in vniuerso, & ad irrigandā terram, & ad animalium potum, & ad balnea, vtilissima, immo necessaria censetur. Similiter terra, si purum elementum esset, ob summā frigiditatem & siccitatē durior esset quouis adamante; talis vero ad plantarum generationem ineptissima fuisset: quibus è medio sublatis, ob nutrimenti defectū animalia periissent. Nec mirum videri debet, si terra & aqua impura elementa sint, & aliis mixta; cum & ipsæ, qui

Lib. 2. de ort. & inter. cap. 2.

in Timæo. Lib. 2. de ort. & inter. cap. 8.

Cap. 5.

Cap. 5.



qui ceteris purior videtur, aliorum quoque elementorum sit particeps. Cur enim flamma (quod in cucurbitulis fieri experimur) cum primū externi aeris commercio priuata fuerit, extinguitur, nisi quod aëre participet? Fumosa itidem vtilagines, quae conspiciuntur lucernis extinctis, flammam terrae participem esse certissime demonstrat. Iam vero quod flamma humiditate aërea simul & aquea ad sui nutritionem indigeat, candelae accensae & lucernae manifesto ostendunt; in quibus absumpto oleo, cera, aut seuo, flamma promptissime extinguitur. Quae cum ita se habeant, nescio profecto qua ratione ducti nostri philosophi, pura impermistaque elementa in suis locis naturalibus seruari contendant; aut quem usum otiosis istis & fictitiis elementis tribuere possint. Nullus igitur sub concavo lunae purus est ignis, sed solus iste qui nobiscum est, quemque antea diximus aliorum esse participem, mundi est elementum: ut recte inter alios sentit Cardanus, quem sane immerito Iulius Scaliger, & Ioannes Argenterius hoc nomine reprehendunt. Non tamen propterea negauerim, vtilissimum esse, immo necessarium, de elementis disputare, quasi integra sint, & nullo pacto adulterata, ut propriam singulorum naturam, nativasque vires assequamur: quod veteres omnes philosophos fecisse constat.

## HIPPOCRATIS SENTENTIA XXXVIII.

**I**ta etiam, si aliquod ex his cognatis in homine deficiat, non utique poterit viuere.

## GAL. COMMENT.

\* τοῦ αἵματος.

Cognata vocauit sanguinem, pituitam, & utramque bilem, quandoquidem primam conformationem habuit conceptum \* ex materno sanguine omnium particeps, item augmentum, alimentumque similiter. Si igitur omnino e corpore nostro vel humidum, vel siccum, vel calidum, vel frigidum interit, statim humores corrumpentur, qui per excellentiam, non sincere, neque exacte sunt humidi, sicci, calidi, & frigidi. Nam pituitam humidam & frigidam esse dicimus, non ceu contrariorum expertem, sed veluti ab his superatam. Et si frigida exacte esset solum, glaciei modo concresceret; sicut etiam si humida ad amussim esset, non haberet crassitiem, neque viscositatem. Eadem ratione dicitur & de utraque bile; nam flaua, sicca; nigra, sicca & terrestris esse dicitur; humiditatis etiam nimirum particeps: alioqui non esset humor, sed solidum corpus, ut adamas. Sic autem & frigida dicitur, quod plus in ea frigiditatis quam caloris existat, nam si exacte esset frigida, glaciei instar concresceret. Sed quid opus est de his verba facere, cum ipse sanguis, qui videtur temperatissimus, talis dicatur, quod nihil in ipso contrariorum inter se admodum prepolleat, neque calidum frigido, neque frigidum calido, neque humidum sicco, neque siccum humido? Quoniam igitur & sanguis ipse quattuor indiget qualitatibus, humiditate, siccitate, caliditate, et frigiditate; constat omnibus, aliorum quoque humorum mixturem ipsum



A sum requirere. Atque ob id temperatissimus sanguis particeps erit & pituitæ, & bilis flauæ, & atræ. Iam vero est quædam alia ratio naturalis, non parum ad probandum efficax, qua humores quattuor ad mores idoneos generandos vtiliter demonstrantur. Verum prius ostendisse in ipsa conueniebat, animi mores corporis temperaturam sequi: de quo nos etiam alibi scripsimus. Itaque hoc statuto acrimonia animi & prudentia ex bilioso humore proficiscitur: constantia vero & firmitas ex melancholico: simplicitas autem & stoliditas ex sanguine: pituita vero natura ad mores fingendos inutilis. Necessariam vero ex prima ciborum mutatione generationem habere videtur.

B Communium elementorum vsum antea docuerat, nunc autem proponit vsum elementorum propriorum, nempe quattuor humorum, quos vocat hoc loco (quemadmodum etiam sententia vigesima sexta) homini cognata, quoniam ex illis homo gignitur, augetur, & toto vitæ tempore nutritur. Atqui vfu conuenire videntur vtraque elementa. Nam vt communia ita sunt necessaria ad mundi conseruationem, vt ipsorum aliquo deficiente, omnia quæ in mundo sunt, aboleantur: ita quoque elementa propria ad hominis conseruationem sic sunt necessaria, vt si ipsorum aliquod deficiat, hominem interire sit necesse. Hinc intelligimus, nunquam voluisse Hippocratem, vnum aliquem humorem in purgationibus immodicis omnino euacuari, vt annotatum iam est coin. 29. Porro quattuor humores duplicem præbent vsum, communem, & proprium. Communis quidem est, vt se inuicem temperet mutua contrariarum qualitatum actione, sicque temperati misceantur. Alioquin enim si integras seruarent vires, neque ad constituendam massam, neque ad partes nutriendas conducerent: nedum si summas obtinerent qualitates, vt prima elementa. Quippe si pituita summe esset frigida, necessario concresceret: si vero esset summe humida, nullam haberet crassitiem. Et atra bilis si summam siccitatem haberet, esset profecto solidissimum corpus potius quam humor. Quare pituita frigida dicitur & humida, quia hæ qualitates in pituita præpollent, etiam si aliarum sit particeps. Idem dicendum de vtraque bile. Immo & sanguis ipse, qui temperatissimus videtur, talis dicitur, non quod contrariarum qualitatum sit expers, sed quod nulla in sanguine qualitas admodum præpollcat.

C Quibus verbis videtur significasse Galenus, exiguum aliquem qualitatum excessum reuera in sanguine reperiri: quod sane verissimum est, quia modice calidus & humidus est, vt alibi dicemus. Ceterum quamuis quattuor humores qualitates remissas habeant, vtpote qui ex primis elementis per se tota temperatis gignantur; noua tamen sui ipsorum temperatione, & per se totos missione indigent, ne eorum aliquo deficiente totius sanguinis constitutio aboleretur. Sed præter hunc vsum communem, alios priuatim singuli humores præbent, dum proprias substantias & qualitates sanguini impertuntur. Pituita namque frigiditatem sanguini tribuit, quemadmodum caliditatem vna cum substantiæ tenuitate, bilis: & humor melancholicus soliditatem ac crassitiem. Atqui hæc partium varietas in sanguine ad diuersarum corporis partium generationem & nutritionem erat omnino necessaria, quemadmodum etiam ad morum varietatem insignem, quæ in ipsis hominibus obseruatur. Quippe cum partes quædam calidæ sint, aliæ frigidæ, aliæ molles, aliæ duræ; oportebat profecto, ex partibus calidis, frigidis, humidis, ac siccis



Lib. 1. contro.  
cap. 15.

constitui sanguinem; utpote qui generationis nostræ sit principium, & commun-  
ne omnium partium nutrimentum: ut scilicet gignendis partibus idonea ma-  
teria, nutriendis vero familiare alimentum suppeteret. Atque id est quod in-  
nuit Galenus in commentario, cum sanguinem ait aliorum quoque humorum  
mixturem requirere, quia quattuor qualitatibus (exuperantibus scilicet) indi-  
get, caliditate, frigiditate, humiditate, & siccitate. Vnde recte colligit, ob id  
temperatissimum sanguinem pituitæ & utriusque bilis esse participem. Sed du-  
bium est, quem sanguinem dicat esse temperatissimum, an quartum humorem,  
an potius ex quattuor humoribus constitutum. Hunc putat Vallesius tempera-  
tissimum dici hoc loco, quoniam is particeps est pituitæ & utriusque bilis, à  
quibus tamen omnino distinctus est sanguis quartus humor. Monstrat tamē di-  
ctionis series, & Galeni institutum, locum potius de quarto humore intelligē-  
dum esse. Instituerat enim in præsentia docere, sanguinem quartum humorem,  
quem paulo antea temperatissimum esse dixerat, reliquorū humorum mixture-  
nem postulare, quia ob corporis partium diuersitatem quattuor qualitatibus  
indiget. Indiguit quoque sanguis aliorum humorum mixture, propter diuersi-  
tatem morum, quæ non aliunde magis pendere videtur, quam ex diuersa natu-  
ra humoris in sanguine præpollentis. Cuius rei causa ut intelligatur, postulan-  
dum est id de quo peculiarem librum conscripsit Galenus, quod scilicet animi  
mores sequantur corporis temperiem: quod tamen de inñtis, non de adquisi-  
tis moribus intelligere oportet. Voco autem inñtos mores, propensione quæ-  
dam singulis hominibus congenitas, à quibus ad rem aliquam vel amore, vel  
odio prosequendam veluti incitantur. Quibus sane non raro contrarii sunt,  
qui studio, consuetudine, aut alia quapiam ratione acquisiti sunt mores. Sic  
enim Socratem ferunt, cum esset ex sua natura in uenerem procliuus, philoso-  
phiæ studio continentissimum euasisse. Sequuntur autem merito corporis tem-  
periem inñti mores, quoniam ex actionibus, seu pathemathis facultatis irasci-  
bilis & concupiscibilis potissimum expenduntur; quarum altera in corde, al-  
tera vero in iecore sedem habet. Sed & ex animæ actionibus mores colligun-  
tur, ut indicat prudentia, quæ ad rationem haud dubie pertinet. Quo fit, ut  
non solum cordis & iecoris temperiem mores sequantur, verum etiam tempe-  
riem cerebri, quod animæ est sedes. Quamuis enim rationalis anima separabi-  
lis à corpore sit, & immortalis, negari tamen non potest, quin ipsi, dum in cor-  
pore veluti in ergastulo quodam detinetur, cerebri temperies ad suas actiones  
exercendas usum aliquem præbeat. Non tamē licet ex iis quæ dicta sunt impie  
colligere, neque supplicio vicia, neque virtutes præmio dignas esse, quasi non li-  
bere, sed solo naturæ impetu boni simus, aut mali. Quippe cum ratio, non secus  
ac regina quædam, subditis sensibus præsit, præsit itidem irascibili & con-  
cupiscibili, veluti auriga equis: liberum est cuique, & bona amplecti, &  
mala vitare. Hoc itaque semel statuto, quod animi mores corporis tempe-  
riem sequantur, facile intelligitur, quomodo ex diuersitate humorum na-  
scatur morum varietas, cum pro diuersa corporis temperie varii humores re-  
dundare soleant. Qui autem mores ex quibus humoribus nascantur, breuissime  
nunc Galenus explicat, à bile exorsus. Acrimonia, inquit, animi, & pru-  
dentia, ex bilioso humore proficiscitur: quod plane tum cerebro, in  
quo animæ actiones vigent; tum spiritibus animalibus, qui earum actionum  
instrumenta censentur, acceptum referri debet. Nam quibus sanguis bilio-  
sus fuerit, his cerebrum in suo genere calidum erit & siccum; caliditas  
vero



**A** vero temperamenti, ac potissimum quæ siccitatem coniunctam habet, omnibus animæ actionibus agilitatem quandam, & promptitudinem tribuit. Adhæc cerebri bilioso sanguine nutriti substantia, subtilior, tenuiorq; necessario euadit: at tenuitas (si Galeno credimus) non secus ingenium acuit, ac hebetare solet cerebri crassities. Id quod significauit etiam Aristoteles, dicēs tenuiorem sanguinem sentiendi ac intelligendi vim maiorem habere, crassiorem vero roboris potius esse causam; vt in tauris experimur. Prætera ex sanguine bilioso ac tenui splendidiore gignuntur spiritus, & magis ætherei, qui sane ad ingenii acrimoniam plurimum facere videntur. Hinc ortum habuit verissimum illud Heracliti dictum, Splendor siccus, animus sapientissimus: & dogma Stoicorum, naturæ spiritum frigidiorē & humidiorē, spiritum vero animæ calidiorē & sicciorē statuentium. Ab eisdem quoque causis fit, vt biliosus humor prudentiam gignat; si tamen vera prudentia sit quæ in biliosis inuenitur, quibus sane, vtpote ingenio mobilibus & inconstantibus, calliditas seu vafrities potius quam prudentia familiaris esse solet. Quod indicat etiam Græca dictio *συνετός*, qua vitur Galenus, quæ callidum potius, & astutum significat, quam prudentem. Ex melancholico humore docet nasci firmitatem & constantiam, ob solidiorem scilicet partium substantiam, quæ sanguine melancholico nutriuntur. Vnde fit, vt in ætate declinante, in qua melancholica temperamenta secundum naturam fiunt, reddantur homines constantissimi, & laborum patientissimi; euadantque proinde eadem illa ætate, & optimi rerum publicarum gubernatores, & in bello milites strenui, prudentesque imperatores. Sed quæ de biliosis & melancholicis hætenus diximus, ita se habere intelligendum est, dum recte sanguini vterque humor permixtus fuerit. Alioqui enim, si tantum increuerit, vt sanguini innatet, periculum profecto imminet, ne bilis pro ingenii acrimonia maniam, humor vero melancholicus pro firmitate & constantia melancholiam morbum inducat. Sed progrediamur iam ad sanguineos, quorum dignitati non parum videtur detraxisse Galenus, cum simplicitatem & stoliditatem ex sanguine fieri scribat; quæ tamen optimorum morum auctorem potius esse oportebat; vtpote qui humorum omnium optimus sit, nostræque naturæ maxime familiaris. Confirmat id quoque experientia, quæ frequentissime monstrat, sanguineos hilares esse, humanos, ac prorsus ingenuos. Quænam igitur erit propositæ dubitationis solutio? Sanguis quidem, vt Galenus ait, hominem reddit *ἁπλοῦς*, id est simplicem. Hæc tamen simplicitas à fatuitate & inscitia (quæ pituitosis potius conuenit) maxime distinguitur. Est enim hæc animi morumque simplicitas maxime probanda, ingenuique hominis propria. Sunt itaque sanguinei moribus & animo simplices, non secus ac biliosi duplices ob ingenii mobilitatem & inconstantiam. Huc accedit, quod Græca dictio *ἁπλός*, non simplicem tantum, & incautum, verum etiam ingenuum significet. De stoliditate res est difficilior, sed neque hanc sanguineis simpliciter tribuit, sed collatione tantum ad biliosos & melancholicos, de quibus antea disputauerat. Certum enim est biliosos & melancholicos prudentiores esse & callidiores sanguineis, quos fallere ob animi simplicitatem, morumq; integritatem, difficile non est. Indicat id vox comparatiua, qua vsus est Galenus, neq; enim *ἁλιδίον* dixit, sed *ἁλιώτερον*. Agens tandē de pituita id tantū docet, quod ipsius natura ad mores fingendos sit inutilis. Siquidē frigiditas actiones oēs, animalesq; potissimū torpidas reddit: & cerebri substantia sanguine pituitoso nutrita, crassa indies efficitur; & spiritus

In art. med.  
cap. 12.  
Lib. 2. de part.  
anim. cap.



gignuntur crassi ac caliginosi, qui cerebro veluti nebulam offundunt. A quibus causis merito fit, ut pituitosi inertissimi sint, & ad quidvis agendum, aut intelligendum omnium ineptissimi. Sunt namque ex sua natura stolidi, & maxime fatui, atque, ut vno verbo dicam, ad omnia prius inutiles: nam cibo repleti, & profundo somno obruti, porcorum ritu vitam traducunt. Dum vero ait extremo commentario, Necessariam vero ex prima ciborum mutatione generationem habere videtur; pituita generationem obiter attingit, eo nimirum consilio, ut causam explicet, cur pituita sit ad mores fingendos inutilis. Quippe si ex prima ciborum mutatione generationem obtinet pituita, erit necessario crudus, rudis, nec satis elaboratus humor. Quid igitur miri, si talis cum sit, homines itidem in quibus redundat, rudes, & inertes efficiat? Ex hoc loco intelligitur, pituitam, (eam etiam quam naturalis est) in ventriculo potius gigni quam in hepate, cum prima ciborum mutatio siue concoctio in ventriculo fiat.

## HIP P. SENT. XXXIX.

**I**nualescit autem in anno nunc hyems maxime, nunc ver, nunc aestas, nunc autumnus. Ita & in homine modo pituita inualescit, modo sanguis, modo bilis, primum sane flaua, deinde nigra.

## GAL. COMMENT.

Clara est viri sententia, qui ostendere nititur, quemadmodum in anno alias humidum & frigidum præpollet, vocaturque tale anni tempus hyems; alias humidum & calidum, quando ver est: alias siccum & calidum, quæ aestas nominatur: postremo ad hæc siccum & frigidum in autumno: sic & in homine præualet pituita quidem hyeme, humor frigidus & humidus: sanguis in vere, calidus & humidus: flaua bilis æstate, sicca & calida facultate prædita: nigra in autumno, sicca & frigida, quemadmodum & ipse autumnus existit.

Scribit alteram similitudinem inter elementa communia & propria, nam quemadmodum totus annus particeps est calidi, frigidi, humidi, & sicci: ita & corpus humanum toto vitæ tempore particeps est sanguinis, pituitæ, & utriusque bilis. Et rursus, ut in diuersis anni temporibus diuersa elementa præpollent: ita & in homine varii augentur humores, vere quidem sanguis, æstate bilis, autumno nigra bilis, & hyeme pituita.

## HIP P. SENT. XXXX.

**T**estimonium huius rei manifestissimum est. Si eidem homini idem medicamentum quater in anno voles exhibere, per hyemem pituitosissima tibi euomet, vere liquidissimat, æstae biliosissima, in autumno nigerrima.



## I. GAL. COMMENT.

A

*Testimonium prædicti sermonis manifestissimū esse dicit, in quo singulos humores in singulis anni temporibus excellere docuerat. Nempe quod vomitus, si medicamentum quater in anno quod illum citet propinetur, hyeme sit pituitosior, in vere humidior, æstate biliosior, in autumno nigrior.*

B

Quamvis recte demonstrasset in superioribus, singulos humores singulis anni temporibus sibi familiaribus augeri; nunc tamen veluti ex abundanti idem confirmat ex iis quæ vomitu reiciuntur. Nam si eidem homini idem medicamentum singulis anni temporibus propinaueris, vomitus pituitosior erit hyeme, vere liquidior, æstate biliosior, nigrior autem autumno: quod fieri non posset, nisi hyeme pituita, vere sanguis, æstate bilis, autumno vero nigra bilis redundaret. Hæc tamen non videntur convenire cum iis quæ sententia vigesima sexta docuit. Ostendit enim eo loco, quatuor humores in homine temper inueniri, quia quocumque anni tempore, & quacumque ætate propinetur medicamentum purgans, euometur humor medicamēto familiaris. Quare si æstate exhibeatur medicamentum purgans pituitam, euometur profecto pituita, non bilis, ut videtur in præsentia dixisse. Respondet recte Syllius, quæ dicuntur hoc loco intelligenda esse de medicamento quod vim habeat solam

C

ciendi vomitum: quæ vero superius dicta fuerant, intelligenda esse potius de medicamento purgante per vomitū totius substantiæ similitudine. Id ergo quocumque tempore exhibeatur, purgabit haud dubie per vomitū humorem sibi familiarem: at quod vim dūtaxat habet ciendi vomitū (cum id omne quod in ventriculo continetur, per vomitum euacuet, siue in ipsomet ventriculo sit genitum, siue aliunde confluerit) hyeme quidem pituitosissima, æstate biliosissima, autumno nigerrima vacuabit. Sed cur vere liquidissima potiusquam cruenta, cum vere sanguis augeatur? An quia antequam sanguinis redundantia plurimum grauentur vasa, modice per initia referari solent vasorum ora, ita ut solis aquis ichoribus aditus pateat, qui per venarum tunicas interdum etiam resuam?

D

Quippe si sanguis plurimum auctus fuerit, aut temporis diuturnitate magis grauentur, ac distendantur vasa, non amplius liquida, sed cruenta potius vomitu reicientur; ipsomet sanguine à vasis per ora patentiora ad ventriculum propulso. Cum autem sanguinem vere augeri ex vomitu liquidissimo ostendit Hippocrates, colligendum est necessario, talem vocitus speciem redundantis sanguinis esse indicium. Quod ita se habere in artis operibus experti sumus, id primum monstrante Collado eruditissimo, & veteris medicinae cultore diligentissimo. Quippe cum me adhuc adolescente Onuphrius Torres sacrificus, molestissimo vomitu vexaretur, neque ex usu adstringentium, quæ alii medici ventriculo admoueri præperant, melius se habere cognosceret; Colladam tandem ad se venire iussit: qui vomitus speciem diligenter contemplatus, huius sententiæ Hippocraticæ memorabilectis adstringentibus, tenui victus ratione præscripta, & iterata sanguinis detractione, hominem promptissime curauit. Tanti momenti est veterum medicorum sententiæ intelligere, semelque intellectas vsus accommodare.



**C**onuenit igitur, cum hæc ita se habeant, morbos qui hyeme augescunt, æstate finire; qui rursus æstate augentur, hyeme desinere: qui ex ipsis non intra dierum circuitum soluantur. Circuitum vero dierum quis sit, alias exponam. Qui vere gignuntur morbi, eos in autumno solutum iri expectandum est. Autumnales morbos vere terminari necesse est. Quicumque vero hæc anni tempora excesserit, hunc annum fore sciendum est.

## GAL. COMMENT.

*Initium sententiæ duplicem habet [ in Græco ] scripturam. Nonnulli loco* B  
*conuenit, legunt Græce ὁφείλει, nonnulli φείλα, quod idem valet ac par est, seu*  
*conuenit; utuntur enim nonnumquam voce hac pro conuenit. Reliqua perspicua*  
*sunt, vult enim auctor, morbos qui in vetustatem incidunt, & non dierum, sed*  
*mensium circuitu fiunt, hos contrario anni tempore ei quo generati sunt, hoc est*  
*septimo mense finire: in quo si non soluti fuerint, annuum fieri morbum pronuntiat.*  
*Porro Annum nomen potest signare etiam eum, qui post annum suæ generatio-*  
*nis soluitur: potest etiam eum innuere, qui septem annorum circuitu, vt septem*  
*mensium, finitur. Etenim in aphorismis ita quoque dixit, Plurimi affectus pue-* C  
*rorum iudicantur, aut intra quadragesimum diem, aut intra septimum men-*  
*sem, aut intra septimum annum, aut cum ad pubertatem itur.* ,,

Docet extremo hoc libro, quanta sit utilitas superioris disputationis de incremento & decremento singulorum humorum in singulis anni temporibus. Est autem utilitas duplex, altera ad prænoscentiam prædicendamque morborum solutionem, de qua in præsentia agit; altera vero ad morborum curationem, de qua aget sententia sequenti. Vtilis quidem est ad prædicendam solutionem morborum, quia vt certis temporibus certi gignuntur morbi, quos ipsemet descripsit in aphorismis; ita & certis quibusdam anni temporibus certi quidam morbi soluantur. Nam qui æstate fiunt, hyeme finiuntur, & contra; & qui autumno incipiunt, soluantur vere, & contra: & in vniuersum desinere solent parte anni contraria. Minuitur enim tunc temporis humor, qui causa morbi exstiterat; & humor ipsi contrarius augetur; & habet aer temperiem morbo ipsi contrariam. Sed hæc de his morbis intelligenda esse inquit Hippocrates, qui non soluantur intra dierum circuitum: tales vero sunt morbi chronici. Acutorum namque terminus est decimus quartus dies, nisi acuti fuerint ex decidentia, vt vocant, qui protrahuntur plerumque ad quadragesimum. Chronici vero dierum circuitu nequaquã finiuntur, sed mensium potius, veluti mense septimo. Nã quæ in acutis ratio est diei septimi, eadem est in chronicis septimi mensis. Quod si chronicus morbus septimum mensem, hoc est partem anni contrariam excesserit, hunc, inquit, annum fore sciendum est. Dicitur autem morbus



**A** morbus annuus bifariam, vel quod post annum primæ suæ generationis finiatur, vel quod solvatur annorum circuitu, vt sep imo anno, aut decimoquarto. Si quidem morbi in vniuersum solvuntur, aut circuitu dierum, vt morbi acuti; aut circuitu mensium, vt morbi chronici; aut circuitu annorum, vt morbi annui, qualis est epilepsia, & aliquando quartana. Et quæ in acutis ratio est diei septimi, & septimi mensis in chronicis, eadem est in annuis septimi anni. Id confirmat Galenus eo Hippocratis aphorismo, Pueris maxima ex parte iudicantur morbi intra quadragesimum diem, aut intra septimum mensem, aut septimum annum, vel cum ad pubertatem peruenerint. Huc quoque pertinere videtur & aphorismus ille, Epilepsia laborantes pueros, cum loci victusque, tum maxime ætatis mutatio liberat. Nam ætatum mutationes per annorum septenarios solent accidere.

Aphor. 28.  
lib. 3.

Aphor. 45.  
lib. 2.

**B**

### HIPP. SENT. XXXII.

**A**Tque sic medicum ad morbos accedere conuenit, non ignorum, singula hæc in corpore secundum anni tempus pro natura sua maxime constitutum inualefcere.

### GAL. COMMENT.

*Ad quid tota superior de anni temporibus disputatio valeat, nunc in præsentia oratione edocuit: indicans eundem quoque vsum præbere de ætatibus, locis, vitæ studiis, & quotidiana victus ratione enarrationem. Namque medicum ad hæc omnia respicientem, oportet coniicere quis humor præpolleat, aut quantitate, aut ipsius viribus; in qua potissimum corporis particula redundet: sic enim curationem optime obierit, sicut in medendi institutionibus docetur. Hippocrates, cum corporis nostri naturam hoc in libro proposuisset inuenire, hac via & ratione ad inuentionem vsus est. Primum sane disquisiuit, vtrum simplex, an multiplex esset: deinde vbi inuenisset esse multiplex, simplicium in eo substantiâ qualis sit inspexit, hoc est quam vim habeat, vt ab aliquo patiatur, aut agat. Et huius rei gratia anni temporum, ætatumque meminit, considerans quomodo elementa a se inuenta ipsis respondeant. Item inuenit, & morborum solutionis præ-*

**D***sagia, & curationes, ad eosdem referendas esse scopos. At dum elementa corpus nostrum componentia inuestigaret, etiam vniuersi mundi elementorum commeminit, quæ reuera sunt elementa. Dicuntur enim nonnumquam per abusionem vocabuli, cuiusque rei ad compositionem simplices & primæ particula, illius rei elementa: quemadmodum musica elementa, rhythmica, geometrica, arithmetica, orationis, vocis, & demonstrationis, dixerunt. Similiter etiam plaustrum centum elementa ab Hesiodo esse dicta Plato commemorat, in eo hemistichio, Centum lignaque plaustrum. Omnia sane quæ sic dicuntur singularum rerum elementa, non ad amissim simplicia sunt, & primaria; communia vero omnium rerum, simpli-*

H 5      cia, &



cia, & prima vere existunt, & proprie nominantur elementa. Hippocrates autem a qualitatibus ipsa denominat, calidum, frigidum, humidum, & siccum: non quæ media summorum sunt, sed ipsa summa, ignem videlicet, & terram, & aquam, et aërem. Hanc igitur methodum Plato censuit sibi esse imitandam, cum de natura animæ consideraret: nullum enim particulare citra totius naturam exacte posse cognosci. Adscribam autem tibi ipsam Platonis dictionem, quæ hunc in modum habet. SO. Animæ igitur naturam sine totius natura intelligere te ut conuenit posse arbitraris? P H AE. Si sane Hippocrati ex Asclepiadarum genere credendum est, ne corporis quidem naturam citra hanc methodum possis. SO. Recte quidem, ô amice, dicit; attamen præter Hippocratem ratio inspicunda, examinandaque est, an ipsi cõsentiat. P H AE. Assentior. SO. Et quid tandem Hippocrates dicit, veraque ratio? an non sic? Considerandum est de cuiuslibet rei natura, primum sane simplexne sit, an multiformis, cuius nos scientes esse voluerimus, quamque alios docere studeamus. Postea vero si simplex fuerit, factas ipsius inspicunda est, quam videlicet ad quid agendum, item quã ad patiendũ ab alio, habeat. Quod si multas habeat species, his dinumeratis, in singulis similiter ut in vna, naturalis et agendi et patiendi vis inquirenda. Verũ cum hæc Plato sic conscripserit, ostendat aliquis nobis, in quo Hippocratis libro alio, quã qui de natura hominis inscribitur, methodum hanc sit inuenire: aut si non possit, nullum quærat fide digniorem Platone testem, eius quod hic liber sit germanus. Nam præter alia Plato proxime Hippocratis discipulis tempore successit, quorum sicuius liber esset, ipsum auctoris nomen fuisset inscriptum. Nam priusquã in Alexandria et Pergamo reges essent creati, qui veteribus libris comparandis vincere se mutuo contendebant, nondum opus falso fuit inscriptum. Verum postquam præmium capere inceperunt, qui vetusti cuiusdam scriptoris monumenta ipsis offerrent, hac tandem ratione multa falso titulo inscribentes attulerunt. Verum hi reges post Alexandri mortem exstiterunt: Plato autem ante Alexandri principatum hæc memoriæ mandauerat, cum nullæ adhuc inscriptiones essent dolo effictæ, sed suum quisque liber scriptorem titulo repræsentaret. Itaque Plato fatetur, se secundum Hippocratis methodum de animæ natura cõsiderare, ut ille de corpore: fierique hoc aliter posse negat, antequam totius naturam habeas cognitam. Nonnulli tantum aberrarunt, ut tam mirabilem methodum alterius cuiusdam esse censerent, eo quod is qui primum rem adeo magnam et grauem inuenit, demonstrationem ipsius scribere non sit grauatus. Quomodo enim non magnum et graue censeas, omnium generatorum corruptibiliumque corporum elementa inuenire? Quomodo non multo magis, demonstrationibus fidem facere? atque hæc in versibus ne totis quidem trecentis, sed multo paucioribus complecti potuerit. Non enim verisimile est, Hippocratem in omnibus medicandi præ-



A di prænoscendique inuentis, elementis tamquam demonstratis uti, nusquam vero demonstrationem ipsorum explicasse. Hæc igitur ex superfluo mihi dicta sunt, ut ostenderem, germanum Hippocratis esse librum. Non tamen in hoc ceu serio pone idum est studium, sed de veritate eorum quæ in ipso conscripta sunt, accurate considerandum est: id autem nos in opere de elementis ex Hippocratis sententiâ factitauimus. Quod cū inuidi apud omnes eruditos in pretio haberi viderent, frigidam defensionem\* attulerunt, cur librum Hippocratis non esse dicerent. Porro quod hæc statuerit, ad illaque semper respiciens, omnia particularia opera conscripserit, pro confesso habetur. Quoniam vero æmuli (ut sunt impudentes) etiam iis quæ apud omnes in confesso sunt, & omnium consensu probantur, contradicunt: idcirco alterum opus edidi tali inscriptum titulo, Quod etiam in aliis operibus Hippocrates eandem habere opinionem, quam in libello de natura hominis, videatur.

\* ἀπολογία,

Utilis quoque est superior disputatio de incremento & decremento humorū, ad morborum curationem, eorumque præsertim, qui ex humore quopiam nascuntur, quos vulgo materiales appellant. Neque enim huiusmodi morbi certa methodo curari possunt, nisi prius cognita sit propria ipsorum natura, & eorundem causa prius auferatur. Atqui neutrum fieri potest, nisi antea cognitū fuerit qui humor in corpore redundet, aut qualitate peccet. Id vero artificiosa coniectura ex anni temporibus assequetur medicus, ut explicatum est. Oportet tamen C (ut monet in commentario Galenus) anni temporibus cetera omnia adiungere, quæ ad augendos vel imminuendos humores eandem vim habeant; qualis est ætas, regio, vitæ studium, ratio victus, & propria corporis temperies, siue tratiua sit, siue adscititia. Is enim mos est familiaris Hippocrati, ut rei vnius exemplo, cetera quæ eandem vim obtinent, comprehendi velit; ut Galenus sæpe annotauit. Ut ergo demonstratum est augeri pituitam hyeme, ita intelligere oportet, in ætate frigida, ut senectute, in frigida regione & humida, ex nimio otio, & victus ratione refrigerante & humectante, plurimam pituitæ copiam gigni. Idem de aliis humoribus dicendum. Quare si hæc, quæ recensuimus, omnia diligenter considerauerit medicus, facile ipsi erit intelligere, à quo humore peccante morbus originem traxerit. Extremo commentario methodum repetit Galenus, qua inuestigauit D hoc libro Hippocrates hominis naturam: & rursus probat, hunc librum esse Hippocratis. Hæc tamen, cū in huius libri proœmio copiose à nobis explicata fuerint, ne eadem repetere cogamur, con-

1. aphor. cō. 12.

sulto nunc præter-

mitrimus.

JACOBI





IACOBI SEGARRAE  
ALONENSIS IN TRES GALENI  
LIBROS DE TEMPERAMENTIS  
COMMENTARI.

CLAVDII GALENI PERGAMENI  
DE TEMPERAMENTIS  
LIBER PRIMVS.

THOMALINACRO ANGLO INTERPRETE.  
CAPVT I.



CONSTARE animalium corpora ex calidi, frigidi,  
sicci, humidique mistura; nec esse horum omnium parem  
in temperatura portionem, demonstratum antiquis abun-  
de est, tum philosophorum, tum medicorum precipuis.  
Diximus autem & nos de his, ea quæ probabilia\* sunt  
visa, alio opere, in quo de his quæ Hippocrates constituit;  
elementis egimus.

\* innotat.

Hoc cap. & lib.  
de lib. prop.

Lib. 1. de art.  
med. cap. 4.  
Lib. 1. loc. cō.  
cap. 10.  
Com. in cap. 2.  
lib. 1. de temp.

Ab elementis, de quibus dictum est libro de natura hominis, recto ordine ad  
temperamenta progredimur. Nam ut ex elementorum substantiis mixta cor-  
pora materiam accipiunt, ita ex eorundem qualitatibus sibi adsciscunt tempe-  
ramenta: quorum ratione à se inuicem distinguuntur, non secus ac elementa  
summæ ipsius qualitatibus. Neque id profecto mirum, cum temperamenta propria  
sint mixtorum principia; non secus ac qualitates summæ principia sunt elementorum.  
Quare cum tanta sit temperamentorum cum elementis cognatio, merito Gale-  
nus opus hoc de temperamentis operi de elementis ordine succedere scripsit.  
Aggreditur autem disputationem hanc de temperamentis, statutus primū duobus  
principiis, quæ demonstrata iam sunt lib. de nat. homi. & lib. de elem. Primum  
principium est, Constare animalium corpora ex calidi, frigidi, sicci, humidique  
mistura. Nomine vero calidi, frigidi, sicci, & humidique ignem, aquam, terram, &  
aërem intelligere oportet: ex his namque per se tota mistis & temperatis, non  
solum animantium corpora, sed reliqua etiam mixta generationem obtinuisse  
demonstratum est. Colligit ex hoc principio Christophorus Vega, temperamē-  
tum esse mixturam calidi, frigidi, humidique, & sicci: quam temperamēti definitio-  
nem amplexi sunt etiam Franciscus Valleriola & Gaspar Lopezius. Ceterum  
neque temperamentum recte definiunt, neque ex hoc loco definitionem recte  
colligunt



- A** colligunt. Quippe cum elementorum substantiæ misceantur, solæ vero qualitates temperentur, fieri profecto non potest, ut temperamentum mistio sit. Sunt quidem (ut alibi diximus) temperatio & mixtio adeo inter se affinia, ut & mutua indigeant opera, & alterum sine altero consistere nequeat. Est tamen omnino diuersa vtriusque natura, cum in mixtione elementorum substantiæ ad minima diuisæ vniantur; vnio vero fiat, dum qualitates primæ mutua actione & passione temperantur. Neque ex hoc loco recte colligi potest, temperamentum esse mixturam, cum Græca lectio sic habeat, *οτι μὴ δυνάμει ἐκ θερμῆς, καὶ ψυχρῆς, καὶ ξηρῆς, καὶ ὑγρῆς, τὰ τῶν ζώων σώματα λέγεται*, id est, Quod ex calido, frigido, sicco, & humido, animalium corpora temperata sint. Neque aliud significat Latina Linacri interpretatio, quam constare animalium corpora ex igne, aqua, terra, & aëre, sibi inuicem temperatis. Id namque fuit Hippocratis dogma lib. de nat. hom. demonstratum, & à Peripateticis omnibus atque Stoicis postea receptum.
- B** Sed quoniam in temperamenti definitionem semel (quamuis inuiri) incidimus, quæ ad ipsam pertinent accuratius persequi, alienum prorsus ab instituto non fuerit, ut ex his saltem temperamenti essentia innotescat. Sentit Ioannes Fernellius temperamentum esse non mistionem ipsam, sed mistionis potius rationem, quam interpretatur, principum qualitatum, quæ in mistis elementis sunt, harmoniam & concentum. Huic similis est definitio tradita à Francisco Vallesio, temperamentum est proportio calidi, frigidi, humidi, & siccii: Sed neque has definitiones probo, quæ Mathematicis potius quam Medicis videntur conuenire. Nam si concentum illum aut proportionem, relationem esse dicant, quomodo temperamentum omnium naturæ actionum principium, aut instrumentum statuere possint non video. Quis enim ad relationem naturæ actiones referre auit? Contradicent quoque Galeno., qui temperamentum solet qualitatem appellare. Si vero qualitatem esse velint, præterquam quod proportionis nomini dissentanea loquantur, ab illis quærere oportebit, an eiusmodi qualitas à primis quattuor sit distincta, an potius cum ipsis eadem. Eadem quidem esse non potest, quia idem non sunt qualitatum proportio & qualitates ipsæ, quæ inter sese proportionem seruant. Quod si distincta sit, in Auicennæ sententiam, quam ipsi tamquam fictitiam damnant, imprudenter labuntur. Voluit autem Auicenna, temperamentum esse qualitatem, ex mutua primarum qualitatum actione & passione prouenientem: quam postea ipsius sectatores quintam qualitatem appellarunt. Et quamuis hæc definitio recentiorum medicorum non paucis omnino probetur, his tamen, qui bene de rebus sentiunt, quinta ista qualitas fictitia esse creditur: & multo adhuc magis, si non solum ex primis qualitibus, verum etiam ex cœlestium corporum influxu ipsam prouenire quis dixerit, ut quidam somniant. Reiectis itaque his omnibus definitionibus, temperamentum sic definirem, temperamentum est forma corporis mixti, ex primis qualitibus constituta. Dicitur autem temperamentum mixti corporis forma, non secus ac qualitates summæ dicuntur elementorum formæ. Atqui alibi dictum iam est, qualitates summæ formas esse ignis, aëris aquæ, & terræ, non ut corpora naturalia sunt, sed quatenus sunt elementa. Quare & temperamenta mixtorum formæ dicuntur, non ut corpora sunt natura constantia, sed quatenus mixta sunt; nam ut mixta sint, id haud dubie à temperamentis habent. Quo fit, ut temperamentum à forma substantiali maxime distinguatur, non solum in homine (ut quidam crediderunt) verum etiam in brutis, stirpibus, metallis, lapidibus, & reliquis mixtis corporibus. Atque id

Lib. de nat.  
hom. com. 2.

Lib. 3. de nat.  
par. med. cap. 1.

Lib. 1. contro  
cap. 6.

Lib. 1. f. n. 1.  
doct. 3.

Lib. de nat.  
hom. com. 2.

indicat



Lib. 1. de ele-  
men. cap. 6.

Lib. 1. de art.  
med. cap. 4.

Lib. 1. contro.  
cap. 6.

Lib. 11. metho.  
med. cap. 1. &  
lib. 12. cap. 5.

Lib. de nat. ho-  
mi. com. 19.

indicat altera illa definitionis particula, Ex primis qualitatibus constituta ; si-  
quidem substantialis corporum forma principium est simplicissimum; tempera-  
mentum vero quidpiam est compositum. Est enim, vt Galenus ait, composita  
qualitas, cuius elementa sunt simplices qualitates, quemadmodum simplicia cor-  
pora compositorum corporum sunt elementa. Dum vero temperamentum cō-  
positam qualitatem voco, à singulis quidem primarum qualitatum ipsum di-  
stinguo, à quattuor simul sumptis nequaquam. Quemadmodum enim mixtum  
corpus neque ignis est, neque aër, neque aqua, neque terra, ab his tamen quat-  
tuor certa ratione mixtis ac vnitis reuera non distinguitur: ita & temperamen-  
tum neque caliditas est, neque frigiditas, neque humiditas, neque siccitas, ab his  
tamen quattuor qualitatibus certam inter sese proportionem seruantibus, re-  
uera distinctum non est. Sed de temperamenti definitione satis iam diximus;  
nunc illud potius inquiramus, quod ad temperamenti essentiam maxime perti-  
net, temperentur ne solæ elementorum qualitates, an præter has etiam sub-  
stantiæ. Vega quidem duplex temperamentum constituit, substantiarum alterum,  
alterum vero qualitatum. Quippe cum temperamentum ex ipsius sententia  
mixtura sit calidi, frigidi, humidi, & sicci, hæc autem nomina & qualitates  
ipsas, & corpora his qualitatibus affecta significare possint; & qualitates, & sub-  
stantias elementorum misceri, ac proinde duplex esse temperamentum colli-  
git. Temperamentum substantiarum firmum esse ait, & à prima generatione in-  
natum, mutarique propterea difficillime, ætatis scilicet processu, aut magno a-  
liquo morborum incurfu, aut longa contrariorum ciborum consuetudine. At  
temperamentum qualitatum infirmum esse ait & inconstans, à variisque causis  
singulis fere momentis mutari affirmat. Proinde Vallesius, qui duplex quoque  
temperamentum statuit, temperamentum qualitatum dispositionem quandam,  
temperamentum vero substantiarum, habitum quandam naturalem, & omnium  
facultatum fundamentum esse asserit. Hi tamen meo iudicio dogma id de du-  
plici corporum temperamento legislatorum ritu introduxisse videntur, nulla  
firma ratione persuasi. Nam quasi certum esset, aut recte ab ipsis demonstra-  
tum, temperamentum esse mixturam, aut proportionem calidi, frigidi, humidi,  
& sicci: ita duplex hoc temperamentum colligunt; alter quidem ex eo, quod ele-  
mentorum substantiæ & qualitates misceantur; alter vero, quod & qualitates  
& substantiæ elementorum proportionem seruent inter sese. Atqui demonstra-  
tum antea fuit, temperamentum neque mixturam esse, neque proportionem:  
quo principio euerso, opinionem de duplici temperamento corruere necesse  
est. Ac mihi profecto nihil noui inuenisse videntur huius opinionis auctores,  
sed antiquum potius Stoicorum dogma suscitasse, qui non solas elementorum  
qualitates (vt voluerunt Peripatetici) verum etiam substantias temperari cre-  
diderunt. Porro absurdum hoc dogma rationibus aliquot probabilibus confir-  
mari aptissime potest, quas suis auctoribus in mentem minime venisse miror.  
Certum namque est, & à Galeno non semel dictum, ad cuiusque similis cor-  
poris constitutionem duo esse necessaria, certam scilicet temperamenti quali-  
tatem, & iustam substantiarum elementorum molem: quæ nihil aliud videtur  
esse, quam temperamentum substantiarum. Rursus cum duplex esse possit, Ga-  
leno etiam auctore, elementorum symmetria, in qualitate scilicet, & quanti-  
tate; duplex quoque videtur esse temperamentum. Præterea cum tempera-  
mentum actionum omnium principium statuatur, quemadmodum actionum  
in vniuersum duplex est genus; ita & duplex temperamentum esse oportet.  
Est au-



- A** Est aurem duplex actionum genus, quoniam aliæ sunt manifestæ qualitatis, veluti calfacere, & refrigerare; aliæ vero sunt totius substantiæ, vt alimenti cōcoctio, & sanguinis generatio. Harum itaque temperamentum substantiarum, illarum vero temperamentum qualitatum principium esse, rationi est consentaneum. Hæc quidem probabilitatem aliquam præse ferunt, temperamentum tamen substantiarum nequaquam demonstrant. Neque enim certa illa moles elementorum, quæ præter temperamenti qualitatem ad cuiusque mixti generationem desideratur, temperamentum substantiarum est; sed potius proxima mixti corporis materia, vel iusta eius materiæ quantitas. Et quamuis duplicem elementorum symmetriam concedamus, non inde sequitur temperamentum duplex esse, quia temperamentum symmetria nō est. Neque itidem duplex actionum genus duplex temperamentum recte ostendit, dicuntur enim actiones manifestæ qualitatis, non quæ fiunt à temperamento qualitatum, sed quæ alicui qualitati excedenti debentur, veluti calfactio calori. Ita quoque actiones totius substantiæ dicuntur, non quod fiant à fictitio temperamento substantiarum, sed quod cum ab aliqua excedente qualitate non fiant, toti temperamento qualitatum debeantur, quod propria est mixti corporis substantia atque natura. Quo sensu dictum est à Galeno, singulis corporis partibus propriam quandam functionem ex substantiæ proprietate contigisse. Vocat enim substantiæ proprietatem, non temperamentum substantiarum (vt falso interpretatur Vallesius) sed certam quattuor primarum qualitatum constitutionem, cū iusta substantiarum mole debitam inter se proportionem seruantium. Hæc namque primarum qualitatum constitutio vnicuique particulæ est propria, & propriæ functionis principium. Quod sane indicauit manifeste Galenus, cum alibi, tum
- B** potissimum lib. 1. de fac. nat. sic scribens, Ac mihi quidem tam vena, quam reliquarum partium singulæ, ob certam quandam temperiem, quam ex qualitatibus sunt nactæ, hoc vel illo modo agere videntur. Neque vero temperamentum substantiarum (etiam si dari posset) firmum esset ac stabile, vt illi prædicant; cum elementorum substantiæ è nostris corporibus perpetuo effluant, ac dissipentur. Neque rursus temperamentum qualitatum varium est ac inconstans, quale illi fingunt; nam quamuis corpora frequentissime calfiant, aut refrigerentur, primarum tamen qualitatum constitutio immutabilis permanet, donec grauis cuiuspiã morbi vehementia, aut ætatis decursu, corpus insigniter immutetur. Quæ cū ita habeant, temperamento substantiarū prorsus exploso, vnicum dumtaxat in mistis corporibus temperamentū qualitatum admittimus: quoniā
- C** vt solæ elemētorū substantiæ vere miscentur, ita & solæ qualitates vere temperantur. Nā quæ ante mitionem summæ in elementis fuerant, eadē in mistis mutua actione remittuntur. Nescio igitur, quid sibi velit Fernelius, cū elementorū qualitates summæ fere in temperamento remanere scribit, cohiberique dumtaxat contrariarum qualitatum repressione, quominus possint suas summæ vires expromere. Negat itaque qualitates elementorum in mistis remitti, solasq; qualitatū vires retundi concedit: quam sententiam falso Galeno adscribit. Vt mirādum profecto sit, quomodo placere potuerit Simoni Touario, Hispanensi medico longe præstantissimo, multiplicique rerum cognitione ornatissimo. Sed iam nos ad institutum reuocat alterum Galeni principium, superiore non minus certum, quo vere statuitur, non esse parem calidi, frigidi, humidi, & sicci in téperatura portionem. Ita vt quamuis commune id sit omnibus mistis, vt ex quattuor elementis per se tota mistis & temperatis componantur, in eo
- tamen

Lib. 6. de Hip.  
& Plat. decret.  
cap. 6.

Cap. 3.

Lib. 1. de elem.  
cap. 6.

Lib. 3. de nat.  
par. med. c. 2.

In noua meth.  
de comp. med.  
exa. cap. 1.



tamen discrimen sit, quod in diuersis mistis par omnino esse nequeat eorundem **A**  
 elementorum portio. Quod sane verissimum est, siue ad elementorum substantias, siue ad qualitates referas. Nā si mista conferas inter sese, in aliis plus ignis, in aliis plus aquæ, aut terræ, aut aëris, inueniri deprehendes. Ac rursus mista quædam calida, alia frigida, alia humida, alia itidem sicca, vel magis, vel minus esse cognosces. Quod si præter portionū imparitatē, dissimilitudinē quoque proportionū, tam in substantiis quam in qualitatibus elementorum expendere; non amplius miraberis, cur licet interdum eadem qualitas in diuersis mistis similiter excedat, diuersa tamen maxime sit elementorum constitutio, quæ singulis mistis videtur esse propria. Is quidem legitimus est huius loci sensus: nam quod à quibusdam dici solet, Galenum hoc principio temperamentum ad pondus è medio tollere, ridiculū prorsus est: cum huiusmodi temperamētum in sequentibus admittat. Adde, quod licet dari non posset, intempestiue tamen illud negasset, cuius naturam nondum explicauerat. **B**

*Hoc autem opere, quod illi ordine succedit, omnium temperamentorum differentias, quot hæ, qualesque sint, siue generatim quis siue membratim diuidat, inuenire docebo: sumamque ab ipsa nominum interpretatione principium.*

Statutis duobus illis principiis, à quibus ortum habuisse videtur hæc disputatio de temperamentis, docet huius libri institutū. Instituit autem docere, quot, qualesque sint omnes temperamentorum differentias, & generatim, & membratim. Hoc postremum sic interpretantur quidam, ut Generatim ad totū corpus, Membratim vero ad corporis partes referant. Quasi dicat se explicaturum oēs differentias temperamentorum, non solum in humanis corporibus, verum etiam in singulis **C**  
 corporis humani partibus: utrumque enim præstabit hoc libro. Multo tamen probabilius est, generales & particulares differentias intelligere; cum temperamentorum differentias ita explicet, ut à generalibus exorsus, ad particulares descendat, ut postulat optima diuidendi ratio. Quæ sensum haud dubie reddit Græca dictio, quæ sic habet, καὶ εἰς τὴν γένεσιν διακρινόμεναι, id est, secundum species & genera diuidentibus. Hæc de instituto huius primi libri. Sed ut intelligatur totius huius operis institutum, animaduertere oportet, mistorum corporum temperamenta in duplici esse differentia in vniuersum; quædam enim sunt actu talia, alia vero potestate. De temperamentis actu agit duobus libris prioribus eodem ordine, ut quæ libro primo in vniuersum docet de temperamentorum differentitiis, & de communi eorundem cognoscendorum ratione, priuatim accommodet libro secundo solis humanis corporibus, & singulis corporis humani partibus. At libro tertio, de temperamentis potestate differit; explicans diligenter **D**  
 quæ ad naturam eorum pertinent quæ sunt potestate talia; & simul tradens generalem methodum explorandi facultates alimentorum, & medicamentorum: quæ quidem ad hominem priuatim dicuntur talia potestate.

## C A P. II.



*V*M namque ex calidi, frigidi, sicci, & humidi temperaturæ conflare corpora dicunt, de iis quæ summo gradu sic se habent, ipsis scilicet elementis, aëre, igne, aqua, & terra, intelligendum aiunt. Cum vero animal, stirpemve calidam, humidam, frigidam, vel sic-

cam



*A* cam esse, non item. Neque enim vllum animal aut calidum in summo esse posse, ut est ignis; aut in summo humidum, sicut est aqua; pari modo nec frigidū, siccum ve in summo: sed ab eo quod in mistura præpollet, appellationem sortiri; vocantibus nobis id humidum, in quo maior est humiditatis portio; siccum, in quo siccitatis. Ita vero & calidum, in quo calidum frigido plus valet; frigidum vero in quo frigidum calido præstat. Atque hic quidem nominum vsus est.

*B* Ad disputationem de temperamentis aggreditur, cum docendi ordinē seruans, qui fuit veteribus maxime familiaris. Tradit enim primum hoc capite, quæ de temperamentorum differentiis à veteribus philosophis ac medicis falso sunt prodita, ut refutatis postea erroribus, quæ vera sunt lectorum animis facilius inhæreant. Hanc autem disputationem recte exorssi sunt veteres à significationibus calidi, frigidi, humidi, & sicci; quorum nominum in tota hac disputatione frequens est vsus, & ab eisdem appellationes sortiuntur variæ temperamentorum differentiæ. Hæc itaque nomina bifariam dici posse existimarunt, simpliciter, & per exsuperantiam. Simpliciter quidem (Græce ἀκρῶς) aut summo gradu (ut vertit interpretes) sola elementa dici possunt, calida frigida, sicca, aut humida; quoniam ipsa sola summis qualitatibus sunt prædita. Quo sensu dictum à veteribus est, constare animalium corpora ex calido, frigido, sicco, & humidis; id est ex igne, aqua, terra, & aëre. Per exsuperantiam vero, id est ex qualitate præpollenti, sola mista dicuntur calida, frigida, humida, & sicca. Quo pacto animal dixerunt esse calidum, aut stirpem frigidam, aut aliud quoduis corpus mistum, siccum, aut humidum. Quippe nullum animal, aut aliud quodcunque mistum, calidū in summo esse potest, ut ignis; aut in summo humidum, ut aqua. Miratur hoc loco Hieremias Thriuerus, quod summam humiditatem quæ debetur aëri, aquæ tribuerit Galenus. Mirari tamen desisset, neque Galenum, quem passim accusare solet, frustra excusasset, si semel intellexisset, binas quæ in singulis elementis reperiuntur, qualitates, summam reuera esse. Id est igitur humiditas summa non tantum aëri, sed etiam aquæ; cum eo tamen discrimine, quod in aëre primaria sit qualitas, in aqua vero primariæ adiutrix. *Lib. de nat. hom. com. 13.* Sed de his alibi iam diximus, ac simul docuimus. Aristotelem huius quoque sententiæ fuisse. Quare immerito ipsum reprehendit Leonartus Fuchsius, putans ex ipsius sententia in vnoquoque elemento alteram qualitatem summam esse, alteram vero (ut loquuntur) prop: summum;

*D* Nunc de temperamentis ipsis agendum. Eorum igitur, qui tum medicorum, tum philosophorum maxime illustres fuere, plurimi sanè opinati sunt, humidum & calidum temperamentū ab humido frigidoque diuersum esse, ac tertium ab his siccum & frigidum diuersum a sicco & calido. Nonnulli tamen eorum, humidum simul ac frigidum temperamentum quoddam esse concedunt, atque etiam ab hoc alterum calidum siccumque: non tamen aut humidum simul & calidum, aut frigidum pariter & siccum temperamentum esse: neque enim posse aut humiditatem cum abundante calore consistere, aut cum frigiditate siccitatem.



citatem. Quippe absumi a calido, cum superat, humiditatem, itaque fieri, ut A  
calidum simul & siccum corpus euadat; eandem, ubi imbecillus in corpore ca-  
lor est, incoctam, imperfectamque manere: quo fieri, ut calido vincente sequatur  
siccitas, frigido superante humiditas. Atque hi quidem his rationibus nixi, duas  
tantum esse temperamentorum differentias opinantur.

Explicatis nominibus, ad res ipsas, ad tradendas scilicet temperamentorum  
differentias recto ordine veteres philosophi ac medici accesserunt. Duplex  
autem fuit horum opinio, eaque absurda; quidam enim opinati sunt, quattuor  
esse differentias temperamentorum, nempe temperamentum calidum & hu-  
midum, calidum & siccum, frigidum & humidum, frigidum & siccum; alii ve-  
ro magis errantes duastantum esse voluerunt, nempe temperamentū calidum B  
& siccum, & frigidum & humidum. Negarunt autem temperamentū calidum  
& humidum, quia cum humidum semper absumatur a calido, eo absumpto,  
calidum corpus euadet necessario siccum. Negarunt itidem temperamentum  
frigidum & siccum, quia in quo corpore ob caloris imbecillitatem frigiditas  
viget, in eodem multa colligitur incocta humiditas, cuius ratione frigidum  
corpus erit necessario humidum.

Qui vero ea quattuor autumant, bifariā his contradicunt. Alii statim id quod  
petunt negantes, nempe quod necessum sit humorē a calido superante digerī: alii C  
contra id quidē assentiuntur, sed alia ratione dissentiunt. Ac priores quidem ca-  
lidi munus esse ut calfaciat asseuerant; frigidi, ut refrigeret; sicuti rursus sicci  
ut siccet; & humidi ut humectet. Proinde corpora, quæ calida siccaque natura  
sint quemadmodum ignis, ea, quatenus calida sunt, ex calfacere, quatenus sicca,  
siccare. Quæ humida calidaque sunt, velut calens aqua, hæc non humectare  
modo, sed etiam calfacere posse; semper utraque qualitate hic quoque; vnum opus,  
idque proprium, obtinente. Haudquaquam igitur concedere se, siquid calfaciat,  
idem protinus & siccare: immo si calori humiditas sit adiuncta, non calfacere  
modo, sed etiam humectare, quemadmodum balneum dulcium aquarum. Sin si-  
cuti calidum, ita etiam siccum corpus sit, veluti ignis; statim id tum calfacere, D  
tum vero siccare; non tamen id calori referendum acceptum, sed siccitati, quæ  
simul est coniuncta. Admonent autem hoc loco nos de iis qui sub æstiuo sole diu-  
tius sunt versati, atque ita, ut credibile est, arefacti, ac totum corpus siccum,  
squalidumque habent, intolerabiliterque sitiunt. Quippe remedium his expedi-  
tum & facillimum dicunt, non modo si biberint, sed etiam si calidæ & dulcis  
aquæ balneo utantur; tamquam humiditate, siue ea cum frigore sit, siue cum  
calore, suum munus obire valente: quippe humectare ea quæ contingit. Ad  
eundem modum & siccitatem semper aiunt siccare; boream enim, qui siccus &  
frigidus



**A** frigidus sit ventus, omnia siccare, ac refrigerare: idq; esse dictum ab Homero.  
*Vt vero humentem desiccat protinus agrum,  
 Autumni boreas.*

Pari modo papaueris lacrymam, & alia sexcenta pharmaca, siccare pariter & refrigerare. Itaq; non esse necessarium, siquid frigidum est, idem protinus & humidum esse: nec siquid calidum, idem statim & siccum. Neque igitur calidum temperamentum necessario esse siccum, immo posse aliquando in animalis temperamento calidum quidem plus valere quam frigidum, & humidum quam siccum. Quinetiam tum generationem, tum alterationem, tum mutationem, ex contrariis in contraria fieri. **E** Quis enim est, qui si dixerit album alteratum de-  
 mutatumque esse propterea quod factum sit calidum; non sit ridiculus; cum postulet ea oratio, non eam, quæ est in calido et frigido, oppositionem, sed quæ est in colore, mutationem? Mutatur enim quod album est in nigrum, et quod nigrum est in album; rursus quod calidum est in frigidum, & quod frigidum est in calidum; ad eundem modum et quod humidum est in siccum, et quod siccum est in humidum. Quippe si dicas, alteratum corpus esse propterea quod cum prius esset humidum, nunc sit album, vel cum prius esset siccum, nunc sit nigrum; parum compos mentis videaris. Sin quod prius fuerat humidum, nunc factum est siccum; aut quod prius erat nigrum, nunc effectum est album;  
**C** aut etiam ex calido frigidum, aut ex frigido calidum; utique sapere, et convenientia dicere fatearis. Quod enim mutatur, quatenus mutatur, eatenus cedere in contrarium debet. Siquidem factus est hic, aut fit musicus ex non musico, dicimus; & grammaticus ex non grammatico; & rhetor ex non rhetore: ex musico vero grammaticum, aut ex grammatico musicum, aut ex alio quod diuersi sit generis, fieri aliquid, dicere sane est absurdum. Potest enim qui prius erat grammaticus, nunc musicus esse, utique si musicen grammatice adiecit, nec grammaticen abiecit. Atque si quid adquisiuit priore etiam manente, cui non patet, non esse alteratum in eo quod manet? Ita non ex grammatico factus est musicus, quippe nunc etiam grammaticus est; sed ex  
**D** non musico musicus: non enim potest postquam musicus est factus, etiam non musicus manere. Cum igitur omnis mutatio & ab contrariis & ex contrariis fiat in contraria, manifestum est etiam, humidum, si quatenus humidum est, mutetur, tum ipsum siccatum iri, tum, quod id siccet, siccum dicendum esse. Desinant igitur, inquiunt, dicere, non posse calidum & humidum temperamentum esse; quippe calidum simul et frigidum esse idem temperamentum, aut humidum et siccum, non potest: cum fieri nequeat, ut in eodem corpore contrarie qualitates una consistant. Humidum vero simul et calidum, præterea frigidum simul & siccum, profecto in eodem consistere pos-  
 I 3 sunt



*sunt, sicuti tum ratio ipsa monstrauit, tū quæ paullo supra proposita sunt exempla. Ac talis quidem est prioris propositarum partium oratio.* A

Perspicua est ac facilis auctoris oratio, docet enim & copiose & dilucide, quomodo, qui quattuor temperamentorum differentias ponūt, aduersariorum rationes hactenus propositas dissoluant. Dissoluunt autē bifariam, in duas scilicet factiones diuisi. Quidam enim (de quibus hoc loco agit) humidum negant à calore absumi; sed cum quattuor sint primæ qualitates, unicuique propriam actionem tribuunt, quæ alteri conuenire non possit. Quare cum propria caloris actio sit calfacere, non poterit siccare calor, sed sola siccitas, cui non minus est proprium siccare, quam calori calfacere. Si igitur corpus aliquod calidum simul sit & siccum, id quidem non tantum calfaciet, sed etiam exsiccabit; B exsiccabit tamen, quatenus siccum est, non quatenus calidum. Quod si corpus simul calidum fuerit & humidum, calfaciet quatenus calidum, quatenus humidum vero, humectabit. Vnde colligunt, dari posse temperamentum calidum & humidum; & frigidum quoque & siccum. Confirmant hanc suam sententiam tum exemplis, tum etiam ratione. Exempla petita sunt, ex aque dulcis balneo, quod calidum est & humidum; ex borea, qui frigidus & siccus ventus est; ex papaueris lacryma (quam vulgo opium vocant) aliisque sexcentis medicamentis, quæ frigida sunt simul & sicca. Ratio vero eiusmodi est, omnis generatio, omnis mutatio, omnisque alteratio fit à contrario in contrarium: atqui humido contrarium est siccum, non autem calidum: ergo si mutatur humidum, mutatur proculdubio à sicco, non à calido; mutaturque non in calidum, sed in siccum. C Huius rationis propositionem multis propositis exemplis confirmāt, quæ in contextu dilucide scribuntur. Sed quam vana sit horum hominum responsio, ex iis quæ sequuntur facile intelliges.

*Altera pars negat alienum à ratione esse, etiam si calidum efficacissimum è quattuor sit, ita vt non in frigidū modo, sed etiam in humidum agere possit; esse tamen temperamentum, quod calidum sit & humidum: vtique cum in primo statim animalis ortu humoris simul calorisque copia in idem coëat. Ratio vero horum non illud efficit, quod nequeat aliquando in eodem corpore humidi plus esse quam sicci, & calidi quam frigidi; sed quod sub eiusmodi statu durare perpetuo non possit. Quippe digesto semper per calidum humore, spatio etiam siccum corpus effici; atque ita pro calido & humido calidum siccumque reddi: iam hoc ipsum quod calidum & siccum est redditum, procedente tempore frigidum siccumque fore. Vbi enim omnem eiusmodi corporis humorem calor absumpsit, ipse quoque, inquit, marcescere inde incipit, destitutus scilicet alimento, quod ipsum accenderat. Neque igitur mirum putant, tum inter initia, statim vt gignitur animal, conuenire in idem aut humidum plus sicco, aut calidum plus frigido; tum temporis processu, quod prius erat calidum & humidum temperamentum, postea posse calidum esse & siccum; æque vt postea quæ sicca erat calidaque temperies, D ubi*



**A** ubi calor ipse extinctus est, frigidam siccamque euadere. Ergo esse quidem ali-  
quod temperamentum quod calidum sit & humidum, ac rursus aliud quod fri-  
gidum sit & siccum, ex istis confirmant.

Doctius multo superiores rationes dissoluunt alterius factionis philosophi  
ac medici. Concedunt namque humidum à calido absumi, calidum tamen &  
humidum temperamentum non propterea tolli, sed ipsius dumtaxat duratio-  
nem, in eodemque statu permanentiam impediri, vere affirmant. Cum enim hu-  
midum sensim absumatur à calido, corpus tandem absumpto humido siccum  
euadere necesse est. Quod sane ita se habere in animalibus priuatim demon-  
strant, quæ in primo statim ortu calida sunt & humida, cum parum adhuc re-  
cesserint à natura principiorum ex quibus constât, quæ calida itidem & humi-  
da sunt. Procedente vero tempore, ubi ad iuuentutem peruentum iam est,  
**B** quod prius calidum & humidum temperamentum fuerat, in calidum & sic-  
cum manifeste mutatur; ita scilicet caloris actione absumpta partium solida-  
rum humiditate, ut in earum temperamento siccitas præpolleat. Ac tandem  
in senectute noua fit totius temperamenti mutatio ad frigidum & siccum; ad  
siccum quidem, quod deficiat in partibus solidis humiditas, quam totam fere  
depopulatus est calor; ad frigidum vero, quoniam deficiente humido calor  
marcescit, donec tandem extinguatur. Cum vero hæc optime dixerint, aduer-  
sariorum rationes nequaquam dissoluerunt; forte quod faciles essent, aut ex iis  
quæ dicta sunt penderet ipsarum solutio. Quamuis enim omnis mutatio fiat per  
se à contrario in contrarium, nihil tamen prohibet, quominus ex accidenti  
**C** fiat ab eo quod contrarium non est. Quare calidum per se quidem agit in frigi-  
dum, ex accidenti tamen etiam in humidum, ipsum absumens ac dissipans.  
Vnde paret inefficacem esse rationem, qua illi ostendebant, à calido non ab-  
sumi humidum. Neque minus inefficax & altera est, qua temperamentum fri-  
gidum & siccum dari non posse colligebant. Quamuis enim vincente frigidita-  
te incocta redundet humiditas, ipsæ tamen solidæ partes siccae esse possunt:  
quemadmodum senibus, qui cum plurima congerant excrementa humida, par-  
tibus ipsis solidis siccissimi sunt.

**D** Non posse autem temperamentorum differentias plures esse quam quattuor,  
ex his docere conantur. Cum enim quattuor statuuntur qualitates, quæ in se  
agere inuicem, patique possint, nempe calor, frigus, siccitas, humiditas; oppo-  
sitiones existere duas, alteram in qua calidum aduersatur frigido; alteram in  
qua humidum pugnat cum sicco; eoque quattuor, non plures effici coniugatio-  
nes. Quippe sex fieri ex quattuor inter se copulatis coniugia, quorum duo con-  
sistere non posse, cum neque humidum pariter & siccum, neque calidum si-  
mil & frigidum dari corpus possit. Reliquas igitur esse quattuor temperamen-  
torum coniugationes, duas humidas, & duas siccas, atque has calore frigoreque  
diuisas. Hæc sunt, quæ elegantissimi eorum qui ante nos fuerunt, tum medicorum,  
tum philosophorum, de his dixere.



Lib. 2. de ort.  
& inter. cap. 3.

Qua ratione vsus fuit Aristoteles ad demonstrandas qualitates, quæ in singulis elementis insunt; eandem isti ad demonstrandum temperamentorum numerum transfulerunt. Quippe cum quattuor sint qualitates primæ, quæ in se inuicem agere, & à se inuicem pati possunt, nempe calor, frigiditas, humiditas, & siccitas; sex in vniuersum fieri possunt harum qualitatum coniugia. Ex quibus duo subsistere nequeunt, caloris scilicet & frigiditatis simul, humiditatisque simul & siccitatis; non enim fieri potest vt contrariæ qualitates in eodem corpore simul præpolleant. Relinquuntur ergo tantum quattuor primarum qualitatum coniugationes, quoniam calor, quemadmodum & frigiditas, humiditati vel siccitati copulari potest. Vnde tandem colligunt, quattuor itidem esse temperamentorum differentias, nempe temperamentum calidum & humidum, calidum & siccum, frigidum & siccum, frigidum & humidum. Hæc tamen ratio vana prorsus est & inefficax; cur enim temperamentorum numerus numero coniugationum primarum qualitatum necessario respondere debet? An quia in omni temperamento duæ qualitates simul excedunt? Atqui in sequentibus docebimus, vnâ interdum qualitatem in temperamento excedere, interdum nullam. At Aristoteles ex primarum qualitatum coniugiis, non elementorum numerum, (vt plerique opinantur) sed qualitates quæ in singulis elementis reperiuntur, optime demonstrauit: quia necessarium est, (vt alibi docuimus) singulis elementis binas qualitates inesse.

Lib. de nat.  
hom. cō. 2. & 13.

## CAP. III.



*Q*UÆ vero mihi prætermisisse videntur, nunc adiicienda reor. Vnum igitur & primum est, quod temperatam naturam, quæ tamen non virtute modo, sed etiam viribus reliquis præstat, non aduerterunt: immo tamquam nulla sit, prorsus omiserunt. Quamquam ne loqui quidem de reliquis aliquid sine hac potuerunt. Quippe quod vel in calida temperie calidum præualeat frigido, vel in frigida temperie frigidum præstet calido; id ne intellexisse quidem est, nisi prius ponatur eucratos, siue temperata. Neque enim alio quam ad hanc temperatam naturam sunt intenti, cum sanitatis tuendæ vicium inuestigant; calidius iusto corpus iubentes refrigerare, vel frigidius excalfacere; vel rursus humidius siccare, vel siccius humectare. Scilicet quo temperatum quendam, mediumque statum efficiant, id quod minus est, ei quod exsuperat semper æquantes. Ergo quem assidue sectantur, & quo semper respicientes intemperatos status corrigunt; hunc ego quidem primum omnium statum censuerim. Hi vero tantum abest, vt eius vel meminerint, vt etiam totum prætereant.

Longam cum philosophis ac medicis disputationem aggreditur, iisque potissimum, qui quattuor temperamentorum differentias statuerunt; aliorum namque opinio absurdior est, quam vt aliqua eius habenda sic ratio, quamuis communem refutationem sortiatur. Inprimis itaque illos reprehendit, quod disputantes de temperamentorum differentiis, temperatam naturam omnino prætermiserint; quæ tamen virtute & viribus reliquis præstat.

Neque



- A** Neque hæc luxuria verborum est, ut putat Hieremias, cum virtus & vires non idem significet. Virtus enim bonitatem & perfectionem significat, vires autem sunt facultates, à quibus actiones prodeunt. Dicitur ergo natura temperata virtute reliquis præstare, quia omnium optima est & perfectissima: viribus autem, quia validis facultatibus pollet, robustasque actiones edit, quarum beneficio omnium minime morbis est obnoxia. Atqui omissa natura temperata, plurima absurda, potissimumque duo sequi docet. Alterum est, quod de reliquis temperamentis disputari nullo pacto possit, cum temperata natura intemperatarum sit regula quædam, ac norma. Dicitur enim temperamentum calidum & humidum, in quo plus caloris & humiditatis est quam in natura temperata. Quare merito dictum est à Galeno, naturam temperatam ceteris priorem esse ordine cognitionis. Alterum absurdum est, quod exerceri recte nequeat ars sanitatis tuendæ; ac potissimum ea huius artis pars quæ in corrigendis viciosis corporum statibus versatur. Huius namque scopus temperata natura statuitur, quam respiciens medicus, intemperata corpora ad meliorem statum reuocat. Cur vero artem potius tuendæ sanitatis quam methodum medendi his obiecerit, facilis est ratio. Quippe in curandis morbis temperatam naturam tamquam scopum nobis minime proponimus, sed eam quæ ægrotantis est propria: morbus enim lapsus quidam est à propria cuiusque natura, non autem à natura temperata.

Lib. 2. de tēp.  
cap. 1.

- At non præterimus, inquiunt ex his aliqui, in calido enim & humido comprehenditur. Et quomodo quinque esse in totum temperamenta non dixistis sed quattuor, si modo optimum non omisistis? Quippe duorum alterum, aut ex intemperatis statibus necesse est vnum esse omissum, aut ipsum temperatum. Atque ego quidem ex iis quæ statuunt, temperatum ipsis prætermissum certo scio. Vbi enim calidum & siccum, vel frigidum & humidum, vel aliud quoduis temperamentum nominant, non utique summas à nobis intelligi qualitates postulant, immo ex iis quæ superant, fieri appellationes volunt. Quod si temperatum statum omitti nolunt, certe reliquorum aliquem omisisse conuincuntur. Sit enim (sicut ipsi volunt) temperatus status is qui calidus est & humidus; omisus igitur illis plane est is qui frigido intemperamento aduersetur & sicco, nempe in quo humidum præpollet & calidum. At idem, inquiunt, is est. At qui fieri potest, ut simul exsuperet calidum, et non exsuperet? et superetur frigidum, et non superetur? Si enim temperatus status est, neutrum alterum immodice exsuperat: si intemperatus, necesse est exsuperet altera oppositionum pars. At hoc ipsum, inquiunt, temperati status proprium est, ut in eo calidum præstet frigido, et humidum sicco. Quippe si frigidum modice quidem vincat, non esse commodum temperamentum; si amplius exsuperet, iam utique morbum existere; æque ut si vehementer exsuperet, mortem. Ad eundem modum de sicco iudicandum, in principio quidem existere intemperiem; si amplius augeatur, ægritudinem; si plurimum exsuperet, mortem. Ceu*



vero de calido & humido non idem sit iudicium. Quis enim non dicat, ubi A  
vel calidum frigido, vel humidum sicco paullo quidem plus valet, intemperiem  
ita fieri; ubi ampliter exuperat, morbum; ubi plurimum, mortē? Si quidem eadem  
est utrobique ratio. Alioqui nec qui calidi humidique immodice status sunt, eos  
vicio demus, nec qui calidi morbi cum humore immodico consistunt, eos esse  
morbos fateamur.

Ne absurda illa concederent, respondebant nonnulli ex philosophis & me-  
dicis, non fuisse omissam naturam temperatam; sed comprehendi sub calida &  
humida. Hanc responsionem merito refellit Galenus, quia si temperatam na-  
turam non omiserunt, quinque non quattuor temperamentorum differentias  
statuere debuissent; vnam temperatam, intēperatas quattuor. Quod si tempera-  
tam omissam non fuisse contendunt, concedent saltem, omissam esse vñā ex in- B  
temperatis; eam scilicet quæ frigida & sicca est cōtraria, & in qua calor frigidita-  
ti, & siccitati humiditas præpollet. Ostendit tamen concedendū esse necessa-  
rio, naturam temperatam omissam fuisse, quia calidum, frigidum, humidum,  
& siccum, excessum aliquem in mistis denotant; cum ex ipsorum sententia di-  
cantur tantum bifariam, absolute in elementis, & in mistis per exsuperantiam.  
Respondent tamen, nullum temperamentum omissum fuisse, quoniam tempe-  
ratum non distinguitur à calido & humido. Sed id ex eo refellit, quod duæ con-  
tradicientes essent simul veræ, nam eadem qualitas contrariam qualitatem su-  
peraret, & non superaret: & rursus eadem qualitas superaretur à contraria, &  
non superaretur. Quippe si temperatus status est, neutra qualitas alterā im-  
modice excedit. Dixit autem immodice, quia exiguos insensilesque excessus pror- C  
sus contemnimus. Si vero status est calidus & humidus, & frigiditatem calor, &  
humiditas siccitate in manifesto excedit. Ceterum ut has obiectiones effugiant,  
concedunt tandem contumaces isti philosophi ac medici, id temperatæ na-  
turæ esse proprium, ut in ea calidum frigido, & humidum sicco præpolleat: quæ  
sententia placuit itidem Hieremiæ. Sed & à reliquis intemperiebus calidam &  
humidam eo distingui putant, quod hæc numquam possit esse immodica. Re-  
liquæ vero si modicæ fuerint, viciossæ quidem sint, versentur tamen adhuc in-  
tra sanitatis limites; si vero ita sint immodicæ, ut actionibus noxam inferant,  
censeantur iam morbi; ac tandem si plurimum increuerint, mortem possint in-  
ducere. At quæ maior intemperiei calidæ & humidæ quam reliquarum ratio  
esse potest? Nonne experimur quotidie, calidam & humidam intemperiem, si  
modica sit, sanitatis limites nondum excedere; si immodica, morbum iam esse; D  
si maxima, mortem inferre? Quod si fidem sensibus abrogantes, hæc minime  
velint concedere, effugere certe non poterunt, quin hæc duo maxima absurda  
concedant; nullum scilicet temperamentum, quod calidum sit & humidum, vi-  
cio dari posse; & nullum morbum esse calidum & humidum.

Has quidem, & eiusmodi obiectiones diluentes quidam Attalensis Athenæi  
sectatores, negant aut calidum humidumque statum vicio dandum, aut mor-  
bum vllum inueniri, qui calidus sit & humidus: sed omnino qui vel calidus sit  
& siccus, ut febris; vel frigidus & humidus, ut aqua intercus; vel frigidus &  
siccus,



**A** siccus, ut melancholia. Faciunt hic & de anni temporibus mentionem, quorum hyemem frigidam esse atque humidam dicunt, æstatem calidam & siccam, autumnum frigidum et siccum, ver autem tum temperatum, tum vero calidum humidumque appellant. Ad eundem modum et ex ætatibus puerilem quidem temperatam esse, tum vero calidam humidamque. Porro indicari autumant eorū temperiem ex naturalibus actionibus, quæ illa ætate maxime sint firmæ. Sed et mortem aiunt animantium corpora ad frigidum siccumque perducere: quippe mortuos Græce ἀνίστασθαι, vocari, quasi nihil humecti in se habentes; utpote tum caloris abitione eo exhaustos; tum frigore rigentes. Quod si, inquiunt, mors talis est naturæ, certa vita, cum sit illi contraria, calida est et humida. At vero si vita, inquiunt, calidum quiddam atque humidū est, omnino quod illi simillimum temperamentum est, id optimum necessario est: quod si est, neminem latet idem quoque temperatissimum esse. Sic in idem recidere calidum humidumque statum cum temperato, nec aliud esse temperatum, siue eueraton statū, quam caliditatem simul et humiditatem pollentes. Atque Athenæi quidem sequacium hæ sunt rationes. Videturque et Aristotelis philosophi, et post eum Theophrasti, et Stoicorum eadem esse quodammodo sententia. Ita testium quoque numero nos territant.

**C** Superiorum obiectionum vim expedientes medici quidam, Athenæi sectatores, nullum temperamentum calidum & humidum vicio dari posse, nullumque morbum calidum & humidum esse libenter concesserunt. Sed morbum omnem (partium scilicet similiarium proprium) vel calidum & siccum esse arbitrati sunt, qualis est febris; vel frigidum & humidum, qualis est hydrops; vel frigidum & siccum, qualis est melancholia. Porro quod temperamentum calidum & humidum idem sit cum temperato, tribus rationibus confirmant. Prima desumpta est ex vere, quod temperatum esse aiunt, simulque calidum & humidum. Quod temperatum sit, ab omnibus concessum est; quod vero calidum sit & humidum, ostendunt, quia cum quattuor sint anni tempora, & quattuor itidem temperamentorum differentia, singula singulis temporibus convenire debent. At hyems frigida est & humida, æstas calida & sicca, & autumnus frigidus & siccus; ergo ver calidum erit & humidum. Alteram rationem adiungit capite sequenti, colligebant enim ver esse calidum & humidum, quia hyeme est calidius, & humidius æstate. Secunda ratio petita est ex pueritia, quam humidam & calidam, & simul ætatem omnium temperatissimam esse prædicant. Optimam vero pueritiæ temperiem ex actionum naturalium robore confirmant. Tertia ratio difficilior est, mors, inquiunt, in frigido & sicco consistit, cum mortui absumpto humido siccissimi, extinctoque calore frigidissimi appareant: atqui vita contraria est morti: ergo consistet vita in calido & humido. Unde recte videntur colligere, temperamentum calidum & humidum esse omnium optimum, quoniam in omnium optimo temperamento vitam consistere necesse est. Postremo Aristotelem, Theophrastum, & Stoicos, testes inuocant, qui videntur idem sensisse, cum viuentia omnia calida esse & humida dixerint.





*GO* vero, quemadmodum Aristoteles de calida humidaque temperie senserit, in progressu, si res postulet, fortasse explicabo; videntur enim eum non recte accipere. Nunc id agam, ut eos qui sic sentiunt, in quo seipsos fallant, doceam; mox rem totam in unum coactam caput demonstrerem. Cum enim calidum & humidum, atque etiam eucraton existimant ver esse, hic se manifeste decipiunt. Nam neque humidum est sicut hyems, neque calidum sicut æstas; quare neutrum immodice: cum tamen ipsis auctoribus excessum quendam indicet quoduis talium nominum.

B

Dissoluit hoc capite sectatorum Athenæi rationes, ac potissimum primam desumptam ex vere. Concedit itaque temperatum esse ver, negat tamen calidum esse & humidum. Neque enim, inquit, humidum est sicut hyems, neque calidum sicut æstas; quare neutrum immodice. Quo loco non comparat ver ætati & hyemi, ut recte advertit Fuchsius; neque colligit, ut falso putat Hieremias, ver non esse calidum & humidum, quod neque hyemis humiditatem, neque calorem æstatis attingat; cum multa quidem sint calida, quæ non assequuntur æstatis calorem; & multa rursus humida, quæ longe absunt ab hyemis humiditate. Sed propriam veris naturam expendens recte concludit, ver neque immodice calidum esse, neque immodice humidum. Non enim humidum est sicut hyems, id est vere nulla excedit humiditas, ut excedit hyeme: neque calidum est sicut æstas, id est neque vere excedit calor, ut excedit æstate secundum naturam.

C

Bisariam autem sunt decepti, primum quidem, quod in [quattuor anni] temporibus quartam temperamentorum coniugationem inuentam omnino volunt: deinde, quod id ea ratione concludunt, quod sit hyeme quidem calidius, æstate vero humidius. Verum nec quartam in temporibus anni statuere temperamenti coniugationem est necesse, nisi etiam talis appareret: & contulisse id cum temporibus utrinque positis, non magis id humidum & calidum, quam frigidum probat & siccum. Si enim calidum humidumque excessus cuiusdam nomina sunt, non potest (nec ipsis quidem auctoribus) verum esse, quod ver in omnibus mediocriter sit. Si autem eo quod æstate humidius est, hyeme vero calidius, idcirco humidum est & calidum; quid causæ est, quominus frigidum id siccumque putes, propterea quod æstate frigidius, & hyeme siccius? Vel quam sibi facit sortitionem, ut unam partem oppositionis ab hyeme, alteram ab æstate accipiat? Quippe cum ab utroque in utraque oppositionis parte dissideat, non ex dimidio collationem, sed ex toto habere debebat. Atqui si ita fiat, contraria illi inesse dicemus; nam calidum erit & siccum, si conferatur cum hyeme; frigidum & humidum, si cum æstate. Ex neutra igitur collatione, si modo integra est, calidum & humidum erit. Sed si illis licet, ex utraque oppositione sumpto dimidio, calidum

D



**A** *dum id humidumque asserere; nobis quoque ad alterum dimidium transire, atque id frigidum & siccum dicere, quid ni licebit? scilicet siccum ut ad hyemem, frigidum ut ad æstatem. Omnia igitur hac ratione ver erit, humidum, siccum, calidum, frigidum: atqui illorum ipsorum sententia non possunt quattuor qualitates in vna eademque re præpollere.*

Soluit rursus duas illas rationes, quibus Athenæi sectatores ostēdebant ver esse calidum & humidum. In priori negat singulas qualitatū coniugationes singulis anni temporibus conuenire, etiam si quaternario numero utraq; comprehendantur. Quare licet hyemem frigidam & humidam, æstatē calidam & siccam, & autumnum frigidum & siccum esse concedamus; non inde sequetur ver esse calidum & humidum: neque enim necesse est, quartam hanc cōiugationem in anni temporibus (ut ipsi putant) inueniri. Adde, quod neq; temperamentum frigidum & siccum in anni temporibus reperiatur, cum autumnus frigidus non sit, ut ipse postea docebit. Alterā rationem bifariā reprehendit. Primum quidem, quia si veris temperies ad æstatem & hyemem facta collatione (ut illi volunt) colligenda sit, non est maior ratio, cur calidum & humidum potius quam frigidum & siccum dicendum sit ver. Quemadmodum enim calidius est hyemē, & æstate humidius; ita & hyeme siccus est, & frigidus æstate. Deinde, si adhuc contendant veris temperiem per comparisonem ad æstatem & hyemem recte colligi; certe huiusmodi comparatio facienda non est ex dimidio, id est in vna tantum qualitate; sed in totum, id est in duabus qualitatibus, quæ in æstate & hyeme inueniuntur. At si in ambabus qualitatibus hyemi & æstati conferatur ver, omnia profecto erit; nam hyemi collatum, erit calidum & siccum; collatum vero æstati, erit frigidum & humidum. Sed mirum videri possit, quomodo ver calidum & humidum isti dicerent per comparisonem ad æstatem & hyemem; cum ex illorum sententia calidum, frigidum, humidum, & siccum, dicerentur tantum bifariam, simpliciter scilicet, & per exsuperationem. Aut igitur sui immemores affirmarunt utrumque, aut non dixerunt ver calidum esse & humidum per comparisonem; sed collegerunt tantum esse humidum & calidum, quia calidius est hyeme, & humidius æstate.

**D** *Ergo neque æstati, neque hyemi ver comparare est æquum, sed potius ipsum per se æstimare. Neque enim hyemem ipsam ea de causa humidam esse & frigidam dicimus, quod reliquis temporibus humidior frigidiorque sit, immo id illi alia ratione accidit; sed quod humiditas in ea superet siccitatem, & frigiditas calorem, propterea frigida dicitur atque humida. Ad eundem modum & æstas, cum in ea humor vincitur a sicco, & frigidum a calido, ipsa quoque calida dicitur & sicca. Siquidem æquum censeo, quattuor anni tēporum quodlibet ex suapte æstimatum natura, non ex alterius comparisonem, calidum, frigidum, humidum, siccum ve nominari debere. Quin etiam si ad hanc formulam æstimes, apparebit tibi ver esse omnis excessus plane in medio; cum neque sicut in hyeme plus valeat in eo frigidum quam calidum, neque sicut in æstate minus. Ad eundem modum siccitatis humiditatisque æquabilitatem in eo spectes, neque*  
*scilicet*



*scilicet in eo sicut in aestate praevalente sicco; neque sicut in hyeme exsuperante humido. Proinde recte ab Hippocrate est dictum, ver esse saluberrimum, ac minime morbis, qui mortem adferant, obnoxium.*

Ex iis quæ dicta sunt colligit, veris, ut reliquorum anni temporum, temperiem ex propria sui natura perpendendam potius esse, quam facta comparatione ad alia anni tempora. Dicitur namque frigida & humida hyems, non quod frigidior & humidior sit ceteris anni temporibus (quamvis & hac ratione vere quoque dici possit) sed quod frigiditas calori, & siccitati humiditas in ea reuera præpolleat. Aestas similiter calida & sicca dicitur, non quod reliquis temporibus calidior sit & siccior, sed quod calor frigiditatem vincat, & siccitas humiditatem. Si igitur ad hanc formulam (id est ex propria sui natura, ut de hyeme & aestate dictum est) veris temperiem expenderis, apparebit profecto ver omnino temperatum, cum qualitas in eo nulla immodice excedat. Non enim probo Iacobi Syluii explicationē, qui sentit velle Galenum hoc loco, non solum ex propria natura, sed etiam ad hanc formulam, id est vicinis partibus collatum, ver esse temperatum. Id namque reprehensione dignū censet Galenus, si temporis anni temperies per collationem ad alia anni tempora colligatur. Sed & ratio monstrat optimam veris temperiem, cum saluberrimum sit, & lethalibus morbis minime obnoxium, ut inquit in aphorismis Hippocrates: cum tamen si calidum esset & humidum, esset haud dubie insaluberrimum, ut postea dicemus. Cur autem vere temperatissimo & saluberrimo contingant interdū morbi gravissimi, dictum iam est lib. de nat. homi. Hæc pertinent ad veris temperiem. Hieremias tamen, ut videatur aliquid agere, patrocinari capit Athenæi sectatoribus, quos excusari posse scribit, si ver dixerunt modice calidum & humidum, hoc est (ut ipse interpretatur) calidum potius quam frigidum, & humidum potius quam siccum. Nam & hoc pacto inquit, ipsimet Galeno idem aliquibi excidisse. Porro quod ver calidum potius sit quam frigidum, probat ex eo, quod vere sese aperiat, & germinet terra, & in nostris corporibus humores fundantur. Neque mirum esse ait, si ver modice calidum & humidum, temperatum dicatur, cum & adolescentia modice calida & humida sit, & temperata iudicetur: & in homine temperato calidum quoque & humidum excedant. Ceterum fallitur Hieremias, nā si illis auctoribus calidum & humidum excessus sunt nomina; fieri profecto nequit, ut ver temperatum, calidū potius sit quam frigidum, & humidum potius quam siccum. At quod sese aperiat & germinet terra, & humores in nobis vere fundantur; id sane temperato potius quam excedenti calori acceptum referri debet. Neque verum est, adolescentiam, quādo temperata est, calidam & humidam esse; neque in homine temperato calidum frigidum, & humidum sicco præpollere, ut libro sequenti dicemus. Sed nonne Hippocrates ver etiam dixit calidum & humidum? Dixit sane, improprie tamen & abusive; quoniam quæ temperata sunt, calida & humida veteribus olim dicebantur, quod nostram naturam (ut auctor est Galenus) calidam & humidam esse dicerent. Quæ sane loquendi ratio, licet minus propria sit, ipsimet tamen Galeno, ceterisque medicis aliquando est in usu. Vocant enim balneum calidum, & calidum poculum, cum hæc temperata sunt & symmetra, ut idem Galenus fatetur. Si itaque ver, quod reuera temperatum est, calidum & humidum vocassent Athenæi sequaces, fautorem habuissent Hippocratem, & forte quoque Galenum

Aphor. 9. lib. 3.

Com. 32.

Lib. 3. aphor. com. 6.

Lib. 1. de nat. homi. sent. 32.

Lib. 5. de simp. med. fac. cap. 5.

Lib. 4. de simp. med. fac. cap. 2.



**A** Galenum. Cum tamen illud temperatum prædicent, simulq; in eo & calidum frigidum, & humidum sicco præpollere affirmant, iusta reprehensione digni censentur.

*Est & autumnus ut quæ æstas minus calidus, sic utique quam hyems minus frigidus. Quare hac ratione nec calidus absoluto sermone est, nec frigidus, quippe cum ambo sit, & neutrum ad summum. Ceterum alterum est in eo incommodum, quod etiã Hipp. illa sententia significauit, dicentis in aphorismis, cū eodem die modo frigus nos afficit, modo calor urget, autūnales exspectandi morbi sunt. Atq; ea res est, quæ maxime autumnum morbiferum facit, inæqualis ipsa temperies. Itaq; non recte frigidus siccusq; dicitur, non enim frigidus est, si ipse per se spectetur, ut hyems est; sed ubi cum æstate confertur, utique illa frigidior. Sed*

**B** *nec æquabiliter temperatus sicut ver, immo in hoc maxime ab illo tempore distidet, quod mediam temperiem & æqualitatem perpetuo parem non seruet; quippe meridie multo est calidior quam mane & vespere. Nec in humido & sicco medium omnino statum obtinet quemadmodū ver, sed ad siccus deuergit: ab æstate vero etiam in hoc vincitur, non tamen tanto interuallo, quanto in calore. Ergo patere arbitror, nec autumnum absoluto sermone & citra exceptionem si frigidum & siccum (sicut illis placet) dicendū esse, cum neutrum ad summum sit, sed vincat in eo siccitas humiditatem; qua ratione merito siccus appelletur; in calore vero & frigore mistum quiddam ex ambobus & inæquale statuatur. Proinde si quattuor temperamentorum coniugationes in quattuor anni tempora distribui volunt, sciant, se non solum veri calidum humidumque statum male assignasse, sed etiam autumnum frigidum & siccum. Quamquam si hunc quoq; concedamus frigidum & siccum esse, non erit statim necesse ver humidum calidumque esse. Non enim si quattuor intemperaturæ coniugationes in totum sunt, iam omnes eas in quattuor anni tempora dispensari necessum est. Sed si quis hoc in mundo est ordo, & prout melius est non prout peius omnia sunt disposita: probabilius sit, plura quidem ex anni temporibus temperata esse facta, vnum vero, si modo aliquod, intemperatum. Hi vero contra ostendere conantur nullum eorum esse temperatum; sed necessario in ipsis exsuperare alias calidum, alias frigidum; & nunc, si ita fors tulit, siccum, nunc humidum.*

**D** *Quam inefficax sit ratio illa sectatorum Athenari, ex veris temperie hætenus monstrauit; nunc idem ostendit ex autumnum, quem falso dixerūt frigidum esse & siccum. Nam si huiusmodi esse dicant facta ad æstatem & hyemem collatione, quod scilicet æstate frigidior sit, & hyeme siccior; male profecto faciunt, cum hac ratione nec calidus absoluto sermone (Græce ἀπλῶς) nec frigidus, sed ambo sit, ac neutrum ad summum, Græce ἀκρῶς. Quibus verbis significat, autumnum collatione ad æstatem & hyemem nec calidum nec frigidum dici tantū posse, sed calidū simul & frigidum; frigidum quidem ad æstatem, ad hyemem vero calidum: neutrum tamē ad summum, nimirū ut in anni temporibus. Neq;*

*enim*



enim ad summum calidus est autumnus quemadmodū æstas; neque sicuti hyems A  
ad summum frigidus. Quod si ex propria natura autumnum æstimare velint, ne  
sic quidem frigidum esse vere dixerint, cum sit potius in calore & frigore inæ-  
qualis; viget enim mane ac vespere frigus, calor autem molestat adhuc meridie.  
Et quamvis cum vere in eo conueniat, vt neque calidus neque frigidus dici  
possit; in eo tamen differunt, quod ver in vtraque qualitatū oppositione tē-  
peratissimum sit, autumnus vero in vtraque intemperatus: est namque per ex-  
cessum siccus, in calore vero & frigore maxime inæqualis, vt dictum est. Atque  
hanc inæqualitatem significauit Hippocrates, sic scribens in aphorismis, Cum B  
eodem die modo frigus nos afficit, modo calor vrget, autumnales morbi ex-  
spectandi. Quæ sanæ inæqualitas, vt inquit hoc loco Galenus, autumnum ipsum  
insaluberrimum facit, & perniciosissimis morbis obnoxium: nam vt ab Hippo-  
crate proditum est, autumnus in vniuersum morbi acutissimi & perniciosissimi.  
Cuius euentus duplicem potissimum causam statuere oportet, contrarios hu-  
morum motus, & partium imbecillitatem. Agitantur quidem humores cōtra-  
riis moribus, quia dum viget meridie calor, foras euocantur, ac rursum mane &  
vespere vigente frigore intro pelluntur. Quo fit, vt magna ex parte impedita  
diffusione, noxii humores ad partes internas impetum capiant. Partes vero  
imbecilliores redduntur, quia subitas eas atque contrarias mutationes citra in-  
signem noxam subire nequeunt. Vicissitudine namque calidi & frigidi, partium  
substantia non secus frangitur ac ferrum, dum vicissim nunc candet, nunc frigi-  
da tingitur: vt recte dixit Hieremias. Sed præter inæqualem intemperiem, quæ  
tantorum malorum est causa, tres alias adiungit Galenus. Quippe hoc malum  
autumno etiam inest, vt æstatem excipiat, in qua humores multis aduulsi, qui-  
busdam etiam debilitata sunt vires. Ad hæc humores, qui prius per æstatem C  
moueabantur ad cutim, atque eiusdem perspiratu digerebantur, per autumnum  
ab æris ambientis frigore in profundum pelluntur, cogunturque. Atq; hæ duæ  
causæ, quemadmodum & inæqualis intemperies, omnibus hominibus sunt  
communes. His vero qui vicioso victu vtuntur, auctarii vice poma accedunt,  
quibus abunde repleti, prauorum humorum copiam autumnus facile colligit.  
Concludit itaque tandem Galenus, male Athenæi sectatores, quattuor tempe-  
ramentorum coniugia, quattuor anni temporibus adaptasse; cum demonstra-  
tum hætenus sit, neque ver calidū esse & humidum, neq; autumnum frigidum  
& siccum. Et quamvis autumnum frigidum & siccum esse concederemus, non  
inde sequeretur ver esse calidum & humidum, neq; enim quattuor intemperies D  
in anni temporibus inueniri necesse est, vt illi existimarunt. Immo si quis (vt  
Galenus ait) hoc in mundo est ordo, & prout melius est non preut peius omnia  
sunt disposita; probabilius sit plura ex anni temporibus temperata esse facta,  
vnum vero, si modo aliquod, intemperatum. Quem sane locum plerique diffi-  
cillimum iudicarunt, quod videatur asserere, plura ex anni temporibus tem-  
perata esse facta, vnum vero solum intemperatum; cum tamen tria potius intē-  
perata, vnum vero temperatum esse experiamur. Merito igitur Hieremias sus-  
pectam habuit hanc sententiam, nisi Galenus intelligat, satius esse vt plura sint  
temperata atque vnum intemperatum, quam e contrario omnia intemperata.  
Quod cum forte fortuna recte dictum esset à Hieremia; sibi omnino placere  
non potuit, vt hinc arrepta occasione, in Galenū (vt solet) inuheretur. Expli-  
cationē tamen à suo auctore neglectā, quā postea amplexi sunt Fuchsius & Lo-  
pezius, nos libentissime admittimus. Cū enim Athenæi sectatores ver calidum  
& hu-



- A & humidum esse dicerent, omnia anni tempora intemperata statuebant. Cuius opinionis absurditatem ex eo nunc Galenus ostendit, quod naturæ ordini plurimum aduerfetur, quæ in suis omnibus actionibus id quod melius est perpetuo eligit. Atqui cum temperies melior in vniuersum fit intemperie, melius videtur esse, vt plura ex anni temporibus temperata sint facta, quam vt sint omnia intemperata. Quare qui dixerit, omnia anni tempora esse temperata, aut plura quidem temperata & vnum saltem intemperatum; falsum profecto diceret, loquetur tamen maxime probabilia, quoniam hæc opinio naturæ ordini multum est consentanea. At sectatorum Athenæi opinio, non solum falsa, sed etiam improbabilis est & absurda; vtpote quæ naturæ ordini prorsus aduerfetur, omnia anni tempora intemperata statuens. Cum vero aptissima hæc sit loci explicatio, nihil profecto est, quod suspicari nos cogat, deprauatum esse hunc locum atque transpositum; vt faciunt illi, qui legendum potius sentiunt, probabilius esse,
- B vt plura ex anni temporibus intemperata sint facta, vnū vero, si modo aliquod, temperatum. Sed dubitari adhuc merito possit, cur si natura id quod melius est semper eligit, non omnia anni tempora, aut saltem plura, temperata effecerit; cum temperies multo melior sit intemperie, atque salubrior. Respondet Fuchsius, id propterea factum, quoniam Deus Opt. Max. rerum omnium esse vicissitudines, & hominem propter peccatum primi parentis nunc algere, nunc impensius calere voluit. O miram atque piam hominis alioqui impiissimi explicationem! Confugit miser ad peccatum primi parentis, vt facere solent male docti, maleque exercitati concionatores, cum rerum dicendarum inopia premuntur. Quasi vero satius non sit, ad mundique conseruationem multo vtilius, tria ex anni temporibus intemperata esse, vnicum autem temperatum; etiamsi temperies melior in vniuersum intemperie videatur. Vere siquidem
- C temperatissimo ob caloris mediocritatem germinant plantæ, & sponte nascuntur herbæ: quæ accedente æstate ad iustam magnitudinem, summamque perfectionem perueniunt: ob calorem scilicet & siccitatem, quæ gliscenti plantarum incremento maxime sunt idonea. Aestatem autumnus excipit, qui sua inæqualitate præcedentem feruorem temperat, ne terra vi caloris deusta, ad nouam plantarum generationem redderetur prorsus inepta. Ac tandem hyems præcedentiū temporum siccitatem pluuiarum copia & frequentia corrigit, vt irrigata terra, quæ sibi committuntur semina, intra propria viscera facile concipiat. Nec minus utilis censeretur hyemis frigiditas, cuius beneficio fit, vt & defrondescent arbores, & calore sensim contrabescente marcescant herbæ, quo facilius succedere vere, veluti recuperatis viribus, denuo germinent, optatosque tandem fructus ferant, ad animalium conseruationem necessarios.
- D Ego vero, tantum abest, vt aut ver, aut siquid temperatum est, calidum atque humidum dicam, vt quod plane contrarium est, id affirmem, omnium aëris ambientis temperamentorum pessimum id esse quod humidum est & calidum. Quod sane temperamentum in quattuor anni temporibus inuenire nequeas, in morbo & pestilenti aëris statu interdum incidit; veluti quodam loco Hippocrates commemorat his verbis, Pluebat per æstum hymber largus assidue; id namque est humidi & calidi status proprium, vt in æstu assidue pluat. Quod si vel tantum æstus sit, quemadmodū in naturaliter se habente æstate; vel pluat, sed in frigore,



veluti hyeme solet; fieri nequit, ut is status calidus sit & humidus. An igitur A  
 sine morbis erat æstas illa, in qua pluuisse dicit in caloribus assidue largum hym-  
 brem? Atqui carbunculos in ea fuisse narrat, putrescentibus scilicet in corpore  
 excrementis, ac saniem quandam, quæ calida humidaque immodice fuerat, gi-  
 gmentibus. Intelliges id ex ipsa dictione, si totam tibi adscripsero: ea sic habet,  
 Erant in Cranonæ carbunculi æstivi; pluerat per æstum largo hymbri, idque B  
 assidue; acciderant autem magis austro. Ac suberat quidem sub cute sanies, quæ  
 conclusa incaluit, ac pruritus excitavit; mox pustula, veluti ambustis sunt ob-  
 orta, vtrique sub cute sunt visæ. Verum hinc minus, utpote vno tantum e quattuor C  
 temporibus mutato, malum fuit. Quod si duo, tria ve sint mutata, aut etiam to-  
 tius annus calidus humidusque fuerit; necesse est magna pestilentia succedat; cu-  
 iusmodi in tertio epidemion [ id est grassantium publice morborum ] narrat.  
 Apponam autem primum quæ de temporum intempestivo statu scripsit; deinde de  
 hominum quæ subsequuta est corruptela. Aduertas autem animum in omni-  
 bus velim, æstimesque primum, cuiusmodi res sit calida humidaque temperies,  
 quamque veri, quod temperata res est, dissimilis: deinde, quam necessario in ea  
 omnia putrescant. Incipit igitur Hippocratis narratio in hunc modum, Annus D  
 austrinus, pluuius, à ventis in totum silens. Deinde totius status particularem  
 rationem his subiicit, crebros hymbres in calido & austrino statu fuisse scribēs; C  
 mox vniuersum sermonem in vnam summam conferens sic. Cum fuisset, inquit,  
 totus annus austrinus, humidus, & mollis; hæc & hæc inciderunt: quæ vtrique  
 omnia in hoc libro scripsisse sit longum. Licet autem cui libuerit, in tertio epide-  
 mion membratim ea legere, ac in vnum caput omnia redacta videre, nempe pu-  
 tredinem maximam. Cuius etiam ipsius Hippocrates non raro nominatim me-  
 minit, alias sic scribens, Erat autem & fluxio ipsa collecta haud similis puri, D  
 sed alia quedam putredo, ac fluxio multa, variaque. Alias sic, Et in pudendis,  
 carbunculi æstivi, cum alia quæ putredines appellantur. Et quod ex hac putre-  
 dine multis quidem brachium, & cubitus totus deciderit; multis femur, vel su-  
 ra\* est nudata, totusque pes. Quin etiam magni ossium, carnum, neruorum, ar-  
 ticularumque prolapsus inciderunt. Denique nullum ex affectibus quos scripsit  
 inuenias, qui merito soboles putredinis non sit.

\* vniuers.

Quoniam Athenæi sectatores temperamentum calidum & humidum idem  
 dixerunt esse cum temperato, propterea id nunc refellit Galenus, ostendens,  
 calidam & humidam aëris temperamentum non solum temperatum non esse,  
 verum etiam pestilentissimum, & morbis ex putredine ortis omnium maxime  
 obnoxium. Id autem nunc probat ex iis quæ experientia comprobata sunt, idem  
 postea confirmaturus ratione. Hippocratis experientiam (cui maxime creden-  
 dum esse merito censet) in medium proponit, duo proferens huius rei testimo-  
 nia ex libris epidemion. Alterum desumptum est ex lib. 2. epid. par. 1. sent. 1.  
 ubi calidam & humidam æstatem primum descripsit, postea vero speciem car-  
 buncu-



- A carbuncolorum, qui tota ea æstate populariter grassati sunt. Aestatis conditionē calidam & humidā exprelsit illis verbis, Pluerat per æstum largo hymbrio, i. q. assidue æstus enim nomen vehemētem caliditatem denotat, hymbrium autem copia & frequentia magnam humiditatē. Auxit itidem prauam eius status conditionem, tum auster ventus calidus & humidus, tum etiam regionis & ciuitatis situs, quoniam Cranon ciuitas erat mediterranea in Pelagiotide Thessalia, in campis nimirum quæ vocant Tempe, australibus ventis tantum exposita, minimum vero aquiloniis. Huius itaque æstatis constitutionem humidam & calidam carbunculi pestilentes subsequuti sunt quamplurimi, quorum formam ibidem descripsit Hippocrates. Triplex enim esse potest carbuncolorum species, auctore Galeno. Omnium frequentissimi sunt, qui cum pustula vna nascuntur, eaque nigra, luida, aut cineritia; quæ statim eo in loco apparet, quem æger propter molestum pruritum frequenter scalpit: quæ disrupta crustosum vlcus efficitur. Fiunt interdum cum pluribus pustulis, quæ vel sunt ambustis similes, vt inquit Hippocrates, vel (vt Galenus ait) similes semini milii. Quarum sane generatio ex serosa humiditate feruenti p. ouenit, quæ vna cum sanguine ad partem affectam decumbit. Sed & sine pustula, cum solo crustoso vlcere fiunt aliquando carbunculi, qui ceteris rarioribus esse solent. Secundæ igitur speciei erant, qui tota illa æstate calida & humida publice grassati sunt carbunculi; cum pleribus enim pustulis exstiterunt, vt refert Hippocrates. Alterum testimonium petitum est ex lib. 3. epide. part. 3. sent. 1. vbi non vnus aut alterius temporis, sed totius anni calidum & humidum statum ad hunc modum depinxit, Annus austrius, pluuius, à ventis in totum silens. Austrinus dicitur ob austrum calidum & humidum, qui aut semper, aut frequēssime flauit. Pluuius ob hymbrium frequentiam & copiam, vnde maximam humiditatem contraxit aër, paratissimam putredinis causam. A ventis autem in totum silens ob ventorū absentiam, cuius occasione totus ille annus supra modum tranquillus exstitit. Cū vero talis fuisset totius anni constitutio, pestis maxima populus inuasit, quæ miseris mortalibus calamitatem, clademq; intulit incredibile, vt constat ex Hippocraticæ dictionis serie. Ex quibus pater, aëris statū calidum & humidum omnium pestilentissimum esse, tantum abest, vt dici debeat temperatus.

Lib. 14. med.  
tho. med. c. 10.

- Quippe cum nec à sicco putrefieri quidquam sit aptum, nec a frigido. Intelligas id, si carnes, & reliqua quæcumque asseruari ab hominibus solent, obserues, hæc sale, hæc muria, hæc aceto, hæc alio quopiam ex iis quæ siccant, cōmode preparari. Deprehendas, & borea, qui siccus natura & frigidus ventus est, omnia quam diutissime imputria durare; contra putrescere facillime austrino flatu, est enim is ventus calidus & humidus.

\* περιχέμενα.  
additur græce,  
id est condita.

Ratione ex cōtrariis petita rursus probat, aëris statum calidum & humidum putredinis esse causam. Quippe si à frigido & sicco nihil potest putrefieri, fiet profecto putredo à calido & humido. Quod nihil putrescat à frigido & sicco, ex iis primū confirmat, quæ, ne putrescant, condiri solent; condiuntur namq. sale, muria, aut aceto, quæ exsiccandi facultate sunt prædita. Hæc autē à putredine vendicant, tum quia humiditatem, putredinis materiam, absumunt; tum etiam quia oclusis meatibus innatum calorem retinent, ne facile dissipetur. Idem præterea ostendit exemplo boreæ & austris; namque res sibi expositas promptè corrumpit, quia calidus est & humidus; ille contra, quia frigidus est & siccus, integras imputresq. diutissime seruat. Quod si præter huiusmodi exempla.

K

quibus



quibus utitur Galenus, rationem quoque velis consulere; facillimum profecto A  
erit, ex causis & generatione putredinis demonstrare, nihil unquam putresce-  
ri à frigido & sicco. Duplex enim putredinis causa à philosophis omnibus pa-  
riter ac medicis statuitur, efficiens, & materia. Efficiens calor externus est, qui  
natum viciat, ac corrumpit. Vocamus autem calorem externum, non solum  
eum (ut multi opinantur) qui aëri inest, aut aquæ, sed in uniuersum omnem eum  
qui præter naturam est: siue is extrinsecus adueniat, siue in ipsomet corpore  
gignatur. Putrēt namque in febribus putridis humores, nullo ab aëre aut aqua  
accepto calore; sed quia à calore præter naturam, qui in loco obstructionis po-  
tissimum gignitur, accenduntur. Quo fit, ut non tantum calidi humores putre-  
scant, sed etiam frigidi, qualis pituita est. Neq. vero frigiditas putredinis caus-  
sa esse potest, ut quidam somniarunt; nisi forte ex accidenti, quod innatum ca-  
lorem imbecilliores reddat. Putredinis materia humiditas est, vel potius hu- B  
mida substantia, quæ male ab innato calore gubernatur. Id ex eo constat, quod  
quæ omni ex parte sicca sunt, ut lapis, æs, aurum, putredinē non sentiant: & quæ  
ex siccorum numero corruptionem patiuntur, ut ossa & ligna, carie potius ten-  
tentur quam putredine. Quamobrem non immerito à multis reprehenditur  
Ioachimus Perionius, quod cariem cum putredine passim confuderit in Aristo-  
telis translatione. Fit autem putredo, quando corpore præter naturam incale-  
scente, non amplius ab innato calore continetur ac gubernatur humidum; sed  
violēter foras extrahitur, à siccoq. separatur, cui natiui caloris beneficio recte  
antea permixtum erat. Hinc enim fieri experimur, ut quæ putrescunt, exterius  
humidiora appareant; quamuis tandem absumpto humore exsiccata, veluti in  
puluerem redigantur. Neque alio spectare videtur, quod dictum est ab Ari-  
stotele, simplici generationi contrarium maxime cōmune esse putrefactionem. C  
Nam quamuis corruptio potius quam putredo (quæ species corruptionis est)  
videatur generationi contraria; reuera tamen magis contraria est putredo. Si-  
quidem in generatione caloris innati beneficio humido permiscetur siccum, in  
putredine vero caloris externi vi humidum à sicco separatur. Ob eandem quo-  
que causā dicitur putredo magis cōtraria concoctioni quā cruditas, quia caus-  
sæ & effectus vtriusq. magis sunt inter se contrarii. Quæ cum ita sint, recte Ari-  
stoteles putredinē sic definiit, Putredo est proprii naturalisq. caloris in vnoquo  
Ibidem.  
Lib. 11. me- que humido existentis, ab extranea caliditate corruptio. Et Galenus putredinē  
tho. med. c. 8. esse dixit mutationem totius putrescentis corporis substantiæ ad corruptelam à  
calore externo. Est inprimis mutatio, non quæcūq. sed totius substantiæ muta-  
tio: neq. enim calfactio, humectatio, aut exsiccatio corporū, putredo est, etiā si  
huiusmodi mutationes in putrescente etiam corpore inueniri possint. Est præ-  
terea totius substantiæ mutatio ad corruptelā, quoniam putredo species quædā D  
corruptionis est. Hæc tamē, ut putredo dicatur, à calore externo fieri debet, nā  
quæ corruptio ab aliis qualitatibus fit, aut etiā ab iis quæ tota substantia agere  
dicuntur, putredo reuera non est; ut accidit iis qui morbo gallico infecti sunt.  
Quæ enim in his inuenitur sanguinis corruptio, cū ab externo calore nō fiat, sed  
à praua eius morbi qualitate; putredo reuera non erit: alioqui cū tanta humorū  
putredine febris putrida haud dubie laborarent: quod falsum est. Porro præter  
externum calorem & humiditatem, quæ duæ præcipuæ sunt putredinis caus-  
lib. 3. epid.  
part. 3. com. 1. sæ, tertia quædam adiungenda est, quæ putredinem ipsam auget, nempe quies,  
otii, aut immobilitas. Quippe, ut testatur Galenus, quæ diuini immota manēt,  
ventis minime perflata, citius ac facilius putredine tentari solent. Quo sane  
consilio mulierculæ experientia doctæ, vestes, quas in arca diutius inclusas  
serua-



**A** seruatunt, & venito exponunt, & virgis concutiunt, ne à tineis exedantur. Has putredinis causas cū Galenus expenderet, non citra rationem dixisse videtur, *Lib. II. metho. med. cap. 4.* ea tantum putrescere corpora, quæ, cum calida humidaque natura sint, neque perflata, neq; ventilata, in calido humidoque loco manent. Quamquam suspensa videri possit hæc Galeni sententia, cū & ea quæ natura sunt frigida (vt pituita, & succus melancholicus) aliquando putrescant: vt indicant febres quotidianæ & quartanæ. Quare quæ calida & humida natura sunt, dicentur tantum putrescere, quia hæc sola ex sua natura idonea sunt ad concipiendam putredinem. Quæ vero frigida sunt, etiam si interdum putrescant, ex sua tamē natura inepta sunt vt in putredinem incidunt. Quo fit, vt hæc raro difficileq; putrescant; illa vero facillime atque promptissime. Quod forte accuratius alibi considerans, præoptissime putrescere dixit, quæcumq; calida & humida, & multa sunt, in calidis locis, nisi diffari simul ac refrigerari ea contingat. *Lib. I. de differ. feb. cap. 3.* Sed de putredinis essentia & causis hæc nunc dixisse sit satis, ex quibus aperte intelligitur, nihil à frigido & sicco, sed tantum à calido & humido putrefieri.

**B** Itaque nos in totum contra quam hi qui calidum ver autumant, decernimus; cum neque tale sit; neque si esset, vtrique salubre esset. Hi autem & tale esse volunt, & propterea etiam salutiferum: vtrouque peccantes, tum in iis quæ sensu percipere, tum quæ ratione est intelligere. Cum sensu id manifeste liceat plane temperatum advertere, nec minus ratione illud inuenire, quod propterea est aptum sanitati, quod e quattuor nulla in eo qualitas exsuperet. Quod si vel caliditas eius frigiditatem multo excederet, vel humiditas siccitatem; vt variis putredinibus obnoxium, sic omnium anni temporum morbis esset maxime opportunum. *\* συνίρον.*

**C** Nunc quattuor qualitatum mixtionis æqualitas, & mediæ temperaturæ eius, & salubritatis est causa. Quid igitur medicis ac philosophis quibusdam persuasit, vt calidum humidumq. ver esse iudicarent? Nempe quod quattuor temperamentorum coniugia quattuor anni temporibus adaptare voluerunt. Porro id inde accidit quod primum omnium temperamentorum, id est medium ipsum, prætermiserunt. Quinetiam victuum, medicamentorum, omnium denique rerum differentias, in has quattuor differentias reducunt. Ex quo manifestum est, quantopere parum rectæ, fallacesque de hominis natura rationes medicationibus cbsint. Satiisque erat duorum alterum; aut prorsus eiusmodi rationes non attigisse, sed totum experientiæ concedere; aut prius in Logica speculatione exercitatum fuisse. Quippe qui nec experientiæ est attentus, & naturalia theorematà aggreditur, priusquam rationem, qua hæc inueniat, conuenienter exercuit; necesse est in eiusmodi cauilla sit perductus; ac de euidentibus, ceu is qui sensu caret, disputet: tum Aristotelem testem inuocet, vt de scilicet accipiendo ea quæ præcipit. Hic enim, calidum, frigidum, humidum, & siccum, multipliciter dici nouit: illi non quasi multipliciter, sed quæ si ad eundem perpetuo modum dici velit, accipiunt. Quinetiam is, quod aliqd suo & naturali calore, aut alieno & acquisititio calidum sit, non esse idem indicauit: illi hoc quoque perperam accipiunt. Ad hæc Aristoteles,

K. 2      itemque



itemque Theophrastus, quo respicientes, temperatam intemperatamve naturā A  
esse, iudicare oporteat, diligenter prodiderunt: illi ne id quidem intelligunt. Sed  
cum hos audiunt animal calidum humidumque dicere, aut puelli temperiem  
humidam calidamq. esse; nec quemadmodum ea dicta sint intelligunt; & stupidi  
ad quattuor anni tempora sermonē transferunt. Ceu vero idē sit, ac non longo in  
teruallo dissidens propriā alicuius temperiem humidam calidamq. esse, aut cir-  
cundati nobis aëris. Neq; enim aut idē est, aut similiter dicitur animalis tēperies  
calida & humida, sicut aëris temperamentum calidum dicitur & humidum.

Sectatorum Athenæi errores nunc detegit, errorum causas indicat, & quam  
præue Aristotelem intellexerint, docet. Errarunt quidem, tum in iis quæ perci-  
piuntur sensu, tum etiam in iis quæ cognoscuntur ratione: quæ sane grauissima B  
sunt peccata, cum duobus illis instrumentis ad res omnes inueniendas & de-  
monstrandas nobis à natura tributis, abutantur. Errant quidem in iis quæ per-  
cipiuntur sensu, cum affirmant calidum & humidum esse ver, quod tamen iudi-  
ce tactu temperatissimum deprehenditur. Peccant itidem in iis quæ ratione in-  
telliguntur, quia ver temperatum esse colligunt, quod calidum sit & humidum;  
cum monstret potius ratio, si humidum esset & calidum, fore insaluberrimum.  
Nobis enim saluberrimum esse creditur, quod sit tēperatum. Horum errorum  
proxima causa fuit, quod quattuor temperamentorum coniugia, quattuor  
anni temporibus adaptare voluerint: cum tamen id non modo necessa-  
rium non sit, verum etiam neque probabile, ut antea diximus. Ac rursus  
huius erroris altera fuit causa prior, quod scilicet naturam temperatam  
omiserint, & quattuor dumtaxat esse crediderint temperamentorum diffe-  
rentias, quas rebus omnibus accommodare tentarunt, ut alimentis om- C  
nibus & medicamentis. Quam opinionem curationibus morborum pluri-  
mum nocere verissime inquit Galenus. Nam si omnia alimenta intempera-  
ta sunt, medico non licebit hominem nutrire, quin eundem simul aliqua qua-  
litate immutet. Ac rursus si medicamenta omnia compositam habent intem-  
periem, numquam licebit medico, saltem medicamento simplici, corpus calfa-  
cere, aut refrigerare, quin simul humectet, aut exsiccet. Hæc autem in curan-  
dis morbis maxime sunt absurda, cum & multa nutrimenta medicamentosa  
omnis facultatis sint expertia, & aliqua medicamenta in altera qualitatū op-  
positione mediocritatem seruent, ut oleum Galeno teste. Tandem causa om-  
niū prima atq. præcipua fuit Logices ignoratio: unde etiam factū est, ut Aristotelem vera alioqui docentem, pessime intellexerint. Inprimis enim recte no-  
uit Aristoteles, calidum, frigidum, humidum, & siccum, multifariam dici D  
ci: at sectatores Athenæi hæc nomina ita usurpant, ac si vno dumtaxat  
modo semper dicerentur. Quod quidem intelligendum est in mixtis, quæ isti  
voluerunt talia semper dici per exsuperantiam; cum tamen Aristoteli talia  
etiam dicantur per comparisonem. Præterea Aristoteles verissime docuit,  
calidum aliquid dici posse calore nativo ac familiari, aut alieno & adscititio:  
quod tamen neque isti distinxerunt. Postremo Aristoteles & Theophras-  
tus naturam temperatam ex paritate qualitatū, intemperatas vero col-  
latione ad temperatam, iudicandas esse præceperunt: hi vero temperatam na-  
turam prætermiserunt, qua semel prætermissa totum de intemperatis iudi-  
cium confuderunt. Quo factum est, ut quæ de puerorum & animalium tem-  
perie ab Aristotele probe dicta fuerant, perperam isti intellexerint, atque ad  
anni

Lib. 2. de sim.  
med. fac. c. 20.

Lib. 2. de part.  
ani. cap. 2. & 3.



- A anni tempora temere transtulerint. Neq; enim in anni tēporibus similiter dicitur aēr calidus & humidus, ac pueri & animalia dicuntur Aristoteli calida & humida. Dicitur namque aēr calidus & humidus ex propria sui natura, & per caloris & humiditatis excessum: at pueri non solum Aristoteli, sed etiam Hip- Aphor. 14.  
lib. 1. pocrati calidi dicuntur, quod insito familiarique calore abundant. Animalia vero calida & humida dici solent, non quod ex propria sui natura, & per excessuantiam sint talia, vt aēr; sed tantum per comparisonem ad demortua & stirpes, vt sequenti capite docebit. Hæc quidem pertinet ad huius capitis explanationem. Sed quoniam Galenus primam dumtaxat rationem sectatorum Athenæi dissoluit, cogimur & reliquas hoc loco dissoluere, quas ipse vel neglexit, vel fortē oblitus omisit. Secunda igitur ratio, quæ desumpta erat ex pueritia, facillime dissoluitur; negamus enim pueritiā esse temperatam. Neq;
- B recte illi ostendebant optimam pueritiæ temperiem ex naturalium actionum robore; cum in ætate temperata non solas naturæ actiones, sed & reliquas omnes validas esse oporteat. Huc accedit, quod neque omnes actiones naturæ in pueritia sint validæ, sed ex tantum, teste Galeno, quæ sunt citra motum, qualis Lib. 3. de cau.  
symp. cap. 3. est concoctio & nutritio. Immo neque vere affirmant pueritiā calidam esse & humidam, nam quamuis omnium ætatum sit humidissima, non tamen est necessario per excessum calida, vt libro sequenti dicemus. Tertiam rationem ex morte petitam, inefficacē esse inquit Fuchsius, quod mortis dumtaxat effectum, non causam ostendat. Mors enim frigida & sicca dicitur ab effectu, quia mortuos reddit frigidos & siccos. At si monstrassent illi, intemperiem calidam & humidam mortis causam esse non posse, reliquas vero intemperies, ac potissimum frigidam & siccam, mortem inferre; recte collegissent, vitam in calido &
- C humido consistere, & temperamentum calidum & humidum esse omnium optimum. Ceterum vt cumque res habeat, negari profecto non potest, quin vita consistat in calido & humido; cum calidum sit præcipuum instrumentum actionum naturæ, quarum beneficio viuimus; humidū vero sit calidi nutrimentum ac pabulum. Neque vero, quod calido & humido vitam tribuamus, viuentia omnia calida & humida necessario statuimus: non enim recte sequitur (vt falso putat Lopezius) si in calido & humido vita cōsistit, omnia quæ viuunt calida esse & humida per excessum. Quod si vita consistit in calido & humido, illud saltem concedere oportebit, temperamentum calidum & humidū esse viuacissimum: & forte res periclitari videbitur, ne temperamentum calidum & humidū temperato melius censeatur. Rem itaque distinctione adhibita sic explicare oportet. Calidum & humidum temperamentum per se quidem, propriaque sui natura viuacissimum est, & maxime longæuum; cum interna duo vitæ principia, calidum & humidum, in ipso præpolleant. Ex accidenti tamen fit, vt breuiori vita plerumque fruantur qui calidi sunt & humidi, quod excrementa quamplurima ob excedentem humiditatem colligant, quæ tandem à calore putrescunt. Vnde fit, vt plurimis grauissimisque morbis ex putredine obortis obnoxii sint, idque potissimum in pueritia omnium ætatum humidissima. Quod manifeste docuit Galenus, cum agens de naturis calidis & humidis
- „ ad hunc modum scribit, Sane eiusmodi naturæ in puerili ætate fluxionum, Lib. 6. de feri.  
tuen. cap. 3.
- „ & redundantia morbis maxime tentantur, itemque putredinis: quo magis &
- „ pluribus excercitationibus, & exacta ventris concoctione egent. Et paul-
- „ lo post, Quod tamen ad ipsius temperamenti rationem attinet, qui ma-
- „ xime sunt humidi, maxime sunt longæui. Iidem & sanitate, vbi corpus ad ro-



Cap. 7.

bur peruenit, plus ceteris fruuntur, & ceteris qui parem ætatē agunt, valentiores ad extremum vsque senium sunt. Ideoq. ferme tum medicis omnibus, tum philosophis, qui corporis elementa diligenter inuestigarunt, temperamentum id laudatum est. Immo etiam vnum id proinde secundum naturā se habere quibusdam est visum. Ex quibus constat, calidum & humidum temperamentum ceteris quidem viuacius esse ex sua natura; iure tamen censerī deterrimū ob multitudinem excrementorum, & morborum, quibus obnoxium est, vehementiā. Atq. hæc causa est, cur Galenus huiusmodi temperamentum, tamquam insaluberrimum perpetuo damnarit; vt constat potissimum ex lib. 8. metho. med. vbi de intemperie calida & humida hæc scribit. Maxime omnium putredinis morbis hæc intemperies exposita est, propterea quod per ipsam sanitatē proximè ad putredinem accedit. Veluti tum ex sudoribus conicere est, qui grauius his olent, tum vero ex vrinis, deiectione, atq. etiam ipsa expiratione: etenim qualis est hircorum, talis est & talium naturarum temperies. Verum licet temperamentum humidum & calidum esset reuera magis longæuum, non tamē proinde temperato melius censerī deberet. Neq. enim temperamenti perfectio ac præstantia ex vitæ longitudine expendi debet, sed ex vitæ potius perfectione: sunt namque bruta nonnulla homine viuaciora, quorum temperiē humana non paullo deteriore esse certissimum est.

## CAP. V.

**Q**ua igitur sit omnium horū occasio, iam dicā, clareq. ostendā, his præsertim qui intēti esse volunt, exiguū errorē in iis quæ inter initia Logica speculationis tradūtur, maximorū errorum occasione fieri. Fortasseq. omnibus quæ vel cūctis artibus, vel in vitæ actionibus perpetuā geruntur, sophismata succedunt. Atq. hæc quidem sophismata illi vicio succedunt, quod utiq. non recte definitū est de calidi significationibus; sed duobus tantū modis dici id putatū; quorum altero significetur quod sincerum, immistum, & simplex est; altero quod in mistione cum suo contrario id superat. Quod autē & alteram temperiem cum altera conferentes, subinde alterā earum calidā [pro eo quod est calidiorem] pronunciamus, id non meminerunt. Atq. ad eum modum animantia veteribus calida & humida sunt dicta, non propriæ temperaturæ gratia & sermone absoluto; immo ad stirpes & demortua collata: quippe demortuis & stirpibus animantia calidiora humidioraq. sunt. Quinetiam ex animantibus ipsis speciatim inter se collatis, canis siccior est, homo humidior. At si formicæ vel api canem conferas, illas sicciore, hunc humidiorē inuenias.

Ita idem animans, præ vt homo, \* siccum, præ vt apicula, \* humidum fuerit. Rursus ad hominē collatū, calidū; ad leonē, frigidū erit. Nec mirū si ad aliud atq. aliud comparatū, cōtraria simul dici de se patitur. Neq. id alienū est, si idē corpus simul calidum frigidumq. dixeris, nisi ad idem conferens sic dixeris. Quod enim incōmodū si eundē hominē dextrū sinistrūq. dicas, nisi ad eundē cōferens ita dicas? cū ad alterū dextrū esse, ad alterū sinistrū, nihil sit absoni. Sic igitur & canis humidus pariter & siccus, præterea calidus simul & frigidus est, non tamē

ad idem

\* ὡς πρὸς ἀνθρώπον, id est ad hominem.  
\* ὡς πρὸς μέλισσαν, id est, ad apiculam.



A ad idem collatus. Quippe ad hominem si cōferas, siccus est; ad formicam, humidus. Rursus hominis respectu calidus est, leonis frigidus. Quin etiam calidus est ut vivens, cum mortuus non amplius sit calidus; non calidus, ut ad alterum (si ita vis) canem comparatus. Atq; hæc quidem omnia per collationem inter se dicuntur; quæ vero ut in animantium genere conferuntur, alia ratione; sicuti etiam quæcunq. in aliqua animalium specie. Canis namq. ad formicam & apim est humidus; in animantium genere est siccus. Rursus ipsorum speciatim canum, hic siccus, ille humidus, alius (ut fas est cani) temperatus.

Explosis veterum erroribus, de temperamentorum differentiis iam differit ex propria sententia; a significationibus calidi, frigidi, humidi, & sicci, exorsus vererum exemplo. Has igitur toto hoc capite diligentissime persequitur, pluribusq. exemplis illustrat. Atq. id eo libentius præstat, quo veteres illi medici ac philosophi fuerunt in his explicandis negligentiores: quæ prima profecto fuit omnium errorum occasio. Quare merito extremo capite superiori Logicæ ignorantiam illis obiecerat, quam rursus huius capituli initio ipsis obtrudit; quasi hæc sit origo ac fons omnium sophismatum, quæ in artibus ac disciplinis, omnibusq. vitæ functionibus plerumq. succedunt. Hoc si semel intelligerent adolescentes, qui Logicæ nanant operam, diligentius fortasse Aristotelis Logicam addiscerent, neq. adeo libenter in sophisticis omninoq. inutilibus quæstionibus versarentur. Sed quid facient miseri, si præceptores, quibus se institutos tradiderunt, (doctos semper excipio) nihil minus quàm Logicā doceant; utpote qui neglectis totius artis præceptis, quæ ab Aristotele recte sunt tradita, & reliquis artibus insignem usum præbent; ad res Metaphysicas, Theologicasq. tractandas perperam digrediantur: eoq. plus sibi sapere videntur, quo plures quæstiones procemiales (ut ipsi appellant) sophisticarum more proposuerint. Quid igitur miri, si discipuli tam præclare instituti, Logicarum methodorum prorsus ignari, solisq. imbuti sophismatis, grauiiores disciplinas, ut diuinā Theologiam, vtramq. Philosophiam, Iurisperitiā, ac Medicinā, infelicissime tractent? Quod sane philosophis istis ac medicis contigisse videtur, qui de temperamenti disputantes grauisime sunt lapsi, quod ignorarint (ut ait Galenus) quæ inter initia Logicæ tradi solent. Traditur autem inter alia utilissimum illud præceptum de distinguenda vocum homonymia: qua de re agit potissimum Aristoteles in Topi- Lib. 1. Topi. cap. 3.

cis. Illi ergo non recte distinxerunt significationes calidi, frigidi, humidi, & sicci, cum hæc tantum bifariam dici posse existimarint; simpliciter scilicet in clementis, & in mixtis per exsuperantiā. Atqui addenda erat tertia significatio, qua dicitur aliquid calidum, frigidum, humidum, & siccum, per cōparationem. Quo pacto dictum veteribus est, animalia calida esse & humida, non quod in omnibus animalibus calor & humiditas excedant; sed quod talia sint stirpibus & demortuis collata; quibus calidiora sunt & humidiora. Plures autem esse possunt comparationis modi, quos paullo obscurius proponit Galenus, neq. satis apte explicant interpretes; cum alii plures, alii pauciores statuunt. Nos tamen omnes modos cōparationis ad duo prima capita reuocamus: nā aut fit cōparatio ad quoddam obuium, aut ad mediū generis vel speciei. Rursus quæ cōparatio fit ad quoddam obuium, quattuor modis fieri potest: in primis enim genus cōfertur generi, ut cum animal dicitur calidum & humidum stirpi collatum. Secundo species cōfertur alicui generi, ut homini stirpi; aut speciei eiusdem generis, ut equo; aut speciei generis diuersi, ut ficui.



ut ficui. Tertio indiuiduū cōfertur alicui generi, ut Plato firpi; aut alicui speciei A  
eiusdem generis, ut equo; aut speciei diuersi generis, ut ficui; aut alicui indiui-  
duo eiusdem speciei, ut Socrati; vel diuersæ, ut huic canis. Tandem idem con-  
fertur sibiipfi aliter affecto, ut cum canis calidus dicitur, quia calidior est seipso  
iam mortuo. Porro in his comparationibus perspicuum est contraria dici posse  
de eodem: dummodo non fiat comparatio ad idem, ut docebit postea copio-  
sius. Alter comparationis modus fit ad medium generis vel speciei. Nam ut di-  
cemus in sequentibus, in vnoquoq; rerum genere & specie medium quoddam  
statuere oportet, cuius collatione cetera omnia, quæ sub eo genere aut specie  
continentur, dicantur calida, frigida, humida, & sicca. Fiet itaq; comparatio ad  
medium generis, si canis calidus & siccus dicatur homini collatus, qui medium  
est in genere animalium. Ad medium vero speciei, si canis aliquis dicatur cali-  
dus, collatus cani in sua specie temperato. B

\* ὑπὸς μὲν τῶν  
τοῦ λῆγος.

At dictum quidem a nobis est in secundo de pulsum dignotione de tali no-  
minum usu diffusissime; necesse tamē videtur, nunc quoq; summatim aliquid de  
his, quod ad rem propositā vtile sit, dicere. Quod absoluto sermone, nec ad aliud  
vllum collatum \* siccu vocatur, id in solis elementis est, igni terraque; sicut humi-  
dum in aqua & aëre. Adeundem modum de calido frigidoq; sentiendum, nul-  
lum enim ceterorum corporum prorsus calidum frigidū ve est, sed sola elementa.  
Quidquid præter hæc ceperis, ex his mistis constat; eoq; secundo significationum  
genere calidum frigidum ve est, non amplius absoluta ratione, veluti sincerum,  
& a mixtione alienum. Immo veluti vel calidum largius, frigidum parcius; vel C  
frigidum largius, calidum parcius sit sortitum; reliquorum quiduis calidum, fri-  
gidum ve dicitur. Ac duo quidem significata calidi, frigidi, humidi, & sicci, hæc  
sunt; alterum absoluto sermone loquentium, mistura carēs, & sincerum; alterum  
ex contrariis quidem mistis constans, ceterum ex præpollentis in mistura nomi-  
ne appellatum. Hoc genere sanguis, pituita, adeps, vinum, oleum, mel, & quid-  
quid his simile est, humidum dicitur: os, cartilago, unguis, ungula, cornu, pilus, la-  
pides, lignum, arena, later, minorem portionem humidi sunt sortita, maiorem sic-  
ci; eoq; eiusmodi omnia sicca dicuntur. Formica vero sicca est, & vermis humi-  
dus, scilicet ut sunt animalia. Rursus inter ipsos vermes alius siccus, alius humi- D  
dus; idq. vel absolute loquendo ut vermis, vel alteri cuipiam [vermi] compara-  
tus. Ceterum hoc ipsum quod dicimus, ut vermis siccus, ut homo calidus, ut canis  
frigidus; nisi quis recte \* accipiat, & prius intelligat quid sibi velit, necesse est om-  
nem sermonem confundat. Est autem recte accipere, id quod in secundo de pul-  
sibus agnoscendis dicitur; vnumquodq; secundum genus vel speciem, non modo  
calidum frigidum, humidum, siccum ve, sed etiam magnum, paruum, celere, tar-  
dum, aliaq. id genus tūc nominari, cum supra mediocre mediumq; sit. Verbi gra-  
tia animal calidum, cum supra medium temperie sit animal, equū calidum, cum  
supra mediū tēperie sit equū. Porro in quoq; genere, specie ve, media sunt ea, quæ

\* ἐνρίβως.



- A Græce symmetra dicuntur; quippe quæ a summis in eo genere & specie finibus aequaliter distant. Ac genus quidem est animal; species, equus, bos, canis. Medium temperie in toto animalium genere homo est, id enim in sequentibus demonstrabitur. Medium vero ut in hominum specie est, quem Græce *ῥοσάκρον* vocant [Latine, puto, quadratum] Is porro est, quem nec gracilem dicere, nec crassum possis; sed nec calidum nec frigidum, nec alio quouis nomine, ex iis quæ excessum defectum\* ve indicant, appellare. Quisquis super hunc fuerit, is prorsus calidior, frigidior, humidior, siccior ve est. Nominatur autem talis partim absoluto sermone, partim non absoluto. Absolute quidem loquenti, quoniam calidus, frigidus, siccus, humidus ve esse, minime vni alicui priuatim collatus, dicitur. Ita enim canis
- B absoluto quidem sermone (prout videlicet cuiuspiam opinio est) animal siccum dicitur, non utiq; alicui comparatus, verbigratia formicæ. Non absolute vero, vna quidem ratione, quod scilicet symmetro [id est coæquali] & medio totius speciei comparatur: altera vero, quod cum eo quod inter omnia animalia coæquale, & media temperie est (quidquid id statuas) confertur.

- Exemplorum multitudo & manifesta loci luxatio orationē hanc obscurarūt, cum tamē res de qua agitur, facillima sit; repetit enim, & copiosius explicat tres illas significationes calidi, frigidi, humidi, & sicci. Prima igitur significatio ea est, qua aliquid dicitur tale absolute ac summe; quæ solis cōuenit elemētis. Hoc modo sicca dicuntur ignis tātum & terra; humida aēr tantū & aqua; calida ignis tantum & aēr; frigida vero aqua tantū & terra. Vnde constat in singulis elementis binas reperiri qualitates sincere ac summas: ut alibi annotauimus. Secundo dicitur aliquid tale per exsuperantiam præpollentis qualitatis: quo pacto sanguis, pituita, vinum, & oleum, dicuntur humida: os, lapis, & pilus, sicca. Tertiam significationem, qua dicitur aliquid tale per comparisonem, aliquantulū obscure proponit; ita ut ex propositis exemplis videatur dūtaxat colligi. Cūq; bifariam (ut antea diximus) possit in vniuersum comparatio fieri, ad mediū scilicet generis vel speciei, & ad quodlibet obuium, vtriusq. comparisonis exempla scribit. Comparisonem ad medium generis explicat, cum ait, Formica vero sicca est, & vermis humidus; scilicet ut sunt animalia. Neq. enim id exemplū eorum est quæ talia dicuntur per exsuperantiam, ut Fuchsius sentit; sed eorum potius quæ ad medium generis conferuntur. Quod plane indicant verba illa,
- D Scilicet ut sunt animalia, quæ nihil aliud significant, quā ut conferuntur ad medium in genere animalium. Comparisonem vero ad medium speciei exprimit cum inquit, Rursus inter ipsos vermes alius siccus est, alius humidus; idq. vel absolute loquendo ut vermis. Nam illud Ut vermis comparisonem indicat ad medium in specie vermium: quamuis dictio illa Absolute eandē videatur tollere. Quippe quæ in genere mistorum absolute talia dicuntur, ex aduerso iis opponūtur, quæ talia dicūtur per comparisonē; ut postea docebit. Si ergo inter ipsos vermes alius dicitur siccus, alius humidus absolute ut vermis, quomodo fiet comparatio ad medium in specie vermium? Hinc persuasus Colladus, dictionem illam Absolute expūgendam esse censebat. Fuchsius tamē, nullius comparisonis, quæ ad medium generis vel speciei fiat, exempla hoc loco proponi ait; sed secundam potius significationem in alias duas diuidi. Nam

Lib. de nat. homin. com. 2. & 13.



quæ per exsuperantiã talia dicuntur, bifariam dici possunt; absolute, & non absolute. Absolute quidem, quando nullius comparatione talia dicuntur, sed ex propria sui natura; non absolute vero, quando conferantur ad aliud. Sed monstrat dictionis series, & verba illa, Vt sunt animalia, vt vermis, indicant apertissime, comparationem ad medium generis & speciei, duobus illis superioribus exemplis explicari. Probabilius multo sentit Lopezius, vermem, qui ad medium suæ speciei collatus, humidus dicitur aut siccus; talem etiam dici absolute, id est citra comparationem: quoniam (vt postea docebit) & ea quæ dicuntur talia per exsuperantiã (quæ certũ est absolute talia dici) talia quoque necessario dicuntur per cõparationẽ, ad medium saltem in genere substantiæ. Ceterũ, cum id nondũ Galenus docuerit, neq; fieri possit, vt aliquid simul talè dicatur per comparationẽ, & citra cõparationẽ; aliter multo locum explicandum cenico ex multiplici significatione Græcæ dictionis ἀλλως, qua utitur Galenus. Significat namque inprimis idem quod simpliciter ac summe; quo pacto elementa dicuntur ἀλλως, calida, frigida, humida, & sicca; vt pote quæ simplices ac summas qualitates obtineant. Secundo significat idem quod citra comparationem, ita vt dici aliquid tale ἀλλως, id est absolute, ex aduerso opponatur ei quod tale dicitur per comparationẽ. Sed & tertio ἀλλως idem significat quod in vniuersum, & citra adiectionem: quæ significatio ex sequentibus facile colligitur: scribit namq; hoc eodem capite in hunc modum, Sicut cum os siccum dicimus, aut frigidum, absoluto ita sermone (Græce ἀλλως) nominantes, non adiecto leonis, canis, aut hominis. Et capite sequenti, Ergo ad quærentem cuius sit temperamenti homo, equus, canis, aliud ve quodlibet, non est ἀλλως, respondendum. Hac igitur tertia significatione dictionem ἀλλως, vel absolute, hoc loco usurpari arbitramur: non enim absurdũ est dicere, sed rationi maxime consentaneum, inter ipsos vermes alium esse humidum, alium siccum; idque facta in vniuersum collatione ad medium in specie vermium. Scribit tandem exẽplum alterius comparationis, quæ fit ad quodlibet obiectũ, cum ait, inter ipsos vermes alium esse siccum, alium humidum, alteri cuiuspiam comparatũ. Quo solo exemplo contentus, varios eius comparationis modos, quæ fit ad quodlibet obiectũ, hoc loco minime persequitur; de quibus antea dictam iam est. Porro ex duabus comparationis differentiis, illa profecto in disputatione de temperamentis censetur vtilissima, quæ fit ad generis vel speciei medium. Quare vt hæc intelligatur facilius, medium quoddam symmetron ac temperatum, in singulis generibus ac formis statuendum esse docet; cuius comparatione cetera omnia quæ eiusdem generis aut speciei sunt, calida, frigida, humida, vel sicca dicantur. Medium vero in vnoquoq; genere aut specie illud dicitur, quod ab extremis in eo genere aut specie finibus æqualiter distat. Habet enim singularerum genera ac formæ certos quosdã fines, quibus quæ eius generis aut speciei sunt, continetur; quos si semel transilierint, in rem alterius generis aut speciei degenerant. In genere igitur animalium medium statuitur homo, vt pote qui ab extremis finibus in animalium genere æqualiter distet. Et in specie humana, quem Græci ἰσοδύναμος, Latini cum Celso quadratum appellant; is enim æqualiter distat ab extremis, quibus natura humana circũscribitur, finibus. Ad hæc igitur media facta collatione, de animalium hominumque potissimum temperamentis iudicium facere oportet. Nam inter animalia, ea dicenda sunt calida, frigida, humida, aut sicca, quæ calidiora, frigidiora, humidiora, aut sicciora homine fuerint. Et rursus inter homines, calidi, frigidi, siccī, aut humidi illi dicuntur, qui



- A qui harum qualitarum aliqua temperatum hominem exceſſerunt. Obſeruat tandem Galenus, omnia quæ dicuntur talia ad medium generis, aut ſpeciei collata, bifariam talia dici poſſe; absolute, & non absolute. Absolute quidem, quod talia reuera ſint ex propria ſui natura, citra aliquam comparationem: non absolute vero, quod talia etiam dicantur ad aliud collata. Homo namque aliquis, veluti Socrates, calidus, frigidus, humidus, aut ſiccus dici poteſt; absolute quidem, quod aliqua qualitas in ipſo reuera excedat; non absolute vero, collatus ad hominem temperatum, qui medius eſt in ſpecie humana. Ita quoq. canis absolute quidem (prout videlicet cuiſpiam opinio eſt) animal ſiccū dicitur, quia citra aliquam comparationem ſiccitatem habet reuera excedentem; non absolute vero, ſi conferatur ad hominem, qui medius eſt in genere animalium. Atque iſ ſane iuxta Græcam lectionem totius huius loci verus ac legitimus eſt ſenſus. Quamvis Linacer, periodos tranſmutans, locum maxime obſcurauerit; quem tamen fideliffime tranſtulit Fuchſius
- ad hunc modū. Nominatur autem talis partim absolute ſermone, partim nō absolute. Absolute quidem, quoniam calidus, frigidus, ſiccus, humidusve, minime vnialicui priuim collatus, dicitur. Altera vero ratione non absolute, eo quod cū ſymmetro & medio vniuerſa ſpeciei cōparatur. Ita utiq. canis absolute (prout videlicet cuiſpiam opinio eſt) animal ſiccum dicitur, non utiq. alicui comparatus, verbi gratia formicæ. Altera vero ratione non absolute, quod cū eo, quod inter omnia animantia temperie ſymmetrum & medium eſt, (quodcunq. hoc fuerit) confertur. Illud tantum explicandum reſtat, cur in ſecundo exēplo dixerit canem absolute eſſe animal ſiccum, prout videlicet cuiſpiam opinio eſt. Quod ſane propter eos adiectum crediderim, qui omnia animalia putarunt eſſe calida & humida, ex quorum ſententia canis quoq. humidus diceretur.

- Ergo iam palam ſit, quod vnū nō quodque eorum quæ ſic dicuntur, nos id, vel vnicuique comparantes, calidum, frigidum, humidumve, aut ſiccum, vt ad illud dicimus; vel inquocūque genere ſpecieue ſit dictum, ad eius medium referentes. In ſpecie quidem, vt equo, cane, boue, platano, cupreſſu, ficu. Genere vero, vt animali, vel planta. His accedit & tertium ſignificatum, eorum ſcilicet, quæ absolute ſermone dicuntur, quæ impermiſtas ſummasque habere qualitates diximus, ac elementa vocari. Quinetiam qualitates ipſas eſt quando corporibus iis, quæ affecta qualitate ſunt, ſimiliter appellamus: verum de hoc mox agetur.
- D Sed ad rem propoſitam, cum qualitate affecta corpora trifariam dicantur, conſiderandum arbitror in quaue dictione, quemadmodum vtamur appellationibus; vtrumne vt ſimplex aliquid & immiſtum indicantes; an veluti ad ſymmetrō eiusdem generis vel ſpeciei conferentes; an veluti ad rem quamlibet: ſicut cum os ſiccum dicimus, aut frigidum, absolute ita ſermone nominantes, non adiecto, leonis, aut canis, aut hominis. Palam namque eſt, quod ad vniuerſam naturam omnium, quæ ſunt in mundo, corporum, reſpicientes, aliquid concipimus medium, cum quo conferentes, ipſam ſiccum dicimus. At ſiquis leonis, vel canis, vel hominis os ſiccum eſſe dicit, liquet, hunc rurfus, ei quod in ipſis animalium oſibus medium eſt, id comparare. Eſtque (quoniam vniuerſorum animalium aliis magis, aliis



aliis minus sicca ossa sunt) hinc quoque os aliquod in aliquo animalium genere A  
intelligendum, quod media temperie sit, verbi causa hominis: atque huic reli-  
qua collata, alia humida, alia sicca appellanda. Iam in ipsis hominibus, al- as  
os siccum, alius humidum habere dicetur, utique ei qui medius est, ut in homini-  
bus, collatus. Quod vero in omnibus quæ sunt, quod medium inter extrema est, id  
symmetron, atque in illo genere vel specie temperatum sit, in omni mihi sermone  
subaudiendum perpetuo est; quamquam sit in dictione nonnumquam omissum.  
Atque cum hæc quidem sic se habeant, ubi aliquis hanc vel illam, humidam  
calidamve temperiem affirmat, rogandus est quemadmodum dixerit; utrumne  
hunc quempiam vni definito comparans, Platoni verbi gratia Theophrastum;  
an secundum genus quodlibet speciemve collationem faciens: quippe vel ut ho- B  
minem, vel ut animal, vel ut substantiam absolute. Tertium enim significatum  
cuiusvis talium nominum, quod simplex esse impermissumque diximus; id in mix-  
tis substantiis non est, sed in ipsis primis, quæ etiam vocamus elementa. Ita cum  
quodque affectorum qualitate corporum trifariam dicatur, nobis ad propositam  
de temperamenti tractationem duobus tantum est opus; ut qui vel ad unum quod-  
libet, vel ad medium eiusdem generis comparemus. Quoniam autem multa ge-  
nera sunt, quemadmodum utique & individua; poterit multis modis idem cor-  
pus & calidum & frigidum, & humidum & siccum esse. Verum cum unicui-  
libet comparatur, admodum manifestum est, contraria de eodem dicere licere;  
veluti Dionem Theone quidem & Memnone sicciorum; Aristone & Glaucone C  
humidiorum. At cum ad medium eiusdem generis vel speciei fit collatio, hinc iam  
confundi, conturbarique, qui parum exercitati sunt, solent. Idem namque ho-  
mo humidus simul & calidus esse potest, sed non minus siccus & frigidus; verum  
siccus quidem & frigidus, ad mediocris temperamenti hominem collatus; hu-  
midus autem & calidus, ad aliud quodvis animal, stirpemve, aut substantiam  
comparatus. Verbi gratia, ad animal, ut apem, & formicam; ad stirpem, ut  
oleam, vel ficum, vel laurum; ad aliam vero quampiam substantiam, quæ nec  
animal sit, nec planta, ut lapidem, ferrum, vel æs. In his vero, collationem quæ  
ad hominem fit, ad rem eiusdem speciei dixeris; quæ ad apem vel formicam est,  
ad aliquid eiusdem generis; simili modo quæ ad stirpem fit quamlibet. Est enim D  
supra animal stirpis genus, quemadmodum sane superioris quam stirpium ge-  
neris sunt, lapis, ferrum, & æs. Vocetur tamen pro docendi compendio, ad ho-  
mogenes, [ id est rem eiusdem generis ] omnis eiusmodi comparatio.

Iterum colligit calidi, frigidi, humidi, & sicci significationes; diversa tamen  
ratione, & ordine immutato. Docet namque ea nomina trifariam dici, per com-  
parationem ad quodlibet obuium, per comparisonem ad medium generis vel  
speciei, & simpliciter & absolute, ut in primis elementis. Sed iure miretur  
hoc loco



- A** hoc loco quispiam, cur significationem antea propositam nunc omiserit, quæ tale aliquid dici potest per exsuperantiam. Id tamen citra consilium factum non est, ut scilicet hinc constaret (ut recte annotauit Lopezius) quæ dicuntur talia per exsuperantiam, talia quoque necessario dici per comparisonem, ad medium saltem generis summi, scilicet substantiæ. Quo fit, ut hæc significatio sub ea quam secundo loco nunc proposuit, merito comprehendatur. Porro ex his tribus significationibus duæ priores vsum præbent insignem huic disputationi de temperamentis, quoniam mixta corpora, in quibus solis temperamenta inveniuntur, calida, frigida, humida, & sicca dicuntur, aut per comparisonem ad quodlibet obuium, aut per comparisonem ad medium generis vel speciei. At tertia significatio huic disputationi inutilis est, cum solis elementis conveniat, quæ summis qualitatibus sunt prædita. Quare merito Galenus monet, ut id tantum diligenter distinguamus, ubi de cuiuspiam corporis temperie sermo incidit; dicaturne tale collatione ad quodlibet obuium, an potius ad medium generis vel speciei. Rem hanc illustrat duobus exemplis; si quis, inquit, os frigidum & siccum ἀπὸς, (id est in vniuersum) esse dixerit, non adiecto leonis, aut canis, aut hominis; certum profecto est, tale dici per comparisonem ad medium in genere substantiæ. Vnde recte colligitur, velle Galenum, quæ talia dicuntur per exsuperantiam, talia etiam dici per comparisonem, quemadmodum antea dictum iam est. Si quis vero dixerit cum adiectione, os hominis, leonis, aut canis, frigidum esse & siccum; perspicuum est, tale dici collatione ad medium sui generis, aut speciei, aut etiam ad quodlibet obuium. Est namque ut in reliquis rerum generibus; sic quoque in ossium genere medium aliquod statuendum, cuius comparatione ossa omnia dicantur calida, frigida, humida, & sicca: tale vero est os humanum. Similiter quoque in singulis ossium formis, ut in ossibus humanis, caninis, & leoninis, mediū aliquod in sua specie temperatum statuere oportet, cuius collatione, quæ eiusdem speciei sunt ossa, dicantur talia, vel talia. Iam vero & os frigidum & siccum dici potest cuilibet obuiio collatum, ut si femoris os humero conferatur. Neque solum necessaria est huiusmodi distinctio, dum partium temperamenta inquirimus, ut ossis exemplo hætenus ostendimus; verum etiam dum hominum temperamenta inuestigamus. Veluti si quis roget, sitne Plato calidus, an frigidus, distinctione adhibita respondere oportet; velitne qui rogat, Platonem conferre Theoni, aut alteri cuiquam obuiio; an potius suæ speciei, vel sui generis, vel etiam totius substantiæ medio. Has vero tres comparationes, quæ ad medium fiunt, expressit breuissime his verbis. Vel ut hominem, vel ut animal, vel ut substantiam absolute. Accidit vero, ut
- D** & in specie humana, & in genere animalium, & in vniuersa rerum substantia idem omnino sit medium, nempe homo temperatus. Sed cur dixit ut substantiam absolute? Nimirum ut indicaret, quæ dicuntur talia per comparisonem ad medium in genere substantiæ, dici etiam talia absolute, id est citra comparisonem, ex præpollente scilicet qualitate. Ex his intelliges, quam prauè locum hunc intellexerit Fuchsius, qui præterquam quod nullos comparationis modos hic proponi sentiat; substantiam quoque interpretetur esse naturam siue temperiem: quo nihil potuit dici ineptius. Cum igitur corporum temperamenta bifariam tantum calida, frigida, humida, aut sicca dici possint, per comparisonem scilicet ad quodlibet obuium, & ad medium generis vel speciei; multa autem sint rerum genera & species, & multo adhuc plura sint individua, ad

quæ



quæ fieri potest comparatio: docet Galenus, contraria de eodem dici posse, A  
 dummodo ad diuersa comparatio fiat. Quod quidem perspicuum esse ait, quā-  
 do fit comparatio ad quodlibet obuium, potissimumque inter diuersa indiui-  
 dua. Quando vero comparatio fit ad medium generis vel speciei, non perinde  
 manifestum esse solet, usque præsertim, qui in distinguendis comparationum  
 modis parum sunt exercitati. Hi namque confundi plerumque solent, ac per-  
 turbari, existimantes nimirum, multas fieri comparationes ad medium, quæ  
 tamen potius fiunt ad quodlibet obuium. Veluti idem homo frigidus & siccus  
 dici potest, ad hominem temperatum collatus; calidus vero & humidus, colla-  
 tus ad aliud animal, vt apem, vel formicam; aut ad stirpem, vt oleam, vel fi-  
 cum; vel ad aliam substantiam, quæ nec animal sit nec planta, vt lapidem, B  
 vel ferrum. Ex variis istis comparationibus, eam quæ ad hominem fit, ad rem  
 eiusdē speciei fieri inquit; fit tamen quoq; ad medium speciei. Reliquæ omnes  
 ad rem eiusdem generis fieri dicuntur; generis inquamproximi, vel magis, aut  
 minus remoti. Quippe vbi homo confertur api vel formicæ, ad rem eiusdē ge-  
 neris proximi collatio fit; cum formica & apes, animalis species sint non mi-  
 nus quam homo. Cum vero confertur homo ficui, vel oleæ, collatio fit ad rem  
 eiusdem generis remoti; nam corpus animatum genus est animalis & stirpis:  
 id enim est quod inquit Galenus, esse supra animal stirpis genus. Ac tandem  
 cum confertur lapidi vel ferro, fit quoque comparatio ad rem eiusdem generis  
 magis remoti; nam lapis & ferrum superioris sunt generis, quam animalia &  
 stirpes: siquidem ipsorum genus corpus est. Verum quamuis hæ comparationes  
 fiant ad res eiusdem generis, ad medium tamen generis nequaquam fiunt, sed  
 potius ad quodlibet obuium. Nihilominus tamen dum comparatio fit ad me- C  
 dium generis vel speciei, contraria quoque dici possunt de eodem, dummodo  
 ad diuersa media fiat. Siquidem canis aliquis dici potest frigidus, ad canem  
 temperatum collatus; & calidus ad hominem, qui medius est in genere ani-  
 malium.

*Illud solum in ea determinantibus nobis, quod vbi simpliciter substantia quæ  
 piam eucratos siue temperata dicitur, tum hac alia siccior, alia humidior, & a-  
 lia frigidior, alia calidior; eo loco eam quæ ex contrariis æqua prorsus inter se  
 portione coeuntibus constat, eucraton siue temperatam nominari: quæcumque  
 vero ab hac deficiunt, superantque aliquo, ea superantis nomine vocari. Vbi  
 vero stirpem, animans ve vllum eucraton dicimus; nequaquā in ea dictione sim- D  
 pliciter contraria inter se comparamus, sed ad naturam vel animalis, vel stirpis  
 referimus. Ficum verbi gratia temperatam dicentes, cum talis sit, qualis maxi-  
 me ficus esse natura debeat. Rursus canem, suem, equum, & hominem; cum  
 eorum quisque pro sua natura optime se habeat. Optime vero se habere aliquid  
 pro sua natura, ex ipsis functionibus intelligitur. Quippe animal ac stirpem  
 quamlibet tum optime se habere dicimus, cum optime suam functionem obeunt:  
 Ficus enim virtus bonitasque est, optimos plurimosque ficus adferre: ad eundem  
 modum vitis, plurimas, optimasque vuas pendere: equi vero, quam velocissime  
 currere: canis, ad venationes quidem & tutelam quam animosissimum, ad do-  
 mesticos*



**A** mesticos quā mitissimum esse. Hæc igitur omnia, animalia dico & stirpes, optimam, mediamque habere in suo genere temperiem dicemus; non utique absoluto sermone, cum paritas exacta contrariorum in his non sit; sed cum ea mediocritas, quæ ad potestatem refertur, his adsit. Eiusmodi aliquid & iustitiam esse dicimus, non quæ pondere & mensura, sed quæ eo quod pro dignitate conuenit, æqualitatem explorat. Est igitur temperatura æqualitas in omnibus temperatis animalibus, stirpibusq. non ea quæ ex pari elementorum commistorum spectatur mole; sed quæ tum animalis, tum stirpis naturæ conuenit. Conuenit autem alias, ut humidum sicco, & frigidum calido præponderet, neque enim similem habere temperaturam debent, homo, leo, apis, & canis.

**B** Mediorum, quæ in singulis generibus ac formis statuuntur, diuersam naturam esse docet, diuersamque dignotionis rationem. Quamuis enim id sit omnibus mediis commune, ut in suis generibus ac formis temperata sint & dicantur; in eo tamen discrimen est, quod medium in genere substantiæ temperatum sit ad pondus; media vero in aliis generibus & formis temperata sint ad iustitiam. Distant quidem æqualiter media omnia ab extremis finibus, qui in suis generibus ac formis constituuntur. Sed quoniam in diuersis generibus extremi isti fines plurimum variant, propterea fit, ut & media ipsa dissimili ratione temperata dicantur. Cum igitur in vniuersa rerum substantia quattuor elementa extremi sint fines, ab his æqualiter distare debet quod in genere substantiæ medium est. Æqualiter vero distare non potest, quin constet necessario ex pari

**C** elementorum portione; quam non ad elementorum substantias (quæ pares esse non possunt) sed ad solas qualitates referre oportet. Hæ namque pari mensura ac pondere temperari dicuntur, quando nulla qualitas contrariam vincit. Quo fit, ut eiusmodi temperamētum merito vocetur ad pondus, in eoque tantum corpore reperiatur, quod medium est in genere substantiæ. Cum vero in aliis generibus ac formis extremi fines elementa non sint; certe quæ in illis media statuuntur, neque à quattuor elementis æqualiter distant, neque necessario constant ex pari ipsorum portione. Vnde fit, ut ad pondus quidem minime sint temperata; sed eo tantum nomine temperata dicantur, quod tale temperamentum sint sortita, quale necessarium erat ad optimam eius generis, vel speciei constitutionem. Vocantque (sumpta ex hoc Galeni loco occasione) eiusmodi temperamentum ad iustitiam, quoniam prudentissimæ naturæ iustitia in eo maxime elucescit, quæ singulis generibus & formis id tribuit, quod magis conueniens erat ad proprias functiones perfectius obeundas. Quod si adeo diuersa est horum mediorum natura, diuersa quoque erit ipsorum dignoscendo-

**D** rum ratio. Quippe si medium in genere substantiæ temperatum est ad pondus, ex elementorum paritate necessario cognoscetur: ex eo inquam, quod nullius qualiratis excessus tactu deprehendi possit. At quæ in aliis generibus ac formis media sunt, cum sint tantum temperata ad iustitiam, ex actionum potius perfectione, quam ex elementorum paritate cognosci debent. Quare quantum in diuersis generibus ac formis actiones propriæ variant; tantum inter se temperamenta differunt, quæ in singulis generibus & formis media sunt & temperata. Conuenit enim, ut in quibusdam generibus, aut formis, calidum frigido, & humidum sicco præpolleat; in aliis vero contra. Vnde patet, ea quæ in suo ge-

nere



nere aut specie temperata sunt, intemperata dici posse, si ad medium in genere substantiæ conferantur. Canis enim tēperatus, calidus est & siccus, ad medium in genere substantiæ collatus. A

## CAP. VI.



**R**GO ad quarentem cuius sit temperamenti homo, equus, bos, canis, aliudve quodlibet, non est absoluto sermone respondendum. Non enim fieri potest, ut qui ad ea quæ multis modis sunt dicta, & inter se diuersa, vno modo respondet, non coarguatur. Oportet igitur duorum alterum, aut omnes percensere differentias, aut percontatum prius de qua rogauerit, illam solam dicere. Nam si ut in animalibus cuius esset temperamenti rogabat; ad id quod medio est inter omnia animalia temperamento respicientes, respondere ei oportet. Si absolute, atque ut ad omnem substantiam; sic iam contraria quæ sunt in eo, comparare inter se oportet, atque æstimare: haud quaquam ad actiones temperiem referentes, sed ad elementorum portiones. Sin huic cuiquam membratim\* comparans rogabat; utique ad illud solum conferendo est respondendum. Iam minus etiam, si indiuiduorum cuiuslibet (Dionis verbi gratia, vel huius canis) rogemur quænam sit substantiæ temperatura, est simplex danda responsio: dabitur enim hinc sophistis ad calumniam occasio non parua. Nam si calidi esse temperamenti & sicci Dionem dicat, facillime licebit illis, partim hominem quemlibet, qui calidioris quam Dion sit et siccioris temperamenti, proponentibus, ut ad illum, humidum frigidumque Dionem dicere; partim aliud quoduis animans, stirpemve (verbi gratia leonem, aut canem) atque his humidiores ac frigidiores asserere Dionem. B

\* æquiuocus.

Quæ de calidi, frigidi, humidi, & sicci, significationibus superiori capite accuratissime docuerat; ea nunc priuatim exercet, ut postea doceat distinctionis eorum nominum usum. Præcipit itaque, ne absoluto sermone (Græce ἀπλῶς,) sed adhibita distinctione respondeamus, cum quis rogauerit, cuius temperamenti sit corpus aliquod. Oportet autem aut significationes omnes recensere, aut saltem rogantem percontari, qua significatione rem intelligi velit. Veluti si rogauerit quale sit temperamentum Dionis, distinguendum erit, an consideretur Dion ut homo, an ut animal, an potius ut substantia. Si ut homo, id est facta collatione ad medium humanæ speciei; dicetur haud dubie calidus, si calidior sit homine temperato. Si ut animal, id est facta collatione ad medium in genere animalium; erit sane temperatus, quia subiicitur homini, qui medius est in genere animalium. Si ut substantia, id est facta collatione ad medium in genere substantiæ; ex paritate qualitatum, aut earundem excessu, ipsius temperies inquirenda erit. Quod si nullius speciei aut generis medio conferatur, sed aliqui obuius; minus simplex danda responsio est, quia cum plura obuiam occurrant, ad quæ fieri possit comparatio, contraria temperamenta Dioni inesse poterunt. Ne igitur sophistis calumniandi occasio præbeatur, enitendum est maxime, ut D

vnum



A vnum idemq. perpetuo sit, cuius cōparatione Dionis tēperies expendatur.

Quisquis igitur nec ipse sese fallere, nec ab alio falli volet; huic opus est, ab his substantiis, quæ simpliciter calidæ, frigidæ, humidæ, siccæ dicuntur, incipere, atque ita transire ad reliquas. Ac primum quidem illud ipsum in his exploratum habere, ne has quidem, tametsi maxime videtur absoluto sermone dici, quominus ad mediocre eiusdem generis comparentur, effugere. Veluti enim canem medio temperamento esse omnium canum dicimus, cum pari spatio distat ab extremis; ita substantiam medio esse temperamento dicemus, cum pari modo ab extremis abest, quæ scilicet & prima omnium sunt, & elementa. Porro aberit pari modo ab extremis, cum ea continet æqualiter inter se mista. Ergo quæ supra citavimus

B hanc temperies erit, eam calidam, frigidam, humidam, vel siccā dicemus; simul ei quæ media est conferentes; simul contrariorum elementorū examen in ea faciētes. Qua nimirum ratione simpliciter eam calidam, frigidam, humidā, siccam ve pronuntiabimus: ubi vero cū medio tēperamento conferimus, non simpliciter, sed quod ad mediocre eiusdem generis sic se habet. Porro genus earū substantia est, omnia enim sub hac ut superiori sunt genere, tam animata, tū inanima: estq. hæc hominis, canis, platani, ficus, aris, ferri, aliorū deniq. omnium cōmunē genus. Sub ea vero sunt alia genera permulta; animal quidē avis, piscis, stipps, arboris, & herba; avis, aquile, & corui, piscis, lupi, & rhōbi. \* Simili modo oleæ & ficus \* quædam

C genus est arbor; anagallidos, & pæoniæ herba. Iam hæc ultima sunt genera, eoque species appellatur, coruus, rhombus, ficus, anagallis; similiter homo, & bos, & canis. Ac superne quidem descendētibz hæc ultima sunt genera, proinde species dictæ: inferne vero ascendētibz, ab indiuiduis scilicet substātiis, prima sunt. Indicatūque alio opere est, merito omnia quæ media sunt inter prima genera & indiuidua, simul genera & species a veteribus appellari.

D Superiorum significationum distinctionem longe utilissimam esse docet, ne dum corporum temperamēta inquirimus, aut nolmet ipsos fallamus, aut fallamur ab aliis. Ut autem huiusmodi fructum percipere possimus, præcipit, ut ab his substantiis incipiamus, quæ simpliciter calidæ, frigidæ, humidæ, aut siccæ dicuntur; ab hisque transeamus ad reliquas. Has substantias simpliciter tales putarunt aliqui esse quattuor elementa; quoniam cum hæc sola simplices & summas qualitates obtrineant, sola quoque dicuntur simpliciter calida, frigida, humida, & sicca. Immo hæc prima erat horum nominum significatio, ut antea dictum est. Sed quorsum, quæso, à primis elemētis inchoandum est, cum superiori capite docuerit, primam illam significationem, quæ primis elementis convenit, huic disputationi de temperamenti nullum vsum præbere? Præstat igitur, per substantias simpliciter tales eas cum Fuchsiō intelligere, quæ tales sunt ex propria sui natura, & sine aliqua cōparatione: hæc enim vna erat significatio vocis *αἰσῶς*, ut diximus capite superiori. Ab his vero substātiis ad reliquas transire iubet, quæ scilicet dicuntur tales per cōparationē. Quasi velit Galenus, corporū omnium tēperamenta ad eū modum inquirēda esse, ut primū intelligamus, qualia ipsa sint ex propria natura, per exsuperiātiā scilicet præpollētis qualitatis: deinde vero, qualia sint per cōparationē ad alia, potissimūq.



ad mediū generis vel speciei. Confirmāt hāc explicationē quā statim Galenus A  
subiungit; scribit namq. has substantias, (quas scilicet dixerat esse simpliciter  
tales) tametsi maxime videantur simpliciter & absolute (id est citra compara-  
tionem) sic dici; effugere tamen non posse eam saltem comparisonem, quā  
fit ad medium generis summi, scilicet substantiæ. Usque adeo ut in idem omnino  
recidat, corpus aliquod calidum, frigidū, humidum, aut siccū, per exsuperatiā  
dicere, & per comparisonem ad medium in genere substantiæ. Quippe cum  
huiusmodi medium ab extremis in genere substantiæ finibus, nempe quattuor  
elementis, æqualiter distet; constat necessario ex pari elementorum portione,  
nulliusq. proinde qualitatis excessum habet. Cum vero quæ per exsuperatiā  
dicuntur talia, alicuius qualitatis excessum necessario habeant, eādē illa quali-  
tate, quod in genere substantiæ medium est, omnino superant. Ex quibus recte  
Galenus colligit, quæ dicuntur talia per exsuperantiā, talia dici posse bifariam, B  
simpliciter, & per comparisonem. Simpliciter quidē, quando propria ipsorum  
natura ex præpollenti qualitate expenditur; non simpliciter vero, aut per com-  
parationē, quando ad mediū in vniuersa rerum substantia conferuntur: quo tem-  
pore comparatio dicetur fieri ad rem eiusdē generis, maxime tamen remoti.  
Est namque substantia primum, supremum, & commune eorum omnium ge-  
nus, quæ temperamentis sunt prædita. Ac corporis quidem proximum genus  
substantia est, siue corpus animatum sit, siue inanime. Rursus cum animatum  
corpus vel sentiens sit, vel sensus expers, ab hisque differentiis constituentur  
animal & stirps; erit quoque substantia animalis & stirpis genus, & reliquorum  
omnium, quæ sub animali & stirpe continentur. Siquidē animal genus est avis,  
& piscis, & animalium quoque terrestrium; & stirps genus est arboris, & herbæ,  
& (si vis) etiam fruticis. Hæc autem genera solas species sub se continent, quas  
infimas & specialissimas nostri Logici appellant. Arbor namque genus est ficus,  
& oleæ; herba, genus pæoniæ, & anagallidis. Et rursus avis genus est aquilæ & C  
corui; & piscis genus est lupi & rhombi, ut vertit Linacer. Ac tandem species  
istæ ultimæ sola sub se continent indiuidua, quæ pene sunt innumera. In tota  
hac serie generum & formarum, superne quidem (id est à substantia summo ge-  
nere) descendētibz, ea ultima genera esse ait, quæ paullo antea species infi-  
mas esse diximus: easdem vero prima genera esse asserit, si inferne (ab indiui-  
duis scilicet substantiis) ascenderimus. Neque mirum videri debet, quod spē-  
cies infimas & prima & ultima genera esse dixerit, quoniam (ut ipse ait) omnia  
quæ media sunt inter summa genera & indiuidua, genera simul & species ve-  
teribus nominantur. At ea tantum genera simul & species vocanda esse scribit  
cap. de specie. Porphyrius, quæ inter genera summa & infimas species sunt media; ipsas autē D  
species infimas genera vocari negat. Obseruat recte Fuchsius, Græcum co-  
dicem ibi deprauatum esse, ubi legitur, piscem genus esse lupi & *ῥομβίδος*. Ve-  
rissimeque sentit legendum potius esse *ῥομβός*; quod recte probat, tum ex an-  
tiquo interprete, qui Græcam retinens dictionem, litteris tamen transpositis,  
pro phycidis dixit phydicis; tum etiam ex Grammatica inflectendi ratione: di-  
cunt enim Græci *ῥόμβος ῥόμβος*, non autem *ῥομβός ῥομβίδος*. Recte itidem monet  
Fuchsius, male Linacrum *ῥομβίδα* trāstulisse rhombum; cū *ῥομβός* piscis sit à rhom-  
bo maxime diuersus. Id quod ex diuersa phycidis & rhōbi descriptione aper-  
tissime constat, quam accuratissime tradiderūt Gulielmus Rondeletius, & Hip-  
polytus Saluianus, qui in hoc argumēto summa cū laude versati sunt. Cumque  
phycis ex genere sit saxatiliū, nullum proprium nomen apud Romanos vide-  
tur habuisse; ut indicat Plinius Græco nomine perpetuo vsus: quamuis Theo-  
dorus



**A** dorus Gaza phucam transtulerit. Nobis tamen Valentinis patrio sermone Mollera appellatur.

## CAP. VII.



**R** G O cum definita significata iam sint, ac clare indicatum, quemadmodum tum absoluto, tum non absoluto sermone calidum, frigidum, humidum, siccumve corpus aliquod pronunciandum sit; quærendæ nobis deinceps eorum sunt notæ. Quamquam hic quoque decernere prius de nominibus oportet, quæ in habendo nobis sermone necessario incident; simul explicare rem quandam, quæ potestate iam monstrata prius est; non tamen ab omnibus, qui hos commentarios euoluent, facile saltem intelligi potest. Itaque de nominibus prius loquutus, mox ad rem reuertar. Quod calidum, frigidum, humidum, siccumve, non vnum aliquid simpliciter significant, ubi de corporibus dicuntur, prius est indicatum. Quod autem & solæ ipsæ in corporibus qualitates, citra corpora quæ eas suscipiunt, sic interim nominentur; id quidem vt nondum est dictum, ita nunc dici est tempestiuum. Quemadmodum nomen albi tum de colore enuntiant, cum ita loquuntur, contrarius est albus color nigro; tum de corpore quod colorem suscipit, cum scilicet oloris corpus album dicunt: ita & calidi nomen tum de qualitate affirmant ipsa, tamquam si caliditatem appellarent; tū vero de corpore quod caliditatem sustinet. Quippe qualitatem a corpore quod eam suscipit, diuersam habere naturam, & quandam propriam existimare oportet, veluti in opere de elementis est indicatum. Et caliditas quidē qualitas est, eadem vero & calidū dicitur, veluti & albedo album. Ipsum vero corpus calidum vnum hoc nomen tantummodo obtinet calidum, sicuti album: numquam tamen caliditas, vel albedo, corpus ipsum dicitur. Ad eundem modum siccum, frigidum, & humidum nominantur, tum ipsum corpus, tum qualitas; non tamen corpus frigiditas, humiditas, vel siccitas appellatur; quemadmodum quæ in eo est qualitas. Hæc cum sic se habeant, æquum est, cum vel caliditatem vel frigiditatem disputans quis profert, nullam exoriri captiōnem; quod solæ qualitates his indicentur nominibus. At calidum, frigidumve cum dicitur, quando & qualitas ita, & quod eam suscipit corpus, nominatur; facile fit ei qui redarguere studet, vt quod a loquente non significatur, id, quo possit reprehendere, accipiat. Eiusmodi enim rem faciunt, & qui sententiam illam, qua dicit Hippocrates augenscentia corpora plurimum habere innatum calidum, oppugnant. Neque enim corpus aliquod calidum, ipsum innatum animali calidum ab Hippocrate dici intelligentes, neque id quid sit vsquam quærentes, sed de sola qualitate, quam scilicet caliditatem appellamus, nomen id dici præsumentes, sic dictum eius refellere parant. Et iam apparet, quod de homonymia distinguere, tametsi sit res parua, tamen in rerum vsu non leuis experitur momenti.



Copiose satis (ac fortasse nimis) calidi, frigidi, humidi, & sicci significatio- A  
 nes hactenus explicauit. Quibus explicatis quærendas iam esse ait tempera-  
 mentorum notas, nisi distinguendum adhuc esset de iisdem nominibus, & res  
 quædam etiam explicanda, potestate tantum superius exposita. Hoc ita-  
 que capite nomina distinguit, sequenti vero rem illam explicaturus est, quæ  
 profecto aliud nihil est, quam noue esse temperamentorum differentias. Quip-  
 pe cum & naturæ temperatæ, & simplicium intemperierum sæpe meminerit;  
 potestate expositum iam videtur, nouem esse differentias temperamento-  
 rum. Calidum ergo, frigidum, humidum, & siccuu, bifariam adhuc di-  
 cuntur, aut enim solas qualitates, aut corpora his qualitatibus affecta signi-  
 fican. Veluti etiam album significat interdum albedinem, vt cum album  
 nigro contrarium esse dicimus; interdum vero corpus affectum albedine, vt  
 cum cygnum album vocamus. Verum quamuis calidi nomen & caliditatem B  
 significet & corpus calidum; caliditas tamen corpus calidum, & corpus ca-  
 lidum caliditatem numquam significat. Neque enim in caliditatis, frigidita-  
 tis, humiditatis, & siccitatis, sed in calidi, frigidi, sicci, & humidi no-  
 mine homonymia latet. Hæc namque & qualitates solas, & corpora quali-  
 ratibus affecta; illa vero solas qualitates significare possunt. Oportebit ergo  
 ambiguitatem illam distinguere, ne idem nobis contingat, quod olim Ly-  
 co Quinti discipulo accidisse legimus; qui huiusmodi homonymiam igno-  
 rans, Hippocratem temere reprehendit, quod dixisset in aphorismis, in iis  
 qui crescunt plurimum esse calidi innati. Cum enim solam qualitatem no-  
 mine calidi intellexisset Lycus, calor vero in iuuenibus maior sit quam in  
 pueris, aut saltem æqualis; eam Hippocratis sententiam falsam esse arbitra-  
 tus est. Atqui Hippocrates non calorem, sed calidam potius substantiam in C  
 pueris copiosorem esse voluit; cum à principiis generationis parum recei-  
 serint. Sed aduersus hunc Lycum exstat Galeni libellus, sic inscriptus. Quod  
 nihil peccatum ab Hippocrate sit in eo aphorismo, Qui crescunt, plurimum  
 habent calidi innati. Duplex hæc significatio calidi à philosophis Galeno  
 vetustioribus obseruata quoque fuit, veluti à Theophrasto in eo libro, quem  
 (teste Galeno) de calido & frigido edidit.

Aphor. 14.  
lib. I.

Ibidem.

### C A P. VIII.



ERVM cum hoc quoque abunde sit definitum, rursum id D  
 quod superest repetamus. Cum humiditas, & siccitas, & ca-  
 liditas, & frigiditas, sinceræ quædam ac impermixtæ qualita-  
 tes sunt; quæcumque has susceperè corpora, ea calida, frigida,  
 sicca, & humida prorsus exacteque sunt. Atque hæc nobis  
 genitorum & pereuntium elementa intellige; reliqua corpora, vel animalium,  
 vel stirpium, vel inanimorum omnium, (veluti aeris, ferri, lapidum, ligno-  
 rum) in medio primorum illorum collocata esse. Nullum enim aliorum vel ad  
 summum calidum, vel ad summum frigidum, vel ad summum humidum, vel  
 ad summum siccum est; sed vel medium prorsus contrariorum, ita vt nihilo magis  
 sit cali-



- A** sit calidum quam frigidum, aut humidum quam siccum; vel ad alterum contrariorum est propensum, ita ut magis sit calidum quam frigidum, vel magis sit humidum quam siccum. Ac si quidem medium plane sit in utroque contrariorum genere, ita ut non magis sit calidum quam frigidum, aut humidum quam siccum; eucraton id siue temperatum omnino \* dicetur. Sin alterum contrariorum superet, siue in altera oppositione, siue in utraque id sit; non etiam dicetur eucraton. Ac si calidum magis sit quam frigidum, quod magis est, id appellabitur. Idem statuendum de sicco & humido. Ad eundem modum si frigidum magis sit, nominabitur frigidum. At si in utraq. oppositione alterum superet, siue calidum vna cum humido, siue calidum simul cum sicco, siue frigidum simul cum humido, siue frigidum vna cum sicco; utique pro vincenti sortietur id corpus appellationem. Et has quidem quattuor intemperies (ut supra diximus) plurimi norunt tum medici, tum philosophi: reliquas quattuor, quæ ex dimidio harum constitutæ sunt, nescio quomodo derelinquunt, sicut etiam eam quæ primâ omnium, optimaque est.

\* απλῶς.

Lib. 3. de diffi  
resp. cap. 3.

- Explicatis nominibus accedit tandem ad inquirendas temperamentorum differentias; quod præcipuum erat huius libri institutum. Quoniam vero temperamentum qualitas composita est, ipsius differentias inquit ex multiplici quattuor primarum qualitatum compositione. Hæc enim methodus est (si ipsimet Galeno credimus) rebus omnibus compositis communis, ut ex diuerso compositionis modo ipsarum differentiarum inueniantur. Itaque quot modis qualitates elementorum in se inuicem agentes, & à se mutuo patientes, inter sese componi possunt, tot erunt necessario temperamentorum differentiarum. Atqui in vniuersum componi possunt bifariam; aut enim paritatem, æqualitatemque inter se ita seruant, ut nulla qualitas alteram superet, vel ab altera superetur; aut impares ita sunt, ut excessus aliquis inueniatur. Hinc duæ primæ nascuntur differentiarum, nam si primum acciderit, temperamentum fit temperatum; si alterum, intemperatum. Hoc rursus ex diuerso compositionis modo in alias differentias diuiditur; nam aut in altera tantum qualitatum oppositione reperitur excessus; aut in utraque. Si in altera, temperamentum fit intemperatum simplex; si in utraque, compositum. Vtriusque aliarum itidem sunt differentiarum; nam ubi in altera tantum oppositione excessus fuerit, aut excedit sola caliditas, aut frigiditas, aut humiditas, aut siccitas. Vnde quattuor nascuntur simplicium intemperierum differentiarum, nempe temperamentum calidum, frigidum, humidum, & siccum. Quod si in utraque oppositione excessus acciderit, quoniam quattuor esse possunt qualitatum coniugationes, quattuor itidem erunt compositarum intemperies; nempe temperamentum calidum & humidum, calidum & siccum, frigidum & humidum, frigidum & siccum. Quare novem erunt temperamenta in vniuersum, temperatum vnum, & octo intemperata; quorum quattuor simplicia sunt, & totidem composita. Composita quidem agnouerunt veteres, simplicia prætermiserunt, quemadmodum & temperatum.



Ceterum quod superante calido liceat nihilo magis humidam esse quam sic-  
 cam temperiem (quod utique ad hanc spectet coniugationem) id, vel ex iis quæ  
 iam dicta sunt, manifestum arbitror. Facileq. est, etiam si nihil esset prædictum,  
 id colligere; concedentibus semel illis saltē, alteram esse temperiem humidam &  
 calidam, alterā siccā & calidā. Si namq. necessarium omnino non est siccā  
 esse quæ calida sit, sed licet eam & humidam esse, licebit utiq. & mediam esse:  
 propior namq. sicca temperaturæ media est quā humida. Ad eundem modū est  
 & frigida quædam temperies altera, in qua nimirum frigidum præpollet; hanc  
 tamen nec humidam esse nec siccā est necesse, sed potest inter has & media  
 esse. Rursus enim hīc quoque eandem adferes rationem, nempe si necesse non est  
 frigidam temperiem esse humidam; sed licet & siccā eam fieri; manifestum  
 est mediam quoque esse posse: quippe quæ vicinior humidæ est quam sicca. Ergo  
 veluti duæ intemperies in altera oppositione sunt monstratæ, altera calida tan-  
 tum, altera frigida; sic in altera oppositione duæ aliæ statuentur, altera sicca  
 tantum, altera humida, mediocriter scilicet sese habentibus calido & frigido.  
 Iterum namque dicemus hīc quoque, sicuti necesse non est, si qua temperies sic-  
 ca est, hanc protinus calidam quoque esse, sed fieri posse ut etiam frigida sit;  
 ita fieri potest, ut quæpiam nec calida sit, nec frigida, sed in hac quidem opposi-  
 tione eucratos siue temperata, in altera sicca. Simili modo nec humidam tem-  
 periem necesse est calidam frigidamve esse, sed eam mediam esse inter huius op-  
 positionis extrema licet. Si igitur necesse non est, ut vel intemperiem quæ in ca-  
 lido est & frigido, sequatur ea quæ est in altera oppositione intemperies, vel hāc  
 quæ in illa; licebit aliquando & naturam, quæ in caliditate & frigiditate tem-  
 perata sit, vel siccā esse vel humidā; inuicemque quæ in his temperata sit,  
 vel calidam esse vel frigidam. Quæ sunt & hæ, ab his quas priores tum me-  
 dici, tum philosophi nobis tradiderunt, quattuor diuersæ intemperies; medio-  
 que loco positæ inter temperatos habitus, & eos qui in utraque oppositione sunt  
 intemperati. Qui namque in summo est temperatus, is neutram oppositionem  
 habet superantem; qui vero aduersus hunc est intemperatus, utramque ha-  
 bet viciosam; medium sortitur locum, qui in altera quidem est temperatus, in  
 altera intemperatus: qui utique & ex dimidio eucratos, ex dimidio intempe-  
 ratus cum sit, merito medius dici potest inter eum qui ex toto est temperatus, &  
 eum qui ex toto est intemperatus. Et si quidem hæc sic se habent, sicut certe se  
 habent, cur nouem dicere vniuersas temperamentorum differentias dubi-  
 temus? temperatam quidem vnā, non temperatas octo; quarum quattuor  
 simplices sint, humida, sicca, calida, & frigida; quattuor compositæ, hu-  
 mida simul & calida, sicca pariter & calida, frigida simul & humida, fri-  
 gida simul & sicca.

Quoniam



- A** Quoniā veteres illi philosophi ac medici quattuor simplices intēperies omnino negarunt; propterea nunc demonstrat firmissima ratione, eiusmodi intēperies dari posse. Quod calida intēperies simplex dari possit, hac ratione cōfirmat. Intēperies calida potest esse humida, potest itidē esse sicca, ergo poterit esse media in humiditate & siccitate. Consequentia probat, quia medium minus distat ab extremis, quam extrema à se inuicem. Quare si calor cōiungi potest cum qualitatibus contrariis, humiditate scilicet & siccitate, reperiri aliquando poterit seruata mediocritate in humido & sicco. Veluti exempli causa, si temperies quæ in pueritia calida est & humida, in calidam & siccam mutatur in iuuentute; fieri non potest, quin media aliquando sit in sicco & humido. Nam quæ ab vno extremo in alterum extremum mutatio fit, ea necessario per medium fieri debet. Hac eadem ratione probat, & reliquas intemperies simplices concedendas esse. Porro simplices has intemperies medias esse inquit inter naturam temperatam & intemperies compositas; & merito quidē, quoniam utroque extremo participant. Quippe cum temperata natura in vtraque qualitatū oppositione mediocritatem seruet, intemperies vero compositæ in neutra; merito dicuntur simplices intemperies participare utroque extremo, quia in altera oppositione temperatæ sunt, in altera intemperatæ. Ex quibus tandem recte concludit, nouem esse differentias temperamētorum, vt antea quoque dictum est. Ceterum quamuis hæc recte demonstrata hætenus sint, non tamen defuerunt, qui veteres philosophos sequuti, & simplices intemperies, & temperamentum temperatum omnino negarint. De temperamento quidem temperato non immerito dubitari possit, cum Galenus hoc loco nullam rationem scripserit, qua id dari posse conuincat: de simplicibus tamen intemperiebus nulla profecto erat dubitandi occasio, cum firmissima ratione eas dari posse demonstrarit. Auicenna ex Philosophia constare ait, in nullo corpore inueniri posse temperamentum ad pondus; proindeque de tēperamento ad iudiciū intelligenda esse sentit, quæ de optima temperie his libris à Galeno traduntur. Auerrōes Auicennā sequutus idem sensit, & physicam hanc rationem adiunxit. Non potest, inquit, esse temperamentum æquale in mensura qualitatum, nisi mensuræ elementorum sint penitus æquales in quantitate; atqui in quantitate æquales esse non possunt; ergo neque in qualitatibus. Assumptionē confirmat, quia corpus sic temperatum neque graue esset, neque leue, cum ex pari elementorum grauium ac leuium mole constaret. Adiungunt & alii alias rationes. Nisi enim in mistione vincat aliquod elementum, nullū corpus mistum generari posse aiunt; atqui vincente quocumque elemento excedent aut ambæ eius elementi qualitates, aut saltem altera; ergo numquam gigni poterit corpus tēperatum ad pondus. Præterea si corpus aliquod dari posset tēperatum ad pondus, maxime humanū, quod est sine controuersia corporum omnium temperatissimum. At corpus humanum calidū & humidum potius est quam temperatum, cum ex calidis & humidis principiis constet, semine scilicet & sanguine. Ad hæc vita in calido & humido cōsistit, ergo viuientia omnia calida sunt & humida. Verū quam sit inefficax (vt hinc exordiamur) hæc vltima ratio, dictū est cap. 4. vbi recte docuimus, quomodo in calido & humido vita consistat, non tamen inde sequatur, omnia quæ viuunt calida esse & humida. At generationis principia (etiā si calida ea & humida concederemus) ostēdere tantū possunt hominē in prima statim formatione calidum & humidū esse: nihil tamen prohibet quominus, qui ab initio calidus est & humidus, aliquando temperatus euadat.



Adde, quod semen & sanguis ex natiui caloris copia potius quā ex caloris excessu calida dicātur. Iā vero quod aiūt, nullum mistū corpus gigni posse, nisi vincat in mistione aliquod elementū, falsum omnino est; ad mistionē namq. nullius elementi victoria, sed mutua tantum elementorū actio & passio est necessaria. Id quod & luctatoribus accidere experimur, qui si viribus æqualiter polleant, agunt quidem & patiūtur, neuter tamen victor euadit. Neque ratio Auerrois aliquid concludit, probandum enim ipsi erat, non posse fieri temperamentum æquale in mensura qualitatū, quin simul æquale sit in quantitate substantiarum. Nos enim contra sentimus, elementorum vires pares esse posse, substantias vero semper esse impares. Quæ vero de optima temperie his libris tradūtur à Galeno, pessime interpretatur Auicenna. Nam quod natura temperata virtute ac viribus reliquis præstet; & quod ea prætermissa de reliquis frustra instituatur disputatio; de natura ad iustitiam temperata intelligi non potest. Sed & cutim internam volæ manus in vniuersa rerum substantia medium postea constituet: proptereaque non solum ad iustitiam, verum etiam ad pondus temperatissimam. Iam vero & temperatum hominem in specie humana, & in animalium genere, & in genere quoque substantiæ medium esse postea docebit. Atqui medium in genere substantiæ nullius qualitatis excessum habere potest. Porro quod dari possit corpus temperatum ad pondus, Galenum imitati sic ostendimus. Sit corpus aliquod in pueritia calidum & humidum, quod in senectute frigidum fiat & siccum. Hæc sane mutatio temperamenti calidi & humidi in frigidum & siccum, cum fiat ex contrariis qualitatibus in contrarias, necessario sit per medium; ergo corpus calidum & humidum antequam frigidum & siccum euadat, poterit aliquando medium esse in ytraque qualitatū oppositione. Inter eos tamen qui temperamentū ad pondus dari posse concedūt, non omnino conuenit, quale id temperamentum sit. Siquidem Vallesius, cum duplex temperamentum statuatur, substantiarum scilicet & qualitatū; elementorum substantias ad pondus temperari posse affirmat, qualitates vero nequaquam. Peccat autem vtroque nomine, & quod elementorum substantiis temperamentū ad pondus concefferit, & quod ipsum qualitatibus negarit. Quamuis enim temperamentum substantiarum (quod tamen fictitium esse ostēdimus) dari posse concederemus, fieri tamen non posset, vt in aliquo mixto pares essent substantiarum elementarium portiones. Nam præterquam quod corpus sic mixtum neque graue esset neque leue, (vt recte dicebat Auerroes) ab æquali ignis mole cetera elementa corrumperebantur; cum sit ignis omnium efficacissimus. Neque recte ostendit, qualitates non posse temperari ad pondus, quod ab innumeris causis corpora perpetuo immutentur; hæc enim ratio eiusmodi temperiem durare non posse dumtaxat ostendit. Quod autem ait Lopezius, elementa pari mensura, non tamen pari pōdere temperari posse, puerile prorsus est & ridiculum. Cum enim solæ qualitates temperentur, parum profecto retulerit, si eas ad mensuram, vel ad pondus temperari dixerimus. Quare dum alios barbaros vocat, incidit & ipse in sophisticam loquacitatem, cum pondus à mensura in temperamento distinguens, de nomine potius quam de re ipsa disputare videatur. Sed transeamus ad simplices intēperies, quas post Galenum omnes fere medici admiserunt, vno excepto Auerroee. Qui cum Galenicæ demonstrationis vim parum attente perpendisset, simplices intēperies perperam negauit, hac sola ratione persuasus. Qualitates, inquit, agentes formæ sunt, & patientes materia, ergo mensuræ duarum qualitatū agentium sumentur à mensu-

Lib. 1. contro.  
cap. 7.

Com. in cap.  
4. lib. 1. de tē-  
per.

Lib. 2. collect.  
cap. 1.



**A** à mensuris duarum qualitatum patientium. Inefficax profecto ratio. Quid enim prohibet, quominus agentes qualitates, quæ veluti formæ sunt, in patientes, quæ sunt veluti materia, agere possint, etiam si hæ mediocriter se habeant? Et rursus quid prohibet, quominus qualitatum patientium altera excedat, etiam si agentes æqualiter sint temperatæ?

*In quolibet vero iam dictorum temperamentorum permagnus est excessus defectusque modus; non in his modo quæ simplicia sunt, sed etiam in compositis: idque tum in tota substantia, tum vero in vnoquoque genere.*

**B** In quolibet dictorum temperamētorum magis & minus (vt Græce habetur) aut (vt vertit interpres) permagnus excessus defectusque modum inueniri dicit. Quibus verbis haud dubie significat, in singulis temperamentorum differentis hactenus explicatis magnam latitudinem reperiri. Qui locus, licet ab interpretibus neglectus sit tamquam facilis, nobis tamē vt difficilis diligentius examinandus erit. Videtur enim Galenus latitudinem hoc loco statuisse in temperamento ad pondus, cum scribat, in quolibet dictorum temperamentorum magnam esse latitudinem; enumerarit autem superius nouem temperamenta, inter quæ primum obtinet locum temperamētum temperatum. Pleriq. tamen huic temperamento latitudinem negant, putantes nimirum mente potius id concipi quam reuera dari; aut si detur, temporis momento durare, ob perpetuam illam, quæ à variis causarum generibus corporibus accidit, mutationem. Quibus etiam fauent quæ statim sequuntur, cum enim dixisset in quolibet iam dictorum temperamentorum latitudinem inueniri, hæc subiungit, Non in iis modo quæ simplicia sunt, sed etiam in compositis. Quæ plane in simplicibus tantum & compositis intemperiebus, non autem in temperamento temperato latitudinem reperiri indicant. Pendet huius quæstionis profligatio ex iis quæ de optima sanitate docuit alibi Galenus. Docuit autem sanitatem optimam ac perfectissimam bifariam dici: reuera, & sensus iudicio. Quæ reuera talis est, omnibus numeris est absolutissima; quæ vero talis est sensus iudicio, parum ab illa defleat, & sensus iudicio perfectissima censetur. Priorem illam affirmat aut non dari, aut temporis momento durare; alteram vero satis amplam latitudinem habere. Similiter quoque docet, *εὐκρασίαν* dici bifariam; reuera, & sensus iudicio. In ea quidem quæ reuera optima est, nullius qualitatis excessus (ne minimus quidem) inuenitur; quæ autem sensus iudicio talis dicitur, aliquem reuera excessum habet: qui tamen, quod exiguus sit, sensum effugit. Vtriusque autem naturam optime explicauit similitudine lyræ sensus iudicio optime temperatæ, quam tamen alter musicus denuo accedens perfectius temperauit. **D** Et rursus similitudine balnei temperatissimi, cuius tamen temperies viciari non solet, si vel calidæ vel frigidæ aquæ pauxillum adieceris. Cum itaque temperamentum ad pondus aut tale reuera sit, aut sensus iudicio; quod reuera tale est (non secus ac sanitas perfectissima) aut non datur, aut latitudine caret; ob varias scilicet mutationes, quibus corpus est obnoxium. Hinc enim natum est illorum philosophorum dogma, qui *ἀεὶ παρὶς* introduxerunt. At quod sensus iudicio est tale, neque insectile est, neque latitudine caret. Atqui vt sanitas illa perfectissima nullum medicis vsum præbere potest, quod insectilis sit & momentanea; ita & in arte medica nullius vsum est eius temperamenti consideratio, quod est ad pondus reuera temperatum: vt pote quod omni prorsus latitu-

Lib. r. de sani.  
tu. cap. 5.



dine careat. Quare cum de temperata natura agimus, hanc non reipsa, sed so- A  
lius sensus iudicio temperatam accipimus; ne de re prorsus inutili differere  
videamur: quemadmodum isti faciunt, qui de temperamento ad pondus di-  
sputantes, ipsum insectile esse prædicant. Et quorsum quæso, libris prioribus  
de sanitate tuenda methodum elegantissimam tradit Galenus, qua possimus  
naturam temperatam in proprio statu tueri; si ea insectilis est, & momento té-  
poris durat? Quorsum itidem libro sequenti signa diligentissime explicat, ex  
quibus certo possimus hominem temperatum cognoscere, si is mente potius  
côcipitur, quam in rerum natura existat? Sed iam explicemus difficultia illa hu-  
ius contextus verba; Non in iis modo quæ simplicia sunt, sed etiam in compo-  
sitis; cuius sane loci difficultatem solus ex interpretibus obseruat Fuchsius. Is  
itaque locum male à Linacro translatus fuisse merito censet, cum in Græco  
exemplari nulla fiat mentio compositorum temperamentorum. Præstat tamen B  
Græcam dictionem adscribere, ἐν ἐκάστῃ τῶν ἀρεμῶν κρᾶσεων, τὸ μαλλόντε, καὶ τὸ  
ἥϊον, πᾶν πολὺ καὶ ἅτε τὰς ἀπλᾶς λεγομένας κρᾶσεις, ἐπὶ τῇ ὅλης ὅσας, ἢ ἂν δὲ καθ' ἑνὲν  
ἐπιού γένος. In hac vero putat Fuchsius, pro ἀπλᾶς legendū esse ἀπλῶς, totumq.  
hunc locum ad hunc modum conuertit. In quolibet vero iam dictorum tem-  
peramentorum permagnus est excessus defectusque modus, tam in iis quæ ab-  
soluto sermone temperamenta dicuntur, & in vniuersa substantia; quam in iis  
quæ in vno quouis genere. Quæ sane interpretatio omnino respondet antiquo  
interpreti, qui forte emendatiorem codicem nactus, locum sic transtulit, Et in  
vnaquaque quidem harum complexionum, quas nominauimus, reperitur ex  
diuersitate in multitudine & paruitate res magna valde; & similiter reperitur  
in complexionibus quæ absolute dicuntur in vniuersa substantia; & in com-  
plexionibus quæ dicuntur in aliquo generum, quodcumque genus sit. Ego cer-  
te, vt diuinare non possum quodnam exemplar nactus fuerit antiquus inter- C  
pres, ita affirmare ausim, seruata Græca lectione facillimum verissimumq. sen-  
sum reddi: hæc namque Græcis ad vnguem respondent. In quolibet vero iam  
dictorum temperamentorum & magis & minus; plurimum etiam secundum sim-  
plices dictas temperies; idque tum in tota substantia, tum in vnoquoque ge-  
nere. Quibus verbis docet in primis, in omnibus temperamentis latitudinem  
inueniri, deinde vero priuatim id docet de simplicibus intemperiebus: quasi de  
his potissimum dubitari possit, ac debeat, habeant latitudinem, necne. Et me-  
rito quidem, quoniam veterum philosophorum ac medicorum plerique (vt  
capite secundo diximus) simplices intemperies negarunt. Neque vero maior  
(vt forte quispiam existimauerit) dubitandi occasio esse potest de temperamen-  
to temperato quam de simplicibus intemperiebus. Quippe cum in his vna qua-  
litas excedat, videtur statim ex ipsius actione altera adquiri. At in téperamen- D  
to temperato cum qualitas nulla superet, idem omnino status diutius perma-  
nere potest. Vt cumque tamen res habeat, certissimum est, Galenum hoc loco  
& temperamento ad pondus, & intemperiebus omnibus, tā simplicibus quam  
compositis, latitudinem tribuisse. Vnde perspicuum est, singulas temperamen-  
torum differentias tempore notatu digno durare posse. Docebimus enim li-  
bro sequenti optimam corporis temperiem in summo ætatis vigore reperiri; &  
simplicem intemperiem humidam (in iis saltem qui temperati futuri sunt) à pri-  
mo ortu ad summum vsque ætatis vigorem perdurare. Male igitur Auicenna  
& alii quidam ita angustam latitudinem simplicibus intemperiebus concesser-  
unt, vt breuissimo temporis spatio durare tantum posse contendant. Quos  
sane



- A sane decepit Galenus, qui de hac re differens ad hunc modum scribit, Sane dictum à nobis in libro de temperamentis est, fieri non posse, vt intēperies quælibet sola diu duret, quando ipsa sibi ipsi alteram ex necessitate adsciscit: indeque factum, vt plerique medicorum quattuor tantum esse intemperantias putarint, easque compositas; simplices vero ne esse quidem. Hanc tamen Galeni sententiam amice ita interpretari oportet, vt simplices intemperies (quæ rarissimæ sunt) rarissime quoque in eodem statu permanere possint; frequentissimum enim est, vt alteram intemperiem breui sibi coniungant. Nihilominus tamen tempore notatu digno persistunt, alioqui frustra Galenus rationem tradidisset, qua simplex vnaquæque intemperies aut custodiri, aut emendari possit. Frustra itidem docuisset, quibus morbis magis vel minus obnoxia sint corpora simplici temperie affecta. Non tamen proinde probarim quod dictum est à Vallesio, simplicem intemperiem toto vitæ tempore durare posse; non sublati mutationibus ætatum, sed seruata etiam in illis quadam proportione. Atqui cū in singulis ætatibus noua fiat innati temperamenti mutatio, non satis intelligo, quomodo tolli non debeant ætatum mutationes, vbi de temperamenti cuiuspiam duratione agitur. Habent igitur latitudinem omnia temperamenta, siue temperata ea sint, siue intemperata; intemperies tamen compositæ latitudinem habent multo maiorem. Cum vero natura temperata & naturæ intemperata, & in genere substantiæ & in aliis generibus ac formis reperiantur; variat necessario temperamentorum latitudo. Nam in genere substantiæ tantam habet latitudinem temperata natura, quanta est ab optima perfectissimaque temperie ad eum vsque excessum qui sensu percipitur. Naturæ vero intemperatae in eodem substantiæ genere tantam latitudinem habent, quanta reperitur à sensibili qualitatū excessu ad extremos vsque totius substantiæ fines, nempe quattuor elementa: nam intra amplissimam hanc latitudinē mista omnia corpora diuagantur. Rursus naturæ in aliis omnibus generibus & formis temperatae tanta est latitudo, quanta ab optima in illis generibus & formis temperie reperitur, ad eum vsque excessum qui sensu percipi possit: intemperatarum vero, quanta inueniri potest à sensibili qualitatū excessu, ad extremos vsque fines in singulis generibus & formis constitutos.


Lib. 6. de san-  
tu. cap. 2.

Lib. 6. de sani-  
tuen.

Lib. 8. metho-  
med.

Lib. 1. contro  
cap. 7.

## CAP. IX.

- D  I cui igitur agnoscendorum temperamentorum cura est, incipiat exercitationem oportet ab his in quolibet genere naturis, quæ temperatae mediæque sunt: quippe quod si his alias comparet, facile quod in quauis superet, deficiatve, inuenerit. Ergo primum de iis quæ simpliciter loquentibus temperata, intemperataque dicuntur, agendum; quæ scilicet in omni generata substantia, non in solis animalibus & stirpibus, disquirenda diximus.

Inuento temperamentorum numero, generalem methodum nunc proponit, qua instructi possimus in cognoscendis corporum omnium temperamentis exerceri. Tota vero hæc methodus his continetur, vt in vnoquoque rerum genere à natura temperata incipiamus, qua semel cognita ad intemperatas descendamus.



scendamus; quæ ad temperatam collatæ, calidæ, frigidæ, humidæ, vel siccæ dicuntur. Cum autem nouem illæ temperamentorum differentiæ & in genere substantiæ, & in aliis generibus & formis reperiri possint; exercitationem incipere oportet à genere substantiæ, deinde vero ad alia genera & species descendere. Hac sane methodo corporum omnium temperamenta cognosci possunt, ut leonis, ficus, lapidis, æris. Sed quoniam longa nimis esset particularis hæc exercitatio, medico satis fuerit, si in cognoscendis hominum, & singularum corporis humani partium temperamentis priuatim exercitetur. In qua exercitatione præscriptæ methodi præcepta obseruans, hominem temperatum ante omnia cognoscere studebit, quem non solum in specie humana, sed etiam in animalium genere, & in vniuersa substantia medium esse postea dicemus. Huic autem reliquos homines conferens, calidos, frigidos, humidos, aut siccos appellabit. Ac rursus dum partium temperamenta inquirat, ante omnia cognoscat oportet partem omnium temperatissimam, cuius comparatione reliquæ partes intemperatæ, calidæ dicantur aut frigidæ, humidæ aut siccæ. Cumque variæ sint partium species, in singulis quoque quod temperatum est ac medium, in primis cognoscendum, deinde intemperata. Veluti exempli causa, in specie ventriculorum eum qui temperatus est in primis cognoscere oportet; cuius collatione de intemperatis ventriculis, calidis, frigidis, humidis, & siccis iudicium ferri debet. Totam hanc methodum fuisse Galeno diligenter obseruatam, ex iis quæ sequuntur certissime intelliges.

*Porro hic quoque tantillum saltem distinguere de nominibus conueniet, quod calida temperies, alia iam energia, siue (ut loquuntur) actu sit, alia potestate. Tum quod potestate ea esse dicamus, quæ quod dicuntur id nondum sint, sed facile id fieri possint, quoniam naturalem, ut id fiant, aptitudinem sint adepta. Igitur primum de iis quæ actu calida, frigida, humida, & sicca sunt, differamus; auspiciati ab vniuersa substantia; mox ad animalia & stirpes descensuri. Ita enim consummationem habebit quod institutum nobis est.*

Antequam accedat ad prædictæ methodi exercitationem, eadem illa nomina, calidum, frigidum, humidum, & siccum, bifariam adhuc dici posse monet, actu scilicet, & potestate. Ea dicuntur esse actu talia, quæ qualia dicuntur talia iam sunt; potestate vero, quæ quod dicuntur id nondum sunt, sed possunt facile id fieri, quia naturalem, ut id fiant, aptitudinem sunt adepta; ut dicemus accuratius libro tertio. Sed quorsum, quæso, de rebus iam diu disputans, ad nouam horum nominum significationem nunc rursus digreditur? aut cur hanc superioribus non coniunxit? An quia quæ hætenus de temperamentis docuerat, & iis quæ actu, & iis quæ potestate sunt talia, communia erant; methodus vero cognoscendi temperamenta actu, diuersa multum est à methodo cognoscendi temperamenta potestate? Quare cum methodum cognoscendorum temperamentorum tradidisset, merito nunc quæ sunt actu talia, ab iis quæ sunt talia potestate, distinxit; ut de iis quæ actu talia sunt, disputet hoc libro & sequenti, libro autem tertio de iis quæ sunt talia potestate. In hac autem disputatione de temperamentis actu se auspiciaturum pollicetur ab vniuersa substantia, mox vero ad animalia & stirpes descensurum. Vniuersam substantiā vocat totius



Atius substantiæ genus, animalium vero & stirpium exemplo reliqua omnia genera intelligit, quemadmodum & superiori contextu, dum sic scriberet, Ergo primum de iis quæ simpliciter loquentibus temperata, intemperataque dicuntur, agendum; quæ scilicet in omni generata substantia, non in solis animalibus & stirpibus disquirenda diximus.

## CAP. X.



QVONIAM igitur quod in omni genere, maximeque in vniuersa substantia medium est, id ex mixture extremorum conflatur; utique conueniet, ut tum notitia \* eius, tum agnitio \* ex illis sumatur. Ac notitia quidem facillima est, quippe à calidissimo omnium,

\* νοησις.

\* διδύκωσις.

B quæ sub sensum cadunt, (veluti igni, aut quapiam aqua quæ ad summum sit feruens) ad id quod omnium quæ nobis apparent, est frigidissimum (veluti glaciem & niuem) venientes; æstimato inter ea interuallo medio, ad vnguem id diuidimus. \* Sic enim symmetron, quod scilicet ab utroque extremorum pari abest spatio, intellectu comprehendemus. Quinetiam id nobis præparare licet, miscentibus aquæ feruenti parem modum glaciæ; quod enim ex ambobus est mistum, pari interuallo ab utroque extremorum aberit, & eo quod vrit, & eo quod frigore stupefacit. \* Non est igitur difficile ei qui ita mistum tetigerit, medium

\* τέμετρον.

\* νοησώτως.

C sicca sit, vel cinerem, vel tale aliquid quod plane sit aridum, pari aquæ modo imbueris; medium in sicci humidique oppositione effeceris. Ergo ne hic quidem difficile est, ubi visu pariter tactuque eiusmodi corpus noueris; memoriæ id insingere, eoque ad humidorum ac siccorum, quæ deficiant, superentve, agnitionem, pro norma exemplarique uti. Porro corpus de quo iudicandum est, mediocriter calens esto, Nam hoc ipsum humidi sicci que medium corpus, si ad summum calorem frigusve sit perductum, falsam interim imaginationem excitabit; videbiturque, quam sit mediocre, aliquando humidius, aliquando siccus. Quippe si liberalius calefiat, liquatum iam ac fluxile, humidioris substantiæ phantasiā de se præbebit: contra refrigeratum plus iusto, consistit, ac cogitur, immobileq. redditur, & durum tangenti apparet: unde etiam falsam siccitatis imaginationem exhibent. Quod si veluti humidi sicci que parem modum habet, sic caloris & frigoris sit in medio; nec durum, nec molle tangenti apparebit id corpus.

Præscriptæ methodi exercitationem exorditur à cognitione eius quod in vniuersa substantia medium est ac temperatum. Docet autem inueniendam nobis esse huius medii cognitionem, ex iis quæ in genere substantiæ extrema sunt, quattuor scilicet elementis; quoniam ex horum mixtione, tertio ex pari eorundem portione conflatur. Proindeque merito inquit, ipsius tum notitiam,

tum



tum agnitionem ex illis petendam esse. Quo loco notitiam ab agnitione eo no- A  
 minae videtur distinguere, quod notitia (Græce *νοήσις*) simplex sit rei cogni-  
 tio, quæ mente sit citra ratiocinium; ac proinde Fuchsius *νοήσις* conuertit in-  
 telligentiam. At agnitio (Græce *διγνωσις*) distincta quædam rei cognitio est,  
 siue sensu, siue intellectu paretur. Parabitur primum notitia medii in vniuersa  
 substantia, si mente concipiamus quod in substantiæ genere calidissimum est, vt  
 ignem, vel aquam feruentissimam, & quod in genere substantiæ est frigidissi-  
 mum, vt niuem, aut glaciem. Facile namque erit, æstimato inter ea interual-  
 lo medio, aliquid intelligere, quod ab utroque extremorum æqualiter distet.  
 Similiter quoque & eius quod medium sit in humido & sicco, notitia parari  
 poterit, si humidissimam substantiam, veluti aquam, contemplemur; & sub- B  
 stantiam siccissimam, veluti terram, aut cinerem. Quinetiam sensu parari po-  
 test eiusdem medii agnitio, nam si aquæ feruentissimæ parem glaciei, aut niuis  
 modum miscueris; euadet proculdubio corpus in calidi & frigidi oppositio-  
 ne medium: quemadmodum etiam in oppositione humidæ & sicci, si terram  
 aut cinerem pari aquæ modo imbueris. Agnitione huiusmodi inquit Galenus  
 difficilem non esse, utpote quæ & tactui subiiciatur, & visui: sentiunt tamen mul-  
 ti esse difficillimam, quod tantum id liceat homini temperato. Verum cum di-  
 ctum antea sit, temperatum corpus sensus iudicio expendi, non soli homini tē-  
 perato, sed & cuius nostrum licebit, medium eiusmodi corpus tactu explo-  
 rare. Negari tamen non potest, quin certior futura sit hominis temperati agni-  
 tio ob exquisitam tactus temperiem. Ne autem decipiamur in agnitione cor-  
 poris medii in humido & sicco, monet, vt eiusmodi corpus mediocritatē quo-  
 que seruet in calido & frigido. Alioqui fallax erit iudicium, quoniam fieri po-  
 test, vt quod in humido & sicco medium est, falsam humidæ aut sicci speciē præ C  
 se ferat: humidæ quidem, si à vehemēti calore liquetur; sicci vero, si ab immo-  
 dico frigore concreseat. Sed hæc explicabuntur accuratius libro sequenti.

Atque tota quidem eiusmodi corpora per tota se miscendi, calidum inquam, D  
 frigidum, siccum, & humidum, homini facultas non est. Terra enim aquæ con-  
 fusæ miscetur quidem (quatenus scilicet videri cuiuspiam possit) atque ita tota to-  
 ti contemperatur; ceterum appositio exiguarum partium ea est, nequaquam to-  
 torum per tota mixtio. Sed ambo ea per tota miscere, Dei, vel naturæ est opus;  
 magisque etiam, si calidum ac frigidum inter se tota per tota miscenda sint. At-  
 tamen appositionem eiusmodi efficere, vt sensum effugiant singula simplicium  
 corporum, non solum naturæ opus, Deivæ est, sed etiam nostrum. Neque enim  
 difficile est, tali mixtione lutum, quod medium sicci humidique sit, moliri: simili  
 modo & quod calidi ac frigidi sit medium. Videbiturque tibi eiusmodi corpus  
 in calore & frigore temperatū, immo etiam in duritie mollitieq. medio statu esse!

Dum aquæ terram miscemus, aut cinerem, aut aliud quidpiam; veram mix-  
 tionem esse putandum non est, sed tantum sensus iudicio: vera namque mixtio  
 solius Dei, aut naturæ est opus, non hominum. Nobis enim tantum licet exi-  
 guarum partium appositionem efficere, in qua quæ apponuntur, sensus iudicio  
 videntur misceri: cum singula simplicium quæ sibi inuicem apponuntur, sensum  
 omnino



A omnino effugiant Cum tamen quæ sic miscentur, neque per se tota alterentur, neque vniantur, vera mistio ea non erit; est enim Aristoteli mistio, mistilium alteratorum vnio. Lib. i. de ort. & inter. c. vlt.

Id autem genus est hominis cutis, vtpote omnium extremorum, calidi, frigidi, humididi, & sicci, vere media: maximeque ea quæ est in manu. Hæc enim omnium sensibilibum veluti norma futura erat prudentissimo nimirum animantium tactus instrumentum ab ipsa natura, præparata.\* Quo magis eam ab omnibus extremis, calido inquam, frigido, sicco, & humido, pari abesse intervallo oportuit. \* Grece additur *ὁμιότης*.

Iam vtique & constat ex horum omnium æquis portionibus, nō compositis\* modo, sed etiam per tota se mistis: quod nostrum plane nemo efficere potest, sed est nature opus. Quæcumque igitur partes cute sunt duriores, veluti ossa, cartilaginee, cornua, pili, ungues, ligamēta, ungulae, calcaria; in his omnibus siccū præualet. Quæcumque vero molliores sunt, sicuti sanguis, pituita, seuum, adeps, cerebrum, medulla, tum spinalis, tum altera; in his humididi plus est quam sicci. Quinetiam quanto siccissima omnium quæ sunt in homine pars, cutem siccitate superat, tanto rursus à cute superatur quod est humidissimum. \* *μικτὸν*.

Non solum aut mente concipi, aut per exiguarum partium appositionem fieri potest medium quoddam corpus in calido, frigido, humido, & sicco; verū etiam per veram missionem, per se tota alterari quattuor elementis, & reuera vnitis. Docet autem; huiusmodi medium in vniuersa substantia esse hominis cutem, potissimumq. eam quæ in manu est, & præsertim in manu interna. Hanc enim inquit, omnium extremorum, calidi scilicet, frigidi, sicci, & humididi, vere esse mediam, & ex æquis eorum omnium portionibus constare. Id tamen non placet Hieremiæ, qui cutem potius frigidam & siccam esse contendit. Malumus tamen Galeo credere; qui optimam entis temperiem ex eo nunc recte demonstrat, quod omnium sensibilibum (quæ scilicet sub tactum cadunt) veluti iudex ac norma futura erat; vtpote quæ tactus instrumentum animalium omnium prudentissimo homini à natura sit præparata. Hoc loco nescio cur dictionem *οἰκίον* (id est domesticorum) quæ Grace habetur, prætermiserit Linacer; cum verissimum sit, hominem animalium omnium domesticorum prudentissimum esse. Eustathius tamen & Fuchsius legendum potius semine *οἰκίον*, id est aptum, vt reddatur is sensus, cutis tactus instrumentum præparata est à natura animantium prudentissimo aptum: qui verissimus idem est sensus, quoniam tactus cum sapientia coniungi solet. Ex iis quæ hoc loco docuit Galeus, colligunt aliqui, cutem esse proprium tactus instrumentum. Falluntur tamen, quia sensus tactus, vt sensus communis est omnibus fere corporis partibus; ita plura instrumenta sortitur. Dicitur autem cutis hoc loco tactus instrumentum, non quod sola tactus sit organum, sed quod de tactilibus qualitatibus perfectissime iudicet. Sed de singulorum sensuum instrumentis in commentariis pathologicis ex instituto agemus. Si igitur cutis à natura præparata est tactus organum, necessario concluditur, esse temperatam ad pondus: alioqui enim non posset de qualitatibus tactilibus exactam iudiciam ferre. Quippe si in primo recessu esset calida, cetera corpora eodem recessu calida, tempe-



temperata iudicaret. Quod si cutis in vniuersa rerū substantia media est, oportebit profecto mixtorum omnium temperamenta expendere, facta ad ipsam collatione: id quod priuatim Galenus explicat in animalium partibus. Quippe quæcumque partes duriores fuerint hominis cute, eadem sunt ex sua natura sicca; & quæcumque fuerint hominis cute molliores, sunt ex sua natura humida. Cur vero ex secundis qualitatibus, duritie scilicet & molliæ, partium siccitatem & humiditatem colligat, dicemus libro sequenti. Nunc vero illud explicandum restat, quod ultimo loco dictum est à Galeno, quanto scilicet siccissima omnium quæ sunt in homine pars, cutem siccitate superat, iāto rursus à cute superari quod est humidissimum. Quibus verbis haud dubie indicat insignem quandam proportionem, quam temperati corporis partes, tum inter se, tum etiam cum ipsa cute seruant. Quamuis enim in homine temperato partes aliæ calidæ sint, aliæ frigida, aliæ humida, & aliæ sicca; hæc tamen iusta in eo reperitur partium proportio, ut pars omnium siccissima, veluti pilus, tanto sit siccior cute, quanto cutis ipsa siccior est parte omnium humidissima, veluti pituita. Quod itidem verum est de reliquis partibus siccis & humidis; quanto enim pars secundo loco sicca, veluti os, siccior est cute, tanto & cutis ipsa siccior est parte secundo loco humida, veluti adipe. Similis quoque proportio in partibus calidis & frigidis statuenda est, cum eadem utrobique sit ratio. Vnde constat, temperatum hominem non solum temperatum dici, quod temperatam habeat cutem, sed etiam quod prædictam habeat omnium partium proportionem admirabilem. At in hominibus intemperatis neque cutis temperata est, neque iusta illa partium proportio inueniri potest. Siquidem in iis qui sicco sunt temperamento, pars omnium siccissima magis cutem siccitate superat, quam superetur à cute pars omnium humidissima. Idem de aliis dicendum. Has ego partium proportionem in hominum temperamentis considerandas esse censeo: nam quæ numerorum proportionem sunt, aut quæ ex simplicibus numerorum proportionibus resultant, eas sane ut superuacaneas, ita & medicis prorsus inutiles iudico: quamuis minime me lateat, Petri illius Iacobi Steue medici longe clarissimi id olim fuisse inuentum. Is namque, ut erat Medicinæ, & rerū Mathematicarum peritissimus (ut reliquas ipsius præclaras dotes silentio præteream) rebus philosophicis ac medicis mathematicas demonstrationes summa cum industria, ingenii que dexteritate frequenter adhibuit. His itaque demonstrationibus usus, doctissimis suis commentariis in librum secundum Epidemion acutissime probat, corporis humani, & reliquorum omnium dissimilium corporum temperiem, aliud esse nihil, quam proportionem, ex simplicibus, quæ singulis partibus similaribus insunt, numerorum proportionibus compositam. Quod accuratius multo, multoque copiosius in eo libello demonstrauit, quæ de rerum naturalium temperaturis conscripsit. Quem sane manuscriptum mihi videre licuit, quod mihi nuper pro summa sua humanitate ipsius copiam fecerit Iohannes Plassa, medicus insignis, omnique doctrinæ genere mirifice excultus; à quo & multa, & præclara ingenii monumenta indices diuulganda speramus.

Lib. 2. epid.  
sect. 3. com. 4.

Porro videtur nunc disceptatio nostra, ea quæ utilissima sunt attingere; ac docere simul, quod tum animalium, tum vero omnium corporum temperatissimus sit homo; simul, quod omnium quæ in eo sunt particularum, cutis quæ intra manum habetur, omnis excessus plane sit expers.



A Ex iis quæ dicta sunt, duo tandem colligit, quibus innititur tota hæc de temperamenti disputatio. Alterum est, hominem omnium corporum temperatissimum esse, utpote qui & in specie humana, & in animalium genere, & in vniuersa substantia sit medius. Alterum vero est, omnium quæ in homine sunt partium temperatissimam esse cutem, eamque potissimum quæ est in interna manu; utpote quæ sola omnis excessus plane sit expers. Hinc intelligimus, solam cutem in homine temperato temperatam esse ad pondus; reliquas vero partes temperatas solum ad iustitiam. Quamuis id priuatim accidat cuti, ut ad iustitiam simul & ad pondus sit temperata. Immo non potest esse temperata ad iustitiam, quin simul sit temperata ad pondus; cum demonstratum antea fuerit, non posse cutem, nisi expers sit omnis excessus, de tactilibus qualitatibus iudicium ferre.

B

## CAP. XI.



**I**NSISTENTES igitur hoc loco æstimemus, quis nã sit optime temperatus homo; quem scilicet totius substantiæ, vel potius tum hominum, tum reliquorum animalium medium, veluti regulam & normam statuentes, reliquos omnes huic collatos, calidos, frigidos, humidos, siccosve dicere oportet. Concurrant ergo oportet in hoc homine multæ notæ, quippe & cum vniuersa substantia collatus, medius apparere in ea debet, & magis etiam cum hominibus & bestiis. Ac medii quidem in vniuersa substantia communes notæ dictæ iam sunt; quæ vero in animalium speciebus notantur, actionis perfectione, quæ cuique sit conueniens, iudicantur. Conuenit autem homini, ut sit sapientissimus; cani, ut mitissimus pariter sit & fortissimus; leoni, ut tantum sit fortissimus; sicuti oui, ut sit tantum mitissima. Iam vero quod corporis actiones consentientes esse animi moribus oporteat, tum Aristoteli in iis quæ de partibus animalium scripsit; tum vero nobis alibi nihilominus est monstratum. Ac methodus quidem hæc est.

Iuxta methodum superius traditam, temperatum hominem ante omnia cognoscere oportet, utpote qui sit intemperatorum regula. Sed quoniam temperatus homo & in genere substantiæ, & in genere animalium, & in specie humana medius est; duplex est in vniuersum ipsius cognoscendi ratio. Quatenus enim medius est in genere substantiæ, ex paritate elementorum cognoscitur, ut dictum est cap. 5. Proindeque nunc merito ait, communes huius medii in vniuersa substantia notas dictas iam esse. Quatenus vero medius est in animalium genere, & in specie humana, ex actionum perfectione potius cognoscitur; ut reliqua omnia media, quæ in aliis generibus ac formis statuuntur. Cum quibus omnibus eo nomine conuenit, quod ad iustitiam temperatus dicatur, quemadmodum in genere substantiæ temperatus ad pondus. Naturæ autem iustitia est, & homini, & ceteris omnibus quæ in suo genere, aut specie media sunt, propriarum actionum perfectionem tribuere: quæ quidem pro generum ac formarum diuersitate mul-

M triplices



Lib. de part.  
animal.  
Lib. de usu  
part.

Lib. 1. de usu  
parti. cap. 2.

tiplices esse solent. Conuenit enim homini, ut sit sapientissimus; cani, ut erga domesticos ac familiares mitissimus sit & fidelissimus, fortissimus vero in hostes, ac fures; leoni, ut sit tantum fortissimus; quemadmodum oui, ut sit tantum mitissima. Porro animalium actiones multiplices esse oportuit, ut animi moribus, qui & in ipsis animalibus plurimum variant, consentirent, ut ab Aristotele & Galeno probe demonstratum est. Ac rursus quoniam actiones animalium propriæ à propriis instrumentis fiunt, perinde est dicere, corporis actiones consentientes esse animi moribus, aut corporis instrumenta animi moribus esse conuenientia. Quare sagacissima natura singulis animalibus propria tribuit instrumenta, quæ animi moribus, propriisq. functionibus obeundis ad vnguem essent accommodata. Quo sane consilio leoni, animali ferocissimo, exertos dentes, aduncosque ungues largita est; quemadmodum validissimas ungulas, iubamque ornatissimam equo, animali velocissimo, superbo, ac generoso. Hominem vero & armis & artibus (quæ brutis quamplurimis liberaliter concesserat) prorsus nudum creauit; cui tamen pro armis manus, pro artibus rationem tribuit. Quemadmodum enim manus organum organorum ab Aristotele verissime dicitur: ita & rationem artem artium cum Galeno vere appellare possumus.

*Exercitari vero, ut non in singulis modo animalium generibus, sed etiam in vniuersis medium in promptu quis noscat, id cuiuslibet hominis non est; sed diligentis in primis, & qui per longam experientiam, & multam omnium particularium peritiam inuenire medium queat. Quippe ad eum modum plastæ, pictores, statuarii, alii denique fictores, quæ pulcherrima in omni specie sunt, tum pingunt, tum fingunt: veluti hominem, equum, bouem, leonem formosissimum, ad id quod medium est in illo genere, collinentes. Laudantque homines quandam Polycleti statuam, Canonem appellatam, inde adeo id nomen sortitam, quod partium inter se omnium competentiam ad vnguem habeat. Habet autem, quem nunc quærimus, plus aliud quam Canon ille; cum non solum humoris ac siccitatis in medio consistat is, qui ita eusarcos siue quadratus est, homo, sed etiam optimam formationem sit adeptus. Quæ fortasse bonam quattuor elementorum temperiem est comitata, fortasse diuinio rem aliquam superne originem habet. Ceterum prorsus eucraton saltem esse eiusmodi hominem, id vero est necessarium. Quippe mediocritas in carne ex mediocritate temperamenti prouenit: protinus autem adsequitur tale corpus, ut optime ad actiones sit comparatum: tum in mollitie & duritie, præterea calore ac frigore mediocriter se habeat.*

Quamuis breuissima sit methodus cognoscendi ea quæ in singulis rerum generibus ac formis media sunt, cum ex sola pendeat actionum perfectione; ipsius tamen exercitatio & longa multum est, & difficilis. Postulat enim virum laboris amantissimum, simul ac exercitatissimum, qui in cognoscendis singularum rerum actionibus diu multumque sit versatus. Neque verò de mediorum in singulis rerum generibus ac formis inuentione propterea desperandum,



Lib. 5. de Hip.  
& Plat. decre.  
cap. 3.

A sperandum, cum & pictores, & statuarii ad id quod optimum est, & in vno quoque genere perfectissimum, mentis oculorumque aciem perpetuo dirigentes, id assequuti videantur. Exemplo sit Polycletus, summus statuarius, qui librum conscripsit Canonem appellatum, in quo suæ artis præcepta diligentissime tradidit. Postea vero orationem reipsa confirmans, iisdemque præceptis insistent, perfectissimā, absolutissimamq. statuam extruxit, quā libri etiā nomine Canonem appellauit: intellexit enim artifex peritissimus, perfectissimā illam statuam reliquis statuariis veluti canonem ac regulam in posterum futurā esse. Medico tamen, reliquorum omnium generum ac formarum mediis neglectis, id quod in specie humana, & in genere partium, & in vnaquaque partium specie medium est, cognoscere satis fuerit. Nam quæ in suo genere vel specie media pars est & temperata, ea reliquarum omnium intemperatarum est regula; quemadmodum & homo temperatus intemperatorum est canon, non secus ac ille Polycleti. Immo, vt ait Galenus, habet temperatus homo plus aliud quam Polycleti Canon, quod non solum humoris ac siccitatis in medio consistat, sed etiam optimam formationem sit adeptus. Quem locum putant Hieremias & Lopezius esse inuersum, propterea quod videtur Galenus optimam temperiem tribuisse Canoni Polycleti, & optimam formationem eidem negasse; cum tamen optimam haberet formationem, & temperie careret. Sentiant itaque ita esse legendum, Habet autem quem nunc quærimus, plus aliud quam Canon ille, quia non tantum optimam formationem adeptus est quadratus homo, sed etiam humoris ac siccitatis in medio consistit. Quasi vellet Galenus, temperatum hominem Canone perfectiorem esse, quia præter optimam formationem, quæ vtrique est communis, temperamenti mediocritatem obtinet, qua Canon ille destituebatur. Reuera tamen lectionem temere inmutant, quæ (vt recte sentit Fuchsius) verissimum sensum reddit. Vult namque, temperatum hominem duplici nomine perfectiorem esse Canone Polycleti, & quod habeat temperamenti mediocritatem, & quod optimam formationem sit adeptus: quorum vtrumque in Canone desiderabatur. Neque enim (quod forte putarit quispiam) perfecta omnino fuit Canonis formatio; cum artifice tantum liceat, materiam extrinsecus ornare, ac perpolire. At temperatus homo præter externam partium formam, admirabilem intus fabricam obtinet, in qua formationis ipsius vis maxime elucescit. Est tamen obseruatione dignum quod scribit in præsentia de formatione, quod scilicet bonam quattuor elementorum temperiem fortasse comitetur, fortasse vero diuiniorem aliquam superne originem habeat.

D Vbi manifesto dubitat, (quemadmodum etiam lib. de foet. format.) an vis formatrix quattuor qualitatum sequatur temperiem, an potius diuiniore sit originis: de qua re agemus ex instituto lib. 1. de fac. nat. Cum itaque dubitasset de causa formationis, dubitat quoque merito, an homo qui in sua specie medius est, optimam formationem necessario habeat; solumque pronunciare audet, esse necessario *εὐταπειν*, id est bene temperatum. Hanc vero optimam temperiem breuissime nunc ex iis confirmat, quæ temperamenti mediocritatem sequuntur; qualia sunt, mediocritas in carne, actionum perfectio, & mediocritas in duritie & mollietate, in calore & frigiditate: de quibus postea.

cap. penult.

*Atque hæc omnia insint cuti, huiusque maxime illi parti quæ est intra*



manum: scilicet quæ callum eiusmodi non contraxit, qualis in remigibus & fossoribus cernitur. Cum enim gemini vsus causa manus sint factæ, tactu discernendi, & rem quampiam comprehendendi; utique quæ molles sunt, ad exquisitius tangendum, duræ ad aliquid maiore vi capiendum magis sunt idoneæ. Quinetiam cutis, quæ non solum omnium corporis partium, sed etiam vniuersæ, omnium quæ generationi corruptionique subiiciuntur, substantiæ media est; ea nec callosa, nec dura, lapideæve est, sed secundum naturā se habens; quo scilicet cutis genere maxime perfectum esse tactum censemus. Ac quod in duritie & mollitie medium omnium particularum locum sit sortita, abunde liquet: quod autem & in calore & frigore similiter se habeat, ex eius substantia maxime intelligas licet. Est enim veluti sanguine præditus nervus, qui sit inter nervum & carnem quiddam plane medium, ac si ex mistis utrisque constitueretur. Ceterum nervus omnis exanguis est & frigidus; caro multi sanguinis & calida: media inter utrumque est cutis, nec plane exanguis ut nervus, nec sanguine abundans ut caro.

Ut in priore exercitatione, quæ circa hominum temperamenta versatur, temperatum hominem in primis cognoscere oportet: sic in altera, quæ versatur circa partium temperamenta, cognoscenda primum est pars omnium temperatissima. Hanc autem diximus esse cutem, eamque potissimum quæ est in interna manu: si tamen (ut nunc docet) qualis à natura facta est, talis persistit. Quippe si duritiem, aut callum aliquando contraxerit, ut remigibus accidit & fossoribus, temperata amplius esse non potest, neque ad ferendum de tactilibus qualitatibus iudicium idonea: quamvis ad firmiorem corporum apprehensionem sit aptissima. Siquidem manus (ut monet hoc loco, & alibi docet accuratius) ob duplicem usum sunt factæ, tactu scilicet discernendi, & externa corpora apprehendendi gratia. Quæ igitur manus molles sunt ad exquisitius tangendum; duræ vero ad maiore vi capiendum aliquid sunt idoneæ. Quæ sane ratio est, cur medico præ ceteris liceat manus habere molles, indiget enim exquisitissimo tactu, ut caloris qualitatem in febribus, varias pulsum differentias, pus in profundis abscessibus contentum, & si quæ alia eiusmodi sint, certius dignoscat. Optimam vero cutis temperiem, quæ callum in manu interna minime contraxerit, & tactu cognoscimus, & ex propria ipsius substantia colligimus. Percipit quidem tactus mediocritatem in humido & sicco, quoniam neque mollis, neque dura tactu sentitur. Mediocritatem autem in calido & frigido propria ipsius substantia ostendit; est enim veluti nervus sanguine præditus, qui sit inter nervum & carnem quiddam plane medium, ac si ex utrisque mistis constitueretur. Quamobrem cum nervus omnis frigidus sit, quia exanguis; & caro calida, quia sanguinea; erit protecto cutis in calore & frigore temperata, quia neque omnino exanguis est sicuti nervus; nec sanguine abundans sicuti caro. Neque his verbis cutis temperiem colligit (ut arbitratur Hieremias) facta collatione ad nervum & carnem; sed potius ex propria ipsius substantia. Non enim est frigida, quia non est exanguis quemadmodum est nervus; neque est calida, quia non abundat



- A abundat sanguine, quemadmodum abundat caro. Qua ratione capite quarto etiam dixerat ver esse temperatum, quia neque calidum est sicut æstas; neque frigidum sicut hyems. Dubitari hoc loco quispiam, cur de cutis mediocritate in humido & sicco tactum consulat, de mediocritate vero in calido & frigido consulat potius rationem. Respondet Hieremias id propterea factum, quia cutis temperies à circumstantibus ac vicinis partibus subinde ita mutatur, ut nunc incalescat, nunc contra refrigeretur. Ceterum cum in homine temperato iustissima ea reperiatur partium proportio, quam superiori capite explicauimus; huius rei causam potius referrem ad mutationes varias, à variis causis externis, aëreque potissimum, prouenientes, quarum occasione cutis nunc refrigeratur, nunc incalescit; cum tamen neque mollior, neque durior facile fieri queat. Sed quæ hætenus de cute diximus, de cute vera intellige; cuticula enim (quam *ἐπίδερμίδα* Græci vocant) temperata esse non potest, ut falso sentit Lopezius; cum vera non sit corporis pars.
- B

Si igitur hanc omnium animalis partium veluti normam iudicemque proponens, reliquas illi conferas, atque ad eam examines; octo diuersas intemperies, in eis inuenies. Iamque membratim tibi de omnibus deinceps disseram. Humidissimum frigidissimumque in corpore pituita est. Calidissimum sanguis: non tamen est perinde humidus ut pituita. Siccissimum ac frigidissimum est pilus; minus eo & frigidum & siccum est os; hoc vero minus siccum est cartilago; proxime hanc sequitur ligamentum [ & quem Græci composito nomine *χονδρῶδες ὑπόδεσμον*, id est cartilagineum ligamentum vocant. ] Post hoc tendo, deinceps membrana, & arteria, & vena; ipsa scilicet corpora vasorum. Succedunt deinde nerui duri; molles autem in humiditate & siccitate mediam naturam, sicuti cutis, obtinent. Nam in altera oppositione, quæ est calidi & frigidi, neruus mollis in medio non est; sed tantum ei deficit de calore, quantum de sanguine. Ita vero & reliqua omnia prius dicta, tanto sunt cute frigidiora, quanto minus habent sanguinis. Etiam tunica ipsæ, maxime sanguineorum vasorum, (arteriarum dico & venarum) non solum exanguis sunt, sed etiam frigida natura; contactu tamen sanguinis calefiunt, atque ad medium temperamenti statum veniunt. Sanguis vero ipse à corde suum accipit calorem; quippe id viscus naturæ tum omnium animalis particularum maxime sanguineum, tum vero calidissimum est. Proximum illi iecur est; verum cor paullo quam cutis minus est durum, iecur multo. Itaque etiam humidius quàm cutis cor est, quanto scilicet est mollius. Iam vero caro humidior cute est, eadem tamen calidior. Spinalis autem medulla cute est humidior, atque etiam frigidior: sicuti hac rursus humidius est cerebrum; cerebro autem ipso adeps. Cui concretio contingit, propterea quod membranis adiacet, crasso namque oleo est similis; eoque congelatur, ubi cum frigidis & exanguibus partibus

D



coniungitur. At neque circa iecur coire adeps potest, neque circa arterias, ve- A  
nasque, aut cor; sed nec circa aliam ullam præcalidam particulam. Quoniam  
autem cogitur per id quod valde est frigidum, idcirco calfacta liquatur cetero-  
rum coagulatorum ritu. At cerebrum calfactum minime liquatur, eoque adipe  
minus est humidum. Porro minus humida quam adeps est & pulmonum caro,  
ut quæ nec ipsa calfacta lique scat. Iam longe etiam adipe minus humida est, tum  
lienis, tum renum caro: omnia tamen hæc cute sunt humidiora. Harum rerum  
demonstrationes proximo libro tradam, sicuti omnia quæ ad vniuersam de tem-  
peramentis disputationem pertinent, duobus deinceps commentariis exponam.

Cum sola cutis in genere partium temperatissima sit, ipsius collatione expen- B  
dere oportet reliquarum partium temperamenta. Id igitur præstat Galenus  
extremo hoc libro, rem ipsam breuissime attingens, accuratissime explicaturus  
libro sequenti. Quare satis hoc loco fuerit, quæ in hac oratione difficultatem  
aliquam præ se ferré videntur, breuiter explicare, reiecta in sequentem li-  
brum de singularum partium temperamentis disputatione. Est autem in primis  
illud difficile, quod intemperies octo in corporis partibus, facta ad cutem col-  
latione, inueniri dicat: nam simplices quattuor intemperies, & ex compositis  
calidam & siccam, in partibus corporis vix reperiatis. Vnde factum est, ut ex  
Galenii interpretibus alii rei difficultate perterriti, locum hunc omnino præ-  
terierint; alii vero harum omnium intemperierum exempla inuenire minime  
potuerint, quamuis id aggressi. Omnium autem optime meo iudicio rem hanc  
interpretabatur eruditissimus Colladus; qui, ut octo intemperies, in corporis  
partibus inueniri possint, tria esse necessario statuenda præcipiebat. Primum C  
quidem, ut nomine partium non eas tantum intelligamus quæ veræ partes sunt,  
quæque nutriuntur ac viuunt; sed ea omnia in vniuersum quæ corpus nostrum  
secundum naturam constituunt, quales sunt humores & pili. Alterum est, ut  
partium temperamenta expendantur, non solum ex propria sui natura & con-  
stitutione; verum etiam ex iis quæ partes ipsæ secundum naturam adquirunt  
ex aliarum contactu & alteratione. Tertium est, ut humorum temperamenta  
ex actione potius quam edunt expendantur, quam ex constitutione elemento-  
rum ex quibus constant: alioqui enim nullus humor esset temperamento sic-  
cus, cum omnes actu sint humidi ac fluxiles. His ita positis, facile inueniemus  
omnium intemperierum exempla, ac primum compositarum, ut à facilioribus  
ordiamur. Frigida quidem & humida intemperies in pluribus partibus reperi- D  
tur, veluti in cerebro, spinali medulla, & pituita. Frigida & sicca reperitur in  
pilo, osse, & cartilagine. Calida & humida, in carne musculorum, iecoris, lie-  
nis, & cordis. At sola bilis calida est & sicca, quia licet actu fluxilis sit, ac proin-  
de humida; actione tamen sicca & calida censetur, cum partes corporis calfa-  
ciat, & exsiccet. Simplicium intemperierum exempla hæc sunt. Calida in-  
temperies reperitur in sanguine, quia licet temperatus sit ex sua natura, à cor-  
de tamen suum accipit calorem, ut ait hoc loco. Quomodo vero dicatur hic  
sanguis omnium quæ in corpore sunt calidissimus, libro secundo dicemus. Fri-  
gida intemperies inuenitur in nervis mollibus; qui cum exangues sint, sunt ne-  
cessario frigidi; in humiditate tamen & siccitate mediam (ut inquit Galenus)  
naturam habent, sicuti cutis. Humida intemperies inest adipi, seu pinguedini,  
quæ



- A** quæ temperatum calorem habet, cum crasso oleo sit similis, quod modice iustum calidum est. Tandem intemperies sicca in tunicis venarum & arteriarum inuenitur. Quæ quidem, cum ex sua natura sint frigida, utpote exangues, contacta tamen sanguinis quem continēt, ita calfiunt, ut ad medium temperamenti statum deueniant, sola intemperie sicca in ipsis remanente. Præterea & illud videtur difficile, quod agens de temperamento cordis, ipsum dixerit esse viscus maxime sanguineum: cor enim viscus non est, cum carnem simplicem non habeat, sed triplici fibrarum genere intertextam: & iecur viscus magis sanguineum videtur, cum propria ipsius caro concreti sanguinis speciem referat. Cor certe viscus non est, si viceris nomen proprie usurpetur, ut dicemus libro sequenti; ubi & viscerum numerum proponemus, & cur partes quædam viscera improprie vocentur, explicabimus. Dicitur autem cor maxime sanguineum, non quod exquisitissimum sanguinem contineat, ut putat Hieremias; neque etiam quod ex puriori calidiorique sanguine sit genitum, ut sentit Lopezias; sed quod intra proprios ventriculos copiosissimum sanguinem contineat; venalem quidem in dextro ventriculo, arterialem vero in sinistro. At iecur, quamuis carnem propriam habeat concreto sanguini similem, sanguinem tantum intra vasa continet, proindeque merito minus sanguineum censetur. Postremo & illud difficultate non caret, quod agens de adipe scribit, non posse scilicet circa iecur, venas, arterias, aut cor, aut aliā præcalidam particulam concrecere. Quæ Galeni sententia falsa potius quam difficilis censi debet, cum iis quæ sensibus apparent, aduersetur. Monstrat enim anatome, circa cor, viscus omnium calidissimum, concrecere adipem; nedum circa venas & arterias. Nisi forte quis id sic interpretetur cum Vesalio, ut neget tantum Galenus, adipem concrecere intra venas, aut arterias, aut propriam substantiam cordis. Sed insulsa est interpretatio. Porro quomodo adeps à frigido concre-scat, & quomodo hanc concretionem à frigido ex eo nunc recte demonstret, quod à calore liquetur, proximo libro dicemus; ad quem explanandum aggredi tempestiuum iam est.





# CLAVDII GALENI

## PERGAMENI DE TEMPERAMENTIS

### LIBER SECVNDVS.

THOMAS LINACRO ANGLO  
INTERPRETE.

#### CAP. I.



*C* quod multifariam quidem dicatur humidum, siccum, calidum, & frigidum corpus, in proximo definitum est libro. Demonstratum præterea est, nouem esse temperamentorum differentias, vnā quidem, quæ mediocris sit & eucratos [quam etiam temperatam vocemus] reliquas omnes intemperatas: quattuor simplices, vnica scilicet in qua que præpollente qualitate, calore, frigore, siccitate, vel humiditate; quattuor ab his diuersas, in quibus vtriusque oppositionis altera C qualitas exsuperat. Dico autem duas oppositiones, alterā quæ est calidi & frigidi, alteram quæ est humidi & sicci. Ab his ad notas earum digressi, de temperata natura disceptauimus, quoniam hæc omnium prima, virtute, potentia, cognitionisque ordine sit. At cum temperatum aliud absolute dictum inueniatur in vniuersa rerum natura, aliud in singulis generibus; principio visum est de eo considerandum esse, quod communiter in vniuersa natura æstimatur. Huius norma indiciumque erat elementorum portionis æqualitas, cuius rei gratia extremorum omnium medium ad vnguem redditum, eucraton & symmetron [siue temperatum & mediocre maus] dicitur. Reliqua, quæ in singulis generibus D temperata dicuntur, propriis corporum functionibus vsibusque indicantur. Eoq. fit, vt idem animalis cuiuspiam stirpisve corpus, omnium quæ in eo sunt genere, medium esse possit, id est in illo genere eucraton & mediocre; alteri vero cuiuspiam comparatum, vel stirpium, vel animalium, vel inanimorum generi, discraton siue intemperatum. Quippe viuentis corpus cum demortuo collatum, humidius eo calidius ve est; verbi gratia leo viuens leone mortuo, tum ipse seipso, tum alter altero calidior humidiorque est. Atque inde adeo dictum veteribus est, animal calidum & humidum esse; non absoluto sermone, quod humiditas in eo calore exsuperet



**A** exsuperet ( sic enim inuenire est animalia sicca frigidaque comp'ura, veluti culices muliones, \* culices vinarios, \* muscas, apes, formicas ) sed vt ad mortua collata. *Viua enim apes calidior humidiorque quam mortua est; & formica viua quam mortua; cum homine tamen, equo, boue collata, tum aliis sanguine præditis animalibus, omnia id genus frigida siccaque temperie sunt. Quia si ad vniuersam naturam spectans ea expendas, ne sic quidem, quo minus frigida siccaque sint, elabuntur. Tamquam enim in vnoquoque genere, vbi quid a mediocritate recessit, ab eo quod vincit nomen accipit; itidem in vniuersa substantia cum aliquid medium transierit, non amplius eucraton, sed vel calidum, vel frigidum, vel humidum, vel siccum nominabitur. Monstratum enim supra est, hominem non solum animalium stirpiumve, sed etiam reliquorum omnium maxime esse temperatum. Quoniam autem ex multis & dissidentibus is cõditus est partibus, manifestum est, quæ pars medio omnium sit temperamento, eam esse maxime eucraton siue temperatam. Quæ namq. animalis eius quod mediū sit temperamenti, media particula est; hæc omnium simpliciter est temperatissima. Monstratum vero est, id esse in homine cutem, atque huius eam maxime partem quæ in manu est interna: si tamen qualem eam natura est molita, talis persisterit. Iā vero quod nec cuiusque hominis cutis medium absolute loquendo sit vniuersæ substantiæ, sed eius qui maxime est temperatus, dictum prius est: plurimam enim esse ipsis quoque hominibus inter se differentiam.*

\* ἀπιδίστε, καὶ κωνόπιδες.

ἀπλῶς additur Græce.

**C** Duplex hoc libro instituitur disputatio; altera de cognoscendis temperamentis hominum; altera vero de cognoscendis temperamentis singularum humani corporis partium. In vtraque inchoandū est (vt proximo libro præceperat) à natura temperata; proptereaque huius libri initio tradit statim rationem cognoscendi hominem temperatum. Prius tamen vitur anacephaleosi, quæ breuiter complectitur summa eorum capita, quæ libro superiore copiosius fuerant explicata. Quæ sane eo consilio repetit, vt quæ hoc libro tradenda sunt, facilius illis cohæreant, quibus tamquam fundisimīs fundamentis inniuntur. Hæc tamen, cū ex superioribus pateant, noua explanatione nō egent.

**D** Verum maxime temperatus is est, qui corporis habitu medius horum extremorum apparet, gracilitatis, crassitudinis; duritiei, mollitiei; itemque caloris & frigoris. Inuenias enim cuiuslibet hominis tangendo corpus, vel mitem & balituosum calorem, vel igneum & acrem, vel horum neutrum, immo frigiditatem quandam præpollentem. Frigiditatem autem præpollere, vt in hominis corpore intelligere oportet, coque tum sanguineo, tum humido. Ac corpore quidem talis est temperatissimus homo.

ἀκριβῶς additur Græce.

Temperamentorum notæ ad duo summa capita ab ipsomet Galeno reuocantur in arte medica; aut enim samuntur ex iis quæ secundum essentiam rationem iniunt; aut ex iis quæ necessario consequuntur. Iniunt quidem secundum

Cap. 8.



essentia rationem qualitates primæ, cum ex his constituatur temperamentum, A  
quod propria est mistorum corporum essentia; necessario autem consequuntur  
actiones & accidentia. Primæ quattuor qualitates, cum ex genere tactiliū sint,  
tactu percipiuntur; cum eo tamen discrimine, quod calor & frigiditas, cum ef-  
ficacissimæ sint qualitates, tactum vehementer afficiant; humiditas vero & sic-  
citas, cum ignauæ sint, vix tactum possint afficere. Quo fit, vt ex qualitatibus  
secundis certius cognoscatur, veluti ex duritie & mollitie, gracilitate & cras-  
sitie: durities enim siccitatem, mollities vero temperamenti humiditatem in-  
dicat. Sed & visu ex corporis gracilitate siccitas, ex crassitie humiditas tempe-  
ramenti agnoscitur. Ex iis itaque quæ secundum essentia rationem insunt, co-  
gnoscitur in primis homo temperatus, ex quattuor scilicet qualitatibus primis,  
in quibus mediocritatem seruare deprehenditur. Hanc vero mediocritatem  
tactu percipimus & visu; tactu quidem mediocritatem calidi & frigidi; tactu B  
vero simul & visu mediocritatem humidi & sicci. Ac visu quidem ex medio  
corporis habitu, qui neque crassus sit, neque gracilis, optimam in humido & sic-  
co temperiem agnoscimus; quemadmodum & tactu ex eo, quod neque duram  
habeat cutem, neque mollem. At mediocritatem calidi & frigidi solus tactus  
per se dignoscit, qui cutem hominis temperati neque calidam, neque  
frigidam persentit. Quod sane non solum accidit cuti, quod ex propria  
sui natura sit prorsus temperata; verum etiam quod quamuis ab internis, quas  
continet, partibus contraria intemperie præditis secundum naturam inmutetur,  
eam tamen partium proportionem seruet, quam libro superiore explicauimus.  
At in intemperatis vel igneū & acrem calorē percipias, quemadmodum  
in biliosis; vel præpollentem frigiditatem, vt in pituitosis & melancholicis. Frigiditatem  
autem præpollere, inquit Galenus, vt in animalis corpore intelligere C  
oportet; eoque tum sanguineo, tum humido. Quem locum sic explicat Hieremias,  
vt aliquos homines frigidos esse velit Galenus, quatenus scilicet patitur  
sanguineorum animalium natura. Sentit enim ipse, omnes homines calidos  
esse & humidos, quia animalia sanguinea sunt. Quo posito principio colligit,  
in melancholico viscera calida & humida temperatiora esse, quam in temperato;  
& melancholicum temperatiorem esse & sapientiolem temperato, quem  
tamen Galenus sapientissimum postea statuet. Nam si omnes homines calidi  
sunt & humidi, & melancholici frigidiores sunt & sicciores temperato; minus  
profecto quam temperatus ab optima temperie recedent. Hæc tamen, cum  
falso innitantur principio, constare nullo pacto possunt; præ nimiaque absur-  
ditate indigna sunt confutatione. At Fuchsius frigiditatem in homine aliquando  
præpollere concedit, Galenum tamen verba illa subiunxisse, nequis per frigiditatem  
in homine præpollentem eam intelligeret, per quam aliquid valeat  
in duritiem concrefcere. Quasi velit, frigiditatem quidem & in homine, & in aliis  
animalibus sanguineis præpollere posse, non tamen tantā, quanta in exanguibus  
reperitur; in quibus (vt ipse ait) frigiditatis vi potest aliquid in duritiem  
concrefcere; in illis vero nequaquam. Ego tamen assequi non possum, quidnam  
illud sit, quod in exanguibus in duritiem concrefcit à frigido. Nam si pingue-  
do est, & hæc in sanguineis à frigido similiter, in neutris tamen in duritiem  
concrefcit. Lopezius tandem non minus ridicule locum explicat. In quouis, in-  
quit, bene valente homine calor semper sentitur; in ventre scilicet ac thorace,  
in quibus maior sanguinis copia secundum naturam inuenitur. Frigiditatem  
itaque, quam in homine aliquando præpollere dixit hoc loco Galenus, in solis  
artubus,



**A** artubus, brachiis scilicet & cruribus, præpollere posse affirmat, quod multo in his minor sanguinis copia esse solear. Sed neque id est omnino verum, cum & frigere homini ventrem, & artus calere, non raro experiamur. Longe igitur aliud mea sententia significare Galenus voluit. Quippe cum veterum medicorum non pauci (vt libro superiore diximus) omnia animalia calida esse dicerent, potissimumq. sanguinea, vtpote quæ ex calidis principiis consenti his certe aut difficile, aut omnino fallum videretur, frigiditatē in homine præpollere posse. His itaq. tacite nunc respondens inquit, frigiditatem præpollere vt in animalis corpore, eoque tum sanguineo, tum humido. Quasi dicat, etiam si homo animal sit sanguineum, & humidum, (id est ex humidis principiis constans) nihilominus tamen vere dictum est, frigiditatem in homine præpollere posse.

**B** *Idem animo quoque medius omnino est, audaciæ & timoris, cunctationis & præcipationis, misericordiæ & inuidiæ. Fuerit vero talis, alacer, \* amicorum amans, humanus, & prudens. Et temperatissimus quidem homo ex his primum potissimumque agnoscitur.*

Lib. de nat.  
hom. com. 38.

Cognoscitur secundo optima corporis temperies ex actionibus, sub quibus & pathemata cōprehendimus; in quibus omnibus qui tēperatus est mediocritatem seruat. Exorditur autem à moribus, quorum magna vis est ad ostendendam corporis temperiem, vtpote qui ipsam sequantur: quod tamen de insitis intelligendum esse alibi diximus. Constitunt autem potissimū mores in actionibus vel pathematis facultatis irascibilis & concupiscibilis. Irascibilem facultatem vocat aliquando animosam, nūc vero animum appellat, cum scribit, temperatum hominē animo mediū omnino esse, id est, in pathematis facultatis irascibilis mediocritatē obtinere. Quo fit, vt ab extremis viciis longe absit, veluti audacia & timore, cunctatione & præcipatione, misericordia & inuidia: quæ sane insignem intemperiem portendunt. Quippe audacia nimia cordis caliditatem, timor vero nimia frigiditatem indicat. Cunctatio itidem frigida intemperiei, præcipitatio intēperiei calidæ est indicium; cerebri tamen potiusquam cordis, vt statim dicemus. Postremo nimia ac facilis misericordia humidā cordis intemperiem arguit, quemadmodum inuidia intēperiem siccam. Sic namq. natura comparatum est, vt qui cor habent iusto humidius, vel precibus, vel muneribus, vel vna interdum falsa lacrymula vix vi expressa facile vincantur.

**C** Contra vero qui siccum habent cor & veluti lapideum, neque precibus, neque lacrymis, neque muneribus, immo neque acceptis beneficiis flecti vnquam possunt. Quantum vero ab extremis viciis abest, tantum profecto virtutū splendore ornatur homo temperatus; est enim (vt Galenus ait) alacer, amicorum amans, humanus, & prudens. Est quidem alacer, vel potius (vt Græce legitur) *ἐὺθυος*, id est, ab omni perturbatione remotus, vt interpretatur Eustathius; aut, (vt alii volunt) bono animo præditus, ac fortis: nam inter audaciam & timorem virtus media est fortitudo. Est itidem amicorum amans, & humanus, quia misericordiæ & inuidiæ est medius; nam inter inuidiam & misericordiam media virtus est humanitas. Est tandem prudens, quia cunctationis & præcipationis medius; nam inter hæc vicia prudentia virtus est media. Neque vero ex hoc loco licet colligere (vt falso colligit Hieremias) prudentiā reperiri in corde. Constat enim pertinere potius ad rationem, quamuis à Galeno, aliisque philosophis.



philosophis inter virtutes morales enumeretur, quod veluti moderatrix sit reliquarum virtutum. Nulla siquidem virtus est, quæ in vicium degenerare non possit, nisi prudentiam comitem habuerit. Nam fortitudo absque prudentia in temeritatem, iustitia in crudelitatem, & liberalitas in prodigalitatem degenerat. Quo fit, ut licet virtutes omnes in homine temperato splendeant, prudentia tamen in eo potissimum elucescat, quæ optimam cerebri temperiem indicat. Porro in dignoscendis corporum temperamentis, maxima vis est pathematum facultatis irascibilis, quæ, quamvis solius cordis (in quo irascibilis sedem habet) temperiem per se ostendant; ex accidente tamen, quale sit totius corporis temperamentum, indicare possunt. Vim namque maximam obtinet cor immutandi vniuersum corpus, cum principium ac fons sit caloris influentis. Atque ita fit, ut quale est temperamentum cordis, tale plerumque vniuersum corpus euadat: nisi forte (ut Galenus aduertit) contraria intemperie iecur obstiterit. Quamobrem merito nunc dixit, ex his primum ac potissimum temperatum hominem cognosci.

In art. med.  
cap. 29.

*Accedunt non pauca eorum, quæ ex necessitate [ hac ] sequuntur; quippe edit, bibitque in modo.*

Ab omnibus interpretibus recte obseruatum video, dictionem illam *Hæc* hoc loco redundare; nam præterquam quod in Græco exemplari nequaquam legitur, falsum etiam sensum reddit. Neque enim verum est, hominis temperati signa, quæ adhuc explicanda restant, sequi necessario facultatis irascibilis pathemata, de quibus antea dictum est. Immo & hæc, & alia quæ dicuntur signa, necessario sequuntur corporis temperiem. Expuncta vero ea dictiuncula, locum aliter multo explicare oportet, quam putat Hieremias. Vult namque, Galenum his verbis significasse, præter actiones morales, de quibus hætenus dixerat, alia esse signa hominis temperati, desumpta ex iis quæ temperiem necessario sequuntur; cuiusmodi sunt actiones naturales & animales. Sed quam inepta sit Hieremiæ explicatio, illud apertissime declarat, quod mores (ut sæpe diximus) corporis temperiem sequantur; & ea quæ traditurus est signa, non tantum ad naturales & animales actiones, verum etiam ad mores pertineant. Atqui mea sententia locus iste nihil continet difficile. Vult namque, moribus ad irascibilem pertinentibus, qui sequuntur cordis temperiem, & alia accedere indicia, quæ corporis temperiem necessario etiam sequuntur. E quorum numero sunt mores ad concupiscibilem spectantes, in quibus temperatus homo mediocritatem etiam seruat; quia, ut Galenus ait, edit bibitque in modo. Neque enim vorax est, neque cibum auersatur, sed tantum ciborum appetit, quantum potest concoquere: quod temperati ventriculi est proprium. Siquidem ventriculus calidus minus appetit quam possit concoquere; frigidus contra plus appetit quam concoquere possit. Præterea neque sitibundus est, ut qui ventriculo sunt calido, aut sicco; neque à potu abhorret, ut qui frigido sunt ventriculo, aut humido. Porro cum facultas concupiscibilis non solum in esculenta & poculenta, sed etiam in venerea secundum naturam feratur; inter hominis temperati signa recensere quoque nos possumus mediocrem rei venereæ appetitum, qui optimam hepatis, renum, ac potissimum testium temperiem denotat. Qui igitur temperatus est, is neque sua natura salax est, neque etiam à venere prorsus abhorret. Salaces enim, iecore, renibus, ac testibus potissimum calidi; à venere autem alieni, frigidi potius censentur.

In art. med.  
cap. 62.

*Et nutri*



A *Et nutrimenta non solum in ventre, sed etiam in venis, & tota corporis mole probe concoquit.*

Non solum ex moribus cognoscitur optima tēperies, verum etiam ex actionibus, quarum duplex est genus in vniuersum, naturalium (sub quibus & vitales comprehendimus) & animalium. Et quamuis plures sint actiones naturæ, solius concoctionis hoc loco meminit: forte quod ceteris sit manifestior. Meminit vero trium concoctionum, quarum prima fit in ventriculo, altera in hepate & venis, tertia in singulis corporis partibus: de quibus agemus lib. de fac. nat. Hæc itaque triplex nutrimenti concoctio in homine temperato optime perficitur. Ventriculus namque exquisitè conficit ingestos cibos, nullumque intercoquendum symptoma patitur, non fluctuationem, aut inflationem; non ructus acidus, aut nidorosos. Ex quorum symptomatum absentia optimam ventriculi concoctionem agnoscimus, præsertimque ex alui excrementis, si mediocriter compacta hæc fuerint, vnita, flauo colore mediocriter tincta, & ciborum copię respondentia. Iam vero & secunda concoctio optime fit in hepate & venis, in quibus optimus gignitur sanguis; non biliosus, aut pituitosus, aut melancholicus, qualem gignere solet iecur intemperatum. Cuius sane cōcoctionis certum indicium est vrina, quæ proinde in homine temperato mediocris est substantiæ, colore subrufa, cum sedimento mediocri, albo, læui, & æquali. Postremo & in tota corporis mole sanguis perfectè concoctus, partibus assimilatur. Quo fit, vt in homine temperato nullum coloris viciū, nullæ pustulæ, aut maculæ in cute appareant; vt his accidere solet, qui male concoctum nutrimentum, male partibus assimilant.

C *Omnesque, vt semel dicam, tum naturales, tum animales virtutes\* inculpata habet; cum & sensuum facultatibus, et membrorum motibus optimis sit præditus.* *inexpertas.*

Quod de concoctione docuit, ad reliquas naturæ actiones trāsferendum esse ait; qualis est nutrimenti attractio, retentio, excrementorum expulsio, & nutritio. Immo ad actiones naturæ referre quoque oportet Galeni exemplo facultatis vitalis actiones; quæ duæ sunt, sanguinis arterialis & spiritus vitalis generatio, & pulsus. Has enim omnes actiones temperatus homo inculpata habet, vt constat potissimum ex pulsu: qui neque magnus est neque paruus; nec celer nec tardus; nec frequens nec rarus; sed in omnibus prorsus mediocris. Eadem ratio est actionum animæ, quæ vel principes sunt, vt imaginatio, ratiocinatio, & memoria; vel non principes, vt sensus, & motus. Harum dumtaxat hoc loco meminit, nulla facta mentione actionum principum; forsitan quod supra meminisset prudentiæ, quæ ad rationem maxime spectat. Est igitur temperatus homo ad sensus omnes, & volūtarium motū optime cōparatus. Quod sane & facultatis animalis principiū, & instrumenta eiulmodi facultatē deferentia, & propria sensuū & motus organa tēperiem optimā adepta fuisse indicat. Inter reliquos tamen sensus, tactus in homine tēperato potissimū viget, quia cutē habet temperatissimam, quæ (vt priori libro diximus) præcipuum est tactus instrumētum. Ad signa ex sensibus petita referri possunt somnus & vigilia, quæ (vt alibi dicemus) sensus communis, nempe cerebri, sunt pathemata. Quare satis esset in hūc locum transferre, quod sequenti contextu docebit Galenus, temperatum scilicet hominem medium esse inter somnolentū & peruigilem. Vnde conicere licet opti-



In art. med.  
cap. 13.

Cap. 11.

Cap. 2.

Cap. 3

Cap. 3.

cet optimam cerebri temperiem, quoniam somnolentia; cerebri frigida- A  
tem, aut humiditatem; vigilia vero caliditatem, aut siccitatem portendit.  
Sed & in principibus animæ actionibus bene se habet temperatus homo, qui  
præterquam quod prudentissimus sit ac sapientissimus, valet quoque non pa-  
rum imaginatione & memoria: cum temperatum cerebrum (Galeno etiam au-  
ctore) principes omnes animæ actiones moderatas habeat. Quod si ex actio-  
num omnium perfectione temperatus homo cognoscitur, videntur certe tēpe-  
rati actiones omnes, intemperatorum omnium actionibus esse perfectiores.  
Id quod significauerat etiā lib. 1. de corpore temperato hæc scribens, Protinus „  
autem adsequitur tale corpus, vt optime ad actiones sit comparatum. Et multo „  
clarius lib. de opt. corp. const. Eius, inquit, generis est corpus quod antea dixi- „  
mus, cuius actiones plane constat longe præstantiores fore, quam quæ in ceteris „  
corporibus deprehenduntur. His quidem persuasi recentiorum medicorū non „  
pauci, actiones omnes in homine temperato multo quā in ceteris perfectiores B  
esse concedunt. Quorum sententia ex eo recte confirmari potest, quod partes  
omnes in homine temperato tēperatæ sint ad iustitiam; quæ vero ad iustitiam  
sunt temperata, perfectissimas in suo genere actiones edant. Verius tamē mul-  
to mihi sentire videntur, qui hominem quidem temperatum omnes actiones  
simul sumptas omnium optime exercere, in aliquibus tamen ab intemperatis  
priuatim vinci posse opinantur. Quo pacto dictum est à Galeno lib. 1. de sani-  
tuen. functionibus naturalibus (veluti concoctione) infantes ceteris lōge præ-  
stare. Et lib. 3. de cau. sympt. aliquas functiones ab excedentibus qualitatibus  
iuuari docuit, vt concoctionem à calore, assimilationem ab humiditate. Quod  
itidem in animæ actionibus locum habere potest, cum certum sit, humiditate  
imaginationem, memoriam vero siccitate iuuari. Atque hinc fit, vt non solum  
in hominibus intemperatis, sed etiam in brutis aliqua actiones perfectiores C  
quam in homine temperato esse possint. Quis enim nescit, aquilam visu, aprum  
auditu, canem olfactu, simiam (vt quibusdam placet) gustu, cursus velocitate  
leporē & ceruum, ac tandem taurum virium robore, homini temperato lon-  
ge præstare? His tamen quæ ab huius opinionis auctoribus verissime sunt dicta,  
illud adiungere oportet quod ab ipsis prætermisum fuisse video, hominem sci-  
licet temperatum tactu & sapientia reliquis omnibus hominibus longe supe-  
riorem esse. Quippe cum animalis essentiam tactus constituat, homo autem tē-  
peratus medius sit in animalium genere; merito fit, vt tactu præ ceteris vigeat.  
Rursus cum prudentia, aut sapientia soli ex animalibus homini conueniat; erit  
profecto ceteris hominibus sapientior, cum in specie humana sit medius. In re-  
liquis autem actionibus, siue animæ sint, siue naturæ, quamuis inferior esse pos- D  
sit; mediocritatem tamen obtinet maxime probandam, quæ in hominibus in-  
temperatis desideratur. Atque huiusmodi mediocritatem libro superiore signi-  
ficauerat dicens, corpus temperatum ad actiones esse optime comparatū. Ean-  
dem innuit hoc loco, cum ait, temperatum hominem actiones omnes inculpa-  
tas habere. Locum vero ex lib. de opt. corp. const. bifariam explicare possumus;  
aut enim actiones omnes simul sumptas in homine temperato præstantiores esse  
dicendum est; aut Galenum eo loco non agere de corpore bene temperato,  
sed potius de corpore optime constituto, in quo præter optimam partium simi-  
larium temperiem, reperitur quoque optima partium organicarum formatio.  
Sed vrget adhuc ratio, cui solutionem nullam inueniens Lopezius, ad meram  
Dei voluntatem, & Spiritus sancti gratiā tuto confugit. Nobis tamen, qui phy-  
fica pro-



- A sic problemata physice explicanda esse censemus, duplex videtur esse causa, cur nō omnes temperati hominis actiones sint perfectissimæ, licet omnes ipsius partes sint temperatæ. Altera causa est usus, quem aliquibus actionibus præbent qualitates excedentes, ut antea diximus; altera vero est instrumentorum formatio. Quamvis enim ratione optimi temperamenti perfectissimæ esse debeant omnes actiones hominis temperati; si quæ tamen actio à qualitate quapiam excedente iuuatur, ea profecto imperfectior erit. Hinc enim fit, ut pueri felicius concoquant quam adulescentes temperati; quia his calidiores sunt, saltem caloris copia. Et qui cerebro sunt sicco, memoria plus valent quam temperatus; quia memoria siccitate iuuatur. Iam vero quoniam formatio (ut demonstrabimus alibi) temperiem non sequitur; fieri profecto potest, ut instrumentum a liquo in homine temperato temperiem quidem optimam, deteriore tamen formatione sit sortitum: cuius occasione eius instrumenti actio imperfectior sit quam in temperato, in quo idem illud instrumentum perfectiorem formationem sit adeptum.

*Tum viuido colore semper sit; tum ad perspiratum excrementorum bene comparatus. \* Idem medius inter somnolentum & peruiilem; inter glabrum & hirtum; inter nigrum colorem & album. Pilosque habet, cum puer est, magis rufos quam nigros; cum in flore est, contra.*

- C Tertium signorum genus ex accidentibus desumitur, iisque potissimum, quæ in habitu corporis apparent. Et quamvis plura esse possint, tria tantum commemorat hoc loco, nempe colorem, raritatem & densitatem, hirsutiem & glabritiem: nam somnus & vigilia (quorum in præsentia etiam meminisse) ad pathemata potius sensus (ut antea monuimus) quam ad accidentia referri debent. Est itaque temperati hominis color inter album & nigrum medius; qui viuidus quidam color est, ac veluti roseus, & (ut inquit alibi) ex albo & rubro mixtus. Ortum vero habet ex optimi sanguinis vaporibus ad cutem exhalantibus; quo fit, ut in malis potissimum efflorescat. Atqui in intemperatis roseus color conspicitur numquam, sed vel pallidus, vel niger, vel albus, pro natura scilicet redundantis humoris. Est præterea temperatus homo *εὐνους*, id est (ut vertit Fuchsius) ad spiratum bene comparatus; quamvis magis placeat interpretatio Linacri, qui ad perspiratum potius retulit, qui per habitum corporis fieri solet; per cutis scilicet meatus & ora arteriarum, quæ finiuntur ad cutem. Ad hunc namque perspiratum bene comparatus est temperatus homo, quod mediocri corporis habitu sit præditus. Ex qua mediocritate id boni quoque consequitur, ut omnibus causis morbificis ex æquo magis resistat. Quippe cum morbificæ causæ partim externæ sint, partim internæ, quas vocat interdum Galenus alimenti excrementa; quæ raro habitu prædita sunt corpora, à causis externis magis læduntur, potissimumque ab aëre: in pestilentique constitutione magis proinde periclitantur. Eadem vero causis internis magis resistunt, quia ab excrementis per cutem transpirantibus libere expurgantur. Contrario modo se habent corpora densi habitus, hæc enim ab internis causis magis læduntur, ab externis minus. At quæ mediocrem habitum habent, ut causis externis minus resistunt quam corpora densa, & internis minus quam rara; utrisque tamen simul valentius reluctantur. Quare merito dicebat Galenus, corpus

\* *εὐνους*.In art. med.  
cap. 51.Lib. de opt.  
corp. conf. c. 3.Lib. de opt.  
corp. conf. c. 4  
tempe.



Lib. 8. metho.  
cap. 8.

Lib. 1. de temp  
cap. 4.

Cap. 13.

temperatum maxime deligendum esse, etiam si in re aliqua intemperato sit de-  
 terius. Neque vero ex sola habitus mediocritate id obtinuit, verum etiam ex  
 optima partium temperie, actionum præstantia, & succorum bonitate. Quod  
 si corpus temperatum causis omnibus morbificis validius resistit; erit necessa-  
 rio saluberrimum, & in vniuersum omnium minime morbis obnoxium: quam-  
 uis nonnullis priuatim morbis minus obnoxia esse possint corpora aliqua intē-  
 perata. Siquidem sicca humidis, & frigida calidis morbis minus tentantur; &  
 ex octo temperamentis intemperatis, quattuor minus quam temperatum;  
 quattuor alia magis sunt febribus obnoxia teste Galeno. Ac rursus si corpus  
 temperatum saluberrimum est, & omnium minime obnoxium morbis; erit ia-  
 ne & viuacissimum, & omnium maxime longæuum. Quamuis enim corpora  
 calida & humida ex propria sui natura longioris sint vitæ; ex accidenti tamen  
 vita breuiori fruuntur, vt explicatum à nobis iam est. Tandem temperatus  
 homo neque hirsutus est, neque glaber; hirsuties namque calidi, glabrities  
 frigidi temperamentis est soboles. Iam vero neq. idem semper est capillorum co-  
 lor in homine temperato; nam cum puer est, pilos habet magis rufos quam ni-  
 gros, ob temperamentis humiditatem, & halituosum calorem; cum vero in æ-  
 tatis flore est, ob siccitatem pilos habet magis nigros quam rufos. Galenus in  
 art. med. accuratius rem hanc explicauit, docuit enim infantibus pilos esse sub-  
 rufos, pueris subflauos; cum autem iam adoleuerint, flauos. De pilis tamen  
 agendum postea est ex instituto. Præter hæc accidentia, quorum hoc loco me-  
 minit, alia quædam in habitu etiam corporis apparent; qualia potissimum sunt  
 crassities & gracilitas; venarum amplitudo & angustia. In quibus, vt in reliquis  
 omnibus, mediocritatem seruat homo temperatus, qui neq. gracilis est, neque  
 crassus; neque venas latas habet, neque angustas. Hæc tamen signa consulo  
 prætermisit, ne eadem repetere cogeretur, agens postea de intemperatis. Adde  
 quod crassitiem & gracilitatem inter signa primi generis antea recensuerat,  
 quia humiditatem & siccitatem sequuntur: neq. enim absurdum est, vnum idem-  
 que signum ad diuersa genera pertinere.

## C A P. II.



*T* quoniam differentiarum quæ ex ætate eius spectantur, mentio-  
 nem feci; non alienum sit aliquid iam de his quoque apponere.  
 Porro volebam vniuscuiusque prædictarum notarum causas per-  
 sequi, verum cum ad ea quæ nunc sunt proposita magis urgeat  
 ætatum consideratio, quæ etiam maximam nobis ad causarum inuentionem  
 facultatem suggerit; & huic nunc insistamus.

Cp. 9.

Ad explicanda ætatum temperamenta digreditur, sumpta ex iis occasione,  
 quæ de mutatione pilorum hominis temperati pro diuersis ætatibus docuerat:  
 vnde etiam intelligitur, quæ ætate optima reperiatur corporis temperies.  
 Verum antequam de ætatum temperamentis agamus, vtilissimum fuerit, de  
 essentia ac numero ætatum pauca dicere. Ætatis definitio facile colligi po-  
 test ex definitione senectutis, quam tradidit Galenus lib. 5. de sani. tuen. est  
 enim ætas mutatio natiui temperamentis ad siccius, annorum ratione proueniens.  
 Vnde patet, ex actione innati caloris in humidum ætates prouenire; & si quæ  
 alia



- A** alia fiat nativæ temperamenti mutatio ad ficius (vt in marasmo) eâ ætatis nomine donandâ non esse; cum vi morbi fiat, potius quam annorum decursu. Et quamvis solidæ corporis partes agente in humidum calido indies ficiores evadant, certum tamen statuitur ætatum numerus, quod sensibiles dumtaxat ac evidentes mutationes expendantur. De numero autem ætatum tot fere sunt sententiæ, quot scriptores. Nos tamen brevitati simul & utilitati studentes, ea tantum in medium proponemus, quæ ab Hippocrate & Galeno recte sunt tradita. Porro quinque ætates videtur Galenus in præsentia statuisset, pueritiam, ætatem augescentium, ætatem florentem, ætatem declinantem, & senectutem. Has tentarunt auctores certo annorum numero definire, quamvis (vt monet Galenus) nullius ætatis certus terminus scribi possit; cum alii Lib. 6. de san. citius, alii tardius senescant. Nihilominus tamen dilucidioris doctrinæ gratia, non solum recentiorum medicorum, verum etiam Hippocratis & Galeni exemplo, singulas ætates certis annorum finibus circumscribemus, id quod frequentissime contingit observantes. Pueritia igitur, ætas omnium prima, à primo ortu ad decimumquartum annum extenditur. Hanc diuidunt quidam in duas ætates, infantiam, & pueritiam proprie dictam; infantiamque aiunt ad annum septimum, pueritiam vero ab anno septimo ad decimumquartum protrahi. Hippocrates tamen quattuor ætates sub pueritia complexus est, infantiam, ætatem dentientium, pubertati proximam, & aliam quæ inter ætatem dentientium & pubertati proximam est media: scripsit namque seorsim morbos, qui singulis his ætatibus familiares esse solent. Aetas omnium prima infantia dicitur, in qua (vt vox ipsa indicat) nihil prorsus loquitur qui in lucem editus est infans. Durat hæc plerumque ad septimum mensem, in quo primum & aliquid loqui, & dentire infantes incipiunt. Hinc autem incipiens dentientium ætas, ad septimum extenditur annum; in quo noui dentes profiliunt prioribus deciduentibus. Media inter hanc & pubertati proximam, ab anno septimo protrahitur ad duodecimum; à quo incipiens pubertati proxima ætas, anno decimoquarto finitur. Secunda ætas augescentium est, hinc adeo nomen sortita, quod in ea maxime elucescat totius corporis incrementum. Totam hanc ætatem vocat interdum Hippocrates pubertatem, veluti cum inquit, Epilepsia si ante pubertatem inceperit, curationem admittit; si vero post vigesimumquintum annum, ad mortem vsque comitari solet. Plerumque tamen in duas diuiditur, pubertatem, & adolescentiam. Incipit pubertas ab anno decimoquarto, quo tempore pubescunt pueri, vt monstrat experientia, & Galenus fateatur. Durat vero ad annum decimum Lib. 3. apho. com. 27.
- B** octauum; vnde initium sumens adolescentia, ad vigesimumquintum extenditur. Id docuit manifeste Galenus in commentario eius aphorismi, Tabes his Lib. 5. apho. com. 9.
- C** maxime ætatibus fit, quæ à decimo octauo sunt ad tricesimumquintum. Quod enim, inquit, Aetatibus multitudinis numero dixit, quandâ habet significatione, quod non vnâ existimet Hippocrates inter commemoratos annos ætatem esse mediam. Neque enim diligentius rem spectantibus vna est, sed quæ ab anno decimo octauo est ad vigesimumquintum, adolescentium est ætas; inde vero quæ ad tricesimumquintum intercedit, iuuenibus est attributa. Tertia ætas dicitur iuuentus, & à plerisque florens cuius duratio est ab anno vigesimo quinto ad tricesimumquintum; id enim est quod dixit Galenus, iuuenum ætatem quinto annorum septenario circumscribi. Aliquâdo tamen extremus iuuentutis terminus Lib. 3. apho. com. 30.
- D** statuitur



statuitur annus trigessimus, quod recte in prognosticis colligit Galenus ex hac A Hippocratis sententia. Quemadmodum vero in iunioribus quam trigessimum „ agentes annum, abiceſſus ſunt; ita quartanæ potius annū agentibus quadrageſi- „ ma, Quamvis idem Hippocrates trigefimū quinctum annum iuuentutis termi- „ num ante ſtatuiſſet, ad hunc modum ſcribens, Magis autem exſpectare ſan- „ guinis eruptionem oportet iunioribus triginta quinque annis; in ſenioribus „ vero ſuppurationem. Quarta ætas variis donatur nominibus: dicitur enim con- „ ſtans, ſortan ab effectu, quod homines conſtantes reddat, ob humorem me- „ lancholicum, qui ex præcedente languinis fervore plurimus hac ætate redun- „ dat. Conſiſtens itidē vocatur, aut (vt alii volunt) ſubſiſtens; non quod hac ætate conſiſtat, aut ſubſiſtat calor, qui iam manifeſto fervorem depoſuit; ſed quod vi- „ deatur corpus conſiſtere citra ſenſibile decrementum. Omnia namque quæ ge- „ runtur in vita, hac ætate adhuc aggrediuntur homines, non aliter quam qui B „ floridam aut iuvenilem ætatem agunt; etiam ſi non ſimiliter labores perſerre queant. Neque ſollicitos eſſe oportet, an qui hanc ætatem agunt (quos Græci *καθ'εσνότες* appellant) conſiſtentes, an potius ſubſiſtentes Latine dici debeant; quæſtio enim de nomine eſt, proutſque inutilis, in qua tamen tractanda re- „ centiores quidam medici plures paginas impleverunt. Virilis etiam ætas, & „ declinans aptiſſime dicitur, quoniam calor imbecillior iam eſt, & actionum „ robur imminui conſpicitur. Media eſt autem, vt Galenus ait, inter perfectam „ adultamque ætatem & ſenectutem; ita vt iam præcipiter græſ illas florida, nec- „ dum tamen ullum adſit manifeſtum ſenectutis indicium. Cumque iuuentu- „ tem excipiat, duobus ſequentibus ſeptenariis clauditur, ab anno trigefimo „ quincto ad quinquageſimum fere protenſa. Tres hic animaduerti recentiorum C „ medicorum errores. Primus eſt Fuchſii, qui conſiſtentem ætatem cum iuuen- „ tute confundit. Alter Valleriolæ, qui declinantem ætatem à conſtanti di- „ ſtinguit. Tertius Vegæ (quem ſequuti ſunt etiam Valleſius, & Lopezius) qui, „ ſubſiſtentes (quos vocat) ſenes iam eſſe ſentit, in prima ſcilicet parte ſenectu- „ tis, proindeque crudos ſenes à Galeno appellari. Id colligit ex Galeno lib. „ 2. progn. com. 69. vbi explicat eam Hippocratis ſententiam, in qua ſeniores „ magis interdum conualeſcere ſcripſerat, quam eos qui ſunt in ætatis vigore. „ Docet enim, per ſeniores non intellexiſſe Hippocratem eos qui ætate iam „ nimium proceſſerunt, quales ſunt ſimpliciter dicti ſenes; (tales namque ex „ nullo morbo, magis quam natu minores conualeſcunt) ſed eos potius qui „ inter hos & ætate vigentes interiacent, quales ſunt ſemicanii, crudique ſe- „ nes. Atqui cum inter ſenes ſimpliciter dictos & ætate vigentes medi ſint D „ ſubſiſtentes; hos à Galeno ſemicanos crudosque ſenes vocari colligit Ve- „ ga. Ceterum meo iudicio tantum abeſt vt recte id colligat, vt colligendum „ potius videatur, ſubſiſtentes à crudis ſenibus omnino diſtingui. Siquidem cum „ ſemicanorum crudorumq. ſenum ſeorſum Galenus meminerit; & ſemicanos à „ crudis ſenibus diſtingui, & utroſque inter iuvenes & ſenes ſimpliciter dictos, „ medios eſſe indicauit. Quare ſemicanos à Galeno eos dici crediderim, qui de- „ clinantem ætate agunt, potiſſimumq. extremâ: experimur enim, canitiem anno „ quadrageſimo pleriq. incipere. Sentit quoq. Valleſius ætate conſiſtentem ſub „ ſenectute aliquâdo cõprehendi, quod probat ex lib. 3. aphor. com. 31. vbi Gale- „ nus duplices dixit eſſe ſenes, & in priori ſenectute cõitentes collocari. Doleo „ tamen, virū doctiſſimum id falſo adſcripſiſſe Galeno, qui initio eius cõmentarii „ tantum

Lib. 3. prog.  
ſent. 28.

Lib. 3. prog.  
ſent. 12.

Lib. 3. apho.  
com. 30.

Lib. 1. aphor.  
com. 13.

Lib. 3. aphor.  
com. 30.

In com. in lib.  
2. de temper.

Lib. 1. loc. com.  
cap. 10.

Vega, com. 29.  
lib. 1. prog. &  
com. 69. lib. 2.

progn.

Valleſius, lib. 1.  
contro. cap. 8.

Lopezius, cõ.  
in lib. 2. de tẽp.



- A** tantum scripsit, sectatores quosdam Hippocratis nomen τῶν γερότων postremae aetati tribuisse, τῶν γερότων autem appellationem priori aetati accommodasse, inter iuuentutem & senectutem media. Quod tamen falsum esse probat ex eo aphrismo, in quo Hippocrates γερότας manifeste eos appellauit, qui postremam aetatem agunt. Sed Vallesium decepit confusa Nicolai Leonisceni translatio. Verum quamuis aetas consuetas (etiam extrema) distincta reuera sit à prima senectute; negari tamen non potest, quin ad ipsius naturam atque tem-  
 riem proxime iam accedat; ut de anni etiam temporibus alibi diximus. Quo sensu dictum est à Galeno, extremam partem aetatis inclinantis, quam Græci παρακμᾶσιν vocant, senium proprie dici. Aetas omnium postrema senectus dicitur, cuius terminus est ab anno quinquagesimo ad extremum vitæ spiritum. Hanc diuidit Galenus in tres partes, primam, mediam, & extremam. Qui primam senectutem agunt dicuntur Græcis ὠμογερότες, id est crudi viridesque senes; propterea quod ad civilia negotia obeunda bene adhuc sunt cōparati, & ad re-  
**B** publicam gubernandā maxime idonei. Quod sane à quinquagesimo ad sexagesimū annum (qui primæ huius senectutis terminus merito statuitur) ita se habere experimur. Media senectus simpliciter senectus dicitur, quæ ad septuagesimū plerumque, interdum ad octuagesimū annum protrahitur. Id namq. significauit diuinus ille regiusque vates, dum ait, Dies annorum nostrorum in ipsis septuaginta anni; si autem in potentatibus, octoginta anni, & amplius eorum labor & dolor. Et merito quidem, quoniam extrema tunc aduenit senectus; quæ ætas decrepita est, & morti prorsus vicina, in qua & actiones omnes sunt imbecilliores, & calor innatus absumpto humido fere iam extinctus. Nominant eum  
**C** qui ad hanc senectutis partem peruenit, Græce πέμπηλον, ab eo quod est πέμπειν τὴν εἰς ὅδον πόμπην, id est mittendo in pompam, quæ ducit ad manes, ut inquit Galenus.

Lib. 5. de san-  
 tu. cap. 2.

Lib. 5. de san-  
 tu. cap. ult. &  
 lib. 1. aphor.  
 com. 13.

Psal. 89

Lib. 5. de san-  
 tu. cap. ult.

Intelligamus igitur recens formatum animal in vtero matris, quo sciamus, qua ratione humidissimum calidissimumque sit. Prima enim eius constitutio ex semine & sanguine est, quæ humida & calida res sunt. His autem magis semper siccescentibus, primum quidem formantur mēbranae, tunica, itē viscera, & sanguinis vasa; vltima vero perficiuntur ossa, ungues, & cartilagine; cōcreta scilicet  
**D** eorū substantia. Ante enim quā vel tendi possit subiecta substantia, vel concre-  
 re, nihil fieri memoratorum potest. Et tunica quidem, ac mēbranae, arteriaeq. & nervi, & venæ, tensa ea; ossa, cartilagine, ungues, ungula, & viscera, coagula-  
 ta ea perficiuntur. His vero in vtero perfectis, ita deinde paritur infans. Est vero adhuc in summo humidus, veluti maris alga, \* idque non sanguinis vas \* huius  
 modo, & visceribus, ac carne, sed etiam ipsis ossibus; quæ scilicet siccissima sunt omnium quæ in nobis sunt partium. Verum tum hæc, tum reliqua tota  
 una cum his membra, quasi cerea sint, infantium nutrices fingunt, for-  
 mantque tanta est in toto puellorum corpore humiditas. Quin si recens editum por-  
 cellum vel esse, vel dissectum inspicere velis; carnem quidem eius mucosam præ-  
 humidamque inuenies; osseum vero genus vniuersum caseo, qui modo sit coa-  
 gulatus, ad simile: adeo ut nuper nati animalis corpus propter redundantem



*in eo humorem libens non comedas. Quod maxime tum suilli tum ouilli foetus corporibus accidit, propterea quod ea maxime sunt humida: caprinum, quod siccius sit, & melius esui est, & iucundius.*

Extremarum ætatum, pueritiæ scilicet & senectutis, temperamenta primum explicat, deinde aliarum, quæ inter utramque sunt mediæ. Agit vero potissimum de oppositione humidi & sicci, de altera namque, quæ calidi est & frigidi, accuratius disputabit sequenti capite. Probat itaque in primis ratione, sensu, & exemplo, pueritiæ omnium ætatum esse humidissimam & calidissimam. Ratio petita est ex nostræ generationis principiis, semine & sanguine, quæ, ut ipse ait, calida sunt & humida. Quod humida sint, fluxilis ipsorum substantia manifeste declarat; quod autem sint calida, non perinde constat. Seminis tamen caliditatem inter alia indicat spiritus humidæ substantiæ permixtus, ex cuius copia semen spumolum efficitur. Indicat quoque Galenus, plus esse in eo igneæ æreæque substantiæ affirmans. De sanguine vero res forte difficilior videbitur, in quo plus aqueæ terreæque substantiæ reperiri asserit. Id tamen simpliciter intelligendum non est, sed collatione ad semen; præpollet enim etiam in sanguine calidum frigidum, & humidum siccum, saltem modice, ut postea dicemus. Si igitur ambo generationis principia calida sunt & humida, animalia certe in primo statim ortu calida & humida erunt, cum parum adhuc recesserint à natura principiorum. Neque vero hanc principiorum humiditatem perpetuo servari, sed actione caloris sensim potius absumi oportuit, ut foetus ipsius partes apte formari possent. Quo sane consilio elementum siccum iisdem generationis principiis copiosius est iniectum, igneum tamen potiusquam terreum, ut simul cum siccitate calor adesset, qui futurus erat generationis instrumentum. Ad hunc itaque modum sicciscentibus principiis, omnes foetus particule (etiam quæ solidæ sunt) commode formantur; partim tensa, partim vero concreta generationis materia. Ac tensa quidē fiunt membræ, tunica, venæ, arteriæ, & nervi; concreta vero viscera, cartilagine, & ossa. Sed cur partes quasdam tensione, alias concretione fieri ait, cum materiæ concretio simul & tensio ad cuiuscumque partis generationem sit necessaria? Postulat sane cuiusque partis generatio tensionem concretionemque materiæ; sed quæ partes in longitudinem proferuntur, tensione materiæ potius indigent, quemadmodum aliæ concretiones; quæ tamen à calido humidum absumente fiat, non autem à frigido. Porro de ordine gignendum partium (quem videtur Galenus hoc loco attigisse) agemus lib. 1. de fac. nat. ubi & Galeni varietatem, & rei ipsius difficultatem proponemus. Probat secundo sensu & experientia pueritiā esse humidissimam, quoniam infans recens natus humidissimus & tangitur, & conspicitur; non solum partibus carnofis, verum etiam solidis, veluti ossibus. Cum autem ait ossa omnium corporis partium esse siccissima, de veris partibus intellige, nam pilos ossibus sicciores ipsemet statuerat libro primo. Hanc vero ossium humiditatem, mollitiemque in infantibus insignem norunt etiam obstetrices experientia doctæ, quæ infantium ossa (ac potissimum capitis) quasi cerea sint, ad libitum fingere, formareque solent. Atque ex vario fingendi modo variæ capitū formæ in variis regionibus observantur, quoniam consuetudo degeneravit in naturam. Quippe Balearibus æminatum plerumque est caput; Gallis ad occiput depressum; nobis vero spheræ utrinque, ad latera compressæ ad simile; quæ capitū forma præ ceteris probanda est. Omnibus itaque partibus carnofis & solidis, in summo humidus est qui paritur infans,

Lib. 1. de fac. nat. cap. 2.



**A** infans, veluti *Βρέων*, vt Græce legitur. *Βρέων* autem interpretatur Linacer maris algam; nescio tamen qua ratione persuasus, cum *Βρέων* muscum potius significet quam algam. Adde, quod neque alga infantis corpusculo respondere possit; cum hoc humidissimum sit, illa vero sicca. Non igitur vt maris alga, sed potius vt muscus (quemadmodum vertit Fuchsius) humidus Galeno infans dicitur. Neque musci nomine intelligimus (vt quibusdam placuit) muscum marinum appellatum, quæ Itali Corallinam vocant, & cuius efficax vis est ad interficiendos vermes; sed muscum simpliciter dictum, qui pluribus arboribus (vt cedro, populo alba, quercui, & piceæ) innascitur. Est namque is muscus humidissimus ac mollissimus; cui verius multo infantis corpus in humiditate & mollietate simile esse dixeris, quam musco marino, qui non simpliciter, sed cum adiectione Græcis dicitur *Βρέων θαλάσσιον*. Ostendit tandem pueritiam esse humidissimam aliorum animalium recens natorum exemplo, veluti porcelli, aut agnuculi; quorum carnes præ nimia humiditate quasi mucosæ apparent, vsque adeo vt hac occasione iniucundæ sint gustui. Ita namque natura comparatum est, vt quæ animalia in ætatis vigore sunt sicca, ea in prima ætate sint gustui suauia, vt hædi, & vituli; quæ vero vbi ad vigorem peruenerint, adhuc sunt humida, (vt foetus suilli & ouilli) iniucunda esse soleant. Ceterum quamuis tota pueritia humida sit, quo magis tamen ad pubertatem accesserit, eo minus est humida. Nescio igitur quid Hieremiæ in mentem venerit, dum infantes non esse simpliciter humidos, sed potius siccos affirmat. Solet tamen iste frequenter insanire.

**C** Contra vero quam in nouellis porcellis, quæcumque iam senuerunt, hæc ossa quidem omnia, & ligamenta vniuersa præsicca, sine succo, & insipida possident; carnem vero nervosam, & duram; arterias quoque, & venas, & nervos, ætatis culpa lori vice insuaves, & sine succo.

Cum pueritia & senectus ætates sint extremæ, contraria vtique fuerint ipsarum temperamenta. Si ergo recte demonstratum est pueritiam esse humidissimam, erit profecto senectus ætatum omnium siccissima. Atque id quidem ex principiis generationis, à quibus senes absunt longissime, & ex duritie insigni, quam in senilibus corporibus tactus deprehendit, optime cõfirmare potuisset. Solis tamen exemplis animalium quæ iam consenuerunt, ad huius rei confirmationem in præsentia vtitur. Hæc namque si dissecentur, vel ad edendum præparentur, nõ solum partibus solidis, verum etiam carnibus ipsis vsque adeo dura deprehenduntur, vt vix secari, aut secta vix mandi possint. Et quamuis tota senectus siccissima sit, prima tamen minus est sicca, siccior media, extrema vero siccissima.

*Quæ medio statu horum ac nuper natorum sunt, quæ utiq. iam ætate processerunt, quantum à senio absunt, tantum & ab extrema siccitate sunt remota.*

Quæ inter pueritiam & senectutem ætates sunt mediæ, aut senectuti vicinæ sunt, aut pueritiæ, aut ab utraque æquo distant. Agitur hoc loco de his quæ vicinæ sunt senectuti, nam vt ipse ait, qui ætate iam processerunt, quantum à senio absunt, tantum & ab extrema siccitate sunt remoti. Quibus verbis significat, eos quidem qui processerunt ætate siccos esse, minus tamen quam senes. Dicuntur autem ætate processisse, non solum ætate constantes, sed etiam iuuenes, vt recte annotarunt Hieremias & Eulidius.



Lib. 3. de nat. par. med. cap. 10 cum vtrique prætergressi iam sint summum ætatis vigorem. Sunt itaque ambæ A  
 ætates temperamento siccæ, minus tamen quam senectus: & quo senectuti vici-  
 nior est ætas declinans, eo iuuentute est siccior. Licet vero siccitate conueniāt,  
 altera tamen qualitatum oppositione differunt; cum ætas declinans frigida iam  
 sit, iuuentus autem calida, excepto initio. Hinc intelligitur error Fernelii, qui  
 iuuentutem parce humidam, & constantem ætatem temperatam constituit.

\* νῶτις.

*Quæ minora\* sunt, & adhuc augeſcunt, tantum ea quoque ab geſtati etiam  
 num foetus humore abſunt, quantum proceſſerunt ætate.*

Augescentium ætatem humidam eſſe docet, minus tamen quam pueritiā. Quoniā vero pubertas pueritiæ eſt vicinior, à qua longius receſſit adoleſcen-  
 tia; hæc erit haud dubie minus humida, illa autem humidior. At cum adole- B  
 ſcentiam humidam dico, primam, & mediam adoleſcentiam intelligo; extrema  
 enim temperatiſſima eſt, vt dicemus. Quod ſi pubertas adoleſcentia eſt humi-  
 dior, videat Fuchſius, quam vere puberibus optimam temperiem tribuerit.

\* ἰδ' ἀνὴρ.

*Floreſcens\* vero ætas omnium animalium maxime in medio extremorum  
 eſt; neque ſicut ſenium ad ſummam perducta ſiccitatem; neque velut infantium  
 ætas in humore & multo vuido merſa.*

Τῇ νῶτις, ( quam omnes interpretantur floreſcentem ætatem ) in medio  
 maxime extremorum eſſe ait; cum ad ſummam ſiccitatem perducta non ſit ſi-  
 cuti ſenium; neque vt pueritia ad ſummam humiditatem. Neque vero flore- C  
 ſcentis ætatis temperiem hic colligit, ad ſenectutem & pueritiā, ipſam con-  
 ferens, ſed ex propria ſui natura; quod ſcilicet nullum habeat ſiccitatis aut  
 humiditatis exceſſum; qualem habent ſenectus & pueritia: quo pacto & ve-  
 ris & cutis temperiem ſuperiori libro colligebat. Neque etiam lectionem  
 immutare oportet, vt facit Hieremias, qui pro Animalium, putat legendum  
 eſſe Aetatum, quia ætas ætatibus conferri debet, non animalibus. Si tamen  
 Grammaticæ ſyntaxeos rationem habuiſſet, intellexiſſet haud dubie, non di-  
 xiſſe Galenum, floreſcentem ætatem eſſe maxime in medio animalium, ſed flore-  
 ſcentem ætatem omnium animalium maxime in medio extremorum eſſe.  
 Sed difficillimum hunc locum paullo attentius perpendamus, quo florentem  
 ætatem ( quam iuuentutem omnes interpretantur ) in medio extremorum eſſe D  
 affirmat; cum eandem alibi intemperatam, ſolam vero adoleſcentiam tempera-  
 tiſſimam ſtatuat. Id quod dilucide docuit lib. 6. de ſani. tu. ad hunc modum ſcri-  
 bēs, Optimam namq. temperiem in adoleſcētia corpus obtinet, reliquæ omnes  
 ætates deteriores hæc ſunt. Et lib. 3. aphor. adoleſcentes veri comparat, iuuenes  
 autē æſtati. Et lib. de vict. rat. priuat. iuuentutem ( quam vocat interpres æta-  
 tem adultorum ) inquit eſſe plus iuſto calidam & ſiccā. Quoniam vero in con-  
 feſſo eſt apud omnes, adoleſcentiam eſſe omniū ætatum temperatiſſimā, hunc  
 locum explicatione indigere ſentiunt. Hieremias bifariam locum explicat,  
 aut enim, inquit, dicendum eſt, Græcam dictionem νῶτις, quamvis alibi  
 iuuentutem ſignificet, hic potius extremam adoleſcentiam ſignificare, cum  
 hæc ſola ſit temperata: Aut, ſi iuuentutem hic quoque ſignificet, iuuen-  
 tutem dici poſſe temperatam, in principio dumtaxat, quod parum diſtat ab  
 extrema

Cap. 2.

Com. 18.

Com. 7.




- A** extrema adolescentia temperatissima. Atq. hanc secundam explicationem & nostrum Collado plurimum placuisse memini: quamvis neutra iustā reprehensionem effugiat. Nam quod *ἐκ τῆς* extremam adolescentiam hic significet, id quidem libere dictum est, neq. Galeni, aut alterius cuiuspiam auctoris testimonio confirmatum. Rursus cum extrema adolescentia sit temperatissima, cur incipientem potius iuuentutem, quam extremam adolescentiam, mediam statuit? Minus probabiliter, multoq. minus acute locum explicat Fuchsius, qui florentem ætatem siccam esse affirmat; dici tamen hoc loco mediam, non simpliciter, sed collatione ætatum extremarū, pueritiæ scilicet & senectutis: quarum altera siccissima est, altera humidissima. Cūq. inter florētem etatē & pueritiā pubertas, inter eandem vero & senectutem constans ætas intercedat; merito dicetur ætas florescēs inter pueritiā & senectutem omnino media. Quod autem noluerit Galenus florentem ætatem temperatam esse, sed potius siccam, ex ipsius verbis colligit Fuchsius; dixit enim, ad summā siccitatem perductam nō esse sicuti senium. Nam si ad summam (inquit) siccitatem perducta non est, ergo ad aliquam. Peccat tamen Fuchsius multis nominibus. Quippe cum ex instituto hīc disputet Galenus de temperamentis ætatū, quorū, quæso, iuuentutem mediam extremorum statuit, non temperie, sed tantum loco? Rursus si iuuentutem dixit esse mediam collatione senectutis & pueritiæ, cur id potius non affirmavit de adolescentia, quæ iuuentute est temperatior, pueritiæ etiam & senectutis collatione? Præterea irratione dignus esset Galenus, qui cum de intemperatis ætatibus disputasset, nihil prorsus dixisset de ætate temperata. Et quamvis iuuentus sit sicca, male tamen ex hoc loco id colligit, cum non minus colligi posset esse humidam; neq. enim ad summam perducta est humiditatem, ut infantia. Tandem Lopezius inter extremas ætates, pueritiā & senectutem, duas cōstituit medias, iuuentutem, & adolescentiam; proindeque inquit mirum non esse, si nunc hanc, nunc illam, statuat Galenus mediam. Cur vero iuuentutem potius quam adolescentiam hoc loco mediam posuerit, duplicem causam reddit; & quod iuvenes sint in ætatem æquilibriæ; & ut hinc sumeret occasionem disputandi, sintne iuvenes calidiores pueris. Verum ut postremam hanc rationem tanquam ridiculam prætereamus, si per æquilibrium intelligit mediam temperiē, falsa omnino prædicat; cum adolescentia magis sit temperata. Si vero medium locū, communem cum Fuchsiō habebit reprehensionem. Huc accedit, quod adolescentia verius multo dici possit esse in equilibrio quam iuuentus, quæ etas iam sicca est. Ac mihi profecto hæc vna videtur fuisse communis errandi occasio, quod *ἐκ τῆς* florentem ætatem, sine iuuentutem esse crediderint; cum tamē *ἐκ τῆς*, ætatem nullam privatim exprimat, sed statum, summum incrementum, aut vigorem potius significet: unde ad significandum etiam tertium morborum tempus transfertur. Vigor autem in animalibus non est vnius ætatis proprius, sed adolescentiæ & iuuentuti communis; adolescentiæ inquam extremæ, & iuuentuti incipienti. Monstrat enim experientia, ab anno vigesimo quinto ad trigessimū corpus plerumq. vigere. Immo summum totius ætatis vigorem diutius in iuuentute quam in adolescentia durare observamus. Vnde factum puto, ut iuuentutē potius quā adolescentiam, ætatem florentem medici appellent. Quare non male vetus interpret *τῆς ἀνὰ τὴν* vertit ætatem status, quamvis melius dixisset ætatis statū. Atqui sub statu aut ætatis vigore, extremā adolescentiam & incipientē iuuentutem cōprehendimus; quoniam incipiens & media adolescentia per ex cūlum adhuc est humida, extrema vero tēperiē habet optimā & perfectissimā.



At incipiens iuuentus, licet aliquem siccitatis excessum habere iam videatur, (cum iam cessarit corporis incrementum) réperata adhuc censetur, quia ciu-  
 modi excessus præ exiguitate senium effugit. Media autem, & extrema iuuen-  
 tus siccitatem habet manifesto iam excedentem; proindeque merito intempe-  
 rata censetur. Quæ cum ita sint, optimo consilio Galenus neque adolescētiam,  
 neque iuuentutem mediā extremorum esse dixit, quia neutra ætas tota est tem-  
 perata. Propterea quoque & nos sub his qui ætate iam procefferunt, (quos  
 temperamento siccos esse ostendimus) non tantum eos qui ætatē declinantem  
 agunt, comprehendimus, verum etiam iuuenes; excepto tamen iuuentutis  
 initio. Et rursus augeſcentium nomine (quos temperamento humidos esse di-  
 ximus) non tantum puberes, sed etiam adolescentes intelleximus: excepto ta-  
 men adolescentiæ fine. Hanc veram ac facilem putamus esse huius loci (qui dif-  
 cillimus plenisque habitus est) explicationem; quam si probaueris, amplecte-  
 re; sin minus, meliorem per otium excogita.

## CAP. III.

 *PR* igitur aliqui celebrium medicorum humidum esse senium  
 prodiderunt? An videlicet, quod excrementorum abundantia sunt  
 decepti? Quippe tum oculi his lacrymis suffunduntur; tum nares  
 distillatione manant; tum in ore eorum saluæ copia exuberat. Ad  
 hæc tum tuſſiunt, tum exſcreant pituitam; ſcilicet pulmones quoque hæc eſſe re-  
 fertos indicantes. Venter quoque illis pituita eſt plenus, tum ſinguli articuli quo-  
 dammodo muccoſi. Ceterum nihil horum obſtat, quominus ſenium corpora ſicca  
 cenſeantur, vt quorum neruos, & arterias, & venas, & mēbranas, & omnium  
 instrumentorū tunicas, multo quā prius erant, ſicciores inuenias; circūfundi au-  
 tem illis intrinſecus extrinſecusque, aut pituitoſum quendam humorē, aut muc-  
 coſum. Verum tantum abeſt, vt eiꝰſmodi ſigna vniuerſa ſenilem ætatem humi-  
 dam confirment; vt etiam ſiccam eſſe prope teſtentur. Idcirco namque parti-  
 cula quæuis ſiccior quam ante videtur, quod per caloris imbecillitatem ſimiliter  
 non nutritur. Foris ſiquidem copia illi humidi excrementi ſuperfluitat, corpus  
 autem cuiꝰſque intrinſecus ſiccum eſt; vt quod nec trahere intro nutrimentum  
 valeat, nec eo ſufficienter frui. Eſt ergo humidus ſenex, non propriis ſuis par-  
 ticulis, ſed excrementis; rurſum ſiccus, non excrementis, ſed particulis ipſis; ita  
 nimirum alio genere ſiccus, alio humidus. Verum non eſt ad præſens de excre-  
 mentis eiꝰſ, ſed de propriis partibus diſceptatio, quarum ſecundum naturam  
 a cōdiones vitam eiꝰſ complent. His igitur ſiccus ſenex eſt, quibus ſcilicet puer  
 eſt humidus; ipſis nimirum ſolidis corporis particulis, cōſiſibus, mēbranis, liga-  
 mētis, arteriis, venis, nervis, tunicis, carnibusque. Meritoque Ariſtoteles ſenium  
 marcenti ſtirpi adſimilauit, quippe ſtirpes, nouellæ dum ſunt, molles humidæque  
 cernuntur; ſeneſcentes aſidue magis ſicceſcere videntur; ad poſtremum aridæ  
 prorsus redduntur: idque ipſis mors eſt. Ac quod ſicciffima ætatum ſenilis ſit, ex  
 iam



**A** iam dictis liquet; quod autem & frigidissima sit, id vel magis est euident, ita ut de eo nemo dubitauerit. Nam & tangenti senes frigidi apparent; & facile in frigidum statum mutantur; & nigri, & liuidi fiunt; & frigidis morbis facile capiuntur, apoplexia, neruorum resolutione, stupore, tremore, conuulsione, distillatione, raucedine. Porro periit eorum omnis paullo minus sanguis, & que una periit & coloris rubor. Iam vero concoctio his, & nutritio, & appetentia, & sensus, & motus, oblesca omnia sunt, vicioseque administrata. Et quid quaeso, aliud est senium, quam via ad interitum? Ita si mors naturalis caloris est extinctio, vtique senium veluti tabes quaedam eius fuerit.

Tractat hoc capite duas quaestiones ad aetatum temperamenta pertinentes.

**B** Prior est, sintne senes humidi, an potius sicci; quam nunc breuiter explicat & dilucide. Et quamuis antea demonstrasset senectutem aetatum omnium efficacissimam, nunc tamen dissoluit veterum quorundam medicorum rationem, qua persuasi, falso opinati sunt senes esse humidos. Erat autem ratio desumpta ex humidis pituitosisque excrementis, quae senibus plurima redūdant in omnibus fere corporis partibus, vt ventriculo, cerebro, pulmone, articulis. Hanc rationem nihil concludere inquit, quoniam humidorum excrementorum copia non solum humidam in senibus intemperiem non demonstrat, sed siccam potius ostendit. Redundant enim in senibus humida excrementa, quia ob caloris imbecillitatem partes male nutriuntur; male autem nutritae exsiccantur.

**C** Quocirca humidorum excrementorum abundantia in senibus per se quidem caloris male concoquentis imbecillitatem sequitur; ex accidenti tamen siccitatem, quatenus calorem imbecillum adiunctum habet. Hoc considerasse debuisset Hieremias, cui haec Galeni sententia (alioqui verissima) visa est suspecta. Sentit itaque Galenus, senes dici posse tum humidos, tum siccos, diuersa tamen ratione. Humidi namque dicuntur excrementis; quo pacto credendum est, sic dictos fuisse ab Hippocrate, vel Polybo. Sicci vero partibus ipsis solidis, quibus pueri humidi dicuntur. Quoniam vero de temperamentis agimus, quae partibus corporis insunt, non excrementis; partium potius quam excrementorum naturam expendere oportet: proindeque senes simpliciter sicci vocari possunt, ac debent. Habent namque partes omnes multo quam antea sicciores,

**D** innato humido calidi insiti actione magna ex parte iam absumpto. Humida vero, quae ob caloris imbecillitatem in ipsis gignuntur, excrementa exterius utrumque humectant, partium tamen siccitatem nequaquam corrigunt. Nam vt Galenus ait, foris superfuitat humidi excrementi copia, corpus autem cuiusque particulae intrinsecus siccum est; vt quod nec trahere intro nutrimentum valeat, nec eo sufficienter frui. Quamuis paullo superius contrarium videatur scripisse, dicens, partibus solidis & extrinsecus, & intrinsecus pituitosum humorem circumfundi. Sed nulla est in his locis pugnantia, nā voces illae Extrinsecus & Intrinsecus partes externas & internas potius significant, quam extimam partium superficiem & intimam sedem. Circumfunditur itaque pituitosus humor partibus solidis, & externis & internis; ita tamē vt extimā dumtaxat cuiusque particulae superficiem humectare possit. Quod ad calidi & frigidi oppositionem attinet, ab omnibus medicis concessum est, senes esse frigidissimos: nihilominus tamen id nunc confirmat sensu & ratione. Sensu quidem, quia se-

Lib. de salu.  
diæt. l. 7. &  
lib. de diæt.  
sent. 28.



num corpora si tangantur, sentiuntur manifeste frigida. Ratione vero, quia se-  
 nes in frigidum statum facile mutantur, id est, refrigerantur facile, a causis po-  
 tissimū externis, ut aëre, vel aqua. Idē indicat color senibus familiaris, qui ex-  
 tincti caloris est soboles; qualis est niger, aut liuidus: perit nāque in ipsis vini-  
 dus color ob sanguinis inopiam. Adhæc morbi & symptomata, quibus facile  
 corripuntur senes, ut apoplexia, paraly sis, tremor, & alia similia, temperamen-  
 ti frigiditatem certo in senibus demonstrāt; quemadmodum etiam & omnium  
 actionum imbecillitas. Ex quibus recte inferri, & senes esse frigidos, & senium  
 nihil aliud esse quam viam ad interitum, cum mors sit innati caloris extinctio.

Verum non perinde de puerorum & florentium ætate inter medicos conue-  
 nit. Sed nec dirimere inter eos litem est promptum, probabiles enim sunt utrorūq:  
 rationes; tum eorum qui pueros calidiores esse quam florentes ætate censeri, tum  
 eorum qui contra florentes calidiores pueris esse contendunt. Alteri namque ex  
 eo quod sanguinis humor omnium quæ in animalis habentur corpore, calidissi-  
 mum natura sit; tū quod fœtus in utero propemodū sanguis tantū sit, post enim  
 fingendis utique iam particulis, aliud os efficitur, aliud arteria, aliud vena, aliud  
 diuersum ab his aliquid, omnia tamen rubra; tum quod sanguinē sincerissimum,  
 calidissimumque obtineant; colligunt calidissimum esse gestatum in utero fœtum.  
 Quod si est, etiam pueros, quanto gestatis in utero propiores sunt, tanto esse florē-  
 tibus ætate calidiores. Alteri, quod etiam plurimus sit in florentibus sanguis, ac  
 copiosior quā in pueris, ita ut eius occasione crebro his sanguis profluat; quin etiā  
 quod flauæ bilis succus, qui sanguine multo est calidior, plurimus sit; propterea  
 calidiores esse florentes quam pueros confirmant. Rursus illi ab ipsis functioni-  
 bus, quod tum augeantur, tum plura quam pro corporis sui portione alimēta tum  
 appetant, tum conficiant; validum esse in pueris calorem asserunt. Hi contra hu-  
 miditatis occasione potius quam caloris vi augeri illos contendunt. At concoctio-  
 ne non modo florentes non vincere,\* sed etiam longe ab his pueros vinci: nam &  
 vomitiones his ex incoctis cibis accidere, & deiectiones humidæ, asperas, ac a  
 succo alienas. Quod si appetunt plura, nihil id facere ad caloris robur. Primum  
 enim id non accidere caloris copia, ut animal appetat plura; immo contra, refri-  
 geratis scilicet his partibus quibus appetentia debetur. Deinde quoniam non  
 tantum ad nutritionem, sed etiam incrementum alimenta moliuntur; idcirco e-  
 tiam plurimis nutrimentis his esse opus. Iam vero reliquis functionibus vniuersis  
 etiam non obscure inferiores esse pueros iis qui florenti sunt ætate; ut qui nec in-  
 gredi, nec currere, non portare, nec quidquam in summa agendorum operum\*  
 similiter obire queant: cum florentibus tum sensum omnem, tum intellectum ad  
 summam perfectionem bonitatemque peruenisse dicant. In summa puerum ad-  
 buc imperfectum esse, florentem animal perfectum; in perfectis rationabile esse,  
 maxime actiuū, maximeque princeps elementum præpollere. Quin somno quoq.  
 plurimo

\* πλειονεστέρ.

\* πρακτικῶν  
 ἐν ἡγεμονίᾳ.



**A** plurimo deditos pueros videre licet, contra minimo florentes esse contentos: quamquam hunc quoque aliter accidere ne vel insanum quidem hominem censere aiunt, quā calido victo quodammodo, grauatoque humoris copia: veluti tum ex temulentis intelligere licet, tum iis qui balneo liberalius sunt vsi. Ita verē & papauer somniferum esse, & mandragoram, & lactucam, & omnia quæ humidiore frigidioreque temperie sunt.

Altera quaestio est, sintne pueri calidiores iuuenibus, an potius contra iuuenes calidiores pueris: quæ sane celebris olim fuit, ac inter veteres medicos diu multumque in vtramque partem agitata. In hac tractanda proponit primum vtriusque partis rationes; deinde earum omnium rationum vicia ostēdit; postremo quid vere sentiendum sit, docet. Utuntur autem vtrique probabilibus rationibus, quarum singulis (quod neutram opinionem probemus) suas solutiones adhibere oportebit. In primis ergo qui pueros calidiores esse volunt, quinque rationibus suam sententiam confirmant. Prima hæc est, fœtus qui in vtero gestatur calidissimus est, cum constet ex sanguine calidissimo nuper concreto; at pueri viciniore sunt fœtui, a quo longius ab sunt iuuenes; ergo pueri calidiores sunt iuuenibus. In hac ratione distinguenda est propositio, nam aut fœtum & sanguinem calidissimum dici volunt caloris nativæ copia aut caloris excessu. Si copia, vera quidem prædicant, concedimusque libenter, pueros iuuenibus calidiores esse. Si vero calore excedente, falsum profecto dicunt, maleque propterea colligunt, pueros esse calidiores iuuenibus. At de caloris excessu intentione, aut gradu (ut loquimur) quaestio est, non de caloris copia. Altera ratio priori est similis, probat namque pueros esse calidiores, quia copiosiores sanguinem gignunt quam iuuenes. Hanc soluunt aduersarii, affirmantes, copiosiores sanguinem gigni in ætate florentibus quam in pueris. Quid vero de hac sentire oporteat, paullo post explicabimus. Tertia ratio desumpta est ex corporis incremento, quod calori tribuendum esse volunt: quippe cum pueri augeantur, iuuenes autem amplius non crescant, pueros calidiores esse colligunt. Adversarii tamen corporis incrementum ad humiditatem potius quam calorem referendum esse aiunt. Quæ videtur etiam fuisse sententia Galeni, qui in summo ætatis vigore corporis incrementum cessare scribit, ossibus per siccitatem non ultra sequacibus: quamvis negari nō possit, quin auctoris quoque instrumentum sit calor, ut reliquarum actionum naturæ. Quarta ratio ostendit pueros esse calidiores, quia ciborum concoctio (quæ a calore fit) in pueris feliciter quam in iuuenibus perficitur. Id tamen aduersarii negant, sentientes potius, pueros frequentissime cruditatibus laborare. Hinc enim fieri aiunt, ut vomant sæpius, & infestentur crebro deiectionibus humidis, asperis, & a succo alienis, quæ crudatis sunt soboles. Sunt quidem in primis humida ac liquida, non mediocriter compacta, qualia esse solent alui excrementa secundam naturam affecta. Sunt quoque aspera, id est inæquales, ob imperfectam frustratam ve concoctionem: nam quæ secundum naturam sunt, omni ex parte sunt sibi similes & unitæ. Sunt itidem a succo alienæ, vel quod quæ deiciuntur rudia adhuc sint, & speciem referant ingestorum ciborum, qui in utilem chylum conuersi non sint, ut interpretantur Eustathius & Hieremias; vel quod nullus succus, aut humor purior, biliosus, aut melancholicus, per eiusmodi deiectiones excernatur: sed sola alimenta cruda, semiconcocta, aut corrupta. Quo nomine cœliaca vocata affectio

Lib. i. de sani.  
tu. cap. 2.



Aphor. 14.  
lib. 1.

In art. med.  
cap. 62.

Aphor. 29.  
lib. 3.

Lib. 3. aphor.  
com. 27.

affectio à diarrhœa facile distinguitur. Ceterum quamvis verū sit, pueros cruditatibus sæpe vexari; male tamen isti negant, pueros feliciter concoquere, saltem alimenta sibi familiaria. Hæc namque si mediocriter assumpserint, felicissime concoquunt ac superant ob calidi innati copiam; ob voracitatem tamen & intēpestuos motus cruditatibus laborare solent. Nam & Hippocrate auctore, qui cresunt plurimum habent calidi innati, indigentque proinde copioso nutrimento. Quare optima ciborū concoctio quæ in pueris fit, calidi innati copiā potius ostendet quam caloris excessum. Tandem probant calidiores esse pueros, quia magis appetunt quam iuuenes: quasi ciborum appetentia calori deberetur. At contra sentiunt aduersarii, fieri potius appetentiam refrigeratis partibus ad ventriculum pertinentibus: quod visus est etiam sentire Galenus, qui calidum ventriculum minus, frigidum vero magis appetere scribit. Neutri tamē vera dicunt, plus enim appetunt pueri, non quia calidiores, aut frigidiores, sed quia magis dissipantur. Adiciunt rursus, pueros plus appetere, quia nutrimentis indigēt & ad partiū nutritionē, & ad totius corporis incrementū. Difficiliores sunt quinque aliorum rationes, qui ætate florentes pueris calidiores esse opinantur. Prima hæc est, sanguis calidus est; is autem in ætate florentibus quam in patris copiosior gignitur; ergo florentes ætate calidiores sunt pueris. Assumptionem ex eo confirmant, quod sanguis iuuenibus profluat frequentissime, potissimumque e naribus, ut monstrat experientia, & docet Hippocrates. Huic rationi bisaniam respondere possumus, primum negantes copiosorem gigni in iuuenibus sanguinem quā in pueris; si tamen (ut par est) molis totius corporis in utriusque habeatur ratio. Quod vero ætate florentibus frequentius e naribus sanguis profluat, duplex causa esse potest; vel quod sanguis tenuior sit (utpote biliosus) ut inquit Lopezius; vel quod minus iam absumatur, cum corporis incrementum omnino cessarit: quæ fuit ratio Galeni. Deinde etiam si concederemus copiosorem sanguinem in iuuenibus gigni, non recte colligerent iuuenes esse calidiores; quia sanguis (ut antea diximus) non est per excessum calidus. Altera ratio est, bilis calidissima est, & sanguine multo calidior: atqui in iuuentute plurima redundat bilis: ergo iuuenes sunt multo calidiores. Hæc rationem dissoluens Eustathius, sentit bilis copiam non esse idoneum calidioris temperamenti indicium, quia neque intensioris caloris occasione gignitur necessario, neque protinus mutari potest nativum partium temperamentum. At si bilis sanguine est multo calidior, quomodo non gignetur à calore intensiori? Rursus si corporis partes sanguine calidiori aluntur, quomodo non euadent, si non statim, saltem post breue aliquod tempus calidiores? Hieremias aliter respondet, tamen si, inquit, plus bilis sit in florentibus quam in pueris, non sunt tamen calidiores, quia partes spermaticæ quæ in pueritia erant calidæ, euaserunt in iuuentute frigidæ; quo fit, ut caliditate bilis spermaticarum partium frigiditatem attemperante, æqualis sit calor in pueritia & iuuentute. Acuta me hercle ratio, si vere dictū fuisset, partes spermaticas in pueritia esse calidas non minus enim in pueritia quam in iuuentute partes spermaticas sunt frigidas. Porro Colladus noster doctissimus siccitatem maiorem potius quam calorem ex bilis copia in iuuenibus ostendi dicebat. Indigebant enim iuuenes sicciori nutrimento sibi familiari, utpote qui sint natura sicci; siccitatem autem accipit sanguis ex abundante bile. Verum qui fieri potest, ut sicciorē sanguinem, non autem calidiorem efficiat bilis, quæ potestate sicca tantum non est, sed etiam calida? Immo quanto efficacior siccitate caliditas est, tanto calidior potius quam



- A** quam sicciior sanguis ex bilis copia reddetur. Dicerem ergo potius, ex bile in iuuenibus aucta non adquiri maiorem calorem quam in pueris, sed acriorem & mordaciorē. Quippe quo pueri calidiores sunt iuuenibus innati caloris copia, tanto pueris calidiores sunt iuuenes caloris acrimonia: quo fit, vt par in vtrisque sit calor, sola differens qualitatē, vt postea dicemus. Tertiā ratio desumpta est ex robore actionum, potissimumque practicarum, quæ omnes (vt pote quæ fiant cum motu) in iuuenibus firmiores sunt quam in pueris. Hæc tamen ratio facillime soluitur, a siccitate enim instrumentorum potius quam calore eiusmodi robur prouenire solet. Quarta ratio est, in animali perfecto elementum princeps maximeque actiuum (qualis est ignis) præpollere debet: at iuuenis perfectior est puero: ergo in iuvene præpolleret ignis: quo præpollente maior in iuvene quam in puero vigeat calor. Probabilis sane hæc ratio est; inefficax tamen; cum certum sit, in pueritia, (ætate alioqui imperfecta) plus esse substantiæ igneæ. Probant tandem ex somno & vigilia, florescentes ætate calidiores esse pueris; quoniam hi somnolenti sunt ex sua natura; illi vero minimo somno sunt contenti. At somnum inquirunt non aliter fieri, quam victo, grauatoque calore humoris copia; vt constat exemplo ebriorū, & eorum qui balneo liberalius sunt vti, & medicamentorum quæ somnum possunt inducere. Sed & hæc ratio facile solui potest, somnolentia enim in pueris humiditatis potius quam frigiditatis, & in iuuenibus vigilia siccitatis potius quam caloris est soboles.
- B**

- Ac tales quidem de propositarum ætatum temperie rationes vtrunque adferuntur; omnes enim recensere superuacuum videtur, cum formula ipsa epichirematum, vel ex iis quæ retulimus, satis clare perspici possit. Eminus enim vtrique fermeque à secundis priora colligunt; ac tamquam iam sciat auditor, quemadmodum auctio, quemadmodum concoctio, & quemadmodum nutritio fiat, verba faciunt. Simili modo de sensu, de motu, de functionibus tum naturalibus, tum actiuis disputant. De somni quoque generatione, & ciborum natura mentionem faciunt, quorum nullum simplex, promptumque cognitu est; sed & multam disquisitionem requirit, nec potest fortasse vili compertum esse, nisi qui prius humidam, siccam, calidam, frigidamque temperiem sciat agnoscere. Quidquid enim eorum veluti scientes dicunt, id si docere eos cogas, prorsus disputationem de temperamentis, hanc scilicet cui nunc insistimus, desiderabunt. Quare permutua & ex mutuis fiunt his demonstrationes. Ex iis quidem quæ nunc quaerimus, ceu iam sint cognita; cum de actionibus disputant, & ciborum ac medicamentorum facultates inuestigant, ac de somno, & aliis id genus disserunt. Rursus autem quæ nunc sunt proposita, per illa, veluti prius iam nota, demonstrant. Ego vero eiusmodi demonstrationes non prebo; quin si fateri ve. n. oportet, nec demonstrationes eas censeo, veluti diffusius in aliis ostendi: sat sc. esse in omni docendi genere existimo ordinem conceptionum deponere. Singula principium omnis quæ de temperamentis suscipitur disputationis tractatum de temperamentis est, sintne ea incompatibilia, prorsusque mutationis expertia, an alterari*
- C**
- D**



mutarique potentia, ab illorum vero cognitione secunda deinceps est proposita A  
 nunc disputatio; non utique sumenda est istorum fides ex iis quæ nondum sciuntur; sed sicuti tum rectum est, tum vero iustum, quod sumendum ad demonstrationem est, vel euidens aliquid sit oportet, vel quod prius fuit demonstratum. Non est igitur, neque de somni generatione mentio facienda, neque de concoctione, neque aëctione, neque de alio id genus vlllo; sed ab ipsa sola nudaque subiectarum rerum substantia, disquisitio ineunda, sicuti in primo libro fecimus. Quippe statuentes, aliud esse quod energia siue actu sit, aliud quod potestate; de eo quod actu iam calidum, frigidum, humidum, siccumve sit, prius differendum esse diximus; subinde ad ea quæ potestate sint, veniendum.

B

Lib. 8. apico.  
cap. 2

Epichiremata vocat, non argumentationes quas cumque, ut inquit Lopezius; neque argumenta incohata, ut interpretatur Fuchsius; sed syllogismos probabiles, ut constat ex Aristotele. Qui cum quattuor in vniuersum syllogismi species statuisset, philosophima, sophisma, aporima, & epichirima; philosophima docuit esse syllogismum apodicticum; sophisma, syllogismum contentiosum; aporima vero & epichirima, species quidem esse syllogismi dialectici: in eo tamen differre, quod epichirima sit ratiocinatio probabilis, aporima autem sit ratio differendi in vtramque partem. Quamobrem cum superiores omnes rationes probabiles utcumque sint, & nullo pacto necessariae, merito ipsas vocat epichiremata. Reprehendit autem has omnes rationes triplici nomine. Primum quidem, quia eminus petita sunt, ex aëctione scilicet, concoctione, appetentia, & somno; quæ parum aut nihil pertinere videntur ad quaesita rei essentiam, quæ C  
 tactilis qualitas est, nempe calor. Deinde, quia ex posterioribus priora colligunt, ex actionibus enim potissimum demonstrant, qualis sit puerorum & iuuenum temperies; cum tamen hæc prior sit actionibus. Sed nonne Galenus frigidam temperiem senum ex liuido & nigro colore, ex actionum omnium infirmitate, & ex frigidis tum morbis, tum symptomatis, hoc capite demonstrauit? Nonne & capite primo ex omnium functionum mediocritate optimam ostendit corporis temperiem? Atqui hæc omnia temperamentis sunt posteriora. Videtur itaque in eundem errorem lapsus, in quem alios incidisse ipse docet. Credendum tamen non est, negasse Galenū hoc loco ex posterioribus interdum priora demonstrari posse; didicerat enim ab Aristotele, ex effectis quæ suis D  
 causis posteriora sunt, aliqua demonstrari. Illud ergo tantū reprehendit, quod cum proposita quaestio circa tactilem qualitatem, nempe calorem, versetur; neglecto tactus iudicio, ad rationes illi digrediantur, easque probabiles dumtaxat, & e longinquo petitas: quod plane absurdum est, & reprehensione dignū. At noster Galenus (ut recte annotauit Lopezius) temperamentorum dignotionem tactui primum committit, deinde vero veluti ex abundanti rationes adiungit. Damnatur tandem eas omnes rationes, quod circulares sint, & ex mutuis mutua colligant, Monstrant enim pueros esse calidiores, quia plus appetunt, & concoquunt; & rursus si roges, cur plus appetant & concoquant, respondere coguntur, quia pueri sunt calidiores. Id vero in arte demonstrandi absurdum maxime est, ut fatetur Galenus se alibi demonstrasse, in commentariis scilicet (ut opinor) de demonstratione doctissimis, qui summo cum studiosorum malo tempo-



**A** temporum culpa perierunt. Hic autem obiter tantum aduertit, in omni docendi genere conceptionum ordinem definiendum esse. Atqui conceptionum ordo ita definiatur oportet, ut in docendo ea primo loco tradantur, quæ priora sunt, & ex quibus ceterorum cognitio pender; postea vero quæ proxime sequuntur, & deinceps alia quæ his proxima sunt. Quorum sane fides petenda non est ex iis quæ adhuc demonstrata non sunt, sed vel ex antea demonstratis, vel iis quæ vel sensui, vel intellectui sunt euidentia. Atque hunc docendi ordinem hætenus sequutus est Galenus, à disputatione de elementis exorsus; quæ omnium prima merito censetur, cum reliqua omnia quæ in Medicina docentur, ab hac pendere videantur. Ab elementis recto ordine progressus est ad disputationem de temperamentis, cui nunc incubimus; in qua si quid demonstrandum sit, vel ex iis quæ in tractatione de elementis demonstrata iam sunt, fidem habere debet; vel ex iis quæ perspicua sunt sensui, aut intellectui. Neque enim ad actiones, morbos, aut symptomata temere digredi oportet, utpote quæ adhuc cognita non sint.

Porro eorum quæ actu calida, frigida, humida, siccave sunt, obuia, promptaque omnibus cognitio est; utpote quæ tactu discerni queant, qui scilicet & ignem ipsum calidum esse docuit, & glaciem frigidam. Quod si alia quapiam ratione notionem agnitionemque calidi frigidiue habent; dicant hanc nobis, inauditam enim sapientiam promittunt. Immo (si verum fateri licebit) stuporem potius, si rerum sensibilium alium quempiam habere se iudicem meliorem putant, quam ipse sit sensus. Atqui si eorum quæ actu calida sunt, alius esse iudex quam tactus nullus potest; tangant iam deinceps multos viros, tum senes, tum adolescentes, tum pueros, tum infantes; ita enim inuenient, qui magis minusve calidi sint. Sin de rebus sensibilibus rationales\* demonstrationes quærunt, iam de niue ipsa inquirendum est, censendane sit (sicut omnibus hominibus apparet) candida, an (sicut Anaxogoras asseuerauit) non candida. Iam vero de pice simili modo, coruique, ac reliquis omnibus æstimandum; neque enim, si non habenda est oculis fides de albo quod vident, de nigro sine demonstratione fides est adhibenda. Omnia igitur quæ sensui apparent, si iam fide carere dicunt; nec olorem album esse dicant, nisi prius id viderint ratione; immo nec calcem, nec diem, nec solem. Ad eundem modum & de voce auribus fidem abrogent, & de odore naribus, & de omni tangibili ipsi tactus sensui. Et nonne hæc sunt Pyronis hæsitatio, & nugæ immensæ? Sane æquum fuerat, eos qui optimam sectam in Philosophia elegissent, (quæ scilicet calidum, frigidum, humidum, & siccum, principia & elementa statuit) non in tantum descuiisse a viris qui hæc posuerunt, ut quod omnis demonstrationis principia sunt, quæq. sensui quæq. intellectui sunt manifesta, non cognoscerent. Et profecto quisquis de his addubitat, frustra de aliis inquit, utpote ne quidem unde sit incepturus, quidquam sibi relinquens. Vnde igitur in tam diuersam\* viam diuerterunt, ac sensibilium rerum cognitionem ratione consequi tentarunt? Ego sane ne cogitare quidem possum, eoque quod actu calidum est tactu

\* λογικά.

\* μακρά.



est tactu iudico; siquid autem adhuc calidum non est, sed ut tale fiat est **A**  
 idoneum, (quod utique potestate calidum appellamus) id ratione intelligere co-  
 nor. Hi vero omnia nescio quo pacto subuertunt, & in argumentis prolixè rhe-  
 toricantur. Sed hos mittamus, illius tamen nunc minime obliti, quod vnum pra-  
 uorum dogmatum sit, nihil de demonstratione prius meditatam, simul res ipsas  
 inquirere, simul veluti scientem quidnā demonstratio sit, demonstrare tentare.

Cum duo sint rerum iudicandarum instrumēta, sensus & ratio; pro var ia quæ-  
 sitæ rei essentia nunc hoc, nunc illo vii oportet. Quippe si de re quapiam sen-  
 sibili inciderit quæstio, absurdum est neglecto sensu rationem consulere; re-  
 rum namque sensibile iudex nullus sensu ipso certior inueniri potest. Quo  
 nomine à Philosophia iam dudum explosa sunt absurda quædam dogmata, quæ **B**  
 sensibus fidem abrogabant; quale illud fuit Anaxagoræ, qui nullas qualitates  
 natura, sed tantum lege corporibus inesse existimauit, proptereaque & visum  
 in dignoscendis coloribus, & gustum in saporibus, & reliquos etiam sensus in  
 propriis sensibilibus cognoscendis falli asseruit. Eiusdem fere generis est &  
 dogma illud Scepticorum, qui hæsitantes perpetuo, nihil aut sensu, aut ratione  
 certo cognosci posse crediderunt. Horum princeps fuit Piron Heliensis, qui  
 Anaxarchi Abderitæ discipulus, & Scepticæ Philosophiæ auctor existit: cuius  
 modestiam insignem, taciturnitatem admirabilem, animumque pacatissimum  
 commendat maxime auctor libri de subfiguratione empirica. Is itaque despe-  
 rata veritatis inuentione, quam diu frustra quæsierat, in singulis hæsitabat, nec  
 amplius agendorum rationem inuestigabat; tandem vero nouum philosophā-  
 di genus, nouamque sectam condidit. Huius discipuli à dogmate quod profi-  
 tebantur, Sceptici, id est cogitatores; ab auctore vero Pironii appellati sunt. **C**  
 Illud tamen, quod à quibusdam proditum est, fidem omnem superare videtur,  
 Pironem scilicet hunc ad nonagesimum vique ætatis suæ annum artem pictoriā  
 exercuisse, postea vero dedisse operam Philosophiæ, nouamque tandem (ut di-  
 ctum est) sectam condidisse. Ex horum itaque dogmatū absurditate recte col-  
 ligit Galenus, qualitatum sensibile iudicium solis sensibus committi debe-  
 re. Quare cum proposita quæstio de puerorum & iuuenum calore circa tacti-  
 lem qualitatem versetur, infert tandem, solo tactu, non ratione dirimendam  
 esse.

Denuo igitur ad propositum reuersi, calidum, quod in ætatibus cognoscere  
 cupimus, primum & maxime tactu iudicemus. Erit autem optimum iudicium **D**  
 in vno eodemque vnius infantis corpore: potest enim, & qualis calor illi ante  
 biennium fuerit, in memoria reponi; & qualis nunc sit post duos forte vel tres  
 interpositos annos. Si namque mutatio omnino vlla ad calidum frigidumve in-  
 fanti facta videbitur, nullum præterea negotium erit, qui vsque ad florentem  
 ætatem futurus excessus sit, colligere. Quod si plures pueros pluribus conferre  
 florentibus ætate velis, graciles gracilibus, quadratos quadratis, & crassos  
 crassis cōferes: æque vero & qui colore, & reliquis omnibus (quoad fieri potest)  
 similiter se habeant. Quippe si differentiam in ætatibus inuenire studeas, in si-  
 milibus quam maxime licet naturis, eam inquisitionem tutius facies. Porro in  
 contrariis

Lib. de histor.  
 pnilo cap. 2.

Cap. vii.



contrariis naturis hanc disquirere, non parui erroris est occasio; cum interim  
 A non tam exploratorum corporum ætatis, quam naturalis temperamenti gratia,  
 differentia existat. Ad eundem modum tum victu vniuerso, tum temporum qui-  
 bus exploratur statu, pari modo se habentia corpora eliges; non exercitatum  
 requieto comparans; non balneo vsus ei qui eo non sit vsus; non ieiunium satu-  
 ro; non sitientem ebrio; non eum qui sole incaluit ei qui ex frigore riget; non  
 eum qui vigilauit ei qui dormiuit; nec denique eos quibus contraria est vel na-  
 tura, vel victus ratio, vel qualibet rerum circumstantia: sed reliqua omnia sint  
 quam fieri licet paria, vna ætate excepta. Pari modo si vnum eundemque puel-  
 lum cum seipso conferes, omnes eius externas circumstantias similes ad vnguem  
 E seruabis; quo scilicet si qua harum alicuius causa in calore & frigore diffe-  
 rentia contigit, ætatis mutationi non imputetur. Longam tibi experiendi ratio-  
 nem fortasse tradere videor, sed plane verissimam, atque ex ipsa rei quæsitæ  
 essentia desumptam: sicut in iis quæ de demonstratione scripsimus, a nobis est  
 proditum. Tu vero fortasse compendariam voles, minime curans si falsa sit.  
 Scito ergo, non solum falsam te, sed etiam longam ingressurum viam; neque  
 tribus quattuorve annis quod requiris inuenturum, sed tota vita in ignorantia  
 versandum. Quantum enim accipi ex memoratorum virorum controuersia li-  
 cet, non est quod putemus clare aliquid demonstrari posse; sed nec rationabile  
 omnino est, ex iis quæ posteriora sunt ea probari quæ sunt priora. Ergo calidum  
 C frigidumque corpus, quod saltem actu, nec adhuc potestate tale sit, sensu iudi-  
 cemus; misso nunc tum priorum iudicio, tum reliquis omnibus notis. Et te iam  
 ceu recte iudicaturum ad ipsam experientiam remitto:

Quoniam proposita quæstio de calore puerorum & iuuenum solo tactu diri-  
 mi potest, docet nunc modum, quo possit vniuiquisq. tactû exercere, vt certum  
 de calore iudicium ferat. Est autem duplex exercitationis modus, alter qui-  
 dem in vno eodemque corpore, alter vero in diuersis. In vno corpore sic  
 exercitari oportet, vt puelli cuiuspiam corpus sæpe ac diligenter tangamus,  
 & qualis quantulusque calor sit, memoriæ mandemus; deinde vero post ali-  
 quot annos rursus tangamus, diligenter expendentes, an aliqua caloris mu-  
 D tatio acciderit; ex qua, quantus in florenti ætate futurus sit excessus, arti-  
 ficiose colligemus. Erit autem multo certior huiusmodi cognitio, si eundem  
 illum puellum, quem sæpe antea retigimus, vbi ad adolescentiam, inuentu-  
 temque peruenerit, sæpe itidem tangentes, quomodo se habeat calor, at-  
 tente expendamus. Est sane is exercitationis modus non solum longissimus,  
 verum etiam difficillimus, cum & bonam vitæ partem desideret, & tanto an-  
 norum intervallo magnam tangentis tactus subiturus sit mutationem. Bre-  
 uior multo atque facilior est alter exercitationis modus, qui circa diuersa  
 corpora versatur. Oportet autem plures pueros tangere, pluresque ado-  
 lescentes & iuuenes; & tactu attente explorare, quomodo in vtriusque se  
 habeat calor. Monet tamen, vt in vtriusque exercitatione circumstantiæ om-  
 nes pares omnino seruentur, solumque reperiat in ætatibus discrimen; ne  
 forte si qua ab alia quapiam causa proueniat caloris differentia ætatis ra-  
 tione



tione prouenire arbitramur. Quippe in omni comparatione id religiose **A**  
 observari oportet, ut cetera omnia paria sint, eo dumtaxat excepto, in quo fit  
 comparatio. Et sunt autem circumstantiæ pares, si puer & iuuenis, quos inter se  
 cōferimus eodem corporis habitu præditi sint, ciasso, gracili, aut mediocri; si  
 eadem sit victus ratio; idem anni tempus, & alia huiusmodi.

Meum autem iudicium interpretabor, complura enim deinceps corpora, non  
 puerorum modo, verum etiam infantium, adolescentium, & ætate florentium  
 curiosè tangens, neutros vera loquutos inueni; nec eos qui absoluto sermone ca-  
 lidiorē; nec eos qui frigidiorē esse florentem ætatem quam puerilem dixerūt.  
 Si enim reliquis omnibus, quæ extrinsecus adueniūt, alterationibus circumcisis,  
 eas quæ ex sola ætate proueniunt, differentias æstimaueris, neuter absolute lo-  
 quenti videbitur tibi calidior. Quippe dissident eorum calores qualitate, quæ **B**  
 ex imparitate diffusus creatur; cuius rei occasione nonnulli vel eos qui secum  
 versantur, vel seipsos fallentes, alii puerorum, alii iuuenum valentiorē esse  
 calorem autumant. Est enim puerorum calor magis halituosus, & copiosus,  
 & tangenti blandus; florentium calor, subacre quiddam habet, ac non suaue.  
 Hæc igitur tangenti occursum differentia plures inducit, ut florentium corpus  
 calidiū esse præcūntient: res vero aliter se habet. Quippe qui in varia materia  
 tactum suum, ad calorem tum valentiorē, tum imbecilliorē, tum parem  
 discernendum exercuerit; huic non dubito puerorum calorem florentium **C**  
 calori vel parem, vel ampliorē visum iri. Est porro exercendi ratio hæc,  
 incipiendum enim ab eo quod euidentius maxime est. Balinearum aer ita est ali-  
 quando calens, ut nemo eum ferat, sed vti in eo versatus videatur; ali-  
 quando ita est frigidus, ut sudare in eo non sit; iam tertium quoque & ab his  
 diuersum, quem vtiq; maxime requirimus, temperatum aeris statum quid  
 refert dicere? Idem tres caloris status in solii quoque apparent aqua, quip-  
 pe quæ & calida adeo ut urat; & frigida adeo ut ne calfaciat quidem; &  
 temperata adeo ut calfaciat modice, sæpe cernitur. Ergo si te vter sit cali- **D**  
 dior perconter, aqua ne temperata an aer temperatus; neutrum dicere  
 possis. Cum enim ambo similiter corpori blanda sint, & mediocri temperie;  
 alterum eorum dicere calidiū esse, alterum frigidius, nulla dici ratione  
 videtur. Iam si intelligas aquam labri ea esse caliditate ut ferueat; aut  
 aerem balnei prorsus inflammatum; ab utroque te pari modo deuen-  
 dum constat. Rursus si aquam ita intelliges frigidam ut precul a glaciando  
 non absit; aut aerem prorsus refrigeratum, sicut cum nungit, conspicitur;  
 patet, quod vtriusvis occursum pari modo refrigeraberis, rigebisque. Er-  
 go summum tum calorem tum frigus similiter in aqua similiterque in aere  
 finge; præterea medium amborum extremorum statum simili modo in v-  
 troque constitue. Hoc casu quod in medio intervallo extremorum & me-  
 dii status,



- A dii status, tum in aëre est, tum in aqua, eosdem excessus distantiaque rationes habebit; tantoque dices alterum mediocri esse calidius, quanto alterum. Ad eundem modum & frigidius quam mediocre tanto esse aquam aliquando dices, quanto & aërem: tametsi suus utriusque occurfus tangenti idem non sit utrique: neque enim simili modo aqua temperata, sicut aër temperatus tactum afficit. Et quid opus est in tam dissimilibus exemplum proponam? cum ipse aër qui simili sit calore, varie tangenti occurrat; prout alias veluti caliginosus & halituosus, alias veluti fuliginosus & fumosus, interim purus eminens est. Igitur in pluribus, iisdemque differentibus aequalitas caloris consistit, quæ inconsideratis quasi inæqualis sit imponit, propterea scilicet quod non vndequaque similis apparet. Ceterum homo, qui rationes quas proposui expendit, et sensum in multa particularium experientia exercuerit; is nimirum aequalitatem caloris in pueris florentibusque inueniet; nec eo fallitur, quod alter in humida, alter in sicca substantia representetur. Quippe lapis aliquando pari cum aqua calore esse potest, nullum eo faciente discrimen, quod lapis siccus sit, aqua humida. Ita igitur mihi, cum pueros, iuuenes, adolescentes milites considerassem, præterea eundem infantem, puerum adolescentemque factum; nihilo calidior visus est, nec puer quam ætate florens, nec ætate florens quam puer; sed tantum (quemadmodum dixi) in pueris magis halituosus, et multus, et suavis; in florentibus exiguus, siccus, nec similiter suavis esse caloris occurfus. Siquidem puerorum substantiæ, utpote humida, multum foras effluit; florentium substantiæ parum, utpote sicca. Itaque neuter eorum simpliciter videtur altero calidior, sed alter multitudine eius quod diffatur, alter acrimonia. Quippe insiti caloris puer plus habet, eiusque blandioris, si modo ex sanguine & semine ortum habet: in florentibus ætate exiguus, & siccus, nec similiter suavis calor, tangenti occurrit.
- B
- C

Explicat tandem quid de proposita questione sentire oporteat, prolata in mediū propria experiētia. Tatetur itaque, se utroque illo modo tactum diligentissime exercuisse, tandemque longa exercitatione deprehendisse, neque pueros simpliciter calidiores esse iuuenibus, neque iuuenes pueris; sed parem esse in utrisque calorem, copia tamen & qualitate differentem. In calore namque tria considerare possumus, copiam scilicet, qualitatem, & intensionem (ut vocant) vel gradum. Dum copiam expendimus, multusne sit ac copiosus, an paucus, inquirimus: cum qualitatem, sitne halituosus ac mitis, an acris potius & mordax: cum vero ipsius gradum, sitne omnino par, an potius impar. Hæc igitur diligenter oportet distinguere, ut propositam questionem de calore puerorum & iuuenum recte explicare possimus. Quod ad caloris copiam attinet, hæc sane in pueris multo maior est, quia cum à principiis generationis non longe absint, plurimum habent substantiæ calidi innati, quæ ignea est & aërea. Quo itidem pacto ventres hyeme & vere calidissimos esse dixit Hippocrates, & Galenus.




sanguinem in corpore calidissimum. At in iuuenibus multo minor est calor A  
 ris copia, utpote qui à primo iam ortu longius recesserint. Porro si calo-  
 ris qualitatem consideres, hæc sane diuersa est in vtrisque, nam calor in  
 pueris mitis est & halituosus ob corporis humiditatem ac mollitiem; in iue-  
 nibus vero mordax est & acris ob siccitatem. Vtrumque autem hoc discrimen  
 in caloris copia & qualitate certissime discernit tactus, dum ab eo quod secun-  
 dum naturam per cutem exhalat, afficitur. Siquidem in pueris, dum tanguntur,  
 copiosum halituosumq. simul quod per cutem effluit, deprehenditur; in iuueni-  
 bus autem paucum & mordax. Quo fit, ut qui tactum male exercitatum habet,  
 imparẽ esse credant puerorũ & iuuenum calorem, copię & qualitatıs varietate  
 decepti. Proinde merito monet, ut tactum diligenter exerceamus in cogno-  
 scenda caloris paritate aut imparitate in diuersis substantiis, quarũ ratione di-  
 uerlus tangenti fit caloris occurfus. Id quod aptissimis exemplis confirmat, B  
 æris scilicet & aquæ balnei, quæ similiter fiat calida, frigida, aut temperata; &  
 solius æris eundem caloris gradum obtinentis, & diuersas substantias sortiti;  
 ita ut vel purus sit, vel caliginosus, vel fumosus. Certum namque est, in diuer-  
 sis istis substantiis parem caliditatis gradum inueniri posse, etiamsi caloris oc-  
 curfus varius appareat. Variat autem plurimum caloris, alioqui paris, occurfus,  
 quando contrariis substantiis inest, veluti humidæ, & siccæ: ut constat exem-  
 plo lapidis igniti & aquæ feruentissimæ. Qui igitur in his distinguendis diu mul-  
 tumque tactum exercuerit, is sane, neque pueros simpliciter iuuenibus cali-  
 diores, neque iuuenes simpliciter calidiores pueris, sed parem in vtrisque, pror-  
 susque æqualem calorem esse, verissime affirmabit. Hæc verissima est de pue-  
 rorum & ætate florentium calore Galeni sententia: quamuis putarit fortasse  
 cuiuspiam; contraria de hæc ipsam scripsisse. Cum enim hoc loco dixerit, neq.  
 pueros esse simpliciter calidiores iuuenibus; neque iuuenes pueris; scripsit ali- C  
 bi, iuuenes esse absolute calidiores. Nam lib. 6. epid. par. 1. com. 5. sic habet.  
 Quo enim pacto iuuenis puero calidior sit, in libris de temperamentis didici-  
 mus, ubi etiam quomodo puer iuueni calidior sit declarauimus; iuuenis quidem  
 absolute calidior; puer vero non absolute, sed eo quod plus innati calidi possi-  
 deat. Et rursus lib. 6. epid. par. 3. com. 15. Aut igitur adhuc dubitans hæc scripsit,  
 temporis autem spatium aliqua demonstratione comperta firmã de crescentium  
 temperatura sententiam tulit; aut (quod & melius est, & à nobis in commenta-  
 riis de temperamentis, & in aphorismis decretum fuit) non absolute puer adul-  
 to calidior est, sed insito calore calidior. Calidum autem nõ ingenitum eo ab-  
 solute calidius esse monstratum est, quo adulti plus abundant. Verum cum ip-  
 semet Galenus his locis lectorem relegendum ad libros de temperamentis, non a- D  
 liunde profecto petenda est propositæ quæstionis explicatio, quam in præsentia C  
 ex instituto, accurateque tractauit. Cumque nunc docuerit, neque pueros,  
 neque iuuenes simpliciter esse calidiores, id verum esse proculdubio existi-  
 mandum est. Quare iuuenes utcumque ibi dicentur absolute calidiores, quia  
 calorem habent acriorem, & mordaciorem, a quo tactus magis videtur affici. Sic  
 namq. Hipp. aliq. veteres medici (ut annotauit Galenus) calidas naturas vo-  
 care conuenerunt, non eas quidem quæ ingenito calore, sed eas potius quæ acris  
 & mordaci abundant. Et Galenus quoq. hoc capite fatetur, mordacis caloris oc-  
 cursum plures induxisse, ut florentiũ corpus calidius esse pronũciarẽt. Ceterum  
 licet statutum iam sit, æqualem in pueris & iuuenibus reperiri calorem; de ado-  
 lescentibus tamen non leuis est dubitatio, habeantne cum illis etiam parem.  
 Sentit



- A** Sentit Vallesius imparem esse, cum in adolescētia temperatum calorē statuatur, in pueritia vero & iuuentute equalem quidem, excedentem tamen. Sed miror, vicum alioqui doctissimum ac diligentissimum parum attente considerasse, quæ hîc & alibi de hac re tradita sunt à Galeno. Hic namq. fatetur, se per longam experientiam in pueris, adolescentibus, & ætate florentibus parem omnino calorem obseruasse. Et lib. 1. de sani. tu. inquit, corpora temperata æqualem fere calorem habere à pueritia ad iuuentutem. Et rursus lib. 6. de sani. tu. corpus ab initio humidum & in altera oppositione temperatum, mediocritatem in vtraque oppositione obtinere affirmat, quando peruenit ad *ἀκμὴν*. Vnde necessario colligitur, temperatum calorem in pueritia, adolescentia, & iuuentute reperiri; & simplicem intemperiem humidam in longum tempus durare posse, vt libro superiore demonstraui. Non ergo puerorum calor ad mediam vsque adolescentiam sensim decrescit (vt fingit Vallesius) quod plus deperdatur de calore natiuo, quam adquiratur de adscititio. Neque rursus ab adolescentia media ad iuuentutem vsque calor augetur, quod plus adquiratur de calore adscititio, quam de natiuo amittatur: sed æqualis (vt dictum est) in pueris, adolescentibus, & iuuenibus calor permanet. Et quamuis ætatum omnium temperatissima sit adolescentia, potissimumque extrema, pueritia vero & iuuentus (excepto ipsius initio) ætates sint intemperatæ; nihil tamen obstat, quo minus tēperatum calorem, non secus ac adolescentia habere possint. Sunt namq. intemperatæ, non in vtraq. sed in altera dumtaxat qualitatū oppositione; pueritia enim necessario humida est, & iuuentus necessario sicca. Ceterum quæ de caloris æqualitate in pueritia, adolescentia, & iuuentute hæcenus diximus, in iis potissimum corporibus ita se habere putandum est, quæ vbi ad vigorem peruenerint, futura sunt temperata. In intemperatis enim non sunt hæc necessaria, veluti in iis quæ à primo ortu frigidiora sunt & humidiora; in quibus (vt colligitur ex Galeno) maior est in iuuentute calor quam in pueritia.

Lib. 1. contro.  
cap. 8.Cap. 12.  
Cap. 2.Lib. 1. de sani.  
tu. cap. 12.

## C A P. II. III.

**D**  *R* G O calidi frigidique corporis solus tactus est iudex; humidi autem & sicci vna cum tactu ratio. Quippe quod siccum est, durum prorsus est, & hoc tactu omnino dignoscitur: non tamen si quid durum est, idem statim & siccum est. Etenim inseparabilis a sicco corpore duritia est, non tamen eius vnus propria: nam & quod a frigore concretum est, durum cernitur, sicut glacies. Quo vtique minus sicci humidique adeunda statim discretio est, ante scilicet quam aestimatum sit, quemadmodum se in calore habeant & frigore. Neq. enim si quid cū summo frigore representatur durum, id etiam siccum est; neque si quid cum vehemēti calore est molle, idem statim est humidum. Verum cum mediocriter est calidum, tum aestimare, durumne an molle sit, oportet; si enim molle sit, humidum est; si durum siccum.

Agit hoc capite de quattuor primarum qualitatū dignotione, tum quod nonnulla de hac dixisset capite superiori, agens de calore puerorum & ætate



Lib. 5. de simp.  
medi. fac. c. 5.

florentium; cum potissimum, quod huiusmodi disputatio vtilissima sit ad co- A  
gnoscenda partium temperamenta, de quibus dicturus est capite sequenti.  
Quattuor ergo primæ qualitates id commune habent, vt sensu cognoscantur,  
cum res sensiles sint; & cū qualitates sint tactiles, solo tactu. In eo tamen diffe-  
runt, quod calidi & frigidi solus tactus sit iudex, humidi vero & sicci vna cum  
tactu ratio. Sed cur, si humidum & siccum qualitates tactiles sunt, non secus ac  
calidum & frigidum, ratione indigent vna cum tactu, vt certo dignosci queāt?  
Nimirū quia, vt ait Galenus, quod siccum est, durū prorsus est; non tamen siquid  
durū est, idem statim est siccū. Quæ Galeni ratio vt intelligatur facilius, obser-  
uare oportet, humidū & siccū quia ignauæ sunt qualitates, vix posse per se tactu  
dignosci; sed mediis aliis qualitatibus secundis, quæ ipsas sequuntur, mollitie  
scilicet & duritie. Verum neque solus tactus potest corpus siccum ex duritie  
percipere, nisi simul adhibeatur ratio; quia licet quidquid siccum est sit neces- B  
sario durum, non tamen quidquid durum est, est necessario siccum. Est nam-  
que à siccitate inseparabilis durities, non tamen ipsius propria; cum fieri etiam  
possit à concretionem vi frigoris facta, & (vt alibi addit) etiam à repletionem:  
quamuis quæ à repletionem prouenit, renitentia potius quam durities vocetur,  
vt in repletis vtribus & phlegmone videre licet. Atq. hinc factum arbitror, vt  
nulla repletionis facta mentione, siccitatem & concretionem duritie caus-  
hoc loco tantum statuerit. Cum itaque à duabus causis prouenire possit cor-  
porum durities, non quidquid durum est, est necessario siccum; cum ex sola cō-  
cretionem citra siccitatem possit aliquando contrahi durities. Adhibenda igitur  
vna cum tactu ratio, quæ quidem duritie (quam solus alioqui percipit tactus)  
causas inquirat, distinguatque. Nam si duritiem tactus in aliquo corpore de-  
prehenderit simul cum vehemēti frigore, iudicat tunc ratio, eius duritie caus- C  
tam siccitatem non esse, sed concretionem potius à vehemēti frigore natam;  
vt in glacie experimur. Si vero cum corporis duritie mediocritatem simul in  
calido & frigido tactus percipiat, colligit tunc ratio eiusmodi duritiem sicc-  
ratis esse sobolem. Porro quod de siccis durisque corporibus hætenus docuit  
Galenus, ad corpora humida & mollia similiter transferre nos possumus. Ne-  
que enim tutum est, ex sola mollitie corpus humidum tactu cognoscere, nisi ra-  
tionem adiunxerimus. Quamuis enim quidquid humidū est sit necessario mol-  
le, non tamen quidquid est molle est necessario humidum; vt liquatum plum-  
bum. Est namque ab humiditate inseparabilis quidem mollities, non tamen  
soliis humiditatis propria; cum fieri etiam possit à liquationem vi caloris facta.  
Adiungere igitur rationem tactui oportet, vt scilicet inueniat, distinguatque  
ratio causas mollitie, quam solus tactus percepit. Quippe si mollitiem si- D  
mulq. vrentem calorē in corpore quopiā percipiat tactus; iudicabit haud dubie  
ratio, non ab humiditate, sed à vehemēti potius calore liquante, eā mollitiem  
prouenisse. Quod si molle illud corpus mediocre tangatur in calido & frigido,  
colliget ratio eiusmodi mollitiē humiditatis esse sobolē. Ex quibus patet, vere  
dixisse Galenū, non quidquid durū est esse necessario siccum, neq. quidquid est  
molle esse necessario humidū: proindeq. rationē vna cum tactu sicci & humidi  
iudicē esse. Dubitant tamen interpretes, an veræ simpliciter sint propositiones  
illæ, quas Galenus in vniuersum veras esse pronuntiavit. Quidquid siccū est, est  
necessario durū, & Quidquid humidū est, est necessario molle: videntur enim  
hæ quoq. vt veræ sint, caloris mediocritatē postulare. Quippe ferrū siccum est,  
non



A non tamen durum necessario; nam vbi à vehementi calore liquatur, potius est molle. Similiter aqua humida est, non tamen necessario mollis; quia vbi frigoris inclementia concreuit, dura potius sentitur. Hæc sane, alioqui facillima, eo adegerunt interpretes qui in hunc locum inciderūt, vt partim ridiculas, partim monstruosas explicationes conscribere sint coacti, quas longum esset nunc persequi. Quidquid ergo siccum est, durum esse cum Galeno concedimus: durum inquam per se, & ex propria sui natura, veluti ferrum & æs. Et rursus quidquid est humidum, idem per se, & ex propria natura est necessario molle, vt aqua, oleum, vinum. At gelu (si Aristoteli credimus) ex accidenti quidem & actu siccum est, proindeque necessario durum: & liquatum ferrum ex accidenti & actu est humidum, proptereaque necessario molle. At quod durum est, non est necessario siccum, ex sua scilicet natura; cum possit siccum esse per accidens, veluti gelu. Neque quod molle est, ex sua natura humidum est necessario; cum per accidens humidum esse possit, vt liquatum ferrum.

Lib. 2. de part.  
ani. cap. 3.

*Verum si hæc ita se habent, partium quæ in humano corpore sunt duræ, nulla est humida; neque enim tanta esse in eo frigiditas potest, vt aliquid in ipso concrefcere in duritiem queat. Potest enim quod prius fuit fluxile, aliquando concrefcere, veluti adeps; (quod enim oleosum in sanguine, fluxileque & pingue est, vbi in frigidum venit locum, cogitur) durum tamen ne sic quidem efficitur.*

Quamquam corporum siccitas non possit in vniuersum ex duritie certo colligi, nisi mediocritas adsit in calore & frigore; id tamen definire, dum corporis humani partium temperamenta inquirimus, necessarium non est. In vniuersum enim quæcūq. corporis partes duræ sunt, eadem sunt necessario siccæ ex sua natura; cum tâta in nostris corporibus frigiditas esse nequeat, vt quæ humida sunt, possint vnquam in duritiem concrefcere. Nam quamuis adeps à frigido cōcrefcatur, non tamen concrefcit in duritiem: fit namq. adeps ex eo quod in sanguine oleosum est, fluxile, & pingue; vbi id in frigido cogitur loco, quemadmodum etiam docuit lib. 1. Hinc intelligimus, duas esse generationis adipis præcipuas causas, effectricem, & materiam. Materia quidem est sanguinis oleosi pinguisque portio, quæ sane concretioni omnium est aptissima. Effectrix vero est partium spermaticarum frigiditas, quales membranae sunt, & vasorum tunicae: iuxta quas oleosus sanguis sensim concrefcens, in adipem tandem mutatur. Sed si à frigido cōcrefcit adeps, vt dictum est, qui fieri potest vt iuxta partes calidas copiosus interdum gignatur? Nam licet iuxta iecur, arterias, venas, aut cor, aut aliâ præcalidam particulam posse adipem concrefcere negarit Galenus; monstrat tamen anatome, in renibus humanis tantam adipis copiam reperiri, vt hanc ob causam apte disseccari nequeant in administratione anatomica. Immo & circa cor, viscus omnium calidissimum, adipem concrefcere experimur, quem tamē nō à cordis calore, sed à frigiditate vasorū concrefcere, rationi est cōsentaneū. Vnde fit, vt ad cordis basim, vbi arteria & vena coronaria reperitur, adeps potissimū concrefcatur. Similiter in renibus, non ab ipsorū calore, sed à membranarū ipsos vestientis, & tunicarū, quæ in propriis vasis sunt, frigiditate adipem fieri est probabile. Quare verum illud perpetuo est, adipem cōcrefcere à frigido, etiā si iuxta partes calidissimas gigni possit. Sed rursus, si à frigido adeps cōcrefcit, cur in pericardio, cerebri menyngibus, aliisq. quibusdā frigidis particulis raro aut

Cap. ult.

Lib. 1. de temp.  
cap. ult.



nunquā conspicitur? Num quia nullus in eiusmodi partibus futurus erat adipis vñus? mihi profecto ita videtur. Quippe cum natura semper agat propter finem, quemadmodum eo præsente ad agendum excitatur, ita & deficiente ab agendo cessat, prorsusque quiescit. Hinc ergo fieri existimo, ut iuxta partes natura calidissimas (quales sunt renes & cor) adipem quoque concreescere natura sinat; ut vehementissimo horum viscerum calori sese veluti opponat, & incrementum quoddam humido innato efficiatur. In his autē partibus, quibus adeps utilis esse non poterat, sed noxius potius & molestus, adipem gigni numquam permittit, etiam si sint natura frigidae: quale est pericardion, & cerebri meninges. Ergo (ut eo vnde digressa est nostra reuertatur oratio) cum tanta in nostris corporibus frigiditas inueniri non possit, ut quæ humida sunt in duritiem concrecant; tuto colligere possumus, eas omnes corporis partes esse ex sua natura siccas, quæ sentiuntur duræ. Idem nos Galeni exemplo de partibus molli-  
bus vere asserimus, quæcumque enim partes molles tanguntur, sunt ex sua natura necessario humidæ. Neque enim tanta in nostris corporibus reperiri vnquā potest caliditas, ut quæ sicca sunt violenter colliquet. Fatemur quidem, in hecticis febribus, & colliquantibus, pinguedinem & carnem tenellam sensibilter liquari, cum partes istæ sint omnium humidissimæ. At partes siccas (quales sunt solidæ) colliquari est impossibile, cum insensibiliter potius vi febrilis caloris dissipentur. Immo (si Galeno credimus) neque vetusta caro in eiusmodi febribus colliquatur, sed à febrili calore torretur potius, ac veluti frigitur: vnde & orobina vocata contenta in urinis aliquando apparere solent.

Lib. 10. metho.  
med. cap. vii.

## CAP. V.



*OMMO DE igitur dictum veteribus est, humidissimam esse adipem.*

Non oblique (ut visum est Hieremiæ) sed recto ordine nūc disputat de partium temperamentis. Non enim satis erat nouisse optimam corporis temperiem, nisi & partium omnium, & humorum qui in homine temperato reperiuntur, temperamenta cognoscerentur. Exorditur autem à partibus humidis, inter quas primum sibi vendicat locum adeps, cuius generationem antea explicauerat. Operæpretium tamen fuerit, nominum varietatem primum explicare, simulque inquirere, siue adeps vera corporis pars, ut ipsius temperies facilius intelligatur. Corpus illud, quod ex sanguine oleoso ac pingui iuxta frigiditas partes concrescere fieri diximus, duobus nominibus apud Aristotelem, Galenum, aliosque auctores exprimi solet. Dicitur enim *σέας* & *πιμην*, quæ nomina Aristotelis interpretes (potissimumque Theodorus) Latine reddunt seuum & pinguedinem. Distinguuntur hæc ex Aristotelis sententia ratione materiae, quia licet ex oleoso sanguine vtrumque gignatur; seuum tamen ex crassiori corpulentiorique sanguine, pinguedo vero ex sanguine humidiori ortum habet. Quo fit, ut in hircis, bobus, atque in vniuersum in animalibus cornigeris seuum copiosius abundet; pinguedo vero in suis, hominibus, ceterisque omnibus, quibus humidior est sanguis. Distinguit quoque idem Aristoteles seuum & pinguedinem ratione loci, nam pinguedo (ut ipse ait) inter cutem & carnem, seuum vero in fine carniū gignitur. At cum in diuersis animalibus pinguedo & seuum ad omentum concrecant; non omnino certum aut perpetuum est huiusmodi discrimen. Interpretes Galeni *σέας*, interpretantur ple-  
rumque

Lib. 2. de par.  
ani. cap. 5.

Lib. 3. de natu.  
animal. cap. 11.



- A** rum quæ adipem, *πικρὸν* vero pinguedinem; inter quæ id discriminis statuitur, quod pinguedo mollior sit & fluxilior; adeps autem crassior & minus fluxilis. Vnde alterum sequitur *discrimen*, quod scilicet pinguedo facilius liquetur, & semel liquata difficilius concreseat; adeps contra difficilius liquetur, & cōcreseat facilius. Interdū tamen adipem cum pinguedine cōfundentes *πικρὸν*, conuertunt ad ip̄e, vt fecit Linacer hoc libro & superiori. Quare non est cur de nominibus siue solliciti, cum passim ab auctoribus confundantur, teste Galeno. Immo & inter recentiores axungiam aliqui à seuo & pinguedine hoc nomine distinxerunt, quod in animalibus vtrinq̄e dentatis gignatur pinguedo; in iis quæ vna dumtaxat parte dentata sunt, solum in auiibus autem axūgia. Sed neq. id perpetuum, cum & axungiam porcina passim appellent. His de nominum varietate vtcumque statutis, inquiramus deinde, siue pinguedo vera corporis pars. Sentiunt plerique, Ferneliū sequuti, veram partem non esse, quia pinguedo neque nutritur, neque vere augetur; sed noua dumtaxat partium additione, non secus ac pili & vngues. Præterea, quia propriam circumscriptionem nō habet, quam tamen veris partibus Galenus manifeste tribuit. Deinde, quod tempore inediæ reliquæ partes pinguedine nutriantur; hinc enim fieri aiunt, vt per inediā corpora marcescant. Ac tandem, quod pinguedo à frigido concreseat, & ex solo sanguine generetur; cum tamen veræ corporis partes à calido gignantur, ex duobusque generationis principis, semine & sanguine, ortum habeant. Nos tamē pinguedinem veram esse corporis partem arbitramur, quam sententiam Galeno consentaneam esse credimus; qui præterquam quod inter partes similes pinguedinem aliquando recenset, facultates naturales ipsi euidenter concedit. Scribit namque lib. de sang. miss. a denes excipiendis excrementis esse idoneos, tum ob substantiæ laxitatem, tum quia omnium partium minime robustis habent naturales virtutes, sicuti & pinguedo. Et rursus in art. med. in quatripartita illa partiū diuisione, inter eas partes adipem enumerat, quæ à seipsis gubernantur: gubernantur autem à seipsis, quæ naturales facultates insitas habent. Quamobrem libenter concedimus, pinguedinem vere nutriri, ac augeri non secus ac carnes, non sola partium additione vt pilos & vngues. Concedimus itidem, propriam habere circumscriptionem quemadmodum carnes, minus tamen delineatam, quia pars est omnium imperfectissima. Neque vero credendum est, pinguedinem tempore inediæ nutrimentum
- B** ceteris partibus præbere; marcescūt enim tunc corpora, quia caro & pinguedo ob nutrimenti defectum prompte absumuntur à calore. Et quamuis pinguedo à frigido concreseat, negandum propterea non est, à calido, vt reliquas omnes partes, gigni. Frigidi namque nomine calidum imbecillum intelligimus, quale in partibus natura frigidis, vt membranis & vasorum tunicis, reperitur; quarum temperamento natura vtitur ad pinguedinem gignendam. Quo etiam pacto alias quasdam naturæ actiones, quæ imbecillo calori debentur, ad frigiditatem referimus, quæ tamen nullius actionis naturalis instrumentum esse potest. Nam vt biliosi sanguinis generationem ab immodico iecoris calore, ita sanguinis pituitosi generationem ab eiusdem frigiditate prouenire passim asserimus. Porro quod à calore gignatur etiā adeps, significauit haud dubie Galenus, qui lib. 2. de fac. nat. adipem, nō secus ac os, cartilaginem, & venam, à natura (cuius instrumentū calor est) & fingi, & augeri scripsit. Neque necessarium est, (vt illi putant) omnes corporis partes ex semine & sanguine fieri, nam quæ post formatum animal gignantur, ex solo sanguine fieri certum est; qualis est caro in ca-
- C**
- D**

Lib. 11. de simp.  
med. fac. cap. 3.  
& lib. 3. de ali-  
men. fac. cap. 11.

Lib. 11. de simp.  
med. fac. cap. 3.

Lib. 2. de nat.  
par. med. cap. 2.

Lib. 1. de vsu  
part. cap. 1.

Cap. 8.

Cap. 9.



nis ulceribus, & noui dētes, qui post multos annos nascuntur, vt alibi dicemus. **A**  
 Quemadmodum ergo huiusmodi partes ex solo sanguine fiunt à facultate generatrice in partibus relictæ; ita & pinguedo formato iam foetu, ex solo gignitur sanguine, à facultate generatrice, quæ in partibus spermaticis ex semine relinquitur. Cum itaq. pinguedo vera sit corporis pars, fiatque ex sanguine oleofo iuxta partes frigidas concrecente, recte à veteribus dictum est, eam esse humidissimam, non omnium quæ in corpore sunt (est namque pituita pinguedine multo humidior) sed omnium corporis partium. Quippe cum leuissima præcedere debeat alteratio, vt pinguedo ex sanguine gignatur; merito fit, vt ad humidam sanguinis naturam inter corporis partes proxime accedat.

Secundo post eam loco carnosum genus. Eius plures sunt species, prima quidem quæ proprie caro appellatur; quam scilicet nusquam in corpore per se inuenies, sed est perpetuo musculi pars. **B** Ab hac cuiusque viscerum propria substantia est. Eam Erasistratus parenchyma vocat, quasque pro re parua leuiq. habet; parum intelligens, cuiusque visceris actionem huic carni acceptam referri. Sed horum non est nunc tempus.

In præfat. lib.  
de nat. hom.

Secundum in humiditate locū carnosō generi tribuit, cuius duas species hīc (vt etiam alibi) proponit, carnem scilicet musculorum, & viscerum. Musculorū caro proprie simpliciterq. caro dicitur, & nusquam sola inuenitur, sed est semper musculi pars. At carnem viscerum, quæ propria est ipsorum substantia, vocauit Erasistratus *παρῆχυμα*, quasi affusionem dicas; nam propria viscerum caro nihil aliud videtur esse, quam sanguis iuxta propria vasa affusus. Sed quamuis apta vsus fuerit appellatione, in eo tamen misere lapsus est, quod propriam cuiusque visceris functionem propriæ carni deberi nequaquam intellexerit. **C** Atqui si duæ tantum sint carnis species, constare profecto non poterit quod postea docebit; proprium scilicet cerebri corpus proximum esse adipi humiditatis ratione. Vt igitur hæc loca sibi inuicem cōsentiant, cogimur sub carnosō genere & propriū corpus cerebri, & alias quasdam partes cōprehendere. Ad carnem igitur musculorum utcumq. referri possunt gingiua, virilis pudendi glans, tum etiam & glandulæ omnes; siue solum præbeant vsus, quales sunt in collo, axillis, & inguinibus; siue propriam habeant actionē, quales sunt testes, & mammae. Quamuis enim eiusdem omnino naturæ non sint harum partiū carnes cum carne musculorum, in eo tamen conueniunt, quod quemadmodum hæc simplex caro non est, sed fibris quibusdam intertextæ; ita & illæ simplices carnes non sint, sed fibris etiam intertextæ, porissimumque nerueis. **D** Ad parenchymata siue viscerum carnes refertur caro cordis, quamuis neque viscus proprie sit cor, neque ipsius caro simplex sit vt caro viscerum; quemadmodū postea dicemus. Refertur itidem ad parenchymata propriū cerebri corpus, vt recte sentit Sylluius; quamuis neque proprie sit caro, neque ex sanguine ortum habeat; sed pars sit potius spermatica, vt albus ipsius color demonstrat. Quæ cum ita sint, nomine carnosī generis intelligimus cum Fernelio partes omnes, quæ & molles sunt, & à calido concreuerunt.

Lib. 1. Isago.  
anat. cap. 9.

Lib. 1. de nat.  
par. med. c. 14.

Quod autem ipsum cerebri pulmonisque corpus proximum adipi humiditatis ratione sit, ex mollitie eius coniectare licet: non enim a frigido congelatur, cum nec calore fundatur.

Non



- A Non aduersatur is locus superiori, nam & carnosum genus secundum in humiditate locum obtinet, & proprium cerebri pulmonisque corpus proximum est ad ipsi humiditatis ratione. Proprium namque pulmonis corpus parenchyma est, corpus vero cerebri refertur ad parenchymata; cum pars mollis sit, à calidoque concreuerit. Quod cerebrum & pulmo partes sint humidæ, constat ex mollitie; quod autem minus sint humidæ quam pinguedo, constat itidem, tum ex minori mollitie, tum etiam ex eo quod non congelentur à frigido. Siquidem pinguedo pars est omnium humidissima, ut antea diximus; quoniam ex sanguine oleoso gignitur à frigido concrefcente, leuissimamque proinde mutationem perpesso, nativamque humiditatem seruante. At cerebrum & pulmo cum à calido concreuerint, partes sunt minus humidæ, quoniam agente calido magis absumpta est principiorum humiditas. Porro quod proprium cerebri pulmonisque corpus non concreuerit à frigido, ex eo cõfirmat quod à calore
- B nequaquam liquetur quemadmodum pinguedo. Vnde necessario colligitur, quæcumq. concreuerunt frigore, calore liquari; quamuis necessarium non sit, quæcumque calore liquantur, frigore concreuisse; ut ostendunt metalla, & in nostris corporibus caro. Ceterum licet de cerebri humiditate nemo hætenus dubitarit, de pulmone tamen res est controuersa. Putant enim plerique, Auicennam aduersus Galenum sensisse pulmonem ex sua natura siccum esse, & ex accidenti humidum; quia humidis vaporibus facile repletur, & frequentissime suscipit humidas fluxiones. Falso tamen hanc sententiam Auicennæ adscribunt, quem sane constat pulmonem quoque humidum statuere; in eoque tantum dissentire à Galeno, quod pulmonem dixerit humiditate quidem adscititia humidioresse iecore, minus autem humidum humiditate nativa. Esse autem iecore siccioresse pulmonem, ex proprio ipsius nutrimento cõfirmat; nutritur namq. Galeno etiã auctore, sanguine tenui ac maxime flauo, quem ipse biliosum interpretatur. Negamus tamen, tenuem illum flauumque sanguinem, quo pulmo nutritur, biliosum esse; neque enim ex permixtione bilis, sed ex permixtione spirituum tenuis efficitur. Quippe venalis sanguis, qui ex hepate per venam cauiam ad dextrum cordis vëtriculum transmittitur, plurimis vitalibus spiritibus inibi permiscetur, à quibus & tenuitatem & flauitiem accipit. Ex dextro autem cordis ventriculo per venam arterialem transfertur ad pulmonem; cui natura spirituosum eum sanguinem, tamquam idoneum nutrimentum præparauit: cum pulmonis substantia rara admodum sit, laxa, & veluti spumosa. Porro cum ex duritie & mollitie iudicandum sit de partium siccitate & humiditate; erit profecto pulmo iecore tanto humidior, quanto mollior sentitur. Quæ cum ita sint, nescio certe, cur à Galeno deficiens Fernellius, pulmonem non solum iecore siccioresse, sed etiam ex sua natura siccum
- D statuerit.

Fen. 1. lib. 1.  
doct. 3. cap. 2.

Lib. 4. de usu  
part. cap. 15.

Lib. 6. de usu  
part. cap. 10.

Lib. 3. de natu.  
par. med. cap. 6.

*Propinquam his naturam habet [ ossium ] medulla.*

Si contextus seriem expendas, huc partium humidarum ordinem obseruabis, ut pinguedo pars sit omnium humidissima; secundum locum obtineant cerebrum & pulmo cum vniuerso genere carnosum; deinde vero sequatur ossium medulla. Inartificiosum enim est, & seriei dictionis parum consentiens, quod a quibusdam dici solet; nullo scilicet seruato ordine partes humidæ hoc loco recenseri; eoque tantum nomine ossium medullam propinquam cerebro & pulmoni



Cap. 10.  
Cap. 1.

pulmoni naturam habere, quod humiditatis ratione cum ipsis conveniat. Quod A  
si prædictum ordinem servari concedamus, videtur locus iste constare non pos-  
se; tertium namque in humiditate locum ossium medullæ tribuit, cui secundus  
potius debetur; cum cerebro & pulmone tanto sit humidior, quanto mollior  
sentitur. Eandem quoque Galenus lib. 3. de alim. fac. non solum spinali me-  
dulla, verum etiam cerebro humidiores esse concessit. Neque humidiores  
ipsam dixit, quatenus nutrimentum, ut aliqui voluerunt; quorum enim subiun-  
xisset pinguiorem esse & molliorem? Adde quod lib. 1. de mot. musc. (vbi non  
potest ossium medullam ut nutrimentum considerare) cerebro humidiores at-  
que fluxiliorem eandem constituit. Quare non immerito Hieremias miratur,  
quid Galeno, dum hoc scriberet, in mentem venerit. Ipse vero, nescio qua no-  
ua religione ductus, locum hunc explicare tentavit ex diversis temporibus, quæ  
in concoctione medullæ ossium, veluti ætates quasdam, considerat. Quippe vbi B  
medulla intra ossium cavitates concoqui incipit, ac rursus vbi mediocriter co-  
cocta iam est, cerebro humidiores esse ait; sicciorem vero, quando in ossis nu-  
trimenti substantiam iamiam convertitur. Mihi tamen absurdum prorsus videtur,  
ex eo potissimum tempore medullæ naturam explicare, quo iam fere medulla  
esse desinit, atque in ossis naturam mutatur. Colladus autem sentiebat, pronomine  
illud relatiuum His, non tantum ad pulmonem & cerebrum, sed etiam ad pingue-  
dinem referri debere. Ita ut ossium medulla naturam cerebro, pulmone, & pin-  
guedini propinquam dicatur habere, quia media est inter illa, veluti extrema  
quædam. Est namque medulla ossium minus quidem humida quam pingue-  
do; cerebro tamen & pulmone humidior. Acuta me hercle doctæque interpre-  
tatio, nisi Galenus carnosio generi secundum in humiditate locum tribuisset;  
quem tamen ossium medullæ tribuit Colladus. Rectius multo sentit Fuchsius, C  
male hunc locum fuisse à Linacro translatus, qui antiquum interpretem sequen-  
tus, Græcam dictionem τὸν μυελόν, ad ossium medullam contraxit; quæ tamen  
medullam in uniuersum significat, siue medulla ossium sit, siue spinalis. De me-  
dulla vero in uniuersum non de sola ossium medulla locum intelligendum esse  
censet. Ita ut medulla dicatur propinquam habere naturam cerebro & pulmo-  
ni, quia duplex cum sit, altera quidem, nempe medulla ossium, paullo est illis hu-  
midior; altera vero, nempe spinalis aut dorsalis, iisdem est paullo sicciore. Ve-  
rum quamuis Linacrum merito reprehendat Fuchsius, ipsius tamen explicatio  
communem cum superiori refutationem admittit. Quamobrem recepta trans-  
latione Fuchsi, explosa quoque ipsius explicatione, locum hunc de sola spinali me-  
dulla cum Lopezio interpretamur; quæ sane, cum minus quam cerebrum & pul- D  
mo humida sit, vere dicitur propinquam illis naturam habere. Huic tamen ex-  
plicationi (alioqui facillimæ & verissimæ) illud solum aduersari videtur, quod  
scribit Galenus lib. 3. de alim. fac. medullæ scilicet simpliciter dictæ nomen,  
ossium medullam significare; medullam vero spinalem perperam medullam  
dici, sed cum adiectione tantum spinalem, aut dorsalem medullam vocari: quod  
scilicet alba sit, & intra ossa contineatur, quemadmodum ossium medulla. Quo  
etiam pacto testatur Aristoteles, cerebrum à quibusdam medullam appellari,  
quod scilicet album sit, & contineatur intra ossa. Certe si perpetuus esset is no-  
minum usus, improprietas, non mendacii accusaremus Galenum, quemad-  
modum & ipse aliquando accusauit Hippocratem. Reuera tamen medullæ sim-  
pliciter dictæ nomen, spinalem medullam ipsimet Galeno aliquando signifi-  
cat. Quod sane constat ex lib. 2. de fac. nat. cap. 3. vbi medullam inter corpo-  
ris partes

Cap. 10.

Lib. 2. de par.  
ani. cap. 7.



**A**ris partes recenset, eamque exanguem esse ait, ex sanguine tamen factam, non secus ac os, cartilaginem, venam, & neruum. Qui locus de spinali medulla necessario intelligendus est, cum ossium medulla neque pars corporis sit, neque in prima statim animalis formatione generetur.

*Non est tamen eiusdem generis cum cerebro & spinali medulla; ea quæ in quolibet habetur osse. Sed cerebrum & spinalis medulla eiusdem sunt generis; reliquæ omnes medullæ alterius naturæ sunt. Est tamen humidius ac calidius cerebrum quam spinalis medulla, eoque etiam mollius. Præterea ipsius cerebri priores partes tanto sunt humidiores, quanto molliores.*

**B** Cum medullæ nomen commune sit cerebro, spinali medullæ, & alteri quæ in ossibus habetur; hæc tria merito comparat inter sese. Docet autem in primis, medullam ossium non esse eiusdem generis cum cerebro & spinali medulla: id quod explicauit accuratius lib. i. de mot. musc. ubi utramque medullam triplici nomine distinxit. Siquidem spinalis medulla ex cerebro ortum habet, medulla vero ossium intra ossium cavitates continetur, vt præbeat ipsis nutrimentum. Præterea spinalis principium est multorum neruorum, cum tringinta ferme magnorum insigniumque neruorum paria ab ipsa nascantur; quorum ratione cum magnis musculis communicat: at medulla ossium nullius nerui principium est, neque cum musculis aliquam habet communiter. Adhæc spinalis medulla duplici vestitur membrana, tenui & crassa, non secus ac cerebrum & nerui; medulla vero ossium nihil tale obtinuit. Porro cerebrum & spinalis medulla eiusdem generis dicuntur esse, quoniam hæc ex illo ortum habet. Non

Cap. ii.

**C**tamen eadem omnino est utriusque temperies, cum cerebrum humidius sit & calidius spinali medulla. Humidius quidem tanto est quanto mollius; nam spinalis medulla (vt ipsemet Galenus ait) nihil aliud videtur esse quam cerebrum coactum magis & concretum. Licet vero tota spinalis medulla siccior sit, & durior cerebro; quod tamen inferior est, magisque à cerebro recedit, eo siccior duriorque sensim euadit. Est quoque cerebrum spinali medulla calidius, quia licet ex sua natura frigidum sit & exangue, indigebat tamen calore concoctionis opifice, quatenus instrumentum est concoctionis spirituum animalium. Ac rursus, licet totum cerebrum humidum sit, anteriores tamen ipsius partes tanto sunt posterioribus humidiores, quanto molliores. Quæ partium varietas in cerebro & ad diuersorum neruorum exortum, & ad principes animæ actiones se-

Lib. i. de mot. musc. cap. ii.

**D**licius obeundas fuit utilissima. Nascentur enim ex anteriori cerebro nerui potissimum molles, qui ad propria instrumenta sensum deferunt; ex posteriori vero ortum habet spinalis medulla, quæ principium est omnium ferme durorum neruorum. Jam vero cum imaginatio humiditate inuetur, & memoria siccitate, oportuit profecto anteriores cerebri partes, in quibus elucescit imaginatio, humidiores esse; sicciores autem partes posteriores, in quibus viget memoria.

*Omnia tamen hæc cute non humidiora modo sunt, sed etiam frigidiora: vnde verba omne exangue frigidius sanguine prædito est.*

Non omnes partes, de quarum temperie hæcenus disseruerat, humidiores & frigidiores cute esse inquit; sed solum cerebrum & spinalem medullam, de quibus



quibus proxime disputauerat. Neque enim musculorum carnes aut viscerum A  
 frigida sunt, cum sint partes sanguineae; & (vt ipsemet ait) omne exangue frigi-  
 dius est sanguine praedito. Vnde colligimus, generalem ac certam rationem  
 iudicandi de partium frigiditate aut calore à materia petendam esse, ex qua  
 partes ipsae potissimum constant. In vniuersum enim omnes partes exangues,  
 quales sunt spermaticae, frigidae sunt ex sua natura; & contra omnes partes san-  
 guineae sunt ex sua natura calidae. Sed quorsum ex partium materia de earum  
 calore aut frigiditate nunc iudicat, cum frigidi & calidi corporis iudicium so-  
 li tactui antea commiserit? Num quia viuente homine partes quae in intimo  
 corpore delitescunt, tangi nullo modo possunt; dissecto vero, ab ambiente  
 aëre facillime immutantur, caloreque dissipato celerrime perfrigerantur?  
 Sed mirum fortasse videbitur, quod partes spermaticae frigidae sint, san-  
 guineae vero calidae, cum semen sit sanguine calidius. Gignuntur quidem B  
 partes spermaticae ex calidiori principio, sed cum ex materia diu multum-  
 que elaborata atque concocta gignantur, frigidae remanent; tum quia te-  
 nuc ignem, quod in semine erat, dissipatur; cum potissimum, quia hu-  
 mido ob vehementem elaborationem magna ex parte absumpto, calor si-  
 mul contabescit. At partes sanguineae, quamuis ex frigidiori principio cōstent,  
 calidae remanēt; quia cum leuiori materiae elaboratione indigeant, humidum  
 in illis seruetur vna cum calore. Verum quamuis partes sanguineae in vniuersum  
 sint calidae, & partes spermaticae frigidae; de pinguedine tamen & cerebro dubi-  
 tari potest, sintne partes calidae, an frigidae. Pinguedinem multi cum Auienna  
 frigidam esse sentiunt, his rationibus persuasi; quia scilicet concreuit à frigido;  
 & quia est pars exanguis; & quia in corporibus frigidioribus (vt mulieribus, & C  
 otiosis) copiosa gignitur; & tandem quia à calore liquatur. Alii potius cum A-  
 ristotele calidam esse asserunt, quia (vt ipse ait) sanguis est coctus per bonam nu-  
 tritionem; & quia finis concoctionis sanguineae pinguedo est & adeps; & quia  
 pinguedo facile inflammatur; & quia pingues sunt rigoris patientes; & tan-  
 dem quia pinguedo calfacit. Haec enim ratio est, cur omentum ventriculi con-  
 coctionem inuēt, quemadmodum testimonio eius, cui ex insiecto in abdomen  
 vulnere, bona omenti portio abscisa fuerat, recte cōfirmat Galenus. Is namque  
 curato vulnere, de imbecilla ventriculi concoctione perpetuo conuersus est,  
 Nos tamen has omnes, & alias his similes rationes, quae in vtramq. partem ad-  
 ferri possunt, inefficaces esse arbitramur, & facile ab eo solui posse, qui quae de  
 pinguedinis generatione antea diximus, attente considerauit. Sentimus vero  
 pinguedinem modice calidam esse, nam quamuis quatenus ex sanguine gigni-  
 tur, debuisset esse calida; quia tamen à frigido concreuit, modice calida, aut D  
 in calore & frigore temperata euadit. Idem quoque colligitur ex lib. 1. de  
 temp. vbi crasso oleo similem esse pinguedinem dixit, at oleum (vt Galenus  
 fatetur) in oppositione frigidi & calidi temperatum est. Docuit ibidem, octo  
 intemperies in partibus corporis inueniri; at nisi pinguedo temperata sit in  
 calido & frigido, nullibi inueniretur simplex intemperies humida. Haec de pin-  
 guedine. De cerebro autem nulla videtur esse controversia, cum ab omnibus  
 frigidum statuatur. Immo Aristoteles frigidissimum esse voluit, & solius cor-  
 dis refrigerandi gratia à natura creatum: ignorans scilicet maximam cerebri  
 dignitatē & vsum, quippe quod principium sit sensus & motus, ac proinde ani-  
 mae sedes. Porro cū Galenus hoc loco cerebrum esse frigidum verissime dixe-  
 rit, quia exangue; sibi contradixisse videtur, dum scribit alibi, cerebrum quouis  
 tempore

Lib. 2. de part.  
 ani. cap. 5. & 5.

Lib. 4. de usu  
 part. cap. 9.

Cap. 17.  
 Lib. 2. de sim.  
 med. fac. cap.  
 21. & 22.

Lib. 2. de par.  
 ani. cap. 7.

Lib. 8. de usu  
 part. cap. 2.



A tempore multo calidius aëre inueniri. Idq. experimento constare inquit, siue ruptum alicuius caput manu curauerimus, siue experiundi gratia animali cuiuspiam cranion exciderimus. Nemo itidem est qui ignoret, in curandis capitis vulneribus ossa quam citissime excidenda esse, ne cerebrū refrigeretur, etiamsi  
 „ fuerit æstas. Et rursus agens in Aristotelem, Quo pacto, inquit, cerebrum non  
 „ est aëre calidius, cui certe lethale est, si æque ac aër refrigeretur. Si igitur cere- Cap. 3.  
 brum quocumque aëre calidius est, erit necessario cute calidius, quoniā æstius aër caefacit cutem. Ceterum vt hæc loca sibi mutuo consentiant, reuocare in  
 „ memoriam oportet quod dictum est lib. 1. de temper. partium scilicet rēpera- Cap. ult.  
 „ menta aliquando expendi ex propria sui constitutione, aliquando vero ex ea  
 „ alteratione, quam ex influxu aut contactu alicuius substantiæ suscipiunt. Si igitur  
 B temperies cerebri ex propria sui constitutione expendatur, dicendum est  
 „ necessario, cerebrum esse frigidum, cum sit exangue, vt ait hoc loco. Si vero  
 „ cerebri temperies perpendatur, non ex propria sui natura, sed quatenus ab v-  
 „ troque sanguine & vitali spiritu secundum naturam incalescit: erit profecto ce-  
 „ rebrum quocumque aëre calidius.

*Proxima cuti est mollium neruorum natura, duriores autem in humido & sicco secundum cutis naturam se habent. Calore ab eius natura tantum absunt, quantum consentiens est exangue corpus a sanguine prædito abesse.*

C Ex cerebro & spinali medulla nerui omnes nascuntur, qui in vniuersum sunt  
 „ duplices; molles, qui deferunt sensum; & duri, qui motum. Mollium neruorum  
 „ naturam cuti proximam esse inquit, duriores autem in humido & sicco secun- Cap. ult.  
 „ dum cutis naturam se habere. Qui locus videtur pugnare cum altero libri pri-  
 „ mi, vbi docuit, neruos duos sicciore esse cute, molles autem in humiditate &  
 „ siccitate mediam, sicuti cutem, naturam habere. Quocirca non est à ratione  
 „ alienum Hieremiæ iudicium, qui locum inuersum esse censet, legendumque ad  
 „ hunc modum. Proxima cuti est durorum neruorū natura, molles autem in hu-  
 „ mido & sicco secundum cutis naturam se habent. Quo pacto vterque locus sibi  
 „ inuicem consentiet, quia neruorum durorum natura dicetur nūc cuti proxima,  
 „ quod sint cute paullo sicciore. Vallesius tamē seruata Linacri lectione locum Lib. 1. contro-  
 „ sic explicat: cutis, inquit, sita est in medio mollium & durorum neruorum: mol- cap. 10.  
 „ les sunt molliore cute, duri duriores; à se inuicem satis distant, sed à cute vtri-  
 „ que parum: proinde quasi parum distantes vtroque contulit cuti, illos in pri-  
 „ mo libro, hos in secundo. Sed non animaduertit, se vtroque neruos intempe-  
 „ ratos statuere, cum tamen Galenus libro primo solos molles temperatos esse  
 „ dixerit, nunc contra solos duos. Quamobrem sententiam Fuchsi magis pro-  
 „ bo, qui negationem addit ex antiquo interprete ad hunc modum, Proxima cu-  
 „ ti est mollium neruorum natura, duriores autem non secundum cutis naturam  
 „ se habent. Qui sensus facilis simul est ac verus, nam proxima cuti est mollium  
 „ neruorū natura, quia temperati sunt in humido & sicco quemadmodum cutis;  
 „ duriores autem non secundum cutis naturam se habēt, quoniam sicciore sunt  
 „ cute, vt primo libro dixerat. Videtur tamen aliquando sensisse Galenus, neruos  
 „ molles in humido & sicco temperatos non esse: nam lib. 1. de mot. musc. ad hūc  
 „ modum scribit. Et quicumq. neruorum molliore sunt, hi nihil à medulla spina-  
 „ li differre tibi videbuntur. Atqui spinalis medulla humidior est cute, ergo &  
 „ nerui molles erunt cute humidiores. Ceterum hunc locum doctè explicabat  
 Colladus,



Colladus, inter nervos molles id discriminis statuens, quod alii molliores sint, A alii minus molles. Molliores sunt, qui peculiarem sensum visus, auditus, olfactus, & gustus, deferunt ad propria instrumenta: minus vero molles sunt; qui tantum potissimum deferunt, quales sunt qui disperguntur per cutem. Qui igitur minus molles sunt, temperati sunt in humido & sicco quemadmodum cutis; qui vero molliores sunt, humidiores sunt cute, ut spinalis medulla. Quod attinet ad calidi & frigidi oppositionem, certum est utrosque nervos esse frigidos, cum sint partes exangues.

*Lienis autem, renum, & iecinoris caro tanto cute est humidior quanto est mollior: calidior autem, quanto magis abundat sanguine.*

B

Lib. 4. de usu  
par. cap. 35.

Ad genus carnosum reuertitur, & quoniam cerebri & pulmonis meminerat, de reliquis carnibus nunc disputat; ac primum de reliquis parenchymatis, liene, iecore, & renibus. Horum itaque viscerum propriam carnem tanto cute humidiores esse inquit, quanto mollior apparet. Cum autem lienis caro mollior sit carne iecoris & renum, erit profecto lien inter viscera post pulmonem humidior. Quod parum attente nonnulli considerantes, iecur cum Auicenna liene humidius esse temere crediderunt. Quibus etiam fauere videtur ratio desumpta ex proprio lienis nutrimento; quod cum melancholicum sit, proindeque crassum & terrestre, lienis carnem crassiores efficiet & duriores. Res tamen aliter habet, nam proximum lienis nutrimentum, teste Galeno, tenue potius est quam crassum. Non enim succo melancholico à se attracto protinus nutritur lien, sed calore qui ex corde ad arterias influit, & perpetuo earundem motu tamdiu extenuat, ac concoquit, donec in tenuem sanguinem ipsum transmutauerit. Quo fit, ut lienis caro mollis sit, rara, & nigra, proprii nutrimenti naturam referens. Lienem in humiditate sequitur iecur, cuius caro liene quidem durior est, renibus tamen mollior: quod in idem proprii nutrimenti naturam rationemque sequitur. Quantum enim differt nutrimentum pulmonis, lienis, & iecoris, tantum quoque differunt horum viscerum carnes. Nutritur autem pulmo sanguine tenuissimo & maxime flavo; lien sanguine tenui & nigro; iecur sanguine crasso & rubro. Quare pulmonis caro laxa est & veluti spumosa; caro lienis, mollis quidem, sed nigra; caro autem iecoris rubra, crassior tamen & durior. Inter viscera minus humidi sunt renes, cum & ipsorum caro minus sit mollis. Quamvis enim tenuiori sanguine nutrantur, oportuit tamen densam esse ipsorum substantiam, ne una cum urinis sanguis quoque elaberetur. Neque vero humida tantum sunt viscera, verum etiam calida; immo tanto sunt calidiora cute quanto magis abundant sanguine. Vnde intelligitur error Fernellii, qui parenchymata vel prorsus, vel plurimum ex semine fieri arbitratur. Si enim, inquit, gignendi sanguinis principium est iecur, quomodo id ipsum ex sanguine gignetur? Quasi vero iecur foetus aut sanguinem gignere, aut ex sanguine à se genito formari debeat. Formatur namque ex sanguine materno, eodemque nutritur, dum foetus in utero gestatur. Quo tempore nec sibi, nec aliis partibus alendis sanguinem gignit. Foetu autem in lucem iam edito, absurdum non est, iecur ex materno sanguine genitum, ad sui totiusque corporis nutritionem sanguinem gignere. Eadem ratio & cordis est.

Lib. 5. de usu  
par. cap. 7.

Lib. 1. de nat.  
par. med. c. 14.

*Iam cordis caro omnibus his tanto est siccior, quanto est durior; calidior vero*

C

D



A vero non modo his, sed etiam omnibus plane corporis particulis. Quod etiam sensu clare deprehendas licet in pectoris animalis dissectione, si digitum in sinistrum eius sinum immiseris: inuenies enim locum hunc omnium quæ in animali sunt non paullo calidissimum. At iecinoris, lienis, renum, & pulmonis caro, simplicis cuiusdam naturæ est, circa cuiusque visceris venas, arterias, & nervos crescens. Cordis simplex carnis natura non est, sed sunt in eo fibræ, quales in musculis cernimus, quibus caro circumhæret. Ceterum non est idem fibrarum genus, sed quæ in musculis habentur, nervorum & ligamentorum sunt particule; cordis propria quædam fibrarum est species, æque scilicet ut venarum tunica atque arteriarum; itemque intestinorum, ventriculi, uteri, & vesicæ utriusque. Licet enim in his quoque instrumentis propriam quandam videre carnem, suis ipsorum fibris circumnascentem.

Carnem cordis comparat carnibus viscerum & musculorum, cum quibus in eo conuenit, quod calida sit & humida. Differt tamen à carnibus viscerum duplici nomine. Primum quidem, quoniam siccior est, & multo calidior. Sicciores esse cognoscimus ex ipsius duritie, quia licet mollior sit, proindeque humidior cute, ut dixerat libro primo; viscerum tamen carnibus durior est. Decipiuntur ergo qui siccum esse cor cum Auicenna opinantur. Sed dicet, si cor, teste Galeno, ex sanguine arteriali tenuissimo gignitur, qui fieri potuit, ut ipsius caro siccior duriorque euaserit? Certe ex utroque sanguine, venali & arteriali, cor genitum esse credimus; ita tamen, ut ex venali substantiæ modum, ex arteriali temperamenti qualitatem potius acceperit. Atque hinc factum est, ut ad sui nutritionem utroque itidem sanguine indigeret; venali quidem crassiori, ut densa ipsius substantia infraureretur; arteriali vero calidiori, ut nativa temperamenti qualitas conseruetur. Porro carnem cordis, & viscerum carnibus, & ceteris omnibus corporis partibus multo calidiorem esse, experimento confirmat. Nam si animalis pectore dissecto, in sinistrum cordis ventriculum digitum immiseris, inuenies locum hunc omnium quæ in animali sunt longe calidissimum: neque id sane immerito, cum arterialis sanguis & spiritus vitalis in sinistro ventriculo generentur. Fallitur ergo Aristoteles, qui ventriculum potius dextrum calidissimum statuit. Differt secundo cordis caro à carnibus viscerum, quod hæc simplicis cuiusdam naturæ sint, circa cuiusque visceris venas, arterias, & nervos, veluti concrecentes; proinde namque ab Erasistrato vocatæ sunt parenchymata. At caro cordis simplex non est, sed fibris quibusdam intertexta. Hinc intelliges, cor proprie non esse parenchyma, aut viscus, cum ipsius caro simplex non sit, sed intertexta fibris. Quamuis interdum cor, cerebrum, & omnes fere partes internæ viscera abusive dicantur; quo sensu dixerat lib. 1. cor viscus esse omnium animalis particularum maxime sanguineum, & calidissimum. Super sunt itaque quattuor dumtaxat proprie dicta viscera, aut parenchymata, nempe pulmo, lien, iecur, & renes; quoniam hæc sola carnem simplicem habent, nullis intertextam fibris, sed propriis vasis veluti affusam. Præterea caro cordis cum carne musculorum conuenit, quod simplex non sit, sed intertexta fibris. Vnde quorundam error deprehenditur, qui musculorum carnem, simplicem

Lib. de fort.  
form. cap. 3.

Lib. 3. de par.  
an. cap. 4.

P appellanti;



In art. med.  
cap. 50.

Lib. 1. de met.  
musc. cap. 1.

Cap. 3.

Cap. vii.

Cap. 1.

appelant; ex eo tamen decepti, quod caro simpliciter dicatur. Aliud nam-  
que est carnem simplicem esse, aliud vero carnem simpliciter ac proprie vo-  
cari. Neque his aduertatur Galenus, cum musculos dixit esse carnes quasdam  
compositionem ex suis partibus similaribus; nunc vero solius carnis musculorum  
naturam expendit. Distinguitur tamen musculorum caro à carne cordis, quod  
idem in utraque non sit fibrarum genus. Nam musculorum fibræ neruorum &  
ligamentorum sunt particulae, quæ per musculorum carnem (ut Galenus voluit)  
diffeminatæ, in tendonem tandem degenerant: quamuis hæc tendonis genera-  
tio plerisque anatomicis credatur esse fictitia. At cordis fibræ non sunt ner-  
uorum & ligamentorum particulae, sed diuersæ cuiusdam speciei & naturæ. Alia  
duo inter cordis & musculorum fibras discrimina adiunxit Galenus lib. 6. de  
usu part. Quippe in corde triplex fibrarum genus reperitur, rectarum, obliqua-  
rum, & transversarum; quibus attrahit, retinet, & expellit. At in singulis mus-  
culis simplex est fibrarum genus, quale scilicet necessarium erat ad proprium  
cuiusque musculi motum exercendum: qui simplex plerumque est, & cuique  
peculiaris. Sed neque id perpetuum est, cum musculi aliqui & varios edant mo-  
tus, & variâ proinde fibrarum constitutionem sortiantur. Cuius generis est secun-  
dus musculus ex eorum numero qui scapulam mouent, qui quidam fibras habet  
oblique ascendentes, oblique descendentes, & transversas; quoniam scapulam  
sursum ad occiput attollit, & trahit deorsum ad octauam thoracis costam, &  
simul mouet ad latus versus vertebrarum regionem. Differunt quoque fibræ  
musculorum & cordis, quod hæc firmiores sint ac robustiores, propter validum  
ac perpetuum cordis motum. Porro cum caro cordis propriis (ut dictum est)  
fibris contexatur, conuenit quoque hoc nomine cum ventriculo, utero, intesti-  
nis, utraque vesica, venis, & arteriis. In his enim omnibus instrumentis propriam  
quandam carnem videre licet propriis fibris circumnascens, quæ pars simi-  
laris est, quemadmodum & fibræ. Neque enim locum hunc interpretari cum  
quibuldam oportet de propria carne & fibris partium spermaticarum quæ si-  
milares sint; sed de carne & fibris, quæ partes similes sunt aliquod instrumē-  
tum componentes. Nam quæ caro propria est partium similarium, corporis pars  
non est, sed partium substantia carnosa, quemadmodum & altera fibrosa. De qua  
sic Galenus lib. 10. metho. med. Siquidem in singulis simplicium, ac primarum  
quas vocant partium (ut in dissectionibus es contemplatus) alia portio sub-  
stantiæ earum est veluti fibrosa, alia membranosa, alia carnosa. Hæc alia in aliis  
partibus habetur, nec vllum commune nomen est nata; ceterum docendi  
causa nihil vetat, eam carnosam substantiam voces, vel certe huius particule  
quandam carnem. Et rursus lib. 11. metho. med. Natura ex tribus his parti-  
& tertia ab his carnosa, quæ cuique particulae est sua.

*Atque hæc quidem carnes cute sunt calidiores.*

Dubiū est, quas carnes hinc dicat calidiores cute. Sunt qui putent carnes esse  
viscerum, musculorum, & cordis. Sed cum harum carniū temperiem iam an-  
tea explicasset, quorum eandem nunc repeteret? Alii volunt eas esse carnes,  
quæ singulis partibus similaribus propriæ sunt. Atqui (ut dictum est) huiusmo-  
di carnes non sunt corporis partes, sed substantiæ quædam, quæ una cum aliis  
duabus



A diabus, fibrosa scilicet & mēbranosa, partes similes con-stituunt. Quamobrem locum de his carnibus intelligendum esse censeo, quas antea dixerat in plerisque instrumentis iuxta proprias fibras concreescere. Fortasse namque credidisset quispiam, solas carnes viscerum, musculorum, & cordis, calidas esse; carnes vero partium spermaticarum, ut ventriculi, intestinorum, & vteri, frigidas esse, quemadmodum & partes ipsæ spermaticæ frigidae sunt. Ne igitur quispiam id sibi persuaderet, merito nunc affirmat, has omnes carnes, quæ spermaticorum instrumentorum partes sunt similes, esse etiam calidiores cute. Quippe cum partes spermaticæ non ex solo semine constent, quemadmodum neque ex solo sanguine partes carnosæ; illarum carnes ex sanguine potissimum fieri probabile est. Neque illud obstat, quod partes spermaticæ sint frigidae, carnes enim calidae a partibus frigidis, nempe tunicis & fibris, longo intervallo superantur.

B

*Fibræ vero quam cutis, partim paullo magis, partim paullo minus tum frigidae, tum siccae sunt; partim similes omnino cutis substantiæ.*

Obscura est hæc oratio, quæ fibrarum omnium temperiem brevissime complectitur. Sentit Fuchsius velle Galenum, non esse eandem fibrarum omnium naturam; sed alias frigidiores esse cute, alias calidiores, alias humidiores, & alias sicciores. Debuisset tamē exemplis rem illustrare, ego namque nullas inuenio fibras calidiores cute, aut humidiores; cum sint omnes exangues & solidæ. Rectius multo locum explicat Hieremias, qui fibras omnes frigidas & siccas vere statuit, ita tamen, ut quædam magis frigidae & siccae sint, aliæ vero minus. Quippe quo partes solidiores fuerint, eo frigidiores & sicciores erunt ipsarum fibræ, & contra minus frigidae & siccae, quo partes fuerint humidiores. Quis enim dubitat, intestinorum, ventriculi, & vteri fibras frigidiores esse & sicciores fibris musculorum & cordis? Sed quænam sunt fibræ, quas postea dixit similes omnino esse cutis substantiæ: hoc enim videtur difficilius. Solas autem Lopezius id explicare aggressus, eiusmodi fibras eas esse sentit, quæ sunt in tunicis vasorum; quæ quidem sanguinis contactu ad mediā temperiem reuocantur. Ceterum licet fibræ vasorum in calido & frigido temperatæ fiant sanguinis contactu; non tamen dici possunt cutis substantiæ omnino similes, cū siccae semper permaneant. Adde, quod quāvis libro primo, ut octo intēperies partibus accommodaret, ipsarum temperiem ex contactu & alteratione contractam expendere sit coactus; hoc tamen loco propriam singularum partium temperiem ex propria natura dumtaxat cōsiderat. Noster Coliadus locum explicabat de nervorum fibris quæ disperguntur per cutem; hæc namque similem videntur habere cuti naturam. Sed neque constare id potest, cum eiusmodi nervorum fibræ similes tantum cuti esse possint in humido & sicco; nam cum sint partes exangues, frigidas eas esse necesse est. Alii probabilius multo de fibris quæ in sanguine sunt, locum intelligendum esse aiunt; quia ut sanguis ipse temperatus est, ita & ipsius fibræ videntur esse temperatæ. Verum cum agat nunc Galenus de temperamentis partium, non autem de temperamentis humorum, de quibus statim dicturus erat, displicet quoque horum sententia. Ego vero locum potius explicarem de propriis fibris quæ sunt in cute, licet admodum manifestæ non sint. Verisimile enim est, huiusmodi fibras in utraque oppositione temperatas esse, quemadmodum & ipsa cutis temperata est.



Porro omnes membranæ cute sunt sicciores, veluti cerebri & spinalis medullæ inuolucra, quæ meninges dicuntur; sunt enim hæ quoque membranæ. Iam ligamenta omnia, quanto cute sunt duriora, tanto sunt & sicciora. Tendones quoque, tametsi ligamenti sunt molliores, attamen cute luculenter sunt duriores. Cartilago vero post ligamentum deinceps est. Præterea medium quoddam inter utrumque corpus, appellant id anatomici quidam *νευροχονδρῶδες σῆμα* [quasi vero cartilagineum simul & nervosum ligamentum dicas] est autem id durum, cartilaginosumque ligamentum. Os vero omnium quæ cutis operit durissimum est. At eorum quæ ex cute exstant siccissimus est pilus; deinde cornu; mox ungues, & ungula, & calcaria, & rostra; quæquæ his in singulis animalium ratione carentium similes sunt partes.

Proponit tandem partium siccarum catalogum. Constat autem ex superioribus, nervos omnes duros, & omnes fere fibras in hoc genere contineri. Sed præter fibras & nervos duros, aliæ quamplurimæ sunt partes siccæ, quas nunc recenset. Huius generis sunt membranæ omnes, veluti meninges, quæ cerebrum, nervos, & spinalem medullam inuolant; pericardion, mediastinum; pleura, peritonæum. Et tunicæ omnes, vetriculi, gulæ, intestinorum, uteri, utriusque vesicæ, venarum, & arteriarum. Præterea ligamenta, tendones, cartilaginosa ligamenta, & cartilagine ipsæ. Ossa vero omnium, quæ cute teguntur, partium sunt siccissima. Extra cutem autem prominēt pili, & ungues; & in brutis ungulæ, calcaria, & rostra.

Succorum optimus, & maxime proprius, & domesticus, sanguis est. Huius veluti sedimentum ac fax, atra bilis est; quæ id circo tum frigidior, tum crassior sanguine est; sicut flaua bilis longe calidior. Frigidissimum vero ac humidissimum omnium quæ in animali habentur, pituita est. Instrumentū autem quod id cognoscitur, ipse est tactus, veluti Hippocrates in libello de hominis natura monstravit. Ceterum quod frigida sit, vnus tactus discernit; quod vero humida quoque, pariter tactus, visus, & ratio iudicāt. Et tactus quidē et visus, quod talis his cernatur; ratio vero, vbi non caloris copia, sed naturali humore talem esse definiuit. Ac particula quidem & succi corporis ad hūc modum se habent.

Extremo capite breuiter agit de temperamentis humorum, de quorum numero, viribus, & vsu, dictum abunde fuit lib. de nat. hom. De sanguinis temperie magna est & inter philosophos, & inter medicos controuersia. Inprimis Hippocrates sanguinem calidum & humidum statuit aliquando, veluti cum ait naturam habere veri similem, ver autem esse calidum & humidum. Aliquando vero non esse natura calidum dixit, calefcere tamen. Aristoteles quoque satis obscure de hac re differuit, sanguinem affirmans quodam modo esse calidum, quodammodo non calidum. Magis adhuc inconstans ac varius videtur fuisse Galenus, qui aliquando calidum, aliquando temperatum sanguinem esse pronuntiat. Quamobrem mirum videri non debet, si neq. à recētoribus aliquid de sanguinis temperie certo sit definitum. Vt igitur tanta dissensio facile componatur, distinguere ante omnia cum Galeno oportet sanguinis



- A** guinis nomen, quod & sanguinem purum, quartum humorem, & sanguinem ex quattuor humoribus constitutum (quem vulgo massam sanguinariam vocant) significare potest. De vtriusque temperie multiplex est recentiorum medicorum opinio. Sunt qui sentiant, vtrumque sanguinem esse temperatum, vt Vega & Peramatus: quamuis huic sanguis ille temperatior videatur, qui ex quattuor humoribus constituitur. Alii contra sentiunt vtrumque sanguinem esse intemperatum, calidum scilicet & humidum, vt Lopezius. Alii rãdem (veluti Argenterius & Vallesius) non eãdem esse vtriusq. sanguinis temperiem, sed sanguinẽ ex quattuor humoribus constitutum temperatum, sanguinem vero quartũ humorem calidum esse arbitrantur. Ac mihi profecto recte fecisse videntur, qui diuersam vtrique sanguini temperiem assignarunt, quamuis vnus cuiusque propriam parum recte explicarint. Tantum enim abest, vt sanguis ex quattuor humoribus constitutus temperatus sit, vt videatur potius inæqualiter intemperatus. Quippe cum diuersarum corporis partium (quarum aliæ calidæ sunt, aliæ frigidæ, aliæ humidæ, aliæ siccæ) & commune generationis principium sit, & commune nutrimentum; ipsum quoque ex partibus calidis, frigidis, humidis, & siccis, constare oportebat. Nihilominus tamen dum is in vasis continetur, actu efficitur calidus, quia calorem accipit à corde; proindeque vasorum tunicas (exangues alioqui & frigidas) ad temperamenti mediocritatem suo contactu reuocat, vt diximus libro primo. De hoc sanguine agebat hoc libro, cum diceret semen & sanguinem calida esse & humida: & lib. etiã primo de sani. tuen. cum scriberet, calidum frigido, & humidũ sicco in sanguine præpollere, etiamsi plus in eo sit substantiæ aqueæ & terreæ. Loquitur enim his locis de eo potissimum sanguine qui generationis principium est, talis vero non est quartus humor, sed ex quattuor humoribus compositus. Neq. verum est quod à quibusdam dici solet, ex mutua contrariorum humorum actione & passione fieri necessario corpus vnum medium & temperatum. Nam quamuis humores massam constituentes, vere ac proprie per se totos misceantur, nunquam tamen in vasis ad perfectam missionem perueniunt: quo fit, vt & suas formas retineant, & actu in massa contineantur, vt alibi explicatum est. Diuersa ratio est sanguinis sinceri, puri, vel quarti humoris, quem nos temperatum esse cum Galeno censemus, qui id significauit scribens hoc loco, succorum optimũ, & maxime proprium, ac domesticũ esse sanguinẽ. Et lib. 8. de Hipp. & Plat. decret. Acquabilis inquit, ex quattuor elemẽtis temperatura exquisitũ sanguinem creat. Et lib. de nat. hom. Qua ratione constat, & sanguinẽ non calidum & humidũ, sed temperatum appellari. Et paullo post, si igitur hæc sunt vera, & pituitã, frigidum humorem, non temperatum nouimus quemadmodũ sanguinẽ, quomodo in hyeme copiosior generabitur? Et rursus, Sed quid opus est de his verba facere, cum ipse sanguis, qui videtur tẽperatissimus, talis dicatur, quod nihil in ipso contrariorũ inter se admodum præpollat, neq. calidũ frigido, neq. frigidum calido, neq. humidum sicco, neq. siccum humido. Indicat enim his verbis, sanguinẽ esse modice calidum & humidũ, proindeq. temperatum, non autem calidũ & humidũ per excessum, vt male interpretatur Lopezius. Id quod ex iis quæ subiunxit facile intelligitur, cum ait, Atq. ob id temperatissimus sanguis particeps erit & pituitæ, & bilis flauæ, & atræ. Et quamuis non me lateat, hũc locum à quibusdã explicari de massa sanguinaria, monstrat tamen dictionis series, & Galeni institutum, intelligendum esse potius de quarto humore, vt ibidem annotauimus. Sed nonne Hipp. sanguinem dixit esse calidum & humidum sicuti ver?

Lib. 1. de art. med. cap. 1.  
Lib. de humor. cap. 8.  
Com. in art. med. pag. 136.  
Lib. 1. contro. cap. 15.

Cap. 2.  
Cap. 2.

Lib. de nat. hom. com. 19.

Cap. 4.

Com. 35.



Dixit sane, improprie tamen, antiquam loquendi consuetudinem sequutus: solebant enim veteres, quæ temperata sunt, calida & humida vocare; ut libro A  
Cap. 4. superiore explicauimus, agentes de veris temperie. Quo pacto idem aliquando  
Lib. de differ. morb. cap. 12. Galeno excidit, calidum & humidum; sanguinem itatuenti. Quod si sanguis  
Cap. 4. temperatus est, perperam illud à quibusdam in controuersiam vertitur, sitne  
sanguis bile calidior: certissimum namque est, bilem longe calidiorem esse san-  
guine. Quod non solum fatetur hoc loco, sed etiam lib. de inæqua. intemp. vbi  
comparans inter se quattuor humores, sic habet. Calidissima natura merito est  
flaua bilis, frigidissima pituita, reliquorum humorum sanguis post flauam bilem  
maxime est calidus, sicut nigra bilis post pituitam est frigida. Et lib. 10. de  
Cap. vlt. simpl. med. fac. bilem dixit esse succum omnium calidissimum. Illud tantum ex-  
plicandum restat, cuius explicationem in hunc locum distuleramus, quomodo  
scilicet dictum sit libro primo, calidissimum in corpore esse sanguinem. Hiere-  
Lib. de humo. cap. 8. mias & Fuchsius sanguinem calidissimum esse aiunt, inter ea tantum quæ humida  
Epist. 1. lib. 15. sunt; qua ratione excludetur bilis, quæ potestate sicca est, & sanguine longe  
calidior. Eandem explicationem amplexus est Peramatus, cuius sane primus  
auctor videtur fuisse Iohannes Manardus. Porro cum sanguinem inter ea tantum  
quæ humida sunt, calidissimum esse asserunt; aut sanguinem conferri volunt parti-  
bus omnibus humidis, aut solis humoribus humidis potestate. Si partibus humi-  
dis, sanguis profecto calidissimus dici non potest, cum viscerum, cordis, & mus-  
sculorum carnes calidiores sint sanguine. Si vero solis humoribus, ridicula erit  
interpretatio, dicetur enim sanguis calidissimus, quod sit sola pituita calidior;  
quæ loquendi formula Grammaticis præceptionibus aduersatur. Aliter mul-  
Lib. 1. contro. cap. 16. to rem explicat Vallesius, dicens humores trifariam considerari posse, ut ex-  
crementa, ut medicamenta, & ut nutrimenta. Bilis, inquit, ut excrementum, C  
multo calidior est sanguine: atque id dicebat Galenus lib. de inæqua. intemp.  
Ut medicamentum, est quoque bilis sanguine calidior: atque id dicebat lib.  
10. de simp. med. fac. Ut nutrimentum vero, sanguis calidissimus est, quia  
bilis sola nutrire non potest: atque id dicebat lib. 1. de temp. Sed quorsum  
hæc fingit Vallesius? quomodo non aduertit, bilem hoc loco longe calidio-  
rem sanguine statui, vbi neque ut excrementum, neque ut medicamentum  
considerari potest, sed ut est ex numero humorum qui secundum naturam in  
corpore reperiuntur? Et rursus quomodo libro primo considerari potest san-  
guis ut nutrimentum, cum nutrimenta, non secus ac medicamenta, potestate  
talìa dicantur? Præstat igitur sanguinem calidissimum dicere, non calore exce-  
dente, sed nativo & familiari, cum in sanguine copiosa sit innati caloris sub-  
stantia. Quemadmodum igitur Hippocrates ventres dixit hyeme & vere D  
esse calidissimos (id est, ut interpretatur Galenus, ob nativi caloris copiam  
temperatissimos) ac rursus quemadmodum pueros calidissimos vocamus,  
quod innati caloris substantia abundant; ita & sanguinem calidissimum  
Galeno dici asserimus, quod innato calore plurimum abundet. Ac miror  
profecto Lopezius, qui cum id recte obseruasset, sui postea inmemor ca-  
lorem excedentem sanguini falso tribuit. Hactenus de sanguine: nunc vero de  
reliquis humoribus agendum, quos certum est esse intemperatos. Quippe atra bi-  
lis cum fæx sanguinis sit, frigida est & sicca; frigida quidem, quia quamuis ex  
sanguinis adustione fiat, extinctus iam est præcedens sanguinis feruor; sicca vero,  
quoniam ex parte sanguinis crassiore & magis terrestri ortum habet. Flaua  
bilis sicca est, & omnium calidissima, cum sit veluti sanguinis flos. Et tandem pi-  
tuita




**A** tuita non tantum humorum, verum etiam omnium quæ in corpore sunt, frigidiſſima eſt & humidiffima. Quod frigida ſit, tactus ipſe iudicat, qui & à purgâte medicamento violenter attractam, frigidam adhuc perſentit, vt docuit Hippocrates. Quod autem ſit humida, non ſolus iudicat tactus, ſed viſus ſimul & ratio. Tactus quidem, quia mollis tangitur; viſus, quia conſpicitur fluxilis; ratio vero, quia hæc ſola cognoscit, non caloris vi liquatam, ſed ex ſua natura talem apparere. Verum quæ de humorum temperamentis hætenus diximus, videntur adhuc difficilia. Nam ſi omnes humores liquidi ſunt ex ſua natura & fluxiles, erunt neceſſario humidi; quomodo igitur ſanguinem temperatum, & bilem vtramque ſiccā ſtatuiamus? Id facile explicatur ex aliis Galeni locis, in quibus veriſſime docuit, omnes quidem humores actu & ſecundum ſpeciem humidos eſſe, poteſtate vero nequaquam. Sed vrget adhuc ratio, ſi enim humores poteſtate tales dicuntur, non actu, diſputatio de ipſorum temperamentis aliena prorsus ab hoc loco videbitur, pertinebitque potius ad librum tertium, in quo de iis quæ poteſtate talia dicuntur, inſtituenda eſt diſputatio. Reuera tamen poteſtas humorum diuerſa multum eſt à medicamentorum poteſtate. Dicuntur namque medicamenta poteſtate talia, quod qualia dicuntur nondum ſunt, ſed poſſunt talia fieri, cū primum à noſtro calore fuerint in actum reuocata. Humores vero poteſtate tales appellantur, quod ipſorum temperiem non ex propria conſtitutione expendamus, ſed potius ex actione quam exercere poſſunt in corporis partes, ad quam exercendam nulla iudigent mutatione à noſtris corporibus accepta. Quare licet quattuor humores actu ſint humidi ex propria conſtitutione, merito tamen dicitur ſanguis poteſtate temperatus, quia nullam corporis partem calfacit, refrigerat, exſiccāt, aut humectat; ſed omnium partium temperiem conſeruat, ac fouet. Ex flaua bilis poteſtate calida & ſicca dicitur, quia partes ex propria natura calfacit, & exſiccāt; quemadmodum atra bilis poteſtate ſicca & frigida, quia partes omnes refrigerat & exſiccāt. Ac tandem pituita non tantum actu, ſed etiam poteſtate humida eſt & frigida, quia corporis partes refrigerat ſimul & humectat. Hinc ergo factum eſt, vt de humorum poteſtate hoc loco merito diſputetur, de poteſtate vero medicamentorum libro tertio.

Lib. de nat.  
hom. com. 31.

Lib. de nat.  
hom. com. 24.  
& lib. de differ.  
mor. cap. 12.  
& lib. 2. de fac.  
nat. cap. 11.

## CAP. VI.

**D** E iis quæ temperamenta comitantur deinceps agendum; comitantur enim ea & quæ dicta iam ſunt. Immo potius inſeparabilia omnino ſunt, a ſicco quidem corpore duritia, ab humido molli-  

 ties; ſi tamen cum tepido calore eſt. Sed & craſſitudo habitus & gracilitas temperamenta ſequuntur, non ea modo quæ naturalia ſunt, ſed etiam ſiqua ex longa conſuetudine ſunt contracta. Multos ſiquidem qui natura graciles fuerant, pingues redditos \* vidi; contraque qui pingues \* fuerant, gra-  
 ciles; illis quidem ex otioſa & delicata vita toto temperamento ad humidius mutato; his vero multa tollerantia, & curis, & tenui victu perſiccatis.

\* παχύντες.  
\* τὰ παχύν.

Quæ toto hoc libro hætenus dicta ſunt, ad hominis réperati cognitionē haud dubie pertinent; nunc vero intemperatorum notas perſequitur, quæ ſane ex



In art. med.  
cap. 50.

iisdē fontibus hauriuntur, ex iis scilicet quæ secundū essentia rationem insunt, A  
actionibus, & accidentibus. Hoc tamen tertium genus potissimum percurrit,  
quoniam quæ ad reliqua duo pertinent, ex iis quæ de homine temperato dicta  
sunt, facillime intelliguntur. Neq. vero omnia recenset accidentia, sed ea dum-  
taxat quæ quod sint in corporis habitu, oculis protinus subiiciuntur. Per habi-  
tum autem corporis partes eas intelligimus cū Galeno, quæ primæ oculis sub-  
iacent, qualis est cutis, & qui sunt sub cute muscoli. Hæc accidentia sunt cras-  
sities & gracilitas, hirsuties & glabrities, & alia quædam ad pilos etiam attinē-  
tia. Gracilitas quidem & crassities (de quibus hoc capite agit) satis certa sunt  
temperamentorum indicia, quoniam ipsa comitantur necessario, non secus ac  
durities & mollities, siue temperamēta natiua fuerint, siue etiā adscititia. Sæpe  
namq. fit, ut natiuum temperamētū consuetudinis vi in contrariū mutetur, ob B  
contrariam scilicet victus rationem, quæ earum omnium rerum vsum comple-  
ctitur, quas vulgo non naturales appellant. Murato vero in contrarium natio  
temperamento, simul quoq. sequitur habitus corporis immutatio; multi nam-  
que qui natura graciles fuerant, pingues (vel potius crassi) redduntur; & contra  
qui fuerant crassi, redduntur consuetudine graciles. Recte autem hoc loco ab  
omnibus interpretibus observatum est, male Linacrum Græcam dictionem  
*παχυθυπας* vertisse pingues redditos, cum potius crassos redditos dicere de-  
buisse. Similiter quoque & *παχέας* melius vertisset crassos quam pingues; cum  
*παχὺς* Græcis & *πυελώδης* & *πολύσαρκος* sub se comprehendat, quemadmodum  
Latinis crassus, & obesum siue pinguem, & carnosum siue corpulentum comple-  
ctitur. Eadem quoque ratione *λεπὸς* apud Græcos, & apud Latinos gracilis, &  
cum cui deficiunt carnes, & cum qui pinguedine destituitur, significat: quamvis C  
vterque communi generis nomine contentus, proprio nomine careat. Nisi quis  
fortasse velit, eum qui pinguedine caret, communi nomine generis *λεπὸς*; eum  
vero qui destituitur carne, *ἰχνὸς* proprie appellari: id namque videtur Galenus  
significasse hoc capite. His vero ita habentibus, gracilis quoque communi ge-  
neris nomine ille nobis dici potest, qui pinguedine destituitur; macer autem si-  
ue macilentus, qui caret carnibus. Qualiscunque tamen sit horum nominum v-  
sus, certissimum est, eos qui natura crassi fuerant consuetudine graciles fieri, si  
victus ratione exsiccante (ut inedia, tenui cibo, parco potu, laboribus, & curis)  
diutius vli fuerint. Et rursus eos qui fuerant natura graciles, reddi consuetudi-  
ne crassos; toto téperamento ab humectante victus ratione (ut vita otiosa, à cu-  
risq. & negotiis libera, humidis cibis, liberaliore aque potu, & balneo frequen-  
ti) ad humidius mutato. Dicitur vero totum temperamentum mutari ad hu-  
midius, non quod in partibus solidis natiua augeatur humiditas, quæ calidi in- D  
nati actione indies absumitur: sed quod reliquæ humiditates augeantur, ut  
sanguis, ros, potissimumque caro & adeps.

Dicemus vero & horum discernendorum notas: satius enim est, talisne quis-  
piam natura sit, an ex cōsuetudine redditus, nosmet prius per aliquot signa di-  
scernere posse, quam ab alio id quærere. Sane eiusmodi signorum auctor, æque  
ut reliquorum omnium, mirus est Hippocrates. Siquidem quibuscunque latio-  
res venæ sunt, hi calidiores natura sunt; quibus angustiores, contra magis fri-  
gidus calor namque opus est, has dilatare, statuque extendere. Ita rationabili-  
ter in



**A** ter in idem fere recidit venarum angustia cum habitu pingui & crassiore; habitus gracilis cum venarum laxitate. Quod si quis simul pinguis crassusque est, & venas laxas habet; is consuetudinis alicuius occasione, non natura, pinguis est redditus. Sicut è diuerso, si quis angustas habet venas, & gracilis est, ne hunc quidem talem esse natura necesse est.

Cum gracilitas & crassities naturæ esse possint & adscititiæ, merito nunc docet, quomodo possit medicus id per seipsum distinguere: id namque docto artifice dignius videtur, quam alios interrogando id discere. Huius autem distinctionis auctorem Hippocratem fuisse ait, in ea scilicet sententia, Quorum venę  
**„** latę sunt, his & ventres & ossa etiam lata; qui graciles & macilenti existimantur:  
**B** pingues vero & obesi his habent contraria. Hinc colligit Galenus, naturam crassitiem aut gracilitatem ab adscititia distinguendam esse ex latitudine & angustia venarum. Voluit namque Hippocrates, eos qui venas latas habent natura graciles esse, pingues vero natura qui venas habent angustas. Quippe qui venas latas habent, natura sunt calidiores; cum opus caloris sit, venas, (viventes, ossa, ceterasque partes) dilatare & extendere. Contra qui venas habent angustas natura sunt frigidiores; quia frigoris opus est, partes densare ac coagulare. Ostendunt autem potissimum venarum angustia & latitudo iecoris temperiem, quod venarum omnium principium est, Quod si venarum nomine arterias quoque cum Hippocrate intellexerimus, & iecoris, & cordis temperiem indicabunt. At qualis est hepatis & cordis temperies, tale esse totius corporis temperamentum necesse est, ut antea diximus. Atque ita fit, ut venarum latitudo temperamenti calidi, angustia vero frigidi sit soboles. Eadem cum venis & arteriis vini habent & alię partes, ad ostendendam partium principum temperiem. Nam ex thoracis amplitudine cordis caliditas certo deprehenditur, quemadmodum frigiditas ex eiusdem angustia. Quę cum ita sint, recte Galenus colligit, in idem fere recidere venarum angustiam cum habitu crasso; & habitum gracilem cum venarum laxitate. Recidit quidem venarum angustia cum habitu crasso, quia qui angustas habent venas, frigidi sunt, ac proinde pingues: nam quod in sanguine oleosum est, ob temperamentum frigiditatem non absumitur, sed à frigido potius concrevit. Habitus vero gracilis recidit cum venarum laxitate, quia qui venas habent latas, calidi sunt, ac propterea graciles: absumitur namque ab excedente calore sanguis, carnis pinguedinisque materia. Sed cur particulam Fere orationi adiecit? An propter eos qui crassi aut graciles redduntur consuetudine? Fuchsius quidem ita sentit, propterea quod in his neque crassities cum venarum angustia, neque gracilitas cum venarum latitudine semper coniungitur. Ceterum cum venarum latitudinem & angustiam expendamus, ut naturam crassitiem aut gracilitatem ab adscititia distinguere possimus, inutilis prorsus videtur Fuchsii explicatio. Adde, quod neque verum sit, naturam crassos venas angustas semper habere; neque natura graciles habere semper venas latas. Nam calidi & humidi, natura quidem crassi sunt, & venas latas habent; frigidi vero & sicci, natura sunt graciles, & venas habent angustas. Quare potius crediderim, additam esse particulam Fere, ut propositam sententiam magna ex parte, non tamen semper veram esse indicaret. Quippe cum angustia venarum frigidi temperamenti sit soboles, hoc autem triplex esse possit, frigidum

L. b. 3. cap. 29.  
par. 2. c. 29.

In art. medi.  
cap. 29.



scilicet mediocritate seruata in humido & sicco, frigidum & humidum, & frigidum simul & siccum; in hoc solo venarum angustia cum habitu gracili coniungitur, in reliquis duobus cum habitu crasso. Rursus habitus gracilis in idem fere recidit cum venarum laxitate. Cum enim hæc calidum temperamentum sequatur, hoc autem triplex sit, calidum scilicet mediocritate seruata in humido & sicco, calidum & siccum, & calidum & humidum; in hoc solo habitus crassus coniungitur cum venarum laxitate; nam in reliquis duobus & venarum laxitas est, & habitus gracilis. His ad hunc modum constitutis, distinguit iam ex Hippocrate Galenus natiuam gracilitatem aut crassitiam ab adscititia, ex sola venarum latitudine & angustia. Si quis, inquit, crassus est, & venas habet latas, is consuetudine, non natura est crassus; quoniam ut dicebat Hippocrates, quibuscunque latæ sunt venæ, graciles sunt natura; & ut ait Galenus, cum venarum laxitate fere semper coniungitur habitus gracilis. Et rursus, si quis angustas habet venas, & gracilis est, is consuetudine, non natura est gracilis; quoniam qui venas habent angustas natura pingues sunt, & venarum angustia coniungitur fere cum habitu crasso. Verum incerta adhuc videtur huiusmodi distinctio, cum calidi & humidi venas latas habeant, & sint natura crassi; frigidi vero & sicci venas habeant angustas, & sint natura graciles. Quamobrem ut vera sit Hippocratis & Galeni sententia, sic eam interpretari oportet, ut venarum latitudo conspicua esse debeat in habitu crasso; & in habitu gracili omnimoda gracilitas, deficiente simul pinguedine & carne. Si quis ergo venas latas habeat, apparentes scilicet & conspicuas, & simul sit crassus; ea profecto crassities naturalis non est, sed adscititia. At in calidis & humidis, quamuis amplæ sint venæ cum habitu crasso, conspicua tamen non est venarum latitudo, cum a carnis copia vasa ipsa tegantur. Quare Hippocrates non ex venarum latitudine, quæ oculis non subiicitur, sed ex conspicua aliarum partium latitudine (veluti ex capitis magnitudine, & amplitudine ceruicis) calidum & humidum temperamentum cognoscendum esse docuit. Præterea si quis venas habeat angustas, & simul sit gracilis, ita tamen ut & carnis & adipis inopia labores; is non natura, sed consuetudine gracilis est. At frigidi & sicci quamuis venas habeant angustas, & natura sint graciles; non tamen sunt omni ex parte graciles, cum in ipsis caro potissimum deficiat: pinguedo namque paullo copiosior gignitur, ut postea dicemus.

*Quin cum fames vrget, mediocritatem ex laxitate venarum & angustia, non a cetero totius corporis habitu spectandam esse ait. Quippe qui angustas habent venas exigui sunt sanguinis, nec longam inedia ferunt; quibus latæ, his copia sanguinis est, & citra noxam cibo abstinent.*

Tanti fecit Hippocrates venarum latitudinem & angustiam, ut non solum ex his temperamenta cognosci posse docuerit, natiuamque crassitiam & gracilitatem ab adscititia distinxerit; verum etiam optimam victus rationem ex iisdem instituerit. Nam ut ipse ait, cum fames vrget, mediocritates ex his considerandæ sunt. Vrget autem fames, quando inedia, aut tenuis victus præscribendus est egro; tenuem enim victum famem vocat, quamuis & ciborum appetentia, & ciborum inopia fames interdum dicatur. Mediocritatem igitur in victu, qui neque crassior sit, neque iusto tenuior, ex laxitate venarum & angustia considerandam

Lib. 2. epid.  
par. 1. sent. 31.

Lib. 2. epid.  
par. 1. sent. 33.



A derandam esse præcipit, neglecto corporis habitu gracili aut crasso. Hinc intelligitur vulgarium medicorum error, qui in instituendo ægrotantibus victu, crassitiem & gracilitatem potissimum expedientes, inediã in vniuersum crassiss præscribunt, gracilibus autem victum crassiorem. Peccant itidẽ mulierculæ multo grauius, quæ omnibus ægris crassiorem victum exhibent; gracilibus quidem ad gracilitatem corrigendam; crassis vero propter consuetudinem. Fallax tamen, ac parum tuta vtrorumque ratio: neq. enim omnibus gracilibus in vniuersum crassior victus conuenit, neq. crassis quibuscunq. inedia. Id considerans Hippocrates, neglecta corporis gracilitate & crassitie, ex sola laxitate & angustia venarum victus rationem ad eum modum instituit, quem Galenus in præsentia proponit. Quippe qui venas habent angustas longam inediã non ferunt, quia exigui sanguinis sunt; qui vero venas habent latas, quoniã sanguinis copia abundant, à cibo citra noxam abstinẽt. Illud tamen videtur difficile, ne dicam falsum, quod qui latas habent venas citra noxam inediã ferant; quippe cum hi calidi sint natura, & magis dissipantur, & sanguis ab excedente calore magis in ipsis absumitur. Biliosos præterea (quibus latæ sunt necessario venæ) solius inediæ occasione grauissimis symptomatis infestari, & docuit Hippocrates, & monstrat quotidie experientia. Languidi enim & imbecilles redduntur, si vel consuetam prandendi horam præterierint; excauantur oculi, palpitant tempora, stercus aduritur, vrina biliosa redditur, accidit cordis morbus, & alia eiusmodi. Iam vero corporibus calidis & siccis aduersissimam esse inediã, paratissimamque febrium causam, aliquando scripsit Galenus. Immo si qui calidi & sicci sunt, inediã, dum febricitant, ferre cogantur, in acutam & ardentem, tandemque in hecticam febrem solent frequenter iucidere. Obicit quoque Hieremias aphorismum illum Hippocratis, Ieiunium senes non decrepiti ferunt facillime, secundum hos qui constantem ætatem agunt, minus adolescentescens, minime omnium pueri; atque inter eos maxime qui acriore sunt & viuidiore ingenio præditi. Quem sane cum proposita hac Galeni sententia pugnare arbitratur, propterea quod adolescentes & pueri, qui calidi sunt & humidi, difficillime ieiunium ferunt. Et quamuis idoneam huic loco explicationem frustra quæserit, rei tandem difficultate confusus, vel ab aliquo adiectam locum, vel à Galeno aliud cogitante scriptum fuisse temere affirmat. Hæc forte considerans Petrus ille Iacobus Steue, nostratum medicorum decus, prædictam Hippocratis sententiam in solo habitu corporis crasso locum habere posse existimauit. Quasi velit Hippocrates, inter crassos, eos facilius inediã ferre qui venas latas habent; difficilius vero qui venas habent angustas. In habitu autem gracili rem aliter habere sentit, quod gracilibus omnibus (qui nutriripotius postulant) aduersa maxime sit inedia. Hanc ego viri doctissimi explicationem libenter admitterem, nisi methodum instituendi victum, ab Hippocrate & Galeno in vniuersum traditam, ex generali particularem, proindeque mancã & imperfectam reddidisset. Quomodo enim manea non sit, cum in gracilibus deficiat? Numquid si duo graciles morbo acuto corripiantur, quorum alter venas latas habeat, alter angustas; eadem victus ratio vtriq. præscribetur? At mihi profecto, gracili latas venas habenti tenuior victus conuenire videtur, cum sanguine magis abundet. Non igitur in solo crasso habitu, sed etiam in gracili, Hippocratis sententiam veram esse credimus; dummodo cetera omnia paria statuantur, tantumque sit discrimen in angustia & latitudine venarum: quod quidem in omni comparatione obseruari oportet. Confert itaque

Lib. 2. de vict. rat. in morb. acut. sent. 24.

Lib. 8. meth. med. cap. 8.

Lib. 10. meth. med. cap. 5.

Aphor. 13. lib. 1.

Com. in lib. 2. epid.



itaq. Hipp. ad victum recte instituendū, eos qui venas habent latas cum iis qui A  
eisdē habent angustas; in ceteris vero omnibus paritatem desiderat, veluti mor-  
bo, ætate, corporis habitu, & aliis. Caue igitur ne crassum gracili conferas, sed  
crassum crasso, & gracili gracilem. Immo eādem crassitiem, eādemq. gracilita-  
tem esse oportet; neq. enim corpulentum obeso, sed alteri corpulento conferes:  
ita tamen vt alter venas latas habeat, alter angustas. Neq. itidem gracilem ex  
carnium defectu, gracili ex pinguedinis inopia conferes; sed alteri gracili in  
quo similiter carnes deficient: ita tamen vt alteri venæ sint angustæ, alteri latæ.  
Id autem haud dubie fiet, si alter natura crassus sit aut gracilis, alter consuetudi-  
ne. Hæc si seruaueris, Hippocratis & Galeni de instituendo victu sententiam  
verissimam esse intelliges. Nam si sint duo crassi, quorum alter venas latas ha-  
beat, alter angustas; hic quidem natura crassus erit, & difficilior in ediam fe-  
ret; ille vero consuetudine erit crassus, & in ediam feret facilius. Ita quoque si B  
duo sint graciles, alter cum venarum latitudine, alter cum earundem angustia;  
hic quidem consuetudine redditus est gracilis, & difficilior abstinebit à cibo;  
alter vero gracilis est natura, & citra noxam in ediam tolerabit. Hæc legitima est  
sententiæ Hippocraticæ explicatio, quam Galenus hoc loco amplectitur. Ne-  
que enim nouā Vallesii interpretationem probo, sentientis voluisse Hippocra-  
tem, eos facilius in ediam ferre, qui mediocritatem habent in angustia & latitu-  
dine venarum, reliquos difficilior; quia qui latas venas habent, prompte dissi-  
pantur; qui autem habent angustas, exigui sunt sanguinis. Nam præterquam  
quod parum artificii atque vtilitatis continet huiusmodi interpretatio, incer-  
ta etiam videtur, cum dubitari merito possit, an qui venas habent mediocres,  
facilius ferant in ediam, quam qui easdem amplas habent. Quippe cum hi san- C  
guine magis abundant, videntur profecto, si cetera sint paria, facilius in ediam  
ferre posse. Sed obiectiones iam diluamus. Atque in primis quidem, quod de  
calidis & siccis, & biliosis dictum est, nullo modo nobis aduersatur. Comparāt  
enim Hippocrates & Galenus eos qui latas habent venas, cū iis qui eas habent  
angustas; non tamen comparant inter sese, eos qui venas latas habent. Quare li-  
cet qui latas habent venas, facilius quam qui habent angustas in ediam ferant;  
non tamen inde sequetur, inter eos quibus latæ sunt venæ, illos in ediam facilius  
ferre qui venas habent latiores. Immo qui venas habent latissimas (quales sunt  
biliosi) quamuis multo sanguine abundant, facile exoluuntur, si à cibo abstinue-  
rint; sanguine scilicet per halitum digesto, dissipatisq. spiritibus, ac biliosis icho-  
ribus ad ventriculi os confluentibus. Iam vero neque aphorismus ille Hip-  
pocratis cum iis quæ diximus pugnat. Ibi enim victum instituit sumpta ex va- D  
riis ætatibus indicatione; nunc vero in eadem ætate, eodemque corporis habi-  
tu, de victu deliberat ex propria corporis natura, quam ex venarum angustia  
& latitudine cognoscendam esse indicat. Quæ cum ita sint, etiam si pueri in  
vniuersum difficillime ferant in ediam ætatis ratione, si tamē ita fors tulerit, vt  
duo pueri eodem morbo acuto corripiantur, & ambo sint aut graciles, aut cras-  
si, alter tamen latas venas habeat, alter angustas; nemo sane negauerit, tenuio-  
rem victum ei qui latas venas habet imperandum esse. Non tamē inde seque-  
tur, inter pueros habentes venas latas, eos facilius in ediam ferre, quibus venæ  
sunt latiores: hi namque, quoniam facillime dissipantur, ab inedia lædi solent.  
Quod innuit etiam Hippocrates in fine eius aphorismi, dum ait, inter pueros  
ieiunium eos difficilior ferre, qui acriore viuidioreque ingenio sunt præditi:  
tales enim calidiores sunt, latioresque proinde venas necessario habent.

Com. in lib. 2.  
epid.



- A** *Causse horum euidentes iam sunt iis qui animum aduerterint; sed quoniam non omnes aduertunt, necessum fortasse erit aliquid eorum causa dixisse. Quidquid in sanguine, pingue, leue, & tenue est, id in calidioribus corporibus alimentum quoddam calido fit, in frigidioribus seruatur: cumque id venæ extra se transmiserint, ubi in frigidas particulas incidit (quod genus membranæ sunt) in his concrefcit. In partibus vero natura calidioribus (cuiusmodi carnosæ sunt) a calore ipso absumitur, ac digeritur; nisi sicubi frigiditati temperamenti etiam vita indulgentior accedens, ipsis carnosæ particulis adipis aliquid adlinat. Quæ ratione etiam quæ hyeme delitescunt animalia, non raro inueniuntur adipe obesa. Et fœmina viris sunt pinguiore, quod scilicet fœmina mare est frigidior, & plurimum domi versatur.*

**B** *Ad institutum reuersus, vt rationem tradat cognoscendi temperamenta ex habitus crassitie & gracilitatē; explicat primum causas crassitie, quibus semel cognitis, facile intelligentur gracilitatis causæ. Quoniam vero crassities duplex est, obesitas scilicet & corpulentia, agit in primis hoc loco de causis obesitatis; cuius duas statuit causas, effectricem, nempe temperamenti frigiditatem, & materiam, nempe sanguinis portionem pinguem & oleosam. Vnde constat, temperamēta frigida pinguedinis copiam gignere, calida vero nequaquam. Siquidem in calidioribus naturis absumitur, ac digeritur pinguedinis materia; quæ tamen in naturis frigidis seruatur, & iuxta frigidas partes concrefcit. Quamuis interdum, vt Galenus hoc loco aduertit, iuxta calidas partes (quales carnosæ sunt) adipem concrefcere contingat, quando scilicet frigiditati temperamenti vita indulgentior accesserit. Quod confirmat eorum animalium exemplo, quæ per hyemem in latibulis degunt; & exemplo mulierum, quæ viris plerumque pinguiore esse solent, non solum quod sint frigidiores, sed etiam quod magis in otio degant: quamuis interdum, quod calidiores sint, & minus in otio versentur, graciliores esse possint. Porro quod hic dictum est de adipis cōcretionē iuxta partes calidas, aut suspectam reddit, aut saltem explicat locum illum libri primi, in quo negauerat iuxta præcalidam aliquā particulam adipem cōire posse.*

**D** *Ac quicumque corporū habitus & temperati natura sunt, & mediocri exercitatione vtuntur, hos necesse est eusarcos esse: id vero est mediocrimino corporis habitus. Quibus vero humidum abundat, & calor a mediocritate summa non longe abest; hi corpulenti, siue carnosi sunt. Corpulenti rursus fiunt, qui natura sunt temperati, ceterum desides & otiosi viuunt; quippe dictum a veteribus commodissime est, consuetudinē acquisititiā esse naturam. Nec fortasse oportebit, cum id iam semel dixerimus, in quouis etiam capite definire, natura ne frigidior, an ex consuetudine quispiam sit redditus; sed illud legentibus remittere, me autem compendii causa proprios cuique temperamento corporis habitus persequi. Sunt igitur nonnulli, qui & graciles sint, et venas paruas habeant; sed si ex his quempiam incidas, adeps excidet, quam constat cuti ad internam*



Græce additur  
 τῶν παχέων, id  
 est crassorum.

eius membranam subnasci. Et raro id quidem in viris conspicitur, in feminis **A**  
 sepiissime inuenitur: est namque tum frigidioris naturæ, tum vitæ magis desidio-  
 sa eiusmodi nota. Siquidem adeps ex habitus frigiditate gignitur; corpulentia,  
 siue carnis abundantia ex sanguinis copia nascitur; mediocritas temperatæ  
 naturæ est nota. Et corpulenti quidē omnino plus adipis habent quam temperati;  
 nec tamen pro carnis semper portione adeps augetur: sed alios habere plus car-  
 nis, alios plus adipis videas, aliis ambo pari modo sunt adaucta. Et quibus qui-  
 dem ambo pari modo sunt aucta, his tantum supra temperatam naturam humo-  
 ris est, quantum & frigoris; quibus autem plus est adipis, in his frigidi plus est **B**  
 quam humidi; æque ut quibus caro est plenior, his humoris plus iusto est, non ta-  
 men etiam frigoris. Cum enim calori intra debitos fines manenti, boni sanguinis  
 accedit copia, necesse est corpulentia sequatur. Quantum autem supra mediocri-  
 tatem esse sanguis debeat, id quidem mensura & pondere ostendere non est, ra-  
 tione tradere licet. Quippe ubi nullum adhuc morbosum symptoma crassato cor-  
 pori incidit, humori abundantia intra sanitatis interim est fines: monstratum  
 enim nobis & in aliis est, non paruam in eo statu, quæ sanitas dicitur, necessario  
 statuendam esse latitudinem. Quin nūc quoque in omni sermone nostro apparet;  
 qui temperatam mediamque naturam reliquarum veluti canonem semper sta-  
 tuimus; quæ vero ex huius utraque sunt parte, intemperatas censeamus: quod **C**  
 utique non faceremus, nisi in sanitatis statu maioris minorisque ratio inuenire-  
 tur. Est enim alia sanitatis, alia morbi intemperies; morbi quidem, ea quæ a me-  
 dia temperie longissime abest; sanitatis, quæ paululum. Definire autem modum ne  
 hic quidem licet. Ceterum intemperamenti, quod intra sanitatem habetur, suf-  
 ficiens nota est, quod nulla functio animalis manifeste sit adhuc laesa. Quantum  
 igitur intervallum est inter id quod perfectissimam functionem obit, & id quod  
 manifeste actionem aliquam habet oblasam; tanta est profecto & sanitatis, et  
 distemperantiæ quæ intra sanitatem consistit, latitudo. Ab hac proxima est in-  
 temperies morbofa, cum scilicet animal intemperamenti vicio egrotat: non enim  
 huius tantum noxa laborat, sed etiam aliis affectibus non paucis, de quibus in  
 iis quæ de morborum differentiis scribemus, diffusius agetur. Nunc redeundum **D**  
 ad diuerticulum est: sicuti enim naturali calore optimam seruante temperiem,  
 humidum quod intra sanitatis terminos est auctum, nō adipem modo in homine,  
 sed etiam corpulentiam gignit, & adipem quidem parcius adliicit, carnem vero  
 multo liberalius auget; ita rursus, si humidum & siccum mediocritatem ad vi-  
 guem inter se seruent, calor autem in homine sit minor; necesse est, huius cor-  
 pus adipe quam carnis copia magis abundet. At vero si calor augeatur, ser-  
 uetque mediocritatem altera contrarietas; minus erit ei animali adipis quam  
 carnis: sicut e diuerso, si quando pollet siccum, altera contrarietate mediū mo-  
 dum



**A** dum seruante, & gracilius, & durius corpus euadet. Hæc a me dicta sunt, patetque non solum ratione monstratum esse, quod simplices in animalium corporibus intemperies habeantur, sed etiam quod singularum manifestæ sint notæ; eæ modo in calore, frigore, mollitie, & durtie, sed etiam in reliquis omnibus habituum corporis differentiis: quarum, de iis quæ ex gracilitate & crassitudine spectantur, mox diximus, de reliquis nunc dicemus.

Corpulentia præcipua causa est utilis sanguinis redundantia, quæ quidem solius materiam rationem obtinet; vim autem causæ eff. etricis habet innati caloris actio. Calor vero qui ex utili sanguine carnes creat, aut temperatus esse debet, aut à mediocritate saltem non longe recedere: nam qui immodicus est, sanguinem carniū materiam absumit ac dissipat. Quo fit, ut inter corpulentos primum locum obtineant qui humidi sunt, mediocritate seruata in calido & frigido; in quibus ob humiditatem utilis sanguis abundat, qui à moderato calore absumi non potest. Secundum obtinent locum calidi & humidi, in quibus etiam calor totum cum sanguinem qui humiditatis ratione abundat, absumere nequit: ex quo fit, ut tam hi quam illi ex propria sui natura sint corpulenti. Consuetudine tamen corpulenti interdum redduntur qui temperati sunt, si tamen in otio degant; cuius occasione humidiores euadunt, sanguine ob quietem minime dissipato. Neq. vero solas in corpulentis carnes augeri credendum est, sed vna cū carnibus pinguedinem; quoniā sanguis, qui in humidioribus temperamentis abundat, non solus carnis, sed pinguedinis etiā est materia. Atqui vbi caro & adeps simul augetur, vel æquis augetur portionibus, vel plus carnis gignitur quā adipis, vel contra plus adipis quā carnis. Quas sane tres differentias non in corpulentis (ut fecit Linacæ) sed in crassis potius statuimus, ut indicat Græca dictio τῶν τ' χραίων à Linacæ male prætermissa. Harum autem singulæ sua temperamenta sequuntur, nam quibus ex æquo augetur caro & adeps, frigidi sunt & humidi; ita tamen, ut quanto frigidiores sunt temperato, tanto etiam sint humidiores. Vnde fit, ut corpulenti hi sint pariter ac obesi; corpulenti quidem humiditatis ratione; obesi vero ratione frigiditatis. Qui plus adipis habent quam carnis, sunt quoq. frigidi & humidi, tanto tamen frigidiores, quāto pinguioribus: quare obesos potius quā corpulentos, eos vocare oportet. Ac tādē qui plus habent carnis quā adipis, humidi sunt, non tamen frigidi; cum calidi & humidi esse possint, & humidi tantum mediocritate seruata in calido & frigido. Sunt enim utriusque (ut antea diximus) corpulenti, corpulentiores tamen qui humidi sunt, in calido & frigido mediocritate seruata; minus corpulenti calidi & humidi, quoniam ab exceedēte calore aliqua sanguinis portio necessario absumitur. Quoniam vero dictum est, sanguinem in crassis, potissimumque in corpulentis, supra modum augeri; ne putaret fortasse quispiam, ex certis aliquibus signis cognosci posse quantum supra mediocritatem sit auctus; merito Galenus aduertit, id certo cognosci non posse, sed ratione sola distingui, an ea sanguinis redundantia intra sanitatis limites adhuc sit, an eisdem potius excesserit. Id quod ex symptomatis distinguitur, potissimumque ex actionis noxa, quæ à morbo est prorsus inseparabilis. Quippe si nullū morbosum symptoma crasso corpori adhuc acciderit, intra sanitatis limites eiusmodi plenitudinem contineri sciendum est. Cum primum vero alicuius functionis noxa contigerit, tūc



Cap. 5.

Acap. 51. ad 59


Cap. 59.

primum sanitatis limites excessisse intelligere oportet. Vnde patet, huius ple- A  
 nitudinis quæ intra sanitatis fines continetur, magnam esse latitudinem, quem-  
 admodum & sanitatis : de cuius latitudine dictum est à Galeno tum alibi, cum  
 potissimum lib. 1. de sani. tuen. Id quod facile quoque intelligitur ex libro su-  
 periore, vbi demonstratum est, nouem esse temperamentorum differentias, at-  
 que in singulis maioris minorisque rationem inueniri. Cum autem ex nouem  
 illis temperamentorum differentiis, vna temperata sit, & octo intemperatæ,  
 atque hæc omnes in salubri corporis statu reperiri possint; recte Galenus colli-  
 git non omnem intemperiem esse morbosam, sed eam dumtaxat, quæ à media  
 temperie longissime abest : nam quæ parum ab hac recedit, sana intemperies  
 cenetur, cum sola differant magnitudine, quam ex sola functionis cuiuspiam  
 noxa cognoscere licet. Quare tanta erit sanæ intemperiei latitudo, quanta est B  
 ab optima temperie, quæ perfectissimas edit actiones, ad eam vsque intempe-  
 riem quæ alicui functioni sensibilem noxam infert. Sed quoniam institueramus  
 hoc loco docere, quomodo temperamenta ex habitu corporis cognoscantur,  
 vtilius nunc fuerit, omissa sanitatis latitudine, unicuique temperamento suum  
 corporis habitum assignare : de qua re in art. med. multo accuratius differuit.  
 Temperatus itaq. homo vt in reliquis omnibus, ita & in habitu corporis medio-  
 critatem seruat, neque enim crassus est, neq. gracilis, sed *εὐσχαρτος*, vel quadra-  
 tus. Tamdiu vero mediocrem corporis habitum retinebit, quamdiu mediocri  
 exercitatione vsus fuerit. Quippe si in otio vixerit, crassus euadet, natiuo tem-  
 peramento ad humidius mutato; si vero plus iusto exercitetur, efficietur gra-  
 cilis, natiuo temperamento mutato ad siccus. Intemperati vero, aut crassi ne-  
 cessario sunt, aut graciles; pro diuersa scilicet qua præditi sunt intemperie. Sim- C  
 plices quidem intemperies in habitu corporis ita se habent. Calida gracilis est  
 ex carnis & adipis defectu, magis tamē ex defectu adipis quam carnis; frigida,  
 pinguis est; sicca, gracilis; humida vero, corpulenta. At compositæ intempe-  
 ries habitu corporis ad hunc modum variant. Calida & sicca gracilis est, defi-  
 ciente carne simul & adipe; calida & humida corpulenta est; frigida & humi-  
 da, pinguis; frigida tandem & sicca, gracilis, deficiente potius carne quam adipe.  
 Habet namque hæc intemperies (vt inquit hoc loco, & in art. med.) sub cu-  
 te collectam pinguedinem: idq. in foeminis potissimum, quæ in vniuersum fri-  
 gidiore sunt maribus, & magis in otio versantur. Crassus igitur corporis habi-  
 tus quattuor temperamentis conuenit, duobus simplicibus, nempe frigido, &  
 humido; & totidem compositis, nempe calido & humido, frigido & humido.  
 Non tamen in his omnibus eadem est crassities, cum in quibusdam obesitas, in D  
 aliis corpulentia reperiatur. Omnium maxime corpulentum est temperamen-  
 tum humidum, quod mediocritatem seruat in calido & frigido: minus corpu-  
 lentum est calidum & humidum. Præterea omnium maxime obesum est tem-  
 peramentum frigidum & humidum; minus vero obesum est temperamentum  
 frigidum in altera oppositione temperatum. Gracilitas itidem quattuor aliis  
 temperamentis hoc ordine inest. Omnium gracillimum ex defectu carnis simul  
 & pinguedinis est calidum & siccum. Minus hoc gracile est ex vtriusque etiam  
 defectu, temperamentum siccum in calido & frigido moderatum. Tertium in  
 gracilitate locum habet temperamentum calidum mediocritate seruata in hu-  
 mido & sicco: in quo potius deficiet adeps quam caro. Postremum vero locum  
 sortitur temperamentum frigidum & siccum, in quo deficiet potius caro quam  
 adeps.



## CAP. VII.

A



*ALIDA igitur & sicca intemperies hirsuta est, verum ea in summo: mediocriter autem quæ calida quidem est, sed in altera contrarietate mediocritatem habet. Similiter & quæ sicca quidem est, sed in calido & frigido media est temperie, est enim ea quoque modice hirta. Nuda pilis sunt frigida omnia temperamenta, siue ea mediocriter se habeant in humiditate, siue immodice. Ceterum ad summum glabra est frigida temperies & humida. Minus hac quæ frigida est, sed in altera contrarietate temperata. Ad hac minus quæ frigida est & sicca.*

B

Persequitur hoc capite notas quæ desumuntur ex pilis, in quibus plura considerantur, veluti darities & mollities; fragilitas & firmitudo; crassities & tenuitas; longitudo & breuitas; densitas & raritas (vnde hirsuties & glabrities potissimum nascuntur) color; & figura. De his omnibus disserit hoc capite, simulque de caluitio & canitie; quæ naturales quædam ac propriæ sunt pilorum affectiones. Docet itaque inprimis, quomodo singula temperamenta in hirsutie & glabritie se habeant, deinde vero causas explicat ex pilorum generatione petitas. Porro hirsuties & glabrities corporibus intemperatis insunt, nã quæ temperata sunt, neque glabra sunt, neque hirsuta. In hirsutorum ordine tria temperamenta collocat, inter quæ maxime hirsutum est calidum & siccum; minus, quod calidum est in humidoque & sicco temperatum; minus adhuc quod

C

siccum est mediocritate seruata in calido & frigido. Nescio tamen, qui factum sit, ut calidam & humidam temperiem hîc prætermiserit, quæ reuera ob excedentem calorem & excrementorum copiam hirsuta est, ut ipsemet Galenus alibi fatetur: fallitur namque Hieremias, calida & humida corpora glabra esse sentiens. Alter est glabrorum ordo, quo tres aliæ frigidorum temperamentorum differentie continentur. Omnium maxime glabra sunt corpora frigida & humida; minus glabra quæ frigida sunt in humidoque & sicco temperata; minus adhuc quæ frigida sunt & sicca. Omisit hîc quoque corpora humida, quæ seruant in frigido & calido mediocritatem, quæ sane si ad temperatam naturam conferantur, glabra sunt; quia licet à moderato calore fuligines aliquæ foras propelli possint, concidunt tamen cutis meatus ob natiuam humiditatem. Sed horum omnium cause facillime ex iis intelligentur, quæ de causis & generatione pilorum postea dicentur.

D

Quamquã putet aliquis, sicut fieri nō potest ut in terra sicca herbe nascantur, nutriantur, & incrementum capiant; sic nec pili in sicca cute. Est autē secus, quippe terra ut terra sicca dicitur, cutis ut cutis. Itaq. siccitas quæ in terra est, maxime sine humore est; quæ vero in hominis est corpore, & eius similiū animalū, nec humoris est expertis, & maxime omnium ad pilorum generationem est idonea. Siquidē neq. ex iis quæ silicea testa intertecta sunt; nec crustatis, veluti ostreis, locustis, cæcris: sed nec ex iis quæ in cauernis delitescunt, quales sunt serpentes, nec quæ squamata sunt, cuiusmodi sunt pisces, oriri pili possunt: sunt enim horum cutes vere et in totū sicce ritu testæ, vel petreæ. Ceterum ex iis quæ molli sunt cute, ut homo,

Quanto

In art. med.  
cap. 57.



quanto utique sicciior calidiorque cutis fuerit , tanto magis potest pilos gignere. <sup>A</sup>  
 Nam ut ab exēplo terræ, quod illi proponūt, non recedamus , herbæ nec in sicca  
 & squalente admodum terra nasci possunt, nec in humida & lacustri. Verum  
 cum absumi cæperit redundantia humoris , tum enascuntur è terra ; augentur  
 autem largius , ubi hæc quoque siccescit, modice quidem in vere, celerrime ve-  
 ro & plurimum ineunte æstate ; siccantur autem omnino arefacta terra æstate  
 iam media. Licetque tibi, si placet, nunc quoque sicuti in priori libro demonstra-  
 tum est, ver ipsum, propterea quod ex temporibus anni maxime temperatum est,  
 temperati corporis assimilare cuti, potissimumq. eius temporis medium; tūc enim  
 terra quoque ipsa medio quodam statu humoris siccitatisque est. Quod autem <sup>B</sup>  
 veris æstati est proximum, id iam sicciorem iusto reddidit terram ; hoc etiam  
 amplius æstas inchoata. Quam igitur dico calidam ac siccam cutē, hanc maxi-  
 me terræ statui adsimiles, qui abeunte sit vere, vel ineunte æstate : nam media  
 æstate in summo est sicca, perinde ut testa inteñtorum animalium tegimen ; non  
 ut hominum, suum, asinorum, equorum, aut alterius cuiusquam eorum quæ  
 pilis vestiuntur. Quare si cutem terræ comparare volunt, hæcenus quoque rem  
 consentire cum iis quæ prius diximus, inueniēt. Ipsi vero sese ex homonymia non  
 animaduersa fallunt, in sicca enim & calida cute multos magnosque nasci pilos  
 diximus, nimirum ut de homine, vel animali pilis prædito, non de ostreis aut  
 cancris, verba facientes. <sup>C</sup>

A simili posset quispiam ostendere, cutem siccam ad pilos gignēdos non esse  
 idoneam. Nam ut terra sicca & squalida inepta est ad stirpium generationem,  
 ita & sicca cutis videtur esse inepta ad generationem pilorum. Quæ sane ratio  
 maxime est probabilis, cum inter cutem & terram, inter pilos & stirpes maxima  
 intercedat similitudo. Quemadmodum enim terra locus est stirpibus gignēdis  
 idoneus, ita & cutis gignendis pilis. Et rursus ut stirpes è terra nascuntur firma-  
 tis in ipsam radicibus, ita & pilorum radices in ipsam cutem firman-  
 tur. Hæc igitur rationem dissoluit in præsentia Galenus, homonymiam quæ in ipsa latet  
 animaduertens. Quippe terra sicca dicitur ut terra, id est in genere terræ; cutis  
 vero sicca dicitur ut cutis, id est in suo genere vel specie. Quoniam vero terra  
 in suo genere temperata, sicca insigniter est ; siccissima profecto erit, omnis-  
 que fere humoris expers, quæ sicca dicitur ad temperatam collata. Cum <sup>D</sup>  
 autem cutis in suo genere temperata nullam habeat excedentem qualiratem,  
 quæ ad hanc collata sicca dicitur, satis multæ humiditatis particeps adhuc  
 erit. Hinc ergo fit, ut terra in suo genere sicca, quia humoris fere est ex-  
 pers, ad producendas stirpes sit ineptissima ; cutis vero in suo genere sicca ad  
 pilos gignendos sit omnium maxime idonea, quod multi adhuc humoris sit  
 particeps. Nam præterquam quod dura non efficitur, aut veluti lapidea ; id  
 priuatim obtinet, ut meatus in ipsa semel geniti non facile concidant, sed aper-  
 ti diutissime seruentur siccitatis beneficio. Hæc tamen de eorū animalium cu-  
 te intelligere oportet, quæ secundum naturam pilis vestiuntur, quales sunt  
 homines, asini, equi, in his enim quo sicciior cutis, eo hirsutior fuerit. At in aliis  
 animalibus, quæ ob nimiam cutis densitatem ac duritiem pilis destituuntur,  
 hæc



A hæc vera esse non possunt; in his enim quo siccior cutis fuerit, eo ad pilos gignēdos ineptior. Horū autem animalium quattuor genera hoc loco recenset, *οὐρακόσσεα, μαλακόσσεα, φολεώσα, λεπιδώσα*. Dicuntur quidem *οὐρακόσσεα*, quæ cutem habēt testaceam & veluti lapideam, vt buccinæ, tellinæ, & omne ostrearum genus. *μαλακόσσεα* sunt, quæ crusta integuntur, veluti cancri & locustæ: *φολεώσα* quæ feneclam, vt serpentes, deponunt: *λεπιδώσα* vero, quæ squamas habent, cuiusmodi sunt pisces. In his itaque omnibus præ nimia tegumenti siccitate ac duritie pili nasci non possunt, quemadmodum neque in humidissima cute. Nam vt in palustri lacustriue terra præ nimia humiditate herbæ nasci non possunt; ita nec pili in humidissima cute. Et rursus vt in siccissima terra (qualis æstate media esse solet) non amplius nascuntur herbæ, sed potius marcescunt; ita nec in durissima cute (qualis eorum animalium est) pili vnquam gignētur. Postulat ergo pilorum generatio atque proventus mediocriter exsiccata cutem, quemadmodum terram mediocriter exsiccata herbarum generatio: id quod vere accidere solet, potissimumque ineunte æstate. Vnde colligit, temperati hominis cutem respondere terræ vere medio, cutem vero calidam & siccam respondere terræ ineunte æstate. Nunquam tamen fiet, vt cutis animalium quæ vestiuntur pilis, proportionē respondeat terræ æstate media: cui tamen omnino respondet eorum animalium tegumentum quæ nuda sunt pilis. Quamobrem verissime dictum est, calidam & siccam temperiem omnium maxime hirsutam esse.

*Quippe per omnem cutem diffatur semper aliquid a calido, quod secum etiam interim humoris nonnihil aufert. Verum in quibus humida cutis est, & plane mollis, qualis modo concreescens caseus; in his eorum quæ exciderunt viæ per cutem non manent, partibus scilicet eius quæ antea dissidebant, rursus inter se vnitis. At in quibus dura est, non absimilis caseo iam coactō, perforatur quidem eorum quæ exeunt impetu; cum autem rursus vñiri per siccitatem nequeat, meatus ipsos immutatos seruat, qui etiam perpetuo transfluentium ictu assidue magis fistulantur. Si igitur quod transfluit, vel halitus, vel humor purus sit; halitus certe celer minimeque impeditus transitus est; humor in exilioribus spiramentis nonnumquam hæret; aliquid etiam intro recurrere ad profundum cogitur. Sin veluti fuliginosus, crassusque, & terreus vapor sit; subinde contingit, vt in angustis spiramentis impactus, nec facile rursus intro redeat, nec vacuari possit. Hunc igitur alius rursus ex profundo subiens ferit, prorsusque impellit, tum hunc rursus alter, atque illum alius. Ac multos mihi eiusmodi vapores fuliginosos, alium super alium impactos, tempore complicari coniungiue intellige; ac vnum eiusmodi efficere corpus, quale est, quæ foris cernitur fuligo. Nisi quod hic quantum spissatum est, tantum etiam per transitus angustiam stipatum, in angustam prorsus redactum est formam. Vbi autem tale corpus totum obstruxerit meatum, deinceps iam violenter ictum, a similibus sui, quibus exitus non est, excrementis, totum interim propellitur, adeo vt cute exire cogatur, iam lori formā adeptum. Adsimiles autem quod in meatu*



*est impaëctum, herba stirpisve veluti radici; quod vero ex cute exstat, ipsi A veluti stirpi.*

Lib. i. de sani.  
m. cap. 12.

Quo facilius intelligantur quæ de corporum hirsutie atq. glabritie hætenus dicta fuerant, pilorum generationem elegantissime nunc explicat. Est autem generationis pilorum duplex causa, efficiens, nempe calor; & materia, nempe fuliginosum excrementum. Atque id quidem tertiæ concoctionis excrementum est, in qua (vt in reliquis) duo separantur excrementa, tenue, & crassum. Tenue excrementum est serosa humiditas, quæ sanguinis vehiculum est ad vniuersum corporis habitum; crassum vero, nutrimenti reliquæ. Rursus excrementum tenue duplex est, halitus, & sudor. Nam si serosa illa humiditas à calore extenuata, insensibiliter transpiret, halitus est, aut vapor; si propriam humoris formam seruans per cutem excernatur, sudor dicitur. Fit autem sudor, aut ob B violentum corporis motum, vt in iis qui exercitantur; aut quoniam imbecillus, vel humoris copia grauatus calor, ipsum non potest in halitus digerere. Quæ ratio coëgit Dioclem vt crederet, sudorem esse vacuationem genere præter naturam. Præterea excrementum crassum duplex itidem est, partim terrestre & crassum, partim fuliginosum ac veluti fumosum. Ac illud quidem materia sordium est, vel potius ipsarum sordes, quæ cuti adhærêtes, & subuculas & linthea sordidiora reddere solent: hoc autem propria est gignendorum pilorum materia. luvatur quoque non parum pilorum generatio à cutis siccitate, cuius beneficio fit, vt qui in cute, fuliginum à calore propulsarum impetu ac vi, geniti sunt meatus, diutissime seruentur; & eorundem radices in cutem ipsam valdius firmari possint. Verum quomodo à prædictis causis pili gignantur, ita di- C lucide hoc loco explicatū est à Galeno, vt nemo profecto possit maiorem lucem his adferre. Porro qui pilorum causas, totamque generationis rationem cognouerit, is non tantum hirsutiei & glabritiei, verum etiam crassitiei & tenuitatis, longitudinis & breuitatis, duritiei & mollitiei, firmitudinis & fragilitatis causas facile intelliget. Neque ignorabit, pilos veras non esse corporis partes, cum noua fuliginum additione fiant, neque vere nutriantur, aut augeantur.

*Fit autem niger pilus, cum deusto vi caloris vapore, excrementū in exactam fuliginem mutatur. Flauus vero, cum vapor minus torretur; quippe quod tum est impaëctum, flauæ bilis, non nigraæ faculentum excrementum est. Albus vero pilus ex pituita nascitur. Rufus, sicuti coloris flauis albiq. est medius, sic eius ge- D neratio ex pituitosæ biliosæque facis media quadam natura prouenit.*

Color in pilis multiplex obseruatur, niger, albus, flauus, rufus, vel ex his vt- cumq. mistus ac compositus. Horum omnium in vniuersum vnica est causa, fuliginosi scilicet excrementi natura; quod itidem redundantis in corpore humoris naturam coloremq. refert. Niger color in pilis frequentissimus esse solet, fit autem (vt Galenus ait) cum deusto vi caloris vapore, excrementum in exactam fuliginem mutatur; quo fit, vt eiusmodi fuligo atræ bilis (id est melancholici humoris) excrementum fit, is namq. ex sanguinis adustione ortum habet. Quamobrem pili nigri, siue in capite sint, siue in mento, siue in reliquo corpore, colorem in habitu corporis excedentē manifesto indicant. Color albus in pilis omnium est rarissimus, distinguiturq. à canitie, cum pili albi in pueris, cani vero in senescen-



A fenescantibus obseruentur: quo fit, vt à diuersis etiam causis nascantur. Albi namque pili ex pituita (id est ex pituitosi humoris fuligine) nascuntur, vt inquit hoc loco; cani vero ex pituitæ siccitate, vt postea docebit. Merito igitur pili albi temperamenti frigiditatem indicabunt. Flauus color biliosæ fuliginis est soboles, & sinceræ bilis redundantis, proptereaque. excedentis caliditatis certissimū indicium. Sed cur tantopere damnetur tamquam prauorum morum indicium, merito quæri possit. Respondent plerique, flauum colorem, cum ad iubarū proxime accedat, ex fluxu bilis & sanguinis, vel saltem feri sanguinei, permixtione ortum habere; atque inde nasci temperamenti inæqualitatem, quæ animi inconstantiam, morumque prauitatem pariat. Atqui neque ex permixtione sanguinis cum bile flauus pilorum color nasci potest, neque si nasceretur, morum prauitatem ostenderet. Quippe cum flaua bilis quo sincerior fuerit, eo efficiatur flauior; ex permixtione autem sanguinis potius diluatur bilis; alienum profus à ratione erit, coloris flauis generationem ad permixtionem sanguinis referre. Ac rursus quanto sanguis bile mitior est atque benignior; tantum quoque de morum prauitate flauis detraheret; bilis scilicet acrimonia, & mordacitate utrumque castigata. Est igitur solius flauæ bilis soboles flauus pilorum color; prauos autem indicat mores, quia cum flaua bilis calidissima sit, acerrima, tenuissima, & maxime mobilis; ingenii quidem acrimoniam parit, mobilitati tamen & inconstantia coniunctam. Vnde fit, vt biliosi vafri plerumque sint, dupli, & non raro proditores, vt alibi dictum iam est. Vnde iidem factum arbitror, vt Iudam Scariothen, proditorum omnium, qui sunt, qui fuerunt, qui futuri sunt, longe impiissimum, & capillis & barba flauum ostendent quotidie pictores: nisi forte & ipsi flauis fuerint. Rufus tandem color, qui medius est albi & flauis, ex media quadam natura pituitosæ biliosæque facis provenit. Talis vero, fuligo est bilis rufæ, cuius generatio ex flaua bile serosæ humiditati permixta constat. Quare mitem quendam calorem, vel frigiditatem aliquantulum excedentem, proindeque & benignitatem morum, animumque ingenuum indicare solet. Atque hanc causam esse puto, cur rufi capilli in mulieribus, potissimumque in virginibus tantopere cōmendentur. Quod cum à matribus puellæ didicerint, quid non agunt, immo quid non patiuntur ac sustinent, dum arte student, ex nigris rufos, aureosque capillos efficere? Interdum tamen poëtæ, (quemadmodum & vulgus) nominum proprietati minus attenti, rufum colorem cum flauo confundunt; sic namque illud dictum est à Terentio, Si quis me quærat rufus.

Lib. de nat.  
hom. sent. 38.

D Crispi pili fiunt, vel propter siccitatem temperamenti, vel propter meatum in quo radican-  
tur Et propter siccitatem quidem, ad eum modum quo corrigiæ, quæ igni plus iusto siccantur. Et quid corrigiarum meminisse est opus, cum ipsos pilos, ubi igni propius sunt admoti, protinus intorqueri videas? Atque ita quidem omnes Æthyopes sunt crispi. At propter meatum in quibus radican-  
tur naturam, ad hunc modum. Cum exhalatio sæpe imbecillior est quam vt rectam viam sibi moliri possit, pro modo quo inflectitur, etiam meatum suum figurat. Interim vero exhalatio satis valens est, sed durioris cutis natura, recta ferri regione prohibita, in latus flectitur. Ita vt extrinsecus videre licet, non



halitum modo aut fumum, sed etiam flammam ipsam, cum sursum agi veta- A  
tur, diuisam utroque versus in obliquum agi. Sic igitur corporis exhalatio  
ubi prorsum ferri prohibetur, obliquum sibi transitum sub cute molitur, do-  
nec longiori spatio collectam aliquid eam urgeat, & foras flatu agat. Est  
quando ambobus coeuntibus, & primæ exhalationis quæ meatum finxit imbe-  
becillitate, & cutis siccitate, obliquitas pilorum radicibus contingit: quales au-  
tem in radice finguntur, tales rationabile est perpetuo fore. Neque enim duro-  
rum & siccorum corporum quidpiam nisi prius molliatur, fingi in rectum po-  
test. Atque hæc quidem est pilorum generatio.

Pilorum forma duplex est in vniuersum, aut enim recti sunt pili, aut obliqui, B  
quos proprie crispas vocant. Crispitudinis duplex est causa, temperamenti  
siccitas, & meatuum cutis obliquitas. Siccitas quidem, quoniam fuligines ex-  
siccata contorquentur, ut corrigiarum & eorundem pilorum exemplo constat,  
quæ si admoueantur igni, in se ipsa manifeste contrahuntur. Atque hæc causa  
est, cur omnes fere Aethyopes sint crispi. At meatuum obliquitas pilos crispas  
facit, quoniam imitantur pili figuram meatuum, in quibus radices habent. Obli-  
qui vero sunt meatus, vel à siccitate, vel fuliginum imbecillitate. A siccitate  
quidem, non fuliginum (quæ prior erat crispitudinis causa) sed ipsius cutis; cu-  
ius durities impedit, quo minus fuliginosa excrementa etiam si valida sint, re-  
cta per cutem ferantur. Impedito autem transitu coguntur ferri ad latera, non  
secus ac fumus & flamma, quæ à denso quoque corpore sursum ferri prohibita,  
ad latus oblique aguntur utrinque diuisa. A fuliginum vero imbecillitate, quo- C  
niam hæc à calore utcumque propulsæ, rectam sibi in cute viam moliri nequeunt.  
Atque hinc fit, ut quibus rufi natura sunt pili, iisdem fere & crispas sint: quam  
etiam causam esse arbitror, cur in puellis crispas capilli tantopere probentur.  
Quippe cum in his ob temperamenti siccitatem crispas esse nequeant, reliquum  
est, ut fuliginum imbecillitatem, & naturam quandam cutis mollietis sequantur,  
quæ virginibus solent esse familiaria. Quod si ab his causis pili crispas sunt, cur  
quæso nostra hac tempestate, non solum puellæ, sed adolentes quoque &  
iuvenes, vitreis, aut ferreis calfactis instrumentis, crispas sibi capillos efficiunt?  
Mihi sane videntur isti, ut animum gerunt muliebrem, ita & muliebrem mol-  
litiem ac cultum, potius quam virilem dignitatem ac robur, affectare. Hæc de  
crispitudinis causis, quas & Aristoteles optime explicauit. Qui vero has co- D  
gnouerit, rectitudinis pilorum causas facile inueniet.

Lib. 5. de ge-  
ner. au. l. c. 3.

ὅτι ἀλλοτρίως,  
ἀλλ' ὡς ἐν  
Γράμμις.

Sequens est, ut causas omnium quæ temperamenti in pilorum pro ætate, re-  
gione, et corporis natura, differentiis contingunt, dicamus. Ergo Aegyptii, Ara-  
bes, et Indi, omnes denique qui calidam et siccam regionem incolunt, nigros, exi-  
guique incrementi, siccos, crispas, et fragiles pilos habent: contra qui humidam  
frigidaque regionem habitant, Illyrii, Germani, Sarmatæ, & omnis Scythica  
plaga, modice auctiles, et graciles, et rectos, et rufos obtinent. Qui vero inter hos  
temperatū colunt tractum, hi pilos plurimi incrementi, et robustissimos, et modice  
nigros, et mediocriter crassos, tum neq. prorsus crispas, nec omnino rectos edunt.

Variant



- A** Variant plurimum predictæ omnes pilorum differentiæ, pro regionibus, ætatibus, & corporum naturis. Pro regionibus quidē, quia (vt docet hoc loco) omnes qui calidam & siccam regionem incolunt (quales sunt Aegyptii, Arabes, & Indi) pilos habent nigros, difficilis incrementi, siccos, crispes, & fragiles: quorum causæ ex superioribus pendent. Nigros enim habent, quia pilorum materia ab immodico calore in habitu corporis adusta, exactæ fuliginis naturam refert. Siccos, proindeque duros ac crassos, quia fuligines plurimum exsiccantur. Crispes, & ob fuliginum siccitatem, & obliquitatē meatuum cutis, ab eiusdem duritie natam. Fragiles vero ob nimiam siccitatem. Illud tantum videtur difficile, quod sint exigui incrementi, cum antea docuerit, cutem siccam & calidam omnium maxime esse idoneam ad pilorum generationem. Sed facile est hunc nodum soluere, quamuis id frustra tentarint interpretes. Supra namque
- B** propria hominum temperamenta considerās, verissime dixit cutem calidam & siccam esse maxime hirsutam; in regione nimirum temperata, in qua ita se habent in pilis singula temperamenta, vt antea dictum est. Nūc vero solas regiones considerat, quarum occasione plurima in pilis observantur discrimina. Quocirca calida & sicca corpora pilos habent, & multos, & multi incrementi, nisi calida & sicca regionis intemperies id prohibuerit. Hæc namq. pilorum incrementum impedit, tum quod fuliginosa excrementa ab immodico calore partim torrantur, partim dissipentur; cum potissimum, quod cutis durior sit reddita. Iam vero qui frigidam & humidā regionem habitant (quales sunt Illyrii, Germani, & Dalmatæ) pilos contra habent modice auctiles, graciles, rectos, & rufos. Modice quidem auctiles, non quod exigui sint incrementi (vt falso putat Hieremias) sed quod moderate augeantur; quod plane indicat (vt recte annotat Fuchsius) Græca dictio *μεγέλης*. Neque enim his deficit pilorum materia, neque humiditas cutis pilorum incrementum impedire potest. Sunt quoque pili graciles, aut tenues, quia non possunt multæ fuligines foras simul protrudi, cum in habitu corporis præpollcat frigiditas. Recti nascuntur, quia neque exsiccantur fuligines, neque dura est cutis. Rufi vero, quia cum frigidus sit corporis habitus, fuligines aduri nequeunt. Tandem qui medias incolunt regiones pilos habent plurimi incrementi, robustissimos, modice nigros, modice crassos, nec omnino rectos, nec omnino crispes. Plurimi sunt incrementi, quoniam satis abundans est fuliginis copia, quæ à moderato calore ad cutē propulsæ, nequam absumuntur. Robustissimi sunt ob alimentum copiam, & caloris propellentis robur. Modice nigri, quia color iste à moderato calore in pilis provenit, quemadmodum omnino niger à calore immodico, & rufus ab imbecillo. Modice crassi, quia calor temperatus est, & satis abundans materia. Non sunt omnino crispi, neque recti omnino, quoniam neque cutis dura est, neque mollis; neque etiam imbecilles, aut exsiccatæ fuligines.
- C**
- D**

*Et in ætatibus ad eundem modum. Infantium quidem pili Germanis; florentium ætate Aethyopibus; epheborum & puerorum iis qui temperatum locum incolunt, in robore, crassitudine, magnitudine, & colore, ad portionem se habent.*

Quo pacto ad eundem modum in regionibus & ætatibus pilos se habere dicunt? Non enim infantium pili Germanorum pilis omnino respondent, quia quamuis in utrisque modice auctiles sint, graciles, & rufi; in Germanis tamen recti sunt, in infantibus plerumque crispi. Rursus neque ætate florentes Aethyopibus ad portionem se habent, cum in his pili breues sint, & fragiles; in illis



vero robusti, & plurimi incrementi. Neque itidem epheborum & puerorum pili ad portionem se habent iis qui regionem incolunt temperatam; in hac enim pili sunt plurimi incrementi, robustissimi, modice nigri, modice crassi, non omnino recti, neque omnino crispi; in pueris vero & ephebis vix vnquam tales reperiās. Quæ cum ita sint, mirandum profecto non est, si vel interiectum, vel à Galeno obiter scriptum hunc locum sentiat Hieremias, nisi eo nomine excusetur (vt ipse ait) quod aliter comparari inuicem non possint ætates & regiones. Fuchsius vero, vt Galenum à mendacio vendicaret, quæ hoc loco dicta sunt, non semper, sed magna ex parte vera esse contendit: quod tamen experientiæ aduersatur. Probabilius multo sentit Lopezius, in hac comparatione ætatum cum regionibus, non esse expectandam similitudinem in omnibus exactā, sed satis esse, vt inter eas seruetur in aliquibus proportio. Sed huic explicationi reluctatur Galenus, qui in robore, crassitie, magnitudine, & colore, pilos in regionibus & ætatibus ad portionem se habere scribit. Dicerem ergo potius, Galenum hoc loco regionibus ætates non ita contulisse, vt similes in vtrisque pilos esse voluerit; sed significasse dumtaxat, talem esse in pilis ætatum intemperatarū proportionem ad ætatem temperatam, qualis est intemperatarum etiam regionum ad regionem temperatam. Dicentur itaque infantium pili ad portionē se habere Germanis, non quod Germanorum & infantium pili sint omnino similes; sed quod quam proportionem in pilis seruat Germania cum regione temperata, eandem cum ætate temperata seruet infantia: est enim vt inter regiones Germania, ita inter ætates humidissima infantia. Et pili ætate florentium dicentur se habere ad portionem Aethyopibus, quia quam proportionem in pilis habet Aethyopia ad regionem temperatam, eandem habet florens ætas ad temperatam ætatem; Aethyopia namque & florens ætas calore & siccitate conueniunt. At tandem puerorum & epheborum pili ad portionem se habent iis qui temperatam regionem habitant, quia quemadmodum in regione temperata mediocriter se habent in suis differentiis pili, collatione facta ad regiones extremas; ita & in pueritia & ephebia mediocriter se habent pili, ad extremas ætates (infantiam scilicet & iuuentutem) facta collatione. Dixit autem pueros & ephebos ad portionem se habere iis qui temperatum locum incolunt, potius quam adolescentes, qui reuera sunt temperati; vt indicaret, non tantum in ætate temperatissima (qualis est adolescentia) pilos se habere mediocriter, sed etiam in ætatibus intemperatis, dummodo non longe absint ab optima temperie. Siquidem & regionum eadem prorsus est ratio, cum & in intemperatis quæ non longe ab optima temperie distant, pilorum mediocritas obseruetur.

*In corporum quoque naturis ad ætatum & regionum portionem pili se habent. Pueri enim admodum parui nudi sunt pilis, quod vtique nec meatus adhuc vllus illis in cute est, nec fuliginosum excrementum. Incipientes autem pubescere paruos & imbecillos exigunt. \* At qui iam florent, valētiores, & multos, & magnos, & nigros habent; quod & frequentes iam meatus his sint facti, & fuliginosis excrementis præ siccitate & calore abundant.*

Seruant quoque intemperatæ naturæ suam in pilis proportionem cum natura temperata, non secus ac regiones & ætates. Hanc vero pilorum varietatem in diuersis ætatibus ostendit, quoniam in his diuersæ corporum naturæ maxime elucescunt.



**A** elucescunt. Pueros inquit admodum paruos pilis nudos esse, ob duplicem causam; & quod ob nimiam humiditatem nullos adhuc habeant meatus in cute; & quod ob mitem halituum sumque calorē nullis adhuc fuliginibus abundant. Qui pubescere incipiunt paruos habent pilos & imbecillos, quia cum minus iam humidi sint, & fuligines vtrumque colligunt, & cutis meatus apertos seruant. Florentes ætate pilos habent valētiores, multos, magnos, & nigros; quod plurimi in cute sint facti meatus, ob caloremque & siccitatem plurimis abundant excrementis fuliginosis. Post florentem ætatem nulla fere in pilis mutatio contingit; sed quales in hac ætate sunt geniti, tales ad extremum vsque senium permanent, nisi quod cani sensim reddantur. Atque hinc factum est, vt agens hoc loco de pilorum differentiis, neque declinantis ætatis, neque senectutis meminerit.

**B** Ceterum pili qui in capite, superciliis, & ciliis habentur, etiam pueris nobis innascuntur. Siquidem generatio his est, non qualis herbis, sed qualis stirpibus prima ratione a natura conditis, non temperamētum ex necessitate sequentibus, sicuti in libris de vsu particularum est monstratum. Verum hi quoque quod quidem sint, id naturæ arti acceptum ferunt; quod nigri, rufi, vel alio quouis sint colore, id ætatis temperamento omnino debent. Subrui enim fere sunt, quoniam quod in meatibus est impactum, nondum totum est nigrum: quippe cum humiditas multa sit, & transitus facilis, & deustio imbecilla. Boni vero incrementi, & modice crassi sunt, propter excrementorum quibus aluntur copiam. Quippe ipsa pars corporis in qua fiunt, sicca est, tota namque calua ossea est; **C** cutis vero quæ illi est circumdata, tanto reliqua totius corporis cute est siccior, quanto etiam est durior. Ascendit tamen tum ab illis quæ circa cerebrum sunt, tum vero ex toto corpore, fuliginosi excrementi non parua vis: quo fit, vt quæ ætate florentibus totum est corpus, eiusmodi iam infantibus sit capitis cutis.

Tacitæ obiectioni respondet, quæ posset aliquis ostendere falsum esse quod antea dixerat, pueros scilicet pilis esse nudos; cum certum sit, pilos qui in capite, superciliis, & palpebris habentur, nobis pueris innasci. Vt autem hanc obiectionem dissoluat, breuiter hoc loco attingit, id quod docuit copiosius lib. 11. de vsu part. bifariam scilicet accidere generationem pilorum non secus ac plantarum. Quippe vt plantæ quædam sine agricolæ industria sponte nascuntur, **D** alia vero agricolæ diligentiam artemque exposcunt, ita & pili quidam loci cui insunt naturam dumtaxat sequuti, sponte nascuntur; alii vero ob priuatos quosdam insignesque naturæ vsus gigni solent. Facile autem est, vel solo aspectu utrosque distinguere. Nam qui loci naturam dumtaxat sequuntur, neque certis circumscribuntur limitibus, neque in certum ordinem sunt dispositi. Cuius generis sunt qui in habitu corporis sponte proueniunt, & multo adhuc magis qui circa pudenda, & sub axillis nascuntur: hi namque in nullam certam seriem digesti conspiciuntur, sed rudem quandam indigestamque molem potius referunt. At vero qui ob insignem aliquem vsu à natura gignuntur, aut certum habent terminum incrementi, aut saltem certis quibusdam limitibus continentur. Hinc namque factum est, vt palpebrarum & superciliorum pili toto fere vitæ tempore parem seruent longitudinem; ne scilicet perpetuas tenebras



oculis offunderent, si indies augerentur. Cum vero ad oculorum tutelam fiat facti, tales tantoq. eos esse oportebat, quales quantoq. rei utilitas postulabat. At quanti nunc sunt, maximā oculis utilitatem præstant; cum superciliorū pilis, veluti mœniis quibusdam muniantur oculi, ne ab iis quæ à capite defluunt, lædantur; pilis vero palpebrarum veluti in aciem vtrinq. dispositis, ne ab externis iniuriis noxam contrahant. Eadem ferme ratio est pilorum capitis & menti, circumscribuntur enim vtrique certis limitibus, quia naturæ providentiam sequitur ipsorum generatio. Vnde factū est, ut quamvis capilli hunc vsum præbeant, ut munimentum sint cerebri totiusque capitis; in frontis tamen cute nequaquam nascantur, ne oculis caliginem inducerent, humanaque facies ferina videretur. Iam vero quia oportebat virilem faciem muliebri grauiorem esse & venerabiliorem, barba tributa est viris, qua tamē mulieres carere satius erat, utpote quarum facies pulchritudinem potius quam grauitatem postulabat. Non enim viro minus turpe est esse imberbem, ac mulieri esse barbatam: degenerat enim vterque à propria sui sexus natura. Postulabat itaque is vsus, ne vniuersam faciem barba occuparet, ne pro virili grauitate, leoninam, aut visioam immanitatem humana facies referret. Ceterum licet menti & capitis pili id cōmune habeāt cum pilis ciliorum & superciliorum, ut certis coërceantur finibus; in eo tamen differunt, quod certum non habeant terminum incrementi. Nam præterquam quod nullius partis actio ab ipsorum incremento lædi poterat, nunc pauciores & breuiores, nunc contra plures & longiores eos esse conueniebat. Hyeme namque, in regionibus frigidis, frigidisq. affectibus insignem vsum præbent; æstate vero, in regionibus calidis, calidisque affectibus (ut febre ardente, & phrænitide) nullum. Quin etiam (ut hunc quoque vsum addamus) capillorum copia & longitudine solent plerumque mulieres abuti, dum variis modis comuntur. Verum licet huiusmodi pilorum generatio naturæ propter vsum agentī debeat, iuuatur tamen maxime & ab idonea materia, & loci ipsius natura. Pili namque superciliorum ex cute ossi durissimo adhærente nascuntur, & palpebrarum pili in duram cartilaginosaque substantiam firmanantur; ut ab immodica loci siccitate ipsorum incrementum impediatur: nam & stirpes quæ in locis petrosis & squalentibus proueniunt, minimum augeri solēt. Sed & capitis cutis in prima statim formatione sicciior creata est, ut ad pilos statim gignendos idonea redderetur. Quin & initio statim abundantem pilis in capite gignendis materiam præparauit natura, cum plurimæ fulgines & ex toto corpore, & ex iis partibus quæ circa cerebrum sunt, ad capitis cutem ascendant. Et in viris priuatim, idoneam abundantemq. gignendæ barbæ materiam suppeditauit, quoniam in his (utpote calidioribus) tanta colligitur fuliginum copia, ut non solis capillis, sed gignendæ etiam barbæ satis esse possint. In mulieribus vero ob naturā frigiditatem & pauciores colliguntur fulgines, & in solos capillos prorsus absumentur. Ex iis quæ dicta sunt facile dissoluitur obiectio, nam dum pueros pilis nudos esse asserimus, de iis tantum pilis intelligere oportet, qui corporis temperiem sequuntur. Pueri namque in pudendis, alis, & vniuerso corporis habitu, ob benignum & mirem calorem, nimiamque cutis humiditatem, glabri conspiciuntur. Habent tamen à prima statim formatione pilos in capite, palpebris, & superciliis, quoniam hi naturæ potius industriam sequuntur, quam corporis temperiem. Barbam vero pueris denegauit natura, tum quia ad nullius partis tutelam futura erat utilis, cum potissimum, quia puerilem faciem ac mores à grauitate prorsus alienos esse con-



- A esse conueniebat. Neq. enim minus effet ridiculū puerum grauem barbatumq. intueri, quam senem imberbem, puerilique facie ac moribus præditum. Dolum ergo, quod tam multi nostris hisce temporibus inueniantur pueri centum annorum. Porro licet horum pilorum generatio naturæ providentiam sequatur; negari tamen non potest, quin ipsorum color, crassities aut tenuitas, & incrementum temperamento debeantur. Quo fit, vt in pueris capitis pili plerumque sint subrussi, modice crassi, & boni incrementi. Subrussi quidem, quia mitis puerorum calor humiditati adiunctus fuligines nequaquam adurit. Modice crassi ob mediocrem copiam fuliginum, quæ ad capitis cutem ascendunt. Boni autem incrementi, tum ob mediocrem fuliginum copiam, tum etiā quod capitis cutis in pueris etiam natura sit siccior: quippe (vt recte inquit Galenus) talis statim in pueris est cutis capitis, qualis est iuuenibus totius corporis cutis. Merito igitur fiet, vt quemadmodū iuuenibus hirsuta est tota cutis, ita & pueris capitis cutis pluribus pilis abundet.
- B

*Eoque rationabilius nonnulli procedente tempore calui redduntur, quibus scilicet a primo ortu durior cutis erat: quippe monstratum prius est, senescientium partes omnes siccescere. Fit autem cutis non paucis veluti testacea, vbi supra iustum fuerit siccata; in ea vero, sicut ex prioribus constat, nihil nasci potest. Itaque etiam interna manuum, et inferna pedum semper glabra, et pilorum expertia sunt, quod siccissimus densissimusque sit tendo is qui sub cute habetur.*

- C Extremo hoc capite agit de duabus capillorum affectionibus, caluitio, & canitie. Caluitium nihil aliud est, quam decidentia pilorum ex capite, potissimumque ex syncipite, ætatis ratione proueniens: vnde intelligitur, non esse hic agendum de causis decidentiae capillorum præter naturā, qualis in morbo Gallico, aliisque affectibus cōtingit. Caluitii autem vnicam causam statuit, nimiam scilicet cutis capitis siccitatem. Quippe cum capitis cutis ex sua natura sicca iam sit, procedente tempore interdum ita exsiccatur, vt reddatur veluti testacea, proptereaque ad producendos pilos inepta. Porro quod cutis siccitas pilorum generationem impediat, exemplo volæ manus, & plantæ pedis confirmat, in quibus propter siccitatem nullos pilos nasci experimur. Sunt autem eiusmodi partes siccae, non ratione cutis (quam in interna manu temperatam esse diximus) sed ratione lati tendonis, qui vtrobique cuti subnascitur; in manu quidem originem plerumque trahens à musculo exiguo, in interno humeri tuberculo; in pede vero ex osse calcis. Sed non videtur sola subiecti tendonis siccitas harum partium glabritiei esse causa; cum aliquibus etiam pilos in femore nasci obseruamus, cuius cuti latissimus quidam subnascitur tendo, eius scilicet musculi, quem sextum numerant anatomici inter eos qui tibiam mouent. Quare præter tendonis siccitatem, aliam eius glabritiei causam alii assignant, validum scilicet ac frequentem earum partium motum, cuius occasione fuliginosa excrementa dissipantur. Verum neq. hanc causam probo, tum quod in femore pili etiam nascantur, licet validos motus edat; cū potissimum, quod frontis cutis, quæ parū aut nihil exercitatur, glabra sit. Quare nō immerito sentit Eustathius, earum partium glabritiem, arcanam potius naturæ dispensationem sequi, quam subiecti tendonis occasionem. Videtur enim natura in
- D
- eorum



eorum etiam pilorum generatione, qui corporis temperiem, non ipsius indu-  
striam sequuntur, illud diligenter prospexisse, ne alicuius partis functio à pilis  
inibi genitus laderetur. In temore igitur pilos nasci permittit, nullam inde no-  
xam sequuturam prævidens; fronti vero, manuum volis, & plantis pedum gla-  
brietem tribuit, ut harum partium functiones illæ servarentur. Hæc itaq. na-  
tura providentia, prima est atque præcipua eius glabrietis causa; secundaria  
vero loci natura ob tendinis siccitatem. Ceterum quamvis recte Galenus di-  
xerit, pilorum generationem à cutis siccitate impediri; non tamen satis con-  
stat, quomodo cutis siccitas pilorum deciditiam efficiat in caluitie. Putant  
aliqui ob cutis siccitatem pilos cadere, quia adueniens pilorum nutrimentum à  
nimia siccitate absumitur. Atqui à calore potius immodico quam à siccitate fu-  
ligines abumi crediderim. Hieremias duplicem adfert causam, sed hanc ma-  
gis probat. In senibus, inquit, tunc primum pili decidunt, cum primum cutis  
quæ ante carnosa fuerat, extenuatur, & abeunte carne quæ fuerat illi prius  
subtexta, rara efficitur. Nescio tamen quam carnem in caluitio abire scribat,  
cum solum caluescat synciput, in quo cutis nudo ossi adheret. Lopezius tres  
causas assignat, quarum primam libenter amplector, labuntur enim è capite  
pili ob nimiam cutis siccitatem, quia cutis exsiccata valide tenditur; tensa ve-  
ro ipsius meatus ampliotes fiunt, pilorumque radices infirmiores redduntur,  
donec tandem decidere cogantur. Porro quod tensio patentiores meatus  
efficiat, & cribrorum foramina aperte monstrant, & docuit alibi Galenus,  
qui tensionem vix causam statuit dilatationis pupillæ. Est itaque cutis  
siccitas prima caluitii causa, non tamen proxima. Decidunt namque in calui-  
tio pili, quia ipsorum radices infirmiores sunt redditæ; huius autem infirmi-  
tatis causa est amplitudo meatuum; amplitudinis rursus causa cutis tensio est;  
quæ tandem ex siccitate provenit. Quod si cutis capitis siccitas (ut hætenus di-  
ctum est) caluitiei est causa, facillimum est explicare, cur pueri & mulieres aut  
nunquam, aut raro caluescant, est enim utrisque mollis ac humida cutis. Sed cur  
Aethyopes, quibus sicca cutis est, non caluescant? quia scilicet capitis cutem  
ab initio siccissimam habuerunt. Nam ut in saxis difficile nascuntur stirpes, se-  
mel vero genitæ vix unquam euelli possunt; ita & in siccissima Aethyopum cu-  
te, quamvis propter naturæ usum aliqui gignantur pili, illi tamen & difficilem  
ortum habent, & exigui sunt incrementi, & semel geniti difficillime dilabun-  
tur. Sed dubium est, an præter cutis siccitatem aliæ esse possint caluitiei causæ;  
contendit enim Hieremias, Hippocratem in Epidemiis raritatem cutis, & hu-  
morum subtilitatem, caluitiei causas statuisse; quorum utrumque falso Hip-  
pocrati adscribit. Verius multo dixisset, cerebri consumptionem ex Hippocra-  
tis sententia alteram esse caluitii causam, cum in Epidemiis ad hunc modum  
scripserit, Cerebri consumptio, ideo & caluities. Nos tamen consumptionem  
cerebri ad siccitatem referendâ esse cum Galeno asserimus. Consumitur namq.  
cerebrum, quando imminuitur; imminuitur, quia exsiccatur ætatis progressu;  
exsiccatum vero à syncipite recedit, ut in dissectionibus observatum est; ac tan-  
dè eo recedente syncipitis cutis siccior necessario euadit. Neq. vero Galenum  
Aristoteli contradixisse putandum est, calidi pinguisq. humoris inopiam calui-  
tii causam statuendi: nam ex humoris inopia siccitas necessario provenit. Quam-  
uis videatur Aristoteles, defectum nutrimenti pilorum, potiusquam siccita-  
tem cutis, calidi pinguisque humoris inopiam vocasse.

Lib. 1. de cau-  
tis sympt. c. 2.

Lib. 6. epid.  
par. 3. sent. 1.

Lib. 5. de ge-  
ner. ani. cap. 3

Quibus



**A** *Quibus autem ad summam siccitatem cutis capitis non peruënit, imbecilli his omnino albi que pili fiunt, quos vulgo canos appellant. Imbecilli quidem conuenientis alimenti penuria; albi vero, propterea quod alimentum quo aluntur, veluti situs est pituitæ, quæ spatio computruit. Vbi enim meatus etiamnum manet, excrementum vero exiguum est & lentum, ac languide a calore propellitur, non dissimiliter putredini afficitur.*

In canitie hæc duo pilis necessario accidunt, vt imbecilli sint simul & albi. Imbecillitatis causa est conuenientis alimenti penuria ob imbecillum calorem, causa vero albedinis est pituitæ situs. Est autem situs auctore Aristotele, terreni vaporis putredo: at fuliginosum excrementum, quod materia pilorum est, terrenum esse vaporem antea monstrauius. Putrescit vero pituitosa fuligo, quia ab imbecillo calore foras propelli nequit, sed meatibus impacta diutius adhæret. Quare merito Aristoteles, præter terreni vaporis putredinem, innati quoque caloris imbecillitatem canitiei causam statuit; caloris namque imbecillitas facit, vt colligatur in partibus pituitæ, ipsiusque fuligo meatibus impacta, neque foras propulsa, tandem putrescat. Vnde perspicuum est, Aristotelem & Galenum de canitiei causis idem omnino sensisse. Cur vero canities quibusdam incipiat ab extremis pilorum finibus, quibusdã potius à radicibus; hanc causam reddit Aristoteles, quoniam in vltimis ac tenuissimis calor minimus habetur. Quibus verbis significat extremos pilos putrescere, quia cum minimum calorem habeant, ab ambientis calore facile corripuntur. Atqui verisimile non est, extremos pilos à calore ambientis putrere; putret namque pituitosa fuligo intra cutis meatus, dum inibi diutius retinetur. Quare aliter multo ex iis quæ hoc loco docet Galenus, propositum problema dissoluerem. Quibus calor imbecillus admodum non est, neque multum lenta pituitosa fuligo; his quidem extremi pili primum canescunt, quod putrida fuligo quæ meatibus adhæret, à calore non multum languido ad extremos vsque fines propellatur. Quibus vero imbecillior est calor, aut magis lenta pituita; his quod intra meatum putruit, tum ob lentorem, tum ob caloris imbecillitatem longe propelli nequit; proptereaque his pili à radice potius canescunt.

**D** *Iam calui fiunt homines, cum senescunt, a syncipite magis, canescunt magis a temporibus, quoniam illud omnium capitis partium est siccissimum, (hæret enim cutis illic ossi nudo) tempora vero humidiora sunt, quod in his muscoli magni sub cute habeantur; omnis autem musculus carnosus sit; caro tum osse, tum cute humidior.*

Explicat tandem duo problemata, cur caluitium fiat magis in syncipite, & cur canities à temporibus magis incipiat. Aristoteles quidem, qui calidi humoris inopiam caluitii causam esse credidit, synciput potissimum caluescere affirmat, quia ex omnibus capitis partibus synciput potissimum sentit calidi humoris defectum: vtpote quod maximam cerebri (partis frigidissimæ) portionem contineat. Verius tamen, multo sentit Galenus, caluitium syncipiti accidere, quia omnium capitis partium siccissimum est. Quippe cum demonstratum sit, cutis capitis siccitatem vnicam esse caluitii causam; merito fit, vt quæ capitis pars siccissima est, ea potissimum caluescat. Cum autem synciput siccissimum esse dicimus,

Lib. 5. de genera. ani. c. 4.

Lib. 5. de genera. ani. c. 5.

Lib. 5. de genera. ani. cap. 3.



dicimus, id non de osse (quod & rarius est & mollius) intelligimus, sed tantum A  
de cute, quæ in syncipite siccior est, cum ossi nudo adhæreat. In occipite nam-  
que carnosæ adhæret membranæ, quæ plurimis carnosæ fibræ adactæ, in mus-  
culos eos degenerat, qui capitis cutem interdum mouent, quosque à Vesalio  
aliisque anatomicis prætermisissos, recte obseruauit Fallopius. Porro quod tem-  
pora prius canescant, ad eorundem humiditatem referendum esse ait. Nam si  
pituitæ situm canities causam esse recte demonstrauius, in his locis procul du-  
bio canities incipiet, in quibus pituita citius putrescet: putrescit autem facilius  
in locis humidioribus. Atqui tempora ceteris capitis partibus humidiora sunt,  
quia in his magni quidam sub cute habentur muscoli, quos proinde tempora-  
les appellant. Omnis autem musculus caro est, caro vero tum osse, tum cute est  
humidior. Ex his certo intelliges, male Aristotelem propositi problematis ra-  
tionem reddidisse. Voluit namque tempora prius canescere, quia mediam ha-  
bent naturam inter synciput & occiput. Hoc enim (ut ipse ait) cum cerebrum  
non contineat, humore vacat; illud vero multum humoris habet, & quod mul-  
tum est difficile putrescit. At tempora nec tam parum humoris habent, ut con-  
coqui possit, nec tam multum ut nequeat putrescere. Hæc tamen ratio consta-  
re non potest, cum dictum sit, synciput omnium corporis partium siccissimū esse.

## CAP. VIII.



*ST* autem ei quod dicimus diligenter attendendum, ne impruden-  
tes nosmet ipsos fallamus, sicuti se fallunt multi ex iis qui optimi  
visi sunt medici, qui si quæ caluum viderint, statim huic siccum esse  
totius corporis temperamentū putāt. Neque enim simpliciter ita con- C  
iectare oportebat, sed prius illud definire præstiterat, humanū corpus in aliis æ-  
quabili per totum temperamento esse, in aliis, nec his paucis, inæquabiliter esse asse-  
ctum; cum eorū aliæ particulæ mediocres & iusto sint humidiores, aliæ frigidiores,  
aliæ sicciores, aliæ calidiores, aliæ prorsus temperatæ ac mediocres. Porro huic ma-  
xime esse attētos cōuenit, ubi corporis temperiem æstimamus. Quippe si totū corpus  
æquabiliter cōditum\* sit, omniumq. partium inter se competentiam in latitudine,  
longitudine, & altitudine seruet; potest utique æquabiliter attemperatū esse id  
corpus. At sicui corpori thorax, collum, & humeri maximi sunt, lumbi parui  
angustique, & crura gracilia atq. sicca; quomodo id dixeris omnibus particulis D  
similiter affectū? Quin si crura ei crassa sint, & lumbi lati, thorax vero an-  
gustus; ne id quidem omnibus particulis æquabiliter est temperatum. Sunt alia  
corpora, quibus maximum est caput, alia quibus paruum, quale passeribus:  
Iam crura aliis blæsa, aliis vara. Artuum quoque extrema aliis gracilia sunt,  
aliis crassa. Et thorax aliis, (ut dictum est) latus, aliis tabulæ ritu angustus;  
quos Græci σαρκοειδεις vocant. Vbi vero opertæ scoptulæ illis sine carne, nudeq.  
plane sunt, & alarum more pronæ, nominantur a medicis eiusmodi naturæ Græ-  
ce σαρκοειδεις. Quantopere hæc sint vitiatæ deperdito his paullo minus omni in-  
terno thoracis spatio, quo pulmo & cor sunt sita, neminem latet. Innumera ve-  
ro aliæ



*A* ro alie particularum corporis plane affectiones sunt, vbi id a naturali analogia protinus in vtero matris ad inaequalem intemperiem est mutatum.

Cognoscendorum temperamentorum methodum ex tribus signorum generibus constitutam hactenus tradidit: hoc autem capite tria precepta scribit necessario seruanda, ne in dignoscendis iuxta predictam methodum temperamenti fallamur. Praecipit in primis, ne ex vnica particula de temperamento totius corporis iudicium ferre tentemus; est enim incertum fallaxque eiusmodi iudicium, nisi fuerit corpus aequaliter intemperatum. Monet propterea ut ante omnia distinguamus, sitne corpus aequaliter intemperatum, an inaequaliter. Aequaliter intemperatum illud dicitur, in quo omnes partes ad eandem intemperiem declinant; veluti si partes omnes calidiores fuerint in suo genere, aut frigidiores: quod de principibus partibus intelligere potissimum oportet, quarum temperiem reliquae sequuntur. Illud vero inaequaliter intemperatum vocatur, in quo partes principes aut contrariam, aut saltem diuersam habent intemperiem: veluti si ventriculus calidus sit, & iecur frigidum; aut frigidum sit cor, & cerebrum in suo genere siccum. Distinguemus aequalem corporis intemperiem ab inaequali, & pariter inter sese proportionem in tribus dimensionibus, longitudine, latitudine, & altitudine. Quippe quae corpora iustam habent partium proportionem & concinnitatem, ea quidem sunt aequaliter intemperata. Veluti si cui caput sit magnum, ceruix ampla, latus thorax, tum etiam & lumbi lati, is sane erit aequaliter intemperatus in calore; quemadmodum contra si quis caput habeat paruum, thoracem, & lumbos angustos, in frigiditate erit aequaliter intemperatus. Quod si hanc partium proportionem corpus non seruauerit, erit necessario inaequaliter intemperatum, ut si caput magnum sit, & thorax angustus; is namque cordis frigiditatem indicat, illud vero cerebri caliditatem. Et rariora sane esse solent aequaliter intemperata corpora, pleraque enim inaequaliter sunt intemperata; neque id mirum, cum in plerisque hominibus earundem partium formationem maxime diuersam esse experiamur. Quibusdam enim caput est magnum, aliis paruum; quibusdam crura sunt blasa, id est ad exteriorem partem distorta; aliis vara, id est ad partem interiorem reflexa. Thorax praeterea aliis est latus, aliis angustus, & tabulae ritu depressus; quos proinde Graeci *συνίπτες* appellant. Quod in his carne nude scapulae alarum more promineant, Graecis *πρυβόλες*, Latinis dicuntur alati. Quae thoracis formatio omnium maxime damanda est, cum angustissimum sit internum pectoris spatium, in quo pulmo continetur & cor. Quod fit, ut infaluberrime sint huiusmodi naturae, & phthisi omnium maxime obnoxiae.

Quod & ab Hippocrate obseruatum est, dum scribit in hunc modum, Genus erat tabidorum, glabrum, subalbum, pituitosum, subrubicundum, cassum, leucophlegmaticum, & quibus scapulae in morem alarum prominebant. Talem formationem habuit Euryanctis filia, cui (ut Hippocrates inquit) nativum quoddam inerat tabidum, cuius occasione interijt. Vidimus & alios, qui non secus ac Euryanctis filia, ob deprauatam thoracis formationem tunc absumpti perierunt.

Lib. de cau.  
mor. cap. 7.

Lib. 3. epide.  
par. 3. sent. 7.

Lib. 3. epide.  
par. 2. sent. 3.

*Minime igitur in corporibus id genus ex vnica particula coniectandum de toto est, neque enim si qui mores ex ingenio corporis docere\* profitentur, simpliciter de omnibus pronuntiant. Verum ipsi quoque experientia docti, si quis impet*  
birto est

\* *quονογνωμονειν*.



\* *Quandā.* hirtus est pectore, hunc audacem\* iudicant; sin cruribus est hirtus, salacem; non A  
tamen causam etiam adiciunt. Neque enim cum pectus habere leoni simile di-  
cunt, crura vero hircosa, primam ideo causam inuenerunt; siquidem cur leo  
quidem audax, hircus vero salax sit, ratio etiam inuestigandum exigit. Hæcle-  
nus enim quod in re quidem fieri cernitur dixere, causam tamen eius omisere.  
Ceterum is qui naturali speculatione est exercitatus, sicuti aliorum omnium, ita  
horum quoque causas inuenire tentat. Propterea enim quod inæquali partium  
temperamento sunt, non leo modo & hircus, sed etiam ceterorum pleraque ani-  
malia; idcirco ad alias actiones aliud est pronum. Ac de his quidem Aristoteles  
commode tractauit. Sed quod ad rem propositam est utile id iam apparet, homi-  
num scilicet temperamēta considerantibus, singulas partium per se examinandas B  
esse. Nec si cui thorax hirsutus est, huic totum corpus calidius siccusque ex ne-  
cessitate putandum, sed plurimum in corde calorem esse, eoque audacem. Posse  
vero aliquando etiam huius ipsius rei occasione accidere, quo minus totum his  
corpus similiter calidum siccumque sit; quod scilicet plurimum caloris sursum  
huc spirauerit, atque in partem continentem euacuatum sit.

Quod ex vna parte non liceat totius temperamentum colligere, confirmat  
testimonio Physiognomorum, qui solo aspectu iudicant de hominum moribus.  
Hi namque ex vnius partis intuitu de moribus omnibus iudicium non ferunt,  
sed de his tantum qui eius partis temperiem sequuntur. Veluti si quem hirtus C  
pectore viderint, hunc audacem iudicant, & animosum; si vero hirsutus cruribus,  
salacem. Et quamuis rem ita habere experientia didicerint, causam tamen igno-  
rant, ad solamque similitudinem referunt. Nam audaces illos esse aiunt, quod  
pectus habeant leonis pectori simile; hos vero salaces, quod habeant crura hir-  
corum cruribus similia. Cur autem fortis sit leo, & hircus salax, non explicant  
Physiognomi sola experientia contenti; Physici tamen ad cordis iecorisque ca-  
liditatem huius rei causam verissime referunt. Nam quibus cor calidum est,  
audaces sunt & animosi; cognoscitur autem cordis caliditas ex pectoris hirsu-  
tie. Ac rursus quibus iecur, renes, & testes calidi sunt, hi ex sua natura sunt in-  
venerem proclives; quarum partium caliditas ex ventris inferioris, & crurū hir-  
sutie deprehenditur. Quemadmodum ergo non licet Physiognomo, vna parte  
conspecta de moribus in vniuersum pronuntiare; ita neque licebit Medico, D  
ex vna particula de totius corporis temperamento iudicare, nisi corpus fuerit  
æqualiter intemperatum: alioqui enim multo satius est, singularum partium in-  
ternarum temperiem ex propriis signis expendere. Neque enim si quis calidus  
est, is toto corpore est siccus, sed solo capite; nec si quis hirtus est cruribus isto-  
to corpore calidus est, sed iecore, renibus, & potissimum testibus. Et quod ma-  
ius est, si quis pectus habeat hirsutum ac latum, neque is toto corpore calidus est  
necessario, sed solo corde calidus; cum fieri aliquando possit, ut ob nimiam  
cordis caliditatem reliquum corpus frigidius euadat, calore scilicet plurimo  
sursum euocato, & in partem continentem (nempe thoracem) euacuato: vel  
potius (ut vertit Fuchsius) in ambientem dissipato. Quod si ex temperamento  
cordis, quod vim maximam habet mutandi vniuersum corpus (cum fons sit ac  
principium innati caloris) totius corporis temperiem colligere non licet, quid  
quæso,



**A** quæso, de aliis partibus sentiendum? Iecur enim cum & venarum & sanguinis principium sit, vim quoque habet mutandi vniuersum corpus, quemadmodum cor, imbecillior tamen. Huc namque pertinet quod alibi dictum est à Gale- In art. med. cap. 29.  
no, calidi cordis tēperaturam magna ex parte vniuersum corpus calidum red-  
dere, nisi hepar vehementius obstiterit: obstat vero, quando contrariam cordi  
habet intemperiem. Quo casu vniuersum corpus inæqualiter intemperatum  
maxime efficitur, partibus scilicet principibus contraria intemperie inter se  
pugnantibus.

**B** Nam si tota corporis temperies est æqualis, erit his statim thorax ipse vniuer-  
sus latissimus, venæ amplæ, arteriæ magnæ, eadem maxime vehementissimeque  
pulsantes. Tum plurimi per totum corpus pili, atque hi quidem in capite plurimi  
incrementi, nigri, & crispi, utique in prima ætate, procedente vero tempore calui-  
ties excipiet. Quinetiam eiusmodi hominibus cum æqualiter sunt attemperati,  
& robustum, & exacte delineatum, & musculosum totum corpus erit; tum cutis  
nigrior, durior, atque hirsutior. Ad eundem modum si contraria omnia in thora-  
ce sint, ac æqualis in toto corpore temperies vigeat (id est, si humidiores, frigidio-  
resq. vniuersæ corporis partes sint) thorax quidem angustus & glaber erit; si-  
cuti etiā totum corpus pilis nudum; cutis vero mollis & alba, capilli subrui, po-  
tissimum in iuuentute. Hi in senectute non caluescunt, timidiq. statim, & igna-  
ui, \* & segnes; adde etiam paruis venis, ac minime conspicuis, et adiposi fiunt. \* & totum  
Idem nervis musculisq. imbecillis, et artubus parum exacto delineatis, et blæsis.  
**C** At ubi varia partium temperies est, ex vna earum pronuntiare de toto corpore  
non licet, sed adeundæ singulæ sunt, æstimandumque, quo temperamento ventri-  
culus, quo pu'imo, quo cerebrum, ac reliquarum per se vnaqueque seorsum sit.  
Atque hæc quidem ex functionibus noscenda, cum nec manuum contrectatione,  
nec oculorum inspectione inuenisse eorum temperiem sit.

Cum in corporibus æqualiter intemperatis ex vna particula cognosci possit  
totius corporis temperies, merito nunc tradit æqualium intemperierum no-  
tas; non quidem omnium, ut fecit in art. med. sed earum dumtaxat, quæ om- A cap. 52.  
nium sunt frequentissimæ, & quibus cognitæ reliquæ facile cognosci pos- ad 59.  
sint: quales sunt calida & sicca, frigida & humida. Calidæ igitur & sicciatem  
**D** periei æqualis hæc sunt notæ. Thorax latissimus ob cordis caliditatem; arteriæ  
magnæ, quæ ob auctum vsum magnos pulsus edunt, & vehementes ob facul-  
tatis robur; venæ itidem latæ, quia iecur est calidū; pili per totum corpus ha-  
bitum plurimi ob copiam fuliginum, & siccitatem cutis; capilli plurimi incre-  
menti ob eandem causam; crispi propter fuliginem & cutis capitis siccitatem.  
Procedente autem tempore caluities excipiet, quoniam capitis cutis quæ iusto  
sicciior fuerat ab initio, ætatis progressu veluti testacea redditur. Totum cor-  
pus robustum est, exacte delineatum, & musculosum. Robustum quidem, quia Lib. 3. de cau.  
facultates ad agendum excitat calor, siccitas vero robur actionibus addit. sympt. cap. 3.  
Ceterum dum calidis & siccis corpus robustum esse dicimus; agile, &  
ad omnes functiones obeundas bene comparatum intelligimus. Solent enim  
alioqui qui calidi sunt & sicci, cum laboriosum aliquod opus moliantur, prom-



In art. med.  
cap. 58.

pte concidere, & (vt antea diximus) solius inedia occasione in grauissima labi A  
symptomata: præsertim si magna fuerit intemperies. Est quoque corpus ex-  
acte delineatum, quia ob robur caloris partes exacte formantur, & propriis li-  
mitibus circumscriptæ, à se inuicem distinguuntur. Adde quod gracillima sint  
corpora calida & sicca, quibus deficiente pinguedine & carne, totus corporis  
habitus exacte delineatus conspicitur. Potissimum vero conspicui sub cute sunt  
musculi, à se manifesto distincti; vnde corpus dicitur musculosum. Postremo  
cutis nigrior est propter calorem; durior propter siccitatem; hirsutior propter  
vtrumque. Porro frigida & humida intemperies æqualis ex contrariis signis di-  
gnoscitur. Thorax angustus est & glaber ob cordis frigiditatem. Totum corpus  
glabrum ob fuliginum inopiam, & cutis mollitiem. Hæc itidem alba est, nisi  
multa sit in corporis habitu pituitæ copia; tunc enim, vt Galenus ait, color est  
potius veluti plumbeus. Capilli sunt subrubi, potissimum in iuuentute, in pue- B  
ritia enim potius albicant. Hi non caluescunt, quoniam capitis cutis humidior  
est. Timidi sunt, & ἀτολμοι id est pusillanimes, quia cor frigidum habet. Sunt iti-  
dem segnes & pigri ad motum reliquasque functiones, quia frigiditas omnes  
animæ actiones torpidas reddit. Venas habent paruas, quia frigidum est iecur;  
& minime conspicuas, tum ob paruitatem, cū potissimū propter corporis cras-  
sitiem, sunt enim hi omnium maxime obesi. Nervos & musculos habent inbe-  
cillos, & artus ob præpollentem frigiditatem parum delineatos. In his itaque,  
aliisque similibus intemperiebus æqualibus, ex vna dumtaxat parte de totius  
corporis temperie iudicium ferri potest. In corporibus vero inæqualiter intē-  
peratis præstat potius propriam partium internarum temperiem ex propriis  
actionibus æstimare, vt sequenti capite dicemus.

Simul autem pensitandus & continentium ea partium affectus est, quarum C  
omniū extrema est cutis. Hæc in nostra regione quæ vtiq. temperata est, subiecta-  
rum partium naturā prodit; quāquam nec in ea simpliciter loquenti omnium, sed  
dumtaxat earū quæ similem habent cuti temperiē. At in iis qui sub Vrsa & sub  
Meridie sunt locis, quoniam corporū quæ in altero sunt calor, in altū a circum-  
dante extrinsecus & vincente frigore est fugatus, alterorum in cutem ab exter-  
no calore attractus prodiit; non potest ex eo affectu qui in cute cernitur, interna-  
rum particularū temperies clare discerni. Quippe corporis temperies in regioni-  
bus his quæ a temperie recesserunt, inæqualis visitur, externis scilicet internisq.  
partibus ad eundem se modum non habentibus. Gallis enim, & Germanis, & D  
omni Thracio, ac Scythico generi frigida humidaque cutis est, ideoq. etiam mol-  
lis, alba, & pilis nuda. Omnis vero naturalis his calor in viscera vna cum san-  
guine confugit, vbi dū agitatur, premitur, & feruet; iracūdi,\* audaces, & præ-  
cipitis consilii redduntur. Æthyopibus vero, & Arabibus, omnibus deniq. iis qui  
ad meridiē incolunt, natura cutis ex ambiētis æstu, et naturali calore foras ætlo,  
vsta, dura, sicca, et nigra redditur; toto corpore naturalis quidem caloris exi-  
guam obtinente portionem, sed alieno atque adscititio incalescente.

Duo quæ sequuntur præcepta, ad cutis affectum pertinent, ex quo interdum  
licet totius corporis temperiem colligere. Quippe (vt dictum est) calida cutis  
calidum

\* θυμολογ.



- A** calidum, frigida frigidum corporis temperamentum indicat. Præcipit itaque nunc secundo, ne ex cutis affectu de temperamento totius iudicium semper feramus, sed in regione tantum temperata. In hac enim sola, cutis quæ omnium partium viscera continentium extrema est, subiectarum partium naturam ostendere potest, utpote quæ ab ipsis mutata, eandem cum ipsis temperiem induat. Est tamē observatione dignum quod inquit hoc loco, cutem scilicet in regione temperata non omnium partium subiectarum naturam prodere, sed eandem tantumtaxat, quæ similem habent cuti temperiem. Quas recte interpretatur Lopezius eas esse, quæ cutem ipsam alterare, atque pro suæ temperatura modo mutare possunt. Tales autem sunt cor & iecur, quibus (ut sæpe diximus) magna vis inest mutandi vniuersum corpus; ut fatetur etiam Galenus in art. med. ita scribens, Totius autem corporis habitus diximus & superius, quomodo & hepatis & cordis naturam sequatur. Habent igitur cor & iecur similem cuti temperiem, quoniam suam cuti temperiem communicant; ostenditq. cutis cordis & iecoris naturam, quia ab his duobus visceribus cutis necessario mutatur. At reliquæ partes internæ cum sanguinis principia non sint, cutem haudquaquam immutant; neque enim si cerebrum frigidum sit, cutis est necessario frigida; neque si idem calida, si venter calidus fuerit. Quamvis negari non possit, quin eiusmodi partes à corde & iecore insigniter mutantur, fiantque proinde in suo genere calidiores aut frigidiores, pro calida aut frigida iecoris & cordis intemperie. Cum itaque in regione temperata nullam ab ambiente aëre insignem mutationem accipiat cutis, ipsius affectus cordis primum & iecoris, deinde vero corporis vniuersi temperiem certissime prodit. At in regionibus intemperatis, illique potissimum quæ vel extreme calidæ sunt, vel extreme frigidæ, numquam licebit ex cutis affectu totius temperamentum colligere; quoniam ab ambiente calido aut frigido nouum contrahit cutis affectum, à quo obscuratur, vel potius vincitur internarum partium alteratio. Fieri namque minime potest, ut in regione intemperata corpus sit æqualiter temperatum; contrario scilicet modo se habentibus partibus internis & externis. Hanc legitimam esse huius loci explicationem, ex his confirmari potest, quæ ipsemet Galenus in art. med. ad hunc modum scribit. Dicentur igitur & horum temperatura indicia in bene temperata regione, nam quæ male temperata sunt, cutem permutant ex se ipsis formantes; & quædam ex indiciis corrumpunt. Omnibus itaque qui frigidas regiones incolunt (quales sunt Galli, Germani, Thraces, & Scythæ) vniuersus corporis habitus frigidus est, interna autem viscera calent, fugato scilicet in profundum calore à vincere extrinsecus frigore. Atque hinc fit, ut cutis his omnibus frigida sit & humida, ideoque alba, mollis, & glabra. Sunt tamen iracundi, audaces, & præcipitis consilii ob sanguinis circa viscera feruorem. Nam quauis ob regionis frigiditatem sanguis in his difficile accendatur, semel tamen accensus feruorem non facile deponit: quo fit, ut cum sint laborum patientissimi, in strenuos milites plerumque evadant. Vocat autem Linacrus hoc loco itacundos, quos Græci *θυμολογους*, app. hâr; rectius tamen dixisset animosos; nã iracundi, quos *αγροθυμους*, vel *αγροθυμους* Græci vocant, frigidioris temperamento sunt prædicti pusillanimesque sunt teste Galeno. Immo iracundos iratis (Græce *αγροθυμους*) contrarios esse docuit Hippocratis sententia; ita ut irati magnanimi sint, & humilium rerum contemptores; iracundi vero generoso virilique animo non sint, sed potius pusillanimes. Videturque iracundos eos vocasse, qui leui occasione, aut etiam citra rationem

Cap. 50.

Cap. 50.

Lib. 1. epid.  
par. 2. com. 72.

R. 2 irascun-



irascuntur; quales sunt mulieres, pueri, & viri etiam pusillanimes; quibus **A** imbecillima est facultas irascibilis cordis. Iam vero Aethyopibus, Arabibus, omnibus denique qui extreme calidas regiones habitant, extrema cutis ab ambientis aestu, & naturali calore foras acta, vsta, sicca, dura, & nigra redditur; interna tamen viscera minimum retinent innati caloris, unde fit, ut sint imbecillima. Facile itaque in his ob ambientis aestum sanguis fervere solet, sunt tamen pusillanimes ac timidi, & prompte concidunt ob innati caloris inopiam. Neque is locus durior est, ut sentit Hieremias, cum & rationi omnino consentiat, & experientia.

Græce additur  
ἀνὰ μίαν.

Quippe id quoque ab Aristotele in multis est traditum, estque illi (si alteri **B** vili) attendendum; ac in singulis corporibus aestimandum, suone & proprio, an adscititio calore incalēat. Quæ enim putrescunt omnia, adscititio calore sunt calida, proprio frigent. Qui meridianam plagam incolunt, adscititio calore sunt calidi, proprio frigidi. Iam apud nos quoque naturalis calor hyeme est vberior, adscititius minor; æstate contra adscititius maior, naturalis minor. Omnia namque hac definiat oportet, qui recte temperamentum est cogniturus. Neque enim omnino si cutis nigrior apparet, iam totus homo calidior est; sed si ita est ceteris omnibus simili modo se habentibus. Siquidem si alter in sole versatus diutius est, alter in umbra; illi nigrior, huic albidior cutis erit. Verum hoc ad totius temperamenti alterationem nihil facit, ipsa namque cutis sub sole diutius habita, siccior; in umbra humidior euadet: non tamen naturalis temperies, vel iecinoris, vel **C** cordis, vel alterius cuiusquam visceris statim mutabitur.

Præcipit tandem, ut adscititias cutis qualitates à natiuis ac propriis distinguamus; cum ex his totius corporis temperamentum colligi possit, illa vero ad temperamentum dignotionem nihil prius conferant. Id prius explicat in calore cutis, & eiusdem colore, licet & reliquarum qualitatum (veluti duritiei & mollitiei) eadem sit ratio. Non igitur si calida tangatur cutis, statim indicare oportet uniuersum corpus esse calidum; ne fortasse quod à causa quapiam externa ortum habuit, id propriæ corporis naturæ perperam tribuamus. Est itaque corpus calidum, si calor qui in cute sentitur, à nulla causa externa, velati sole aut exercitatione, originem traxerit. Porro quod calor interdum proprius sit, interdum adscititius, cōfirmat exemplo corporum putrescentium, regionum, **D** & anni temporum. Nam quæ putrescunt adscititio calore calent, proprio frigent; & in frigidis regionibus interna viscera innato calore calida sunt, adscititio frigida; & tandem æstate adscititius calor maior est, innatus minor; hyeme vero contra. Eadem ratio coloris est, qui & adscititius & congenitus esse potest. Veluti color niger si natiuis sit, temperamenti caliditatem indicat; si vero, ex mora sub sole ortum trahat, nihil facit ad temperamentum dignotionem. Et albedo cutis, si innata fuerit, temperamenti frigiditatem demonstrat; si vero, ex diuturna in carceribus mora, aut vita utcumque umbratili ortum habuerit, nullius temperamenti est nota. Hæc itaque tria si obseruentur, licebit utique ex una parte, potissimumque ex cutis affectu, de totius corporis temperie iudicium ferre. Alioqui tutius fuerit, singularum partium internarum propriam temperiem ex propriis functionibus explorare, ut sequenti capite docebit.



A

## CAP. IX.



**P** T I M V M igitur fuerit, sicuti prius est dictum, cuiusq. seorsum particulae temperamenti notas comparasse. Verbi gratia ventriculi, si is bene concoquit, quod temperatus sit; si non bene concoquit, intemperatus. Si nidorosos quosdam vel fumosos edit ructus, quod igneus in eo calor & immoderatus sit; si acidus, imbecillus & infirmus. Simili modo si qui bubulam, & omnia quae concoctu difficilia sunt, concoquunt, eorum calor immodicus sit; si qui vero haec concoquere non valent, sed saxatiles pisces, & talia concoquunt, infirmus.

Absoluta disputatione de cognoscendis temperamentis hominum, ad alteram nunc aggreditur, quae in cognoscendis partium internarum temperamentis versatur. Non enim satis erat nouisse singularum partium temperamēta, collatione facta ad cutem, quae in genere partium temperatissima est; nisi etiā cognouerimus, qualis sit in sua specie vniuscuiusque partis temperies. Methodum itaque in primis proponit omnium partium temperamentis inquirendis communem; deinde vero eandem priuatim exercet, ventriculi temperiem inuestigans. Hoc namque vnico exemplo in praesentia contentus, reliquarum partium temperamenta breuitatis causa praetermisit, quae diligenter persequutus est in art. med. Ac methodus quidem breuissima est & facillima, cum partium temperamenta ex propriis functionibus in vniuersum cognoscantur: quippe cum in intimo corpore delitescant, neque visu, neque tactu, qualis sit ipsarum temperies, explorare licet. Optima igitur cuiuscumque partis temperies ex propriae functionis perfectione cognoscitur; vt reliquorum omnium quae in suo genere aut specie media sunt: vtpote quae ad iustitiam tantum, non autem ad pondus sint temperata. Intemperies vero ex propriae actionis vicio deprehenditur; quod cum multiplex sit, varias intemperiei differentias ostendere potest. Hac methodo ventriculi temperies certissime facillimeque cognoscetur, cognita primum propria ipsius actione, quam omnes concedunt esse ciborum concoctionem. Si ergo ventriculus ingestos cibos optime concoquit, in sua specie temperatus censendus est, si male concoquit, intemperatus. At ex vicio concoctionis, qualis sit ventriculi intemperies, distinguemus. Sunt autem omnium frequentissima intemperies calida & frigida, quarum notas hoc loco tantum persequitur: quamuis & reliquarum signa tradiderit in art. medi. Si igitur ad eum modum vicietur in ventriculo ciborum concoctio, vt nidorosos quosdam ac veluti fumosos ructus ventriculus emittat, ignem esse ipsius calorem scire oportet: exhalant enim eiusmodi ructus à cibis in ventriculo corruptis potius quam incoctis. Atqui nidoris variae sunt differentiae, quae vix verbis exprimi possunt; nam oua putrefacta aliquando referre videtur, aliquando coenū, aut corruptos pisces, aut aliud quidpiam simile. Oportet tamen diligenter distinguere, an ventriculi, an potius ingestorum ciborum culpa nidorosi proueniant ructus: sunt namque alimenta quaedam, quae in nidorem mutari facile solent, quales sunt raphani, oua fricta, & quae bellaria vocantur. Quare si praecedente horum ciborum usu ructus nidorosi supervenerint, ventriculi calorem accusare non licet, sed deprauatam tantum victus rationem. Si vero ventriculus nidorem eructet eiusmodi cibis nequaquam ingestis, calida ipsius intemperies

A cap. 60.  
ad 64.

Lib. 3. de caus.  
symp. cap. 1.

Lib. 1. de loc.  
affect. cap. 4.

R 3

certissi-



Lib. 7. cap. 12.  
Lib. 3. collect.  
cap. 16.  
Aphor. 1. lib. 6.

certissime iudicatur. Porro si ita vicietur ciborum concoctio, ut ructus acidus A  
vêtriculus emittat, frigidam esse ipsius intemperiem intellige; dummodo à caus-  
sa externa huiusmodi vicium non proveniat, veluti ab immodico aceti & acido-  
rum pomorum usu. Ex his facile intelligitur Alexandri Tralliani error, tum-  
etiam & Auerrois, qui acidum saporem & frigiditatis & caliditatis sobolem  
esse posse aduersus Galenum temere contendunt. Neque his fauet aphorismus  
ille Hippocratis, In diuturna læuitate intestinorum si ructus acidus superveniat,  
qui prius non exstiterit, bonum est signum. Commendat enim Hippocrates ru-  
ctum acidum in lienteria, non quod robusti caloris sit indicium (est namq. per-  
petuo imbecilli caloris soboles) sed quod cibos, qui prius crudi omnino deici-  
ciebantur, aliquamdiu in ventriculo retineri, & utcumque iam alterari signifi-  
ficet. Quocirca in diuturna dumtaxat lienteria acidum ructum bonum esse di-  
xit, quoniam ea incipiente cum plerumque abolita adhuc non sit ciborum con- B  
coctio, acidi ructus nihil boni significantes interdum apparent, qui ingraues-  
cente malo prorsus abolentur. Iam vero neque omnem ructum acidum in diu-  
turna etiam lienteria commendat, sed cum tantum qui prius non exstiterit; quip-  
pe quæ à pituita (acidaque potissimum) ventriculum refrigerante fit lienteria,  
secum semper coniunctam habet *ὁ ἐγγεγυλισμένος*. Erit itaque ructus acidus certissi-  
mum frigidi ventriculi signum, non secus ac nidorosus ventriculi calidi; nisi (ut  
dictum est) ciborum culpa proveniat. Sed præter ructus alterum quoque pro-  
ponit utriusque intemperiei signum, ex concoctionis differentia desumptum.  
Si quis enim alimenta concoctu difficilia (ut bubulam & suillam) facile conco-  
quit, huic ventriculus calidus est immodice; frigidus autem, si hæc superare  
non possit, sed ea tantum quæ sunt concoctu facilia, ut pisces saxatiles, hepa-  
ta gallinarum, & ova sorbilia.

*Videndum autem hic rursum, num succi alicuius qui aliunde confluat culpa,*  
*eiusmodi symptoma ventriculo accadat; aliis enim ex capite pituita, aliis flava*  
*ex iecinore bilis in ventriculum confluit. Rarum tamen hoc cernitur, & pau-*  
*cissimis contingere; at compluribus a capite defluit pituita, atq. id maxime Ro-*  
*mæ, ac locis perinde humidis. Ceterum & quod raro accidit considerandum,*  
*nihilque pro superfluo habendum, aut negligendum. Siquidem ipse vidi qui-*  
*busdam perquam pituitosis hominibus multam tamen in ventriculo colligi fla-*  
*uam bilem; quam cum ante cibum aqua vino ve epoto euomere debuissent, si quid*  
*ciborum priusquam vomerent, gustassent, & hos corrumpere, & capite do-*  
*lerent. Cum hos quidam natura biliosos esse crederent, quamquam essent toto*  
*corpore molles, & candidi, & glabri, & adiposi, & venis ac musculis pa-*  
*rum conspicuis, præterea exangues, nec tangentibus admodum calidi. Vidi*  
*& qui bilem numquam vomuerunt, qui tamen & graciles, & hirsuti, & mus-*  
*culosi, & nigri, et venosi fuerunt, affatimque calidi (si quis tangeret) videban-*  
*tur: cuiusmodi habitu Eudemus philosophus erat. Sed incidit hoc loco specula-*  
*tio quædam anatomica, id est quæ ad corporum dissectionem pertinet, quam*  
*aliqui medicorum ignorantes, ex symptomatum dissonantia magnopere an-*  
*guntur; dum parum intelligunt, meatum illum per quem iecur bilem in ven-*  
*trem*



A trem euomit, aliis geminum esse, aliis vnicum: id quod in quadrupedum dissectionibus videre licet. Ac plurimum quidem vnicus est, in id intestinum, quod pylori (id est exitus fundi ventris) & ieiuni medium est, insertus: Græci medium id γαστήρ τε καὶ οἶστρον, quasi quiddam è ventre enatum vocant. Vel si geminus meatus sit; in ecphysin illam maior inseritur, minor in fundum ventriculi paullo supra pyloron inuenitur; sed tamen in paucissimis superior pars maior, inferior minor. Ceterum quibus est maior, his in ventrem quotidie non exiguum bilis effunditur, quam & euomant ante cibum oportet, & nisi id faciant læduntur; quibus autem vnicus est omnino meatus, his tota bilis confluit in ieiunum.

B Ructus nidorosus nisi culpa ciborum aciderit, calidam ventriculi intemperiem indicat, quemadmodum ructus acidus intemperiem frigidam. Distinguere tamen oportet, an eiusmodi intemperies propria ventriculi sit, an afficiatur potius per consensum, pituita vel bile aliunde ad ipsum confluente. Quibusdam enim ex capite defluit ad ventriculum pituita, cuius occasione male concoquens acidum eructat: quod quidem in his locis frequentissimum esse solet, quæ distillationibus sunt obnoxia; qualis est Roma, & nostra etiam Valentia. Aliis itidem flaua bilis ex iecore ad ventriculum confluens, ingestos cibos corrumpit, atque in nidorem conuertit: id quod rarissimum esse inquit Galenus. Verum cum experientia monstret, & febricitantibus, & iis qui iam iam labuntur in febres, vomitum bilis frequentissime accidere; quod à Galeno nunc dictum est, de sanis necessario intelligendum censemus; in quibus bilis ad duodenum plerumque expurgatur, rarissime autem ascendit ad ventriculum: id

C namque his solis accidit, quibus geminus factus est meatus ille, per quem bilis secundum naturam expurgari solet. Est autem huiusmodi meatus plerumque vnicus, qui in ecphysin inseritur; interdum geminus, in duosque ramos diuisus, quorum alter in ecphysin, alter vero in ventriculi fundum protenditur. Porro rarissima esse solet gemini huius meatus formatio, usque adeo vt semel tantum à se visam fuisse tectetur diligentissimus Vesalius. Si igitur duplici existente Lib. 5. de fa-  
meatu, quæ portio ad ventriculi fundum fertur altera sit maior; plurimam bilis bri. corp. hu-  
copiam ad ventriculum quotidie transmitti, & nisi vomitu prius reiecta fuerit, ma. cap. 8.  
& cibos ab ea corrumpi, & ex his corruptis nidorosos ructus gigni necesse est. Quæ sane Galeni sententia verissima est, etiam si Vesalio suspecta videatur, quod remex ille in quo bilis meatum geminum inuenerat, vomitu nunquam

D fuisse vexatus. Neque enim omnibus his quibus geminus est eiusmodi meatus, biliosum vomitum accidere dixit; sed his dumtaxat, quibus maior eius meatus portio in ventriculi fundum inseritur. Quare si maior portio inferatur in ecphysin, cum minima bilis portio ad ventriculum ascendat, eaq. facile possit ad intestina depelli; neque bilis vomitus, neque ructus nidorosus necessario sequitur. Cum igitur varia huius meatus structura non sequatur corporis temperiem, fieri aliquando potest, vt qui natura frigidus est ac pituitosus, aut bilis quotidie vomat, aut nidorem patiatur. Quod confirmat historia cuiusdam, cuius etiam meminit in art. med. cap. 74. & nomen expressit lib. 2. de rat. vict. in morb. acut. com. 29. Paulum rhetorem fuisse scribens. Fieri itidem potest, vt qui natura calidi & sicci sunt ac biliosi, bilem nunquam vomant; cuiusmodi habitu præditum fuisse inquit Eudemum philosophum.



Quamā igitur ratione dignoscere hos licebit? neq. enim dissecandos esse viros A  
 censeo. Primum certe totius corporis temperamento, veluti paullo supra est pro-  
 positum. Deinde iis quæ infra excernuntur, Eudemus enim biliosa mæra perpe-  
 tuo per se dem excernebat, utpote qui multam collegit bilem, cuius nihil in supe-  
 riorem ventrem peruēnit. Reliquis, qui scilicet & pituitoso erant corporis habi-  
 tu, & bilem vomebant; his haud quaquam erat alius biliosa, quippe cum &  
 minimum flauæ bilis gignerent, & plurima portio in superiorem ventrem perue-  
 niret. Tertium notæ genus in ipsis est vacuatis, nam quibus in ventre biliosum  
 excrementum gignitur, id porri colorem præfert; at quibus ex iecinore descendit,  
 his vel plane flauum est, vel omnino saltem pallidum. Præterea quibus in ven-  
 triculo bilis illa gignitur quæ porri colorem imitatur, debet omnino his cibus fuisse B  
 se, non panis, non suilla caro, simileve aliquid; sed necessario aliquid quod his  
 calidius fuit, neque id boni succi. Quibus autem ex iecinore in ventrem defluit,  
 his flaua ea pallidave euomitur; etiam si boni inprimis succi fuit quod sumpse-  
 runt; etiam si ad summum fuit concoctum; immo vero magis ipsis qui ad vnguem  
 concoxerunt flaua vomuntur; atque etiam magis his qui diutius cibo abstinue-  
 runt. Quæ vero bilis porrum refert his solis gignitur in ventre, qui utique conco-  
 xerunt male. Quinetiam sollicitudo, ira, dolor, \* labor, exercitatio, vigilia, ab-  
 stinentia, & inedia, succi flauæ bilis plus acervant, propterea quod plus eius  
 succi in iecinore gignunt. Sunt igitur tum hæc certa indicia, tum adhæc quod C  
 ubi siccum & igneum ventriculi calorem conuersio ad biliosum sequitur, panis,  
 et suilla, et bubula caro, commodius quam saxatiles pisces concoquuntur; cum  
 si ex iecinore bilis affluat, ex comestorum mutatione nulla sequutura sit conco-  
 ctionis diuersitas. Atque his quidem discernitur, quod non temperamenti, sed  
 alterius cuiusquam gratia prouenit.

Quinque signis distinguere possumus, an cibi corrumpantur ob calidam ven-  
 triculi intemperie, an potius ob bilem, quæ viciata meatus bilis structura con-  
 fluat ad ventriculum. Inprimis ex totius corporis temperamento, nam si is qui  
 nidorem patitur natura frigidus sit & pituitosus, huic profecto viciata est eius  
 meatus structura. Sic Paullus ille rhetor (ut antea diximus) cum toto corpore  
 frigidus esset, bilem quotidie vomebat. Secundo ex alui excrementis, quæ bi- D  
 liosa iis esse solent qui temperamento sunt calido; qualia refert hoc loco fuisse  
 Eudemo. At si bile tincta non fuerint, maior meatus portio ad vëtriculum fer-  
 tur, cum tota fere bilis ad ipsum confluat. Sic namque in Paulo se coniectura  
 deprehendisse scribit, male formatum fuisse meatum, quod alui excrementa  
 albicantia redderet. Quod tamen de sanis intelligere oportet, in ictericis enim  
 albicant alui excrementa, bilis autem meatus geminus non est, sed tantum ob-  
 structus. Tertium notæ genus in ipsis est vacuatis, id est in bile quæ vomitu reii-  
 citur. Nam quibus in ventriculo gignitur bilis, porri virorem refert; quibus ve-  
 ro ex iecore confluit, his pallida est vel flaua. Quo loco aduerte, non dixisse  
 Galenum, in ventriculo tantum gigni bilem porraceam, pallidam vero & fla-  
 uam,



- A** uam tantum in venis; nam & in venis porracea, & flaua in ventriculo gigni potest, vt alibi docebimus. Sed tantum monet, colorem bilis quæ vomitu reiicitur, considerandum esse, vt ex eo distinguamus, corrumpatur ne cibi culpa ventriculi calidi, an potius quod viciata meatus bilis formatione, bilis ad ventriculum confluat. Nam si bilis porracea sit, ventriculus calida intemperie laborat; si pallida aut flaua, confluit potius ex iecore. Quod itidem in sanis intelligendum est, quibus porracea bilis in ventriculo tantum gigni potest; quæ enim in vasis gignitur, grauissimorum morborum est soboles. Et quibus sanis vomitu reiicitur pallida bilis aut flaua, his meatus bilis male formatus est; quâuis ægrotantibus frequenter vomatur citra meatus vicium. Quarta nota desumitur ex præcedente victus ratione, nam quibus in ventriculo gignitur porracea bilis, debet omnino his cibis fuisse, non panis, non suilla caro, simile ve aliquid; sed necessario aliquid, quod his calidius fuit, neque id boni succi. Quem
- B** locum sic plerique interpretantur, vt velit Galenus porraceâ bilem non posse gigni in ventriculo, nisi præcesserit vsus ciborum calidorum & prauis succi: qualia potissimum olera sunt, ex quibus (vt ipse met fatetur) huiusmodi bilis in ventriculo gigni solet. Atqui cum instituerit nunc distinguere, an ciborum in nidorem conuersio ex calida ventriculi intemperie proueniat, an potius ex bile, quæ ob viciatam meatus structuram ad ipsum cõfluat; quid ad hoc distinguendum faciat præcedens victus ratio, intelligere non possum. Esto namque, vt ex prauis cibis ingestis genita in ventriculo sit porracea bilis, quæ vomitu reiiciatur; numquid statim igneum ventriculi culpabis calorem? At quamuis in ventriculo calido eiusmodi cibi facilius corrumpantur, negari tamen non potest, quin & in ventriculo temperato ex olerum, similiumq. prauorum ciborum immo dico vsu bilis porracea gigni possit. Cibos igitur qui ex sua natura facile corrumpuntur (quod nos antea fecimus) excludere oportet, qui nullam prorsus ventriculi intemperiem indicare possunt; propria vero ventriculi calidi indicia diligenter animaduertere. Inter quæ non postremum locum id obtinet, cuius in præsentia meminit, & multo dilucidius in art. medi. vbi ventriculū calidum ex eo cognosci scribit, quod solida, concoctūq. difficilia alimenta felicius concoquat; tenuia vero, & concoctu facilia potius corrumpat. Id ipsum ergo significat in præsentia, cum ait, quibus in ventriculo bilis porracea gignitur, his cibum fuisse, non panem, aut carnem suillam; quæ, cum alimenta solida sint, & proinde difficilis coctionis, in ventriculo calido recte fuissent concocta; tātum abest, vt corrupta, in succumque porraceum fuissent conuersa. Sed his cibis fuisse debuit necessario aliquid aliud, panem aut suilla calidius ac tenuius, proindeque concoctu multo facilius; id namque in ventriculo calido corrumpitur potius quam concoquatur: præsertim si boni succi nō fuerit. Quamuis absurdum non sit, ex alimentis etiam boni succi, dummodo concoctu facilia sint, ab immodico ventriculi calore bilem porraceam gigni, vt alibi dicemus. Hanc legitimam esse huius loci explicationem, confirmant ea quæ statim subiunget, tradens postremum huius distinctionis indicium, ex iuuantibus & nocentibus petitum. Ex quibus patet, ciborum corruptionem à calida ventriculi intemperie prouenientem ex eo dignosci, quod assumptis cibis cōcoctu facilibus sequatur bilis porraceæ vomitus. At quibus ex iecore confluit bilis, his pallida aut flaua vomitu reiicitur, qualiacumque ingesta sint alimenta, siue facilis, siue difficilis concoctionis. Immo licet boni sint succi, & perfectissime in ventriculo concocta, bilis euomitur; & magis iis qui ad vnguem concoxerunt, cum bi-

Lib. 2. prog.  
com. 39.

Cap. 62.



Cap. 4.

Is sit secunda concoctionis excrementum. Solent itidem precedere quæ corpus calfaciunt & exsiccant, plurimamque proinde in corpore bilem gignunt; veluti inedia, sollicitudo, ira, mæstitia, labor, & alia similia. Postremum huius distinctionis signum ex inuantibus & nocentibus petitur, quemadmodum etiam docuit lib. 1. de loc. affect. Quippe si ab igneo ventriculi calore nidorem provenisse suspiceris, victus rationem statim immuta; eaque alimenta exhibe, quæ solidiora sint, & difficilis concoctionis, ut suillam, aut bubulam. Quod si eiusmodi alimenta felicius concoqui observaueris, certo iam intellige, igneum esse ventriculi calorem. At quibus ex hepate confluit bilis, nulla ex tali victus mutatione sequeretur utilitas; nam qualiacumque alimenta ingerantur, nisi ante prandium bilem quæ ad ventriculum confluit, vomitu reiecerint, necessario corrumpuntur. Hæc quinque signa si attente observaueris, certo distingues, an ructus nidorosi à calida fiant ventriculi intemperie, an potius affecto per consensum ventriculo, ob depravatam meatus formationem bile ad ipsum ex hepate & venis confluente.

*Ad eundem modum si defluens a capite in ventrem pituita acidi ructus causa est, conveniet simili ratione hinc quoque a ventris proprio affectu hæc discernere. Æque vero et capitis dolores, ex propria ne eius intemperie, an propter ventris aliqua excrementa incidant, discernendi.*

Acidi ructus, non secus ac nidorosi, interdum fiunt ex propria ventriculi intemperie, interdum vero ventriculo per consensum affecto; quando scilicet aliunde fluentem pituitam excipit. Excipit autem à capite frequentissime in distillationibus, in quibus affectum cerebrum ad partes inferas, veluti nares, palatum, pulmonem, & ventriculum, noxiam fluxionem depellit. Quæ igitur pituita ex capite ad ventriculum distillat, ipsum refrigerans acidus ructus creat; præsertim si & ipsa acidula fuerit. Quare distinguendum est necessario, fiantne acidi ructus culpa ventriculi frigidi, an ob pituitam ex cerebro distillantem. Quomodo id distinguere oporteat, non explicat in præsentia; tum quod manifesta sint distillationis indicia; cum potissimum, quod huiusmodi distinctio ad disputationem de locis affectis potius pertineat, in qua generalis traditur methodus distinguendi affectus proprios ab affectibus per consensum. Iuxta quam methodum cerebro pituitam transmittenti ventriculum consentire ex his facile cognoscas, quod affectus ventriculum non semper affligat, sed per certa temporum intervalla repetat; & quod male habente cerebro, male habeat ventriculus; & cessante cerebri affectu ventriculi affectus similiter quiescat; ac tandem, quod affectus ventriculi idoneis adhibitis remediis curari non possit, donec capiti sit prospectum. Neque mirum videri debet, si ventriculus capiti laboranti consentiat, cum & caput ipsum in ventriculi consensum sæpe trahatur. Id quod in capitis doloribus frequentissime experimur, qui aliquando fiunt ex proprio capitis affectu, aliquando vero à vaporibus sursum ex ventriculo ascendentibus. Hæc docet Galenus hoc capite de cognoscenda calida ventriculi intemperie, tum etiam & frigida, ex propriæ functionis vicio; alia ramen utriusque intemperiei signa adiunxit in art. medi. Quippe calidus ventriculus melius concoquit quam appetat; cibus ac portionibus calidis oblectatur; neque à frigidis noxam ullam percipit, si modice ipsis utatur. Frigidus ventriculus contra plus appetit quam concoquat, præsertim cibos difficilis coctionis ac frigidos, qui facile

Cap. 62.



A facile acēscunt; frigidis gaudet, sed ab immodico ipsorum vsu facile offenditur; & frigida quæ extrinsecus occurrant, nequit longiori tempore tolerare.

Iam cerebrum ipsum cuius sit temperamenti, per se æstimare est satius, quam ex corporis totius affectu. Ipsius autem per se consideratio, ex canitie, catarrhis, tussi, distillatione, et saluæ copia initur; quippe quæ omnia id frigidius humi-  
diusque esse doceant: atq. his amplius, si ex leui qualibet occasione\* in hos de-  
uenit affectus. At caluities ex siccitate prouenit; nigrorū autem et frequentium  
pilorum prouentus æqualis in cerebro temperamenti nota est.


\* κρύστα.

\* πρὸς ποσὶν.

B Extremo hoc capite scribit breuissime signa temperamēti cerebri, ac potissi-  
mū frigida & humida intemperiei, quæ frequentissima est distillationis causa;  
cuius occasione (vt dictum est) sæpe ventriculus afficitur. Cerebri quidē tem-  
peries, auctore Galeno, ex quinque signorum generibus in vniuersum cognos-  
ci potest, ex totius capitis dispositione (quæ magnitudinem, figuram, & capil-  
los comprehendit) ex actionibus animæ principibus, & non principibus; ex  
actionibus eiusdem cerebri naturalibus; & tandē ex cerebri alteratione ab iis  
quæ extrinsecus occurrūt. Nunc autē solius intēperiei frigida & humida notas  
proponit; neque has quidē omnes, sed eas dūtaxat, quæ & manifestiores sunt, &  
magis sensibiles. Hæ sunt, canities cito adueniēs, frequēs catarrhus, tussis, gra-  
uedo, & saluæ copia: præsertim si à causis externis, & manifestis (quas Græci  
προφάνεις vocant) in eiusmodi affectus facile incidat. Aduerte hoc loco cum  
C Fuchσιο, male Linacrum κρύσταλινον translulisse distillationem, quæ reuera distin-  
cta non est à catharro, cuius seorsum Galenus antea meminerat. Κρύστα vero,  
quæ Latinis grauedo dicitur, species est catharri siue distillationis, in qua flu-  
xio ad nares descendit. Porro quam temere ex hoc loco Hieremias colligat,  
distillationem à calore fieri non posse, nemo est qui nō intelligat. Reliquarum  
cerebri intēperierum vix meminit in præsentia, tantum enim docet, caluitium  
sicci cerebri indicium esse, & nigrorum frequentiumque pilorum prouentum  
signum esse æqualis in cerebro temperamenti, calidi scilicet & sicci: qui sane  
pilorum prouentus in iuuetute (vt ex superioribus constat) potissimū spectatur.

In art. medi-  
cap. 10.

C A P. X.

D  RGO ad hunc modum de temperamentis ineunda nobis consi-  
deratio est, quamque scilicet particulam seorsum perpendentius.  
Nec ausis ex vna pronuntiare de omnibus, quod vtique nonnulli  
fecerunt, qui resimos humidos, aduncos siccos esse dixerunt: et  
quibus parui sunt oculi, siccos; quibus magni, humidos. Atque de hoc quidem  
parum inter eos conuenit, alii namque eorum, qui scilicet humidis particulis  
oculos adnumerant, vbi eos maiores vident, in his humiditatem temperamenti  
pollere existimant. Alii caloris vehementia, qui in prima formatione sursum  
confertim magis, copiosiorque ferebatur, non oculos modo, verum etiam os ipsum,  
et reliquos omnes meatus ampliores factos aiunt: ita non humiditatis id, sed ca-  
loris indicium esse. Verum ambo a veritate aberrant. Vno modo, eoq. communi,  
quod



quod vnius particula occasione, de toto corpore pronuntiare sint ausi. Altero, **A**  
 quod formatricis in natura virtutis, quae artifex facultas est, & particulas se-  
 cundum animi mores effingit, parum meminere. De hac namque Aristoteles  
 dubitauit, numquid diuiniore originis sit, & a calido, frigido, humido, &  
 sicco, res diuersa. Quo mihi minus recte facere videtur, qui tam temere de rebus  
 maximis pronuntiant, & solis qualitatibus formandarum partium causam as-  
 signant: rationabile enim est haec organa esse, formatorem alium. Sed & citra  
 tam arduas quaestiones inuenire licet (sicut ostendimus) humidam, siccam, fri-  
 gidam, calidamque temperiem. Errant igitur qui propriis indiciis neglectis, ad  
 ea quae longe posita sunt, & magnae quaestioni fuerunt, & ad hunc vsque diem  
 optimis philosophorum dubitata sunt, conuertuntur.

**B**  
 Ut huic disputationi finem imponat, reprehendit tandem extremo hoc libro  
 veteres quosdam medicos, qui de temperamentorum notis perperam disputa-  
 runt. Animaduertit autem quattuor potissimum errores ab illis commissos, in-  
 ter quos primum obtinet locum error eorum, qui ex sola vna particula de to-  
 tius corporis temperie iudicium ferre tentarunt. Et (quod maius est) neglectis  
 iis quae eius partis temperiem ostendere possunt indiciis, solam interdum par-  
 tis magnitudinem aut paruitatem, figuram, colorem, gracilitatem aut crassitiem  
 obseruauerunt; quae parem aut nihil facere videntur ad partis, nedum ad totius  
 corporis temperamentum dignotionem. Ex horum numero inprimis sunt, qui ex  
 sola oculorum magnitudine aut paruitate totius corporis temperiem cognos-  
 ci posse crediderunt. Quamuis neque de hac re inter ipsos omnino constet, aliis  
 quidem oculorum magnitudinem temperamenti humidi, aliis potius calidi nota  
 esse existimantibus. Qui humidi temperamenti indicium esse volunt, id ex  
 eo confirmant, quod oculi partes humidae sint, cum ex pluribus humoribus  
 constent: quare quo maiores, eo humidiores erunt. Qui vero calidam intem-  
 periem indicare asserunt, ex eo id probant, quod caloris proprium sit partes  
 omnes dilatare, meatusque omnes ampliores efficere. Quod si oculorum ma-  
 gnitudo aut humidi, aut calidi temperamenti est indicium, haud dubie ocu-  
 lorum paruitas temperamēti siccis, aut frigidi nota. Utrosque reprehendit Ga-  
 lenus duplici nomine: primum quidem generali ea ratione, quod vnius parti-  
 culae occasione de toto corpore iudicare sunt ausi; quod tamen (ut supra mon-  
 strauimus) facere non licet, nisi corpus fuerit aequaliter intemperatum. Deinde  
 vero, quia parum meminisse videntur facultatis formatricis, cuius magna ha-  
 benda est ratio, cum de partium magnitudine agitur; haec enim facultas est, quae  
 conuenientem figuram, debitam magnitudinem, iustum numerum, decentem-  
 que compositionem singulis partibus tribuit: & (ut ait hoc loco) haec artifex est  
 facultas, & particulas secundum animi mores effingit. Si igitur formatrix fa-  
 cultas quattuor qualitatuum temperiem sequeretur, recte fortasse ex oculorum  
 paruitate aut magnitudine, si non totius corporis, saltem eorundem oculorum  
 temperiem colligerent. Atqui ab Aristotele aliisque philosophis diu multum-  
 que dubitatum est de formatricis essentia, sitne posita in qualitatuum temperie,  
 vel diuiniorem habeat originem. De qua etiam re plerisque in locis dubius est  
 Galenus, quamuis hoc loco videatur sentire, diuiniorem originem habuisse a qua-  
 litatibus prorsus distinctam: scribit enim, esse rationi consentaneum, qualita-  
 tes or-



- A res organa esse, formatorem vero alium. Sed rem hanc accuratius explicaturi sumus lib. i. de fac. nat. Cum igitur illi ad solas qualitates formandarum partium causam rerulerint, de rebusque maximis ac difficillimis (qualis formatricis essentia est) simpliciter pronuntiarint; iusta reprehensione digni videntur. Quod si diuiniore originis sit facultas formatrix, cum magnitudo oculorum & paruitas facultatis formatricis sint opera, neque totius corporis, neque ipsorum oculorum temperamenti notę esse possunt. Quid igitur, inquires, indicabunt magnitudo & paruitas oculorum? Certe si Galeno credimus, oculorum magnitudo solam indicat materię copiam, & eiusdem inopiam oculorum paruitas. Quod si oculorum magnitudini coniuncta sit proprię functionis (nempe visionis) perfectio, simul cum materię copia optima indicatur temperies: si vero oculi magni imbecilliter videant, materia quidem copiosa existit, intemperata tamen.
- B Eadem ratio & paruitatis est, nam si oculi parui exacte videant, optima indicatur temperies simul cum materię inopia, si vero culpata visionem exerceant, & pauca, & male temperata ab initio materia fuit.

In art. med.  
cap. 24. & 25.

Neque enim propterea quod pueri nasus magis sunt resimilis, florentes aetate magis aduncis; idcirco rationabile est, resimos omnes humidos censere, aduncos siccos: sed fieri potest, ut formatricis virtutis eiusmodi opus sit, potius quā temperamenti. Quod si temperamenti est nota, at certe eius quod in naso tantum habetur, non eius quod in toto corpore, nota fuerit. Quare frustra illud prædicant, in siccis natura temperamenti nasum acutum, oculos cauos, tempora collapsa; quod scilicet in affectibus iis qui corpora liquant, atque supra quam par est inaniunt, hæc contingant. Sæpe namque sic accidit, sæpe non ita; sed videre licet totius corporis habitum, & mollem, & pinguem, & album, & carnosum, cum tamen oculi sunt parui, et nasus acutus. Rursus siccum, macilentum, nigrum, et hirsutum, ubi magni sunt oculi, et nasus resimilis. Præstat igitur, siquidem de solo agitur naso, ut ex eo resimo humiditatem, ex eo adunco siccitatem coniectes; nec de totius animantis temperie ex his particulis pronunties.

Ex nasi figura colligebant alii totius corporis temperamentum. Quippe cum pueri humidissimi sint, & nasum plerumque habeant resimilem, hinc colligebant resimilem nasi figuram humidi temperamenti indicium esse. Et rursus cum iuvenes natum habeant aduncum, simulque sint sicci, figuram nasi aduncam sicci temperamenti notam esse concludebant. Quod itidem confirmabant ex febribus malignis, & colliquantibus, in quibus præ nimia totius corporis siccitate & assumptione, lethalis ea facies oberrare solet, quam (quod ab Hippocrate descripta fuerit) Hippocraticam vocant, in qua nasus sit acutus, oculi caui, & tempora collapsa. Inefficaces tamē sunt huiusmodi rationes, quia licet pueri resimiles sint, non propterea necessarium est, resimos omnes esse humidos. Neque itidem est necessarium aduncos omnes esse siccos, etiam si iuvenes adunci esse soleant, & in febribus colliquantibus assumpta pinguedine & carne nasus acutus fiat. Est enim nasi figura facultatis formatricis potius quam temperamenti opus: aut si temperiem sequatur, non totius corporis, sed solius nasi temperamentum ostendet. Porro quod neque nasus acutus, neque oculorum paruitas siccitatem, neque nasus resimilis & oculorum magnitudo temperamenti humiditatem ostendunt;

Lib. i. progr.  
sent. 8.



daus, vel ex iis quæ experientia sunt cognita, discere licet. Sunt enim nonnul- A  
 l., qui cum pingues sint, aut carnosi, candidi, ac molles ( quæ humidi tempera-  
 menti sunt signa) habent tamen oculos paruos, & nasum acutum. Rarius alios  
 videas, quibus nasus resimus est, & oculi magni, quos tamen sicco tempera-  
 mento præditos esse constat, cum duri sint, graciles, nigri, & hirsuti.

Pari modo oculorum & alterius cuiuslibet particule temperamentum ex  
 propriis indicibus æstimare est satius, non de totius corporis temperie ab vna qua-  
 piam particula indicium sumi: cum siue humoris vincentis, siue caloris, siue e-  
 tiam amborum, casios oculos indicium st. tuere oportet; utique proprii ipsorum  
 sic, non omnium totius corporis partium temperamenti documentum erunt.

Ex colore item oculorum colligebant alii totius corporis temperiem, ac  
 potissimum ex oculis casios, quos glaucos, & caruleos etiam vocant. Quidam B  
 enim casios oculos temperamenti humidi, alii calidi, alii calidi si aut & humi-  
 di indicium statuerunt: qui sane communem cum superioribus reprehensionem  
 admittunt. Casios oculos ex humoris crystallini magnitudine, splendore, &  
 prominenti situ, necnon ex paucitate, & puritate aquei humoris, quemadmo-  
 dum, & nigros a causis contrariis nasci voluit Galenus. Quæ quidem sententia  
 plerisque suspecta, Vel alio autem viro est omnino talia, cum oculorum colores,  
 qui in variis hominibus variè apparent, turicæ vix, & genitos esse non ostendit ex-  
 perientia. Nam & indistinctis oculis, è quibus effusi sint humores, & in demor-  
 tuis, in quibus splendor vna cum spiritu iam evanuit, eundem adhuc colorem  
 retineri observamus. Quæ sane cum ita habeant, Galeni sententiam amice sic C  
 interpretaret, ut oculorum colores, qui turicæ vix sunt vera congeniti, ab  
 eiusmodi causis vel splendidiores, vel obscuriores reddantur. At splendor  
 casios, obscuritas nigriores oculos necessario efficiet.

Neq. enim si dura & macra crura sunt, omnino siccu est totius corporis tempe-  
 ramentu. Alii namq. affatim carnosi, & pingues, & crassi, & prominenti ven-  
 tre, & molles, & candidi, etiam cum eiusmodi cruribus cernuntur. Verum si totius  
 corporis temperies pari ratione se habeat; sicci omnino sunt quibus macra sunt  
 crura; humidi quibus crassa. Præterea quibus acutus est nasus, aut aduncus,  
 hi sicci; quibus resimus, humidi. Ad eundem modum de oculis, temporibus, cete-  
 ris denique omnibus particulis iudicandum. Quibus vero impar temperamentum  
 est, nec omnium particularum idem; alienum a ratione est; ex unica particule D  
 natura de omnibus sententiam ferre. Porro tale quidpiam plurimis eorum im-  
 pesuit; cum non de hominum modo, sed etiam aliorum animalium totius corporis  
 temperamento, ex indicibus quæ in cute spectantur, iudicium ferre sunt ausi. Nec-  
 que enim si dura cutis est, necessario siccu est animal, sed fieri potest, ut tan-  
 tum cutis sic sit affecta. Sed nec si nigra hæc, hirsuta est, simili modo. Nec si  
 mollis hæc, depilata est, humidum ex necessitate totum est animal. Verum si per  
 totum æqualiter est attemperatum, ratio est, ut qualis sit cutis, talis sit & reli-  
 quarum partium unaquæque; sin inæqualiter, non item. Quippe osti earum tot-



**A** tum corpus humidissimum est, cutis ipsa siccissima; est enim his quæ teguntur testæ, cuiusmodi est nobis cutis. Atque hinc illis Græce nomen, ὀστρακώδης enim nominantur omnia eiusmodi animalia, propterea quod cutis eis ostraco, id est testæ, adsimilis est. Iam malacostraca, id est quæ molli testæ integuntur, (veluti marinæ locustæ, & gammari, & cancri) cutem quidē habent siccam, reliquam vniuersam temperiem humidam. Immo vero illud ipsum humiditatis in carne nonnumquam animalibus caussa est, quod siccam terrenamque portionem natura his vniuersam circa cutem reponit. Non est igitur putandum, nec quod cutis ostreis sicca est, illico carnem quoque esse siccam; nec quod hæc perhumida mucosaque est, iam cutem quoque eiusmodi esse: quippe æquum est quamque particulam ex seipsa dignosci.

**B** Ex crurum tandem gracilitate & crassitie tentarunt alii totius temperamentum colligere; existimantes scilicet, eos in vniuersum siccos esse quibus gracilia sunt crura; humidos vero, quibus crassa. Atqui fieri potest, ut qui reliquo corpore sunt humidi (quales sunt carnosi, aut pingues, molles, candidi, & prominenti ventre) crura habeant gracilia, & contra. Quamobrem etiam si gracilitas in vniuersum siccitatem sequatur, & humiditatem crassities; crurum tamen crassities, & gracilitas, non totius quidē corporis, sed eorūdem dumtaxat crurū humiditatem, siccitatemve indicabunt. Ex quibus tandem colligit quod explicauerat copiosius capite octauo, nunquam scilicet licere, ex vniua particula de totius corporis temperie pronuntiare, nisi corpus fuerit æqualiter intemperatum. In corporibus enim inæqualiter intēperatis, latius est singularum partium temperiem ex propriis indiciis inuestigare. Quod cum veterum plerique non distinxissent, non tantum in hominibus, sed in aliis etiam animalibus decepti sunt, ex sola cute de temperamento totius iudicium ferentes. Quæ sane iudicandi ratio fallax est, & omnino incerta, cum partes internas contrariam cuti intēperiem habere non raro contingat. Id quod in regionibus extreme calidis aut frigidis, hominibus accidere antea dixit. Sed & idem in iis animalibus nūc ostendit, quæ Græcis ὀστρακώδης, id est testacea, & μαλακώδης, id est crustacea dicuntur. Quippe cum hæc inæqualiter sint intemperata, cutem habent siccissimam & durissimam, carnem contra humidam ac mollem. Neq. id mirum, cum in prima horum animalium generatione, ad durissimum illud formandam tegumētum, crassiores subiectæ materiæ partes & magis terrestres foras natura propellat, humidioresq. tantum intus retineat. Dicitur autem testaceorum & crustaceorum caro humida ac mollis, ad cutem illam durissimam collata; nam in genere carniū dura est & concoctu difficilis; quamuis semel concocta ac lu-  
Lib. 3. de alim. fac. cap. 33.

**C** perata solidum partibus præbeat nutrimentum: quo fit, ut summa cum utilitate exhibeatur iis, quibus cibi ob igneum ventriculi calorem facile corumpuntur. An vero propinari debeat iis qui hæctica febre, aut marasmo absumuntur, non est huius loci explicare. Porro ex iis quæ in veteres medicos hæctenus dicta sunt, facile quivis intelliget, quanta nugacissimis Chiromanticis fides adhiberi possit, aut debeat. Quippe si ex vna parte, quæ ex numero etiam principum sit, totius corporis temperiem colligere non licet; quomodo quæto licebit, ex solis quæ in vola spectantur lineis, de hominum moribus iudicium ferre? At quid mores dixi? nam eo res redacta iam erat, ut de futuris contingentibus, & us

etiam



etiam (si Diis placet) quæ à libero arbitrio pendent, ex sola linearum obseruatione prælagire auderent. Sed audacem horum temeritatem, vel temerariam potius audaciam Sixtus V. Pont. Max. paucis abhinc annis repressit. A

*Ergo tum in his peccant ii qui commentarios de temperamētis nobis reliquerunt, tum quod id omittunt, quod Hippocrates rectissime admonuit; spectandum esse, ex quibus in quæ matationes sunt factæ. Fit enim non raro, vt præsens nota prioris temperamenti sit, non eius quod in corpore nunc habeatur. Veluti si quis annos natus sexaginta, denso pilo sit, non quod calidus et siccus nunc sit, sed quod antea talis fuerit. Consistunt autem ei prius geniti pili, ad eum modum quo herbe quæ vere sunt enatæ, nonnunquam perseuerant æstate. Aliis enim spatio et paulatim contingit a plurima illa hirtitate mutari, labentibus scilicet præni- B  
tia siccitate pilis, alius diutissime pili permanent; utiq. qui nec in processu temporis admodum siccantur, et a primo valentē habuerunt originem arborum \* ritu, quarum radices in terra valenter cōprehenderunt. Caue igitur, si quē pilosum admodum videas, hunc statim melancholicum putes; sed si quidem floret adhuc ætas, nondum esse talem; at si senex est, non item; fiunt namque melancholica temperamenta ex sanguinis adustione. Ceterum cum id pati incipit, non statim est percoctus; verum hirtus abunde qui calidus et siccus est celeriter erit, si modo eorum quæ proposita sunt meminimus; non illico melancholicus. Quippe cutis densitas crassiorum excrementorum transitum remorans, in temperamenti quæ calida in summo sunt, comburi ea cogit. Ita fit, vt tale his nunc sit excrementum quod pilos creat, quale olim procedente tempore in vasis [ sanguinis ] est futurum. C*

Alter medicorum error is est, quod temperamentorum notas tradentes, eas quæ ratione ætatū contingunt mutationes, nequaquam distinxerint; oblitum D  
mūm Hippocratici huius præcepti, Mutationes ex quibus in quæ fiant, attendendum. Quod sane generale præceptum rebus plerisque tractandis utilissimum, victus rationi instituendæ idem Hippocrates priuatim accommo-  
dauit, sic alibi scribens, Victus ex repletione inanitioneque constat cibario-  
rum ac potuum; horum mutationes ex qualibus in qualia vt se habeāt, spectan-  
dum. Hoc idem præceptum ad dignoscendorum temperamentorum rationem transferendum etiam esse nunc docet Galenus; quo neglecto totam hanc dig-  
notationem claudicare necesse est. Fieri namque potest, vt nota aliqua in cor-  
pore appareat, quæ non præsentis, sed præcedentis alicuius ætatis tempera-  
mentum indicet. Veluti si quis toto corporis habitu hirsutus sit, non statim in-  
dicandus est calidus & siccus, etiam si hirsuties calidi & sicci temperamenti sit  
notas sed corporis mutationem ab ætate prouenientem expēdere primū oportet. Nam si sexagenarius is sit, tantum abest vt sit calidus, quin potius censendus sit ætatis ratione frigidus. Hirsuties autem ea calidam & siccam præcedē-  
tis iuuentutis intemperiem dumtaxat indicabit, in qua maximus esse solet pilorum prouentus. Quod vero pili in iuuentute geniti ad senectutem vtque perdurent, ob duplicem sit causam; & quoniam pili in primo ortu validam habuerunt  
originem

Lib. de humor.  
c. m. 2. sent. 8.

Lib. 6. epid.  
par. 8. sent. 1.



**A** originem, stirpium ritu quæ firmas in terram radices egerunt; & quoniam hominis corpus temporis processu non admodum est siccatum. Diximus enim agentes de caluitio, immodicam cutis siccitatem causam esse defluuii pilorum. Neque vero hæc ætatum distinctio ad temperamentorum cognitionem utilis tantum censetur, verum etiam ad intelligendam humorum in corpore redundantium naturam. Vt si quempiam admodum hirsutum videas, caue ne hunc statim melancholicum iudices, etiamsi adustarum fuliginum copiâ indicet hirsuties. Nam si ætate floret qui hirsutus est, biliosus potius est quam melancholicus; cum in iuuentute flaua bilis potius quam atra redundet: erit tamen paulo post melancholicus. Sin autem senex sit, non est amplius melancholicus, etiamsi talis antea fuerit; sed pituitosus iam est ob caloris imbecillitatem. At si ætate declinet, is haud dubie melancholicus est, quia (vt Galenus ait) melancholica temperamenta ex sanguinis adustione fiunt. Quem locum diligenter

**B** obseruare oportet, cum ex eo constet, melancholici humoris generationem ad sanguinis adustionem referri debere. Quo nomine melancholicus humor conuenit cum flaua bile, quod scilicet vterque humor ex sanguinis adustione secundum naturam gignatur; flaua quidem ex parte sanguinis tenuiori; atra vero ex crassiori. Aduritur autem in iuuentute sanguis ob immodicum huius ætatis calorem; in ætate vero declinanti ob sanguinis feruorem in iuuentute præcedentē, plurima atra bilis in vasis colligitur. Quo fit, vt in sola ætate declinante melancholica temperamenta secundum naturā fieri possint. Errant igitur, qui ex flaua aut vitellina bile adusta atram bilem in declinanti ætate gigni arbitrantur, nam quæ ex flaua aut vitellina gignitur atra bilis, omnino præter naturam est; quæ vero in ætate declinante redundare solet, & naturalis est, &

**C** ex sanguinis adustione ortum habet. De generatione tamen humorum alibi agemus ex institutō: hunc vero illud explicemus, cur in declinante ætate potius quam in iuuentute melancholica temperamenta fieri contingat. Si namque (vt dictum est) ex sanguinis adustione fiunt, fient potius in iuuentute, in qua ob calorem immodicum feruet & adurit sanguis, qui in ætate declinanti feruorē iam deposuit. Respondet Hieremias, nō ex quauis bile atram gigni posse, sed ex ea tantum quæ crassa est, qualis est vitellina. Hanc inquit in ætate declinante gigni, in iuuentute vero potius flauam; atq. hinc fieri, vt in iuuentute temperamenta fiant biliosa, in ætate declinante potius melācholica. Sed insanit iste multis nominibus. Quis enim sanæ mentis crediderit, vitellinā bilē (cuius generatio semper est præter naturam) in ætate declinante redundare? Et quamuis secundū naturā gigni posset, in iuuentute potius quam in ætate declinanti gigneretur; neq.

**D** enim probabile est, in ætate frigidiori vitellinam bilē quæ flaua calidior est, secundū naturam augeri. Huc accedit, quod (vt antea dictum est) quæ atra bilis in ætate declinante abūdat, & naturalis est, & ex sanguinis adustione gignitur; quæ vero ex vitellina bile adusta fit, & præter naturam est, & humorum omnium perniciosissima. Quæ cum ita sint, nescio profecto cur sibi tantopere placeat Hieremias, vt se omnium primum propositi problematis explicationem inuenisse fateatur. Atqui facile erat ex hoc loco problematis explicationē colligere, ex illisq. potissimum verbis, Ceterū cum id pati incipit, non statim est percoctus. Significat enim, aliud esse aduri sanguinem, aliud adustū esse; quemadmodū etiam in febribus aliud est incallescere, aliud incaluisse. In iuuentute igitur sanguis adurit, nōdū tamen adustus est, cū tota hac ætate (quæ immodice calida est) sanguinē feruere, aduriq. sit necesse. In declinanti vero ætate cum



vniuersus corporis habitus refrigeretur, sanguinis ferror exinguitur, remanēt-  
 que tantum in vasis adusti sanguinis reliquæ; flaua scilicet bile propter tenui-  
 tatem iam dissipata. Quare quemadmodum autumno potius quam æstate hu-  
 mor melancholicus abundat, quia sanguis æstate adhuc aduritur, neque om-  
 nino adustus est; ita & in ætate declinante potiusquam in iuuentute melanco-  
 licus humor augetur, quia in hac aduritur sanguis, in illa vero adustus iam est.  
 Ex quibus facile intelligitur, cur in ætate potius declinante quam in iuuentute  
 melancholica fiant temperamenta. Illud iamen videtur adhuc vrgere, quod in  
 iuuentute & plurimi nascantur pili, & maxime nigri; qui cum ex melancholicæ  
 fuliginis copia nascantur, melancholici quoque humoris redundantiam in iu-  
 uenibus indicabunt. Dicendum tamen cum Galeno, diuersam esse in iuuenibus  
 naturam eius excrementi quod in vasis redundat, & alterius quod pilorum  
 materia est in habitu corporis. Colligitur namque in vasis excrementum  
 biliosum, in habitu autem corporis biliola fuligo ob cutis siccitatem detinetur,  
 detenta vero ab immodico calore comburitur, atq. in exactam fuliginem mu-  
 tatur. Quo fit, vt in iuuentute tale sit in corporis habitu excremētum quod pi-  
 los creat, quale procedente tempore (ætate scilicet declināte) futurum est ex-  
 crementum valorum. Quare mirum videri non debet, si in iuuentute, etiam si  
 bilis flaua in vasis redundet, pili nascantur nigri; qui ad ætatem vsque declinan-  
 tem colore & forma fere omnino similes permaneant. Neque enim verum est,  
 (vt quidam arbitrantur) in ætate declinante magis quam in iuuentute fuligines  
 aduri.

Tum hæc igitur omissa prioribus sunt, tum præter hæc, quod ex natura ex-  
 crementorum indefinite de temperamentis pronuntiant: putant enim particula-  
 rum temperiem similem esse cum excrementorum natura. Id vero vsquequaque  
 verum non est; sed fieri interim potest, vt pituitosa excrementa colligantur, nec  
 tum humida sit particula; immo frigida omnino, humida vero non omnino, quip-  
 pe cum siccam quoque esse liceat. Quod autem eis imposuit facile animaduerti-  
 tur, non enim norunt, quod ex cibis, nequaquam ex ipso corpore nostro pituita  
 fit. Quare nihil miri est, si vbi ingestos cibos qui humidi fortasse natura sint, cor-  
 pus non vincit, simile his ipsum quoque excrementum creet. Non est igitur quod  
 opinentur, tanquam corpus siccum est, itidem excrementum quoque esse siccum.  
 Etenim si quis ab initio sicciore frigidioraque temperamento statim fuit, is non  
 melancholicus est, sed vtique ab excrementis pituitosus. Quod si ex habitus mu-  
 tatione frigidus siccusque est redditus, necessario hic talis iam etiam melanco-  
 licus est. Verbi gratia, si quis ante calidus & siccus ex sanguine vrendo pluri-  
 mam generauit atram bilem; etenim is præterquam quod siccus est & frigidus,  
 protinus etiam melancholicus. Sin a principio frigidus ac siccus fuit, habitus qui-  
 dem corporis eius albus, mollis, depilis, venis articulisq. parum expressis, gracilis,  
 & tangenti frigidus; animus vero minime audax, sed timens & tristis; non ta-  
 men excrementa huic melancholica sunt. In his igitur omnibus peccant plerique  
 medicorum, ex eo quod proprias notas respuunt, atque ad ea quæ non perpetuo,  
 sed frequenter accidunt, conuertuntur.



- A** In eo quoque peccarunt veteres medici, quod ex natura redundantium excrementorum, de temperamentis indefinite pronuntiarunt; putantes nimirum partium temperiem redundantis excremento similem esse. Vulgaris & nunc is error esse solet, qui eo progressus iam est, ut varias temperamentorum differentias ex redundantibus humoribus constituent, temperamentū biliosum, pituitosum, melancholicum, & sanguineum appellantes: cū tamen veræ temperamentorum differentię ex elementorū qualitatibus appellationes sortiātur. Quamuis si veris ac legitimis differentiis primū constitutis, alias velis ex redundantibus humoribus statuere, fautorem habebis Galenum, qui non semel hoc capite melancholici temperamentis mentionē fecit. Non tamen proinde licebit, ex redundante humore totius corporis temperiem colligere, quia licet plerūq. ita cōtingat, necessarium tamen non est, ut totius corporis temperies peccanti humori respondeat. In quod exemplo senū, & eorum qui à primo ortu frigido & sicco sunt temperamento, apertissime intelligitur. In senibus enim qui siccissimi sunt, pituita redundat humidissima; cuius copia decepti existimarunt quidam senes humidos esse, quorum errorem capite tertio confutauimus. Sed & huius erroris causam hanc reddit in præsentia, quod scilicet ignorarint, ex cibis, nequaquam ex ipso corpore pituitam fieri. Quo loco credendum nō est negasse Galenum, ad corporis temperiem referendam esse pituitę generationē; ipse nāq. antea docuit, particulas senum ob caloris imbecillitatem male nutriri, ideoq. humidi excrementi copiam foris ipsis circūfundi. Non igitur dubitat Galenus, cur senes sicci abundant excrementis humidis; neq. ad fortunatā (ut putat Hieremias) ciborū humiditatem huius euentus causam refert: sed tantum fieri posse significat, ut pituitę redundantia ex solis cibis ortum habeat citra frigidam & humidam corporis intemperiem. Neque enim absurdum est, ex frequenti vel immodico frigidorum humidorumque ciborum usu multā in corpore coacervari pituitam, etiam si id optime temperatum fuerit. Hunc autem esse legitimū huius loci sensum, ea quę sequuntur euidenter demonstrant. Quare, inquit, nihil miri est, si ubi ingestos cibos, qui humidi fortasse natura sint, corpus nō vincit, simile his ipsum quoque excrementū creet. Iam vero qui à primo ortu frigidi sunt & sicci, melancholicum excrementum nequaquam colligunt, sed pituitosum potius; quod male in his ob caloris imbecillitatem perficiatur alimentis concoctio. Ex quibus constat, melancholicum quidem humorē in corporibus frigidis & siccis secundum naturam abundare; non tamen in his omnibus, sed illis dumtaxat, quę ex habitus mutatione, ratione scilicet ætatis declinātis, frigida & sicca euaserunt. Neq. id fit, (ut quidā sentiunt) quod in his aduratur bilis, in illis vero suavior sit calor quam ut bilem multam gignere, aut genitam adurere queat; sed quod frigidis & siccis ex habitus mutatione sanguis adustus sit ob eum qui in iuuentute præcessit feruorem, ex sanguinis vero adustione atra bilis secundum naturam plurima gignatur. In illis vero qui ab initio frigidi sunt & sicci, quoniam imbecillus est calor, sanguis aduri nō potest; ob imperfectam tamen ciborum concoctionem redundat necessario excrementum pituitosum.

*Eiusdem erroris occasione & quod excalfacit id etiam siccare omnino putāt, hoc enim veluti coronide summaq. vniuersi sermonis addito, secundum hunc librum finire statui. Quippe phlegmone obsessas partes calida persundētes aqua, atque ita vacuari ab his humorem cernentes, clare indicatum arbitrantur, siccitatem*



tatem omnino calori succedere. Neque id modo, ubi cum siccitate is, verum etiam **A**  
 ubi cum humore est coniunctus. Ceterum non est idem, vel vacuasse ab aliquo  
 humorem qui locis quibusdam sit dispersus, vel propriam particulæ alicuius tem-  
 periem sicciorem reddidisse. Siquidem inæqualis quædam in iis quæ phlegmone  
 laborant partibus, intemperies est, similaribus scilicet corporibus a proprio tem-  
 peramento nondum amotis, sed assidue adhuc in mutatione atq. alteratione ver-  
 satis: omnibus nimirum interpositis inter ea spatiolis fluxione refertis. Quæcum-  
 que igitur calida humidaq. natura sunt, cum sic affectis admouentur, ipsa qui-  
 dem superuacanea quæ media similarium spatia occuparunt, euocant; corpora  
 tamen ipsa tantum abest ut siccent, ut etiam illis humorem adiciant. Ac ipsa  
 quidem veritas ita se habet, demonstratio tamen [euidens] dictis requiritur. **B**  
 Verum eam cum & longiorem existimem quam ut huic libro inferatur; & au-  
 ditorem desideret, qui medicamentorum facultatis sit non ignarus, in præsens  
 differo. Ceterum ubi in tertio libro de omni temperamētorum genere tractauero,  
 ac de iis quæ potestate calida, frigida, humida, siccaque sunt, omnem metho-  
 dum indicauero; integrum libellum scribere de inæquali intēperie decreui. Quip-  
 pe sic absoluetur a nobis vniuersa de temperamentis disceptatio [tum ad li-  
 bros de medicamentis, tum] ad medendi methodū non parum adlatura cōmodi.

Anima duerit tādē postremum veterum medicorum errorem, qui tamē ad  
 vsum medicamentorum pertinet, quæ quidem non actū, sed potestate talia di- **C**  
 cuntur. Vtiturq. proinde pulcherrima transiitione ad librum tertium de tempe-  
 ramentis, & alterum de inæquali intemperie; ex quorum lēctione tota hæc de  
 temperamentis disceptatio perficitur. Reprehendit itaque quosdam ex vete-  
 ribus medicis, qui falso arbitrati sunt, omnia quæ calfaciunt, (siue hæc sicca,  
 siue humida actū sint) necessario quoque simul exsiccare. Ut autem ita sentirēt,  
 hæc præcipua fuit ratio, quod in partibus phlegmone obfessis, admoto medica-  
 mento calido & humido (veluti calida aqua) humorem inibi contentū vacua-  
 ri experiamur, atq. absumi. Atqui absurda est horū opinio, cum ex calidis me-  
 dicamentis quædam solum calfaciant, alia calfaciant simul & exsiccēt, alia tan-  
 dem humectent simul & calfaciāt. In partibus vero phlegmone obfessis per ha-  
 litum quidem à calidis medicamentis digeritur qui in spatiis inanibus præter  
 naturam continetur humor, partes tamen ipsæ non efficiuntur necessario siccio- **D**  
 res. Immo si ad motū medicamentum vna cum calore adiunctā habeat humidi-  
 tatem, & suo calore humorem euacuabit, & solidis partibus humiditatem adii-  
 ciet; tantū abest ut ipsas sicciiores reddat. Quippe cum in partibus inflāmati in-  
 æqualis reperiatur intēperies, in qua partiū natura mutata omnino non est, sed  
 mutatur adhuc, & afficitur ab humore qui causa phlegmones est; aliud profecto  
 erit humorem ibi contentum vacuari, aliud vero partes sicciiores fieri. Hæc sa-  
 pe intelligi non possunt, nisi cognita sit methodus inquirendi facultates medi-  
 camentorū, quæ potestate dicuntur calida, frigida, sicca, aut humida; & nisi co-  
 gnita etiam sit propria ratio inæqualis intemperiei. Hanc explicabit libro de in-  
 æquali intemperie, illam vero libro sequenti; cuius explanationem ut aggre-  
 diamur, ratio iam postulat.



A



# CLAVDII GALENI

PERGAMENI DE TEMPERAMENTIS

LIBER TERTIVS.

THOMA LINACRO ANGLO

INTERPRETE.

B

CAP. II.



*C* quod energia siue actu calidorum, frigidorum, humidorum, & siccorum vnumquodque tale esse dicatur, vel quod summam habet eiusmodi qualitatem, vel quod vincit in eo id genus qualitatum aliqua, vel quod ad cognati generis mediocrem aliquid, vel ad vnum quodlibet a nobis sit collatum, prius est traditum. Monstratum præterea est, quemadmodum ea

*C* quis agnoscere exacte possit. Reliquum est, ut de iis quæ talia potestate sunt disseramus; sit tamen prius explicauerimus, quid ipso potestatis nomine significetur.

*D* Cum temperamenta corporum vel actu talia sint, vel potestate; de iis vero quæ sunt actu talia, duobus libris superioribus accuratissime disputavit Galenus; merito nunc tandem de iis quæ sunt potestate talia, hoc libro disputationem instituit, eodem prorsus seruatō ordine. Nam ut de temperamenti actu ibi primum in vniuersum differuit, deinde vero priuatim de temperamenti hominum, & singularum corporis humani partium; ita & nunc de iis omnibus agit quæ in vniuersum potestate talia dicuntur, postea vero de iis quæ priuatim talia dicuntur ad hominem. Atque horum quidem differentias, propriamque naturam explicat diligentissime; ac tandem tradit generalem methodum explorandi ipsorum facultates, ac vires. Hinc certo intelligitur auctoris institutum, & insignis huius libri utilitas, qui eius disputationis principia continet, quæ de alimentorum & simplicium medicamentorum facultatibus, aliis operibus priuatim instituitur.

*E*st autem brevis eius, & facillima, & clara explicatio. Quippe quod quale dicitur tale nondum est, sed potest tale esse, id hoc esse potestate dicimus. Hominem, verbi gratia, qui modo natus sit, rationale; & auem volatile; & canem venaticum; & equum celerem: scilicet quod eorum vnumquodque futurum omnino est, si nihil id extrinsecus impediatur, hoc ceu iam id sit appellantes. Vnde arbitror hæc esse potestate, non actu dicimus; perfectum namque est, ac iam præsens ipsa energia, siue quod actu est; quod vero potestate est, imperfectum et adhuc futurum;



atque ut fiat quidem id quod dicitur veluti habile, non tamen adhuc subsistens. A  
 Si quidem nec infans rationalis iam est, sed talis futurus; nec qui modo editus est canis, venator, qui scilicet adhuc non videat; sed quod venari queat, si ad iustum perueniat incrementum, sic nominatur.

Disputaturus de iis quæ sunt potestate talia, potestatis notionem optimo consilio primum explicat, deinde vero docet, quomodo dici aliquid possit potestate tale. Potestatis quidem notio facillima est, ea namque potestate talia in vniuersum dicuntur, quæ qualia dicuntur adhuc non sunt, sed possunt talia esse. Verbi gratia infans recens natus dicitur potestate rationalis, quia nondum actu ratiocinatur, sed insitam vim habet qua ratiocinari possit, cum primum ad perfectiorem ætatem peruenerit. Ita & catulus dicitur potestate venator, quia non adhuc venatur, utpote qui non videat; sed innatam habet ad venandum appetitum, cuius beneficio ad venandi actum aliquando perueniet. B  
 Huiusmodi autem vis & aptitudo quæ rebus potestate talibus inest, ex propria natura ipsis inesse debet, non ex adiectitia quapiam qualitate. Neque enim lactucæ succus potestate calidus dici poterit, etiamsi ab igne primum calfactus nos quoque calfaciat.

*Ac maxime quidem proprie sola ea potestate esse dicimus, in quibus natura ipsa [suapte impetu] ad absolutionem venit, utique si nihil ei extrinsecus impedimento sit.*

Explicata potestatis notione, docet duobus modis posse aliqua dici potestate talia. Ac primum quidem ea, in quibus natura ipsa ad absolutionem actumque peruenit, nisi ab aliquo extrinsecus impediatur. Hoc modo potestate rationalis dicitur infans, quia ex sua natura perueniet aliquando ad actum ratiocinandi, nisi morte præoccupetur, aut graui quopiam cerebri morbo prehendatur. Similiter & catulus potestate venator dicitur, quoniam talis est catuli natura, ut ad venandi actum aliquando sit peruenturus, dummodo nihil ipsi extrinsecus impedimento sit. C

Præterea quæcumque fientium (ut sic dicam) continentes materiae sunt. Nec refert, continentes, an conuenientes, an proprias dicas; quippe cum ex omnibus indicetur quod propinquum est, quodque nec alia intercedente mutatione sic dicitur. Verbi gratia cum sanguinem potestate carnem appellas, quoniam minimam D  
 mutationem ad carnis generationem requirat. At non qui in ventriculo habetur concoctus cibus, continens carnis materia est, sed prius sit sanguis oportet. Longius etiam absunt maza & panis, quippe quæ ut caro fiant, certas sui mutationes requirant. Ceterum hæc quoque omnia potestate caro dicuntur; etiam ante hæc ignis, aer, aqua, & terra; etiam horum ipsorum communis materia. Atque hæc quidem omnia magis minus de loquentibus abusiue nobis dicuntur. Primus autem modus eorum quæ potestate esse aliquid dicuntur, maxime est proprius; proximus huic est eorum quæ sunt propinqua materia; veluti si fumidam exhalationem flammam esse, aut halitum aërem potestate dixeris.

Altero



- A Altero modo dicuntur potestate talia quæ sunt rerum aliarum continentes vel propinquæ materiæ, ut docuit etiam Aristoteles. Sunt autem propinquæ vel continentes materiæ, quæ unica dumtaxat mutatione indigent, ut talia actu fiant Lib. 9. meta-  
phy. cap. 7.
- B Qualia dicuntur esse potestate. Hoc pacto fumida exhalatio dicitur potestate flamma, quia proxime in flammam convertitur. Et sanguis dicitur potestate caro, quia leuiter concoctus, proxime nulliusque alterius substantiæ interuentu in carnem mutatur. Quæ vero sunt aliarum rerum materiæ remotæ, hæc quidem non dicuntur potestate talia, nisi forte improprie & abusue. Veluti chylus non est potestate caro, quia proxima non est carnis materia, quemadmodum sanguis; cum prius in sanguinem mutari postulet, ut in carnem conuertatur. Dicitur ergo chylus potestate caro, non proprie & simpliciter, sed improprie & cum adiectione, potestate scilicet remota. Magis adhuc improprie & externa alimenta potestate caro dicuntur, quoniam ut caro fiant, plures mutationes requirunt, cum prius in chylum, deinde vero in sanguinem mutari debeant. Iam vero & communia illa omnium corporum elementa, ignis, aer, aqua, & terra; & communis illa omnibus quæ oriuntur & intereunt subiecta materia, caro etiam abusue dici possunt potestate remotissima: cum plurimæ mutationes sint necessariae, ut ex his gignatur, aut nutriatur caro. Quæ his duobus modis hactenus explicatis dicuntur potestate talia, partim conveniunt, partim differunt. Conveniunt quidem, quia vim omnia insitam habent, cuius beneficio talia fieri actu possunt, qualia dicuntur esse potestate. Differunt tamen, quia quæ priori modo dicuntur potestate talia, nullius rei externæ auxilio indigent, ut actu talia evadant; sed id tantum postulant, ne quidpiam ipsis impedimento sit, quo minus ad perfectionem actumque perveniant, in quem ipsa ex sua natura feruntur. At quæ secundo modo potestate talia dicuntur, ut talia actu fiant, alterius rei ope indigent. Quare merito inquit Galenus, priorem potestatis modum maxime proprium esse, alterum vero minus. Et quo remotiores materiæ fuerint, eo minus proprie potestate tales dicuntur.

*Dicitur autem aliquando potestate esse, quod ei quod ex accidenti dicitur, est ex adverso positum. Ut si carnosus quis iuuenis in frigida lauationem corpus ex accidenti, non ex propria potestate calfacere dicat.*

- D Propriam potestatis notionem, & duos modos quibus aliquid vel magis vel minus proprie dicitur potestate tale, hactenus explicauimus; nunc vero ad tollendam homonymiam, alteram proponit potestatis significationem à superiori maxime distinctam, quam male interpretes tertium potestatis modum appellant. Ea autem omnia in vniuersum potestate talia dicuntur hac significatione, quæ per se & ex propria natura sunt talia, non autem ex accidenti. Quæ ratione ignis quamuis actu calidus sit, potestate calidus dici potest, cum per se & propria sui natura calfaciat. Quæ vero ex accidenti sunt talia, ea nunquam potestate talia dici possunt. Neque enim aqua frigida dicitur potestate calida, etiam si carnosus iuuenis corpus calfaciat, & tetanum frigidum affectum curet, ætate media large infusa, ut inquit Hippocrates: calfacit namque frigida, non ex propria natura, sed tantum ex accidenti. Hæc autem potestatis significatio multo latius patet quam superior, nam quæ duobus illis modis paulo antea explicatis sunt potestate talia, hac itidem significatione potestate talia dicuntur: cum id commune habeant, ut per se talia sint, non autem ex accidenti.



Neque hæc potestatis significatio iis tantum conuenit quæ vere ac proprie sunt talia potestate, sed conuenit etiam omnibus quæ sunt actu talia, dummodo per se talia sint. Siquidem potestas hac significatione non aduersatur actui, sed ei quod est ex accidenti; cum potestatis nomen propriam cuiusque rei vim & facultatem significet, facultas vero Galeno auctore partim sit actu, partim in futuro tempore. Huc pertinet quod scribit ipsemet Galenus explicans significationes calidi, frigidi, humidi, & sicci; corporum vnumquodque, aut calidum, aut frigidum, aut humidum, aut siccum, bifariam dici posse, ex sua scilicet natura, aut adscititia qualitate. Porro quod ex sua natura est tale, primario, & secundum se, & per se, potentia tale esse; quod vero ex adscititia qualitate, ex accidenti tale dici affirmat. Et rursus quæ ex sua natura sunt talia, in alia duo genera diuidit, quædã enim sunt actu seu energia talia, alia vero potestate; differente tamen hoc potestatis modo, ab illo quem paullo ante dicebamus, illic enim ex aduerso opponebatur illi quod ex accidenti dicitur, hic vero ei quod actu. Qui sane Galeni locus, iis quæ dicta sunt de significationibus potestatis, magnam lucem videtur adferre. Cum itaque potestas hac significatione non aduersetur actui, (vt dictum est) sed ei tantum quod ex accidenti est tale; minor profecto Vallesium, qui hunc Galeni locum male intelligens, ea dici putat potestate talia hac significatione, quæ ex accidenti aliquid faciunt. Atqui ex dictionis serie constat, ea potius hac significatione potestate talia dici, quæ per se, & ex propria natura talia sunt, non autem ex accidenti. Quare quæ ex accidenti aliquid faciunt, nullo pacto potestate talia dici possunt.

*Ergo tot modis etiam potestate calida, frigida, humida, & sicca dicuntur.*

Potestatis significationes ac modos, quos in vniuersum hætenus explicauerat, priuatim nunc iis accommodat, quæ potestate calida, frigida, humida, sicca, ve dicuntur. Hæc autem in multiplici sunt differentia, vt alibi Galenus docuit id priuatim explicans in iis quæ sunt potestate calida; etiam si frigidorum, humidorum, & siccorum, eadem prorsus sit ratio. Quippe cum potestate calida (vt ipse ait) sint veluti apta quædam materia eius quod est actu calidum; quot modis corpora dici possunt actu calida, totidem quoque dicuntur calida potestate. Atqui demonstratum est libro primo, multifariam dici aliquid posse actu calidum, simpliciter, per exsuperantiam, per comparisonem ad medium generis vel speciei, & tandem per comparisonem ad quodlibet obuium. Quare & potestate calidum dicetur, vel quod est apta materia eius quod actu est simpliciter calidum; vel eius quod est calidum per exsuperantiam; vel eius quod medium est generis aut speciei; vel tandem cuiuslibet obuii. Vtrumque vero dicantur potestate calida, frigida, sicca, aut humida, eisdem illis modis dicuntur necessario potestate talia, quos paullo antea explicauimus.

## C A P. II.



*UBI ABITVR* quoque non absurde, cur castoreum, vel euphorbium, vel pyrethrum, vel struthion, vel nitrum, vel mysi, calida esse dicamus; rursus lactucam, vel cicutam, vel mandragoram, vel salamandram, vel papauer, frigida: vtrumne sub prædictis iam modis comprehendantur, an alia quapiam ratione dicantur, quæ dicta non



**A** Et nondum sit. Bitumen namque, resina, & seuum, & oleum, & pix, calida potestate sunt, quod utique energia calida celerrime fiant; etenim celerrime inflammantur; præterea cum corporibus nostris admouentur, ea manifeste calfaciunt. At chalcitis, mysi, sinapi, nitrum, acoron, meon, costus, & pyrethrum, cum nobis sunt admota, calida videntur, alia magis, alia minus; non tamē sunt idonea quæ in flammam vertantur. An igitur se ipsos fallunt, qui id solum æstimant, numquid aliqua non facile in flammam transmutentur? Quos utique non sic, sed an non vertantur in prunam, æstimare oportebat; cum sit pruna ignis non minus quam flamma: hoc tamen discrimine, quod aëre, vel aëreo quopiam in ignem mutato flamma; terra, vel terrea re aliqua accensa fit pruna. Atque hæcenus **B** quidem consentire secum sermo omnino videtur, siquidē videntur medicamenta ea quæ ubi ignem attigerint, facile accenduntur, nos quoque excalfacere; nisi siquod propter crassitiem intra corpus non facile assumitur: differetur enim de his latius in libris de medicamentorum viribus. Quæcumque tamen medicamenta nostrum corpus excalfacere videntur, ea prompte vertuntur in ignem.

Ad institutum propius accedens, disputationem aggreditur de iis quæ potestate talia ad hominem dicuntur. Hæc autem in vniuersum in triplici sunt differentia, aut enim sunt nutrimenta, aut medicamenta, aut vtriusque rationē habēt, nutrimenti inquā simul & medicamenti, quæ proinde nutrimentā medicamentosa vocari solēt; quamuis hæc ad alterutrū genus apte referri possint, potissimumque ad medicamenta. Et quamuis tegumenta potestate calida interdum dicantur, quod possint nostrum corpus calfacere; si tamen Galeno credimus, verius **C** multo dicentur frigus arcere, quam calfacere; aut si calfaciant, id ex sua natura nequaquā præstant, sed adscititio calore à nostris corporibus accepto. Calfiunt namque primum à nostris corporibus tegumēta, semel vero calfacta nos vicissim recalfaciunt. Cū itaque sola nutrimentā, & medicamentā, & quæ vtriusque rationem obtinent, dicantur potestate talia ad hominē, de his solis merito Galenus differit; reliquis omnibus, quæ vel ad ignem, vel ad equum, aut bouem, aliudve quidpiam dicuntur potestate talia, consulto prætermittis. Inquiri vero nutrimentorum & medicamentorum temperamenta, non qualia ex propria sui constitutione obtinuerunt, sed qualia sunt ad hominem, ad quem ipsa necessario **D** referuntur. Veluti si de aquæ marinæ aut aceti temperamento inter medicos inciderit disputatio; inquirendum profecto non est, quanam in ipsis qualitas præpolleat, sed quid ipsa potius in corpus humanum agere possint, attente est considerandum. Et quoniam hominem exsiccare conspiciuntur, potestate sicca iure dicentur, nulla habita humiditatis excedentis ratione. Disputaturus itaque primum de medicamentis, inquiri hoc capite, quo modo medicamentā calida, ut castoreum & euphorbium; & medicamenta frigida, ut cicuta & mandragora, dicantur potestate talia. Dubitat vero potissimum, dicanturne potestate talia aliquo prædictorum modorum, an altero quopiam qui nondum sit dictus. Porro ex eo nata est dubitandi occasio, quod non satis inter veteres medicos constaret de ratione explorandi calidorum frigidorumque medicamentorum facultates. Quippe cum medicamenta potestate calida dicantur, quæ actu quidem calida non sunt, sed possunt actu calida fieri; opinati sunt plerique veterum

Lib. 2. de sim.  
med. fac. c. 24.

Lib. 1. de simp.  
med. fac. c. ult.  
& lib. 3. cap. 5.



Lib. 2. de sim.  
med. fac. c. 22.

Lib. 2. de sim.  
med. fac. c. 24.

Lib. 1. de simp.  
med. fac. c. 22.

Lib. 1. de sim.  
med. fac. c. 22.  
11. & 22.

medicorum, ex facili vel difficili transmutatione in flammam de medicamen-  
tis potestate calidis ac frigidis iudicandum esse. Ita ut potestate calida dicantur  
quæ in flammam facile mutantur, ut bitumen, resina, sebum, oleum, & pix; hæc  
namque & inflammantur celerrime, & corpus nostrum manifeste calfaciunt. Hoc  
loco inter medicamenta calida potestate recensuit oleum, quod tamen alibi  
temperatum statuit. Vallesius facile rem explicat, exempla non esse scrupulo-  
se examinanda affirmans, oleumque esse reuera temperatum concedens, dici  
tamē hoc loco corpus calfacere, iuxta vulgarem philosophorum ac medicorum  
sententiam: præsertim cum de olei facultate nunc ex professo Galenus non agat.  
Præstat tamen, & potestate calidum & temperatum cum ipsomet Galeno oleum  
statuere. Nam potestate calidum dicitur, quia calfaciendi initium à nobis ac-  
cipit; temperatum vero, quia calore nobis omnino simili nos recalfacit. Ex  
medicamentis enim potestate calidis, alia quidem caloris sui principium à no-  
bis accipientia, similiter nos recalfaciunt; alia vero valentius. Quare oleum,  
auctore Galeno, intra corpus assumptum, & ut medicamentum, & ut nutrimen-  
tum calfacit; exterius vero admotum, calfacit ut tegumentum, quia frigus  
arceat. Cum itaq. (ut ad rem redeamus) & oleum, & alia prædicta medicamenta,  
& hominem simul calfaciant, & prompte in flammam mutantur; hoc solo expe-  
rimento persuasi, opinati sunt veterum plerique, omnia ea quæ facile inflam-  
mantur, medicamenta esse potestate calida. Eadem prorsus ratione & de me-  
dicamentis potestate frigidis iudicandum esse voluerunt, asserentes scilicet,  
quæ in flammam mutari non possunt, medicamenta esse potestate frigida. Sed  
hos merito nunc reprehendit Galenus, quod solius flammæ meminerint, cum  
ignis potius in uniuersum meminisse debuissent. Neque enim sola flamma est  
ignis, sed præter flammam etiam pruna; cum eo tamen discrimine, quod aëre,  
aut aërea substantia accensa flamma fiat; pruna vero accensa terra, aut terrea  
quapiam substantia. Vnde constat, non omnem ignem tenuium esse partium, cum  
pruna crassarum partium sit, sola vero flamma tenuium. Non igitur oportebat  
dicere, quæcumque conuertuntur in flammam esse medicamenta potestate ca-  
lida, sed potius quæcumque conuertuntur in ignem, siue flamma sit, siue pru-  
na. Multa enim sunt medicamenta potestate calida, quæ in flammam mutari  
nequeunt, ut chalcitis, myrsi, sinapi, pyrethrum, & alia eiusmodi. Numquid ergo  
quæcumque in ignem facile mutantur, corpus nostrum necessario calfaciunt?  
Galenus quidem scribit hoc loco, hunc sermonem secum omnino hætenus con-  
sentire, id est (ut recte explicat Vallesius) in exemplis hætenus positis: omnia  
enim ea quorum antea meminerat, & facile mutantur in ignem, & nos mani-  
festo exalfaciunt. Simpliciter tamen & in uniuersum id verum non est, nam si  
crassarum sint partium quæ in ignem mutantur, corpus nostrum nequaquam cal-  
facient, ut pili. Ea vero dicuntur Galeno crassarum esse partium, quæ in tenues  
partes vix possunt comminui, qualia sunt dura & viscosa. Nihilominus tamen  
quantiuis hæc crassarum partium sint, ab externo igne comminuantur, & atte-  
nuantur, omninoque vincuntur; ut pote qui calidissimus omnium, simulque re-  
nuissimus sit, ac in profundum facillime penetret. At nostra caliditas præter quā  
quod crasse sit essentia, halitiosa etiam est, & infirma; quo fit, ut quæ crassarum  
sunt partium comminueri nequeat. Quæ sane ratio etiam est, cur nullum eo-  
rum medicamentorum quæ sunt potestate calida (exterius præsertim admotum)  
calfaciat, nisi prius in minimas particulas diuisum fuerit: neque enim cum ad-  
motum integrum piper, caloris sensum excitare consuevit. Addit præterea



- A lib. 1. de simp. med. fac. (vbi de hac re accuratius differuit) neque ea quæ ratione prædita sunt prædita, nos calfacere, etiam si prompte accendantur. Quippe aridi calami, non solum quod sicci sint, verum etiam quod in spatii inanibus plurimum aërem contineant, facile inflammantur, nos tamen minime calfaciunt. Non igitur omnia quæ mutantur in ignem, siue flamma sit, siue pruna, medicamenta sunt potestate calida, nisi tenuium sint partium, & substantia densa prædita: quæcunque tamen nostrum corpus calfaciunt, ea prompte in ignem conuertere necesse est. Si enim hæc à nostro calore (quem crassæ essentiæ, & imbecillū antea esse diximus) accendi possunt, cur non ab igne accendantur multo facilius? Refragatur tamen huic sententiæ Vallesius, qui id tantum verum esse putat in resinosis, pinguibus, & metallicis. Multa enim esse medicamenta potestate calida, quæ prompte in ignem mutari nequeant, tithymali, & struthii virentis exemplo confirmat, & calidorū liquorum, quos nulla ars potest in ignem conuertere. Ceterum & hæc meo iudicio in ignem mutari dicuntur, quia ab ipso accensa, igneam vim naturamque induunt, donec tandem absumantur. Si ergo quæcumque nos calfaciunt in ignem mutari possunt, quæ verò mutantur in ignem non semper nos calfaciunt, ut dictum est, incerta profecto erit ratio: ea explorandi medicamentorum facultates, quæ ab igne, aliisque rebus extraneis desumitur. Et vero sola tuta ac firma iudicanda est, quæ ex eo quod in corpore humanum agere sunt nata, medicamentorum facultates explorat. Atque hinc factum est, ut merito Galenus hoc loco dubitauerit, quomodo medicamenta calida & frigida potestate talia dicantur. Nam si ex igne exploranda essent facultates medicamentorum, nulla profecto esset dubitandi occasio; immo certissimum esset medicamenta calida & frigida potestate talia dici secundo modo; calida quidem, quia idonea sunt materia ignis; frigida vero, quia inepta sunt eiusdem ignis materia.

- C At quomodo igitur, inquiunt, tangentibus non sentiuntur calida? Hoc haud scio cur dicant, nam si energia, ac iam nunc calidum esse prædictorū quiddam diceremus; profecto mirari liceret, quomodo tangentibus non appareant calida. Nunc quod possint facile calida esse, idcirco ea potestate talia vocamus: itaque nihil miri, si eos qui se tangunt, nondum calfaciant. Veluti enim nec ignis ipse augetur, priusquam victa ab eo ligna sint mutata, quod aliquo temporis spatio omnino fit; ita nec animantium calor a medicamentis, nisi illa prius ab ipso sint mutata. Quippe alio genere calefit is qui ab igne vel sole intepest; alio is qui a prædictorum quouis medicamentorum: illa namque actu sunt calida, medicamenta nequaquam. Itaque nec calfacere nos valent, priusquam actu talia fiant.

- D Ex iis quæ dicta sunt de medicamentis potestate calidis, nascitur hæc dubitatio, cur cum possint huiusmodi medicamenta nostrum corpus calfacere, non sentiantur tangentibus calida. Quam sane brevissime ac facillime explicat Galenus in præsentia, dicens non sentiri tangentibus calida, quia actu calida non sunt, sed tantum potestate; tactus enim earum dumtaxat qualitatū iudex esse potest, quæ in corporibus actu præpollent. Proindeque merito fit, ut quæ potestare calida sunt, numquam sentiantur calida, donec actu calida euaserint. Id confirmat exemplo eorum quæ sunt potestate calida ad ignem, quam enim hæc ad ignem rationem habent, eandem habent ad nos potestate calida medicamenta.



A  
 mementa. Atqui ligna, aliaque similia quæ sunt potestate calida ad ignem, ipsum  
 augere non posse experimur, quin prius ab eo accensa, actu calida reddantur.  
 Ergo pari ratione medicamenta potestate calida calore nostri augere non po-  
 terunt, quin prius ab ipso mutata & veluti accensa, actu calida euadant. Quo  
 nomine potestate calida ab actu calidis differunt, hæc namque ut calfaciant, a-  
 lienam opem nequaquam requirunt; illa vero calfacere nequeunt, nisi & ipsa  
 prius calfacta fuerint. Quamobrem recte Galenus inquit, alio genere ab igne  
 & sole nos incalescere, alio vero à medicamentis potestate calidis; illa namq.  
 actu sunt calida, hæc autem nequaquam. Solem dixit hoc loco actu calidum nō  
 secus ac ignem, quod tamen manifestum esse mendacium mendax asserit Hie-  
 remias; cum ex communi physicorum sententia corpora cœlestia vere credā-  
 tur elementarium qualitatum expertia. Sed quamuis vulgata hæc sit philoso-  
 phorum opinio, non tamen defuerūt viri doctissimi, qui & solem, & reliqua cœ-  
 lestia corpora, non secus ac ista inferiora, ex quattuor elementis constare affir-  
 marint: in quam sententiam videtur aliquando inclinasse Galenus, ut alibi an-  
 notauimus. Huc accedit, quod solem actu calidum nunc dixerit, non quod ca-  
 lorem habeat actu excedentem, sed (ut recte interpretantur Eustathius & Lo-  
 pezius) quod citra externam opem actu calfaciat. Frustra igitur Galeno patro-  
 cinari cupiens Vallesius, nomine solis aërem à sole illustratum intelligendum  
 esse præcipit. Atque hæc quidem docet Galenus de proposita dubitatione,  
 quam tamen aliter multo recentiores quidam medici dissolunt, qui de medi-  
 camentorum viribus aliter sentiunt. Quidam enim medicamenta omnia actu  
 talia esse contendunt, ut Laurentius Ioubertus; alii vero (ut Hieremias) medi-  
 camentorum vires occultas esse prædicant, quæ non ab elementis, sed ab astris C  
 potius proueniant: unde & medicamentorum actiones ab occulta quadā pro-  
 prietate, quæ cœlestem vim ac facultatem sequatur, proficisci arbitrantur. Si  
 igitur ab his posterioribus roges, cur medicamenta quæ vim habent calfacien-  
 di, non sentiantur tangentibus calida, ita respondent. Si huiusmodi, inquit,  
 vim ex elementis medicamenta obtinuissent, sentirentur haud dubie calida;  
 hanc vero cum ex astris acceperint, mirum videri non debet, si more suarum  
 causarum sensum lateat. Et quamuis facile non sit hos redarguere, cum tamen  
 elementa prætereuntes ad astra confugiant, rerum naturalium causas se prorsus  
 ignorare profitetur. Priores vero duplicem causam reddūt, cur licet eiusmodi  
 medicamenta sint actu calida, calida non sentiantur; obtusum scilicet cutis  
 sensum, & medicamentorum crassitiem. Atqui obtusum in cute sensum statue-  
 re, à cutis natura est omnino alienum, cum & temperatissima sit, & præcipuum D  
 tactus organum. Quod si demus obtuso sensu præditam esse cutem, cur in reli-  
 quis corporibus actu calidis excedentem caliditatem cognoscere potest, in so-  
 lis medicamentis non potest? Sed neque substantiæ crassities eius rei potest es-  
 se causa, cur enim hæc in solis medicamentis tactum impedit, quo minus ex-  
 cedentem calorem percipiat, in aliis vero corporibus actu calidis, quæ crassæ  
 atidem essentiæ sunt, tactum impedire non potest?

Ac quod actu talia sint, id a nobis accipiunt, veluti sicci calami ab igne.  
 Ita vero & ligna ex sua quidem natura frigida sunt vniuersa, sed quæ sicciora  
 sunt & gracilia, ea facile mutantur in ignem; quæ humidiora sunt & cras-  
 sa, spatium egent maiore. Nihil igitur miri est, si medicamenta quoque primum  
 quidem

Lib. de nat.  
 hom. com. 37.

Parad. 1. de  
 cad. 1.



- A** quidem in parua & tenuia frangi postulant; secundo loco ut tempore aliquo (tamen si minimo) corpori nostro, quo calida fiant, sint adiuncta. Tu vero si ea nec comminuta, nec prius calfacta, calida tamen iam fieri censes; quid significet quod potestate calidum dicitur, parum mihi meminisse videtur: sic enim ea exploras, tanquam energia sint calida. Sed nec illud mirum, si quo recalfaciant, calefieri ipsa prius postulant; cum idem fieri cernatur & in lignorum exemplo. Quippe hæc vanescentem alias morientemque flammam tum servant, tum vero augent, dum ab hac ipsa prius calefiunt. Non est igitur alienum, calorem qui in animantibus habetur, eiusmodi medicamentis quasi alimento quodam uti, quemadmodum ignis ligno: quippe ita quoque fieri cernimus. Si vero perfrigerato corpori
- B** eorum quoduis quantumvis diligenter comminutum inspergas, prorsus non calefit. Proinde quæ perfrigerata partes sunt, eas eiusmodi medicamentis plurimum perfricamus, una calorem perfricando excitantes, una raram, quod frigore prius fuit densum, reddentes: quo scilicet tum introrsum pharmacum penetret, tum naturali animantis calori coniunctum mutetur, ac calefiat. Quippe cuius si particula quæpiam vel minima calorem energia concipiat, hunc deinde in totum per continuitatem porrigit; perinde ac si ex parua scintilla tedam summo tenus accendas: siquidem hanc universam facile depascitur ignis, nihilo amplius scintillam requirens. Ac quidquid potestate calidum est, in hoc nondum in natura
- C** sua calidum frigido præpollet, sed in propinquo est ut præpolleat; adeo ut breuem opem, quo vincat, extrinsecus requirat. Hanc illi modo frictio abunde præstare potest, modo vel ignis, vel corporis alicuius natura calidi contactus. Non est igitur tam arduum rationem reddere, quid causæ sit, cur alia protinus ut corpus nostrum contingere, recalfacere id possint, alia post longius id efficere spatium. Quippe ex iis quæ igni appropinquant, alia statim accenduntur, veluti elychium, & tenuis tæda, & pix, & siccus calamus; alia nisi diutius sunt admotæ, non vincuntur, ut viride lignum.

Quoniam medicamenta potestate calida calfacere non posse dixerat, quin prius & ipsa calfacta fuerint; proinde nunc totam hanc medicamentorum mutationem, quam medici reductionem, siue reuocationem in actum vocant, elegantissime explicat. Docet autem in primis huiusmodi reuocationem à nobis fieri, id est à nostro calore. Nam ut quæ sunt ad ignem potestate calida (veluti sicci calami) ab ipso met igne actu calida fiunt; ita & medicamenta potestate calida à nobis ipsis accipiunt, ut actu calida evadant. Ad hanc vero medicamentorum reuocationem in actum quattuor docet esse necessaria, medicamenti aptitudinem, eiusdem comminutionem siue attritionem, debitam applicationem, & causæ immutantis robur. Quod recte itidem ex iis confirmat quæ sunt potestate calida ad ignem, quæ quidem ut in ignem mutantur, quattuor illa similiter requirunt. Aptitudinem quidem, quia licet omnia ligna frigida sint ex sua natura, quæ tamen sicciora sunt facilius mutantur in ignem, humidiora vero difficilius. Illud tamen videtur omnino falsum, quod

vniuersa



vniuersa ligna ex sua natura frigida esse dixerit; cum lignum aloës, & alia quam- A  
 plurima calida sint ex sua natura. Quare Vallesius vt Galenum à mendacio li-  
 beret, locum inquit de solis vulgaribus lignis intelligendum esse, quibus tan-  
 quam medicamentis non vtimur, sed tantum tanquam ignis materia. Sed ni-  
 mia profecto hæc Vallesii licentia est, quæ solis fortasse legislatoribus concedi  
 possit. Quomodo enim licentia nimia non sit, ex vniuersali propositione parti-  
 cularem efficere, & quod de vniuersis lignis à Galeno dictum est, ad sola vul-  
 garia detorquere? Non itaque vulgaria tantum, sed omnia in vniuersum ligna  
 ex sua natura frigida esse cum Galeno asserimus: quod qua ratione accipiendū  
 sit, paullo post explicabimus. Nunc vero præter aptitudinem, comminutionem  
 quoque in lignis necessariam esse ostendamus, vt facile accendi possint. Non  
 enim satis est sicca esse ligna quæ facile accendi debent, sed ea oportet gracilia  
 esse, & in aliquas partes diuisa: nam quæ integra sunt & crassa vix flammam B  
 concipiunt. Sed neque sicca graciliaque ligna accendi solent, nisi & debite, &  
 iusto tempore igni applicentur. In quo desideratur etiam robur, cum ignis scin-  
 tilla, aut flamma multum exigua nihil effatu dignum efficere possit, nedum li-  
 gna comburere. Porro his multo magis indigent potestate calida medica-  
 menta, vt actu calida à nostro calore fieri possint. Est namque in primis necessaria  
 aptitudo, quia non omnia medicamenta idoneam habent naturam vt à nostro  
 calore accendantur, sed ea dumtaxat quæ potestate calida dicuntur. Est & ne-  
 cessaria vel maior vel minor attritio pro diuersa medicamentorum substantia;  
 quippe quæ duriora sunt ac solidiora, maiori; quæ humidiora ac liquidiora, mi-  
 nori attritione indigent. Hanc plerumque molitur ars, & perficit natura, vel  
 partiam (potissimumque ventriculi) calor, si medicamentum per os ingestum  
 fuerit: nam exterius admotum vix (ac ne vix quidem) ab innato calore com- C  
 minui potest. Quo fit, vt quæ exterius applicantur medicamenta, nisi prius cō-  
 minuantur, in actum reuocari nequeant; quæ vero assumuntur intra corpus, sæ-  
 pe vocentur in actum, etiam si deglutiantur integra, vt piper. Sed & iusto tem-  
 pore corpori applicata manere debent, vt in actum reducantur; longiore qui-  
 dem, si minus sint vt accendantur idonea, aut partium sint crassiorum, aut no-  
 ster etiam calor sit imbecillior; breuiore autem, si contraria acciderint. Desi-  
 deratur tandem causæ immutantis robur, nam si parti cuiuspiam perfrigeratæ me-  
 dicamentum potestate calidum, diligenter etiam comminutum, debito tempo-  
 re admoneris, vix vnquam incalescet. Quo casu perfrigeratam partem eiusmodi  
 medicamento plurimum perfricamus; tum vt eo frictionis motu calorem in  
 parte excitemus; cum potissimum vt partem frigore delatam rariorem redda- D  
 mus: quæ duo leuis momenti non sunt, vt medicamentum in actum reducat.  
 Siquidem parte rariori reddita interiorum penetrat, pluribusque partibus, hisq;  
 altioribus ac calidioribus adhæret; & à calore quem frictio excitauit, facilius  
 promptiusque incalescit. Quinetiam & quæ assumuntur medicamenta, suo fine  
 frustrari non raro experimur, quod ab imbecillo calore nequeant commutari.  
 Quod diligenter ab iis obseruatum velim, qui vel quod rem ipsam ignorent,  
 vel vt aliquid semper agere videantur, vel vt amicos pharmacopolas ditent,  
 animam pene iam agentibus ægris varia medicamenta præscribunt, à quibus  
 innatum calorem, alioqui imbecillimum, obrui necesse est. Si igitur quattuor  
 illa prædicta ad sint, facile quidem in actum vocantur medicamenta; sunt nam-  
 que actu calida ex calidi corporis contactu; semelque calfacta partem cui ad-  
 hærent, recalsciunt; indeque ceteris partibus calorem communicant: præser-  
 tim



A tim si per corpus distribuuntur. Quæ cum ita sint, merito inquit Galenus alienū non esse, calorem qui in animantibus habetur, eiusmodi medicamentis quasi alimento quodam vti, quemadmodum ignis ligno. Qui locus observatione dignus est, cum ex eo intelligatur, medicamenta dici potestate calida, quod sint materia & veluti alimentum nostri caloris. Sed de hac re paullo post agemus. Neque vero necessarium est, vt in huiusmodi reuocatione totum medicamentum a nostro calore accendatur; cum satis plerumque sit, aliquam ipsius particulam (etiam minimam) calorem actu concipere, ex qua per continuitatem toti medicamento communicetur. Quo tempore idem credendum est medicamentis accidere, quod tedæ aut stupæ contingere experimur: sæpe namque fit, vt minima tedæ aut stupæ portiuncula à parua scintilla accendatur, eaque extincta, semel concepta flamma vniuersam stupam aut tedam depascatur. Neq. id mirum videri debet, quoniam vt inquit Galenus, quidquid potestate calidū est, in hoc nondum in natura sua calidum frigido præpollet, sed in propinquo est vt præpolleat; vsque adeo vt leuem dumtaxat opem extrinsecus requirat, quam sola interdum frictio præstare potest, interdum ignis, vel alterius corporis natura calidi (quale humanū est) contactus. Quod si in medicamentis potestate calidis nondum calidū frigido præpollet, nullum sane eorum medicamento- rum erit actu calidum. At lib. 3. de simp. med. fac. agens de medicamentis potestate calidis, contrarium docuit his verbis, Verisimile siquidem est pleraque eorum etiam actu calida esse, sed idcirco nos fugere, quoniā aut ipsi plurimum habemus caloris, aut crassa eorum essentia sit. Vt autem hæc quæ alioqui secum pugnare videntur, sibi mutuo consentiant, reuocare in memoriā oportet quod paullo antea dictum est; medicamentum scilicet ad aliquid semper referri, & nobis medicis perpetuo ad hominem; proptereaque medicamentorum vires non ex propria sui natura nobis expendi, sed ex actione quam exercent in corpus humanum. Cum vero medicamenta partim actu talia sint, partim potestate; ad hominem vtraque ita referre oportet, vt actu calida dicantur quæ nos actu calfaciunt, vt ignis; potestate vero calida quæ nos actu minime calfaciunt, sunt tamen idonea vt nos actu calfaciant, cum primum fuerint in actum reuocata. His ita statutis libenter cum Galeno concedimus, pleraque medicamenta potestate calida esse actu etiam calida, quia ex propria sui natura ac temperie quam ex primis elementis sunt sortita, calorem excedentem habent. Neque enim sentiendum est cum Vallesio, calorem in huiusmodi medicamentis potestate tantum præpollere, quemadmodum etiam elementa potestate tantum manent in mixtis. Ceterum licet calorem habeāt actu excedentem, ad nos tamen potestate calida dicentur, quia actu nos minime calfaciunt, vel propter partium crassitiem, vel quod nos plurimum habemus caloris, vt dicebat Galenus. Quare quod hoc loco dictū est sic interpretari oportet, vt in iis quæ sunt potestate calida, nondum in natura sua calidum frigido præpollere dicatur, quia licet calorem excedentem actu ex propria sui constitutione habere possint, nos tamen actu nondum calfaciunt. Quippe cum potestas ex aduerso opponatur actui, absurdum profecto fuerit, idem medicamentum esse potestate simul & actu ad nos calidū: quamuis absurdum non sit, quod ad nos est potestate calidum, ex sui natura actu calidum esse, & alteri cuiuspiam animantium generi actu calidum fortasse persentiri. Et quamuis in iis quæ sunt potestate calida ad nos, nondum in sua natura calidum frigido ad nos præpolleat; in propinquo est tamen vt præpolleat, quia naturam habent maxime idoneam,

Cap. 21.



neā, vt vel leui accepto incitamento fiant ad nos actu calida, id est nos actu cal-  
 faciant. Quæ cū ita sint, necessario concedendum est, omnia medicamenta pote-  
 state calida vel esse ad nos actu frigida, vel in calore & frigore temperata. Atq.  
 hinc intelliges, quam vere supra dictum fuerit à Galeno, ligna vniuersa ex sua  
 natura esse frigida. Nam & quæ aromatica sunt, licet calorem actu excedētem  
 videantur habere, sunt tamen ex sua natura ad nos actu frigida, quia frigida  
 nobis sentiuntur iudice tactu; potestate tamen calida ad nos vere dicuntur, quia  
 vim habent calfaciendi nostrum corpus. Ex iis quæ hætenus dicta sunt de me-  
 dicamentorum reuocatione, explicat tandem hoc problema, cur medicamen-  
 ta quedam cum primum fuerint corpori admota, incalescant, alia vero tem-  
 pore indigeant longiori. Estque sane facillima problematis explicatio, cum ex  
 superioribus constet, partim ad diuersam medicamentorum naturam, partim ad  
 variam corporis dispositionem referēdas esse huius rei causas. Hæc docet hoc  
 capite de medicamentis potestate calidis: sed cur de frigidis, humidis, & siccis  
 nihil dixi? An quia communem esse voluit medicamentorum omniū in actum  
 reuocandorum rationem? Siquidem vna eādemq. ratione noster calor in me-  
 dicamenta agit, qualiacumque ea fuerint. Omnia enim calfacit, comminuit, ac  
 distribuit; pro varia tamē sui natura medicamēta varia varios patiūtur affectus.  
 Nā quæ sunt potestate calida, cum primū à nostro calore calfiunt, non solū com-  
 minuantur, ac mouentur, verū etiam actu calida euadunt, quia naturam habent  
 vt accendantur idoneā. At quæ frigida, sicca, aut humida potestate sunt, dum à  
 nostro calore calfiunt, neq. actu calida euadūt, neq. accenduntur, sed tantū cō-  
 minuta distribuuntur; quo tempore nos actu refrigerant, exsiccant, aut hume-  
 ctant. Et quamuis horum medicamentorum pleraque actu iam talia esse sit ra-  
 tioni consonum; merito tamen dicuntur potestate talia ad nos, quia vt actu nos  
 refrigerent, exsiccant, aut humectent, id a nostro calore accipiunt. Quod ele-  
 gātissime explicauit lib. 3. de simp. med. fac. agens de potestate frigidis, his ver-  
 bis, Quamobrem eius quoque nunc protinus meminisse oportet, veteres me-  
 dicamenta natura frigida, potestate dixisse frigida; nam ea quoque quadante-  
 nus refrigerandi potentiam à nobis accipiunt, sicut ex calfaciendi calida. Quod  
 si alio modo illa, alio vero ista, nihil vtrique refert; generale enim communeque  
 vtrisque est, nempe alterationis principium ex passuro corpore in acturum me-  
 dicamentum procedens. Nam quæ potestate quidem sunt calida, alterantur  
 eo dumtaxat quod incalescant à nobis; at quæ natura frigida, tum quod com-  
 minuantur, tum quod adscititium accipiant motum. Cum itaque ipsis tanquam  
 frigidis agere absque corporis patientis auxilio non licet, iure potestate frigi-  
 da dicuntur. Nam vt actu nos refrigerent, non prorsum ex sese obtinent, verum  
 à nobis prius perpetiuntur, vt refrigerent, oportet: etenim in minuta conteri, &  
 adscititium motum accipere, affectus sunt medicaminum. Quibus sane verbis  
 (quæ in hunc locum transcribere libuit) quo pacto medicamenta potestate fri-  
 gida in actum reuocentur, apertissime declarat. Dicuntur enim refrigerandi  
 principium à nobis accipere, non quod à nobis refrigerentur, (calor namque  
 perpetuo calfacit) sed quod à nostro calore comminuta, adscititiumque motum  
 nacta, nos actu refrigerent. Differunt autem à medicamentis potestate calidis,  
 quod hæc cum primum à nobis incaluerint, actu calida fiant, nosque actu cal-  
 faciant; illa vero à nobis vtrumque calfacta, actu refrigerare non possint, do-  
 nes comminuta fuerint, & adscititium motum acceperint. Atque id haud dubie  
 voluit Galenus, cum ait, medicamenta potestate calida eo dumtaxat alterari,  
 quod



- A** quod à nobis incalescant. Neq. enim negat hæc quoq. cōminui & moueri, sed tantū significat actū nos calfacere, cum primū à nobis incaluerint; quod tamen potestate frigidis euenire non potest, vti dictū est. Eadē prorsus est ratio medicamentorum potestate humidorū & siccorum, hæc namq. cum in actum reuocantur, à nostro calore humectandi vel exsiccandi initiū accipere dicuntur, non quod à nobis humectentur aut exsiccentur; sed quod comminuta caloris vi ac distributa, actū nos humectent aut exsiccent: quod tamen antequam comminuerentur ac distribuerentur, præstare non poterant. Hæc quidem verissima certissimaque est de omnium medicamentorum potestate talium reductione Galeni sententia; à qua si semel recefferis, nihil rationi aut experientię consonum dicere possis. Quod sane plerisque eorum qui subsequuti sunt medicorum accidisse experimur, qui in explicanda medicamentorum reuocatione miserrime sunt lapsi. Ego namque sæpe mirari soleo antiquiorum medicorum commenta, eorum dico qui Arabum familiæ nomen dederunt; quamuis ipsorum princeps Auicenna idem cum Galeno sensisse videatur. Quidam enim ex his, ex calore nostro & propria medicamenti constitutione vnum fieri principium opinantur ad agendum habile; quod secundum diuersos temperamentorum modos in diuersis medicamentis varie operetur. Alii in actum medicamenta reuocari putant, quia à nostro calore omnino transmutantur in substantiam calfacientem, refrigerantem, humectantem, aut exsiccantem; pro varia scilicet ipsorum natura: ita vt in ventriculo gignatur chylus, qui calfaciendi, refrigerandi, exsiccandi, aut humectandi vim habeat; & in iecore sanguis iisdem facultatibus præditus; & in reliquis omnibus partibus medicamentosæ humiditates. Finxerunt alii, medicamentorum reductionem nihil esse aliud, quam partium elementarium quæ antea contrariis permixtæ delitescabant, separationem quandam & veluti secretionem vi nostri caloris factam. Alii rursus priuatim in medicamentis potestate frigidis ridiculam reuocationem imaginati sunt, totam ipsius vim ad antiperistasin referentes. Cum primum enim medicamentum frigidum vel intra corpus assumptum, vel exterius est admotum, ob caloris nostri præsentiam, natiuam ipsius frigiditatem valentiores reddi affirmant. Quam sententiam Lopezio quoque inter recentiores placuisse video. Ac tandem alii ad occultas proprietates confugientes, virtutes quasdam siue qualitates à primis distinctas, nostri caloris actione in medicamentis gigni, aut suscitari asserunt, quibus hoc vel illo modo operentur. Sed longum esset sophistarum fragmenta referre & longius multo errores detegere, atque refellere. Siquis vero hæc scire cupit, ipsosmet auctores adeat; aut etiam recentiores, qui huiusmodi quæstionibus delectantur. Ceterum recentiores quosdā magis mirari oportet, qui cū se iactent Galeni interpretes, nihil profecto minus quam Galeni sententiam interpretantur. E quorum numero sunt illi, qui in medicamentis ad actum reuocandis calorem nostrum impedimentū dumtaxat remouere arbitrantur; siue id sit immodicum frigus, à quo (vt quidam volunt) tota medicamenti substantia, tamquam compedibus adstricta, ad moti corporis cōtactum arcetur; siue præter frigiditatem ab externo aëre contractam, partium quoque (vt alii asserunt) crassities impedimento sit, quo minus medicamentum ad actum perueniat. Putant enim (vt statim dicemus) medicamenta suo pte impetu ad actum peruenire, & potestate talia vocari prima potestatis significatione. Hæc tamen opinio in medicamentis

Fen. 2. lib. 1.  
cap. de iis quæ  
comed. & bi-  
bunt.



potestate calidis locum habere non potest, utpote quæ in actum vocata, à nostro calore incalescant & accendantur. Sed absurdior adhuc eorū est sententia, qui medicamenta in actum à nostro calore reuocari negant, medicamenta omnia actu talia statuentes, siue ex astris, siue ex elementis vires suas acceperint. Tot igitur tamque monstrosæ sunt de medicamentorum in actum reductione medicorum opiniones, quas omnes refellere facillimum ei fuerit, qui veram Galeni sententiam semel intellexerit. Quare ut huic capiti finem tandem imponamus, illud tantum explicandum restat, quomodo medicamenta dicantur potestate talia. Quod sane cur Galenus præterierit, cum initio capitis de eo maxime dubitasset, conicere non possum, nisi forte id fecerit, quod ex iis quæ hoc capite docuit, facile colligatur propositæ dubitationis explicatio. Qui medicamenta actu talia esse contendunt, eo tantum nomine potestate talia dici posse affirmant, quod sint per se & ex propria natura talia, non autem ex accidenti: quæ altera erat potestatis significatio, quæ quidem non actu, sed ei quod est ex accidenti aduersatur. Qui vero medicamenta potestate talia vere statuunt, non solum quod per se talia sint, potestate talia dici affirmant; verum etiam quod qualia dicuntur nondum sint, sed possint talia fieri: quæ prior erat & propria significatio potestatis. Cum autem duo sint huius potestatis modi, quoniam ex his medicamentis conueniat, in dubio est positum. Sunt qui putent priorem medicamentis conuenire, quoniâ ex sua natura ad actum medicamenta peruenire sentiunt, cum primum caloris nostri beneficio ademptum fuerit impedimentum; siue illud frigiditas sit, siue partium crassities. Constare tamen non potest horum opinio, quoniam quæ secundum priorem modum dicuntur potestate talia, nullius rei externæ auxilio indigent, ut perueniant ad actum, in quem natura feruntur; sed postulant tantum, ne aliquid extrinsecus impediatur. At medicamenta ut actu talia fiant qualia dicuntur esse potestate, caloris nostri opem exposcunt, sine qua ad actum nullo pacto peruenire possunt. Reliquum igitur est ut necessario fateamur, medicamenta dici potestate talia secundo modo, quia scilicet sunt nostri caloris materia. Id quod de potestate calidis satis aperte videtur hoc capite docuisse Galenus dicens, eandem earationem habere ad nostrum calorem, quam ligna habent ad ignem. Sed & expressis verbis id ipsum significauit, sic scribens, Non est igitur alienum, calorem qui in animantibus habetur, eiusmodi medicamentis quasi alimento quodam uti, quemadmodum ignis ligno. Et lib. 1. de simp. med. fac. Ostensum, inquit, est in tertio de temperamentis, nullum eorum quæ nos excalfacere apparet; perinde ut ignem posse calfacere, verum ut materiam accendi facilem; siquidem mutationis principium à nostra caliditate accipientia, ut calami aridi ab igne, nos contra recalfaciunt, & velut partes sunt quædam caloris nostri, sicut illi ignis. Et rursus lib. 2. quod est potestate calidum velut aptam quandam materiam esse dixit eius quod est actu calidum. Dicuntur autem potestate calida medicamenta nostri caloris materia, & quasi alimentum, non quod calidam corporis nostri substantiam augeant, sed quod qualitatem intendunt. Atque hætenus quidem in medicamentis potestate calidis res ita habere videtur, reliquorum vero eadem ratio esse non potest. Quippe quæ potestate humida sunt, aut sicca, cum caloris qualitatem ex sua natura intendere nequeant, quomodo caloris nostri materia dicuntur? Maior adhuc dubitandi occasio est de potestate

Cap. ii.

Cap. 23.



- A testate frigidis, vtpote quę innatum nobis calorem imminuant, & non raro prorsus extinguant, tantum abest vt ipsum augere possint. Ceterum & hæc, & reliqua omnia medicamenta potestate talia vere dicuntur ac sunt nostri caloris materia, quoniam vt in actum vocentur, à nostro calore patiuntur & mutantur. Siquidem materie nomine non tantum significatur subiectum ex quo aliquid fit, verum etiam quod ab alio patitur atque afficitur: ita vt intelligenda hoc loco sit materia potius alterationis (vt vocant) quam transmutationis. Et quamuis medicamenta omnia potestate talia hoc nomine dicantur in vniuersum materia nostri caloris; id tamen peculiare habent potestate calida, vt fiant quasi alimentum, & veluti partes quædam nostri caloris; proindeque verius multo dicantur ipsius materia. Quæ cum ita sint, nescio profecto, cur vir doctissimus, & mihi amicissimus Simon Touarius, neque primo, neque secundo modo medicamenta potestate talia dici posse affirmet, sed alio
- B quodam, quem Galenus in præsentia prætermisit, quo scilicet ea dicuntur talia potestate, quæ licet id quod esse dicuntur vere sint, non possunt tamen idipsum quod esse dicuntur actu in nobis expromere citra nostri caloris opem. Atqui probabile non est, eum potestatis modum qui medicamenti maxime conuenit, fuisse à Galeno prætermisum hoc libro, in quo de medicamenti potestate talibus ex instituto disputat. Satius itaque fuerit, omnia ea quæ nostri caloris auxilio indigent vt possint vires suas expromere, caloris materiam dicere, atque ad secundum potestatis modum referre. Quo fit, vt medicamentis omnibus potestate talibus tribuenda hoc nomine sit potentia passiuæ, cum potestate talia dicantur, quod à calore nostro mutata, possint actu talia fieri. Non tamen proinde deneganda ipsis est (vt aliqui voluerunt) potentia actiua, cum in actum semel reuocata agant in corpus: immo actiua hæc potentia in medicamenti potissimum expendi solet, cum ex eo quod medicamentum agit in corpus, ipsius facultas colligatur.

Lib. 3. de cōp.  
med. exam.  
cap. 6.

## CAP. III.



- LLVD potius definiamus, cuius vtique demonstratio cum de naturalibus potentiis agemus, tradetur. Ex hypothese autem nunc quoque propositorum causa eo vtemur, quattuor nimirum dicentes totius corporis proprias facultates esse; vnā idoneorum tractricem, alteram eorum omnium retentricem, tertiam alteratricem, & quartam quæ alieni sit segregatrix. Easdemque facultates [effectus] esse totius in quouis corpore substantiæ, quam etiam constare ex calido, frigido, humido, & sicco, inter se mistis, dicimus. Vbi igitur corpus vna qualibet earum quas in se habet qualitatū, corpus quod sibi admouetur demutat; nec ipsum hoc casu tota substantia existimandum est agere; nec quod ab ipso mutatur, posse ei assimilari: quare nec vnquā nutriet quod ita mutatum est, id quod se mutauit. At si illud mutet, id est si tota substantia operetur, vtique tum sibi assimilabit id quod mutatur; tum ab eo nutrietur: neque enim aliud nutritio est quam

T 2 assimilata



*assimilatio perfecta. Quoniam autem hoc definitum est, inde rursus incipiendum. A*  
*Omne animal conueniente sibi nutritur alimento; conueniens autem cuique ali-*  
*mentum est, quidquid assimilari corpori quod nutritur, potest. Oportet igitur*  
*toti nutrientis substantiæ cum tota nutriti natura communio aliqua similitudo-*  
*que sit; prorsus hinc quoque non paruo excessus defectusque subsistente in ipsis*  
*discrimine, cum alia magis consentientia similiæque sint, alia minus. Proinde*  
*etiam alia conficiendi opere valentiore ac diuturniore, alia minore ac breuiore-*  
*egent: auium caro minore, suilla maiore, bubula etiam hac maiore. Vinum vero*  
*ut assimiletur, mutationem desiderat minimam; quo fit, ut tum nutriat, tum*  
*roboret celerrime. Porro id quoque in concoquendi instrumentis, ventriculo,*  
*iecore, & venis, prorsus aliquamdiu traxerit oportet; in quibus scilicet præ-*  
*paratum nutrire corpus iam queat. Ante vero quam in his sit demutatum, fieri*  
*non potest ut animalis corpori sit nutrimentum; ne si per totum diem ac noctem*  
*extrinsecus super corpus sit impositum; multoque minus panis, vel beta, vel*  
*maza foris imposita nutriat.*

Explicat hoc capite eorum omnium naturam quæ dicuntur ad hominem potestate talia. Hæc autem vel nutrimenta sunt, vel medicamenta, sub quibus nutrimenta medicamentosa complectitur. Atqui ut facilius explicet purorum nutrimentorum naturam, pro hypothese nunc statuit quod demonstraturus est ex instituto libris de facultatibus naturalibus; quattuor scilicet esse totius corporis proprias facultates, attractricem, retentricem, concoctricem, & expultricem, quam vocat in præsentia alieni segregatricem. Quamuis & præter has, tres aliæ sint principes, generatrix, auctrix, & nutrix; de quibus omnibus suo loco agemus. Has quattuor facultates vocat totius in quouis corpore substantiæ, ut eas distinguat ab aliis facultatibus quæ vni aut alteri qualitati debentur; qualis est facultas calfaciendi, refrigerandi, exsiccandi, & humectandi: neque enim à manifestis qualitatibus illæ proveniunt, sed totius substantiæ sunt soboles. Vocat autem totam substantiam, certam primarum quattuor qualitarum temperiem, cum certa substantiarum elementarium proportionem, quæ unicuique mixto est propria: in his enim tota mistorum corporum substantia posita est, ut alibi diximus. Ceterum licet totius substantiæ facultates dicantur, iuuantur tamen non parum à qualitatibus manifestis; ut attractrix & concoctrix à calore; & à siccitate retentrix. Humiditas vero licet ad nutritionem & auctorem mirifice faciat, ceteris tamen naturæ functionibus aduersatur: frigiditas autem, Galeno auctore, nulli functioni est per se utilis. Ex his certo intelligitur, actiones quæ in nostris corporibus exercentur, in duplici esse differentia, aut enim sunt actiones totius substantiæ, aut manifestæ cuiuspiam qualitatatis. Quando igitur corpus nostrum in rem sibi admodum agit manifesta qualitate, & id quod ab ipso patitur, manifesta dumtaxat qualitate mutabitur; quando vero agit tota substantia, & totam eius quod patitur substantiam mutari necesse erit. Rursus quod una quapiam qualitate manifesta mutatur, corpori assimilari non potest, neque ipsum nutrire; quod autem mutatur tota substantia, potest corpus nutrire, quia nutritio nihil aliud est quam perfecta assimilatio. Hæc autem fit, quando



A quando id quod à corpore alteratur, non solis qualitatibus, sed tota sui substantia alteranti omnino fit simile, vel potius idem. Atque id sane præstant facultas concòctrix & nutritrix, quæ cum in solis viuētibus reperiātur, in his quoque solis vera perfectaq. inueniri potest assimilatio. Reliquæ vero duæ facultates, attrahrix & retentrix, iis quæ vita carent sunt etiam cum viuētibz communes. Quoniam vero viuētia omnia nutrimentis indigent, quibus deperditam substantiam resarciant; oportet profecto, vt quod nutriturum est, totius substantiæ similitudinem atque cognationem cum nutriendo habeat. Et quoniam diuersa multum est viuētiū natura, diuersa quoque plantarum & animalium nutrimenta esse oportuit. Sed nec plantis omnibus idem nutrimentum familiare esse potest, cum multiplex sit ipsarum natura, diuersoque gaudeant cælo, ac solo, iuxta illud Poëtæ,

Non omnis fert omnia tellus,

B Hic segetes, illic veniunt felicius vna;  
Arborei foetus alibi, atque iniussa virescunt  
Gramina. Et rursus,  
Nec vero terræ ferre omnes omnia possunt,  
Fluminibus salices, crassisque paludibus alni  
Nascuntur, steriles saxosis montibus orni;  
Littora myrtetis latissima; denique apertos  
Bacchus amat colles; aquilonem & frigora taxi.

Eadem ratio & animalium est, alia namque sunt nutrimenta iucunda bo-  
bus, alia canibus, alia hominibus; in quibus maior adhuc varietas cōspicitur, cū  
passim aliquos videas ab his cibis plurimum abhorreere, quibus alii maxime de-  
lectantur. In vniuersum tamen nutrimentū omne cum corpore nutriendo totius  
substantiæ similitudine vel magis vel minus conuenire debet. Pro maiori vero  
aut minori similitudine fit, vt aut breviori, aut longiori tempore indigeant, vt  
C intra corpus assumpta concoquātur. Quippe quæ magis sunt familiaria, citius;  
quæ minus, tardius concoqui consueuerunt: quamuis & id quoque ad substantiæ  
tenuitatem vel crassitiem referri possit. Auium quidem caro (vt phasiani, attra-  
gionis, perdicis, gallinæ) facilius multo concoquitur quam caro quadrupedum;  
& bubula difficilius quam suilla. Inter omnia tamen quæ hominem nutriunt,  
celerrime concoquitur, digeritur, & assimilatur vinum; tum ob partium tenui-  
tatem, cum potissimum ob maximam totius substantiæ similitudinem. Quan-  
tumuis tamen familiare sit ac tenue, hominem nunquam nutrit, quin prius in  
concoquendi instrumentis, ventriculo, iecore, & venis, præparatum fuerit atque  
D concoctum. Venas hoc loco inter concoquendi instrumenta enumerat, quem-  
admodum ventriculum & iecur; cum tamen nullius cōcoctionis sint organum.  
Cum enim triplex sit alimenti concoctio, prima quidem in ventriculo fit, al-  
tera in iecore, tertia vero nullum peculiare instrumentum sortita, in singulis  
corporis partibus perficitur. Aut ergo dicendum iecur simul & venas secundæ  
concoctionis organum statuisse, quoniam existit olim quæstio, an sanguinis  
generatio deberetur iecori, an potius venis; aut venarum exemplo reliquas  
etiam partes significasse, in quibus tertia fit concoctio. Vtcumque tamen res  
habeat, vt nutriat vinum, debet primum in ventriculo concoqui, ibique in  
chylum conueri; deinde iecore & venis in sanguinem mutari; vt tandem pos-  
sit in singulis partibus nutriendis tertio cōcoctum ipsis assimilari. Atque hinc

T. 3. fit, vt



fit, ut vinum exterius admotū non nutriat. Quod si vinū, nutrimentū alioqui te-  
 nue, halituosum, omniūq. maxime familiare, alere non potest, quin prius in vē-  
 triculo, iecore, & reliquis partibus concoquatur; quid quæso de aliis nutrimen-  
 tis, quæ & crassiora sunt & minus familiaria, sentire oportet? Hæc igitur Galeni  
 sententiā diligenter obseruent nō pauci medicorū, qui ab obstetricibus (ut puto)  
 edocti, ubi grauidis venam secari iubent, aut propter foetus imbecillitatem a-  
 bortus periculum imminet, dissectum columbum, aut arietinam carnem semi-  
 assatam, potissimumque cordis carnem (quasi hæc ad humani cordis vires re-  
 ficiendas maiorem vim habeat) eo consilio vmbilico imponunt, ut foetus inde  
 nutrimentum accipiat. Cum enim hi aliquando audierint foetum per vmbilici  
 vasa nutrimentum attrahere; quod de proprio foetus vmbilico vere dictum est,  
 ad vmbilicum maternum temere ipsi transferunt. Neque vero ab hac opinio-  
 ne alioqui vulgari omnino recessit Vallesius, qui licet quæ admoventur vmbi-  
 lico parum nutrire credat, aliquid tamen nutrimenti præbere posse affirmat.  
 Locum autem hunc parum accurate à Galeno scriptū fatetur, quod hîc de nu-  
 tritione non agat ex instituto; quamvis nullibi (quod sciam) vniuersam nutri-  
 mentorum naturam, & rotam eorundem mutationem accuratius explicarit.  
 Aut igitur locum aliquem in mediū proferre debuisset Vallesius, in quo Gale-  
 nus ex instituto de hac re agens, nutrimenta extrinsecus admotā nutrire posse  
 concesserit; aut si minus id posset, Galeno id in præsentia neganti assentiri.  
 At cum Galenum non possit, Hippocratem testem inuocat, qui scripsit  
 alicubi, forinsecus alimentum ex extrema superficie ad intima peruenire. Cete-  
 rum nihil minus voluit his verbis Hippocrates quam extrinsecus imposita pos-  
 se nutrire, tantum enim significauit, alimentum interdum ex partibus externis,  
 nempe ex habitu corporis, ad partes internas remeare: quemadmodum etiam  
 antea dixerat, intrinsecus, id est à partibus internis, ad externas alimentum  
 peruenire: proindeque merito subiunxit, Confluxio vna, conspiratio vna. Et  
 quamvis plurimi sint in cute meatus, plurimæq. arteriæ finiantur ad cutim; ne-  
 cessarium tamen non est, alimenti exterius admoti substantiam attrahi, quo-  
 niam arteriæ dilatatae tenuissimo & ad sequendum paratissimo aëre facilius  
 promptiusque replentur: aut si aliquid forte trahant, trahent dumtaxat quod  
 tenuissimum est & maxime halituosum. Id vero materiam quidem gignendis  
 spiritibus præbere, nutrire tamen nequaquam potest, cum triplicem partium  
 substantiam deperditam instaurare nequeat: alioqui solus aër nutriret, qui ma-  
 teria spiritus est. Ad eundem prorsus modum & illam Hippocratis sententiam  
 interpretari oportet, Carnes attractrices ex ventre, & extrinsecus. Dixit nam-  
 que carnes attractrices extrinsecus, non quod extimæ cuti imposita nutrimenta  
 attrahere possint; sed quod ab extimis partibus sanguinem interdum in profun-  
 dum reuocent; aut (quod magis Galeno placet) quod externum aëre attrahāt.  
 Sed nonne aqua balnei intro per cutem attrahitur? attrahentur ergo & nutri-  
 menta cuti imposita. Balnei quidem aquam à corpore trahi, affirmant vulgares  
 se manifesto sentire, quibus etiam assentitur Galenus in eius sententiæ cōmen-  
 tario; diuersa tamen aquæ & nutrimentorum est ratio. Hæc namque extrinsecus  
 admotā quia neque nutrire, neq. alium vsum præbere possunt, à partibus non  
 attrahuntur; nisi forte quod in ipsis tenuissimum est, ut antea diximus. Illa vero  
 quāuis non nutriat, aliquando attrahitur, quia duplicē vsum, eūq. insignē parti-  
 bus præbet; cū & exsiccatas partes humectet, & serosam substantiā instauret. Por-  
 ro quæ prægnantiū imponuntur vmbilicis, ut nutriendo foetui prorsus inepta, ita  
 discu-

Lib. 8. contro.  
 cap. 3.  
 Com. in hunc  
 locum.

Lib. de alimē.

Lib. 6. epid.  
 1. et 6. sent. 1.

A

B

C

D



- discutiendis flatibus, firmando vtero, & foetui retinendo vtilissima esse cenſeo.
- A** Quo ſane conſilio panis mica vino imbuta, cinamomo, cariophyllis, & maſtiche conſperſa frequenter præſcribi ſolet. Sed iam progrediamur vltcrius, illudque etiam examinemus quod hîc dictum eſt à Galeno, neque vinum, neque aliud quidpiam nutrire nos poſſe, quin prius in ventriculo, iecore, & venis fuerit concoctum. Cui proſecto ſententiæ plura aduerſari videntur, illudque in primis, quod chylus vètriculum nutriat, antequam ſanguis in iecore gignatur. Præterea nutrimenta per ſedem iniecta nutrire poſſunt, alioqui perperam præſcriberentur à medicis clyſteres nutrientes appellati; hi vero tenue inteſtinum vix pertingunt, nedum vètriculum ipſum. Poſtremo vinum epotum antequam in ventriculo concoqui poſſit, immo & naribus dumtaxat admotum (vt reliqua omnia odorifera) celerrime nutrire videtur, cum animi deliquium & ſyncopen promptiſſime corrigit. Nihilominus tamen veriſſimum eſſe credimus quod hîc ſcriptum eſt à Galeno, dummodo intelligatur de iis quæ vniuerſo corpori nutrimentum præbent. At chylus ſolius ventriculi nutrimentum eſt, aut (ſi maioris) tenuium etiam inteſtinorum; proindeque has partes quæ iecore priores ſunt, alere poteſt, antequam in ſanguinem conuertatur. Quippe cum ventriculus ſibi potius quam reliquis partibus cibum conficiat, fieri non poteſt, quin cibo à ſe conſecto nutriatur, non ſecus ac iecur à ſe conſecto ſanguine. Quod ad nutrientes clyſteres attinet in controuerſia eſt poſitum, concedentibus quibuſdam, aliis vero negantibus nutrire poſſe. Si tamen nutrant (quod probabilius iudico) in chylum prius conuerti neceſſe eſt; aut in ventriculo, ſi ſurſum attracti ad ipſum aſcenderint; aut (quod frequentius eſt) in ipſiſmet inteſtinis. His namque quemadmodum & ventriculo facultas ciborum concoctrix ineſt, vtpote quæ & tunicam habeant cum ventriculo communem, & ſubſtantiam ab eo non multum diuerſam, vt fatetur Galenus. De vino res eſt difficilior, dicendum tamen, neque vinum, neque aliud quidquam ſolo odore nutrire, ſed halituoſa ſua ſubſtantia, quæ ſimul cum aëre ad anteriores cerebri ventriculos inſpiratione attrahitur, gignendis ſpiritibus materiam tantum præbere; qua ſola ratione lypothymia & ſyncope medetur. Idem præſtat epotum vinum antequam in ventriculo concoquatur, neque enim tunc nutrit, ſed tantum materiam vitali ſpiritui ſuppeditat, arteriis quæ ad ventriculum finiuntur, halituoſam ſubſtantiam (quæ plurima eſt in vino) ſua dilatatione attrahentibus. Ex iis quæ hætenus docuit Galenus, duo neceſſario colligimus. Primum eſt, vini maximam eſſe vim ad corrigendam ſyncopen, cum gignendis ſpiritibus materiam prompte ſuppeditet, concoquatur celerrime, diſtribuat, tandemque aſſimiletur.
- D** Quare mirandum non eſt, ſi Galenus pleriſque eorum qui exoluuntur, vinum tanquam omnium vtiliſſimum propinet. At paſſim nunc videas medicorum pleroſque, vt plus ſapere videantur, neglecto vino (vtpote vulgari remedio ac ſacili) ad ſecretiora carioraque confugere, veluti aurum, margaritas, & alia ſimilia, quæ ipſi cardiaca appellant. Quibus quanta ad reſciendos ſpiritus, triplicemque partium ſubſtantiam inſtaurandam vis inſit, propria ipſorum natura quæ duſſima eſt ac ſolidiſſima, minimamque ac fortasſe nullam ſubſtantia ſimilitudinem nobiſcum habet, aperte declarat. Sed de his non eſt nunc dicendi locus. Colligimus ſecundo ventriculi concoctionem neceſſariam eſſe ad vitam, cum dictum ſit nihil nutrire poſſe, quin prius concoctum in ventriculo fuerit. Id quod obſeruare debuiffent, qui ſolida tantum alimenta ventriculi concoctione indigere arbitrantur, liquida vero (quale eſt lac) citra conco-

Lib. 4. de vſu-  
par. cap. 17.

Lib. 3. de fac.  
nat. cap. vlt.

Lib. 12. metho.  
med. cap. 4. &  
lib. 1. de art. cu  
rat. ad Glauco.  
cap. 14.



tionem ventriculi in sanguinem mutari posse. Horum tamen errorem libro. A  
tertio de facultatibus naturalibus refellemus.

*At quæ quidem assimilantur, omnia nutrimenta vocantur, reliqua omnia  
medicamenta.*

Cap. 1.

Ex iis quæ hætenus docuit de nutrimentorum mutatione, colligit nunc discrimen inter nutrimenta & medicamenta. Differunt autem, quia licet vtraque à nostris corporibus mutationem accipiant, nutrimenta tamen tota sui substantia mutantur, medicamenta vero vna vel altera qualitate: ita namque & nostrum corpus tota sui substantia in nutrimenta, in medicamenta vero sola qualitate agere potest. Atq. hinc alterum nascitur discrimen, nam cum tota sui substantia mutantur nutrimenta, corpori alteranti assimilari, ipsumque nutrire possunt; at medicamenta cum sola qualitate alterentur, neque assimilari possunt, neque corpus nutrire. Propterea merito lib. 1. de simp. med. fac. nutrimentum esse dixit quidquid corporis nostri substantiam augere potest; medicamentum vero, quod alterare potest nostram naturam. Quæcumque vero & simul alterare, & corporis nostri substantiam augere possunt; & nutrimenti simul & medicamenti rationem obtinet. Ex quibus constat, nutrimenta eodem prorsus modo quo medicamenta, potestate talia vocari. Neque enim eo tantum nomine potestate talia dicuntur, quod per se & ex sua natura sint talia; sed etiam quod iuxta propriam potestatis notionem nondum actu talia sint qualia dicuntur, possint tamen talia fieri, quia naturalem ut id fiant aptitudinem habent. Et cum duo sint eius potestati modi, secundum ipsis quemadmodum etiam medicamenti conuenire certissimum est; cum sint nostri caloris materia. Dicuntur autem nutrimenta omnia potestate talia bifariam. Primum quidem, quia sunt potestate calida ad nos, cum caloris nostri substantiam augeant. Quo nomine à medicamenti potestate calidis differunt, quæ quidem caloris potius qualitatem intendunt, quam ipsius substantiam augeant. Deinde vero, quia sunt potestate chylus, sanguis, caro, ligamentum, os, & reliquæ omnes partes similes, cum sint vel proxima vel remota horum omnium materia. Porro nutrimenta medicamentosa, ut mistam naturam, ita & mistam potestatem habent, nutrimenti & medicamenti participem. Quatenus enim medicamenta sunt, potestate calida, frigida, sicca, aut humida dicuntur, quia antequam concoquantur, corpus calfaciunt, refrigerant, exsiccant, aut humectant, cum primum in actum reuocata fuerint. Quatenus vero nutrimenta, dicuntur tantum potestate calida, quia caloris nostri substantiam augere possunt, cum primum in sanguinem mutata partibus assimilantur. Quo fit, ut & chylus, & sanguis, & caro, & reliquæ omnes corporis partes nutriendæ, dicantur quoque esse potestate.

*Est porro & horum natura duplex. Quippe vel cuiusmodi sunt assumpta, eiusmodi etiam permanentia, vincunt, corpusque mutant, ad eundem modum quo id cibos; atque hæc prorsus tum venenosa, tum naturæ animalis corrupticia pharmaca sunt.*

Cum duplicem esse dicat medicamentorum naturam, quattuor ipsorum genera statim enumerat. Quare aut pro Duplex legendum Quadruplex vel Multiplex; aut locus sic explicandus, ut duplex in vniuersum dicatur medicamento-

rum



- A rum natura, quoniam aut venenata sunt, aut venenatae qualitatibus expertia. Et rursus cum utraque in duplici sint differentia, verum quoque erit quattuor esse medicamentorum genera. In primis itaque venenata medicamenta in duo genera diuiduntur. Primum genus eorum est quae cuiusmodi sunt assumpta, eiusmodi etiam permanentia, corpus mutant ac vincunt, ad eundem modum quo corpus cibos. Sentiunt autem omnes interpretes, medicamenta huius generis ea esse quae quarto recessu sunt frigida; qualis est cicuta, mandragora, & similia: haec namque venenosa sunt, & naturae animalis corrupticia, cum medicamenta sint, si non toto genere, saltem quantitate deleteria. Cui interpretationi multum quoque fauet ipsemet Galenus, qui in sequentibus docebit, medicamenta frigida ne tantillum quidem mutari à nostro calore: quod itidem videtur hoc loco affirmasse de huius primi generis medicamentis, quae qualia sunt assumpta, talia in corpore permanere scribit. Facillimum tamen est huiusmodi interpretationem ex ipsomet Galeno refellere. Quippe cum dixerit ab huiusmodi medicamentis corpus mutari ac vinci, ad eundem modum quo à corpore mutatur cibi, cibi vero tota sui substantia à corpore mutantur; necessario concedere oportet, huius generis medicamenta tota sui substantia corpus mutare ac vincere. Quod sane de medicamentis in quarto recessu frigidis verum non est, quae sola frigiditate corpus immutant ac perimunt. Quae igitur in hoc genere continentur medicamenta, toto genere deleteria esse censemus; non tamen omnia, sed ea dumtaxat quae actu deleteria sunt; quibus id proprium est, ut qualia sunt assumpta, talia in corpore permaneant, nullo pacto à nobis mutata. Quo fit, ut perniciosissima venena iure censeantur, cuius generis creduntur esse salua viperæ, aspidis virus, & canis rabidi spuma.
- B

C *Vel mutationis initium ab animalis corpore consequuta, deinceps iam putrescunt ac corrumpuntur; deinde corpus quoque una corrumpunt ac putrefaciunt. Sunt autem haec quoque noxia venena.*

Alterum genus venenorum eorum est, quae mutationis principium à nostro calore consequuta, putrescunt ac corrumpuntur; putrefacta vero & corrupta corpus nostrum corrumpunt ac putrefaciunt. In hoc genere certissimum est contineri ea venena, quae putrefacientia, & erodentia medicis vocantur. Putrefacientium quidem (quae Graecis σήπτικα dicuntur) talis est natura, ut mutationis initio à nobis accepto promptissime putrescant, (utpote quae aut humida sint, aut humida simul & calida, proptereaque putredini maxime obnoxia) semel vero putrefacta, partes quibus adherent, potissimumque sanguinem, suo contactu putrefaciant. Quod tamen de vere proprieque septicis vel putrefacientibus medicamentis intelligere oportet; haec namque, auctore Galeno, calcificant simul & humectant, partesque cum foetore (qui soboles putredinis est) omnino corrumpunt. In quo genere continetur quoddam fungorum genus, qui (ut fatetur Galenus) mixtam habent ex sua natura putredinosam qualitatem. Eiusdem generis est salamandra, cuius veneno diutius immorante, partes nonnullas putrescentes defluere refert Dioscorides. Cenchris praeterea putrefaciens venenum censetur, cum ipsius morsum putridum sequatur vlcus, eodem auctore. Eandem quoque naturam ac putrefaciendi vim obtinebat haud dubie perniciosissimum illud venenum, cuius meminit Matthiolus ex Gilberto Anglico. Quendam enim, dum noctu dormiret, à serpente demorsum mortem obiisse

Lib. 5. de sim.  
med. fac. c. 15.

Lib. 7. de sim.  
med. fac.

Lib. 6. cap. 4.

Lib. 6. cap. 52.

Præfat. in lib.  
6. Diosc.



narrat; quem cum mane famulus quasi altius dormientem excitaturus, paullo A  
vehementius per brachium traxisset, vniuersam brachii carnem putredine iam  
confectam, eo tractionis motu concidisse, nudaque ossa remansisse, non sine  
magna admiratione animaduertit. Sunt tamen alia medicamenta, quæ impro-  
prie septica vel putrefacientia dicuntur, propter solam scilicet symptomatis si-  
militudinem; id namque habent cum vere putrefacientibus commune, vt sine  
dolore partes corrumpant. Sunt autem propriè ex genere colliquantium, quia  
vim habent colliquandi exedendique carnem, ac potissimum eam quæ teneli-  
la est, dum foris imponuntur. Eadem vero intra corpus assumpta, noxia sunt ve-  
nena; quæ tamen non putrefaciendo, sed erodendo potius interimunt: vnde &  
erodentia appellantur. Cuius generis sunt arsenicum, sandaraca, chrysocol-  
la, pityocampe, & aconitum. Porro erodentium venenorum duplex est genus,  
quædam enim partem quamcumque erosione corrumpunt, vt arsenicum; alia B  
vero hanc vel illam partem priuatim erodunt, vt lepus marinus pulmonem, cā-  
tharides vesicam. Sed de vtriusque generis venenis agendum adhuc est capite  
sexto. Ex iis quæ de medicamentis putrefacientibus & erodentibus hætenus  
diximus, recentiorum medicorum errorem facile deprehēdes, qui putrefacien-  
tia cum erodentibus perperam confundunt, neque ea ab iis quæ improprie pu-  
trefacientia dicuntur, distinguunt.

*Est his etiam amplius tertia medicamentorum species, eorum nimirum quæ  
corpus recalcificiunt quidem, mali tamen nihil adferunt.*

In aliis duobus generibus continentur medicamenta quæ venenatæ qualita-  
tis expertia sunt. Est itaque tertium genus eorum quæ corpus nostrum recalsa-  
ciunt, mali tamen nihil inferunt, vt Galenus ait. In hoc autem genere non so- C  
lum continentur (vt putant plerique) medicamenta in primo, secundo, & tertio  
ordine potestate calida, sed etiam quæ sunt calida in quarto; quibus omnibus  
id commune est, vt à nostro calore calfiant, calfactaque rursum corpus nostrum  
calfaciant. Et quamuis id commune habeant cum medicamentis secundi gene-  
ris, vt sint potestate calida; eo tamen differunt, quod hæc cum venenata nō sint,  
nihil mali inferant; illa vero venena sint perniciosissima. Dicuntur vero nihil  
mali inferre, ex sua scilicet natura; nam si immodice sumantur quæ calida sunt  
in quarto, immodico suo calore interficiunt, cum sint quantitate deleteria. Ad  
hoc genus referuntur medicamenta omnia potestate humida, sicca, aut frigida,  
etiā si quantitate deleteria aliquando hæc sint. Nam quamuis calidorū exem-  
plo Galenus vsus fuerit, eadem tamen & reliquorum omnium videtur esse ra- D  
tio; cum mutationis initium à nobis accipientia, nos postea refrigerent, exsic-  
cent, aut humectent, nullamque ex sua natura noxam inferant.


*Est & quarta eorum species quæ & agunt & patiuntur aliquid, sed tandem  
vincuntur, planeque assimilantur. Accidit autem his, vt tam medicamenta sint  
quam nutrimenta.*

Continetur hoc quarto genere nutrimenta medicamentosa quæ vocant, aut  
medicamenta nutrimentosa. Horum natura huiusmodi est, vt à nobis assumpta  
agant primum in corpus, ipsumque calfaciant, refrigerent, exsiccant, aut hume-  
ctent; deinde vero ita à corpore patiantur, vt prorsus deuicta ipsi assimilentur.  
Atque id quidem ipsis conuenit tanquam nutrimentis; illud vero tanquam me-  
dicamen-



A dicamentis. Sed manca fortasse videri possit quadripartita hæc medicamento-  
rum diuisio, cum alexiteria, amuleta, aut alexipharmaca appellata medicamē-  
ta non complectatur. Scio Lopezium alexipharmaca retulisse ad tertiū genus;  
at quam recte, aliorum esto iudicium. Fateor equidem aliqua alexipharmaca  
ad tertium genus pertinere, qualia sunt quæ manifestis qualitatibus agunt; hæc  
namque potestate sunt calida, frigida, sicca, aut humida. At quæ tota substantia  
venenum corrumpunt, quæ itidem totius substantiæ similitudine venenum at-  
trahunt, nullo pacto possunt ad tertium genus referri. Porro quod tam variæ  
sint alexipharmacorum species, docuit abunde Galenus lib. 5. de simp. med.  
fac. vbi elegantissime etiam explicauit propriam ipsorum naturam, quam me- Cap. 18.  
diam esse dixit inter corpora perpetientia & medicamenta ipsa lædentia. Quæ  
cum ita sint, ad primum potius & secundum medicamentorū genus alexiphar-  
maca referrem quæ tota substantia agunt; vt scilicet venena, & quæ venenis  
B medentur pharmaca, ad idem medicamentorum genus pertineant. Huc acce-  
dit, quod largius sumpta alexipharmaca insigniter lædant, interdumque homi-  
nem perimant. Perimunt autē, non qualitate manifesta, sed tota sui substantia;  
quo fit vt toto genere interficiant, non sint tamen toto genere deleteria, sed  
tantum quantitate.

## CAP. IIII.

 *THIL* autem miri est, si exiguum consequuta momentum aliqua,  
maximam a priore natura mutationem habent; cernuntur enim  
eiusmodi multa in iis quæ extra nos sunt. Siquidem in ea Mysia  
C quæ est Asiæ pars, domus hac aliquādo ratione conflagrauit. Erat  
proiectum columbinum stercus, cui iam putri, ac excalfacto, & vaporem edenti,  
& tangentibus admodum calido, in propinquo fenestra fuerat, ita vt continge-  
ret eius ligna, quæ large nuper illita resina fuerant. Media igitur æstate cum sol  
plurimus incidisset, accendit tum resinam, tum ligna; hinc autem & fores quæ-  
dam aliæ quæ prope fuerant, & fenestræ nuper etiam resina illitæ facile ignem  
conceperant, atque ad tectum vsque submiserant. Vbi autem excepta scmel a te-  
cto est flamma, celeriter in totam domum est grassata. Hoc arbitror modo aiunt  
& Archimede[m] hostium triremes vrentibus speculis incēdisse. Porro succendi-  
D tur his prompte lana, stupa, elychnium, ferula, quidquid denique similiter his  
siccum rarumque est. Flammam edunt & lapides attriti, atque hoc magis, si quis  
sulphure illos illeuerit. Eiusmodi erat medicamentum Medæ, quippe quod qui-  
bus est illitum, omnia (vbi in id incidit calor) accendit: cōstat id ex sulphure &  
humido bitumine. Iam illud ceu rem mirandam quidam ostentauit, extinxit lu-  
cernam, ac rursus muro admouens accendit; alter lapidi eam admouit; fue-  
rant autem tum murus tum lapis sulphure contacti; quod vbi deprehensum est,  
desiit mirum videri quod ostentabatur. Ergo omnia id genus medicamina per-  
fecte calida adhuc non sunt, aptissimam tamen vt calida fiant, atq. idcirco pote-  
state calida dicuntur.

Dissoluit



Dissoluit hoc capite quattuor problemata, ad nutrimentorum & medicamen- A  
 torum vires intelligendas necessaria. Primum id est, cur medicamenta potesta-  
 te calida exiguum consequuta momentum, maximam à priore natura mutatio-  
 nem habeant; id est, cur minimo mutationis initio à nobis accepto non solum  
 actu calida fiant, verum etiam nobis multo calidiora euadant. Respondet au-  
 tem eiusmodi medicamenti idem euenire, quod iis quæ ad ignem sunt pote-  
 state calida accidere experimur. Experimur vero frequentissime, leui altera-  
 tionis accepto initio calorem hæc maiorem aliquando concipere, quam ille  
 sit à quo primum mutata fuerant. Id confirmat quinque exemplis ad rem pro-  
 positam accomodatissimis, quidquid garriat Hieremias. Primum est cuiusdam  
 domus, quæ occasione columbini stercoreis iuxta ipsam proiecti conflagrauit  
 in ea Mysia quæ est Asia pars. Atqui id vltimum adiecit, vt hanc Mysiam ab al-  
 tera distingueret quæ est in Europa; est enim in Asia ad Troadem Mysia maior B  
 & minor; in Europa ad Thraciam Mysia superior & inferior. Alterum exem-  
 plum est admirabilis eius incendii, cuius Archimedes, summus philosophus,  
 geometraque insignis, auctor exstitit. Is namque, cum Syracusæ ipsius patria à  
 Marcello Romani exercitus imperatore obsiderentur, vrentibus speculis ho-  
 stium triremes incendit. Observat Fuchsius male hunc locum fuisse à Linacro  
 translatum, qui τῶν πύργων vertit vrentibus speculis, cum tamen πύργων signifi-  
 cet potius igniarium, id est id ex quo ignis elicitur. Proptereaque probabilius  
 esse iudicat, Archimedes igniario quopiam (qualecumque hoc fuerit) potius  
 quam vrentibus speculis hostium triremes incendisse. Ceterum quod Archime-  
 des vrentibus speculis triremes incenderit, Geometris omnibus compertum  
 esse video; qui sane Perspectivæ artis ope caua specula fieri posse testantur, è C  
 quibus soli ex aduerso oppositis resilientes atque in vnum coeuntes radii, quæ  
 longius etiam distant accendere possint; dummodo illa vt accedantur sint ido-  
 nea, qualis profecto erat pix, qua illitæ fuerant triremes. Neque vero id Ar-  
 chimedis factum tamquam incredibile neget quispiam, cum & alia multo ma-  
 iora testentur historia. Quippe cum Hieron Syracusarum rex, nauē quam Pto-  
 lemæo Aegyptiorum regi mittere statuerat, tantæ molis esset fabricatus, vt eam  
 Syracusæ à loco dimouere minime valerent; Archimedes vnus Geometriæ  
 viribus fructus, se effecturum promisit, vt ipsam solus rex absque vlllo labore sub-  
 duceret: quod sane præstitit in omnium conspectu. Idem quoque in corona ex  
 auro argentoque confecta, quam rex summo studio fabricari iusserat, (non dis-  
 soluta quidem, sed integra) singula auri & argenti pondera, quæ inter se auri-  
 ficis fraude ac dolo commista erant, subtilissime offendit. Qui igitur insignia hæc D  
 & fere incredibilia facta expenderit, is non amplius dubitabit, Archimedis in-  
 dustria hostium triremes vrentibus speculis accendi potuisse. Tertium exem-  
 plum est lapidum, ex quibus inter se attritis elicitur ignis. Neque enim creden-  
 dum est elici ignem, quod is antea in lapidibus delitesceret; cū demonstratum  
 alibi sit, elementa potestate tantum manere in mixtis. Sed cum Alexandro  
 potius sentiendum, aërem qui inter attritos lapides medius continetur, violento  
 eo attritionis motu calferi, & attenuari, atque in ignem tandem conuer-  
 ti. Hinc namque fit, vt solidissimi & pluribus partibus inæquales exasperatique  
 lapides ad ignem accendendum sint maxime idonei; rari vero aut laues inep-  
 tissimi: hi quidem, quia attenuare aërem nequeunt; illi vero, quoniam percus-  
 sus agitatique aër vacuos meatus facile ingreditur. Quamvis præter substan-  
 tiæ soliditatem id quoque videatur in lapidibus necessarium, vt potestate sint  
 ignis:

Lib. denat.  
 hom. com. 14.  
 Prob. 59. sect. 1



- A ignis; alioqui ex adamante facilius quam ex filice ignis eliceretur. Quippe qui ex lapidum attritione attenuatus rarefactusque aër in flammam conuertitur, attriti lapidis portiunculam prompte accendit, quæ deorsum plerumque violentè ferri conspicitur. Quartum exemplum est eius medicamenti, quod ex sulphure & humido bitumine construxit Medea, quo pellicè Creüsam, Creontis Corinthiorum regis filiam, & totam ipsius regiam cremavit, vt refert Dio- Lib. 5  
dorus. Postremum exemplum militis cuiusdam est, qui vt astantes in admirationem raperet, extinctam lucernam muro aut lapidi subito admouens rursus accendebat: quod tamen mirum esse desiit, cum primum lapidem & murum sulphure prius illita fuisse deprehensum est. Hæc omnia exempla (quorum fides ex sensibus petita est) apertissime declarant, quæ sunt potestate calida ad ignem, minimo interdum vel à sole, vel motu, vel ignis scintilla, accepto mutationis initio, non solum actu ignem fieri, verum etiam iis à quibus primum mutata fuerant calidiora potentioraq. euadere. Quid igitur miri, si medicamenta potestate calida cum primum mutationis initium à nostro calore acceperint, non solum actu calida euadant, sed etiam nobis multo calidiora fiant, possintque interdum nos prorsus adurere? Hinc facile deprehenditur eorum medicorum error, qui potestate calida medicamenta à nostro calore mutari propterea negant, quod numquam possent nobis calidiora euadere. Et rursus error aliorum, qui eiusmodi medicamenta calorem à nobis accipere affirmant, quo nos postea recalfaciant. Atqui non calorem, sed calfaciendi initium dicere debuissent; id namque à nobis dumtaxat accipiunt; illum vero à nobis semel mutata ex sua natura adquirunt; nostro quidem semper maiorem, sed qui satis amplam habeat latitudinem. Ex qua quidem quattuor merito constituti sunt medicamentorum potestate calidorum ordines.

*Ac de his quidem nulla est dubitatio. Sed nec cur vinum bibitum quidem valenter corpus calfaciat, cuti autem impositum non calfaciat. Monstratum enim supra paullo est, id non simpliciter vt calidum medicamentum, immò vt conueniens nutrimentum calfacere animal. Tamquam enim ignis idoneum alimentum ignem ipsum auget; ita quidquid corporum natura calidorum proprium & naturale est nutrimentum, id ea semper non solum roborabit, sed etiam insitum eorum calorem augebit. Atque id quidem omnis nutrimenti communis effectus est, vino autem præter cetera proprium ac suum\* est mutationis celeritas, \* εἰσιπταῖον.*

- D ita vtique vt tedæ, elychnio, stupæ, pici. Iam vero ab ignis exemplo non digressi, admoneamus rursus de lignis humidis, quæ ipsa quoq. ignis nutrimentum sunt, ceterum non statim aut continuo; eoque sæpenumero igni iniecta non solùm flammam quasi sopiunt, sed etiam si imbecilla est & parua, corrumpendæ quoq. eius periculum adferunt. Sic profecto & in animalibus cibi qui vti prorsus assimilentur & corpus nutrant spatio egent, hi frigus vniuersi potius quam calorem adferre in præsentem videntur. Ceterum calfaciunt hi quoque tandem non secus ac reliqui cibi, si semel\* vt corpus nutrant sint consequuti: omne enim nutri- \* μόνον.  
mentum quatenus nutrimentum est, animalis calorem auget. At si deuoretur quidem vt nutrimentum, nec tamen superetur; id erit quod Hippocrates dixit

nomine



nomine quidem nutrimentum, re autem minime. Quippe cum trifariam nutri- A  
 mentum dicatur (sicut ipse docuit his verbis, Nutrimentum est & quod nutrit,  
 & quod veluti nutrimentum est, & quod futurum nutrimentum est) quod uti-  
 que iam nutrit, & corpori adiungitur, nec amplius futurum est, id proprie nutri-  
 mentum nominatur. Idem vero & corpus quod nutrit excalfacit, quod reliquo-  
 rum neutrum facit, quod scilicet proprie nutrimenta non sint, sed alterum eorum  
 veluti nutrimentum, alterum tale futurum. Proinde nec vinum ipsum semper a-  
 nimal calfacit, æque ut nec oleum flammam accendit, tametsi aptissimum est  
 ignis nutrimentum. Immo si imbecillæ & exiguae flammæ confertim multum  
 oleum infundas, suffocabis eam, prorsusque extingues, potiusquam augebis. Sic  
 igitur & vinum ubi plus bibitur quam ut vinci possit, tantum abest ut animal B  
 calfaciat, ut etiam frigidiora vicia gignat. Quippe apoplexiæ, & paraplexiæ,  
 & quæ Græce caros, & comata vocamus, & nervorum resolutio, & comitiales  
 morbi, & convulsiones, & tetani, immodicum vini potum comitantur, quorum  
 unumquodque frigidum est vicium. Generatim enim quæcumque assumpta in  
 corpus ut nutrimentum calfaciunt, hæc interim frige facere deprehendas; æque  
 scilicet ut flammam ab eadem materia non augeri modo, verum etiam aliquando  
 extingui. Atque hæc quidem omnia tum iis quæ de elementis, tum iis quæ de tem-  
 peramentis sunt prodita, consentiunt.

Lib. 8. de simp.  
med. fac.

Lib. 2. de loc.  
affect. cap. ult.

Alterum problema est, cur vinum intra corpus assumptum nos valenter cal-  
 faciat, cuti vero impositum non calfaciat. Respondet id fieri, quoniam vinum  
 calfacit ut nutrimentum, non autem ut medicamentum. Atqui utrumque vide-  
 tur falsum, nam & cuti impositum vinum calfacit, & intra corpus assumptum, nō  
 solum ut nutrimentum, sed etiam ut medicamentum potest calfacere. Quod cu-  
 ti impositum calfaciat, ipsius facultas aperte ostendit; docuit namque ipsemet  
 Galenus, vinum esse ex secundo calfaciētium ordine; & quod admodum vetus  
 est, ex tertio; sicut mustum quod vocant, ex primo. Quod autem epotū vinum  
 possit etiam ut medicamentum calfacere, ex antiquo generosoque vino intel-  
 ligitur; id namque non tantum vehementis caliditatis sensum, verum etiam  
 vigilias & febres inferre solet. Atque id quidem puer ille summo cum suo ma- D  
 lo Pergami expertus est, qui cum vehementi siti cruciaretur, nec esset ipsi aquæ  
 copia, vinum vetus liberaliter potans, vigil omnino permansit, febrique postea  
 correptus, una cum vigiliis oborto delirio periit. Quæ cū ita sint, quod dictum  
 hic est à Galeno ita interpretari oportet, ut vinum cuti impositum animal non  
 calfaciat, quia cum nutrire non possit, caloris substantiam nequaquam augeat.  
 Non igitur calfacit ut nutrimentum, quamvis ut medicamentum calfaciat; est  
 enim exterius admodum potestate calidum medicamentum. Diuersa ratio est  
 vini intra corpus assumpti, id namque cum nutriat, calorisque substantiam au-  
 geat, calfacit ut nutrimentū: ut medicamentum tamen non calfacit, nisi forte  
 antiquum fuerit; tale enim nutrimentum est potestate calidū. Quo fit, ut prius-  
 quam concoquatur, ut medicamentum calfaciat; concoctū vero & assimilatum  
 calfaciat ut nutrimentum. Is namque communis omnium nutrimentorum effe-  
 ctus est ut corpus nostrum calfaciant, quia caloris innati substantiam augent,  
 neque



- A neque ipsius qualitatem intendunt ; in vino tamen præ ceteris elucescit , quoniam ( vt dictum est ) & concoquitur , & digeritur , & assimilatur celerrime. Sed posset quispiam oblicere , neque vinum , neque reliqua nutrimenta nos semper calfacere, sed interdum quoque refrigerare; cum cibos quamplurimos, eosque potissimum qui & crassi sunt , & cōcoctu difficiles, frigus potius quam calorem inducere experiamur; & vinum si immodice bibatur, frigidus affectus parere , vt epilepsiam, apoplexiam, paralysem, tremorem, & conuulsionem: quibus malis obnoxii esse solent, qui vino plus iusto sunt dediti. Porro vt hanc objectionem dissoluat , docet ex Hippocrate nutrimentum triplex esse , nutrimentum scilicet quod nutrit , veluti nutrimentum , & futurum nutrimentum. Lib. de alim. Proprie ac simpliciter dictum nutrimentum ( vt alibi interpretatur ) illud est Lib. 1. de fac. quod actu iam nutrit; nutrit vero , quando assimilatur ; veluti nutrimentum nat. cap. 11. autem dicitur quod agglutinatur , aut apponitur ; futurum vero nutrimentum, quod in venis continetur , aut in ventriculo. Ad quem etiam modum externa edulia nutrimenta vocari solent , quod scilicet si concoquantur & assimilentur, sint haud dubie nutritura. Quæ igitur proprie sunt nutrimenta , ea corpus reuera calfaciunt, vtpote quæ innati caloris substantiam instaurant , & augent ; reliqua duo genera nequaquam. Quare licet sanguis tepido suo calore nativam partium temperiem custodiat , eo vero quem à corde accipit, vniuersum corpus calfaciat ; reuera tamen non calfacit vt nutrimentum , quia futurum dumtaxat nutrimentum est. Ex his facile dissoluit propositâ objectionem, quippe crassi concoctique difficiles cibi, quo tempore victi à natura & concocti partibus assimilantur, corpus reuera calfaciunt , cum vere nutrimenta iam sint ; antequam vero assimilentur, non calfaciunt, quia veluti nutrimenta tantum sunt , aut futura nutrimenta. Immo dum in ventriculo incocti permanent, frigus potius quam calorem inducunt, potissimumque si imbecillus ventriculi calor, veluti obrutus quodammodo extinguatur , non secus ac à viridibus crassisque lignis exigua flamma. Vnde intelligitur vulgaris multorum error, qui nos interdum à cibo frigere arbitrantur , quod partium extremarum calor iuuandæ concoctionis gratia ad ventriculum reuocetur; quasi partium calor gubernetur ratione. Non ergo ob id frigemus à pastu, sed quia (vt hîc ait Galenus) ventriculi calor ab incoctis cibis grauatus obruitur. At grauato ventriculo partes extremæ frigent, vel quod lesionis ventriculi sensu calor ad interna colligitur, rigoris veluti initium quoddâ perpeffus, vt inquit Vallesius ; vel (vt sentit Iouertus) quod sola frigiditas, aut frigidi potius vapores ex cibis incoctis exhalantes, ad extremas partes transmittuntur. Id quod experientia ipsa satis confirmat ; neque enim omnes à cibo frigere solent, sed (vt vulgo dici consuevit) homines tantum miseri, qui scilicet ventriculi imbecillitate laborant ; aut saltem qui crassis, frigidis, vel multis cibis vtuntur. Vnde perspicuum est, eam partium perfrigerationem quæ à cibo contingit, non esse (vt vulgus opinatur) robusti caloris iudicium, sed aut caloris imbecillitatem, aut deprivatam victus rationem ostendere. Atque hæc quidem de cibis ; de vino autem idem ferme sentire oportet, nisi quod cum modice calidum sit, & tenuis substantiæ, & nobis maxime familiare ; sola copia frigiditatis sensum inducat , frigidaque vicia gignant. Siquidem immodice bibitum & cruda excrementa gignit, & humidos vapores emittit quamplurimos, qui in cerebro concretescentes , in excrementitiâ humiditatem de generant, à qua nervi vna cū suo principio insigniter læduntur. Gignit itaque vinum frigidus affectus, non quod natura sit frigidum, sed quod multitu-



Lib. 7. Satur.  
cap. 6.

multitudine ac copia calorem imbecillum obruat, non secus ac multum oleum A  
exiguæ flammæ confertim iniectum; quod quamuis conueniens sit flammæ nu-  
trimentum, tātum tamen abest ut ipsam augeat, quin potius eandem multitudi-  
ne extinguat. Non igitur tanti momēti erat hæc ratio ex frigidis affectibus pe-  
tita, ut cogeret quemquam vinum frigidum statuere: in quo errore versatur in-  
ter alios Macrobius, qui ea ratione aliisque similibus persuasus, à vera Medi-  
corum sententia perperam recessit.

\* τὰ πρὶν &

\* iuris legitur  
Græce id est fo-  
ris, legendum  
tamen potius  
iuris, id est in-  
tus.

Græce addi-  
tur πρὶ τοῦ σώματος,  
id est, circa cu-  
tem.

Illud fortasse dissonare videbitur, quod ex iis quæ ut nutrimentum comedun-  
tur, aliqua cuti imposita hanc erodunt atque exulcerant; sicut sinapi, mu-  
ria, \* allia, cepæ. Verum hoc quoq. cum positis a principio hypothefibus concor-  
dat. Etenim propterea quod tum in ventre concocta, tum in venis in sanguinem B  
versa mutantur, alteranturque; præterea quod vno loco non permanent, sed in  
multas partes diuisa quoquo versus feruntur; adde & quod non solū multis suc-  
cis miscentur, sed etiam cibis cum quibus sumuntur; adhæc quod celeriter eo-  
rum & concoctio & partium separatio perficitur, ita ut quod conueniens in eis  
est assimiletur, quod superuacaneum & acre, per aluum, vrinas, & sudorem ex-  
cernatur; propter hæc inquam omnia quod foris impositum exulcerat, id come-  
stum non exulcerat. Et si vel vnum quodlibet prædictorum his accederet, satis  
esset ad ea quæ foris \* sunt integra seruanda, verbi gratia mutatio ipsa prima.  
Si namque non maneat sinapi quale extrinsecus fuit cum est assumptum, mani- C  
festum est, nec vim eius manere censendum. Quod si tum dirimuntur eius partes,  
tum purgantur; multo utique magis sic censendum. Iam satis erat, quod nec eo-  
dem loco manet, cum nec circa cutem aliquid efficere posse videatur, nisi diu-  
tius immoretur. Sed nec mistio ipsa cum multis cibis parum momenti habet, si  
enim id citra alium cibum solum assumas, facile intelliges quantum molestiæ &  
rosionis ventriculo sit adlaturum: quinetiam si plurimo dulci admistum succo  
cuti id imponas, quam nihil adferat incōmodi. Cum igitur prædictorum vnum  
quodlibet per se satis prohibere possit, quominus sinapi quod foris\* facit idem fa-  
cere intus possit; multo arbitror magis, vbi omnia simul coierint. Nam & co-  
quendo alteratur, & secernitur, & expurgatur, & cum multis aliis miscetur, et D  
varie distribuitur, et in omnem partem fertur, nec in vlla moratur. Quod autem  
si acrimoniam suam seruaret, interna quoque omnino exulceraret, ex iis quæ  
sponte accidunt vlceribus intelligas. Gignitur enim non raro aliis ex vicioso ci-  
bo, aliis ex quapiam in ipso corpore corruptela et putredine viciosus succus, quā  
cacochymiam vocant. His aliquando interiorum quoque aliquid exulceratur,  
magna tamen ex parte cutis (quoniam in hanc excrementa quæ in habitu cor-  
poris colliguntur, natura expellit) multis et assiduis vlceribus afficitur. Quippe  
cancri, phagedenæ, herpetes erodentes, carbunculi, et quæ chironia, et telephia  
vocantur, milleque aliæ vlcerū generationes ab eiusmodi cacochymia nascuntur.  
Quærit



- A Quærit tertio, cur aliqua ex iis quæ ut nutrimenta comeduntur, extrinsecus ad-  
mota cutem erodant atq. exulcerent; intra corpus vero assumpta nihil mali infe-  
rant. Huius generis sunt allia, capæ, sinapi, & muria, vel (ut vertit Fuchsius) sal-  
samentum: quæ sane licet simpliciter nutrimenta non sint, sunt tamen nutrimenta  
medicamentosa. Dubitandi ratio ex eo pendet, quod partes internæ potiusquam  
externæ, videantur erosioni obnoxia, cum & delicatesiores sint, & calorem habeant  
robustiorē, qui nutrimenta eiusmodi potestate calida in actum facilius reuocet.  
Tota vero huius problematis explicatio huic soli rationi innititur, quod eius-  
modi nutrimenta intra corpus ingesta, naturam acrimoniam deponant, extrinsecus  
autem admota eandem retineant. Deponunt autem acrimoniam ob quattuor caus-  
sas. Primum quidem, quia in ventriculo iecoreque concocta, in chylumq. & san-  
guinem mutata, naturas vires magna ex parte amittunt. Deinde quia non sem-  
per eidem parti adherent, sed per venas delata in vniuersum corpus distribu-  
tur: quo sane motu erodendi vis maxime frangitur, quæ quo diutius eidem par-  
ti infixæ permanferit, eo vehementius agit. Adhuc acris nutrimenta comesta  
sinceras vires non retinent, sed aliorum permissione castigatas; in ore namque  
& ventriculo permiscuntur cibis, quibuscum plerumq. assumuntur; in vasis au-  
tem sanguini aliisque succis. Neque id mirum videri debet in cibis, cum & eorum  
quæ erosione interimunt medicamentorum qualitas, hac potissimum ratione  
retundi soleat: non enim cantharidibus, quando ipsarum usus vrget, solis utimur,  
sed benigno cuiusdam liquori permixtis. Postremo acres eorum nutrimentorum  
partes in singulis concoctionibus separantur, per aluumque, urinas, & sudorem  
excernuntur. Harum certe causarum vnaquæq. efficere potest, ne ab acris  
nutrimentis partes internæ erodantur, nedum omnes simul iunctæ. A causis cō-  
trariis fit, ut exterius admota innatam seruent acrimoniam, cutemque propterea  
exulcerent. Neque enim concoquantur in cute, neque mouentur, neque  
permiscuntur succis, neque acres ipsorum partes ab vtilibus secerantur; sed  
tota seruata integra eidem parti diutissime adherent. Quod si intra corpus  
aliquando ingesta non omnino deposuerint acrimoniam, (siue id ex frequenti  
ipsorum usu, aut copia immodica, siue quod sola assumantur, acciderit) par-  
tes etiam internas ab ipsis erodi necesse est; ut indicant manifeste quæ sponte  
proveniunt vlcera, quæ sane ab acris excrementis in corpore genitis neces-  
sario ortum habent. Gignuntur autem vel ex prauis viciosisque cibis, vel ex hu-  
morum putredine aut adustione. Sic namq. à flaua, vel atra bile intestina ero-  
di solent, & à pituita salsa frequentissime vesica. Frequentius tamen multo ab  
iisdem eroditur exulceraturq. cutis, quæ cum extimū sit totius corporis tegumē-  
tum, noxiorum excrementorum fluxiones à partibus internis transmissas facile  
suscipit; eiusque rei occasione vlceribus frequentissime infestatur, aut solis, aut  
tumori præter naturam coniunctis. Cum tumore quidem, veluti in cancro, phage-  
dæna, herpete, & carbunculo; sine tumore autem, veluti in chironiis, & telephiis.  
Ac in cancro quidem non semper reperitur vlcus, phagedæna vero composita sem-  
per affectio est ex tumore præter naturam & depalcente vlcere, ut auctor est Gal. Lib. de tumor.  
At herpes qui per excellentiam erodens aut exedens appellatur, sine vlcere cōsi- præter. nat. c. 13.  
stere nequit; reliquæ vero duæ species, miliaris scilicet, & simpliciter dictus her-  
pes, & sine vlcere, & cum vlcere possunt consistere. Porro id proprium carbunculo  
est, ut crustosum vlcus habeat adiunctum. Iam vero chironia & telephia nullum  
habent adiunctum tumorem, suntq. malignorum vlcerum differentia quædam,  
vel potius appellationes; chironia namque à Chirone qui primus ipsa sanauit;



Lib. 2. metho.  
med. cap. 2.

telephia vero à Telepho qui iisdem infestatus est, nomina obtinuerunt. Sed de his alibi; nunc vero id tantum obseruemus, quod ex hoc Galeni loco recte colligitur, quodque ad instituendam in morbis victus rationem non parū utilitatis adferre potest. Quippe cum medicamentosa nutrimenta postquā in ventriculo concocta sunt, & multo adhuc magis postquam in hepate sunt in sanguinē conuersa, natiuas suas vires amittāt; fieri profecto potest, ut habita ratione partis affecte, nutrimenta aliqua concedi debeant, quæ tamen ratione affectus noxia iudicantur. Veluti in iecoris inflammatione si affectum consideres, ea nutrimenta vtilia cēsentur quæ citra morsum detergent, ut ptisana; ea vero noxia sunt quæ adstringunt, meatusque occludunt. At si in iecoris gibba inflāmatio constituerit, quoniam concocta, in sanguinēq. mutata, & succis iam permista eo nutrimenta perueniunt; concedi ægro possunt pyra, mala, & alia id genus; quoniā aut nulla, aut certe minima in ipsis remanet adstringēdi vis. Si vero ventriculū, aut iecoris sinam inflāmatio occupauerit, ab adstringentibus nutrimentis abstinere omnino oportebit, quæ liberam eorum quæ à parte inflammata resudāt, excrementorum expurgationem impediunt. Hæc attente considerent austeri quidam medici, qui plura interdum nutrimenta miseris ægrotantibus denegāt, quæ præterquā quod nullam noxam inferre, prostratam fortasse appetentiam (quod sint palato iucundiora) excitare possent. Ceterū qui adeo seuerè ægrotautes tractant, in memoriam reuocent aphorismum illum Hippocratis, Paulo deterior, sed suauior cibus ac potus, meliori quidem, at ingrato præferendus.

Lib. 13. metho.  
med. cap. 14.

Aphor. 38. lib. 2

*Neq. igitur taliū quidquam est dubitandū, sed nec cur medicamentorū nonnulla cum nihil nos extrinsecus offendunt, intro assumpta magnū adferant malū: aliqua rursus intro assumpta nonnumquā lædant, nonnumquā conferant: aliqua non solū intro assumpta, sed etiā extrinsecus applicata offendant. Quippe ut semel dicā, nihil foris intusq. parem agendi facultatē habet. Neq. enim aut viperæ venenū, aut rabidi canis sputum, aut aspidis virus (quæ tamen si extrinsecus corpori\* occurrant, offendere creduntur) parem vim habent, vel soli cuti applicata, vel intro assumpta. Sed nec illud est mirandū, si certorum medicamentorū vis ad profundum non peruenit; neq. enim necesse est ut omnia parem habeant vim. Quod si ex iis quæ intro sumuntur, non pauca certo tempore, & certa quantitate, & in mistura cum ceteris accepta conferunt, intempestiue autem, & largius, nec cum aliis admista lædunt; ne id quidem dubitationem vllam disputationi pariat. Siquidē id tum cibus, tum igni, tum vero omnibus (ut sic dicam) quæ corpori\* occurrunt, accidere solet. Nam & mediocri nobis flamma nonnumquam opus est, eaq. vbi plurimum ea iuuamur; cum tamē immodica flāma nos vr̄at. Ad eundē vero modū & frigida potio quæ mediocris est, cōfert; quæ immodica certe est, maximā adfert lēsionē. Quid igitur miri est, esse medicamentū aliquod adeo calidū potestate, ut si multū eius sumatur, ac in vacuum corpus inferatur, erodat prorsus vr̄atq. sin vero exiguum sit, et cū iis quæ vehementiā eius remittant coniunctum, non modo nihil incommodi adferat, verum etiam calfaciendo iuuat?*

Græce additur  
χωρίς ἰανούς, id  
est extra exulcera-  
tionem.

Græce additur  
ἰσχυρῶς, id est si  
mititer.

\* δάκρυον, succum.

*Lacrymam\* enim vel Cirenaicam, vel Medicam, vel Parthicam, ipsam quidem per se*



- A per se citra incommodū sumere non est; at si omnino exigua, vel cum aliis in tēpo-  
re congruente sit sumpta, magnopere conducit. Atq. adhunc quidē modum quæ-  
cumq. corpus excalefaciūt, ubi mutationis principiū in ipso (sicut dictū est prius)  
accepere, recalfacere illud sunt apta. Quæ vero refrigerant, veluti papaueris li-  
quor, hæc a nostro corpore nec vel paullum quidem demutātur, sed ipsum statim  
vicunt ac mutant, etiā si calfacta prius dederis: est enim natura eorum frigida  
quemadmodū aqua. Quare illud recte Aristoteli (sicut alia multa) dictū est, ca-  
lidorum, frigidorum, siccōrū, & humidōrū corporum, quædam esse talia per se,  
quædam ex accidenti. Sicut aqua per se quidem frigida est, ex accidenti vero a-  
liquando calida, verum adquisititius eius calor breui perit, naturalis frigiditas  
B manet. Tāquam igitur calida aqua flammæ injecta eā extinguit; sic meconium  
si id quantumvis calfactum dederis, & calorem animalis perfrigerabis, & necis  
periculum adferes. Omnia igitur id genus medicamenta si exigue sint data, &  
vna cum iis quæ vehementiam frigoris eorū castigare valeant, nonnunquā vsum  
aliquē corporibus nostris præstant, quæ admodū in opere de medicamētis dicitur.  
Siquidē medicamen id quod cātharidas recipit, hydericis prodest, tametsi cātha-  
ris ipsa vesicam omnino exulcerat. Verū ubi per quæ admiscetur castigata est,  
ac corpori quod plurimo humore grauatur, tū offertur, illū per vrinas expellit.

- Quartum problemā ad sola medicamenta pertinet, & facilem admittit ex-  
plicationem. Diuiditur autem in tres partes, nam primū quærit, cur quædā me-  
dicamenta extrinsecus admota nihil offendāt, eadē vero intra corpus assumpta  
C maximū malum inferant: deinde cur aliqua medicamenta intra corpus assum-  
pta nonnunquam conferant, nonnunquam lædant: postremo cur aliqua non solum  
intra corpus assumpta noceant, sed etiam extrinsecus applicata. Quod ad pri-  
mum attinet, certissimum est multa esse medicamēta eius generis, vt cerussam,  
sanguinem taurinū, & potissimum quæ sunt genere deleteria; quæ quidē exte-  
rius admota plerumq. non nocent, intro autē assumpta insigniter lædunt, & sæ-  
pe interficiunt. Huius itaq. euentus duplicē causam assignat, prior quidem est,  
quia in vniuersum nullum medicamentū parēem habet foris intusque agendi fa-  
cultatem. Intus enim plerumq. vehemēter agit, quia in actū facilius reuocatur,  
distribuiturq. celerius ad cor. Exemplo sunt ea venena, quæ & toto genere &  
acta credūtur esse deleteria; qualia sunt, salua viperæ, canis rabidi spuma, & as-  
pidis virus. Hæc namq. etiamsi perniciosissima sint venena, & (vt Galenus ait)  
D extrinsecus corpori occurrentia offendere credantur; foris tamē applicata no-  
xam inferunt multo minorē, bibita vero enecant. Quamuis non immerito dubi-  
tatum sit à quibusdam, possint ne huiusmodi venena exterius tantum admota  
interficere. Quam sane dubitationē attingit quidē hoc loco Galenus, inexpli-  
catam tamen relinquit; tantū enim scribit, ab eiusmodi venenis corpori occur-  
rentibus noxam prouenire creditum esse. Nos tamen rem sic distinguimus.  
Si cutis (vt in venenatorum animalium moribus fieri solet) vlcetetur; non  
solum lædere, sed & interficere posse eiusmodi venena certum est, quoniam  
sanguis à veneno facile inficitur. Si vero permanserit integra, res est difficilior,  
quamuis probabilius iudicem posse quoque interficere. Quid enim obstat, quo-  
minus quæ ad cutem finiuntur arteriæ, inter dilatandum venenum attrahant,  
eog. attracto inficiatur sanguis? Quamuis enim hæc dilatata facilius aëre reple-



antur, possunt tamen & venenatæ substantiæ aliquid vna cum aëre attrahere. A  
 Atq. id quidē veteres sensisse indicat hoc loco Galenus, cum ait, Neque enim „  
 aut viperæ venenū, aut rabidi canis spuma, aut aspidis virus, quæ tamen si ex „  
 trinsecus corpori sine vlcere occurrant, offendere creduntur, &c. Græce enim „  
 legitur *ἐκ τῆς ἐξωθεν* id est sine vlcere, quod tamen nescio cur prætermiserit Li-  
 nacer. Non tamen proinde fidem adhibendam iis esse cēseo, qui vulgi opinio-  
 nem sequuti, rabidi canis spumam, vel si pallio inhæserit, rabie homini infer-  
 re posse pueriliter affirmāt. Licet minime negarim aliqua esse venena, quæ no-  
 bis per medium aërem communicata, infectis corruptisque spiritibus nonnum-  
 quam interimant: tale enim est mortiferum basilisci virus, qui solo aspectu ne-  
 care creditur. Sed ad rem redeamus. Altera causa cur aliqua medicamēta ex-  
 terius adnota non lædāt, assumpta vero & lædere possint & interficere, est im-  
 becilla ipsorum vis, quæ plane ad interna non permeat, si medicamentum cuti B  
 applicetur; si verò intro assumptum fuerit, internis vîceribus communicatur.  
 Secunda dubitatio erat, quæ fiat, vt aliqua medicamēta intro assumpta aliquā-  
 do profint, aliquando noceant. Respondet vero, assumpta medicamēta iuuare;  
 quando tēpestiue, & quantitate mediocri, & aliis cū ipsorū vim frangant cō-  
 mista exhibentur; nocere autem, si intēpestiue, aut quantitate immodica, aut  
 impermixta assumantur. Nec id sane mirum, cum salubres etiā causas vel im-  
 modico, vel intēpestiuo vsu, insalubres quotidie fieri experiamur; vt flammæ  
 & frigidæ potionis exemplo recte nunc confirmat. Id tamen in iis medicamen-  
 tis priuatim explicat, quæ quātitate deleteria vocantur; siue calida hæc sint, siue  
 frigida. Lacryma, inquit, vel (vt Græce legitur) *ἰσος*, id est succus, Cyrenaicus,  
 aut Medicus, aut Parthicus (qui est potestate calidissimus) si vel solus, vel pau- C  
 lo copiosior sumatur, haud dubie nocebit, & fortasse hominē perimet; quia ve-  
 hementi suo calore internas partes erodet, aduretque. Idē vero si tēpestiue,  
 aut modice, aut frigido quopiam tēperatus sumatur, magnopere conducet.  
 Potum enim aduersus venena telorū, & animalia omnia quæ virus eiaculantur,  
 plurimum valere testis est Dioscorides. Et Galenus in curandis quartanis me-  
 dicamentum illud tamquam præstantissimum & sibi maxime familiare plurimū  
 cōmendat, quod Cyrenaicum succū recipit & castorium. Dicitur is succus La-  
 ser, colligiturq. ex Laserpitio, quod Græcis *σέλφιον* appellatur. An vero succus  
 Cyrenaicus idem sit cū vulgari Beniuhino, succus autē Medicus & Parthicus  
 idem sit cum Asa foetida vocata; ac rursus an eadem sit planta quæ in diuersis D  
 regionibus hos succos producat, non est huius loci explicare. Illud tamen silē-  
 tio prætereūdum non est, quod succum Cyrenaicum quantitate deleteriū hîc  
 statuerit, qui potestate calidissimus est: vt hinc intelligas, nō omnia medicamen-  
 ta quantitate deleteria esse (vt quidam opinantur) necessario frigida. Quāuis  
 negari non possit, quin eorū pleraq. frigida sint; quæ quidē non secus ac calida,  
 si modice & tēpestiue sumantur, iuuāt; sin minus, necant vehemēti sua frigidi-  
 tate. Quod vt facilius explicet, docet discrimen inter medicamenta potestate  
 calida & frigida. Hæc vero eo nomine distinguit, quod calida vbi mutationis  
 initiū à nobis acceperint, nos recalfaciant; frigida vero ne paullum quidē à no-  
 stro corpore demutētur, sed ipsum statim mutēt, ac vincant. Neq. vero his ver-  
 bis (vt falso putat Hieremias) frigida medicamenta in actū reuocari negat Gale-  
 nus; cū demonstratū ante sit, medicamēta potestate frigidavt nos actu refrigerēt,  
 rō minus indigere nostri caloris ope, quā potestate calida vt nos actu calfaciār.  
 Fatemur tamen nō eundem prorsus esse in vtrîsq. reuocationis modum. Siqui-  
 dem potestate calida à nobis quidem primum calfiunt & accenduntur, semel  
 vero

Lib. 3. cap. 73.

Lib. 1. de art.  
curat. cap. 11.  
& lib. de tre-  
mo. 1. go. cap. 7



- A** vero calfacta nos deinde recalfaciunt; at potestate frigida à nostro calore nequaquam refrigerantur, sed cōminuta dumtaxat & distributa, nos actu refrigerant. Quare quod hoc loco dictum est à Galeno, sic interpretari oportet cum Lopezio, vt frigida medicamenta ne paullum quidem demutentur à nostro calore, in ea scilicet qualitate, qua agunt ipsa in corpus; cum tamen potestate calida eadem qualitate qua ipsa nos postea mutant, à nobis primum mutantur. Neque enim placet explicatio Vallesii, qui medicamenta frigida propterea nos refrigerare affirmat ex sententia Galeni, quia à nostro calore minime deuicta, neque calfacta, frigida permanent. Vnde colligit, medicamenta frigida improprie & abusive potestate frigida appellari, cum reuera actu sint frigida, & negatiue dumtaxat potestate frigida dicantur, quod scilicet à nostro calore nequaquam calfiant. Ceterum licet potestate calida medicamenta verius multo dicantur nostri caloris materia quam potestate frigida; hæc tamen non minus proprie dicuntur potestate talia, cum indigeant vtraque nostri caloris ope, vt nos actu calfacere, aut refrigerare possint. Et quamuis ex sua natura sint actu frigida, dicuntur tamen potestate frigida, quia nos actu minime refrigerant, donec comminuta sint, ac distributa à nostro calore. Quod si medicamēta frigida à nostro calore (vt dictum est) ne paullulum quidem mutata, nos potius mutant ac vincunt, recte Galenus colligit, ab his corpus refrigerari, etiam si calfacta exhibeantur, quia eorum natura (vt ipse ait) frigida est quemadmodum aqua. Quod non ita accipi velim, vt quemadmodum aqua nos actu refrigerat, ita & actu refrigerent medicamenta frigida; sed potius quod quemadmodum aqua per se & ex propria natura nos refrigerat, ita & medicamenta potestate frigida, per se, non ex accidenti vim habeant refrigerandi. Porro quod is legitimus sit huius loci sensus, ex iis quæ Galenus subiungit, certe intelligitur; laudat enim Aristotelem, qui verissime docuit, calidorum, frigidorum, siccorum, Lib. 2. de par.  
ani. cap. 2.  
& humidorum, alia quidem esse per se talia, alia vero ex accidenti. Quoniam ergo potestate frigida medicamenta sunt per se frigida, etiā si calfacta exhibeantur, necessario refrigerant. Quippe cum calfacta, non per se, sed ex accideri sint calida; adscititium illum calorem sensim amittunt, nativamque frigiditatem qua agunt in corpus, perpetuo retinent. Quemadmodum enim non solum frigida, sed etiam calida aqua ignem extinguit; ita & meconiū (id est papaveris succus) calorem nostrum extinguit, non solum si frigidum, verum etiam si calfactū propinetur. Quæ sane accomodatissima est similitudo, etiam si meconium calfactum frigore interimat, calida vero aqua, humida potius crassaque substantia ignem extinguat; vtpote quæ calorem obruat, ipsiusque motum ad superna impediat. Explicato discrimine inter medicamenta calida & frigida, ad institutū reuersus docet, frigida medicamenta non secus ac calida, si aut sola, aut quantitate immodica, aut intempestiue sumantur, & insigniter lædere, & necis periculum adferre; iunare autem, si tempestiue, & modice, & aliis quæ ipsorum vires retundant permixta, exhibeantur. Ad quem sane modum & ad vigilias immodicas, & ad vehementissimos dolores opio frequenter vtimur, & Philonis antidoto. Neque vero admiratione dignum videri debet, si huiusmodi medicamenta (quæ sola quantitate possunt esse deleteria) ad eum quem diximus modum exhibita profint, cum id ipsum medicamentis genere deleteriis accidere possit. Nam & cantharides (quæ sunt ex erodentium genere) si præparata, & minoribus aliis medicamentis permixta, minima quantitate propinentur, tantum abest vt lædant, quin potius vtilitatis plurimū adferant. Quo sane consilio me-



Lib. 3. simp. c.  
23. & lib. 4.  
cap. 19.

Lib. 11. simp.

Sent. penult.

Lib. 3. simp.  
cap. 22.

Lib. 6. epide.  
par. 6. com. 5.

Ibidem.

dicamentum illud quod cantharides recipit ( cuius hoc loco meminit ) olim A  
compositum fuit , hydericis & ischuria laborantibus longe vtilissimum ; quod  
quidem ex medicamentis vrinam cientibus, quibus nonnihil cantharidum ad-  
mistum sit, constare testatur Galenus. Prauam igitur eorum medicorum con-  
suetudinem summopere damnandam censemus, qui in eiusmodi affectibus sa-  
nandis solis fere cantharidibus vtuntur, quos sane mirum non est suo plerum-  
que sine frustrari. Satius autem fuerit, integras cantharides Galeni exemplo  
eiusmodi medicamentis indere, quam solas alas & pedes ( quæ putant nonnul-  
li alexiteria iis esse qui ipsarum corpora biberunt ) aut sola corpora, capite, alis,  
pedibusque abscisis, vt Arabum plerique faciendum esse præcipiunt, ab aucto-  
re libri quarti de victus ratione in morbis acutis, manifesto decepti. Sed inci-  
dit hoc loco dubitatio, quæ fieri possit vt cantharides vtilitatem præsent, cum  
sint medicamenta, vel potius venena erodentia. Scribit namque Galenus, pu- B  
trefacientia medicamenta etiam si minima quantitate sumantur, omnino cor-  
rumpere; quod itidem de erodentibus vere affirmari potest, cum par videat-  
ur esse vtrorumque ratio. Scribit præterea ea appellari deleteria, quæ nullo  
vnquam tempore egrotis, aut bene valentibus opem ferunt; at cantharides de-  
leteriam vim obtinent; ergo numquam prodesse poterunt. Vt hæc componat  
Vallesius, duo fingit genera venenorum, quædam enim ait esse omnino vene-  
na, alia vero venena simul & medicamenta; hæc inquit vsum aliquando præsta-  
re; illa numquam. Ego tamen adduci non possum vt credam, venena erosione  
necantia ( è quorum numero cantharides sunt ) non esse omnino venena vbi in-  
tra corpus assumuntur; cum sint toto genere deleteria. Ea namque medica-  
menta simul & venena dici posse existimo, quæ sunt deleteria quantitate; vel  
quæ cum sint genere deleteria, exterius dumtaxat admouentur. Quare Gale- C  
nus inter ea quæ sunt venena simpliciter, leporem marinum enumerauit, qui  
ex genere erodentium est. Potius itaque dicendum arbitror, cantharides per  
se, ex propriaque sui natura semper nocere, prodesse vero numquam. Si quis  
enim solas cantharides minima etiam quantitate assumpserit ( dummodo ma-  
gnitudinem habeant ad agendum, sine qua ne ignis quidem potest calfacere )  
is nullam profecto vtilitatem percipiet, sed necessario lædetur. Quod si aliquan-  
do iuuant, ex accidenti id fit, vbi scilicet minima quantitate medicamentis diu-  
reticis permixta bibuntur. Quo tempore medicamenta diuretica per se qui-  
dem iuuant; quoniam insita facultate serosæ humiditatis euacuationem mo-  
liuntur. Cantharides vero præ exiguitate vesicam erodere nequeunt, & ex ac-  
cidenti eo dumtaxat nomine prosunt, quod medicamentorum vrinam cient-  
tium vehiculum sint ad vesicam, ad quam ipsæ veluti sponte feruntur. Sed de D  
his satis. Erat & tertia dubitatio hoc loco à Galeno explicanda, cur scilicet  
nonnulla medicamenta & intra corpus assumpta noceant, & exterius admota.  
Hanc tamen non explicat, forte quod ex iis quæ dicta sunt, quid sentire opor-  
teat, facile intelligitur. Quæcumque enim medicamenta validis ad agendum  
viribus sunt prædita ( veluti caustica ) ea & intus, & foris nocere possunt.

#### C A P. V.



*Maxime igitur est attendendum in omnibus quæ potestate calida, frigida  
ve dicuntur, sintne ea ex natura eorum quæ nutrire corpus possunt; an  
eiusmodi, quæ exiguum alterationis momentum naçta, deinde secundum  
propriam naturam alterata, corpus ipsum aliquo modo afficiunt; tertio loco, an  
nullo*



A nullo pacto ab eo quidquam alterentur. Si namque ex nutrientium sunt genere, siquidem vincantur, calfaciunt; si non vincantur, refrigerant. Sin ex iis sunt quæ exiguum quidpiam alterantur, omnino calfaciunt. Si vero ex iis quæ omnino non alterantur, maxime refrigerant.

Nullam hîc proponit tripartitam medicamentorum omnium diuisionem, ut sentiunt Hieremias & Lopezius. Quorsum enim tria medicamentorum genera nunc recēsuisset, quorum quattuor genera antea statuerat? Tria igitur ex iis quæ hæcenus docuerat, colligit hoc capite, ad explorandas medicamentorum facultates maxime necessaria. Quippe cum ait attendendum maxime esse, sintne ex natura eorum quæ nutrire corpus possunt, pura sinceraque nutrimenta intelligit; non medicamenta omnia frigida, dummodo insigniter frigida nō sint; neque medicamentosa omnia nutrimenta quæ calida sunt aut frigida, ut multi opinantur. Vult namque distinguendum imprimis esse, an quæ potestate dicuntur calida vel frigida, ex nutrimentorum genere sint, an potius ex genere medicamentorū. Quod si nutrimenta sint, distinguere rursus oportet, victa ne sint à nostro calore, an potius inuicta permanserint. Quæ victa sunt à calore, calfaciunt quidē ut nutrimenta; non quod caloris qualitatem intendant ut medicamenta calida, sed quod caloris substantiam augeāt. Atq. id quidē (ut superiori capite diximus) de vere nutrimentis intelligendū est, non autē de iis quæ veluti nutrimenta sunt, aut futura nutrimenta. Quæ vero inuicta permanent (potissimūq. in vētriculo) tātum abest ut calfaciant, quin potius calorem innatum gravantia corpus refrigerent. Porro si sint medicamenta, distinguendum amplius est, an sint eiusmodi quæ exiguum alterationis momentum naſta, deinde secundū propriam naturam alterata, corpus ipsum aliquo modo afficiunt; an potius nullo pacto à corpore alterentur. Si ex priori sint genere, omnino calfaciunt, cum sint medicamenta potestate calida; quibus id peculiare est, ut cum primum à nostro calore mutationis initium acceperint, secundum suam naturam calfiāt, nosq. deinde recalfaciant. Si ex posteriori, hæc sane maxime refrigerant, cū sint medicamenta potestate frigida. Hæc namque (qualiacumq. fuerint) in hoc genere continentur, non sola venena frigida, ut sentit Vallesius. Est enim medicamenti omnibus potestate frigidis id cōmune, ut nullo pacto à nobis alterentur, in ea scilicet qualitate qua ipsa in corpus agūt, ut supra interpretati sumus.

Attendere autem (ut dictum est) quam maxime oportet, ac discernere quæ per se sunt ab iis quæ per accidens; non in calidis & frigidis modo, sed nihilo etiam secius in siccis & humidis. Quippe aliqua talium cū siccam substantiam sint sortita, ubi largo calore sunt liquata, humiditatis phantasiā præbent, veluti æs, & ferrū. Quædam per se humida ubi in sincero frigore sunt morata, apparēt sicca, sicut glacies. Minime igitur de his omnibus faciendū absolute & sine vlla exceptione iudiciū est, sicut in superioribus monuimus; sed cū eo, ut quemadmodum sese in calore frigoreque habeāt, consideretur. Siquidē si exiguo prædita calore, nihilominus humida cernūtur, talia esse ex propria natura sunt censenda: tametsi cum copioso calore sint sicca. Quæ vero vel sub feruente calore fluunt, vel sub puro rigore sunt concreta; ne horum quidem altera per se humida, altera per se sicca sunt existimanda. Ergo tum ad hunc modum distinguere



conueniet quæ per se sunt ab iis quæ per accidens; tum ad hæc ipsa spectantibus, A  
eorum quæ potestate calida, frigida, humida, siccave sunt, iudicium facien-  
dum. Non enim ad id quod secundum accidens est respicientibus, sed ad id quod  
secundum se est, id quod potestate est iudicari debet.

Præcipit secundo distinguendum quoque esse de calidis, frigidis, humidis,  
& siccis, sintne talia per se, an potius ex accidenti. Nonnulla enim quæ per se  
calida sunt, per accidens euadunt frigida, vt absynthii succus, si niue refrige-  
ratus exhibeatur. Nonnulla quoque per se frigida sunt, & per accidens calida,  
vt succus papaueris igne calfactus. Eadem ratio est siccorum & humidorum.  
Aes namque & ferrum ab igne liquata, per se quidem sunt sicca, ex accidenti  
tamen humida: glacies vero per se est humida, ex accidenti vero sicca. Propte-  
rea monet, quod multo copiosius docuerat libro superiore, de corporibus hu- B  
midis aut siccis non esse absolute pronuntiandum, sed hac distinctione adhibi-  
ta, vt vehementis caloris & frigoris sint expertia; ita vt neque à frigore con-  
crescere, neque à calore liquari possint. Porro huiusmodi distinctio ad explo-  
randas medicamentorum facultates maxime est necessaria; de quibus nihil cer-  
ti statui potest, nisi semel constitutum fuerit, medicamenta quæ in iudicium ve-  
niunt, per se atque ex propria natura esse talia, non autem ex accidenti. Nam  
vt capite primo diximus, potestas ex propria sui natura medicamenti inesse  
debet, nō ex qualitate aliqua adscritia. Verum de hac distinctione accuratius  
postea agemus.

Porro communis in omnibus vnaque iudicandi ratio est alterationis celeri- C  
tas. At cum calidum, frigidum, humidum, et siccum, dicantur quorūvīs quod  
scilicet alia per id quod exsuperat, alia quod eam qualitatem a qua sunt deno-  
minata, summam habeant; in vtrumcumque horum prompte vertitur de quo a-  
gitur iudicium, tale potestate fuerit. Oleum namque calidum potestate est, nimi-  
rum quod flamma facile fiat; eodem modo resina, bitumen, et pix. Vinum autem,  
quod facile fiat sanguis: pari modo mel, et caro, et lac.

Colligit tertio distinguendum esse, quo pacto quæ potestate calida sunt aut  
frigida, dicantur potestate talia. Quippe cum talia potestate dicantur quod pos-  
sint actu talia fieri; quot modis actu calidum aut frigidum dici aliquid poterit,  
totidem profecto & potestate calidum aut frigidum quidpiam dicetur. At ca- D  
lidum aut frigidum actu bifariam aliquid dicitur, vel quod summum calorem  
aut frigus habet, vel quod tale est per exsuperantiā. Et quamuis aliqua sint actu  
calida aut frigida per comparisonem; hæc tamen consulto nunc prætermisit,  
quoniam talia non sunt ex propria sui natura. Quocirca & quæ potestate ca-  
lida dicuntur bifariā quoque dicentur; vel quod facile prompteque in id quod  
est simpliciter calidum (veluti ignem) mutantur; vel in id quod per exsuperan-  
tiam est calidum, veluti sanguinem: qui quidem calidus per exsuperantiā hic  
dicitur, quia (vt libro primo dictum est) calorem accipit à corde. Oleum itaq.  
resina, bitumen, & pix, potestate calida dicuntur, quod facile mutantur in ignē;  
vinum autem, mel, caro, & lac, quod prompte mutantur in sanguinem. Nam (vt  
Galenus inquit) communis in omnibus vnaque iudicandi ratio est alterationis  
celeritas. Quibus verbis non distinguit quæ per se talia sunt ab iis quæ sunt ta-  
lia ex



**A** lia ex accidenti, vt sentiunt Eustathius & Lopezius, superioribus hæc perperam coniungentes; sed docet potius, quæ dicuntur potestate calida ex eo iudicanda esse, quod facile mutantur in id quod actu calidum est; siue sit simpliciter calidum qualis est ignis, siue sit calidum per exsuperantiam, qualis est sanguis.

## CAP. VI.

**N** T Q V E hæc quidem totis ipsorum alteratis substantiis nutrimenta se alterantium sunt; quæ vero vnaqualibet qualitate alterantur, ac mutantur, ea medicamenta tantum sunt.

**B** Disputationem de medicamentis hoc capite perficit, repetitq. inprimis discrimen inter nutrimenta & medicamenta. Quæ quidem licet id habeant commune vt à nostris corporibus alterentur; eo tamen potissimum nomine differunt, quod nutrimenta totius substantiæ mutationem patiantur; medicamenta vero vna dumtaxat qualitate mutantur. Siquidem dum concoquuntur & assimilantur nutrimenta, & propriam naturam amittunt, & in partium substantiam degenerant; medicamenta vero cum neque concoqui, neque assimilari possint, propriam naturam retinent, à nostroque calore dumtaxat calfiunt. Quod sane de omnibus medicamentis, non de solis calidis dictum fuisse intellige, quia quamuis priuatim id habeant medicamenta potestate calida, vt cum primum à nostro calore mutationis initium acceperint, accendantur; negari tamen non potest, quin & reliqua medicamenta à nobis vtcumque calfiant. Vsq. adeo vt venena actu talia in vna saltem qualitate mutantur, vt statim dicemus.

**C** Medicamenta itidem sunt & quæ nulla substantiæ suæ mutata parte, sed tota seruata integra, corpus ipsum afficiunt; ceterum grauia, & naturæ animalis corrumpentia: vnde & totum eorum genus, deleterion & pestilens dici reor. Quippe hæc non eo minus genere deleteria sunt dicenda, quod vbi plane minima exhibentur, nullam inferunt sensibilem noxam; sic namque neque ignis ipse calidus sit, neque nix frigida. Nam horum quoque si quid prorsus exiguum est, nullum euident in corporibus nostris excitat affectum.\* Quippe centesima vnus scintillæ pars, est quidem omnino genere ignis; ceterum adeo nos non vrat, exco-  
faciatve, vt corpori incidens ne sensum quidem vllum sui excitet. Ad eundem modum frigide asperginis centesima portio non modo nihil offendat, aut refrigeret, sed nec sensum sui vllum præbeat. Nequaquam igitur sic iudicanda deleteria sunt, immo totius naturæ suæ contrarietate. Porro iudicabitur contrarietas ex ea quæ media intercedit mutatione. In elementis verbi gratia, neq. aqua mutari potest in ignem, neque ignis in aquam; sed ambo in aërem; is vero in vtraque; illa in alterutrum nullo modo. Ergo continens & sine medio est aquæ mutatio in aërem, itemque ignis; non continens ignis & aquæ in alterutrum. Hæc igitur inter se contraria pugnantiaque sunt. Non dissimili ratione papaueris succus hominis corpori prorsus est contrarius, vt quod in eum quidquam agere ne vna quidem qualitate possit, multo minus tota sua substantia possit. Atque vnum quidem deleteriorum genus eiusmodi est.



Si medicamenta à nobis ( vt dictum est ) vna saltem qualitate mutantur , ea A  
 fortasse non esse medicamenta suspicetur quispiam , quæ nulla substantiæ suæ  
 parte mutata , sed tota seruata integra , corpus nostrum afficiunt. Atqui & hæc  
 medicamenta esse fatetur in præsentia Galenus , proptereaque & aliquā à no-  
 bis mutationem accipere concedendum est. Mutantur autem , quia non secus  
 ac reliqua medicamenta , à nostro calore qui in omnia medicamenta similiter  
 agit , calfiunt. Sed quamnam hæc medicamenta sunt , quæ nulla sui parte mutata ,  
 sed tota seruata integra , corpus nostrum afficiunt ? Sentit Fuchsius esse medi-  
 camenta frigida in quarto recessu , hæc namque cum frigida sint , integra per-  
 manent , neque à nostro calore vincuntur ; sed ipsa potius corpus afficiunt ac  
 vincunt , & vbi largius sumpta fuerint , sua frigiditate interimunt. Hæc tamen  
 interpretatio Galeni verbis nequaquaquam consentit , cum totum horum me-  
 dicamentorum genus deleterium ac pestilens dici scribat. At medicamēta fri-  
 gida in quarto recessu non sunt toto genere deleteria , sed tantum quantitate ; B  
 nullum enim eorum quæ frigore interimunt , genere deleteriū est auctore Ga-  
 leno. Sed vt suam explicationem defendat , cōcedit quidem Fuchsius medica-  
 menta frigore interimentia esse quantitate deleteria ; nunc tamen à Galeno ge-  
 nere deleteria vocari asserit , quod sint ex deleteriorum genere. Atqui Gale-  
 nus aliique omnes medici quantitate deleteria medicamenta ex aduerso op-  
 ponunt iis quæ sunt genere deleteria ; cum hæc tota substantia , illa vero mani-  
 festa qualitate interficiant. Omissa igitur Fuchsi explicatione pure grammati-  
 ca , medicamenta de quibus hic agitur , noxia venena toto genere deleteria es-  
 se sentimus ; quæ quidem & naturam habent nostræ contrariam ac corruptri-  
 cem , & actu talia sunt : qualis est canis rabidi spuma , saliuæ viperæ , & aspidis C  
 virus. Hæc namque præterquam quod toto genere sunt deleteria , id priuarim  
 obtinent , vt nulla substantiæ suæ parte mutata , sed ( cum actu talia iam sint ) to-  
 ta seruata integra , corpus nostrum afficiant ac corrumpant. Hæc dixerat quo-  
 que capite tertio , cuiusmodi sunt assumpta , eiusmodi etiam permanentia , vin-  
 cere mutareque corpus , ad eundem modum quo id cibos. Ceterum posset ali-  
 quis ostendere , noxia hæc medicamenta non esse toto genere deleteria , quia  
 si minima quantitate assumantur , non interficiunt ; cum tamen quæ tota essentia  
 nobis contraria sunt , omnino lædant , etiam si vel minimum eorum assumptum  
 fuerit , vt ipsemet Galenus alibi docet. Hanc obiectionem dissoluit , dicens , fa-  
 cultatem omnem ac vim ( quantumuis sit vehementissima ) iusta indigere sub-  
 stantiæ mole , vt aliquid effatu dignum efficere queat. Nam & centesima scin-  
 tillæ particula , quæ reuera ignis est , tantum abest vt vrat , vt ne calfaciat quidē ;  
 & minima niuis portiuncula , quæ reuera nix est , nullum præ exiguitate perfri-  
 gationis sensum excitat. Ad eundem igitur modum & medicamenta gene-  
 re deleteria , etiam si vehementissima polleant agendi vi , si minima quantitate  
 sint exhibita , nullam sensibilem noxam inferunt , tantum abest vt interimant.  
 Dicentur vero omnino lædere vel si eorum minimum assumptum fuerit , facta  
 compartione ad quantitate deleteria ; quæ quidem lædere nequeunt , nisi im-  
 modica quantitate assumantur. Vnde Galenus colligit , medicamenta delete-  
 ria non esse ex eo iudicāda quod semper interficiāt , sed potius ex totius natu-  
 ræ suæ contrarietate. Hanc autem iudicandam esse ait ex ea quæ media interce-  
 dit mutatione , ita vt ea dicantur nobis contraria , quæ mutari non possunt in  
 nostram naturam. Nam vt ea elementa contrariam naturam habere dicimus ,  
 quæ transmutari in se inuicem non possunt , vt ignem & aquam ; ita & ea me-  
 dicamen-

Lib. 3. simp.  
cap. 19

Lib. 5. simp.  
cap. 19.

Lib. 3. simp.  
cap. 23.



**A** dicamenta dicemus naturam habere nobis cōtrariam, quæ mutari non possunt in corporis substantiam. Id illustrat succi papaveris exemplo; quem inquit esse homini prorsus contrarium, cum hominis corpus ne vna quidem qualitate in ipsum agere possit, nedum tota substantia. Atqui hoc exemplum duplicē parit difficultatem. Quippe cum papaveris succus medicamentum sit frigore interimens, proindeque quantitate deleterium, accommodatum exemplum esse non potest eorum quæ dicta sunt de venenis actu deleteriis. Rursus cum dictum antea sit dicamenta omnia vna saltem qualitate à nobis immutari, quomodo nūc dixit, nostrum corpus ne vna quidem qualitate agere in succum papaveris. Vt priorem dubitationem effugiant, sentiunt plerique deprauatum esse hunc locum, & pro papaveris succo alterum exemplū substituendum esse. Aut igitur deprauatus est locus; aut dicendum, naturā quidem contrarietate medicamentis genere deleteriis potissimum inesse, esse tamen medicamentis omnibus cōmunem, quoniam medicamentorum omnium, natura (vt postea dicemus) hominibus maxime est contraria; nisi fortasse ex longa consuetudine, & frequenti usu, aliquam nobiscum familiaritatem contraxerint; vt contigit anui illi Atheniensi, quæ cicuta sine detrimento tandem nutrita fuit. Quare cum exēplo ele-  
Lib. 3. simp. cap. 18.

**B** tis genere deleteriis potissimum inesse, esse tamen medicamentis omnibus cōmunem, quoniam medicamentorum omnium, natura (vt postea dicemus) hominibus maxime est contraria; nisi fortasse ex longa consuetudine, & frequenti usu, aliquam nobiscum familiaritatem contraxerint; vt contigit anui illi Atheniensi, quæ cicuta sine detrimento tandem nutrita fuit. Quare cum exēplo ele-  
Lib. 3. simp. cap. 18.

**C** mentorum docuisset, naturā cōtrarietatem in illis reperiri quæ in se inuicem mutari non possunt; satis ipsi fuit, cuiuscumque medicamenti exemplo, & in genere deleteriis, & in reliquis medicamentis, naturæ contrarietatem ex eo ostendere, quod in corporis nostri substantiā mutari nequeat. Quod ad alteram dubitationem attinet, dicendum puto, papaveris succum ne vna quidem qualitate à nostro corpore mutari, quia licet vt reliqua medicamenta à nostro calore calfiat, numquam tamen actu calidus euadit. Id namque commune est medicamentis omnibus potestate frigidis, vt à nostro calore incalescentia, euadant actu frigida. Iam vero neque illud difficultate caret, quod in medicamentis genere deleteriis ex eo iudicandam esse dixerit naturæ contrarietatem, quod nequeant nobis assimilari; cum id medicamentis omnibus sit cōmune, vt corpus quidem mutare, nequaquam vero nutrire possint. Ceterum cum omnibus medicamentis communis sit naturæ contrarietas; communis quoque erit ratio iudicandi hanc naturæ contrarietatem in omnibus medicamentis. Quamuis genere deleteriis id priuatim insit, vt præterquam quod nobis assimilari non possint, naturam habeant pestilentem ac corruptricem.

*Alterum est eorum quæ ex nostro calore momentum aliquod mutationis accipiunt, ac deinde in multifarias alterationes vertuntur, quibus corrumpi naturam nostrā accidit. Eiusmodi enim omnia deleteria genere sunt, etiamsi propter exiguitatem nonnumquam nihil quod sentiatur efficiant. Ac quæ corporis naturam rodunt, putrefaciunt, & liquant, merito potestate calida nominantur; contra quæ refrigerant, & sensum auferunt, torporemque notabilem adferunt, frigida. Et priora quidem nihil non rationi consonum nec ipsa pati, nec in corporibus nostris efficere videntur; siquidem calido corpori applicata, & mutationis momentum aliquod hinc adepta, partim eorum ad summam caliditatem, partim perueniunt ad putredinem. Iure igitur pro affectu quem ipsa consequuta sunt, etiam corpus animalis afficiunt.*



Est & alterum quoddam genus venenorum, quæ mutationis initium à nobis accipientia; in multifarias mutationes vertuntur, quibus corrumpunt nostram naturam. Hæc autem ea esse quæ erodentia, & putrefaciencia dicuntur, ab omnibus verè concessum est. Ista vero cum venenis primi generis partim conueniunt, partim non. Conueniunt quidem, quia non secus ac illa, sunt toto genere deleteria; neque enim genere deleteria eo tantum nomine vocantur quod sint ex deleteriorum genere, sed quod naturam habeant nostræ omnino contrariam ac corrupticem. Vnde fit, vt quo longiori tempore intra corpus manent, eo agant vehementius: potissimumque ea quæ crassa terrenaque essentia sunt prædita. Neque enim vnquam possunt, vt medicamenta quantitate deleteria, vinci à nostro calore, etiamsi minima quantitate assumantur. Neque vero necessarium propterea est, vt minima quantitate exhibita interficiant; quoniam facultas omnis vt agat, iustam exposcit substantiæ molem; & deleteria facultas non est ex eo iudicanda quod semper interficiat, sed potius ex omnimoda naturæ contrarietate. Immo (quod maius est) & mediocri copia assumpta non semper interficiunt; vel quod vna cum excrementis excernantur, priusquam iniuria afficiant corpus; vel quod bona fortuna homini faueat, qui doctum exercitatumque medicum statim sit nactus; vel quod salutaris remediis sit vsus, antequam grauis noxa illata sit corpori. Differunt autem, quia venena primi generis ex propria sui constitutione naturam habent nobis omnino contrariam; id enim tantum accipiunt à nostro calore, vt comminuantur, & distribuantur. At venena huius secundi generis naturam nobis contrariam ex se non habent, sed eam adquirunt, vbi mutationis initium à nobis acceperint. Est quoque illud venenis secundi generis peculiare, vt sint potestate calida, accenduntur enim prompte à nostro calore, semelque accensa partim ad summam caliditatem perueniunt, partim ad putredinem. Quippe quæ calida sunt & humida, facile putrescunt; quæ vero siccitatem habent calori adiunctam, ad summam perducuntur caliditatem citra putredinem: quo fit, vt hæc erodendo, illa vero putrefaciendo interimant.

At quæ corpus, tametsi ipsa calida sunt applicata, tamen refrigerant; non paruum dubitationem adferunt, vtrius potius naturæ sint. Nam si energia semel calida sunt reddita, cur animal non calfaciunt? Sin nondum sunt calfacta, quomodo apparent calida? Soluetur dubitatio, si distinguatur quod per se frigidum est ab eo quod est ex accidenti, ita vti Aristoteles docuit. Perit namq. celeriter eorum quæ ex accidenti sunt calida acquisitiuus effectus, ita vt in priorem naturam suam statim facile reuertatur. Porro in applicandis iis nobis quæ natura quidem sunt frigida, sed per accidens calida, duo hæc contingere est necesse; & vt acquisitiuus eorum calor pereat; & propria eorum temperies a nostra nihil immutata, frigida perstet. Et quid miri est, si papaueris succus, mandragora, vel cicuta, vel similitum aliquid, quamuis exhibeantur calfacta, paullo post euadunt frigida, cum idem patiantur ptisana, & lac, & far, & panis, vbi in imbecillum ventrem demissa, ab eo non superantur? euomuntur enim non raro abunde frigida. Et quod his maius est, quodque Hippocrates notauit, pituita ipsa quamuis iam succus sit, atque ex cibis in ventre iam concoctis nata, nihilo-

Lib. 3. simp.  
cap. 22.

Lib. 3. simp.  
cap. 23.

\* Χονδρος.

\* πι.



**A** nihilominus frigida tangentibus sentitur; neq. id modo dum in ventre consistit, sed postquam a venis ipsis purgantis cuiuspiam medicamēti vi est detracta. Tametsi enim quam tenacissima sit, ac per vim ducitur; attamē ne ipsa quidem tractus violentia calferi potest. Quid igitur miri, si etiam papaveris succus (quod naturæ nostræ tam contrarium medicamentum est) quam celerrime refrigeretur, etiamsi calfactus sit exhibitus, refrigeret autē vna secum & corpus? Quippe acquisititium calorem non servat, propterea quod natura frigidus est; at quia eius substantia a nobis non alteratur, immo potius nos alterat & mutat, idcirco nec a nobis quidquam recipit caloris, & pro sua natura nos afficit. Ita q. cum frigidus natura sit, & nos utiq. refrigerat. Nihil igitur in dictione nostra est dubitationibus reliquum, enimvero quod horum omnium quæ frigida per naturam sunt, quidquid plus iusto calfeceris, ex propria natura recedat; præterquam quod nullam dubitationem habet, etiam prædictis a nobis adfert testimonium. Sicut enim salamandra ad certum vsq. terminum ab igni nihil patitur, vritur autem si longiore spatio igni sit admota; sic & mandragora, & cicuta, & psyllium, breui spatio igni admota, propriū adhuc temperamentum servant; largius autem ex calfacta illico corrumpuntur, nec quidquā efficere, quæ prius poterant, valet.

Dubitat tandem, an ea medicamenta quæ calida exhibita corpus refrigerant, ad medicamenta calida referri debeant, an potius ad frigida. Quippe cum actu calida tangantur, ad calida; cum autem nos refrigerent, ad frigida pertinere videntur. Porro hanc dubitationem ex iis facile dissolvit quæ supra dicta de iis sunt quæ aut per se, aut ex accidenti sunt talia. Siquidem adscititiæ qualitates breui perire solent; quæ vero natura insunt, diutissime permanent. Quare quæ medicamenta calida exhibita corpus refrigerant; ea profecto potestate frigida censerī debent; quamvis quo tempore exhibentur actu sint calida. Sunt enim actu & ex accidenti calida, potestate vero & per se frigida; quo fit, ut abeunte quem ab igne vel sole contraxerant adscititio calore, innata refrigerandi vis seipsam prodat. Nam ut inquit Galenus hoc loco, duo hæc illis contingere est necesse; ut adscititius ipsorum calor pereat, & propria eorundem temperies a nobis nihil immutata perstet. Perstat autem immutata, quia licet eiusmodi medicamenta in actum reuocentur a nostro calore, nunquam tamen a nobis actu calida fiunt. Porro non solum refrigerant quæ cum potestate frigida sint actu calida exhibentur, verum etiam refrigerant etius & valentius; quoniam scilicet caloris beneficio facilius comminuuntur, & distribuuntur celerius. Quippe quæ frigore interimunt medicamenta, calidioribus maiorem quam frigidioribus corporibus noxam inferunt, teste Galeno. Quod autem medicamenta potestate frigida, actu calida exhibita, deposito sensim adscititio calore frigida euadant, duobus exemplis confirmat, ciborum, & pituitæ. Cibos namq. qui a ventriculo concocti non sunt, frigidos euomi non raro experimur. Neque id accidit quod a ventriculi frigiditate mutantur & acescant, ut quidam putant; neque (ut alii volunt) quod ad frigidam suam naturam redeant, cum panis & alica cibi non sint frigidi, sed quod adscititium calorem quem ab externo igne, aut imbecillo ventriculo contraxerunt, facile amittant. Præterea pituita quamvis

Lib. 3. simp.  
cap. 18.




Lib. de nat. ho-  
mi. sent. 31.

quamvis iam succus sit, atque ex cibis in ventriculo iam concoctis genita; senti-  
tur tamen nihilominus frigida, non solum dum in ventriculo consistit, sed etiam A  
postquam à purgante medicamento ex vasis attracta excernitur, ut annotavit  
Hippocrates. Tamen si enim tenacissima sit, & violentissime trahatur, ne sic qui-  
dem cal fieri potest; quamvis alioqui motus caloris sit causa. Pituitam dixit hoc  
loco interpretes ex cibis in ventriculo iam concoctis gigni, Græce tamen le-  
gitur cum negatione Non concoctis. Et certe utraque lectio vera esse potest,  
nam cum gignatur pituita ex crudiori ciborum portione quæ in chylum muta-  
ri non potuit, vere quidem dicitur ex cibis in ventriculo non concoctis gigni.  
Et rursus cum pituita primæ concoctionis sit excrementum, ipsiusque genera-  
tionem necessario præcedat ciborum concoctio, quæ in ventriculo fit; vere quo-  
que gigni dicitur ex cibis in ventriculo iam concoctis. Et hanc lectionem ma-  
gis probō, utpote quæ instituto Galeni sit magis accommodata. Si namque cibi  
(quarum natura nobis est familiaris) ubi non concoquuntur in ventriculo, eno- B  
muntur interdum frigidi, quia adscititium calorem facile amittunt; ac rursus si  
pituita (quæ iam succus est, & ex cibis in ventriculo iam concoctis gignitur) fri-  
gida sentitur, à medicamento purgante violenter etiam attracta; mirandū pro-  
fecto non est, si papaveris succus (qui nostræ naturæ contrarius dicitur, quod in  
nostram substantiam conuerti nequeat) nos statim refrigeret, etiam si calfactus  
exhibeatur. Nam cum sit natura frigidus, externum calorem cito deponit; cum  
vero ipsius substantia à nobis non alteretur, nihil caloris à nobis recipere dici-  
tur, quia numquam euadit calidus. Quod si contingat medicamentum aliquod  
potestate frigidum vique adeo cal fieri, ut veluti adustum corrumpatur; illud  
sane & propriam naturam amittet, & nos amplius non refrigerabit. Sicut enim C  
salamandra ad certum vsque terminum ab igne nihil patitur, tandem vero si  
longiore spatio igni sit adnota, aduritur; sic & mandragora, & cicuta, & psy-  
llium, breui tempore igni adnota, suam adhuc temperiem seruant, largius au-  
tem ex calfacta omnino corrumpuntur. In salamandræ exemplo illud est obser-  
uatione dignum, quod licet diu igni resistat, tandem tamen aduratur. Vnde  
intelligitur, falso ac prorsus aniliter quibusdam creditum fuisse, salamandram in  
igne vitam traducere. Sicubi vero à Nicandro aliisque probatis auctoribus  
inviolata ab igne salamandra dicatur, sic inuiolatam accipere oportet, ut lon-  
go tempore illæsa in igne seruetur. Plurimo namque eoque crasso humore per-  
petuo imbuta mader, qui donec absumptus fuerit, ignis vim insigniter frangit.  
Decipiuntur ergo qui huius enëtus causam ad insignem salamandræ frigidita-  
tem, aut maximam cutis densitatem, aut occultam aliquam proprietatem retu-  
lerunt. In exemplo quoque psylli latet difficultas, cum ipsum videatur hoc lo- D  
co inter medicamenta frigore interimentia vna cum mandragora & cicuta re-  
censuisse; cum tamen libro octauo de simplicium medicamentorum facultati-  
bus psyllii semen in secundo ordine frigidum, & in altera oppositione tempera-  
tum statuatur. Hæc loca facile componit Vallesius, dicens, licuisse nunc Galeno  
psyllii exemplo uti secundum communem quæ de eo habetur opinionem; li-  
bris tamen simplicium, ubi de hac re priuatim agebat, ipsius naturam optime  
explicasse. Ego tamen (ut verum fatear) nullam in his locis repugnantiam ani-  
maduerto, neque enim inter venena frigida, sed tantum inter medicamenta  
potestate frigida psyllium in præsentia recensuit. Quippe cum dubitatio à Ga-  
leno proposita non in solis frigidis venenis, sed in omnibus medicamentis po-  
testate frigidis locum habeat, quibus id commune est, ut licet calfacta exhi-  
beantur,



A beantur, corpus refrigerent, & nimis excafacta corrumpantur; licuit profecto Galeno ut in ea expucanda frigidorum venenorum exemplis, qualis est cicuta, & mandragora, & exemplis medicamentorum potestate dumtaxat frigidorum, quale est psyllium. Et quamvis in genere venenorum quæ frigore interimunt, psyllium collocarit Dioscorides; ipsius vero corticem frigidum in tertio, medullamque in quarto calidam statuerit Mesue; magis tamen probandam existimo Galeni sententiam. Cui sane plurimum etiam fauet experientia, quæ frequentissime docet, psyllii semen non solum obstetricum, sed etiam medicorum iussu, citra aliquam offensam ad leniendam aluum enixis exhiberi.

## CAP. VII.

B  *C* talium quidem omnium natura hominibus maxime est contraria. Sane naturam cum dico, vniuersam substantiam ac temperiem quæ ex primis elementis conflatur, significo, calido, frigido, humido, sicco. Eorum vero quæ celerrime nutriunt, conuenientissima. Reliqua omnia media inter hæc sunt, quorum alia magis, alia minus agere ac pati a corpore nostro possunt. Siquidem castoreum et piper agere magis in corpus nostrum quam pati ab eo valent; vinum, et mel, et ptisana, pati magis quam agere.

Quenam hæc sint, quorum naturam hominibus maxime contrariam nunc dicit, dubium est, Venena hæc esse contendunt interpretes, alii frigida tantum, alii præter hæc etiam calida. Præstat tamen de omnibus medicamentis locum intelligere. Quippe cum medicamentorum omnium naturam ac vires hæcenus explicasset, merito nunc medicamenta à nutrimentis distinguit, & à nutrimentis medicamentosis, de quibus hoc capite agere instituit. Hæc itaque tria eo nomine inter se differre docet, quod medicamentorum omnium natura maxime sit hominibus contraria; eorum quæ celerrime nutriunt (id est omnium nutrimentorum) conuenientissima; reliquorum vero (quæ scilicet nutrimenta sunt medicamentosa) media, id est partim contraria, partim conueniens. Quoniam vero naturæ nomine (ut ipsemet interpretatur) vniuersam substantiam ac temperiem ex primis elementis conflata intelligere oportet; colligit ex hoc loco Lopezius, Galenum concessisse temperamentum substantiarum. Verum cum substantiæ & temperamenti seorsum meminerit, tantum abest ut temperamentum substantiarum concesserit, quin potius ipsum negasse videatur, substantiam à temperamento distinguens. Aut igitur substantiam vocat certam substantiarum elementarium molem, ex qua una cum qualitatibus temperie propria perficitur mixtorum corporum constitutio; aut substantiam non distinguit ab ipsa temperie. Hæc namque licet qualitas sit, substantia tamen dicitur, quia (ut suo loco diximus) forma est mixtorum corporum ut mixta sunt. Ceterum naturæ contrarietas quæ omnibus medicamentis inesse diximus, latitudinē habet satis insignem, cum alia magis, alia minus contrariā naturā obtineant. Medicamenta quidem toto genere deleteria naturam habent nobis omnino contrariam, quia præterquam quod nobis assimilari non possunt, nos etiam corrumpunt ac interimunt. Reliqua vero medicamenta, etiam illa quæ sunt deleteria quantitate, eo dumtaxat nomine contrariam naturam habere dicuntur, quod nobis assimilari nequeant: neque enim ex sua natura interficiunt. Similiter quoque in ea naturæ conuenientia quæ nutrimentis omnibus est communis, magna statuenda



tuenda est latitudo; cum quædam nutrimenta magis, alia minus sint nobis familiaria. Eadem ratione & nutrimenta medicamentosa se habent, quorum alia naturam habent magis contrariam quam conuenientem, alia vero contra. Quo fit, ut illa magis agant in corpus quam ab ipso patiantur, ut castoreum & piper; hæc vero magis patiantur quam agant, ut vinum, mel, & ptisana. Et mirum profecto videri debet, quomodo vinum quod antea dixerat nutrimentorum omnium couenientissimum esse & maxime familiare, proindeque celerrime concoqui, distribui, & assimilari, inter nutrimenta medicamentosa nunc enumerarit. Oportebit ergo, ut hæc sibi mutuo cōsentiant, vini ætates distinguere, quarum ratione mutari solet ipsius temperies. Nam quod ætatis est mediæ, purum est sincerumque nutrimentum; antiquum vero, nutrimentum est potestate calidum.

Ergo hæc omnia tum agunt circa corpus aliquid, tum vero patiuntur. Om-  
nino enim ubi duo corpora inter se commissa multo tempore pugnant, certantque  
de alterando, utrumque eorum tum agere tum pati est necesse. Fortasse autem  
etsi non multo tempore id fiat, attamen agit etiam id quod vincitur in id quod  
vincit, verum ita exiguum ut sensum effugiat. Neque enim si acutissimo ferro  
mollissimam ceram toto die ac nocte incidas, fieri potest ut non fiat manifesto  
obtusius. Ita nimirum illud commode dici videtur, *Assiduo illisu durum cauat  
vndula saxum*: quippe ita quoque fieri cernitur. Ceterum vno aut altero icū  
nihil adhuc euidentius videre in talibus licet, ex quo factum arbitror, ut quædam  
ab admatibus sibi nihil prorsus pati opinati nonnulli sint. Et cedendum quidem est  
ita loquentibus; sæpe vero nobis quoque ipsis ita plerumque loquendum, nisi si-  
cubi ad vltimum examen disputationem perducimus, quemadmodum in præsen-  
tia facimus. Sic igitur *ἀσθενεία*, id est nunquam deficientis affectionis dogma;  
iis utique qui solum id ratione ipsa æstiment, valente demonstratione non caret;  
non est tamen eius ad priuatas singulatim obeundas actiones ullus vsus. Si nam-  
que adeo exigui affectus sint quibus assidue afficimur, ut nulli actioni sensibile  
& manifestum incommodum adferant; facile profecto contemnendi sunt, atque  
ei qui affectus id genus nullos esse dicit, non repugnandum. Perinde igitur ha-  
bet & in iis quæ nutriunt prope dixerim omnibus, quippe quæ ipsa quoque in cor-  
pus hominis aliquid faciunt, sed nec sensibile aliquid prorsus nec euidentius. Diu-  
turna tamen eorum exhibitio magnopere alterat mutatque iam corpora.

Licet medicamenta, nutrimenta, & quæ vtriusque rationem obtinent, maxi-  
me inter se differant; in eo tamen conueniunt omnia, ut tum agant in nostrum  
corpus, tum ab ipso etiam patiantur. Quod sane in medicamentis & nutrimen-  
tis medicamentosis constat ex iis quæ diximus. Medicamenta enim dum à no-  
stro calore in actum reuocantur, aliquid necessario patiuntur; agunt autem,  
quando in actum perducta nos calfaciunt, aut refrigerant, aut etiam interimunt.  
Nutrimenta vero medicamentosa antequam concoquantur, agunt in corpus  
non secus ac medicamenta; patiuntur autem, quando concocta assimilantur.  
De nutrimentis res est difficilior, quæ cum medicamentosæ qualitatibus sint ex-  
pertia,



A pertia, nihil in corpus agere, sed tantū ab eo pati videntur. Nihilominus tamen quod & nutrimenta aliquid agant, ex certissimo hoc principio ab omnibus philosophis cōcessō demonstrat. Vbi duo corpora quæ agere & pati sunt nata, mutuo inter se pugnāt, ambo simul agunt & patiuntur; ita vt si alterū eorum vincat, patiatur necessario ab eo quod vincitur. In eo tantū est discriminē, quod vincens sensibilibiter agat, & insensibilibiter patiatur; victū cōtra patiatur sensibilibiter, nihil autē plerūq. agat, quod sensu animaduerti possit. Hæc illustrat acutissimi gladii & ceræ mollissimæ exemplo, exemplo itidem guttæ saxum tandem excavantis. Quamuis enim gladius nihil per initia à mollissima cera videatur pati, patitur tamen, cum ipsius acies tandem retundatur. Et rursus licet aquæ guttula nihil primis diebus videatur in durissimum saxum agere, agit tamen singulis ictibus aliquid; alioqui non potuisset saxum excavare. Neque enim ab ultimo ictu saxum excavatū esse quis dixerit, cum maior in eo non sit agendi vis quam in precedentibus. Hæ quidem victarum rerum actiones, & vincentium pathemata, quia sensum omnino effugiunt, contemni solent, quasi non essent; quamuis ratio monstret, quidquid agit pati, & quidquid patitur agere. Hinc dogma *ἀσθητικόν*, id est perpetuæ passionis, inuentum olim fuit à Stoicis, quibus etiam ratio suffragatur. Nobis tamen medicis inutile prorsus est eiusmodi dogma ad priuatas actiones obeundas, veluti ad sanitatis custodiam, & morborum curationem: quo etiam nomine à Galeno plerumque damnari solet. Ergo Lib. 1. de sanit. tu. cap. 5.  
in corpus agere credendum est: quamuis præ exiguitate sensum id omnino effugiat: nisi frequens fortasse diuturnusque alicuius nutrimenti vsus illud quantumcumque sit, tandem detegat.

C Sunt enim & quæ primo statim vsu manifestam alterationem suam indicent, veluti lactuca; quæ eos quibus venter quidem æstuat, manifeste refrigerat, atque a siti vendicat; quibus vero refrigeratus est, manifeste lædit. Conducit vero & ad somnum non parum, neque id alia ratione vlla, quam quod frigido temperamento & humido est. Verum sic est humida & frigida ad hominem, & alia quæ ab ipsa nutriri sunt apta, sicut viridia ligna ad ignem. Quare rationabiliter cibi id genus vtrumque præstant, & quod veluti medicamenta corpus nostrum afficiunt, & quod nutriant. Toto quidem concoquendi tempore, vt medicamenta; vbi iam nutriunt, ac prorsus sunt assimilata, tunc nihil amplius in nos D agunt, sed naturalem calorem augent, ceu prius est dictum: quippe id omnium quæ nutriunt, commune est. Nec est quod miremur, si modo exempli viridum lignorum non sumus immemores, esse aliqua, quæ priusquam assimilentur & nutriant, dum adhuc concoquuntur, refrigerent; cum assimilata sunt, ac iam nutriunt, calfaciant.

Nutrimenta medicamentosa eo nomine distinguuntur à nutrimentis, quod hæc in corpus agant insensibilibiter, aut diuturno vsu; illa vero & sensibilibiter, & primo statim occurso. Id confirmat exemplo lactucæ, quæ antequam concoquatur ac nutriat, corpus manifeste humectat & refrigerat. Hinc namque fit, vt æstuantem ventriculum insigniter iuuat, refrigeratum contra maxime lædat.



Lib. 1. simp.  
cap. 30.

Lib. 2. de alim.  
fac. cap. 40.

Neq. aliunde fit, vt à siti nos vëdicet, cū sitis duplex sit caussa auctore Galeno, A  
caloris copia, & humoris inopia. Similiter quoq. ad somnum conciliandū non  
parum conducit, sunt enim quæ somnum inducunt, aut frigida, aut humida;  
aut humida simul & frigida. Has lactuæ vires in se ipso expertus est Galenus,  
cui (vt ipsemet refert) consueta fuit & maxime familiaris; in iuuentute quidē,  
ad refrigerandum ventriculum, qui assidue infestabatur bile; in atate autem  
declinante ad corrigendas vigilias: nam vespere commansa vnicum ipsi fuit  
aduersus vigilias alexipharmacū. Quoniam vero nutrimentis medicamentosis  
id conuenit, vt & agant sensibilibiter tamquā medicamenta, & tamquā nu-  
trimenta manifesto patiantur; diuersis temporibus hæc ipsis accidere intellige.  
Agunt enim dum concoquuntur, patiuntur vero vbi iam assimilantur ac nutriūt;  
quo tempore natium calorem non secus ac pura nutrimenta, augent, etiam si  
fuerint ex sua natura frigida. Quippe vt ligna viridia primo statim occurso flā- B  
mam imminuunt, eandem autem augent semel accensa; ita & nutrimenta pote-  
state frigida primo occurso refrigerant, assimilata calorem augent.

Itaque vsus quoq. talium omnium duplex medicis suppetit, tum vt ciborum,  
tum vt medicamentorum. Fac namque mutata sit alicui optima ventriculi tem-  
peries ad calidiorem; is profecto quamdiu lactucam concoquit, refrigerabitur,  
& mediocritatem temperamenti assequetur; vbi vero ex ea iam nutritus est,  
insiti caloris substantiam augebit. In eo igitur vel maxime sese fallere vide-  
tur iuniorū medicorum vulgus, quod ignorat in nobis aliquando qualitatem ca-  
loris intendi, aliquando substantiam eius augeri. Tum quod vtroque genere C  
veteres calidius factum animal dicant; quando etiam calidius sit, siue calo-  
rem eius intendas, siue substantiam in qua primo consistit, inaugeas. Finge  
namque, ex iis quæ in animalis corpore continentur sanguinem esse per se ca-  
lidum, aut (si magis placet) flauam bilem; reliqua omnia ex accidenti esse ca-  
lida, vtique quod horum aliquam habeant partem. Numquid necesse erit ani-  
mal bifariam calidius esse; vel quod plus calidorum succorum sit sortitum;  
vel quod calidiores eos habeat quam ante? Mihi plane ita videtur. Ad eun-  
dem modum arbitror & frigidius erit bifariam; vel quod plures illi suc-  
creuerint frigidi succi, ceu pituita & nigrabilis; vel quod eorum omnium D  
modo\* non mutato, sola qualitas sit intensa. An igitur miri quidquam est,  
si corpus, quoad concoquitur frigidus natura cibus, (sicut portulaca &  
lactuca) frigide qualitatis non parum percipiat; percocto autem, ac iam  
in bonum sanguinem verso, calidi succi accessione calidius quam prius e-  
uadat? Atqui si nihil horum aut eiusmodi est quod fieri nequeat, aut etiam  
adhuc mirum; desinant iam obstrepere, qui vnum eundemq. cibū tum nutrimenti  
tum medicamenti vsum corpori præstare negant. Tamquā enim si omnino non  
percoqueretur, perpetuo maneret medicamentum, sic cū iam est percoctus, ambo  
efficitur. Pone enim prorsus nō concoquatur lactuca, vel (si mauis) succus ipsius  
quando

\* συμμετρία.



- A quando is si liberalius sumatur, simile in homine cū papaueris succo effectū habet. Nonne hoc casu medicamentum tantum erit, an non? Nemo arbitror de ea re dubitet. Ergo habet omnino lactuca & medicamenti facultatem. At vero habebat & nutrimenti, quippe quæ persæpe nutrit; ambas igitur facultates simul in se cōtinet. Non tamen similiter ambas ostendit, verū vbi plus egit in homine quā sit passa, medicamenti potius indicat facultatē; vbi passa plus est quā egit, nutrimenti. Nec mirū illud est, si lactucæ tum agere, tum pati contingit, quando enī quoque (ceu paullo ante diximus) non solum in cerā agere, sed etiam ab ea pati accidit. Ceterū eo quod multo amplius est quod agit quā quod patitur, alterū latet. At si durissimū illi ferrum admoveas, contra magis pati quā agere tibi videbitur: tametsi agit aliquid tū quoque, sed vis eius negligitur præ exiguitate. Itaq. de omnibus prorsus cibus illud pronūciare non dubitemus, quod non solū a nostris corporibus pati, sed etiā agere aliquid in ea possunt. Iā vero & de quibusdā quæ plane scilicet & luculenter videmus agere, quod non tantum cibi sint, sed etiam medicamenta.
- B

- Cum medicamentosa nutrimenta & agere & pati possint, duplicē vsum medicis haud dubie præstant; medicamenti scilicet ad corrigendam contrariam interperiem; & nutrimenti ad instaurandam corporis substantiam. Quæ sane curandi ratio magis probanda est quam quæ per sola medicamenta perficitur, quorū natura (vt antea diximus) maxime est hominibus contraria. Veluti si calida intemperie laboret ventriculus, vtilissimum fuerit nutrimenti potestate frigidis vti; quæ quidem quamdiu concoquantur, vētriculum refrigerabunt, & ad mediocritatem temperamenti reuocabunt; concocta vero & assimilata ipsius calorem augebunt. Vt autem intelligatur facilius, quomodo nutrimenta potestate frigida refrigerare primum dicantur, deinde corpus calfacere; bifariam corpus calidius aut frigidius fieri posse ostendit. Ac calidius quidem, vel intensa sola caliditate, vel aucta substantia calida. Veluti si sanguis in nostris corporibus sit per se calidus, vel potius bilis, reliqua vero ab his incalescant; corpus certe calidius euadet, vel quod sanguis & bilis sint iusto calidiora; vel quod aucta sit ipsorum quantitas. Sanguinem hoc loco exempli tātum causa calidum per se fingit, quem diximus alibi esse temperatum. Atque id considerans, sanguinis exemplo nequaquam contentus, bilis exemplum statim adiungit, quam esse per se calidā omnes concedunt. Quod sane propter eos observatum velim, qui exemplorum veritatem in Galeni scriptis requirendam non esse passim inculcāt. Eadem ratione bifariam corpus frigidius fieri potest, vel auctis frigidis succis, qualis est pituita, & humor melancholicus; vel his humoribus redditis frigidioribus, etiam si iustum modum seruauerint. Quæ cum ita sint, absurdum profecto non erit, si vnum idemque nutrimentum vno quidem modo refrigeret, altero vero calfaciat. Lactuca namq. & reliqua nutrimenta potestate frigida dum in ventriculo concoquantur, primo statim occurſu frigiditatem intendunt; in sanguinem vero mutata calfaciunt, quia calidam substantiam augent. Reliqua huius dictionis perspicua sunt, & ex superioribus satis cognita.
- D

*Et lactuca quidem tam cibus quā medicamentū frigidum est; eruca tā cibus*



quam medicamentū calidum. Quod si castoreū quoq. spatio concoquitur, erit id A  
 quoq. simul nutrimentū, simul medicamentū calidum: ad eūdem modum sinapi,  
 & piper. Eorū herbis quoq. anethū, & ruta, & origanū, & pulegiū, & calamin-  
 the, & thymbra, & thymū; quippe hæc omnia tum cibi, tū medicamenta calida  
 sunt. Prius enim quam in sanguinem sunt mutata, dū scilicet adhuc concoquun-  
 tur, medicamenta; mutata vero in sanguinem, non utique iam medicamen-  
 ta, sed nutrimenta; secunda nimirum nutrimenti significatione, qua id signi-  
 ficatur quod nondum est alimentum, sed veluti alimentum. Ergo sicut de lactu-  
 ca paullo supra fecimus; cum duos ventres, alterum iusto frigidiorē, alterum  
 iusto calidiorē finximus; ita nunc quoq. in omnibus iis quæ potestate calida sunt  
 proponamus eosdē ventres. Ergo eū qui frigidior iusto est, quoad in eo continen- B  
 tur ac concoquūtur, omnes id genus herbe calfaciunt, atq. ad tēperamenti æqua-  
 litatem reuocabunt, proderuntque vti medicamēta; alterum vero qui calidus est,  
 inflāmabunt, ac magnopere ledent. Atq. has quidē alterationes qualitate sua in-  
 ducent, nā omnino percocta ac in sanguinē bonū iam versa, naturalis in anima-  
 li caloris substantiā augebunt, qualitatem vero nequaquā intendent. In totū enim  
 siue frigidus, siue calidus potestate cibus sit, posteaquā in sanguinē cōuersus est,  
 naturalē calorem similiter augebit; quoad autē ad sanguinis formam tendit, nec  
 dū plane sanguis est redditus, refrigerat, ex calfacit ve animal medicamēti ritu.

Quemadmodum nutrimenta potestate frigida agunt primū in corpus vt me- C  
 dicamenta, deinde vero à corpore patiuntur vt nutrimenta; ita & nutrimenta  
 potestate calida. Intendunt enim hæc dū concoquuntur caloris qualitātē, con-  
 cocta vero & in sanguinē conuersa caloris substantiā augent; quemadmodū il-  
 la corpus dū concoquuntur refrigerant, cōcocta vero & in sanguinē mutata cal-  
 faciunt. Quo etiā fit, vt quemadmodū potestate frigida nutrimenta calido ven-  
 triculo vtilia sunt, frigido noxia; ita & nutrimenta potestate calida calido ven-  
 triculo noceāt, frigido autē non mediocriter profint, quia frigidā ipsius inrem-  
 perie corrigunt. Ex quibus patet, nutrimenta potestate calida duplici nomine  
 corpus calfacere, & quod caloris qualitātē intendant, & quod calidā substan-  
 tiam augeant. Id namque cibus omnibus est commune, vt siue frigidi sint, siue  
 calidi, innatum calorem similiter augeant, posteaquam in sanguinem sunt  
 conuersi. Neque his verbis voluit Galenus ( vt visum est Hieremiæ ) ex cruce D  
 aliisque calidis cibus nihilo calidiorē sanguinem gigni, quam ex lactuca  
 aliisque cibus frigidis. Non enim cibos omnes, siue calidi sint, siue frigidi,  
 innatum calorem similiter augere dixit, quod similem omnino sanguinem  
 gignant; sed ( vt recte annotauit Vallesius ) quod eodem modo illud præ-  
 stent, augendo scilicet substantiam calidam. Quippe necessario conceden-  
 dum est nutrimenta in sanguinem mutata, alia magis, alia minus caloris sub-  
 stantiam augere, calidiorēque ex nutrimentis calidis, ex frigidis vero frigi-  
 diorē sanguinem gigni, quidquid Fuchsius dicat. Pendet tamen huius rei ex-  
 plicatio ex ea quæstione, possintne nutrimenta medicamētosa in corpus agere,  
 non solum antequam mutantur in sanguinem, verum etiam posteaquam in san-  
 guinem conuersa fuerint. Galenus quidem hoc loco non semel affirmauit, nu-  
 trimenta frigida aut calida dum concoquuntur, vt medicamenta in corpus a-  
 gere; concocta vero & in sanguinem conuersa nihil amplius agere, sed tantum  
 pati



A pati vt nutrimenta. Sed ratio mōstrat, in sanguinem etiam mutata aliquid agere, alioqui enim nullus esset ipforum vsus ad corrigendas earū partium intemperies quæ sunt supra iecur: quod tamen experientiæ aduersatur. Non igitur refrigerandi vim omnino amittit lactuca in sanguinem conuersa, neque eruca vim calfaciendi deponit; sed agunt adhuc aliquid in partes nutriendas, donec assimilentur. Id tamen effatu dignum non est, separatis nimirum per concoctiones præcedentes partibus fere omnibus medicamentosis. Proindeque merito nunc dixit Galenus frigida aut calida nutrimenta si semel in bonum sanguinem sint conuersa, medicamenta amplius non esse, sed nutrimenta dumtaxat. Ita vt quod puris sincerisque nutrimentis ex propria natura conuenire antea diximus, id ipsum nutrimentis medicamentosis in sanguinem iam mutatis conuenire videatur.

## CAP. VIII.

B



*AN* E omnis hæc disceptatio ab vno principio pendet, quo magis seruandum id, memoriaque tenendum perpetuo est; cuilibet corpori proprietatem quandam temperamenti esse, quæ huic quidem naturæ sit consentiens, ab hac vero sit dissentiens. Tum si quod conueniens sibi est, in suam naturam transmutet, eo pacto caloris sui substantiam auget. Sin ipsum sit mutatum, duorum alterum illi continget; vel vt calorem quandam conquirat, vtique si id a quo mutatur excalfacit; vel proprium calorem amittat, si id non calfacit. Liqueat igitur ex his, quod eiusmodi omnia ex eorum

*C* sunt numero quæ relata ad aliquid dicantur, cum ad proprietatem mutatis naturæ, quidquid assumitur vel nutrimenti, vel medicamenti, vel vtriusque rationem sortiatur. Verbi gratia, cicuta sturno nutrimentum est, homini medicamentum. Rursus coturnici veratrum nutrimentum est, hominibus medicamentum; siquidem coturnicum temperies assimilare sibi veratrum potest, quod hominum temperies non potest.

Explicata natura ac viribus eorum quæ dicuntur potestate talia, accedendū iam erat ad tradendam methodum explorandi facultates medicamentorum. Prius tamen ea omnia quæ dicuntur potestate talia, ad aliquid necessario referri, potissimumq. ad hominem, hoc capite demonstrat, posito hoc principio. Cuiuslibet, inquit, corpori proprietas quædam temperamenti inest, quæ quibusdam naturis consentiens est, ab aliis vero dissentiens. Vocat autē temperamenti proprietatem nō virtutem aliquam cœlestem corporibus inditam; sed certā quandam elementorum constitutionem, quæ unicuique corpori est propria, cuiusque ratione vnumquodq. corpus ab aliis omnibus distinguitur. Hæc autē nō solam qualitatum temperiem, sed etiā substantiarum mixtionē amplectitur; nā vt qualitates certū habent tēperationis modum, ita & substantiæ certū habent modum mixtionis. Ac quoniā tēperationis & mixtionis modi pene infiniti esse possunt, mirandū profecto non est, si tam varię sint tēperamentorum proprietates, vt sua cuique corpori esse possit. Ex hac tēperamenti proprietate nascitur inter mixta substantiæ similitudo, ac dissimilitudo. Ea nāq. dicuntur habere inter se substantiæ similitudinē, in quibus affinis est tēperamentorum proprietas; dissimilitudinē vero, quæ temperamentorum proprietatē nullo modo habent affinem. Quod si temperamenti proprietas non tantum dissimilis sit, sed etiam contraria; & totius



substantiæ contrarietatem inesse necess. erit. Porro vt ex temperamenti pro-  
 prietate substantiæ similitudo, aut dissimilitudo, aut contrarietas ortum habet;  
 ita etiam ex his tria illa genera rerum quæ dicuntur potestate tales nascuntur.  
 Si enim substantiæ similitudinem ita inter se aliqua habeant, vt ipsorum alterum  
 ab altero prius mutari, & alterius substantiæ assimilari possit; erit profecto id  
 quod assimilatur eius quod assimilat nutrimentum. Si vero inter aliqua ea sit  
 substantiæ dissimilitudo, vt neutrum in alterius substantiam transmutari, sed  
 alterum ab altero tantum mutari queat; erit haud dubie id quod mutat eius  
 quod mutatur medicamentum. Quod si substantiæ similitudinem partim habeant,  
 partim dissimilitudinem, ita vt quod prius egit ab altero deinde patiatur, ip-  
 sique assimiletur; habebit sane id & nutrimenti & medicamenti rationem.  
 Quoniam vero & eorum quæ mutant, & eorum quæ mutantur, diuersæ sunt pro-  
 prietates ac naturæ; recte Galenus colligit, nutrimenta, medicamenta, &  
 quæ vtriusque rationem obtinent, ad aliquid necessaria io dici. Neque enim ea-  
 dem sunt nutrimenta, aut medicamenta equorum, boum, & hominum; immo  
 sæpe fit, vt quod alicui animali nutrimentum est, alteri sit medicamentum, &  
 contra. Veluti cicuta nutrimentum est sturno propter substantiæ similitudinem,  
 homini vero ob dissimilitudinem est medicamentum frigore interimens.  
 Quamuis caliditas homini insita, arteriarumque amplitudo, & valida carin-  
 dem attractio, io causa quoque sint, cur cicuta hominem interficiat, vtpote quæ  
 integris viribus distribuatur ad cor; sturnum vero ob causas contrarias nutriat,  
 cum diutissime detenta tandem vincatur, vt ipsemet Galenus alibi explicauit.  
 Præterea veratrum medicamentum est homini noxium, coturnici autem ob  
 substantiæ similitudinem familiare est nutrimentum.

Lib. 3. simp.  
 sap. 18.

Ergo manifestum iam arbitror factum, quod iudicium eius quod respectu no-  
 stri calidum, frigidum, humidum, & siccum dicitur, non ex iis quæ extrinsecus  
 sunt posita, sed ex iis quibus ipsi afficimur, certum exactumque fieri possit; atq.  
 id tãquam primum ac maxime sit spectandum; deinde si res exigat, etiam quod ab  
 externis petitur. Nã si euidentius ad sentiendum & clarus sit adhibiti medicamenti  
 effectus, huic reliquis notis omnibus posthabitis credendum. Sin debilis, & ob-  
 scurus, aut etiã mislus, aut vllam omnino dubitationē sit exhibens; tum vtiq. ad  
 externa omnia conferentes, de eo iudicandum. Ac neq. horum quidem ad ea quæ  
 longius absunt, sed quæ ab ipsa quæsitæ rei substantia sunt desumpta. Verbi  
 gratia, si oleum calidum est, non id inde spectandum, quod glutinosum, aut pal-  
 lidum, aut leue est; sed quod facile inflammatur: id namque erat illi calidum  
 potestate esse, quod celeriter in energia calidum mutatur. Ad eundem modum  
 & in corporibus nostris non vtiq. id expendendum, an crassarum partium,  
 an tenuium, an humidum, aut leue, aut glutinosum, aut pallidum; sed an  
 calfaciat admotum. Aequè vero, an dulce sit, an aluum deiciat, an sangui-  
 nem si insilietur faciat in missione fluxilem; quippe hæc quoque superui-  
 cæ sunt, cum asstimare liceat, an calfaciat cum admouetur. Ergo si no-  
 tabiliter id valenterque faceret quemadmodum piper, vtiq. clarum id  
 procul



A *proculque dubio esset; nunc cum minime valenter id præstet, merito in quaestio-*  
*nem venit. Multo vero magis de rosaceo & aceto dubitatur a medicis atque*  
*ambigitur, calida ne hæc, an frigida potestate sint. Agendum igitur id est, ut in*  
*omnibus quæ potestate calida, frigida, humida, siccave dicuntur, exactas ali-*  
*quas clarasque discretionones inueniamus, sicut ante de energia sic dictis fecimus.*  
*Porro incipiendum arbitror ab iis quæ euidentissima sunt, quando in his exerci-*  
*tatus facile consequetur ea quæ minus sunt euidentia.*

Si nutrimenta & medicamenta ad aliquid dicuntur, ferendum de his iudiciū  
 est eius semper habita rarione, ad quod dicuntur esse talia potestate. Ceterum  
 cum corpus humanum huius nostræ artis sit subiectum, de solius hominis nutri-  
 mentis ac medicamentis sollicitos esse medicos oportet: neque enim nostra in-  
 terest, de boum, equorum, canum, aliorumque animalium, aut etiam plantarum  
 nutrimentis medicamentisque differere. Quamobrem merito nunc monet Ga-  
 lenus, seruandum id perpetuo esse tamquam explicandæ methodi principium,  
 ut de nutrimentis medicamentisque iudicemus, habita solius hominis ratione,  
 ceterisque rebus externis ad quas referri possent, prorsus explosis. Est autem  
 duplex ratio explorandi facultates medicamentorum facta ad hominem colla-  
 tione. Vna quidem certissima, quam tradit sequenti capite, & exercet copiosis-  
 sime tribus libris prioribus de simplicium medicamentorum facultatibus; quæ so-  
 li experientiæ innititur seruatis quibusdam præceptionibus. Altera vero diffi-  
 ciliior est & minus certa, quæ ex natura & generatione saporum omnino pēder:  
 quam sane hoc libro silentio præterit, & libro quarto simplicium diligentissi-  
 me tradidit. Prior vero quā hoc libro persequitur, ex effectu vel actione quam  
 C medicamenta exercerent nobis admota, ipsorum facultates explorare docet.  
 Quippe si ab admoto medicamento hominem calferi experiamur, potestate  
 calidum haud dubie dicitur; quemadmodum etiam potestate frigidum, si ho-  
 minem refrigerari obseruamus. Idem dicendum de humidis & siccis. Hæc sane  
 explorandi ratio satis esse potest, vbi manifesta ac valens est admoti medica-  
 menti actio; si vero imbecillior fuerit aut minus euidens, (qualis in iis esse solet  
 quæ in primo recessu sunt talia, vel cōtrariis facultatibus sunt prædita) cogimur  
 interdum ad res externas, potissimumque ad ignem confugere; cuius sane ma-  
 xima vis est ad obscuras medicamentorum facultates detegendas. Siquidem  
 ita natura comparatum est, ut quæcumque ad ignem sunt potestate calida, ea-  
 dem quoque ad nos sint calida potestate; dummodo illa seruentur quæ secundo  
 D capite explicauimus. Porro siue ad ignem, siue ad hominem expendendæ sint  
 medicamentorum facultates, non est ex iis quæ longius absunt iudiciū ferēdum,  
 sed ex iis potius quæ ad quæsitæ rei essentiam pertinent. Cum enim ea dicantur  
 potestate talia quæ possunt actu talia fieri; siquid ad ignem dicitur pote-  
 state calidum, id certe in ignem facile transmutabitur. Simili ratione quod  
 potestate calidum ad hominem dicitur, non aliunde certius tale esse iudi-  
 cabitur, quā quod hominem calfaciat. Quæ vero à quæsitæ rei essentia longius  
 absunt, inutilia prorsus sunt censenda; cuius generis sunt substantiæ tenui-  
 tas aut crassities; leuitas aut grauitas, densitas aut raritas; colores; odores;  
 & sapes: quamuis ex his non parum iuuemur ad facultatum inuentionem.  
 Quamobrem merito Galenus libris prioribus de simplicium medicamentorum



facultatibus veteres quosdam medicos reprehendit, qui optima facillimaque A iudicandi ratione neglecta, ad incertas inutilesque, ex iis quæ longius ab sunt petitas, temere sunt digressi: unde factum est, ut nihil de medicamentorum facultatibus certo pronunciare potuerint. Ceterum licet hæc experiendi ratio in iis medicamentis quæ manifestam edunt actionem, facilis sit ac certa; in aliis tamen quarum actio infirmior ac minus euidēs est, non omnino facilis apparet, veluti in oleo, aceto, & rosaceo; de quorum viribus variæ ac inter se pugnantes olim exstiterunt veterum philosophorum ac medicorum opiniones. Quamobrem ut tuto possimus medicamentorum omnium vires per experientiam explorare, methodo aliqua indigemus, qua instructi id artificiose præstemus: hæc autem sequenti capite proponet.

## CAP. IX.



**R**GO statim ut corpori hoc vel illud medicamentum cibusve ad- B mouetur, expers esto omnis acquisitii caloris vehementis aut frigoris. Quam enim in superioribus determinationem iniuimus, cum sic ca & humida corpora dignoscenda proposuimus; eadem nobis nunc quoque in iis quæ potestate calida frigidaque sunt, non minus erit utilis. Nam siue potestate frigidum cum id applicas manifeste calfacias, siue calidum refrigeres; corpus primo occurso, qualitatis acquisitæ, non eius quæ propria est rei admotæ, sensu afficitur. Ut ergo admotæ rei vera sinceraque natura exploretur, tepidum quoad fieri maxime potest esto, nec ullam extrinsecus notabilem alterationem valentis caloris frigorisve ceperit. Ac prima quidem admoti medica- C menti præparatio talis esto.

Methodus explorandi facultates medicamentorum ex quinque præceptionibus constituitur. Prima est, ut medicamentum adscititiæ qualitatis, potissimumq. vehementis caloris aut frigoris sit expers; ne scilicet propria medicamenti vis ab adscititia qualitate obscuretur. Quippe si medicamentum potestate frigidum (qualis est lactucæ succus) vehementer calfactum assumatur, cum primo statim occurso calfaciat, potestate calidum fortasse censeretur. Et succus absynthii qui potestate est calidus, censeretur potestate frigidus, ubi niue refrigeratus exhibetur, quoniam primo occurso refrigerat. Erit autem quod assumitur medicamentum externi caloris aut frigoris expers, si tepidum admoueat; nam quæ D tepida sunt, neque calfacere primo occurso possunt, neque refrigerare. At si medicamentum quod admouetur tepidum hominem calfaciat, erit haud dubie potestate calidum; quemadmodum etiam potestate frigidum, si hominem refrigeret. Hanc legem repetit lib. 1. simp. cap. 3.

Applicatur autem, cum eius vim exploras, non cuiuslibet corporis affectui, sed simplicissimo, & quoad fieri maxime potest summo. At si summi quidem caloris affectioni admotum frigoris sensum excitet, erit profecto sic frigidum. Pari modo si frigido affectui applicatum calidum statim appareat, id quoque erit calidum. Sin vel calidæ affectioni calidum, vel frigida frigidum sentiatur; non est quod illud calidum, hoc frigidum omnino pronuncies. Est enim aliquando summi caloris



A *caloris affectus, quem mediocriter frigidum medicamen adeo non alterat, vt refrigerando densandoque summum extrinsecus corpus, calorem intro concludat, ac diffilari vetet, indeque affectum magis accendat. Ita vero & si quod frigidus affectui admoventur nullum adferat calorem, videndum est, num id cum sit aliquid mediocriter calidum, nihil egit in affectum qui summi indiguit caloris.*

Medicamentum cuius vim exploras, tepidum admoueri potest corpori temperato, aut intemperato intra sanitatis limites adhuc constituto, aut etiam intemperato præter naturam affecto: his namque omnibus modis aquæ facultatem inuestigauit Galenus, cum de hac re ageret. Hic tamen omissis prioribus tertii dumtaxat meminit, quia cum morbosa intemperies à naturali statu plurimum recesserit, medicamentum exposcit validis viribus præditum, cuius actio euidentis esse solet. Est igitur hæc secunda præceptio, vt applicetur medicamentum affectui simplicissimo, & quoad fieri possit summo. Simplicissimū affectum vocat, non solum (vt plerique volunt) intemperiem nudam, sed in vniuersum omnem intemperiem simplicem, quæ scilicet nulli alteri morbo, aut causæ, aut symptomati complicitur; in hac enim curanda medicamenti admoti vis facile deprehenditur, quæ tamen in complicatis affectibus plurimum obscuratur. Neque vero simplicem esse affectum tantum præcipit, verum etiam summum; quia quo maior fuerit affectus, eo euidentior erit medicamenti affectum sanantis actio. Porro iuxta hoc secundum præceptum medicamenti facultatem ad hunc modum colligemus. Si homini calida intemperie, simplici, ac summa laboranti, frigoris sensum excitet admotum medicamentum; erit necessario potestate frigidum. Ita quoque si in curanda frigida intemperie, summa, ac simplici, admotum medicamentum caloris sensum inferat, calidum erit potestate. Non tamen sic recte colliges, medicamentum admotum in calida intemperie caliditatis sensum augeat, ergo est potestate calidum. Fieri namque potest, vt à medicamento potestate frigidus calidus affectus ex accidenti augeatur, calore scilicet ad interna reuocato, & ab cutis densitatem diffilari prohibito. Neque rursus sic recte colliges, admotum medicamentum frigiditatis sensum augeat in affectu frigidus, ergo est potestate frigidum. Accidit enim interdum, vt medicamentum natura calidum, frigidum affectum ex accidenti augeat, dissipando scilicet calidam corporis substantiam. Iam vero neque hæc optima est colligendi ratio, admotum medicamentum, calidum affectum non refrigerat, ergo non est potestate frigidum. Rursus neque hæc altera, admotum medicamentum non calfacit affectum frigidum, ergo non est potestate calidum. Nam si medicamentum affectu sanando sit imbecillius, ipsius actio propter affectus vehementiam euanesceat. Veluti si curanda sit frigida intemperies in tertio recessu, applicetur vero medicamentum calidum in primo; affectum quidem nequaquam sanauerit, fuerit tamen nihilominus potestate calidum. Proinde in sequentibus merito præcipiet, medicamenta curandis affectibus debere esse æqualia.

Ergo nec sic admoti medicaminis exploranda vis est, nec si ex accidenti aliquid efficiat, non per se. Iudicabis autem quod ex accidenti aliquid facit, tum ex affectu ipso, tum tempore. Ex affectu, si is simplex est & vnus; at a tempore determinabitur iudicium ad hunc modum. Quod protinus vt admotum est, calfacere vel refrigerare manifeste cernitur, id utique & ex se & per se tale fuerit:

X      quod

Lib. 1. simp. c. 4



quod tēpore id facit, fortasse ex aliquo accidēti huc est actū. Veluti iuueni qua- A  
drati corporis, tetano aestate media laboranti, frigida liberaliter affusa caloris  
repercussum facit. Ceterum quod aqua frigida per se non calfaciat, ex primo  
eius occurso patet; sensum nāq. inuehit frigoris; præterea cutim quoad ei affun-  
ditur, frigefacit; tum calorem nec in omni tempore, nec dum affunditur inuehit;  
immo tantum in iuvene quadrati corporis, & aestate media, & postquam a per-  
fundendo est cessatum. Sicut igitur frigida quibus incidit hæc illico perfrigerat,  
siue animata corpora sint, siue non animata, siue calida, siue frigida; ita si quod  
esset tēpus, vel corporis natura, vel affectus ullus, in quo frigida primo statim oc-  
cursu caloris sensum inueheret, iure quæri posset, calfacere ne, an frigefacere  
per se nata esset. Nunc autem cum omnia tum animata tum inanimata protinus B  
& perpetuo frigeferi ab ea cernamus; quibus autem insitus calor veluti fons qui-  
dam ignis in visceribus est, his adhibita percussum aliquando caloris facit; ra-  
tionabile arbitror, ex accidenti non per se talia calfacere. Sed nec latet qua ra-  
tione illud accidat, siquidem stipata clausaque corporis summa facie, reper-  
cussus refractusque fit caloris eius qui a profundo ascendit; quique simul propter  
diffusus inopiam est acervatus; simul propter frigidi circumstantis violentiam  
in altum recedit; simul ex succis istic habitis nutritur. Quippe ubi collectus nu- C  
tritiusque calor ad summa corporis violentius ruit, fit quidem caloris percussus.  
Indicium vero ac documentum quod frigida haudquaquam per se calorem au-  
xit, nam per se quidem cutim perfrigeravit; frigus vero, eius densitas & redi-  
tus caloris ad profundum sunt consequuti. Rursus horum, densitatem quidem  
diffusus prohibitio, reditus vero ad interiora concoctio qui istic sunt succorum  
est adsequuta. Horum vero, diffusus prohibitio caloris colligendi; succorum  
concoctio eiusdem generandi fuit occasio: porro horum utrumque caloris sequi-  
tur auctio. Ergo intercedentibus & mediis utrisque frigida in animalis corpore  
caloris aliquādo excitat incrementum, per se nūquam. Sed non minus est quando  
calor ex accidenti perfrigerat, utiq. intercedēte vacuatione, sicut perfusio phleg- D  
monen. Cū enim ex calida fluxione phlegmone cōsistat, propria quidē eius cura-  
tio vacuatio superuacui est, vacuationi autē, particula quæ per phlegmonē ex-  
calfacta est, omnino succedit refrigeratio. Ergo cū duplex in iis quæ phlegmone  
laborāt particulis affectus sit; vnus quidē in quātitate ex superuacui naturæ mo-  
dū excedentis abūdātia; alter in qualitate, qui ex caloris spectatur ratione; sequi-  
tur prioris eorum curationem etiam posterioris curatio: fiuntque ex accidenti  
quæ\* vacuant calētis materiæ remedia, & inflammationis particularum re-  
frigeratoria.

Græce sic legi-  
tur τὰ κρυωτάτα  
τῶν ὀργάνων ὄντων.

Quare sic po-  
tius cōuertēn-  
dum, quæ va-  
cuant calētem  
materiam, re-  
media etiā in-  
flammationis,  
&c.

Tertium præceptum est, ut diligenter distinguamus an medicamentum agat  
per se, an potius ex accidenti: neque enim ex eo quod ex accidenti fit, sed ex  
eo tantum quod fit per se, colligenda est cuiusque medicamenti facultas. Di-  
stinguemus



- A. *linguamus an agat per se, an ex accidēti, ex his duobus, affētu & tēpore. Ex aff. & quidem, his simplex fuerit, & vnicus, id est (vt antea diximus) nulli alteri complicatus. Nam si admotum medicamentum frigidam intemperiem sanant, per se quidem calfacit; quemadmodum etiam per se refrigerat, quod simplicem intemperiem calidam curat. At in complicatis affētibz facile non est quod per se sit a medicamēto, ab eo quod sit ex accidēti, distinguere. Ex tempore vero id distinguitur hoc pacto, quod primo statim occurſu a medicamēto sit, per se quidem sit, quod autem sit interposito temporis ipatio, potest ex accidēti fieri. Veluti si admotum medicamentum primo statim occurſu caloris sensum excutit, per se & propria vi calfacit; si vero post aliquod tempus caloris sensum inferat, fieri potest vt ex accidēti calfaciat. Primum vero medicamēti occurſum a reuocatione in actum intelligere oportet, dummodo potestate sit tale, non actu. Sed quomodo nunc ex primo medicamēti occurſu colligit per se agere, cum actionis perseverantiam expectandam potius esse ahibi præceperit? Etenim (vt ipse ait) quod ab initio ad finem vsq. dum applicatum est, magis semper calfacit, id non ex accidēti calfacit, sed per se, & propria natura. Et rursus quod ab initio ad finem vsque refrigerat, id per se refrigerat, non autem ex accidēti. Monstrat præterea experientia incertam esse eā quæ ex primo medicamēti occurſu desumitur distinctionem, cum medicamenta potestate frigida primo statim occurſu interdum calfaciant, veluti si ab igne & ipsa primum calfacta exhibeantur. Similiter quoque & potestate calida medicamenta si tunc primum & ipsa refrigerentur, primo suo occurſu refrigerant. Dicendum tamen, utramque distinguendi rationem, & quæ ex primo medicamēti occurſu, & quæ ex actionis perseverantia desumitur, optimam esse, & suis locis maxime accommodatam. Quippe si medicamentum cuius vires exploras, adscititiæ qualitas sit experis, ex eo quod primo occurſu agit, natura ipsius facultas certo dignoscitur. Quare cum præcepisset antea tepidum admouendum esse medicamentū, ne adscititiæ calor aut frigus naturā ipsius vim obscuraret; nunc nunc docet, prius aū medicamēti occurſum obseruandū esse. At libro primo simplicium cum eam legem nondū constituisset, actionis potius perseverantiā expectandam esse iubet, cum per initia propria medicamenti vis ab adscititiæ qualitate adlitterari possit. Porro quod ex primo occurſu colligenda sit propria medicamenti facultas, exemplo aquæ confirmat, & medicamentorum quæ per halitum digerunt. Aqua enim cum primo suo occurſu semper refrigeret, per se refrigerare, cum vero interposito tempore calfaciat, ex accidēti calfacere dicitur. Quod autem aqua frigida interdum calfaciat, constat ex Hippocrate, qui tetanum, affēctum frigidū, frigida perfusione aliquando curari scripsit. Est, inquit, ubi in terano sine vlcere, iuvene eusarco, ætate media, frigida*
- B. *lib. 1. simp. cap. 3.*
- C. *larga perfusio calorem reuocat, calor vero hunc soluit. Ex quo aphorismo certe intelligitur, aquam per se quidem refrigerare, ex accidēti tamen calfacere. Neque enim dum affunditur calfacit aqua, sed postquam a perfundendo cessatū fuerit. Neq. omnia corpora in vniuersum tunc calfacit, sed iuuenilia tantū, in quibus insitus calor valentissimus est in visceribus. Immo neque hæc omnia, sed quæ mediocri habitu sunt prædita. Neque quocumque tempore hæc calfacit, sed media ætate calidissima. Calfacit autem ad hunc modum aqua, quia per se statim refrigerat, sic namque cutem densat, & intro calorem reuocat. Cuius densitatem calidi effluuii retentio sequitur, cuius occasione calor colligitur, & veluti coaceruatur, & corpus incalescit. Incalescit tamen potissimum ob caloris*
- D. *Aphor. 22 lib. 5.*



Aphor. 15.  
lib. 1.

loris reuocationem, quæ per antiperistasin fit, vel ut Galenus ait, ob frigidi A  
circumstantis violentiâ. Atqui ad interna reuocatus calor succos qui inibi sunt  
concoquit; his vero concoctis calor necessario augetur. Hæc eadem quoque  
est ratio, cur feliciores concoctiones hyeme fiant, quia scilicet (ut inquit Hip-  
pocrates) ventres hyeme natura sunt calidissimi. Porro quemadmodum aqua  
per se refrigerat, & per accidens calfacit; ita & medicamenta per halitum di-  
gerentia per se quidem calfaciunt, ex accidenti vero interdum refrigerant: id  
quod in partibus phlegmone têtatis manifeste observatur. Quippe cû in phleg-  
mone duplex (ut ait Galenus) affectus reperiatur, alter in quantitate humoris  
auctâ, vnde ortum habet tumor præter naturam; alter in qualitate, vnde nasci-  
tur calida intemperies; iisdem profecto remediis vterque sanari potest. Nam  
quamuis sanguinis copia euacuantia postulet, calida vero intemperies refrige-  
rantia; euacuationem tamen sequitur refrigeratio. Quo fit, ut medicamenta B  
quæ sanguinem ibi contentum per halitum digerunt, calidam intemperiem si-  
mul corrigant. Hoc tamen ex accidenti præstant, euacuata scilicet calida ma-  
teria; illud vero per se efficiunt, & nullo alio medio.

Ergo tum hæc discernere oportet, tum id agere, ut pro modo simplicis affe-  
ctus etiam virium medicamenti inueniatur modus. Verbi gratia, si calidus in  
summo affectus sit, frigidum quoque in summo medicamentum paretur: sin af-  
fectus a summo paulum recedat, medicamentum quoque a summo paulum de-  
clinat: si plus a summo calore affectus absit, ad portionem absit a summo frigo-  
re medicamen. Quippe si auspiciatus a tali coniectura examen eorum sis, facilius  
propriam cuiusque inuenies vim. Ad summum enim, in omni simplici affectu ca- C  
lido quodcumque adhibitum medicamen primo statim occursu frigoris sensum  
intulit, id frigidum potestate est; ac multo profecto magis, si post primam exhi-  
bitionem tale perpetuo manet. Quod si calidum affectum prorsus sanet, frigidum  
id ex necessitate fuerit. Adhibendum vero est cum exploratur omnino tepidû,  
ut prius testati sumus. Vbi iam cognitum est tale esse, deinde curationis causa  
petitur, rectius frigidum sumitur; nisi si medicamen summi sit frigoris, morbus  
in summo calore non sit. Atque hæc quidem diffusius tum in opere de medica-  
mentis, tum curandi methodo tradentur. Ad præsens illud saltē meminisse opor-  
tet, si quod calido & simplici affectui adhibitum medicamentum, tum protinus, D  
tum toto deinceps tempore frigoris sensum, ac facilioris tolerantia iuuamentiq.  
laboranti adfert, id frigidum necessario est: tametsi in aliis nonnūquam videat-  
ur calidum. Deprehendetur enim in illis, si diligenter exploretur, non utique per  
se, sed ex accidenti excalfacere. Cum per se dicimus, vel primum, vel nullo in-  
tercedente medio, omnibus eiusmodi verbis idem potestate significamus; in qui-  
bus omnibus lectorem in opere de medicamentis propriis exemplis exercitabi-  
mus.

Quarta hæc lex magnam habet cum secunda affinitatem, non est tamen cum  
illa eadem. Sancitum namque illa fuerat, ut medicamentum admoueretur cor-  
pori summo ac simplici affectu laboranti; hac vero nūc præcipitur, ut pro modo  
simplicis



- A simplicis affectus virium medicamenti modus inueniatur. Quibus verbis significat, medicamenti vires curando affectui pares esse debere, contrarias tamen. Quippe si medicamentum curando affectu sit imbecillius, nihil effatu dignum agere poterit; si valentius, contrarium inducet affectum: atque ita fiet, vt aut incerta, aut periculosa reddatur eiusmodi experientia. Si vero medicamentum fuerit affectui æquale, præterquam quod medicamentum facultatem cognoueris, morbosum quoque affectum sanaueris. Quamobrem in explorandis medicamentorum facultatibus secundæ & quartæ legis hæc vis erit. Si corpori calida intemperie simplici laboranti admotum medicamentum primo statim occursum frigoris sensum inferat, potestate frigidum est. Quod si non tantum primo occursum, sed postea etiam constanter refrigeret, certius multo colligemus esse potestate frigidum. Si vero non solum refrigeret, sed calidum etiam affectum sanet; & potestate frigidum, & affectui æquale necessario erit. Dubitat merito
- B Vallesius, quorsum nunc præcipiat Galenus ei qui per experientiam medicamenti facultatem explorat, vt medicamentum curando affectui æquale admo- uendum curet, cum incognitus adhuc sit caloris aut frigiditatis gradus. Dubitationem dissoluit, dicens duplicem esse rationem examinandi medicamenti cuiuspiam vires; alteram, qua inuestigamus sitne medicamentum calidum an frigidum; alteram vero, qua inquirimus an tali facultate sit præditum, quale esse dicitur, aut ab auctoribus traditur. Priori inquit nos vti ad medicamenta noua, & quorum historia in antidotariis nondum est scripta; altera vero ad alia omnia, quorum historia scripta est in antidotariis. Hanc asserit nunc tradi à Galeno, illam superius esse traditam. Sed quid, quæso, refert veteribus cognita aut incognita esse ea medicamenta, quorum facultates exploramus, aut ipsorum historiam in antidotariis scriptam esse, si communem ac prorsus eandem explorandi methodum sortiuntur? Nam siue noui cuiuspiam medicamenti vires per experientiam inquiras, siue examinare velis quæ de alio cuius medicamenti facultate prodita sunt à veteribus; hac sola methodo quod quæris inuenire licebit. Quomodo igitur, inquires, affectui æquale medicamentum inueniet, qui ipsius facultatem nunc primum explorat? Quomodo quæso aliter quam per experientiam, vsus per initia artificiosa coniectura? Nam si in calido affectu admotum medicamentum frigoris sensum exciter, affectum tamen minime sanet; potestate quidem frigidum, sed affectu imbecillius esse eiusmodi medicamentum certe intelliget. At si admotum medicamentum non solum frigoris sensum exciter, sed affectum omnino sanet, neque affectum contrarium inducat, affectui æquale esse cognoscet. Monet tamen Galenus, vt si propriæ facultatis explorandæ gratia eiusmodi medicamentum admo- uetur, quoad fieri potest tepidum applicetur, vt scilicet expers sit (vt antea diximus) adscititiæ qualitatis. Si vero cognita iam ipsius vi curationis causa admo- ueatur, frigidum admonere præstat, vt calidam intemperiem facilius sanet, nisi fortasse curando affectu sit multo valentius; periculum enim tunc imminet, ne sublato calido affectu frigida intemperies gignatur. Quo tempore satius fuerit, potestate frigidum medicamentum actu calidum exhibere, vt ab adscitito calore frigida ipsius vis quodammodo retundatur. Eadē ratione si in frigida intemperie medicamentum potestate calidum curationis causa applicetur, præstat itidem calidum admo- uere, vt in frigidum affectum valentius agat, nisi affectus frigidus a medicamento calido longo intervallo superetur; periculum enim tunc imminet, ne frigido affectu sanato calida intemperies relinquatur. Quo casu vtilius fuerit



fuerit medicamentum potestate calidum actu frigidum applicare, ut ab adscititia frigidi-<sup>A</sup> tate insignis calfaciendi vis utcumque castigetur. Monet tamen esse quoque hic distinguendum, an medicamentum ita admotum per se agat, an ex accidenti. Docetque idem prorsus significari, siue per se dixeris, siue primo, siue nullo alio medio, ut testatur etiam lib. de differ. sympt. cap. 1. Vnde colligemus, ex accidenti, secundo, & alio medio, idem prorsus significare.

Nunc recensitis iis quæ ante iam dixi, proposito libro commodum imponere finem tentabo. Cum namque calidum corpus multifariam dicatur, (nam & quod summam eiusmodi habet in se qualitatem, ipsum scilicet elementum; & quod propter eiusmodi qualitatem pollentem nomen est sortitum; adhuc quod collatum ad aliud dicitur, vel ad id quod mediocre eiusdem sit generis, vel quidquid fors tulerit) sic & quod potestate calidum est, energia vero nondum dici potest, intel-<sup>B</sup> ligi probarique multis modis oportet. Quo utique minus recte si quid non statim inflammatur, id aliqui ne ut ad nos quidem esse calidum potestate putant. Nam siue facile concoquitur, & cito nutrit, erit ut ad nos calidum; siue admotum veluti medicamentum calfaciat, erit id quoque ut ad hominem potestate calidum. Sic nimirum & per singulas animalis species ipsum potestate calidum, siue est ut medicamentum, siue ut nutrimentum, ad illud tantum animal dicitur: est enim ex iis quæ ad aliquid referuntur quidquid potestate dicitur. Quare & probatio quæ pro-<sup>C</sup> pria est, melior utique est quàm quæ ab externo petitur: propria vero est una in singulis, utique si celeriter tale fieri appareat, quale id esse potestate diximus. Est enim potestate ignis quicquid celeriter in ignem vertitur, potestate vero calidum ut ad hominem (quæ est una ex speciebus eorum quæ ex eo quod in ipsis præpollent dicuntur) quidquid homini applicatum naturalis eius caloris vel qualitatem auget, vel substantiam. Eadem mihi & de aliis censeferi dicta velim, quæcumque scilicet potestate frigida, vel sicca, vel humida dicuntur; cum hæc quoque partim veluti ad ipsa elementa, partim veluti ad ea quæ ex præpollente sunt nominata, tum intelligi, tum explorari, tum doceri conueniat.

Monet tandem, iuxta ea quæ hoc libro sæpius sunt dicta, de nutrimentis & medicamentis ferendum esse iudicium facta ad hominem collatione, ad quem<sup>D</sup> scilicet illa dicuntur esse potestate talia. Cuius rei occasione docet, tot modis dici aliquid posse potestate tale, quot modis dicitur aliquid actu tale. Quæ sane cum facilia sint, & ex superioribus satis cognita, noua explanatione non indigent.

Patet vero, eum qui iudicat tactum omnis adq̄sistitii caloris & frigoris expertem esse debere, sicuti de medicamentis ipsis prius est dictum.

Methodum explorandi facultates medicamentorum nunc perficit, & vniuerso operi de Temperamentis finem imponit, adiecta quinta præceptione. Præcipit autem, ut eius qui iudicat tactus, non secus ac medicamentum quod in iudiciū venit, adq̄sistitii caloris & frigoris sit expertus: alioqui enim incertum esset fallaxque iudicium.



- A** iudicium. Veluti si is cui medicamentū applicatur, calorem adscititium habeat in primo recessu, nullā à medicamento in primo etiā recessu calido mutationē percipiet; si vero omnis adscititiæ qualitatis expers fuerit, de quocumq. medicamento certum iudicium feret. Ex quibus constat, male hunc locum explicatum fuisse à Vallesio, qui hoc Galeni præceptum ad eorum duntaxat dignotionem quæ actu talia sunt pertinere asserit. Atqui quamvis eorum quæ sunt actu talia tactus certissimus sit iudex; nihilominus tamen & tactu eius cui medicamenta admouentur, ipsorum facultates cognoscuntur. Sed & ipsamet dictio Galeni locum hunc de medicamentis intelligendum esse apertissime declarat, cum & tactum qui iudicat, & medicamentū quod iudicatur, adscititiæ caloris & frigoris expertia esse velit. Adde quod aliena prorsus sit ab huius libri instituto eorum quæ actu talia sunt dignotio, quæ ad præcedentes libros potius pertineat.
- B** re videtur. Neque vero huiusmodi præceptum necessarium tantum est, quando medicamentum corpori temperato admouetur; verum etiam quando applicatur corpori morbosa intemperie laboranti. Siquis ergo medicamento-  
rum facultates per experientiam cognoscere cupit, is methodum hæte-  
nus traditam, & ex quinque illis præceptis constitutam ad vnguem  
obseruet. Quod si breuiori via progredi cupiens, citra experien-  
tiam velit ex odoribus, potissimumque ex saporibus de fa-  
cultatibus medicamentorum iudicium ferre; con-  
sulat librum quartum de simplicium  
medicamentorum fa-  
cultatibus

IACOBI





IA COBI SEGARRÆ  
ALONENSIS IN TRES LIBROS  
GALENI DE FACVLTATIBVS  
NATVRALIBVS COM-  
MENTARII.



IN LIBROS DE FACVLTATIBVS  
NATVRALIBVS

PRÆFATIO.



**V** ab elementis temperamenta, ita & à temperamentis fa-  
cultates, ab hisque rursus actiones dimanant. Siquid enim A  
certi de facultatum essentia statuendum sit, neque de hac cū  
Scepticis perpetuo dubitandum, aut desperandum de ipsius  
cognitione cum Empiricis; ipsam profecto ad cōcretionem  
atomorum cum Asclepiade, Epicuro, & Leucippo; aut cum  
Hippocrate ad quattuor primarum qualitatum temperiem  
referre oportet. Quare merito Galenus primas quattuor qualitates non solum  
in medicamentis, sed etiam in ceteris omnibus effectricum facultatum essen-  
tias constituit; cum & medicamenta, & cetera omnia corpora quæ facultatibus  
prædita dicuntur, ob certam quandam qualitatum temperiem hoc vel illo mo-  
do agere videantur. Quo itidem pacto singulæ nostri corporis partes proprias  
actiones exercere creduntur, utpote quæ otiosæ non sint, neque solum præbeant  
vsum, ut partes domus. Quippe cum ex partibus similaribus & organicis con-  
stituatur corpus; ab his quidē secundariæ, ab illis vero primariæ actiones exer-  
centur. Immo propriarum functionum causa, potius quā propter seipsas cor- B  
poris partes expetimus; quæ sane si nihil agant, veluti molestum quoddā onus  
reliquo corpori esse solent, ut in paralyticis experimur. Porro cum earum quæ  
in nostris corporibus exercentur actionum multiplex sit geus, alienum omni-  
no à ratione fuerit, vnicam facultatem constituere, quæ (ut falso credidit Chry-  
sippus) & ratiocinetur in homine, & irascatur, & concupiscat. Sunt igitur cum  
Hippocrate, Platone, Aristotele, Galeno, atq. etiam Possidonio Stoico, plu-  
res facultates necessario concedendæ; quarum numerum Plato omnium primus  
optime demonstravit.

An vero idem sit facultatum omnium principium, & sedes eadem, inter ve-  
teres olim, & nunc inter recentiores philosophos ac medicos maxime est con-  
trouer-

Lib. i. simp. c. 1.

Lib. de const.

artis med. c. 4.

Lib. de const.

art. med. cap.

5. & lib. de san-

gui. miss. c. 4.

Lib. i. metho.

meden. cap. 9.



- A tronerum. Plato quidem non tantum facultates, sed & animas ipsas diuersis facultatibus praeditas, essentia & sedibus distinctas esse voluit. Tres namque animas specie distinctas constituit, concupiscibilem, irascibilem, & tertiam, quae in brutis sentiens, in homine vero rationalis appellatur. Concupiscibilem sic appelladam esse censuit veluti per excellentiam quandam, quod quibus suis appetitus & aliae habeant, sint tamen huius multiplices & maxime insignes. Nam licet in plantis (quibus etiam communis est) cibum appetat & potum; in animalibus tamen fertur etiam in venerem; cuius ratione variae curae, & multorum capitum belluae similis esse dicitur. Irascibilis ex vehementissimo affectu, scilicet ira, appellationem obtinuit. Appetit haec quae ardua sunt & difficilia, ut vindictam, gloriam, honores, atque victoriam; proptereaque merito comparatur leoni. Variis quoque pathematis afficitur, ut ira, metu, gaudio, maestitia, & verecundia; homini tamen priuatim tributa videtur in rationis ministerium. Quippe aduersus vehementissimos concupiscibilis impetus, rationi mirifice auxiliatur, simul cum ipsa stans, eamque strenue defendens, non secus ac canis auxiliarius hominem: nisi forte (ut aliquando contingit) una cum concupiscibili aduersus rationem inturgat. Rationalis ex actione omnium praestantissima nomen sortita, quae quidem bona sunt appetit, aut saltem quae boni speciem praeseferunt. Hanc immortalē esse, & a corpore separabilem, Plato verissime credidit. Cum enim vera sit substantialis hominis forma, de potentia materiae (ut Philosophi loquuntur) nequaquam educitur, ut reliquorum corporum quae oriuntur & intereunt formae; sed a Deo Opt. Max. ex nihilo creata, in corpus ipsum infunditur. Coercet haec ac moderatur multiplices irascibilis & concupiscibilis motus, cum utriusque praesit veluti auriga equis. Quo tempore virtutes emergunt, quibus ceu gemmis quibusdam exornata splendet; quemadmodum si ab affectibus victa se trahi sinat, viciis criminibusque scatens, diuinam illam pulchritudinem amittit.
- Neque vero essentia tantum, sed etiam sede tres istas animas distinguens Plato, Concupiscibilem in iecore, Irascibilem in corde, Rationalem vero collocauit in cerebro. Aristoteles tamen a Platone in eo dissentit, quod quemadmodum unica est in plantis anima, quam ipse vegetantem vel altricem vocat; ita & unicam in brutis, scilicet sentientem, unicam quoque in homine, nempe rationalem, esse velit; quae diuersis facultatibus praedita concupiscat, irascatur, & ratiocinetur. Hanc vero non collocat in cerebro cum Platone, sed potius in corde, probabilibus rationibus utcumque persuasus. Nam quia medium totius corporis locum obinet, unde facultates in reliquum corpus commode diffundi possunt; & quia melius est unicam in homine (ut in bene gubernata republica) principium statuere quam plura; unicam facultatum omnium principium ac sedem constituit cor. Quod autem facultatis naturalis principium sit, tribus rationibus priuatim confirmat; quia scilicet inter omnia viscera primum formatur; & quia principium sanguinis est, communis omnium partium alimentum, cum plurimum intra propriam substantiam sanguinem contineat; & tandem quia principium est venarum, cum vena nulla transeat per cor, quemadmodum per alia viscera. Ostendit quoque facultatis animalis principium esse cor, proindeque animae sedem, quoniam & alimentum, & spiritus, sensusque, & motus principium est. Porro quod sit cor principium motus, ex eo constare inquit, quod omnium corporis partium primum moueatur, & omnium ultimum cesset a motu. Magnam quoque nervorum copiam in corde reperiri affirmat, ex qua colligere liceat, nervorum originem esse cor, proptereaque principium sensus & motus. Atque haec quidem praecipuae sunt Peripateticorum & Stoicorum rationes; nam quae a Diogene & Chrysippo tradita fuerant, nullam (ut Galenus refert) probabilitatem praeseferant.

Lib. 9. de repu.  
in Phaedro, &  
in Timæo.

Lib. 4. & 9. de  
repub.

Lib. 3. de part.  
anim. cap. 4.



ferebant. Ceterum Galenus Platonē sequutus, tres in nobis esse facultates se de A  
omnino distinctas, aduersus Peripatericos & Stoicos firmissimis rationibus de-  
monstrauit. Atq. vt ab eo quod ab omnibus cōcessum est exordiamur, ex animi  
perturbationibus, (vt ira, metu, gaudio, mœrore) in quibus cor ipsum à naturali  
statu maxime deturbatur, irascibilē facultatem in corde sedē habere certissime  
intelligitur. Arteriarū præterea (in quibus pulsus elucet) exortus, cor facultatis  
vitalis sedē esse aperte declarat: nam (vt ex anatome constat) arteria omniū  
maxima ex sinistro cordis vētriculo ortū habet. Iam vero quod cerebrū potius  
quā cor, animalis facultatis principiū sit, proindeq. animæ domiciliū; ex princi-  
pio ab ipso met Aristot. recte concesso necessario colligitur. Ea namq. corporis  
pars cēlenda est animæ sedes, quæ principiū est sensus & volūtarii motus. Et rur-  
sus quæ pars est principiū neruorum, eadē quoq. est sensus & motus principiū;  
cum per neruos descēdat facultas sentiēs & mouens ad propria sensuū & motus B  
instrumēta. Atqui mōstrat anatome nullū ex corde oriri neruū, ex cerebro ve-  
ro septem nasci neruorū paria, & spinalē præterea medullā, quæ reliquorū om-  
nium neruorū est origo. Adhæc collisus aut vulneratis vētriculis cerebri, concidit  
statim animal sine sensu & motu, seruato pulsu cordis & arteriarū: at cōpresso  
corde solus perit pulsus, seruato sensu & motu: ergo cerebrū principiū est volū-  
tarii motus & sensus, non autē cor. Præterea male affecto cerebro principes ani-  
mæ actiones lædi solent, vt in melācholia & phrænitide; à quibus inseparabile  
est deliriū, imaginationis, aut rationis, aut vtriusque deprauatio. At laborante  
corde syncope potius quā deliriū contingit. Quod si in melācholia & phræniti-  
de cor potius quā cerebrū affici dixeris, cur potius capiti quam pectori topica  
ad mouemus remedia? Hæc itaq. omnia facillime demōstrant, cerebrū esse fa-  
cultatis animalis principiū. Difficilius multo demōstrari potest, facultatis natu- C  
ralis principiū esse iecur, quia nullius euidentis motus initiū est, quemadmodū  
cor & cerebrū; neq. colliso iecore, aut vinculo exceptis venis, aliqua statim se-  
quitur sensibilis noxa. Nihilominus tamen cum & venarū & sanguinis principiū  
sit, concedēdum est necessario facultatis naturalis esse principiū. Venarū quidē  
principiū est iecur, quoniā vena omniū maxima, quā cauam etiā appellāt, ex ip-  
so originē trahit. Sed id negat Aristot. qui ex corde potius oriri contēdit. Neq.  
facile est hanc litem dirimere, cum in vtroq. viscere caua vena cōspiciatur; præ-  
sertim cum Andreas Vesalius, anatomicus diligētissimus, Aristot. sentētiā de  
venæ cauæ exortu amplectatur. Verū licet de prima cauæ origine dubitari pos-  
sit, certissimum tamē est, alterā illam venā quam portam vocāt, ex iecore nasci,  
nullamq. cōmunitatem habere cū corde. Aut igitur duo venarū principia con-  
stitui, aut venā etiā cauā ex iecore nasci, concedere oportet. Animalia præ- D  
terea quæ pulmone carere creduntur, dextro itidem cordis ventriculo carere  
necesse est; ex quo tamen vena caua oriri debuisset. Est quoque iecur principiū  
sanguinis, communis omnium partium nutrimenti; quāuis id neget Aristoteles,  
qui iecur quidem sanguinem cordi dumtaxat præparare, cor autē perfectum san-  
guinem gignere asserit. Sed quomodo constare id possit non video, cum om-  
nes quæ sub septo trāsverso sunt partes, ex iecore potius quam corde sanguinē  
ad sui nutritionem accipiant. Immo & septum ipsum & pericardion sanguinem  
accipiunt ex vena caua, antequam hæc dextrum cordis ventriculū ingrediatur.  
Sed quid pericardion, aut septum transversum commemoro, cum nutriatur e-  
tiam cor sanguine per venam coronariam ab hepate accepto? Adde, quod si  
iecur sanguinē tantum præparat cordi, in hoc potius quā in iecore à suis excre-  
mentis

Lib. 6. de Hip.  
& Plat. decret.  
cap. 3.

Lib. 6. de f. b.  
corp. hum. cap.  
12.



**A** mentis expurgaretur, quod est manifeste falsum; cum à vesica quæ iecori subest, liene, & renibus secundū naturā expurgetur. Oportuisset præterea in dextro cordis ventriculo duas esse venas, alterā scilicet, per quā susciperet cor rudem adhuc sanguinē ex iecore; alterā vero, per quam perfectū sanguinem à se genitū, ad vniuersum corpus trāsmitteret. Atqui nulla est in dextro cordis ventriculo vena, per quā sanguis in vniuersum corpus distribuatur; nam vena arterialis ad solū pulmonem sanguinē defert. Verum cum iecur sanguinis venalis principium statuimus, alterius cuiusdam sanguinis principium esse cor minime inficiamur; sanguinis inquam arterialis, qui ex venali in sinistro ipsius vētriculo gignitur.

Sed iam expendamus Aristotelis rationes, quæ verissimam hanc de facultatum principiiis Platonis & Galeni sententiam nullo pacto subuertunt; cum aliæ probabiles tantum sint, aliæ vero falsum assumant. Inprimis enim quæ tanta esse potest situs vis, vt colligat ex eo cor esse omnium facultatum principium? Neque enim situs ad quæsitæ rei essentiam pertinet. Quod si situs aliqua sit habēda ratio, probabilius multo colligemus cerebrum esse animæ sedem, quoniam in capite, parte omnium suprema, tamquam in arce quadam, magni regis instar collocatum cerebrum, sensus omnes quasi apparitores & satellites habet circumiectos. Iam vero quod in vniuerso est cælū, idem est in homine caput; quare sicut illud Dei domicilium habetur, ita in cerebro rationis atque animæ sedes collocari debet. Si vero medium locum supremo præferendum esse contendat Aristoteles, neque cor medium totius corporis locum obtinuisse intelligat, sed potius vmbilicum; quem sane (si solius situs ratio habēda sit) animæ sedem statuere oportebit. Neque melius erat vnicum esse in nobis omnium facultatum principium, immo vt facultates diuersæ sunt, ita oportebat diuersa esse ipsarum principia, ex quibus in vniuersum corpus diffunderentur. Minus adhuc probabiles sunt Aristotelis rationes, quibus cor facultatis naturalis principium esse ostendebat. Neque enim cor omnium primum formatur, vt ipse putat, immo iecur primum gigni videtur, aut saltem vna cum corde, vt libro primo dicemus. Neque idem principium est sanguinis, aut venarū, vt antea diximus; etiamū plurimū sanguinem intra propriam substantiam cōtineat. Id namque fit, quia per venam cauam sanguinem venalē ex iecore accipit, qui ex dextro ventriculo in sinistrū transmissus, in sanguinem arterialem mutatur. Non longe ab his absunt & rationes aliæ, quibus ostendebat cor esse animæ sedem. Neque enim principium alimenti est cor; neque si esset, animæ sedes propterea esset; cum alimenti principium reuera sit iecur, quod tamen animæ sedes non est. Porro cum ait, cor esse principium neruorum, quoniam neruorum copia in ipso reperitur, bifariam peccat. Quamuis enim neruis reuera abundaret cor, non recte inde colligeret esse neruorum originem. Quippe & in ventriculi orificio, & in manibus, & pedibus neruorū copia reperitur, nemo tamē neruos ex his partibus oriri vere dixerit. Sed neque multi, neque magni nerui conspiciuntur in corde, immo exiguū dumtaxat neruū ex sexto pari neruorū cerebri ortū in corde monstrat diligens etiā dissectio. Aristoteli autē errandi occasionē præbuit Herophilus, neruosas discriminationes plurimas in corde reperiri affirmās. Atqui neruosæ istæ discriminationes nerui nō sunt, vt putabat Aristot. sed fines potius membranarū quæ orificiis vasorū cordis adiacent, quas anatomici valvulas appellāt. Illud fortasse verius ab Arist. dictū videbitur, quod spiritus & motus principium sit cor, ac propterea animæ sedes. Est quidē cor spiritus principium, spiritus inquā vitalis, qui nullum animæ actionibus obeūdis vsum præbet, vtpote qui solius naturæ sit instrumentū. Alter vero spiritus, qui animæ instrumentū est, & animalis propterea dicitur;

Lib. 1. de Hip.  
& Plat. decreto  
cap. ult.



in solo gignitur cerebro. Eadem ratio & motus est, nam qui motus in corde vi-  
get, naturalis est, non voluntarius; quæstio tamen erat de sensus & voluntarii  
motus principio. Hæc si expendissent recentiores quidam Philosophi ac Medi-  
ci, qui in Aristotelis verba sensibus omnino neglectis iurarunt; neq. in vanis ex-  
cogitandis solutionibus, neq. in componendis auctoribus in hac quæstione de  
animæ principatu omnino inter se dissidentibus, tantopere laborassent. Quod si  
omni animi affectu, atq. in Aristotelem obseruantia tantisper deposita, Galeni  
rationum vim diligenter expendere velint, venarumq. & neruorum exortum  
sibi monstrari patiantur; nō dubito futurum, quin Peripateticorū Stoicorumq.  
opinionem reiecta tandem recipiscant, triaq. trium facultatum distincta princi-  
pia cum Hippocrate, Platone, & Galeno constituent.

An vero vnica sit in homine anima, his tribus facultatibus prædita, an vt tres  
sunt facultates, tres quoque animæ sint concedendæ, vna quidem rationalis &  
immortalis, duæ mortales & irrationales; olim quidem maxime controuersum  
fuit, Platone plures, Aristotele vero vnicam statuente. Quidquid tamen de hac  
re sacrosancta Romana Ecclesia in Synodo Constantinopolitana quarta, aut a-  
libi decreuit, id ego firmissime amplector, ac recipio, & ad extremum vsque vi-  
tæ spiritum amplexurum profiteor.

Reuertamur igitur ad facultates, de quibus instituta est disputatio, quarū sin-  
gulas ex suis principiis in reliquas partes influere, ab omnibus Philosophis pa-  
riter ac Medicis concessum video. Animalis itaque facultas (vt de hac primum  
agamus) ex cerebro tamquam proprio principio per neruos influit in vniuer-  
sum corpus. Sed quoniam cerebrum duplici membrana secundum naturam in-  
uoluitur, tenui, & crassâ; dubitari potest, an ex propria cerebri substantia, an po-  
tius ex menyngibus eiusmodi facultas influat. Erasistratus olim cum exteriorē  
nerui partem per longum tēpus solam cōspexisset, quæ à crassiore cerebri mem-  
brana ortum habet; ab ea totum neruum oriri, vimq. animalem ab eadē descen-  
dere arbitratus est, vt refert Galenus. Postea vero diu multumq. in dissectioni-  
bus exercitatus, cum totam nerui formationem exacte assequutus fuisset, muta-  
uit iam senex sentētiā, intelligens scilicet, ex triplici substātia neruum consta-  
re, vna quidem intima ac media, & arborum medullæ quam simillima, quæ ex  
cerebri substātia ortum habet; & duabus aliis exterioribus, quæ intima sunt te-  
gumenta, & ex tenui crassaq. cerebri mēbrana nascūtur. Quippe cum ex cerebro  
aut spinali medulla nascentur nerui, eisdē quibus illa inuolucris vestiuntur. Ex  
quibus patet, vim animalē ex propria cerebri substātia influere, non ex menyn-  
gibus; cum ex his neruorū dūtaxat inuolucra, ex illa vero propria neruorū me-  
dulla originē trahat. Sed & anatomicis demonstrationibus id facile confirmari  
potest. Nam si extracto capitis osse in viuo animali, crassum cerebri inuolucrum  
denudaueris, ipsumq. vel solū secueris, vel totum etiā detraxeris; nullā sensus  
aut motus noxā inde sequi experieris. At dissecto, vulnerato, aut colliso cere-  
bro ad vētriculos vsque, concidit statim animal sine sensu & motu: & neruo per  
transuersum secto, pars in quā neruus inferebatur, motu aut sensu priuatur. Quæ  
cum ita sint, nō possum nō mirari Ferneliū, qui leuissimis rationibus adductus, à  
verissimaq. Galeni sentētia recedēs, duplicem animalis facultatis influxū con-  
cessit. Voluit namque mouēdi vim per neruorum medullā ex cerebro, ex crassâ  
vero cerebri mēbrana per extimum neruorum inuolucrū vim sentiēdi influere.  
Cum enim cerebrum perpetuo moueatur, non autem sentiat; solius motus, non  
autem sensus principium esse potest. Quomodo enim sensum partibus tribuet,  
cum

Lib. 7. de Hip.  
& Plat. decret.  
cap. 3.

Lib. 5. de nat.  
par. medici.  
cap. 10.



A cum sensus sit expers? Et rursus cū cerebri meninges sint ex se immobiles, sensu autem polleant exquisitissimo; erunt profecto sensus, non motus principium. Ratio mehercle inefficax, & quæ facile possit in eūdem Fernelium retorqueri. Nam cum cerebri motus voluntarius non sit, sed naturalis, quomodo quæso, cerebri voluntarii motus principium dicitur; aut quomodo voluntarium motum cuius omnino est expers, partibus aliis impertietur? Et quamuis meninges exquisitissimo sensu polleant, non erunt proinde principium sensus, qui nulli parti congenitus esse potest. Cerebrum vero licet neque sentiat, neq. voluntarie moveatur, merito dicitur sensus & voluntarii motus principium, quia vel suo contactu, vel mediis nervis, totius substantiæ alterationem ad partes transmittit; cuius beneficio idonea fiunt aut sensus, aut motus voluntarii instrumenta.

B Dubitari quoq. solet, an hæc facultas quam ex cerebro per nervos influere diximus, sola influat sine aliqua substantia, an potius spiritu vtatur tanquam vehiculo. Responder Galenus, ad oculos & spinalis medullæ initium facultatem vna cum animali spiritu descendere, ad reliquas vero partes solam sine spiritu influere. Quod ad spinalem medullam & oculos cum spiritu descendat, ex harum partium formatione constare ait. Nam in exortu spinalis medullæ meatus euidenter apparet, cuius nullus alius vsus esse potest, quam vt animali spiritu repleatur. Et nervi optici sunt quoque propter eundem vsum perforati, proptereaq. olim ab Herophilo dicti sunt *ωγοι*. Plura itidem longa observatione comprobata, animale spiritum per nervos opticos ad oculos descendere apertissime testantur. Quippe in leonibus, pardis, aliisque animalibus quibus sunt oculi natura splendidi, noctu in pupilla splendore veluti circulus quidam observatur; præsertim si pupillam ad nares contorserint. Experimur quoque in nobis ipsis altero oculorum clauso alterius pupillam dilatari; & rursus aperto ad priorem magnitudinem reuerti: quod certe fieri non posset, nisi oculus denuo irruente aliqua substantia repleretur. Atqui tam subita repletio ab humore fieri nequit, fiet igitur necessario à spiritu. Indiguerunt autem spiritu oculi & spinalis medulla, quoniam maius facultatis robur huiusmodi partes postulabant. Spinalis quidem medulla, quod multorum insigniumq. nervorum sit principium; oculi vero, quod splendor (quem spiritus oculis tribuunt) ad visionem sit maxime necessarius. Oportebat quoq. à spiritu ab oculis emisso aërem oculis circumfusum vehementer alterari, cum quo primo statim incurso spiritus vnitur, ipsumque suo contactu ad naturæ suæ proprietatem immutat. Reliquis partibus necessarius non fuit spiritus, sed solius facultatis transmissio satis esse potuit; quæ irradiationis ritu ex cerebro per nervos in vniuersum corpus diffunditur. Nam vt radiorum splendore inferiora hæc corpora per medium aërem illustrat sol, nullam ex seipso substantiam emittens; ita & cerebrum solam vim atque alterationem per medios nervos in reliquas omnes partes sine spiritu transmittit. Alioqui & tenuissimas nervorum fibras perforatas esse oportuisset; tales vero & rumpere facile, & singulis fere momentis obstruerentur.

Hæc verissima est de facultatis animalis influxu Galeni sententia, quam tamen Arabum plerique nequaquam probarunt, per nervos omnes (minimos etiam ac tenuissimos) spiritum descendere existimantes: quorum opinionem optime refutavit Vallesius. Sed & in eodem errore versatur Fernelius, leuissima ratione persuasus. Si alimentum, inquit, in nervorum substantiam penetrat, & crassus lentusq. humor; certe animalis spiritus, qui tenuissimus est, nervorum substantiam quoquoersum peruat. Non tamen animaduertit Fernelius, diuersam esse ra-

Lib. 7. de Hip.  
& Plat. decre.  
cap. 4.

Lib. 2. contro.  
cap. 15.

Lib. 6. de nat.  
part. med. cap.

13.



Comm. in art.  
medi. pag. 193.

tionem spiritus animalis & nutrimenti. Id namque (lentum alioqui & crassum) **A**  
à nervis attrahitur propter substantiæ similitudinē; idemq. firmissime retinetur,  
ac suo lentore sensim ipsis adhæret, atque affigitur. Ille vero nisi recta cum im-  
petu per meatum aliquem feratur, facile dissipatur, ac diffluit; vt qui neq. à ner-  
uis trahi, neque præ substantiæ tenuitate ipsis diutius adhærere possit. Longe ali-  
ter sentit Argenterius, qui magis adhuc à veritate aberrans, nullum in cerebro  
gigni animale spiritum affirmat, qui facultatis animalis sit vehiculū. At si nul-  
lus in cerebro gignitur spiritus, quorsum per arterias tanta spiritus copia ex cor-  
de transmittitur ad cerebrum? An quia spiritus vitalis in corde genitus, animæ  
actionibus exercendis idoneum est organum? Atqui probabilius est, cerebrum  
sibi ipsi spiritus conficere ad animæ actiones exercendas omnino necessarios,  
quam à corde genitos accipere. Sed & his indiguit cerebrum non tamquā pro-  
prium actionum instrumento, sed tamquam idonea spiritus animalis materia: **B**  
ex his namque & aëre per nares attracto spiritus animalis in cerebri ventricu-  
lis gignitur. Sed quid de nervis opticis, quos perforatos esse negat Argente-  
rius? Certe hanc calumniam multo ante præuidens Galenus, ita exiguum esse  
nerui optici foramen asseruit, vt vix deprehendi queat; nisi magnum animal sit  
quod ad dissectionem paratur; & statim ab ipsius morte dissectionem aggredia-  
mur; & caueamus tandē ne aër caliginosus sit, aut nebulosus. Quæ tria si seruen-  
tur, fiet fortasse vt in nervis opticis exiguus aliquis meatus appareat; quem ta-  
men (vt verum fatear) mihi adhuc videre non licuit. Illud vero præ ceteris spi-  
ritum animale ad oculos descendere ostendit, quod clauso altero oculo alte-  
rius pupilla dilatetur, vt antea dictum est. Argenterius tamē hanc rationem elu-  
dens, spiritum quidem ad oculos descēdere concedit, non per nervos opticos, **C**  
sed tantum per arterias; proindeq. eum spiritum vitalem esse asserit, nō anima-  
lem. Acuta mehercle responsio, sed quæ in iis qui suffusione laborant locū ha-  
bere non potest. Cur enim in his si clauso altero oculo, oculi ægrotantis pupil-  
la nō dilatatur, insanabilis est suffusio? Nonne quia præter suffusionem alter in-  
dicatur affectus incurabilis (nempe obstructio) qui spiritus descensum impe-  
diat? At si vitalis spiritus est qui ad oculum descendit per arterias, non erit in-  
sanabilis ea suffusio, cum arteriarum obstructio curationem admittat.

Lib. de differ.  
sympt. cap. 3.  
& 1. de caus.  
sympt. cap. 1.

Porro animalis facultatis (vt reliquarum omnium) differentię ex numero  
actionum certissime colligitur. Actiones autem animæ ex sententia Galeni aut  
principes sunt, aut non principes. Atque hæc rursus sunt duæ, sensus scilicet, &  
motus voluntarius: illæ autem sunt tres, imaginatio, ratiocinatio, & memoria.  
Motus quidem etiam si in diuersis instrumentis ita variet, vt videatur esse mul-  
tiformis; reuera tamen simplex animæ actio est, quia vnum & certum instrumen- **D**  
tum sibi vendicat, nempe musculus; & vnus in omnibus quæ mouētur partibus  
motionis est modus, qui perpetuo fit retractis ad suam originem musculis. At  
sensus neque vnum est organū, neque idem sensationis modus in variis instru-  
mentis; quo fit vt multiplex censeatur, visus scilicet, auditus, olfactus, gustus, &  
tactus; quorum diuersa sunt organa. Visus enim proprium organum oculus est,  
auris auditus, nasus olfactus, quemadmodum lingua gustus. Solus tactus pecu-  
liari instrumento caret, quia sensus quidam est omnibus fere corporis partibus  
communis; quamuis cutis internæ manus dicatur interdum tactus instrumētum  
propter causam à nobis alibi explicatam. Singulis his animæ functionibus sin-  
gulæ facultates respondent, quarū aliæ principes sunt, aliæ non principes. Prin-  
cipes quidē tres sunt, imaginatrix, ratiocinatrix, & memoratrix; non principes  
duæ,

Lib. 1. de tēp.  
cap. 10.



**A** illæ, mouens, & sentiēs. Hæc rursus quintuplex est, nempe facultas videndi, audiendi, olfaciendi, gustandi, & tangendi.

Ceterum neque hæc quæ de facultatum animalium numero breuiter ac vere hactenus diximus, difficultate carent. In primis enim dubitari solet, an facultas animæ non princeps simplex sit, an duplex: id est an facultas sentiens eadem sit cum motrice, an potius diuersa. Sunt qui putent vnā esse facultatem, quæ tamen in diuersis instrumentis diuersas actiones, sensum scilicet ac motum, exercet. Quibus fauet Galenus lib. 2. de caus. sympt. vbi reddens rationē cur ab o-

Cap. 5.

**B** dito motu seruetur aliquando sensus, id propterea fieri docet, quia maius facultatis robur desideratur ad motum quam ad sensum: quæ ratio nullius esset momenti, si facultates essent distinctæ. Alii contra sentiūt facultates esse diuersas, cum sensus & motus actiones sint specie distinctæ, & diuersa sint tū propria sensus & motus instrumenta, tum etiam instrumenta sensum & motum deferentia, scilicet nerui: quorum aliqui solam sentiendi vim ad cutim deferunt, & propria sensuum organa. Ex dormientibus idem constare aiunt, in quibus sentiens facultas quiescit, motrix autē agere conspicitur, cum & respirent, & brachia cruraq. iacent. Præterea abolito sensu seruatur interdum motus, vt contigit Pausanias: quod tamen fieri non posse credunt, nisi facultas sentiēs distincta sit à motrice. Vtrique quidem probabilia dicunt, neutri tamen rem ipsam quæ distinctione indigebat, accurate explicant. Omnium optime rem distinxit Vallesius, qui aliter sentiendum esse docet de facultate influente ex cerebro, aliter vero de facultate quæ sensum aut motum edit in propriis instrumentis. Quæ ex cerebro influit facultas, & per neruos in vniuersum corpus diffunditur, vna est & eadem: neque enim aliud est (vt mox dicemus) facultatem influere, quam ex

Lib. 2. contro. cap. 24.

**C** principiis reliquo corpori quandam totius substantiæ alterationem communicari. At vna cum sit cerebri temperies, multiformis esse non potest ea alteratio quæ per neruos ex cerebro transmittitur. Facultas vero quæ in musculo motum efficit, ab ea quæ in sensuum instrumentis efficit sensum, specie differt, quemadmodum instrumenta motus ab instrumentis sensuum. Nam licet instrumenta sensuum & motus eandem alterationem à cerebro accipiant, nihilominus tamen pro diuersa instrumentorum natura variæ gignuntur facultates singulis instrumentis propriæ. Immo non solum facultas motrix quæ in solo musculo reperitur, specie differt à facultate sentiente; sed etiam hæc multiplex secundum speciem statuenda est. Quippe quantum oculus specie differt à lingua, tantum facultas videndi à gustandi facultate specie distinguitur. Idem de aliis dicendum.

Quod satis aperte significauit Galenus lib. 8. de vsu part. sic scribens, Cum igitur in capite quattuor sint instrumenta sensoria, oculi, aures, nares, lingua, omniaq. hæc ex cerebro sensus principium habeant, eaq. saltem ratione similia apparent; inest tamen eis secundum speciem dissimilitudo, non modo in ipsis sentiendi facultatibus, verum etiam in corporibus per quæ facultates ipsæ feruntur: quādoquidem facultatum alia odorum, alia saporum, alia sonorum, alia colorum est diiudicatrix.

Cap. 6.

**D** Neque vero quod facultates in suis instrumentis specie distinctas statuimus, spirituum animalium diuersitatem concedimus. Non enim multiplex in cerebri ventriculis spiritus gignitur, neque vnus qui ibi genitus est, nouam in singulis sensuum organis naturā induit, vt quidam fixerūt: præsertim cum ad solos oculos, & spinalis medullæ principium (vt prius dictū est) animalis spiritus descendat. Quare etiam si in his instrumentis facultatis ex cerebro influentis vehiculū



Cap. 9.

Cap. 9.

Lib. 4. simp.  
cap. 1.Lib. 8. de usu  
parr. cap. 6. &  
lib. de diff.  
sympt. cap. 3  
& lib. 1. de cau.  
symp. cap. 1. &  
lib. 3. de loc.  
affect. cap. 3.  
Lib. 3. de ani.  
cap. 1. & 3.

fit reuera animalis spiritus; nemo tamen hunc dixerit instrumentum esse faculta-  
tem animalem deferens, cum huius rei gratia nerui creati sint à natura. Vnde  
nata est illa neruorum diuisio, quam scribit Galenus lib. 1. de Hippoc. & Plat.  
decret. Neruorum alii deferunt sensum, alii motum, alii vtrumque. Quæ sane  
eo nomine videtur difficilis, quod licet plures sint nerui qui solum deferant  
sensum, & plures quoque qui sensum simul ac motum; nullus tamē reperiri pos-  
sit qui solum deferat motum. Nam qui motum deferunt nerui, musculis in quos  
inferuntur, sensum tactus necessario tribuunt, cuius musculi omnes sunt parti-  
cipes. Explicanda igitur hæc diuisio est ex ipsomet Galeno, qui lib. 5. de usu  
partium docet, naturam ob triplicem scopum neruos distribuisse, vel vt sensi-  
libus instrumentis sensum, vel motoriis motum impertiret, vel vt partes quæ  
sibi molestiam adferunt dignoscerent. Atqui tertius iste scopus sub primo vi-  
detur comprehendi, cum eorum quæ molestiam adferunt dignotio ad sensum  
pertineat. Quamobrem per sensilia instrumēta eas dumtaxat partes Galenus in-  
telligit, quæ peculiarium sensuum sunt propria instrumenta; quales sunt oculi,  
aures, nares, & lingua. Reliquas vero partes solo sensu tactus præditas, sensilia  
instrumenta non vocat, quoniam tactus nullum peculiare ac proprium instru-  
mentum obtinuit. His itaq. partibus solo tactu præditis neruos natura tribuit,  
vt ea quæ molestiam adferunt cognoscerent; sensilibus autem instrumentis, vt  
sensum peculiarem impertiret. Quemadmodum igitur rei molestantis sensum,  
qui solus tactus est, à peculiaribus sensibus, visu, auditu, olfactu, & gustu, eo lo-  
co distinxit; ita quoque in communi illa neruorum diuisione fecisse credendū  
est: ita vt nerui illi dicantur solum motum deferre, qui licet tactum deferāt vna  
cum motu, nullum tamen ad sensilia instrumenta peculiarem sensum deferunt.  
Huius generis sunt nerui secundæ coniugationis cerebri, qui cum motum ocu-  
lis tribuant, visui nullam prorsus opem ferunt. Eiusdē generis sunt nerui septi-  
mæ coniugationis cerebri, qui quidem motum impertiuntur linguæ, quæ gu-  
standi vim accipit per neruos terciæ coniugationis: quamuis Galenus ad vtrūq.  
neruorum par exquisitissimum linguæ sensum retulerit. Quod si concesserimus,  
motum & sensum simul deferre potius dicentur, quam solum motum.

Sed quoniam de facultatibus animæ non principibus satis iam diximus, de  
principibus (quas etiam rectrices appellant) nunc pauca dicamus; de quarum  
numero magna est inter medicos & philosophos controuersia, cum hi plures,  
illi vero pauciores recenscant. Galenus quidem variis in locis tres dumtaxat  
enunierat actiones animæ principes, imaginationem, ratiocinationem, & me-  
moriā. Aristoteles tamen (quem non solū omnes philosophi, verum etiam  
medicorum nonnulli sequuntur) præter imaginandi facultatem, alteram quan-  
dam cōstituit, quam primum, aut principem, aut communem sensum appellat.  
Huic duo munera Peripatetici tribuunt, externorum scilicet sensuum actiones  
cognoscere, & eorundem obiecta à se inuicem distinguere. Quippe cum sensus  
externi proprias actiones nequaquam percipiant, (neque enim visus se videre,  
neque auditus se audire cognoscit) huius communis sensus beneficio fieri aiūt,  
vt nos videre, audire, olfacere, gustare, & tangere sentiamus. Præterea cum ex-  
ternorum sensuum nullus proprium alterius sensus obiectum percipere queat,  
nullum inter diuersa diuerforum sensuum obiecta discrimen à nobis cognosci  
posset, nisi vna esset facultas, quæ receptis sensilium omnium obiectorum for-  
mis siue simulachris, ea omnia perciperet. Porro triplici nomine sensum com-  
munem ab imaginatrice distinguunt. Primum quidem, quia sensus communis  
præsentibus



- A praesentibus dumtaxat externis obiectis suo munere fungi potest; imaginatrix autem cum impressas ac permanentes species habeat, res etiam absentes cognoscit; idque non solum nobis vigilantibus, verum etiam somniantibus. Deinde, quia sensus communis propria tantum externorum sensuum obiecta cognoscit atque distinguit; imaginatrix autem & propria, & communia, & per accidens: veluti si quis somnians, Platonis colorem, figuram, & magnitudinem simul cognoscat, & Cleonis filium esse discipulū Socratis. Postremo, quia imaginatricis actio voluntaria est, cum liceat nobis quidquid lubet, (etiam ea quae nullo pacto fieri, aut constare possunt) imaginatione concipere, ut montes aureos, volantes asinos, & alia similia. Ceterum cum facultatum numerum ex numero functionum specie distinctarum inuenire oporteat, nulla vnquam ratio cōcedere coget, sensum communem facultatem esse ab imaginatrice diuersam. Nam quaecumque illi tribuunt sensui communi, haec nos imaginatrici tribuenda esse censemus; cum actiones non sint specie distinctae, sed multiplices dumtaxat sensuum externorum obiecta (qualiacumque ea fuerint) cognoscendi ac distinguendi modi. Alioqui si communis sensus actio ab imaginatricis actione specie distingueretur, fieret haud dubie delirium eiusmodi actione deprauata, non secus ac deprauata imaginatione, aut ratione. At tria tantum delirii genera & à Galeno vere tradita, & ab aliis medicis recte obseruata legimus; duo quidem simplicia, quorum alterum sola imaginatione, alterum sola ratione deprauata contingit; tertium vero ex duobus simplicibus compositum. Quamobrem aut nullus in nobis est sensus communis, aut certe ab imaginatrice non distinguitur. Neque vero oportet phantasiam (ut quidam perperam fecerunt) ab imaginatione distinguere, nam quae actio Græcis *φαντασία*, eadem nobis imaginatio; & quae nobis imaginatrix facultas, eadem Græcis *φαντασική* appellatur. Ad eandem quoque imaginandi vim (ne facultatum multitudinem frustra admittamus) quae philosophorum non pauci ad aestimatiuam pertinere volunt, nos potius referimus: quale potissimum est, ex sensibilibus rerum imaginibus insensibiles colligere; veluti cum ouis lupum antea numquam visum fugit, & gallinaceus pullus aquilam vel accipitrem. Sed forte putarit quispiam, Galenum non secus ac Aristotelem sensum communem concessisse, ipsius namque meminit lib. 7. de Hipp. & Plat. decret. ad hunc modum scribens, Alteratur quippe sensus ipsius instrumentum, alteratio vero ipsa ab vna eademque facultate omnibus sensoriis communiter impertita, à principio emanante dignoscitur; quod quidem principium, siue sensum communem, siue primum sensorium appelles, nihil refert. Et lib. de differ. sympt. vi-
- B
- C
- D
- giliam & veterum primi omnium sensus, qui cōmunis quoque dicitur, symptomatica esse dixit. Ceterum nomine sensus communis nullam animae facultatem, sed ipsum potius cerebrum Galenum intellexisse, ipsemet apertissime docuit, dicens loco citato ex lib. 7. de Hipp. & Plat. decret. à se fuisse antea demonstratum, sensum communem, siue primum sensorium, esse cerebrum. Cur autem cerebrum primum sensorium, aut sensus communis dicatur, rationē reddidit lib. 1. de cau. symp. Consequens, inquit, est, ut ad ipsorum sensuum principium, quod veluti fons quidam suas illis facultates mittit, cōuertatur oratio; id vero est primum sensorium. Quippe cuiusque sensus alteratio quae à sensibilibus infertur, in singulis instrumentis perficitur; eius autem sensorium est ipsa quae alteratur particula, ex eo quod à cerebro delatam ad se per nervos virtutem recipit. Ipsum namque cerebrum sensoriū organum à natura conditum non est, sed sensorio-

Cap. 1.

Cap. 3.

Cap. vi.



- rum sensorium. Vnde intelligitur, cerebrum dici primum sensorium, quod sit origo, ac veluti fons sensuum omnium particularium. Constat itidem cerebrum ex Galeni sententia non sentire, cum à natura conditum non sit quasi sensorium organum, sed quasi principium sensus. Quoniam vero multi contendunt, cerebrum sentire, idque videtur colligi posse ex aliquot Galeni locis, quæ non omnino facilem explicationem admittunt; non abs re fuerit hæc in medium proficere.
- Cap. 4. Libro de multi. scribit, gravitatem non subobscurum modo, sed etiam perquam manifestum sui sensum nonnumquam excitare secundum cerebrum; in partibus autem sensu vacuis nullum posse nedum gravitatis, sed ne alterius etiam symptomatis sensum haberi. Nihil tamen certi colligi ex hoc loco potest, neque enim gravitatis sensum in cerebro fieri dixit, sed tantum secundum cerebrum. Et quamvis illud dixisset, non adhuc colligeretur cerebrum sentire; cum idem de ossibus affirmet, quæ (solis exceptis dentibus) sensu careant. Quare quacunque partes sensu destitutæ sunt, nullum sui ratione gravitatis sensum habere possunt, sed tantum ratione membranarum quibus vestiuntur, quemadmodum ossa. Eadem ratio & cerebri est, quamvis nonnulli (ut ibidem Galenus refert) inter partes sentientes ipsum enumerarint. Præterea lib. 8. de usu part. agens de usu tenuis menynge, sensum videtur cerebro tribuisse; his verbis: Quod si natura tenuem menynge non interposuisset, cerebri cum crassa menynge vicinitas haudquaquam dolere vacaret. Verum neque hic cerebrum doliturum dixit, sed cerebri cum crassa menynge vicinitatē. Crassa namque menynx doleret potius quam cerebrum, quia cum à tenui menynge, tota cerebri substantia coacta, ac veluti unita servetur; nisi eam interposuisset natura, tota substantia cerebri in crassam menynge diffusa collaberetur; hæc vero à cerebro compressa atque distenta, doleret. Nam vero lib. 3. de loc. affect. cephalæam cerebri morbum esse dixit, quod, nisi cerebrum sentiat, verum esse nequit, cum cephalæa capitis dolorem significet. Dicitur tamen cephalæa cerebri morbus, non quod cerebrum dolere possit, sed quod morbus qui causa est cephalæe possit esse in cerebro. Id quod ex iis quæ postea subiunxit, aperte colligitur; inquirens enim locum affectum in cephalæa docet, aut dolere menynge cerebri, aut pericranion, nulla cerebri facta mentione.
- Cap. 9. Scribit quoque lib. 6. de usu part. iecur & cor exiguos nervos à propriis tunicis accepisse, ne sensu omnino carerent, neve ut plantæ penitus essent: quod foret plane absurdum, cum & partes principes sint, & facultatum principia. Atqui cerebrum pars est iecore & corde præstantior, ergo absurdum erit concedere, ut plantam tantum ipsum vivere sine sensu. Est sane illa Galeni ratio in iecore & corde efficacissima, in cerebro vero proflus inefficax. Quippe quæ dignitas cordi ac iecori ex sensu accedit, cuius ratione distinguuntur à plantis; eandem omnino, immo & hac multo maiorem ex eo accipit cerebrum, quod licet sensu priuatur, sensus & motus principium sit, & animæ sedes. Multo difficilius est quod lib. 9. de usu part. scribit agens de crassa cerebri membrana, Merito, inquit, crassior inferne existit, ut cum cerebrum super eam omnino esset firmandum, nullum ei exhibeat dolorem, penitusque ab eo non sentiatur subiacentium ossium durities. Verum cum supra crassam menynge non nudum firmetur cerebri corpus, sed tenui menynge omni ex parte vestitum; de hoc sane, non de solo cerebro locum hunc intelligendum esse crediderim. Porro hanc explicationem admittere non potest locus omnium difficillimus lib. 2. de comp. med. sec. loc. ubi cum docuisset, doloris capitis curationem ob diversam affectarum partium naturam plurimum variare, ita habet, Aliquando enim extra calvariæ affectio est,
- Cap. 1. aliquan-



A aliquando intra; & quādoque quidem omnium exteriorum aut interiorum est,  
 „ quandoque non omnium, sed vnius tātum corporum generis, arteriarum vide-  
 „ licet, aut venarum, aut nervorum, aut membranarum, aut cutis, aut ipsius adeo  
 „ cerebri: quo loco (vt patet) cerebri & membranarū seorsum meminit. Sed qui  
 eius dictionis seriē attente expenderit, is haud dubie intelliget, non inquirere  
 ibi Galenum partes quæ dolere possunt, sed eas potius, in quibus affectio quæ  
 causa doloris est, inueniri potest. Atqui licet cerebrum dolere non possit, in eo  
 tamen inueniri potest affectio, quæ in aliis partibus, potissimumq. membranis,  
 dolorem excitet. Sed non oportet quid à Galeno dictum sit curiosius inuesti-  
 gare, cū sensu potius, quam vel auctorum testimoniis, vel ratione, dirimenda  
 sit proposita quaestio. Hunc igitur si consulueris in viuo adhuc animali, disse-  
 cto cranio, cerebriq. substantia ab vtraque menynge diligenter (quoad fieri  
 B possit) separata; experieris proculdubio, etiam si cerebri substantiā pungas, aut  
 vulneres, nullum doloris sensum ipsi inesse. Quin & in altioribus capitis vulne-  
 ribus aliquam cerebri portiunculam citra dolorem à chyrurgo diuulsam non  
 semel obseruauimus. Sed vt eo vnde huc digressa est, nostra reuertatur oratio,  
 institutum de principibus animæ facultatibus sermonem absoluaui.

Est itaque præter imaginatricem altera quædam animæ facultas omniū ma-  
 xime princeps, quæ & hominem separat à brutis, & ob diuersas (vt quidam sen-  
 tiunt) actiones, vel (vt alii volūt) ob diuersos dumtaxat agēdi modos, & mens,  
 & intellectus, & intelligendi, cogitandi, iudicandi, & ratiocinandi vis siue facul-  
 tas appellatur. Ad hanc enim pertinet simplicium apprehensio quam vocant;  
 compositio itidem & diuisio; & eius quod consequens est aut repugnans cogni-  
 tio: vnde tres illi insignes nascuntur habitus, intelligentia, scientia, & sapientia.

C Hæc eadem facultas est, quæ finem in actionibus obeundis cognoscit; quæ de  
 mediis ad finem comparandum necessariis consilium init; quæ id quod melius  
 videtur, aut conuenientius, iudicat, atque eligit; quæq. tandem quid faciendum  
 sit imperat. Cetera nunc consulto præterimus quæ doctissimi Philosophi ac  
 Theologi huic facultati tribuūt, ne in magnitudinē immensam nostra hæc præ-  
 fatio crescat, quæ in medicorum gratiam atque vsum potissimum conscribitur.

Ad facultatem igitur memoratricem transeamus, quam inter principes ter-  
 tiam Galenus enumerat; cuius sane propria actio non est rerū præcognitarum  
 species atque simulachra conseruare, sed recordari potius præteritorum: neque  
 enim futurorum aut præsentium memoria esse potest. Quoniam vero quæ à no-  
 bis cognoscuntur, aut cognoscuntur sensu, aut intellectu; duplicem in nobis me-  
 moriam statuere oportet, rerum sensilium vnā, alteram vero rerum (vt sic di-  
 cam) intelligibiliū: nam & aliquid nos vidisse, aut audiuisse, aut etiam didicisse  
 D meminimus. An vero rerum sensilium memoria eadem reuera sit cum imagi-  
 natione, & memoria rerum intelligibiliū eadem sit cum intellectu; dubium est  
 ac controuersum. Cum autem præteritorum recordatio actio sit ab iis quæ in-  
 tellectui & imaginatrici antea tribuimus, specie distincta; ab imaginandi & in-  
 telligendi facultate distinctam esse memoratricem rationi est consentaneum.  
 Huc accedit, quod læsa interdum imaginatione, aut ratione, integram seruari  
 memoriam obseruamus; quod fieri minime posset, nisi ab illis distingueretur.  
 Quod si alicubi dixit Galenus partem animæ imaginatricē, quæcumque ea sit, etiam  
 recordari; per animæ partem non intellexit facultatem, sed potius animæ  
 speciem. Nam quæ anima imaginatur, eadem & recordatur, diuersis scilicet fa-  
 cultatibus; in brutis quidem anima sentiens, in homine vero rationalis. At remi-

Lib. 2. de mot.  
mus. cap. 6.

niscencia



niscentia se la ratione à memoria distinguitur, est enim vtraq; rerum præterita-  
rum recordatio, quæ ab eadem facultate, non tamen eodem modo fieri vide-  
tur. Quamdiu enim vniuersa rei imago atq; simulachrum, solidum, purum, dilu-  
cidumq; retinetur, ita vt omni sui parte animæ vim excitare, & ab ea simul per-  
spici cognoscique possit, meminisse dicimur; reminisci vero, quando non vniuer-  
sum remanet simulachrum, sed pars deleta est, pars vero conseruatur; ex qua ve-  
luti ex impresso vestigio, refert sese animus in cognitionem eius quod memo-  
ria exciderat. Atq; ita efficitur, vt reminiscentia sit prioris memoriæ, non qui-  
dem totius (nam hoc discere est) sed partis reparatio. Quãobrem merito The-  
mistiuss reminiscentiam vocauit reducem ac rediuuam memoriam, aut memo-  
riæ collapsæ reuocationem. Habet præterea id proprium reminiscentia, vt fiat  
veluti ratiocinando ex principio simili, vel dissimili, vel proximo; quo fit, vt in  
folis reperiatur hominibus.

Lib. de differ.  
symp. cap. 3.

Tres istas facultates animæ principes sentiūt multi locis ita distingui, vt ima-  
ginatrix in anteriore, memoratrix in posteriore, ratiocinatrix vero in medio ce-  
rebro sedem obtineat. Id ex eo confirmant, quod pars cerebri anterior humi-  
dior sit media, & pars posterior media siccior; siccitas autem memoriæ, imagi-  
nationi vero humiditas vsum præbeat, quemadmodum temperamenti medio-  
citas rationi. Addunt præterea, læsa imaginatione illæsam interdum seruari ra-  
tionem, & cōtra, vt monstrant (Galenus etiā auctore) varia delirii genera; quod  
tamen fieri non posse aiunt, nisi eiusmodi facultates locis distinguantur. Quin &  
pro actionum noxis, variis capitis partibus conuenientia remedia à medicis ad-  
moueri prædicant; sincipiti scilicet læsa imaginatione, occipiti læsa memoria,  
vertici autem, si ratio noxam contraxerit. Fauet quoq; his non parum ventricu-  
lorum cerebri distinctio, & impar dignitatis gradus; qui non aliunde videtur  
pēdere, quam ex actionum præstantia, quibus ventriculi ipsi vsum præbent. Ve-  
rum cum vna sit totius cerebri temperies, probabilius esse censeo, per totam ce-  
rebri substantiam eiusmodi facultates esse diffusas; in variis tamen cerebri par-  
tibus ipsarū actiones elucescere, quod à manifestis etiam qualitatibus iuuētur.  
Elucescit itaq; in anteriore cerebro imaginatio (quæ alioqui totius cerebri ac-  
tio est) quia humiditate iuuatur, quæ in anteriori cerebro magis præpollet. Ac  
rursus quoniam memoria iuuatur siccitate, in posteriore cerebro magis elucet,  
in quo minor est humiditatis excessus. Ratio vero in medio cerebro potius vi-  
get, in quo propria cerebri temperies mediocritatem quandam videtur obti-  
nere. Quamuis enim facultas intelligēdi rationalis animæ sit propria, neq; cor-  
poreo instrumento indigeat; negari tamen non potest, quin dum anima in cor-  
pore veluti inclusa detinetur, & animali spiritu, & cerebri temperie non parum  
egeat. Quo fit, vt vel inflammato cerebro, quemadmodum in phrænitide; vel  
sola intemperie citra inflammationem affecto, vt in mania & melancholia, deli-  
rium contingat deprauata ratione. Immo & ob insignem cerebri intemperiem  
ratio interdum funditus aboletur, vt in amentibus: etiam si intelligendi facultas  
sit ab anima inseparabilis, & incorporea. Cum itaq; his facultatibus animæ di-  
uersæ qualitates subseruiant, mirandum profecto non est, si earum facultatū ac-  
tiones in diuersis cerebri partibus elucescant; & ipsarū aliqua lædatur, reliquis  
seruatis illæsis. Id namq; & facultatibus naturalibus frequenter accidere expe-  
rimur, quas tamen in confesso est locis nequaquam distingui. Porro dum variis  
capitis partibus pro diuersarum functionum noxa medicamenta admoueri as-  
serunt, falsa omnino prædicant. Sumpta namque indicatione ex natua capitis  
forma-



**A** formatione, parti anteriori applicanda esse perpetuo medicamenta præcipit Galenus, ut scilicet tum ob ossis tenuitatem ac raritatem, cum potissimum ob futuram coronariam medicamentorum vis ad interna permeet. Ac tandem ventriculorum cerebri distinctio diuersas facultatum sedes nequaquam ostendit, sed tantum monstrare potest, ventriculos anteriores imaginationi, postremum memoriae, medium vero ratiocinationi usum præbere.

Lib. 13. metho.  
med. cap. 22.

Quod autem attinet ad ventriculorum cerebri dignitatē atque præstantiam, dubium est & maxime controuersum; cum alii ventriculum medium, alii potius cum Herophilo postremū nobiliorem esse contendant. Quid vero sentiendum sit, in commentariis de Hippocratis & Platonis decretis à se explicatum esse alibi refert Galenus; cum tamen nec illo in opere, nec alibi (quod ego sciam) id explicatum inueniatur. Quare suspicandum merito est, huius quæstionis expli-

Lib. 8. de usu  
par. cap. 11.

**B** cationem simul cum alijs periisse quæ in primo eius operis libro desiderantur. Alibi tamen sententiam Herophili videtur probasse, nam lib. 3. de loc. affect. Cap. 7.

„agens de spiritu animali hæc scribit, Ac primum ipsius animæ instrumentū, tum  
„in sensibilibus actionibus omnibus, tum in iis quæ à consilio & voluntate pro-  
„deunt, spiritus est, qui in cerebri ventriculis, maximeq. in postremo continetur;  
„quamuis non contemnendus sit medius ventriculus, perinde quasi non nobilif-  
„simus sit; multis enim rationibus inducimur ut hunc amplectamur, duos vero an-  
„teriores deferamus. Quo loco postremum ventriculum medio, hunc autem an-  
„terioribus videtur prætulisse. Cur vero postremus ventriculus nobilissimus cen-

Lib. 2. contro.  
cap. 23.

**C** seatur, hanc rationem reddit Vallesius; quia licet facultates omnes animæ principes in toto cerebro operentur, operantur tamē minimum in anterioribus ventriculis, maxime in postremo, in medio autem medio modo. Hæc tamen ratio constare non potest, neque enim verum est principes omnes actiones in postremo ventriculo maxime vigere, cum potius in singulis ventriculis singulæ elucescant, ut antea diximus. Cuius rationis inconstantiam visus est agnouisse ipsemet Vallesius, cum in suis commentariis in libros de locis affectis postea scripserit, se non satis intelligere, quibus rationibus potuerit Galenus adduci, ut postremum ventriculum reliquis anteponeret. Rectius multo postremi ventriculi dignitatem ex recondito ipsius situ & paruitate confirmat Thomas Rodericus Veiga; tum etiam ex eo quod spiritum exacte concoctum elaboratumq. contineat; & quod eo colliso maior noxa sequatur. Ceterum neque hæc sunt omni ex parte vera, quippe cum ventriculorum cerebri præcipuus usus is sit, ut spiritum animale continent, qui instrumentum est omnium animæ actionum; certe quo præstantior fuerit actio animæ cui spiritus in ventriculo contentus usum

**D** præbet, eo nobilior ventriculus censendus erit qui eiusmodi spiritum continet.

Cum itaque ventriculus medius rationi, postremus vero memoriae inseruiat; quanto præstantior ratio memoria est, tanto profecto nobilior erit medius ventriculus postremo. Id quod significauit Galenus lib. 3. de Hipp. & Plat. decret. Cap. vii. dum fabulam interpretatur de ortu Mineræ ex capite Iouis, potissimumq. ex vertice; qua in parte (ut ipse ait) medius atque idem principalis cerebri ventriculus est. Ut ergo hæc omnia sibi mutuo consentiant, rem sic explicandam esse censeo. Ventriculorum cerebri dignitas bifariam expendi potest, ex præstantia scilicet actionum quibus ipsi inseruiūt, aut ex usu ad vitam necessario. Si actionum præstantiam consideres, ceteris proculdubio nobilior erit ventriculus medius, qui rationi inseruiat; si usum ad vitam necessarium, postremus ventriculus erit omnium præstantissimus, cum ex ipso influat potissimū motus, qui ad vitam

necessa-



necessarius est propter respirationem. Vnde fit, ut vulnerato aut colliso postremo cerebri ventriculo, citius quam aliis ventriculis affectis animal intereat. A

Lib. 5. de nat.  
par. med. cap.  
15.

Argentarius  
com. in ar. med.  
pag. 180.  
Vega lib. 1. de  
art. med. cap. 5.  
& Peramatus  
lib. de ani. fac.  
cap. 3.

Peramatus lib.  
de ani. fac. cap.  
3.  
Lib. 1. de fac.  
nat. cap. 1. & lib.  
de diff. symp.  
cap. 3.

Cap. 2.

Lib. an sang.  
guis in art. an ar.  
conti.

Sed ratio iam postulat, ut ad alteram facultatem transeamus, quam vitalem appellari, in cordeque sedem habere demonstrauimus. Dicitur autem vitalis, non quod vniuerso corpori vitam impertiat, ut sentit Fernelius; (viuit enim singulae corporis partes facultatibus sibi congenitis, non secus ac plantae) sed quod ipsius beneficio conseruetur potissimum calor innatus, qui praecipuum est vitae instrumentum: quo idem nomine cor vere dici solet vitae fons ac princi-

pium. Sunt qui putent, vnica cum sit haec facultas, à variis auctoribus variis ex-primi nominibus, dicique vitalem, pulsatilem, irascibilem, & animosam. Alii triplicem esse credunt, vitalem, pulsatilem, & irascibilem; quarum singulis proprias tribuunt actiones. Galenus tamē cum irascibilem quae in corde residet, animam potius quam animae facultatem, cum Platone esse velit, duplicem statuit facultatem cordis vitalem, quarum altera princeps sit, altera ministra. Quae princeps est communi generis nomine vitalis per excellentiam dicitur; cuius propria actio ex communi omnium medicorum consensu est sanguinis arterialis & spiritus vitalis generatio. Vnde perspicuum est, facultatem hanc vitalem reuera naturalem esse, cum à facultate cordis alteratrice siue concoctrice non distinguatur. Nam ut venalis sanguis in iecore, & spiritus animalis in cerebro concoctione gignuntur; ita arterialis sanguis, & vitalis spiritus in corde. Falluntur ergo qui vanis rationibus persuasi, à facultate cordis concoctrice hanc vitalem distinguunt. Propterea Galenus duplex dumtaxat actionum omnium genus statuere plerumque solet, animales scilicet & naturales: sub his nimirum vitales comprehendens. B

Facultas vitalis ministra ex ea quae edit actione, pulsifica, aut pulsatis appellatur; haec enim cordis & arteriarum motus est auctor quem pulsus vocant. Ministrat autem alteri vitali principi, quia cor dum dilatatur, inspiratum aërem ad vitalis spiritus generationem omnino necessarium ex pulmone attrahit per arteriam venalem; & per venam cauiam venalem sanguinem ex iecore, sanguinis arterialis materiam. Ceterum licet ministra alterius sit, vitalis quoque dicitur, quia conseruando singularum partium calori necessarium usum praebet. Quippe dum arterias distendit, externum attrahit aërem, quo innatus calor ventilatur, & refrigeratur; dum vero easdem contrahit, fuliginosa excrementa foras propellit. Atque hinc factum est, ut Galenus tum alibi, cum potissimum lib. 4. de differ. pul. tradens ex instituto pulsus definitionē, à facultate vitali pulsus fieri dixerit. Et quoniam pulsatis facultas cordi insita est non secus ac vitalis, merito fit, ut huius statum ex pulsu centissime dignoscamus. Neque vero duplicem facultatem pulsatilem fingere cum quibusdam oportet, alteram quae cor & arterias distendat, alteram vero quae contrahat; quia licet dilatatio & contractio contrarii sint motus, ab eadem tamē facultate fieri nihil prohibet, cum motus non sint specie distincti. C

Porro ut animalis facultas ex cerebro per nervos influit in vniuersum corpus, ita & vitalis ex suo principio, scilicet corde, in vniuersum corpus influit per arterias, quas ex ipso met corde ortum habere diximus. Per arteriarum autem cauitatem nequaquam influere, sed potius per propriam ipsarum substantiam aut tunicas, euidenti demonstratione ostendit Galenus. Si enim arteriam quampiam à cuti, aliisque adiacentibus corporibus nudatam, secundum longitudinem ita secueris, ut calamus aut aenea fistula intra ipsius cauitatem immittatur; obseruabis haud dubie iniecto vinculo, arteriae partes vinculo superiores pulsare, D



A sare, inferiores vero pulsu priuari; eisdemq. rursus detracto vinculo pulsare. Nihilominus tamen probabile est, & spiritus in arteriis contentos non exigui esse momenti, ut ea quæ influit facultas robustior euadat, quemadmodum in facultate animali experimur. Hæc namq. in oculis & principio spinalis medullæ validior apparet, quia vna cum animali spiritu ad has partes descendit. Porro an a facultate pulsatili simul distendantur, simulq. contrahantur cor & arteriæ, an potius dilatato corde contrahantur arteriæ, & detracto corde arteriæ dilatentur; id quidem, & si quid aliud sit quod ad facultatem vitalem pertinere videatur, in disputatione de pulsibus explicabitur.

B Reliquum igitur est, ut ad huius operis institutum propius accedentes, de facultate naturali (quam vegetantem, nutricem, altricemq. etiam appellant) tandem differamus. Huius principium diximus esse iecur, quia & venarum principium est, & sanguinis, communis scilicet partium nutriti, circa quod facultas hæc potissimum versatur. Atqui ut cerebrum per nervos, & per arterias cor in vniuersum corpus vires suas diffundit; ita & iecur per venas facultatem naturalem transmittit: quod locis pene innumeris Galenus testatur. Sed quænam hæc naturalis facultas sit, quam vniuerso corpori per venas communicat iecur, paulo diligentius inuestigemus. Cum enim septem sint (ut postea dicemus) facultates naturales, principes tres, & quattuor ministræ; harum profecto nulla videtur ex iecore influere. Nam quæ ministrant, singulis partibus congenitæ sunt, quemadmodum ex principibus autrix & nutrix: generatrix vero in testibus potius quam in iecore viget, cum in illis gignatur semen, in quo eiusmodi facultas elucescit. Adhæc si facultas aliqua ex iecore ad partes influeret, instrumenta naturalia impedito eius facultatis influxu, affici possent per consensum: quod tamen

C negat Galenus lib. i. de loc. affect. statuens discrimen inter instrumenta naturalia & animalia. Nonnulli quidem his rationibus conuicti, nullam facultatem naturalem ex iecore ad venas, aliasve partes influere affirmant; dici tamen iecur naturalis facultatis originem, tum quia in ipso potissimum viget, tum quia radix est & principium omnium venarum, quæ propria sunt huius facultatis organa. Alii tamen contra sentiunt plures facultates ex iecore influere ad venas, sanguificam scilicet, attractricem, retentricem, concoctricem, & expultricem. Quas sane generales facultates esse aiunt, quarum beneficio non solum sibi, sed pro reliquarum partium ministerio alimentum attrahant venæ, retineant, concoquant, totius corporis excrementa expellant, & sanguinem gignant: quamuis præter has aliarum particulares venis ipsis sint insitæ. Quod autem à Galeno dictum est lib. i. de loc. affect. de omnibus instrumentis naturæ intelligendum esse dicunt, so-

D lis exceptis venis; quas per consensum affici posse affirmant, cum præter peculiare facultates sibi congenitas, generales alias ex iecore influentes accipiant. Alii tandem duas facultates naturales ex hepate fluere asserunt, sanguificam ad venas, ad reliquas vero corporis partes per medias venas altricem. Locum vero ex lib. i. de loc. affect. doctius multo explicant, naturalia instrumenta innatas quidem habere facultates, eoq. nomine ab animalibus differre asserentes; indigere tamen ad sui conseruationem iecoris, cordis, & cerebri facultatum influxu; atque hinc fieri, ut male affecto cerebro, aut nervo, animalia instrumenta citra propriam offensam per consensum affici possint; naturalia vero per consensum nunquam afficiantur, nisi lædatur propria ipsorum natura; lædi autem deficiente earum facultatum influxu. Hæc quidem à recentioribus medicis de facultatis naturalis influxu traduntur, quæ tamē mihi nullo pacto probari possunt. Nam

Cap. ult.  
Vallesius lib. 2.  
contro. cap. 16.  
& Argæterius  
com. in art. me.  
pag. 190.  
Vega lib. 1. de  
art. med. cap. 5.

Peramatus lib.  
de anim. facul.  
cap. 3.

ut à po-



ut à posterioribus, qui probabiliora loquuntur, exordiar, quam quæso altricem A  
vim partibus communicat iecur? aut propter quem usum communicat? Quippe  
cum singulis partibus altrix facultas sit congenita, quorsum alterius altricis ex  
iecore influentis opem exspectat? Num quia imbecillior est, quam ut sola possit  
sine alterius ope nutrimentum partibus assimilare? Atqui tanquam artificii ex-  
pers reprehendenda esset natura, quod cum robustas vires partibus largiri po-  
tuisset, imbecillas ipsis tribuerit; & frustra nunc duarum facultatum altricum o-  
pera perficiat, quod vnus beneficio facile præstare poterat. Porro de facultate  
sanguifica nihil in præsentia dicere instituiamus, cum lib. 2. de fac. nat. de ipsius  
influxu sit accurate agendum. Eadem quoque in eos dicta esse velim, qui gene-  
rales facultates ex iecore ad venas manare arbitrantur. Quorum etiam opinio-  
nem illud priuarim refellit, quod iecur potissimum dicatur altricis facultatis prin-  
cipium. Quare siquæ facultas influit ex iecore, influet potius altrix quam attra-  
ctrix, retētrix, concoctrix, & expultrix. Adhæc naturalis facultas quæ influit ex B  
iecore, per venas in vniuersum corpus diffunditur; falso igitur ad solas venas  
transmitti concedunt. Actandem cum Galenus in vniuersum dixerit, naturalia  
instrumenta non posse affici per consensum, quin propria ipsorum essentia sit læ-  
sa; cur ab eo sermone venas excipiunt? Iam vero qui facultatis naturalis influxum  
ex iecore negant, præterquam quod aduersantur Galeno, sibiipsis non omnino  
consentiunt. Neque enim animaduertunt, locum illum libri primi de locis affe-  
ctis, ex quo suam sententiam confirmant, in seipsos facile retorqueri posse. Cum  
enim duo tantum instrumentorum genera statuerit ibi Galenus, animalia scili-  
cet & naturalia, ad hæc necessario vitalia instrumēta (qualia sunt cor & arteriæ)  
referre oportet. Cum autem instrumentis omnibus naturæ, facultates congeni-  
tas esse dicat, non aliunde fluentes; neque facultas naturalis ex iecore, neque  
ex corde influet vitalis. Postremo quod eo tantum nomine dicatur iecur natu-  
ralis facultatis origo, quia principium sanguinis est, nullo pacto constare potest. C  
Neque enim esset iecur ex earum partium numero quæ proprie vocantur prin-  
cipia, sed potius ex earum genere quæ & infinitas facultates habent, & aliunde  
manantes accipiunt. Atqui Galenus in difficillima illa omnium partium diuisione  
quam tradidit in art. med. quattuor principia enumerat, cerebrum, cor, hepar,  
& testes. Quod si ad rationem principii satis esse putant, ut nutrimentum aut ma-  
teriam suppeditet; cur ventriculum & pulmonem inter principia non recensuit,  
cum is aërem cordi, ille vero chylum iecori præbeat? At Galenus loco citato  
inter eas tantum partes enumerat, quæ & à seipsis, & ab aliis reguntur. Et lib. 2.  
de art. curat. ad Glauc. agens de indicatione quæ à viribus desumitur, earum po-  
tissimum partium robur seruandum esse præcipit, quæ alicuius virtutis omnibus D  
partibus communicatæ sunt origo, aut opus edunt toti corpori utile: in hoc au-  
tem secundo genere ventriculum collocat, in priori autem hepar, cor, cerebrum,  
& testes. Vnde constat, eas dumtaxat partes principia vocari, quæ facultatem  
aliquam aut vim corpori comunicant: quamuis lib. 6. de Hipp. & Plat. decret.  
membrum illud quod iis quæ ex se oriuntur, vel vim, vel saltem materiam suppe-  
ditat, principium vocari scripserit. Certum tamen est ibi loqui Galenum ex hy-  
pothesi Erasistrati, cuius opinionem de venarum principio (ut constat ex dictio-  
nis serie) refutabat. Hinc quoque perspicuum est, principia non esse temere cō-  
fundenda cum partibus principibus. Nam principia (ut dictum est) facultatem  
aliquam transmittunt, partes vero principes ex in vniuersum dicuntur, auctore  
Galeno, quæ sunt ad vitam necessaria. Quo fit, ut ventriculus pars princeps sit,  
non

Cap. 9.

Cap. 2.

Cap. 6.

Lib. 6. de usu  
part. cap. 7.



A non autem principium; testes vero contra principia sunt, nō autem partes principes. Negari itaque non potest, quin iecur nō sēcus ac cerebrum & cor, alicuius facultatis sit principium, quæ per venas influat in vniuersum corpus. Atqui facultatem influere aliud est nihil, quam alterationē quandam ex tota principiorum temperie prodeuntem, in vniuersum corpus transmitti. Quod recte explicauit Galenus, agens priuatim de animalis facultatis influxu lib. 7. de Hipp. & Plat. decret. ad hunc modum scribens. Quinetiam tertium illud, quomodo

Cap. 4.

» scilicet alteratio qualitatis in continuo corpore efficiatur, quam innuere mihi  
 » videntur illi, qui quandam sine substantia vim influere dicunt; à quibus qualita-  
 » tum per alterationem in continua corpora diffusiones, facultatis & virtutis in-  
 » fluxus appellantur. Quemadmodum cum à solis splendore in ambientem aërē  
 » profecta quædā qualitas, in totum eius corpus, solis substantia immota perma-  
 B nente diffunditur. Atque hætenus quidem cerebrum, cor, & iecur, inter se cō-  
 ueniunt, quod cum facultatum principia dicantur, totius substantiæ alterationē  
 per sua exorta in vniuersum corpus diffundant. Est tamen in eo discriminē, quod  
 ex cerebri alteratione in animalibus instrumentis facultates gignantur, quibus  
 proprias actiones exercent; vt in musculo facultas motrix, in oculo visoria, &  
 gustatrix in lingua. At in instrumentis naturalibus (sub quibus & vitalia cōpre-  
 hendi diximus) ex cordis & iecoris alteratione nulla omnino gignitur facultas,  
 sed ipsismet instrumētis congenitæ sunt vires, quibus proprias functiones edūt.  
 Atq. id est quod Galenus dicebat lib. 1. de loc. affect. animalia scilicet instrumē-  
 ta facultates aliunde fluentes accipere, naturalia vero cōgenitas habere; atque  
 hinc fieri, vt instrumenta animæ ita aliquando afficiantur per cōsensum, vt pro-  
 C pria essentia nequaquam læsa, propriæ ipsorū actiones aboleantur. Quo nomi-  
 ne differunt ab instrumentis naturæ, quæ licet per consensum affici possint, nun-  
 quā tamen ita afficiuntur, vt ipsorū actiones lædantur, quin primario, vel potius  
 proprio affectu laborent. Quod igitur iecur alterationem quandam totius sub-  
 stantiæ diffundat in vniuersum corpus, facultatis naturalis principium dicitur;  
 quamuis nulla priuatim naturalis facultas ex ipso reuera influat.

Sed an huiusmodi facultas, vel alteratio, sola ex iecore influat, an simul cū spi-  
 ritu, inuestigatione dignum videtur. In singulis quidē corporis partibus spiritū  
 quendā reperiri, quem naturalē, insitum, innatum, & congenitū vocant, ab om-  
 nibus concessum est. Hunc vero, eundē cum innati caloris substantia, siue innato  
 calido, Galenus cōstituit; in cuius natura explicāda varius ac incōstans videtur.

Nā sanguineā seminalemq. substantiam vna cū spiritu aliquando calidū inna-  
 D tum appellat; alibi sanguinem & semen; alibi sanguinem & pituitam; ac rursus  
 alibi aëream & aqueam substantiam; & tandem substantiam igneam & aëream.  
 Hæc tamen tanta nominum varietas damnāda non est, cum propriā rei de qua  
 agitur, naturā optime exprimat. Nā quia ipsius substantia tenuissima est ac le-  
 uissima, innatus spiritus vocatur: calidum vero innatum, quia à calidis elemētis  
 ortū habet. Et rursus quoniam hæc elemēta sunt ignis & aër, ignea aëreaq. sub-  
 stantia merito dicitur. Quoniam vero ex semine & sanguine (duobus nostræ  
 generationis principiis) proxime fit, dicitur interdum semen & sanguis; &  
 verius multo sanguinea seminalisque substantia. Ac tandem quia plus est in  
 semine substantiæ igneæ & aëreæ, spiritus natiui substantia ad semen potius quā  
 ad sanguinem referri solet; vnde & substantia aërea & aquea interdum appel-  
 latur: talis enim est substantia seminis, spirituosus simul & humidus. Illud tan-  
 tum difficultatem parit, quod innati caloris substantia in sanguine & pituita

Lib. aduer. Ly  
com. cap. 7.Lib. 8. de pla-  
cit. cap. 7.Lib. 1. apho.  
com. 14.Lib. 1. de sani-  
tu. cap. 2.

Z. 1. 1. consistere



Lib. 4. de nat.  
part. med. c. 6.

Lib. 2 de abdi.  
rerum cau. c. 7.

Lib. 7. de placi  
cap. 3. & lib. 12.  
meth. med. c. 5.

Lib. de utili.  
respir.

Lib. de alim.

Cap. 3.

consistere dicatur; quid enim innato calori pituita conferre possit, non video. A  
Sed merito hunc locum deprauatum esse plerique censent, & pro φλέγματι leg-  
gendum πνεύματι. Ex his intelliges, quam male Fernelius spiritum natium ab  
innato calido distinxerit, hoc vero cum humido primogenio spiritu caloreque  
perfuso idem prorsus esse dixerit. Siquidem humidum primogenium substan-  
tia est partium humida, calidum vero innatum substantia potius spirituosas; quæ  
quidem ab humida tantum differt, quantum solida ab utraque. Adhæc pri-  
mogenium humidum innati calidi pabulum est ut oleum flammæ, ergo quem-  
admodum diuersa est olei & flammæ natura, ita innati calidi & humidi primo-  
genii natura diuersa erit. Neque vero minus peccat, dum propriam huius sub-  
stantiæ qualitatem, non solum elementarem calorem, sed præter hunc, diuinum  
ac coelestem alterum ad partium functiones obcundas necessarium fingit; qui-  
pe ut ex elementis calidi innati substantia ortum habuit, ita ex ipsis solis pro- B  
priam qualitatem accepit.

De hoc itaque spiritu singulis partibus insito nulla est controuersia; dubitari  
vero solet, an præter hunc, spiritus alter naturalis sit, qui in iecore genitus vna  
cum venali sanguine per venas in partes omnes diffundatur, Galenus quidem  
vbiq; de hac re agit, duplicem concedit spiritum influentem, vitalem sci-  
licet & animale. Vitalem in arteriis & corde, in sinistroque potissimè ipsius  
ventriculo, ex sanguinis vapore, & aëre per inspirationem arteriarumque dila-  
tationem attracto, gigni sentit. Is vero ex sinistro cordis ventriculo vna cū arte-  
riali sanguine per arteriam magnam in omnes partes transmittitur, ut calido in-  
nato quod perpetuo dissipatur, ac effluit, nutrimentum præbeat; simulq. materiã  
cerebro suppeditet ad spiritus animalis generationem. Ex vitali namq. spiritu  
per arterias delato, alter quidam spiritus in cerebri ventriculis gignitur, quem C  
quia præcipuum est actionum animæ instrumentum, animale Galenus appel-  
lat. Non tamen propterea plexum illum arteriarum retiformem & admirabi-  
lem, quem Galenus somniauit, admittimus, in quo vitales spiritus plurimè elab-  
orari ac perfici voluit, ut spirituum animalium naturam tandem induerent. Sed  
& externum aërem per nares attractum animalis spiritus materiam esse, atq. ad  
huius generationem aëre potius quam vitali spiritu cerebrum indigere, vinculo  
exceptis quæ in collo sunt arteriis, optime demonstrauit Galenus. Quo nomi-  
ne & cerebro non secus ac cordi facultas pulsandi insita est, ut sua dilatatione  
externum aërem attrahat per nares, contractione vero, vaporosa aut fuliginosa  
excrementa foras propellat. Quare merito Hippocrates inter principia nutri-  
menti spiritus, nares etiam recensuit, sic scribens. Principium nutrimenti spiri-  
tus, os, nares, guttur, pulmo, & alia respiratio. Sanguinis quoq. vapores animali  
spiritui materiã præbere, rationi est maxime consentaneum; cum in melancho-  
licis, pituitosis, biliosis, & sanguineis, peccatis humoris naturam referre videatur.

Hæc itaque duo influentis spiritus genera Galenus manifesto concessit, an ve-  
ro concedendus etiam sit spiritus aliquis naturalis, incertum reliquit. Nam lib.  
12. metho. med. cum de spiritu vitali & animali egisset, hæc subiungit. Quod si  
naturalis aliquis spiritus quoque est, utique is quoq. in iecinore & venis conti-  
nebitur. Cum tamen nullibi naturalem spiritum concesserit, & vbiq; de  
spiritibus agit, vitalis dumtaxat & animalis mentionem fecerit; probabilius est,  
iecur nullius spiritus principium esse. Alioqui pulsaret iecur non secus ac cerebrum  
& cor, ut externum aërem attraheret, præcipuam spiritus gignendi materiam.

Solam igitur facultatem sine spiritu per venarum tunicas in vniuersum corpus  
ex iecore influere, & rationi & Galeno consentaneum esse sentimus. Auicenna  
tamen,



**A** tamen, qui cum Aristotele statuit cor facultatum omnium principium ac sedē, Lib. de medi. spiritum qui in corde gignitur, omnium primum esse arbitratur; eundem vero cordi. cap. 1. ad partes alias principes ex corde transmissum, temperiem naturamque mutare; ita ut in cerebro animalis fiat, in iecore naturalis, & in testibus generans. Fernelius autem, ut tres sunt facultates, tria facultatem principia, & totidem Lib. 4. de nat. canales à principiis exorti; sic & tria esse facultatū vehicula opinatur, spiritum par. med. c. 10. scilicet naturalem, vitalem, & animale. A Fernelio in eo tantū dissentit Val. Lib. 1. loc. cō. leriola, quod naturalem spiritum in iecore genitum, spiritus nomen vix mereri cap. 16. dicat, quia crassior est & vaporosior: quasi vero de nominibus, non de rebus ipsis esset contentio. Gorræus itidem tria influentis spiritus genera statuens, naturalem spiritum omnium actionum naturæ instrumentum, & insiti spiritus nutrimentum, & vitalis spiritus materiam esse asserit. Ac tandem Argenterius (ut Lib. 16. def. fuit semper rerum novarum studiosissimus) nouum de spiritibus dogma consti- Com. in art. med. pag. 188. tuens, vnicum dumtaxat spiritum influentem admittit, qui nec vitalis, nec animalis, nec naturalis vocari debeat, si his nominibus diuersam illius formā naturamque exprimere velimus; posse tamen hæc nomina vnico illi spiritui accommodari, ad significandum multiplicem vsum, quem variis actionibus obeundis præbet. Vitalis enim appellatur, quando vitalibus functionibus inseruit; animalis, quando animalibus famulatur; naturalis vero, quando naturæ actionibus ministrat: quam Argenterii sententiam Iouberro quoque placuisse video. Sed

longum esset singula curiosius persequi. Annot. in cap. 1. lib. 1. de fac. nat.

Illud solum hoc loco explicandum restat, statuenda ne sit & quarta in nobis facultas, ab animali, vitali, & naturali prorsus distincta, cuius principium sint testes, è quibus in vniuersum corpus dimanet. Aristoteles quidem nullam facultatem testibus tribuisse videtur, sed eum dumtaxat vsum, ut vasorum semina- Lib. 1. de gener. ani. cap. 4. & lib. 5. cap. 8. lium complicationem conferuent, eorundemque tensionem efficiant non secus ac pondera quæ telis appēduntur: utpote qui pēsiles sint. Et inter medicos Herophilus (ut Galenus refert) ad seminis quidem generationem testes non multum conferre arbitratus est. Galenus tamen vim seminis prolifici generatricem testibus insitam esse verissime credidit, sumpto ab iis argumento quæ frequenti obseruatione sunt cognita. Videtur autē hæc vis ad vasa saltem spermatica influere, in quibus imperfectum, neque exquisitè concoctum gignitur semen, quemadmodum in venis mesaraicis imperfectus rudisque sanguis. Porro cum Galenus (ut supra dictum est) inter eas partes quæ facultatum principia sunt, testes perpetuo enumerarit; facultatem aliquam ex testibus in vniuersum corpus diffundi necesse est. Hanc putant aliqui facultatem esse generatricem; Lib. 1. de femi. cap. 15.

**D** falso tamen, cum hæc soli semini insit. Quod si qua vis generatrix in partibus corporis reperiatur, ea profecto ex testibus non influit, sed ex paterno semine relicta est, ex quo partes ipsæ generationem obtinuerunt. Alii hanc facultatem proprio nomine carere dicunt; eam tamen esse quæ in maribus masculini ac robusti habitus; in foeminis vero foeminei ac imbecilli est causa: quæ videtur etiā fuisse Galeni sententia. Influit itaq. ex testibus facultas, nō secus ac ex cerebro, Lib. 1. de femi. cap. 16. corde, & iecore; influit, inquam, alteratio totius substantiæ ex testibus in vniuersū corpus; cuius quanta sit vis, insignis ea, & admiratione digna quæ testibus exsecutis vniuerso corpori contingit mutatio, aperte declarat. Refrigerantur enim toto corporis habitu, & depiles non tantum mento, sed vniuersa etiam cute redduntur qui testes amiserunt; ipsisque non secus ac senibus totius corporis robur euanescit; neque amplius venæ sunt ipsis latæ, neque arteriæ ve-



heméter pulsantes. Vox præterea ipsis exilis efficitur, coloris flos perit, nullusque veneris stimulis infestantur: quæ sane dilucide monstrant, testes in animalibus & caliditatem, & robur vniuerso corpori impertiri. A

Lib. 2. contro.  
cap. 17.

Lib. 1. de semi.  
cap. 5.

Lib. 14. de vfu  
part. cap. 3.

Ceterum quæuis ex testibus facultatem influere concedamus, nullum tamē in ipsis spiritum gigni credimus. Nam quod Vallesius scribit, spiritū quendam naturalem ex vitali in testibus generari, qui & viuat, & generandi vim insitam habeat, fictitium videtur. Solum namque semen generāt testes, quod quia plurimum habet substantiæ igneæ & aëreæ, & vitalem spiritum plurimum in se continet, maxime spirituosum apparet. Quoniam vero spiritus iste semini insitus, instrumentum est facultatis formatricis, propterea merito Galenus motus principium in prima animalis formatione ipsum esse dixit; humorem autem (id est humidam seminis substantiam) generationis potius materiam.

Quæ cum ita sint, liceat nobis posthac, non tres, sed quattuor facultates constituere, quæ ex suis principiis, iecore, corde, cerebro, & testibus, in vniuersum corpus diffundantur. Nihilominus tamen vere quoque dictum est, tres esse facultates quæ animalium vitam gubernant, animalem, vitalem, & naturalem; quoniam quæ à testibus influit ad vitam necessaria non est, sed ad generis potius propagationem. Quo nomine testes cordi, visceri nobilissimo, præstare videntur; cum cor viuendi tantum, testes vero bene viuendi sint principium. Quanto autem bene viuere melius est quam solum viuere; tãto testes corde sunt in animalibus præstantiores. B

Hæc de facultatum nostrum corpus gubernantium numero, essentia, sedibus, influxu, actionibusque in vniuersum præfati, ad peculiarem de facultatibus naturalibus disputationem hoc opere institutam, cum Galeno iam aggrediamur.







# CLAVDII GALENI


## PERGAMENI DE FACULTA- TIBVS NATVRALIBVS

### LIBER PRIMVS.

THOMA LINACRO ANGLO

INTERPRETE.

### CAPVT. I.

**A**  *VM & sensus, & voluntarius motus, propria animalium sint, au-  
ctio & nutritio plantis etiam communia; fuerint non immerito  
priora duo animæ; posteriora naturæ ipsius opera.*

Quo facilius explicet huius operis institutum, statim initio docet Galenus, quot sint in vniuersum actionum genera, vt hinc quoque intelligantur facultatum differentia. Actionum omnium duo genera statuit, alterum quidem actionum animæ, qualis est sensus, & motus voluntarius; alterum vero actionum naturæ, qualis est auctio, & nutritio. Inter actiones animæ non meminit imaginationis, ratiocinationis, & memoriæ, quæ actiones principes sunt; quoniam satis ipsi fuit, vnius aut alterius actionis exemplo vti. Vtus est autem exemplo potius sensus & motus, quam actionum principum, quoniam hæ obscuræ magis sunt & occultæ, illæ vero multo euidentiores. Quod sane præstat veterum philosophorum exemplo, qui ex motu & sensu animæ essentiam potissimum explicarunt; animatum enim (vt inquit Aristoteles) sensu & motu videtur maxime ab inanimato differre. Siquidem qui animam dixerunt esse id quod maxime primoque mouet, (vt Democritus, Leucippus, Anaxagoras, & Pythagorici) ipsius essentiam explicarunt ex motu. Neq. ab horum sententia recessit Thales, qui magnetem animatum esse asseruit, quia mouet, trahitq. ferrum. Empedocles tamen & Plato cum animæ cognitionem potius expenderent, ex sensu potius quam ex motu animam definierunt. Qui vero animam numerum esse se ipsum mouentem dixerunt, & sensus & motus videntur rationem habuisse. Porro quod sensus & voluntarius motus actiones animæ sint, ex eo nunc confirmat Galenus, quod actiones sint animalium propria: quamuis de utroq. merito dubitari possit. Plato namque plantis etiam communem voluit esse sensum; cuius sententiam probat itidē Galenus, qui eiusmodi sensum plantis insitū, interpretatur esse sensum rei familiaris & alienæ; cuius beneficio cognoscunt plātæ, quid sibi familiare, alienūve sit, vt hoc respuāt, illud vero amplectantur. Eiusdem sensus ope dolorem & voluptatem, aut saltem pathemata quæ his proportionē respondeant, in

Lib. 1. de ani.  
cap. 2.

In Timæo.  
Lib. de subst.  
fac. nat.



plantis fieri, concedit; & plantas, quod sensu præditæ sint, animalia à Platone A merito vocari censet. Negant tamen pleriq. sensum rei familiaris & alienæ plantis inesse, cum citra alicuius sensus opẽ quod ipsis familiare est, trahi, quod alienum, expelli possit; hoc quidem præstante facultate expultrice, illud vero attrahente. Addunt præterea, solam linguã in animalibus ex Galeni sententiã rei familiaris & alienæ sensu præditam esse, ob exquisitissimum quo pollet sensum, quem per duo insignia neruorum paria (tertium & septimũ) accipit ex cerebro: oportuisse vero hunc eundem rei familiaris & alienæ sensum omnibus corporis partibus inesse, si modo plantis sit cõmunis, vt Plato & Galenus voluerunt. Hos autem grauissimos auctores sensus nomine abusos, facultatum naturalium præstantiam, summumq. in agendo artificium indicasse, atq. hoc nomine excusari posse affirmant. Ceterum hæc meo iudicio minime cum iis cõsentiunt quæ a Galeno scribuntur, commendat enim maxime Platonem, quod præter vulgatam philo- B sopherum opinionem, sensum plantis tribuerit. Et quid quæso obstat, quo minus & plantis, & omnibus animalium particulis rei familiaris & alienæ sensus cõgenitus esse possit? An illud fortasse, quod sola in animalibus lingua eiusmodi sensu dicatur esse prædita. Atqui is linguæ sensus, gustus est, proindeq. animæ actio; cuius beneficio rerum similitudinem ac dissimilitudinem ex saporibus lingua dignoscit, ne forte rebus noxiis ac venenatis animalia vescerentur. At sensus quem plantis omnibusq. partibus cum Platone & Galeno tribuimus, sensus quidam est viuientibus omnibus congenitus, cuius ope quid sibi familiare, alienumve sit, naturæ instinctu discernunt. Cur igitur, inquires, sensum dixit hoc loco esse animalium proprium? Duplex potest esse responsio. In primis namq. absurdum censeri non debet, si sensum hîc animalibus proprium, alibi vero plantis etiam communem esse dixerit. Siquidem hæc docendi ratio veteribus phi- C losophis olim maxime familiaris fuit, vt diuersa interdum de eodem argumento traderent, habita ratione lectorum, vel auditorum. Quo pacto cũ plerisq. in locis sola animalia animata esse docuisset Plato; in Timæo tamen (in quo naturalẽ contemplationem paucissimis, iisdemq; doctissimis auditoribus tradebat) non dubitauit à vulgari philosophorum opinione recedens, lapidibus, testis, & omnibus quæ in mundo sunt corporibus, animam etiam impertiri: sentiens scilicet, mundi animam, quam ante ipsum Timæus introduxerat, per omnia corpora extensam esse. Quod sane dogma cum ex Timæi libro de anima mundi (qui nunc etiam exstat) desumpsisset, & alia pleraq. ad rerum naturam pertinentiã ab eodem didicisset, non Socrati (vt in aliis) sed Timæo potius primum locũ concedit in dialogo de natura, quasi primum eorum dogmatum auctorem, Timæũ agnoscat. Sed neq. Aristoteles, neq. alii philosophi ab hoc docendi genere ab D horruerunt, qui quæ communia omnibus futura sperabant, in exotericis; quæ vero paucis selectisq. auditoribus volebant esse cognita, in acroamaticis docere consueuerunt. Si ergo Platoni & Aristoteli de eadem re non semper eadem scribere licuit, idem nostro Galeno quidni licebit? Adde, quod sensus ille quem plantis tribuit cum Platone, diuersi generis ab eo est, quem hîc animalium proprium statuit; is namq. actio animæ est, veluti visus, auditus, olfactus, gustus, & tactus; ille vero viuientibus omnibus est congenitus. Merito autem dicitur sensus animalium proprius, quia soli animali conuenit, & omni. Quamuis enim animalia quædam aliquibus sensibus careant, omnibus tamen communis est tactus, qui propriam animalis essentiam constituit; cum animal sit substantia corporea, animata, sentiens. De motu quoque non minus dubitari potest, sitne animalium proprius, quemadmodum & sensus. Nam li- cõt vo-



- A cet voluntarium motum ( de quo nunc agimus ) solis animalibus conuenire constet, non tamen certum est, an omnibus conueniat. Præbent vero dubitandi occasionem animalcula quædam, quæ scopulis affixa viuunt plantarum ritu, Zoophyta proinde appellata; quæ quidem voluntario motu destituta esse creduntur, præsertim cum musculis careant, propriis motus instrumentis. Quod si aliquando expandi conspiciantur, veluti cum alimento fruuntur, & rursus in se ipsa contrahi, cum rem noxiam (veluti piscatorum manus) fugiunt; eiusmodi motum naturalem esse aiunt, non voluntarium: qualis in ventriculo, vtero, ceterisq. naturæ instrumentis reperiri solet. Mihi tamen probabilius videtur ( vt etiam quod est Fernelio ) motum illum esse voluntarium, imperfectissimum tamen, quemadmodum & Zoophyta ipsa sunt in animalium genere imperfectissima. Quippe licet musculis carere videantur, partes tamē habent proportionem Lib. 5. de nat. par. med. cap. 2
- B & vsu ipsis respondentes; quemadmodum & partem habent, quæ sensum principium in ipsis sit, & proportionem ac vsu respondeat cerebro. Atq. id vult esse Galenus, cum lib. 11. de vsu part. scribat, motum etiam esse ex animalium substantia. Et Aristoteles lib. 3. de anima, vbi docet, in animalibus imperfectis, quibus sensus tactus tantummodo inest, principium motus esse imaginationem & cupiditatem, quæ in his animalibus indefinite reperiuntur, vt etiam indeterminate mouentur. Qui locus cur de Zoophytis intelligi non possit, non equidem video. Fateor tamen, eodem libro Aristotelem quibusdam animalibus motum negasse; sed de solo motu progressiuo locum intelligere oportet. Cum in voluntarius motus, non minus quam sensus, & soli, & omni animali conueniat, erit profecto vterq. animalium proprius: vnde recte colligitur, sensum & motum voluntarium esse animæ actiones. Nam si actiones sunt animalium propriæ, sunt principium, & quo animalia Cap. 18.
- C necessario ab aliquo principio quod sit animalibus propria est. Similiter quoq. prodistinguantur à plantis: at eiusmodi principium animalibus & plantis commune sunt, sunt necessarias communes, vt monstrat experientia. Si namque commune; tale autem principium ab eo principio quod animalibus & plantis commune est. Et quamuis plures sint naturæ actiones, solius auctoris & nutritionis meminit, quod videantur ceteris manifestiores. Cap. 9.

*Quod si quis plantis quoq. animam pertiat, atq. alteram ab altera separans, hanc naturalem, illam sentientem appellet; diuersa quidem quam nos minime dicit, dictione tamen utitur non erinde consueta. Nos vero claritatem, maximam esse dictionis virtutem persasi, atq. eam nulla perinde re atq. inusitatis nominibus viciari; prout vulgus hominum consuevit ita nominantes, animal quidem ab anima simul & natura gubernari dicimus; stirpes à sola natura; tum auctorem & nutritionem naturæ esse opera, animæ nequaquam.*

Falsum videri possit quod supra dictum est, auctorem scilicet & nutritionem esse actiones naturæ, non animæ. Nam cum actiones sint animalibus & plantis communes, plantis vero ex Platone, Aristotele, & ipsomet Galeno. sit quodque insita anima; erunt laud dubie non solum naturæ, sed animæ etiam actiones. Hæc itaq. obiectione dissoluit, dicēs, plantis quidem animam vere tribui posse, Z 4 dum



dummodo ipsam ab ea distinguamus, quæ est animalium propria. Quod sane ab Aristotele, aliisque philosophis factum esse observamus, qui plantarum animam, naturalem, vegetantem, aut altricem; eam vero quæ animalium est propria, sentientem appellarunt. Et merito quidem, quoniam hæc sensus & voluntarii motus principium est, illa vero auctoris & nutritionis. Hic tamen clarioris doctrinæ gratia, vulgatamque (ut ipse ait) loquendi consuetudinem sequutus, plantis animam denegat, ab anima naturam distinguens; amplexus nimirum Stoicorum dogma, qui eam quæ plantas dispensat, non animam; sed naturam appellandam censuerunt. Et quamvis naturam & animam spiritum quendam esse dicerent, spiritum tamen naturæ humidiorum & frigidiorum, animæ vero calidiorum & sicciorum statuerunt. Si igitur animam cum Peripateticis plantis tribuamus, auctio & nutritio animæ actiones vere dici possunt. Si vero cum Stoicis (ut fecit Galenus hoc loco) naturam ab anima distinguamus, verissime dictum est, auctorem & nutritionem esse naturæ actiones, non animæ. Verissime itidem nunc scribit, à duobus principiis gubernari animam, anima scilicet & natura; stirpes vero à sola natura. Hæ namque cum terra affixæ sunt, veluti copiosi nutrimenti promptuario, perpetuo fruuntur; neque sensu, neque motu indigent, sed solis facultatibus naturalibus contentæ viuunt, eorum beneficio familiare nutrimentum attrahunt, retinent, conponunt, & aliter, inutilliaque excrementa expellunt. Animalibus vero, ut potest, quæ terræ affixæ non sunt, non sola natura, verum etiam anima necessaria fuit, propter sensum & motum, quibus ad sui conservationem indigebat. Sensu quidem, ut nutrimenti defectum aliquando cognoscerent, quæ cognitio indigentia sensus dici potest, soliusque ventriculi, potissimumque ipsius orificii, est propria. Quippe cum ventris partes plantarum ritu ex venis à caua prognatis alimentum assidue hauriunt, es nutriantur, cauam rursus ex iecoris venis attrahere necesse est, hæcque ex iis quæ ad portas feruntur, atque has tandem ex ventriculo & intestinis. Cum vero nulla amplius supersit pars, ex qua ventriculus attrahere possit, quum est, ut partibus superioribus violenter trahentibus, ventriculi orificium pellatur. Ut igitur molestam hanc diuulsionem sentiret, indiguit sensu, eoque exquisitissimo, quem accipit ex cerebro per nervos sextæ coniugationis, ut dicitur, ante ventriculi orificio, cognoscerent animalia sibi nutrimentum deficere. Id præter sensum fuit quoque necessarius motus, ut cum primum alimenti defectum sentirent animalia, ad quaerenda nutrimenta mouerentur. Porro cum animalium vita tribus facultatibus dispensatur, naturali, vitali, & animali, triaque distincta harum facultatum principia, iecur, cor, & cerebrum; putarit non immerito quispiam, à tertio quodam principio (quod à natura & anima prorsus distinctum sit) animalia gubernari. Dicendum tamen, facultatem vitalem sub natura comprehendi, cum sit reuera naturalis, ipsiusque actio præcipua, nempe sanguinis arterialis & vitalis spiritus generatio, non minus sit ad nutriendas partes necessaria, quam eius facultatis actio quæ proprie naturalis dicitur. Quod indicat Galenus lib. 1. de mot. musculi. dicens, musculus propter nervos fieri instrumentum animale, propter venas autem & arterias naturale: quia motus qui à venis & arteriis procedunt, naturales sunt, & voluntatis expertes. Neque vero facultas ista vitalis, quod reuera naturalis sit, plantis inesse debuit; nam quanto perfectiora sunt animalia plantis, tanto maiori naturæ apparatu ad sui nutritionem indigent. Quo factum est, ut duplex ipsis nutrimentum natura præparauerit, & duplex nutrimenti principium

Lib. 6. de plac. cap. 3.

Lib. quod ani. mor. cap. 4.

Lib. 4. de usu par. cap. 7.

Cap. 1.



- A** cipium, iecur scilicet & cor. Siquidē venali sanguine solida & humida partium substantia refarcitur, sanguine vero arteriali & vitali spiritu instauratur priuatiua substantia spirituosā; quæ copiosa in animalibus est, cum plurimum habeāt calidi innati. At plantis, utpote quæ innati caloris minimum habent, nullū peculiare innati calidi nutrimentum necessarium fuit. Propterea Galenus lib. de foet. format. verissime dixit, foetum genito iecore viuere ut plantam, genito vero corde ut animal iam administrari. Quamuis locus ille difficultate nō careat, cum dixerit, genito corde viuere foetum ut hiatulas, buccinas, & ostreas; quæ tamen cum animalia sint imperfecta, corde videntur carere. Ex iis tamen quæ subiunxit, facile intelligitur, foetum genito corde, nullo adhuc, aut saltem minimo pulsu indigere; sibi namque soli in foetu ipso pulsatur cor, cum & arterialem sanguinem, & vitalem spiritum, per arterias vmbilicales ex matre foetus accipiat. Merito ergo dicetur foetus genito corde viuere ut animalia imperfecta,
- B** quia quemadmodum hæc aut nullo, aut minimo pulsu indigent, ita & foetus genito corde.

Cap. 3.

*Et in hoc quidem opere inquiremus, a quibus facultatibus auctio, nutritioque si quod aliud naturæ opus est, proueniant.*

Quamuis duplex sit actionum genus, naturæ, & animæ, de solis actionibus & facultatibus naturalibus hoc opere agere instituit, ut docet inscriptio. Et licet vitalis facultas reuera sit naturalis, ut antea diximus; potissimum tamen de his facultatibus, & actionibus agit, quæ vere ac proprie naturales dicuntur, quæque à vitalibus & animalibus sunt distinctæ, de quibus in præfatione multa diximus.

## CAP. II.

C



- E** R V M prius distinguamus, explicemusque oportet de qua re singula quibus in hoc opere utemur, nomina dicantur: fiet enim eo pacto, ut naturalium operum doctrina una cum ipsis nominum interpretationibus protinus tradatur. Ergo cum corpus aliquod ab iis sub quibus ante fuit, in nullo est immutatum, quiescere id dicimus; quod si in aliquo ab his recessit, secundum illud id moueri. Itaque cum multis modis corpus a statu in quo erat, recedat; multis etiam modis moueri dicetur. Nam si quis
- D** ex albo niger, aut ex nigro fiat albus, is mouetur in colore. Et si quid prius dulce postea fiat austereum, vel contra ex austero dulce; id quoque in sapore moueri dicitur. Ambo autem genera, tum hæc, tum vero quæ prius sunt dicta, in qualitate moueri dicuntur. Nec ea modo quæ in colore & sapore mutantur, moueri dicimus; sed etiam siquid ex calidiore fit frigidius, aut ex frigidiore calidius, id quoque moueri affirmamus. Non minus sane, et si quid ex sicco fiat humidum, aut ex humido siccum. Commune autem his omnibus nomen alteratio est, vnum id quoque motus genus. Alterum genus in corporibus his est, quæ situm mutant, atque ex alio loco in alium cedere dicuntur; huic generi latio nomen est. Atque hi quidem duo motus, simplices et primi sunt; auctio vero et diminutio, ex his

Z s compo-



compositi; illa, cum ex minore maius fit; hæc, cum ex maiore minus: propria scilicet utrobique, seruata forma. Alii ab his motus sunt generatio et corruptio; illa quidem ad substantiam productio; hæc illi contraria. Omnibus his motibus communis est prioris status immutatio, sicut e diuerso quietibus prioris status conseruatio.

Antequam aggrediatur disputationem de facultatibus naturalibus, explicat primum hoc capite notiones eorum nominum, quibus frequenter hoc opere utendum erat; ne postea cogatur de rebus ipsis iam disputans, ad nomina explicanda digredi. Hæc autem nomina sunt motus, opus, actio, & facultas. Notionem motus explicat primo loco, quia omnes fere actiones naturæ, motus quidam sunt. Et quoniam motus & quies contraria sunt, ut habitus & priuatio, simul quoque explicat notionem quietis. Cum autem rerum notiones (ut didicimus ex Aristotele) eadem sint apud omnes, etiam si propter linguarum diuersitatem variis nominibus exprimantur; ex communi loquendi consuetudine docet, quietem appellari prioris status conseruationem, motum vero prioris status immutationem. Id tamen de ea quæ sensu percipi possit mutatione intelligere oportet, nam si præ exiguitate sensum effugiat, quiescere potius quam moueri corpus dicetur; proindeque merito Galenus eos reprehendit, qui dogma *ἀκίνητος* introduxerant. Quod si motus prioris status est immutatio, quot modis corpus à priori statu mutari potest, totidem esse motus differentias necesse est. Diuersi autem mutationis modi ex diuersitate eorum ad quæ fieri potest mutatio, pendere videntur; ex quibus recte colligit Aristoteles quattuor species motus, ad substantiam, quantitatem, qualitatem, & locum: quamuis interdum sex statuerit, motum scilicet ad substantiam, & motum ad quantitatem, in suas species diuidens. Galenus tamen hoc loco idem prorsus sentiens cum Aristotele, motum diuidit in simplicem & compositum. Simplex motus duplex est, ad qualitatem, qui alteratio dicitur aut commutatio; & ad locum, qui latio appellatur. Rursus alteratio vel fit in primis qualitatibus, ut calore, frigore, humiditate, aut siccitate; vel in secundis, ut coloribus, odoribus, saporibus, & qualitatibus secundis tactibus. Sed præter has quæ in manifestis qualitatibus fiunt alterationes, aliæ quædam sunt, quas Galenus aliique medici totius substantiæ alterationes vocare solent, quod alterationes sint totius temperamentis; quales illæ sunt, quas à cerebro, corde, iecore, ac testibus influere diximus. Latio itidem multiplex videtur esse, cum sursum, deorsum; antrorsum, retrorsum; dextrorsum, sinistrorsum; & in orbem fieri possit. Ex his duobus simplicibus motibus, alteratione & latione, duo alii compositi nascuntur, motus scilicet ad substantiam, & ad quantitatem. Motus ad substantiam duplex est; generatio scilicet, quæ est nouæ substantiæ productio; & corruptio, quæ est prioris substantiæ amissio. Similiter & motus ad quantitatem est duplex, accretio & decretio; in hac corpus ex maiore fit minus; in illa vero contra ex minore maius. Quomodo autem hæc genera motuum a se inuicem distinguantur, ab Aristotele explicatum optime est. Dicuntur vero ortus & interitus, accretio & decretio, motus compositi, quia ex simplicibus motibus alterum, aut etiam utrumque adiunctum perpetuo habent. Nihil enim sine præcedente alteratione aut gigni, aut interire potest. Immo simularium partium generatio, alteratio quædam est; & partes organiciæ sine latione gigni nequeunt. Accretio præterea cum fiat in trinam dimensionem, lationem habet adiunctam, corpore scilicet

Lib. 1. de sanit.  
tu. cap. 5.

Lib. 3. Physic.  
cap. 1.

Lib. 1. de ort.  
& inter.



A licet quod augeatur, maiorem quam antea locum occupante. Sed & auctiorem plures alterationes præcedunt, vt concoctio, & nutritio, quæ totius substantiæ alterationes sunt. Porro vt decretio accretioni est cōtraria, ita & contrariæ mutationes ipsam comitantur. Nam & minorem locum occupat corpus quod decrescit, & vehementer patitur alterationem; quæ vel ætatis decursu fit, vt in extrema senectute; vel morbi cuiuspiam vi, vt marasmo, & febribus colliquantibus.

Porro quod cibi in sanguinem versi, ad visus, gustus, tactusq. iudicium demutentur, id quidem concedunt sophistæ; quod autem ita reuera sit, nō assentiuntur. Quippe sunt ex his, qui omnia id genus nostrorū sensuū, alias scilicet aliter affectorum, deceptiones esse, elusionesq. existiment; nec ipsam quæ subiicitur substantiam, quidquam ex iis quibus denominata est, admittere. Alii vero esse quidem in ipsa natura qualitates assentiuntur, ceterum immutabiles has esse inalterabilesq. in omne æuum; quæ autem alterationes in ea apparent, has secretionem ac concretionem accidere aiunt, inter quos est Anaxagoras. Ergo si ad hos refellendos digrediar, plus operæ in accessorio quam in proposito sumam. Etenim si ignorant quæ de ea alteratione quæ per totam fit substantiā, Aristoteli ac Chrysippo sunt prodita, hortandi sunt vt eorum scripta reuoluant; sin ea noscentes, sua sponte pro melioribus deteriora sequuntur, nostra planè friuola existimabunt. Quod autem Hippocrates, qui Aristotelem ætate præcessit, ita sicut Aristoteles cōsuevit, alibi nobis indicatum est. Primus enim is omnium tum medicorum, tum vero philosophorum, quorum utiq. fama ad nos peruenit, demonstrare tentauit, quattuor esse omnes quæ mutuo in se agerent qualitates; a quibus quæ genitum\* interitumq. agnoscunt, omnia gignantur, ac perimantur. Quin etiam misceri eas mutuo totas per totas, primus omnium (quorum fama ad nos percrebuit) Hippocrates nouit; principiaq. demonstrationum quas Aristoteles postea pertractauit, scripta apud eum priorem inuenias. Vtrum autem sicuti qualitates, ita etiam substantias ipsas, totas per totas misceri sit putandum, veluti postea Zeno Cittius asseruit; id quidem hoc libro disquirendum non puto cum solam alterationem quæ per totam fit substantiam, ad ea quæ nunc mihi sunt proposita, non ignorari postulem. Ne quis ossis, nerui, carnis, & reliquorum cuiusq. partes in pane contineri, veluti in quibusdam disseminatis in eo vasis, autumet; ac postea in corpore segregatas, singulas se ad sibi simile conferre genus. Quamquam certe videtur vniuersus panis ante segregationem fieri sanguis; cum si quis bono temporis spatio nullum alium cibum assumpserit, nihilo secius sanguinem in venis contentum habuerit. Atque hoc liquido eorum qui immutabilia elementa statuunt, opinionem refellit; æque nimirum vt oleum, quod in lucernæ flammā totū absumitur; & ligna quæ paullo post fiunt ignis. Verum disputare contra hos recusaueram, sed quia quod propositum est exemplum ad Medicinæ materiam spectat, quo etiam ad institutam disputationem est utendum, idcirco de eo hæcenus egi.



Lib. 1. de ele.  
cap. 2.

Lib. de ort. &  
inter.

Lib. de nat.  
hom. sent. 12.

Lib. de natu.  
hom. com. 2.

Reprehendit hîc obiter veteres quoddam philosophos (quos merito sophi- A  
stas vocat) qui alterationes omnes, tam eas quæ in manifestis qualitatibus sūt,  
quam eas quæ totius substantiæ sunt, prius negarunt. In manifestis quidē qua-  
litatibus alterationes negarunt, qui nullas reuera qualitates corporibus inesse,  
sed eas quæ apparent mutationes, nostrorum sensuum hallucinationes esse exi-  
stimarunt. Hos sentiunt Syluius & Iouertus fuisse Scepticos, nescio tamen an  
omnino recte. Quomodo enim nullas corporibus qualitates inesse affirmassent  
Sceptici, quibus nihil certi asserere, sed de rebus omnibus dubitare tantum li-  
cebat? Non ergo Scepticorum fuit hoc dogma, sed eorum potius qui atomos  
putarunt esse corporum elementa; quorum princeps fuit Democritus. Is nam-  
que atomos omnis qualitatis expertes statuebat, sensileſque concretorum cor-  
porum qualitates ex indiuiduorum illorum corpusculorum cōuentu, per solum  
ad nos qui sentimus collationem, gigni asseribat. Nihil itaque natura calidum, B  
aut frigidum; album, aut nigrum; dulce, aut amarum esse affirmabat; sed tantum  
*νόμῳ*, id est lege, ex nostra scilicet existimatione. Totius vero substantiæ altera-  
tiones illi potissimum è medio sustulerūt, qui minimas rerum particulas corpo-  
rum elementa statuerunt, quorum princeps fuit Anaxagoras. Quamuis enim hi  
qualitates concesserint, eas tamen inalterabiles, prorsusque immutabiles esse  
opinati sunt; & quas totius substantiæ alterationes nos dicimus, partium po-  
tius quæ antea latebant, segregationes esse voluerunt. Falsas horum philoso-  
phorum opiniones refellere non instituit in præsentia; tum quia nimis longum  
esset singula persequi; cum potissimum quia quæ pertinent ad totius substantiæ  
alterationes, & recte à Chrylippo tradita, & ab Aristotele optime sunt demon-  
strata. Sumpsit autem Aristoteles suarum demonstrationum principia à nostro  
Hippocrate, qui philosophorum omnium ac medicorum primus, primas quat- C  
tuor qualitates (à quibus ipse prima elementa vocauit calidum, frigidum, humi-  
dum, & siccum) in se mutuo agere, & à se inuicem pati, & per se totas misceri,  
vel potius temperari demonstrauit. Immo & ipse omnium primus, nomine  
*ἡγεμῶν*, vel (vt ipse Ionice dixit) *ἡγεμόν*, id est temperamenti, est vsus; quia &  
omnium primus prima elementa per se tota *ἡγεμονεύει*, id est temperari docuit.  
Quæ sane Hippocratis dogmata Peripatetici omnes simul & Stoici amplexi  
sunt, in eo tantum inter se dissidentes, quod Peripatetici solas elementorū qua-  
litates, Stoici vero præter qualitates, substantias etiam elementorum per se to-  
tas temperari crediderint. Quid autem sit de hac re sentiendum, alibi à nobis  
explicatum iam est. Quoniam vero sententia Anaxagoræ de similiarum parti-  
cularum segregatione, huic disputationi de facultatibus & actionibus naturæ  
omnino aduerſatur; non potuit se continere Galenus, quin aliquid in eum di- D  
ceret. Probat ergo ex iis quæ experientia sunt cognita, neque in pane, neque  
in oleo, neque in ligno, rerum omnium particulas delitescere, posteaq. segre-  
gari. Si quis enim solo pane per dies aliquot vescatur, satis multum sanguinem  
in vasis colliget; quod tamen fieri non potuisset, si sanguinis, carnis, nerui, ossis,  
& ceterarum rerum particulae continerentur in pane. Præterea & totum oleum  
in lucernæ flammam absumi, & totum fere lignum in ignem conuerti experi-  
mur; ergo neque in ligno, neque in oleo contineri possunt rerum omnium par-  
ticulae.

Ergo missa sicut promisi contra istos disputatione, iis qui ea discere expetunt  
quæ veteres tradiderunt, (idque ex iis quæ nos de illis seorsum meditati sumus)

omnem



**A** omnem deinceps sermonē faciemus; scilicet ea quæ ab initio proposuimus, quot, & quæ naturæ sint facultates; tum quod opus edere singulæ earum sint natæ, inquirentes. Porro opus appello quod iam factum atque completum per earum actionem est; velut sanguinem, carnem, neruum. Actionem vero, ipsum actiuum motum. Causam vero à qua hæc procedit, facultatem. Nam quoniam ubi cibus sanguis fit, passiuus quidem cibi, actiuus vero ipsius venæ fit motus; itidem in transferendis artubus, mouet quidem musculus, mouentur autem ossa; venarum & musculorum motum, actionem nomino; cibi vero & ossium, symptoma [ siue accessorium ] ac passionem; illi enim alterantur; hæc feruntur. Et actionē quidem licet opus quoddam naturæ appelles, cū concoctionem, digestionem, & [ si ita loqui liceat ] sanguificationem. Non tamen contra licet opus actionem omnino vocas, siquidem caro naturæ opus est, non tamen est actio. Patetq. alterum eorum nominum bifariam dici, alterum non item.

**B** Ad institutum reuersus, reliquorum trium nominum, operis scilicet, actionis, & facultatis notiones explicat. Opus inquit appellari quod factum iam est, & completum per actionem. Veluti sanguis iecoris opus est, cum ex propria ipsius actione relinquatur; & caro, neruus, & quæuis alia corpori pars, opus naturæ dicitur, quia facultatis generatricis actione gignitur. Actio autem vocatur motus actiuus, quem aliquando ait esse eū qui ex se proficiscitur; aliquando vero vocat efficientis motum. Quare passiuus motus, quem pathos, siue pathema appellat, vel erit motus rei quæ afficitur, vel qui ex alio in aliud proficiscitur. Videnturque actio & passio ratione potius quam re ipsa distingui, nam quæ à re incidente in re incisa incisio fit; incidentis quidē actio, incisæ vero passio est, siue affectio. In idem fere recidit quod alibi docuit de vtroque motu, actiuum vocans qui a se editur, passiuum vero, qui ab alio quopiam extrinsecus posito excitatur. Fateor tamen (quod & annotatum est à Galeno) aliter interdū usurpari actionis & passionis nomen; ita vt actio dicatur, non omnis motus qui à se editur, sed ille tantum qui secundum naturam est; & passio quoque vocetur, nō tantum motus ille qui fit ab alio in aliud, sed etiam motus qui à se editur, dummodo præter naturam sit: quamuis toto hoc opere in priori significatione proprie usurpetur. Porro quod de actiuo passiuoque motu dixerat, confirmat duobus exemplis. In primis enim quando cibus in sanguinem mutatur, ipsius quidē cibi motus passiuus est, quia aliunde prouenit, nempe à venæ; venæ autem motus actiuus est, quoniam editur à se ipsa. Illud est in hoc exemplo difficile, quod venis tribuerit facultatem gignendi sanguinem, quæ tamen potius iecoris carni insita esse creditur. Quid tamen de hac re sentiendum sit, libro sequenti explicabimus. Præterea quando artus transferuntur, musculorum quidē motus actiuus est, quia à nulla alia parte mouentur, etiamsi ad eiusmodi motum facultate aliunde influente indigeant; at ossium motus (vt inquit Galenus) symptoma est, & pathema, quoniam ossa à musculis trahuntur. Et quoniam de nominibus agimus, non abs re fuerit nouam symptomatis significationem, quæ ex hoc loco aperte colligitur, obseruare. Docuit namque alibi, symptoma generatim quiddam id omne significare quod nobis præter naturam accidere potest; speciatim vero, id quod sequitur morbum. At neutra significatio huic loco accommodari potest

Lib. 6. de Hip.  
& Plato. de cr.  
cap. 1.  
Lib. de differ.  
sympt. cap. 1.


Lib. 1. metho.  
med. cap. 6.  
Lib. 6. de Hip.  
& Plato. de cr.  
cap. 1.

Lib. de differ.  
symp. cap. 1.



potest, cum ciborum alteratio, & ossium motus, neque præter naturam fiant, A  
neque morbum sequantur. Dicendum igitur necessario, symptoma hoc loco  
idem significare quod accidens, siue illud secundum naturam corpori accidat,  
siue præter naturam. Quamuis enim si proprie loquendum sit, quod in corpori-  
bus sanis naturalē constitutionē sequitur, συμβεβηκός Græcis, Latinis accidens  
dicatur; quod autem affectum præter naturam sequitur in ægris, vocetur sym-  
ptoma, ut colligitur ex Galeno; interdum tamē symptomatis nomine compre-  
henditur, quidquid corporis affectum sequitur, siue præter naturam sit, siue etiā  
secundum naturam. Quam symptomatis significationem, & lib. de differ. sympt.  
subobscurè innuere videtur, nam posteaquam docuit, symptoma proprie id esse  
quod sequitur morbum, hæc subiungit. Atqui licebit ea tibi pro arbitrio muta-  
re, modo obserues quod dictum est, ut res ipsæ permaneant. Ut exempli causa  
si nolueris vocare symptoma, sed epigenima; ut symptoma sit omne id quod a-  
nimanti utcumque acciderit; epigenima vero, non omne, sed id dūtaxat quod B  
morbos sequitur. Eandem significauit in arti. medic. cum temperati cor-  
poris signa ex duobus capitibus desumi scribit; ex iis scilicet quæ secundum es-  
sentiæ rationem insunt; & ex iis quæ ex necessitate cōsequuntur operationibus,  
& symptomatibus, quæ proprie accidentia vocantur. Explicat tandem notio-  
nem facultatis, dicens, facultatem appellari causam à qua procedit actio; de  
qua causa sequenti capite agemus. Et quamuis is sit horum nominum vsus, ob-  
seruat tamen, nomen operis latius interdum patere, ita ut non solum quod ex  
actione relinquitur, verum etiam actionem ipsam significet. Quo pacto sensum  
& voluntarium motum, animæ opera; actionem vero & nutritionem, opera es-  
se naturæ superiori capite dixerat. Quamobrem actiones omnes dici possunt  
opera, non tamen contra; nam quæ ex actionibus relinquuntur opera, (ut lan- C  
guis & caro) actiones dici nequaquam possunt.

## CAP. III.



*C* mihi quidem tam vena, quam reliquarum particularum singu-  
larē, ob certam quandam temperiem quam ex quattuor qualitati-  
bus sunt nata, hoc vel illo modo agere videntur.

Explicata facultatis notione, ipsius essentiam inquirens, duo docet hoc capi-  
te. Docet primum singulas corporis partes ob certam quattuor qualitātū tem-  
periem suas actiones exercere. Vnde constat, temperamentum non solum na-  
turalium (ut quidam sentiunt) sed omnium in vniuersum actionum causam es-  
se. Proptereaque merito & alibi dixit, propriam cuiusque particulæ actionem  
ab aliarum actionibus tantum differre, quantum ipsa particula ab aliis differt;  
differre vero proprii temperamenti ratione. Quo fit, ut tam diu partium actio-  
nes incolumes permaneant, quam diu illæ permanserit propria earundē tem-  
peries; & tunc primum partium actiones lædantur, cum primum intemperie la-  
borauerint: hæc namque cuiuscumque imbecillitatis est causa, ut Galenus te-  
stat. Quomodo vero actionum omnium causa statuatur temperamentū, cum  
formæ potius substantiali actiones omnes acceptæ referri debeant; alibi à no-  
bis explicatum iam est: quemadmodum etiam illud quod ex hoc Galeni loco  
necessario colligitur, actiones scilicet totius substantiæ à temperamento qua-  
litatum

Lib. 1. metho.  
med. cap. 9.

Cap. 1.

Cap. 1.

Lib. 7. metho.  
med. cap. 3.

Lib. de differ.  
mor. cap. 5.

Lib. de nat. hō.  
com. 2. & lib. 1.  
de temp. cap. 1.



A Jitatum proficisci, non autem à fictitio temperamento substantiarum.

Sunt tamen non pauci viri non incelebres, nec Philosophi modo, sed etiam Medici, qui calido et frigida actionem tribuunt, siccum et humidum pro patientibus his subiciunt. Ac primus quidem Aristoteles particulariū omnium causas referre ad hæc principia est aggressus; sequutaque eum postmodum schola Stoicorum est. Quamquam his quidem, utpote qui elementorum ipsorum mutuā mutationem ad fusionem et densationem referant; consentaneum erat, calidum et frigidum actiua principia statuere; Aristoteli non item, sed cū quattuor qualitatibus ad elementorum generationem sit usus, satius erat omnes particulares causas in has reducere. Cur igitur in libris de generatione et corruptione quattuor utitur, in meteorologicis, et problematis, et aliubi tantum duabus? Nam si quis in animalibus et stirpibus calidum et frigidum magis agere, siccum vero et humidum pati dixerit; fortasse etiam Hippocratem subscriptorem habuerit. Sin pari modo in omnibus, non arbitror id concedet non modo Hippocrates, sed nec Aristoteles: modo eorum quæ in libris de generatione et corruptione, non simpliciter ac nude, sed cum demonstratione nos docuit, meminisse velit. Verum de his in opere de temperamentis, quantum medicis sit ex usu, disquisuimus.

Quod quattuor qualitatū temperies causa sit actionum, falsum fortasse videri possit; cum ab omnibus philosophis pariter ac medicis concessum sit, ex qualitatibus primis duas esse agentes, calidum scilicet & frigidum; duas verò patientes, nempe siccum & humidum. Pendet huius obiectionis solutio ex illius questionis explicatione, sintne agentes quattuor primæ qualitates, an aliæ potius agentes sint, aliæ patientes. Videtur autē Aristoteles contraria de hac re scripsisse, nam l. b. 4. meteor. calidum & frigidum agere, humidum vero & siccum pati, non simpliciter ac nude pronunciauit, sed inductione, & ex rerum ipsarum natura optime confirmauit. Eandem sententiam (utpote quæ suis dogmatis maxime sit consentanea) amplexi sunt Stoici; qui sane cum mutuam elementorum in se inuicem transmutationem ad fusionem densationemque retulerint, calidum & frigidum agentia principia merito statuerunt, quod fusio à calido, densatio veto à frigido fiat. At idē Aristoteles lib. de ort. & inter. quattuor primas qualitates agentes simul & patientes constituit, cum elementorum mistorumque omnium ortum & interitum ad ipsas referat. Galenus hoc loco vtrumque ab Aristotele vere dictum fuisse docet, omnes enim qualitates primæ, tam in simplicibus corporibus, quam in compositis, simul agunt & patiuntur. Quippe cum aer mutatur in ignem, necessario concedendum est, siccitatem ignis in aeris humiditate agere. Neque negari potest, quin in prima animalis formatione siccitas ignea excedentem principiorū nostræ generationis humiditatem absumat. Quod autem calidum & frigidum agentes, humidum vero & siccum patientes qualitates ab Aristotele dicantur, id interpretatur Galenus in solis viventibus intelligendum esse. Quamuis enim in his, ut in reliquis etiam multis, primæ quattuor qualitates in se mutuo agant, & à se inuicem patiantur, omnesque naturæ actiones quarum beneficio viuunt, quattuor qualitatū temperamento debeantur; nihilominus tamen calidum & frigidum dicuntur agere, quia

Cap. 1. & 4.



Lib. 4. meteo.  
cap. 2.

re, quia calidum innatum præcipuum est & idoneum naturæ instrumentum ad suas actiones exercendas. At calidum innatum simplex calidum non est, sed frigido potius temperatum; quo nomine frigidum licet per se nullius actionis naturæ idoneum sit instrumentum, in viuentibus agere dicitur. In iisdem vero siccum & humidum dicuntur pati, quia dum generatio & concoctio ab innato calido perficiuntur, siccum miscetur humido: quo fit, ut quæ concoquuntur, & crassiora & calidiora euadant, quemadmodum recte ab Aristotele est proditum.

*Ceterum potentia ea facultasve in venis, quam sanguificam appellant, atque etiam alia quævis facultas, in relatione ad aliquid intelligitur; primum enim actionis ipsius potentia est causa; deinde etiam operis ex accidenti quodam. At vero si causa ad aliquid est, (est enim vnius eius quod ab ea fit, reliquorum nullius) planum est, potentiam quoque in relatione ad aliquid dici.*

Lib. de differ.  
sympt. cap. 1.

Ad explicandam facultatis essentiam reuersus, docet secundo, facultatem in relatione ad aliquid semper intelligi. Nam causa ad aliquid dicitur, at facultas (ut superiori capite dictum est) causa est actionis, ergo & facultas ad aliquid dicitur. Dicitur autem facultas & ad actionem, & ad opus, quoniam vtriusque est causa; actionis quidem primo, operis vero ex accidenti. Cumq. Ex accidenti ex aduerso opponat ei quod est Primo; certum est Ex accidenti idem significare quod secundario, vel alio medio, ut ipsemet Galenus alibi interpretatur. Ad actionem itaque primo dicitur facultas, quia per se, & nullo alio medio actionis est causa; ad opus vero dicitur ex accidenti, quoniam secundario, aut alio medio (media scilicet actione) causa est operis: cum opus dicatur quod ex actione relinquitur. Colligunt plerique ex iis quæ de facultatis essentia hætenus dicta sunt, facultatem reipsa non distingui à temperamento. Nam si facultas dicitur causa actionis, & vnaquæque corporis pars ob certam quædam quattuor qualitatum temperiem suam actionem exercet, facultatem sane & temperamentum vnā eandemque rem esse necesse est. Id quod significauit etiam Galenus lib. 1. de simp. med. fac. calidum, frigidum, siccum, & humidum, effectricum facultatum essentias esse scribens, tum in aliis omnibus, tum in medicamentis. Et lib. 1. de præfag. ex pul. Facultatis, inquit, singularum partium essentia in singularum illarum commodo temperamento posita est; nam tum demum suum quæque munus obit strenue, ubi sit temperatissima; contra male fungitur, si intemperata sit; atque hætenus male, quatenus sit intemperata. Sola autem ratione facultatem à temperamento distinguunt, quod scilicet temperamentum res absoluta sit, facultas vero ad aliquid dicatur. Vnde colligunt, facultatem aliud esse nihil quam temperamentum, quatenus ad actionem refertur. Quorum sententiæ videtur quoque fauere Galenus lib. Quod animi mores, ubi philosophos quosdam reprehendens, ad hunc modum scribit. Perinde enim mihi potestates isti in aliquo inesse putare videntur, atque res aliqua substantiam inhabitans, sicut & nos edes incolimus; singulorum autem quæ fiant, effectricem quandam esse, quæ ad aliquid referri intelligatur, ignorat. Huic vero causæ, tamquam alicui certæ rei, priuatim atque per se appellatio quædam indita est; in quadam autem à seipsa ad genitum relatione geniti potestas consistit. Quocirca & tot potestatibus substantiam, quot actionibus præditam esse dicimus. Hæc Galenus. Ceterum rerum naturas meo iudicio confundunt, qui facultatem cum temperamento confundunt.

Cap. 1.

Cap. 4.

Cap. 2.

Cum



- A** Cum enim facultas simplex qualitas sit, tēperamentū vero qualitas cōposita; ac rursus facultas in categoria qualitatis, tēperamentū vero in nulla categoria cōtineatur; quomodo facultas idem cū temperamento esse possit, non videtur. At primæ qualitates effectū cum qualitatū essentia merito dicuntur, quia facultates ex qualitatū temperie, seu fonte quodam, manāt, etiam si ab ipsa distinguantur. Libro vero Quod ani. mor. philosophos eos reprehendit, qui facultates sic in re aliqua inesse putarunt, ut nos ædes incolimus; nō quod facultates re ipsa distinctas esse voluerint, ut nos à domo distinguimur; sed potius quod facultates putarint ab eis quorum sunt facultates, separabiles esse, quemadmodū nos a domo. Multo adhuc absurdior est de essentia facultatis Argenterii sententia, qui nullas in rebus facultates videtur admittere, quæ diversarum actionū sint causæ; sed solam vniuscuiusque rei formam actionum causam statuit, eamque varias actiones edere ob variam dumtaxat instrumentorū cōditionē; proinde q.
- B** facultates nihil aliud esse asserit, quā illas instrumentorū aptitudines. Atqui si ob diuersam tantū instrumentorū conditionem diuersæ actiones eduntur à forma, quomodo forma ossis, carnis, & reliquarū partiū similariū varias actiones exercet? Quenā sunt in osse, aliis ve partibus similaribus varia instrumenta, quorum beneficio attractio, retentio, concoctio, expulsio, & nutritio fiant? Dicit fortasse, diuersas qualitates diuersarum actionum instrumenta esse posse, ut calorem attractionis, & retentionis siccitatem. Laudo (si ita responder) hominis ingenium. Sed cum frigiditas nullius actionis instrumentum esse possit, a tribus reliquis qualitatibus tres dumtaxat actiones prouenire necesse erit. Quod si qualitas vna plurium actionum instrumentum esse potest (ut calor attractionis, concoctionis, & nutritionis) diuersæ profecto actiones nō semper fient ob diuersitatem instrumentorū. Quin & in simplicibus medicamentis quæ plures actiones edere sunt nata, id ipsum liquido apparet, veluti in aloē, quæ bilē purgat, stomachū roborat, cruenta vulnera glutinat, plana ad cicatricē perducit, & palpebrarū humiditates resiccat. Omnium optime facultatis essentia inter recentiores explicauit Fernelius, qui licet rhetorice magis quā physice de hac re interdum disserat, & Galeni de hac re sententia non satis apte aliquando interpretetur; tandem tamen verissime sentit, facultatē esse proprietatē, id est propriā intimamque qualitatem causæ efficientis. Ita ut quod ars parata est artificii, id naturæ sit facultas ac vis; nisi quod hæc ingenita est, illa vñ & exercitatione cōparatur. Neque vero aliud de facultatis essentia, etiam si plerumque de ea dubitare sit visus, sensit vnquam Galenus. Scribit namque interdum, facultatem esse proprietatem quādam temperamenti, interdum vero eiusdem qualitatem. Porro per temperamenti proprietatem nihil aliud intelligere oportet, quam propriam intimamque qualitatem, quæ temperamenti est soboles, quam etiam vocat temperamenti qualitatem, etiam si alias qualitatem in temperamento excedentem hoc nomine intelligat. Perspicuum autem est, facultatem vnā esse ex quattuor illis formis, ex quibus constituta est categoria qualitatis, & ab Aristotele, aliisque philosophis naturalem vim appellari. Hinc intelliges eos toto errare cœlo, qui temere contendunt, Galenū interdum voluisse facultatem esse relationem, quam habet causa efficiens ad hunc, illumve effectum; interdū vero rem ipsam potius, quæ præcipua est actionū causa, qualis est forma, aut temperamentum: vtrumque enim falso adscribunt Galeno. Dixit quidē & hic, & alibi, facultatē ad aliquid dici, ad actionē scilicet & opus; relationē tamen esse nulli dixit. Immo si facultas ad aliquid dicitur, relatio esse nō potest, neque enim

Com. in art. med. pag. 177.

Lib. 3. de nat. per. m. d. cap. 2  
Lib. 2. de abd. rer. cau. cap. 5.

Lib. de plenit. cap. 3.  
Lib. 2. de præf. ex pul. cap. 8.

Argenterius, com. in art. me. di. pag. 176. & Peramatus, lib. de an. fac. c. 1.



idē sunt relatio & id quod refertur. Dixit itidē sapiissime, facultatē esse causam actionū; facultatē tamen, formā aut tēperamentū esse nullibi asseruit. Cur ergo, A  
dicet quāpiam, si facultas à temperamento distinguitur, & facultatem, & quatuor qualitatum tēperiem, actionum causam antea statuit? Pendet sane huius rei explicatio ex sequenti oratione, quæ ad hunc modum habet.

*Ac quod agentis causæ substantiam ignoramus, facultatem eam, siue potentiam appellamus; in venis quidem potentiam quandam sanguinis fabricicē dicentes; similiter & in ventriculo concoctricem; in corde pulsificam; ac in singulis reliquarum particularum, propriam quandam eius quam edunt actionis.*

Is locus explicat superiorem dubitationē, cur scilicet facultas dicatur actionū causa, cum vnaquæq. corporis pars hoc, vel illo modo agat ob certā quandā temperiē, quā ex quattuor qualitatibus est nacta. Inquit ergo, facultatē siue potentiam, actionū causam appellari, quia agētis causæ substantiā ignoramus. Vnde constat, facultatē (si vere loquēdū sit) non esse causam actionū effectricē, B  
agit namq. quod facultatibus ad agendū est præditum; cuius substantia cū plerūq. ignoretur, cogimur, facultatē ipsam actionū causā statuere. Sic igitur actiones animæ, vt imaginatio, ratio cinatio, memoria, licet ab anima ipsa, tāquam principio ac causa proficiantur; ab eiusdē tamen animæ facultatibus fieri potius dixit Galenus, quia (vt ipsemet fatetur) qualis sit animæ substantia prorsus ignorauit. Similiter quoq. in scāmōnio, ceterisq. purgantibus medicamētis facultatē quandā concedimus, quæ causa sit purgationis; quoniā propriā ignoramus eorū medicamentorū substantiā, quæ vera est ac legitima eius attractionis causa. Substantia nāq. illa est, quæ dū per se agit, eorū quæ ab ipsa ex sua natura fieri possunt, facultates habere dicitur. Huc itidē pertinet, quod agēs de causa C  
pulsus effectrice, scribit lib. i. de cau. pul. Hanc, inquit, causam quæ pulsus molitur, quæcumq. illa sit, licet nos eius fugiat essentia, quod facultatē habeat pulsus efficiendi, facultatem illā vocauimus, vt quamlibet puto aliā facultatē, à facultate faciēdi cuius habet facultatē, solemus nominare: alicuius enim est facultas, & eius notio est relationi subiecta. Itaque quādo essentia ipsius nobis incognita D  
est, hoc appellamus eam nomine. Est tamē illud hoc loco adhuc difficile, quomodo scilicet dicatur ignorari causæ agentis substantia, cum antea docuerit, quattuor qualitatum tēperiem in singulis corporis partibus esse actionū causam. Cognoscimus sane causam agentem esse temperamētum; propria tamen temperamenti essentia nobis prorsus incognita est, cum propriam elementorū constitutionem in singulis corporibus ignoremus; nesciamusque, qua seruata inter se proportionē elementorum substantiæ misceantur; qua itidem proportionē qualitates quæ his substantiis insunt, sibi inuicem temperentur. Quoniam ergo certam elementorum cōstitutionem, quæ actionum principium est, ignoramus; vt aliquam actionum causam effectricem assignemus, facultatem actionum causam esse dicimus. Quæ sane cum efficiens causa non sit, sed causa tantum sine qua non; neque simpliciter, neque proprie causa appellari potest.

## CAP. IIII.



*T A Q V E si certa ratione & via, quot, & quæ facultates sint, inuenturi sumus; incipiendum nobis ab ipsis operibus est; singula namque opera ab aliqua procedunt actione, hanc vero omnino aliqua precedit causa.*

Faculta-

Lib. de substā.  
fac. nat.

Cap. 2.



A Facultatum naturalium numerum iam inquit, proposita primū methodo, qua ipsas inuestigare oportet. Docet autem incipiendum esse ab operibus naturæ, utpote quæ sint obiecta sensibus, proindeque actionibus & facultatibus multo notiora. Inuentis operibus ad actiones progrediendum esse monet, quia cum opus dicatur quod ex actione relinquitur, quot fuerint opera, & totidem actiones esse necesse est. Tandem vero ex actionum numero numerum facultatum colligendum esse præcipit, quia cum facultas causa actionum effectrix statuta sit, quot fuerint actiones specie distinctæ, tot erūt necessario facultates, quæ earum actionum sint causæ. Hac quid em methodo facultatum naturalium numerus certissime inuenitur, earumque potissimum quæ principes vocantur; reliquarum vero quæ ministræ dicuntur, quemadmodum etiam vitalium, & animalium, ex solis actionibus cognoscitur, cum plerumque nullum relinquāt opus.

B Quare merito Aristoteles facultatum numerum colligit ex obiectis.

Lib. 2. de ani.

cap. 4.

*Ergo naturæ opera, dum adhuc in vtero gestatur ac fingitur animal, omnes sūt corporis particula. Editio vero in lucem, commune in omnibus naturæ opus est earum ad perfectam magnitudinem perductio. Postea vero, etiam ut omnes (quantum fieri potest) perdurent, molitio. Actiones quæ tribus his operibus respondent, necessario tres sunt, vna scilicet cuique; generatio, auctio, nutritio.*

C Tria esse in vniuersum à primo hominis conceptu ad exitū vsq. vitæ naturæ opera, dilucide mōstrat experientia. Primū quidē naturæ opus est ipse qui gignitur foetus, vel omnes foetus particula. Alterū est eiusdē foetus iā geniti, in lucēq. iam editi, ad perfectam magnitudinem perductio; quæ ad summum vsque ætatis vigorem durare solēt. Tertium vero est, omnium corporis partium à summo vigore ad supremum vitæ diem conseruatio. His tribus operibus tres naturæ actiones respondent, ex quibus illa relinquuntur; generatio scilicet, auctio, & nutritio. Generationis enim beneficio foetus qui antea non erat, producitur, ex suisque particulis conflatur; qui deinde beneficio auctiois iustam magnitudinem assequitur; ac tandem nutritionis ope toto vitæ tempore perdurat, ac conseruatur. Quod si tres sunt actiones naturæ, totidē quoq. erūt naturæ facultates, generatrix scilicet, auctrix, & nutrix; quæ principes facultates sunt, & dicuntur.

D *Verū generatio, simplex quædam actio naturæ non est, sed ex alteratione formationeque composita. Ut enim os fiat, item neruus, vena, & reliquarum quælibet; alteratā esse oportet subiectā, vnde animal fit, substantiam. Ut vero cōgruentem figuram, & posituram, & cavitates quasdā, & vel enata, vel adnata, aliaq. id genus habeat; effingi eam oportet quæ alteratur materiam: quam vtiq. animalis materiam appellans (veluti navis ligna, & imaginis ceram) minime errabis.*

Generatio (quæ prima est naturæ actio princeps) duplex merito statuitur, alteratio scilicet & formatio; quoniā duo ex generatione relinquuntur opera, nēpe partes similes, veluti os, caro, neruus, vena; & partes organicae, ut iecur, pes, manus. Et quāuis neruus & vena partes sint reuera organicae, cū ex similibus cōstent; recēsentur tamen hoc loco inter partes similes, quia inter instrumēta minimū sunt cōposita, obscureq. ipsorū compositio deprehēditur: quod cōmune est instrumētis primi ordinis, ut dicemus accuratius lib. de diff. morb. Generan-



Lib. de differ.  
morb.

tur itaque partes similes alteratione, propterea quod subiectam generationi **A** materiam qualitatibus primis in se inuicem agentibus, per se totam alterari oporteat, ut os, caro, membrana, ac reliquæ partes similes ex ea gigni possint. Partes vero organicæ generantur potius formatione, quæ formationem proprie dictam, numerum, magnitudinem, & compositionem cõplectitur; quemadmodum proprie dicta formatio figuram, cavitates, & superficiem; compositio vero situm & connexum. Quod si generatio duplex est, duplicem quoque statuere oportet facultatem generatricem, alteratricem scilicet & formatricem. Ac alteratrix quidem eam qualitatum temperiem subiectæ materiæ impertitur, quæ ad singularum partium similiarum constitutionem est necessaria: formatrix vero subiectam materiam ita fingit ac format, ut singulorum instrumentorum natura exposcit.

*Auctio vero solidarum animalis partium (quarum esse formationem iam diximus) augmentum, ampliatioque in longum, latum, & profundum est.*

Altera naturæ actio princeps auctio est, siue accretio, quam inquit augmentum esse, siue ampliationem partium solidarum in longum, latum, & profundum. Et merito quidem ampliatio dicitur, cum ad maiorem quantitatem sit motus, quemadmodum ad minorem decretio. Cum autem dixerit, auctioem ampliatioem esse partium solidarum; colligunt nonnulli, partes carnosas vere non augeri: male tamen, ut postea dicemus. Sed cur non dixit, auctioem quoque naturæ actionem esse compositam, cum motus compositus sit ex alteratione & latione, non secus ac generatio? An quia aliud est motum esse compositum, aliud vero esse compositam naturæ actionem? Dicitur itaque generatio composita actio naturæ, non quod sit motus compositus, sed quod in duas species diuidatur, alterationem scilicet & formationem. Auctio vero quamuis compositus motus sit non secus ac generatio, non dicitur tamen naturæ actio composita, quia cum unicum **C** relinquat opus, plures species non continet.

*Nutritio autem eisdem partibus appositio quædam est, sed sine ampliatioem.*

Tertia naturæ actio princeps nutritio est, quam inquit appositionem quandam esse sine ampliatioem. Vera quidem nutritionis ratio (ut ipsemet docebit) in assimilatione posita est, hanc autem præcedunt agglutinatio & appositio; proindeque potius per assimilationem definiri debet nutritio, quam per appositionem, aut agglutinationem. Sed ut tria hæc in nutritione necessario reperiri ostendat, nutritionem nunc appositionem, nunc agglutinationem, nunc vero assimilationem appellat. Dixit autem nutritionem esse appositionem sine ampliatioem, ut eam ab auctioem distingueret, quæ ampliatio partium est intrinsecam dimensionem. Dixit quoque in nutritione eisdem partibus appositionem fieri, quas antea dixerat augeri. Quare cum auctio partium sit solidarum, earundem quoque erit nutritio. Miror ergo, cur qui superius colligebant solas partes spermaticas vere augeri, hinc quoque non colligant, solas partes spermaticas nutriri. Atqui ut id colligi non potest, ita nec illud.

*CA P. V.*



*R*go primum de generatione agamus, quæ scilicet ex alteratione & formatione constare diximus. Proiecto in uterum semine, siue etiam in terram, (nihil enim refert) statis quibusdam temporibus multæ conflatur partes eius quæ gignitur substantiæ, humiditate, siccitate, calore, frigore, ceterisque omnibus quæ hæc sequuntur qualitatibus, inter se differetes

*Quæ*



A Quæ autem hæc sequantur, is qui omnino quid de generatione & corruptione est philosophatus, minime ignorat. Quippe primum & maxime quæ hæc sequuntur, tangibiles vocatæ qualitates sunt; post has vero, quæ gustus, odoratus, & visus sunt propria. Ac duritia quidem & mollities, et lentitia et friabilitas, et lenitas et grauitas, densitas et raritas, et asperitas et lenitas, et crassitudo et tenuitas, tangibiles differentiæ sunt; de quibus omnibus Aristoteles cōmodissime differuit: odoratus enim, visus, et gustus differentias ipse profecto non ignoras. Quocirca si primas et elementares alterationis facultates requiris, hæc sunt, humiditas, siccitas, caliditas, et frigiditas.

B De principibus naturæ actionibus accuratissime nunc disputat, à generatione rursus exorsus. Cumque hæc duplex sit, alteratio & formatio, agit primum de alteratione, qua partes similes (vt antea diximus) generantur. Generari autem non possunt, nisi materia generationi subiecta bifariam alteretur, in qualitatibus scilicet manifestis, & tota sui substantia. Rursus quæ in qualitatibus manifestis alteratio fit, duplex esse potest, in qualitatibus scilicet primis, aut secundis quæ primas sequuntur; veluti coloribus, odoribus, saporibus, & qualitatibus tactilibus, quarum plures differentias enumerat Aristotelem sequutus. Sonos autem inter qualitates secundas non recensuit, propter causam alibi iam à nobis explicatam. Quod si alteratio fit in qualitatibus primis & secundis, putarit fortasse quispiam, tot esse facultates alteratrices manifestas, quot sunt omnes eiusmodi qualitates. Res tamen nō ita habet, quattuor enim dumtaxat sunt primæ, atque elementares facultates alteratrices, caliditas scilicet, frigiditas, humiditas, & siccitas. Quippe cum secundæ qualitates ex se nihil agere, nihilque pati possint, solæque primæ qualitates alteratrices sint, effutrices, & constitutrices corporum; quattuor tantum merito statuuntur facultates alteratrices. Porro manifestæ quæ à primis qualitatibus alterationes fiunt, veræ generationes non sunt, sed ad veram tantum generationem disponunt, præparantq. materiam. Neque enim ex calfacta solum, refrigerata, humectata, aut exsiccata materia, partes similes gigni possunt; sed alterationes alias totius substantiæ necessario postulant, vt mox dicemus.

Lib. 2. de ort.  
& inter. cap. 2.

In præfat. lib.  
de nat. hom.

C Si vero eas quæ ex his inter se mistis nascuntur; tot sane omni in animali erunt, quot fuerint in eo sensibilia elementa. Porro sensibilia appellantur elementa, quæcumque similes corporis sunt partes. Has autem non methodo vlla, sed ex dissectionibus contemplas, oculorū inspectione noscas oportet. Ergo os, cartilaginem, neruum, membranam, ligamentum, venam, omnia denique id genus, in primâ generatione animalis, natura creat; vsa (vt generatim dicam) generatrice alteratriceque potentia; particulatim vero ex calfactoria, refrigeratoria, humectatoria, et siccatoria; tum quæ ex harum mistura fiunt, veluti ossifica, cartilaginifica, neruifica, membranifica: claritatis enim gratia his quoque nominibus vtendum. Est sane huius generis et quæ propria iecinoris est caro, nec minus quæ lienis, et renum, et pulmonis, et cordis. Iam cerebri ipsius proprium corpus, ventriculique, et gulæ, et intestinorum, et vteri, sensibile



elementum est, præterea simile, simplex, ac compositionis expers. Si namque **A**  
 ex singulis eorum instrumentorum venas, nervos, & arterias exemeris, reliquum  
 corpus, quatenus sensu animaduerti licet, simplex, elementareq. est. Ceterum si  
 qua eiusmodi organorum ex geminis constant tunicis, quæ dissimiles inter se sint,  
 utraque tamen simplex; horum ipse tunicae elementa sunt, veluti ventris, gulæ,  
 intestinorum, et arteriarum. Atque in utraque tunica sua quædam alteratrix  
 vis est, quæ ex menstruo matris sanguine eam particulam generavit. Itaque al-  
 teratrices facultates in omni animalis genere tot membratim erunt, quot habet  
 in se elementares particulas. Sed et actiones proprias cuique membratim parti-  
 culæ necesse est esse, quemadmodum et usus: veluti meatuum eorum, qui a reni-  
 bus ad vesicam pertinent, qui *δυστηγες*, id est vrinarii nominantur. Hi namque  
 nec arteriæ sunt, quia nec pulsan, nec ex duabus tunicis constant; nec venæ, **B**  
 quia nec sanguinem in se continent, nec similem omnino venæ habent tunicam.  
 At a nervis quidem plus discrepant quam a iam dictis. Quid igitur sunt dicat  
 aliquis? quasi vero necesse sit omnem corporis particulam, vel arteriam, vel ve-  
 nam, vel nervum esse, vel ex his componi; non autem (sicut modo dictum est)  
 unicuique particulatim organo suam esse substantiam. Quippe tum ambæ vesicæ  
 (tam ea quæ urinam, quam quæ flauam excipit bilem) non modo a ceteris omni-  
 bus, sed etiam inter se differunt. Tum meatus qui tanquam gulæ quædam a bi-  
 lis vesica exorti, in iëcur inferuntur, omnino nec arteriis, nec venis, nec nervis  
 sunt similes. Verum de his plenius tum alibi, tum in iis quæ de dissectione secun- **C**  
 dum Hippocratem sunt scripta, diximus.

Præter quattuor primas ac elementares facultates alteratrices, plures aliæ  
 sunt particulares, quæ ex illis per se totas temperatis nascuntur. Atq. hæ qui-  
 dem non euidenter ac manifestas, sed occultas latentesque alterationes effi-  
 ciunt, quarum beneficio subiecta materia ita mutatur, ut in os, cartilaginē, cete-  
 rasq. partes similes omnino degeneret. Est namq. harum facultatū proprium  
 munus, unicuiq. materiæ portiunculæ (ex qua pars unaquæq. similis gignenda  
 est) eā qualitatum temperiē tribuere, quæ ad cuiusq. partis generationē sit necessa-  
 ria. Quo fit, ut quæ ab his facultatibus alterationes proueniunt, veræ generatio-  
 nes dicantur, ac sint; quod singulæ partes similes singula sint opera naturæ, ex  
 singulis alterationibus relicta. Quare verissime nunc docet, tot esse facultates al- **D**  
 teratrices particulares, quot fuerint in animali sensibilia elementa. Vocat autem  
 elementa sensibilia partes ipsas similes, quæ quidem partium organicarum  
 sunt elementa sensus tantum iudicio; cum vera elementa sint ignis, aer, aqua, &  
 terra, ex quibus & partes ipsæ similes componuntur. Qui ergo quot qualesq.  
 sint partes similes cognouerit, is quoque harum facultatum numerū inueniet;  
 cum unicuique parti sua alteratio, suæque facultas necessario respondeat.  
 At similiarium partium numerus ex corporum dissectionibus certissime co-  
 gnoscitur, & ex hoc loco utcumque colligitur, cum omnes fere partes  
 similes (si fibras & pinguedinem excipias) hinc recensuerit; nempe  
 os, cartilaginē, nervum, membranā, ligamentum, venam, carnem,  
 tunicam. Et quamvis membrana plerumque cum tunica confundi soleat, nunc  
 tamen



- A** tamen videtur eo nomine distinxisse, quod membrana sit alterius partis inuolucrum ac tegumentum, quales sunt cerebri meninges, pleura, & peritonæum; tunica vero propria sit partis substantia, siue simplex ea sit, vt in venis, vtero, & vtraque vesica; siue sit duplex, vt in arteriis, ventriculo, intestinis, & oesophago siue gula. De partibus autem similaribus duo nunc obiter docet. Primū quidem id est, quod scilicet in tunica (idem de aliis partibus similaribus intellige) sua quædam alteratrix vis sit, quæ ex menstruo matris sanguine eam particulam generauit. Qui sane locus difficultate non caret, quomodo enim alteratrix vis quæ tunicam generauit, quæque semini (efficienti generationis principio) insita fuerat, in ipsamet tunica iam genita reperiri potest? Plerique Ioubertum sequuti locum sic explicant, vt vis ea alteratrix quæ in tunica remanet, eadem sit cum vi alteratrice, quæ ex menstruo matris sanguine eam particulam generauit, diuersum tamen nomen nunc habeat. Nam quæ tunicam generauit facultas, alteratrix generatrix dicitur, cum tunicam efficiat quæ antea non erat; quæ vero in tunica reperitur, dicitur alteratrix nutrix, cum tantum resarciat perditam tunicæ substantiam. Huic explicationi illud quoque non parum videtur fauere, quod nutrix facultas alteratrix sit non secus ac generatrix; nam & alteratio, auctore Galeno, generationis & nutritionis est genus. Ceterum cum facultas alteratrix generatrix eadem esse non possit cum alteratrice nutrice, eiusmodi explicationem probare minime possum. Quippe cum facultates ex actionibus distinguantur, quamuis generatrix & nutrix genere conueniant, specie tamen tantum inter se differunt, quantum nouæ substantiæ productio à nutrimenti assimilatione distinguitur. Reiectis itaque his sophismatis, verissimum simul ac facillimum sensum huic loco tribuentes, nihil aliud Galenum voluisse sentimus, quam facultatem generatricem alteratricem quæ in prima animalis formatione tunicam generauit, post formatum animal in ipsamet tunica iam genita remanere; nam (vt postea dicemus) generatrix facultas in omnibus corporis partibus ex semine relinquatur. Iam vero & illud videtur difficile, quod ex menstruo matris sanguine tunicam generari dixerit, quam tamen (vt reliquas partes solidas) ex semine potius gigni constat. Scripsit quidem alibi Galenus, omnes corporis partes ex sanguine fieri; quia licet partes spermaticæ ex semine potius gignantur, vere tamen dici possunt ex sanguine fieri, quoniam semen ex sanguine ortum habet. Hic tamen locū habere non potest huiusmodi explicatio, neque enim ex sanguine tunicam fieri dixit, sed ex menstruo matris sanguine, qui masculini seminis materia esse nequit. Aut igitur dicendum est, partes spermaticas ex menstruo matris sanguine gigni, quia conceptum semen & nutrimentum & incrementum ex menstruo sanguine accipit; aut quia non ex solo semine fiunt, sed etiam ex sanguine; quemadmodum partes carnosæ non ex solo sanguine, verum etiam ex semine. Sed quoniam sanguis materiale potius est nostræ generationis principium, quemadmodum semen principium potius efficiens; propterea merito omnes corporis partes ex sanguine menstruo gigni vere dicentur. Docet secundo partium similarium singulas, & proprias actiones, & proprios vsus habere. Cū vero actiones propriæ aut instrumentorum sint, aut partium similarium; de propriis instrumentorum actionibus locus iste intelligi non potest, quod propria cuiusque instrumenti actio vni potissimum parti simili debetur, vt visio humori crystallino, & iecoris carni sanguinis generatio. De propriis ergo actionibus partium similarium locum intellige, nam quamuis attractio, retentio, concoctio, expulsio, & nutritio, actiones sint

Cap. 7. huius lib.

Lib. de nat. hom. com. 26.



partibus omnibus similaribus communes; habent tamē singulæ proprias actio- A  
 nes, ut os ossifici nutrimenti attractionem, eiusdem retentionem, concoctionē,  
 assimilationem, & propriorum excrementorum expulsionem. Idē de aliis par-  
 tibus similaribus dicendum. Sed cur si de propriis partium similarium actio-  
 nibus agit, rem confirmat exemplo vreterum, qui partes sunt instrumentariæ? An  
 quia vreterum nomine propriam ipsorum substantiam potissimū intelligit, sim-  
 plicem scilicet ex qua constant tunicam, quæ pars similis est? An potius quia  
 licet vreteres partes sint reuera instrumentariæ, inter partes similares recensē-  
 tur, non secus ac nervi & venæ; quoniam cum instrumenta sint primi ordinis,  
 ipsorum cōpositio obscure deprehendi potest? Quod attinet ad vsum omni dif-  
 ficultate caret, nulla enim corporis pars est, quæ vsum aliquem non præbeat.  
 Immo & quæ veræ partes non sunt, ut pili, & ungues, & excrementa quoq. (ut  
 vtraque bilis) non exiguum vsum præbere solent. Est autem partium vsum du- B  
 plex, ante, & post actionem. Vsum post actionē, utilitas ea est, quam ex propriis  
 actionibus partes ipsæ percipiunt: vsum vero ante actionē, est aptitudo quædam,  
 quam suis instrumentis partes præbent ad agendum. Hunc autem vel suo tem-  
 peramento præbent, ut iecori propria caro; vel iis quæ temperamentū sequun-  
 tur, ut ossa sua duritie; vel iis quæ partibus ipsis accidunt, nempe formatione, nu-  
 mero, magnitudine, & compositione: ex quibus propria singulorum instrumen-  
 torum natura perficitur. Ergo (ut ad rem redeamus) cum singulæ partes simila-  
 res singula sint naturæ opera ex facultatum actionibus relicta, quot sunt partes  
 similares in vnoquoque animali, tot erunt necessario facultates generatrices,  
 totiusque substantiæ alteratrices, quæ quidem à partibus gignēdis appellatio-  
 nem vtrumque accipiunt. Alia namque dicitur facultas ossifica, quæ scilicet os  
 efficere potest; alia carnifica; alia membranifica, &c. C

*Ceterum alteratrices naturæ facultates quæ particulares sunt omnes, tuni-  
 carum, et ventriculi, et intestinorum, et vteri substantiam, qualis est effecerunt.  
 Compagem vero, formamque tum harum ipsarum, tum eorum quæ in has se in-  
 serunt plexum, tum intestinorum a ventriculo exortum, et internæ eorum cavitatis  
 speciem, aliaque eiusmodi, altera nimirum virtus effinxit, quā formatricem  
 appellamus. Eandemque artificiosam esse dicimus, immo verius optimā et sum-  
 mam artem, quæ omnia alicuius gratia moliatur; sic ut nihil aut otiosum sit, aut  
 superuacaneum, aut denique ita se habens, ut possit aliter melius se habere. Ve-  
 rum hoc in opere de particularum vsum evidenti demonstratione firmabimus.* D

Altera facultas generatrix quæ partes generat instrumentarias, formatrix  
 dicitur. Et quoniam partium organicarum natura ex iis perficitur quæ partibus  
 similaribus accidere antea diximus; vis hæc formatrix circa hæc necessario ver-  
 sabitur. Hæc itaque facultas est, quæ singulis partibus similaribus sua instrumē-  
 ta componentibus, conueniētem idoneamq. figuram tribuit; quæ partes quas-  
 dam solidas, alias vero cauas efficit; quæ partes alias exasperat, alias contra læ-  
 ves creat: in quibus posita est exacta instrumentorum formatio. Hæc itidem  
 in singulis instrumentis iustum partium componentium numerum definit; debi-  
 tam magnitudinem præscribit; summoq. artificio partes inter se ita componit,  
 ut & naturalem situm, & firmum inter sese connexum consequantur. Atque (ut  
 vno verbo dicam) hæc sola facultas est, quæ omnia quotquot sunt instrumen-  
 ta, ita

Lib. 17. de vsum.  
 part. cap. 1.

Lib. 1. de vsum  
 part. cap. 9.



A tā, ita exacte fabricatur, vt nihil in ipsis otiosum, nihil superuacaneum aut deficiens, aut quod melius habere possit, inueniatur : id quod abunde à Galeno demonstratum est insigni illo, peneque diuino opere de partium vſu.

Hæc docet hoc capite de facultate generatrice, de qua tamen differendum nobis est accuratius, atque in primis de formatricis essentia. Quamuis enim inter facultates naturales ipsam in præsentia enumerarit, alibi tamen aut dubitat, aut aliter sentit. Libro quidem primo de temper. dubitat manifeste, an quatuor elementorū temperiē comitetur, an diuiniorē aliquam superne originē habeat. Et lib. de foet. form. formatricis essentiam se omnino ignorare ingenue fatetur, peritosque philosophos hortatur, vt si quid de ea inuenerint, secum sine inuidia communicēt. Dubitat nāque, an cāssa foetuum formatrix Deus sit; an potius aliqua anima à Deo diuersa; & an animā suam sibi corpus formet; an

Cap. vlt.

Cap. vlt.

B potius alia sit anima quæ vnumquodque membrum creat, alia vero quæ ad volūtarias actiones incitat. Irridetque proinde philosophos, qui de mūdi rerumque omnium generatione disputantes, suorum corporum constitutionē ignorant. Tandem vero expressis verbis indicat, facultatem formatricem mere naturalem non esse, ad hunc modum scribens. Nam cum summam in foetuum fabricā & sapientiam & potentiam videam, non possum existimare, eam quæ in semine est animam (ab Aristotele vegetalem, concupiscibilem à Platone, à Stoicis ne animam quidem prorsus, sed naturā appellatam) foetum ipsum formare; cum non modo sapiens non sit, sed omni prorsus ratione carere videatur. Idem sentit lib. 2. de tēp. dum rationi consonum esse ait, primas quattuor qualitates organā esse, formatorem alium. Et lib. 17. de vſu part. Platonem sequutus, videtur mundi animam formationis causam statuere. Sed & diuinam formatricis originem significat vtcumque hoc loco, dum optimam summamque artem ipsam appellat. Neque vero rationes desunt, quibus formatricem vim non esse temperamenti sobolem demonstrari potest. Nam vt singulæ qualitates primæ alterationes manifestas efficiunt, dum calfaciunt, refrigerant, humectant, aut exsiccant; ita & qualitates quattuor simul temperatæ efficiunt necessario totius substantiæ alterationes : atqui formatio actio est ab alteratione omnino distincta; ergo formatio totius temperamenti actio esse non potest. Adhæc si formatio temperamenti esset soboles, optimam temperiem formatio optima sequeretur, & contra. Atqui nonnullos videas aut toto corpore, aut aliquā saltē corporis parte recte temperatos, in quibus viciata formatio deprehenditur. Exemplo sit Vlyſſes, qui Achille quidem prudentior fuit, tamen si neque illo, neque Nireo formosior. Et Aescopus, qui omnium suæ ætatis hominum deformissimus est habitus; valgus, incuruus, acuto capite, collo depresso, pressis naribus, prominentibus labiis ac ventre; atque (vt vno verbo dicam) toto corpore monstrosus; quem tamen constat, cum prudentissimus esset, optimam habuisse cerebri temperiem. Nouimus & alios non mediocriter intēperatos, qui corporis forma plurimum excellenter; nam & mulieres pulcherrimæ, fatuæ interdum esse solent & imprudentes. Merito itaque optima corporis constitutio ab optimo habitu hoc nomine distinguitur, quod in optima corporis temperie optimus habitus consistat; optima vero constitutio præter temperiem, optimam quoque partium formationem exposcat. Proindeque veteres philosophos ac medicos reprehendit Galenus, qui ex partium magnitudine & figura (quæ ad formationem spectant) totius corporis, aut saltem earundem partium temperiem colligebant. Est igitur formatrix facultas diuinioris cuiusdam ori-

Cap. vlt.

Cap. 1.

C cis originem significat vtcumque hoc loco, dum optimam summamque artem ipsam appellat. Neque vero rationes desunt, quibus formatricem vim non esse temperamenti sobolem demonstrari potest. Nam vt singulæ qualitates primæ alterationes manifestas efficiunt, dum calfaciunt, refrigerant, humectant, aut exsiccant; ita & qualitates quattuor simul temperatæ efficiunt necessario totius substantiæ alterationes : atqui formatio actio est ab alteratione omnino distincta; ergo formatio totius temperamenti actio esse non potest. Adhæc si formatio temperamenti esset soboles, optimam temperiem formatio optima sequeretur, & contra. Atqui nonnullos videas aut toto corpore, aut aliquā saltē corporis parte recte temperatos, in quibus viciata formatio deprehenditur. Exemplo sit Vlyſſes, qui Achille quidem prudentior fuit, tamen si neque illo, neque Nireo formosior. Et Aescopus, qui omnium suæ ætatis hominum deformissimus est habitus; valgus, incuruus, acuto capite, collo depresso, pressis naribus, prominentibus labiis ac ventre; atque (vt vno verbo dicam) toto corpore monstrosus; quem tamen constat, cum prudentissimus esset, optimam habuisse cerebri temperiem. Nouimus & alios non mediocriter intēperatos, qui corporis forma plurimum excellenter; nam & mulieres pulcherrimæ, fatuæ interdum esse solent & imprudentes. Merito itaque optima corporis constitutio ab optimo habitu hoc nomine distinguitur, quod in optima corporis temperie optimus habitus consistat; optima vero constitutio præter temperiem, optimam quoque partium formationem exposcat. Proindeque veteres philosophos ac medicos reprehendit Galenus, qui ex partium magnitudine & figura (quæ ad formationem spectant) totius corporis, aut saltem earundem partium temperiem colligebant. Est igitur formatrix facultas diuinioris cuiusdam ori-

Lib. 2. de tēp.

cap. vlt.



ginis supra elementa, ipsorumque qualitates, quibus tamen, ceu instrumentis, A  
idoneis utitur. Recensetur vero inter facultates naturales, habita ratione ope-  
rum naturalium, quæ ex ipsius actione relinquuntur; quales sunt partes instru-  
mentariae.

Lib. 5. de nat.  
par. med. cap. 3

Porro quot sunt partes instrumentariae in nobis formandæ, totidem statuē-  
das esse formatrices facultates, sentit Fernelius; ita ut quod de facultate alte-  
ratrice Galenus hoc capite docuit, id ipse ad formatricem transferendum esse  
velit. Ceterum cum formatrix hæc vis diuinam originem habeat, his legibus  
non adstringitur; sed vna cum sit ac simplex, partes omnes organicas exactissi-  
me format.

Lib. 1. de gene.  
anim. cap. 2.

Cap. ult.

Lib. 3. de gene.  
anim. cap. 1.

Quoniam vero duo sunt nostræ generationis principia, semen & sanguis; in-  
quiramus rursus, an alteri dumtaxat, an utriq. facultas generatrix sit insita. Nam  
quamuis semen à philosophis omnibus ac medicis principium generationis ef-  
ficiens dicatur, sanguis vero principium (ut vocant) materiale; merito tamē du-  
bitari solet, an sanguis vim quoq. efficiendi habeat, & an semen materiam quo-  
que gignendis partibus præbeat. Aristoteles solam generandi vim semini tri-  
buit, cum generationis principia statuatur marem & foeminam; & marem quidem,  
tamquam motus generationisque initium; foeminam vero, ut initium materiae.

Et rursus foeminam inquit, non ita ut marem ad generationē conferre; sed ma-  
rem principium motus; foeminam materiam præstare: quamuis aliquando sui  
oblitus, ossa & nervos in prima constitutione ex feminis excremento gigni scri-  
pserit. Hinc facile intelligitur philosophorum quorundam error, qui foeminam  
solam materiam, marem materiam & formam foetui conferre putant. Sed neq.  
Aristotelis sententia constare potest. Cum enim in coitu masculinum semen in  
foeminæ uterum immitatur; aut ex utero effluere, aut in flatus dissolutum eva-  
nescere, aut inibi retineri dicendum est. Crediderunt nonnulli (ex eorum etiā  
numero qui se Aristotelicos, Peripatericosque iactabant) cum primum semen  
maris in uterum proiectum est, motionis principium sanguini menstruo præbe-  
re, forasque statim effluere: quorum opinio ex iis quæ experiētia comproba-  
ta sunt, facile refutatur. Ex brutorum namque coitu tunc temporis conceptum  
sequi compertum est, quando masculinum semen à foemina retinetur. Id ip-  
sum testari possunt mulieres, quæ rem ipsam paullo attentius considerarint; nā  
quibus virile excidit semen, numquam concipiunt; quæ vero intus ipsum serua-  
uerint, & se concepisse dicent, & motionē quandam in utero sentient, quæ con-  
tractionis sensum inferat: hinc enim natum est conceptionis nomen. Hæc con-

Lib. 2. de gene.  
anim. cap. 3.  
Lib. 1. de femi.  
cap. 4.

siderans Aristoteles, semen quidem ex utero non effluere, sed in flatus sensim  
paulatimque dissolui credidit: quam sententiā pluribus rationibus optime re-  
fellit Galenus. Quippe si in spiritū dissolvitur semen, oportebit profecto, à mul-  
ta spiritus copia distentum uterum, in tumorem statim attolli, & propter disten-  
tionem dolere. Atqui nec dolet, nec in tumorem attollitur, sed contrahitur po-  
tius in seipsum citra doloris sensum. Præterea quo tempore huiusmodi flatus  
per uteri cervicem foras erumperet, aliquem sui sensum necessario excitaret;  
qualem scilicet ventriculi & intestinorum flatus excitare solent, dum foras ex-  
cernuntur. Cum igitur neque foras effluat maris semen, neq. in spiritus dissol-  
uatur; reliquum est ut cum Galeno asseramus, & retineri in utero, & non solum  
generationis opificem esse, verum etiam gignendo foetui materiam exhibere.  
Alioqui enim inartificiosa esset natura, utpote quæ in actione omnium prima  
ac præstantissima (qualis est animalis generatio) frustra aliquid temereq. age-

ret; ad



**A** ret; ad neruorum scilicet, venarum, arteriarum, reliquarumque solidarum partium formationem, ineptam materiam eligens, idonea prorsus neglecta. Quorsum enim neglecto semine lento, crasso, & candido, proindeque ad partium solidarum maxime idoneo, sanguinem rubrum, humidum, ac fluxilem eligeret? Diceret fortasse pro Aristotele quispiam, rem esse naturæ facillimam, humorem lentum, album, & crassum ex sanguine gignere, vt idonea suppetat materia solidis partibus gignendis. Atqui frustra natura in hoc opere laborabit, dum sanguinem conatur talem efficere, quale habebat ab initio semen. Sed & multæ speciei animalia quæ ex congressu animalium diuersæ speciei nascuntur, id ipsum aperte demonstrant. Experimur enim eiusmodi animalia, vtriusque parentis speciem referre; accedere tamen magis ad speciem matris quam patris. Cum autem (vt alibi diximus) huius similitudinis causa, sit principium potius materiale quam efficiens; semen quoque gignendo foetus materiam præbere necesse est, alioqui eiusmodi animalia speciem patris referre non possent.

Lib. de nat.  
hom. com. 10.

**B** Hoc itaque ad hunc modum statuto, illud rursus inuestigemus oportet, in sitne toti semini vis generatrix, an solis quibusdam partibus, aliis solâ materiam exhibentibus. Videtur Aristoteles efficiendi vim soli spiritui concessisse, quem ipse vocat semen principii animalis; cuius naturam elemento stellarum proportionem respondere, & in spumoso seminis corpore contineri affirmat. Reliquum vero seminis quod humidius est & aquosius, quodque genituræ corpus ipse appellat, in flatum dissolui, euanescereque arbitratur. Medicorum quoque plerique ne concedere cogantur idem agere in seipsum, (quod etiam formidarunt Aristoteles & Athenæus) soli spiritui generandi vim tribuunt, quem tamen non omnino eundem omnes statuunt. Nam qui semen principium dumtaxat efficiens esse sentiunt cum Aristotele, genituræ corpus in spiritum mutari affirmant, quem formatorem, & complantatum ipsi appellant, cui soli generandi vim inditam esse credunt. Qui vero sentiunt cum Galeno semen materiam quoque præbere, rem ita distinguunt; vt seminis substantia humidior ac crassior solam materiam exhibeat; substantia autem spirituosâ solâ obtineat generandi facultatem. Atqui ne sic quidem effugere poterunt quominus spiritum illum complantatum, formatorem, aut generantem, materiâ quoque partibus præbere concedant. Vnde enim quæso, foetus ipsius partes spirituosâ ex qua constât substantiam commodius accipere possunt? Huc accedit, quod nullus sit in semine spiritus generans, aut formator, sed solus vitalis, vt antea dictum est. Præstat igitur cum Galeno sentire, in quacumque seminis particula generandi vim reperiri, eandemque simul esse gignendi foetus materiâ; neque separatim alibi esse quod mouet, alibi quod mouetur, vt in plantarum seminibus experimur. Cum autem duplex sit facultas generatrix, alteratrix scilicet & formatrix; hæc quidem cum simplex sit, & diuiniore originis, per totam seminis substantiam diffunditur; illa vero cum multiplex sit, partim toti semini, partim variis seminis partibus inest. Siquidem alteratrices facultates elementares ac primæ vniuerso semini, particulares vero diuersis seminis partibus insunt. Neque enim quæ seminis portio facultatem habet officinâ, reliquas facultates (vt carnificam, aut membranificam) habere potest.

Lib. 2. de gene.  
ani. cap. 3.

Auicenna lib.  
9. de animal. &  
Argentarius  
cō. in art. med.  
pag. 141.

Fernelius lib.  
7. de nat. par.  
med. cap. 4.  
& Vallesius  
lib. 2. controu.  
cap. 9. & 17. &  
Perematus lib.  
de semi.

In præfat.  
Lib. 2. de semi.  
cap. 5.

Hinc liquido patet, quid de illa quæstione sentire oporteat, sit animatum semen, necne. Quamuis enim alii actu, alii potestate tantum semen animatum esse dixerint; peccant tamen vtrique parum accurate re distinguentes. Nam quod in propriis conceptaculis (vasis scilicet seminariis, testibus, & glandulosis parastatibus)



staribus) seruetur semen, dummodo integrum, incorruptumque seruetur; **A**  
 id quidem actu animatum non est, sed tantū potestate. Non enim nutritur, aut  
 uiuit, cum ex genere excrementorum potius sit, quam ex partium numero; sed  
 aptitudinem habet, ut actu animatum fiat. Fit autem actu animatum, cum pri-  
 mum ab utero attractum, conceptumque fuerit; tunc enim vegetāis animæ fit  
 particeps, quamuis sentiētem & rationalem potestate dumtaxat habeat. Cum  
 autem anima vegetans generationis, nutritionis, & auctoris principium sit;  
 conceptum semen menstruum sanguinem ipsius beneficio ad se trahit, eoq. at-  
 tracto nutritur, & augetur, totiusque generationis opifex tādem efficitur. Nam  
 (ut inquit Galenus) quod semen prius erat, id cum primum gignit, & format a-  
 nimal, natura quādam fit. Semen vero quod ex propriis cōceptaculis effulum,  
 in utero non retinetur, id ne potestate quidem animatū dici potest; amisit namq. **B**  
 quam antea habebat aptitudinem, ut actu animatum fieret. Ex his recentiorū  
 quorundam error deprehenditur, qui semini nondum concepto vegetantem a-  
 nimam falso concedunt; cuius facultates otiosas esse aiunt, donec competētem  
 materiam in quam agat, sit nactum.

Porro quæcumque hactenus de semine diximus, de prolifico illo semine in-  
 telligere oportet, quod in solis testibus, vel (si ita placet) in vasis etiam sperma-  
 ticiis gignitur, indeq. per vasa deferētia ad parastates glandulosos sensim trans-  
 mittitur, ut coitus tempore foras excernatur. Est namque præter id in singulis  
 corporis partibus solidis alterum semen, proprium, atque vltimum ipsarum nu-  
 trimentum, quod neque viuere, neque vim generatricem habere potest.

Atqui prolificum illud semen ex vniuerso corpore non effluit, ut falso opina-  
 tus est Hippocrates; cuius sententiā philosophorū ac medicorum quam pluri- **C**  
 mi olim amplexi sunt; quorum opinionem optime refutauit Aristoteles, eorū-  
 dumque rationes, (multum alioqui probabiles) doctissime dissoluit. In eo tamē  
 grauissime peccauit, quod vim gignendi semen testibus denegarit, solisq. va-  
 sis seminariis concesserit: quam sententiam firmissimis rationibus Galenus re-  
 fellit. Incipit itaque in vasis spermaticis gigni semen, quemadmodum in venis  
 mesaraicis sanguis perficitur tamen, exactissimeque concoquitur in testibus,  
 quemadmodum lac in māmis. Materia vero gignendo semini idonea vterque  
 sanguis est vna cum vitali spiritu, quæ per vasa spermatica ad testes transmittū-  
 tur. Non enim ex principibus partibus gignendi seminis materia ad testes mit-  
 ritur, ut voluit Auicenna; neque seminis vires ex vniuerso corpore vna cū spi-  
 ritibus confluent, ut finxit Bernellius. Sed solum venalem sanguinem ex ieco-  
 re, ex corde vero arterialem vna cum vitali spiritu accipiunt testes; qui semini **D**  
 à se genito vim eam ac potestatem impertuntur, quæ tum demum in actū pro-  
 fertur, cum semen ab utero conceptum fuerit.

Quæcumque tamen de masculino semine hactenus diximus, ad foemininum  
 quoque transferre oportet. Hippocrates enim, ab utroque parente semen in  
 coitu in vterum emitti verissime sensit, Aristoteles vero leuissimis rationi-  
 bus adductus, semen in foeminis gigni negauit; quamuis alicubi sui oblitus, se-  
 men foeminæ materiam tantum præbere scripserit. Galenus tamen aduersus  
 Aristotelem & Athenæū firmissimis rationibus demonstrat, & in foeminis gigni  
 semen, & inter coeundum expelli. Siquidem & testes, & vasa spermatica, & va-  
 sa semen deferentia, in foeminis non secus ac in maribus reperiri, & semine re-  
 ferta aliquando inueniri, ex anatome didicimus. Per insomnia quoque non rā-  
 ro mulieres non secus ac viri, semen cum voluptate profundentes, polluntur.

Et in

Lib. 2. de fac  
nat. cap. 3.

Lib. de genit.  
& lib. de aere a  
quis & locis.  
Lib. 1. de gene.  
anim. cap. 1.

Lib. 1. de semi.  
cap. 15.

Fen. 20. lib. 3.  
traet. 1. cap. 3.  
Lib. 7. de nat.  
par. med. c. 4.

Lib. de nat. in  
fan. & lib. de  
genit.  
Lib. 1. de gene.  
ani. cap. vlt.  
Lib. 4. de gene  
ra. anim. cap. 1.  
Lib. 2. de semi.  
cap. 1.



A Et in concubitu muliebris seminis excretionem animaduertere licet, quam pranosens mulier, & retardare, & accelerare solet. Adhæc quæ vterinis affectibus infestantur, semine excreto plerumq. liberantur, vtpote quæ ex eodem retento male afficerentur. Adfert huic rei testimonium viduæ illius historia, quam scribit Galenus; quæ cum præter alia mala neruorum quoque distentione vexaretur, ab his omnibus malis tandem liberari visa est, cum primum crassum plurimumque semen cum labore voluptateq. excreuit, veluti per coitum vsu venit.

Lib.2. de femi.  
cap. 1. & lib. 6.  
de loc. affect.  
cap. 5.

Hoc itaque semel constituto quod foeminæ semen gignant, nihil profecto prohibet, quo minus foemininum semen, & vt principium efficiens, & vt materiale ad generationem conueniat, non secus ac masculinum. In eo tantum discrimen est, quod in masculino, vtpote multo, crasso, lento, exquisiteque concocto, vis generatrix potentior vigeat; in foeminino vero, quod paucum est, frigidum, serdum, ac minus elaboratum, sit multo imbecillior. Quin & triplicem vsu foeminæ semen præbet, si Galeno credimus; vt scilicet foeminas ad coitum excitet; vt allantoides membrana ex ipso generetur; & tandem vt sit masculini seminis alimentum. Nescio tamen an tertius iste vsus vere concedi possit. Nam si foemineum semen nutrimentum est masculini, quomodo dictum est ab eodẽ Galeno, semen foeminæ suam substantiam ac facultatem, potius quam maris augere & confirmare? Quomodo rursus viuet, generandique vim obtinebit, si in masculini seminis nutritionem absumitur? Satiùs ergo fuerit cum Hippocrate & eodem Galeno sentire, foemininum semen masculino ita misceri, vt ex utroque misto & temperato veluti vnum efficiatur, quod in vnum eundemque motum conspiret. Neq. enim fieri posset vt in vnus animalis generationem vtrumque semen conueniret, si diuerso discrepantique motu ageretur. Quod vero foeminino semini concedenda sit necessario vis generatrix, ex iis quæ de altero nostræ generationis principio nunc subiiciemus, perspicuum fiet.

Lib.2. de femi.  
cap. 4. & lib.  
14. de vsu par-  
cap. 11.

Lib.2. de femi.  
cap. 2.  
Lib. de nat.  
infan. & lib. de  
genit.  
lib. 14. de vsu  
par. cap. 7.

Porro alterum generationis principium sanguis menstruus est, quem in mulieribus ob temperamenti frigiditatem redundare, singulisque mensibus per vterum secundum naturam excerni, & vsu postulante nouem plerumque mensibus retineri, omnes vno ore fatentur. Dubitant tamen plerique, an sanguis menstruus solam materiam gignendo foetui præbeat, an habeat simul vim aliquam efficiendi. Negant Aristoteles & Athenæus vim efficiendi sanguini inesse; id tamen concedit Galenus, & ratione petita ex filiorum similitudine cum parentibus recte confirmat. Quippe cum filii (quod ad partium formam pertinet) patri potius quam matri sint similes, concedendum est necessario, huius similitudinis causam esse principium generationis efficiens. At nisi vis efficiendi sanguini menstruo inesset, (quem solū ex Aristotelis sententia mulier suppeditat) filii numquam essent similes matri: quod experientiæ aduersatur. Hæc sane Galeni ratio vim habet maximam aduersus Aristotelem; nobis tamen qui semen in foeminis gigni concedimus, dicere haud dubie licebit, filiorum similitudinẽ cum matribus, in semine potius quam in menstruo sanguine vim efficiendi ostendere. Sed vrget adhuc Galenus, nam cum masculinum semen foeminino sit longe superius; numquam filii similes essent matri, nisi & sanguis vim efficiendi haberet. Tunc enim filios matri similes esse sentit, quando maternum semen (quod adrobatur etiam & firmitatem confert) vim & facultatem menstrui sibi adiungit; quæ nouem mensium spatio assidens, tanto inualefcit ac superat, quanto in primo congressu à maris semine superabatur. Acutissime quidem simul ac doctissime dicta

Lib.2. de femi.  
cap. 2.



finis dicta hæc sunt à Galeno, nescio tamen an omnino recte. Cum enim filio- A  
rum cum parentibus similitudo principio formanti debeat, sanguis vero  
mensstruus (vt statim dicemus) destituatur omnino vi formatrice; vix (vt verū fa-  
tear) intelligere possum, quomodo sanguinis vis foeminino adiūcta semini, eius  
similitudinis causa esse possit. Quare id potius fieri crediderim, quia licet ma-  
sculinum semen sit plerumque potentius, potest aliquando efficiendi vis in foe-  
minino excellere. Quid enim vetat, quominus pars aliqua foetus ex maiori  
foeminini seminis portione formetur, in qua efficiendi vis magis præpolleat,  
quam in minima portione seminis masculini, quæ ad eiusdem partis formatio-  
nem concurrat; præsertim cum facultas formatrix diuiniore originis sit, neque  
elementorum temperiem sequatur? Neque vero omnem efficiendi vim sanguini  
mensstruo proinde adimimus, solas tamen elementares, ac primas facultates al-  
teratrices ipsi concedimus; calfactoriam scilicet, refrigeratorem, humectato- B  
riam, & exsiccatoriam. Alteratrices vero particulares facultates ipsi inesse ne-  
queunt, quemadmodum nec vis formatrix, cum altricis, siue vegetantis animæ  
sit expers.

Lib. 2. de fac.  
natur. cap. 3.  
Lib. 1. de sani-  
tu. cap. 1.

Habent itaque ambo generationis nostræ primordia vim efficiendi; & ma-  
teriā simul exhibent, cū eo tamen discrimine, quod semen agendi potentia ex-  
cellat, sanguis vero materiam potius præbeat. Vnde factum est, vt aliquando  
Galenus semen artificem esse dicat, & hidix proportionem respondētem; sangui-  
nem vero, materiam ceræ vice artifici subiectam. Et alibi quoque sanguinem  
inquit esse ceu aptam quandam, concinnamq. materiem, opifici ad quidvis se-  
quacem; semen vero opificis rationem obtinere.

Lib. 2. de tēp.  
cap. 5.

Ex his duobus principiis omnes foetus partes generationem sortiuntur, qua- C  
rum propterea duplex genus statuitur, aliæ namque dicuntur sanguineæ, aliæ  
vero spermaticæ, siue exangues. Ac vocantur quidem sanguineæ, non quod ex  
sanguine solo, sed quod ex eo potissimum constent; quemadmodum spermati-  
cæ, quod constent potissimum ex semine. Non enim placet eorum opinio, qui  
ex solo semine partes spermaticas gigni arbitrantur; cum dictum sit alibi, car-  
nosam partium spermaticarum substantiam ex sanguine potissimum ortum ha-  
bere.

Cap. 9.

Lib. de nat.  
infant.

Porro quo ordine generatrix facultas in formando foetu progrediatur, dif-  
ficillime explicari potest. Libro quidem primo de semine totam foetus forma-  
tionem in quattuor tempora partitur Galenus. Primum illud est, in quo semen  
conceptum speciem adhuc formamque seminis retinet, non tamen amplius  
σπέρμα, sed potius γονή, id est genitura, ab Hippocrate appellatur: qualem se cō D  
spexisse testatur, sexto à conceptu die ab ancilla excretam. Alterum tempus  
est, quando conceptum semen sanguine repletum iam est, iecurque, cor, & ce-  
brum, indistinctam quidem adhuc & informem, alicuius tamen momenti coa-  
gulationem, & magnitudinem præ se ferūt: quo tempore κύημα, id est cōceptus,  
dicitur ab Hippocrate. Tertium sequitur tempus, cum tria illa principia videri  
exquisite iam possunt, reliquorum autem omnium membrorum descriptio que-  
dam ac quasi delineatio apparet; quo tempore dicitur ἐμβρυον. Vltimum tēpus  
est, cum brachia & crura distincta, absolutaque cernūtur, & moueri incipit quod  
in vtero habetur: quod non amplius ἐμβρυον, sed παιδίον potius id est puerum,  
seu infantem solet Hippocrates vocare. Quod autem in vtero quattuor istis tē-  
poribus gestatur, τὸ κύημα Græcis, Latinis interpretibus foetus communi  
appellatione nominatur: existatq. Galeni liber τὸ κύημα διαπάσας, id est de  
foetuum



- A foetuum formatione. Horum vero quattuor temporum in foetuum formatione distinctionem, tum ex abortibus, tum ex dissectionibus, longa observatione cognosci potuisse credibile est. At lib. de foet. format. hæc eadem quattuor tēpo- Cap. 3.  
ra statuens, in eo à seipso dissentit, quod iecur, cor, & cerebrum, diuersis temporibus gigni credat. Quippe cum foetus viuat primum vt planta, deinde vt animal imperfectum, tandemque vt animal perfectum.; probabilius multo esset, primo formationis tempore gigni iecur, secundo cor, tertio cerebrum, quarto vero motui interuenientia membra (quæ postrema formata sunt) corroborari. Non tamen possunt huiusmodi tempora certo dierum aut mensium numero definiti, neque enim expressæ formationis, aut motionis, aut abolitionis, aut etiam egressus in lucem, vnus est præfinitus terminus. Plerumque tamen rem ita se habere compertum est, vt ab Hippocrate, aliisque grauiissimis scriptoribus est proditum. Mares enim triginta plerumque diebus tria illa principia, B  
iecur, cor, & cerebrum, distincta habere solēt; foemina vero duobus & quadraginta. Mares præterea in vniuersum tertio mense, foemina autem quarto moueri incipiunt. Sunt qui (vt Galenum ab inconstantia excusent) rem ita explicent, vt iecoris, cerebri, & cordis formatio diuersis temporibus incipiat, simul tamen perficiatur; cum iecur corde propter arterias, & propter nervos cerebro etiam indigeat. Mihi tamen probabilius videtur, tria hæc principia simul formari. Cum enim facultas generatrix per vniuersum semen sit diffusa, cur in eam seminis & sanguinis portiunculam quæ gignendi iecoris materia est, per initia solum aget, circa materiã vero gignendi cordis, & cerebri nihil prorsus agens iacebit otiosa? Quare quattuor illorum temporum distinctio, ex partium potius perfectione quam earundem generatione petenda erit; ita vt quamuis simul generentur, aliæ tamen citius, aliæ tardius perficiantur.
- C Verum nequid eorum quæ ad facultatem generatricem pertinent, intactum reliquamus, illud tantum hoc loco explicandum restat, insita ne illa sit soli semini, an potius post formatum animal in partibus corporis remaneat. Neque hic diutius nobis immorandum erit, cū sit fere apud omnes in confesso, in partibus ipsis relinqui. Nam vlcera caua recens genita carne quotidie replentur; & exiguae venæ in eisdem renasci sunt visæ; & in pueris septimo mense dentes plerumque nascuntur, hisque deciditibus noui anno septimo prodeunt. Quamuis verius multo quis dixerit, eiusmodi dentes denuo non gigni, sed in prima animalis formatione genitos, intra gingivarum alueolos delitescere, donec vsu postulante foras profiliant. Immo qui infantibus nascuntur dentes, veri dentes non sunt, sed dentium potius epiphyfes, quibus deciditibus, anno septimo veri dentes in lucem proferuntur. Quare certius multo generatricem vim in maxillis ex femine relictam dentes illi molares ostendere possunt, quos genuinos appellant; hi namque & adolescentibus, & iuuenibus, & senibus interdum nasci consueverunt; neque rationi consonum videtur, in prima formatione genitos, tanto annorum spatio delituisse. Quin & Galenus generatricem vim post formatum animal in partibus manere, aperte significauit hoc capite. Quid enim aliud innuit, cum dixit, in vtraque tunica suam quandam alteratricem vim esse, quæ ex menstruo matris sanguine eam particulam generauit? Neque aliud profecto voluit lib. 1. de semi. vbi postquam docuit partes spermaticas semel de- Cap. 11.  
perditas, vel numquam, vel raro regigni posse, hæc scribit, Quamquam efficiens  
ipsum seminis causa perfectis animalibus inest, nam neque deseruit animal, neque suarum facultatum quas insitas habet, oblita est natura; quippe quas cum non



non aliunde adquisiuerit ; sed ex semine habuerit , admittere nullo modo po- A  
test.

Cur igitur partes spermaticæ semel deperditæ iterum gigni nequeunt, rema-  
nente (vt dictū est) facultate generatrice? Huius rei causam ad generatricis fa-  
cultatis defectum in partibus spermaticis quidam retulerunt , quorum opinio  
nulla ratione contiare potest. Neq. enim aliqua est ratio , cur in partibus car-  
nosis potiusquam in spermaticis facultas generatrix manere debeat; præsertim  
cum ea facultas ex semine sit relicta , ex quo partes spermaticæ potissimum gi-  
gnuntur. Alii probabilius sentiunt ob materiæ inopiā id fieri , quia licet facul-  
tas adsit, ea tamen otiosa est deficiente semine, ex quo partes spermaticas gigni  
oportet: quæ itidem videtur fuisse sententia Galeni. Ceterum cum partes sper-  
maticæ semine nutriantur , magis probanda est eiusdem Galeni sententia, qui  
culpa facultatis simul & materiæ partes spermaticas regenerari nō posse verif- B  
sime docuit. Culpa quidem facultatis, nō quod vis generatrix in partibus sper-  
maticis deficiat, sed quod hæc sit imbecillior, quā postulet nouæ solidæq. par-  
tis generatio. Siquidem vt noua pars generetur, facultatem validā esse opor-  
tet, quæ possit ex sanguine in semen prius mutato partem spermaticam gignere,  
antequam ex eo sanguine caro fiat. Id autem præ imbecillitate præstare nō po-  
test quæ in partibus remansit facultas, quod tamen in prima animalis formatio-  
ne facile præstat valida feminis facultas, iuuantibus quoque vteri conceptacu-  
lis. Culpa vero materiæ , non quod omnino deficiat semen , sed quod parcius  
sit quam vt ad promptam partis spermaticæ generationem satis esse queat. Vn-  
de fit vt ipsam præoccupet carnis generatio, quæ ex sanguine leuem alteratio-  
nem adepto, ac veluti concreto, promptissime gignitur. Quod si contigerit, C  
(contingit autem rarissime) facultatem validam esse , & semen satis abundans;  
nihil profecto prohibet , quominus pars aliqua spermatica instauretur. Vidit  
enim Galenus regeneratas in capite venas, & ossa mollia (qualia puerorū sunt)  
aliquando coaluisse. Solet autem vbi pars spermatica resarciri nequit , in ipsius  
locum succedere caro; quæ quia à parte spermatica gignitur, non mollis, aut rü-  
bra efficitur, sed alba potius & dura. Atque hæc quidem in osse callus, in cute  
cicatrix appellatur.

## CAP. VI.



*M* ad auētricem facultatem cōuersi illud primum admonemus,  
quod non desit ne hæc quidem iis quæ in vtero gestantur, sicuti ne-  
que vis nutritrix ; sunt tamen eo tempore supradictarum facultatum, D  
alteratricis, & formatricis, hæc veluti ministræ , nec sustinent ipsæ  
primas partes. Vbi vero perfectam magnitudinem animal est adeptum, toto post  
quam editum est tempore, vsque ad ætatis vigorem auētrix virtus dominatur.

De facultate auētrice quattuor docet hoc capite ; quo tempore dominetur;  
quæ facultates ipsi ministrent ; quodnam sit proprium ipsius munus ; & tandem  
quomodo in singulis corporis partibus fiat. Nunc itaque primum docet, facul-  
tatem auētricem dominari à primo animalis ortu ad ætatis vsq. vigorem. Non  
tamen proinde negat toto vitæ tempore in animali reperiri, nam vt ipse ait, nō  
de est fœtibus qui in vtero gestantur, sicuti neque nutritrix. Cum primum enim ab  
vtero conceptum est semen, menstruo sanguine nutritur, eoque nutritum auge-  
tur;

Lib. 1. de semi.  
cap. 11.

Lib. 1. de semi.  
cap. 13.

Lib. 6. metho.  
med. cap. 5.



A rur; & foetus ipse ex femine & sanguine genitus, materno sanguine alitur, & indies crescit. Non tamē primas partes eo tēpore sustinēt nutritrix & auctrix, sed generatricis potius sunt ministri, quæ sine illa ū ope propriū munus obire nequit. Quoniam ergo toto gestationis tempore propter foetus generationem expetuntur nutritio & auctio, merito primus locus generatrici conceditur. Foetu autem in lucem iam edito auctrix facultas dominari dicitur, quia non amplius generationis causa, sed propter seipiam expetitur; cum genitum iam, omnibusq. partibus absolutum animal, optimo naturæ consilio ad summam perfectionem sensim perducī debeat. Durat vero auctricis dominium ad summum vique ætatis vigorem, post quem omnino cessat totius animalis incrementum. Remanet tamen adhuc in partibus facultas auctrix, alioqui enim nulla corporis pars post vigorem augetur: augentur autem toto vitæ tempore pinguedo, carnes, & dentes; vt postea dicemus.

B *Auxiliatrices autem & veluti ministræ eius sunt alteratrix & nutritrix.*

Quemadmodum generatricis facultatis, dum in vtero gestatur foetus, ministræ sunt nutritrix & auctrix; ita & auctricis ministra est nutritrix à primo ortu ad ætatis vsque vigorem, quia augeri partes non possunt, quin prius nutriantur. Quod si auctricis ministra est nutritrix, quæ huic ministrant, illi haud dubie famulabuntur. Propterea dixit alteratricem quoq. ministram esse auctricis, cum sit ex earum numero quæ inseruiunt nutritrici.

C *At quid igitur ipsius auctricis facultatis est proprium? nempe in omnem partem proferre quæ iam nata genitæ sunt. Vocantur autem sic solidæ corporis particula, arteriæ, venæ, nerui, ossa, cartilaginēs, membrana, ligamentæ, deniq. tunica omnes. Has particulas, elementares, similes, & simplices paullo supra nominauimus.*

D Proprium facultatis auctricis munus est, quæ iam genita sunt in omnē partem (id est in omnem dimensionem) proferre, ac dilatare. Vnde intelligitur discrimen inter generationem & auctiōem; gignitur enim quod antea non erat; augetur quod genitum iam est, & propriam formam seruat. Cum autem ait sic vocari solidas corporis particulas, videtur innuere solas partes solidas augeri; quemadmodum etiam capite quarto, vbi dixerat auctiōem esse solidarum partium augmentum & ampliatiōem, in longum, latum, & profundum. His persuasi nonnulli, partes carnosas negant vere augeri, cum partes tantum spermaticæ solidæ dicantur, ac sint. Huc accedit, quod auctiōis certus sit terminus, ad summum scilicet vigorem; partes vero carnosæ toto vitæ spatio augeri possint & imminui. Vnde etiam colligit Iouertus, carnē & adipē non esse veras corporis partes, quasi de ratione partium sit, vt certum habeant terminum incrementi. Atqui cum caro & adeps vivant, & nutriantur, erunt haud dubie veræ corporis partes; proptereaq. non minus vere augebuntur quā partes spermaticæ. Quare potius crediderim, partes solidas vocari à Gal. eas omnes quæ veræ partes sunt. Nā vt partes spermaticæ carnosiss collatæ, solidæ proprie dicuntur; ita & partes carnosæ spirituū & humorū collatione, solidæ dici possint. Quo etiam pacto dixerat capite quarto, auctiōem augmentum ampliatiōne-

Annot. in cap.  
5. & 7. lib. 1. de  
fac. nat.

Bb que



que esse partium solidarum, quarum etiam est formatio. Quippe cū partes car-  
 nosæ, non secus ac spermaticæ, propriam formationem obtineant; ipsarum am-  
 pliatio in trinam dimensionem erit similiter accretio. Et rursus agens ibidem  
 de nutritione dixit, nutritionem esse iisdem partibus appositionem quandam  
 sine ampliatio: quibus verbis significat, in nutritione appositionem fieri par-  
 tibus solidis. At si partium solidarum nomine solas spermaticas intellexisset,  
 concedendū esset, solas partes spermaticas nutriri. Sed & ex iis quæ hoc capite  
 scribit, idem satis euidenter colligitur. Ait namque, propriū esse facultatis au-  
 ctricis, quæ iam nata, genitaue sunt, in omnem partem proferre; at partes car-  
 nosæ genitæ iam sunt, quemadmodum & spermaticæ. Et quamuis partium sper-  
 maticarum exemplo sit usus, monstrant tamen quæ postea subiungit, partes om-  
 nes sub solidis comprehendi; cum partes ipsas solidas, elementares, similares,  
 ac simplices nominari scribat: quæ sane appellationes non minus carnosis, quā  
 spermaticis partibus conueniunt. Præterea auctoris propria ratio, quæ est di-  
 latatio in trinam dimensionem, non magis inest partibus spermaticis quā car-  
 nosis, neque enim hæ augentur ut pili & ungues. Neque de ratione veræ auctio-  
 nis est, ut partes quæ augentur certum habeant incrementi terminum; sed tan-  
 tum ut in omnem dimensionem dilatentur, seruata continuitate, ut postea doce-  
 bit. Idque ex eo confirmari potest, quod non omnes partes spermaticæ certum  
 habeant terminum incrementi; cum dentes, auctore Galeno, toto vitæ tempo-  
 re augeri possint, ut quod perpetua attritione deperditur, perpetuo quoque in-  
 stauretur. Experimur enim, dente quopiam deficiente, alterum qui illi opposi-  
 tus erat, usque adeo interdum crescere, ut extra reliquorum dentium seriem  
 promineat. Nihilominus tamen quoniā ex partibus potius spermaticis quam  
 carnosis totius corporis incrementum expenditur, certum in animalibus incre-  
 menti terminum vere constituimus. Indiget vero corporis incrementum humi-  
 ditate, cuius beneficio solidæ partes ad eiusmodi motum sequaces reddantur.  
 Quare merito dictum est à Galeno, corporis incrementum eo usque progredi,  
 donec ossa firmum robur adepta fuerint. Et alibi quoque dixit, cessare corpo-  
 ris incrementum, cum peruentum fuerit ad ἀκμὴν, ossibus nimirum ipsis ob sic-  
 citatem non ultra sequacibus. Id tamen videtur difficile, cum pueros augeri ob-  
 seruemus, quantumuis morbi cuiuspiam vehementia, aut diuturnitate fuerint  
 exsiccati. Atqui rem distinguere oportet, crescunt enim pueri, quamdiu in illis  
 seruatur natua ossium, aliarumque partium spermaticarum humiditas; quod sa-  
 ne fiet, si absumpta dumtaxat sint caro & adeps. Semel vero absumpta nati-  
 ua partium vere solidarum humiditate, ut in marasmo facto contingit, non am-  
 plius augetur corpus. Immo qui sic afficiuntur, licet pueri sint vel adolescentes,  
 redduntur senibus omnino similes.

Lib. 5. de cōp.  
 med. sec. loc.  
 cap. 8.

Lib. de opt.  
 corp. cō. c. ult.  
 Lib. 1. de sani-  
 tu. cap. 2.

*Ad quem autem modum omnes particule extendantur, proferanturque,  
 ipse narrabo, sed exemplo quodam claritatis gratia prius proposito. Solent  
 pueri acceptas suum vesicas spiritu implere, ac iuxta ignem super cineres  
 sic eas confricare, ut incalescant, nec tamen ledantur. Estq. is lusus in Ionia,  
 & in aliis gentibus non paucis, per frequens. Accinunt vero inter fricandū ver-  
 sus quosdam, numerofo & cantu, & rythmo, suntq. ea omnia verba ad hortatio  
 vesicæ ad incrementum. Vbi vero illis abunde videtur extensa, rursus inflant,  
 ac magis*



- A ac magis distendunt, & iterū fricant; idq. subinde faciunt, quoad ampliata vesica satis augmenti accepisse videatur. Ceterum in hoc puerorum opere quātum interna vesicæ capacitas est adaucta, tantum necesse est corpus eius in tenuius sit redactum. Quod si tenuitatem hanc sarcire pueri possent, utiq. perinde ac natura, ex parua magnam vesicam efficerent. Nunc vero id opus consequi his nō licet, nec duci id in imitationem vlli iam perfectorum hominum quoquo pacto fas est, nedum pueris; id enim solius naturæ proprium munus est. Ita cōstat arbitror, iis quæ augentur necessariam esse nutritionem; quippe si extendantur eiusmodi corpora, non tamen reficiantur, speciem quandam falsam augmenti præbuerint, verum augmentum adepta non fuerint. Quinimo distendi in omnem partem ea
- B tantū possunt quæ per naturā ipsam sunt adaucta; quæ enim a nobis sunt extensa corpora, sicut vna dimensione id patiuntur, ita reliquis imminuuntur. Neq. enim est inuenire quidquam, quod continuitate sua seruata, minimeque diuulsa, extēdi in tres dimensiones possit. Solius igitur naturæ opus est, corpus quod continuitatē suam, & speciem quā prius habuit, vniuersam seruet, in omnem partē extēdere. Atq. ea res auctio est, quæ sine nutrimento affluēte adherenteq. fieri nequit.

Quo facilius accretionis modum explicet in singulis corporis partibus, utitur primū exemplo quodam, ex quo discrimen colligit inter artem & naturam. Exemplum autem est lusus cuiusdam, qui pueris familiaris erat in Ionia. Solebant enim suum vesicas spiritu implere, & iuxta ignem supra cineres fricare, eo scilicet consilio, ut vesicas maiores capacioresq. redderēt. Solent & nostri pueri similiter ludere, minus accurate tamen; neque enim cantilenis semper vtuntur, quibus vesicas ad incrementum hortentur, ut faciebant Iones, neque semper vesicas fricant ad ignem; sed sola pedum attritione plerumque vtuntur, cumque inter ludendum vicisse iudicant, qui suis aut bouis vesicam ampliorē reddiderit. Hanc postea solent his falsciolis diligenter inuoluere, quæ ex pannorum lateribus rescinduntur; ut magnam scilicet construant pilam, quam possint ludentes pugno percutere. Hæc quidem vesicarum extensio vera accretio dici non potest, quia in omnem dimensionem non fit, sed in longitudinem solam. Cum enim proprium ipsarum corpus ex violento attritionis motu tenuius euadat, tantum abest ut crescat altitudo, quin potius imminuatur insigniter; unde etiam fit, ut ipsarum cavitās amplior reddatur. Hinc colligit discrimen inter naturam & artem, nam quamuis vtraque possit corpora extendere, sola tamen natura in omnem dimensionem extendit, ars numquam. Siquidem vera accretio nutritione indiget, quæ solius naturæ est opus. Quo fit, ut quæ vitæ sunt expertia, etiam si quandam incrementi speciem præ se ferant, veram auctionem suscipere non possint; tantum enim crescere videntur, aut sola rarefactione, ut aqua quæ mutatur in aërem; aut noua partium additione, ut metalla, & in nostris corporibus cuticula ( *ἐπίδερμίδα* Græci vocant ) pili, & extremi vngues. Extremos dixi, quia vnguium radices & viuunt, & sentiunt, & vere augentur. Qua distinctione seruata facillime Galeni loca explicabis, quæ inter se pugnantia visa sunt Argenterio reprehendendi studiosissimo. Aliquādo enim capillorum & vnguium nullam gubernationem, sed solam generationem esse dixit; aliquando vero neruum, arteriam, & venam in vnguium radices porrigi asseruit, unde sensum, vitam, & alimentum, sicut aliæ partes, acci-

Com. in art.  
medi. fol. 198.  
In art. med.  
cap. 9.  
Lib. de a nar.  
admir. c. ult.



Lib. 2. contro.  
cap. 5.

ciant. Sed hoc recte annotauit Vallesius. Ex iis autem quæ hæcenus docuerat tandem concludit, solius naturæ opus esse, corpus quod suam cōtinuitatem & speciem seruet, in omnem partem extendere. Quibus verbis conditiones quattuor exprimit, quæ reperiuntur necessario in corporibus quæ vere augentur; debent enim in omnem partem extēdi, nutriri, cōtinuitatem suam seruare, & propriam speciem retinere. Quod nutriri debeant, & in trinam dimensionem dilatari, antea dictum est; quod autem substantiæ cōtinuitatem seruent, ex eo intelligitur, quod quæ humore replentur, aut spiritu, non dicantur augeri, etiā si & nutriri, & in omnem partem extendi videantur; quia scilicet propriam cōtinuitatem amittunt. Neque enim virile pudendum quando erigitur, neq. partes quando in tumorem attolluntur, dicentur vere augeri, cum hæc superfluo humore, illud vero solo spiritu repleatur, Sed & eandem speciē siue formam seruari necesse est, cum accretio & decretio eo nomine distinguatur ab ortu & interitu, quod in his eadem forma non maneat, in illis vero maneat perpetuo eadem. Quod si formæ nomine (quam Galenus vocauit *ἰδέα*) figuram intelligas, & sic quoque verum erit, in corpore quod augetur eandem seruari formam; quoniam corporis quod augetur in trinam dimensionem extēsiō, pro eiusdem corporis ratione perpetuo fit, & seruata dimēsiōnum proportione, vt recte obseruauit Peramatus. Porro quæ de facultate auctrice hæcenus docuit Galenus, cum iis quæ ab Aristotele sunt tradita, omnino consentiunt.

Lib. de ani. fac.  
cap. 8.  
Lib. i. de ort. &  
inter. cap. 5.

## CAP. VII.



*VO* magis de ipsa nutritione quæ reliqua est et tertia propositorum ab initio, videtur agendi locus. Quod enim in nutrimenti affluit specie, cum id corporis eius quod nutritur omni parti affigitur; actio ipsa nutritio est, causa vero eius ipsa\* facultas. Et alteratio quidem hîc quoque ipsius actionis genus est, non tamen talis, qualis erat in generatione. Ibi namque quod os non erat postea factum est os; in nutritione vero ei quod iam factum est, id quod affluit efficitur simile. Ita non immerito alterationem illam nominamus generationem, hanc, assimilationem.


Græce additur  
*ἡσπιμὴν*, id est  
nutrix.

Inter facultates naturæ principes postremū locū obtinet nutrix, non tēpore, sed dignitate. Nā si tēporis habenda sit ratio, omnium prima iure censebitur, cū semen in vtero conceptum, nutriri prius & augeri debeat, vt ex eo fœtus formetur. Sed quoniā tūc nutrix nō secus ac auctrix generatrici ministrat, & puero in lucem edito, ad summū ætatis vigorē famulatur auctrici; postremū dignitatis gradum merito hoc nomine sortitur. A summo autem vigore ad exitum vitæ primas obtinere dicitur, quod nulli facultati amplius inferuiat, sed alias ipsa potius habeat ministras & auxiliatrices. Propriam nutricis actionem inquit esse, omni parti corporis quod nutritur nutrimentum affigere; nā Græcam dictiōnem *προσπλάσσειν* interpretatur Linacer affigi, id est agglutinari. Ioubertus tamen potius vertit transmutari ac conformari, quoniam cum propria nutritionis ratio in assimilatione sit posita, propria nutricis actio merito dicetur particularis quædam conformatio, vel transmutatio nutrimenti in rem nutritam. Nihil tamen obstat, quo minus nutritio dici possit nutrimenti agglutinatō, quemadmodum capite quarto dicta est nutrimenti appositio; quāuis vera nutritionis ratio in assimilatione sit posita. Docet præterea alterationem genus esse nutritionis & generationis, quod intelligendum est de



A est de alteratione totius substantiæ. Nam & in generatione & in nutritione totam substantiam alterari necesse est, & nouam formam adquiri; in generatione quidem in eo quod gignitur; in nutritione vero in eo quod nutrit. Quo sane nomine & nutritio dici posset generatio quædam, cum id quod antea sanguis erat, caro efficiatur, aut os, aut aliud quidpiam. Merito tamen distinctæ alterationis species statuuntur generatio & nutritio, quoniam generatione fiunt partes quæ antea non erant; nutritione vero nulla pars fit, sed tantum substantia quædam, partibus iam genitis omnino similis: quod recte ab Aristotele obseruatum etiã Lib. 2. de ani. cap. 4. est. Vnde nata est hæc nominum varietas, vt quæ alteratio nouæ corporis partem creat, generatio; quæ vero partium substantiam instaurat, nutritio dicatur.

## CAP. VIII.

B  VONI AM autem de tribus naturæ facultatibus abunde diximus, videturque animal nullam aliam requirere, habens nimirum quemadmodum & augeatur, & absoluator, & plurimū duret; videtur abunde iam disputatio hæc suos numeros habere, omnesque naturæ facultates explicasse. Verum si quis rursus reputet, nullam hanc animalis partium adhuc attigisse, ventriculi dico, intestinorum, iecinoris, & aliorum eiusmodi, nec harum facultates exposuisse; velut proœmium tantum vtilioris doctrinæ propositum esse putabit: quippe rei summa sic habet. Generatio, auctio, & nutritio, prima naturæ operum, ac veluti capita sunt; itaque etiam effectrices harum facultates primæ, principesque tres sunt. Desiderant tamen (vt iã dictum est) tum ipsarum inter se, tum aliarum ministeriū. Ac quæ quidē generatrix auctrixque desiderant, dictum iã est: quæ autē nutrix facultas requirat, nūc dicetur.

C Nihil quod difficile sit, aut obseruatione dignum, continet hoc caput; in quo tantum docet, quæ de tribus naturæ principibus facultatibus, generatrice, auctrice, & nutrice, hætenus tradita sunt, esse veluti proœmium quoddam vtilioris doctrinæ, quæ circa particularia versatur. Hæc namque priuatim docet, quot, qualesque facultates singulis naturæ instrumentis insint, & quas functiones edere singulæ sint naturæ; quæ sane cognitio & ad sanitatis tutelam, & ad curationem morborum multo vtilior censetur. In naturæ autem instrumentis eas potissimū facultates inquirere oportet, quæ nutrici ministrant, vt tota hæc de facultatibus naturalibus disputatio perfecta sit, & suis numeris absoluta. Nam vt generatrici subseruiunt auctrix & nutrix, & sola nutrix auctrici; ita & nutrix suas habet ministras & auxiliatrices, de quibus agendum est. Cogimur tamen (quoniã de facultatibus principibus hætenus egimus) breuiter hoc loco explicare, sintne generatrix, auctrix, & nutrix, facultates specie distinctæ; an potius vna sit eadēque facultas, quæ variis istis donata nominibus, animal diuersis temporibus gignat, augeat, ac nutriet. Sentit Vallesius eandem facultatem generare, augere, & nutrire; generationemque & auctionem esse tantum vteriores quosdam motus facultatis nutricis. Generatricem à nutrice non distingui probat, quia eisdē actionibus particularibus cōplentur; cū vtraque hæc actio fiat conuersione alimentum in substantiā rei quæ alitur. Sed hæc ratio tantum ostendit, nutricē ministrare generatrici, cū fieri non possit vt partes generentur, quin prius semen nutriatur. Præstat igitur huiusmodi facultates distinctas cū Gal. statuere, qui generationē & nutritionem dixit capite superiori diuersas esse alterationis species. Quamuis

Lib. 2. contro. cap. 19. & 20.



nis enim nutritio videatur esse quædam generatio, quia tamen quod per nutri-  
 tionem gignitur corporis pars non est, sed partis iam genitæ substantia; merito A  
 nutrix distinguetur à generatrice. Id quod & harū facultatū actiones certissime  
 ostendunt, nam propria generatricis actio est nouæ partis productio; nutricis  
 vero nutrimenti assimilatio. Probat præterea Vallesius facultatem auctricē non  
 distingui à nutrice robusta, quia harum facultatum actiones specie non diffe-  
 runt, sed sola ratione maioris & minoris. Nam (ut ipse ait) cum tantum repara-  
 tur ex alimento confecto quantum quotidiana exolutione perierat, corpus nu-  
 tritur; cum plus, augetur. Præterea plus, aut minus, aut tantundem reparari, fit  
 ex maiori, vel minori, vel æquali eiusdem facultatis robore; at facultas auctrix  
 plus alimenti reparat, ergo non distinguitur à nutrice robusta. Sunt tamen &  
 hæ rationes inefficacissimæ, quamuis enim fieri non possit auctio, quin plus nu-  
 trimenti assimiletur; propria tamen auctricis actio non est plus alimenti repara-  
 re, sed potius solidas corporis partes in omnem dimensionem extendere, ut an-  
 te dictum est. Neque itidem propria actio nutricis est tantundem alimenti re- B  
 parare, sed nutrimentum potius partibus nutriēdis assimilare, siue plus, siue mi-  
 nus, siue æquale ei quod effluxit, assimilatur. Est itaque accretionis comes in  
 separabilis vberior ipsa nutritio, ut recte sensit Auicenna; nam si corpus auge-  
 tur, plus alimenti ipsi accedit; & si plus alimenti assimilatur, auctio necessario  
 fit. Quamuis non me lateat aliter sentire Fernelium, qui & accretionem cū par-  
 ciori nutritione, & vberiore nutritionem citra corporis incrementum repe-  
 riri posse affirmat. Pueri namque qui ex febribus, aut longis aliis morbis exte-  
 nuati sunt, euidenter crescunt; & qui summum ætatis vigorem prætergressi iam  
 sunt, quantumvis cibo saginentur, incrementum capere nequeunt. Quæ sane  
 rationes cum plurimam probabilitatem præ se ferant, doctissimorum medico-  
 rum non paucos in Fernelii sententiam traxerunt. Mihi tamen nullo pacto ci- C  
 tra vberiore nutritionem videtur fieri posse accretio; alioqui non omnes  
 particulæ corporis quod augetur, fruerentur alimento, quod est absurdum.  
 Quamobrem in pueris extenuatis & crescentibus vberiore quoque nutritio-  
 nem concederem, non in adipe & carne, quibus absumptis vniuersum corpus  
 gracile est redditum; sed in partibus spermaticis, quarum ratione corpus auge-  
 ri dicitur. In iis vero qui ultra vigorem ætatis progressi iam sunt, corpus non  
 crescit, etiam si liberaliori utantur cibo; quia partes spermaticæ neque aluntur  
 vberius, neque possunt amplius ob siccitatis excessum in omnem dimensionem  
 extendi. Augentur tamen in his caro & adeps, quæ copiosiore nutrimento fru-  
 untur; quibus auctis vniuersus corporis habitus crassior euadit, etiam si totum  
 corpus non crescat, nisi (ut vulgo dici solet) in latum. Sed iam alias Vallesii ra-  
 tiones expendamus. Quādo, inquit, facultas nutrix est imbecilla, corpus decre- D  
 scit; ergo quando robusta est nutrix, corpus augetur; auctrix igitur facultas à  
 nutrice robusta non distinguetur; aut si distinguitur, statuenda erit facultas  
 altera imminutrix auctrici contraria. Verum hæc ratio non minus est in-  
 efficax, cum solum ostendat auctricem nutricis robore indigere. Quod au-  
 tem ait, auctricem à nutrice non distingui, quia iisdem utuntur ministris, nem-  
 pe attractrice, retentrice, concoctrice, & expultrice; omnino verum non est.  
 Sunt enim quattuor illæ nutricis ministræ, auctricis vero tantum ex acci-  
 denti; quatenus scilicet ministrant nutrici, quæ auctrici inseruit. Quæ cum ita  
 sint, miror profecto, cur suo auctori adeo placuerit hæc opinio, ut eā vulgarem  
 non esse, sed solis doctioribus atq. ingeniosioribus proponendā esse censuerit;

cum

Fen. 1. lib. 1.  
 doct. 6. cap. 2.

Lib. 5. de nat.  
 par. med. cap. 3.



A cum tamen neque ingenii, neque eruditionis multum contineat. Nos igitur Aristotelis Galenique methodū sequuti, ex tribus diuersis naturæ operibus tres diuersas actiones, ex his vero tres principes naturæ facultates specie distinctas colligamus, generatricem, auatricem, & nutricem.

## CAP. IX.



**V** IDEO R exim monstraturus, tum instrumenta ipsa quæ ad naturalem nutrimenti molitionem comparata sunt, tum eorum facultates propter hanc esse conditas. Nam cum actio huius facultatis assimilatio sit, nec fieri possit vt assimilentur mutanturque inter se vlla, nisi societatem aliquam cognationemque in qualitatibus habeant; idcirco primum quidem nec quoduis animal quocumque cibo nutriri potest; deinde nec quibus nutriri potest, his vtique protinus. Atq. huius necessitatis causa pluribus alterationis nutrimenti instrumentis cuique animali est opus. Siquidem vt flauum rubrum fiat, & rubrum flauum, vna & simplice alteratione est opus; vt vero album nigrum reddatur, vel nigrum album, omnes quæ in medio horū sunt alterationes requiruntur. Ita quod molliissimum est non potest vno statim impetu durum fieri; nec quod durissimum illico molliissimum. Pari modo nec quod grauissime olet odoratissimum, nec contra quod odoratissimū est grauissime fieri olēs extemplo potest. Quo pacto igitur ex sanguine os fiet, nisi is prius & crassetur plurimum, & dealbetur? Aut quomodo ex pane gignetur sanguis, nisi & paulatim deponat albedinem, & sensim accipiat ruborem? Quippe caro ex sanguine non magno negotio fit, si enim eatenus naturæ opera crassescat, vt constantem substantiam habeat, nec etiam sit fluidus; prima & recens concreta caro iā existet. At vero vt sanguis os fiat, longo huic tempore, multo etiam opere, ac mutatione est opus. Quod autem & pani, & multo magis lactucæ, & betæ, et similibus, quo sanguis ex his fiat, permulta alteratio requiratur, satis id quoque patere arbitror. Atque hæc quidem vna causa est, cur multa sint ad alterationem nutrimenti instituta organa.

**V**t inuenire possit facultates naturales nutricis ministras, demonstrat primū hoc capite, plura in corporibus animalium instrumenta nutritionis gratia necessaria fuisse. Horū autem in vniuersam tria sunt genera, instrumenta scilicet alterationis siue concoctionis, instrumenta excrementis dicata, & instrumenta distributionis. Fuisse in primis necessaria instrumenta alterationis, ex nutritionis essentia, & propria alimentorum natura recte confirmat. Nutritionis essentiam non in appositione alimenti, vt capite quarto; neque in agglutinatione, vt capite septimo; sed in assimilatione nutrimenti cū re quæ nutritur, verissime nunc collocat, vt capitibus etiam sequentibus. Immo si rem ipsam alius contemplerur, neque nutritio dici potest nutrimenti assimilatio, sed (vt ita dicam) identitas potius alimenti cum re quæ alitur. Siquidem nutrimentum per concoctionem partibus nutriendis fit simile, per nutritionem vero fit potius idem. Proindeque merito nutritionem inquit aliquando Galenus esse Lib. 4. Sup. cap. 10. vacuari repletionem; at quod è corporibus vacuatum est, partium substantia



Cap. 3.

est; ergo quod vacuatum replet, in partium substantiam mutari necesse est. Nutri- **A**  
 trimentorum naturam accuratissime explicauit lib. 3. de temper. nunc autem  
 tantum docet, nutrimenta omnia cum iis quæ nutrienda sunt, societatem, cognati-  
 onemque aliquam in qualitatibus habere. Quæ sane qualitatuum cognatio do-  
 plex esse potest, altera in qualitatibus manifestis, altera vero in tota qualitatuum  
 constitutione. Manifestis quidem qualitatibus calida nutrimenta corporibus  
 calidis cognata sunt, & frigida frigidis; tota vero constitutione qualitatuum nu-  
 trimenta omnia nutriendis corporibus similia esse necessario debent. Hinc fit,  
 vt non quocumque cibo animal quodcumque nutriri possit, nam cum diuersa  
 maxime sit diuersorum animalium natura, fieri nulla ratione potest, vt idẽ nu-  
 trimentum cum omnibus animalibus substantiæ cognitionem obtrineat. Neque  
 aliunde accidit, vt quæ alicui animali familiaria sunt nutrimenta, alteri fortasse  
 sint noxia venena; veratro namque aluntur coturnices, & sturni cicuta, quorum  
 vtrumque homini est venenum. Ceterum quamuis nutrimenta omnia cum iis **B**  
 quæ nutriuntur totius substantiæ similitudinem necessario habeant, nutrire ta-  
 men non possunt, quin prius alterata atque concocta, partibus nutriendis om-  
 nino similia reddantur: ita tamen, vt quæ nostræ naturæ magis familiaria sunt,  
 minori; quæ vero minus familiaria, maiori alteratione indigeant, vt exemplo  
 vini recte Galenus explicauit lib. 3. de temper. Id quod & in reliquis mutatio-  
 nibus, quæ in coloribus, odoribus, saporibus, & qualitatibus tactilibus fiunt, vi-  
 dere est. Siquidem vicini colores, vt flauus & ruber, mutantur facile in se inui-  
 cem; contrarii vero difficillime, vt albus & niger. Idem de aliis qualitatibus in-  
 tellige. Eadem ergo ratione de nutrimentis sentiendum, siue interna hæc fue-  
 rint, siue externa. Internum quidem, omnibusque partibus commune nutrimen-  
 tum sanguis est, qui vt in carnem mutetur, leuem alterationem exposcit, cum a-  
 liud nihil videatur esse caro quam sanguis quidam crassior redditus. At vero **C**  
 vt sanguis os fiat, (à cuius natura plurimam recedit) & maior, & magis diuturna  
 necessaria est alteratio. Sed & in externis alimentis quibus quotidie vescimur,  
 id multo euidentius apparet. Panis enim quia purum sincerumque nutrimentum  
 est, facilius in sanguinem conuertitur, difficilior vero lactuca & bera; utpote quæ  
 nutrimenta sint medicamentosa, minusque p oinde nobis familiaria. Ex his tã-  
 dem concludit necessaria nobis fuisse instrumenta alterationis, siue concoctio-  
 nis. Nam si nutritio nutrimenti assimilatio est; nutrimentum vero quantumuis  
 familiare sit, assimilari non potest quin prius alteretur; ergo necessaria sunt asi-  
 qua instrumenta, quæ huiusmodi alterationibus præsent. Hac eadem ratione  
 vsus est lib. 1. de sani. tu. cap. 3.

Cap. 3.

*Altera autem est excrementorum natura. Sicut enim herbis nutriri plane **D***  
*non possumus, tametsi pecudes his nutriantur; ita radícula quidem nutrimur, ve-*  
*rum non ita vt carne. Hanc enim totam natura nostra propemodum vincit, mu-*  
*tatque, & alterat, ac sanguinem salubrem ex ea creat; in radícula vero quod*  
*quidem conueniens est, & transmutari potest, (quamquam ægre plane, nec sine*  
*plurima concoctione) omnino id minimũ est, sed tota paullo minus excremento-*  
*sa est; & pertransit quidem concoctionis instrumenta, ceterum exiguus ex ea in*  
*venas assumitur sanguis, nec is in totum utilis. Quare alteram rursum secretio-*  
*nem, eorum scilicet quæ in venis sunt excrementorum, desiderauit natura. Quibus*  
*etiam*



**A** etiam aliis opus erat viis, per quas ducerentur ad exitum, quo scilicet salubribus succis minime officerent. Præterea quibus reciperentur veluti receptaculis quibusdam; in quibus postquam satis magna collecta vis esset, mox excernerentur. Ergo hoc secundum particularum in corpore genus quod nutrimenti excrementis sit destinatum, inuenimus.

Probat secundo ex nutrimentorum natura superius explicata, alterum quodam instrumentorum genus ob nutritionem fuisse necessarium, eorum scilicet quæ excrementis sunt destinata. Quippe quæ nos minime nutrire possunt, ea profecto nullam substantiæ similitudinem nobiscum habent, quales sunt herbe; quæ quidem pecudibus optimum sunt pabulum, etiamsi homines non nutriant. Vnde perspicuum est ab herbis distingui olera, quibus haud dubie homines nutriuntur. Quæ vero nobis nutrimentum præbent, quamuis similia sint & familiaria, habent tamen necessario partes dissimiles, alia quidē plures, alia vero pauciores. Quæ pura sinceraque sunt nutrimenta, substantiā similem plurimam obtinent, dissimilem paucissimam; veluti caro, quæ tota fere proinde concoquitur, & in salubrem sanguinem conuertitur. At quæ minus familiaria sunt, (vt radícula) ægre concoquuntur, & paucus ex his gignitur sanguis, isque excrementitius. Cum igitur nutrimenti omnibus id sit cōmune, vt partes habeant excrementitias, & partibus nutriendis ineptas; oportebat profecto, ab vtili substantia eas separari, ac tandem extra corpus excerni, vt corporis partes felicissime nutrentur. Ex quibus recte conficitur, necessaria esse in animalium corporibus instrumenta aliqua, quæ toti huic operi præsent. Statuit autem hoc loco, & lib. 1. de sani. tuen. quattuor horum instrumentorum differentias, quædam enim excrementa separant, alia deducunt, alia veluti receptacula quædam colligunt, alia tandem foras expellunt. Quod tamen ita accipiendum non est, vt ad singulorum excrementorum vacationem, omnia simul conueniāt necessario, sed quod aliquando conuenire possint, vt postea dicemus.

Cap. 21.

**C** Est & aliud tertium genus pro bonis succis vndique per totum corpus defendendis institutum; estque id veluti viæ quædam numerosæ, per totum corpus sectæ. Vnus namque omnibus cibus introitus per os est, at non vnum est quod nutritur, sed plurima, ac plurimum inter se distantia. Ergo admirationi esse cuiquam non debet instrumentorum numerus, quæ nutritionis gratia natura condidit; alia namque idoneum cuique particula nutrimentum alterando præparāt;

**D** alia separant excrementa; alia transmittunt; alia suscipiunt; alia expellunt; alia salubrium succorum in omnem partem ferendorum sunt viæ.

Præter instrumenta concoctionis, & ea quæ excrementis dicata sunt, necessaria itidem esse instrumenta distributionis ex eo ostendit, quod vnus sit omnibus cibus introitus per os, partes vero nutriendæ & plurimæ sint, & plurimū inter se distantes. Dum vnum esse cibus omnibus introitum per os asserit, nutrimentum clysterum vsum non negat; sed naturalem dumtaxat assumendorum ciborum modum proponit. Nam quamuis quæ per sedem iniiciuntur nutrire possint, vt alibi diximus; naturæ tamen lege nutrimenta per os assumuntur, cuius meatus ad capiendos cibos factus est à natura, quemadmodum sedis meatus ad excernenda alui excrementa. Si ergo cibi quibus nutrimur, assumuntur per os;



partes vero nutriendæ & à ventriculo (in quem ingesti descendunt cibi) & à se ipsis plurimum distant; negari non potest, quin necessaria fuerint instrumenta, quæ vtile (id est concoctum & ab inutilibus excrementis expurgatum) nutrimentum ad singulas corporis partes deducant. Quæ sane eundem corpori usum præbere videntur, quæ reipublicæ præbere solent qui vel expurgatū triticum, vel farinam, vel coctos etiam panes, ex publicis ciuitatis locis in priuatas domus deferunt. Ex quibus satis constat, triplici instrumentorum genere indiguisse naturam gratia nutritionis, instrumentis scilicet concoctionis, excrementorum, & distributionis.

*Quare si vniuersas naturæ facultates intelligere velis, singula iam dictorum organorum tibi sunt considerata. Principium vero doctrinæ eorū \* tum ea naturæ opera quæ propinqua fini habentur, tum particulae, particularumque facultates sunt.*

In tribus illis instrumentorum generibus quæ nutritionis gratia creata esse diximus, naturæ facultates nutriticis ministras inquirendas potissimum esse docet, cum earum facultatum actiones in illis maxime elucescant. Inuenietur autem methodo resolutionis, cognito scilicet fine, & inuentis iis quæ sunt necessaria ad finem. Id namque significant verba illa Galeni, Principiū vero doctrinæ eorum, tum ea naturæ opera quæ propinqua fini habentur, tum particulae, particularumque facultates sunt. Aduerte tamen, Græcam dictionem *ἀντὶ*, quam retulit Linacer ad instrumenta, referendam esse potius ad facultates; cum facultatem doctrinā tradat hoc loco, non autem doctrinam instrumentorum. Perficitur itaque facultatum nutriticis ministrantium doctrina ex fine, naturæ operibus fini propinquis, particulis ipsis, particularumque facultatibus. Ac finis quidem nutritio est; naturæ autem opera propinqua fini interpretantur plerique nutrimenti appositionem esse, & agglutinationem, & assimilationem: quorum sententiam non probō. Non enim nutritioni propinquum opus dici potest assimilatio, quæ à nutritione distincta non est; appositio vero & agglutinatio (præterqu岸quod ad nutritionem quoque referantur, quæ & appositio, & agglutinatio nutrimenti aliquando dicitur) neque actiones, neque opera vere dici possunt. Quamobrem per naturæ opera propinqua fini eas potius naturæ actiones intelligi velim, quæ necessarium usum præbent nutritioni; quales sunt alimenti concoctio, eiusdem distributio, & excrementorum secretio. His vero cognitis incitatur statim ad cognoscendas particulas, ad cognoscenda inquam instrumenta quæ eiusmodi actiones exercent. Porro quæ sint concoctionis instrumenta, quæ excrementorum, quæ itidem distributionis, ex propriis eorundem facultatibus & vñibus certo intelligimus. Quippe cum ex communi omnium hominum consensu ventriculus sit ingestorum ciborum promptuarium, erit haud dubie concoctionis instrumentum; quemadmodum etiam iecur, quod sanguinis officina vere appellatur. Sed & cor ad idem instrumentorum genus referri potest, cum sanguinem arterialem & vitalem spiritum concoctione gignat, non secus ac iecur sanguinem, & ventriculus chylum. Porro excrementis destinata instrumenta, varia sunt, vt intestina crassa, vesica bilis, lien, renes, vñeres, & vesica lotii. Instrumenta vero distributionis tria potissimum recensentur, tenuia intestina, venæ, & arteriæ. Ex horum itaque omnium cognitione pendet facultatum nutriticis inservientium inuentio, quas demonstraturus est esse quattuor, attractricem, retentricem, concoctricem, & expultricem.



A



*T*AQVE denuo nobis ad memoriam reuocandus is finis est, cuius causa tot ac tales particulas natura instituit. Et nomē quidem rei, ceu ante diximus, nutritio est; ratio vero eius nominis est, ad id quod nutritur eius quod nutrit assimilatio. Porro hæc ut fiat, agglutatio siue adhaerentia præcedat oportet; sicut etiam ut illa fiat, appositio. Postquam enim succus is qui omnem animalis particulam nutriturus est, a vasis excidit; in totam eam primum dispergitur, mox adiungitur, deinde agglutinatur, demum assimilatur.

- Nutritio cuius gratia tot tantaq. instrumenta natura condidit, assimilatio est
- B** nutrimenti cū eo quod nutritur; ipsam tamen necessario præcedūt eiusdem nutrimenti appositio & agglutinatio. Quippe cum partes nutriendæ solidæ sint, sanguis vero qui nutriturus est, humidus sit ac fluxilis; nisi concoctionis beneficio affigatur primum & agglutinetur, nullo vnquā pacto assimilabitur. Iā vero si hinc inde difflueret sanguis, neque partibus ipsis appositus seruaretur, nulla ratione agglutinari posset: apponitur autem, quādo attractus retinetur. Ex quibus recte Galenus colligit modum quo singulæ corporis partes nutriūtur, qui huiusmodi est. Succus is qui omnem animalis particulam nutriturus est (id est sanguis unicuique parti familiaris) ex vasis (quæ scilicet singulis partibus sunt propria) inprimis excidit; non quidem suo impetu, sed à partibus nutriendis attractus. Vbi vero semel exciderit, roris ritu partibus inspergitur, mox apponitur, deinde agglutinatur, ac demum agente facultate nutrice assimilatur. Vnde constat, propriam nutritionis rationem neque in appositione, neque in agglutinatione nutrimenti positam esse, sed in sola assimilatione. Videat ergo Iouber-
- C** tus, quam vere assimilationem statuatur nutritionis finem, cum assimilatio distincta nō sit à nutritione. Videat itidem Peramatus, quomodo appositionem, agglutinationem, & assimilationem, in vnam actionem incidere, conspirareque asserat; ita ut nutricis facultatis actio vna sit, quæ ab alimenti appositione, per agglutinationem, ad exactam assimilationē progrediatur. Nam sola nutrimenti assimilatio, propria est nutricis actio; appositio vero & agglutinatio nutritionē quidē præcedunt, non tamē aut nutricis, aut alterius facultatis actiones sunt, ut postea dicemus. Porro ex iis quæ de nutritionis modo docuit in præsentia Galenus, videtur collegisse Auicenna quattuor illas humiditates, quas ipse à quatuor humoribus distinguens, secundas appellauit. Primam inquit esse sanguinē contentum in exilibus venis & arteriis; quam quia proprio nomine caret, innominatam vocat. Alteram vocat rorem, proprium scilicet nutrimentum extra vasa effusum, ipsisque partibus roris ritu inspersum. Nutrimentum vero quod non solum partibus appositum est, sed etiam agglutinatum, tertiam humiditatem constituit, quam proinde gluten appellat; quemadmodum & cambium vocat quartam humiditatem, quam inquit esse nutrimentum iam assimilatū. Vtilius tamen multo Galenus in singulis partibus solidis quattuor humiditates enumerat, sanguinem scilicet in propriis vasis contentum, rorem, carnem & adipem, & humidum innatum.
- D**

Annot. in cap.  
11. lib. 1. de fac.  
nat.  
Lib. de animæ  
fac. cap. 7.

Fē. 1. lib. 1. doct.  
4. cap. 1.

Lib. 7. metho.  
meden. cap. 6.

Porro differre inter se assimilationem atque adhaerentiam, docet vtiligo illa quam Græci λέωνη dicunt; sicuti etiam adiunctionis atque agglutinationis differen-



differentiam prodit genus illud hydropis quod ἀνασάρκα vocant. Non enim as- A  
fluentis humoris inopia (veluti quæ Græce ἀτρεφία dicuntur & tabes) eiusmodi  
hydropis generatio prouenit; videtur enim tum caro his humida, madensque ef-  
se, tum solidarum quæque partium similiter affecta. Verum affluentis nutriti-  
ti appositio quædam fit, quod tamen propterea quod aquosius adhuc est, nec ad  
succum sufficienter redactum, nec lentitiam, glutinisque consistentiam (quæ na-  
turalis caloris ope prouenit) adeptum, adherentiam consequi non valet; defluē-  
te nimirum ac delabente, ob tenuis & crudi humoris exuberantiam, a solidis cor-  
poris particulis nutrimento. In vitilagine autem quæ λεύκη dicitur, adherētia qui-  
dem nutrimenti facta cernitur, non tamen assimilatio. Patetque obiter, id quod B  
paullo supra proposuimus recte esse dictum, debere fieri primum quidem apposi-  
tionem, mox agglutinationem, deinde ei quod nutriendum est, assimilationem.

Quod nutrimenti assimilatio, agglutination, & appositio, à se inuicem distin-  
guantur, ex duobus affectibus (in quibus nutritionis noxa reperitur) optime  
confirmat, leuce scilicet & anasarca. Leucen statuit hoc loco interpret vitiligi-  
nis speciem, quasi leuce a vitilagine alba nequaquam distinguatur. Fallitur ta-  
men, quia quamuis vterque affectus coloris ad album mutati vicium sit in cute;  
leuce tamen grauior est affectus, qui cutem altius mutat, simulq. cum cute car-  
nem, ita ut pili albi quoque præter naturam reddantur; in vitilagine autem al-  
ba solius cutis color albus efficitur, quemadmodum in nigra niger. Adde, quod  
vitiligo quæ in albam & nigram diuiditur, Græcis proprio nomine ἀλφός dica-  
tur. C  
Anasarca tertia est hydropis species, in qua vniuersus corporis habitus tu-  
met; quo nomine à duabus aliis hydropis differentiis distinguitur, in quibus so-  
lus venter in tumorem attollitur, à flatu quidem in tympanites; in ascite vero ab  
aquoso humore. Sed de his in pathologicis accuratius. Probat itaque primum,  
agglutinationem nutrimenti ab eiusdem appositione differre, exemplo anasar-  
cæ, in qua nutrimentum partibus apponitur, non tamen agglutinatur. Appo-  
ni quidem, constat ex discrimine inter anasarcam & atrophiam; in hac enim quia  
nullum fere alimentum apponitur, exsiccantur partes, & graciliores efficiuntur;  
in illa vero humida & veluti madentes tanguntur, quod citra nutrimenti ap-  
positionem fieri nequit. Non autem agglutinari, tactus ipse iudicat, qui carnes  
laxas & veluti fluidas persentit. Cum enim is qui in hoc affectu partibus appo-  
nitur sanguis, aquosior sit & tenuior; nullam fere ab imbecillo calore consiten-  
tiam, nullumque lentorem accipere potest, cuius beneficio agglutinetur: de-  
fluente nimirum ob tenuis crudique humoris copiam nutrimento. Hunc locum D  
ab iis obseruatum velim, qui ascitem anasarca perniciosiorem esse contendunt,  
quod in hac cruda gignatur pituita, in illo vero potius aqua; cum tamen hinc af-  
firmet Galenus, nutrimentum in anasarca aquosius etiam esse. Probat præterea  
assimilationem differre ab agglutinatione, exemplo leuces, in qua quidem cum  
affecta caro, non laxa ac diffuens ut in anasarca, sed solida potius tangatur; nutri-  
mentum partibus agglutinari concedendum est. Non tamen assimilari, pro-  
pria ægrotantis carnis species declarat, quæ quidem simpliciter caro non est,  
sed cum adiectione caro alba; utpote quæ ex pituitoso nutrimento gigna-  
tur.



A *Ac proprie quidem nutrimentum est quod nutrit. Quod vero veluti nutriti-  
est, nondum tamen nutrit, cuiusmodi scilicet est quod agglutinatur, vel quod  
apponitur; id proprie nutrimentum non est, sed equiuoce. Quod autem in venis  
est, atque hoc etiam magis quod in ventriculo est, id tamquam nutriturū aliquan-  
do sit, si probe cōcoctum fuerit, nutrimentum appellatur. Ad hunc modum edu-  
lia quoque nutrimenta vocamus, non utiq. quod iam animal nutriant, neque ta-  
lia sint qualia sunt quæ nutriunt; sed quod nutritura sint si probe sint con-  
cocta. Id namque est quod ab Hippocrate dicitur, Nutrimentum quod  
nutrit, nutrimentum quod veluti nutrimentum est, nutrimentum quod nutritu-  
rum est. Siquidem quod iam assimilatur, nutrimentum appellauit; quod vero ta-  
le est quale illud, nempe appositum, agglutinatumve genus, veluti nutrimentum;  
B reliquum omne, siue id in venis continetur, seu in ventre, futurum nutrimentum.*

Quamuis nutrimentum apponi, agglutinari, & assimilari dicatur; proprie ta-  
men nutrimentum dicitur quod reuera iam nutrit; improprie vero quod non-  
dum nutrit, sed vt nutriat est idoneum. Quare nutrimentum proprie tantum  
dicitur quod assimilatur, quod autem agglutinatur vel apponitur, veluti nu-  
trimentum; hoc namque si agglutinatur & assimilatur, nutrit; illud vero, si  
assimilatur. Sed & sanguis qui in vasis continetur, magis improprie nutrimentū  
dicitur, quia vt actu nutriat, apponi, agglutinari, & assimilari debet. Et magis  
adhuc improprie chylus, aut cibus in ventriculo contentus, quoniam præter di-  
C ctas alterationes, in sanguinem prius mutari desiderat. Ac tandem externi ci-  
bi (vt panis, aut poma) omnium maxime improprie nutrimenta appellantur,  
quoniam ad ea quæ dicta sunt, ventriculi etiam concoctionem exposcunt. Quo  
fit, vt quæ apposita adhuc non sunt, neque nutrimenta, neque veluti nutrime-  
ta, sed futura potius nutrimenta vocentur. Quod ex Hippocrate confirmat, qui  
triplex nutrimentum statuit, nutrimentum scilicet, veluti nutrimentum, & futu-  
rum nutrimentum; nutrimentum vocans quod assimilatur; veluti nutrimentum,  
quod agglutinatur, aut apponitur; futurum vero nutrimentum, quod in venis  
continetur, aut ventriculo, vt alibi explicatum iam est. Possimus quoq. nutri-  
mentum sic diuidere, vt partim sit actu, partim potestate. Actu nutrimentū est  
quod assimilatur; potestate vero, vel est potestate propinqua, vel remota; vtra-  
que autem vel magis, vel minus propinqua est, aut remota. Ac quod aggluti-  
D natur quidem, nutrimentum est potestate magis propinqua; minus autem pro-  
pinqua, quod apponitur. At sanguis qui continetur in vasis, nutrimentum est  
potestate minus remota; magis autem remota cibus qui est in ventriculo; ma-  
gis adhuc remota externa alimenta. Immo & communia rerum elementa, &  
materiam primam, nutrimenta dici posse concessit Galenus, potestate remo-  
tissima.

Lib. de alim.

Lib. 3. de tēp.  
cap. 4.Lib. 3. de tēp.  
cap. 1.

## CAP. XI.



*C* quod necesse sit nutritionem esse assimilationem nutrientis ei  
quod nutritur, clare liquet. Ceterum non esse assimilationē veram,  
sed tantum apparentem, dicunt ii qui nec arti ficiosam naturam  
exiſtillant, nec animalis habere providentiam, nec denique vllas  
proprias



proprias obtinere facultates, quibus scilicet vsa, alia trahat, alia teneat, alia de- A  
 mutet, aliis expellat. Fuereque tum in Medicina, tum in Philosophia, eorum ho-  
 minum qui aliquid de natura prodiderunt, quique saltem quod dixere intellige-  
 rent, & sequelam eorum quæ proposuerunt, non modo intuerentur, sed etiā ser-  
 uarent, duæ sectæ. Siquidem qui ne id quidem intellexerunt, sed quidquid in buc-  
 cā venit deblatterarūt, nec in alterutra sectarum perstitere; horum ne meminisse  
 quidem conueniat. Quenam igitur sunt duæ illæ sectæ, & quæ in his proposito-  
 rum sequela? Nempe altera sectarum substantiam eam quæ generationi & in-  
 ternecioni est subiecta, totam tum vnitam esse, tum alterari posse proponit; alte-  
 ra immutabilem, inalterabilemque, & in tenuia dissectam, tum vacuitatibus B  
 quibusdam interceptam statuit. Igitur qui saltem consequentiā aliquam ex pro-  
 positis in secunda secta intelligunt, hi nec naturæ, nec animæ propriam vllā sub-  
 stantiam, facultatemve arbitrantur; sed has primorum illorum corporum (quæ  
 & impatibilia, & simplicia proponunt) certo quodam congressu fieri. Iuxta ve-  
 ro priorem sectam posterior corporibus natura non est, sed multo etiam prior &  
 antiquior. Proinde his auctoribus animalium & stirpium corpora hæc fabricat,  
 prædita scilicet facultatibus, quarum aliis ea quæ sibi conueniant & trahit, &  
 assimilât; aliis quæ aliena sunt expellit. Eadem aliis quibusdam facultatibus  
 generando omnia, tum artificiose ea effingit ac format, tū iis quæ generauit pro-  
 spicit. Vna quidem qua sobolem diligit, eidemque prouidet; alia per quam quæ C  
 eiusdem sunt generis completitur, eisdemq. communicat. At alterius sectæ sen-  
 tentia nec horum quidquam natura possidet, nec vlla perceptio animæ ab ini-  
 tio est insita; nec consequentiæ, nec pugnantia; nec diuisionis, nec compositionis;  
 nec iusti, nec iniusti; nec turpis, nec honesti; sed ex sensu & per sensum, omnia  
 quæ fieri videntur, in nobis facta esse dicunt, ac imaginationibus quibusdam me-  
 moriisque animal gubernari. Aliqui vero ex his dicto prodiderunt, nullam esse  
 in anima qua ratiocinetur facultatem, immo sensuum affectibus duci nos peco-  
 rum ritu, nec posse renuere, respuereve quidquam. Iisdem videlicet auctoribus,  
 fortitudo, prudentia, temperantia, & continentia, nugæ sunt meræ; nec amamus  
 inter nos, aut prolem; nec Diis vlla nostri est cura. Iidem auguria, insomnia, por- D  
 tentia, omnemque Astrologiam contemnunt, de quibus ipsi alio opere seorsum ple-  
 nius egimus, Asclepiadis medici dogmata æstimantes. Porro licet qui volet li-  
 bros illos euoluat; nunc autem considerandum est, tamquā duabus propositis viis,  
 vtra nobis præstet insistere. Hippocrates namque priore earum institit, quæ vni-  
 tam esse substantiam, atque alterari proponit; præterea conspirabile & conflu-  
 xile totum corpus esse; naturamque omnia artificiose ac iuste peragere, faculta-  
 tibus scilicet præditam, quibus singulæ particulæ conuenientem sibi succum ad  
 se trahāt, attractum vero coalescere, accrescereq. omnibus sui partibus faciant,  
 demum;



A demumque assimilent. Quod autem interea non peruicere, quodque omnimodam alterationem, ac cum nutriendo similitudinem recipere non potuit; id alia rursus vi, nempe secretoria, reiciant.

Cognito fine, nempe nutritione (de qua accuratissime disputauit) inquit iuxta præscriptam methodum naturæ opera propinqua fini, quæ sunt nutritiui concoctio, eiusdem distributio, & excrementorum secretio. Dum vero in variis instrumentis illas naturæ actiones, ipsarumque causas demonstrat, magnum & difficile cum his philosophis ac medicis certamen aggreditur, qui ab Hippocratis secta (firmissima alioqui & constantissima) recedentes, omnes naturæ facultates prorsus negarunt; atque earum quæ in animalibus exercentur actionū, improbables causas reddiderunt. Cuius rei occasione duas medicorum sectas omnium maxime insignes hoc capite proponit, alteram Hippocratis, alteram vero Asclepiadis. Sunt autem vtriusque sectæ dogmata inter se omnino contraria; ita tamen, ut Hippocratis dogmata verissima sint, rationique maxime consentanea; Asclepiadis autem falsa, cum rationeque ac sensibus pugnantia. Quæ tanta dogmatum varietas non aliunde ortum habuit, quam ex diuersitate primorum elementorum quæ ab vtraque secta statuuntur. De absurdis autem Asclepiadis dogmatis nihil hoc loco dicemus, quoniā quæ ad elementa pertinent, lib. de nat. homi. refutauimus; reliqua vero à nostro instituto sunt aliena, præter vnum illud quod naturales omnes facultates è medio tollit, quod toto hoc opere diligentissime refellitur.

## CAP. XII.

C **O** R R O intelligi licet quam recta veraque Hippocratis dogmata sint, non ex eo tantum quod qui diuersa ponunt, diuersa quoque ac dissentientia ponunt ab iis quæ euidenter apparent; verū etiam ex eorum quæ membratim in naturali speculatione quaruntur, tum ceteris omnibus, tum vero iis quæ in animalibus habentur actionibus. Qui enim attractricem conuenientis qualitatis vim nulli inesse particulae volunt, hi sæpe iis quæ euidenter apparent contraria dicere coguntur. Quemadmodum Asclepiadi medico de renibus contigit, quos non solum Hippocrates, Diocles, Erasistratus, Praxagoras, aliorumve optimus quisque, secernere a sanguine urinas crediderunt, verum etiam coqui fere omnes norunt, cum quotidie eorum non tantum situm contemplantur, sed etiam meatus qui ab utroque procedunt, & urinarii sunt dicti, in vesicam se inferentes: nimirum ex ipsa compositione compageque, tum vsum eorum, tum vim colligentes. Iam etiam priores ipsis coquis omnes homines, qui subinde difficulter meiunt, aut etiam suppressam urinam omnino habent, ubi circa lumbos dolent, ac arenosa meiunt, nephriticos se ipsos nominant. Verum Asclepiades, arbitror, ab iis qui sic sunt affecti emictum calculum non vidit; nec quod medio inter renes & vesicam loco præcessit quidam acutus dolor transeunte per urinarios meatus calculo, intellexit; sed, nec quod emicto eo protinus tum dolor tum urinae suppressio desierunt.

Adin-



Ad institutum accedens inquit causas operum naturæ quæ nutritiopi sunt propinqua, à secretionem excrementorum exorsus, qualis potissimum est urinae secretio, & utriusque bilis. Secretionis urinae propria instrumenta esse renes, Hippocratis, Dioclis, Erasistrati, & Praxagoræ testimonio primum confirmat; deinde vero ex situ & formatione renū, atq. vreterum. Siquidem renū uterq. iuxta vertebrarum latera humiliori septi transversi se di incumbit, quæ id decimæ, undecimæ, & duodecimæ costæ obducitur; ita tamē, ut ren dexter superiori sua parte humillimam iecoris portionē contingat; sinister vero lieni aliqua ex parte substernatur. Inseruntur autem in singulos renes bina vasa, eaquæ insignia, quæ vocant emulgentia; arteria scilicet & vena, quæ ex vena cava & arteria magna ortum habent. Iam vero & urinarum meatus ex secundo renū sinu explantati, ac peritonæo super lumborum musculos supertensi, deorsum ad vesicam prorepunt, quæ velut cisterna quædam urinam in se recipit. Hæc sane prædictarum partium formatio, sanguinem in vena cava & arteria magna contentum a seroso excremento expurgari aperte docet: renibus scilicet per vasa emulgentia serosam humiditatem secernentibus, eandemq. postea per vretes ad vesicam transmittentibus. Idem quoque ex communi omnium hominum loquendi consuetudine constat, qui eos nephriticos (quasi renibus male habentes dixeris) appellant, qui cum circa lumbos dolcant, aut urinae suppressione laborant, aut arenosa meiunt. Nam qui circa lumbos sentiunt dolor, renes esse affectos declarat; atque is sane una cum urinae difficultate vel suppressione cessare solet, cum primum acuto inter renes & vesicam præcedente dolore, calculus mingitur. Indicat namque acutus iste qui præcessit dolor, ex renis sinu euulsum calculum, per urinarium meatum transisse. Vretes namq. cum satis exquisito sensu sint præditi, acute dolent; in renibus vero ob sensum obtusorem dolor fit potius grauis, siue obstruantur, siue phlegmone laborent, siue calculum in propriis sinibus contineant. Quamvis & acerbus dolor (ut alicubi testatur Galenus) accidere possit, si in propria renū carne genitus sit calculus.

Lib. 6. epide.  
part. 1. com. 6.

Ergo quemadmodum urinam in vesicam oratione sua ducat, operæpretium est audire, atque hominis sapientiam suspicere, qui relictis tam latis ac manifeste apparentibus viis, obscuras, angustas, nec ullo prorsus sensu perceptas proposuit. Vult namque, eum qui bibitur humorem in halitus resolvere, atque in vesicam transmitti; inibi vero denuo concretos, priorem deinde recipere formam, fierique ex halitibus plane humorem. Perinde utique de vesica ac de spongia quapiam, aut lana ratiocinatus, non corpore plane denso, & quod humorem non transmittat. Cum duas tunicas validissimas habeat, per quas si transmitti halitus dicemus, quid sit, quod septum transversum & peritonæum non pertranseunt; ac tum abdomen, tum pectus totum aqua non implent? At crassius est, inquiet, humoris-que tenacius peritonæum inuolucrum quam vesica; eoq. id halitus non transmittit, vesica vero transmittit, ac recipit. Verum si ipse vesicam disseccasset, fortasse non ignoraret, exteriorem vesicæ tunicam eandem cum peritonæo naturam habere, utpote ab eo ortam; internam vero quæ ipsius vesicæ est propria, plusquam duplo eam crassitudine superare. Verum fortasse nec crassitudo tunica-

rum,



*A*rum, nec tenuitas, sed ipsa vesicæ positio ferendorū in eā halituū est causā. Immo vero si per reliqua corporis omnia credibile esset huc ferri, certe situs ipse vesicæ satis esset qui id prohiberet. Quippe cū vesica in imo sit sita, halitus autem naturaliter ferantur in sublime; ita longe prius his implerētur pectus & pulmo, quam ad vesicā peruenirent. Tametsi quid situs & vesicæ, & peritonæi, & pectoris memini? cum halitus si & ventriculi & intestinorum tunicas sunt egressi, aut in spatium quod inter eas & peritonæū intercedit, colliguntur, atq. inibi in humorem vertentur, veluti ipsis hydropibus eo loci plurimum aquæ acervatur; aut prorsus per omnia quæcumq. contingunt, recta ferri debebunt, nec vsquam sisti. Verū si hoc quis proponat, utiq. non peritonæo solū, sed etiā abdomine ipso traie-

*B*cto, aut in circumfusum nobis aērē dissipabūtur, aut omnino sub cute colligētur.

Ne facultatem aliquam naturalem cogeretur concedere Asclepiades, hoc commentum imaginatus est de collectione urinæ in vesica. Totum eum qui bibit humorē, in halitus dissolui voluit, atque in vesicam transmitti, ibique cōcrescentes pristinam naturam induere, & in aquam rursus conuerti. Hæc Asclepiadis sententiam refellit tribus rationibus, quarū prima desumpta est ex propria vesicæ substantia, quæ crassa est & densa. Nam quæ crassa densaq. substantia constāt, suscipiēdis vaporibus sunt prorsus inepta. Aut si hæc vapores admittunt, eosdem facilius admittent quæ aut tenuiori, aut molliori substantia sunt prædita, qualia sunt peritonæum, & septum transversum; hoc namque cū musculosum sit, vesica est mollius; illud vero licet mēbranosum, vesica est tenuius.

*C* Constat nāq. vesica duplici tunica, quarū externa eandem habet cū peritonæo naturā; interna vero quæ vesicæ est propria, plusquā duplo est crassior. Ex quibus efficitur, vapores ex aqua epota exhalātes, in cauitate abdominis & pectoris concreescere potius debuisse quā in vesica; aut si in illa non cōcrescūt, neq. in hac posse concreescere, cū eo penetrare nequeant. Altera ratio desumpta est ex situ vesicæ, & vaporū natura, hi nāq. suapte natura feruntur in sublime, illa vero cum in imo ventre locata sit, suscipiēdis ex ventriculo vaporibus idonea nō est. Immo facilius multo quā vesica, sursum ascendentes vapores exciperēt pectus & pulmo; proptereaq. & thoracis cauitas magis quā vesica aqua impleretur. Tertia ratio petita est ex crassa ac densa vētriculi & intestinorum substantia, quā si pertranscunt halitus ex bibito humore exhalantes, permeabunt quoq. peritonæum, aut inter id & intestina colliguntur. Si colligātur, inibi concrescētes, atq. in humorē conuersi, totūq. illud spatium replētes, hydropem gignent. Si peritonæū permeent, permeabūt quoque vniuersum abdomen, vnde ē duobus alterū necessario sequetur. Aut enim in ambientē aērem dissipabūtur, aut saltem sub cute propter ipsius crassitiem ac densitatem colliguntur. Ex quibus necessario colligitur, falsam esse & omnino fictitiam Asclepiadis de urinæ in vesica collectione sententiam.

*D* Sed & his contradicere Asclepiadis qui nunc sunt sectatores, conātur, tametsi ab omnibus semper irrisi, quicumque in eos de his ligantes inciderunt. Ad eo indelebile malum est, eluique non potens, ista circa sectas ambitio, ac scabie, quauis ad sanandum rebellius. Etenim huius temporis sophistarum quidam, cum in aliis, tum in captioso disputandi genere admodum exercitatus, ac indicendo (siquis alius) acer; cum mecum de his disceptaret, tantum abfuit ut



eorū quæ diximus aliquo deterreretur, vt admirari se diceret, me ea quæ liquido **A** apparēt, inanibus rationibus euertere conari. Quotidie enim clare cerni, vesicas omnes, si quis aëre, aqua de impleat, deinde ligatis earū collis vndiq. premat, nulla ex parte quidquā remittere, sed prorsus totū in se continere. Quāquam si essent a renibus in has sensiles & ampli meatus, omnino aiebat, quod sicuti per hos humor introiit, ita prementibus nobis exiret. Atq. hæc similiaque cū volubiler ac clara voce dixisset, exiliens subito discessit, nobis quasi nihil quod vel probabile esset respondere habentibus, ibi relictis. Adeo qui sectis eiusmodi sunt addicti, nō solū nihil norūt recti, sed ne discere quidem dignātur. Cū enim audienda his causa esset, propterquā ingredi per vrinarios meatus in vesicā aliquid potest, rursum exire per eandem viam non potest, atque artis nomine suspicienda natura; **B** hi nec discere volunt, & hoc amplius mala verba dicunt, frustra tum alia multa, tum vero renes ab ea conditos affirmantes.

Disputationē narrat cū Asclepiadis sectatoribus habitā, ac potissimū cum sophista quodā, qui vrinā per vrinarios meatus ad vesicam descendere negabat; quod vesica cōpressa, ad eisdē vrina remitti nequeat. Nam si vesicā ab animali exemptā, vinculo excepta ipsius cervice, solo aëre aut etiam aqua impleueris, violenterq. cōpresseris; nihil omnino remitti experieris, sed totū intra vesicam cōtineri. Soluitur hæc ratio ex admirabili vterū in vesicā insertionē, quā ignorauit sophista, suæ rationis solutionē minime expectās. Nā oblique in vesicā inferūtur vrinarii meatus, introq. ad laxiorē vsq. sinū obliqui ac prælongi pertinētes, velut membranā quandā efficiunt, quæ ab excrementorū quidē introitu **C** impetui impetu euertitur, ac patefit; reliquo vero tēpore cōcidit, ac contrahitur; atq. ita meatui firmū efficitur operculū, vt non solū humoribus, verum etiam flatibus, reditus omnis sit interclusus. Quin & ars ipsa huiusmodi naturę artificium non raro imitatur, nam qui magnas pilas construunt, quæ aëre solo repleti solent; foramen ita obliquum in ipsis efficiunt, vt aër semel ingressus intra pilæ sæpe violenterque percussæ, & agitæ, cauitatem diutissime retineatur.

Sūt & qui se presentibus ostendi vrinarios meatus a renibus descendere, atq. in vesicā se inferere cum sustinuissent; ausi tamen sunt alii, quod hi quoq. frustra sint conditi, dicere; alii quod quidā ex seminalibus sint meatibus, ideoq. in collum eius, non in corpus esse insertos. Nos igitur indicato qui vere seminis meatus sunt, eos infra vrinarios in collū se inferere, tunc saltē (si non prius) a falsa eos persua **D** sione abducēdos putauimus, atq. ad cōtrariā statim perducēdos. Illi vero hīc quoque cōtradicare sūt ausi nihil esse miri dicētes, in illis ceu magis angustis diutius subsistere semē, in iis vero qui a renibus descēdunt, vtpote abūde amplis, celeriter effluere. Nos igitur de cetero coacti sumus in animali adhuc viuo liquido in vesicā per ipsos vrinarios meatus transluentem vrinam indicare, vix sic quoque garrulitatem eorum cōercendam sperantes. Porro ostensionis modus est huiusmodi. Diuidi debet id peritonæi quod ante vrinarios meatus habetur; deinde hi laqueis singuli excipi; mox super deligatura data animal **mitti;**



A mitti, neq. enim amplius meiet; post hæc religari deligatura externa, ac vesica inanus ostēdi, vrinarii vero meatus referti, distētiq. ac periclitātes rūpi; mox eorum vinculis detractis, vesica lotio clare impleri; post hæc priusquā animal meiat, vinculu iniiciendū eius pudendo est; tū vero trudēda vndiq. eius vesica, non enim poterit per vrinarios meatus ad ipsius renes quidquā reuerti. Quo manifestū fit, nō solū in mortuo animali prohiberi lotiū ex vesica in vrinarios meatus rursum redire, sed etiā in viuo. His perspectis, permittendū iā animali meiere, soluto scilicet quo pudendū eius exceptum est vinculo. Post hæc vinculum alteri meatuum iniiciendum, alter vero in vesicam confluere sinendus. Tum aliquo interposito spatium monstrādum iā, quemadmodū alter qui vincētus est, ea parte quæ ad renes spectat, plenus distētusq. appareat; alter vero qui solutus est, & laxus sit, & vesicā impleuerit. Post hæc vero præcidēdus est primū is qui plenus est, ostendendūque, quemadmodū eiaculetur ex eo lotiū, nō aliter quā ex incidēda vena sanguis; deinde alter præcidēdus; & mox ambobus præcisis, animal extrinsecus deligandū. Post vbi satis esse visū est, deligatura soluēda, inuenietur enim vesica vacua; quæ vero media capacitas est inter peritonæū & intestina, tota lotio plena, veluti si aqua intercute laboraret animal. Hæc igitur si quis ipse per se explorare in animali velit, magnopere mihi videtur Asclepiadis temeritatē dānaturus. Quod si causā intelligat, quamobrem nihil ex vesica in vrinarios meatus refluat, vel ex eo mihi naturæ esse prouidentia, artēq. in animalibus credet. Atque Hippocrates quidē omnium quos nouimus medicorum philosophorumq. primus, (ut qui primus naturæ opera norit) hæc semper tū admiratur, tū prædicat, quæ & iustā nominat, & solā animalibus ad omnia sufficere dicit, ipsamq. per se sine doctore quæ opus sunt agere. Talis autē cū sit, statim eā facultates habere proposuit; vnā, qua sibi cōueniēs attrahat; alterā, qua alienū a se segreget; ipsā præterea tū nutrire animalia, tū augere. Iā morbos quoq. finire, iudicareq. existimat, ideoq. in corporibus nostris vnū cōspiratū, confluxūq. esse, ac omnia inter se mutuo affici. Asclepiade vero auctore, nihil ex alterius affectu patitur, omni substantia naturaliter diuisa, atq. in elementa quæ cohærere non possunt, & nugatorias moles concisa. Quare necesse est, tū mille alia cōtraria iis quæ manifeste apparēt protulerit, tū facultates naturæ, & qua conueniētia trahat, & qua aliena separet, ignorarit. Et in sanguificatione quidē, ac alimenti distributione, quandā frigidam garrulitatē excogitauit; ad excrementorum vero expurgationē cū nihil prorsus quod adferre posset haberet, non dubitauit iis quæ sensui apparent cōtradicere. In vrinæ quidem separatione, tum renes, tum vrinarios meatus functione sua priuans, ac incertos quosdam inuisibilesq. meatus in vesicam statuēs. Hoc scilicet erat magnum ac præclarum, repudiatis iis quæ cernantur, fidem adhibere incertis, & quæ cerni non possunt.

Perspicua est tota hæc oratio. Proponit namque in primis Asclepiadis sectorum errores, qui ex anatomæ ignorance eo insanie deuenere, ut alii frustra meatus vrinarios conditos fuisse, alii vero vasa potius spermatica esse affirma-



rint. Quamobrem ex viui animalis dissectione optime demonstrat, vrinam ex renibus per vterque ad vesicam descendere, indeque per pudendum foras excerni. Tandem vero in naturæ laudes prorumpit cum Hippocrate, cuius plura dogmata, verissima illa quidem ac constantissima, in mediū proponit, vt Asclepiadis & ipsius sectatorum ignorantia facilius detegatur. Quæ sane ita dilucide scribuntur à Galeno, vt maiori explicatione non indigeant.

*At in flaua bili etiam maius quiddam licentiusq. est ausus, gigni namq. eam in ipsis bilis conceptaculis, non autem secerni, ait. At quomodo igitur iis qui regio morbo laborant, ambo simul incidunt, vt egestiones in his nihil habeant bilis, & corpus totum bili sit refertum? Quo loco rursus nugari cogitur, similiter ac in iis quæ de vrinis sunt dicta. Nugatur sane non secus & de bili atra, sple- neque, scilicet nec quid ab Hippocrate sit dictum intelligens, & contradicere iis quæ ignorat, dementi insanoque ore aggreditur. Quid igitur sibi ex placitis id genus ad curationes tandem lucri fecit? Nempe quod nec nephritim, nec morbum regium, nec melancholicum sanare potest.*

Non solum errauit Asclepiades in vrinæ secretionem, sed etiam in secretionem vtriusque bilis. Voluit namque, bilem non secerni à sanguine, sed in ipsismet bilis conceptaculis generari. Per conceptacula vero non oportet bilis meatus qui per propriam iecoris carnem dispersi sunt, intelligere, sed vesicam potius quæ iecori subest; ita enim efficacior erit ratio ex iis quæ in morbo regio obseruantur, desumpta, qua refellit Galenus hanc Asclepiadis sententiā. Obseruantur autē hæc duo in morbo regio, vt totius cutis color flauus sit, & alui excrementa sint albicantia: ex quibus necessario colligitur, bilem in morbo regio non descendere ad intestina, sed in vniuersum corporis habitum diffundi. Est itaque hæc Galeni ratio, si bilis in conceptaculis gigneretur, non possent hæc duo regio morbo laborantibus simul incidere, vt egestiones nihil habeant bilis, & corpus totū bili sit refertū; atqui experimur, morbo regio laborantibus duo illa accidere; ergo bilis nō gignitur in cōceptaculis. Porro vt vera sit huius rationis propositio, necessario statuendum est, morbum regiū fieri ex obstructione meatus bilis qui in iecore est. Fiet namque tūctemporis, vt bilis (quæ in vesica gignitur ex sententia Asclepiadis) sursum ferri prohibita, libere descendat ad intestina: quibus ita habentibus, neque bilis in corporis habitum diffunderetur, neque alui excrementa albicarent. Si vero ex iecoris inflammatione, aut scirrhus, vel bestię cuiuspiam venenatæ morsu morbus regius nascatur, necessarium non est alui excrementa albicare. Sed cupiens Iouertus patrocinari Asclepiadi, hanc Galeni rationem eludēs, docet fieri posse, vt duo illa in morbo regio appareant, etiam si bilem in vesica gigni cum Asclepiade concesserimus. Nam si solus ille qui ad duodenum producit meatus obstruatur, bilis descendere prohibita ad iecur remeabit, atque in vniuersum corpus necessario diffunderetur. Ego tamen vix persuaderi possum, vt credam meatum qui inseritur in ecphyfin, in ictero obstrui; tū quod amplior sit quam vt facile obstrui possit; cum potissimum, quod sola bilis eo feratur, quæ nisi crassissima sit, obstructionem parere nequit. Fit ergo potius icterus obstructo altero meatu qui distribuitur in iecur, nam ex iecoris obstructione arquaticos fieri, & viscere medicamenti in id efficacibus prius ad aperto affectū curari, ipsemet Gal. alibi dixit.

Docebit

Lib. 4. apho.  
com. 62. & lib.  
5. de loc. affect.  
cap. 7.

Com. 26.



**A** Docebit quoque sequenti capite, se ictericorum non paucos, post curatum qui in iecinore erat affectum, vnica purgatione à morbo liberaffe. Obstructo igitur in morbo regio iecoris meatu, neque ad vesicam, neque ad ecphysin feretur bilis, sed tota fere in habitum corporis diffundetur: quorum neutrum fieri posset, si bilis in vesica gigneretur. Tunc enim obstructo iecoris meatu, tota bilis ad intestina descenderet, cuius ne minima quidem portio ascēderet ad iecur. Vnde satis patet, firmissima ratione Asclepiadis sententiā refutasse Galenum, nulliusque momenti esse Ieuberti patrociniū. Reprehendit tandem Asclepiadē, quod secretionis succi melancholici causam etiam ignoratit, quam Hippocrates aliique veteres medici verissime dixerunt esse facultatem lienis attractricē. An vero humorem melancholicum in liene, vt in vesica bilem, gigni valuerit Asclepiades; an potius lienem frustra vt renes in animalibus factum fuisse crediderit, neque Galenus dixit, neque diuinare nos possumus.

## CAP. XIII.

**I**n quo omnes homines consentiunt, nedum Hippocrates, alia medicamentorum purgare flauam bilem, alia nigram, alia pituitā; alia tenue & aquosum excrementum; ne id quidem concedit: immo a pharmacis ipsis vacuatorum quodque tale fieri dicit, veluti ab exceptoribus bilis meatibus bilem. Nec quidquam intersit egregio Asclepiade auctore, medicamentum quod aquam, an quod bilem ducat, aqua inter cute laborantibus exhibere; quippe omnia pari modo vacuare, liquareque corpus, ac quod liquatum est, vt tale videatur, cum prius tale non esset, efficere. Num igitur insanire putandus est, aut prorsus operum artis experts esse? Nam quis non nouit, si arquato laboranti morbo medicamentum dederis quod pituitā ducat, ne quatuor quidem id cyathos educlurum; ad eundem modum, si quod eorum quæ purgant aquam. At medicamēto quod bilem trahit plurimum quidem vacuatur bilis, totum vero corpus purum sic purgatis efficitur. Nos enim non paucos, post curatum qui in iecinore erat affectum, vnica purgatione a morbo vindicauimus; cum si quis medicamento quod pituitam ducit, purgauerit, nihil profecerit. Atque hæc non solum Hippocrates ita fieri sentit, sed etiam omnes qui sola nituntur experientia, consentiunt: omnibus deniq. quibus curæ sunt artis opera, idem placet præter Asclepiadem. Quippe prodere se elementa quæ statuit, si veritati in talibus consentiret, existimauit. Omnino enim si inuentum sit medicamentum aliquod, quod hunc vel illum succum solum trahat, periculum esse, ne ratio vincat, in quoque corpore vim esse aliquam conuenientis sibi qualitatis attractricem. Itaque cnicum, coccum cnidium, & hipophaës, haudquaquam ex corpore trahere, sed facere pituitam ait; florem æris vero, & squamam æris, & ipsum æs vstum, & chamædryn, & chamæleonta, corpus in aquam resolueret: hydropis que ab his iuari, non vtique purgatos sed vacuatos, cum si non vacuentur, vna increseat affectus. Quippe si aquosum qui in corpore est humorem non vacuat, sed primum ipsum gignit, morbum fouet. Atqui etiam



Scammonia præterquã quod bilem, Asclepiade auctore, ex arquatorum corpore non purget, & bonum sanguinem in bilem, colliquando corpus, vertat, ac tantum mala faciat, affectumque ipsum adaugeat; attamen multis videtur prodesse. Sane inquit, prodest quidem, sed sola vacuationis ratione. Atqui si quis pharmacum quod pituitam trahat, his dederit, minime iuuabuntur. Hoc adeo est manifestum, ut ne iis quidem qui solam experientiam profitentur sit ignotum: quãquam his viris illud pro sapientiæ placito habetur, quod nulli omnino rationi sit credendum, sed iis tantum quæ liquido apparent. Ergo illi quidem sapiunt, Asclepiades delirat, qui ipsis quidem sensibus habendam fidem prohibet, ubi quæ his apparent, ea quæ ille proponit, manifeste euertunt: quamquam longe satius esset, minime iis quæ euidenter apparent repugnare, immo illis rem totam tribuere. Num igitur hæc sola cum Asclepiadis placitis manifeste pugnant? An illa quoque, quod utique æstate plus bilis iisdem medicamentis vacuetur; hyeme vero pituita? Item iuueni plus bilis, seni vero pituita? Videtur enim unumquodque eam quæ est trahere, non autem eam quæ non est creare. Siquidem si quis velit adolescenti cuiuspiam qui gracilis sit & calidus, quique neque in otio vixit, nec in ciborum satietate, dare æstatis tempore medicamentum quod pituitam ducat; is minimum eius succi, nec sine multa violentia ducet; hominem vero grauissime læserit. Contra si quod bilem detrahat exhibuerit; & multum vacuabit; & homini nihil nocuerit. An igitur adhuc non credimus, medicamentum quodque conuenientem sibi succum attrahere? Dicent fortasse qui Asclepiadem sectantur, immo (quid fortasse dixi?) omnino se non credere dicent, ne scilicet prodant quæ sibi sunt carissima.

Ut ostendat excrementorum secretionem à facultate attractrice potissimum fieri, probat primum hoc capite, attractrice vim in pluribus rebus externis reperiri; veluti in purgantibus medicamentis, magnete, medicamentis surculos euellentibus, venena educcentibus, & tritico. Agit primum de medicamentis purgantibus, fallamque Asclepiadis sententiam refellit, qui quidam quamvis concederet, alia esse medicamenta purgantia bilem, alia pituitam, alia succum melancholicum, alia vero aquam; eam tamen humorum purgationem fieri negauit trahentibus medicamentis humores familiares, ut visum est Hippocrati; sed colliquato potius sanguine, atque in eum qui vacuatur humorem, vi medicinali conuerso. Absurdam hanc Asclepiadis sententiam hæc & alibi tribus potissimum rationibus refutat. In primis enim si non attrahuntur, sed gignuntur potius humores à medicamentis purgantibus, parum profecto retulerit, in hoc vel illo affectu, hoc vel illo medicamento purgante utri; quod tamen in curandis morbis maxime est absurdum. Nam si homini regio morbo laboranti medicamentum exhibueris ducens bilem, & vacuatio effatu digna sequetur, & affectus ipse sanabitur; potissimum vero, si (ut se fecisse scribit Galenus) post curatum qui in iecore erat affectus, purgatio præscribatur. Is autem iecoris affectus obstructio est, quam diximus superiori capite regii morbi frequentissimam esse causam, in eoque bilis meatu consistere, qui iecur ingreditur, ut ex hoc loco aperte colligitur. Præcipit namque ante purgationem curandum esse iecoris affectum,

Lib. de nat. homi. com. 26. & lib. 2. de elem. cap. 3. & lib. de fac. med. purg. cap. 2.



A festum, id est referendam esse aperientium vsu iccoris obstructionem. Eadem prorsus ratione si aqua intercute (id est hydrope ascite) laboranti medicamentū dederis purgans aquam, & copiosa sequitur euacuatio, & ventristumor minuetur. Respondebat tamen Asclepiades, eorum medicamentorum vsuū vtilem esse, non quod hunc, aut illum humorem attrahant, sed communi duntaxat vacuationis ratione, quia scilicet nisi vacuerit æger, vna increfcit affectus. Hanc responsionem bifariam refellit. Primum quidem, quia cum eiusmodi medicamenta non vacuent humores qui ante in corpore redundabant, sed eos qui vacuantur gignant; ipsorum vsus aut semper noxius, aut saltem nūquam vtilis esset. Præterea in ictero non minus prodesset medicamentum purgans pituitam quam bilem; & in ascite perinde esset vtile medicamentum purgans bilē ac pituitam: immo in idem recideret, medicamento purgante vti, aut sanguinē mittere; quo nihil absurdus. Altera ratio hæc est, si qui vacuantur humores à medicamentis gignantur, non erit maior ratio, cur ab eodē medicamento plurima bilis æstate vacuetur, paucissima vero hyeme; & plurima hyeme pituita, æstate vero minima excernatur, exhibito medicamēto ducente pituitā. Vnde constat, pro diuersis anni tēporibus humores in corpore abūdare, neq. à purgātibus medicamētis gigni. Similis huic est & tertia ratio, nā si à medicamētis gignerētur humores, exhibito medicamento purgante bilē aut pituitā, æqualē oporteret bilis aut pituitæ vacuationē fieri, in iuvene & sene: atqui multa in iuvene vacuatur bilis, pituita paucissima; in sene vero cōtra: ergo pro diuersis ætatibus eodū dabāt in corpore qui vacuantur humores, neq. proinde vacuātur, quod ab assūptis medicamentis gignātur. Hæc quidem ad refellendam Asclepiadis sententiam satis esse putauit Galenus, quæ tamen iuniores quosdam qui nostris temporibus surrexerunt Asclepiades, convincere non potuerunt. Gulielmum Puteanum dico & Laurētium Ioubertum, qui nō secus ac Asclepiades ille senior, fidem sensibus abrogantes, vim succorum sibi familiarium attractricem purgātibus medicamentis negarunt. Multis namque rationibus aduersus Galenum probat Puteanus, humores à medicamentis trahi non posse totius substantiæ similitudine. In primis enim quæ trahunt similitudine substantiæ, quæ propinqua sunt attrahere duntaxat possunt; quo nomine (vt auctor est Galenus) distinguuntur ab iis quæ fuga vacui attrahunt, hæc namque & cominus & eminus attrahere solent. At purgantia medicamenta ex alto attrahunt humores, ergo non attrahūt similitudine substantiæ. Deinde si medicamenta purgantia similitudine substantiæ attraherent, haberent quoq. similitudinem substantiæ cum corpore

B quod purgatur, aut saltem cum aliquibus partibus, velūti cū liene quæ succum melancholicum purgant; quoniam quæ vni tertio sunt similia, ea & inter se similia esse necesse est. Atqui absurdum videtur concedere, medicamenta purgantia substantiæ similitudinem habere cum partibus corporis, quia medicamētorum omnium natura maxime hominibus est contraria. Et priuatim medicamenta purgantia habent interdum naturam deleteriam, tantū abest vt habeant familiarem. Præterea cum similitudo relatio quædam sit, neque attractionis, neq. alterius cuiuspiā actionis causa esse potest. Ad hæc si medicamenta purgāt familiaritate substantiæ, quo magis familiaria fuerint, eo purgabunt valentius; quod tamē falsum esse experimur. Siquidē ex longa consuetudine, aut frequēti viu magis familiaria reddi solent; tunc vero aut nihil prorsus, aut certe minimum purgant. Iā vero ex sententia Galeni nihil est quod propter solam attrahendi actionem trahat, sed vt re attracta fruatur; at succis attractris qui extra

C

D

Lib. 1. de purg. medicam. p. 1.  
Lib. 3. de fac. nat. cap. vii.

Lib. 2. de rat. vict. in morb. acut. com. 12.

Lib. 3. de fac. nat. cap. 1.



Lib. 2. de med.  
purg. cap. 10.

Cap. 12.

corpus euacuantur, frui non possunt medicamenta. Postremo (ut alias rationes minus probabiles silentio inuoluam) si substantiæ familiaritate attraherent medicamenta purgantia, numquam sequeretur *ὁπρὸς τὴν φύσιν*, id est purgatio immodica, in qua certum est humores quoque vacuari qui assumpto medicamento familiares non sunt. His rationibus persuasus Puteanus, neglecta Galeni sententia, alioqui verissima, opinatur potius, purgantia medicamenta suo calore & acrimonia, una cum fædo, incoctilique nidore, humorum attractionem moliri. Ea vero bilem purgare inquit, quæ minus calida, minus acris, minusque nidorosa sunt; quoniam bilis (utpote quæ calida sit, tenuis, ac mobilis) minori agitatione ac vehementia attrahitur. Quæ autem purgant humorem melancholicum, ea vehementer calida & acris esse asserit; cum hæc sola possint crassum terreumque humorem comminuere, segregare, & attrahere. Quæ si amaritudinem adiunctam habuerint, purgandæ pituitæ idonea esse affirmat: quemadmodum purgandæ aquæ, quæ & calore, & acrimonia omnium sunt vehementissima; cum non solum ex vasis, sed ex ventris etiam cavitate serofas humiditates sint attractura. Verum hæc Puteani opinio ex iis quæ dicta sunt in Aselepiadem, facile conuellitur. Nam si propter maiorem vel minorem caliditatem & acrimoniam, varii humores à variis medicamentis purgantur; fiet necessarium, ut quæ medicamenta purgant pituitam, eadem quoque purgent bilem; & quæ aquam purgant, reliquos etiam purgent humores, cum sint omnino acerrima & calidissima. Atqui falsum id esse monstrat experientia. Nam si in ventri icterico dederis æstate medicamentum purgans pituitam, minimum educetur bilis; quæ tamen cum tenuis sit & mobilis, a calidiori acriorique medicamento facilius trahi debuisset; præsertim cum æstate, & in iuvene icterico plurima necessario abundet. Similiter quoque si melancholico cuiuspiam medicamentum exhibueris purgans aquam, minimum succi melancholici vacuari experieris; cum tamen à medicamento acerrimo ac calidissimo plurimum vacuari debuisset. Sed forsitan facilius est Puteani opinionem refellere, quam ipsas rationes dissolvere; quas tamen, ne parum exercitatis imponant, diluere tentabimus. Inter ea igitur quæ fuga vacui, & quæ similitudine substantiæ attrahunt, id discriminis esse concedimus, quod hæc cominus dumtaxat, illa eminus etiam attrahere possint: si utraque scilicet inter se conferantur. Nam quæ attrahunt similitudine substantiæ, quia minus è longinquo trahunt quàm quæ trahunt consecutione ad id quod vacuatur, cominus attrahere dicuntur; quamuis & ex locis distantibus possint aliquando attrahere. Siquidem purgantia medicamenta, pro valentiori aut imbecilliori facultate, vel ex partibus propinquis solum, vel etiam ex lōge distantibus familiares attrahunt humores. Clementiora namque vix iccui accingunt, ut aloë; valentiora ex magnis etiam vasis purgant, ut scammonium; quæ vero vehementissima sunt, (ut veratrum) ex partibus longinquis attrahere possunt. Neque absurdum est, medicamentum purgans cum aliqua corporis parte aliquam habere substantiæ similitudinem; etiam si naturam habeat nobis contrariam, & interdum quoque deleteriam. Rursus neq. substantiæ similitudo causa est attractionis in purgantibus medicamentis, ut ipse putat; sed facultas potius familiarium succorum attractrix, ut constat ex hoc loco. Unde pendet eius problematis explicatio, quæ scilicet fiat, ut cum medicamenta & humores parem inter sese substantiæ similitudinem habeant, humores trahantur potius quàm trahantur medicamenta vero trahantur potius quam trahantur. Id enim fieri censemus, quoniam humores vi attractrice carent; quæ tamen purgantibus omnibus



- A**bus medicamenti est indita. Atque id significat Galenus, cum scribit, etiam si Lib. 3. de simp. med. fac. c. 23.  
 attrahentia & attracta parem inter se habeant substantiæ similitudinem; hæc quidem attrahi, quia imbecilliora sunt; illa vero, quod efficaciora valentioraq. fiat, potius attrahere: dicuntur namque valentiora, quia vi attractrice sunt prædita. Quamuis & altero nomine purgantia medicamenta humoribus valentiora dicantur, quod scilicet humoribus sint calidiora, est enim calor attractionis etiam causa. Quo fit, ut purgantia omnia medicamēta, & vi quapollent attractrice, & suo calore humores attrahant; calida enim ut sint id genus omnia, necesse est. Et inter medicamenta eundem purgantia humorem, ea valentius purgabunt, quæ fuerint calidiora: quoniam, ut inquit Galenus, inter ea quæ essentis similia sunt, quod calidius est, id potentius attrahit; utpote quod similitudini auxiliarium adiunxerit calorem. Siquidem cum ipsum duabus causis attrahat, superabit id quod una dumtaxat trahit. Verum quamvis præcipua huius purgationis causa vis sit medicamentorum attractrix, à Galeno tamen aliisque medicis substantiæ aut qualitatis similitudine fieri dicitur, quia medicamenta purgantia vim tantum habent succorum sibi similibus attractricem. Iam vero ex frequenti visu, diuturna que consuetudine nequaquam redduntur purgantia medicamenta humoribus magis familiaria, sed potius ventriculo; quo fit, ut interdum deuicta concoquantur. Immo licet efficerentur humoribus magis familiaria, non proinde valentius traherent, quia attractionis causa non est (ut ante diximus) similitudo substantiæ, sed facultas attractrix. Postremo male colligit, nūquam futuras purgationes immodicas. Quamuis enim humor medicamento familiaris totius substantiæ similitudine primum attrahatur; reliqui tamen qui vacuantur humores, aut non attrahuntur, aut attrahuntur solo calore: excernuntur tamen ob triplicem causam alibi à nobis explicatā. Relicto igitur Puteano Lib. de nat. homi. com. 29:  
 cum tertio Aesclepiade, disertissimo illo quidem, iterum tamen nouarū studio, fissimo iam agamus; qui præter eas quas ex Puteano transcribit rationes, alias quasdam adiungit, quibus aduersus Hippocratem & Galenum ostendere nititur, à purgantibus medicamentis humores non attrahi similitudine substantiæ. Parad. 9. dic. 2.  
 Si in medicamentis, inquit, naturalis conformitas attractionem facit, quæcumq. maiori vi purgabunt, ea magis familiaria censebuntur. At contra fit, nam quæ magis familiaria sunt, imbecillius purgant, & plerumque à corporibus vincuntur; quæ vero minus familiaria, vinci non possunt, & purgant vehementius. Soluitur tamē hæc ratio facillime ex iis quæ in Puteanum diximus. Non enim substantiæ similitudo, aut naturalis (ut ipse loquitur) conformitas purgationis causa statuenda est, sed facultas attractrix purgantibus medicamentis insita. Quare quæ maiori vi purgabunt medicamenta, non erunt magis familiaria, sed aut valentiore attrahendi facultate pollebunt, aut saltem erunt calidiora. Rursum inquit, si purgantia medicamenta humoribus quos purgant similia sunt, nullum inter hæc & alimenta discrimen erit, cum alimenta succis quibus nutrimur sint similia. Est tamen & hæc ratio inefficax, quoniam alimenta nullam habent cum pituita, aut vtraque bile, substantiæ similitudinem, sed forsan cum solo sanguine, omnibus corporis partibus familiari; cum quibus & alimenta totius substantiæ similitudinem dicuntur habere. At purgantia medicamenta cum pituita, aut alterutra bile similitudinem habent, & vim quoque humorum sibi familiarium attractricem. Addit tertio, si à medicamentis traherentur humores, eo fieri deberent ubi medicamenta continentur. At saepe observatum est, à pilulis in ventriculo contentis (utpote quæ vomitu integra tandem reiecta fuerint) effatu dignam



dignam per inferna subsequutam fuisse purgationem. Et haec non ratione potius A  
 nes paullo post euomuntur, neque propterea irrita esse solet purgatio, sed co-  
 piofa sequitur deiectio. Huc accedit, quod medicamenta aliqua vmbilico ad-  
 mota, per secessum purgare experiamur; quale est vnguentum illud, quod ex  
 Alexandro refert Melue. Ego quidem libenter concesserim, eo fieri attractos  
 humores, vbi sunt medicamenta attrahentia; ibi tamen diutius non quiescere,  
 cum ab irritata natura per convenientes regiones expellantur. Vnde fit, vt me-  
 dicamento manente adhuc in ventriculo purgatio per inferna sequatur, quia at-  
 tractus humor ex ventriculi fundo ad intestina depellitur. Quod si catapotis  
 fere integris, aut portionibus vomitu reiectis, purgatio per secessum aliquando  
 contingat; credendum haud dubie est, aliquam medicamenti in actum iam re-  
 uocati portionem purgationi quidem initium dedisse, quæ tamen irritata semel  
 facultate vasorum expultrice ulterius processit. Neque vero mirari oportet, B  
 si à medicamentis vmbilico admetis humores purgentur; vtpote qui medica-  
 mentorum vi ad ventrem attracti, ad extimam cutem transferri nequeant, cum  
 via pateat nulla, per quam extrorsum ferantur; sed per vasorum potius quæ ad  
 ventrem pertingunt ora, ad amplas intestinorum cauitates depellantur. Nō igitur  
 tanti momenti erant propositæ rationes, vt quæpiâ cogerent à vera Hip-  
 pocratis & Galeni sententia recedere. Iouertus vero vt nouæ opinionis auctor  
 celebraretur, purgationes substantiæ similitudine fieri negat; & purgantia medi-  
 camenta humoribus qui purgantur maxime dissimilia esse affirmat. Ita vt totius  
 substantiæ dissimilitudine *ἀντιστοιχίας* efficiente, illi qui educuntur humores, à  
 medicamento fugentur, atq. abigantur; fugati vero, à facultate vasorū expultri-  
 ce (quæ ipse statuit præcipuam purgationis causam) ad eas partes propellantur,  
 quæ suscipiendis excrementis sunt à natura dicatæ; vnde tandē aut vomitu, aut C  
 alui deiectione excernantur. Atqui si à medicamentis fugantur humores, quo-  
 modo quæso, ad medicamenta feruntur, neque ipsorum conspectum auersantur?  
 Nonne feruntur quotidie ad ventriculum, in quo medicamenta purgantia pro-  
 prie sic dicta dum vires suas exerunt, continentur? Nonne quæ in capite habentur  
 excrementa, feruntur ad nares, aut ad oris cauitatem descendunt, si in hac  
 colluantur, aut dentibus mandantur apophlegmatisma, in illas vero errhina in-  
 fundantur? Quid multa? nonne & vterus per propriam cernicem purgari solet,  
 immixtis pessis quæ purgandi vim habeant? Quamuis enim horum medicamen-  
 torum pleraque calfaciendo dumtaxat vacuationes prouocent, sunt tamen nō  
 nulla (si Galeno credimus) eiusdem omnino generis cū medicamentis proprie  
 purgantibus. Quod si fugati humores vomitu aut deiectione vacuantur, quia D  
 (vt ipse fingit) ad ventriculum & intestina à vasis expelluntur; quid obstat; quo  
 minus per renes & vesicam expurgentur, cum expultrix vasorum facultas eo  
 impetum facere facillime possit? Et rursus quid prohibet, quo minus humores  
 à medicamento fugati, & in vena cava, arteriaq. magna contenti, per vasa emul-  
 gentia ad renes ferri possint, & per vrinas expurgari? Aut quid fugatos humo-  
 res cogit, amplissimis relictis vasis, ad angustissima iecoris vasa remeare, indeq.  
 rursus in medicamenti conspectum venire? Illud præterea opinionis absurdi-  
 tatem aperte ostendit, quod molestissimæ semper essent purgationes propter  
 contrarios medicamenti & naturæ motus; cum vi medicamenti à ventriculo &  
 primis venis ad superna vasa humores confugiant, quos rursus vasa ad ventricu-  
 lum & intestina repellant. Nullam vero esse purgantium medicamentorū cum  
 purgandis humoribus substantiæ dissimilitudinem, aut contrarietatem, sed affi-  
 nitatem potius, & quandam cognationem; ex propria ipsorum substantia, colo-  
 re, aliis-



**A**re, aliisque qualitatibus certissime deprehendes. Sicuti enim magnes ferro est similis, utpote qui ad ferri naturam prope accedat, atque in ferri metallis inueniatur: ita, exempli caussa, cnicum similitudinem cum pituita habere ex ipsius colore coniicias. Quo pacto dictum est à Galeno, pituitosa esse quaecumque pituitam attrahunt medicamenta. Hæc qui attentius considerarit, facile intelliget, quam inconstans absurdaque sit Puteani & Iouberti opinio de purgantibus medicamentis, & quam tuta rationique & experientiae consentanea sententia Hippocratis & Galeni, Concessa namque in purgantibus medicamentis facultate familiarium succorum attractrice, vacuationem commodissime fieri necesse est, trahente scilicet medicamento, & expellente natura noxios humores.

Lib. 3. de simp. med. fac. c. 25.

**B** Nos igitur rursus ad aliam garrulitatem conuertamur, neque enim nos sinūt sophistæ dignas sermone dubitationes (quamquam plurimæ sunt) aggredi; sed in soluendis iis, quæ proponunt sophismatis, tempus nostrum terere cogunt. Quæ igitur est illa celebris & cantata garrulitas? Nempe de lapide illo qui ferrum attrahit, hic enim fortassis illorum animos credere subiget, attractrices conuenientium qualitatum facultates in quoque esse corpore. At Epicurus quidem quamuis similibus Asclepiadi elementis ad physiologiam sit usus, tamen concedit a magnete lapide ferrum pertrahi, atque a succino festucas; tentatque eius effectus causam reddere. Quippe atomos, siue indiuidua corpuscula, quæ a lapide, & quæ a ferro defluunt, figuris inter se conuenire dicit, ita ut facile sese complectantur. Hæc igitur cum in utraque lapidis ferrique concreta impingunt, deinde in medium resiliunt, obiter inter se connecti, ac ferrum una trahere. Ac quod ea quidem quæ ad causæ redditionem proponit, incredibilia sunt, liquido patet; attractum tamen plane fatetur. Atque ad eundem modum in animalium corpore tum digestionem in partes, tum excrementorum secretionem, tum medicamentorum effectum fieri ait. Asclepiades vero tum causam prædictam parum probabilem si spicatus, tum vero nullam aliam probabilem facultatem ex iis quæ proposuit elementis inueniens, impudenter eo confugit, ut nihil ab illo trahi dixerit. Cum debuisset potius, si neque iis quæ Epicurus asseruit erat contentus, neque alia dicere meliora potuit, suis hypothesebus renuntiare, ac naturam artificiosam dicere: prætere a rerum substantiam tum sibi semper unitam, tum a suis ipsius partibus mutuo inter se agentibus patientibusque alteratam. Si namque hæc sic proposuisset, nihil difficile fuisset, artificiosam illam naturam fateri facultates habere, quibus conuenientia ad se trahat, aliena a se repellat. Neque enim profecto aliud illi erat artifici esse, & animalis seruatrici, & morborum finitrici, ac decretrici, quàm ut quod conueniens est appeteret, ac seruaret, & quod alienum est separaret. Verum Asclepiades hic quoque sicut consequentiam ex principiis iis quæ proposuit, non est oblitus; ita pugnantiam cum iis quæ manifeste apparent, nihil est veritus. Sed in eo omnibus refragatur, noui medicis modo,

verum



verum etiam reliquis hominibus, quod omne in morbis natura decretum; & decretorium aem, & naturam pro animalis salute in vniversum quidquam moli-  
 ri negat; vbiq; quod consequens est tueri vult, quod manifeste apparet subuer-  
 tere: contra plane quam Epicurus. Hic enim quod apparet semper recipiēs, caus-  
 sam deinde eius frigidam reddit. Parua namque illa corpuscula quæ a magnete  
 lapide resiliunt, cum aliis similibus ferri corpusculis complicari, deinde per eum  
 qui scilicet nusquam apparet complexum, tam grauem substantiam attrahere,  
 haud scio vt credi a quoquam possit. Quippe si id concedamus, certe illud, quod  
 pendenti ferro alia si admoueat, ea quoque appenduntur, eandem causam non  
 recipit. Nam quid dicemus? An scilicet particularum quæ a lapide defluunt,  
 quasdam vbi ferro occurrant, resilire, atque has esse per quas ferrū pendere cō-  
 tingat; quasdam ipsum ferrum ingressas; per vacuos meatus ocysime transire;  
 deinde in proximum ferrum impingere, neque illud ingredi posse, tametsi prius  
 ferrum sint ingressæ; sed rursus ad prius resilientes, alios atque alios efficere  
 complexus prioribus similes? Hic namque manifeste vanitas causæ proditur.  
 Siquidem vidimus ferreos stilos quinque continenter sibi appensos, quorū primus  
 partem lapidis tetigit, per illā scilicet diffusa in reliquos lapidis vi. Nec est quod  
 dicas, si infimæ stili parti alterū appendas, hærere hunc & pendere; si alii cuius  
 parti earum quæ a lateribus sunt admoueat, non hærere: quippe cum vndique  
 diffundatur lapidis vis, si tantum contingat ex aliqua parte primum stilum, atq;  
 ex hoc in totum secundum subito confluat, sicut ex illo rursus in tertium totum.  
 Quod si exiguum mihi magnetem in domo quapiam pendere intelligas, deinde  
 hunc vndique multa exigua ferri corpuscula tangere, atque hæc rursus alia, &  
 illa itidem tertia, itaque vltius procedatur; omnia profecto ferrea corpuscula  
 iis quæ a lapide defluunt corpusculis impleri debebunt; fereque digeretur exi-  
 guus ille lapillus, dum in defluvia soluitur. Iam si nullum eum attingat ferrum,  
 etiam in ipsam aëra dissipabitur, potissimum si is calidus est. Sane quidem in-  
 quit, nam admodum parua ea intelligi oportebit, ita vt minimorum horum corpo-  
 rum quæ feruntur in aëre, eorum aliqua decies millesima pars sint. Et tam graua  
 ferri pendera per tam exigua sistendi, dicere audetis? Si enim singula eorū sunt  
 tanquam vna ex decies millesimis partibus corpusculorū eorum quæ in aëre vo-  
 litant; quantus quæso, censendus est finis eorum qui in vncum formatur, quo sci-  
 licet inter se complicantur? Omnino enim is minimū est totius corpusculi; deinde  
 exiguum exiguo, motum mecto complicatum, non statim resilit. Iam alia quoque  
 quedam emnino contra ipsa, partim in ferne, partim superne; partim ante, par-  
 tim retro; partim a dextris, partim a sinistris erumpentia, concutiunt, turbant-  
 que, nec manere permittunt. Quinetiam intelligi oportebit, singula illorum exi-  
 guorum corporum multos vncos fines necessario habere; quippe per vnum inter  
 se co-



**A** se copulantur; per alterum vero, id est eum qui supra habetur, lapidi hærent; per eum qui infra est, ferro. Nam si superne quidem pēdeat a lapide, inferne autem cum ferro non copuletur, nihil efficitur. Quare eius quod supra habetur, superna pars pendere debet a lapide; eius vero quod infra est infernæ parti, coniungi debet ferrum. Cum vero & a lateribus inter se sint complicata, omnino hîc quoque vncos possident. Iam mihi ante omnia illius recordaberis, quemadmodum exigua cum sint, tot tantaque ex se habeant enata. Illud vero etiam magis meminisse debebis, exigua hæc ridiculaque corpuscula ( si modo secundum ferrum coniungatur cum primo, & tertium cum secundo, & cum illo quartum ) simul transitura esse exiguos prioris stili meatus, simul a secundo stilo resultura; tametsi cum priore is per omnia similis sit naturæ. Neque enim talis hypothesis non audaculæ est, sed si fatendum verum est, longe prioribus inuerecundior; vt quinque stilorum similium qui mutuo ex se deinceps pendeant, per primi exiguos meatus defluuia lapidis facile transeant, a secundo resiliant, nec per huius meatus pari modo prompte transeant. Atque vtroque modo incommodum accidit, si namque resiliunt, quo pacto in tertium celeriter transeunt? Si autem non resiliunt, quo pacto suspenditur secundum a primo, cum ipsemet tractus causam non aliam quam resultum faciat? Sed quod dixi, in garrulitatem necesse est incidat, quisquis cum his viris disputat. Quare breui compendio summa complexus, transire ab his volo; si quis enim Asclepiadis scripta diligenter lectitet, tum consequentiam talium dogmatum a principiis positis clare agnoscet, tum vero cum iis quæ apparent pugnam. Atque Epicurus quidem apparentia tueri volens, dū ambit ea cum principiis suis consentire ostendere, inconcinna dicit. Asclepiades consequentiam ex principiis seruat, de apparentibus nihil curat. Quisquis igitur propositorum ab istis incommoda refellere studet; si cum Asclepiade disputat, pugna cum apparentibus eum submoneat; si cum Epicuro, eius cum principiis suis dissonantiæ. Aliæ fere sectæ, quæ scilicet similibus nituntur principiis, prorsus interciderunt; hæ solæ durant non ignobiles: quamquam Asclepiadis dogma Menodotus Empiricus ineuitabiliter refellit, tum eam quæ est cum apparentibus, tñ eam quæ cum aliis a se dictis repugnantiam illi obuiens. Rursum Epicuri placita Asclepiades, consequentiæ ipse ex principiis semper insistent, quæ illi parum fuisse curæ videtur. Atqui hodie sunt homines, qui priusquā vel has sectas, vel alias his meliores didicerint, deinde longo tempore examinauerint, ac quod in singulis earū verum sit, aut falsum, iudicauerint; alii se medicos, alii philosophos nominant, cum tamen nihil sciant. Quo utique minus est mirum, si ab his falsa cum veris pari pretio cēsentur. Quippe quali quisque præceptori primū inciderit, talis euasit, nihil præstolatus ab alio etiam didicisse. Alii vero ex his etiamsi in plures inciderint: adeo tamen sunt hebeti & tardo ingenio, vt ne senes quidem rationis

confe-



consequentiam etiam intelligant. Hos porro olim iam ad illiberales artes abie- A  
gavi. Verum hæc quorsum euasura sint, ipsi Dii viderint.

In magnete & succino elucescit quoque maxime facultas attractrix, ab hoc  
namque paleas, nisi oleo sint perfusæ, ab illo vero (nisi alio afficitur, aut adfic-  
adamas) ferrum attrahi compertum est. Asclepiades tamen ut sua se oct prin-  
cipia, attractionem fieri negat, iis quæ euidenter apparent manifeste contradi-  
cens. Asclepiade vero antiquior Epicurus ne sensibus fidem detrahat, attra-  
ctionem quidem concedit, sed ineptam eius causam assignat. Quippe ne vim  
aliquam similium attractricem concedat, attractionem omnem in vniuersum  
refert ad resultum, mutuumque vncarum atomorum complexum, quæ ex re at-  
trahente, & re attracta, perpetuo diffiunt. Hanc itaque absurdam de causa  
attractionis Epicuri sententiam, pluribus rationibus hoc loco refellit; quas ita B  
dilucide proponit, ut solam lectoris diligentiam postulare videantur.

Nos tametsi refugerimus disputare contra eos qui in ipsis statim principiis  
falluntur; tamen quoniam ipsa rerum consequentia coacti sumus contra eos a-  
liquid dicere, hoc quoque iis quæ dicta sunt adiectum volui: non ea modo quæ pur-  
gant medicamenta, proprias sibi qualitates attrahere, sed etiam quæ surculos  
euellunt, & telorum cuspides, quæ præalte nonnumquam in carne sunt infixæ.  
Iam vero quæcumque vel serpentum venena, vel quæ telis sunt illita, educunt, hæc  
quoque eandem quam magnes lapis, facultatem ostendunt. Sane ipse aliquando  
nouit, infixum iuuenis pedi surculum, qui hominis digitos violenter vellentis mi- C  
nime sequebatur, eundem medicamento imposito celeriter, & sine offerfa euul-  
sum. Quamquam contra hoc quoque quidam instant, dicentes post solutam par-  
ticulæ phlegmonem ultro exire surculum, quamuis a nullo alio vellatur. Verum  
hi primum illud ignorare videntur, quod phlegmones medicamenta diuersa sunt  
ab iis quæ sic infixæ eruant: quamquam si liberatis a phlegmone particulis emit-  
terentur quæ in his essent præter naturam, ea quæ phlegmonem soluunt, protinus  
trahendi illa vim haberent. Deinde (quod utique magis mirere) nec illud nouis-  
se, quod non solum alia surculos, alia venenum trahendi facultatem habeant; sed  
etiam eorum quæ venena trahunt, alia venenum viperæ, alia marinæ pastinacæ,  
alia alterius cuiuspiam trahant; liquidoque videre liceat super ipsis medicamen- D  
tis venena iacentia. Quo loco rursus Epicuri erga rerum euidentiam ut vere-  
cundiam laudare, sic causæ rationem quam assignat, damnare licet. Quem  
namque surculum nos digitis euellere nequimus, hunc exiguis illis ramentis ex-  
trahi, quo pacto putare non sit absurdissimum?

Eandem vim attractricem non minus luculenter quam superiora, ostendunt  
medicamenta quæ infixæ euellere, & venena extrahere possunt: sunt enim am-  
bo ex attrahentium genere. Est autem duplex in vniuersum attrahentium me-  
dicamentorum genus, quædam enim attrahunt calore, alia vero similitudine  
substantiæ ob insitam attrahendi vim. Quæ calore trahunt, & partium tenuium  
sunt,



- A** sunt, & proprie simpliciterque Græcis ἐπισπαστικά, Latinis attrahentia vocantur; siue talia fiat ex propria sui natura, quemadmodum thapsia; siue calorem ex putredine contraxerint, ut fermentum. Quæ vero attrahunt similitudine substantiæ, multiplicia sunt; nam & purgantia proprie dicta (de quibus antea diximus) & quæ infixæ euellunt, & quæ venena educunt (de quibus nunc agit) huius sunt generis. Quamquam illa ex accidenti tantum furculos euellere nonnulli crediderint, quod scilicet phlegmonem ex infixis citam soluant; caro vero quæ fuerat in tumorem sublata, soluta phlegmone in seipsam coadit. Quare quæ infixæ sunt à medicamentis attrahi negant; sed ea soluta phlegmone ultro exire contendunt. Horum sententiam optime nunc Galenus ex eo refellit, quod quæcumque phlegmonem soluit, eadem quoque & furculos euellerent; quod est manifeste falsum. Iouertus tamen neque trahi ab his medicamentis furculos, neque sponte exire sentit; sed à natura foras propelli incipiente scilicet carnis generatione, vlcereque ab his medicamentis siccat. Atqui si res ita haberet, quæcumque vlcus siccare possunt medicamenta, eadem quoque euellendi furculos vim obtinerent; quod est absurdum. Non igitur soluta ab his medicamentis phlegmone, quæ infixæ sunt sponte sequuntur; neque siccat ab iisdem vlcere, à facultate expultrice foras propelluntur; sed ut recte Galenus sentit, ab impositis medicamentis attrahuntur. Quam enim, quæso, aliam validæ horum medicamentorum actionis causam inuenias, quæ non solum infixos aculeos, sed & telorum etiam cuspides, quas digitis euellere nequeas, facile ac sine offensa extrahunt? Huius autem generis sunt anagallis, anisiolechia, rotunda, calami pragmitis radix, & alia similia. Porro quæ medicamenta partibus admota venenum educunt, licet calore subtilium partium attrahere possint, attrahunt interdum totius substantiæ similitudine venenum sibi familiare. Siquidem scorpio tritus, & parti à se demorsæ impositus; & mus araneus similiter cotusus; & vipera attrita & imposita, proprium virus extrahere creduntur. Quoniam vero huiusmodi medicamenta venenis medentur, comuni alexiteriorum, siue alexipharmacorum nomine continentur. Alexipharmaca namque partim alterant, corrumpuntque noxia venena; partim euacuant; utrumque autem præstare possunt vel qualitate manifesta, vel tota substantia.

Paral.

Lib. 5. de sim. med. fac. 3. 8.

- D** Numquid iam nobis persuasum est, rebus quibusque vim quædam inesse, quæ conuenientem sibi qualitatem attrahant; atque hanc huic magis inesse, huic minus? An tritici quoque exemplum legentibus proponemus? Videbuntur enim agricolis quoque in rebus naturalibus rudiores, ii qui nihil usquam trahi ab ullo concedunt. Quippe ipse cum primum rem gestam audirem, admiratus sum, voluique ipse rem oculorum fide experiri. Vbi experimentum respondit, cum causam requirerem longo tempore per omnes sectas, nullam aliam inuenire potui, quæ vel probabilitatem aliquam præ se ferret, immo omnes plane ridiculas & improbatas, præter eam quæ trahendi facultatem proponit. Res autem quæ gesta est, erat eiusmodi. Agricola nostri in Asia cum triticum ex agro in oppidum in carris comportant; ubi suffurari aliquid volunt, nec tamē deprehendi; fictilia quædam aqua impleta in medium triticum condunt. Id ergo humorem in se per fictilia trahens, tum molem sibi, tum pondus adiicit; quod tamen non facile ab intuentibus



bus aduertitur, nisi quis ante admonitus curiosius rem aestimat. Quamquā sane A  
si in sole præcalido vas idem deponere velis; quamminimū erit quod diebus  
singulis absumptum cernes: adeo etiam quam vehemens calor solis, triticum tra-  
hendi ad se vicini humoris maiorem vim habet. Ergo nugæ meræ fuerint, si quis  
hoc loco abitionem in aëris circundati nobis tenuitatem, causam rei putet; potis-  
simūque vbi is admodum incaluit. Quippe qui tametsi quam triticum multo est  
tenuior, ne decimam quidem partem accipit humoris, qui in illud est absumptus.

Tritici tandem exemplo facultatem attractricem demonstrat, hoc namque  
ad se aquam attrahere certum est. Quod recte confirmat historia latrunculorū,  
qui fictilia vasa aqua plena in tritici aceruum reponentes, triticum summa cum  
industria furari solent; furto non facile deprehenso, quod ab humore imbibito B  
& moles, & pondus tritico adiiciatur. Cuius sane euentus nulla alia præter at-  
tractionem probabilis causa reddi potest. Neque enim constare posset, quod  
diceret fortasse quispiam, inaniri scilicet fictilia, non quod à tritico trahatur a-  
qua, sed quod à solis calore in halitus dissoluatur. Nam si feruentissimo soli ea-  
dem vasa fuerint exposita, minimum erit quod absumentur; ita vt ne decimam  
quidem partem attingat eius quod absimitur à tritico. Idem quoque & nos ex  
mole & pondere quod triticum inde contrahit, confirmare possumus; quem-  
admodum etiam ex eo, quod si noctu, aut etiam interdum in umbra eiusmodi fi-  
ctilia in tritici aceruum recondantur, sensim quoque absumpto humore inaniri C  
obseruamus. Forsan tamen Iouerti ratio cuiuspiam placuerit, qui quidem hu-  
morem inania vasorum spatia permeantem, siccitatis ratione à tritico excipere af-  
firmat, attrahi tamen negat. At qui tantam hoc pacto aquam triticum dumtaxat  
ebiberet, quanta ex fictilium lateribus sponte resudaret: at quæ à tritico ablu-  
mitur, ea quæ exsudat copiosior esse solet. Maiorem præterea aquæ copiam quæ  
tritico sicciora sunt & rariora, necessario absumerent: quod tamen experientiæ  
aduersatur. Quæ cum ita sint, liquido patet, tritico non secus ac alexipharmacis  
venenum educantibus, medicamentis infixis euellentibus, succino, magnei,  
purgantibusque pharmacis, insitam esse vim similium attractricem.

## CAP. XIII.



ERV M cum abunde garrulati sumus, neque id nostra sponte,  
sed iuxta prouerbiū cum insanis insanire coacti; rursum ad vri-  
næ secretionem reuertamur. Vbi Asclepiadis nugæ dissimulemus, D  
ac cum iis quibus percolari urinam per renes persuasum est, quis  
nam eius sit operis modus, considerationem ineamus. Prorsus enim aut per seip-  
sam fertur ad renes vrina, id scilicet melius rata, non aliter quam nos cū ad fo-  
rum abimus; aut si hoc fieri non potest, alia quæpiam ferendæ eius inuenienda  
est causa. Quenam igitur est ea? nisi enim sicut Hippocrates censuit, rebus  
eiusmodi qualitatis trahendæ vim quandam dederis, nullam aliam inuenies.  
Quod namque vel hos eam trahere oporteat, vel venas eam mittere, si scilicet  
non per se feratur, cuique patet. Verum si venæ contractæ circumplexæque eam  
protrudunt, utique non illam modo, sed etiam omnem qui in ipsis continetur  
sanguis.



- A** sanguinē, simul cum ea in renes compellent. Quod si id fieri non potest sicut mēstrabimus, reliquum est ut renes trahant. At cur non potest id fieri? nempe quia renum situs ei rei repugnat. Non enim sic cauae subiecti sunt venae, quemadmodum cerebri excrementis meatus in naso & palato, ipsis colatoriis similes, sunt subditi; sed utrinque illi sunt annexi. Itā si ad eū quem colatoria modum, quidquid tenuius planeque serosum est, id prompte transmittunt, quod crassum est, id retinent; utique omnem sanguinem qui in caua est vena, conueniet in eos neare: ita utique sicut in vimineum quod torculari subiicitur, totum conicitur vinum. Iam congelati lactis exemplum, id quod paro dicere, clare indicat. Quippe id totum cum est in quallos coniectum, non totum percolatur; sed quantum eius est quam
- B** amplitudo meatuum qualli tenuius, id primum transluit, ac serum vocatur; reliquum quod crassum est, & caseus fiet, cum non transmittant qualli meatus, deorsum non fertur. Ergo si ad eum modum percolandum per renes est sanguinis serum, utique totum sanguinem ad eos peruenire oportebit; ac non partem eius sane, partem non. At quomodo igitur se habet quod ex dissectionibus apparet? Nempe venae cauae pars altera sursum ad cor ascendit; reliqua super spinam incedit, per totam eam ad crura usque porrecta. Itaque altera eius pars ne prope quidem renes accedit; altera prope quidem accedit, non tamen in
- C** ipsos inseritur. Oportebat vero, si quidem per renes ceu colatoria expurganduserat, ut totus in eos sanguis ferretur; deinde deorsum quidem transfiret quod tenue est; supra detineretur quod crassum est. Nunc aliter res habet, quippe cauae venae renes a lateribus utrinque adhærent. Minime igitur illa mittente colatorii more percolant, nullam scilicet ipsi opem conferentes; sed trahunt videlicet, hoc enim superest. Quanam igitur ratione trahunt? Si quemadmodum Epicurus omnem tractum obiri autumat, per resiliētes amplectētesque atomos, satius reuera sit, ne trahere quidem eos omnino dicere: cum si sic trahant, longe magis ridicula futura sit ratio si examinata sit, quā quae paullo supra de magnete est memorata. Non igitur sic trahunt, immo quemadmodum Hippocrates voluit. Dicetur autem id clarius in disputationis
- D** progressu; nunc enim id docere non institui, sed illud potius, quod nec aliam separationis urinae (cum a renum tractu discesseris) causam assignare licet; nec tamen tractum ita fieri quemadmodum hi putant, qui nullam naturae propriam facultatem concedunt. Quippe hoc concesso, quod in iis quae natura gubernantur, omnino quaedam tractrix facultas sit; meras nugas dixerit, quisquis de digestionē in corpus aliud dicere conatur.

Demōstrata in rebus externis vi attractrice, ad urinae secretionē (de qua sermo institutus fuerat) reuertitur, eamque à facultate renū attractrice fieri, probat nunc tandē hac ratione. Quidquid loco mouetur, aut à seipso, aut ab alio mo-



uetur; atqui vrina dū fertur ad renes, loco mouetur; ergo aut à seipsa mouetur, A  
aut ab alio. A se quidē vrina moueri nō potest, quia neq. volūtariē, neq. ob infi-  
rā g. auitatē ferri potest ad renes; ergo ab alio mouetur. Rursus quidquid ab alio  
mouetur, aut pellitur, aut attrahitur; vrina autē ab alio ad renes pelli nō potest;  
ergo necessario attrahitur. Propositio certissima est, assūptio vero probatione  
indiget, quia dicere posset quispiam, vrinam à venis compressis propulsam fer-  
ri ad renes, ceu colatoria quādam, serosis excrementis suscipiendis percolan-  
disq. à natura præparata. Probat itaq. primū ex situ renū, vrinam ad renes mitti  
non posse venarū compressione; quia renes venæ cauæ subiecti non sunt, sed  
sunt illi vtrinq. annexi. Oportuisset vero subiectos esse, quo facilius possent se-  
rosorum excrementū à caua propulsū suscipere; non secus ac nasi & palati me-  
tus cerebro (cuius excrementa suscipiunt) subiiciuntur. Præterea si in renibus  
ita percolatur vrina, vt quod in sanguine tenuius est per renū sinustri transmitta-  
tur, retineatur autem quod est crassius; totum sanguinē qui in caua continetur, B  
ad renes transmitti oporteret. Quemadmodum etiam in vimineum quod tor-  
culari subiicitur, totum vinū conicitur; & totū lac in quallos, vt percolatum se-  
rum à caseo separaretur. Atqui non totū sanguinem ad renes ferri venæ cauæ di-  
stributio apertissime monstrat. Hæc namque ex iecoris gibba ortum habens, in  
duos insignes diuiditur ramos, quorum alter sursum ad cor protenditur; alter  
super spinam incedens deorsum fertur, ex quo venæ emulgentes quæ inferū-  
tur in renes, ortum habent. Vnde patet, cum dumtaxat sanguinē ad renes per-  
uenire posse, qui in inferiori cauæ ramo continetur; immo neq. hunc totum, sed  
quantum emulgentes venæ capere possunt. Cum igitur ex his efficiatur, vena-  
rum compressione vrinam ad renes nequaquam propelli, concedendum neces-  
sario est, à renibus trahi. Porro huius attractionis causa aut est vncarū atomorū C  
complexus cum Epicuro; aut consequutio ad id quod vacuatur, vt visus est  
sentire Erasistratus; aut attractrix quādam facultas renibus insita. Epicuri opi-  
nionem de atomorum complexu superiori capite refutauit; Erasistrati vero de  
consequutione ad id quod vacuatur sententiam capite sequenti refellet; reli-  
quum igitur est, vt eius attractionis causam attractricem facultatem cum Hip-  
pocrate statuamus.

## CAP. XV.

**P**ORRO Erasistratus nescio quomodo contra alias quasdam opi-  
niones quæ a publica consuetudine sunt alienæ, longa oratione disse-  
ruit, Hippocraticā vero omnino sic præterit, vt ne vel sola mentio-  
ne dignam putaret. Quod tamen fecit in iis quæ de transglutiēdo prodidit, in his D  
enim hætenus meminit, vt vocabulum tractionis dumtaxat nominaret, ad hunc  
modum scribens, Tractionis ventriculi nulla esse videtur. De digestionē vero ver-  
ba faciens, ne vel syllaba tenus Hippocraticæ opinionis meminit. Quamquam  
si vel hoc tantum scripsisset, quod Hippocrates dum dixit, Carnes e ventre  
introrsus, extrorsusque tractrices sunt, fallitur; neque enim ex ventriculo, neq.  
introrsus, neq. extrorsus trahere queunt: vtique nobis satisfecisset. Si vero  
quod illud male dixit, cum oris vteri imbecillitatem culpans, inquit, Non  
enim valet eius os semen attrahere; aut si aliud eiusmodi scribere Erasistratus  
dignum



A dignum censuisset; tum certe & nos illi respondentes diceremus, Quid ita nos rhetorice sine demonstratione, ô Erasistrate, transcurris? Dic aliquod dogmatis vicium, quo vel tibi veterem opinionem iure refellenti credamus; vel te hâc minime intelligentem ab errore reuocemus. Quamquã quid rhetorice dixi? non enim cum rhetorum aliqui quæ maxime soluere non valent, his risu elusis ne contradicere quidem tentât, hoc nos iam rhetorice dicere esse putamus. Quippe probabili quapiam ratione agere, id est rhetorice quid moliri; sine ratione autẽ, scurrile, haud quaquam rhetoricum. Neque igitur rhetorice, neque dialectice Erasistratus ubi ipse de transglutiendo egit, Hippocratem refutauit. Quid igitur ait, Nullus igitur ventriculi tractus videtur esse. Inuicem igitur a nobis eandem rationẽ te-

B stium loco audiat, Contractio igitur stomachi nulla videtur esse. At quomodo non videtur, dicet fortasse sectatorum eius quispiam? Cum namque supernis eius partibus contractis, laxetur semper eius partes infernæ, quomodo non est contractio- nis indicium? Rursum igitur nos & quomodo, inquam, non apparet ventriculi tractus? Quod enim infernis eius partibus laxatis, supernæ contrahuntur, quomodo non est tractus indicium? Quod si aliquando resipiscat, atque euidentem hanc apparentiam intelligat nibilo magis alterius opinionum quam alterius esse argumentum, sed ambarum commune; ita iam ostendemus illi rectam inueniendæ veritatis viam. Ceterum de ventriculo mox. Sane nutrimenti digestio consequu- tionẽ ad id quod vacuatur nihil desiderat, modo cõcessa semel sit tractrix facultas in renibus: quã tametsi reuera esse, liquido cõstat Erasistratũ non ignorasse, nec meminit tamen eius; nec contra eam dixit; nec omnino indicauit quã haberet de vrinæ secretionẽ sententiã. Alioqui, quid ita cũ statim in initio sermonum vniuersaliũ prædixisset, de naturalibus scilicet functionibus se dicturũ, primũ quæ- nã hæ sint; quemadmodũq. fiãt; & quibus locis: de vrinæ quidẽ separatione, quod ea per renes fieret, affirmauit; quemadmodũ autem fiat, omisit. Frustra itaq. nos tum de concoctione docuit quemadmodũ fiat, tũ de biliosi excrementi secretionẽ tẽpus nostrum conterit: satis enim fuisset, hic quoque partes per quas fiat, dicere; quemadmodum autem fiat, omittere. Verum potuit de illis non solum per quæ

D instrumenta, sed etiam ad quem modum fiant, dicere; æque reor ac de nutrimenti digestionẽ. Non enim id modo dicere satis habuit, quod ea per venas fiat, sed etiam qua ratione fiat narrauit, nempe consequutione ad id quod vacuatur. De vrinæ vero separatione, quod vtique per renes fiat, id quidem scribit, qua vero ratione non docet: neque enim arbitror dicere licuit, ea quæ est ad id quod vacuatur consequutione. Quippe eo pacto nemo vnquam ex retinenda vrina (quam ἡ κοιλία Græci vocant) moreretur; nequeunte scilicet vnquam maiore copia influere, quam esset vacuatum. Si enim præter vnã ad id quod vacuatur consequutionem, quæ continuitatem confluxus mode-



retur, alia nulla caussa sit adiecta; numquam fiet ut plus confluat quam sit vacuatum. Sed nec aliam ullam probabilem adicere caussam potuit, sicuti in nutrimenti digestionem adiecit expressionem ventriculi. Verum ea caussa in sanguine qui in caua continetur, apparet vana; non distantiae modo longitudine remissa, sed etiam quod cor ipsum quod illi superiacet, quotiescumque dilatatur vehementer, ex ea non parum sanguinis rapiat. Ergo sola, & omni commentorum ope destituta relinquitur in partibus venae cauae inferioribus ad id quod vacuatur consequutio; amissa scilicet eius probabilitate, tñ propter eos qui ex retinenda urina intereunt; tum nihilominus propter renum situm. Si namque omnis ad eos ferretur sanguis, merito quis omnem eum purgari diceret. Nunc vero cū non totus ad eos feratur, sed tanta eius portio, quantam ea venae recipiunt quae ad renes pertingunt; is solus expurgabitur, ac quod serosum eius & tenue est, id per renes, ceu per colatoria quaedam, transibit; quod sanguineum & crassum est, in venis remanens, impedimento erit ei quod a tergo confluit. Quare recurrat is prius ad cauam venam est necesse, atque ita vacuae fiant venae quae ad renes tendunt; quae secundo etiam non adferent ad cor impurum sanguinem, quippe occupante eas priore, aditus nullus relinquitur. Quenam igitur nobis vis erit, quae retro a renibus purum sanguinem abducat? Quae rursus facultas exceptum hunc ad infernam cauae partem descendere iubebit? Quae alteri qui superne aduenit, priusquam ad renes abeat, ne deorsum feratur imperabit? Haec igitur omnia cum Erasistratus videret dubitationum plena, atque unam solam quae in omnibus satisfaceret opinionem inueniret, eam nimirum quae tractum profitetur, nec dubitare volens, nec ea dicere quae ab Hippocrate sunt dicta, satius esse duxit, de modo secretionis sibi dissimulandum esse. Ceterum si ille dissimulauit, at nos minime dissimulabimus: scimus enim fieri non posse, ut qui Hippocratis opinionem praeterit, deinde aliud quidpiam de renum actione dicit, non omnino sit ridendus. Itaque Erasistratus quidem dissimulauit, Asclepiades mentitus est; haud aliter profecto quam serui, qui priore vita garruli, saepe multa crimina sua insigni versutia declinarunt; tandem in furto ipso deprehensi, omnique excusatione destituti, alter eorum cui plus est verecundiae, velut attonitus tacet, alter cui impudentiae plus est, sub pallio quod quaeritur condit, iuratque se numquam id vidisse. Sic namque Asclepiades versutiae commentis destitutus, nec illud de abitione in tenuem aërem garrere hoc loco habens, sed nec quod a renibus ipsis gignatur id excrementum, quemadmodum a meatibus in iecinore ipsa bilis; (cum fieri non posset, si haec diceret, ut non maximum deberet ludibrium) & iurat, & mentitur aperte, negans urinam ad renes venire, sed halitus vice statim ex cauae venae partibus in vesicam colligi. Atque hi quidem attoniti seruorum ritu qui in ipso furto sunt deprehensi, alter eorum fileat, alter impudenter mentitur.

Disputa-



A Disputaturus cum Erasistrato de secretionē vrinæ, duplici nomine ipsum reprehendit. Primum quidem, quia cum in sermonibus suis vniuersalibus agens ex instituto de naturæ actionibus, absurdas aliorum sententias refutasset; sententiæ Hippocraticæ quæ vim attractricem plurimum naturæ actionum causam statuit, ac meminerit quidem: quasi eam ne mentione quidem dignam esse existimaret. Immo vix mentionem fecisse videtur nominis attractionis, quo tamen vtrumque vñus est agens de nutrimenti deglutitione; affirmans scilicet legislatoris ritu, nullam esse in deglutitione ventriculi tractionem. Porro quod attractionem concesserit Hippocrates, ex duobus locis confirmat, quorum alter legitur lib. 6. epid. part. 6. sent. 1. vbi ita scribit, Carnes ex ventre attractrices, & extrinsecus; alter vero legitur lib. de aëre, aquis, & locis, c. 10. & lib. de morb. null. vbi culpans vteri imbecillitatem, inquit, Non enim valet ipsius os semen  
B attrahere. Reprehendit secundo Erasistratum, quod quæ pollicitus fuerat nequaquam præstiterit. Cum enim pollicitus fuisset, se explicaturum, quot qualesque essent naturæ functiones, à quibus instrumentis fierent, & qua ratione harum singule exercerentur; id quidē in plerisque naturæ actionibus, veluti in deglutitione, nutrimenti concoctione, eiusdem in vniuersum corpus digestionē, & bilis secretionē, optime præstiterit; in vrinæ autem secretionē nequaquam. De eamque id tantū docuit quod in renibus fiat, causam vero a qua fit, prorsus dissimulauit. Quid autem de reliquis naturæ actionibus senserit Erasistratus, libris sequentibus explicabitur; ex quibus etiam intelligentur facilius, quæ de transglutitione & nutrimenti distributione aduersus eum hoc loco scripta sunt. Nūc vero de sola vrinæ secretionē agendū, cuius causam male Erasistratus reticuit. Sed quoniam fortasse à quibus causis nutrimenti distributionem fieri voluit, ab illidem & vrinæ secretionem fieri opinatus est; propterea firmissimis rationibus nunc probat, neque consequutione ad id quod vacuatur, neque venarum compressionē vrinæ secretionem fieri posse. Si namque fieret consequutione ad id quod vacuatur, nemo vnquā ex *ἰσχυρίᾳ*, id est vrinæ suppressione, moreretur; cum ex sanguine nihil posset ad renes ferri, priusquam quod in eis antea erat, excerneretur; neque enim fieri potest, vt plus cōfluat quam sit vacuum. Porro quod venarum compressionē fieri nequeat vrinæ secretio, tribus rationibus confirmat. Duas quidem priores superiori capite iam explicauimus, quarum altera desumpta est ex situ renum, qui venæ cauæ subiecti non sunt, sed ad latera positi; altera vero ex distributione venæ cauæ, quæ aperte ostendit, non posse vniuersum sanguinem ad renes ferri. Sed & tertia ratio quam nunc adiungit, ex abundanti probat, neque sanguinem eum qui in vasis emulgentibus continetur, recte à sero expurgari posse, si venarum compressionē fertur ad renes. Nam postquam eiusmodi sanguis semel fuerit expurgatus, sero scilicet per renes, ceu colatoria quædā, transfuso; id quod in sanguine crassius fuerit, in vasis emulgentibus necessario remanebit; idque impedimento erit, quo minus qui à tergo confluit sanguis apte expurgari possit, nisi illud prius ad cauā venam recurrat. Vnde fiet, vt qui vim attractricem negant, plures alias facultates cogantur concedere; vnā, quæ expurgatum iam sanguinem ad venā cauam ex renibus retrahat; alteram, quæ ad infernam venæ cauæ partem sanguinem hunc descendere iubeat; & tandem tertiam, quæ sanguini ad partem venæ cauæ supernam peruenienti, priusquam ad renes abeat, ne deorsum feratur imperet. Quæ sane cum absurdissima sint, non posse vrinam venarum cōpressionē fecerni, aperte ostendunt.





**U**NIORVM vero quicumque scilicet nominibus horum se  
venditant, Erasistratios & Asclepiadios se appellantes; hi nō secus  
ac inducī in comœdiis ab optimo Menandro serui, Daci quidam  
Getaeque, qui nullum operæpretiū se fecisse putāt, nisi ter herū fe-  
fellerint; sic per multū otīū impudentia meditati sunt cōmenta: alii, quo Asclepia-  
des nusquā arguatur mentitus, alii, quo male enuntient quæ Erasistratus probe  
tacuit. Sed de Asclepiadis seclatoribus satis. Erasistratii vero conantes dicere  
quemadmodū renes vrinā percolent; omnia faciunt, omnia patiūtur, omnimodiq.  
fiunt, dum causam aliquā probabilem queritant, quæ tractū non desideret. Er-  
go qui ab Erasistrati ætate non procul fuere, partes quæ supra renes sunt, pu-  
rum accipere sanguinē aiunt; aquosum vero eo quod graue sit, degrauare, ac pes-  
sum fluere; hīc autem in renibus percolatum (vbi redditus est utilis) iis quæ infra  
renes sunt partibus mitti. Et ad tempus quidem placebat hæc opinio, & florebat,  
veraque existimata est; procedente autem tempore ipsis quoq. Erasistratiis su-  
specta est visa, demumq. ab ea descuerunt. Siquidem duo hæc quæ nec vlli sunt  
concessa, nec demonstrari possunt, postulare videbantur. Vnū, quod grauitas se-  
rosi humoris primū in caua facta sit vena; ceu vero ab initio non fuerit, quando  
a vētricu' o in iecur ferebatur. Cur igitur non statim in illis locis infra defluxit?  
Quomodo autē rationabiliter ab aliquo dici posse videbitur, aquosum humorem  
ad nutrimenti in corpus digestionē conferre, si modo ita est grauis? Alterū absur-  
dū est, quod licet totus deorsum ferri cōcedatur, nec adhuc esse in alio loco quam  
caua vena; difficile dictū est, nisi potius eiusmodi quod dici non possit, quemad-  
modum futurum sit, vt in renes decidat. Cū nec in infernis venæ partibus hi sint  
positi, sed a lateribus; nec inserta in eos caua sit, sed solum processum quendam  
in vtrumque emittat, quemadmodum in alias omnes partes.

Secretionis vrinæ causam male ab Erasistrato prætermittam, addere tenta-  
runt ipsius lectatores, in quos agit hoc vltimo capite. Triplex autem fuit se-  
clatorū Erasistrati de vrinæ secretionē opinio. Prima quidē omnium antiquissi-  
ma, ab hijs inuenta qui non longe ab Erasistrati ætate fuerunt, partes quæ sunt  
supra renes, purū sanguinē accipere statuit: quia quidquid sanguinis serosum est  
atq. aquosum, ob inritā grauitatē fertur ad renes, vbi sanguis percolato sero uti-  
lis redditus, ad partes quæ infra renes sunt, mittitur. Hæc opinionē tribus ratio-  
nibus refellit. In primis enim si serosus humor ob inritā grauitatem è vena caua  
deorsū fertur ad renes; debuisset multo antea deorsū ferri, cū vādo scilicet à ven-  
triculo ferebatur ad iecur. Habebat enim tūc tēporis eandē grauitatē, aut cōce-  
dendū esset eā sibi in vena caua cōparasse; quod est absurdū. Cū itaq. ob grauita-  
tē à vētriculo ad intestina minime deflueret, neq. etiā à vena caua deorsum ob  
grauitatē ferretur ad renes. Deinde si serosus humor reliquo nutrimento grauior  
esset, nō posset esse nutrimenti vehiculū. Atqui vehiculū est chyli, qui ex vētricu-  
lo & intestinis per venas mesaraicas distribuitur ad iecur. Vehiculum itidem  
sanguinis est, qui ex angustissimis iecoris vasis in vniuersum corpus digeritur.

Postremo



A Postremo si ob insitam grauitatem ad renes serum descenderet, renes venæ cauæ subiici, & hanc in renes inseri oportuisset: quorum vtrumque est falsum. Adiacent enim renes venæ cauæ virinque, neque in renes caua inseritur, sed vasa diuintaxat emulgentia.

Quenam igitur huic cum damnata est, successit opinio? Sane vt mihi videtur, multo stolidior prior; viguit tamen aliquando & ipsa. Aiunt enim, si effundatur in terrā oleum aquæ mixtum, diuersa vtrumque via iturum, fluxurumque. hāc ista, illud altera. Minime igitur mirum esse, si aquosus humor in renes fluat, sanguineus per cauam deorsum feratur. Ergo damnata quoque & hęc opinio  
B est. Cur enim cum ex caua innumeræ oriantur venæ, in reliquas quidem omnes sanguis, humor autem serosus in eas quæ ad renes tendunt, conuertitur? Hoc scilicet ipsum quod in quæstione est, non dixerunt; sed vbi rem factam narrarunt, putant se causam reddidisse.

Superiori opinioni ab eiusdem Erasistrati sectatoribus explosæ, altera quædam absurdior multo, multoque ineptior successit. Affirmarunt namque alii, mirum non esse, si serosus humor solus feratur ad renes, sanguis vero per venam cauam permeet; cum id ipsum rebus etiam externis accidere experiamur. Nam si oleum aquæ mixtum in terram effundatur, hac oleum, illac vero aqua fluere conspicietur. Hanc opinionem reprehendit, quoniam ipsius auctores rei tantum euentum enarrant, euentus autem causam (de qua dubitatur) nullam reddunt. Nam quod vrina feratur ad renes, omnes quidem concedimus; quomodo autem feratur, inquirimus. Atqui satis non erat rem similitudine explicasse, aut diuersam sanguinis & feri naturam (vt aquæ & olei) secretionis causam statuisset: adhuc enim ipsis explicandū erat, cur cum ex caua quā plurimæ oriuntur venæ, ad solas emulgentes serum, ad reliquas omnes sanguis conuertatur.

Rursus igitur (tertium Seruatori) omnium pessimam iam dicamus, & quæ a Lyco Macedone inuenta est: viguit autem propter nouitatis gratiam. Ergo Lycus hic, veluti oraculum quoddam ex adyto loquens, renum nutritionis excrementum esse vrinam inquit. At quod totum id quod bibimus vrina sit, nisi quid cum aluo exiit, aut in sudorem, aut per inuisibilem perspiratum abiit, ostendit plane eius quod quotidie meiimus copia. Hyeme autem maxime id intelligere licet in iis qui in otio degunt, & vino ampliter indulgent; potissimum si vinum tenue ac penetrabile sit: meiunt enim hi celeriter, tantū paullo minus quantū bibunt. Quod vero & Erasistratus idē sensit, facile intelligunt qui primū eius vniuersaliū præceptorum librū perlegunt. Quare quod Lycus ait, nec videtur verū, nec Erasistrati opinioni consentiens. Albo igitur iuxta prouerbiū coruo est similis, qui nec cum coruis versari potest propter colorem, nec cum columbis propter magnitudinem. Verum non idcirco est prætereundus, fortasse enim dicit mirum aliquid, quod nec maiorum quisquam nouit. Ergo quod omnes quæ nutriuntur particule, excrementum aliquod creent, vtique non negamus.



Quod autem soli renes tantilla corpora, quattuor interim totos, vel etiam plures A  
habeant excrementi congios; id nec confessum est, nec rationi consentiens. Quippe cuiusque maiorum quam renes sunt viscerum, plus esse excrementi est necesse. Verbi gratia pulmonum (si modo visceris magnitudini ad portionem responderet) sane multiplex erit respectu eius quod in renibus fit. Quare totum quidem pectus implebitur, animal autem illico extinguetur. Quod si etiam æquale quis dicat in singulis aliarum partium gigni excrementum, per quas quæso vesicas excernitur? Si namque renes in his qui vino prolixe indulgent, tres interim, quattuorve excrementi congios faciunt; certe aliorum viscerum multo plures erunt; dolioque maximo opus erit, quod omnium excrementa capiat. Quamquam B  
sepenumero quantum potavit quis, totum id paullo minus minxit, tãquam quod bibitur id totum ad renes feratur. Apparet igitur tertius eorum qui nobis imponere pararunt, minime quod vult efficere, sed statim deprehendi; ac quod in dubio inter initia fuit, id tum Erasistrato, tum ceteris omnibus, cum ab Hippocrate discesseris, adhuc in dubio manere. Longius hoc loco mea sponte sum moratus, certo sciens, neminem esse alium, qui de renum opere quidquam habeat quod dicat; sed vel coquis necessario imperitiores esse, qui per renes colari urinam non fatentur, & qui fatentur, nullam posse aliam secretionis causam præter tractum reddere. At vero si vinarum motus ad consequutionem quæ est ad id quod vacuatur non agitur; clarum est, quod nec sanguinis, nec bilis; aut si illarum, etiam huius; omnia enim ipso quoque Erasistrato auctore, necesse est eodem modo ferri. Sane dicetur de illis fusius sequenti libro. C

Viguit tandẽ tertia quædã opinio, cuius auctor fuit Lycus Macedo, Quinti discipulus, aduersus quẽ exstat Galeni liber ita inscriptus, Quod nihil ab Hippocrate peccatum sit in eo aphorismo, Qui crescunt plurimum habent calidi innati. Voluit autem Lycus, urinam esse excrementum nutritionis renum; quam sententiam refutat Galenus duabus rationibus. Prior ratio hæc est, urina materia est id potissimum quod bibimus, ergo vrina non est excrementum nutritionis renum. Antecedens confirmat, quia eius quod mingimus quotidie copia, proportionem respondet ei quod quotidie bibimus; nisi quid cum alui excrementis prodeat, aut per sudorem, vel insensilem transpiratum abeat. Atque D  
id ita accidere experimur, potissimum hyeme, in qua cum ob cutis constipationem nulli sudores profluât, copiosior vrina reddi solet; quemadmodum etiam in his qui in otio degunt, in quibus neque per sudores, neque per insensilem transpiratum, serosi humoris aliquid quod effatu dignum sit, excernitur. Porro in his qui vino indulgent, quod mingitur copiosum quoque esse solet; præsertim si vinum tenue fuerit, quod ad ciendam urinam est idoneum. Altera ratio est, si renes (qui ad maiora viscera, veluti lienem, pulmonem, & iecur collati, exiguæ partes sunt) tantam excrementi copiam, quantam quotidie per urinam reddimus, colligerent; multo profecto maiorem in his partibus colligi oporteret, quæ renibus sunt maiores. Quare si ad excipiendum renum excrementum vesica satis ampla creata est à natura; plures sanæ vesicæ, vel dolium fortasse aliquod



A quod ad recipienda reliquarum partium internarum excrementa esset necessarium. Alioqui plura sane ex tanta collecti excrementi copia passim sequerentur incommoda; veluti ab excrementis pulmonis totius pectoris repletio, & subita strangulatio. Ioubertus tamen (cui familiare est explosas veterum sententias suscitare) hanc Lyci sententiam probat, hancque Galeni rationem ita dissoluit. Quamuis inquit, renes, aliis partibus minores sint, maiorem tamen serosi excrementi copiam ex propria nutritione relinquunt; quoniam cum seroso sanguine delectentur, cui non multum inest eius quod nutrire valet; plurimum eius sanguinis trahere coguntur, ut cōuenientiore ex eo portionem eligant, sibi que assimilent. Quod itidem vētriculo accidere ait, ex cuius nutritione copiosum excrementum relinquitur, totus scilicet qui superest chylus. Verum non animaduertit Ioubertus diuersam multū esse renum & vētriculi rationem.

Annot. in cap. ult. lib. 1. de fac. nat. & parad. 6. dec. 2.

B Ventriculus enim concoctionis organum est, cōmunem toti corpori vsum praebens; qui quamuis sibi soli nutrimenta cōcoquat, nulla habita aliarum partium ratione; optimo tamen naturae consilio factum est, ut multo plus concoquat quam sit sibi nutriendo necessarium, ne reliquis partibus nutrimentum deficiat. Eadem ratio & iecoris est, à quo plus sanguinis concoquitur, quam propria sui nutritio postulet. At renes concoctionis organa non sunt, tantumque propterea concoquunt, quantum sibi nutriendis sit satis: non enim quod ex ipsorum nutritione relinquitur, alendo corpori vtile esse potest. Cum igitur Epi-

curi, Aesclepiadis, Erasistrati, & sectatorum vtriusque, de vrinæ secretionem sententia optime hactenus sit refutata; reliquum est,

ut cum Hippocrate & Galeno vrinam secerni asseramus,

renibus serosum sanguinem attrahentibus,

serosoque humore in renum

sinibus percolato.



De

CLAVDIJ





CLAVDII GALENI  
PERGAMENI DE FACVL-  
TATIBVS NATVRALIBVS  
LIBER SECVNDVS.



THOMA LINACRO ANGLO  
INTERPRETE.

CAP. I.



**E** T quod necesse quidem sit non Erasistrato modo, sed etiam **A**  
omnibus qui de vrinae secretionem dicturi aliquid sunt quod  
ad rem pertinet, fateri vim quampiam in renibus esse, quæ  
eiusmodi qualitatem qualis in vrina percipitur, ad se ti abe-  
re sit habilis, id superiori monstrauius libro : illud quoque  
commonefacientes, non esse diuersam rationem qua vrinae  
per renes ferantur in vesicam, & qua sanguis in omnes animalis partes, nec etiã  
qua flaua secernatur bilis. Quippe si monstratum sit, in vno aliquo organo tra- **B**  
htricem haberi vim; nullum negotium est, eam ad reliqua transferre. Neque  
enim renibus natura talem facultatem contulit, vasis iis quæ biliosum humorem  
trahunt, eandem negauit; nec rursus his quidem tribuit, reliquis autem omnibus  
ademit. Quo magis mirandum videtur, si id verum est, Erasistratum tam falsa  
de digerendo alimento protulisse, vt ne Asclepiadem quidẽ latuerit. Quamquam  
illud verissimum putat, siquid ex venis effluat, duorum alterum sequi; aut va-  
cuum locum extemplo fore; aut quod continuum est affluxum esse, abeuntisq. **C**  
locum implere. Asclepiades vero non e duobus alterum, sed e tribus vnum sequi  
oportere in vacuandis vasis asserit; vel vacuum locum simul vniuersum fore; vel  
quod continuum est sequuturum; vel vas ipsum esse contrahendum. In calamis  
enim & tubulis iis qui in aquam dimittuntur, recte vereque dici, quod aëre qui  
in horum cauis continetur abeunte, aut vacuus locus extemplo vniuersus sit fu-  
turus; aut quod continens est sequuturum. In venis non ita, cum possit earum  
tunica in seipsam fidere, eoque in cavitatem suam internam se recipere. Atque  
ita



- A ita quidem falsa est de successione ad id quod vacuatur Erasistrati non me-  
cle demonstratio, sed hypothesis. Quæ alioqui si vera esset, etiā superuacua esset;  
cū & venter a se exprimere in venas possit, veluti ipsemet proponit; & venæ id  
quod continent amplexu suo constringere, ac propellere. Nam præter alia incō-  
moda, ne sanguinis quidem redundantia in corpore colligi vlla posset, si vna suc-  
cessione ad id quod vacuatur digestio perficeretur. Ac si ventris quidem expres-  
sio resoluta languensque in progressu redditur, nec potest ad totū pertingere cor-  
pus, eoque aliam quampiam rationem requirit, qua sanguis in omnem vsque par-  
tem feratur; necessario quidem adiuuenta est etiam ad id quod vacuatur succes-  
sio; redundantia tamen in iis quæ post hepar sunt partibus, nulla erit; aut certe si
- B quia erit, circa cor & pulmonem erit. Vnicui enim id ex iis quæ post iecur habē-  
tur, in dextrum suum sinum alimentum trahit, deinde per arterialem venam ad  
pulmonem transmittit; reliquorum enim nullum, nec Erasistrato ipsi, nutriri ex  
corde placet, propter eas quæ super vasis crescunt membranæ. Sin autem quo  
redundantiam non tollamus, expressio quæ a ventre fit tenorem, vsque in com-  
nem partem seruabimus; nusquam etiam, si necessitatem ad id quod vacuatur  
requiremus; potissimum si venarum eius quod continent anplexum etiam appro-  
bamus: quod utique Erasistrato quæque ipsi placet. Ergo rursus quamvis velit,  
admonendus de renibus est, dicendūque nulla re eos manifestius refelli, qui tra-
- C ctum partium repudiāt. Nemo enim aut probabile aliquid dixit, aut sicut prius  
monstrauimus, vllō pacto aliam secretionis vrinae causam inuenire potuit. Sed  
necessē est, vel insanos videri, si halitus vice vrinam ferri in vesicam dixerimus;  
vel impudētes, si successionis ad id quod vacuatur meminerimus: ut quæ in san-  
guine plane sit ratio ridicula, in vrina & talis quæ esse non possit, & prorsus  
insulsa.

Tres alias naturæ functiones diligēter hoc libro Gal. persequitur, nutriti  
scilicet distributionē, flauæ bilis secretionē, & generationē humorū. De his to-  
to fere hoc libro disputationem instituit cū Erasistrato, cuius opinionem accu-  
ratissime refellit; quo facilius ac certius earum functionum causæ intelligantur.

- D Neque mirari oportet; si Erasistratum toties reprehendat, quoniam (ut ipsemet Lib. de lib. pro  
alibi fatetur) opus hoc de facultatibus naturalibus, totum omnium quæ in uni- p. i. cap. 7.  
uersalibus sermonibus de functionibus naturalibus ab Erasistrato scripta fue-  
rant, in iudicium continet. Hoc autem capite de nutrimenti digestionē (ἀέκδοσις  
Græci vocant) primum agit; quam à duobus causis fieri voluit Erasistratus, vē-  
triculi scilicet & venarū compressione, & consequentione ad id quod vacuatur.  
Hanc vero posteriorē causam adiunxit, quoniam in cavi cuiusque corporis va-  
cuatione alterum ē duobus necessario sequi oportuit; aut concedendum esse  
vacuum, aut quod continuum est protinus sequitur. Cum igitur sanguine ad  
partes distributo inaniantur venæ, aut concedēdus est in ipsis locus vacuus, aut  
quod continuum est sequitur. At vacuū (ut ab omnibus philosophis recte pro-  
ditum est) in rerum natura dari non potest, ergo ut inanitæ venæ repleantur, se-  
quatur



queur necessario sanguis, eritque proinde consequutio ad id quod vacuatur A  
 distributionis nutrimenti causa. Hanc Erasistrati opinionem falsam esse ex eo  
 ostendit, quod falso fundamento innitatur. Neque enim verum est, cauo quo-  
 cumque corpore vacuato, alterum è duobus sequi necessario, sed vt recte sensit  
 Asclepiades, vnum è tribus. Nam si quæ vacuantur, corpora dura sint, vt cala-  
 mi; aut vacuum dari, aut sequi quod est continuum necesse est. Si vero omnino  
 dura non sint, tertium quiddā sequi potest, nēpe vt concidāt in seipsa. Cum au-  
 tem ex hoc genere venæ sint, poterunt utiq. ipfarū tunicæ in se concidere, neq.  
 attracto corpore cōtinuo, neque vacuo loco relicto. Rursus frustra Erasistratus  
 duplicem digestionis nutrimentī causam statuit, cum vnica satis esse possit, ve-  
 luti ventriculi & venarum compressio. Nam vt compresso ventriculo nutrimen-  
 tum propelli potest ad venas, ita & compressis venis sanguis propelli potest ad  
 omnes corporis partes, etiam si nulla fiat ad id quod vacuatur consequutio. Si B  
 militer & nos dicere possumus, solam consequutionem ad id quod vacuatur  
 satis esse posse ad nutrimenti digestionem. Si namque inanitæ venæ (ne scilicet  
 detur vacuum) continuo corpore repleti debent, quænam erit compressio-  
 nis necessitas? Quod si consequutionē ad id quod vacuatur propterea addidit  
 Erasistratus, quia ventriculi compressio nutrimentum ad partes distantes pro-  
 pellere nequit; in his tantum partibus addere debuisset, ad quas peruenire nō  
 posset ventriculi compressio; quales potissimum sunt partes iecore superiores.  
 Atqui in his partibus consequutionem ad id quod vacuatur distributionis ali-  
 menti causam esse non posse ex eo confirmat, quod numquam in his partibus  
 plethora fieret; cū in consequutione ad id quod vacuatur, quod sequitur eguale  
 sit ei quod vacuatum est; in plethora vero quod influit copiosius esse oporteat.  
 Quod si demus plethorā fieri posse, in solo corde & pulmone fieret. In corde C  
 quidem, quia quo tempore dilatatur, venalem sanguinem per venam cauā quæ  
 dextrum ipsius ventriculum ingreditur, ex iecore trahit. In pulmone vero, quia  
 solus is ex corde nutritur. Dicitur autem ex corde nutriri, non quod nutriatur  
 sanguine arteriali, sed quod ex dextro cordis ventriculo venalem sanguinem  
 multis iam vitalibus spiritibus permixtum, per venam arterialem accipiat. At in  
 reliquarum partiū nulla fieri posset plethora, quia neque dilatantur vt cor, ne-  
 que ex corde nutriuntur vt pulmo. Qui vero cordis dilatione attrahitur san-  
 guis, partim mittitur ad pulmonem, partim in sinistram ventriculum translan-  
 ditur, vt arterialis sanguinis gignendi sit materia. Neque enim à corde semel  
 attractus potest ex dextro ventriculo ad cauam remeare, quod ipsius orificium  
 ab his membranulis quas anatomici valvulas appellant, occludatur. Siquidem  
 Lib. 6. de usu  
 part. cap. 14. valvularum usus is est, ne quæ semel cordis sinus ingressa est substantia, ex eis  
 dem egredi, neve quæ semel à corde est expulsa, ad ipsius ventriculos remea-  
 re possit. Quo factum est, vt pro diuerso vasorum usu diuersam quoque situm  
 valvulæ obtinuerint; quædam enim intus foras spectant, vt in arteria magna, &  
 vena arteriali; aliæ contra foris intro, vt in arteria venali, & vena caua. Sunt  
 autem omnes cordis valvulæ vndecim, ternæ scilicet in singulis vasis; præter-  
 quam in arteria venali, in qua duæ tantum reperiuntur. Non enim oportebat,  
 huius vasis orificium, attracto iam aëre ex pulmone, omnino occludi, vt expur-  
 gandis à corde fuliginibus aditus vtrumque pateret. Cum itaque sanguis cor-  
 dis dilatione attractus, ad venam cauam regredi nequeat, ipsius orificio à tri-  
 bus (vt dictum est) valvulis occluso; fieri profecto non potest vt reliquæ partes  
 (solo excepto pulmone) eo sanguine nutriantur. Vnde recte colligitur, reliquis  
 partibus



A partibus plethoram accidere non posse, si fiat nutrimenti distributio consequutione ad id quod vacuatur. Atqui experimur sæpissime, eiusmodi etiam partibus plethoram accidere, ergo consequutio ad id quod vacuatur non potest esse causa distributionis nutrimenti, ut voluit Erasistratus.

## CAP. II.



C vnus quidem eorum qui tractum auersantur, error hic est; alter, qui in flauæ bilis secretionem committitur. Neq. enim illic transeunte sanguine per flauæ bilis vasorum ora, exacta secretio biliosi excrementi erit. At nec secernatur, inquiunt, sed vna cū sanguine per totum corpus feratur. Atqui, o viri scilicet prudentissimi, Erasistratus ipse naturam animalibus prospicere, artificiosamque esse proposuit; idem etiam biliosum humorem inutilem animalibus omnino esse asseruit. Nō coherent autem ambo hæc inter se. Nam quomodo quæso videatur animali prospicere, si tam noxium succum vna cum sanguine ascendere in corpus permittat? Verum hæc parua sunt, in quo autem maxime hīc clarissimeque peccent, id nunc dicam. Si enim propterea quod sanguis crassior est, bilis magis tenuis, ac venarum ora magis lata, bilis vasorum magis angusta sunt, nec aliam ob causam bilis angustioribus vasis osculisque se inserit, sanguis latioribus, manifestum est, aquosum hoc serosumque excrementum tanto prius influxurum in bilis vasa quam bilem, quanto id bili est tenuius. Quo pacto igitur non influit? Nēpe quod scilicet crassior est vrina quā bilis: quippe id affirmare ausus est quidā nostri tēporis Erasistrati seētator, videlicet a sensu ipsorū euidentia recedens, quibus in bili & sanguine fidē adhibuit. Siue enim quod bilis quā sanguis magis est fluxilis, idcirco magis tenuis est censenda; siue quod pānum, lintēūve, aut aliud quod percolet, ea facilius pertrāsīt, sicut hæc rursus excrementū serosum, his vtq. iudiciis bilis crassior quā serosum excrementum fuerit. Rursus enim ne hīc quidē ratio apparet vlla, quæ bilem demonstret seroso excremento esse magis tenuem. Verum vbi quis impudens est, deiectusque concertatorem complectitur, ac deiectum se negatis luctæ imperitis similis erit, qui cum a luctæ peritis sunt prostrati, supinique iacent, tantum absunt vt se deiectos fateantur, vt etiam a ceruicibus eorū pendeant, a quibus sunt prostrati, nec eos absolui sinant, vincere se interim autumantes.

De flauæ bilis secretionem (quæ ex genere etiam est actionum naturæ) ita obscure differuit Erasistratus, vt ne ipse quidem seētatores (vt ex capite quinto constabit) quid ipse voluerit, intellexerint. Alii namque bilem ex ipsius sententia à sanguine nequaquam secerni existimarunt; alii vero, secerni quidem, non tamen quod ab aliqua parte trahatur, sed quod sit sanguine tenuior. Quippe cum in iecore præter venas & arterias reperiantur etiam qui bilem excipiunt meatus; sanguinem quidem per venas (vt pote latiores) ferri; bilem vero quod sit sanguine tenuior, angustioribus eorum meatuum osculis excipi affirmarunt. Vtramque hanc sententiam nunc refellit: priorem quidē ex duobus Erasistrati decretis



Lib. 1. de simp.  
med. fac. c. 22.

Cap. 2.

In art. med.  
cap. 6

Lib. 1. de fac.  
nat. cap. 9. &  
lib. 1. de sani-  
tu. cap. 12.

decretis, quorum altero naturam artificiosam esse, animalibusque prospicere, A  
altero vero biliosum humorem noxium esse animalibus, verissime asseruit. At si  
non secernitur bilis, sed fertur (vt illi volunt) vna cum sanguine; aut dicendum  
est, biliosum humorem non esse animalibus noxium, aut inartificiosam esse na-  
turam: quorum vtrumque Erasistrato aduersatur. Posteriores vero refutat hac  
firmissima ratione, Si bilis quia tenuior sanguine est, angustos illos meatus in-  
greditur; serosa humiditas quæ tenuior est bile, eiusmodi meatus facilius quam  
bilis ingrederetur, ibique secerneretur à sanguine. Atqui serosa humiditas li-  
cet bile tenuior sit, neque in iecore secernitur, neque angustos illos meatus in-  
greditur; ergo neque bilis secernitur, quod sanguine sit tenuior. Huius ratio-  
nis vim expendens quidam ex Erasistrati sectatoribus, impudenter concessit,  
vrinam crassiorem esse bile; cuius opinio ex communi corporis tenuis notione  
optime refellitur. Nam ea solent tenuiora dici, quæ magis fluxilia sunt, vel quæ B  
lintheum, aut aliquid aliud simile facilius permeant. Quod tamen de humidis  
corporibus intelligere oportet, reliqua enim eo tenuiora esse censentur, aucto-  
re Galeno, quo facilius in minutissimas partes diuiduntur: quo pacto ignis flam-  
ma & aer dicuntur esse partium tenuium. Atqui vrina (vt monstrat experientia)  
& magis fluxilis est, & facilius quam bilis lintheum permeat; ergo vrina tenuior  
est bile. Quæ cum ita sint, nescio profecto quomodo constare possit, quod lib.  
6. de anat. administ. ad hunc modum scribit, agens de instrumentis excremen-  
torum secretioni dicatis, Ex his instrumentis, alia quod subtile & leue in eo „  
habetur, expurgant; alia quod terrestre & graue est; alia quod inter hæc duo „  
consistit, aquosum serosumque. Si igitur serosum excrementum medio consistit „  
loco inter excrementum tenue, nempe bilem, & excrementum crassum, nempe C  
humorem melancholicum; erit haud dubie humore melancholico tenuius, &  
crassius ipsa bile. Iure ergo miretur quispiam, quo pacto hæc Galeni loca inter  
manifeste pugnantia non reposuerint Lacuna & Vallesius. Nisi forsitan quis di-  
xerit, nequaquam ibi considerari propriam vrinæ & vtriusque bilis substantiam,  
sive consistentiam, sed expendi potius propriam ipsorum naturam ac rationem,  
quatenus excrementa sunt. Ita vt quamuis vrina tenuior sit bile, dicatur  
tamen medium inter vtramque bilem locum obtinere, quod medijs cuiusdam  
excrementi rationem habeat. Cum enim bilis tenue sit iecoris, aut secundæ  
concoctionis excrementum, succus autem melancholicus excrementum cras-  
sum; merito dicetur vrina medio loco consistere, quia neque tenue est eius  
concoctionis excrementum, neque itidem crassum, Nam quod ab extremis ex  
æquo distat, medium vere dici potest, vt de corpore neutro docuit Gal. Por- D  
ro quod vrina neque tenue sit, neque crassum, iecoris, aut secundæ concoctio-  
nis excrementum, satis aperte significat Galenus, dum venarum & arteriarum  
excrementum esse affirmat: quamuis interdum inter iecoris excrementa ipsam  
recensuerit, vt alibi dicemus.

### C A P. III.



**R**GO nuga maxima sunt omnis exiguorum meatuum ad natu-  
rales functiones hypotesis. Nisi enim a natura facultas quædam  
naturalis vnicuique instrumento statim ab initio sit tributa, dura-  
re animalia non poterunt, non modo tantum annorū, sed nec pau-  
cissimorum dierum numerum. Quippe si nullius ea curæ mandemus, arteque &  
prouiden-



B quo vno sapere Erasistratus videtur, quod omnes corporis particulas bene dis-  
sitas, formatasque a natura putat. Verum si sibi ipsi constare artificem, ap-  
pellanti naturā volet, ut quæ ab initio statim omnes animalis particulas præ-  
disposuerit, ac finxerit, post id vero opus, quo nihil deesset, etiā in lucem cum fa-  
cultatibus quibusdā protulerit, sine quibus viuere non possit, tum vero paulatim  
etiā ad iustam vsque magnitudinem auxerit: haud scio, quo pacto naturales  
actiones meatuum magnitudini aut paruitati, vllisve tam ridiculis hypothesi-  
bus possit permittere.

Lib. 9. metho:  
med. cap. 20.

Quippe natura illa quæ particulas effingit, & sensim adauget, omnino per eas totas est extensa; ut quæ totas eas per totas, non tantum extrinsecus fingat, nutriat, atque augeat. Praxiteles namque, aut Phidias, aut alius quæpiam statuarius, foris tantum materiam ornabant, quæ scilicet parte licebat eam attingere;



gere; internam eius partem illaboratam, otiosam, artisque immunem, ac neglectā A  
reliquerunt, ut quibus in eam descendere, ingredique, ac omnes materiae partes  
tangere, minime licuerit. Natura non ita, sed ossis partem quamlibet os efficit,  
& carnis carnem, & adipis adipem, & in aliarum singulis ad portionem facit.  
Nulla enim pars est, quæ ab illa non tangatur, aut operam eius, cultumve effu-  
giat.

Quo facilius colligat necessarias esse facultates naturales, duplex proponit  
discrimen inter artem & naturam. Primum discrimen est, quod natura totam  
materiam per se totam alteret, ac fingat, ita ut nulla materiae portio, etiam mi-  
nima, naturæ cultum ac vim effugere possit; ars vero eam quam tractat mate-  
riam, extrinsecus tantum tangat, atque immutet. Phidias namque, Praxiteli, &  
Policleto (summis alioqui statuariis) foris dumtaxat materiam ornare licuit, B  
ac perpolire, intus autem illaboratam prorsus reliquerunt. Natura vero dum  
animal format, subiectam materiam ita immutat, ut quælibet pars ossis, carnis,  
aut adipis, os, caro, aut adeps efficiatur. Adipem hîc inter partes similes re-  
censeri obserua, quemadmodum & in præfatione libri de hominis natura; ut hinc  
intelligas, veram esse corporis partem. Sed & id colligetur certius ex sequenti  
contextu.

Immo Phidias ex cera efficere ebur, aurumve non potuit, sed nec ex auro  
ceram; siquidem horum quodque manens id quod a primo erat, foris tantum spe-  
ciem figuramque artis adeptum, perfecta fit statua. Natura nullius materiae  
veterem formam seruat, quippe ita sanguis essent cunctæ animalis particule; is C  
scilicet qui a matre confluit ad [maris] semen, vna, vniuscunque formæ materia,  
ceræ vice artifice subiecta, Nulla vero animalis partium pro ea ratione ex hac,  
rubra humidave efficitur; siquidem os, cartilago, arteria, vena, nervus, adeps,  
glandula, membrana, medulla, ex anguia quidem sunt, ex sanguine tamen facta.

Alterum hoc est naturæ & artis discrimen. Ars enim veterem materiae for-  
mam perpetuo seruat, formam scilicet substantialem; nam figuram formamque  
externam mutare potest. Veluti statuarius ligno, auro, aut ceræ, nouam figu-  
ram formationemque tribuit, dum ligneam, auream, aut ceream statuam fingit;  
ligni tamen, auri, aut ceræ veterem propriamque formam nequaquam immu-  
tat: neque enim ex ligno aurum, aut ceram vnquam efficiet. Hoc tamen Chy-  
mistis non placet, qui ex hydrargyro, aut (si Diis placet) ex ferri etiam face mō- D  
tes aureos se facturos pollicentur; cum tamen ipsorum plerique dum insatiz-  
bili auri fame vexati, diuites breui fieri volunt, ad summam egestatem redgā-  
tur. At natura in plerisque actionibus nullius materiae veterem formam seruat,  
sed ipsam potius alterans per se totam, variis modis transmutat. Id quod facile  
intelligitur ex prima statim animalis generatione, cuius mater ia est sanguis ma-  
ternus, qui confluit ad semen: sic enim Græce legitur, non autem ad maris se-  
men, ut sæpius hoc capite male vertit Linacer, Aristotelis sententiā sequutus,  
qui in solis maribus semen concessit. In prima igitur animalis generatione ve-  
terem formam non retinet maternus sanguis, alioqui enim sanguis essent om-  
nes animalis particule: vnde constat, non tantum partes carnosas, sed etiam  
spermatikas ex sanguine fieri. Atqui nulla animalis pars (ut inquit Galenus)  
pro



A pro ea ratione, ex hac materia, rubra humidave efficitur. Quibus verbis nō negat partes aliquas ex sanguine fieri rubras & humidas, carnes enim & humidæ sunt & rubræ; sed solum significat, nullam animalis particulam rubram fieri aut humidam pro sanguinis ratione; neque enim carnes perinde ac sanguis rubræ sunt aut humidæ. Quod certius adhuc intelligitur ex Græca dictione, quæ sic habet, *ἡ γὰρ τοῦ σώματος οὐδὲν τῶν τῆς ζωῆς μορίων, οὐτ' ἐκ τῶν ὀστέων, οὐδ' ἐκ τῶν ἀγγείων.* Idem quoque colligitur ex iis quæ statim subiungit. Siquidem, inquit, os, cartilago, arteria, vena, nervus, adeps, glandula, membrana, medulla, exanguia quidem sunt, ex sanguine tamen facta. Exangues enim dicuntur omnes inæ partes, non quod spermaticæ sint, (adeps namque pars spermatica non est) sed quod sanguinis speciem non amplius retineant, quamvis ex sanguine sint genitæ. Rursus hîc adipem inter corporis partes enumerat, & sequenti contextu affirmat, fieri à natura vt reliquas partes. Quare non immerito veram esse corporis partem alibi docuimus. Cum autem & medullæ meminerit, spinæ potius quam ossium medullam intelligit, cum hæc pars corporis non sit, sed proprium dumtaxat ossium nutrimentum. Quamvis enim nomen medullæ simpliciter dictæ ossium medullam plerumq. significet; aliquando tamen spinæ significare potest, vt lib. 2. de rēp. annotauimus. Porro quod ait, sanguinē esse generationis materiam, semē vero opificis rationem habere, paullo post apertius indicabit.

Lib. 2. de temp.  
cap. 5.

Quo autem alterante, quove congelatiōe, cogenteque, aut quo formate, rogare mihi responderet ipse Erasistratus: prorsus enim vel naturā diceret, vel [maris] semen: utroq. nimirum idē dicens, sed diuersis notionibus interpretans. Quod namque semē prius erat, id cū primum & gignit, & format animal, natura quædam fit. Tāquam enim Phidias ante habuit facultates artis quā materiā attigit, vsus autē ipsis est in materia; (omnis enim facultas, si competens desit materia, otiosa est) ita [maris] semen facultates quidē in seipso possedit, actionē vero nō didicit a materia, sed circa hāc obiuit. Iā si copioso semen obruatur sanguine, corrūpetur; sin sanguinē omnino desideret, cū otiosum sit, natura esse non poterit. Itaque quo nec corrūpatur, & natura pro semine fiat, exiguū illi sanguinis affluat necesse est. Immo vero id exiguū dicendū non est, sed quod seminis modo sit iustū. Quis igitur est, qui affluentis sanguinis quantitatem moderatur? Quis vetat, quominus iusto plus confluat? Quis facit, ne minus quā satis sit, affluat? Quē hîc tertiū qui animalis generationi præsit, quæremus, quiq. conuenientē semini sanguinē subministrabit? Quid dixisset Erasistratus, si viuens talia rogatus fuisset? Nēpe semen ipsum, id enim est artifex Phidiæ ad portionē respondens, sanguis vero ceræ rationē habet. Nō igitur cōuenit, vt cera sibi ipsi mensurā inueniat, sed Phidias; trahet porro artifex tantū ad se sanguinis, quanti indiget. Verum hic aduertere debemus ac videre, ne semini imprudētes rationē quandā intellectumque tribuamus; quippe qua ratione nec semen id, nec etiā naturā fecerimus, sed iā animal. Atqui si tueri vtrumq. debemus, & quod mediocre trahit, & citra intellectū; utiq. quemadmodū magneti lapidi trahendi ferri, sic semini trahendi sanguinis facultatē inesse dicemus: atq. hîc rursus quemadmodū sæpe ante coacti sumus,

Ee

in



in semine trahendi vim quandam inesse, fateri. At quid erat semen? principium <sup>A</sup>  
 animalis efficiens, materiale namque menstruus est sanguis. An igitur, cum ip-  
 sum principium (quo scilicet faciat aliquid eorum quæ molitur) prima hac ut a-  
 tur functione, expers esse conuenientis ad eam facultatis potest? Qui igitur factum  
 est, quod eam Erasistratus non norit, si scilicet ea prima est seminis actio, ut cõ-  
 petentem sibi sanguinem trahat? Competens vero fuerit, qui tenuis adeo halituo-  
 susque est, ut cum in omnem seminis partem veluti ros sit attractus, nusquam sui  
 speciem representet. Sic namque fiet, ut & facile eum vincat semen; & celeriter  
 assimilet, & sibi nutrimentum faciat. Mox arbitror secundo attrahet, & tertio,  
 quo scilicet molem sibi magnitudinemque iustam ex nutritione adiciat. Atqui  
 iam alteratrix inuenta vis est, quæ nec ipsa prodita Erasistrato est. Tertia ve- <sup>B</sup>  
 ro formatrix apparebit, cuius ope semen primum veluti concretum quiddam te-  
 nue, membranam illam sibi induit, quam Hippocrates sexta die cum fœtu Mu-  
 surgo [ mulieri ] ouorum tunica similem, excidisse ait. Post hoc vero, reliqua  
 etiam quæcumque scilicet in libello de infantis natura ab eo sunt scripta, fin-  
 git.

Ex duplici illo discrimine inter artem & naturam, recte nunc colligit, in pri-  
 ma statim animalis generatione concedendas esse necessario facultates natura-  
 les. Si namque generationi subiecta materia per se totam alteratur, & varias  
 recipit formas, aliquam esse eius alterationis & transmutationis causam neces-  
 se est. Hæc autem causa ipsi etiam Erasistrato nulla, alia esse potest, quam natu- <sup>C</sup>  
 ra, aut semen: perinde enim est naturam aut semen dicere, quoniam (ut Gale-  
 nus ait) quod semen prius erat, id cum primum & gignit, & format animal, na-  
 tura quædam fit. Fit autem natura, quoniam naturæ actiones iam exercet, ut  
 pote quod actu animatum iam sit, cum tamen antea potestate tantum animam  
 haberet. Atqui si natura, aut semen materiam alterat, & transmutat; facul-  
 tatibus quibusdam necessario indiget, quarum ope hæc præstare possit. Quem-  
 admodum enim artifex facultates artis comparat, priusquam materiam attin-  
 gat; ita & semen quod generationis est opifex, facultatibus quibusdam prædi-  
 tum esse oportet, quibus sanguinem maternum (qui generationis materia di-  
 citur) & alterare possit, & in varias particulas transmutare. Et licet facultates  
 omnes naturales, tam principes, quam ministræ, in semine reperiuntur; nunc <sup>D</sup>  
 tamen tres saltem in semine concedendas esse demonstrat, utpote quæ in ipso  
 potissimum elucescant; attractricem scilicet, alteratricem, & formatricem. At-  
 tractricem ex eo ostendit, quod quemadmodum vnusquisque artifex iustam  
 materiæ quantitatem sibi moderatur; ita & semen ad gignendum fœtum iusta  
 indigeat sanguinis mole. Nam si sanguis omnino defecerit, ob materiæ ino-  
 piam otiosum prorsus iacebit semen; si vero copiosior affluerit, materiæ copia  
 obruetur. Atqui cum semen ratione præditum non sit, utpote quod solam  
 habeat animam vegetantem, solius naturæ beneficio iustam conuenientis sangui-  
 nis quantitatem sibi metietur. Id autem præstat facultas seminis attractrix, quæ tan-  
 tum sanguinis allicit, quantum ad seminis nutritionem, atque incrementum satis  
 esse possit. Eum vero quem semel attraxit sanguinem, sibi sensim assimilare conatur,  
 agente nimirum facultate nutrice, quæ & alteratrix est, & alterius alteratricis quæ  
 conco-



- concoctricem vocant, ministerio vtitur. Tandem formatrix facultas ex admirabili foetus fabrica aperte intelligitur, quam quidem breuissime hoc loco attingit, & explicat copiosissime lib. de foet. format. Incipit autem vis hac formatrix in semine apparere, cum primum ea induitur membrana, quam Græci *χαρίον*, Latini secundas vocant; quam vidit Hippocrates, sexta à conceptu die, internæ crudorum ouorum tunicae similem, Musurgo excidisse. Cum enim hæc concepisse ex eo merito suspicaretur, quod masculinū semen in coitu intus remansisset, id vero existimationis causa ægre ferret; iussit ei Hippocrates, ut frequenter in terram saltaret. Quod cum septies fecisset, genituram tandem cum strepitu excreuit. Sed iure miretur aliquis, abortiendi consilium meretriculae dedisse Hippocratem, qui in Iureiurando piissime professus fuit, quæ foetū perdere possunt se numquam exhibiturum. Sunt qui dicant, Hippocratem in Iureiurando pollicitum tantum fuisse, se numquam prægnatibus daturum foetum corumpens pessum; at lib. de nat. pue. nihil tale dedisse, sed tantum iussisse ut sapius in terram saliret ancilla. Frigida tamen hæc excusatio est. Nā cum in corumpendo foetu crimen committatur, quid quæso refert, aut pessum in vteri ceruicem immisso, aut bibitis medicamentis, aut violēto quopiam motu vel ictu abortum prouocare? Addunt præterea, promississe Hippocratem in Iureiurando, se numquam daturum quæ possint foetum corrumpere; at quod lib. de nat. puer. frequenti saltu excerni curauit, foetum non fuisse, sed tantum semen sex diebus conceptum. Sed neque hæc legitima est excusatio, quæ Hippocratem possit à crimine liberare; tum quia in Iureiurando simpliciter professus est, se non daturum mulieri pessum corumpens, nulla foetus facta mentione, nullaque adhibita temporum distinctione; cum potissimum, quia crimine non vacat concepti seminis excretionem procurare. Adde, quod (ut diximus libro primo) foetus communi nomine appelletur, quod à primo statim conceptionis tempore ad partum vsque in vtero gestatur. Errant enim qui conceptum, quem *κύνμα* vocauit Hippocrates, foetum dici negant: quemadmodum & illi, qui foetum cum conceptu confundunt: in quo errore versatur potissimum Alphonsus Lupcius. Nullam itaque viam, aut rationem inuenio, qua possit Hippocrates à crimine vendicari: quamuis à contradictione facile liberari possit, si librum de natura pueri ante Iusiurandum scripum fuisse dixerimus; aut eorum alterum Hippocratis non esse. Ac mihi quidem probabilius videtur, Iusiurandum Hippocrati falso adscriptum fuisse, cum Iusiurandi Hippocratici nullibi (quod sciam) Galenus meminerit, librum vero de natura pueri & hîc, & alibi Hippocratis germanum agnoscat. Ceterum prætermisso Hippocrate, inhumanum pius ac impium est, & à Christiana religione omnino alienum, abortū ciere. Quod sane cum nemini liceat, à medicorum tamen dignitate atque officio plurimum abhorreere videtur, ne qui ad hominum salutem medicamentis uti solent, iisdem ad perniciem impie abutantur. Sed in hos omnes Sixti V. Pontif. Max. decreto paucis ab hinc annis animaduersum iam est. Verum ne quidpiam prætereamus, illud quoque in huius mulierculæ historia obseruare oportet, quod Græcam dictionem *τῆς μουσοργῆς* in sua translatione retinuerit Linacer, putans scilicet, Musurgo nomen esse eius mulieris proprium; propterea namque dixit Musurgo mulieri, cum tamen Græce legatur tantum Musurgo. Gorreus tamē potius sentit, *τῆς μουσοργῆς* significare psalteriam, vel fidicinam; quemadmodum etiam Ianus Cornarius, Hippocratis interpret, qui lib. de nat. pu. *τῆς μουσοργῆς* interpretatur cantricem. Sed ut eo reuertamur vnde digressi sumus, excrete genituræ

Lib. de nat. pueri.

In Annotariis.

Schol. 6. in lib. de nat. pu.



naturæ species quam descripsit Hippocrates, facultatem formatricem in semine A  
reperiri certissime ostendit. Eandē vero apertius multo declarat perfecta to-  
tius foetus compositio, ac fabrica, quam eodem illo libro depinxit, & nos libro  
superiore diligenter explicauimus, cum de generatione disputaremus. Quo-  
modo vero semen dicatur hoc loco principium generationis efficiens, sanguis  
vero principium materiale, cū vtrumq. principium & vim efficiendi obtineat,  
& materiam præbeat, ibidem à nobis dictum est.


*Verum si quæ formantur omnia, ea paruitudine manerent, quæ sunt a prin-  
cipio condita, quæ esset eorum utilitas? Augeri igitur illa conueniet At quomo-  
do augebuntur? Certe tum in omnem extensa partem, tum vero nutrita. Quod si  
eorum quæ superiore libro de vesica dixi, quam pueri instantes confricabāt, me-  
mineris; facilius rem & ex iis quæ nunc dicentur, intelliges. Cor igitur ab initio B  
ita mihi paruum esse, vt nihil a milii semine distet, aut (si mauis) faba, intellige.  
Tum illud inuestiga, nū aliter id effici possit magnum, quam si in omnem partem  
extendatur, & per totum se nutriatur, sicuti semen supra paullo nutriri indica-  
uimus. At nec id nouit Erasistratus, is scilicet qui naturæ artem prædicat. Im-  
mo ad eum modum augeri animalia putat, quo aut criseram, aut catenam, aut  
saccum, aut calathum; quorum cuique applicatis ad finem eius aliis, quæ similia  
sunt iis ex quibus ab initio est conditum, fit appositio. At hoc vir insulse, nō au-  
ctio est, sed generatio. Fiunt enim tamdiu capsula, & saccus, & vestis, & domus, C  
& nauigium, & reliqua id genus omnia, dum congruam speciem cuius causa ab  
artifice sunt incepta, consummatam habeant. Quando igitur augentur? Nempe  
cum calathus iam perfectus, & fundum, & os, & veluti ventrem, & quæ in me-  
dio horum sunt habens, omnibus his redditur amplior. At qua ratione id fiet,  
inquit aliquis? Qua quæso alia, quam si calathus subito nobis animal, plantave  
sit effectus? Augentur enim ea tantū quæ viuunt. Tu vero fortasse putas, domum  
quæ ex ædificatur, & calathum & vestem quæ texuntur, augeri. Sed minime  
ita est, augetur enim id cuius perfecta iam forma est; eius autem quod fit, proces-  
sus ille qui est ad formam, non vtique auctio, sed generatio nominatur. Quip-  
pe augetur id quod est, gignitur id quod non est. D*

Non solum in semine, sed in foetu etiam genito, atque in lucem edito, facul-  
tates aliquas naturales concedendas esse probat, potissimumque auctricem &  
nutricem. Auctricem probat ex partium recens genitarum paruitate, cuius oc-  
casione partes ipsæ propriis obeundis actionibus essent prorsus ineptæ. Opor-  
tet igitur, singulas foetus partes, vt proprias actiones exercere possint, in om-  
nem dimensionē sensim dilatari; quod nihil plane aliud est quā augeri. Quoniā  
vero fieri nō potest, vt in omnē dimensionē partes extendātur, seruata (vt prius  
diximus) substantiæ cōtinuitate, nisi partibus quæ extendūtur, nutrimentū assimi-  
letur; præter auctricē cōcedēda quoq. in partibus est facultas nutritrix. Hinc arre-  
pta occasione Erasistratū reprehēdit, quod propriā auctiois rationē ignorarit;  
existi-



**A** existimans scilicet ad eundem modum augeri animalia, quo domus, aut nauigium, aut res aliæ artificiales augeri dicuntur; appositis scilicet denuo ad finē partibus similibus. Errat autem duplici nomine, tum quia auctiōem quæ viuētium est propria, rebus etiam vitæ expertibus videtur tribuisse, tum etiam quia auctiōem cum generatione temere confundit. Siquidē noua ea similium partium appositio, quæ in domo aut nauigio fit, auctiō non est, sed potius generatio; quamdiu enim perfectam formationem assequuta non fuerint, tandiu fieri, aut generari dicuntur. Ea vero augeri censenda sunt, quæ perfectā iam formam habentia, in trinam dimensionem dilatantur. Quippe cum generatio motus sit ad substantiam, auctiō vero ad quantitatem; gigni quidem dicetur quod nondum est; augeri vero quod genitum iam est.

## CAP. IIII.

**B**  *AM* hac parum nouit Erasistratus is, quem scilicet nihil latet, si vera omnino sunt quæ sectatores eius affirmāt, inter Peripateticos philosophos versatū eum dicentes. At quod naturā quidem ut artificem prædicat, hætenus ego quoque Peripateticorum agnosco dogma; reliquorū omnino nihil esse Peripateticum. Siquis enim in Aristotelis & Theophrasti scriptis sit versatus, ceu commentarios ea physiologia Hippocratica conscripta putabit. Agere scilicet inter se, patique calidum, frigidum, humidum, & siccum. Tum horum maxime actiuum calidū esse, secundo ab hoc loco pollere viribus frigidum, primo Hippocrate dicente, postea vero Aristotele. **C** quæ nutriuntur omnia, quod per tota se nutriantur, & quæ miscentur omnia, quod per tota se misceantur, pari modo quæ alterantur omnia, quod per tota se alterentur; Hippocratica simul Aristotelicaque sunt. Nec minus illa, concoctionem alterationem quandam esse, ac nutrientis in propriam qualitatem eius quod nutritur mutationem; sanguificationem vero alterationem esse. His amplius nutritionem & auctiōem, ex eo quod corpus in omnem partē extendatur, nutriaturque, fieri. Alterationem vero ipsam calido potissimum perfici; atq. idcirco tum nutritionem, tum concoctionem, tum omnem succi generationem, iam vero & in excrementis ipsis qualitates a calore innato prouenire. Hæc omnia, atque etiam alia quamplurima, tum de prædictis facultatibus, tum de morborum generatione, tum de remediorum inuentione, Hippocrates omnium post boninum memoriam primus recte dixit, Aristoteles post eum recte est interpretatus. Atq. si hæc omnia Peripateticis placent, sicuti plane placent, nihil vero eorum placeat Erasistrato; quid sibi vult Erasistrati sectatoribus auctoris sui cum philosophis illis conuersatio? Suspiciunt enim eum tamquam Deum, omniaq. ab eo dicta vera esse putant. At si hæc ita sint, longe profecto a veritate aberrare putandi Peripatetici philosophi sunt, quibus nihil omnino eorū quæ Erasistratus est opinatus, placet. Atqui ei consuetudinem cum viris illis, veluti generositatem quādam physiologiae tribuunt. Rursum igitur sermonem aliter quā modo fecimus, in eum



conuertemus. Si enim Peripatetici recte sint de physiologia loquuti, nemo erit A  
 Erasistrato magis ridiculus; ipsisque eius sectatoribus optionem do, quippe aut  
 priorem sententiam propugnauerint, aut hanc. Asserit prior sententia, nihil recte  
 de natura sensisse Peripateticos; posterior, Erasistratum. Ac meæ quidem partes  
 erunt, pugnantiam duarum sententiarum apponere; illorum, utra placeat, elige-  
 re. Verum illud numquam committent, ut ab Erasistrato laudando se retrahant,  
 ergo de Peripateticis philosophis sileant. Cum enim de animalium ortu interituque  
 permulta placita naturalia sint, itemque de sanitate & morbis, horumque curatione;  
 vnum modo inuenietur, in quo viris illis cum Erasistrato conueniat, naturam a-  
 licuius gratia moliri omnia, nihilque sine causa: quamquam etiam hoc ipsum ver-  
 bis dumtaxat tenus, re enim Erasistratus millies id destruit. Quippe frustra B  
 splen, frustra omentum, frustra arteriæ quæ inferuntur in renes, (quamquam  
 hæc omnium quæ a magna arteria oriuntur, sint prope maximæ) frustra mille  
 alia Erasistrati saltem sententia sint condita. Quæ quidem si prius ignerat,  
 coquo paullo est in dissectionibus peritior; si sciens non dicit eorum usum, putat pla-  
 ne frustra ea lienis exemplo esse facta. Quamquam quid hæc persequor, quæ  
 operis de particularum usu (quod opus seorsum scripturi sumus) magis sint pro-  
 pria? Ergo rursus eundem resumamus sermonem, paucisque in Erasistrati æ-  
 mulos apposis, ea quæ reliqua sunt prosequamur. Videntur hi mihi nullum ex C  
 Aristotelis scriptis legisse, sed ab aliis audiuisse, eum in naturæ contemplatione  
 magnum virum fuisse; tum Stoicos vestigiis physiologiæ eius insistere; deinde v-  
 num ex vulgatis placitis inuenientes illi cum Erasistrato commune, fingere fuisse  
 quandam Erasistrato cum illis viris consuetudinem. Ceterum quod Eras-  
 istratus expers omnino sit Aristotelicæ physiologiæ, declarat prædictorum iam  
 dogmatum catalogus; quæ scilicet primum Hippocratis fuisse, secundo Aristote-  
 lis, tertio Stoicorum; vno tantum excepto, quod qualitates sint corpora. Fortasse  
 autem Logicæ speculationis gratia versatum esse cum Peripateticis Erasistratum  
 dicent, parum intelligentes, sermones falsos & parum concludentes ab his minime  
 esse conscriptos; cum Erasistrati volumina eiusmodi sermonibus scateant. D

In Erasistrati sectatores inuehitur, qui ipsum eo nomine maxime comenda-  
 bant, quod cum Peripateticis diu multumque versatus fuisset. Monstrat vero,  
 Erasistratum à Peripateticorum physiologia multum abhorruisse, proposito  
 diuersorum dogmatum catalogo, quæ quidem fuerunt primum Hippocra-  
 tis, deinde Peripateticorum, ac tandem Stoicorum; vno tantum excepto, quod  
 ex horum sententia qualitates sint corpora. Quod Stoicorum dogma refuta-  
 uit ex instituto Galenus proprio libro de hac re conscripto, Quod qualitates  
 sint incorporeæ. Inter omnia autem dogmata quæ scribuntur hoc loco, illud  
 solum videtur explicatione aliqua indigere, quo statuitur, qualitates in ex-  
 crementis ab innato calore provenire. Quod sane de his qualitatibus in-  
 telligere oportet, quæ propriam excrementorum substantiam sequuntur.

Quamuis



A Quamuis enim quæ in nostris corporibus secundum naturam colliguntur excrementa (vt stercus & vrina) non dicantur proprie concoqui quemadmodum nutrimenta, sed quod sint concoctionis indicia; negari tamen non potest, quin caloris concoquentis beneficio propriam substantiã, & quæ hanc sequuntur qualitates, sibi compararint. Foetorem tamen eorundem excrementorum ab innato calore provenire credendum non est, cum sequatur potius ex diuturna mora corruptionem. Ex tam variis quæ hîc enumerantur Peripateticorum dogmatis, vnicum dumtaxat amplexus est Erasistratus, naturam scilicet artificiosam esse, & frustra nihil agere: quamquam neq. hoc constanter seruauerit, cum & lienem, & alias quasdam partes frustra factas fuisse affirmarit. Vnde constat, tantum abesse vt cû Peripateticis versatus fuerit Erasistratus, vt ab ipsorum potius dogmatis plurimum abhorruerit. Idem quoq. in Logicis fecisse deprehenditur. Immo & Logicam, quam Aristoteles Peripateticorum princeps exactissime docuit, videtur prorsus ignorasse. Erant namque ipsius libri rationibus inefficacibus, & parum concludentibus referri; cum tamen ad Logicum pertineat, rationum momenta expendere, sophisticaeque & dialecticas sumptiones à necessariis distinguere.

## CAP. V.



RGO miretur fortasse aliquis, ac dubitet, quamobrem Erasistratus tantopere ab Hippocratis dogmate abhorruerit. Ac cur neatus in iecinore qui bilem excipiunt, (de renibus enim abunde hactenus) tractoria vi priuans, appositam posituram, & osculorum causetur angustiam; ac locum quendam communem, in quem deducant venæ quæ a porta veniunt, sanguinem impurum; accipiant autem priores quidem meatus bilis; postea venæ quæ ad cauam pertinent, purum iam sanguinem. Quippe cum si tractum dixisset, præterquam quod nihil accidisset incommodi, ab aliis sexcentis dubitationibus fuisset liber. Cû nunc pugna sit Erasistrati sectatoribus non parua, neque id cum aliis modo, verum etiam ipsis inter ipsos; nequeuntibus scilicet interpretari verba illa in primo vniuersalium sermonum, quibus ait, Adapertis autem in idem aliis duobus vasis, tum iis quæ ad bilis receptaculû, tum iis quæ ad cauam venam tendunt; accidit, subeuntes ex ventriculo alimenti partes eas quæ vtriusq. osculis sunt accommodæ, in vtraque transferri vasa; atq. alias earum ad bilis receptaculum ferri; alias ad venam cauam transmitti. Illud enim Adapertis in idem, quod in principio dictionis est positum, quo pacto sit intelligendû, difficile dictu est. Aut enim ita in idem, vt venæ eius quæ in caua iecinoris est fini, copulentur alii duo fines, tum eius quæ est in gibbo, tum bilis ipsius meatus. Aut si non ita, locum quendam communem intelligere oportet, qui a tribus vasis sit diuersus, & velut receptaculum quoddam, quod impleatur quidem ab inferiore vena, vacuetur autem in bilis meatus, & in eas quæ a caua deflissæ sunt venulas. In vtraq. vero expositione multa sunt incommoda, quæ si omnia dicam, videbor propositi mihi ab initio oblitus, in Erasistratum scribere enarrationem. Ceterum commune ambabus interpretationibus incommodum est, quod totus



sanguis non purgatur. Oporteret enim, in ipsum bilis vas, ubi videlicet percolaretur, incidere; non transire, ac præterfluere celeriter in os maius, digestionis scilicet impetu latum. An igitur his solis difficultatibus implicatus hæret Erasistrati sermo, dum tractoria facultate ad quiduis uti recusat? An vehementissime quidem in his, liquidoque adeo, ut nec puerum lateat?

Intermissam de bilis secretionem & digestionem nutrimenti disputationem repetit. Ac quoniam secundo capite sectatorum Erasistrati opiniones refutauerat; quæ de secretionem bilis ab ipsomet Erasistrato tradita fuerant libro primo sermonum vniuersalium, hoc capite proponit. Quæ sane ita difficilia erant atque obscura, ut ne inter ipsius quidem sectatores de legitimo sensu conueniret. Proponit autem duas eius loci explicationes, ambasque ex communi quod sequitur incommodo, refellit. Nam utcumque locus ille Erasistrati explicetur, id semper sequetur incommodum, quod non posset totus sanguis abile expurgari; sed ille tantum qui ad meatum bilis deferretur. Quippe cum venæ caviæ fines multo patentiores sint, impurum sanguinem facillime recipient.

## CAP. VI.



ERVM si quis attente consideret, nec eius de nutrimento sermo quem in secundo vniuersalium sermonum scribit, easdem difficultates effugiat. Siquidem vno illo lemmate successionis ad id quod vacuatur concessio, ceu prius ostendimus, conclusit quiddam de venis solum, & qui in his habetur sanguine. Effluente enim per ora earum ac digesto sanguine, cum nec simul vniuersus esse vacuus locus possit, nec venarum quidquam concidere; (id namque erat omissum) necesse erat, ut quod continuum fuit sequeretur, ac vacuati locum impleret. Atque venæ quidem nobis ita nutriuntur, sanguine scilicet quem in se habent, fruenter. At nerui quomodo nutriuntur, neque enim in his sanguis habetur? Nobis namque in præoptu est respondere, quod trahendo a venis; sed hoc illi non placet. Quidnam igitur hæc comminiscitur? Nempe neruum venas in se arteriasque habere, veluti catenam ex tribus diuersis naturalibus contextam. Ex hac etenim ad disputationem sumpta hypothesis, putauit se tractum posse declinare. Neque enim amplius neruum cum sanguinis in se vas habeat, sanguinis alterius qui extrinsecus ex vicina vera vena confluat, indigere; sed satis illi ad nutrimentum esse vas illud confictum, quod ratio comprehendat. At hæc rursum alia difficultas hominem excipit. Hoc namque ipsum exiguum vasculum se ipsum quidem nutriet, simplicem vero illum qui ipsi adiunctus est neruum, vel arteriam, fieri nequit ut nutriet; nisi his insita quædam trahendi nutrimenti vis subesse concedatur. Nam successionem ad id quod vacuatur quo pacto attrahere alimentum queat simplex ille neruus, ad eum modum quo compositæ venæ? Nempe quia cavitatem quædam in illo est, ipso auctore. At ea cavitatem spiritu animali plena est, non sanguine. Est autem nobis non in hanc cavitatem



**A** uitatem inducendum alimentum, sed in vas quod eam contineat, siue id tantummodo nutriri, siue etiam augeri est opus. Ergo qua ratione inducemus? Est enim adeo exiguum simplex illud vas, præterea reliquorum vtrumque, vt si minima acu partem eius aliquam pupugeris, tria simul diuiseris. Itaque sensibilis in eo locus vacuus fieri simul vniuersus non potest; qui vero ratione spectatur, non cogit, cum vacuatur, vt quod continuum est necessario sequatur.

Quamuis capite primo firmissima ratione ostenderit, nutrimenti distributionem consequutione ad id quod vacuatur fieri non posse; nunc tamen Erasistrati de hac re sententiam accuratius refellit. Nā si consequutione ad id quod vacuatur fieret nutrimenti digestio, solæ venæ, reliquarum vero partium nulla sanguine nutriri posset. Quippe cum solæ venæ sanguinem contineant, ipsæ solæ quando inaniuntur, sanguine repleti poterunt; cum vacuus locus dari non possit, vt dicebat Erasistratus; neque venæ, vt addebat Asclepiades, possint in se ipsas concidere. At reliquarum partium nulla sanguinem in se continet, nisi forte cor, quod sane intra proprios ventriculos plurimum sanguinem perpetuo habet. Sed & hunc ex vena cava accipit cor, vt ante diximus. Sed nonne arteriæ sanguinem arterialem continent, quemadmodū venæ sanguinē venalem? Ita sane, Erasistratus tamen (cuius sententiam hoc loco refutat) solum spiritū continere arbitrabatur; vt constat ex libro Galeni aduersus Erasistratum de hac re conscripto, An sanguis in arteriis natura cōtineatur. Si ergo reliquæ partes sanguinem non continēt, quomodo sanguine inaniuntur? Et rursus, si non inaniuntur sanguine, quomodo sanguis consequutione ad id quod vacuatur ad ipsas distribuetur, vt eo nutriri possint? Hanc sane rationem quæ partibus omnibus communis est, neruis privatim Galenus accommodat, quos recte monstrat nutriri non posse, si consequutione ad id quod vacuatur fiat sanguinis distributio. Erasistratus tamen vt aliquid dixisse videretur, hanc de nutritione neruorum commentus est rationem. Singulos neruos asseruit, ex tribus partibus, simplicissimis illis quidem, natura tamen maxime diuersis, cōstare; neruulo scilicet simplicissimo & elementari, arteriola, & venula. Hanc solam sanguinem continere, eo tamen non solam ipsam, sed & neruulum, & arteriolam nutriri affirmauit. Sed neque sic potest Erasistratus superioris rationis vim effugere. Nam si sola venula sanguinem continet, sola ipsa poterit inaniri sanguine, & consequutione ad id quod vacuatur nutriri. Neruulus autem & arteriola cum sanguinem non contineant, ad eum modum nutriri non poterunt. Quare aut concedendum est, neruulum ex venula ad sui nutritionem sanguinem attrahere, aut in se ipso sanguinem continere. Illud quidem Erasistratus (vt pote qui vim attractricem omnino neget) nequaquam concedet; hoc vero fieri non posse recte probat Galenus. Siquidem licet neruos omnes cavitare præditos cum Erasistrato concedamus; sanguinem tamen nullo adhuc pacto continebunt, cum eiusmodi cavitates animali spiritui, qui ex cerebro ad neruos omnes transmittitur, recipiēdo, Erasistrato auctore, dicata sit. Sed solos neruos opticos perforatos esse alibi diximus.

Velim porro rursus hoc loco mihi respondeat Erasistratus ipse de elementari illo exiguo neruo, sitne vnus & prorsus continuus, an ex multis & exiguis corpusculis illis, quæ Epicurus, Leucippus, & Democritus proposuerunt, compo-

Ee 8 tus:



tus: nam de hoc quoque Erasistrati æmulos dissidere animaduerto. Alii namque  
 vnum eum esse, continuumque putant; alioqui nec simplicem eum nominandum  
 ab eo fuisse dicunt. Alii hunc quoque audent in alia elementaria diuidere. V-  
 erum si vnum quiddam continuumque est, quod ex eo per insensilem a medicis di-  
 ctum perspiratum vacuatur, nullum relinquet in eo locum vacuum; cum ita vñ  
 non fuerit, sed plura, vacuis scilicet locis inter se diuisa. Sin ex multis est condi-  
 tum, per horti posticum (vt in prouerbio est) ad Asclepiadem discessimus, quæ co-  
 herere inter sese non possunt elementa statuentes. Ergo rursus artis expertem  
 esse naturam dicamus, cum eiusmodi elementa necessario hoc sequatur. Quare  
 parum erudite mihi videntur Erasistrati æmulorum quidam, ad eiusmodi elemē-  
 ta simplicium vasorum solutionem redigere; mea enim nihil refert. Secundum v-  
 trosque enim absurda erit nutritionis ratio, cum in simplicibus illis exiguis vasis  
 quæ magnos ac sensibiles nervos conficiunt, non possit, sententia eorum qui con-  
 tinua ea defendunt, fieri ad id quod vacuatur successio; quod & in continuo ni-  
 hil sit vacuum; ac si quid effluat, partes quæ relinquuntur (veluti in aqua cerni-  
 tur) inter se coeant, rursusque vnum fiant: ipse scilicet digesti locum occupan-  
 tes. Alterius vero sectæ sententia, etiam absurda erit nutritionis ratio, propterea  
 quod successione ad id quod vacuatur illorum elementorum nullum eget. Habet  
 enim ea successio in sensibilibus tantum, non etiam in iis quæ ratione spectantur,  
 vim; sicuti ipse Erasistratus manifeste fatetur, vbi que non de vacuo id genus  
 quod minutim corporibus aspergitur, se agere testificans, sed de manifesto, & sen-  
 sibili, & multo, simul collecto, & magno, & euidenti, vel quomodocumque aliter  
 nominare libuerit. Quippe Erasistratus ipse vacuum sensibile quod simul totum  
 sit, ait esse non posse; ego vero cum nominibus abundarem, quæ idem in proposito  
 sermone valerent, etiam reliqua adieci. Non alienum vero videtur, si ipse quoque  
 aliquid, quando huc veni, Erasistrati sectatoribus conferam, horterque, vt cum  
 primum illud & simplex ab Erasistrato vocatum vas in alia soluunt elementa-  
 ria corpora, ab ea opinione desistant; cum præter id quod nihil promouent, etiam  
 ab Erasistrato dissideant. Ac quod nihil quidem promoueant, liquido est mon-  
 stratum, neque enim effugere dubitationem quæ de nutritione est proposita, opi-  
 nio ea potuit. Quod autem nec cum Erasistrato sit consentiens, cum id quod ille  
 primum & simplex nominat, compositum faciat, ac naturæ artem destruat, ma-  
 nifestum id quoque mihi videtur. Si enim in simplicibus his vnitionem quandam  
 substantiæ non relinquemus, sed ad elementa quæ nec coalescere possunt, nec in  
 partes diuidi, descendemus, omnino naturæ artem perimemus: quod vtique om-  
 nes faciunt, qui hanc hypothesim pro principio habent, tum medici, tum philoso-  
 phi. Quippe secunda & posterior animalis partibus secundum hanc hypothesin  
 natura est, non prior: at formare, & condere, non eius est quod secundo fit; sed  
 eius



**A** eius est quod secundo fit, sed eius quod fuit prius. Quare necesse est, statim ex ipso maris semine naturæ facultates, quibus format, auget, nutritque animal, esse præsumere. At corporum quæ nec vna committi, nec diuidi possunt, nullum in se formatricem, auclricem, nutricem, aut in summa artificem facultatem habet: quippe quod impatibile esse, immutabileque, præsumitur. Prædictorum vero sine nutritione, & alteratione, & ea quæ per tota fit mixtione (veluti supra indicauimus) nullum consistit. Atque ob hanc necessitatem omnes eiusmodi opinionum sectatores, quo consentanea elementis iis quæ proposuerunt, dicerent; naturam vel nolentes coacti sunt, artificem esse negare. Verum hæc non a nobis Erasistrati sequaces, sed a philosophis discere par erat; quibus scilicet illud maxime placet, omnium rerum elementa primum esse consideranda. Non recte igitur putamus

**B** est Erasistratus eo ignerantiæ progressus, ut ne hanc quidem dignoscere possit consequentiam; sed ut simul naturam artificiosam esse proponeret simul in impatibilia, & quæ nec vna coniungi, nec mutari possint elementa, substantiam cõcerperet. Atqui si in elementis alterationem aliquam, & mutaticnem, & vnicem, & continuitatem dederit; vnum ei, minime compositum, vas illud quod simplex vocat, erit. Verum simplex vena a seipsa nutrietur, nervus vero & arteria a vena. Sed qualiter quæro, & quemadmodum; hoc enim disceptationis nostra loco discordiæ Erasistratorum superius meminimus, monstrauimusque, neutrorum sententia quemadmodum simplicium illorum vasorum nutritio fiat, constare. Sed nec indicare pugnantiam eorum sumus grauati, præterea Erasistrato honoris aliquid deferre, translato scilicet in meliorem sectam.

Probat rursus, neruulum illum simplicem consequuntione ad id quod vacuatur nutrir non posse. Nam aut vnus est neruulus ille, & prorsus continuus, aut ex atomis compositus. Si continuus vnusque sit, (ut quidam ex sectatoribus Erasistrati asseriebant) quod ex eo per insensilem transpiratum vacuatur, vacuum locum relinquere non potest; tum quia si daretur locus vacuus, non esset corpus continuum, sed in plura necessario diuisum; tum etiam quia quæ relinquuntur partes, eius quod effluit locum occupant, ut in aqua fieri cernitur. Si vero (ut alii volebant) neruulus ille ex atomis sit compositus, quamuis inter atomis necessario sit vacuum, illud tamen minimum est & insensile. At ipsemet Erasistratus fatebatur, in vacuo sensibili & manifesto successione ad id quod vacuatur vim tantum habere. Huc accedit, quod qui neruulum illum ex atomis compositum esse asserunt, Erasistrato suo contradicunt, qui eiusmodi neruulum simplicissimum ac elementarem nominauit. Rursusque concessis atomis, multa cõcedenda sunt dogmata, cum Erasistrati dogmatis pugnantia. Qualia potissimum hæc sunt, naturam esse artis expertem; naturam esse posteriorem corporibus; & alia id genus. Ex quibus satis constat, neruulum illum, siue vnus sit & continuus, siue ex atomis compositus, consequuntione ad id quod vacuatur nutrir non posse.

Rursus igitur ad eam quæ elementarem illum neruum, vnum, simplicem, & sibi vndique vnitum proponit, disputatio conuersa, quemadmodum nutriendus sit,



sit, consideret: quod namq. hîc inueniuntur erit, commune id Hippocratis quoq. secta A  
 fuerit. Aptius autem mihi quod quaeritur disquirendum esse videtur in iis qui æ-  
 grotauerunt, & vehementer sunt extenuati. Omnes enim his corporis particule  
 & nutrimento defecta, & graciles esse, tum plurima additione, refectiōneque in-  
 digere videntur. Ergo etiam nervus hic sensibilis, cuius causa inceptus sermo  
 est, in his gracilis admodum est redditus, ac nutritione eget. Habet vero in se  
 partes plurimas, tum primos illos & inuisibiles nervos, tum paucas quasdam  
 simplices arterias, itemque venas. Omnes igitur eius quoque elementares nervi  
 extenuati sunt; aut si non illi, utique nec totus. Itaque etiam sicuti totus, ipsi  
 quoque nutriri postulant. Atqui si nutriri postulant, nec potest illis quid- B  
 quam conducere ad id quod vacuatur successio, nō propter iam dictas modo du-  
 bitationes, sed etiam propter recens contractam (ut indicabo) gracilitatem; quæ-  
 rēda nobis alia nutritionis est causa. At quid igitur causæ est, cur fieri nequeat,  
 ut successio ad id vacuatur eum qui sic sit affectus nutriat? Nempe quod ea ra-  
 tio tantum succedere continui necessarium facit, quantum effluit. Hoc vero iis  
 qui commodo sunt corporis habitu, satis ad nutritionem est, utpote quibus ea  
 quæ apponuntur iis quæ effluunt paria esse oportet. At in iis qui ad ultimum  
 sunt graciles, ac liberaliter refici postulant, nisi multo plus sit quod apponitur  
 quam id quod vacuatur, pristinum restituere habitum numquā poterit. Lique- C  
 igitur, quod tanto plus sunt attracturi, quanto etiam pluribus egent. Porro Era-  
 sistratus hîc quoque se prius facere quod secundum est, nescio quo pacto non ad-  
 uertat: propterea enim, inquit, quod multa additio iis qui ægrotarunt, quo refi-  
 ciantur fit, idcirco multum etiam ad hanc succedit. At quomodo multa fiat ad-  
 ditio, ubi copiosa non præcessit digestio? Quod si nutrimenti per venam transitū  
 Græce ἀναδεδωκεν (id est digestionem, siue distributionem) appellant; translatiō-  
 nem autem quæ in singula simplicium illorum & inuisibilium nervorum, arte-  
 riarumque fit, non ἀναδεδωκεν, sed διεδωκεν, (quasi traditionem, vel porreccionem  
 dicas) veluti nonnulli nominandam censuerunt; postea vero qui per venas agi-  
 tur transitum, sola fieri successione ad id quod vacuatur dicunt; age, translatiō- D  
 nem quæ fit in illa quæ sunt ratione spectabilia, nobis interpretetur. Quandoqui-  
 dem quod successione ad id quod vacuatur asserere esse in his non possunt, ac  
 potissimum in corporibus quæ ad ultimum sunt extenuata, demonstratum iam est.  
 Quæ vero de his verba in secundo vniuersalium sermonum Erasistratus dicat,  
 operæpretium est audisse. Vltimis & simplicibus quæ tenuia angustaque sunt, ”  
 appositio ex vicinis contingit vasis; in vacuitates scilicet eorum quæ abierunt, ”  
 nutrimento a lateribus vasorum attracto, ac translato. Ex hac dictione primum ”  
 illud a lateribus admitto plane, ac recipio. Neque enim possit simplex nervus, si  
 per os nutrimentum acciperet, id in se totum distribuere, ut qui dicatus si irriti  
 animali



A animali sit: at a latere licet, a simplici quæ iuxta sita est vena, alimentum recipiat. Secundo loco recipio ex Erasistrati verbis, quod deinceps subiicitur illi A lateribus. Quid igitur ait? A lateribus vasorum nutrimento attracto. Ergo quod trahatur quidem, nos quoque fatemur; quod autem successione ad id quod vacuatur non trahatur, prius est demonstratum.

Quoniam sentiebat Erasistratus, elementarem illum neruulum simplicem esse & sibi continuum; demonstrat rursus Galenus, nutriri ipsum non posse successione ad id quod vacuatur. Id autem confirmat firmissima ratione, desumpta ex iis qui ex diuturno quopiam morbo conualescunt; qui quidem cum sint vehementer extenuati, sensim renutriti ad pristinum statum reuocantur. Si igitur neruulus elementaris qui in his conalescentibus, non secus ac reliquæ partes, extenuatus est, successione ad id quod vacuatur nutriretur, numquam posset ad pristinum statum redire. Quippe ut id fiat, plus sanguinis affluat necesse est quam sit inanimum; at in ea successione tantum affluit quantum est inanimum. Respondebat tamen Erasistratus, multam in iis qui egrotarunt sanguinis successione fieri, quia additio multa fit. Quam responsionem merito refellit, quoniam id quod posterius est, tamquam primam causam statuit, multam scilicet sanguinis additionem; quam quidem necessario præcedere debet multa inanitio. Porro Erasistrati sectatores hanc Galeni rationem sic soluere tentarunt, ut inter ἀνέδοσις & διάδοσις statuendum sit discrimen ex Erasistrati sententia. Ανέδοσις, inquit, esse transitum, aut digestionem, aut distributionem sanguinis, quæ fit per venas; διάδοσις vero, sanguinis translationem, quæ ex venis fit in particulas illas simplicissimas, & elementares, veluti neruulum & arteriolam. Ανέδοσις itaque consequentione ad id quod vacuatur fieri asserabant; διάδοσις vero nequaquam. Sed & hos reprehendit, quod distributionis solius causam reddiderint, translationis vero nullam assignarint. Citatis tamen eiusdem Erasistrati verbis ex libro secundo sermonum vniuersalium, eiusmodi translationem attractione fieri demonstrat; eamque Erasistrati sententiam duplici nomine commendat; & quod attractionis meminerit, & quod a lateribus nutrimentum a neruo attrahi dixerit; quorum utrumque est verum. Nam & nutrimentum a neruis attrahitur, non tamen successione ad id quod vacuatur, ut ipse voluit; & a neruorum lateribus attrahitur. Quamuis enim nerui omnes ex ipsius sententia cavitates sint præditi; eam tamen cavitatem recipiendo animali spiritui dicatam esse dicebat, quem ex cerebro ad neruos omnes descendere putabat.

D

## CAP. VII.



REGO ad quem modum trahatur, in commune inuestigemus. Quo porro alio, quam sicut a magnete lapide ferrum, qui scilicet talis qualitatis trahende vim habet? At vero si distributionis principium expressio ventriculi præstat, reliquum vero eius processum omnem tum venæ ipsæ contractæ ac propellentes, tum singula quæ nutriuntur ad se trahentia; successione ad id quod vacuatur repudiantes (quippe quæ hominem qui artificiosam naturam statuit, parum deceat) iam Asclepiadis obiectionem declinauerimus, quam scilicet soluere non potest. \* Lemma enim quod ad demon-

Aliqui legunt non possumus, & multo rectius, nam Græce sic habet αὐτὸν καὶ λόγον αὐτοῦ.

stratio=



strationem disiunctum sumitur, non utique ex duobus, sed ex tribus reuera est **A**  
 disiunctum. At si quidem veluti ex duobus eo utemur, falsum erit aliquid eorum  
 quæ ad demonstrationem sumuntur; si veluti ex tribus, minime claudens ratio  
 erit.

Refutato Erasistrato, ipsiusque sectatoribus, docet nunc tandem quomodo  
 fiat nutrimenti distributio. Fit autem à duabus facultatibus naturalibus, attra-  
 ctice & expultrice; hæc namque distributioni initium præbet, illa vero perfi-  
 cit. Fit autem triplex in nobis nutrimenti digestio, vna ex ventriculo & inte-  
 stinis ad iecur, altera ex iecore ad venam cauam, & tertia ex vena caua ad re-  
 liquas partes nutriendas. Digeritur itaque primum concoctum in ventriculo  
 nutrimentum ad tenuia intestina, propellente ventriculo, & in seipsum com-  
 presso contractis fibris transuersis: quemadmodum ex tenuibus intestinis ad ie-  
 cur, ipsomet iecore per venas mesaraicas, veluti per manus quasdam trahente. **B**  
 Ex iecore rursus sanguis ex chilo genitus in venâ cauâ transmittitur, tunc propel-  
 lente iecore, tunc vena caua attrahente; hac namque mutua opera fit, ut ex ramis ve-  
 næ portæ in venæ cauæ ramos sanguis transfundatur: siue id fiat propterea eorû vaso-  
 rum anastomosin, quâ multi finxisse potius quàm conspexisse videtur, siue (ut môstrat  
 accurata dissectio) quod eorum vasorû tunicæ, alioqui tenuissimæ, variis fora-  
 minibus sint pertusæ. Tandem vero vena caua in venas sibi proximas expellen-  
 te, hisque simul & attrahentibus, & in alias expellentibus, in propria nutrienda-  
 rum partium vasa sanguis defertur, è quibus partes ipsæ familiarem sanguinem  
 ad se trahunt. Hæc verissima est de nutrimenti per vniuersum corpus distri-  
 butione Hippocratis Galenique sententia, quæ omnem reprehensionem ca-  
 lumniamque effugit. Neque enim hanc ratio illa quam primo capite proposui-  
 mus, conuellere potest, ex disiuncto duarum, aut etiam trium partium desump-  
 ta. Quippe si ex duabus dumtaxat partibus constet cum Erasistrato, falsa erit  
 propositio: quia verum non est, in cuiusvis corporis vacatione aut vacuum  
 locum concedi debere, aut consequi quod continuum est; cum possit inanimatum  
 corpus in seipsum concidere, ut recte dicebat Asclepiades. Si vero disiunctum  
 ex tribus partibus cum Asclepiade constet, vera quidem erit propositio, nihil  
 tamen ratio concludet; sequetur namque quod continuum est, non quidē fuga  
 vacui, sed quod à partibus quibuidam expellatur, ab aliis vero trahatur. **C**

## CAP. VIII.



**T**QVE hæc minime ignorasset Erasistratus, si vel per somnium **D**  
 aliquando cum Peripateticis fuisset versatus; æquæ ut nec ea quæ  
 ad generationem succerum pertinent. De quibus cum quod dice-  
 ret nihil haberet, ne quod mediocriter quidem probabile esset; fal-  
 lere se putat, dum inutilem prorsus esse id genus contemplationem prætendit. Sed  
 numquid, quæso, quemadmodum quidem cibi concoquantur in ventre, sciuisse est  
 utile; quemadmodum autem in venis bilis fiat, est superuacuum? Ac solius vacua-  
 tionis eius habenda est ratio, generationis eius nulla cura? Ceu non longe faci-  
 lius sit, prohibere ab initio ne multa gignatur, quam sollicitos & occupatos esse  
 de va-



A de vacuanda. Mirū vero est & illud dubitare hominem, in corpore ne statuenda generatio eius sit, an potius in ipsis cibis extrinsecus contineri dicenda. Nam si id commodè dubitatur, cur etiam de sanguine nō quæremus, habeat ne is in corpore generationem, an in cibis sit aspersus, veluti aiunt qui opinionis de partibus similaribus sunt auctores? Atqui multo magis ad rem pertinebat illud quæri, quinam cibi sanguini faciendo maxime consentiant, qui dissentiant; quam qui ventriculi operi facile cedant, qui aduersentur, & pugnent: quippe horum defectus ad solam concoctionem, illorum ad sanguinis generationem interest. Non enim paris momenti est, vel sanguinem bonum non gigni, vel nutrimentum in ventre probe in chylum non verti. Quo pacto autem non erubescit, cum concoctionis frustrationes diuidat, ceu multæ sint, multisq. ex occasionibus incidant; de sanguinis viciis nec verbo tenus, immo ne syllaba quidem tenus mentionem facere? Atqui in venis reperitur & crassus, & tenuis sanguis; item alius corporum magis ruber, aliis flauior, aliis magis ater, aliis pituitosior. Quod si quis graeuidentem eum, idque non vno tantum genere, sed multis plane differentiis (quæ ut sermone explicari non possunt, ita sensu liquido apparent) intelligat, non mediocriter ut arbitror, Erasistratum negligentiae damnabit, qui tam necessariam artis contemplationem prætermiserit. Manifestum enim est, eorum quæ de hydropæ praeue sentit, hanc negligentiam fuisse merito causam. Nam quod venarum angustia prohiberi sanguinem ultra per iecur procedere putat, nec alia ratione vlla hydropem posse fieri, quomodo non extremam prodit eius ignauiam? Iam quod nec vicio lienis, nec alterius cuiusquam particulæ, sed perpetuo ex iecinoris scirrho gigni hydropem existimat, prorsus secordis est hominis, nec quidquam eorum quæ quotidie fiunt, intelligentis. Siquidem ex diuturnis hæmorroidibus, vel suppressis, vel immodica profusione hominem ad extremam frigiditatem ducentibus, non semel aut bis, sed sæpe iam aquam intercutem collectam vidi. Sicut mulieribus quoque tum menstruæ purgationis omnimoda cessatio, tum immodica vacuatio (cum scilicet vteri nimio sanguinis profluvio laborarunt) sæpe hydropem accersuerunt. Nonnullis vero earum & qui muliebris vocatur fluxus, in hunc terminatus est morbus; \* ut qui ab ilibus \* incipiunt, aliove quopiam cf. πδδθ.

D portunorum ad id membrorum, hydropas præteream. Qui ipsi quoque Erasistrati opinionem clare refellunt, verum non adeo luculenter ut qui ex toto corporis habitu immodice refrigerato oriuntur. Est enim ea prima generandi hydropis causa, ex sanguificationis defectu proueniens; simili genere atque ea, quæ ciborum concoctionis defectu fit, diarrhœa. Atqui in tali hydropis genere nec aliud viscus vllum, nec iecur scirrhus est affectum. \* τὸν νεκρὸν αἷμα.

De succorum generatione quæ naturæ actio est maxime insignis, disputationem instituit, refellens primum hoc capite quæ ab Erasistrato de ipsa sunt tradita;



dita; quæ tria potissimum sunt, inutilem scilicet medico esse contemplationem <sup>A</sup>  
 de generatione humorum; de ipsorumque vacuatione potius quam generatione  
 medicum sollicitum esse debere; ac tandem dubium esse, an bilis actu contineatur  
 in cibis, an in nostris corporibus potius gignatur. Inprimis itaque si inutile  
 medico est, quomodo succi generentur, cognoscere, inutile quoque fuerit, quomodo  
 cibi in ventriculo concoquantur, intelligere. Ergo quemadmodum de succorum  
 generatione nihil dixit Erasistratus, ita de ciborum concoctione nihil  
 dicere debuisset: aut si de hac aliquid dicendum putauit, etiam de illa. Arqui de  
 ciborum concoctione ipse differuit, contemplationem vero de succorum generatione  
 tamquam inutilem neglexit. Deinde cum satius sit, multoque utilius,  
 prohibere medicum ne multa ab initio redundet bilis, quam eandem iam redundantem  
 postea vacuare; medicum profecto magis oportet de bilis generatione, quam de eiusdem  
 vacuatione esse sollicitum. Neque maior tandem ratio est, cur de bile potius quam sanguine dubitandum sit, contineatur ne actu in <sup>B</sup>  
 iis qui assumuntur cibis, an gignatur in corporibus: Anaxagoras enim qui similes  
 particulas corporum elementa statuebat, sanguinem cibis aspersum esse arbitrabatur.  
 Immo de sanguine potius quam bile id quæri debuisset, ut scilicet distingueremus,  
 qui cibi multum, qui paucum sanguinem creent: quod in victus ratione instituenda  
 maxime est necessarium. Quæ sane distinctio tanto utilior censenda est, quanto  
 sanguinis generatio ciborum concoctione est præstantior. Quamobrem iusta reprehensione  
 dignus est Erasistratus, qui cum de ciborum concoctione, ipsiusque viciis multa dixisset,  
 de generatione sanguinis, & quæ illi accidere possunt viciis, nihil penitus docuit. Arqui  
 plura esse posse sanguificationis vicia, variæ sanguinis differentiæ ex consistentia, odore,  
 coloreque multiplici desumptæ, in iis etiam qui sanitate fruuntur, apertissime ostendunt, <sup>C</sup>  
 ne dum in ægris. Vnde factum est, ut eorum morborum atque symptomatum causas  
 ignorarit Erasistratus, quæ fieri solent læsa sanguificatione: cuius generis est  
 hydrops. Huius namque vnicam duntaxat causam primam statuit, nempe iecoris  
 scirrhum, ab hoc vero venarum angustiam fieri voluit, a qua rursus sanguinis  
 transitus impediatur, & tandem fiat hydrops, tenui scilicet, a quoque sanguinis  
 parte in vniuersum corpus transsumpta, sincero autem sanguine propter crassitiam  
 in caua visceris parte permanente: ita namque Erasistrati de hac re sententiam  
 alibi interpretatur. Bisariam autem hinc decipitur Erasistratus, & quod vnicam  
 nouerit hydropis causam, & quod impedito sanguinis transitu à iecoris scirrho,  
 hydropem fieri voluerit. Fatemur quidem, à iecoris scirrho fieri aliquando  
 hydropem, in eoque vasorum ora usque adeo interdum arctari, ut cibis ex finis  
 iecoris partibus in deuexas transmitti nequeat. Solet <sup>D</sup>  
 vero talis hydrops, breui (ut testatur Gal.) agrum interficere cum alui profluvio.  
 Non tamen fit huiusmodi hydrops impedito ob iecoris scirrhum vasorum ora  
 comprimentem sanguinis transitu; sed quod refrigerato iecore sanguinis generatio  
 lædatur. Rursus nec à solo iecoris scirrho hydrops nasci potest, sed in vniuersum  
 ab iis omnibus quæ iecur perfrigerare possunt. Refrigeratur autem vel ex proprio  
 affectu, vel per consensum. Proprio quidem affectu laborat, quando à causis  
 externis (ut immodico intempestiuoque frigida potu) vel à causis internis,  
 primum refrigeratur. At causæ internæ vel per se, vel ex accidenti iecur  
 refrigerant. Per se quidem, frigidi humores, pituitosi, aut melancholici; siue hi  
 in iecoris vasis obstructions pariant, siue in propria iecoris carne scirrhum gignant.  
 Ex accidenti vero, omnes immodicæ vacuationes, potissimumque sanguinis

Lib. 7. de loc.  
 affect. cap. vii.

Lib. 2. de art.  
 cur. ad Glau.  
 cap. 5.



A guinis:quo fit, vt immodica sanguinis profluvia, per nares, hæmorrhoides, & vterum, hydropem non raro accersant; quemadmodum. & profluvium mulieb-  
bre appellatum. Porro per consensum afficitur iecur, quando frigida alterius  
partis intemperies, aut ob vicinum situm, aut ob vasorum continuitatem ipsi cõ-  
municatur. Quo pacto fieri solet hydrops ex scirrho lienis, vel suppressis men-  
sibus, aut hæmorrhoidibus; proptereaque merito cõsultat Hippocrates, vt in diu- Aphor. 12. lib. 6  
turnis hæmorrhoidibus curandis vna saltem seruetur, ne hydrops cõtingat, aut  
tabes. Iam vero & ex toto corporis habitu immodice refrigerato incipere po-  
test hydrops, quemadmodum etiam ex ilibus, vt vertit Linacer, Græce ἀπο τῶν  
κενέων. Vocantur autem τὰ κενέων, partes ventris inanes, quæ inter extremã  
thoracis costam & ilium ossa habentur, quæ quidem ieiunum continent, mesen-  
terium, & intestina tenuiora: nam tota ea regio inanis videtur, si cum supernis  
B infernisque partibus, vtrisque ossibus, conferas. Sic vocem eam interpretatur  
Galenus in Prognosticis, vbi etiã probat Homeri testimonio, easdẽ illas partes 2. Prog. com. 1.  
inanes, quod flaccidæ sint, (nisi paullo ante cibo ac potu repletus sit venter) vo-  
cari κενέων. Vnde intelligitur error Linacri, qui partes inanes non distinguit  
ab ilibus, cum tamen illa sint imæ ventris partes à lateribus iuxta pubem, quæ  
Græcis appellantur λαγόνες. Solent vero & partes inanes Hippocrati aliisque  
medicis vocari hypochondria: vt constat ex l. b. 1. prognost. sent. 27. & 28.  
Incipit ergo aliquando hydrops à partibus inanibus, siue hypochondriis; po-  
tissimũq. ieiuno, mesenterio, & tenuibus aliis intestinis; vbi scilicet huiusmo-  
di partes fuerint immodice refrigeratæ, suãq. intemperiem hepati cõmunica-  
uerint. Sed de causis hydropis in pathologicis agemus accuratius.

C Ceterum vir sapiens Erasistratus, negligens, contemnensq. quæ nec Hippo-  
crates, nec Diocles, nec Praxagoras, nec Philistion, sed nec quæ optimorum phi-  
losophorum vllus contempsit, non Plato, non Aristoteles, non Theophrastus, to-  
tas actiones præterit, veluti exigua quadam & momentanea artis omissa parte:  
ne quidem vel contradicẽdum censens, siue recte, siue non recte omnes hi, calido,  
frigido, sicco, humido, aliis veluti agentibus, aliis veluti patientibus, quæ in cor-  
pore animalis sunt, omnia gubernari dicant: quodque calidũ in his tum ad alias  
actiones, tum vero præcipue ad succorum generationem plurimum valeat. Verũ  
tot tantisq. non assentiri viris, sed plus se sapere quã illos putare, sine inuidia esto:  
at nec refutatione, nec mentione tam celebre dogma dignari, id vero immensam

D quandam eius prodi\* superbiam. Tametsi maxime pusillo abiectoque animo est,  
vbiq. aliquid refutat; in disceptatione quidẽ de concoquendo, eos qui putrefie-  
ri cibos autumant, refutandi occasione ambitiose captans; in ea vero quæ de dige-  
rẽdo agit, eos qui propter applicationẽ arteriarũ distribui venarũ sanguinẽ exi-  
stimant; in ea rursus quæ de respiratione instituitur, eos qui circumtrudi aërem  
dicunt. Sed nec grauatus est contra eos qui halitus ritu vrinas meare in vesicam  
contendunt disputare; nec etiam contra eos qui in pulmonem ferri potionem  
aiunt. Ita cum pessimas quasque opiniones delegerit, delectatur prolixè in  
refutationibus immorari. De sanguinis vero generatione, quæ tamen ciborum in  
chylum conuersione nibilo est inferior, nec contra veterum quemquam disputare



consuit; nec ipse aliam inducere opinionem est ausus; is scilicet, qui in principio A  
vniuersalium sermonum de omni naturali functione, & quemadmodum, & quibus animalis partibus quæque fiat, pollicitus est differere. An quæso, concoquendi cibi facultate imbecilla, cruditate laborabit animans, eius vero quæ iam concocta in sanguinem vertit, nullus omnino erit affectus, sed hæc sola nobis adamantina est, & impatibilis? An alia quæpiam imbecillitatis eius soboles erit, quam hydrops? Patet igitur liquido, Erasistratum, cum in aliis ne in leuissimas quidem opiniones inuehi sit grauatus, hæc vero in re nec refellere priores, nec ipse nouum aliquod in medium adferre sit ausus, dogmatis sui errorem agnouisse.

B

In proœmio.

Alio nomine reprehendit quoque Erasistratum, quod scilicet Hippocratis, Platonis, Aristotelis, aliorumque philosophorum, ac medicorum dogma de generatione humorum (alioqui celeberrimum) ita neglexerit, ut ne ipsius quidem meminerit, tantum abest ut refellerit: cum tamen absurdissimas aliorum opiniones curiosius refutasset, ex quibus quinq. in præsentia enumerat. Prima quidem eorum est, qui ciborum concoctionem quæ in ventriculo fit, putredinem quandam esse existimarunt. Cuius sententiæ primus auctor, ut refert Celsus, fuit Plistonius Praxagoræ discipulus; eandem vero visus est amplecti Asclepiades, cuius rationes dissoluemus libro sequenti. Altera opinio eorum est, qui nutrimenti distributionem propter arteriarum applicationem fieri arbitrati sunt. Non autem constat, quisnam fuerit huius opinionis auctor, & qualis sit arteriarum applicatio, quam isti distributionis causam statuebant. Quamuis enim aliqua cibi concocti portio (ea scilicet quæ tenuissima est & maxime halituosa) in arterias quæ in ventriculū, intestina que finiuntur, distribui possit; non tamen proinde verum erit, ob arteriarum applicationem nutrimenti distributionem fieri, quā à facultate expultrice, & attractrice fieri antea diximus. Ioubertus tamen sic rem interpretatur, ut arteriæ suo perpetuo motu venas sibi vicinas feriant, indeque sanguinem concutiendo protrudant, donec in vniuersum corpus distribuatur. Mihi tamen probabilius videtur, nutrimenti distributionem fieri propter applicationem arteriarum, quoniam arteriæ dum dilatantur, ex venis proximis sanguinem attrahunt, quem rursus ex proximis arteriis attrahunt alia, donec ad extremas nutrimentum peruenerit. Tertia opinio fuit Plat. qui in respiratione aërem circumtrudi asseruit. Quippe cum attractionem negasset Plato, atque ab Hippocratis sententia hoc potissimum nomine recessisset; aëris circumuolutionem communem respirationis perspirationisq. causam statuit. A spiritu namq. qui per cutem exhalat, vicinum aërem è propria sede depelli dicebat, mox proximum, rursus alium, donec ad hunc modum intrusus & circumactus aër per os ingrediatur: quo tempore respirationem fieri existimabar. Perspirationem vero, quando spiritus qui egreditur per os, ambientem aërem ita impellit, ut cutis meatus ingredi cogatur. Ita ut veluti rotæ cuiusdam circumuolutionem perpetuo fieri diceret, non quidem per circulum, (ut voluerunt Academici) sed per duos semicirculos, qui contrario motu agantur. Porro quam absurda sit hæc Platonis de respiratione sententia, abunde Galenus docuit lib. 8. de Hippoc. & Plat. decret. Sed & idem cum Platone sensit Hæstiaeus, quem potissimum refutauerat Erasistratus, ut alicubi testatur Gal. Quarta opinio fuit Asclepiadis, qui urinam halitus ritu in vesicam transmitti voluit: quam

C

D

In Timæo.

Cap. 8.

In fragmento  
com. in Timæo  
Plato.



A quam libro etiam superiore abunde cum Galeno refutauimus. Postrema  
opinionis auctorem Platonem fuisse constat, qui manifeste scripsit in Timæo po-  
tius ferri in pulmones, ut cordis aestus mitigaretur. Plutarchus, qui Galenum  
paucis annis præcessisse dicitur, Erasistrati argumenta aduersus Platonem pro-  
ponit, Platonisque causam aduersus Erasistratum tuetur: quam sane Plutarchi  
pro Platone defensionem eleganter retulit Aulus Gellius, recitata primum E-  
rasistrati reprehensione. Galenus tamen omnium optime hanc Platonis senten-

Decade. 7.  
sympofiacōn,  
proble. 1.

Lib. 17. no 8.  
atti. cap. 11.  
Cap. 9.

33 tiā examinat, & interpretatur lib. 8. de Hipp. & Plat. decret. Si inquit, totum  
34 nos potum in pulmonem de glutire existimat Plato, merito accusandus est; quip-  
35 pe qui apertissimam rem ignoret. Si portionem quandam potus per aiperam  
36 arteriam transfusam, exsudare ad pulmonem arbitratur, probabile quoddam  
37 dicit. Immo id ultimum verum esse putat, & iis quæ fieri quotidie experimur,  
38 maxime consentaneum. Vnusquisque enim potest in seipso huius rei naturam

**B** maxime contentanum. Vnusquisque enim potest in seipſo huius rei periculum facere, ſi ſtans ſatis multam aquam in os recipiat, deinde vero ſupinus guttus is orificium ſenſim aperiat; tunc enim paucillum quiddam ex ore in id diſſiſcit, quod tuſſim præ exiguitate irritare nequeat. Præterea ſi animal quodpiam ad tantam ſitim redegeris, ut aquam minio, aut alia quapiam re infectam bibere cogatur, moxque ingulatum diſſecueris; eodẽ aquæ colore infectum pulmonem haud dubie inueneris. Quæ proſecto fieri non poſſent, niſi portioſis aliquid in pulmonem per aſperæ arteriæ tunicam irroratione quadam illabere- tur. Quo itidem conſilio ad pectoris excrementa facilius educenda præcipere ſolent medici, ut ſyrupos, ac eclegmata capite ſupino ægri ſenſim deglantur. Probabilius autem eſt, ſenſiſſe Platonẽ, portioſis aliquid dumtaxat fieri in pul-

Comonem, cum ex multis eiusdem Timæi locis liquido confet, potus & cibos in ventrem descendere.

Nam quid quaeso, dicere de sanguine potuit homo, qui naturali calore ad nullum effectum sit usus? Quid vero de bile flaua, nigraue, aut pituita? Nempe quod fieri potest, ut bilis mista cibus forinsecus adueniat. Aut namque aut hanc

modum ipsis verbis, *Utrum vero inter coquendum in ventre alimentum tan gi-*  
gnatur humor, an mixtus in exhibitis extrinsecus accedat, id considerasse, ad  
nullum pertinet Medicinæ usum. Atqui vir egregie, tum vacuari oportere lu-  
morem hunc ex animalis corpore, tum magnopere nocere nisi vacuetur, ipse fa-  
teris. Quo pacto igitur cum nihil boni ex eo fieri existimas, inutilem esse ad Me-

**D**icis. Quo pacto igitur cum nihil eorum ex se fieri existimas, inutilem esse ad Medicinam aus de generatione eius considerationem? Fac namque in cibis contineatur, nec in iecinore exacta eius sit secretio, ambo enim hæc fieri posse existimas. Atqui permultum hoc loco interest, minimam, plurimamve in se bile contineant qui exhibentur cibi; illi namq. omni periculo vacant, hi vero qui plurimam in se continent, (quoniam non potest tota ea commode in iecinore expurgari) occasio erit tum aliorum affectuum, quos ipse, ô Frasistrate, ex bilis redundantia nasci ais; tum non in postremis morbi regii, quem Græci <sup>ἐντερον</sup> vocant. Quo pacto igitur medico nosse maxime necessarium non sit, primum illud, quod extrinsecus in cibis ipsis bilis contineatur; secundo, quod beta, verbi gratia, multam, panis minimam; rursus oleum pluri-



mam, vinum minimam; reliquaue impari modo inter se bilis portionem sin- A  
 gula contineant? Quomodo enim non maxime sit ridiculus, qui sponte sua  
 ea quæ plus bilis in se contineant, potius eligit quam contraria? Quid vero si  
 non continetur bilis in cibis, sed in corpore animalium gignitur? Nonne illud quoq.  
 necesse ad rem pertinet, in quo statu corporis amplior eius generatio proueniat, in  
 quo minor? Quippe alterandi mutandiq. semper in melius viciosos corporum status  
 facultatē habemus; verū si ignoramus quatenus viciosus sit, & qualiter a legiti-  
 mo excesserit, quo tandē pacto licebit nobis, eū in meliorē vēdicare? Nō est igitur  
 vt Erasistratus affirmat, ad medēdum inutilis ipsa de bilis generatione veritas.  
 Sed & illud non difficile inuētū est, nec obscurū, quod mel non eo quod plurimā B  
 in se bilē continet, sed quod intra corpus est mutatū, in hanc alteratur, & verti-  
 tur. Quippe amarū gustantibus esset, si bilē in se extra corpus contineret. Præte-  
 rea omnibus similiter hominibus æqualis ex eo gigneretur bilis copia. Verū id se-  
 cus habet, siquidē qui iā in flore sunt, potissimū si calidiore natura sint, ac vitam  
 degāt laboriosam, in his totū mel vertitur in flauā bilē; senibus vero admodū est  
 accommodatū, vt pote quibus non in bilem, sed in sanguinem conuertitur. Erasistra-  
 tus vero præterquā quod nihil horū nouit, neq. diuisionē sermonis sui satis aptā  
 facit, illud æstimasse inquit, nihil ad medēdū conferre, in cibisne bilis statim ab  
 initio contineatur, an per concoctionē in ventre sit genita. Cū additū scilicet ali- C  
 quid oportuisset de eius & in iecinore, & in venis generatione; quādo in his instru-  
 mentis gigni eā vna cū sanguine, veteres tū medici, tum philosophi prodiderunt.  
 Sed qui ab initio statim errarūt, atq. a recta via declinarūt, his non talia modo  
 nugari est necesse, sed etiā eorū quæ ad artē sunt vtilissima, inquisitionē omitte-  
 re. Libens igitur quādo huc sermonis sum progressus, eos rogē qui plurimū cū Pe-  
 ripateticis philosophis versatū hominē dicunt, an omnia quæ ab Aristotele dicta,  
 demonstrataq. sunt de corporis nostri ex calido, frigido, humido, & sicco mistu-  
 ra, norit. Tū calidum in ipsis esse efficacissimū, & animalia quæ calidiore sunt  
 natura, ea esse omnino sanguine prædita; cōtra quæ natura admodū sunt frigida,  
 ea prorsus esse exanguia, eo q. per hyemē delitescunt, otiosa, & immota mortuo- D  
 rū ritu iacere. Porro disceptatū & de colore sanguinis est, non Aristoteli modo,  
 sed etiā Platoni. Nos autē sicuti prius etiā testati sumus, haud quaquam quæ ab  
 antiquis cōmode sunt demonstrata, ea dicere in præsentia paramus; vt qui illos,  
 nec sentiendo, nec dicendo superare queamus; sed aut quæ ab illis absque demō-  
 stratione tāquam euidētia sunt prodita (quod scilicet aliquos fore adeo peruer-  
 sos sophistas, qui veritatem in iis quæ ipsi tradidissent, contemnerent, suspicati  
 non sunt) vel etiam ab illis omnino sunt prætermissa, hæc tum inuestigare, tum  
 demonstrare censemus.

Reprehendit tandem Erasistratum, quod cum dixisset dubiū esse, contineat-  
 urne bilis in cibis, an potius in vētre gignatur; huius rei distinctionem medico  
 prorsus inutilem esse asseruerit. Probat vero, vtilissimum esse medico & maxi-  
 me ne



A me necessarium, id distinguere. Inprimis enim si demus bilem contineri in cibis, cognoscere medicum oportet, qui cibi plurimū, qui minimū bilis habeant; ut hos potius eligat, illos autem fugiat, ex quorū frequēti vsu coaceruata bilis multorū malorū causa esse posset. Quod si bilis in corpore gignitur, nō minus vtile quā necessariū est distinguere, in quibus corporū naturis maior, in quibus minor bilis copia gigni debeat, ut has cōseruare, illas vero in meliorē statum reuocare liceat. Et quoniā de hac re dubitauit Erasistratus, duabus rationibus ostendit, bilē actu non contineri in cibis. Oportuisset enim omnes cibos biliosos amaros gustari, cū bilis insigniter amara sit, neq. possit ipsius sapor gustū latere. Atqui cibi ex quorum vsu plurima colligitur bilis, amari plerūq. non sunt, sed potius dulces, ut patet exemplo mellis. Rursus in omnibus aetatibus, & corporū naturis, ex eodē alimento pari quātitate assumpto, equalis bilis copia proueniret. Nā si corporis tēperies & aetas nihil faciūt ad bilis generationē, quātū bilis in alimēto continebitur, tantūdem quoq. in omnibus naturis, atque aetatibus colligetur. Atqui mel in calidioribus naturis, in iuuenibus, & iis qui laboriosam vitā agunt, totū fere in bilē conuertitur; contra in naturis frigidioribus, in senibus, in iis deniq. qui in otio degunt, in sanguinē vtilem mutatur. Sed de his plura adhuc dicturus est cap. decimo. Nunc autē recte colligit, perpetuā dubitasse Erasistratū, an bilis contineatur in cibis, an potius gignatur in vētriculo, cū potius dicere debuisset in iecore & venis; in his nāq. instrumētis potiusquam in ventriculo, vteres philosophi ac medici bilē gigni voluerunt. Vnde constat, ignorasse Erasistratū veterū philosophorum dogmata, alioqui verissima, à Platone potissimū atq. Aristotele tradita. E quorū numero nonnulla hīc recenset, quæ pertinent ad innatū calorē, cui tamquā idoneo facultatū instrumento, naturæ actiones acceptæ referri solent. Quod autē ait de sanguinis colore, ad Platonē potissimū referre oportet, qui accurate de ipso differuit, ita scribēs, Atq. In Timæo.

„ ob eā causam per totū corpus omnibus animalibus alimentorū liquores ita facile perfluūt; qui cū recenti concisione exstiterint, à cognatis rebus sumpti, partim à fructibus, partim ab herbis (quæ omnia Deus ob id ipsum ut nobis alimonia suppeditarēt, produxit) varios colores ex confusione cōtrahunt. Plurimus tamen in his ruber color diffunditur, à natura incisionis, abstersionisq. ignis in humido procreatus. Vnde eius liquoris qui per corpus permanat, talis specie color qualē modo diximus, euadit, quem & sanguinē appellamus. Huius itidē sententiæ Platonis meminit Galenus lib. 4. de vsu part. & dilucide explicauit lib. 8. de Hippoc. & Plat. decret. docens rubrum sanguinis colorē fieri ex ignis abstersione, id est depositione, impressioneq. igneæ qualitatis, nēpe calor. Solet nāq. Plato (quod sane reprehensione non caret) ignis nomine innatum calorē significare, vsq. adeo ut naturæ actiones, quas Hipp. innato colori verissime tribuit, igni tribuisse videatur. Merito vero rubri coloris qui sanguini secundū naturā inest, auctor esse dicitur calor innatus, quoniā is cōcoctionis est opifex; quæ autē concoquantur, & tota sui substantia, & manifestis qualitatibus parti concoquēti similia reddātur necesse est. Cum igitur ab innato iecoris calore sanguis gignatur, iecoris autem caro sit rubra; merito & sanguis ipse ruber efficitur.

C A P. IX.

**D**E succorū vero generatione haud scio an aliquis exactius quidquā adferre in mediū possit, iis quæ Hippocrates, Aristoteles, Praxagoras, Philotimus, aliiq. veterum non pauci reliquerunt. Demonstratum enim his est, alimentū dū in venis ab innato calore alteratur, sanguinem



*\*διὰ τὰς ἀμειψίας guinem quidē ex mediocri calore fieri, reliquos vero succos ex eodē immodico.\** A

Disputat iam de humorum generatione, ex vera philosophorum ac medicorum sententia; explicans ipsorum materiam, causam effectricem, & locum in quo gignuntur. Materia quidem alimentum est, non quodcumque, sed quod in ventriculo iam concoctum, chylus proprie appellatur. Is namque ex ventriculo & intestinis ad iecur transmissus, gignendis humoribus materiā superditat; quamvis proxima non sit omnium humorum materia, ut postea dicemus. Causa efficiens est calor innatus, is enim dum chylum immutat, & concoquit, humores ex ipso gignit. Quamvis si vere ac proprie loquendum sit, innatus calor instrumentum sit dumtaxat generationis humorum, causa vero effectrix ipsa temperies, cum singulæ corporis partes ob certam quandam quattuor qualitatum temperiem proprias functiones exerceant. Sed quoniam huius causæ agentis (scilicet temperamenti) substantiam ignoramus, causam actionum effectricem facultatem esse asserimus. Atqui facultas ac vis quæ humores generat, sanguifica dicitur, quæ sane alteratrix facultas est, siue concoctrix, non secus ac ventriculi facultas chylifica. Nam ut assumpta alimenta in ventriculo concocta mutantur in chylum, ita & chylus denuo concoctus in humores degenerat. Cum autem demonstratum alibi sit, iecur & sanguinis & venarum esse principium, proindeque dici sedem facultatis naturalis; necessario concedendum est, proprium generationis humorum instrumentum esse iecur, ipsique soli insitam esse facultatem sanguificam. Quoniam vero in vnoquoque instrumento necessario reperitur pars aliqua similis, cui potissimum debeatur propria instrumenti actio; quænam hæc pars in iecore sit, merito dubitari potest. Et licet ex variis partibus constitutum sit iecur, de sola tamen ipsius carne ac venis quæstio C  
est; de reliquis enim nulla est dubitandi occasio. Galenus firmis rationibus demonstrat, ἀμείρωσις, id est sanguificationem, propriæ iecoris carni deberi; tum quia propria vniuscuiusque instrumenti actio parti propriæ (qualis est caro) non autem parti communi (quales sunt venæ) accepta referri debet; tū etiam quia sanguis non venis, sed carni similis efficitur, ut color demonstrat. Ioubertus tamen qui vim sanguificam venis tribuit, parti etiam communi propriam instrumenti actionem deberi posse contendit: ut motum voluntarium nervo, & actionem gustandi tunicæ quæ vniuerso ori est communis. Neq. ex colore recte colligi putat, à iecoris carne sanguinem potius gigni quam à venis; quia ruber ille color recens natam sanguinis formam comitatur, & ex certa materiæ dispositione ortum habet. Ab his enim causis fieri ait, ut reliquorum humorum colores varii appareant, licet ab eodem calore gignantur. Porro quod vis sanguifica insita sit venis potius quam iecoris carni, & variis Galeni locis confirmat, & philosophica ratione. Omnis, inquit, alteratio fit per contactum: atqui iecoris caro chylum non tangit, quæ tamen continent venæ: ergo solæ venæ chylum in sanguinem mutare poterunt. Atqui animaduertere debuisset, contactum esse duplicem, corporum scilicet, & virtutis; atque hunc ad alterationem esse necessarium, illum vero minime. Siquidem inferiora hæc corpora illustrat, immutatq. sol sola vi ac facultate ab ipso influente: & in animalibus cerebrum & cor sola vi per nervos atque arterias diffusa, vniuersum corpus immutant. Quid igitur mirum, si contentum in venis chylum in sanguinem transmutet iecur citra corporeum aliquem contactum? Ceterum neque hunc fortasse hic desideres, cum venæ portæ & caux ramos qui per propriam iecoris carnem disperguntur, variis foraminibus manifeste pertulos videre liceat, non solum  
ut ali-

Lib. 4. de usu  
part. cap. 12. &  
lib. 6. de Hip.  
& Plat. decre.  
cap. 8.  
Parad. 4. dec. 1.



- A** vt alimentī distributio commodius fiat, sed etiam vt chylus hepatis carnem contingens, facilius perfectiusque concoquatur. Neque huiusmodi foramina nos fingimus, quæ & nouit olim Galenus, & licet unicuique in dissectionibus intueri. Neque verum est, propriam instrumenti actionem parti communi deberi posse. Non enim neruo debetur motus voluntarius, vt ipse putat; neque id alicubi voluit Galenus. Nam lib. 1. de mot. musculi. (quem locū falso citat Iouertus) tantum docuit, musculum proprium esse motus voluntarii instrumentum, ipsique motus principium ex cerebro esse per nervos, ex nervorumque & ligamentorum fibris tendonem componi. Alibi vero primū motus organum tendonem esse aperte asseruit, qui pars propria musculi est, non communis quemadmodum nervus. Quamuis (si libere loqui liceat) neque tendo esse possit primum voluntarii motus organum; tum quia ex eiusdem Galeni
- B** sententia pars simplex non est, sed ex nervorum ligamentorūq. fibris cōposita; cum potissimum, quia non omnes musculi desinunt in tendonem. Neque igitur nervus qui pars communis est, neque tendo qui pars est composita, sed propria musculi caro primum motus voluntarii organum statui debet; quemadmodum in lingua primum gustandi organum interna quædam tunica, solius linguæ propria, quæ ex nervis tertiæ coniugationis cerebri efformatur; non extrema illa quæ vniuerso ori & faucibus est cōmunis. Iam vero alienum est à ratione, substantiam quæ concoquitur, colorem habere partis concoquentis colori dissimilem. Nā humores (quorum exemplo ipse vtitur) reuera non cōcoquantur, sed sunt potius cōcocti sanguinis excremēta: vnde fit, vt pro varia caloris actione, diuersaque materiæ dispositione, varios colores merito sortiantur. Manent itaque constantes semper ac firmæ Galeni rationes, quibus propriam iecoris carnem primum esse sanguificationis organum, optime demonstrauit. Quoniā vero antequam ad iecur perueniat chylus, mutari iam in sanguinem incipit, cum in venis mesaraicis continetur; non abs re dubitari solet, habeant ne etiam venæ vim aliquam gignendi sanguinem. Sunt qui negent sanguinem gigni in venis mesaraicis, sed in iecore genitum ad ipsas transmitti aiunt, vt intestina, aliæque partes, in quas venæ ipsæ inseruntur, eo nutriantur. Ceterum cum venæ mesaraicæ instrumenta sint distributionis alimentī ex ventriculo & intestinis ad iecur, probabilius est, sanguinem qui in ipsis continetur, ex chylo vtcumq. immutato atque concocto gigni, quam ex iecore ad ventriculum & intestina trāsmitti. Id quod ex eius sanguinis forma certo deprehenditur, est namque rudis quidam & inelaboratus sanguis, nondum perfecte confectus, qualis à iecore ad partes nutriendas distribui solet. Huc accedit, quod ventriculus (vt libro sequenti dicemus) chylo potius nutriatur quam sanguine. Alii vero sanguinem in venis mesaraicis gigni cōcedunt, non tamen ab aliqua facultate, sed à solo partium adiacentium, & ipsarum quoque venarum calore. Sed neque hi probabilia loquuntur. Nam si sanguinis generatio ex numero est actionum naturæ, à solo calore fieri non potest, sed effectus est alicuius facultatis naturalis, cuius instrumentum sit calor. Sentiunt alii, venas quidem sanguinem gignere, non tamen facultate sibi insita, sed ex iecore accepta. Neque desuerunt, qui duplicem vim sanguificā venis tribuerint, alteram insitam, alteram vero ex iecore influentem; atque hanc quidem robustiorem, illam vero imbecilliolem esse asserunt. Atqui vim sanguificā venis inesse non posse, antea diximus; de ipsius autem influxu ex iecore ad venas idem sentire oportet, quod de animalis, vitalis, & naturalis facultatis influxu alibi docuimus. Influit namque ex iecore ad omnes venas alte-

Lib. 4. de vfu part. cap. 15.

Cap. 1.

Lib. 12. de vfu part. cap. 3.

Argenterius cō. in art. med. pag. 191.

Vallesius lib. 2. contro. cap. 16.

Vega lib. 1. de art. med. cap. 5. Peramatus lib. de an. fac. c. 3.

In præfatione.



- ratio quædam totius substantiæ, cuius beneficio sanguis in ipsis gignitur. Venæ A  
tamen neque sibi insita, neque à iecore accepta facultate sanguinem gignunt;  
sed solum iecur facultate sibi congenita, non solū in propinquiore venis, qua  
les sunt mesaraicæ, sed in remotioribus quoque sanguinem creat. Videtur ta-  
men Galenus vim sanguificam pluribus in locis venis tribuisse, nam lib. 1. de  
Cap. 2. fac. nat. agens de motu actiuo & passiuo, cibi quidem qui in sanguinem muta-  
tur, passiuum motum esse ait, actiuum vero ipsius venæ; quod sane verum esse  
non potest, nisi vena sanguinem gignat. Sed multo euidentius id docet, dum  
Cap. 3. rursus ita scribit, Ceterum potentia ea, facultasve in venis, quam sanguificā ap-  
pellant, atque etiam alia quæuis facultas, in relatione ad aliquid intelligitur. Et  
paullo post, At quod agentis causæ substantiam ignoramus, facultatem eam,  
siue potentiam dicimus, in venis quidem potentiam quandam sanguinis factri- B  
cem dicentes, &c. Verum cum ad actiuum motus facultatisque essentiam expli-  
candam, parum aut nihil referret; iecoris carni, aut venis vim sanguificam tri-  
buere; maluit his locis, venas potius quam hepatis carnem sanguinis gignendi  
primum organū statuere, ne ab instituta disputatione digredi statim cogereur.  
Satiū namque esse putauit, vulgatam Erasistratorum hypothesim exēpli caus-  
sa admittere, quā de re controuersa, ab institutoq. aliena differere. Quo etiam  
Cap. 7. consilio & lib. de differ. morb. eandem vim sanguificam tribuit venæ portæ;  
Cap. 10. exempli tamen causa, ut ipse scribit. Et hoc eodem libro Erasistratius re-  
prehendens, suorumque dogmatum rationem ac causas ab ipsis postulans, sic  
habet, Etenim cur ventriculus circa cibum undique contrahatur, cur venæ san-  
guinem gignant, rogatem ab Erasistratis doceri. Difficiliora sunt quæ lib. 4. C  
de usu part. leguntur; quale illud est, venas mesaraicas non solum de euecere nu-  
trimentum ex ventriculo, sed attrahere simul, & hepati preparare, modo quo  
ipsum simillimo; quippe quæ natura ipsi sint ad similes, & primum germen ex il-  
lo ducant. Et rursus, Quapropter & venis quæ ad ventriculum & vniuersa inte-  
stina pertinent, inest facultas quædam sanguinis effectrix, qua succum qui ex ci-  
bis distribuitur, venis in sanguinem mutatio naturalis est, priusquam is ad hepar  
perueniat. Ad tandem, Quomodo enim, inquis, venis, cum eas distributionis  
Cap. 17. instrumenta fecisset, facultatem sanguinis generatricē induit, ne dum per eas  
fertur, tempus ipsi alimentum fusca periret; ut eodem modum & intelligis di-  
stributionis in venas gratia institutus, facultas quædam concoctrix ciborum in-  
est. Hæc tamen amico animo ita interpretari oportet, ut mesaraicæ venæ nutri-  
mentum hepati preparare dicantur, quia in ipsis nutrimentum iecoris facultate  
concoquitur, & eundem quandam accipit sanguinis formam. Quo solo nomine D  
dicuntur huiusmodi venæ iecori natura ad similes, quia ad suscipiendum ex ie-  
core facultatis influxum, sunt propter situs vicinitatem maxime idoneæ. Por-  
ro facultas sanguifica insita venis dicitur, quia in his, potissimumq. in mesaraicis  
maxime elucet: quippe quod perpetuum est, insitū merito appellari potest,  
etiamsi aliunde influat. Nam & arterias, quod semper, & secundum naturam  
pulsent, ab insua facultate moueri dixit aliquando Galenus, quamuis pulsatilis  
Lib. 2. de cau. symp. cap. 2. facultas soli cordi sit insita. Reliqua Galeni loca sciens prætereo, vel quia nihil  
habent difficultatis, vel quia ex ipsis tantum colligitur sanguinem in venis gigni.  
Qualis iste locus est qui legitur hoc capite, in quo affirmat, dum in venis ab in-  
nato calore alimentum alteratur, sanguinem fieri à calore mediocri, reliquos  
vero succos ab eodem in modico. Quibus verbis totam generationis succorum  
rationem breuissime cōplexus est Galenus, explicans scilicet materiā, causam  
effectri-



A effectricem, & locum. Locus quidem venæ sunt, ac potissimū eæ quæ propriam iecoris carnem intexunt: materia autem est chylus; causa vero effectrix calor iecori innatus. Et quamvis calor natiuus causa effectrix humorum in vniuersum statuatur, sanguinem tamen ait fieri à calore mediocri, reliquos humores ab immodico. Quæ sane Galeni sententia aut falsa videtur, aut saltem difficilis; cum pituita (si nanc in iecore vna cum aliis humoribus gigni asseramus) fiat potius à calore imbecillo. Linacri tamen interpretatio hunc locum difficilem reddidit, Græca namque potius indicant, fieri quidem sanguinem *ὑπὸ τῆς συμμετρίας τῆς ἐμφύτου θερμότητος*, id est ex commodatione innati caloris, reliquos vero succos *ὑπὸ τῆς ἀμετρίας*; id est (vt ita dicam,) propter incōmensurationes. Quem  
 „ sensum fideliter retinuit antiquus interpres, locum ita conuertens, Demonstra-  
 „ tum autem est ab illis viris, alterato cibo in venis ab innato calore, sanguinem  
 „ quidem à commodatione quæ secundum eum; alios vero humores propter  
 „ incommodationem fieri. Eundem expressit Syluius in sua annotatiuncula  
 B scribens, sanguinis causam esse calorem moderatum, vtriusq. bilis immodicū, pituitæ vero imbecillum. Sed nonne vnicus est iecoris calor, qui siue temperatus sit, siue imbecillus, siue immodicus, omnes simul gignit humores? Est sane, alioqui enim temperatum iecur solum sanguinem, calidū solā bilem gigneret. Ergo nihil prohibet, quin & à calore intemperato sanguis, & ab eodem temperato reliqui humores fieri possint. Nihilominus tamen firma est ac constans sententia Galeni, quia vnicus ille iecoris calor, temperatus simul & intemperatus dici potest; non propriæ essentiae ratione, sed eius potius quam concoquit materiæ. Veluti si iecoris calor temperatus fuerit, is quidem ratione materiæ quam mutat in sanguinem, temperatus dicetur; intemperatus vero ratione materiæ quam in alios humores conuertit; quæ quidem vt in optimum sanguinem  
 C mutaretur, aut valētiorē, aut imbecilliorē calorem postulabat. Quod si intemperatus fuerit iecoris calor, is quidem ratione materiæ quam in alios succos transmutat, intemperatus dicetur; temperatus vero ratione materiæ ex qua sanguinem gignit.

Atque huic sententiæ quæ euidenter sensibus apparent omnia consentiunt; quando & cibi qui natura calidiores sunt, magis sunt biliosi; qui frigidiores, magis pituitosi. Simili modo ex ætatibus quæ calidiorē natura sunt, has biliosiores esse constat; quæ frigidiorē, pituitæ magis obnoxias. Iam vitæ rationum, & regionum, & anni temporum, multoque priores his, ipsarum quoque naturarū quæ frigidiores sunt, eæ magis cernūtur pituitosæ; quæ calidiores, magis biliosæ. Præ-  
 D terea ex morbis quoque qui frigidi sunt, hi a pituita oriuntur; qui calidi, a bile ortum habent. Denique nihil vsquam inuenias, quod non huic sententiæ adsi-  
 puletur. Et quomodo quæso non adsiipuletur? Cum enim propter certā ex quattuor illis temperiem particula quæque certam habeat functionem; necesse omnino est, propter eius temperiei vicium aut prorsus corrumpi functionem, aut impediri; ac ita vel totum, vel in parte egrotare animal. Ac primi quidem maximeque generales morbi sunt quattuor, qui calore, frigore, siccitate, & humore, inter se dissident. Id vero Erasistratus quoque ipse (quamquam nolens) fatetur. Nam cum in febribus deteriore esse ciborum concoctionem dicat, nec tamen



(sicut priores censuerunt) propterea quod naturalis caloris mediocritas corrumpitur, sed quia ventriculus hos amplecti, & terere similiter non valet, quod eius lasa sit actio; rogari iure potest, a quo sit lasa ventris actio. Quippe si ceciderit quis, & ex eo bubo excitetur, priusquam homo febricitet, venter deterius non concoquet. Non enim satis est aut bubo, aut vlcus, quod ventriculi concoctionem labefaciet. At si febricitet, protinus concoctio redditur deterior, protinus etiam ventriculi actionem deteriore redditam dicimus, atque id recte. Ceterum a quo sit lasa, adiiciendum sermoni videtur; vlcus namque eam ledere non valebat; sed nec bubo, lassisset enim profecto & ante febrem. Quod si hæc non laserunt, liquet, quod immodica vis caloris. Quippe duo hæc buboni accessere, motus eius qui in arteriis & corde habetur alteratio, & naturalis caloris immodica quantitas. Verum motus alteratio non modo ventris actionem non ledet, sed etiam illi conferet in his animalibus, in quibus pro certo præsumitur, plurimum ad concoctionem valere spiritum illum, qui per arterias in ventrem incidit. Ergo a reliqua, atque hac sola, nempe calefactione immodica, leditur ventris actio. Etenim spiritus non solum vehementior, sed etiam magis assiduus, & abundantior nunc incidit quam prius. Quare quod ad hunc attinet, magis concoquent ea quæ spiritus gratia bene concoquunt animalia; ob reliquam vero quæ etiam præter naturam est calefactionem, male concoquent. Dicere namque, proprietatem quandam in spiritu esse qua concoquunt, deinde cum febricitant hanc destrui; quid aliud est, quam alio modo incommodum ipsum fateri? Quippe denuo interrogati a quo sit alteratus spiritus, solam habent quam respondeant, eam quæ præter naturam est calefactionem: maxime de eo qui in ventre est spiritu, neq. enim appropinquat omnino is buboni. Et quid quæso animalia ea, in quibus spiritus proprietas plurimam vim habeat, commemoro; cum liceat de hominibus, in quibus vel nihil, vel omnino leue aliquid & exiguum confert, verba facere. ? At quod in febribus male concoquunt hi quoque, fatetur etiam ipse; tū causam rei adiciens, lasam esse ait ventris actionem. Non tamen aliam habet quam adferat læsionis occasionem, quam eam quæ præter naturam est calefactionem. At si nocet actioni calor qui præter naturam est, nec id facit ex accidenti, sed ipsa sua substantia ac vi; utique ex primorum morborum sit numero. Atqui de numero primorum morborum esse nequit immodicus calor, nisi actio ex commoda nascatur temperie. Neque enim alia de causa potest intemperies primorum morborum esse causa, nisi quod commoda temperies est corrupta. Ac quod ipso quoque Erasistrato auctore, commoda caloris temperies actionis sit causa, iis qui assequi quod consequens est valent, satis esse demonstratum puto. Hoc vero nobis concesso, non durum arbitror dictum est, in omni actione id quod melius est commodo temperamento referendum esse acceptum, quæ deteriora sunt, vicioso. Atqui si hæc ita se ha-



*A* se habent, sanguinem a mediocri, bilem ab immodico calore nasci, quidni putandum? Ita namque tum in calida ætate, tum calida regione, tum anni tempore calido, & tempestate calida; præterea naturis hominū calidis, & vitæ sortitus, & victus rationibus, & morbis calidis, merito nobis plurima fieri flaua bilis apparet.

Quæ de humorum generatione hætenus docuit, & experientia, & ratione confirmat. Experientia quidem, quia quæcumque calida sunt, gignendæ bili; quæcumque vero sunt frigida, gignendæ pituitæ idonea esse observamus. Siquidem ex calidis cibis veluti melle; in ætate calida, ut iuventute; anni tempore calido, ut æstate; in calida regione; vitæ instituto calfaciente; ac calido tandem temperamento plurima gignitur flaua bilis.

*B* Contra vero ex cibis frigidis; in ætate frigida, ut senectute; frigido anni tempore, ut hyeme; frigida regione; vita otiosa; ac frigido tandem temperamento multa abundat pituita: quemadmodum etiam (id namque nos addere possumus) ex cibis temperatis; in ætate temperata, ut extrema adolescentia; & verno tempore sanguis. Quin & calidos morbos ex bile, frigidos ex pituita plerumque ortum habere experimur. Vnde patet, à mediocri calore sanguinem, ab immodico bilem, ab imbecillo pituitam fieri. Ratione id ipsum confirmat, posito hoc principio, Vnaquæque corporis pars ob certam quandam quattuor qualitatum temperiem propriam actionem exercet. Ex quo recte colligit, intemperiem causam esse cuiuscumque noxæ, quæ functionibus accidat: & quattuor esse primos maximeque generales (simplices scilicet ac proprios) partium similium morbos, calorem scilicet excedentem, frigiditatem, humiditatem, & siccitatem. Quoniam vero Erasistratus actionum noxas retulit ad solam partium imbecillitatem, probat exemplo ventriculi, ex ipsius quoque sententia necessario concedendum esse, partium actiones ab aliqua intemperie lædi. Si namque læsa sit propria ventriculi actio, nempe ciborum concoctio, quam Erasistratus attritionem quandam esse opinatus est; satis profecto non erit dixisse cum Erasistrato, ventriculum male concoquere, quia præ imbecillitate non valet cibos amplecti atque atterere; sed huius noxæ causam cognoscere adhuc oportet, quæ sola intemperies esse potest. Esto enim ut vlceris cuiusdam in pede nascatur ex casu, vlcerisque occasione fiat bubo in inguine, intercepta fluxione quæ ad partem dolentem irruebat; & rursus bubonem sequatur febris, quæ pulsum mutet ad magnitudinem, celeritatem, & frequentiam; ac tandem ciborum concoctio lædatur. Hæc igitur concoctionis noxa vel ab iis affectibus provenit qui præcesserunt, vlcere scilicet & bubone; vel ab iis qui subsequuti sunt, nempe febri & pulsus mutatione. Ab vlcere quidem & bubone concoctio nequaquam est læsa, alioqui enim antequam febris superueniret, læsa fuisset. Neque rursus à pulsus mutatione in magnitudinem, celeritatem, & frequentiam, lædi potest, cum potius ab ea non parum iuvari videatur; in his potissimum animalibus, in quibus verisimile est, vitalem spiritum qui per arterias ad ventriculum ex corde transmittitur, ad ciborum concoctionem plurimum conferre. Tale videtur esse vniuersum auium genus, cum exiguæ etiam aues solidissimæ quæque (veluti lapillos) interim deglutiant, atque conficiant; quod exploratum in perdicibus est. Frequentius multo anseres & anates solida corpuscula deglutire solent, cum & integris cochleis, & arena interdum vescantur. Sed omnium maxime



xime struthiocameli, quos & lapides & ferrum concoquere, non ob caloris vehementiam, sed spiritus vitalis copiam, in confesso est apud omnes. Fortasse tamen non minus quam spiritus copia ad solidorum corporum concoctionem confert pinguedo, quæ in vniuerso abdomine struthiocamelis concreuit. Quæ sane cum & multa sit, & crassa, & densa, innatum ventriculi calorem fouere, & totam ventris regionem calfacere, & spiritus quominus dissipentur, facile cohibere potest. Atque id quidem primo obseruatum scio à Iohanne Plassa medico longe præstantissimo, ac rerum abditarum indagatore diligentissimo. Cum itaque in his animalibus vitalis spiritus copia ad concoquendos cibos plurimum conferat, eo magis concoctionem iuuabit, quo influxerit copiosior: influit autem copiosior, ubi pulsus ad magnitudinem, celeritatem, ac frequentiam mutatur. Quod si certa quadam spiritus proprietate potiusquam copia concoctionem fieri quis dixerit, in febrientibus vero lædi, quia eiusmodi proprietas corrumpitur; is sane causam adiungat oportet, a qua spiritus proprietas corrumpatur. Atqui solam inueniet caliditatem immodicam, quæ & spiritus proprietatem corrumpere, & ciborum concoctionem lædere possit. Idque multo magis in hominibus, in quibus aut nihil, aut (quod verius est) exiguum quiddam spiritus vitalis copia, aut proprietas ad ciborum concoctionem videtur conferre. In his namque parum profecto retulerit, si copiosior, aut parcior spiritus ad ventriculum confluat, ut melius, aut deterius cibi concoquantur. Ex quibus patet, mutationem pulsus ad magnitudinem, celeritatem, & frequentiam, noxam concoctioni inferre non posse, sed solam caliditatem febrilem. Vnde colligit, calorem excedentem ex numero esse primorum morborum, in partibus scilicet similaribus, quæ & primæ, & simplices dicuntur. Quippe cum morbus sit affectus præter naturam primo lædens actiones, morbus haud dubie erit calor immodicus, cum in febricitantibus primo lædat concoctionem. Non esset autem immodicus calor ex numero primorum morborum, nisi à commoda temperie actio proueniret. Neque enim, inquit, alia de causa potest intemperies primorum morborum esse causa, nisi quod commoda temperies est corrupta. Qui sane locus difficultate non caret, cum intemperiem quæ paullo antea dixerat ex numero esse primorum morborum, nunc primorum morborum causam esse affirmet. Quare non immerito suspicabatur Colladus, deprauatum esse hunc locum, & pro ἀπιαρ legendum esse ἀσπιαρ: ita ut intemperies primorum morborum essentia dicatur, non causa. Eadem fortasse Nicolao Leoniceno, fidelissimo Galeni interpreti, incidit suspicio, qui in arte medica eam dispositionem à qua primo actio læditur, morbi essentiam esse dixit, cum tamen Græce legatur ἀπιαρ. Ego quidem quomodo intemperies primorum morborum causa dici possit, non video. Sed neque primorum morborum essentiam recte dici posse existimo, cum ipsamet intemperies morbus sit, nihil vero sui ipsius essentia dici debeat. Locum ergo deprauatum esse crediderim, ita tamen ut pro νοσημάτων legendum sit βλαβερών: est namque intemperies primorum viciorum quæ actionibus accidunt, causa. Id quod sequentia verba apertissime confirmant, dum ait, Cum enim à temperie manent actiones, necesse est, prima earum vicia ex hac manare corrupta. Post igitur hoc principio, quod temperies causa sit actionum, colligit tandem Galenus, sanguinem fieri à calore mediocri, reliquos ab intemperato. Nā si actio, num causa temperies est, quod in omni actione melius est, id commodo temperamento, in quo mediocris calor est, acceptum referri debet; quæ vero deteriora sunt, temperamento vicioso, in quo & calor intemperatus est. Atqui melius



**A**llus est sanguinē gigni quam alios humores, ergo fiet sanguis à calore mediocri, reliqui ab intemperato.

## CAP. X.



**V**BIT AR E vero, an in animantium corporibus is succus gignatur, an in cibis contineatur; utique hominis est qui nec illud aduertat, quemadmodum etiam iis qui sani citra vicium sunt, ubi aliqua coacti occasione contra consuetudinem cibo abstinuerunt, os quidem amarum, lotium vero biliosum reddatur, ac venter mordeatur: sed qui quasi subito nunc in hunc mundum sit ingressus, necdum quæ in eo sunt, nouerit.

**B** Quis namq. ignorat, eorum quæ immodice coquuntur singula, fieri primum quidem salsiora, postea vero amariora? Cum si mel ipsum quod omnium est dulcissimum, plurimum percoquere velis, id quoque reddideris amarissimū. Quippe quod ceteris quæ utique ex natura sua calida non sunt, per coctionem acquiritur, id melli ex sua natura præsto est: atque id causæ est, cur coctum non efficiatur dulcius. Quod namque ad dulcedinem generandam calor ei accedere debebat, id totum prorsus intra se obtinet. Itaque quod extrinsecus iis quæ intra iustum calida sunt, est ex usu, id illi vicium fit, & mediocritatis corruptela. Atque eam ob rem coquendo citius quam alia fit amarum. Eadem vero de causa in iis qui calida natura sunt, & ætate florentibus, prompte in bilem vertitur: quippe calidum cum sit, ubi calido adiungitur, mediocritatem temperamenti facile amittit, statimque fit bilis, non sanguis. Postulat igitur, quo in sanguinis naturam mutetur, naturam hominis si igidam, ætatemque frigidam. Non ab re igitur censuit Hippocrates, mel biliosis naturis non esse ex usu, utpote quæ calidiores sint temperie. Ad eundem modum morbis quoque quos amara excitauit bilis, inimicum esse, senum vero ætati amicum id esse, non solum Hippocrates, sed etiam omnes medici affirmant; partim id ex natura ipsius, quæ scilicet vim eius docet, inuenientes; partim ex sola experientia. Neque enim Empirici alia quam hæc fieri obseruarunt, quod seni sit salubre, iuueni minime salubre; & biliosa naturæ noxium, pituitosa utile. Similiter & morbis iis qui ex amara bile oriuntur, contrarium; iis qui ex pituita nascantur, amicum. Vnoque verbo, calidis quidem corporibus, siue ea naturæ ratione, siue morbi, siue ætatis, siue temporis anni, siue regionis, siue conditionis vitæ talia sint, bili generandæ causam præbere; iis vero quæ contrarii sunt habitus, sanguini. Atqui non potest idem cibus aliis verti in bilem, aliis in sanguinem, nisi intra corpus eorum generatio peragatur. Etenim si cibus quisque a se, & in se hanc habens, nec in animalis corpore mutatus, bilem gigneret; utiq. in omnibus eam corporibus pari modo generaret. Ac quod foris amarum gustantibus esset, id arbitror bilem generaret; quod autem dulce gratumq. gustu esset, eius ne vel exigua quidem portio bilis fieret. Atqui nō mel modo, sed etiam cetera dulcia vniuersa, in supradictis corporibus quæ ex qua-

libet



*libet iam enarratarum caussarum sunt calida, facile in bilem mutantur.*

Ab instituta disputatione digressus, refellit hoc capite fallas duas Erasistrati <sup>A</sup> opiniones ad succorum generationem pertinentes. Prior attinet ad bilem, de qua dubitavit quidem Erasistratus, gignatur ne in nostris corporibus, an potius contineatur in cibis; dubitationem tamen non explicavit, ut dictum etiam est capite octavo. Probat itaque tribus rationibus, bilem in cibis contineri non posse, sed in corporibus necessario gigni. Prima ratio hæc est, iis qui præter cōlue-  
tudinem in ediam sustinent, plurima redundat bilis; ergo hæc non continetur in cibis. Antecedens confirmat ex iis quæ superueniunt symptomatis. Os namq. amarum redditur, lotium biliosum mingitur, & ventriculus mordetur: quæ sane bilis redundantiam demonstrant. Mordetur enim ventriculus (potissimū-  
que ipsius officium, quod exquisitissimo sensu præditum est) à bile flava ex vā-  
sis eo conflante. Quem sane ventriculi morsum cardialgiā vocant, & hanc <sup>B</sup> animi deliquium interdum sequitur, interdum vero syncope. Os amarum red-  
ditur propter internæ oris tunicæ communitatem cum ventriculo, qui (ut dictū  
est) flava bile repletur. Lotium tandem biliosum mingitur, quia portio aliqua  
redundantis bilis per vrinarios meatus excernitur. Præter hæc alia quoq. sym-  
ptomata recenset Hippocrates, quæ solius in ediam occasione accidere solent:  
Lib. 2. de vict. <sup>1</sup> sanguine tumidum supra modum excoctū, atq. adusto. Quippe omnibus iis quæ  
rat. in morb. a- <sup>2</sup> immodice coquuntur, id est commune, ut primum quidem salia, mox autem a-  
cut. sect. 24. <sup>3</sup> mara reddantur. Exemplo sit mel, quod licet dulcissimum natura sit, cōcoctio-  
ne efficitur amarum; eum tamen quædam alia dulcia (veluti lac) reddantur co-  
Lib. 4. simp. <sup>4</sup> ctione dulciora. Cuius euentus causam & hic & alibi hanc reddidit, quod to-  
cap. 17. <sup>5</sup> tum cum calorem qui ad perfectæ dulcedinis generationem est necessarius, C  
ex propria sui natura obtineat mel; lacti vero tantum caloris deficiat, quantum  
dulcedinis. Atque ita fit, ut qui lacti deficiebat calor, ex ignis coctione acce-  
dat; mellis vero mediocrē temperiem corrūpat accedens ab igne caliditas. Idē  
omnino mel patitur a nostro calore, à quo (si immodicus fuerit) in succū ama-  
rū p̄opte convertitur. Immo & à seipso temporis diuturnitate amarū efficitur  
mel, ut ipse quod sensim ab inuito calore nimis excoquatur. Quod sane exper-  
tus fuit Galeni pater, qui mel diutissime repositum (quamvis Atheniense esset  
& optimum) ita amarum euasisseprehendit, ac si iussit Ponticum. Cumque  
post patris obitum in aliquod etiam tempus à Galeno seruaretur, multo magis  
quam antea & amarum, & nigrum iuuentum est. Cum itaque talis sit mellis na-  
tura, erit haud dubie corporibus omnibus calidis maxime inimicum, quod in  
bilem potius quam in sanguinem convertatur; saluberrimum vero corporibus <sup>D</sup>  
frigidis, in quibus non aduritur, sed in optimū sanguinem mutatur. Mellis  
itaque vltus corporibus omnibus natura calidioribus, biliosis, iuuenibus, feбри-  
citantibus, aliove calido morbo laborantibus, inhibendus omnino est; potissi-  
mumque æstate, & in calida regione. In iis vero contra maxime probāndus, quæ  
frigido sunt temperamento, pituitosis, senibus, apoplecticis, epilepticis, aliisq.  
similiter affectis; hyemeque potissimum, ac frigida regione. Iuscula quoque in  
quibus carnes elixantur, satis aperte declarant, quæ immodice concoquuntur,  
fieri primum salia, deinde vero amara: quemadmodum & aqua marina, quæ (ut  
recte ab Aristotele proditum est) vi solis excocta, salia efficitur; nondum tamē  
amara, quia plurimum in se habet aquæ potabilis. Quod si solis calore hæc quo-  
que absorpta fuerit, euadet procul dubio amara; qualis ea est quæ in Palestinæ  
lacu

Lib. 2. de vict.  
rat. in morb. a-  
cut. sect. 24.

Lib. 4. simp.  
cap. 17.

Lib. 1. de antid.  
cap. 4.

Lib. 2. meteor.  
cap. 3.



**A** lacu reperitur, quem alii mare mortuum, alii stagnum bituminosum vocant. Quippe cum in caua sit Syria, torretur vehementer huius lacus aqua ob immodicam loci caliditatem. Quo fit, vt æstate magis quam hyeme amara gustari soleat, & multo adhuc magis, si vase cauo hausta, æstiuo tempore soli exponatur: id quod se aliquando expertum fuisse testatur Galenus. Ad eundem igitur modum qui in nostris corporibus gignitur sanguis, si concoquatur immodice, primum quidem efficitur salsus, deinde vero amarus. Non enim aliunde fit, vt iis qui plussculum inedia sustinent, saliuua salsa reddatur, iis vero qui plurimum, etiam amara. Et si corpus vniuersum perinde vt lingua sensu polleret, sanguinis falsedinem atque amaritudinem similiter perciperet. Porro si inedia occasione bilis augetur, eam sane in corpore gigni, non autem contineri in cibis, fatendum erit. Iam vero si bilis in cibis contineretur, fieri numquam posset, vt ex

**B** vno eodemque alimēto in quibusdam hominibus gigneretur bilis, in aliis sanguis. Atqui ex melle plurima in iuuenibus bilis; in senibus cōtra copiosior sanguis gignitur. Præterea quæ amara sunt, plurimū bilis gignerent; quæ dulcia, plurimum sanguinis. Atqui ex melle, alioqui dulcissimo, plurima plerumque gignitur bilis, vt dictum est.

Lib. 4. simp.  
cap. 20.

*Verum hæc dixisse, cum tamen minime id mihi fuisset propositum, nescio quo pacto ex ipsa sermonis sequela sum adductus. Dictum autem latissime de his est tum Aristoteli, tum Praxagoræ, qui Hippocratis & Platonis sententiam recte sunt interpretati. Quo minus quisquam hæc a nobis pro euidenti demonstratione dicta putet, potius quam quo indocilitatem eorum qui aliter sentiunt, indicarem,*

**C** qui nec ea de quibus inter omnes conuenit, & quæ quotidie fieri cernuntur, intelligunt. Porro demonstrationes eorum quæ vtique scientificæ sunt, ex iis quæ supra iam retulimus principiis, sumpsisse conueniet. Veluti quod actio passioque corporum inter se, ex calido, frigido, humido, siccoque, illis insint. Tum quod siue quis venas, siue iecur, siue arterias, siue cor, siue ventriculum, siue aliam particulam vllam fungi quacumq. actione dicat, ineuitabili necessitate cogetur, propter certam ex quattuor corporibus temperiem edi actionem ab illa, fateri. Etenim cur ventriculus circa cibum vndique contrahatur, cur venæ sanguinem gignant, rogarem ab Erasistratis doceri. Nosse namque id solummodo ipsum per se, quod circa eum contrahitur, nondum vndique operæpretium vllum est, nisi

**D** etiam intellecta sit causa; sic namque arbitror, & errores corrigamus. Non curamus, inquiunt, nec curiosi sumus de istiusmodi causis, vt quæ supra medicum sint, atque ad philosophum naturalem spectent. Vtrum igitur neque ei contradicetis, qui commodam, & quæ secundum naturam est temperiem, actionis causā in singulis instrumentis dicit; contraque intemperiem iam morbum vocari, atque ab hac actionem omnino lēdi? An veterum demonstrationibus assentiēmini? An tertium quiddam mediumque inter hæc vtraq. facietis, vt nec eorum rationibus necessario assentiāmini vt veris, nec eisdem repugnetis vt falsis; sed hæsitatores, ac quidam subito Pyronii in medium profilietis? Atqui si id facietis, experientiā necesse est propugnetis. Quo enim modo etiam medicamentorum compotes eritis,

*si morbi*




si morbi cuiusque substantiam ignoretis? Cur igitur non a principio Empiricorum nomen vobis vendicastis? Quid nobis negotium facessitis, naturales actiones medendi causa pollicentes inquirere? Si namque ventriculus per imbecillitatem circa cibum contrahi, eumque retinere non valet; qua ratione eum in naturalem statum reponemus, ignorantes scilicet imbecillitatis causam? Ego namque eum qui supra modum calefactus est ventrem, refrigerandum esse aio; sicut eum qui perfrigeratus est, calefaciendum; ad eundem modum & qui exsiccatus est, humectandum; qui præhumidus est, siccandum. Sed & coniunctim si calidior una ficiorque iusto sit redditus, caput esse sanationis, ut refrigeretur simul & humectetur. Sin frigidior simul & humidior sit effectus, ut siccetur & excalescat: similique modo in aliis. At Erasistrati sectatores quid tandem facient, cum actionis causas omnino non esse inquirendas contendant? Quippe inquirendarum causarum finis hic est, ut qui intemperamentorum causas norit, is ad naturam suam ea reducat. Siquidem vnum id nouisse, quænam sit cuiusque instrumenti functio, id nullum adhuc præstat ad medendum usum. Porro Erasistratum id quoque latere mihi videtur, quod affectus in corpore qui non ex accidenti, sed primum & per se actionem labefaciat, is ipse sit morbus. Ergo qua demum ratione vel agnoscere, vel sanare morbos poterit, cum hos, qui, quotque sint, & quales, prorsus ignoret? Ac in ventriculo quidem hætenus saltem Erasistratus inquirendum censuit, ut quemadmodum scilicet cibi concoquantur, inuestigaret; quæ tamen sit eiusmodi rationis prima & princeps causa, cur non quæsiuit? In venis autem & sanguine etiam ipsam rationem modumque inquirere, cur omisit?

Alter fuit error Erasistrati ipsiusque sectatorum, existimantium medico satis esse, si qualis propria sit cuiusque partis actio, nouerit; inuestigationem vero causarum à quibus actiones ipsæ fiunt, supra medicum esse, ad solumque philosophum naturalem pertinere. Qua in parte iusta reprehensione digni sunt, quod in Hippocratem, aliosque veteres philosophos ac medicos nihil dixerint, qui in singulis partibus actionum causam statuerunt quattuor primarum qualitatum temperiem; intemperiem vero, causam à qua primo actiones læduntur. Nam si vera hæc sunt, debuissent haud dubie Erasistratii illorum dogma amplecti, si falsa, eorundem sententiam refellere oportuisset. Cum autem neutrum præstiterint, videntur de rebus cum dubitant, Scepticorum sectam probasse, ac coluisse. Porro quod necessaria sit medico cognitio causarum à quibus singulæ actiones fiunt; hæc duo, quæ ignoratis actionum causis sequerentur absurda, aperte demonstrant. Alterum est, quod species morborum qui partium similium sunt proprii, cognosci nullo pacto possent. Quippe qui nescit causam actionum esse qualitatem temperiem, is sane scire non potest, morbos partium similium esse temperies, easque tot esse statuendas, quot sunt qualitates ex quibus temperies constituitur. Neque enim satis est cum Erasistrato dicere, lædi partium actiones ob earundem imbecillitatem, nisi & imbecillitatis causam cognouerimus. Alterum absurdum est, quod partium similium morbi certa ratione curari non possent, ignorata scilicet propria ipsorum essentia, ex qua omnium pri-



**A** ma in medendi methodo sumitur indicatio. Ac rursus licet vna sit cōmunis curandorum morborum ratio, quæ per contraria perficitur; hæc tamen multiplicia esse possunt, cum intemperies sint diuersæ. Non enim solo adstringentium vſu (vt Empiricorum more faciebat Erasistratus) imbecillo ventriculo mederi oportet; sed vel calfacientibus, vel refrigerantibus, vel humectantibus, vel exsiccantibus: pro diuersa scilicet ventriculi intemperie, quæ imbecillitatis sit causa.

## CAP. XI.

**B**  *T* non Hippocrates, aliusve ex iis quos supra paullo memorauimus, philosophorum aut medicorum quisquam id omittendum censuit; sed eum qui in animalibus est temperatum calorem, & qui modice est humidus, sanguinis gignendi causam affirmant. Eadem de causa sanguinem ipsum calidum & humidum potestate succum dicunt.

Humorum potestatem hic explicat, de qua nos alibi multa diximus. Docet Lib. 2. de tēp. cap. 5. in primis, sanguinem ex Hippocratis aliorumque veterum philosophorum ac medicorum sententia, succum esse potestate calidum & humidum; modice scilicet, proindeque temperatum. Nam si a temperato calore sanguis efficitur, mirandum non est, si efficituricis causæ naturam redolens, temperatus & ipse euadat. Videri tamen culpam possit hæc Galeni ratio inefficax, quia etiam si iecur temperatum sit ad iustitiam, collatum tamen cuti, calidū est per excessum. Erit ergo & sanguis calidus & humidus per excessum quemadmodum iecur, quantumvis à temperato iecoris calore fieri dicatur. Ceterū quæ concoquuntur partis concoquentis naturam nunquam attingere, sed infra ipsam perpetuo subsistere, ab omnibus concessum est. Neque enim quæ concoquuntur, eadem omnino fiunt cum parte concoquente, quemadmodū quæ assimilantur & nutriūt, sed fiunt dumtaxat similia. Quare cum sanguinis generatio concoctio quædam sit, merito fiet, vt infra iecoris concoquentis temperiem subsistat sanguis, euadatque temperatus, licet a iecore per excessum calido & humido gignatur.

*A*equè vt flauam bilem calidam siccamque, quantumvis sit aspectu humida. Quippe dissidet illis viris id quod secundū apparentiam humidum est, ab eo quod viribus tale est. Alioqui quod muria & aqua marina carnes & siccant, & incorruptas seruant, reliquæ omnes potabiles prompte corrumpunt ac putrefaciunt, quis ignorat? Quis porro nō intelligit, quod vbi plurima in ventriculo flaua bilis continetur, perpetua siti vrgemur? Contraque quod ea euomita protinus a siti magis vindicamur, quam si plurimam hausissemus potionem?

Flaua bilis calida est & sicca potestate, nam actu humida est, quia fluxilis. Oportet enim cum veteribus philosophis ac medicis diligenter distinguere quæ sunt actu talia, ab iis quæ potestate aut viribus talia dicuntur: cum reperiuntur non pauca, quæ actu quidem humida, potestate vero sunt sicca. Id quod & alibi docuit, & nūc recte cōfirmat muria & aquæ marinæ exēplo. Hæc nāq; quod fluxiles sint, actu sūt humida; ex propria tamē actione sicca vere cēsentur, vtpote quæ carnes quas aqua potabilis facile corrūpit, a putredine vendicēt, excrementitiā scilicet humiditatem absumētes, que putredinis est materia. Eadē ergo ratione licet actu sūt humida flaua bilis, quia corporis partes calfacit &

Gg exsiccatur



Lib. i. simp. ca.  
3.

exsiccat, potestate calida & sicca dicitur. Hâc vero bilis potestatem ac vim cum A  
alia quamplurima, tum potissimum molestissima ea sitis confirmare potest, quâ  
eadem bilis inferre solet, vbi plurima in ventriculo continetur. Sitis namque  
auctore Galeno, duplex est causa, caloris copia, & humiditatis inopia: quod ta-  
men de siti præter naturam intelligere oportet, nam quæ secundum naturam est,  
ex serosâ humiditatis defectu ortum habet. Si ergo flava bilis in vëtriculo cõ-  
tenta, vehementissimam sitim excitat, sitis autem fit à copia caloris, humidita-  
tisque inopia; bilem calfacere, & exsiccare necessario colligitur. Vnde etiam fit,  
vt eiulmodi sitis bile per vomitum reiecta potius sedetur, quam aqua liberali-  
ter pora.

Itaque succus hic calidus potestate siccusq. merito est dictus, æque vt pituita B  
frigida humidaque; quippe de hoc quoque euidenter ab Hippocrate, ceterisque  
veteribus probationes sunt traditæ. Sane Prodicus in opere de hominis natura, id  
quod vstum, & veluti supra modum in succis coctum est, φλέγμα Græce nomi-  
nat, a verbo πείφλεχθαι, quod vstum esse significat: ceterum dictione aliter vti-  
tur quam ceteri, de re tamen idem sentit cum ceteris. Sed de hominis huius no-  
minum nouatione Plato abunde indicat. Ceterum hoc albi coloris, quod omnes  
homines Græce φλέγμα vocant, Prodicus Græce βλέναι, id est muccum, appellat.  
Frigidus ille succus & humidus est, qui tum in senibus, tum iis qui ratione qua-  
uis sunt perfrigerati, plurimus acervatur; quem nemo mentis compos aliud esse  
quidpiam quam frigidum & humidum dicat.

Lib. de nat. ho.  
sen. 31.

Lib. 2. de tēp.  
cap. 5.

Pituitam esse potestate frigidam, quod partes corporis refrigeret, & tactus  
ipse indicat, & demonstravit Hippocrates; qui ipsam à purgante medicamento  
attractam, frigidam adhuc sentiri scripsit, cum tamen ob violentum attractionis  
motum calferi debuisset. Esse vero potestate humidâ, ex ipsius quoq; actione  
deprehenditur: nam quod sit humida actu, tactus, visus, & ratio simul indicant,  
vt alibi diximus. Porro φλέγμα Græcis, & Latinis pituita, dicitur humor ille al-  
bus, qui in senibus, aliisque frigidis corporibus redūdare solet. Solus Prodicus  
in huius nominis vsu a communi loquendi consuetudine recessit. Vocauit nam-  
que φλέγμα a verbo πείφλεχθαι, id quod vstum est, & supra modū in succis ex-  
coctum; humorem vero frigidum & humidum, & colore album, quem ceteri  
omnes Græci φλέγμα vocare solent, solus ipse βλέναι, id est muccum appella-  
uit. Præstat tamen communem vulgaramque loquendi consuetudinē retinere.

Nūquid igitur succus aliquis calidus humidusq; est, aliquis calidus & siccus, D  
aliquis frigidus humidusque; nullus autem est qui potestate frigidus sit & sic-  
cus? Sed quarta temperamentorum coniugatio, cum in reliquis omnibus habe-  
atur, in solis deficit succis? Atqui nigra bilis eiusmodi succus est, quam sapiētes me-  
dici ac philosophi abundare censuerunt, ex anni quidem temporibus, in autum-  
no potissimū; ex atatibus, in ea quæ vigori succedit. Ad eundem modum & vi-  
cētus rationes, & regiones, & tēpestates, & morbos quosdā frigidos siccusq. esse  
memorāt. Neque enim in hac vna cōiugatione claudicare naturā putāt, sed tan-  
quā alias tres, itidem hanc quoque per omnia quæ memorauimus, extendi.  
Quod humor melancholicus potestate sit frigidus & siccus, ex ipsius generatione  
alibi



- A alibi demonstravit. Nunc autem id tantum probat ex temperamentorum coniugationibus, quæ quidem quattuor cum sint quemadmodum & humores, debent earum singulæ singulis humoribus convenire. Quare cum demonstratum sit, sanguinem esse calidum & humidum, bilem calidam & siccam, pituitam frigidam & humidam; erit profecto succus melancholicus potestate frigidus & siccus. Sed mirum est, ex temperamentorum coniugiis nunc collegisse Galenum, melancholicum humorem esse frigidum & siccum, cum lib. 1. de temp. Philosophos quosdam ac Medicos reprehenderit, quod simili argumentandi ratione perperam colligeret, ver esse calidum & humidum. Huc accedit, quod falsum omnino sit, quattuor temperamentorum coniugationes quattuor humoribus convenire: neque enim sanguis calidus & humidus est per excessum, sed potius temperatus, quemadmodum inter anni tempora ver. Quare nunquam crediderim, Galenum Logices peritissimum hac argumentandi formula (cuius inconstantiam alibi animadverterat) ex propria sententia usum fuisse; sed tantum ex eorum hypothese, qui quattuor temperamentorum coniugia rebus omnibus accommodanda esse voluerunt. Quod sane ex postremis huius contextus verbis haud obscure colligitur, quæ ita habent, Neque enim in hac una coniugatione claudicare naturam putant, sed tanquam alias tres, itidem hanc quoque per omnia quæ memoravimus, extendi. Quoniam ergo Erasistratus, ipsiusque sectatores eandem illam hypothese[m] forte admiserunt, maximam in eos proposita ratio vim habet; cum suam hypothese[m] minime servantes, humorum potestatem male explicassent. Est itaque succus melancholicus potestate frigidus & siccus, quamvis ex sanguinis adustione ortum habeat. Proindeque ex anni temporibus, in autumno; ex ætatibus, in declinante secundum naturam abundat, ut alibi dictum est.

Lib. de nat. ho.  
sent. 34. & lib. 2.  
de temp. ca. 5.

Cap. 4.

Lib. de nat. ho.  
com. 34. & lib. 2.  
de temp. cap. vit.

*Vtinã etiã & hoc loco interrogare liceret Erasistratum, num artifex natura instrumentum quo eiusmodi succus expurgetur, nullum condiderit; sed quibus lotium expurgetur, instrumenta duo; quo flava bilis, unum, neque id exiguum; qui vero his malignior succus est, sanguini permistus in venis per totum vagetur. Quamquam dysenteria, siue intestinorum difficultas, si a nigra incipit bili, mortifera est, inquit Hippocrates. Non tamen quæ a flava incipit bili, omnino mortifera est, sed plerique ex ea servantur: tãto scilicet tunc nimirum malignior acriorque viribus est nigra bilis, quam flava. An igitur nec reliquorum Hippocratis operum ullum legit Erasistratus, nec id quod de hominis natura est inscriptum, quo sic citra negotium inquisitionem de succis prætereat? An novit quidem, sed sua sponte pulcherrimam artis speculationem præterit? Oportuerat igitur, eum nec de liene aliquid dixisse, nec impudenter tam magnum instrumentum existimasse, a natura artificiosa frustra conditum. Atqui non solum Hippocrates, vel Plato, nibilo in speculatione naturæ inferiores quam Erasistratus viri, unum esse id viscus ex iis quæ sanguinem purgent, affirmant; sed etiam cum his veterum tum medicorum, tum philosophorum innumeri. Quos omnes generosus Erasistratus quasi illis plus sapiat, supergredi se putans, adeo ne minimũ quidẽ contra eos dixit, ut etiã opinionis eorum omnino non meminerit. At vero quibus corpus ficeret,*



his inquit Hippocrates lien minuitur. Idem omnes qui experientiam sequuntur A  
 medici, fatentur. Præterea quibus viscus id magnum & tumens augetur, his cor-  
 pus minuit, & cacochymum reddit: quod ipsum quoque non Hippocrates modo,  
 sed etiam Plato, multique alii, ac præterea Empirici concedunt. Iam regii mor-  
 bi qui a liene ægrotante ortum habent, nigriores sunt, itemque vlcera cicatrices  
 nigra. Perpetuo enim ubi minus quam iustum sit, atrum ad se succum trahit, ut  
 sanguis impurius, sic totum corpus redditur magis decolor. At quando minus  
 quam iustum est trahit? Nimirum cum male est affectus. Tanquam igitur in re-  
 nibus facultas ea qua urinam trahunt, ubi laborant, male trahit; itidem lienis si  
 insita vis illa qua melancholicam qualitatem attrahere potest, aliquando sit im- B  
 becilla, male hanc trahat est necesse, atque interim crassior atque nigrior red-  
 datur sanguis. Hæc igitur omnia, cum non modo ad cognoscendos, sed etiam ad  
 sanandos morbos maximum præstent usum, Erasistratus omnino præterit, ac  
 tantos viros pro nullis se habere simulauit; is scilicet qui nec leuissima omittit,  
 sed ubique insulsissimas opiniones ambitiose oppugnat. Quo manifestum est, eum  
 cum nihil haberet quod contra veteres diceret in iis quæ de splenis usu actione-  
 que pronunciarunt, nec ipse nouum aliquid inueniret; huc confugisse, ut omnino de  
 his taceret. At nos primum quid ex his causis quibus omnia in naturalibus ad  
 ministrantur, calido dico, & frigido, & humido, & sicco; deinde ex iis quæ eu- C  
 denter in corpore apparent, frigidum quendam siccumque succum debere esse  
 monstrauius. Vbi vero & quam breuissime fieri licuit, quæ veteribus demonstra-  
 ta sunt, tum quod is succus melancholicus sit, tum quod lien id viscus sit quod  
 eum a sanguine expurget, recensuimus; deinceps ad ea quæ proposita disputatio-  
 nis sunt reliqua, veniamus.

Lib. 4. de usu-  
part. cap. 15.

Lib. de atrabi.  
cap. 7.

Lienis usum ignorans Erasistratus, succum melancholicum ab eo secerni ne-  
 gavit, nulliusque functionis gratia à natura (quam ipse alioqui artificiosam præ-  
 dicabat) creatum fuisse asseruit; sed eo dumtaxat consilio, ut dextris partibus, in  
 quibus continetur iecur, æquales redderentur partes sinistrae. Quam sententiam  
 tanquam absurdam damnarunt postea ex Erasistrati sectatoribus non pauci, qui  
 hunc usum lieni tribuerunt, ut nutrimentum in ventriculo concoctum præpa-  
 ret, quo facilius in hepate possit in optimum sanguinem conuerti. Sed & horum D  
 opinionem alibi recte refutauit Galenus; nunc vero tantum probat aduersus Era-  
 sistratum, lienem hunc insignem usum animalibus præbere, ut ab excremento  
 melancholico sanguinem expurget. Id probat primum ex melancholici excre-  
 menti natura, deinde testimonio Hippocratis, ac tandem ex quorundam mor-  
 borum aut symptomatum generatione. Ex natura quidem excrementi, ad hunc  
 modum. Natura, inquit, aliis excrementis expurgandis (bili scilicet & lo-  
 tio) propria quædam in animalibus organa condidit; duo quidem expurgan-  
 do lotio, nempe renes & vesicam; vnicum vero purgandæ bili, nempe vesicam  
 quæ iecori subest. Aut igitur naturam inartificiosam esse concedendum est,  
 aut aliquod quoque instrumentum expurgando succo melancholico idoneum  
 creasse.



creasse. Immo quanto nigra bilis bile flaua & lotio malignior est, tanto magis  
**A** necessaria videtur ipsius secretio. Sed quomodo nigram bilem flaua malignio-  
rem esse dixit, cum hæc calida sit, acris, & mordax, illa vero frigida, nullaq; in-  
signi qualitate prædita? Quod sane illa atra bilis aperte indicat, quæ ex flaua  
bile superassata gignitur, quæ, vt inquit Galenus, tanto est perniciosior altera Lib. de atrabi.  
quæ ex atro humore assata fit, quanto flaua bilis melancholico humore est effi- cap 3.  
caciior. Quare quæ de nigra bilis malignitate hoc loco scribuntur, de atrabile  
exquisita intelligere potius oportet, quã de succo melâcholico naturali. Alio-  
qui enim quorsum nigra bilis malignitatem confirmat ex eo Hippocratis apho-  
rismo, Dysenteria si ab atra bile incipiat, exitiosa? Certum namq; est ab atra bile Apbor. 24. lib.  
exquisita eiusmodi dysenteriam nasci, esseq; exitiosam, quia ab exulcerato can- 4.  
cro non differt. At dysenteria quæ incipit à bile flaua, curatione plerunq; ad-  
mittit, si à medico recte tractetur. Ceterum cum Galenus hoc loco de vsu lie-  
**B** nis agat aduersus Erasistratū, mirari adhuc licet, quod atra bilis exquisita ma-  
lignitatem proposuerit, vt excrementi melancholici secretionem necessariam  
esse ostenderet; cum lien succum melancholicum naturalem ad se trahat. Dicē-  
dum tamen, lienem quidem in bene valentibus succum melancholicum natura-  
lem attrahere, in quibus vero ob vehemētem adustionem atra bilis præter na-  
turam abundat, & hanc quoq; ad se allicere, commodiori scilicet nutrimento de-  
stitutum. Nam & vesica quæ iecori subest, ob flauæ bilis defectum, & vitellinā,  
& æruginosam attrahere solet, etiam si præter naturam cōtingat vtriusque ge-  
neratio. Si ergo nigra bilis malignior est flaua, necessaria omnino fuit nigra bi-  
lis secretio. Atqui si lienem prætereas, nullum aliud instrumentū in nostris cor-  
**C** poribus reperias, quod huic secretioni magis idoneum esse possit. Hunc autem Lib. de loc. in  
lienem vsu indicauit Hippocrates ita scribens, Quibus corpus floret, his li- homi.  
**"** en minuitur; & quibus lien efflorescit, vniuersum corpus his contabescit. Quā  
**"** Hippocratis sententiam philosophorum ac medicorum optimi tanquam veris-  
simam amplexi sunt; quemadmodum & Empirici sola experientia docti. Floret  
namq; vniuersum corpus, quando bene se habente liene, optimo defæcatoq;  
sanguine nutritur. Quo tempore lien minui dicitur, vel quia vniuersum corpus  
crassius euadit, vel quia ab obstructionibus (si quæ antea fuerant) aut tumore  
quopiam præter naturam liberatur. Augetur contra lien, vbi obstructiones su-  
stinet, vel tumorem aliquem præter naturam, veluti scirrhum, cui est potissimū  
obnoxius. Tuncq; merito fit, vt corpus vniuersum contabescat, cacochymumq;  
reddatur; sæculento scilicet sanguine nutritum, male suo munere fungēte lie-  
**D** ne. Videtur autem hanc Hippocratis sententiam legisse Pompeia Plotina, quæ  
(vt refert Plutarchus) non minus facete quam acute Traiano Imperatori  
dixit, fiscum lieni esse omnino similē. Postremo icterus niger lienis vsu aper- In Apophteg.  
tissime ostendit, in quo vniuersa cutis nigro colore suffunditur, quemadmodū  
flauo in ictero simpliciter dicto. Huius namq; symptomatis causa est melan-  
cholicus sæculentusq; sanguis, qui in vniuersum corpus distribuitur; læsa nimirū  
melâcholici excrementi secretionem ob lienis affectum. Quæ causa si ignorētur,  
fieri nō potest vt remedia curādo affectui idonea inueniātur. Ergo quēadmodū  
a serosa humiditate sanguinē expurgant renes, & ab excremento bilioso vesica;  
ita & liē ab excremento melâcholico. Quamobrē vt demonstratū est urinā se-  
cerni à facultate attractrice renū, & bilē à facultate attractrice vesicæ; ita quoq;  
sentire oportet, melancholici excrementi secretionem ad vim lienis attractri-  
cem referendam esse.





**R**ELIQUVM autem quidnam sit aliud, quam clare exponere, **A** quid tandem velint, demonstrentque veteres, de succorū generatione accidere. Porro id luculentius intelligetur exemplo. Ergo vinū mihi dulce quod non dudum ab vuis sit expressum, feruens, & alterascens ex eo quem in se habet calore, mihi intellige; postea ex eius mutatione duo prouenire excrementa, alterum leuius magisque aëreum, alterum grauius ac magis terreum: quorum illud florem, hoc facem, arbitror, vocant. Horum si alteri flauam bilem, alteri nigram adsimiles, minime pecces.

De singulorum humorum generatione priuatim nunc disputat, siue secundū **B** naturam sint, siue præter naturam. Agit vero primum de bile & humore melancholico, quibus id commune est, vt sint sanguinis excrementa. Horum igitur naturam explicat aptissima similitudine, qua itidem vsus est lib. 4. de vsu part. Vinum ab vuis recens expressum, (quod mustum appellant) dum in vasis repositum ab insito calore concoquitur, insignem feruorem patitur; ex quo duo discerni solent excrementa, alterum quidem tenue, quod florem; alterum vero crassum, quod vini facem vocant: atque hoc quidem in imo subsidet, illud autē potius innatat. Eadem prorsus ratione & chylus in ventriculo primum concoctus, atque in venis mesaraicis vtrumque alteratus, dum in propriis iecoris vasis ab innato calore concoquitur, insigniter feruet; duoque ex eiusmodi feruore relinquit excrementa; tenue alterum, quod in sanguinis superficie veluti spuma quædam innatat, & flori vini est simile; alterum vero crassum ac faculentum, **C** quod in imo subsidet, & vini faci proportionem respondet. Quod si tertium quoddam aqueæ naturæ excrementum & in vino, & in sanguine cum eodem Galeno addiderimus; perfectior multo erit concoctionis vini & generationis sanguinis similitudo. Nam vt in vino præter florem & facem aquea quædam substantia inuenitur, quæ sensim concocta in vinum tandem mutari solet; ita & in sanguine separata vtraque bile, flaua, & nigra, aqueum quoddam excrementum remanet, quod sensim à iecore concoctum, in sanguinem vtilem tandem conuertitur. Tale vero excrementum pituita est, vt postea dicemus.

Quando non eandem habent hi succi speciem, cum animans naturæ opera regitur, qualem, cum præter naturam se habet, sæpe exhibet. Quippe quæ flaua est, efficitur vitellina; ita enim nominant, quoniam ouorum vitellis, tum **D** colore, tum crassitudine sit adsimilis. Rursus nigra longe malignior ea quoque quæ quæ naturalis est, redditur. Nomen tamen tali succo nullum est inditum, nisi quod aliqui vel radentem eum, vel acidum appellarunt; quoniam scilicet acris in morem aceti fit, & corpus animalis radit, & etiam terrā, si supra eā sit effusus; quandamque cum bullis veluti fermentationem, ebullitionemque excitat; vbi scilicet adscititia putredo nigro illi succo naturaliter se habenti accessit. Mibiq. videntur veterū medicorum plerique, id quod è tali succo naturaliter se habet, quod & infra deiicitur, & sæpe supra fluitat, atrū vocare succū, non atrā bilem;

Cap. 3.

Lib. 4. de simp  
med. fac. cap. 3



A bilem; quod vero ex vstione quapiam, ac putrescentia in acidam migravit qualitatē, id atram nuncupare bilem. Ceterum de nominibus habenda controuersia non est, sed veritatem sic se habere intelligendū. In sanguine generando quidquid abunde crassum ac terreum ex ciborum natura in nutrimento fertur, nec commodē a naturali calore alteratur, id lien ad se trahit; quod vero assūm (vt sic dicam) vstumque nutrimenti est, (fuerit sane hoc calidissimum in eo ac dulcissimum, quali a sunt, tum mel, tum adeps) id cum flaua bilis factum est, per felleis vocata vasa expurgatur. Est autem hoc, tenue, humidumque, & fluidū, non quale cum ad vltimum est excoctum, flauum, igneum, & crassum, vitellis ouorum simile. Hoc namque iam præter naturam est, alterum vero quod prius memorauimus, est secundum naturam. Pari modo & id nigri succi quod nondum illam velut ebullitionem fermentationemque terræ efficit, est naturale; quod autem in talem mutatum est vim ac speciem, id iam præter naturam est, ceu quod ex vstione non naturalis caloris acrimoniā adsciuerit, ac veluti cinis quidam sit redditum. Sic quodammodo & fæx vsta a non vsta dissidet. Illa namque admodū calida est, adeo vt carnem vrat, liquet, ac corrumpat; altera quæ nondum est vsta, ad omnia medicos vtī deprehendas, ad quæ terra figulari, aliisque quæ simul siccatū ac refrigerandi vim habent. Sane in atræ bilis sic vstæ speciem etiam vitellina illa subinde vertitur, quoties ipsa quoque igneo percocta est calore. Reliqua bilis genera partim ex iam dictorum mistura constant vniuersa, partim tamquam viæ quædam sunt ad harum tum generationem, tum inter se mutationem. Dissint autem inter se, quod aliæ meracæ sunt ac solæ, aliæ veluti fero quodam imbutæ. Verum feri genera omnia quæ in succis habentur, sunt excrementa, purumque ab his esse postulat animalis corpus. Ea vero quæ prædicta sunt, vsum aliquem naturæ conferunt, & quod crassum est, & quod tenue: purgaturque ab his sanguis, tum per lienem, tum per eam quæ iecinori subest vesicam. Ac seponitur vtriusque partis tanta talisque portio, quanta qualisque si in totum ferretur animalis corpus, noxam aliquam inferret. Quod enim admodum est crassum & terreum, ac prorsus eam quæ in iecinore fit mutationem subterfugit, lien ad se trahit; reliquum quod mediocri est crassitudine, id & absolutum iam est, & in omnem partem fertur. Requirit enim sanguis in non paucis animalis particulis crassitudinem quandam, æque arbitror, vt quæ in ipso feruntur, fibras. Ac dictum quidem de vstu earum etiam a Platone est: dicetur autem de his & a nobis in illis voluminibus, quibus vsum particularum persequimur. Postulat non in postremis sanguis & flauum succum, qui tamen adhuc igneus ad vltimum effectus non est. Ac quis illi accedat ad hoc vsum, in illis voluminibus docebitur.

Quāuis de bile & humore melācholico simul hīc disputet, nos tamē clarioris



doctrinæ gratia, de vtroque humore seorsum agemus, à bile exorſi. Bilis itaque in vniuerſum aut naturalis eſt, aut præter naturam. Ac naturalis quidem, ſi humoris ſpeciem formamque ſpectes, vnica eſt, licet colore nonnihil differat: quo pacto duplex plerumque à Galeno ſtatuitur, pallida, & flaua. Quæ duo nomina de vna humoris ſpecie dicuntur, differētis dumtaxat humiditate & ſiccitate, eodem auctore. Qua etiam ratione flaua bilis eiſdem fere cum pallida

Lib. de nat.  
hom. com. 26.  
Lib. 6. epid.  
par. 5. com. 14.

Ibidem.

Lib. 1. de cry.  
cap. 12.

Lib. 6. epid.  
par. 5. ſen. 14.

Lib. 4. de ſani.  
tu. cap. 4.

Lib. 2. de rat.  
viſt. in mor.  
acut. com. 30.

generis eſſe dicitur, diſtione illa Fere coloris diſcrimen ſolum expimente. Et quoniam vtraque hæc bilis ſecundum naturam eſt, ſimpliciter, & citra adiectionem bilis dici ſolet; reliqua veto bilis genera quæ præter naturam ſunt, cum adiectione coloris perpetuo exprimuntur. Quam loquendi conſuetudinem non ſolis medicis, ſed Græcis etiam omnibus familiarem fuiſſe, locis pene innume-

ris teſtatur Galenus; quamuis ei quæ flaua eſt, coloris nomen nonnumquam adiciant, pallidæ raro, aut numquam. Eſt tamen præter has & tertia quædam

bilis, quam ex colore ruſam, ſiue ſuluam appellant; quam non ſecus ac pallidâ & flauam, vomitu interdum reiici experimur. Quo fit, vt naturalis vrinarû color (quem certum eſt ex bile ortum habere) triplex eſſe poſſit, ſubpallidus, ſub-

ruſus, & ſubflauus. Potro vt tres iſtæ biles ſpecie cōueniunt, ita & communem habent generationis modum. Cauſſa namque efficiens calor eſt iecoris immodicus, vel propria eſſentia, vel ratione materiæ, de qua non minus inter medicos conuenit. Quamuis enim recentem carnem contabefcentem bilis materiã ſtatuerit Plato, vere tamen ſentiunt medicorum plerique, ex ea alimenti por-

tionem bilem gigni, quæ fuerit dulciſſima. Huc enim pertinet quod dictum eſt ab Hippocrate, Bilioſum à pingui: pingue namque interpretatur Galenus, non ſolum quod vñctuoſum eſt, ſed etiam quod dulce eſt, & bene habentibus ſua-

ue. Quo etiam pacto regionem, aut agrum pinguem dicimus, qui eorum fructuum ſit ferax, qui à nobis recte valentibus ſine vlla noxa comeduntur. Hoc ipſum voluit hoc capite, dicens, quod in nutrimento calidiſſimû eſt & dulciſſimum, id bilem fieri. Vnde multorum deprehenditur error, qui ex dulciori nutrimenti parte ſanguinem (vtpote qui natura dulcis ſit) gigni putant; non animaduertentes, quæ dulciſſima ſunt, vbi amplius concoquantur, amara euadere; quæ vero exactam non habent dulcedinem, concoctione fieri dulciora, vt ante diximus. Atqui proxima gignendæ bilis materia chylus non eſt, vt arbitrantur plerique, ex diuerſis quæ in chylo ſunt partibus, diuerſos humores à iecoris calore gigni exiſtimantes. Nam totus chylus in impurum quendam ac veluti conſuſum ſanguinem primo conuertitur, quemadmodum & muſtum dum feruet, in vinum adhuc impurum conuerti ſolet. Quamobrem vt muſto in

vinû conuerſo, duo illa vini excrementa (ſos ſcilicet & ſax) concoctionis beneficio ſecernuntur; ita & chylo in ſanguinẽ mutato, pars ipſius ſanguinis tenuior in bilẽ, craſſior vero in ſuccû melancholicû degenerat. Vnde patet, proximam bilis materiã eſſe partẽ nutrimenti calidiſſimã ſimul ac dulciſſimã. Nutrimenti autem nomine ſanguinem potius quam chylum intelligimus; nam vt totus chylus in ſanguinem, ita pars ſanguinis tenuior in bilem conuertitur. Ac ne à nobis conſuetum id quiſpiam putet, Galenum de hac re conſulat, qui, cum ſanguinem in bilioſorum & pituitoſorum humorum medio ſitum eſſe dixiſſet, hanc rationem reddidit, quod bilioſi humores ex ſanguine ſiant ſupra modû excocto, pituitoſi vero eo nondum perfecto. Atque hæc cauſſa eſt, cur neutra bilis in ſanguinem mutari poſſit, cum ex ſanguine plus calfacto flaua bilis, ex eodem affa-

to atra generetur. Hæc quidem communis eſt, pallidæ, ruſæ, flauæque bilis generatione

A

B

C

D

neratio



**A** neratio, quod ad materiam attinet, & causam effectricem. An vero gignatur semper in vasis, an potius in ventriculo gigni aliquando possiat, paullo post explicabimus. Et quamuis bilis quæcumque naturalis substantia quid, in tenuis sit, sapore amara, & potestate sicca & calida; in eo tamē est discriminē, quod flaua bilis crassior sit, magis amara, calidiorq. & sicciior; pallida vero tenuior, minus amara, minus itidē calida & sicca; rufa autē inter vtiq. sit media, quæ admodū & rufus color medius est inter pallidū & flauū. Quippe licet proprio nomine rufus color Græcis dicatur *κίττος*, vocari tamē etiā solet *χρυσός*, quæsi dixeris ex pallido flauū. Est nāq. color rufus tātō splēdidior pallido, quātō est flauo obscurior; cum magis quam pallidus, & minus quā flauus, ab albo recesserit. Pendet triplicis huius bilis discriminē ex propria cuiusque generatione quā variis in locis tradidit Galenus, in quibus verissime docuit, ex tenuis humiditatis permistione pallidam bilem fieri; flauam vero ex eiudem absorptione vi caloris facta. Quam quidem tenuem humiditatem alii aqueam, alii ferofam nominant, est enim eiudem generis cum vrina & sudore. Porro nemo est qui nō intelligat, quæ bilis in quibus corporibus secundum naturam gignatur. In frigidioribus enim, veluti in mulieribus & senibus, pallida; in calidioribus, vt iuuenibus, flaua; in tēperatis vero rufa potius gignitur. Huius autem bilis quam secundum naturam gigni diximus, quidquid optimum fuerit & minus acie, sanguini simul cum aliis humoribus permiscetur; cui substantiæ tenuitatem & calorem tribuit, propter vsus alibi iam explicatos. Id vero quod reliquum est, tamquam sanguini constituendo inutile, in vesicam bilis reponitur. Vesica vero attractam à se bilem tamdiu retinet, atque amplectitur, donec aut grauata nimia ipsius copia, aut acri qualitate demorsa, ad expulsionem irriteretur. Quo tempore bilem expellit ad ecphysin, vbi non contemnendum vsu intestinis præbet, dum sua mordacitate, pituitosa excrementa quæ frequenter intestinis adherent, facile deterget. Sic autem suo munere functa, vna cum aliis excrementis foras excernitur, quæ propterea solent flauo colore tincta secundum naturam apparere.

Porro bilis præter naturam plures sunt species, in quibus enumerandis varius videtur fuisse Galenus, nūc plures, nunc pauciores recensens. Neque id mirum, cum differentias bilis præter naturam, tamquam exempla tantum humorum præter naturam genitorum aliquando proponat; quemadmodum fecisse constat lib. de nat. homi. vbi bilem vitellinam & atram prætermisit. At lib. 6. epid. sex enumerat species bilis, nempe vitellinam, rubram, porraceam, æruginosam, isatoden, & atram: quæ omnes ex colore suas appellationes obtinuerūt.

**D** Atque id quidem in bile rubra & atra perspicuum est, in aliis vero non minus certum. Si quidem *λευκόδης*, id est vitellina, bilis dicitur, quia & colore, & consistētia vitellis ouorum est similis; ouorum, inquam, crudorum, vt ipsemet Galenus alibi interpretatur, vnde & quibusdam lutea quoque dici solet. *πικρόδης*, id est porracea, quod virentis porri colorem referat, appellationem obtinuit: quemadmodum *ῥυγιδής*, id est æruginosa, quod sit ærugini similis, proindeq. rubiginosa nonnullis dicitur. *ἰσατόδης* vero dicta est, quæ isatidis herbæ (quam Latini glastum appellant) colorem exhibet: vnde etiam quibusdam glastica, aliis ex eo quo infecta est colore, carulea, castia, glauca, fusca, & obicura bilis appellatur. Errant enim toto cœlo, qui bilem caruleam ab isatode distinguunt. De porracea tamen & æruginosa à plerisque dubitatum est, distinguantur à se invicem, necne. Et quamuis plerique sentiant diuersas eas esse bilis species, cum

Lib. de atra bi.  
cap. 2. & lib. 3.  
de rat. vi. in  
mon. acut. cō. 2.

Lib. de nat.  
homi. cō. 6.

Lib. 5. de vi.  
part. cap. 4.

Com. 4.  
Part. 5. cō. 14.

Lib. de atra bi.  
cap. 2.

Lopezius, cō.  
in cap. 8. lib. 2.  
de temp. & Per  
amatus, lib. de  
humo. cap. 24.



tamen colore conueniant, vnam esse bilis speciē potius crediderim, quæ duobus illis nominibus exprimatur, quod & virentis porri, & æruginis colorem referat. Quod visus est etiam significasse Galenus lib. de atra bile ita scribens, In ventriculo autem alia quædam porracea gignitur, sic enim eam à porrorum colore denominantes, vocant, sicut æruginosam quoque, quod ærugini similis confertur. Difficilior quæstio est debile rubra appellata, sit ne reuera bilis species præter naturam à ceteris distincta. Auicenna quidem bilis rubræ sæpe mentionem facit, videtur tamen hoc nomine flauam plerumque intellexisse. Rasis vero, Actuarius, & alii non pauci, rubram bilem ab aliis diuersam admittunt: & Galenus non semel inter genera bilis ipsam recensuit. Nullam tamen in nobis bilem rubram inueniri arbitramur, cum ruber color solius sanguinis proprius sit, aut ipsius feri. Proptereaque Galenus rubram bilem à sanguinis sero nequaquam distingui apertissime docuit, huiusque appellationis hanc rationem reddidit, quod scilicet sanguinis serum nonnullis bilis rubra dicatur, quia non concrefcit; quo nomine cum bile magis quam cum sanguine videtur conuenire. Quare nomine bilis rubræ sanguinis serum intelligere potius oportet, quam sanguinem biliosum, ut voluit Vallesius. Ceterum præter has bilis species, aliā quandam à reliquis omnibus maxime diuersam videtur statuisse Auicenna, quā ipse vocat Zinariā. Restamen aliter habet, cum bilis Zinaria Auicennæ eadē sit omnino cum æruginosa, ut vox Arabica Zinār (quæ æruginem significat) aperte declarat. Quamobrem immerito Auicennam reprehendit Vallesius, ut recte annotauit Vega. Sed neque is reprehensione caret, dum fictitiā de Zinariæ aut æruginosæ bilis generatione Auicennæ sententiam, aduersus Vallesium & rei veritatem mordicus tueretur, & experimentis frustra confirmat. Superfunt itaque quattuor dumtaxat bilis species præter naturam, vitellina, æruginosa, isatodes, & atra. Hæc vero quoniam colore iam conuenit cum humore melancholico, ad hunc potius quam ad bilem iure referri solet.

Est autē id commune omnibus generibus bilis quæ præter naturam sunt, ut à calore immodico fiant, subiectam materiam vrente, serosamque humiditatem propterea absumente. Proinde merito inquit Galenus hoc loco, differre inter se biles, quod aliæ meracæ sint ac solæ, aliæ veluti sero quodam imbutæ. Nam quæ secundum naturam sunt, vel magis vel minus sero imbutæ sunt; quæ vero sunt præter naturam, vel magis vel minus puræ sunt, ac sinceræ. Inter has vero minas sincera est vitellina, quæ quidem ex flaua gignitur, absumpta à calore tenui humiditate. Nam ut ex flaua bile aqueam humiditatem accipiente pallida fit, ita & ex eadem ubi aquea absumitur humiditas, efficitur vitellina: quæ proinde flauior, crassior, calidior, siccior, acriorque flaua euadit. Nescio igitur quid in mentem venerit Auicennæ, cum bilem vitellinam ex crassæ pituitæ permissione fieri scripsit. De loco autem in quo bilis hæc vitellina gignitur, à nemine dubitatum fuisse video; in vasis namque gigni omnes vno ore fatentur. Cuius sententiæ auctorē putant fuisse Galenum, qui pallidam, flauam, & vitellinam bilem, in vasis generationem obtinere scribit. Et rursus inquirens, an cibi in nidorem conuertantur culpa ventriculi, an potius ex bilis ad ventericulum confluxu, id inter alia distinguendum esse docuit ex bilis vomitu reiectæ forma. Nam quibus, inquit, in ventre biliosum excrementum gignitur, id porri virentis præfertur, quibus ex iecinore descendit, his vel plane flauū est, vel omnino saltem pallidum. Verum quamuis vulgata hæc opinio sit, & in scholis maxime recepta; ego tamen non video, cur flaua bilis, aut vitellina, in ventriculo

gigni

Cap. 2.

Lib. 6. epid.  
par. 5. com. 14.  
Lib. de atrabi.  
cap. 2.

Cō. 14. in lib.  
6. epid. par. 5.  
Lib. 1. feb. 1.  
dōct. 4. cap. 1.

Lib. 6. cont.  
cap. 19.  
Lib. 1. de art.  
med. cap. 2.

Lib. de atrabi.  
cap. 2.  
Lib. 6. epid.  
par. 5. com. 14.

Lib. de atrabi.  
cap. 2.

Lib. 2. de tēp.  
cap. 9.



- A gigni nequeat. Quid enim obstat, quo minus ex prauis quibuscumque cibis in ventriculo gignatur, qui similem succum in se contineant plurimum, præsertim si corruptatur? Aut cur ex prauo succi alimentis gignitur in ventriculo porracea bilis; flaua vero, aut vitellina non gignetur? Quod si apud viros doctos, veritatisque amatores, ponderis aliquid & momenti nostra habitura sit observatio, nostrum quoque de hac re testimonium in medium proferemus. Multos sane sine aliqua vasorum male affectorum suspitione, ob solam ciborum cruditatem, aut corruptionem, biliosissima deiecisisse obseruauimus; quibus epota hiera mirifice profuit. Quin & in me ipso rem ita se habere expertus sum, idque non semel. Quippe cum singulis fere annis ex fugacium fructuum usu alius mihi largius fluere consueuisset, quæ deiciebantur, flaua biliosaque prorsus esse animaduerti. Ut autem rei causam certius deprehenderem, cum per dies aliquot exactiorem victus rationem seruans, ab eiusmodi fructibus abstinere, ad naturalem protinus statum aluum redire experiebar. Rursus vero cum indagandæ veritatis studio eisdem fructibus consulto vescerer, alius quoque rursus liquida deiciebat, flauo colore insigniter tincta, non citra ventris tormina, & flatuum copiam: quæ omnia sedabantur facillime, cum primum ab eiusmodi fructibus mihi temperassem. Ex quibus tandem in animum induxi meum, flauam eam, aut vitellinam quæ deiciebatur bilem, ex vasis nequaquam confluere, sed ex prauis illis cibis in ventriculo generari. Id enim quo tangente aliquis sit affectus, & quo separato statim cessat, causam esse, apud omnes homines est in confesso. Verum nequis fortasse hæc a nobis conficta esse credat, Galenum ipsum ita quoque sentientem audiat. Ex melle, inquit, omninoque ex dulcibus, cum
- B „ vehementius incaluerint, amaræ bilis contrahi humorem, in quarto de simplicium medicaminum viribus commentario declaratum est. Cum hoc etiam, quando hæc diutius in ventriculo morata fuerint, neque prius distributa, neque cocta sint, luteam (Græce *χρῆμα*) ex ipsis bilem procreari, euidenter percipimus. Quod si perpetuo contendas, flauam bilem ex sententia Galeni in solis vasis gigni posse; quorsum quæso, in iis qui ob flauam bilem in ventriculi spatio contentam, vel in ipsius tunicas demissam, nidorem eructant, inquirendum esse præcipit, an icore male suo munere fungente accumuletur eiusmodi humor, an ex vniuerso confluat corpore, an potius in ipsomet ventriculo gignatur? Concedit itaque Galenus, monstrat ratio, experientiaque confirmat, ex cibis prauo succi bilis flauam aliquando in ventriculo gigni; interdum quoque ex cibis dulcibus, qui ab immodico ventriculi calore aduruntur. Nihilominus tamen
- C „ quoniam rarior esse solet bilis flauæ generatio in ventriculo, in vasis autem multo frequentior; huius plerumque mentionem facit Galenus. Neque nobis aduersatur locus ille ex lib. 2. de temper. non enim affirmat, bilem pallidam, aut flauam in solis vasis gigni, & porraceam in solo ventriculo, cum sit vtrumque falsum: sed tantum docet, ex specie bilis quæ vomitu reiicitur, distinguendum esse, corrumpanturne cibi culpa ventriculi calidi, an potius ob viciatam meatus bilis formationem. Nam quibus sanis porracea bilis vomitu reiicitur, his ventriculus calida intemperie est præditus; quibus vero sanis pallida, aut flaua bilis euomitur, his viciata est meatus bilis formatio. Sed hæc petenda sunt ex nostris ad eum locum commentariis.
- D

Lib. 1. de loc. affect. cap. 2.

Lib. 6. epide. par. 5. com. 14.

Lib. 1. de loc. affect. cap. 4.

Transeamus itaque ad bilem porraceam, siue æruginosam, quam certum est duplicem habere generationem, in venis scilicet, & ventriculo. In venis quidem ex flaua, aut vitellina bile, ab igneo calore vehementer adusta gignitur; proindeque



Lib. 2. prognos.  
com. 39.

Ibidem.

Cap. 9.

deque in febribus ardentibus malignis per vomitum, alium, aut urinas interdum excernitur: certissimum adurentis caliditatis indicium. In ventriculo autem gigni solet, Galeno auctore, propter quorundam esculentorum cruditatem, aut olerum: qualia sunt beta, cæpa, & brassica. Atque hæcenus quidem de generatione bilis porracæ omnes consentiunt. An vero quæ in ventriculo gignitur, ex alimentis pravi succi (qualia olera sunt) generationem necessario obtineat, an potius ob calidam ventriculi intemperiem ingestos cibos corrumpentem fieri aliquando possit, dubium est & controuersum. Sentiunt plerique, ex solis cibis calidioribus & pravi succi gigni posse, quibus mirum in modum fauet Galenus, qui (vt antea dictum est) propter quorundam esculentorum aut olerum cruditatem fieri asseruit. Et clarius multo id docuit lib. 2. de tēper. ita scribens, Præterea quibus in ventriculo bilis illa gignitur quæ porri colorem imitatur, debet omnino his cibis fuisse, non panis, non suilla caro, simileue aliquid, sed necessario aliquid quod his calidius fuit, neq. id boni succi. Atqui tantum abest, vt hæc loca sic sentientibus faueant, vt in ipsos facile retorqueri possint. Siquidem in Prognostico cū disunctione loquutus, videtur haud dubie significasse, non solum ex cibis pravi succi (qualia olera sunt) sed ex aliis etiam porraceam in ventriculo bilem generari. At lib. 2. de temp. tantum significauit, ex cibis cōcoctu facilibus fieri posse eiusmodi bilem, quando ventriculus calida intemperie laborat; non autem ex pane, suilla, aliisque solidis cibis. Hi namque tantum abest, vt in ventriculo calido corrupti in succum porraceum conuertantur, quin potius perfectissime concoquantur, ac superentur. Sed quæ ad eius loci explanationem pertinet, in nostris commentariis abunde sunt tradita. Sentimus itaque ex pravi succi cibis porraceam bilem in ventriculo gigni; facillime quidem in calido, difficilius autem in frigido, aut temperato. Neque enim aliquam ventriculi intemperiem huiusmodi ciborum in nidorosos succos conuersio indicat, cum ab externa dumtaxat causa proveniat. Sentimus quoque ob calidam ventriculi intemperiem bilem porraceam gigni in ventriculo, etiam si quæ assumpta sunt alimenta, boni sint succi, dummodo tenuia sint, & concoctu facilia. Id namque calido ventriculo proprium est, vt tenuia concoctusq; facilia alimenta prompte corrumpat, atque in nidorem conuertat; concoquat vero facilius alimenta solidissima, & quæ concoctu difficilia sint, veluti suillam, aut bubulā. Exēplo sit lac, quod vt in frigido ventriculo facile acescit, ita & in calido prompte adiuuitur, in nidoremque conuertitur. Neque improbo tantum ex prauisq. cibis genito lacti id accidit, verum etiā optimo, atq; in suo genere perfectissimo, si Galeno, experientiaque adhibenda sit fides. Experitur enim (vt recte annotauit Vega) infantes qui solo adhuc lacte aluntur, sine aliquo vasorum affectu viridia sæpe deicere, aut vomere: in quibus certissimum est, viridem eam quæ aut vomitu, aut alui deiectione excernitur bilem, ex solo lacte corrupto genitam fuisse. Lac autem corrumpitur, vel quia plus iusto calidius est, ex prauisq; genitū cibis; vel quia infantis ventriculus calida intemperie laborat. Quæ sane distinctio apprime est necessaria.

Sola nunc restat bilis isatodes, quam omnes concedunt, ex bile æruginosa aut vitellina ab igneo calore vehemensissime adusta, in vasis gigni: vno excepto Fernelio. Is namque non secus ac porraceam, ex viciosis prauisque succi alimentis isatoden in ventriculo etiam gigni posse arbitratur. Ita vt ex eiusmodi cibis fiat primum porracea; deinde ex hac si diutius infixæ hæreat, & commoretur, æruginosa; ex hac demum isatodes persistente ventris incendio. Ego quidem

In art. medi.  
cap. 62.

Lib. 3. de olim.  
fac. cap. 16. &  
lib. 5. aphor. cō.  
64.

Com. 39. lib. 2.  
prognost.

Lib. 6. de nat.  
par med. ca. 9.



**A** quidem vt bilem isatodem ex vehementi adustione in vasis plerunque gigni cō-  
cesserim, ita non negarim generari aliquando posse in ventriculo: non ex por-  
raceæ aut æruginosæ bilis incendio, vt fingit Fernelius, sed ex cruditate potius  
prauorum ciborum. Quæ enim maior ratio esse potest, cur ex oleribus porra-  
cea bilis in ventriculo gignatur; ex cibis vero qui cæruleum succum cōtineant,  
bilis isatodes gigni non possit, quando in ventriculo aut non superantur, aut  
corrumpuntur? Nonne dictum est ab Hippocrate, vrinam cibo & potui conco-  
lorem reddi posse? Cur ergo quæ vomūtur & deiciuntur, fuscum assumptorum  
ciborum colorem referre non poterūt? Rara est, fateor, hæc bilis isatodis gene-  
ratio, quoniā raro prauis cibis cæruleum succū continentibus vescimur. Quod  
animaduertens Galenus, pallidam, flauam, & porraceam bilem sine morbis sæ-  
penumero vomī, aut deici scripsit, reliquas autem biles, cum corpus grauitèr

Lib. 6. epi. 1.  
par. 5. sent. 15.

Lib. 3. de ali.  
fac. cap. 39.

**B** ægrotat, excerni.

Ac de bile quidem hætenus, nunc ad humorem melancholicum nostra con-  
uertatur oratio, qui vel naturalis est, vel præter naturam. Gaudet uterq; com-  
muni nigræ aut atræ bilis appellatione, quamuis veterum medicorum plerique  
(vt inquit hoc loco) propriis nominibus alterū ab altero distinguere tentarint.  
Eum namque qui naturalis est, nigrum vel atrum succum vocare sunt soliti; nūc  
autem succum aut humorem melancholicum, aut melancholiam appellāt. Al-  
terum vero qui præter naturam est, sine proprio nomine reliquerunt: nisi quod  
aliqui vel ex effectu radentem, vel ex sapore acidum vocarunt. Alii atram bi-  
lem, & recentiores clarioris doctrinæ gratia atram bilem exquisitam appella-  
re solent.

**C** Succus ergo melancholicus naturalis crassum est sanguinis excrementum,  
quemadmodum flaua bilis tenue. Gignitur is semper in venis ex parte sangui-  
nis crassiori, & magis terrestri, quemadmodum bilis ex tenuiori ac dulciori:  
neutra enim bilis ex chylo proxime fit, vt antea diximus. Causam effectricem  
temperatum iecoris calorem aliqui statuunt, quoniam is auctor est optimæ con-  
coctionis in hepate, cuius excrementū est humor melancholicus. At qui sic sen-  
tiunt, manifeste contradicunt Galeno, qui cap. 9. docuit, sanguinē fieri à calore  
mediocri, reliquos ab intemperato. Neque ipsorum ratio alicuius est momēti,  
vt pote quæ non minus ostendere possit, bilem flauam fieri à calore temperato,  
quod est absurdū. Probabilius multo sentiunt alii fieri à calore imbecillo, quia  
qualis fuerit iecoris intemperies, talem quoque humorem redundare necesse  
est. Quare vt iecur calidum & siccum plurimā gignit bilem, ita frigidum & sic-  
cum plurimum gignet melancholici humoris. Neque aliam rationem esse cre-  
dunt, cur in ætate declinante, & in autumnno humor melancholicus redundet,

Lib. 2. de tem-  
per. cap. vlt.

**D** quam quod refrigerari corpus incipiat. Verum ita sentientibus contradicit Ga-  
lenus, qui eos qui frigido siccoq. temperamento sunt præditi, melancholicos  
esse negat, nisi ex habitus corporis mutatione tales euaserint. In his nāque hu-  
mor abundat melancholicus, non ob frigidam intemperiem, sed ob præceden-  
tem in iuuentute sanguinis feruorem; in illis vero qui à primo ortu frigidi sunt  
& sicci, pituita potius redundat, quia ob caloris imbecillitatem male in ipsis  
perficiuntur concoctiones. In autumnno quoq. humor melancholicus abundat,  
ob eum qui æstate præcessit sanguinis feruorem, non ob frigidam intemperiem.  
Reliquum igitur est, vt à calore immodico sanguinem aduēte humorem me-  
lancholicum fieri fateamur: quæ sane fuit verissima Galeni sententia, vt constat  
ex variis locis. Scribit namque lib. 2. de temp. melancholica temperamēta fieri

Lib. de nat. ho.  
com. 34.

Cap. vlt.

ex san-



Cap. 7. ex sanguinis adustione. Et lib. 3. de loc. affect. humorem melancholicum in his  
 Cap. 12. potissimum redundare docet, qui macri sunt, & nigri, & hirsuti, & qui colorem  
 habent prærubrum, & quibus lata sunt venæ: quos omnes calidos esse certissi-  
 mum est. Rursus libr. 2. de crysi. vtriusque bilis generationem explicans hæc  
 scribit, Sane in naturalibus sermonibus recte ostensum est, quod sanguis ex mo-  
 derato calore generatur, flaua autem bilis ex maiore, atra vero ex sufficienter  
 immodico. Quidquid igitur pingue & tenue in sanguine est, fit flaua bilis; crassū  
 vero ac veluti fex quando immodice calfactum exaruerit, atra. Ex his facile in-  
 telligitur eorum error, qui sine aliqua vitione, sed sola reliquorum humorum  
 separatione succum melancholicum gigni affirmant. Et item aliorū qui tripli-  
 cem statuunt humorem melancholicum, vnum maxime naturalem, alterum qui  
 huius naturam non attingit, & tertiū qui excedit. Vnicuique vero suam tribuūt  
 causam esse & tricem, ei quidem qui maxime est naturalis, calorem temperatum;  
 ei qui inferior est, calorem imbecillum; calorem vero immodicum ei qui natu-  
 ralem excedit. Porro sanguinis adustio ex qua humorem melancholicum fieri  
 diximus, interdum secundum naturam accidit, interdum præter naturam. Atq;  
 ita fiet, vt licet ipsius generatio à calore morbofo, omninoque præter naturam  
 aliquando fiat, ipse tamen naturalis adhuc sit, & dicatur; quoniā propriam fer-  
 uat naturam ac speciem, neque in atram bilem adhuc degenerauit. Nam & flaua  
 bilis naturalis censetur, non solum quādo in bene valentibus gignitur, sed etiā  
 quando à calore febrili generatur, sanguine præter naturam adusto. Quo nomi-  
 ne grauissime peccant, qui succum melancholicum ex vitione natū præter na-  
 turam esse censent, etiam si in atram bilem nondum migrarit.

Vega.

Quidquid igitur huius humoris elaboratum magis est, & minus crassum, id  
 vna cum aliis humoribus sanguinem constituit; cui soliditatem ac crassitiē præ-  
 bet, solidis partibus nutriendis necessariam. Materiam quoque fibris sanguinis  
 suppeditat, quarum beneficio concreuit sanguis, cum primū extra vasa effun-  
 ditur: nam & Plato, & Aristoteles sanguinis fibras ex terrestri substantia forma-  
 tas fuisse testantur. Quidquid autem crassum est ac veluti terreum, à iecorisq; ca-  
 lore minus elaboratum, id tamquam excrementum inutile secernitur à liene:  
 qui quidem crassum hunc succum sibi familiarem attrahit, perpetuoque arte-  
 riarum motu attenuat, donec in tenuem sanguinem ipsum transmutet, quo &  
 ipse secundum naturam nutritur. Id vero quod reliquum est, quodque a liene  
 mutari non potuit, ad ventriculum expellitur ex Galeni sententia, indeq; rur-  
 sus ad intestina, vnde simul cum aliis excrementis extra corpus excernitur.

De vsu tamē quem ventriculo præbet melancholicus humor, non conuenit  
 inter omnes. Galenus quidem ciborum retentionem & concoctionē iuuare sen-  
 tit, quia vim adstringendi comprimendique habet, vt indicat acerbæ, acidæque  
 ipsius qualitas. Auicenna tamen hunc usum amplexus alterum adiungit, nam &  
 appetentiam ciborum excitare, iuuareque ait. Quæ sententia recentiorum ple-  
 risque placuisse videtur, potissimumque Vallesio, qui pro Auicenna disputans in  
 Fuchsum, duabus rationibus eam confirmat. Acida, inquit, omnia cum primum  
 in ventriculi os inciderint, appetentiam mouent; veluti acetum, succus limonū,  
 & acidi fructus, quibus ad excitandam appetentiam quotidie vtimur. Et succi  
 quoque acidi in nostris corporibus geniti, si vetriculi orificio adhererint, famē  
 caninam excitare solent auctore Galeno. At succus melancholicus acidus est,  
 ergo appetentiam excitabit. Præterea succus melancholicus si ad ventriculi  
 orificium multus confluxerit, efficit famem immodicam, quæ præter naturam  
 est;



- A est; ergo ubi paucus confluit (vt secundum naturam confluere solet) famem efficiet mediocrem, omninoque secundum naturam. Ceterum Galeni sententiam probabiliorē iudico, si tamen excrementum melancholicum ex liene ad ventriculum transmitti concedatur. Non enim id adhuc ex anatome conitatur, cum meatus nullus ex liene ad ventriculum exporrectus conspiciatum, similis ei, qui inseritur in cephysin, per quem flava bilis ad intestina descendit. Immo neque peculiaris apparet vena in ventriculo, quæ aliquo tempore excrementum melancholicum contineat. Si tamen (vt dixi) id cum Galeno aliisque medicis concefferimus, ciborum appetentiam ab humore melancholico iuari negabimus. Nam aut is manet adhuc in ventriculo postquam assumpti sunt cibi, aut ex ventriculo ad intestina depellitur. Si expellitur, ciborum retentionem atque concoctionem nequaquam iuuabit; præsertim cum ventriculus ad expulsionem iam concitetur. Si manet, cibis etiam assumptis ventriculus efloret, quod est absurdum. Oportuisset præterea, melancholicum excrementum ad ventriculi os potissimum transmitti, vt pote quod proprium sit animalis appetentiæ organum. At vero si quid ex liene ad ventriculum transfunditur, id potius ventriculi fundum petit; cum vena quæ omnium earum quæ ex lienis sede in ventriculum exporriguntur (per quam probabile est humorem melancholicum deferri) sinistram fundi ventriculi sedem perrepere conspicitur. Somniant igitur, qui in medium ventrem implantari fingunt meatum cum qui succum melancholicum deferat. Halucinantur quoque, qui venam coronalem aliene propagatam, à se visam restantur, quæ melancholicum sanguinem plurimum contineret, & in plures diuideretur propaggines, ventriculum omnifere ex parte apprehendentes.
- C Ex iis autem quæ dicta sunt Vallis rationes facillime solentur. Nam neque ad ventriculi orificium melancholicus humor transmittitur; neque si transmitteretur, posset appetentiam excitare, quia exquiste acidus non est. Soli namque qui exquiste acidi sunt succi, dum ventriculi tunicas permeant, falsam suæ quædam imaginem inferre possunt; humor autem melancholicus crassior est quam vt id præstare queat. Huc accedit, quod succus melancholicus, austerus potius sit quam acidus; nihil enim acre, corrodens, aut acidum, habere excretionem nigras, scribit in Aphorismis Galenus; quamvis Golicinus Plārius *de febribus* male transtulerit acerbum. Et alibi melancholicum humorem ait acidum, ut quæ acerbi sensum vomentibus inferre; quandoque vero nullam quæ percipi queat qualitatem habere. Sic ubi ergo austerum simul & acidum faterur esse succum melancholicum, id sic accipere oportet, vt austerae qualitatis plurimum, acidæ vero minimum obtineat. Sic namque ab eodem Galeno dictum est lib. 3. de rat. vict. in morb. acut. succi melancholici aciditatem exquisitam non esse; & lib. 3. de loc. affect. succum melancholicum minimum participare acidæ qualitate: ille Copus dictionem *autem* male conuertens, nulla acidæ qualitate participare dixerit.

Lib. 4. aphor. cap. 21.

Lib. de arabi. cap. 2.

Lib. 7. de arabi. part. cap. 4.

Com. 38.

Cap. 7.

Cum primum vero humor melancholicus exquiste acidus euaserit, præter naturam iam est, & atra bilis exquiste vocatur. Huius duas dumtaxat cum Galeno differentias agnoscimus, alteram quæ sit ex bile, alteram vero ex humore melancholico naturali. Ex bile sentiunt plerique atram bilem fieri adustione; ex succo autem melancholico putrefactione; quod visus etiam est sentire Galenus, cum scribat hoc loco, fieri atram bilem, ubi adscititia putredo nigro illi succo naturaliter se habenti accessit: & in atra bilis sic vltæ speciem vite illam bilem subinde verti, quoties ipsa quoque igneo percocta est calore. Ego tamē non

Hæc cap. & li. de arabi. cap. 3. & li. 6. aph. com. 53.



non video, cur vterque generationis modus vtrique atræ bili communis esse non possit. Quid enim obstat, quo minus ex bile putrefacta, aut ex succo melancholico citra putredinem adusto atræ bilis gignatur? Sed & id aperte fateretur Galenus, de atrabile quæ ex succo melancholico fit, hæc scribens, Atque idcirco exitialis eius generatio esse videtur, vt quæ atro humore superaffato contingat. Et rursus, Bilis flaua semper stimulans & mordens humor est, humor vero melancholicus non semper, sed vbi supra modum vel combustus, vel putrefactus, malignam adquisierit acrimoniam. Et alibi inquit, melancholicum humorem in atram bilem mutari, vbi amplius incaluerit, vel propter putredinem, vel propter febrem phlegmonodem.

Lib. de atrabi.  
cap. 3.

Lib. 6. aphor.  
com. 56.

Lib. 14. metho.  
med. cap. 9.

In Timæo.

Lib. 2. prorrhetic.  
com. 40.

Lib. de atrabi.  
cap. 3. & lib. 6.  
aphor. com. 53.  
1. centi. cō. 69.

Lib. de hum.  
cap. 27.

Lib. 4. aphor.  
sent. 21.

Libr. 1. fen. 1.  
doct. 4. cap. 1.

Est autem eadem fere vtriusque atræ bilis exquisitæ natura, siue ex succo melancholico, siue ex bile flaua, vitellina, æruginosa, aut isatode gignatur. Nam essentia quidem crassissima est, absumptis caloris vi partibus humidioribus: colore nigra adustionis ratione, cum splendore tamen, ob partium ignearum permistionem. Et quamuis actu sit frigida, est tamen calidissima potestate, vehementissimaque pollet erodendi facultate ob eam quam ex putredine, vel adustione contraxit acrimoniam. In terram effusa ebullitionem quandam excitat in morem aceti, quam Plato fermentationem vocauit, forte quod fermento peculiare sit, ipsam in massa cui permiscetur, efficere. Quomodo vero & ab aceto & ab atræ bile exquisita in terram effusa, fiat huiusmodi fermentatio, optime explicauit Galenus in Prorrheticis, ad hunc modum scribens, Cum igitur in terram acetum acre effusum fuerit, protinus intumescens, sursum quasdam terræ partes simul tollit; fitque compositum quoddam ex terrestri substantia, & aceti humiditate, & ex facto vaporoso spiritu. Simile rei huic contingit, cū atræ bilis in terram effusa fuerit, nempe & in vtroque spiritiuosa quædā motio cuiusdenter fieri videtur, ei similis quæ in feruente multo apparet, &c. Est autem ita maligna atræ bilis qualitas, vt nullum animal (ne musca quidem) ipsam degustare audeat. Hoc solum discrimen inter vtramque atram bilem constituit Galenus, vt quanto flaua bilis acrior est & mordacior humore melancholico, tanto malignior sit ea atræ bilis quæ ex bile flaua gignitur. Quod quidem cum sit rationi maxime contentaneum, cur Auerroi displicuerit, nescio. Alterum discrimen ex sapore pender. Nam quæ atræ bilis ex succo melancholico gignitur, & gustui, & olfactui exquisitè est acida; quæ vero ex flaua bile fit, exquisitè amara potius est, & acris. Huius discriminis nullibi (quod sciam) meminit Galenus, ex Auicenna tamē certo colligitur, qui singulis atræ bilis differentiis (quas ipse quattuor statuit) singulos tribuit sapores: aquo (vt opinor) edoctus Peramatus, ex rei natura recte demonstrat, atram bilem ex flaua genitam, acidam esse non posse. Nam quæ acerbiora sunt aut austera, in acidum saporem amplius calfacta mutari possunt; amara vero neque vltione acida fieri, sed exquisitè potius amara, aut acria. Ex quibus omnibus facile distingui possunt excretiones atrabiliarie a melancholicis, quas Hippocrates alique veteres medici nigras excretionem vocarunt. Vtræque vero ab excretionibus sanguinis nigri facilius distinguuntur, quoniam sanguis (qualiscunque ille fuerit) necessario concreuit, cum primum extra vasa effluerit: quo nomine a ceteris omnibus humoribus differt. Hæc verissima est de atræ bilis differentiis Galeni sententia, Auicenna tamen duas alias adiungit, ex adusto sanguine vnā, alterā ex pituita vltā: quæ sententia recentioribus quibusdam placuit. Alii tres tantum concedunt, non tamen omnino easdem. Sunt enim qui ex putrescente, feruente ve sanguine atræ bilem



- A** bilem fieri negent, saltem proxime; ex pituita vero, potissimumque falsa, fieri posse arbitrentur. Alii contra negant atram bilem ex pituita vnquam fieri, ex sanguine tamen feruente fieri posse contendunt; quam ceteris mitiorem esse asserunt, vt pore quæ ex benigniori materia ortum habeat. Immo neque hæc dicunt exquisitam esse atram bilem, sed in cōfinio positā. Atqui ex sanguine feruente aut putrescente atra bilis nō fit, sed humor melancholicus naturalis, genitus tamen a causa præter naturam. Quo fit, vt sit in cōfinio positus vt atra bilis fiat, propterea quod perseverante feruore, migrabit tandem in atram bilē
- „ exquisitam. Sed præstat loquentem de hac re Galenum audire, Si sanguis, in-
- „ quit, supra modum assatus fuerit, pars quidem eius subtilior ac pinguior omni-
- „ no in flauam conuertitur bilem, quæ autem est crassior, in atram: quod in his
- „ tumoribus qui carbunculi appellantur, contingit. Nam in his ex sanguine su-
- B** pra modum efferuescente ad melancholicum humorem fit trāsmutatio. Ita au-
- „ tem hoc loco accipi volo melancholicum humorem, vt qui nondum exquiste-
- „ in atræ bilis naturam transierit, sed in quodam sit cōfinio constitutus. Sed nō
- ne Galenus atram bilem exquisitam ex sanguine crasso interdum fieri faretur? Fatetur quidem, neque id semel, rem tamen sic explicare oportet cum Peramato, vt nunquam ex crasso sanguine atra bilis proxime fiat, sed medio humore melancholico, qui ex sanguinis feruore proxime genitus, si amplius aduratur, in atram bilem conuertitur. Possumus quoq. per sanguinem crassum humorem melancholicum intelligere; nam & hæc loquendi ratio Galeno familiaris est, vt constat ex lib. 3. de loc. affect. ubi agens de humore melancholico naturali, ita habet, Quamobrem & ipsum nominare consueui melancholicum succum, aut melancholicum sanguinem. Et lib. 3. prognost. cum dixisset atram bilē
- C** gigni ex flaua vehementer assata, aut ex sanguine crassiore: crassiorem sanguinem enim esse inquit, qui in venis proportionē respōdet fæci vini in dolio subfidenti. At melancholicus humor est qui fæci vini proportionē respondet, nam sanguis ipse potius respondet vino. Et quamuis humor melancholicus a sanguine crasso reuera distinguatur, mirum tamen videri non debet, si crassus sanguis aliquando appelletur, cum sanguini aliisq. humoribus permixtus, massam sanguinariam constituat. Multo minus probabile est, ex pituita (etiā si falsa sit) atram bilem fieri. Vix enim mente concipi potest, tantum in viuēte corpore calorem, tantamque adustionem inueniri posse, vt humor ex sua natura albus in atrum conuertatur. Quippe quod quidam asseruit, atram bilem ex pituita genitam nigro colore non esse necessario infectam, ridiculum prorsus est. Si nāq. atrabilis est, quomodo alba esse potest? Et rursus si alba est, quomodo atra bilis dicetur? nisi fortasse dixerit albo coruo esse omnino similem. Mihi tamen in absurda opinione conuellenda diutius immorandum nō est, cum Manardus, & Vallesius, viri doctissimi, id optime præstiterint.

Fernelius. li. 6. de nat. pa. medi. cap. 9. & Peramatus lib. de humo. capi. 10. & 17. Vega lib. 1. de art. med. cap. 2. & Aianus Lib. sitanus cēm. 4. curat. 42. & Vallesius. lib. 1. de centro. ca. 21. & Lopezius. com. 10. cap. 8. lib. 2. de temp. Lib. 2. de di. feb. cap. 9. Li. 3. de loc. affect. cap. 7. & lib. 1. prophet. com. 4. & lib. 6. epid. par. 6. com. 3. Lib. de humo. cap. 10. Cap. 7. Com. 27.

Epist. 2. lib. 9. Lib. 1. cont. ca. 22.

*Sane quod pituitam expurget, natura nullum instrumentum condidit, propterea quod frigida humidaque est, ac veluti ex dimidio coctum nutrimentum. Desiderat igitur talis succus, nō vtique vacuari, sed in corpore manēs alterari. Excremētum vero quod a cerebro distillat, fortasse nec pituitā quis recte appellet, sed sicut & nominari solet, mucum, & grauedinem, Græce κόρυζα. Sin aliter, quod saltem huic vacuando natura recte prospexit, id quoq. in libris de usu*

*Hb* *partium*



partium tradetur. Quinetiam quemadmodum quæ in ventriculo & intestinis A  
consistit pituita, commodissime ac celerrime vacuetur, naturæ commentum in  
iisdem voluminibus monstrabitur. Quod igitur in venis pituita fertur, cum sit a-  
nimalibus ex usu, nulla vacuatione eget. Sane aduertere hoc loco ac scire oportet, tanquam ex bilis generibus aliud vtile, naturaleque in animalibus est, aliud  
inutile, ac præter naturā; sic pituita quod dulce est, id salutare esse animanti,  
& naturale; quod acidū, salsumq. est, acidum quidem omnino crudum esse, sal-  
sum computruisse. Porro omnimoda cruditas pituitæ intelligenda est, quæ in ea  
concoctione incidit quæ in venis agitur, non autem in ea quæ prima est, quæ-  
que in vētriculo perficitur: cū si hac deficeretur, ne succus quidem omnino esset.

Pituita (vt reliqui humores) aut naturalis est, aut præter naturam. Naturalis B  
quotuplex sit, non facile ex Galeno colligitur, qui hoc loco pituitam dulcem  
salutarem animanti esse affirmat & naturalem; alibi vero naturalē pituitā qua-  
litaris expertem esse dixit perinde ac aquam, dulcem autē a naturali qualitate  
defectere. Quibus verbis videtur significasse, pituitam naturalem inspidam es-  
se, dulcem vero esse præter naturam. Præterea saliuam inter genera pituitæ ali-  
quando enumerat, interdum etiam mucum: quæ si species pituitæ sunt, erunt  
haud dubie pituitæ naturalis species, cum secundum naturā in corporibus gignuntur. Res tamē aliter habet, quamuis enim saliuæ & mucus quatenus humores sunt albi, ad pituitam vtrumque reuocari possint, reuera tamen pituitæ species non sunt, quemadmodum neque lac, neque semen: cum ad sanguinis constitutionem nihil conferant, sed peculiaria sint partium quarundam excrementa. C  
Proindeq. merito inquit in præsentia Gale. id quod à cerebro distillat, nō recte vocari φλέγμα, sed βλέννη potius, vel ὀφθαλμία: quamuis κόρυζα fluxionē potius ex cerebro ad nares significet. Quod ad inspidā & dulcem pituitā attinet, vtrāque sentimus secundum naturā esse, ratione tamen diuersa. Siquidē insipida non solum secundum naturam gignitur, sed etiam maxime naturalis pituita est; dulcis vero a naturalis pituitæ natura quodammodo recedit, acceditq. propius ad naturam sanguinis; ita vt inter pituitam naturalem quam inspidam esse diximus, & inter sanguinē qui est exquisitè dulcis, omnino sit media. Quo fit, vt licet à naturali pituita recesserit, magis secundum naturam sit, & salubrior multo quam insipida. Porro quod prætermisssa pituita insipida solius dulcis hoc loco meminerit, duplex causa esse potest: vel quod satis ipsi fuerit (cum vtrāq. secundum naturam sit) alterius exemplo vti; vel quod insipida dulcis quodammodo dici possit, non secus ac aqua: quæ cum ex sua natura saporis prorsus sit D  
expers, dulcis appellari solet.

De loco in quo naturalis pituita gignitur, magna est inter medicos contro-  
uersia, quā facile non est ex Gale. dirimere. Nā capite nono huius libri a calore mediocri sanguinem fieri docuit, reliquos humores ab eodē intēperato, dū in venis ab innato calore alimentū alteratur. Quibus verbis manifeste indicat, pituitam vna cum sanguine reliquisq. humoribus in venis generari. Id ipsum significauit in arte medica, humidius & frigidius hepar pituitosiores sanguinē gignere scribens. At lib. de atra bile potius sentit generari in vētriculo. Porro, inquit à nobis demonstratū est, pituitosum humorē ex pituitosis cibis in prima, hoc est vētriculi cōcoctione, fieri, vti biliosū & melācholicū in iecore. Et lib. 2. de rat. vict. in morb. acut. Pituitæ ait, generatio in pituitosis & duliis sanguinem  
perpetuo

Lib. de atra bi.  
cap. 2.

Lib. 3. de fac.  
nat. cap. 7.

Lib. 3. de loc.  
affect. cap. 7.

Cap. 43.

Cap. 8.

Com. 30.



A perpetuo antecedit, atque generatione ipsius media cibi in sanguinem tran-  
 sunt. Hæc Galeni varietas recentiores medicos in diuersas, seu potius con-  
 trarias opiniones distraxit: cum alii in venis, alii in ventriculo naturalem pituitā  
 gigni arbitrentur. Qui in venis fieri putant, id confirmant ex foetu, in cuius vē-  
 triculo nullam fieri ciborum concoctionem omnes concedunt. Quare pituita  
 vna cum aliis humoribus in hepate foetus necessario gignetur. Superiora vero  
 Galeni loca de pituita præter naturam interpretantur, cum eam dicat Galenus  
 fieri ex cibis pituitosis. Qui sentiunt contra gigni in ventriculo, in foetus te core  
 sanguinem gigni verissime negant, cum sanguinem a matre confectum per um-  
 bilici vasa accipiat foetus, quo & iecur, & reliquæ foetus partes aluntur. Præstat  
 tamen adhibita distinctione rem ita explicare. Pituita naturalis duplex est, in-  
 sipida, & dulcis: habet autem vtraque propriam generationem. Insipida quidē  
 in ventriculo gignitur, ex ea alimenti portione quæ crudior est atq. humidior,  
 quæque ab imbecillo ventriculi calore (siue is talis reuera sit, siue ratione ma-  
 teriæ talis dicatur) neque vinci, neq. in chylum mutari potuit. Vnde perspicuū  
 est, non solum in frigido, sed etiam temperato, aut calido ventriculo, aliquid  
 pituitæ secundum naturam gigni. In ventriculo tamē frigido copiosior gigne-  
 tur ob caloris imbecillitatē, præsertim si qui assumuntur cibi, multi sint, aut pi-  
 tuitosi. Atque id voluit proculdubio Galenus locis supra citatis, ex pituitosis  
 edulis pituitam in ventriculo gigni affirmans. Neque enim ex solis cibis pi-  
 tuitosis fieri in ventriculo pituitam illis verbis significauit, sed explicauit po-  
 tius propriam gignendæ pituitæ materiam. Nam vt ex alimentis biliosis bilem,  
 ex melancholicis melancholicum humorem gigni vere dicimus; ita & pituitā  
 ex pituitosis cibis fieri recte Galenus affirmat. Porro quod non ex solis cibis  
 pituitosis fiat in ventriculo pituita, locus ille li. 2. de rat. vi&. in morb. acut. aper-  
 te declarat. Cum enim dixisset pituitæ generationē in pituitosis edulis sangui-  
 nem perpetuo antecedere, subiunxit statim, non tantum deterioribus cibis hoc  
 cōtingere, sed & quibusdam eorum qui salubres admodum esse vidētur, vt pa-  
 ni, chondro, semidali. Quin & locis non paucis simpliciter dictum est a Galeno  
 pituitam in ventriculo gigni, nulla pituitosorum ciborum facta mētionē. Siqui-  
 dem lib. de nat. hom. Pituita inquit, natura ad mores fingendos inutilis, neces-  
 sariam vero in prima ciborum mutatione generationem habere videtur. Neq.  
 enim de hac re dubitans, vltus est verbo *φαίνεται*, id est videtur, sed tantū (vt ve-  
 teres solent) modestiæ causa. Et lib. 5. de vsupart. necessariam esse in ventricu-  
 lo pituitosi excrementi generationem, alibi a se comprobatum fuisse testatur.  
 Rursum lib. 3. de temp. pituitam ait frigidam tangentibus sentiri, quamuis iam  
 locus sit, atque ex cibis in ventre non concoctis frequenter nata: cum negatio-  
 ne enim hunc locum legendum esse, in nostris comentariis docuimus. Tandem  
 lib. 6. epid. pituitosum succum in ventriculo creari scribit, plerumque ex ciborū  
 multitudine, ac multo magis si isti crassi, naturaque pituitosiores extiterint.  
 Monstrat vero dictio illa Plerumq. non semper pituitā ex multis aut crassis ci-  
 bis generationem obtinere. Neq. duo illa quæ ex Gal. adduximus loca, pituitā  
 naturalem in venis gigni cōuincunt. Nā quod supra dictū est capite nono, dū  
 in venis ab innato calore alimentum alteratur, sanguinē fieri a calore medio-  
 cri, reliquos humores ab eodē intemperato; de his tantū humoribus intelligi  
 potest qui sunt sanguinis excrementa; at pituita cum sanguinis generationem  
 præcedat, sanguinis excrementum non est. Quod si de omnibus humoribus lo-

Com. 38.

Cap. 4.

Cap. 6.

Part. 1. com. 6



cum intelligendum esse contendas, verum quoque erit, pituitam naturalem in **A**  
 venis gigni, quia licet insipida in ventriculo generetur, dulcis tamen in venis  
 (ut statim dicemus) generationē obtinet. Alter vero locus ex arte medica fa-  
 cillime explicatur, dicitur namque frigidum & humidum iecur pituitosiores  
 sanguinem gignere, non quod pituitam gignat, sed quod ex ventriculo trans-  
 missam, in sanguinem præ imbecillitate mutare nequeat: tunc enim qui gigni-  
 tur sanguis, pituitosior necessario euadit. Quod si in ventriculo gignitur pituita  
 insipida, erit haud dubie excrementum tenue primæ concoctionis, quemadmo-  
 dum steruus excrementum crassum. Huius vero pituitæ quidquid crassius est &  
 magis lentum, id tanquam prorsus inutile ad intestina depellitur, e quibus a bi-  
 le detersum, simul cum alui excrementis foras excernitur; quod autem minus  
 crassum est & humidius, vna cum chylo ad iecur ascendit, alteramque conco- **B**  
 ctionem ibi expertum, partim in pituitam dulcem, partim in sanguinem cōuer-  
 titur, partim propriam pituitæ formam seruans, vna cum aliis humoribus san-  
 guinē constituit. Si quid vero reliquum fuerit, siue id insipidum sit, siue dulce,  
 vna cum sanguine in venis seruatur; nullum enim quod pituitam expurger in-  
 strumentum, natura condidit, quia cum frigida & humida sit, ac veluti ex di-  
 midio concoctum nutrimentum, non equidem euacuari, sed in corpore ma-  
 nens alterari desiderat. Alteratur autem paulatim a facultate sanguifica, quam  
 ex iecore ad venas omnes influere alibi diximus; sensim vero alterata atq. cō-  
 cocta, in optimum sanguinem tempore potissimum inediæ conuertitur. Ex  
 quibus patet, diuersam esse pituitæ insipidæ & dulcis generationem, quamuis  
 vtraque sit secundum naturam; insipida namque in ventriculo gignitur, ex ea  
 ciborum portione quæ crassior est, & concoctu difficilior; dulcis vero ex insipi- **C**  
 da, ab imbecillo iecoris calore in venis ortum habet.

Lib. 2. de disse.  
feb. cap. 6.

Lib. 2. de loc.  
affect. cap. 5.

Lib. 10. de cōp.  
med. sec. loc. ca.  
2.

Præter inspidam & dulcem, reliquæ omnes pituitæ præter naturam iam  
 sunt quarum duas dumtaxas differentias plerumque enumerat, acidam & sal-  
 sam; interdum terriam addit, nempe vitream; aliquando & quartam adiun-  
 git, crudum scilicet appellatum succum. Ceterum pituitam vitream ipsemet  
 Galenus reuocauit ad acidam, quoniam ut ipse ait, acidæ qualitatis forte est  
 particeps. Praxagoras tamen omnium primus acidam illam pituitam quæ te-  
 nax ac lenta est, ex similitudine cum vitro fuso, vitreum humorem appella-  
 uit. Quam similitudinem ad tenacem viscidamque substantiam referre potis-  
 simum oportet; color enim vtrique similis non est, cum pituita semper sit al-  
 ba, vitrū autē fusum ab igne ruborem accipiat, quem tamē vbi paululum refri-  
 xit, deponit. Quo pacto dictum est a Galeno, vitreum hunc humorem & co- **D**  
 lore & substantia vitro fuso similem esse. Crudus itidem succus a pituita reue-  
 ra distinguitur, ut nomen ipsum indicat; neque enim cruda pituita dicitur, sed  
 crudus succus: sed quoniam colore albus est, potestateque frigidus & humidus,  
 ad pituitam refertur. Statuamus ergo dilucidioris doctrinæ gratia quattuor ge-  
 nera pituitæ præter naturam, pituitam scilicet salsam, acidam, vitream, & crudū  
 succum, à quo reuera non videtur distingui gybsæ pituita Auicennæ; tum quia  
 crudus succus gybsæ qui maceratus adhuc aqua non sit, maxime est similis;  
 cum potissimum, quia quæ de succo crudo prodidit Galenus, eadem scripsit A-  
 uicenna de gybsæ pituita. Frustra tamen pituitam quandam dulcē addit Aui-  
 cenna, quæ ex sanguinis permissione præter naturam gignatur.

Pituitā acidā inquit hoc loco Gal. crudā esse, id est naturali erudiorē, gignitur  
 enim ab imbecillo vētriculi aut intestinorū calore, ex ea ciborū portione quæ  
 perfecte



**A** perfecte vinci, aut in chylū omnino mutari nō potuit. Nā vt in ventriculo calido facile in nidore cibi cōuertuntur, ita & in frigido prōpte aceſcunt; inchoata nimirum, non tamen perfecta concoctione, quemadmodum & acidis fructibus accidit. Erit itaque acida pituita tum frigidior, tum craſſior naturali, ſcilicet inſipida, hæc namque chyli excrementum eſt, illa in chylum mutari non potuit. Eadem mihi de vitrea intellige, cum eiſdem ſpeciei ſit cum acida; eſt tamē frigidior, craſſior, & magis lenta, cum maioris cruditatis ſit ſoboles. Colligi plerumque ſolet in ventriculo & inteſtinis, grauiffimaque infert ſymptomata, veluti dolorem, qui interdum ita vehemens eſt, vt venter terebra perforari videatur: qualem aliquando in ſe ipſo expertus fuit Galenus, putans alioqui ſe calculo laborare. Sed quæ iniecto rutaceo, vehementiſſimo cum dolore ſubſequuta eſt vitrea pituitæ excretio, & prōpta doloris ſedatio, colon potius affectum fuiſſe declarauit. Quod ſi ex ventriculo & inteſtinis

Lib. 2. de loc. affect. cap. 5.

Lib. 2. de feb. cap. 6.

Lib. de plenit. cap. vit.

Lib. 1. de alim. fac. cap. 2.

Cap. 3.

**B** transferatur ad venas, ibique putreſcat, febres pituitoſas accendit. Si vero abſque putredine ex vaſis in corporis habitum tranſfundatur, rigorem generat ſine febris. Si rurfus modice putreſcat, epialam febrem excitat: ſi vero putrefiat vehementius, rigor quidem præcedit, ſed febris ſubſequitur.

Crudus ſuccus a reliquis pituitæ generibus hoc nomine diſtinguitur, auctore Galeno, quod & craſſior ſit, & minus flatulentus; utpote qui ex omni moda cruditate naſcatur. In his plurimus colligitur, qui voraces ſunt, & intempeſtine exercentur, aut qui conſuetis exercitationibus prætermiſſis, balneo frequenter vtiuntur, prætertim a cibo. Deſicitur interdum per aluum, & ad venas plerumque delatus per vrinas excernitur: ſubſidetque in matula, puri adeo ſimilis, vt niſi olfactum conſulas, vix poſſis diſtinguere. Quod ſi in venis forte putreſcat, febrem creat pernicioſam, cuius curationem libro 12.

**C** methodi medendi tradidit Galenus. Si autem ex venis ad articulos decūbat, arthritidem gignit, in qua potiusquam humor pituitoſus vt plurimum prædominatur. Si vero in articulis diutius moram traxerit, & craſſior, & viſcoſior euadit, gignendiſque tophis materiam præbet. Aduerte tamen, crudum hunc ſuccum, ſi proprie loquendum ſit, ſuccum non eſſe, cum ſit potius crudæ ipſorum ciborum reliquæ: id quod manifeſte colligitur ex iis quæ Galenus hoc capite ſcribit. Cum enim dixiſſet pituitam acidam eſſe omnino crudam, ſubiūgit ſtatim, omnimodam pituitæ cruditatem intelligendam eſſe in coctione venarum, non autem in prima concoctione quæ in ventriculo perficitur: cum ſi hac deficeretur, ne ſuccus quidem omnino eſſet. Quæ verba hunc ſenſum reddere crediderim, vt omnino cruda cenſenda ſit pituita, quando a iecoris calore non potuit in venis concoqui: non autem quando ex cruditate ortum habuit in ventriculo. Quippe licet cruda in ventriculo ſit, ipſius tamen in venis adhuc concoquendæ ſpes aliqua relinquitur; vbi vero ventriculi concoctione omnino priuatur, tunc ſane nec pituita cruda, nec ſuccus dici poteſt, quia ex ventriculi coctione habet pituita vt ſuccus ſit. Cum itaque ſuccus crudus ventriculi coctione omnino priuetur, ſuccus vere dici non poterit, quamuis cū adiectione ſuccus crudus appelletur.

Pituitam ſalfam dixit hoc loco computuiſſe, id eſt ortam fuiſſe ex putredine. Putreſcit autem in venis frequentiffime, interdum quoque extra venas; nā & ex cerebro non raro diſtillat. Docuit alibi fieri quoque pituitā ſalfam ex ſalfæ ſeroſæ humiditatis permiſſione, eiſdem ſcilicet quæ ludoris & vrinæ materia eſt: nā & vrina, & ſudor ſalfus plerumque eſſe ſolet. In veſica lotii frequē-

Lib. 2. de differ. feb. cap. 6.



ter colligitur, præsertim in senibus, in quibus insanabilia vesicæ vlcera interdū A  
excitat. Est enim potestate calida, ob eam quam contraxit acrimoniā, quo no-  
mine a reliquis pituitæ generibus distinguitur; sed quia albus humor est, pituita  
vocatur. Finxit Auicenna tertiam falsæ pituitæ generationem ex permistione  
vstæ bilis cum pituita. At cum flaua bilis vehementiori quam pituita, & agendi  
& tingendi vi polleat, esset proculdubio ex vtriusq. mixtione genitus humor,  
& colore flauus potiusquam albus, & sapore amarus potiusquam falsus. Miran-  
dum igitur est, quī potuerit hæc Auicennæ opinio, alioqui improbabilis, tam  
multis recentiorum medicorum placere.

*His mihi satis admonuisse videor, quæ de generatione differentiaq. succorum  
ab Hippocrate, Aristotele, Praxagora, Diocle, aliisque veterum multis sunt di- B  
cta: neq. enim omnia in hunc librum transferenda censui, quæ ab illis ad abso-  
lutionem sunt præscripta. Tantum vero de singulis solum dixi, quantū legentes  
ad antiquorum euoluenda scripta, nisi sint omnino rudes, excitet; ac quo facilius  
cum his versentur, auxilium præstet. Porro scripsimus & alio libro de succis sub  
auctore Praxagora Nicarchi filio. Et si enim is decem maxime præter san-  
guinem faciat, (quippe sanguis ipse vndecimus sit) tamen ab Hippocratis do-  
ctrina non recedit; sed qui ab illo simul omnes cū propriis demonstrationibus pri-  
mi dicti succi sunt, hos in species quasdā differentiasq. diducit. Ac laudare qui-  
dem par est, tum eos qui explanarūt quæ recte sunt dicta, tum vero, qui siquid C  
omissum est, id supplerunt: nō enim fieri potest, vt idē incipiat, ac perficiat. Cōtra  
culpare, & eos qui adeo sunt delicati, vt nihil discere eorum quæ commode sunt  
dicta, sustineant; & qui adeo sunt ambitiosi, vt studio nouorum dogmatum sem-  
per aliquid astute texāt, & cauillentur; partim sponte aliquid prætereūtes, qua-  
liter Erasistratus in succis fecit; partim callide oppugnantes, veluti tum hic ipse,  
tum alii iuniorum non pauci. Ceterū hic liber hoc loco receptui canat, quidquid  
supereft, id totum in tertio adiicietur.*

Seipsum excusat, quod de succorū differētiis & generatione breuiter hoc lo-  
co ac succincte disputarit. Id nāq. se fecisse ait, quia non instituerat hoc loco hu-  
iusmodi argumētū accurate tractare, sed eorū dūtaxat lectores admonere, quæ D  
ad intelligēda veterū philosophorū ac medicorū scripta, auxiliū præstare po-  
terant; ne aut repetere, aut trāscribere cogeretur, quæ & à se ipso, & ab aliis re-  
cte de hac re prodita fuerāt. Scripserat enim Galenus, (vt hoc loco fatetur) pe-  
culiarē librū de succis, qui tamē temporū iniuria non exstat: neq. enim eum ef-  
se credimus, qui Galeni nomine circumfertur, quemq. Archangelus Picolho-  
minus commentariis illustrauit. Veterum quoque medicorū non pauci de hu-  
moribus docte scripserūt, & inter alios Praxagoras Nicarchi filius, quē noster  
Galenus in hoc argumēti genere plurimum cōmendat; tum quia quæ breuiter  
ab aliis dicta fuerant, copiosius explanauit; cum potissimum, quia quæ præter-  
missa fuerant, suppleuit. Veluti cum docuit humores esse vndecim, quos tamen  
Hippocrates quattuor esse demonstrauit: neque enim Hippocrati contraria  
dixit




A dixit, sed in peculiare differentias humores diuisit. Sunt enim bilis quinq. differentia, flaua (quæ pallidam & rufam complectitur) vitellina, æruginosa, isatodes, & atra: pituitæ tres, dulcis (sub qua comprehenditur insipida) acida, & falsa: humoris autem melancholici duæ, succus scilicet melancholicus naturalis, & atrabilis exquisita. His si accesserit sanguis, vndecim erunt omnes humores, nō enim in alias species sanguis ille diuiditur, qui quartus humor appellatur: quāuis alterius qui ex quattuor humoribus constituitur, plures differentia enumeretur. In vniuersum enim duplex est huiusmodi sanguis, venalis scilicet, & arterialis; priuatim vero multiplex, veluti tenuis aut crassus; biliosus, pituitosus, melācholicus, aut serosus. Hæc Galeni excusatio nos maxime tueri, atque munire videtur aduersus ambitiosos cauillatores, qui nos haud dubie reprehēdēt, quod de humoribus hoc loco disputauerimus copiosius, quā cōmentarii ratio postulare videbatur. Qui sane legitimā hanc prolixitatis excusationē vel inuiti accipiēt, si semel animaduernerint, Galenū in præsentia de humoribus pauca dixisse, quod peculiarē librum de hoc argumento antea edidisset, & ante ipsum quoq. Praxagoras idē hoc argumentum accuratissime tractasset. Cum autē veterum libri de humoribus conscripti tēporum iuiuria omnino perierint, quis quæso sanæ mentis mihi vicio vertat, si magistri Galeni cōsiliū sequutus, quæ breuiter aut obscure dicta veteribus de succis sunt, in præsentia explanauerim; quæ prætermissa sunt, addiderim; & Galenum seipso loquēte interpretatus fuerim? Sed & recentiorū errores detegere interim sum coactus, ne parū exercitari adolescentes (quibus ad intelligendos veteres scriptores operā præstare cupimus) aut rei difficultate perterriti, aut vanis rationibus persuasi, in eisdem, errores, veluti in scopulos quosdam, miserrime impingerent.







CLAVDII GALENI  
PERGAMENI DE FACVL-  
TATIBVS NATVRALIBVS  
LIBER TERTIVS.



CAP. I.



*C* quod quidem nutritio sit, cum id quod nutrit alteratur, & **A**  
ei quod nutritur simile fit; tum quod in quaque animalis par-  
ticula facultas quædam insit, quam ab actione ipsa genera-  
liter alteratricem, membratim vero assimilatricem, nutrito-  
riamque nominamus, in proximo indicatum est libro. Mate-  
ria vero copiam, ex qua sibi nutrimentum facit quod nutri-  
tur, ex altera suppetitari virtute, quæ conuenientem attrahere sibi succum natu-  
ra sit habilis, est monstratum. Sed non minus, esse conuenientem cuiusque parti-  
culæ succum, qui maxime ut assimiletur sit accommodus; tum quæ hunc ad se  
trahat, attractricem appellari. Indicatum præterea est, & ante assimilationem ag- **B**  
glutinationem esse, hanc vero præcedere quæ Græce *πρόσθεσις*, Latine appositio,  
vel adiunctio dicitur. Hæc, ut sic dixerim, finis est actionis quæ ab attrahente vi  
perficitur, siquidem ipsa nutrimenti ex venis in singulas particulas adductio, a-  
gentis adhuc, attrahentisque virtutis est opus; adductum vero iam esse, ac particu-  
læ apponi, ipse est finis, cuius scilicet causa eiusmodi actio est desiderata: quippe  
idcirco est attractio, ut sit appositio. Tempus tamen hîc ad animalis nutritionem  
adhuc maius requiritur, attrahi namque breui tempore aliquid potest; adhære- **C**  
re, & alterari, & prorsus ei quod nutritur assimilari, ac pars eius effici, protin-  
us non potest, tempore ampliore commode potest. At si appositus is succus in par-  
ticula non quiescat, sed in alteram aliquam transferatur, confluatque assidue,  
alium atque alium mutans locum; utique in nullo eorum nec agglutinatio, nec as-  
similatio erit. Est igitur hîc naturæ alia quadam facultate opus, quæ faciat, ut  
qui appositus particulæ succus est, aliquamdiu maneat; atque hac non extrinse-  
cus accersita, sed in nutriendo ipso collocata, quæ rursus ab ipsa functione maio-  
res retentricem vocare sunt coacti. Ac eiusmodi quidem facultatis gignendæ ne-  
cessitatem ratio iam clare monstrauit, credetque vel inuitus ex iis quæ diximus,  
quis-



**A** quisquis percipiendi intelligentiam habet, quod cum propositum sit, ac prius demonstratum, naturam artificiosam esse, & animantis curam habere, necesse sit eiusmodi facultatem illi inesse.

Facultatem attractricem & cōcoctricem ex quibusdam actionibus naturæ libris superioribus demonstravit; attractricem quidem ex urinae & utriusque bilis secretionem, & nutrimenti distributionem; concoctricem vero ex generatione succorum. Nunc autem reliquas duas naturæ facultates ministras, retentricem scilicet & expultricem, hoc libro demonstrat, & reliquas naturæ actiones persequitur; quarum causas dum explicat, multa etiam docet ad facultatē attractricem & concoctricem pertinentia. Vbi vero facultatum naturalium numerum inuenit, rationem postea tradit, qua proprias actiones in variis instrumentis singulae exercent. Et quoniam nutritio finis est, cuius gratia reliquæ omnes actiones institutæ sunt a natura, disputat tandem de partium nutritione. Porro cum duo sint rerum demonstrandarum instrumenta, sensus nimirum & ratio; utroque utitur hoc loco ad demonstrandam facultatem retentricem, de qua primum agit. Ratio petita est ex duobus principiis ante demonstratis; quod scilicet singulis corporis partibus insita sit facultas nutritrix, cuius propria actio sit nutrimenti assimilatio; & quod hanc necessario præcedat nutrimenti agglutinatio, & rursus hanc nutrimenti appositio. Ex his demonstrat, in singulis corporis partibus concedendam esse necessario facultatem retentricem, quia licet nutrimentum a partibus attractum ipsis apponatur, nunquam tamen eisdem assimilari, aut agglutinari poterit, nisi longo tempore retineatur. Partibus quidē apponitur attractum nutrimentum, quoniam appositio, ut Galenus ait, attractionis est finis. Vnde intelligitur, nullam esse facultatem appositricem, cum appositio nutrimenti naturæ actio non sit, sed potius actionis finis, nepe attractionis; quemadmodum etiam nutrimenti agglutinatio finis est concoctionis, ut postea dicemus. Solam igitur facultatem attractricem ostendere potest appositio, retentricem vero recte demonstrant agglutinatio & assimilatio. Quippe si nutrimentum a partibus attractum, eisdemque appositum, nequaquam quiescat, sed transferatur, diffuatque assidue, alium atque alium locum mutans; nullo unquam pacto agglutinabitur, aut assimilabitur. Postulat namque perfecta nutrimenti alteratio longum quietis tempus, ut a facultate cōcoctrice agglutinari, a nutritrice vero perfecte assimilari nutrimentum queat.

## CAP. II.

D



Eterum nos qui non hoc tantum demonstrationis genere soliti sumus uti, sed illi ex iis quæ manifeste apparent, necessarias ac cogentes probationes adicere, ad istiusmodi nunc cōuertemur. Monstrabimusque in quibusdam corporis particulis adeo euidentem esse retentricem facultatem, ut ipsis sensibus agnosci eius actio possit; in aliquibus vero sensui quidem minus esse euidentem, ratione tamen in his quoque facile posse deprehendi. Ergo inde quod docere promissimus, auspicemur, nempe a sumendis primum methodo aliqua certis particulis, in quibus ad unguem examinare, disquirereque licebit, qualisnam demum retentrix vis sit. An igitur aliunde quis

Hb s melius



melius, quam a maximis, maximeque cauīs instrumentis inquisitionem incipiat? **A**  
 Mihi sane non videtur. Siquidem euidentēs in his credibile est propter amplitu-  
 dinem eorum apparere actiones; cum fortassis in paruis, etiamsi eam vim ha-  
 beant vehementem, sensu tamen agnouisse actionem eius in promptu non sit.  
 Porro inter animalis partes maxime cauae amplissimæque sunt, ventriculus, &  
 uterus, & quæ secunda vocantur. Quid igitur prohibet, quo minus has proponen-  
 tes, actiones earum æstimemus; ac earum quæ ante dissectionem conspicuæ sunt,  
 in nobismetipsis examen ineamus; quæ vero obscuriores sunt, similia homini a-  
 nimalia disseceamus? Non quod non abunde generalem saltem quæsitæ faculta-  
 tis notitiam etiam dissimilia ostendant, sed quia simul cum generali propriā quo-  
 que in nobis ipsis habentibus, ratio ad morbos tum agnoscendos, tum sanandos **B**  
 faciliior suppetat.

Ex iis quæ sensibus euidenter apparent, facultatem reentricem & expultri-  
 cem secundo demonstrat. Ad hoc vero demonstrationum genus ea potissimū  
 naturæ instrumenta deligenda esse monet, quæ amplissima sint, & maxime ca-  
 uæ; in his enim ob insignem quæ prædita sunt amplitudinem, propriæ actiones  
 euidentiores esse solent. Huiusmodi autem partes sunt, ventriculus, uterus, &  
 secunda, quamuis hæc una cum foetu ab utero retineatur. Ventriculus tamen in-  
 signem cavitatem perpetuo habet, uterus vero in prægnantibus dumtaxat; in  
 aliis namque quæ aut non conceperunt, aut utero non gerunt, vix æquare solet  
 mali medici magnitudinem. Si igitur proprias ventriculi & uteri actiones (quæ **C**  
 euidentissimæ sunt) expendimus, reentricem, expultricemque facultatem in  
 his potissimum elucescere intelligemus. Quæ si in huiusmodi instrumentis de-  
 monstratæ semel fuerint, facillimū postea erit, ex his de reliquis omnibus par-  
 tibus ratiocinari: neque enim ratio aliqua esse potest, cur ventriculo & utero  
 eiusmodi facultates natura concesserit, reliquis vero partibus easdem negarit.  
 Quod si reliquarum partium actiones quæ obscuriores esse solent, scrutari vo-  
 luerimus, eorum animalium dissectiones administrandas esse monet, quæ sint  
 homini similia. Nam præterquam quod partiū quas inquirimus actiones cog-  
 noscemus, propriæ simul partium corporis humani formationis notitiam nobis  
 comparabimus; quæ sane ad cognoscendos sanandosque morbos est medicis  
 apprime necessaria. At dissectis animalibus quæ sint homini dissimilia, quamuis  
 inuenire quoque possimus eas quas inquirimus facultates, in cognitionem ta-  
 men partium quæ corpus humanum constituunt, nequaquam deueniemus. Præ-  
 stat tamen humana corpora dissecare, neque enim tutum omnino est, quæ in a-  
 nimalibus homini etiam similibus (veluti simiis) obseruantur, ad hominem trās-  
 ferre: cum in pluribus deficiat huiusmodi similitudo. Atque hinc sane errandi  
 occasionem accepit Galenus, qui quæ in simiis obseruauerat, ad hominē trans-  
 ferenda esse censuit: quo nomine paullo quidem acrius, non tamē omnino im-  
 merito à Vesalio sæpe reprehenditur: cuius reprehensiones (neque enim calū-  
 nias dixerim) frustra interdū depellere conatus est Syluius, Galeno plus iusto  
 additus. Nihilominus tamen summis ipsum laudibus extollere oportet, quod  
 in omni fere animalium genere, eorumque potissimum quæ formationem ha-  
 bent homini maxime similem, anatomē exercuerit. Neque enim ipsi licuit hu-  
 mana corpora secare, quod suæ tempestatis homines id tāquam impium, pror-  
 susque



- A susque inhumanum vsque adeo execrarentur, vt ne hostilium quidem cadauerū disseccandorum potestas in bello concederetur. Hinc nata est frequens illa totiesque repetita Galeni admonitio, vt in simiis, iisque potissimū quæ cynocephalis similes non sint, aut saltem in aliis eiusdem formæ ac naturæ animalibus, quæ *πρὸς κορυφὴν* Græce vocari solent, anatomen exerceamus. Nobis tamen quibus liberum est in humanis corporibus anatomen exercere, satius profecto fuerit, partium formationem, actiones, & vsus, in eisdē dissecatis inuestigare. Sed & aliorum animalium dissectio non parum utilitatis adferre potest, vtpote quæ in diuersis animalium generibus, partium similitudinem ac dissimilitudinem ostēdere possit: quod quidem diligenter præstitit Arittoteles, de partibus animalium differens. Demonstraturus itaque Galenus retentricem & expultricē facultatem in naturæ instrumētis maxime cauis, ab vtero exorditur, in quo magis quam in ventriculo elucescunt, quia vterus longiori tempore agit quam ventriculus, vt sequenti capite dicemus.
- B

Lib. 3. de cōp.  
med. sec. gen.  
cap. 2.

## CAP. III.



- C quoniam de ambobus instrumentis simul dixisse nō est, seorsum de vtroq; sermonem instituemus, ab eo auspicati, quod retentricem facultatem illustrius monstrare possit. Retinet namque & venter cibum, quoad eum concoxit; retinet porro non minus & vterus fœtum, quoad hunc consummavit: ceterum longe amplius est perficiendi fœtus tempus, quam cibi concoquendi. Quare verisimile est, tanto clarius a nobis in vtero retentricem facultatem conspici posse, quanto diutius quam ventriculus retinendi functionem exercet: quippe nouem mensibus plerisque mulieribus perficitur in vtero fœtus.
- D

Retentricem facultatem & expultricem demonstrat primū in vtero, in quo magis quam in ventriculo elucescunt, cum longiori tēpore agat vterus, vt mōstrat vtriusque retentio. Retinet namque ventriculus cibos, quoad ipsos concoxerit; concoquit vero intra spatium aliquot horarum. Retinet itidem vterus fœtum, donec perficiatur; perficitur autem plerisq; mulieribus nouē mensibus, vt Galenus ait. Id tamen de fœtus formatione intelligendum non est, quæ in maribus triginta plerumque diebus, in fœminis duobus & quadraginta perfici solet; sed de iusta potius partium magnitudine ac robore, quæ vt fœtus in lucem prodire possit, sunt necessaria. Sed cur plerisque dixit, non omnibus? An quia & longiori, & breuiori interdum tempore fœtum perfici posse existimat? Mihi sane ita videtur. Quamuis enim nono plerumque mense partus accidere credatur, anticipat tamen interdum, interdum vero ultra progreditur. Quippe cum cetera animalia, Aristotele auctore, singulari ac simplici modo partū suum perficiant (vnum enim pariendi tempus statutum omnibus est) homini vni multiplex est datū. Et vt inquit Plinius, cum ceteris animantibus statum & pariendi & partus gerendi tempus sit, homo toto anno, & incerto gignitur spatio. Hippocrates tamen quamuis diuersitatē quæ & in fœtus formatione, & in partu spectatur, recte animaduernerit, eam tamen paucorum dierum numero contineri docuit. Nam cum lib. de alimen. formationis partusque tempora distinxisset, hæc subiunxit, Fiunt vero hæc & diebus pluribus, & paucioribus; nec

„ multo

Lib. 7. de nat.  
an. cap. 4.

Lib. 7. de nat.  
hist. cap. 5.



multo tamen pluribus, aut paucioribus. Cogimur itaque hoc loco, quæstionem A illam multiplicem, ambiguum, multisque submersam tenebris, de naturali legitimoque pariendi tempore tractare, quæ sane quod difficillima semper sit habita, doctissimorum hominum ingenia vehementer exercuit. Ac primum quidem de partu naturali dicendum, ut reliquorum qui ab ipso recedunt, propria ratio facilius intelligatur. Ab omnibus fere concessum est, naturalem partum nono potissimum mense accidere, quod significat etiam Galenus hoc loco, foetum plenisque mulieribus novem mensibus in utero perfici affirmans: nam ubi perfectiorem adeptus est foetus, partus initium instare solet. Ceterum & decimo mense contingere posse, citatis ex Plauto, Menandro, & Cæcilio, carminibus ad rem hanc facientibus, optime probat Gellius: quibus & illud Maronis adiungere oportet.

Lib. 3. nost. at-  
ti. cap. 10.

Matri longa decem tulerunt fastidia menses.

Lib. 7. de nat.  
ani. cap. 4.

Lib. 9. cap.  
7.

Lib. 7. de nat.  
ani. cap. 3.

Par. 3. sent. 43.

Sed quid poetas commemoro, cum philosophorum ac medicorum præstan- B tissimi apertissime id ipsum testentur? Scribit namque Aristoteles, se primo, octavo, nono, & ut plurimum decimo mense mulierem parere posse. Scribit itidem Hippocrates, matrem mense decimo foetum in lucem emittere, ut constat ex libro de natura pueri. Et rursum libro de carnibus foetum mense nono, decemque amplius diebus, in lucem prodire asserit; exactumque tunc habere hebdomadarum numerum, quattuor scilicet hebdomadarum decades, quæ octuaginta supra biscentum dies continent, ex quibus efficiuntur menses solares novem cum decem insuper diebus. Sed neque hic desunt divina, quæ huic rei fidem faciant testimonia, ita loquente sapientissimo Salomone, Sum quidem & ego C mortalis homo, similis omnibus, & ex genere terreno illius qui prior factus est, & in ventre matris figuratus sum caro, decem mensium tempore coagulatus sum in sanguine, ex semine hominis, & delectamento somni conueniente. Neque vero me latet, gravissimos, summæque auctoritatis viros sentire, perfectum ac naturalem partum nono dumtaxat mense accidere; quæ vero de partu decimestri ab Hippocrate, aliisque auctoribus traduntur, de mensibus lunariis intelligenda esse: ita ut mense solari nono, lunari vero decimo naturæ lege partus contingat. Cumque triplex sit mensis lunaris, de mense peragrati- D nis id potissimum intelligi volunt, qui profectioe Lunæ a puncto Zodiaci, in idemque punctum reditu definitur: in quam sane viam septem & viginti dies cum horis octo Luna insumit. Si enim decem menses peragrati- nis ad dierum numerum revocaveris, constituentur haud dubie dies biscentum septuaginta tres cum octo horis: in quos similiter fere recidunt menses solares novem, qui biscentum & septuaginta dies efficiunt. Ego tamen ut de horum mensium paritate non dubito, ita & decimo mense solari naturales legitimosque partus fieri posse censeo: idque non raro, potissimum si gestetur foemina. Cum enim ampliore tempore foeminæ indigeant, ut & formari, & augeri, & omnino perfici in utero possint; mirandum profecto non est, si decimestres nascantur potiusquam mares. Nam licet in lucem edita foemina, citius quam mas augetur, ætate floret, & senescit, in utero tamen ob seminis imbecillitatem tardius perficitur, ut recte ab Aristotele est proditum; cuius sententiam alioqui verissimam, nescio cur improbarit Vallesius. Sed & in maribus aliquid amplius ultra nonum mensem concessit Hippocrates lib. 2. epid. Vbi certum est de mensibus solaribus agere, cum novem menses in ducentos septuaginta dies Græcanica supputatione absolui affirmet. Quin etiam ex libris de alim. de sept. par. & octim. evidentissime constat,



- A stat, Hippocratem in vtero gerentibus mensium solarium potiusquam lunariū rationem habuisse:quemadmodum docte demonstravit Peramatus, qui totum hoc argumentum de vario ac multiplici pariendi tempore accuratissime tractavit. Quamuis non me lateat eundem Hippocratem aliquando dixisse, menses duos sexaginta diebus, vno dempto, quamproxime constare: quod sane de solaribus mensibus intelligi nullo pacto potest. Quare merito hinc colligit Petrus Iacobus Steue, mensem ab Hippocrate statutum, eum esse quem Ciuilē nominant; qui quidem ex lunaribus maximus est, continetque dies viginti nouē, ac horas propemodum tredecim, tot enim dies intermedii sunt inter vnum & alterum Lunæ cum Sole congressum: quod sane spatium mensem vocari ipsemet Galenus apertissime fatetur. Vtunque tamen veteres in vtero gerētibus mensiū supputationē efficere cōsueuerint; nostris sane tēporibus solariū mensiū
- B rationē potissimū haberi, nemo est qui nesciat. Fit autē mensiū cōputatio in grauidis, aut a cōceptione, aut a mēstruis, vt inquit Hip. Quæ a conceptione incipit, certissima est, & maxime constans, neq. cognitu admodum difficilis, si conceptionis indicia ab Hippocrate tradita, & a nobis postea explicanda, attente cōsiderarent mulieres. Quoniam vero plerasque præ inscitia latet primum illud conceptionis tempus, coguntur a mēstruis eiusmodi supputationem incipere, idque bifariam. Aut enim a mēstruis quæ postrema fluxerunt, incipienda supputatio est, vt interpretatur Petrus Iacobus; aut a mēstruis quæ primo defecerunt, vt sentit Vallesius. Quamuis autem vtraque hæc supputandi ratio nostris mulieribus sit in vsu, prior tamen, & frequentior & magis familiaris esse solet. Si igitur a mēstruis primo deficiētibus computatio incipiat, numquam partus in decimum mensem protrahetur. Si vero a mēstruis quæ postrema fluxerunt, & nono, & decimo mense poterit partus contingere. Noui enim quasdam, quibus cum mēstrua decies iam defecissent, post quattuor aut quinque dies foetus in lucem editus est. Et passim prægnantes quibus nouies mēstrua iam defecerunt, affirmantes audias, se nullam amplius computationis rationē habere, sed singulis qui sequuntur diebus instantē iam partū exspectare. Quæ cum ita sint, merito factum est, vt decimestres foetus, non secus ac nouimetres, non solum Philosophis omnibus ac Medicis, verūetiam Iureconsultis legitimi iudicētur: vt constat ex lege Intestato §. vlt. de suis & legit. Quin & Decēviri in legibus duodecim tabularum idem statuerūt, vt refert Gellius: quas respexisse videtur Gallus Aquilius l. Gallus, in princ. de liber. & posthu. Porro decimestrem foetū intra decem menses nasci debere, exponit lex vlt. ff. de fidei commis. liber. & lex. vlt. C. de posth. hæred. inst. Hos tamē decē mēses ita intelligi volūt, vt si post eos exactos, duobus aut tribus diebus foetus in lucem prodeat, decimestris adhuc credatur, quemadmodē ex opinione Gentilis retulit Socinus in dicta lege Gallus: quam sententiam probat quoque Iacobus Menochius, vir nostra ætate non tantum iuris, sed omnium etiam bonarum artium cognitione clarissimus. Si quidem vt inquit Marius Salomonius in dicta lege Gallus, etsi natura perfecte agat, aliquando tamen non potest tam repente agere, quin plus tēporis in suo opere perficiendo absumat. Atque id fortasse innuit Aristoteles, cum agēs de incerto pariendi tempore, mulieres nonnullas vndecimum mensem attingere scribit. Quamuis ex Hippocratis nostri sententia, ne decimi quidē mensis dies omnes tempestiui sint ad pariendum, sed decem priores ceteris omnibus præstent; cum foetus tunc temporis iustum ac legitimum hebdomadarum numerū (decades scilicet quattuor) sit consequutus, vt antea dictum est.

Lib. de hom. procreat.

Lib. de septi. par.

Lib. 2. epide. par. 3. com. 36.

Lib. de septi. par.

Lib. 2. de arb. iud. cent. 1. cas. 89.

Lib. 7. de hist. anim. cap. 4.



Ac quoniam de naturali legitimoque partu satis iam diximus, ad reliquos A  
 qui ab hoc recesserunt, nostra conuertatur oratio. Est autē illud in primis ma-  
 xime difficile & controuersum, possit ne legitimus partus ultra decimū men-  
 sem protrahi. Aristoteles quidem (vt paullo ante diximus) vndecimum interdū  
 mentem attingere scripsit: quod ad primos dūtaxat vndecimi mensis dies retu-  
 lisse est vitus. Plinius vero vndecimē tres partus accidere posse confirmat exē-  
 plo Vestiliæ, C. Herdicii, & postea Pōponii atq. Orfiti, clarissimorum ciuium,  
 coniugis, quæ Suillium Ruffum vndecimo mense peperit. Refert quoque Gel-  
 lius, M. Varroñē lib. 14. rerum diuinarum tradidisse, posse aliquando hominē  
 vndecimo mense nasci; parique proinde eodemq. iure esse in decem & in vn-  
 decim mensibus natos; vt verba ea significant, quæ ex Varronis satyra, quæ Te-  
 stamentum inscripta erat, idem Gellius transcripsit. Qui id quoque memoriæ  
 prodidit suis temporibus Romæ euenisse, foeminam scilicet bonis atque hone-  
 stis moribus, nec ambigua pudicitia, vndecimo mense post mariti mortem pe-  
 perisse; factumque esse negotium propter temporis rationē, quasi marito mor- B  
 tuo concepisset, quoniam Decemui in decimo mense hominem gigni, non in  
 vndecimo, scripserant; sed diuum Adrianum causa cognita decreuisse, in vn-  
 decimo quoque mense partum edi posse; idque statuisse requisitis veterū phi-  
 losophorum ac medicorum sententiis. Quod Adriani decretum recentioribus  
 Lib. 3. parad. quoque Iureconsultis placuisse video, præsertimque doctissimo Andrea Al-  
 cap. 7. & 1. to. ciaro, qui Adrianū sequutus, in Iustinianum paullo acrius inuehitur quod in. §.  
 pare. g. cap. 2. ult. in auth. de restit. & ea quæ parit in vndecimo mense, vndecimē tres foetus  
 ab omni iure hæreditario prorsus excluderet. Medici vero (ad quos harum rerū  
 observatio potius pertinere videtur) non minus quam Iurisperiti dissentiant,  
 concedentibus aliis, aliis vero negantibus ultra decimū mēsem partum pro-  
 trahi posse. Neque id profecto mirum, cum medicorum princeps Hippocrates C  
 nequaquam sibi conitare, sed varia, immo contraria de hac re scripsisse videa-  
 tur. Nam libris de septime. & octime. par. vndecimē tres foetus admittit; at lib.  
 de nat. pu. eosdem omnino negat. Vnde factum est, vt non pauci recentiorum  
 medicorum rem sic distinxerint, si partus, inquit, naturalis sit, & foetus vali-  
 dus, nono aut decimo mēse expectandus est; si vero ita debilis sit foetus, vt ne-  
 que exitum tentet, neque vlla offensione vterum irriter, in lōgius tempus pro-  
 trahetur: qui proinde naturalis non erit, legitimus tan. ē. lam vero quod in mē-  
 sem duodecimum partus differri possit, ex his Homeri carminibus confirmari  
 solet, quibus puellam a se nuper compressam Neptunus alloquitur,

Gaude hoc complexu, nam cum se voluerit annus,

Formosum filium paries, &c.

Quin & suos fautores habet mensis decimustertius, nā vt refert Plinius, au- D  
 ctor fuit Massurius, L. Papyriū prætorē, secundo hære de lege agēte, bonorum  
 possessionem contra eum dedisse, cum mater partum se tredecim mensibus tu-  
 lisse diceret; quod nullum certum tempus pariendī statutum videretur. Fidem  
 quoque his facit Hieronymus Cardanus qui patrem suum decimostertio mēse  
 natum fuisse testatur. Et Auicenna a quodā fide digno se accepisse scribit, mu-  
 lierem quandam post decimumquartum mēsem peperisse. Neque (si Diis pla-  
 cet) fortasse deerunt, qui vt mulieribus patrocinentur, partum protrahāt in biē-  
 nium. Porro quam arduum sit atque difficile, in re tam ambigua & controuersa  
 iudicium ferre, is sane certo intelliget, qui tantam opinionum varietatem, tan-  
 tamque grauissimorum hominum dissensionem animaduenerit. Doctis igitur  
 relicto

Lib. 7. de nat.  
hist. cap. 7.

Lib. 1. cōtrad.  
2. ec. 3. cap. 8.  
Lib. 9. de nar.  
anim. cap. 5.



- A** relicto huiusmodi iudicio, id tantum nobis pronuntiare liceat hoc loco, vetustissimi Hippocratis de hac re sententiam maxime probandam esse, qui lib. de nat. pu. decimum mensem commendat, tanquam maxime naturalem & humano partui destinatum; negatque apertissime, vltra decem menses foetus gestari posse; simulque rationem reddit, cur mulieres quibus visum est se plusquam decem menses vterum tulisse, aliquando fallantur. Accidit enim interdum, vt propter occasionem aliquam menses suppressi, aut etiã vteri tumor ex flatu inclulo natus, aut etiam vtrumq. simul conceptus suspicionẽ mulieri inferat; quæ postea grauida facta, a die suppressorum mensium supputationem incipiens, se peperisse affirmet mense vndecimo. Vnde etiam intelliges, quid respondere illis oporteat, qui vel suo, vel alieno experimento persuasi, aliis etiam tequẽtibus mensibus partum accidisse restantur. Fieri namque potest, vt foetus reuera
- B** nouimestres, aut decimestres, sequenti quopiam mense editi credantur ob falsam computationis rationem, putãtibus scilicet mulieribus se ob prædictas causas vtero gerere, antequam reuera conceperint. Quod si incertum pariendi tẽpus, quod veteres omnes philosophi in homine statuerunt, nobis obiciat; hæc incertitudinem intellige, ad dierum, non autem ad mensium numerum referẽdam esse, vt ex eodem Hippocrate supra docuimus. Si vero rursus obicias imbecillitatem foetus, qui neque copiosiori nutrimento indigeat, neque inspiratione frigidiori, proindeque exitum non tenter; ne sic quidem in vndecimum mensem partus incidet; irritabitur enim vterus, vel quod nõ possit foetus amplius capere, vel tantum pondus amplius sustinere. Sed nõne Hippocrates vndecimestres partus concessit lib. de octim. par.? Nonne & lib. de septime. par.
- C** priuatim scripsit, non esse derogandam mulieribus fidem, quæ & decimestres, & vndecimestres foetus gestari fatentur? Ita sane, indigent tamen explicatione hæc loca, quæ manifeste cum iis pugnare videntur, quæ ex eodem Hippocrate lib. de nat. pue. sunt tradita. Sunt qui hæc loca componant ex mensium diuersitate, ita vt quæ scribuntur lib. de nat. pu. intelligenda sint de mēsibus solaribus, quæ vero lib. de septim. & octim. par. de mensibus lunaribus: hæc enim ratione fiet, vt foetus vndecimestres tẽporis spatio nõ differant à decimestribus. Quippe cum demonstratum sit partũ maxime naturalem diebus biscentũ & octuaginta accidere; si hos dies ad mensium numerum reuocaueris, efficiuntur haud dubie menses solares nouem cum decẽ amplius diebus; & mēles lunares peragratiõis decem septemque dies. Quamobrem qui foetus nascetur septimo die vndecimi mensis lunaris, is vere nasci dicetur die decimo decimi mēsis solaris. Quod si menses potius ciuiles spectes, octuagesimo supra ducentessimũ diem natus, vndecim lunas attinget, & decies mulieri menstrua defecisse oportebit: potissimum si post plenilunium conceperit. Alii vero qui solos menses ciuiles ab Hippocrate obseruatos fuisse credunt, vndecimestres foetus à decimestribus tẽporis spatio nequaquam differre asserunt, quoniam extremos mēses, primum scilicet & vltimum, non voluit Hipocrates integros esse in vndecimestribus: cum tamen in decimestribus primus quidem mensis integer sit, postremus tantum medius. Quo pacto ab eodem Hippocrate dictum fuisse affirmant, decimestres foetus & vndecimestres ex septem quadragenariis eodem modo fieri. Vnde tandẽ colligunt, decimestres foetus & vndecimestres eo tantum nomine differre, quod hi peractõ Lunæ oppositionis aspectu (quem plenilunium vocāt) concipiantur, illi vero ante. Qui plura de hac re scire volet, legat Petrum Iacobum Steue lib. 2. epid. part. 3. com. 36. & Petrum Peramatum lib. de hom.

Lib. de octim.  
par.



de hom. procreat. Nos vero qui eos libellos de septim. & octim. par. Hippocra- A  
 ti falso a scriptos non abs re suspicamus, dum doctiorum de hac re expecta-  
 mus iudicium, de locorum repugnantia non admodum solliciti, iisque interim  
 contenti quæ lib. de nat. pu. scribuntur, quem tanquam Hippocratis germanum  
 Galenus ceterique medici sine controuersia admittunt, solos nouimestres, de-  
 cimestresque partus, tanquam perfectos, naturales, legitimosque amplectimur;  
 vndecimestres autem prorsus excludimus, nedum duodecimestres, & reliquos  
 qui supra hos sunt. Nam quod de annuo partu adferunt ex Homero, de anno  
 tantum affecto, non confecto, ex Phauorino interpretatur Gellius. Quare Iu-  
 stiniani Imperatoris decretum, tanquam Hippocrati, rationi, experientiaque  
 maxime consentaneum, omnino probamus, quo sane nimia licentia, delinquē-  
 dique occasio mulieribus adimitur. Id ipsum quoque seruasse Athenienses, tum  
 ex aliis constat, cum potissimum ex iis quæ scribit Plutarchus in vita Alcibia-  
 dis, Agidem scilicet regem Lacedemoniorum, non tam accusatorum crimini- B  
 bus, quam tempore esse adductum, vt violatam Timeæ vxoris pudicitiam cre-  
 deret. Cum enim relicta in vrbe coniuge, decē continuos mēses abfuisset, post  
 hoc tempus natum Leotychidem, suum filium esse negauit; qui veluti à regio  
 sanguine alienus, successionē regni exclusus est. Et quamuis fieri possit (neque  
 enim id naturæ repugnat) vt vltra decem menses partus protrahatur; rarissimum  
 tamen id est, neque ipsius habenda ratio in legibus constituendis. Vtilissimum  
 itaque fuit, immo necessarium, ne multa magnaque sequerentur incommoda,  
 tempus à Iureconsultis definiri, in quo definiendo spectandum fuit, non quod  
 rarissime, sed quod vt plurimum accidere solet; quæ fuit doctissimi Francisci  
 Duareni sententia in explicat. l. Gallus ad fin. princ. de lib. & posth.

De breuioribus partibus, qui scilicet nonum mensem non attingunt, minor  
 est controuersia, cum certum sit, & ab omnibus concessum, octimestres & septi- C  
 mestres legitimos esse; eoque nomine differre, quod septimestres foetus vita-  
 les sint, octimestres autem nō viuant. Id quod significauit etiam his verbis Hip-  
 pocrates, Ad partum ducenti quadraginta dies, non est, & est: quo sane dierum  
 numero octauum mensem significat, in quo natum foetum esse & nō esse dixit;  
 esse quidem, quia in lucem prodit; non esse vero, quia non est vitalis. Sic nam-  
 que hunc locum olim explicauit Sabinus, Hippocratis interpres, vt refert Gel-  
 lius, citatis eiusdem Sabini verbis. In Aegypto, & quibusdā aliis locis, vbi mu-  
 lieres sunt foecundiores, octimestres viuere, & adlescere scribit Aristoteles,  
 in Græcia vero per paucos seruari, indeque fieri, vt si seruetur quispiam, octauo  
 mense natus minime credatur; octimestris tamen iudicetur, quod mulierem la-  
 tuerit conceptionis initium. In Italia & Hispania rarissima sunt octimestris fœ- D  
 tus superstitis exempla. Est apud Plinium illud Cæsoniæ Caii principis coniu-  
 gis, quam Vestilia octauo mense peperisse traditur. Sunt & alia quædam apud  
 recentiores, veluti Christophorum Marcellum, & Petrum Peramatum: nisi for-  
 tasse iis qui mense octauo nati perhibentur, illud acciderit, quod ex Aristotele  
 ante annotauimus. Ceterū cur septimestres foetus vitales sint, octimestres ne-  
 quaquam, difficillimum est explicare. Pythagorici qui numerorum vi credide-  
 runt omnia perfici, ad numerorum dignitatem huius rei causam retulerunt. Cū  
 enim septenarius maximæ inter numeros dignitatis sit atque præstantiæ, (vt  
 pote qui primus ex mare & foemina, ternario scilicet & quaternario coagmen-  
 tetur) ad foetus ab utero egressum, ipsum in primis accommodatissimum esse a-  
 iunt; deinde vero nouenarium, qui ex mare & foemina, nō secus ac septenarius  
 constat

Lib. de alimen.

Lib. 7. de hist.  
anim. cap. 4.



- A** constat, quinario inquam & quaternario. Octonarium vero omnino infœcundū esse prædicant, quod imperfectissimus ipse sit, & numerus fœminaria inbecillis, ut nullam maris secum mixtionem admittat, Altiœnomy ex eo locum exponit, potissimumq. planetarū influxu hæc omnia pendere affirmat, cū inferiora hæc corpora (potissimumq. cōceptus in utero fœtus) à superioribus illis maxime immurentur. Singulos itaq. planetas mēsis singulis miro cū ordine cœtui præesse dicunt; ita ut Saturnus omnium supremus, fœtū primū simulat, postea Iupiter, Mars, Sol, Venus, Mercurius, ac tandē Luna planeta ū. omnium infima. Quoniā vero septimo mense a septem planetis (a Lunaq. potissimum, quæ fœtui semper quantum potest, est propitia) variis muneribus affectus elucet, & numerus omnibus absolutus, exitum affectus in lucē prodire nitatur. Hæcque in lucem prodierit, vivet, quia perfectus cum sit, aliud nihil de fœdere videtur. Si vero irritus fuerit pueri conatus, cogaturq. octulum mense in exspectare; ad se iterum reuertentem Saturnum lentit, qui maligno tetricoque aspectu bonis omnibus fœtum spoliatur, ad morbumque rursus ineptū addit. Quare si aliqua pariendi occasio tunc temporis accesserit, cōstitutū fœtus emouet. Nos tamē ut cœlestiū corporum in hæc inferiora influxum libetèr admittimus, ita in sola superiorum causarū cognitione quiescere, illudq. solis res tentat tribuere, medico ac philosopho prorsus indignū esse censemus; contra sententiā maxime probamus, qui superioribus causis minime neglectis, inferiores quoq. inuenire tentant. Quidam igitur ex proportionē temporis formationis motus, & partus, causā inueniendam esse volunt; quoniam ut colligitur ex Hip. Lib. de
- C** tempus motus ad formationis tempus est duplum, tempus vero partus ad tempus motus triplū. Cū autē formationis tempus plurimū variet, tempora motus & partus similiter variare necesse est. Atqui diebus triginta quinque, aut quadraginta quinque, aut quinquaginta, fœtus formationē perfici decuit idē Hip. ergo in iis qui formantur diebus triginta quinque, incipit motus die septuagesimo, & incidet partus die ducētesimo decimo, qui septimi mēsis est finis. Quod si formatio fiat quadraginta quinque diebus, nonagesimo die incipiet moueri fœtus, prodibitq. in lucē die ducētesimo septuagesimo, qui nonū claudit mensem. Si vero diebus quinquaginta fœtus formetur, centesimo die mouebitur, & trecentesimo parietur, extremo scilicet mense decimo. Hinc ergo fieri aiunt, ut fœtus decimestres, nonimestres, & septimestres, vitales sint, quia proportionē respondent tribus illis formationis temporibus, quæ sunt omnino secundem naturam; octimestres autem vitales esse negant, quia ad ea formationis tempora nullam seruant naturalem proportionem. Siquidem octimestris fœtus die ducentesimo quadragesimo nascitur, & octogesimo capit moueri, formationēque obtinuit die quadragesimo; qui tamen naturalis nō est formationis terminus. Aliis hæc ratio non placet, ob eā quam præ se ferre videtur incertitudinē ac inconstantiam; alteramq. ex Hip. assignant, qui partum veluti crysīm quandā imprægnationis esse verissime dixit. Quoniam vero imprægnatio affectio diuturna est, per mēses & quadragenarios, potiusquā per dies iudicari, necesse erit: licet mēses & quadragenarii viribus ac proportionē diebus decretoriis respōdeant. Quēadmodū ergo septimus dies decretorius est, octauus minime; ita & septimo mēse vitalis fœtus critice in lucē prodit, octauo nequaquā. Eadē est & quadragenariorū ratio. Nā ut septimus dies in morbis acutis, ita in gravidis septimus quadragenarius qui nono mēsi respōdet, maxima pollet iudicandi



Ac rursus vt quinctus dies futuram in septimo crysim aliquando intercipit; A  
 ita & in grauidis quinctus quadragenarius qui septimo mense respondet, partū  
 septimo quadragenario, id est nono mense, futurum intercipere solet. Et tandē  
 vt in acutis sextus dies pessimus est decretorius, qui veluti tyrānus ægrotantem  
 perpetuo perimit; ita & sextus quadragenarius tyrānidē excercens in grauidis,  
 aut foetum solū, aut foetum simul cum matre plerunq. perdit. At qui sex quadra-  
 genarii menses octo constituunt, quare octimestres foetus viuere non poterunt.  
 Sed quoniā tota hæc ratio pendet ex causis dierū decretoriorū, quæ sane ob-  
 scurissimæ sunt, & cognitu difficillimæ, aliā faciliore excogitarūt alii ex eodem  
 Hippo. Foetum inquit isti, septimo mense iā maturescētē, pollentemq. insigni  
 ni robore, exitū ab vtero (vt experientia monstrat) appetere, atq. in id collucta-  
 ri plurimū; produci autem in lucē, si validus sit ac robustus, ac propterea viue-  
 re. Quod si conatu laboreq. frustratus, tūc minime egrediatur, natiuā imbecil-  
 litatē indicat, quæ ex valido eo motu insigniter augetur. Ad instaurādas autem B  
 collapsas vires, quadraginta saltē dierū spatium necessarium esse monstrat ex-  
 perientia; qui sane incidūt in nonū mensem, in quo felices partus cōtingunt. Hos  
 igitur si nō expectet foetus, aut vtero ab aliqua occasione irritato, octauo mē-  
 se rursus laborans, foras exire cogatur, vitalis non erit; quia impossibile est (vt  
 Hippocratis verbis vtat) foetum ferre posse duas consequenter succedentes af-  
 flictiones,

An vero partus septimestri breuiores cū vitali foetu cōtingere possint, dubiū  
 est. Hippo. & Arist. dari posse negant, Auicenna tamen puerū quendā sexto mē-  
 se natum, superuixisse refert. Et apud recentiores medicos, potissimumq. Hie-  
 ronymuū Cardanum & Petrum Peramatum, historiæ exstant, quibus & sexto C  
 & quincto mense natos superstites fuisse testatur: idque expressis & natorum &  
 parentum nominibus: de qua re lege quoq. Marcellū Donatum. Ego sane quod  
 Lib. 4. de med. hist. mirab. cap. certo de his affirmare possim habeo nihil, nec si haberem, in re difficili atque  
 23. ancipiti pronunciare auisim. Vix tamē (vt ingenue fatear) adduci possum vt ere-  
 dam, vitalem foetum ante septimū mēsem nasci posse: quamuis maxima sit expe-  
 rientia vis ad fidem faciendam, dummodo omnia, vt par est, diligenter exami-  
 nentur. Adde quod interdum septimestris foetus quincto aut sexto mense natus  
 credatur, quando scilicet mulieri vtero genti semel aut bis menstrua superue-  
 nerunt. Facta namque supputatione à mensruis suppressis, partus fortasse quin-  
 cto aut sexto mense contigisse censebitur, qui reuera septimestris erit à primo  
 conceptionis die. Porro licet nō omnino naturæ repugnet eiusmodi partus fie-  
 ri, cum tamen sint veluti rara eiusdē naturæ miracula, sub legem cadere nō pos-  
 sunt, quemadmodum dictum est de vndecimestribus. D

*Qui tota quidem ceruice conuiuet, complectitur autem foetum vndique vna  
 cum secundis: estq. tū oris conuiuentia, tū moræ foetus in vtero finis, ipsa actionis  
 utilitas. Neq. enim temere aut sine ratione condidit vterū natura, ad complectē-  
 dū, retinendūq. foetum sufficientem, sed idcirco vt quod gestatur ad debitā per-  
 ueniret magnitudinē. Ergo vbi id completū est cuius gratia retentiuā potestate  
 vterus est vsus, vtique hanc inhibet, ac cessare facit, propultrice quæ hæc lenus  
 quieuerat, loco eius assūpta. Sane erat & quietis huius facultatis finis ipse vsus;  
 vtpote*



**A** utpote quo excitante agat, non excitante quiescat. Licetque rursus hoc loco naturæ artem intelligere, quæ singulis instrumentis non solum vtilium actionum facultates inseruit, verum etiam quietis & motionis opportunitatem prævidit. Siquidem succedentibus rite omnibus quæ in utero sunt, expulsoia vis veluti nulla sit, ita omnino quiescit: imprespere autem cedentibus vel circa secundas, vel circa ceterarum quampiam membranarum, vel circa ipsum qui gestatur fœtum, ac desperata prorsus eiusdem perfectione, non amplius expectat uterus nouem mensem temporis moram; immo retentrix facultas statim ab opere desistit, & ei quæ prius quieuerat, moueri concedit. Porro agit iam, ac molitur salubre aliqui expulsoia propulsoiaque vis, ita enim & hanc appellarunt, ab opere scilicet, sicut

**B** & aliis, illi quoque neminibus impositis. Videturque disputatio nostra de ambabus simul demonstrationem adlatura, quippe cum sibi mutuo succedant, & altera reliquæ cum vsus postulat, semper cedat, etiam communem eas doctrinam sortiri non est absurdum.

Cum fœtus nouem plerumque mensibus in utero perficiatur, retentricæ facultatem in eo demonstrare erit facillimum, quemadmodum & expultricem. Agunt enim ambæ istæ facultates in utero, non fortuito aut temere, sed miro quodam ordine ac industria, ita ut sibi mutuo in agendo succedant, quasi mutuam sibi præstent operam. Siquidem agente retentrice, expultrix quasi nulla esset, nouem mensium spatium quiescit, quæ rursus ad agendum excitatur, cum primum illa ab agendo cessat: utpote quæ propter vsum agant. Retentrix quidem, ut ex semine gignatur fœtus, isque postea ad iustam magnitudinem perueniat; expultrix vero, ut perfectus iam fœtus in lucem emittatur. Quo fit, ut tamdiu in agendo retentrix persistat, quamdiu fœtus perficitur, & augetur; cum primum vero perfectionem adeptus est cœrus, tunc primum expultrix agere incipiat. Atque hæc quidem iuxta præscriptum naturæ ordinem, legitimumque parienti tempus, in partu naturali fieri observamus. Si vero aut utero, aut membranarum fœtum involuentium aliqua, aut etiam fœtu ipso male habente, desperata sit ipsius perfectio; cessante hoc vsu, simul quoque cessat retentrix; & hæc rursus quiescente, opus suum expultrix aggreditur, ex cuius actione sequitur abortus. Ex iis quæ hoc loco docuit Galenus, facile intelligitur eorum medicorum error, qui facultates naturales propter vsum agere negant. E quorum etiam

**D** numero videtur fuisse Vallesius, qui inter facultates naturales & vitalem id statuit discriminis, quod hæc pro ratione indigentia agat, illæ vero pro ratione proportionis quam habent actio & resistentia, usque ad vltimum potentia (ut ille loquitur) operentur, nulla ratione in modo actionis finem respiciente.

At retentricis virtutis opus est prægnantium uteros undique contrahere, ut non immerita contrectantibus obstetricibus os eorum commuere videatur. Iam vero prægnantes ipsæ primis diebus, potissimumque eo ipso quo semen est conceptum, moueri, ac in seipsum concurrere uterum sentiunt. Quod si ambo hæc incidunt, ut & os uteri citra phlegmonem, aliumve affectum commueat, &



sentiatur deinde succedere vteri in seipsum motus; iam semen a mare & cepis- **A**  
 se se mulieres existimant, & retinere censent. Neque nos ista modo illis confin-  
 gimus, sed longo usu comprobata, ab omnibus fere qui de his differuere, sunt pro-  
 dita. Herophilus certe neque hæc scribere est grauatus, ne specilli quidem mu-  
 cronem admittere vteros, antequam mulier pariat; præterea ne vel minimum  
 quidem hiscere, vbi conceperint; laxius autem recludi, cum menses profluunt.  
 Huic adstipulantur & reliqui omnes qui de his tractauerunt, primusque omnium  
 non medicorum modo sed etiam philosophorum Hippocrates, conuiuere os vte-  
 ri, tum conceptibus, tum phlegmonis, pronunciauit; ceterum in conceptibus ser-  
 uato naturali habitu, in phlegmonis vero in durum mutato.

Duo hæc sunt certissima conceptionis indicia, ex quibus recte demonstrat **B**  
 facultatem vteri retentricem. Primum est vteri in seipsum contractio, quam  
 primis statim diebus, potissimumque eodem quo conceperunt die, exercita-  
 tæ mulieres solent manifeste percipere. Atqui is contractionis motus fit obli-  
 quis vteri fibræ contractis, quæ (vt postea dicemus) facultati retentrici vsum  
 præbent. Contrahitur autem vterus, vt conceptum semen omni ex parte arctis-  
 sime amplectatur, non secus ac ventriculus circa cibum contrahi solet. At-  
 que ita fit, vt tunc temporis se concepisse putent mulieres, quando masculi-  
 num semen in coitu emissum, foras non effluxit, & vterus in seipsum cōtrahitur.  
 Contra vero si non retineatur semen, sed foras effluens muliebri pudendū ma-  
 defaciat, nulla esse solet conceptionis suspicio; præsertim si neq. moueri, neq. **C**  
 in seipsum contrahi vterus sentiatur. Alterum indicium, idque certissimum, est  
 orificii vteri conuiuentia, quam digito in vteri ceruicem immisso facile depre-  
 hender obstetrix; in iis enim quæ nō conceperunt, laxū sentitur vteri orificium;  
 id quod a vetustissimis illis medicis olim obseruatum fuisse constat. Herophi-  
 lus namque id priuatim scriptum reliquit, vteri orificium ne vel minimum qui-  
 dem hiscere in prægnantibus, laxius autem recludi, cum menses profluunt: &  
 rursus in grauidis ita arctari vteros, antequam pariat, vt ne specilli quidem mu-  
 cronem admittant. Et Hippocrates philosophorum omnium ac medicorū pri-  
 mus id annotauerat, ita in Aphorismis scribens, Quæ ventrem ferunt, his vteri  
 os conuiuet. Verum quoniam hæc vteri conuiuentia commune signum est cō-  
 ceptus & tumoris cuiuspiam præter naturā (vt scirrhī, aut phlegmones) in vte-  
 ro aborti; huius rei distinctionem postea adiunxit, dicens, Quibus os vteri du-  
 rum est, iis arctetur necesse est: quasi velis ex duritie aut mollitie oris vteri hæc **D**  
 distinctionem pendere; grauidis enim conuiuet, & molle est, quale secundum  
 naturam esse solet; iis vero quæ tumore infestantur, cum duritie clausum sentitur.  
 Quare si hæc tria simul conuenerint, vt semen in concubitu emissum, foras nō ef-  
 fluxerit, primisq. statim diebus vterū cōtrahi senserit mulier, immissoq. digito  
 vteri orificiū citra duritiē clausum, arctatumque obstetrix inuenerit; certissima  
 sunt, & nusquā fallacia cōceptus indicia. Hæc si (vt par erat) obseruarent nostræ  
 obstetrices, nō vsque adeo insanirēt, vt partū aliquādo instare iis dicāt, quæ so-  
 lū statū parere possūt. Sed harū ignoratiā miserationē, superbia vero suppliciū  
 meretur, vtpote quæ neque boni quidpiā à magistris sibi similibus didicerint,  
 neq. à doctis medicis doceri patiātur. Sūt & alia signa cōceptus, ab Hippo. &  
 Aristot. tradita; qualia sunt, vteris tormina ex crudæ mulsæ potu, quæ dormitu-  
 ræ mulieri sit exhibita; menstruæ purgationis suppressio sine horrore aut febris  
 cibi

Aphor. 51. li. 5.

Apor. 54. li. 5.

Lib. 5. apho. 41  
& 61.

Lib. 7. de nat.  
anim. cap. 4.



**A** cibi fastidium; totius corporis grauitas; oculorum caligines; capitis dolores nausea; vomitus; & pica: quæ tamen hoc loco scripta sunt, sunt omnium certissima, potissimumque oris vteri conniuentia citra duritiem. Neganda tamen superfoetatio non est quod vteri os grauidis conniueat, referatur enim coeuntibus, ac rursus post concubitus clauditur, siue denuo conceperint, siue non.

*At sub expultrice quæ contraria iam dicta facultas est, os quidem eius aperitur, fundum autem vniuersum quam potest proxime ad os descendit, fœtum propellens foras. Vna vero cum fundo etiam quæ continentes partes sunt, quæ scilicet veluti latera totius instrumenti sunt, suppetias in toto opere ferentes, trudent, propelluntq. fœtum foras vniuersum. Non paucis quoque mulierum quæ utique*  
**B** *immodice huiusmodi facultate sunt vsa, violenti dolores totum vterum excidere subegerunt: simili quodam in his accidente, ei quod in lucta & contentione sæpe visitur, quando qui alteros euertere, deiicereq. nituntur, ipsi vna concidunt. Ita namque vterus dum fœtum excludit, ipse aliquando simul excidit: potissimum cū eius ad spinam ligamenta naturaliter sunt laxa. Est porro & illud miro naturæ consilio prouisum, quod viuente fœtu vteri os ad vnguē conniuet, mortuo vero tantum statim aperitur, quantum ad exitum sit ex vsu. Quinetiam obstetrices ipsæ non illico parturientes surgere iubent, nec in sella collocant; immo prius os vteri quod paulatim se aperit, tangunt. Ac primum quidem sic vt paruum digitum in id dimittas, hiscere dicunt; postea vero etiam magis; parua autem interposita mora percontantibus nobis respondent, dehiscētis eius modum auctum. Postea vero quam ad fœtus transitum satis patet, surgere mulierem iubent, & in subsellio collocant, ac ad expellendum strenue fœtum se paret, adhortantur. Est porro id opus quod a seipsis præstant parientes, non vteri, sed musculorum qui sunt in abdomine, qui scilicet tum ad deiectionem, tum ad reddendam vrinā nobis sunt auxilio. Atque ita quidem in vtero duæ iam memoratæ facultates apparent.*

**D** *Quemadmodum facultatem vteri retentricem ostēdit conceptio, ita & parus eiusdem expultricem optime demonstrat. In partu autem hæc duo euidenter apparent, vt orificium vteri quod arctissime claudi antea diximus, sensim aperiat, ipsius vero fundum vna cum lateribus ad os ipsum descendat. Aperitio quidem sit obliquis vteri fibris quæ antea contrahebantur, laxatis, cessante nimirum a sua functione facultate retentricem; fundi vero laterumque vteri descensus facultatis expultricis est opus, quod fibris trāsuersis contractis perficitur. Atque ita fit, vt infernis vteri partibus laxatis, supernis vero valide compressis, fœtus cum impetu foras propellatur. Solet quoque & ex partu interdum relinqui vteri procidentia, quæ eandem vim expultricem certissime ostendit. Fit namque ex valido qui inter pariendum editur conatu, præsertim si vteri ligamenta quæ sunt ad spinam, fuerint natura laxiora. Accidit enim vtero quod luctatoribus accidere quotidie experimur, nam*



ut horum alter, qui scilicet valentior est, dum alterum deiicere conatur, simul **A**  
& ipse prosternitur; ita & vterus dum foetū expellere nititur, vna cum foetu for-  
ras prolabitur. Neque vero in naturali partu hæc tantum eueniunt, verum etiā  
in abortu, desperata namque foetus perfectione, & retentrix facultas similiter  
oriatur, & expultrix similiter excitatur ad agendum. Porro quod instante partu  
referetur vteri orificium, diligenti obstetricum obseruatione cōprobatum est;  
quæ ut partus horam cognoscant, immisso in vteri ceruicem digito scrutari so-  
lent, connineatne adhuc vteri os, an potius referari incipiat. Aduentante autem  
partu, sensim paulatimque aperiri sentiunt, ita ut minimum dumtaxat digitum  
possit admittere; postea vero magis dehiscere, donec tandem exeunti foetui a-  
ditus pateat: quo tempore surgere parturientem iubent, atq. in subsellio col-  
locant, ad expellendumque strenue foetum adhortantur. Latent in his Galeni  
verbis duo præcepta instante partu diligentissime obseruanda. Alterum est, ut  
parturiens aut sedeat, aut iaceat, donec vteri os aperiatur. Alterum est, ut rese- **B**  
rato vteri orificio, parturiens surgat, atque in subsellio ad pariendum idoneo  
collocetur. Atqui nunc contra passim & ab obstetricibus, & à medicis fie-  
ri videas, qui parturientem plerumque deambulare præcipiunt, partū hoc no-  
mine faciliorem reddi putantes; vbi vero iam instat partus, ipsam potius in le-  
cto continent. Præstat tamen, dum vteri os clauditur, parturientem quiescere,  
ne motus occasione vires debilitentur: reserato autem vteri orificio, parturien-  
tem surgere satius est, atque in subsellio collocari, (nisi id prohibeat viriū im-  
becillitas) ut firmatis in terram cruribus validiores conatus edat, & vteri cer-  
uice prona existente, facilius multo foetus deorsum feratur. Aduertit tādē ex-  
tremo hoc capite, opus id quod à se ipsis præstant parturientes, vteri opus nō **C**  
esse, sed musculorum potius abdominis: quod tamen difficile videtur, cum di-  
ctum antea sit, partum opus esse facultatis expultricis vteri. Dicendum tamen,  
in partu multiplex actionum genus inueniri, præbet namque partui initium ip-  
semet foetus, qui, ut inquit Hippocrates, dum in vtero continetur, quod in san-  
guine dulcissimum est ad se trahit, lactisque simul portione aliqua fruitur. Vbi  
vero auctior factus, & copiosiore nutrimento, & frigidiori inspiratione indi-  
get, tunc exitum quærens mouetur, ac calcitrat, donec membranas quibus in-  
uoluitur, disrumpat, qui motus voluntarius est, proindeque animæ actio. Eo au-  
tem tempore cum neque foetum capere, neque pondus amplius sustinere vte-  
rus possit, ad foetum propellendum excitatur: quod sane solius naturæ est opus,  
facultatis scilicet expultricis. Hanc vero vteri expulsionem abdominis muscu-  
li maxime iuuant, quorum beneficio validos illos conatus edunt parturientes  
ab adstantibus monitæ: qui itidem motus voluntarius est, cum a musculis perfici- **D**  
ciatur. Quare non immerito partum quidam, non secus ac alui deiectionem &  
vrinæ redditionem, mistam actionem esse affirmarunt.

Li. de nat. puc.

### C A P. II II.



*N* vtre vero ad hūc modū. Primū quidē ex fluctuātis humoris soni-  
tu, qui medicis imbecilli vtris symptoma creditur, & certe rationa-  
biliter creditur. Interim enim cū minimū ciborū assūpsimus nō fit, cō-  
plectēte prorsus eos vtre, ac vndiq. cōstringente; interim plenus ci-  
bo vter est, sonitus tamen fluctuātis in eo humoris veluti ex vacuo exaudiūtur.

Cum



- A** Cum enim pro sua natura se habet, ac constrictoria vi rite vititur, quamlibet exiguum sit quod in se continet, totum id vndique complexus, nullum vacuum relinquit locum: cum imbecillus est, quacunque parte exacte completi assumpta non valet, hic laxum quoddam spatium efficiens, permittit, ea quæ in se continet humida, præ figurarum varietate ex alio loco in alium transire, ac fluctuationum sonitus edere. Rationabile itaque est, qui hoc symptomate laborant, ne concoctionem quidem sufficientem sperare: neque enim potest qui imbecillus venter est, probe concoquere. Porro talibus etiam diutius in ventre manere gravitas videtur, quod videlicet tardius concoquunt. Iam mirari licet in his ipsis maxime diuturnam in ventriculo moram, non ciborum modo, verum etiam potionis. Non enim sicut existimaverit quispiam, cum ventris os inferius angustum prorsus sit, nihil id sinere abire, quoad exacte læuiget, hæc vera causa est. Non pauci enim ossa fructuum valde magna, sæpe plurima deuorant; iam anulum quidam aureum quem ore tenebat, imprudens deglutiuit; alter vero nummum: alius aliud durum quoddam, & quod confici non potest. Attamen hi omnes facile excreuerunt ea quæ deuorassent, nullo illis superueniente symptomate. Quod si meatus ventriculi angustia causa esset diuturnæ in eo parum comminuti cibi moræ, nihil sane horum pertransisset. Quinetiam quod potio ipsa longo spatio illis in ventriculo moretur, satis fuerit quod eos a suspitione de meatus angustia abducatur. Omnino enim si causa celeris egressus esset ipsa transmutatio in succum perfecta, utique & sorbitiones, & lac, & ptisanæ cremor, in omnibus illico transirent. Verum secus est, nam qui imbecilli sunt, his diutissime hæc innatant, & fluctuationes cum sonitu, dum morantur, excitant, ventriculumque premunt pariter & grauant: qui validi sunt, his adeo nihil horum incidit, ut etiam panis & carnis magna copia facile descendat. Sane non solum ex eo quod vndiqueensus sit & grauatus ventriculus, ac quæ in eo sunt alias in aliam partem cum sonitu fluctuent, morari diutius in eo quæ assumpta sunt, iis qui ita se habent, possis coniecere, sed etiam ex vomitionibus. Siquidem sunt, qui non dico post tres quattuorve horas, sed etiam media nocte, cum multum intercessisset a cibo tempus, omnia prorsus quæ sumpsissent, vomuerunt. Quinetiam si animas quoduis humido expleueris cibo, veluti ipsi in suis subinde sumus experti, ex farina atque aqua velut miscellam ipsis obicientes, deinde post tres quattuorve horas dissecantes, si tu quoque ita feceris, inuenies adhuc in ventre ea quæ assumpserunt. Quippe conuersio ciborum in cremorem non est moræ istic manendi terminus, quam utique etiam dum foris sunt, efficere licet; sed concoctio, quæ a conuersione in cremorem res est diuersa, sicut sanguificatio & nutritio. Tanquam enim hæ actiones monstratæ sunt qualitatum mutatione fieri, itidem concoctio ciborum in ventriculo, mutatio eorum est in propriam eius quod nutritur qualitatem.



Lib. 3. de cau.  
symp. cap. 2.

Aphor. II. li. 2.

In ventriculo naturæ instrumento insigniter cauo retentricem facultatem A  
inueniri, ex tribus symptomatis, fluctuatione, grauitatis sensu, & vomitu constat, tum etiam ex animalium dissectionibus. Ex fluctuatione quidem, quoniam hæc symptoma est retentricis, quemadmodum & inflatio: fit namque vtrumque symptoma, quando retentrix ventriculi facultas non potest omni ex parte ingestos cibos amplecti, quod inter ipsos & proprium ventriculi corpus aliquid medium interiaceat. Si id vero flatulentum fuerit, inflatio; si humidum (vt nimius potus) fluctuatio gignitur, quæ sonitus quidam est humidæ substantiæ in ventriculo fluctuantis, similis ei qui fit, vbi aqua in vtre contenta agitatur. Sed forsan dixerit quispiam, ob imbecillam ventriculi retentionem fluctuationem non fieri, sed ob exiguam ciborum quantitatem, quæ cum totam ventriculi cavitatē implere nequeat, vacuū aliquod relinquat spatiū, in quo cibi moueātur. Id tamen optime Galenus refellit, nam si ventriculus secundum naturā habeat, cibos minima etiam quantitate assumptos arctissime amplectitur, non secus ac B  
vterus conceptum semē. Quod si ventriculus imbecillitate laboret, etiā si multa ingesta sint alimenta, fluctuatione vexari solet ob redundantis humoris copiam. Præterea grauitas in ventriculo sentiri solet, vbi diutius detinentur ingesti cibi, quod scilicet concoquantur tardius. Cum enim retentio concoctioni vsum præbeat, ciborum in vētriculo moræ terminus erit perfecta eorūdem concoctio, non autem læuigatio, aut in cremorem conuersio, vt quidam existimauerunt. Qui sane, quod internum ventriculi orificium (pyloron Græci vocant) sit natura angustissimum; nihil quod prius læuigatum non sit, aut in cremorem conuersum, ad intestina descendere posse affirmarunt. Horum sententiam (cuius C  
auctor videtur fuisse Erasistratus) refellit duabus rationibus. Multi namque solida quædam corpora (vt fructuū ossa, vel anulum, vel aliud quidpiā) quæ antea deglutierant, integra postea deiecerunt; quæ tamen nunquam ad intestina descendissent, si moræ in vētriculo terminus esset in cremorem conuersio. Præterea potus cum tenuis sit & fluxilis, statim ad intestina descenderet, ne vel minimo quidem tempore in ventriculo moratus, quod tamen falsum esse experimur. Nam quibus imbecillus vētriculus est, his diutissime solet immorari, grauitatisq. & fluctuationis sensum inferre. Atqui nomine potus non solū aquam aut vinum intelligimus, sed in vniuersum sorbitiones quascunq. quale est lac, ptisanæ cremor, & alia huiusmodi: quo sensu dictum est ab Hippocrate, Facilius est potu refici quam cibo. Vomitus tandem facultatem ventriculi retentricem ostendit, non quod sit retentricis symptoma (cum ad expultricem potius pertineat) sed quod cibos qui vomuntur, moram in ventriculo diutius fecisse monstret, cum post multas horas assumptos cibos vomitu reiici non raro experiamur. Iam vero & animalium dissectiones cibos in vētriculo satis longo tempore retineri aperte declarant. Nam si animal quodpiam humido alimēto expleueris, qualis est miscella ex farina & aqua, & post tres quattuorve horas ipsum dissecueris; inuenies adhuc in vētriculo quod assumpserat alimentū: quod sane descendisset protinus ad intestina, nisi insita esset ventriculo vis aliqua retentrix. Vnde etiam intelligitur quod antea diximus, conuersionem scilicet in cremorem non esse moræ ciborum in ventriculo terminum, sed potius concoctionem. Atqui concoctio a conuersione in cremorē maxime distinguitur, quia licet quæ concoquantur omnia in cremorem quendam, nempe chylum, conuertantur; non tamen quæcumque in cremorem conuersa sunt, ea reuera concocta dicuntur; cum sint nonnulla alimenta, quæ vel ex sua natura, vel nostra industria



A industria, in cremorem conuertuntur, ac laeuigantur. Habet itaque concoctio præter conuersionem in cremorem aliud quidpiam maius, alterationem scilicet qualitarum, aut totius substantiæ. Quare quemadmodum sanguificatio & nutritio alterationes quædam totius substantiæ sunt, ita & ciborum concoctio totius substantiæ mutatio est in propriam ventriculi qualitatem, ut postea dicemus.

Ubi autem ad perfectionem cibos concoxit, tum aperit inferius os, exciditque per ipsum facile cibi etiam si lapides, ossa, acinos, aliave quæ verti in cremorem non possint, plurima secum habeant. Licetque hoc in animali contempleris, coniecto descensus ciborum tempore. Quin si quando te tempus fallat, nec quidquã deorsum feratur, ventriculo adhuc cibos coquente, ne sic quidem infrugifera tibi dissectio erit, cernes namque in illis ea quæ paullo supradiximus, exitum ventriculi, quo loco cum intestino committitur (*πύλωρον* Græci vocant) ad vnguẽ clausum, ventriculum autem totum cibos suo complexu prementem, perinde omnino sicut uterus fœtum. Neque enim est inuenire, nec in utero, nec ventre, nec vesica vtrauis, nec ea quæ bilẽ excipit, nec altera, locũ vacuũ; sed siue parũ sit quod in his continetur, siue multũ, pleni eorũ sinus apparẽt, tunicis ipsis semper ea quæ continent arctẽ complectentibus: modo scilicet animal naturaliter se habeat. Erasistrato autẽ nescio quo pacto complexum hũc ventriculi omnium esse causam placet, tũ ciborũ laeuigationis, tũ excrementorũ subductionis, tum distributionis eorũ quæ in cremorẽ sunt conuersa. Ego tamen in viuente adhuc animali, diuiso eius peritoneo, sexcenties deprehendi semper intestina complexu suo iis quæ containerẽt applicita; ventriculum vero non perpetuo, sed post assumptos cibos, superne eos inferneque, & vndique arctẽ complexum, ac immotum adeo, ut cibus vniri, & his vndique adherere videretur. Quo tempore etiam pylorum coniuentem, clausumque ad vnguẽ inueni, non secus ac prægnantibus os vteri. At post concoctionem consummatam reclusus quidem erat pylorus, ventriculus autem complexus motu intestinorum ritũ mouebatur.

Ex iis quæ in animalium dissectionibus apparent, demonstrat in ventriculo facultatem expultricem. Nam si nutritũ antea quoduis animal, horis aliquot elapsis dissecueris, quando scilicet perfectam iam esse concoctionẽ probabiliter conieceris; inuenies proculdubio cibus iam vacuum ventriculum, apertũque pylorum, intestina vero tenuia chylo referta: quæ sane vim aliquam ventriculo inesse ostendunt, qua cibos concoctos ad intestina depulerit. Quod si animali dissecto, cibi adhuc in ventriculo inuenti fuerint, utilis erit eiusmodi dissectio ad reuenticem facultatem demonstrandam. Pylorum namque omnino clausum inuenies, ventriculum vero maxime contractum, atque ita arctẽ cibos vndique complectentem, ut vix possint cibi ab interna ventriculi tunica separari. Quoniam vero complexus ventriculi meminerat, Erasistrati sententiã obiter refellit, qui omnium fere naturæ actionum (ut ciborum laeuigationis, excrementorum subductionis, & alimenti distributionis) hanc vnicam causam agnouit. Atqui si complexus causa esset harum actionũ, a complexu intestinorum fieri potius debuissent quam a complexu ventriculi; quia (ut ex viuorum animalium



dissectionibus constat) intestina complexu suo iis quæ continent semper in- A  
ueniuntur applicita; venterculus autem non semper, sed post cibos assumptos. Rur-  
sus si quo tempore venterculus cibos complectitur, pyloron ad vnguem claudir-  
tur, quomodo venterculi complexus & distributionis alimentum, & subductionis ex-  
crementorum causa esse poterit; cum neque alimentum distribui, neque excre-  
menta subduci possint, nisi pyloron reseretur? Sunt tamen, qui his Galeni ex-  
perimentis minime credant, putantes nimirum, neque venterculi, neque vteri  
os in demortuis animalibus conuiere posse, quod in his facultates omnes  
prorsus evanescent. Galenus tamen ad demonstrandas naturæ facultates usus  
potissimum est viuorum dissectionibus, in quibus facultates adhuc seruantur. In  
demortuis vero licet facultates abolitæ sint, nihil obstat, quo minus idem parti-  
fusus aliquamdiu remaneat, proptereaque & pyloron & vteros ad vnguem clau-  
sum adhuc seruetur.

## CAP. V.



Mnia igitur hæc inter se in idem consentiunt, quod aliqua sint in  
ventriculo, in vtero, in vesicis, ingenitæ facultates, quæ & retinere  
possint ea quæ qualitate conueniunt, & quæ aliena sunt expellere.  
Siquidem quod bilem ad se trahat ea quæ iecinori subest vesica,  
supra est monstratum; quod autem & in ventrem quotidie eiciat, id quidem eui-  
denter cernitur. Atqui si attractricis operam statim excretricius actio exciperet,  
nec media semper inter eas intercederet retentrix; oporteret, dissectis animali-  
bus parem in vesica bilis inueniri modum. At non sic inuenitur, quippe alias ple- C  
nissima, alias prorsus vacua, alias sub medio statu variis se habens modis cer-  
nitur; qualiter etiam altera quæ lotio est addicta. Hanc namque ante omnem  
dissectionem colligere urinam sentimus, prius etiam quam eam vel multitudinis  
pondere, vel mordentis acrimonia offendi; tamquam hinc quoque non deficiente re-  
tentrice vi.

Quæ de vtero & ventriculo hæcenus dicta sunt, ad reliqua naturæ instru-  
menta transferre oportet, in quibus facultates naturales similiter inueniuntur, ve-  
luti in vtraque vesica, lotii, & bilis. In hac enim expultricem facultatem inueni-  
ri ex eo constat, quod bilem quotidie in ventrem reicere euidenter cernatur.  
Cernitur autem in alui excrementis, quæ flauo tincta colore secundum naturam  
apparent, ob bilem scilicet quæ ad ecphysin à vesica excernitur. In eadem ve- D  
ro necessario concedenda est facultas retentrix, concessis semel expultrice &  
attractrice, de qua dictum iam est libro superiore, cum de secretionem bilis a-  
geretur. Quippe nisi inter attractricem & expultricem media intercedat re-  
tentrix, attractrici in agendo statim succedet expultrix, quod est manifeste fal-  
sum. Oporteret enim parem bilis copiam in vesica perpetuo inueniri, cum tamē  
in dissectionibus obseruamus, vesicam bile refertam interdum conspici, interdum  
vacuam, interdum medio modo se habentem. In vesica quoque lotii easdem fa-  
cultates reperiri, ex iis quæ sensu cognita sunt, euidenter apparet. Sentimus nam-  
que nos ipsi urinam in vesica colligi, ibique citra aliquam offensam retineri,  
donec aut sua multitudine grauet, vel acrimonia mordeat: quorum alterutrum  
si accide-



**A** si acciderit, & retentrix a sua actione quiescit, & agente expultrice vrina foras propellitur.

Ita nimirum & ventriculus mordente subinde acrimonia irritatus, ante legitimum tempus crudum adhuc cibum abiicit; rursus multitudine aliquando grauatus, aut etiam ambobus coeuntibus male affectus, diarrhœis infestatur. Quin etiam superioris ventris vel multitudine grauati, vel ciborum excrementorum ve qualitatem non ferentis, similis diarrhœis quidam affectus vomitio est. Vbi enim in imis eius partibus affectus incidit, ac firmæ partes sunt quæ circa stomachum habentur, diarrhœæ citantur; cum vero eius os sic afficitur, si ceteræ partes sunt validæ, vomitiones cientur. Licet porro idem & in iis qui cibum fastidiunt intueri, quippe qui comesse coacti, nec deglutire quod comederunt valent, nec si **B** id per vim faciant, quod deglutitum est retinent, sed protinus euomunt. Etiam qui alias quoque cibum quemlibet auersantur, si vrgeantur aliquando vt eum sumant, celeriter euomunt; vel si violenter contineant, & nausea infestantur, & resupinari sibi ventriculum sentiunt, & quod offendit amoliri properant.

Tunc primum expultrix ad agendum excitatur, cum primum retentrice suo munere functa, pars ipsa quæ retinet, vel a rei contentæ multitudine grauatur, vel acrimonia mordetur, vel ab utroque simul offenditur. Sit exemplo vetriculus, qui cibos ingestos ante legitimum tempus (id est antequam concoxerit) aut crudos, aut semiconcoctos, aut etiam corruptos excernere solet: vnde interdum sequitur vomitus, interdum vero diarrhœa. Ac diarrhœa quidem fit, **C** quando internæ ventriculi partes (quale fundū est) afficiuntur, partes vero quæ sunt circa stomachum, firmæ sunt ac robustæ. Stomachum nūc (quemadmodum etiam alibi) vocat ventriculi orificium, vulgarem cōsuetudinem sequutus: quāuis impropria hæc sit stomachi significatio, vt ipsemet fatetur lib. de sang. mif. ad hunc modum scribens, Os ventriculi, quod nos abuentes vocabulo stomachum appellamus, &c. Et lib. 6. aphor. stomachū, inquit, nunc mihi intellige, nō solum ipsum quem proprie appellant, sed etiam ventriculi os. At stomachus nullius priuatim corporis partis proprium est nomē, cum proprie significet, auctore Galeno, ceruicem oblongam, & instar isthmi angustam, cauo instrumēto præpositam: proindeque & gulæ, & vteri, & viriūque vesicæ collo stomachi nomen accommodari potest. Post Aristotelis tamen tempora, partem eam stomachum priuatim appellarunt, quam Aristoteles, alique veteres philosophi ac **D** medici œsophagon Græce, Latine vero gulam vocarunt. At Galeni temporibus loquendi vsus ita increbuit, vt stomachi nomine ventriculi os vulgus etiā intelligeret. Immo & post Galenum aucto abusu, ad significandum ventriculū stomachi nomen translatus est, vt monstrat nostris hūc temporibus vulgata loquendi consuetudo. Ergo quando ventriculi fundum afficitur, & partes ad stomachum pertinentes robustæ sunt, diarrhœa contingit; vomitus autem fit, quando internæ partes suum seruant robur, grauatur tamen, aut morætur venter superior. Quo loco per ventrem superiorem partes vetriculi supernas, potissimumque ipsius orificiū, intelligit, cum hoc male affecto vomitus sequatur.

Proprie tamen venter superior cavitatem thorace circumscriptam significat, quam occupat pulmo: quo pacto dictum est ab Hippocrate, Destillationes in ventrem superiorem ad suppurationem perueniunt intra dies viginti. Opponitur enim

Lib. 4. de cau. pul. cap. 23.

Cap. 1.

Com. 39.

Lib. 4. de vsu par. cap. 1.

Lib. 5. de loc. affect. cap. 5.

Apho. 38. lib. 7.



tur enim venter superior inferiori, qui naturalem cauitatem quæ ventriculum, <sup>A</sup> intestina, iecur, lienem, vterum, & vtramque vesicam continet, significat. Quâ-  
uis interdum inferior venter intestina significet, superior autem ventriculum;  
sic namque dictum est a Galeno, genitam in venis æruginosam bilem, aliquan-  
do in ventrem superiorem, aliquando in inferiorem decumbere. Confirmat tã-  
dem quæ de ventriculi expultrice docuerat, exemplo eorum qui cibû inuiti ca-  
piunt; quales sunt qui ob morbosum aliquem affectum cibum fastidiûnt, aut qui  
recte etiam valentes, cibum aliquem ex sua natura auersantur. Vtrique enim si  
cibum sumere cogantur, aut non deglutient, aut si deglutierint, retinere ipsum  
non poterunt; sed aut statim euoment, aut nauseabundi fient, sibi que ventricu-  
lum resupinari sentient.

Lib. 2. prog. cõ.  
39.

## CAP. VI.

B



*T* Animirũ ex omnibus quæ euidenter apparent, quod inter prin-  
cipia diximus confirmatur, omnibus scilicet propemodum animalis  
partibus inesse debere desiderium quoddam, ac veluti appetentiam  
conuenientis sibi qualitatis; auersionem autem quandam, velutiq.  
odium alienæ. At dum expetunt, attrahere eas rationabiliter existimatur; dum  
auersantur, a seipsis repellere. Atque ex his rursus tum attractoria vis in toto  
inesse monstratur, tum expulsoria. At vero si appetentia quædam est & attra-  
ctio, fuerit profecto & fruitio aliqua; cum nihil in rerum sit natura, quod pro-  
pter ipsum (vt sic dicam) trahere, siue trahendi functionem, trahat; immo vt eo <sup>C</sup>  
cuius per tractum fit compos, fruatur: atqui frui eo non licet, nisi retineat. Iam  
hinc rursus retentrix vis necessario genita esse probatur.

Quattuor facultates naturæ ministras, quas in pluribus instrumētis hætenus  
demonstrauit, in omnibus etiam partibus similaribus cõcedendas esse probat,  
posito hoc principio, Omnibus propemodum animalis partibus conuenientis  
sibi qualitatis desiderium inest & appetentia, auersio autem & odium alienæ.  
Sed cur Propemodum dixit, cum eiusmodi appetentia & odium omnibus in  
vniuersum corporis partibus sint insita? Forsan modestiæ causa ita loquutus est,  
forsan quoque nomine partium eas etiam intellexit quæ veræ partes non sunt,  
quales sunt pili & vngues. Ex hoc itaque principio quattuor facultates demon-  
strat, attractricẽ quidem ex ea quæ singulis partibus insita est rei familiaris ap-  
petentia; frustra enim hanc partibus tribuisset natura, nisi rem familiarem pos-  
sent ad se attrahere. Expultricem vero ex rei alienæ odio partibus etiam insi-  
to; frustra enim huiusmodi odium partibus natura indidisset, nisi possent partes  
rem alienam longe a se propellere. Sed & retentricem probat ex eodem illo  
principio, nam si & appetunt, & attrahunt partes rem sibi familiarem, ea neces-  
sario fruuntur. Nulla enim corporis pars est, immo nihil est in rerum natura,  
quod propter solam attrahendi actionem attrahat: sed quidquid attrahit, pro-  
pterea trahit, vt re attracta fruatur: atqui frui non potest, nisi rem attractam reti-  
neat, & amplectatur. Fruuntur autem corporis partes re attracta bifariam, vel  
quia ea nutriuntur, vel quia ea dumtaxat oblectantur, vt postea dicemus. Solã  
concoctricem putarit fortasse quispiam non fuisse hoc loco demonstratam; res  
tamen

D



**A** tamen aliter habet. Quippe si corporis partes, potissimumq. similes, re attracta frui dicuntur, quia ea nutriuntur, concedenda in ipsis necessario est facultas concoctrix; cum nihil unquam nutrire possit, quin prius fuerit concoctum.

Quippe ventriculus manifeste cōuenientes qualitates expetit, alienas respuit. Sed si & expetit, & trahit, & retinendo ac vndique complectendo fruitur; erit utique & finis illi quispiam fruitionis, post quem iam expultricis facultatis agendi tempus succedit. Verum si & retinet, & fruitur, etiam ad eū finem ad quē sic retinet, & fruitur, abutitur. Porro is finis est, ut eius quod in qualitate conueniens, consentiensq. est, partem aliquam capiat. Itaque quod in cibis optimum est, id halitus specie, & paulatim sibi attrahit, atque in tunicis suis reponit, iisdemq. adiungit. Vbi abunde saturatus est, quidquid reliquum nutrimenti est, veluti onerosum aliquid reiecit; quamquam ex eo quod cum ventriculo habuit commercio, ipsum quoque consequutum est salutare aliquid. Neq. enim fieri potest, ut duo corpora quæ ad agendum ac patiendum sunt nata, ubi conuenerunt, non vel simul patiantur, agantque, vel alterum agat, alterum patiat. Quippe si pares his vires sunt, ex æquo tum agent, tum patientur; sin longe superet, vincatq. alterum, magnum quiddam, & quod sensu percipi possit, in id quod patitur efficiet; ipsum vero vel exiguum aliquid, & quod sensu deprehendi non possit, vel omnino nihil patietur. Porro in hoc potissimum dissidet nutrimentum a medicamento venenoso, hoc namque vim corporis vincit, illud ab hoc vincitur. Minime igitur potest conueniens animali nutrimentū esse, quod ab iis quæ in animali sunt qualitatibus nō vincitur: porro vinci aliud nō est quā alterari. At quoniā particularū aliæ viribus sunt firmioribus, aliæ magis imbecillis; vincent quidē omnes nutrimentum id quod animali est conueniens, non tamen æquali omnes modo. Ergo vincet etiā venter, ac nutrimentum alterabit, non tamen sic ut iecur, & venæ, & arteriæ, & cor.

Non solum in partibus similaribus verum est principium illud supra propositum, verum etiam in organicis, veluti in ventriculo. Huic namque infra est naturalis quædam familiarium ciborum appetentia, quamuis & præter hanc altera etiam animalis in ipso reperiatur, de qua nunc dicendi tempus non est. Ab ea igitur ad attrahendum excitatur ventriculus; trahit vero, ut cibo familiari fruatur; fruitur autem, dum cibū amplectitur, ac retinet. Porro huius fruitionis finis is est, ut quod in cibis optimum est, paulatim rursus ad se trahat, in tunicasque suas reponat, atque eisdem adiūgat, & agglutinet. Vnde necessario colligitur, ventriculum secundum naturam nutrirī chylo: de qua re postea dicemus. Postquam vero abunde saturatus fuerit ventriculus, quidquid nutrimenti est reliquum, tanquam onerosum sibi & graue, per infernum orificium ad intestina expellit; quamuis alioqui vniuerso corpori salutare sit futurū, cum sit gignendi sanguinis materia. Hanc vero salubritatem accepit, ex eo quod cū ventriculo habuit commercio, id est alteratione, siue concoctione. Porro quod cibi in ventriculo necessario alterentur, probat ex principio quodam ab omnibus philosophis concessio, Si duo, inquit, corpora ad agendum patiendumq. na-



ta, simul conuenerint, fieri non potest, quin agant simul & patiātur. Quod si e- A  
 iusmodi corpora æque viribus polleant, ex æquo tum patientur, tum agent, ita  
 ut neutri victoria tribuatur. Si vero alterum valentius sit, alterum imbecillius;  
 id quidem quod valentius est, sensibilibiter agat; quod autem est imbecillius, sen-  
 sibilibiter patietur. Negari tamen non potest, quin & id quod præ imbecillitate  
 patitur, aliquid quoque agat in valentius, quod per initia sensum omnino la-  
 teat, sensum vero tandem detegatur. Nā & acutissimus gladius à mollissima ce-  
 ra retundi, & ab assiduo guttæ illisu solidissimum saxum tandem excuari so-  
 let. Cum itaque ventriculus & cibus corpora quædam sint ad agendum & pa-  
 tiendum idonea, ubi simul conuenerint, necessario agent & patientur; conue-  
 niunt autem simul, quando cibus in ventriculo continetur. Cum autem vētricu-  
 lus facultatibus sit præditus, potius agat quam patietur; cibus contra magis pa-  
 tietur quam agat. Quippe cum cibus corporis substantiam resarciat, a corpore B  
 superatur ac vincitur, quemadmodum contra venenatum medicamentum vim  
 corporis vincit, ac superat. Ex quibus constat, & in ventriculo, & in reliquis  
 omnibus partibus cibum alterari; & pro varia partium & ciborū natura ac ro-  
 bore, eiusmodi alterationem nunc maiorem, nunc minorem esse.

## CAP. VII.



*Q*uanta igitur sit ventris alteratio age iam videamus. Sane ea ma-  
 ior est quam quæ in ore perficitur, minor vero ea quæ in iecinore &  
 ventis; horum namque alteratio nutrimentum in sanguinis substan-  
 tiam mutat, quæ autem in ore agitur, mutat quidem id in alte- C  
 ram speciem manifeste, non tamen ad perfectionem transformat. Discas  
 id ex iis quæ ex cibo in dentium interuallis relicta, per totam noctem hæ-  
 serunt, neque enim panis inibi relictus prorsus est panis, neque caro pror-  
 sus caro; sed olet quidem eiusmodi quiddam, cuiusmodi olet animalis os: ce-  
 terum & dissolutum est, & liquatum, & carnium animalis admiscuit sibi qua-  
 litates. Licet autem contempleris quam magna sit in ore ciborum alteratio, si  
 mansum triticum crudis fœculis applicaueris, cernes namque id ocysime hos  
 mutare, & concoquere; cum tamen si aquæ admisceatur, nequeat tale quidquam  
 efficere. Nec est quod id mireris, nam pituita hac quæ in ore habetur, & liche- D  
 num remedium est, & scorpiones statim necat; præterea multas ex iis quæ venenū  
 mittūt bestias, partim protinus perimit, partim spatio, omnes certe insigniter læ-  
 dit. Sed qui mansi sunt cibi, primum quidem hac pituita imbuuntur, & cum ea  
 miscentur; deinde carnem quoque oris omnes contrectarunt. Itaque maiorem mu-  
 tationem sunt consequuti, quam ii qui in vacuis dentium interuallis fuerunt im-  
 pacti. Verum quanto ii qui mansi sunt, iis qui inhæserunt magis sunt alterati, tã-  
 to etiam illis magis ii qui deuorati sunt. Siquidem incomparabilis erit horum al-  
 terationis excessus, si & quæ in ventre est pituita, & bilis, & spiritus, & calor,  
 & tota ventris substantia, æstimentur. Quod si viscera quoque quæ illi adiacent,  
 tanquam



**A** tanquam magno lebeti plures ignis foci, pariter aestimata sint, a dextris quidem iecur, a sinistris lien, superne cor, & cum eo transuersum septum, & leuatum, & assidue motum, his etiam amplius omentum, quod prædicta tegit, ingentem quãdam ciborum qui in ventriculum sunt deuorati, alterationem fieri credas.

Quamuis facultates quattuor naturales ministras in omnibus corporis partibus recte hæcenus demonstrauerit; reliquas tamẽ quæ super sunt naturæ actiones nunc persequitur, ipsarum causas inquirens, propriamque rationem explicans. Agit autem hoc capite de concoctione ciborum, quæ propria est ventriculi actio, eamque comparat aliis ciborum alterationibus, quæ in nostris corporibus fiunt; qualis ea est quæ in ore perficitur, & altera quæ in iecore & venis. Colligunt ex hoc loco quidam, præter tres illas concoctiones ab omnibus cõcessas (quarum prima fit in ventriculo, altera in iecore & venis, tertia in singulis corporis partibus) adiungendam esse quartam, & omnium primam, quæ perficiatur in ore. At quæ in ore fit ciborũ alteratio, quamuis cibos in alteram quãdam speciem vtcunque mutare videatur, vera tamen concoctio non est, quia ut ipsemet Galenus ait, cibos perfecte non transformat. Quare non concoctio, sed eius potius concoctionis quæ in ventriculo fit, veluti præparatio quãdam censenda est: præsertim cum ab eadem tunica perficiatur. Quæ igitur alteratio ciborum fit in ventriculo, medium inter reliquas duas locum obtinet; est namque magis perfecta quam illa quæ fit in ore; minus autem perfecta quam altera quæ in iecore fit & venis. Si quidem in his in sanguinis substantiam nutrimentũ cõuertitur, quæ sane alteratio perfectior est conuersione in chylum quæ in ventriculo fit; quamuis in vtraque alterati cibi in aliam speciem (chylũ scilicet & sanguinem) transmutetur. In ore autem veterem adhuc formam retinent, etiam si magnam mutationem subierint. Hanc vero ciborũ reliquiæ quæ in vacuis dentium spatiis relinquuntur, liquido ostendunt; neq. enim panis aut caro inibi relicta, panis aut carnis saporem, odoremve refert, sed partium oris qualitatem redolet. Ita & mansum triticum ex permixtione saliuæ (quam vocat hoc loco improprie pituitam) nouam eam qualitatem ac vim accipere videtur, qua crudos furunculos ocysime cõcoquit. Quippe cum in his glandulis quæ ad linguæ radicem in faucibus sunt posita, saliuæ gignatur; concoquendi facultatem (quæ tritico etiam inest) adauget. Digerendi autem vim ipsi potissimũ tribuit, ut potest quæ in ipsa insigniter viget, cuius ratione optimũ est impetiginum remediũ: solent namque & mulierulæ experientia doctæ, sola saliuæ, præsertimque ieiuna, infantium lichenæ curare. Neque mirum cuiuspiam videatur, quod huiusmodi vis saliuæ sit insita, cum & occulta quadam proprietate, ac rotius substantiæ vi maxime pollear, qua scorpios, aliasque venenatas bestiolas enecat: quod docuit copiosius lib. 10. de simp. med. fac. cap. de saliuæ; vbi Nicandrum id etiam voluisse testatur, & proprium de hac re experimentum in medium profert: cui cur fides adhibenda non sit, ego plane non video. Nam ut saliuæ viperæ venenũ est homini, ita & hominis saliuæ viperæ & scorpioni venenum esse potest ob rotius substantiæ contrarietatem. Neque vero a sola saliuæ alterationem in ore cibi suscipiunt, verum etiam à propria gingiuarum carne, potissimumque à tunica quæ internum os linguamque vestit, quæ communis est, vel potius eadem cum tunica ventriculi interna. Ex quibus recte colligit, maiorem esse ciborum qui in ore manduntur alterationem, quam eorum qui vacuis dentium spatiis adhæserunt. Sed quanto hac est valentior, tanto est imbecillior ea quæ fit in ventriculo



Lib. 4. de usu-  
part. cap. 9.

lo, in quo & ab iis quæ in ipsius cavitate continentur, & à propria eiusdem sub-  
stantia, & ab adiacentibus ipsi partibus, mutationem maxime insignem accipiunt  
cibi. Plura quidem in ventriculi cavitate contineri possunt, ut pituita, bilis, &  
vitalis spiritus, quæ aut concoquunt, aut saltem alterant cibos ingestos. Propria  
iridem ventriculi substantia plurimum ad id facit, cum ex duplici constet tunica, &  
ampla cavitate sit præditus, in qua ingesti cibi diutissime retinentur. Quin &  
partes adiacentes non leuem cibis in ventriculo concoquendis operam confe-  
runt, quas tanquam magno leberi plures focos, natura ventriculo adiecit: à dex-  
tris quidem iecur, à sinistris lienem, superne cor & septum transversum, retro ve-  
nam cavam, arteriam magnam, & musculos dorsæ; ante vero omentum, cuius præ-  
cipuus usus est auctore Galeno, ut ventriculum calfaciens concoctionem inuct.  
Quo fit, ut ii quibus per vulnus in abdomen inflictum, omentum foras prolap-  
sum, & lividum factum abscinditur, frigidiores postea ventriculum sentiunt, de-  
teriusque concoquant, ac pluribus extrinsecus operimentis indigeant: quem-  
admodum gladiatori sic vulnerato accidisse scribit Galenus. Cum igitur cibi in  
ventriculo contenti, à pituita, bile, spiritu, propriis ventriculi tunicis, atque à  
pluribus partibus ventriculo adiacentibus tantopere alterentur; erit haud du-  
bie huiusmodi alteratio multo maior ac præstantior, ea quam in ore fieri di-  
ximus.

Quo autem pacto mutari facile in sanguinem possent, nisi tali essent mutatio-  
ne præparati? monstratum namque supra est, nihil in contrariam qualitatem to-  
tum simul migrare. Ergo quomodo fiet sanguis ex pane, quomodo ex beta, faba  
ue, aut reliquis id genus, nisi hæc alteram prius mutationem sint adepta? Iam quo-  
modo in tenuibus intestinis confestim creabitur stercus? Quid enim quaeso in his  
efficacius ad alterationem dicas, iis quæ sunt circa ventrem? Num tunicarum nu-  
merum? an circumpositorum viscerum vicinitatem? an moræ spatium? an innat-  
um quendam in instrumentis calorem? Atqui nullo horum superant intestina  
ventrem. Cur igitur ubi panis tota sæpe nocte moratus est in ventre, etiam serva-  
ri eum voluit, ac pristinas suas qualitates tueri; ubi semel in intestinis incidit, sta-  
tim effici stercus? Quippe si tantum tempus ad alterandum satis non est, certe bre-  
ue satis non est; si breue ad alterandum est satis, quomodo non magis sufficiat  
tempus longum?

Quæ in ventriculo fit ciborum alteratio, duplicem usum potissimum præbet, D  
ut sanguis scilicet utilis gignatur, & partes ciborum inutiles separentur. Quip-  
pe cum nihil possit in contrariam qualitatem simul mutari, nisi mediæ quædam  
intercedant mutationes, ut demonstratum est libro primo, externi autem cibi  
plurimum distent à sanguinis natura; necessaria prorsus fuit ventriculi alteratio,  
qua mediæ externi cibi in sanguinem facilius mutantur. Rursus neque partes  
inutiles (quale stercus est, quod secundum naturam colligitur in intestinis) ex  
cibis externis secerni possent, nisi in ventriculo alteratione primum subissent.  
Quoniam vero nonnulli veterum medicorum stercus in intestinis secundum na-  
turam colligi affirmarunt, quoniam in his potiusquam in ventriculo cibi altera-  
tur, horum sententiam nunc breuiter refellit, docens, maiorem alterandi vim  
ventriculo inesse quam intestinis. Id quod ex propria ventriculi substantia, cir-  
cumpo-



A cumpositorum viscerum vicinia, calore, & ciborū mora recte confirmat. Quippe licet ventriculus & intestina communibus constent tunicis, hæ tamen in ventriculo carnosiores, in intestinis membranosiores apparent. Circumposita viscera sunt quoque intestinis & ventriculo communia, nisi quod septum transversum & cor viciniora sunt ventriculo, quem proinde magis calfaciunt. In eo tamen ventriculus intestina potissimum superat, quod tempore longiori cibos retineat. Quæ cum ita sint, facile intelligitur maiorem alterandi vim ventriculo inesse quam intestinis, proptereaq. ventriculum coctionis instrumentum merito appellari, tenuia vero intestina instrumenta potius distributionis.

B. *An igitur alteratur quidem alimentū in ventre, ceterum diuersa alteratione, & non tali, qualem ex mutantis instrumenti habet natura? An hac quidem est alteratum, non tamen ea quæ est corpori animalis propria? Hoc longe profecto minus fieri quouis pacto potest, quando non aliud erat concoctio, quam alteratio in propriam eius quod nutritur qualitatem. Si igitur concoctio hoc est, & ostensum est nutrimentum in ventre suscipere qualitatem, quæ sit animali quod ex ipso nutriendum est conueniens, ex eo iam demonstratum est, scilicet quod in ventre nutrimentum concoquitur.*

Cum duplex sit alteratio, totius substantiæ, & manifestæ qualitatis; ciborum alteratio quam in ventriculo fieri diximus, totius substantiæ alteratio est, quam etiam sequitur in manifestis qualitatibus alteratio. Mutantur namq. in ventriculo cibi in nouam quandam substantiam, scilicet chylum; cuius qualitates, vt color, sapor, & odor, ventriculi qualitatibus respondent. Totius tamen substantiæ similitudinem cum ipso ventriculo ex ea alteratione chylus consequitur, vnde & maiorem cum vniuerso corpore nutriendo familiaritatem habet; vtpote qui communis omnium partium nutrimenti, nempe sanguinis, idonea sit materia. Ex quibus constat, hanc ciborum alterationem quæ in ventriculo fit, nihil aliud esse quam concoctionem, cum concoctio alteratio sit in propriam eius quod nutritur qualitatem. Fiet itaq. à facultate naturali alteratrice, siue concoctrice ventriculo insita, tanquam causa effectrice; & ab innato ventriculi calore, tanquā idoneo eius facultatis instrumento. Ex his intelligitur veterum quorundā medicorum error, quorum alii cibos in ventriculo putrescere voluerunt, vt Plistonius Pythagoræ discipulus; alii vero tantum atteri ob ventriculi complexum, vt Erasistratus. Cuius sententiam & nostris temporibus amplexus videtur Vallesius, qui nihil aliud ventriculum in cibos agere scribit, quam liquationē quādam & triturationem, quo facilius ad hepar delati, facilius quoq. in sanguinē permutentur. Sed non animaduertit Vallesius, hanc opinionem tanquam absurdam à Galeno iam antea damnatam fuisse, qui verissime docuit, moræ ciborum in ventriculo terminum non esse læuigationem, aut conuersionem in cremorem, sed potius concoctionem; quæ à conuersione in cremorem res est maxime diuersa. Alioqui enim quæ assumuntur sorbitiones, ne paululum quidem retinerentur in ventriculo, sed statim distribuerentur ad iecur. Sed nonne docuit etiam in præsentia, alterationem ciborum quæ fit in ventriculo, veram esse concoctionem, hanc vero esse alterationem in propriam eius quod nutritur qualitatem? At hæc alteratio cum totius substantiæ sit, maxime distincta est ab attritione, siue liquatione, quam

Lib. 1. contro.  
cap. 13. & lib.  
8. cap. 3.

Cap. 4.



Lib. 6. de Hip.  
& Plat. decre.  
cap. 6.

nobis licet exterius etiam efficere, Neque vero minus attente locum illum legisse videtur, ex quo iuxta Galeni mentem colligere nititur, ventriculi actionem non esse simpliciter ad vitam necessariam, sed tantum quando solida nutrimenta assumuntur. Constat enim ex eius dictionis serie, Galenum aduersus Erasistratum ostendere, sanguinis generationem magis esse necessariam ad vitam quam ciborum concoctionem, quam putauit Erasistratus solam esse attritionem. Idque ex eo patere inquit, quod licet cibos ventriculus omnino contere non valeat, modo succos aliquos assumamus (vr multis in nationibus hoc solent) viuere possimus. Quibus sane verbis non simpliciter, sed ex Erasistrati dumtaxat hypotesi, ventriculi actionem significauit non esse ad vitam necessariam. Quid autem de hac re senserit Galenus, ex ipsomet discere licet, qui de ventriculo agens in hunc modum scribit. Promptuarium autem hoc alimentum vniuersum excipiens, ceu diuinum, non humanum opificium, subit primum in cibariis laborem, sine quo hæc sunt inutilia, in nullamque rem animali commoda. Quo sensu accipiendum esse censeo quod passim dici solet, præcedentis concoctionis errorem in altera emendari non posse. Nam qui cibus in ventriculo concoctus non est, is in iecore mutari in sanguinem nequit: & qui in iecore chylus mutari in sanguinem non potuit, is partibus nutriendis est prorsus inutilis. Sed & libro tertio de temperamentis multa ad hanc rem spectantia diximus, dum vinum nobis alioqui maxime familiare, nutrire non posse doceremus, quin prius in ventriculo & iecore sit concoctum. Iam vero Plistonici opinionem illud manifeste refellit, quod cibi in ventriculo concocti, & corpori nutriendo inutiles, & tota sui substantia magis quam antea dissimiles redderentur, vt pote putredinem experti. At qui cibos in ventriculo concoctos, & salubriores, & nutriendo corpori magis idoneos reddi experimur: vnde necessario colligitur, concoctionem ciborum non esse putredinem, vt Plistonici dicebat.

*Estq. ridiculus sane Asclepiades, cum dicit nec in ructibus, nec in vomitionibus, nec dissectionibus, concoctorum ciborum qualitatem vnquam apparere. Siquidem hoc ipsum quod corporis ventriculi odorem referunt, ex ipsa prouenit concoctione. Hic vero adeo est rudis, vt cum veteres dicere audiat cibos in ventre ad salubritatem conuerti, non eam quæ viribus spectetur, sed eam quæ gustui probetur, quarendam putet: tanquam vel pomo magis pomo (ita enim disputandum cum hoc est) in ventre reddito, vel melle magis melle.*

Quæ de ciborum concoctione à veteribus recte sunt prodita, prauè intellexerunt Asclepiades & Erasistratus, quos extremo hoc capite proinde reprehendit. Siquidem verissimam illam sententiam, quod cibi in ventriculo concocti ad salubritatem conuertantur, ita sinistre interpretatus est Asclepiades, vt ad sensibiles eorundem ciborum qualitates, potiusquam ad totius substantiæ vires, eiusmodi salubritatem referendam esse crediderit: quasi cibos in ventriculo salubriores reddi voluerint veteres, quod & odore, & sapore suauiores reddantur. Id tamen ex ructibus, vomitionibus, & animalium dissectionibus, falsum esse monstrabat, cum hæc potius ostendant, cibos in ventriculo contentos prauam quandam qualitatem præ se ferre; ita vt & ingratus odor, & sapor in suavis manifeste percipiatur: quæ ratio forsâ Plistonicum coegit, vt crederet cibos in ventriculo putrefieri. Quâvis Asclepiadis æmuli (vt refert Celsus)

nihil

Lib. 4. de usu  
par. cap. 1.

Cap. 3.



**A** nihil in ventriculo concoqui, sed crudā materiam sicut assumpta est, in corpus omne diduci existimarunt. Atque ciborum in ventriculo concoctionum salubritatē nō ex sapore aut odore expendere oportet, sed ex totius substantiæ familiaritate. Dicuntur enim ad salubritatem conversi, quoniam ventriculo & vniuerso corpori nutriendo magis familiares sunt reddit; etiamsi odore & sapore infuauiores euaserint. Odorem namque, & saporem, & alias ventriculi qualitates referunt, à quo totius substantiæ familiaritatem concoctionis beneficio acceperunt.

Perro multo magis rudis, magisque ridiculus est Erasistratus, aut non intelligens quemadmodum a veteribus dictum sit concoctionem esse elixationi simile, aut sponte seipsum fallens. Atque elixationi quidem quæ tam leuem habet calorem, concoctionē assimilari posse negat verisimile esse; tanquā aut Aethna subiiciendus ventri sit, aut alias alterari ab eo cibi non possint; aut possint quidē alterari, non tamen per insitum illi calorem qui humidus sit, eoq. elixare, non torreficere dicatur. Debat autē, siquidē contra de rebus disceptare voluit, maxime quidem ac primū illud docere, nec mutare prorsus, nec alterare in qualitate ventrē cibos. Secūdo loco, si id confirmare non potuisset, alterationem eorum in ventre animali esse inutilem. Si nec id calumniari licuisset, opinionē quæ de actiuis habetur principis, resellere, monstrareq. non provenire in particulis actionem ex certa calidi frigidi, humidi, sicciq. temperatura, sed alio quopiam. Quod si nec id calumniari est ausus, saltem illud docere, non esse calidum in iis quæ naturæ administratione reguntur, ceteris efficacius. Vel si nec id, nec ceterorum quæ dicta sunt quidquam demonstrare potuisset, minime nugari frustra de nomine contendēdo; tanquā Aristoteles tum in aliis nō paucis, tum in quarto meteorologicō, quemadmodum concoctio elixationi sit similis, quodque nec primum, nec proprie sic nominetur, non clare prodiderit. Verum sicuti iam dictum est vnum horum omnium principium est, de calido, frigido, humido, & sicco, considerationem iniuisse, sicut in secundo de generatione & interitione Aristoteles fecit, omnes quæ in corpore sunt mutationes alterationesque, ab his proficisci demonstrans. Ceterum Erasistratus neque his, neque alio vllō ex iam dictis refutato, ad nomen elixationis tantummodo se conuertit. Atque de concoquendo quidem tametsi cetera omnino prætermisit, illud saltem demonstrare conatus est, differre ab externa elixatione, eam quæ in animalibus est concoctionem.

Primus omnium Hippocrates cibos in vētre *ἐλίσσει*, id est elixari, dixit; & post Hippocratem Aristoteles concoctionem ciborum elixationi similem esse asseruit: quod tamē nō placuit Erasistrato. Quippe cū elixatio fiat ab igne, cōcoctio vero iuxta Hip. & Arist. dogmata a nativo vētriculi calore, qui benignus est ac suavis; hāc illi nullo pacto simile esse posse credidit. Merito igitur reprehēditur hoc loco quod neglectis rebus de solo elixationis nomine frustra contendit. Satius tamē ipsi fuisset inquirere, an veteres philosophi ac medici propriā cōcoctionis rationē & causas recte explicassent: quorū sententiā si minus

Lib. 2. de rat. viat. in morb. acu. sent. 22.

Lib. 4. meteo. cap. 3.



probabat, validis rationibus pugnare debuisset, eaq. principia subuertere, qui- **A**  
bus veterum de ciborū cōcoctione opinio fulcitur. Debuisset, inquam, ostende-  
re, cibos in ventriculo nec mutari, nec alterari: aut ciborum alterationem in  
ventriculo esse animali prorsus inutilem; aut primas quattuor qualitates nō es-  
se actiua principia, neque partium actiones a qualitatū temperie prouenire:  
aut calidum in viuētibz non esse ceteris efficacius. Cum itaque nihil horum  
præstiterit Erasistratus, sed ad solum elixationis nomen confugerit, iusta repre-  
hensione dignus censi debet. Atque eo quidē magis, quod ex ipsomet Ari-  
stotele potuisset facile discere, quomodo concoctio elixationi similis dicatur.  
Neque enim concoctio proprie aut vere dici potest elixatio, cum hæc ab igne,  
illa ab innato fiat calore: sed dicitur tantum elixationi similis, quia a calore hu-  
mido fit, talis enim natiuus calor est, nō siccus & acris, qualis est febrilis. Siqui-  
dem hoc nomine ab assatione distinguitur elixatio, quod hæc à calore humido,  
illa vero ab arido fiat. Vnde etiam fit, vt quæ assantur, exterius ficciora appa- **B**  
reant, interius plus humiditatis contineant; quæ autem elixantur, cōtra. Qua-  
re concoctio, neque assatio, neque elixatio vere dicitur; est tamen elixationi  
quodammodo similis, cum assatione vero nullam prorsus similitudinem habet.

## C A P. VIII.



*D*e deglutiendo vero ne tantum quidem egit, quid enim ait? Tra-  
ctio quidem ventris nulla esse videtur. Atqui venter duas habet  
tunicas, quæ omnino alicuius gratia sunt conditæ, pertinentque hæ  
etiam vsque ad ipsum os. Quæ quidem interior est, qualis in ipso est **C**  
ventre talis persistens; altera ad carnosiores speciem in gula conuersa. Ac quod  
contrarias inter se fibrarum dispositiones hæ tunice habeant, ipsa rei euidentia  
testatur; cuius autem caussa tales sunt conditæ, Erasistratus certe ne vel cona-  
tus est dicere, nos vero nunc dicemus. Quæ interna est, in directū porrectas ha-  
bet fibras, vt quæ trahendi caussa sit instituta; externa transversas, quo circulo  
contrahant: quippe singulorum quæ mouentur instrumentorum corpora, pro fi-  
brarum positura motus habent. Primum autem si placet, in musculis ipsis sermo-  
nem examina, in quibus tum fibræ ipsæ, tum motus propter notabilitatē euiden-  
tissime cernuntur. A musculis ad naturalia instrumenta te conferas licet, omni-  
no videbis ea per fibras moueri. Itaque etiā singulis intestinis circulares in vtra-  
que tunica fibræ sunt, contrahuntur enim dumtaxat, nec quidquam trahunt: **D**  
at vter alias fibrarum rectas habet, quibus scilicet trahat, alias transversas,  
quibus constringat. Tanquam enim in musculis dum fibra quæque intendi-  
tur, atque ad principium retrahitur, motus eorum obitur; itidem in ven-  
tre dum transversæ fibræ tenduntur, latitudinem contentæ inter ipsas ca-  
uitatis minorem fieri est necesse: rectæ vero dum trahuntur, ac in se ipsas cogū-  
tur, fieri nequit vt non minuatur longitudo. At vero deglutiētibus nobis liquido  
cernitur larynx (ea est arteriæ quæ aspera dicitur, pars summa) simul sublata,  
sursusque in tantum currēs, quantum gula deorsum trahitur. Cumque comple-  
ta iam



**A** *ta iam deglutienti functione laxauerit se gula, luculenter descendere cernitur summa arteria. Siquidē interna ventriculi tunica quæ rectas habet fibras, quæque tum gulam intrinsecus vestit, tum os ipsum, ea super internis summæ arteriæ partibus extenditur. Itaque fieri nequit, cum ipsa a vētriculo deorsum trahitur, vt non simul & summa arteria attrahatur.*

Ex numero functionū naturæ est quoq. deglutitio, cuius causam tacuit prorsus Erasistratus, affirmans dumtaxat, nullam in deglutitione vētriculi attractionem apparere. Quare merito Galenus deglutitionis primam præcipuamque causam docet esse facultatem ventriculi attractricem; idque probat ex propria ventriculi formatione. Constat namque ventriculus ex duplici tunica, interna, & externa; atque hæc quidem in suprema gula ad carnosiores speciem conuertitur, & fibris circularibus siue transuersis intertexta est; illa vero fibras rectas habet superne deorsum tendētes, sibi que similis perpetuo persistit. Hæc fibrarum diuersitas, motuum qui à duabus illis ventriculi tunicis eduntur, varietatem ostendit; id enim omnibus quæ mouentur instrumentis commune est, vt pro diuerso fibrarum situ diuersos motus excerceant. Euidenter id apparet in musculis, propriis voluntarii motus instrumentis, nam qui rectis textuntur fibris, rectum; qui obliquis, obliquum edunt motum. Idem de occultis naturæ motibus intellige, rectis namque fibris attractionis motus in naturæ instrumentis perficitur, cum illis contractis totius instrumenti longitudo minuat. Fibris autem transuersis fit motus expulsionis, cum ipsis contractis minuat totius instrumenti amplitudo. Quocirca in intestinis quæ solo indiguerunt expulsionis motu (neque enim ipsis attractione opus erat) solæ fere inueniuntur fibræ transuersæ; in ventriculo vero triplex fibrarum genus conspicitur, vt pote qui attrahat, retineat, & expellat. His ita positis, si quæ inter deglutendum contingunt attente consideres, concedes haud dubie, deglutitionem fieri trahente per œsophagum ventriculo ea quæ in ore continentur. Minuitur enim dum deglutimus, totius œsophagi longitudo, contrahunturque proinde, rectæ eiusdem œsophagi & ventriculi fibræ, quas facultati attractrici in seruire diximus. Rursus larynx, id est guttur (est id summum asperæ arteriæ caput) sursum nobis deglutientibus tantum attollitur, quantum deorsum trahitur œsophagus; deglutitione vero absoluta, & œsophagus laxatur non amplius contractis rectis internæ tunicæ fibris, & larynx iterum descendit. Quippe cum interna vētriculi tunica non solum œsophago & vniuerso ori communis sit, sed extendatur etiam super internis laryngis partibus; fieri non potest, quin deorsum tracto œsophago, larynx sursum attollatur, descendatque rursus œsophago ascendente: quemadmodum in trochleis quotidie fieri experimur. Sed & faucium musculi (quos male prætermisit Vesalius) non mediocrem huic rei præbent vsum. Ex his duos tantum Galenus agnouit, quos cum vox editur, aut deglutitio fit, suo munere fungi scripsit; quattuor alios addidit Fallopius, ita vt tria sint in faucibus musculorum paria. Primum quidem & secundum fauces dilatant, tertium vero fauces constringit, gutturque inter deglutendum attollit: quem etiam vsum præbet quartum par musculorum linguam mouentium, quo nomine ad faucium quoque musculos referri potest.

Lib. 4. de usu-  
part. cap. 8.

Lib. de musc.  
dissect. cap. 15.

*Quod autem circulares fibræ quibus contrahuntur tum aliæ particule, tum*

KK 3 vero



vero ventriculus, de longitudine nihil minuant, sed latitudinem contrahant, at- **A**  
 que angustent; id quidem Erasistratum fateri inuenias, quippe cibos toto concoctionis tempore vniique constringere ventrem ait. At si vndique constringit, nec tamen quidquam de ventris longitudine aufert, non est constrictiui motus proprium, ut gulam deorsum trahat. Quippe quod Erasistratus ipse dixit, id illi tantummodo continget, ut dum superiores partes contrahuntur, inferiores dilatentur: id vero, quod si in demortui quoque gulam aquam infundas, fieri cernetur, nemo ignorat. Transitum namque materiae per angustum corpus id accidens consequitur; mirum enim sit, si transeunte per eam mole aliqua non dilatetur. Illud ergo quod supernis partibus contractis infernae dilatentur, commune est tum mortuis corporibus per quae quoquo modo aliquid transit, tum viuus; idq. **B**  
 siue constringantur ab his ea quae transeunt, siue trahantur. At breuiare longitudinem, instrumentorum quibus rectae sunt fibrae, quo scilicet aliquid attrahant, proprium est munus. Atqui demonstratum est gulam attrahere, non enim alias summam arteriam traheret: patet igitur, ventriculum per gulam cibos trahere. Quin etiam in vomitione, eorum quae vomuntur impetus ille qui vsque ad os fertur, omnino partes eas gulae quae a subeuntibus dilatantur, hiantes habet; partium vero quae a fronte occurrunt, quamcunque apprehendit, hanc hiare incipientem; quae vero a tergo pars est, hanc utique contractam relinquit: ita ut gulae affectus iuxta hoc omnino deglutientium affectui similis sit. **C**  
 Ceterum ubi tractus nullus adest, longitudo tota in talibus symptomatis aequa feruatur.

Quamuis nullam deglutitionis causam tradiderit Erasistratus, fortasse tamen ventriculi complexum (quem concoctionis & distributionis ciborum causam statuit) eiusdem deglutitionis causam esse voluit, hac sola ratione persuasus, quod in deglutitione partes quaedam oesophagi contrahantur, aliae vero dilatentur. Hanc igitur sententiam facile nunc refellit Galenus, quia ventriculi complexus fit contractis fibris transuersis, deglutitio vero contractis fibris rectis; haec enim ratio est, cur in deglutitione totius oesophagi longitudo minuatur, in complexu vero sola ventriculi latitudo. Porro quod inter deglutendum partes superiores oesophagi contrahantur, inferiores dilatentur; id quidem non magis probat deglutitionem fieri se vndique constringente ventriculo, quam per oesophagum attrahente: quemadmodum dixerat etiam libro primo. Neque enim aut ventriculi complexum, aut eiusdem attractionem necessario sequitur huiusmodi accidens, sed solius materiae transitum per locum angustum, qualis oesophagus est. Huius itaque supernae partes contrahuntur, postquam transierit ea quae deglutitur substantia; dilatantur vero infernae, ut materiae transeunti aditus pateat. Haec ita habere, his duobus experimentis apertissime constat. Si in cadaueris oesophagum aquam infuderis, experieris haud dubie, descendente per oesophagum aqua, quaedam oesophagi partes contrahi, alias vero dilatar; cum tamen in cadauere neque **D**  
 attra-



**A** attrahat ventriculus, neque se ipsum constringat. Ad hæc in vomitu qui motus est deglutitioni contrarius, similiter quoque œsophagum affici observabis, aliæ namque ipsius partes dilatantur, aliæ contrahuntur. In eo tantum discrimen est, quod in deglutitione, cum ab ore ad ventriculū nutrimentum moveatur, supernæ œsophagi partes contrahuntur, & laxantur infernæ; in vomitu vero contra, cum alimentum, aut aliud quidpiam ex ventriculo feratur ad os, infernæ contrahuntur, & dilatantur supernæ.

*Atq. idcirco deglutire facilius est quam vomere, quod scilicet deglutiatur ambabus vētris tunicis operantibus, interna quidē trahēte, externa se contrahente, vnaq. trudēte; vomitur autē altera tantū quæ foris est, agente, nec vllō in os trahente.*

**B** Non enim sicuti ventris appetentia deglutiendos cibos præcedit, sic in vomitionibus appetit oris pars vlla excitati affectus quidpiam; sed sunt ambobus vētris affectus inter se contrarii, alter appetentis, & suscipientis quæ vtilia sunt & propria; alter abhorrētis & reiicientis quæ sunt aliena. Eoque deglutitio ipsa in iis qui convenientes vētri cibos immodice appetunt, ocysime fit; ventre scilicet eos trahente, ac deorsum vellente, priusquam sint mansi. In iis vero qui vel medicamentum aliquod coacti bibunt, vel cibum aliquem medicamento loco sumunt, molesta deglutitio est, ægreq. perficitur. Ergo ex iam dictis patet, internā gulæ tunicam cui rectæ sunt fibræ, quo ab ore in se attrahat, esse institutā, eoque in deglutiendo tantum agere; externam vero cui transversæ sunt fibræ, quo constringat ea quæ continet, ac protrudat, talem esse factam; eandem tamen non minus in vomendo quam deglutiendo operam suam navantem.

**C** Cum inter degluticndū minuatur œsophagi lōgitudo, superiorē sq. ipsius partes cōtrahantur, fatendū est necessario, ab utraque vētriculi & œsophagi tunica deglutitionē fieri. Si vero ab utraq. tunica fit, duæ simul facultates deglutitionis causæ statuētur, attractrix scilicet & expultrix; hæc nāq. agit cōtractis fibris transversis tunicæ externæ, illa vero cōtractis fibris rectis tunicæ internæ. Nō tamen vna eademq. pars attrahit simul & expellit, sed attrahit vētriculus, expellūt autē supernæ œsophagi partes: quo fit, ut trahēte vētriculo, & deorsum propellēte œsophago, optime perficiatur deglutitio. Hinc intelligitur discriminē inter deglutitionē & vomitū, quāvis enim in eo cōveniāt, quod eiusdē partis motus sint,

**D** per eandemq. partē fiant; deglutitio tamē à duabus tunicis, duabusq. facultatibus efficitur, vomitus vero à sola tunica externa, solaque facultate expultrice. Vnde & alterum nascitur discrimen, nam agentibus duabus facultatibus facile fit deglutitio, vomitus autem difficile sola expultrice agente. Agit vero in deglutitione attractrix, quia ventriculus appetit nutrimenta quæ manduntur in ore, hæc autem appetentia facultatem attractricem ad agendum excitat, ut possit ventriculus nutrimentis frui. At vomitum nulla præcedit appetentia, quæ attractricem excitare possit, nulla enim oris pars est, quæ apperat ea quæ vomūtur; proindeque vomitus ad solam expultricem merito refertur. Si quis vero citra appetentiam quidpiā deglutire cogatur, difficillime deglutiet, sola scilicet tunc agente vi expultrice partium superiorum œsophagi, à quibus quod deglutitur deorsum vtcunque depellitur, non attrahēte vētriculo. Quod



sane accidere experimur iis qui potiones medicas bibunt, aut quibus male affecto ventriculi orificio, prostrata est appetentia; hi namque ut solidiores cibos deglutire possint, assiduo indigent aquæ haustu. Quippe cum ventriculus à medicamentis abhorreat, aut familiares cibos male affectus auerfetur, mirum profecto non est, si deficiente appetentia, ventriculi attractio aboleatur. A

Clarissime subscribit iis quæ diximus, & quod in hiatulis, & iis qui Græce vocantur *συνέδωρες*, accidit, ut quorum venter interim in ore inueniatur: veluti Aristoteles in libris de animalium historia prodidit, reddita etiā causa, præ gulositate id inquiring illis contingere, ita enim scribit, In vehementiore appetentia venter omnino animalibus sursum procurrit, adeo ut nonnulli cum primum incipere cum affectum sentiant, foras repere sibi ventrem dicant; aliis vero cibos quos adhuc mandunt, necdum satis ore confecerunt, eripit plane inuitis. Ergo in iis animalibus quæ natura sunt gulosa, quibusque oris laxitas est ampla, ac ventris situs propinquus (veluti in synodonte ac channa cernitur) nihil miri est, si cum in admodum vehementi esurie minorum piscium aliquem persequuntur, ac iam in eo prope sunt ut comprehendant, aviditate perurgente, venter eorum in os sursum rapitur. Fieri autem id aliter prorsus nequit, nisi venter cibos per gulam, veluti per manum ad se trahat. Sicuti enim & nos præ studio aliquando nos totos una cum manu extendimus, quo promptius corpus quod petimus, apprehendamus; ita & venter cum gula, veluti una cum manu extenditur. Proinde in quibus animalibus hæc tria simul incidunt, vehemens nutrimenti aviditas, gula parua, & oris laxitas ampla; in his paullum extensionis momentum totum ventrem sursum in os agit. Ac naturali quidem homini fortasse sufficeret, ex una ista instrumentorum compositione argumentum actionis sumpsisse, nam si iusta profecto natura ex duabus tunicis quæ contrario modo inter se habent, gulam fecisset, nisi varia earum vsa esset actione. Verum quoniam omnia citius quam naturæ opera dignoscere Erasistrati sectatores possunt, age dum ex animalium dissectione doceamus eos, utramque tunicam prædictis fungi actionibus. Ergo si accepto animali quopiam, corpora quæ circa gulam eius sunt, auferes, nullo eorum quæ illic habentur, nec neruo, nec arteria, nec vena præcisa, velis a mento ad thoracem usque externam gulæ tunicam, cui transuersæ sunt fibræ, recta sectione diuidere, mox cibum animali obicere; videbis id cibum deglutire, tametsi constringendi vis sit illi adempta. Rursus si in altero animali utramque tunicam transuersa incisione secueris, id quoque deglutire videbis, nullam etiam opem ferente tunica interna. Ex quo manifeste patet, quod altera earum deglutire licet, ceterum deterius quam ambabus. Etenim præter alia illud quoque perspicere in iam dicta dissectione licet, quod inter deglutiendum spiritu qui una cum cibus deglutitur, gula impletur, is autem constringente se externa tunica, facile in ventrem cum cibus compellitur; tempore autem quo in gula est, descenditibus cibus

impe-



**A** impedimento fit, tum eam distendens, tum eius actionem impediens.

Quod deglutitio fiat trahente ventriculo, contractisq. fibris rectis tunicæ internæ, ex iis manifeste intelligitur, qui vrgente fame, summa cum aviditate cibum capiunt; hi namque sursum aliquando ferri ventriculum, & cibos antequam perfecte sint mansi, sibi inuitis interdum eripi sentiunt. Idem confirmari potest ex piscibus quibusdam voracissimis, quorum ventriculus aliquando in ore inuenitur. Id quod ab Aristotele observatum etiam est, qui grâdioribus piscibus sæpius euenire testatur, vt dum minores cum impetu insectantur, ipsorum ventriculus procidat in os: quod sane priuatim docuit dehiatula, & dentice, quem *συνόδοντα* Græci appellant. Atqui id potissimum euenire solet, quâdo hæc tria simul conuenerint, vt scilicet animal gulosum sit, vehementerq. esuriant, & ampla sit oris laxitas, & brevis sit gula, id est parum ab ore distans. Porro quod & a sola interna, & sola externa tunica fieri possit deglutitio, viuorum animalium

Lib. 2. de hist. animal. cap. ult.

Lib. 8. de hist. animal. cap. 2.

**B** dissectiones liquido ostendunt. Nam si in viuo animali corpora quæ circa gulam sunt, ita sustuleris, vt nerui, venæ, & arteriæ (quæ scilicet alicuius momenti fuerint) illæsa seruentur, atque per externam gulæ tunicam, rectam sectionem duxeris; necessarium est, transuersas omnes tunicæ externæ fibras simul scindi, rectis tunicæ internæ fibris seruatis illæsis. Si ergo animali sic dissecto cibus oblatus fuerit, deglutiet adhuc animal, sola interna tunica rectas suas fibras contrahente. Rursus si in altero animali vtrâque gulæ tunicam transuersa sectione diuideris, fibras omnes rectas quæ internam tunicam contexût, simul recari necesse est, integris fere seruatis fibris transuersis tunicæ externæ. Obseruabis autem, animal oblatum cibum adhuc deglutire, difficilius tamen, quia sola tunica externa tunc tēporis agit. Quamuis & hic altera sit difficilis deglutitionis causa, aër scilicet qui gulam ingressus, ipsamque distendens, eiusdem contractionē impedit, ciborumque descensum retardat. Ex quibus patet, deglutitionē à tunica interna & externa, & à facultate attractrice simul & expultrice fieri secundum naturam; nihilque ob stare, quo minus a facultatibus & tunicarum altera vtrâque fieri possit.

**C** Sed nec horum cuiusquam Erasistratus meminit, nec quod obliquus gulæ situs eorum dogma clare refellit, qui putant, ea quæ deglutiuntur, a momento illo quo superne sunt impulsa, vsque iu ventrem promoueri. Vnum modo recedidit, multa eorum animalium quibus longum collum est, inclinato corpore deglutire: quo scilicet sensibili effectu planum est demonstrare eum, non vtique quemadmodum deglutiamus, sed quemadmodum non deglutiamus. Nam quod non ex solo

**D** eo quod superne incipit momento, plane ex hoc patet; an tamen ventre trahente, an gula ea ducente, id certe adhuc non patet. Verum nos omnibus percensitis rationibus, & quæ ex instrumentorum compositione suppeditantur, & quæ ex aliis symptomatis, quæque ante nudatā gulam, quæque post apparere paullo ante diximus; abunde indicauimus, trahendi gratia tunicam internam, trudendi externam esse conditam.

Ex situ gulæ refellit tandem absurdam quorundam medicorum opinionem, qui existimarunt deglutitionē fieri ab insito pondere eorum quæ deglutuntur. Oportuisset enim, gulam ab ore ad ventriculum recta ferri, si suo pte impetu



Lib. 6. de usu-  
Par. cap. 7.

tu quæ deglutiuntur ad ventriculum descendunt. At obliquus est gulæ situs, nā **A**  
 licet à faucibus ad quintam usque thoracis vertebram recta feratur, cum primū  
 tamen ad hanc peruenit, ad dexteram quodammodo contorquetur, vt cedat  
 arteriæ magnæ nobiliori instrumento. Hæc namque ex sinistro cordis ventri-  
 culo originem trahens, ad quintam illam vertebram recta fertur, quæ sinistro  
 cordis ventriculo è directo respondet. Altera quoque est gulæ obliquitas, quā  
 septum transversum perforat, vbi etiam ventriculi orificio continua efficitur.  
 Eleuatur enim hîc quodammodo gula, ad superioremque partem contorque-  
 tur, & firmissimis quibusdā ligamētis fulcitur; tū vt tutior esset neruorum sextæ  
 cōiugationis progressus, qui per gulā descēdentes in vētriculi orificium interū-  
 tur; tū etiā ne artetia magna quæ deorsū per spinā protēditur, à duris solidisq.  
 qui interdū deglutiūtur cibis, violenter comprimeretur. Obliquus itaq. gulæ si-  
 tus absurdā cōm opinionē optime refellit, quam & Erasistratus recte iam ex  
 iis animalibus refutauerat, quæ cum longum habeant collum, inclinato capite **B**  
 deglutiunt; qualia potissimum sunt iumenta, aues enim elato potius capite bi-  
 bunt. Quomodo enim in his ex ore ad fauces suo pte impetu cibus ascendet?  
 Quomodo rursus ex faucibus ad ventriculum insita feretur grauitate? Ceterum  
 licet id vnum recte ab Erasistrato sit dictum, merito tamen reprehēditur a Ga-  
 leno, quod tantum docuerit, deglutitionem non fieri ab insito pondere eorum  
 quæ deglutiuntur, causam tamen deglutitionis nequaquam explicauerit: quā-  
 vis ventriculi compressionē (vt antea diximus) deglutitionis causam videatur  
 statuisse.

## C A P. IX.



*C* propositum nobis erat demonstrare, in singulis instrumentis retē-  
 tricem inesse vim, sicuti in superiore libro attrātricem, atque etiā **C**  
 alteratricem: ipsa vero sermonis sequela dūcti, quattuor esse in vē-  
 tre virtutes indicauimus; in deglutiendo traētricem; in concoquen-  
 do retentricem; in vomitione, & concoctorum ciborum in tenue intestinum des-  
 censu expultricem; ipsam vero concoctionem alterationē esse. Non est ergo quod  
 de splene etiam dubitemus, an is quod sibi conuenit trahat; quod alienum est se-  
 cernat; quod attrahere per naturam potest, id alteret, ac retineat, Sed nec de ie-  
 cinore, vel vena, vel arteria, vel corde, vel ceterorum vllō; cum quattuor has fa-  
 cultates omni particula quæ nutriri debeat, demonstratum sit necessarias esse:  
 ideoque eas ministras esse nutritionis diximus. Tanquam enim sterco- **D**  
 rum est canibus suauissimum, ita iecinoris excrementorum, aliud liem, aliud bilis ve-  
 sicæ, aliud renibus est iucundum.

Se ipsum excusat, quod facultatem attrātricem & concoctricem in ventricu-  
 lo hæcenus demonstrarit, cum solam retentricem & expultricē hoc libro de-  
 monstrare instituisset, quemadmodum libris superioribus attrātricem & con-  
 coctricem. Porro quæ de ventriculo hæcenus demonstrata sunt, ad reliqua om-  
 nia naturę instrumenta transferenda esse monet, in quibus, non secus ac in ven-  
 triculo, eadem illæ quattuor facultates sunt necessario concedendæ: veluti in  
 splene, vesica bilis, & renibus. Quanquam de his tribus instrumētis merito du-  
 bitari possit, habeātne vim attrātricem, retentricem, & concoctricem, quoniā  
 ieco-



**A** iecoris excrementorum secretioni dicata sunt a natura; quæ excrementa cum inutilia sint & prorsus aliena, similitudine substantiæ trahi non possunt. Si vero non trahuntur, retineri non poterunt, neque vlllo pacto concoqui. Respondet tamen Galenus, eiusmodi excrementa iecori quidem inutilia esse, prædictis vero instrumentis esse familiaria. Nam vt stercus humanum horridū est hominibus excrementum, canibus vero suauissimum; ita iecoris excrementorum, aliud lieni iucundissimum est, nempe succus melancholicus; aliud vesicæ bilis, nempe bilis ipsa; aliud renibus, nempe humorum serum, aut vrina. Quomodo autem dicatur hoc loco vrina excrementum iecoris, alibi vero excrementum venarum & arteriarum, suo loco dicemus. Cum itaque tria illa iecoris excrementa suis instrumentis familiaria sint & iucunda; mirandum profecto non est, si ab illis attrahantur, & retineantur. De alteratione tamen multo maior est dubitandi occasio, an scilicet huiusmodi instrumenta vim habeant excrementorū concoctricem. Affirmat quidem hīc manifeste Galenus, succum melancholicū non solum attrahi, & retineri, sed etiam alterari a liene: eadem autem videtur esse ratio vesicæ bilis & renum. Dixit quoque, iecinoris excrementa instrumentis attrahentibus iucunda esse, vt stercus humanum canibus; atqui canes humano stercore nutriuntur; ergo & tria illa instrumenta excrementis sibi familiaribus nutriuntur. Nihil præterea est (si Galeno credimus) in rerum natura, quod propter solam attrahendi actionem trahat, sed vt eo cuius per attractum fit cōpos, fruatur; ergo & ea instrumenta fruuntur excrementis attractis. Alii potius sentiunt, lienem, renes, & vesicam bilis sanguine nutriri, excrementis autem à se attractis tantū oblectari; cum enim pura sint sinceraque excrementa, vt nutrimentum præbeant sunt prorsus inepta. Vtriq; tamen parum accurate rem hanc distinxisse videntur, cum eadem ratio non sit lienis, vesiculæ, & renum. Si quidem renes serosum sanguinem sibi familiarem attrahunt, non autem purum sincerumque sanguinis serum; quo fit, vt non sero, sed seroso potius nutriantur sanguine, vt ab omnibus concessum est. Alioqui nutritionis renum excrementū esset vrina, vt voluit Lycus, cuius sententiā libro primo refutauimus. De liene quid sentire oporteat, ex eodē Galeno didicimus, qui partes eas quæ per ampla orificia succum sibi familiarem attrahunt, non posse solum ipsum purum atque sincerum attrahere docuit sed alterius cuiusdam diuersi generis mixtione adulteratum; si vero in tenuia orificia trahentium instrumentorum fines desierint, impermittunt exacteq; sincerum succū familiarē attrahere. Cum itaq; lien per ampla orificia trahat, vna cum excremento melancholico aliquid etiā sanguinis ipsum attrahere sentit Galenus; qui tamen ad splenem nequaquam perueniat, quod venæ quæ sunt in epiploo, trahere ad se ipsas occupent. Ita & renes quia per ampla vasa trahunt, aliquid bilis, & sanguinis plurimum simul cum seroso excremento trahunt, neque præter emulgentia tertio quopiam vase ad sui nutritionem indiguerunt. Quem sane Galeni locum cum recte transcripserit Vallesius, nescio profecto quomodo ex eo colligat, renes & vtramque vesicam mera attrahere excrementa, & aliis ad sui nutritionem vasis indiguisse. Ceterum quoniam solus melancholicus humor ad splenem (vt dictum est) peruenit, restat adhuc dubitatio, an eo nutriatur lien: quam tamē Galenus optime explicauit, de proprio viscerum nutrimento disputans. Docuit namque, succum melancholicum non esse proximum splenis nutrimentum, sed potius tenuissimum sanguinem, arteriarum beneficio ex melancholico excremento genitum. Quod si crasso limosoque sanguine nutriri lienem dixerit aliquando Galenus,

Cap. 6. huius lib.

Lib. 5. de vsu part. cap. 6.

Lib. 2. contro. cap. 3.

Lib. 4. de vsu par. cap. 15.

Lib. 13. metho. med. cap. 16. & 17.

id qui.



id quidem de futuro lienis nutrimento, non autem de eo quod actu nutrimentum iam est, interpretari oportet. Vnde etiam intelliges, cur liē crebrius quam iecur afficiatur scirrho, & fortiora toleret medicamenta. Siquidē licet tenuiori sanguine alatur lien, ipsiusque caro mollior propterea sit ac rarior, ipsius tamen nutrimentum (quod scilicet perfecte concoqui non potuit) multo crassius est nutrimento iecoris: cuius ratione & scirrhosis tumoribus frequentius quam iecur infestatur, & valentiora medicamenta exposcit. Quod attinet ad vesicam bilis, dubium non est quin sinceram attrahat bilem, nullo pacto sanguini permistam. Vnde nonnulli colligunt, vesicam bile a se attracta nutrirī. Alii cōtra sentiunt, sanguine potius nutriri quam bile, quoniam quæ nutriunt, vel plus vel minus dulcia esse debent, bilis vero cum exacte sit amara, dulcedinis prorsus est expers. Duos præterea venarū ramos ex vena portæ accipit vesica, quorum nullus alius esse potest usus, quam ut sanguine per eos delato vesica nutriatur. Sunt quidem hæ rationes utcumque probabiles, sed quæ facile ab adversariis dissolui possint. Nam quidquid nutrit dulce esse dicitur ei dumtaxat quod nutritur, etiam si humano gustui dulce non sit. Absynthium enim & lupinus succum e terra eliciunt sibi familiarem & dulcem, qui tamen nobis, non secus ac ipsæ plantæ, gustaretur amarus. Nihil igitur prohibet, quo minus & flava bilis quæ nobis amara sentitur, vesicæ nutriendæ dulcis censatur. Porro venarum ramuli, qui in vesicam inferuntur, hunc usum præbere possunt, ut tempore tantum indigentia sanguinem vesicæ suppeditent, ut de ventriculi venis postea dicemus. Tempus autem indigentia intelligere oportet, quādo deficiente bile, familiari nutrimento destituitur vesica: nam quando animal indigentia laborat, bilis augeri solet. Ceterum quamvis utraque opinio probabilis sit, quæ tamen vesicam sanguine nutriri statuit, mihi multo probabilior videtur, & Gale-

Cap. 11. no magis consentanea. Docebit namque postea, vesicam succum biliosum quæ attraxit, non multo interposito spatio excernere. At si bile nutrire-  
 Cap. 1. tur vesica, a diutissime retineret: quoniam (ut antea dictum est) attrahi brevi tempore aliquid potest, adhærere, & alterari, & prorsus ei quod nutritur assimilari, ac pars eius effici, protinus non potest, tempore ampliore commode potest. Sed & lib. 5. de usu part, utramq. vesicam sanguine nutriri his verbis expressit. Porro vesica, non ea solum quæ bilem, sed & quæ urinam recipit, puram utraque atque ab aliis secretum cum attrahant proprium excrementum, iure optimo vasa alia alimentum sibi ipsis suppeditatura, flagitarunt. Sed nonne dixit hoc capite, unicuique organo, omni-  
 Cap. 7. que particulæ quæ nutriri debet, quattuor facultates nutricis ministras insitas esse? Dixit quidem, sed cum partes similes nutriantur, non autem organica, nisi ex accidenti, (quatenus scilicet constāt ex similibus) facultates illæ nutricis ministræ insitæ potissimum similibus dicentur. Quare partes omnes similes nutrimentum sibi familiare attrahunt, idem retinent, & concoquunt, tandemque sibi assimilant. Ita quoque & organica quatenus ex similibus constant, nutririque postulant; quatenus vero organica sunt, & certis quibusdam actionibus dicata, partim substantiam attractā concoquunt & assimilant, ut lien & renes; partim retinēt tantum absque eo quod concoquant, & assimilent, ut vesica bilis & lotii. Rursus neque illud huic sententiæ aduersatur, quod quæ trahunt propterea trahant ut re attracta fruantur: concedimus enim libentissime, vesicam frui bile attracta, sibi-  
 D que familiari. Non tamen in sola nutritione huius fruitionis ratio est posita, verum etiam in naturali quadam voluptate (si tamen voluptas appellari possit) quæ ex rei familiaris comple-



**A** complexu nascitur, aut in proprii temperamenti cōseruatione, quæ & citra nutritionem totius substantiæ similitudine perficitur. Hoc enim pacto ferro a se attracto magnes sui dicitur, etiam si eo non nutriatur. Neque id tantum verum est in corporibus vitæ expertibus (vt sentit Ioubertus) sed etiam in partibus inæstibus; neque enim semine nutritur vterus, sed eo dumtaxat attracto fruitur, & oblectatur.

Dicereque de eorum generatione post Hippocratem, Platonem, Aristotelem, Dioclem, Praxagoram, & Philotimum, etiam nolum; neque enim de potentiis ipsis dicerem, si quis priorū exacte de his differuisset. Sed quoniam veteres quidem cum de his multa commode differuisset, disputationis robur minime his adhibuerunt, ne quidem sufficere scilicet, vltos fore adeo impudentes sophistas, qui rebus euidentibus contradicere conarentur; iuniores vero partim sophismatis quibus victi erant fidem adhibuerunt, partim etiam sophismata refellere conati, longe mihi abesse a veterum viribus sunt visi; idcirco si quis illorum superesset, is mihi contra eos qui artis pulcherrimæ si. buerunt, disputaturus videretur, ipse quoque sic libros conscribere sum conatus. Quod autem aut nihil, aut si quid effecero, omnino exiguum id erit, haud ignoro. Multa namque inuicem antiquis ad vnguem demonstrata, quæ tamen hodie plerisque nec propter ignorantiam intellecta sunt, nec propter secordiam intelligi tentata. Adde, quod nec sicui sunt cognita, huic etiam iussu sunt examinata. Quisquis enim nescire quid supra

**B** vulgum debeat, statim non natura modo, verum etiam primis doctrinarum rudimentis multum ceteris praesiet oportet; idem vbi iam adoleuerit, veritatis insano quodam teneatur amore, veluti asslatus; tum sine vlla diei noctisve intermissione properare, ac contendere, ea quæ a clarissimis veterum tradita sunt, discere, eademque vbi didicerit, iudicare, multoque tempore explorare; ac considerare, quæ rebus sensui patentibus consentiant, quæq. rursus iisdem dissentiant; ac sic illa quidem suscipere, hæc respuere. Atque huic quidem vtilis fere libellos nostros spero, erunt autem huius generis omnino pauci; eliquis opus hoc perinde fore superfluum, ac si quis asino fabulam narret.

**C**

**D** Facillima hæc sunt, & digna potius vt memoriæ mandentur, quam vt explicentur copiosius. Tantum enim scribit, nihil se hoc loco dixisse de generatione excrementorum quorum antea me minerat, ne quæ à veteribus tū philosophis tum medicis de hoc argumento recte sunt prodita, frustra repeteret. De facultatibus vero naturalibus disputare coactus est, licet multa de his a veteribus essent commode dicta; tum vt demonstrationes (quas disputationis robur appellat) à veteribus prætermittas adderet; tum etiam vt iuniorū errores sophismataque detegeret. Idq. se præstiusse fatetur in eorum gratiā, qui & veritatis, & veterum sunt studiosi; quos quales esse oporteat, quidque facere conueniat, luculentissime docet. Atque hæc vtinam alta mente reponerent, non solum adulescentes Philosophiæ Medicinæque studiosi, verū etiā nō pauci eorū qui nostro hoc sæculo vel ad docendū, vel ad scribendū animum appulerunt.

Absol-





*A*bsoluenda igitur nobis eorum causa qui veritatis sunt cupidi, disputatio est, adicientibus scilicet quæ in ea desiderantur. Trahit namque, vellitque ad se ventriculus cibos manifeste iis qui vehementer esuriunt, antequam sint in ore ad vnguem laeuigati; recusat autem, & reiecit iis qui cibos fastidiunt, ac qui comesse sunt coacti. Ad eundem modum ceterorum quoque instrumentorum singula ambas obtinent facultates, & qua conueniens trahunt, & qua alienum expellunt. Proinde si quod vel ex vnica tunica instrumentum constat, veluti ambæ vesicæ, vterus, & venæ; vtrumque fibrarum genus retinet, rectarum ac transversarum. Quin tertium quoque fibrarum genus obliquarum est, minus omnino quam duo prædicta genera numerosum. Inuenitur autem id in iis instrumentis quæ ex duabus tunicis confiunt; in altera sola rectis scilicet ipsis fibris immistum; in iis autem quæ ex singulari constant tunica, vna cum aliis duobus generibus. Sane hæ maxime auxilium præstant retentricis facultatis actioni, postulat enim in hoc opere particula super ea quæ continet stringi, ac circum ea tendi; ventriculus quidem toto concoquendi cibi, vterus toto gestandi fœtus tempore. Venæ quoque tunica cum vnica sit, ex multifariis fibris est condita. Iam ex arteriæ tunicis ea quæ externa est, ex circularibus; quæ interna est, ex rectis plurimis, paucis autem cum his obliquis est conflata. Ita venæ quod ad fibrarum situm pertinet, vteris ac vesicis (quanquam crassitudine deficiuntur) sunt similes, arteriæ vero ventri. Sola autem instrumentorum omnium, ex duabus tunicis, atque harum vtrique ex transversis constante fibris, facta sunt intestina. Porro causam reddere, cur melius sit reliquorum cuique, qualiter nunc cernitur, ita comparatum natura esse, intestina autem ex duabus, hisque similibus tunicis confici, id utique ad speculationem de usu partium spectat. Quo minus expectandum aliquid de talibus hinc est, veluti nec propter quid de tunicarum numero cuiusque instrumenti inter anatomicos parum cõueniat; de his enim abunde in iis quæ de anatomicorum dissonantia prodidimus, est dictum. Cur autem instrumentum quodque tale sit factum, in libris de usu partium dicetur.

Singula naturæ instrumenta proprias functiones obire nunc docet beneficio fibrarum, quibus propriæ ex quibus constant tunicae, intertextæ sunt. Quod sane de his naturæ actionibus intelligere oportet quæ cum instrumentorum motu fiunt, quales sunt attractio, retentio, & expulsio. Cõcoctio vero quia totius substantiæ alteratio est, & citra motum fit, fibris haud quaquam indiguit, nisi quatenus usum ipsi præbet retentio. Sunt autem in vniuersum tria fibrarum genera, rectarum, obliquarum, & transversarum, siue circularium: rectis quidem attractio, obliquis retentio, transversis vero expulsio perficitur. Quoniam vero naturæ instrumenta partim ex simplici, partim ex duplici constant tunica, eundem omnino situm in omnibus instrumentis habere non potest triplex illud fibrarum genus



A genus. Nam quæ ex simplici constant tunica, vt vterus, vena, & vtrique vesica, triplici fibrarum genere eam habent intertextam. Cum autem vnicam & simplicem dico, propriam intelligo, nam præter hanc altera est ex peritonæo cōmunis. Quæ vero instrumenta ex duabus tunicis conflata sunt, vt ventriculus & arteria, fibras habent ita dispositas, vt in altera tunica pluribus rectis pauca obliquæ sint immixtæ, in altera vero solæ sint transuersæ. Veluti in ventriculo interna tunica pluribus rectis fibris, & paucis obliquis contexta conspicitur, solis autem transuersis tunica externa: attrahit namque ventriculus & retinet tunica interna, externa autem expellit. Arterias quoque vetriculo similiter fibras habere inquit, ita vt tunica externa ex solis transuersis cōstet, interna vero ex rectis & obliquis. Quæ Galeni sententia omnino est suspecta, ne dicam falsa, cū ipsemet alibi scripserit, tunicam potius arteriarum internam transuersis fibris constare: externam vero rectis & quibusdam obliquis. Sed præstat ipse verba apponere, Venæ, inquit, vnica est, & ea quidem tenuis tunica, arteriæ vero neque simplex, neque tenuis; sed duæ ipsi insunt tunicae, quarum interna quidem crassa est admodum, densa, ac dura, atque in fibras transuersas diuidua; externa vero tenuis, rara, ac mollis, qualis etiam est venæ tunica. Et rursus alibi, Arteriæ duæ peculiare tunicae existunt, exterior sane qualis venæ est, interior autem crassitie huius fere quintupla, insuper durior, in transuersas fibras dissoluta; exterior autem quam etiam venæ obtinet, rectis fibris, & quibusdam mediocriter obliquis, transuersis nullis cōtexta est. Quæ sane cum iis quæ hoc loco scribuntur ita aperte pugnant, vt inter loca manifeste repugnantia merito reponantur à Vallesio. Quod si roges, quid de arteriarum fibris vere sentire oporteat, te ipsum iudicem constituo, utpote cui liceat in arteriarum dissectione id sensu explorare. Inuenies autem (ni fallor) internam ipsarum tunicam solis transuersis, externam rectis, & nonnullis obliquis constare, vt recte obseruauit Vesalius. Quamobrem ne aut mendacii, aut contradictionis Galenum cogamur accusare, præstiterit forsan dicere, luxatum esse hunc locum, & voces illas Interna & Externa esse transpositas. Porro inter instrumenta quæ duplici constant tunica, sola intestina idem fibrarum genus in vtrique tunica obtinuerunt. Quippe cum simplici egeant motu (vt quibus nec attrahere, nec retinere sit necesse, sed tantum expellere) solis in vtrique tunica fibris transuersis contenta sunt. Quod si quæ in ipsis rectæ sint fibræ, cum dumtaxat vsum præbere videntur si Galeno credimus, vt sint veluti fulchra quædam transuersarum. Ego tamen non video quid sequatur absurdi, si rectas intestinorum fibras attractioni quoque vsum præberent dixerimus. Nam licet chylum ad intestina valide ventriculus depellar, nihil tamen obstat, quo minus chylum a ventriculo expulsam ad se attrahant intestina. Sed quoniam hæc intestinorum attractio (utpote quæ sit imbecillima) a valida ventriculi expulsionem obscuratur, dictum fortasse est à Galeno, & simplici expulsionem motu, & simplici fibrarum genere intestina indiguisse.

Lib. 6. de usu-  
part. cap. 11.

Lib. 7. de ana-  
to. admi. cap. 5.

Lib. 3. de hum.  
corp. fab. cap.  
2.

Lib. 5. de usu-  
par. cap. 11.

Lib. 6. de ana-  
to. admi. ca. 7.

## C A P. XI.



ic neutrum horum statutum est exsequi, sed tantum naturales facultates quattuor esse in singulis organis docere. Huc igitur de-  
nuo reuersi, quæ prius dicta sunt repetamus, atque eo quod reliquum  
adhuc est adiecto, summam iam toti disputationi imponamus. Cum  
enim



enim singulas animalis particulas, qui conueniens sibi succus sit, hunc in se tra- A  
here sit demonstratum, ac primam ferme naturalium potentiarum hanc esse; il-  
lud deinceps scire conuenit, particulam non prius eam quam attraxit materiam,  
vel ipsam totam, vel aliquod eius excrementum abiicere, quam vel ipsa, vel eorū  
quæ in se continet pars maxima, in contrarium transierit affectum.

Expultrix facultas quæ solet retentrici in agendo succedere, non prius eam  
quam pars attraxit materiam excernit, quam vel pars ipsa, vel attracta materia  
in contrarium affectum transierit: quamdiu enim id quod attractum est parti at-  
trahenti iucundum fuerit, tamdiu facultatem retentricem agere necesse est. Di-  
citur autem pars quæ attraxit transire in contrarium affectum, quando secun- B  
dum naturam antea habens, nunc præter naturā afficitur: redditur namq. a mor-  
boso affectu imbecillior, ad excretionemq. facile irritatur, etiam si quod attra-  
ctum est ex se adhuc molestum non fuerit. Quo pacto cibos etiam familiares, &  
copia mediocres imbecillus ventriculus vomitu reiicere solet, & imbecillus vte-  
rus semel conceptum semen. Materia autem attracta in contrarium affectum trā-  
sit, quando parti attrahenti vel quantitate, vel qualitate, vel utroq. simul mole-  
sta redditur.

*Ac venter quidem postquam abunde cibus est satiatus, & quod vtilissimū si-  
bi in his est in tunicas suas sugendo reposuit, tum quod reliquum est tanquā alie-  
num onus abiicit.*

Quod de naturali facultatis retentricis & expultricis agendi tempore dixe- C  
rat, id nunc priuatim explicat in ventriculo, vtraq. vesica, & vtero. In ventricu-  
lo quidem, quoniam is cibos primum ex ore per oesophagum deglutendo attra-  
hit, eosdē attractos arctissime amplectitur ac retinet, quoad eos perfecte con-  
coxerit, in chylumq. conuerterit. Ex his vero concoctis quod vtilissimum est &  
sibi magis familiare, in proprias tunicas reponit, id autem quod reliquum est,  
tanquam molestum iam onus ad intestina depellit, ut dictum etiam est cap. 6.  
Sed & ex hoc loco necessario colligitur ventriculum nutriri chylo, ut postea  
dicemus.

*Idem & vesicæ faciunt, vbi quoduis eorum quæ attraxerint, vel multitudine  
distendens, vel qualitate mordens, redditur molestum.*

Vesicas dixit numero multitudinis, vtramq. significans vesicā, bilis, & lotii:  
vtraq. enim substantiam attractam retinet, quamdiu molesta non fuerit, expel-  
lit vero, cum primum vel quantitate, vel qualitate, vel utroq. molestiam intule- D  
rit. Hinc collige vesicam lotii ex sententia Galeni lotium attrahere, quod itidē  
significauit capite superiori, docens fibras rectas attractioni præbere vsum, &  
propriam vtriusq. vesicæ tunicam (quæ simplex est) triplici fibrarum genere cō-  
stare. Sed & id expresse docuit lib. 5. de vsupart. sic scribens. At vesicarum tu-  
nicæ rectos, ac rotundos, & obliquos habent villos; vna enim vtriusque vesi-  
cæ tunica cum sit, ad omnem motus speciem constructionem adepta est ac  
commoda. Siquidem & motum quem attrahendi causa villi recti, & cum  
quem excernendi gratia transuersi, ad extremum etiam eum, quem ut ea  
etiam retineant quibus vndique apprimuntur, obliqui conficiunt, instrumenta  
ipsa habere æquum fuerat. Et paullo post, Ergo cum vtraque vesica tunicam  
simplicem esset habitura ob causam quam dicam, satius fuit; omne fibrarum  
genus



A genus in ipsis insistere, ut omnis etiam motus species consequeretur. Alibi ramen vesicam lotii attrahere negat, nam lib. 6. de loc. affect. ita habet, Sic etiam Cap. 3.  
 " ostensum est, renes trahere id quod aquosum in sanguine est, non tamē vesicam  
 " trahere a renibus, quemadmodum neque intestina a ventriculo; sed renes qui-  
 " dem per vteras excernendo in vesicam mittere, ventriculum autem in ieiun-  
 " num, per eum processum quem Herophilus dodecadactylon vocat, a duode-  
 " cim digitorum longitudine nomen ei imponens. Sunt qui hæc loca ita compo-  
 " nant, ut vesica reuera non attrahat lotium, attrahere ramen dicatur, non per se-  
 " ipsam, sed per renes. Insulsa tamen est huiusmodi explicatio, cum fibras rectas  
 in vesica inueniri, easque attractioni inseruire Galenus docuerit. Dicerem er-  
 go potius, vesicam quidem ex renibus & vteribus lotium attrahere, ita ta-  
 men, ut à valida renum expulsionē vesicæ attractio imbecilla maxime obscure-  
 tur. Quare cum lib. 6. de loc. affect. ageret de diabete, huius symptomatis caus-  
 B fas retulit verissime ad affectos renes neglecta vesica. Quæ igitur de attra-  
 ctione intestinorum superiori capite diximus, eadem nunc de vesicæ attractio-  
 ne intellige.

Pari modo & vteri, hi namque ubi vel distendi amplius non tolerant, vel  
 etiam qualitate humorum in se effusorum morderi, quod offendit abiicere pro-  
 perant. Porro prædictorum vtrumque aliquando non naturæ sponte, sed vio-  
 lenter incidit, quo casu abortus prouocatur. Fit autem plerumque & ex naturæ  
 commodo, quod genus non abortus, sed partus nominatur. Ac medicamenta qui-  
 C dem quæ vel abortum prouocant, vel alio quopiam affectu fætum perimunt, vel  
 aliquas membranarum eius corrumpunt, ea nimirum sequuntur abortus. Idem  
 incidunt, & cum vterus ex distensione male est affectus, ipsius vero fætus vehe-  
 mentissimis motibus succedunt partus, veluti ab Hippocrate recte est dictum.  
 Communis autem omnibus his affectibus ipsa est offensio, atque huius ipsius tri-  
 plex est causa, aut moles nimia, aut pondus aliquod, aut morsus. Moles, ubi am-  
 pliùs distendi vterus non tolerat; pondus, cum supra vires eius sit quod con-  
 tinet; morsus, ubi vel humores qui prius in membranis continebantur, his rup-  
 tis in ipsum vterum sunt effusi, vel etiam totus partus corruptus & pu-  
 tris, ac in noxiam saniem dissolutus, vteri tunicam eius occasione irritat, ac  
 D mordet.

In vtero similiter ac in ventriculo & vtræque vesica, retentrix & expultrix fa-  
 cultas agere solet. Retinet enim vterus fætum, donec ab ipso offendatur; semel  
 autem offensus fætum foras propellit: idque vel sponte naturæ, ut in partu; aut  
 violenter, ut in abortu. Partus autem & abortus vnica est causa cōmunis, nēpe  
 vteri offensio, quæ facultatem vteri expultricem irritat. Offensionis vero triplex  
 est causa, moles, pōdus, & morsus. Moles ad vteri capacitātē refertur, nā quādo  
 fœtus ad tātā peruenit magnitudinē, ut eū amplius vterus capere nō possit, irri-  
 tari solet expultrix. Pōdus ad vteri vires potius quā ad capacitātē pertinet, quia  
 licet vterus distendi amplius possit, si tamen imbecillis sit viribus, fœtus ipsius



pondus sustinere nequit. At morsus perpetuo fit a prauis acribusque excrementis, quæ in vterum effunduntur. In partu itaque tres simul offensionis causæ plerunque conueniunt, nam & a nimia foetus mole vterus distenditur, & grauatur pondere, & a foetus vrina atque sudore, quæ amnio & alantoide in partu disruptis in vterum effunduntur, necessario mordetur. Ab eisdem causis fit etiam abortus, potissimumque a pondere & morsu, siue a causa externa abortus fiat, siue interna. Ac externæ quidem abortus causæ plures esse possunt, vt ictus, casus, inedia, venæ sectio, & purgatio, Galenus tamen medicamentorum dumtaxat hoc loco meminit, quæ vel abortum prouocant, vel foetum perimunt, vel ipsius membranas corrumpunt: quorum exempla consulto nunc præterimus, ne quispiam Medicinæ ignarus his temere abutatur. Est autem id externis omnibus causis commune, vt medio pondere, aut vteri morsu abortum faciant. Siquidem inedia, purgatio, & venæ

Lib. 5. Aphor.  
Com. 30. & 34

Aphor. 31. li. 5.

Hippocrate, Mulierem grauidam morbo quopiam acuto corripì perniciosum. Foetus vero multifariam afficitur, maxime tamen si corrumpatur ac putrescat, & in noxiam saniem dissoluatur; tunc enim vterum mordendo irritabit. Vnde intelliges, non semper expectandum esse in abortu, vt foras prodeat foetus propriam foetus formam speciemque retinens, nonnumquam enim putrescens in noxiam saniem totus dissoluitur, vt inquit Galenus hoc loco. Tandem vteri affectus, varii illi quidem ac multiplices, abortum faciunt; qualis ille est cuius in aphorismis meminit Hippocrates, dicens, Quæ vero mediocriter corpulentæ abortum faciunt secundo mense, aut tertio, sine occasione manifesta; his cotyledones lentoris sunt plenæ, nec præ pondere foetum continere possunt, sed abruptis decidunt.

Aphor. 45. li. 5.

\* παλινάτωρ.

Ergo in omnibus instrumentis tum opera naturalia, tum etiam affectiones morbiq. singuli ad portionem fieri videntur; quædam adeo euidenter & clare, vt nullam demonstrationem eorum vllum desideret; quædam magis obscure, sed ita tamen, vt eos qui attenti sunt latere non possint. Atque in ventre quidem non solum morsus qui propter eius plurimum sensum est manifestus, sed etiam alii affectus, tum qui nauseam in eo excitant, tum qui καγδιωγμοί vocantur, manifeste segregatricem expultricemq. alienorum vim indicant. Ad eundem modum in vtero, & ea quæ lotium recipit vesica; quippe hæc quoque humorem excipere ac colligere hætenus cernitur, quoad vel multitudine ipsa distenta, vel qualitate demorsa, nequeat amplius pati. Siquidem excrementa singula si moram in corpore diutius trahant, putrescunt, alia spatio breuiore, alia longiore; itaque mordacia & acria, atque iis qui ea continent infesta redduntur.

\* παλινάτωρ.



- A** At non in ea vesica quæ iecinori subest similiter se habet, ut quæ nervorū plane sit expers. Debet autē hic quoq; naturæ contemplator similitudinē ad portionem inuenire. Si enim demonstratū est conuenientē eam succum attrahere, ita ut sæpe cernatur plena, eundemque hunc succum non multo interposito spatio excernere, necesse est eam vel multitudine succi pressam, vel ex qualitate eius in mordacem acremque mutata offensam, expulsionem desiderare. Non enim profecto cibi ipsi adeo celeriter priorem qualitatem deponunt, ut protinus quam in tenui intestina descenderint, stercus fiant; bilis autem non multo magis vel lotium, postquam a venis semel exciderint, qualitatem mutant, celerrime alterascentia & putrescentia. Atqui si tum in iis quæ in utero sunt, tum ventriculo, tum intestinis, superque in vesica ea quæ lotium recipit, luculenter apparet vel tensio quæpiam esse, vel morsus, vel pondus, quod singula instrumenta ad expulsionem proritat; non magno negotio id in bilis quoque vesica intelligas, æque scilicet ut in reliquis instrumentis omnibus, quorum ē numero tam arteriæ, quam venæ sunt.

Tensio, gravitas, & morsus, a quibus dictum est irritari facultatem expultricem, in quibusdam naturæ instrumentis evidentissima sunt, in aliis vero obscuriora esse solent. Ac in ventriculo quidem, intestinis, utero, & vesica lotii evidentissima esse solent; tum quod horum instrumentorum actiones evidentes sint, cum potissimum quod exquisito sensu sint prædita. In vesica autem bilis, arteriis, & venis, & quod ipsorum actiones sensum effugiant, & quod sensum hebetiorem habeant, obscurius deprehenduntur. Quod uterus a foetus magnitudine distendatur, aut pondere grauetur, aut ab excrementis mordeatur; tum partus, tum abortus indicat, ut antea diximus. Ventriculum autem a multitudine ciborum gravari, aut distendi, aut a pravis acribusque excrementis morderi, quotidiana monstrat experientia, & ea quæ sequuntur symptomata, ut nausea, morsus, & καρδιωγμός. Quo loco morsum & καρδιωγμόν distincta statuit symptomata, forte quod morsus symptoma sit & pluribus aliis partibus, & toti ventriculo commune, καρδιωγμός vero solius orificii ventriculi, quod Græci καρδίαν etiam vocant. Iam vero & vesica quæ lotium recipit, vel a lotii multitudine distenta, vel gravata, vel a mordaci ipsius qualitate demorsa, ad excretionem irritatur. Pravam autem qualitatem lotium contrahit, vel ex acrium excrementorum permissione, vel ex diuturna mora. Est namque id omnibus excrementis commune, ut si moram aliquando in propriis traxerint conceptaculis, corrumpantur; ut pote quæ cum partibus sint inutilia, a natura non amplius gubernentur. Vnde etiam fit, ut stercus & vrina in sanis etiam corporibus foetore participant. Ex his itaque instrumentis de reliquis omnibus ratiocinari oportet, similiaque in illis ad portionem inuenire symptomata, etiam si sensum plerorumque lateant; veluti in vesica bilis. Hæc namque attrahit ad se bilem, eamque nō multo inrerposito spatio excernit ad ecphylin; unde recte supra collegimus



vesicam non nutriri bile. Excernit autem bilem vesica, cum primum bilis copia **A**  
grauatur, aut distenditur, vel praua mordetur qualitate. Hæc tamen symptoma-  
ta in vesicabilis obscurius multo deprehenduntur, quoniam vt Galenus ait, ner-  
uorum plane est expers. Sed quomodo vesicam bilis nervorum expertem esse  
ait, cum duos nervos accipiat ex sexto pari nervorum cerebri? Sunt qui dicant,  
vesicam dici expertem nervorum, non quod nervis omnino careat, sed quod  
expers sit nervorum apparentium. Alii non simpliciter nervorum expertem di-  
ci volunt, sed collatione facta ad vesicam lotii, quæ multos insignesque nervos  
accipit ex osse sacro. Pendet tamen huius loci explicatio ex Græca dictione  
ἡκιστα, qua vtitur Galenus sic scribens, ὡς ἂν ἴστωσι νεύρων ἡκιστα μετεχῆναι : quam-  
uis pro ἡκιστα legisse videatur ἥκιστα Nicolaus Calaber, qui locum hunc ita  
conuertit, Quo manifestum, quod nervis singula participant. Reliqui tamen  
interpretes legunt ἡκιστα, quam vocem sic interpretantur, vt neget omnino, **B**  
idemque significet quod οὐδαμῶς, id est minime seu nullo modo. Nam Leoni-  
cenus sic transfert, Vnde manifestum fit, quod nervos minime participat: quem  
etiam sensum reddit Linacer, dum ait, Vt quæ nervorum plane sit expers. Mihi  
tamen illorum sententia magis probatur, qui vocem illam ἡκιστα non omnino  
negare, sed idem potius quod ἐλάχιστα, id est minimum, hoc loco significare  
affirmant: nam & hac significatione vsum fuisse aliquando Hippocratem ipsemet  
Galenus fatetur. Erit itaque hoc pacto facilis simul & verus huius loci sensus,  
in quo hanc rationem reddit, cur in vesica bilis obscura fiant symptomata, quia  
scilicet nervorum minimum est particeps, id est quia minimos habet nervos,  
proptereaque exquisitum non habet sensum. Porro quæ ratio est vesicæ bilis,  
eadem prorsus est venarum & arteriarum, in quibus obtusus quoque sensus  
reperitur, & obscura fiunt symptomata. **C**

Lib. 3. de rat.  
viâ. in mort.  
& cut. com. 61.

## CAP. XII.



**L**AM nec illud difficile compertu est, & tractum & expulsionem  
diuersis in temporibus per eundem meatum fieri; si modo ventris  
stomachus quam gulam vocamus, non cibos tantum potionemq; in  
ipsum ducere, sed etiam in nauseis contrario fungi ministerio cerni-  
tur. Etiam vesicæ quæ sub iecinore est collum cum vnū sit, tamen per se vesicam  
non solum implet, sed etiam vacuat. Vteri præterea stomachus quod collum ap- **D**  
pellamus, pari modo sicut intro seminis, ita foras partus via est. Verum hic rur-  
sus expultrix facultas euident est, tractrix æque atque illa vulgo non li-  
quet. Verum Hippocrates imbecilli vteri cervicem culpans ait, Non enim potest  
eius collum semen intro trahere. Erasistratus vero Asclepiadesque eo sapientia  
processere, vt non solum vterum & ventriculum eiusmodi facultate priuent, sed  
etiam ipsam quæ sub iecinore est vesicam, atque etiam renes: quamquam non  
posse aliam vel vrinæ vel bilis segregandæ causam reddi, in primo libro a no-  
bis est monstratum. Ergo cum & vterum, & ventrem. & eam quæ hepa-  
ti subest vesicam, non trahere modo, sed etiam a se pellere per vnā  
eandem-



*A* eandemque viam videamus; mirari non debemus, si etiam per venas in ventrem natura nonnunquam expellit.

Docet tandem, contrarios naturæ motus, quales sunt attractio & expulsio, per vnum eundemque meatum sæpissime fieri; idque non solum in morboſis affectibus, verum etiam nobis bene habentibus. Id verum esse confirmat exemplo ventriculi, vesicæ bilis, & vteri, quorum actiones euidentiores esse solent. Per quem itaque stomachum cibum & potum attrahit ventriculus, per eundem in vomitu quæ antea deglutierat foras expellit. Is autem ventriculi stomachus, pars illa est, quam Græci proprio nomine œsophagon, Latini vero gulam appellant. Ita & vesica bilis cum vnicum habeat collum, per id sane bilem attrahit ex iecore, & eandem postea expellit ad ecphysin. Ac tandem vterus per suum stomachum (propriam scilicet ceruicem) & semen in coitu attrahit, & fœtum in partu foras propellit. Cumque hoc loco ventriculo & vtero stomachum tribuerit, certum est, stomachum nullius priuatim particulæ nomē esse, sed multis commune, vt supra annotauimus. Atqui ex vtero, vesica bilis, & ventriculo, de reliquis instrumentis iudicium ferre oportet, quæ obscuriores functiones edunt, quales potissimum sunt venæ & arteriæ. Proindeq; absurdum non erit, per easdem venas noxia excrementa ex iecore expelli ad ventriculum & intestina, per quas nutrimentū ex ventriculo & intestinis ab hepate attractum fuerat.

*C* Illud vero multo etiam minus est mirandum, si per quas venas a ventre in iecur facta est digestio, rursus ex iecinore in ipsum trahi aliquod alimentum in longiore inedia potest. Quippe eiusmodi effectis fidem abrogare, simile profecto est ac si quis purgantia medicamenta, per quæ ora facta prius est digestio, per eadem neget ex toto corpore in ventrem proprios succos trahere, sed alia digestionis, alia purgationis requirat ora. Atqui si vnum idemque os, geminis quæ in contrarias partes diuersis temporibus trahant potentiis subseruit, prius quidem ei quæ est hepatis, purgandi vero tempore ei quæ est medicamenti; quid miri est, in his venis quæ medium spatium inter iecur & partes circa v̄trem occupant, duplex esse ministerium atque vsum, ita vt cum in his abundantia fuerit alimenti, per iam dictas venas sursum feratur in iecur; cum autem vacua sunt, nutritiq; auent, per easdem ipsas ex hepate rursus trahatur? Siquidem totum ex toto trahere, ac toti impertire, vnaque omnium confluxio ac conspiratio esse videtur, quæadmodum admirabilis Hippocrates dixit. Ac trahit quidem id quod est valentius, vacuatur autem id quod est imbecillius. Porro valentior imbecilliorque altera quam altera particula est, vel absoluto sermone, naturæque, & communiter in omnibus; vel priuatim huic cuiuspiam talis efficitur. Et natura quidem, omnibusque tum hominibus, tum animalibus, communiter cor quam iecur, & iecur quam intestina & venter, item arteriæ quam venæ, tum quod vtile est ad se trahere, tum quod diuersum ab hoc est, a se pellere magis



valent. Et priuatim in vnoquoque nostrum alio tempore iecur valentius A  
trahere potest, alio ventriculus. Quippe vbi in ventriculo copia alimenti  
est, ac iecur vehementer appetit, desideratque omnino, id valentius trahit;  
inuicemque iecinore referto ac distento, ventre vero appetente ac vacuo,  
valentior trahendi vis in hunc transfertur. Tamquam enim si mani-  
bus cibos aliquos tenentes, alter ab altero eos raperemus; si pari quidem  
modo his egeremus, superare valentio rem par esset; si autem esset hic ex-  
pletus, ac propterea negligenter quæ supernuacua essent teneret, aut etiam  
alicui impertire studeret, imbecillior autem vehementer appeteret, nihil obstaret  
quo minus ipse cuncta caperet, itidem venter ex iecinore facile trahit, cum hic  
quidem vehementer nutriri appetit, illud nutrimento est plenum. Estque nōnum- B  
quam quo minus animal esuriant caussa, nutrimenti in iecinore abundantia. Quip-  
pe venter si melius paratiusque nutrimentum habet, externum non postulat; sin  
aliquando postulat, nec eius copia est, excrementis impletur. Eæ sunt sanies quæ-  
dam biliosæ, pituitosæque, atque ferosæ, quas solas trahenti illi, cum scilicet nu-  
trimenti indiget, iecur remittit.

Per easdem venas contrarios fieri naturæ morus, & mutua nutrimenti attra-  
ctio quæ a diuersis corporis partibus fit, & mutua excrementorum expulsio a-  
perte declarat. Quemadmodum enim purgantia medicamenta (quæ vim ha-  
bere familiarium succorum attracticem libro primo demonstrauimus) per eas- C  
dem venas attrahunt, per quas nutrimentum secundum naturam digeritur; ita  
absurdum non est, venas quæ inter iecur & ventrem sunt, duplici facultati at-  
tractrici quæ in contrarias partes diuersis temporibus trahat, vsum præbere.  
Quo fit, vt per venas mesaraicas per quas ex ventriculo & intestinis facta est  
nutrimenti digestio trahente iecinore, ex hoc rursus aliquod alimentum (nem-  
pe sanguis) ab ipsomet ventriculo attrahatur. Id quod in longiore inedia fieri  
docet, significans scilicet (vt postea dicemus) tempore tantum inedia ventri-  
culum nutriri sanguine. Mutuam hanc nutrimenti attractionem quæ à diuersis D  
partibus diuersis temporibus fit, innuit Hippocrates his verbis, In extremam  
superficiem alimentum intrinsecus peruenit, & forinsecus alimentum ex extre-  
ma superficie ad intima peruenit: confluxio vna, conspiratio vna, consentien-  
tia omnia. In hac vero quæ ex partibus quibusdam in alias partes fit nutrimen-  
ti attractione, eas vincere, ab aliisque attrahere necesse est, quæ valentiores  
fuerint; eas autem vinci ac inaniri, quæ fuerint imbecilliores. Atqui robustio-  
res aut imbecilliores bifariam dici possunt, vel quod tales sint ex sua natura,  
vel quod priuatim hoc tempore tales efficiantur. Et sua quidem natura cor iecore  
robustius est, iecur ventriculo & intestinis: priuatim vero interdum fit,  
vt ventriculus aliquo tempore robustior sit iecore. Si igitur omnes corporis  
partes nutrimento pariter indiguerint, quæ fuerint robustiores, nutrimen-  
tum ex imbecillioribus attrahent; non enim fieri potest, vt ipsum imbecil-  
liores ex valentioribus retrahant. Si vero partes valentiores nutrimento  
abundauerint, imbecilliores autem indiguerint; nihil plane obstat, quo mi-  
nus imbecilliores nutrimentum valentioribus eripiant: veluti si ab eo qui  
cibum



**A** cibum manuteneat, conetur alter eundem vi eripere. Nam si vterque pariter cibo indigeat, valentiorum vincere necesse erit; si tamen qui valentior est abunde sit satiat, proindeque negligenter cibum retineat, qui autem imbecillior est vehementer esuriat, proptereaque maiores in agendo adhibeat conatus; fiet profecto ut imbecillior tandem cibo fruatur. Idem ergo & corporis partibus accidere credendum est, nam si iecur & ventriculus pariter indigeant nutrimento, trahet haud dubie ex ventriculo iecur, quoniam valentius est. Si tamen iecur multo abundet sanguine, ventriculus contra nutrimenti penuria laboret; nihil profecto prohibet, quominus ventriculus (alioqui imbecillior) sanguinem ex iecore trahat. Atque id inquit Galenus in causa esse, cur animal interdum non esuriat, licet cibum non assumpserit; ventriculus namque si melius paratiusque nutrimentum habeat, externum non postulat. Quo loco ad-

**B**uerte, sanguinem dici melius paratiusque ventriculo nutrimentum, non quidem chylo, sed externis dumtaxat alimentis. Est enim chylus (ut sequenti capite dicemus) proprium ventriculi nutrimentum, is vero ex sanguine facilius multo gignitur quam ex cibis externis, rudibus adhuc & inelaboratis. Quare si liceret ventriculo sanguinem semper ex iecore attrahere, externos cibos nunquam appeteret: sed quoniam iecur eo dumtaxat tempore sanguinem permittit à ventriculo trahi, quo nutrimento plurimo abundat; cogitur ventriculus externis cibis repleri. Alioqui si esuriens neque ex iecore sanguinem trahat, neque externa capiat alimenta, pravis quibusdam excrementis biliosis, pituitosis, aut serosis, necessario repletur: hæc enim tantum attrahi finit iecur ventriculo valentius, sanguinem vero sibi necessarium retinet.

**C** Ergo sicuti inter se particulae altera ab altera nutrimentum trahunt; ita altera in alteram quod superuacuum est a se deponit. Et sicut trahentium ea vincit quæ erat valentior, sic & a se deponentium; estque hæc vocatarum fluxionum causa: habet enim particula quæque nativum quoddam robur, quo quod superuacuum est persequitur. Vbi igitur earum aliqua affectus cuiuspiam occasione imbecillior est reddita, ex omnibus in illam confluere quæ superuacua sunt est necesse. Ea namque, quæcumque pars valentissima est, in vicinas omnes reponit; earum rursus singulae in alias quæ ipsis sunt imbecilliores; dein rursus illarum singulae in alias; idque eatenus longissime procedit, quoad ex omnibus

**D** fugatum superfluum, in unam quampiam maxime imbecillarum procumbat: hinc namque in aliam transfluere nequit, utpote nec valentiorum aliquo id recipiente, nec laborante ipsa a se pellere valente. Ceterum alibi, cum scilicet de affectuum vel generatione vel curatione agemus, abunde ex illis testimonia cepisse licebit iis quæ toto hoc libro recte sunt demonstrata.

Mutua quoque ex partibus in partes excrementorum expulsio fieri solet, in qua non secus ac in mutua nutrimenti attractione, partem robustiorem vincere est necesse. Quemadmodum igitur in hac, pars quæ valentior est ex imbecilliori nutrimentum attrahit; ita & in illa in partem imbecillio-



quæ robustiores sunt excrementa deponunt. Atque hanc causam inquit esse A vocatarum fluxionum: quod quidem non ita accipiendum est, ut hæc sola sit fluxionum causa (est enim præter hanc altera, nempe attractio, quæ à calore fit, vel dolore partis ipsius affectæ) sed quod causa sit maxime præcipua & frequentissima: solent namque frequentissime excitari fluxiones ob robur partium transmittentium, & partium recipientium imbecillitatem. Incipit itaque à partibus valétioribus fluxio, quæ insita sibi facultate, quæ superflua sunt in partes imbecilliores vicinas expellunt, atque hæc rursus in alias, donec tandem ad eam peruentum sit, quæ vel ex sua natura, vel saltem eo tempore sit ceteris infirmior. In hac enim fluxio quiescit, quia cum imbecillima sit, in partes robustiores nequaquam potest noxiam fluxionem remittere. Sed de causis fluxionis agemus accuratius in pathologicis, ubi etiam docebimus, quomodo dicatur dolor causa attractionis.

B

Quod autem ostendere in præsentī propositum erat, denuo resumamus; non esse scilicet mirum, venire ex hepate in ventrem & intestina nutrimentum per eas ipsas venas, per quas prius ex illis in hepar subierat; multisq. eorum qui valentem exercitationem subito & prorsus dimiserunt, aut artuum aliquem præciderunt, sanguinem per intestina certis periodis simul plurimum vacuari, sicuti quodam loco Hippocrates dixit; nullo quidem corporis incōmodo, nisi quod præceteri impetu ipsum totum purgat, redundansque vacuat: per easdem scilicet venas intro latis superfluis, per quas antea in corpus fuerat deducta. Porro in morbis natura non raro totum animal per easdem venas purgat, non tamen est ea vacuatio sanguinea, sed pro ratione infestantis succi. Ita nimirum & in cholæris per venas quæ ad intestinum & ventrem pertinent, totum vacuatur corpus. Existimare autem unicum esse motus modum quo materiæ in corpore ferantur, ignorantis omnino est naturæ potentias, cum alias, tum vero eam quæ tractrici aduersa est excretricem; siquidem contrarias potentias necesse est contrarii sequantur motus.

C

Ad institutum reuersus, ex dysenteria cruenta, diarrhœa, & cholæra morbo probat, per easdē venas fieri nutrimenti attractionē, & expulsionem excrementorū. Dysenteria quidē cruenta (ut alibi diximus) copiosa est sanguinis deiectio ex eiusdem redundantia ortū habēs. Quo fit, ut iis potissimū familiaris esse soleat, qui validā exercitationē subito prorsusq. omiserunt, aut quibus artus quispia abscisus est: sunt enim utriq. morbis ex plenitudine ortis maxime obnoxii, quod totus ille sanguis qui per exercitationes dissipari, aut in abscisi membri nutritionem absumi consueuerat, sensim in vasis colligatur. A quibus sane morbis sæpe natura hominem liberat, dum copiosam sanguinis vacationem molitur, ut fit in dysenteria cruenta, quam Hippocrates simpliciter dysenteriam appellat. In hac igitur redundantem sanguinem ex iecore & venis per eadem vasa ad intestina depellit natura, per quæ antea chylus ex ventriculo & intestinis distributus fuerat ad iecur. Idem ostendit diarrhœa, (id est alui profluuiū) non ea quæ ex ciborū cruditate aut corruptione nascitur (quæ apte propterea ventralem practici appellant) sed altera quæ humoralis iisdē dicitur, quæque a prauis humoribus vasa irritantibus, ad intestinaque depulsis ortum habet. In hac enim certum

D

Lib. de nat. hō.  
com. 32.

Lib. 4. de art.  
fent. 40.



**A** certum est per venas mesaraicas ex hepate & vasis viciosos humores depelli, cū antea per easdē nutrimentum ad iecur digestū fuisset. Postremo cholera morbus, quæ vacuatio est ex diarrhœa & vomitu composita, idem aperte cōfirmat. Cūq. hæc non secus ac diarrhœa, vel fiat irritato ventriculo à crudis corruptisue cibis, aut vasis humorum acrimonia demorsis; de hac posteriore sermonem hīc haberi perspicuum est: hæc namque per venas ad intestina & ventriculum pertinentes vniuersum corpus euacuat. Ex quibus omnibus recte concludit, diuersos, & interdum cōtrarios esse motus, quibus per easdem vias materiæ feruntur; siue quæ mouetur materia vtile sit nutrimentum, siue noxium excrementum.

**B** Singula enim particula vbi conuenientem succum attraxerunt, deinde ex tento fructum ceperunt, totum quod superfluum est, quam possunt celerrime cōmodissimeque, pro superuacui ipsius huc illucue momento, abiicere properant.

Eoq. ventriculus quod excrementorū in eo fluitat, per vomitionē expurgat; quod subsidet, alui deiectione: atq. id est quod animal esse nauseabundū dicimus, ventriculum scilicet vt per vomitum vacuetur impetum capeffere. Ergo tantam violentiam vehementiāque excretoria vis obtinet, vt vbi in morbo quem *αλεα* Græci vocant, transitus omnino præclusus est, vomatur stercus: quamquam nisi traiecto tum tenui intestino toto, tum ieiuno, tum pyloro, ventriculoque ac gula, omnino nequeat per vlliū os eiici tale vllum excrementum. Ergo quid miri est, si

**C** etiam ab vltima corporis parte quæ ad cutem est, ad ipsa vsque intestina & ventriculum aliquid translaturum peruenit? Quod ipsum quoque Hippocrates nos docuit, scilicet non spiritum modo aut excrementum, verum etiam nutrimentum ipsum, ab vltima & summa corporis parte, eo vnde primum ascēdit rursum deferri. Quippe minimum momētum expultricem facultatem huc vel illuc impellit, vt quæ per transversas fibras functionem suam obeat, ocysimeque ab eo vnde primum est mota, ad eum qui contra positus est finem, tradatur. Non est ergo nec a ratione alienum, nec eiusmodi quod fieri nequeat, si pars ea quæ ad cutem est, in solito interim frigore subito stipata, vbi & imbecillior est reddita, & quem prius citra offensam inpersum habuit humorem, vt onus potius quam preparatū ali-

**D** quid ad nutritionem sustinet, eoque pellere a se studet, simul autem via quæ foras fert, densitudine est interclusa; alienum inquam non est, si ad eam quæ intro fert conuertitur. Itaque quod offendit, in vicinam sibi particulam violenter coactum amolitur, atque illa rursus in eam quæ sibi proxima est, neque id fieri desistit, quoad translatio ad interna venarum ora finiatur. Ac tales quidem motus celerius cessant, qui autem ab internis partibus irritant, veluti in medicamentorum purgatione ac cholæris, hi & vehementiores fiunt & diuturniores; durātq. dum affectus qui in vasorum finibus est, qui scilicet quod vicinum est trahit, permanet. Hic namque in continentem vacuat particulam, illa rursus in eam quæ sibi proxima succedit, nec finis, quoad peruentum ad vltimum est exitum: ita vt



particulis quæ deinceps sunt posita, altera semper alteri impartientibus, primus A  
 affectus ocysime ad vltima perueniat. Sic igitur se habet & in ileo, ipsum enim  
 quod phlegmone laborat intestinum, nec pondus, nec acrimoniam tolerat excre-  
 mentorum, eoque excernere, expellereque ea quam longissime a se nititur: prohi-  
 bitum vero deorsum persequi, (cum scilicet hoc loco grauissima pars phlegmones  
 fuerit,) in proxima suprapositorum intestinorum extrudit. Itaque iam excre-  
 tricis facultatis momento per continuum intestinum sursum verso, excrementa  
 vsque ad os ascendunt. Atque hæc quidem in tractatione de morbis fusius pro-  
 sequemur.

Quod varii & interdum contrarii fiant in corpore materiarum motus, ha- B  
 ætenus dixi; nunc autem docet, fieri eiusmodi motus, pro vario earundem ma-  
 teriarum in varias partes momento ac impetu. In hanc vero aut illam partem  
 materia inclinat, vel pro ipsius natura, vel partium ipsarum affectione. Nam si  
 pars doleat, aut imbecilla sit, aut interclusa sit via per quam excrementa se-  
 cundum naturam excerni consueuerant, facile eo feruntur excrementa. Hæc  
 autem si calida fuerint & tenuia, partes superiores; si crassa & frigida, inferiores  
 petere solent. Atque is sane excrementorum motus diligenter medico obser-  
 uandus est, ut ipsum vel iuuare, vel prohibere possit, vel etiam omnino sinere.  
 Ac sinere quidem conuenit, quando a robusta natura noxii humores cum ani-  
 malis commode excernuntur, ut fit in naturæ iudiciis. Nam quæ decernuntur,  
 decretave sunt iuste, nec mouere, nec aliud quidquam nouare, seu medicamen- C  
 tis, seu aliis irritamentis fiat, sed omittere, ut inquit Hippocrates. Iuuare autem,  
 quando natura incoharam vacuationem perficere non potuit; tunc enim nisi  
 quod deficit medici induttria suppleatur, aut non soluitur morbus, aut exspe-  
 ctanda est recidiua, iuxta illud Hippocratis, Quæ post crysim relinquuntur, re-  
 cidiuos morbos facere consueuerunt. Prohibere vero ac impedire, quando hu-  
 morum imperus immodicus est, vel vtcumque aliter noxius; quo tempore hu-  
 morum fluxum cōpescimus, atque reuellimus ad contraria. Quippe si mulieri  
 placet menstrua sistere, cucurbitulam quammaximam ad mammas (vel potius  
 sub mammis) appone. Et mulieri sanguinem euoment, mensiuus erumpenti-  
 bus solutio fit. Sed & ad humorum purgationem recte instituendam magna  
 eius motus habenda ratio est, quo suo pte impetu humores ipsi feruntur. Ducē-  
 dus enim qua repit humor, per conuenientes regiones; & quæ educere oport-  
 tet, quoquo maxime vergere videbuntur ducere, viis ac locis vtiliter eo feren- D  
 tibus. Neque vero alia ratio est, cur æstate superiorem potius, hyeme inferiore  
 ventrem purgare Hippocrates præcipiat, quam quod flaua bilis æstate redun-  
 dans, & vniuersa omnino animalis natura, propter ambiētis aëris calorem sur-  
 sum magis moueatur. Contra vero melancholicos infra vehementius purgandos  
 esse iubet, quia ob crassitiem & grauitatem humor melancholicus deorsum  
 fertur. Cum itaq. tanti momenti sit humorum motum expendere, merito nunc  
 docet Galenus ventriculi & intestinorum exemplo, pro vario excrementorum  
 momento multiplicem sequi vacuationem. Ventriculus namque & per vomit-  
 um, & per alui deiectionem expurgatur; per vomitum quidem, si ad ventri-  
 culi orificium excrementa ferantur; per deiectionem vero, si ad ventriculi fun-  
 dum decumbant. Intestina quoque quamuis deorsum expurgentur secundum  
 naturam

Aphor. 20.  
lib. 1.

Aphor. 12. lib. 2.

Aphor. 50. lib. 5

Aphor. 32.  
lib. 5.

Lib. de humo.

Aphor. 21.  
lib. 1.

Aphor. 4.  
lib. 4.

Aphor. 9. li. 4.



- A** naturam, interdum tamen impetum ad superna capiunt, ut in perniciosissimo illo accidit symptomate, quod Græci *άλιον*, Latini voluulum vocant, in quo intestina naturali expulsionis motu priuantur, quod stercorei transitus ad inferna fit præclusus. Et quamvis unicam huius symptomatis causam videatur Galenus in præsentia statuisse, nempe intestini phlegmonem, quæ ipsius cavitatem comprimat; alterâ tamen alibi concedit, nempe induratum stercus, quod intestini cavitatem obturet. In hoc itaque symptomate cum facultas intestinorû expultrix ad excretionem irritata, ob intestini compressionem vel obstructionem stercus deorsum detrudere nequeat, impetum ad superna capeffere cogitur, donec tandem ingrauescente malo ex tenui intestino ad ieiunum, ex ieiuno ad duodenum, ex hoc rursus ad ventriculum stercus ascendat, ex quo tandem per œsophagum foras euomatur. Ex iis quæ in intestinis manifeste fieri cernuntur, de obscurioribus aliarum partium motibus raciocinari licebit. Fieri enim
- B** aliquando potest, ut quæ in habitu corporis continêtur excrementa, vomitu aut alui deiectione excernantur. Nam si pars quæpiâ imbecilla plurima in corporis habitu excrementa collegerit, neque ea possit per habitum corporis libere excernere, quod is ab externo frigore sit vehementer constipatus; absurdum profecto non est, facultate expultrice impetum ad interna capiente, eiusmodi excrementa ad vasa refluere; rursusque ex his ad alia sibi vicina expelli, donec tandem ad interna vasorum ad ventriculum & intestina pertinentium ora peruentum fuerit. Ad eundem quoque mundum facultate attractrice ad agendum immodice concitata fieri aliquando potest, ut nutrimentum ex corporis habitu ad ventriculum & intestina retrahatur. Siquidem inanitus ventriculus ex proximis vasis sanguinem attrahit, hæc rursus inanita trahunt ex aliis,
- C** donec ad minima peruentum sit vasa, quæ singulis partibus sunt propria. Solent tamen leuiore esse & minus diuturni facultatis expultricis motus qui ab extima corporis superficie incipiunt; vehementiores vero & diuturniores qui ab internis partibus irritant, in quibus una cum expultrice attractrix vehementius agit; veluti in cholæra morbo, & purgatione immodica. In hac enim (ut alibi diximus) posteaquam familiaris humor sanguini innatans, a medicamento attractus fuerit, sanguis colliquatur & caro, medicamento scilicet succum sibi familiarem ex his violenter eliciente; quo fere iam vacuato, & alii excernuntur humores, irritata simul facultate vasorum expultrice, morsiq. ob medicamenti acrimoniam eorundem orificiis. In cholæra autem morbo expultrix vasorum facultas primum irritari consuevit, deinde vero attractrix, ubi vasa fuerint insigniter inanita. Atqui huiusmodi motus tamdiu durant, quamdiu permanferit affectus qui in vasorum finibus est, qui scilicet quod vicinum est trahit. Qui
- D** sane affectus mordicatio est, quam extremis suis finibus vel à purgante medicamento, vel ab acris humoribus vasa patiuntur. Efficit namque hæc mordicatio, ut inanita vasa ex aliis sibi vicinis trahant; ita ut primus affectus (scilicet inanitio) ad eas partes ocysime perueniat, quæ omnium vltimæ sunt, atq. in corporis habitu sunt positæ.

Lib. 3. de cau.  
sympt. cap. 2.  
& lib. 6. de loc.  
affect. cap. 2.

Lib. de nat. hō.  
com. 30.

*Ceterum quod ex toto in totum aliquid trāsferatur, mutuoque recipiatur, ac una sit omnium (sicut Hippocrates prodidit) conspiratio atque confluxio, iam mihi videor clare indicasse. Quodque nemo, ne si tardus quidem illi sit sensus, de talium vlllo etiamnum dubitet: qualia scilicet sunt, qua ratione vëter intestinaq. nutrian-*



nutriantur; & quonam modo ab vltima corporis summa parte intro aliquid per A  
 ueniat. Siquidem cum vniuersæ corporis particula attrahendi quod conueniens  
 amicumque est, repellendi quod grauat, mordet ve, potentiam habeant; mini-  
 me mirandum est, contrarios assidue motus in his fieri. Veluti tū in corde liquido  
 cernitur, tū in arteriis omnibus, thoraceq; & pulmone. In his enim omnibus tantū  
 non omni tēporis momēto, simul instrumentorū, simul materiā contrarios motus  
 euidenter fieri videas. An igitur de aspera arteria vicissim alias intro in pulmonē,  
 alias foras spiritum transmittente non dubitas; pari modo nec de nasi meatibus  
 & ore toto? Nec mirū etiamnum aut incredibile tibi videtur, si per quod spiritus  
 paullo ante recipiebatur intro, per id nunc emittitur? De his inquam non dubi-  
 tas, de venis quæ a iecinore in intestina & ventrem pertinent, dubitas? Mirumq; B  
 tibi esse videtur, si per easdem simul & digeritur nutrimentum in iecur, & rur-  
 sus ab eo in ventriculū trahitur? Sane distingui oportet illud Simul vtro id modo  
 dicas. Nā si eodē tēpore intelligas, ne nos quidem id cōcedimus. Quippe sicut alio  
 in tēpore spiritū recipimus, alio rursus foras mittimus; ita alio tēpore iecur ex vē-  
 tre alio venter ex iecore trahit. Sin quod in vno eodēq; animali vnū instrumentū  
 contrariis materiā motibus subseruit, hoc tibi Simul illud significat, idque te  
 perturbat; age spiritus immisionem remissionemq; considera. Omnino enim hæ  
 per eadem istrumenta fiunt, differunt autem motus, ac ferendæ per instrumen-  
 ta materiæ modo. Pulmo igitur, & thorax, & arteriæ, tum aspera, tum læ- C  
 uis, & cor, & os, & nares, breuissimis temporum momentis tum ipsa contrarios  
 sortiuntur motus, tum materias mutant. Quæ autem ex iecinore in intestina &  
 ventrem pertinent venæ, non æque breuib; temporum spatij, sed in multis die-  
 bus semel aliquando contrario funguntur motu.

Quamuis abunde hætenus demonstratum sit, per easdē omnino venas con-  
 trarios attractionis expulsionisq; motus fieri posse; nunc tamē extremo hoc ca-  
 pite idem rursus confirmat exemplo instrumentorum respirationis & transpira-  
 tionis. Sunt autem trāspiratio & respiratio partim inter se similes, partim dissim-  
 iles. Similes quidem, quoniā vtraque ex duobus contrarijs moribus est com-  
 posita; respiratio namque ex inspiratione & expiratione; transpiratio vero ar- D  
 teriarum dilatatione contractioneq; perficitur. Præterea vt inspiratione ex-  
 ternus aër attrahitur, expiratione vero foras expurgantur fuligines; ita in trā-  
 spiratione dilatatis arterijs aër intro trahitur, contractis vero foras excernun-  
 tur fuliginosa excrementa. Sunt tamen dissimiles, quia respiratio animæ actio  
 est voluntaria, transpiratio vero actio naturæ. Differunt quoque instrumentis,  
 nam transpirationis instrumenta sunt arteriæ, eæque potissimum quæ finiuntur  
 ad cutim; respirationis vero proprium organum est thorax, cuius motum sequi-  
 tur pulmo, qui inspiratum aërem ex ore per asperam arteriam primus suscipit,  
 quemadmodum cerebrum per nares. In his itaque instrumentis, & quæ per illa  
 feruntur materiis, contrarios fieri motus quotidie experimur, cum in respiratio-  
 ne thorax & pulmo, in transpiratione arteriæ dilatentur simul & contrahantur,  
 suaq;



- A** suaq; dilatatione aërem attrahant, contractione vero fuligines expellant. Sed & meatus per quos eiusmodi feruntur materiae, contrariis hisce motibus vsum simul præbent: per os namque, nares, & asperam arteriam, & aër in respiratione attrahitur, & fuliginosa excrementa expelluntur: per eadem quoque arteriarum ora in transpiratione expurgantur fuligines, per quæ externus etiam aër attrahitur. Quemadmodum ergo in respirationis & transpirationis organis, & quæ per ea feruntur materiis, contrarios motus liquido cernimus; ita & per easdem venas & mutuam nutrimenti attractionem, & mutuam excrementorum expulsionem simul fieri concedere oportet. Sic autem illud Simul accipiendum est, ut non vno eodemque tempore eadem instrumenta contrariis agantur motibus, sed in eodem animali vnum idemque instrumentum contrariis motibus subseruiat. Verum licet cum instrumentis respirationis & transpirationis in eo venæ conueniant, ut contrarios simul motus sustineant; in eo tamen est discrimen, quod transpirationis & respirationis organa brevissimis temporum spatiis contrariis agantur motibus, ut pote quæ conseruando cordis & reliquarum partium calori sint necessaria; venæ autem quæ ex hepate in ventriculum & intestina pertinent, in multis diebus semel aliquando contrario fungantur motu. Is Galeni locus obseruatione dignus eo nomine videtur, quod ex eo colligatur ventriculum nutriri chylo, non sanguine, ut sequenti capite dicemus. Atq; hæc quidē ad facultates & actiones naturæ ministras pertinet, quas recte demonstrauit Galenus quattuor esse, attracticē, retētricem, cōcoctricē, & expultricē. Sed quoniam ex actionum numero numerus facultatum pendere videtur, plures alias naturæ facultates ministras constituendas esse forsan existimavit quispiam, cum præter attractionem, retentionem, concoctionem, & expulsionem, nutritioni quoque vsum præbeant familiaris nutrimenti appetentia, eiusdem appositio & agglutinatio, excrementorum secretio, & utilis nutrimenti distributio. Quibus sane actionibus quinque facultates nutritici ministrantes respondēt, appetēs scilicet, apponēs, agglutinās, secernēs, & distribuēs. Sextā alij addunt quæ soli famuletur auētricē, quā ipsi dilatāre vocāt. Has itaq; si quattuor demonstratis addiderimus, decē efficiētur naturales facultates ministræ. Quod attinet ad appetentē, sunt qui vnicā eā concedant, sunt etiā qui plures. Qui vnicā cōcedūt, de ministrantiū numero eam esse negant, sed de earum potius numero quibus ministratur, esse affirmant: quāuis sentiant alij, facultatē quæ attrahit, eandem quoque quod familiare salutareque est, appetere. Qui vero plures statuūt, vnamquamque facultatem naturalem suam actionem tanquam perfectionem & finem appetere aiunt, proptereaque facultates appetentes ab attractice, retentrice, concoctrice, & expultrice, nequaquam distinguī; quoniam appetitus non est actio ab operatione diuersa, sed ipsius operationis initium, aut in operationem propensio, aut terminus à quo incipiunt harum facultatum actiones. Hæc tamen mihi placere non possunt, nam (ut à prioribus exordiar) quænam sunt quæso naturæ actiones, quæ facultati appetenti ministrant? Immo cum appetentia attractionem, ceterasque naturæ actiones præcedat, ipsa potius aliis famulari videtur. Huc accedit, quod quattuor essent naturæ facultates principes, cū tamē Galenus generatricē, auētricem, & nutriticem dumtaxat agnouerit. Iam vero cum attractio actio sit ab appetentia specie distincta, fieri non potest, ut eadem facultas appetat, & attrahat: alioqui ex numero actionum male colligetur numerus facultatum. Scio alicubi dixisse Galenum, facultatem attractricem familiares succos appetere, & attrahere; id tamen amico animo sic interpretari oportet,

Vega lib. 1. de  
art. med. cap. 5.  
Fernelius li. 5.  
de nat. par. me  
di. cap. 5.  
Peramatus lib.  
de ani. fac. c. 7.

Lib. 5. de loc.  
affect. cap. 7.



oportet, vt appetere dicatur facultas attractrix, quia appetentia magis coniuncta est attractrici quam ceteris facultatibus: cum appetentia (vt statim dicemus) attractricem excitet ad agendum. Postremo si appetentia actio non est, sed in actionem propensio, aut terminus à quo incipit actio, vt illi interpretantur, à nulla omnino facultate manare potest, cum sit facultas causa actionis effectrix. Nullam itaque appetentem facultatem in corporis partibus concedimus, neque enim appetentia facultatis cuiuspiam actio est, sed naturale quoddam pathema omnibus corporis partibus insitum. Nam vt cap. 6. dictum est, omnibus animalis partibus inesse debet desiderium quoddam, ac veluti appetentia conuenientis sibi qualitatibus; & auersio quædam, ac veluti odium alienæ. Immo & omnibus corporibus natura constantibus commune id est (vt recte sentit Vallesius) vt sui conseruationem appetant, quæ tamen priuatim in viuentibus nutrimento perficitur. Quo fit, vt partes viuentes cum primum inanitiæ fuerint, insita sibi appetentia citra alicuius facultatis opem familiari nutrimento repleri desiderant, atque ad attrahendum excitentur. Nullam præterea facultatem apponentem fingere oportet, quoniam nutrimenti appositio nullius facultatis est actio, sed actionis potius finis, scilicet attractionis, vt hoc libro aperte docuit. Eandem agglutinationis rationem esse credimus, quæ sane concoctionis finis est, quemadmodum attractionis appositio. Non enim ad solum substantiæ modum referenda est agglutinatio, vt falso voluit Vallesius, qui non secus partibus nutrimentum agglutinari censuit, ac cera agglutinatur pici. Nunquam enim durissimis solidissimisque ossibus sanguis agglutinabitur, immo neque aliis partibus affigetur citra concoctionis beneficium. Porro secretionem excrementorum, & nutrimenti digestionem naturæ actiones esse, & maxime insignes, constat ex superioribus; non tamen proinde facultatem secreticem & distributricem concedimus, quoniam a facultate attractrice & expultrice fieri superius demonstrauius. Vnde factum est, vt seorsum Galenus eorum symptomatum meminerit quæ ad excrementorum secretionem læsam pertinent, cum excrementorum secretio actio quædam sit ex attractione & expulsionem composita. Quod si alicubi Galenus vel ipsius interpretes facultatis secreticis aut segregatricis meminisse videtur, facultatem expultricem his nominibus significari intellige. Ac tandem frustra facultatem dilatantem auctricis ministram quidam finxerunt, auctrix namque facultas est quæ solidas partes in trinam dimensionem distendit, vt libro primo demonstratum est: neque enim soli calori solidarum partium dilatatio deberi potest, vt dicebat Vallesius. Quæ cum ita sint, quattuor dumtaxat supersunt naturæ facultates ministræ, attractrix, retentrix, concoctrix, & expultrix: neque alias vnquam concessit Galenus, quidquid maledicus dicat Argenterius.

Lib. 2. contro.  
cap. 21.

Cap. 1.

Lib. de differ.  
sympt.

Cap. 6.  
Com. in art.  
med. pag. 180.

### CAP. XIII.



**S**IC enim res tota se habet. Quoduis instrumentum quod iuxta se est nutrimentum in se trahit; quidquid utilis est humoris haclenus ex eo depascens, quoad abunde sit expletum; atque id sicuti antea diximus, in se recondit, postea vero id tum sibi agglutinat, tum assimilat, id est nutritur. Definitum enim abunde supra est, aliud quoddam a nutritione opus quod ipsam necessario præcedat, agglutinationem esse,



**A** esse, πρῶτον γὰρ ὡς ἡ Græci dicunt; sicut etiam illa priorem appositionem, quæ Græce πρῶτον δicitur. Ergo sicut animalibus ipsis edendi finis fit ipsa ventris impletio, sic particularium quæque apponendi sibi finem facit, cum conuenienti humore est repleta. Cum itaque particula quæque similiter ventri appetat, utique & nutritur, & nutrimentum amplectitur, ad eundemque quo venter modum id vndique constringit. Consequitur autem necessario hoc opus, ut cibi quidem ceu prius est dictum concoquantur; ventre scilicet non idcirco circa illos se contrahente quo reliquis partibus eos reddat accommodos, (sic enim non tam naturale esset organum, quam animal quod ratione menteque præditum, quod melius est eligeret) verum ipse idcirco circa cibos se constringit, quod totum eius corpus & attrahendæ propriæ sibi qualitatis, & eadem fruendi (sicut ante monstratum est) vim obtineat; accidit vero interim ut cibos alteret. Iam vero ubi impletus satiatisque eorum humore est, pro onere eos de cetero habet: ergo quod redundans est statim abiicit, ac deorsum trudit, ipse scilicet ad aliud opus, nempe ut agglutinet, conuersus. Hoc in tempore nutrimentorum cum per tota intestina permeet, per vasa quæ ad ea pertinent, rapitur; plurimum quidem in venas, exigua quædam portio in arterias, ceu infra mox docebitur. Iam hoc tempore etiam intestinorum tunicis apponitur.

**C** Quoniam nutritionis gratia quattuor illæ actiones ministræ a natura sunt institutæ, absoluta de his disputatione, de partium nutritione merito agit extremo hoc libro. Hoc autem capite nutritionis modum omnibus partibus communem, & quibus temporibus quæ partes nutrantur, elegantissime explicat. Nutritionis modus ex iis quæ hæctenus demonstrata sunt, facile intelligitur. Quippe cum facultates quattuor ministræ una cum principe nutrice singulis partibus sint insitæ, attractrix omnium prima suo munere fungitur. Hæc namque familiare partibus nutrimentum attrahit; attractum amplectitur & apponit retentrix; appositum vero immutat concoctrix donec ipsum partibus agglutinarit; ac tandem nutrice totum opus perficiente, agglutinatum nutrimentum sibi partes assimilant. Hæc tamen nutrimenti appositio, agglutinatio, & assimilatio, non vno eodemque tempore fit in omnibus corporis partibus. Venterculus namque cum primum inanitus fuerit, naturali sibi que insita appetentia cibis repleti desiderat. Cibos itaque in ore præmansos per œsophagum attrahit; attractos artissime amplectitur ac retinet, eosdemque necessario immutat ac concoquit, totaque sui substantia sibi familiares reddit in chylum omnino conuersos. Atque hæc sane omnia circa cibos ingestos molitur ventriculus, sui solius, non totius corporis gratia: neque enim animal est ratione præditum, quod reliquis partibus prospiciat, sed naturæ dumtaxat instrumentum, quod reliquarum partium cura nullatenus tangitur. Negari tamen non potest, quin summa naturæ providentia factum sit, ut tantum ciborum ventriculus concoquat, quantum & sibi, & reliquis partibus nutriendis futurum sit necessarium. Quod etiam pacto testes copiosius semen, & mammae copiosius lac gignunt quam propria nutritio postulet, ut & gignendo foetui materia, & alendo infanti nutrimentum suppetere. Postquam vero cibos concoxit ventriculus, ipsorum humore



more (id est chylo) impletur, ac sariatur; attrahens nimirum ex chylo a se confecto partem magis halituosam, eandemque retinens, ac tunicis suis firmissime apponens. Id autem quod reliquum est, tanquam molestum iam onus ad intestina depellit, ad aliud opus simul conuersus, ad concoquendum scilicet, agglutinandumque chylum tunicis suis appositum. Hoc eodem tempore tenuia intestina nutrimentum a ventriculo depullum sibi apponunt, simulque trahit iecur per venas mesaraicas chylum in intestinis contentum: etiam si exiguum quidpiā (vt dicemus) in arterias etiam distribuatur. Porro attractum chylum retinet, atque in sanguinem conuertit iecur, cuius meliorem partem assumens, propriæ carni apponit; & id quod reliquum est, ad venam cauiam expellit. Ex hac vero in alias venas distribuitur sanguis, ex hisque rursus in alias, donec tandem ad propria partium vasa peruenerit, ex quibus sanguinem sibi familiarem singulæ partes trahunt, eundemque sibi apponunt, agglutinant, & assimilant.

*Ac mihi omnem iam naturæ circa nutritionem operam in tres temporum vi-  
ces cogitatione partire. In prima quidem simul & manere id in ventriculo, &  
concoqui intellige, tum ventri ipsi ad saturitatem apponi, aliquid vero eius etiam  
ad iecur ascendere. In secunda transire id ad intestina, hisque ipsis & iecinori  
ad saturitatem apponi, tum portiunculam eius exiguam in omnem corporis par-  
tem ferri. Porro hoc tempore quod in primo est appositum, id ventriculo affigi in-  
tellige. In tertia vero temporis portione ventriculum quidem iam nutriri, iis quæ  
affixerat plane sibi assimilatis; affigi vero tam iecinori quam intestinis quæ his  
fuerant apposita; præterea in omnes corporis partes digestionem appositionemq;  
fieri. Et post quidem si animal statim nutrimentum accipiat, rursus quo tempore  
id venter concoquit, eoque fruitur, quidquid vtile ex eo est tunicis suis apponens,  
hoc intestina quidem eum quem sibi affixerant succum, prorsus assimilabunt,  
pari modo iecur; in toto vero corpore partes nutrimenti quæ fuere appositæ affi-  
gentur.*

Uniuersam circa partium nutritionem naturæ operam in tria tempora parti-  
tur. In primo tempore ingestos cibos ventriculus retinet, concoquit, & ad satu-  
ritatem sibi apponit. Quoniam vero satis multæ sunt in ventriculo venæ, fieri  
non potest quin hoc eodem tempore aliquid chyli ex ventriculo distribuatur  
ad iecur. In secundo tempore nutrimentum ad intestina descendit, & digeritur  
ad iecur, ipsique ad saturitatem apponitur, & exigua sanguinis portio in om-  
nem corporis partem fertur. Quo etiam tempore nutrimentum agglutinatur ven-  
triculo, quod in primo tempore ipsi fuerat appositum. In tertio tempore san-  
guis in iecore genitus, ad sui que nutritionem minime necessarius, in omnes cor-  
poris partes digeritur, ipsique apponitur; quo tempore necessarium est intesti-  
nis & iecori agglutinari nutrimentum in secundo tempore appositum, ventricu-  
lo autem assimilari in primo tempore appositum, & in secundo agglutinatum.  
His ita se habentibus si animal statim cibum capiat, noua in ventriculo fiet cibo-  
rum concoctio & fruitio; intestina vero & iecur nutrimentum sibi assimilabunt  
quod ante agglutinauerant, simulque quod prius sibi apposuerant, reliquæ om-  
nes partes agglutinabunt. Atque ita fiet, vt veluti in choro quodam sibi mutuo,  
in di-



- A** in diversis corporis partibus respondeant nutrimenti appositio, agglutinatio, & assimilatio. Sed illud difficile est quod dixit Galenus hoc loco, in tertio scilicet tempore, si animal cibum capiat, ventriculum rursus concoquere, & tunicis suis apponere. Nam si in tertio tempore nutrimentum est adhuc partibus appositum, neque esuriat animal, neque cibum capiet: cum eodem Galeno auctore, quattuor symptomata famem ipsam necessario præcedant, nempe partium inanitio, naturalis appetentia, suctio, & suctionis sensus. Cum itaque nulla adhuc præcesserit in partibus inanitio, utpote quæ nutrimentum appositum tunc temporis retineat, neque alia symptomata, neque fames sequetur. Ut rem hanc explicet Vallesius, ventriculum ait duas habere refectiones; vnam ex chylo, quem tunicis suis apponit; alteram ex sanguine, quem deferunt venæ per ipsius tunicas distribuat. Priorem inquit, antequam nutrimentum in partibus deficiat, compleri; alteram vero eodem tempore fieri, quo reliquæ etiam partes sanguine nutiuntur. Ex quibus colligit, ventriculum non esurire antequam partes sint inanitæ, quia perfecta priori refectione, altera statim sequitur. Peccat autem Iulianus Vallesius, & quod duplicem ventriculi nutritionem frustra fingat, & quod neque concessa duplici nutritione, recte hunc locum explicet. Quippe cum affimet Galenus, in tertio tempore nutrimentum assimilari ventriculo, agglutinari intestinis & iecori, & reliquis partibus apponi, & si animal statim cibum capiat, ventriculum rursus nutrimentum concoquere, & sibi apponere, eodemque tempore intestina & iecur sibi assimilare, & reliquas partes sibi agglutinare; concedendum est necessario ventriculum appetere, antequam reliquum corpus fuerit inanitum. Nisi forte quis dixerit, citra appetentiam aliquam animal tunc temporis cibum sumpsisse; quod quidem a ratione, loquendiq. consuetudine veteribus familiari est omnino alienum. Annotavit namque aliquando Galenus, veteres ita loqui consuevisse, ut eos cibum non capere dicant, qui cibum fastidiunt; eos contra cibum capere, qui cibum appetunt, seque ad satietatem usque replent. Multo igitur aliter ex ipsomet Galeno nodum hanc solvere oportet, qui duplicem famem, siue appetentiam statuit, naturalem, & animalen.
- C** Naturalis quidem & ventriculo, & ceteris corporis partibus communis est, quibus id a natura est institum, ut cum primum inanitæ fuerint, familiari succo repleti desideret. Animalis vero propria est orificii ventriculi, quod proprium est eius appetentiæ organum. Porro ut fames animalis contingat, quattuor illa quæ supra memorauimus symptomata, necessario præcedunt; famem vero naturalem sola inanitio. Quamobrem quo tempore partibus apponitur, aut agglutinatur nutrimentum, fieri nulla ratione potest, ut in ipsismet partibus naturalis fames, aut in ventriculi orificio fames animalis reperiatur. Potest tamen fames naturalis ventriculo tunc accidere, cum eo tempore inanitus iam sit, præcedente scilicet nutrimenti assimilatione. Atque id sane nobis ipsis quotidie accidere experimur, qui sæpe cum appetentia cibis vescimur citra molestam suctionis sensum.

Lib.1. de caus.  
symp. cap. 7.

Lib. 5. contro.  
cap. 7.

Lib. 2. aphorif.  
com. 8.

Lib. 1. de cau.  
symp. cap. 7.

*Si autem venter manere sine cibo cogatur, hoc tempore a venis quæ in lactibus ac iecinore sunt, nutrimentum trahet, non enim ex ipso iecinoris corpore. Porro corpus iecinoris appello primum ac maxime ipsum propriam eius carnem, post hanc etiam singula quæ sunt in ipso vase. Siquidem qui in quaque particula iam contentus est succus; hunc alteram particulam reuellere credibile non*

*M m est,*



est, maxime ubi iam agglutinatur, vel assimilatur; quod autem est in venarum A  
 sinibus, id quæ magis valens simulq. indigens particula est, in diuersum ad se re-  
 uellit. Sic itaque & venter quo tempore ipse nutrimenti est indigus, animal ve-  
 ro non comedit; hoc ab iis quæ in iecinore sunt venis, rapit. Quoniam autem & lie-  
 nem prius monstrauius quod in iecinore crassius est attrahere, præterea confi-  
 cere, ac ad vtilius mutare; nihil ne hîc quidem miri est, ex liene aliquid trahi in  
 singula quæ cum illo per venas societatem habent instrumenta; veluti in omen-  
 tum, lactes, tenue intestinum, colon, & ventriculum ipsum. Ad eundem modum  
 & in ventriculum alio tempore excrementum effundere, alio rursus ex ventre  
 aliquid proprii illius nutrimenti attrahere. Vtq. summatim dicam (id quod prius  
 iam dictum est) quodque ex quoque trahere, ac in vnumquodque mittere diuer- B  
 sis in temporibus potest. Estq. simillimum quod accidit, ac si multa animalia in-  
 telligas, quæ pabulum abunde in medio obiectum, quantum volunt pascuntur.  
 Quippe quo tēpore alia intermittunt, eodem verisimile est alia comesse; alia præ-  
 terea comesse desitura; item alia cum aliis simul edere; alia alternis vicibus; im-  
 mo hercle alterum ab altero nonnumquam rapere, ubi scilicet alterum indiget,  
 alteri abunde est obiectum. Atque ita mirum nō est, si ab vltimo & summo cor-  
 pore aliquid intro reuertitur; sed nec si ab iecinore & liene aliquid in ventriculū  
 per ea per quæ ex hoc in illa prius subiit, defertur.

Si inanitus ventriculus sine cibo maneat, cogitur tunc temporis ex venis quæ C  
 in mesentærio & iecore sunt, nutrimentum attrahere; non tamen ex ipso ieco-  
 ris corpore. Dicitur vero iecoris corpus propria ipsius caro, cui potissimum de-  
 betur sanguinis generatio: vasa namque quæ in propria iecoris carne reperiun-  
 tur, cum partes communes sint, proprium iecoris corpus dici non possunt. Por-  
 ro cur ex venis tantum, non autem ex carne iecinoris, ventriculus nutrimento  
 indigens sanguinem trahat, hanc rationem reddit, quia scilicet credibile non  
 est, eum qui in quaque particula contentus est succum, (qui scilicet extra vasa  
 effusus, roris ritu partibus inspergitur) ab altera particula quæ aut valentior sit,  
 aut nutrimento magis indigeat, reuelli, aut retrahi posse; maxime ubi iam ag-  
 glutinatur, aut assimilatur. Quibus verbis videtur significare, quod agglutina-  
 tur, aut assimilatur nutrimentum, nulla ratione retrahi posse; quod tamen appo- D  
 situm est, trahi quidem posse, sed raro. Res tamen aliter habet, nam si purgantia  
 Lib. de nat. ho. com. 30.  
 medicamenta, in quibus (vt alibi diximus) attractionis motus validissimus esse  
 solet, eos dumtaxat qui in vasis continentur humores, attrahere possunt; partes  
 sane corporis, in quibus attrahendi vis multo quam in medicamenti est imbe-  
 cillior, sanguinem extra vasa effusum, partibusq. appositum, retrahere non po-  
 terunt, nisi forte magna præcedente vasorum inanitione, quæ proxima sunt vasa,  
 propinquum qui ex ipsis nuper exciderat sanguinem, ad se attrahere cogan-  
 tur. Quare dictio illa Maxime qua vtitur Galenus, non quidem significat, succū  
 partibus appositum retrahi posse, sed indicat dumtaxat, si concedendum sit, suc-  
 cum qui in parte quapiam continetur, ab aliis partibus posse trahi; de solo eo  
 qui apponitur, iuxta hanc hypothesim concedendum esse, non autem de eo qui  
 agglutina-



**A** agglutinatur, aut assimilatur: is namque in partis substantiam conuertitur, ille vero firmissime adhæret. Neque vero ex venis tantum iecinoris, sed etiam ex liene sanguinem attrahet ventriculus, cum id commune sit partibus omnibus quæ vasorum societatem habent, ut & mutuo ad se aliæ ex aliis nutrimentum trahant, & mutuo quoque excrementa expellant. Cuius sane generis sunt partes fere omnes quæ sunt circa ventrem, ut ventriculus, intestina, mesenterium, omentum, & lien, quæ communes ex porta venas accipiunt. Porro quæ hactenus dicta fuerant de tribus nutriendarum partium temporibus, mutuaque nutrimenti attractione, aptissima multorum animalium similitudine illustrat, quibus pabulū abunde obiciatur. Siquidem quo tempore comedere quædā incipiunt, alia edendi finem faciunt; interdum quoque omnia simul cibum capiunt, & alia ab aliis cibum eripiunt. Ita & corporis partes cum ratione nequaquam regantur, brutorum ritu præsentī nutrimento fruuntur, quo si destituantur, aliæ aliis solent nutrimentum eripere.

Hæc quidem pertinent ad huius capituli explicationem, ex quo pendet eius quæstionis profligatio, in quam non semel hoc libro incidimus, nutriatur ne ventriculus chilo, an potius sanguine. Quid vero de hac re senserit Galenus, ex iis potissimum quæ docuit hoc libro, facile intelligitur. Docuit autem ventriculum convenientes qualitates manifeste appetere, & alienas respuere, & quas experit attrahere ut fruatur, frui vero cum retinet, ac undique completitur, & fruitionis finē esse, ut eius quod in qualitate conveniens est partē ali-

„ quam capiat. Itaque inquit, quod in cibis optimum est, id halitus specie, & paulatim sibi attrahit, atque in tunicis suis reponit, iisdemque adiungit. Vbi abunde saturatus est, quidquid reliquum nutrimenti est, veluti onerosum aliquid re-

„ iicit, &c. Idem fere postea reperit his verbis. Ac venter quidem postquam

„ abunde cibis est satiat, & quod vtilissimum sibi in his est, in tunicas suas su-

„ gendo reposuit, tum quod reliquum est, tanquam alienum onus abiicit. Et

„ rursus agens de mutua nutrimenti attractione, per quas venas ex ventre facta est in iecur nutrimenti digestio, per easdem ex iecore aliquod alimentum in ventrē trahi posse in longiori inedia dixit. Quæ sane omnia apertissime demonstrat, ventriculū ex Galeni sententia nutrirī chilo. Quid enim aliud est, quod in cibis est optimū, id halitus specie, & paulatim sibi ventriculū attrahere, atque in tunicis suis reponere, iisdemque adiungere? Quid aliud, ventriculū cibis abunde satiare? Quid idem aliud, per longiorem inediam ventriculū ex iecore aliquod alimentum attrahere? Si namque ventriculus sanguine nutrireretur, non chilo, non tantum in longiore inedia, sed quotidie potius nutrimentum attraheret ex

**D** iecore. Neque aliud profecto innuit, cum venas quæ ex iecore ad intestina & ventrem pertinent, in multis diebus semel aliquando contrariis motibus fungi dixit. Nam si sanguine nutrireretur ventriculus, eiusmodi venæ quotidie contrariis motibus necessario fungerentur. Quid multa? nonne hoc eodem capite scripsit, non toti corpori, sed sibi ipsi ventriculum cibos attrahere, complecti, & concoquere? Nonne tria illa nutritionis tempora statuens aperte docuit, in primo tempore nutrimentum in ventriculo retineri, concoqui, & ad saturationem apponi; in secundo vero ventriculo agglutinari, iecinori autem apponi? Atqui hæc constare nullo pacto possunt, nisi ventriculus alatur chilo. Quippe qui ventriculi nutritionem ex chilo, oblectationem quandam ex qualitatis cognatione & convenientia, vel satietatem nutritionis

Cap. 6.

Cap. 11.

Cap. 12.

Ibidem.



æmulam, potiusquam veram nutritionem esse asserunt, ipsimet Galeno aperte **A**  
 contradicunt. Quomodo enim vera nutritio non sit, si vt Galenus fatetur, chylū  
 propriis tunicis apponit, agglutinat, & assimilat? Partes namque quæ substan-  
 tia attracta citra nutritionem fruuntur, tantū abest vt eam sibi assimilent, vt ne  
 agglutinent quidem; sed attractam dumtaxat retineant, donec vel copia, vel  
 qualitate infestet; vt de vtraque vesica antea diximus. Quæ cum ita sint, nescio  
 Lib. 5. de nat. sane quomodo medicorum non pauci (e quorum numero est Fernelius) ventri-  
 par. med. cap. 1. culum sanguine potius quam chylo nutriri contendant, his rationibus persuasi.  
 Ventriculus, inquiunt, venas accipit ex iecore, per quas certum est sanguinem  
 ad se attrahere. Præterea ventriculus foetus cum neque cibum capiat, ne-  
 que chylum conficiat, solo sanguine nutriri potest. Atqui non vident, diuer-  
 sam esse rationem ventriculi foetus, dum in vtero continetur, & postquam est in  
 lucem editus. In vtero namque nondum communem præbet vsum, cum ne-  
 que cibos assumat, neque conficiat: quo fit, vt sanguine ex matre accepto, **B**  
 non secus ac reliquæ partes, nutriatur. Foetu vero in lucem iam edito, commu-  
 nem iam vsum toti corpori præbet ventriculus, cum vel lacte, vel solidiori-  
 bus etiam cibis vescatur. Fieri itaque non potest, quin cibos ingestos ventri-  
 culus conficiat, ex iisdemque confectis quod optimum est tunicis suis appo-  
 nat, agglutinet, tandemque assimilet. Porro venæ quas ex iecore ventri-  
 culus accipit, hunc vsum dumtaxat præbent, vt tempore indigentia per eas  
 ventriculus ex iecore sanguinem attrahat. Minus probabilis est aliorum opi-  
 nio, qui chylo simul & sanguine ventriculum nutriri putant, quod inter recen-  
 tiores asseruit Vallesius; quamuis agens de nutrientibus succis, ventriculum  
 chylo nutriri docuerit, nulla prorsus alterius nutritionis ex sanguine facta **C**  
 mentione. Ceterum licet ventriculum chylo nutriri vere cum Galeno sentia-  
 mus, non tamen proinde concedimus cum Syluio octo facultates in ventri-  
 culo nutriticis ministras. Non enim duplex est facultas attractrix, quarum altera  
 ventriculo insit vt concoctionis instrumento, altera vero vt parti similari nutri-  
 tione indigenti; sed vnica est attractrix ventriculi facultas, quæ & diuersis  
 temporibus, & vario cum apparatu, & cibos ex ore, & chyli a se confecti melio-  
 rem portionem attrahit. Præcedit enim ciborum attractio ex ore, quæ cum ven-  
 triculi actio sit vt pars est organica, rectorum internæ tunicae fibrarum contra-  
 ctionem exposcit. Subsequitur postea attractio chyli, quæ cum actio ventricu-  
 li sit vt est pars similis, a solo temperamento fit citra fibrarum opem. Quip-  
 pe cum attractio ciborum & chyli specie non differat, a diuersis facultatibus **D**  
 fieri probabile non est. Eadem ratio est retentricis, concoctricis, & expultricis. Et  
 quamuis diuersa sint ventriculi symptomata, quatenus concoctionis est orga-  
 num, & quatenus pars similis est nutritione indigenis; hæc tamen duplicem  
 attractricem aut concoctricem in ventriculo nequaquam demonstrant, sed ean-  
 dem facultatem diuersis temporibus agere solum ostendunt, ita postulante  
 vfu. Fieri que proinde potest, vt ventriculi concoctio vt pars similis est, in-  
 ter dum lædatur, eiusdem ventriculi concoctione vt instrumentum est, nullam  
 noxam sustinente. Similis quoque de intestinis incidit quæstio, nutrantur ne  
 chylo, an potius sanguine. Sed quoniam ex intestinis alia tenuia sunt,  
 alia crassa, de vtriusque seorsum agendum: neque enim eodem nutrimen-  
 to vtraque gaudere credimus. Tenuia intestina forsitan putarit quispiam  
 nutriri sanguine ex sententia Galeni, qui hoc eodem capite docuit, in  
 secundo

Lib. 5. de nat.  
par. med. cap. 1.

Lib. 5. contro.  
cap. 7.

Lib. 1. contro.  
cap. 14.



- A** secundo nutritionis tempore intestinis & iecori nutrimentum apponitur: atqui iecur sanguine nutritur, ergo & intestina. Mihi tamen probabilius videtur intestina tenuia nutriri chylo, cum enim easdem cum ventriculo tunicas habeant, & substantiam illi simillimam, communi quoque nutrimento frui, rationi est consentaneum. Quid enim obstat, quominus id fiat? An illud fortasse, quod ventriculus instrumentum sit concoctionis, intestina vero distributionis potius sint organa? Atqui distributionis organa cum sint, his natura ad concoctionem quoque abutitur, ut inquit Galenus. Quod si alimentum concoquant intestina, sibi haud dubie, non iecori aut ceteris partibus concoquant. Idem videtur sentire Galenus, dum ventriculum & intestina similiter nutriri affirmat. Quod autem hoc capite dixit de secundo nutritionis tempore, tantum abest ut huic sententiae aduersetur, ut ipsam potius confirmet: nam eodem tempore chylus intestinis & iecori apponitur, quamvis huic sanguinis a se confecti portio postea apponatur. Diuersa multum ratio est intestinorum crassorum. Cum enim hæc nec concoctionis, nec distributionis sint organa, sed colligendis dumtaxat excrementis dicata; chylo qui ad ipsa nequaquam descendit, nutriri plane non possunt. Non tamen propterea velim cum Iouberio aliisque sentire, crassa intestina stercore ali, quorum sane opinio stercore ipso sordidior, absurdiorque mihi videtur. Si namque (ut supra ostendimus) neque sincera bilis vesicæ quæ iecori subest, neque alteri vesicæ sola vrina nutrimentum præbere potest; quid quæso de stercore sentire oportet, excremento non solum sincero, verum etiam impurissimo, omniumque sordidissimo. Cum itaque nec chylo, nec stercore crassa intestina nutriri possint, reliquum est, ut sanguine secundum naturam alantur. Non tamen proinde negarim chylo interdum ali posse, quando scilicet nutrimenta per sedem injecta in ipsismet intestinis concoquuntur; ut fieri solet in clysteribus nutrientibus. Nisi forte dixeris a tenuibus intestinis, aut etiam a ventriculo trahi.

Lib. 4. de usu part. c. 17.

Lib. 4. de usu part. cap. 19.

Parad. 6. de cad. 2.

## CAP. XIII.



- I Q V I D E M** in arteriis id admodum est evidens, non secus autem in corde, thorace, & pulmone; omnibus enim his dilatatis vicissim contractisque, necesse est, a quibus aliquid prius est attractum, in ea mox emitti. Hanc itaque necessitatem natura prospiciens, vasorum quæ in corde sunt osculis, membranas adnasci fecit, quæ retro ferri materias prohibeant. Verum qualiter, & quemadmodum id fiat, in libris de partium usu docebitur; ubi cum alia, tum illud traditur, non posse plane ad vnguem ita claudi vasorum ora, ut nihil ex his recurrat retro; quippe in venosam arteriam (nam id quoque in illis monstrabitur) multo plus quam per reliqua ora retro ferri est necesse. Quod autem ad id quod nunc instat est utile, non posse quidquam ex iis intra quæ sensibilis & magna est laxitas, non aut cum dilatatur, ex omnibus quæ vicina sunt trahere, aut rursus cum contrahitur, in ea exprimere; id tum ex iis quæ in hoc libro iam prædicta sunt; constare potest; tum ex iis quæ tam Erasistratus, quam nos alibi de successione



ad id quod vacuatur prodidimus. Iam vero quod in singulis arteriis vis quædam **A** sit, quæ a corde confluat, quæ tum dilatantur, tum contrahuntur, in aliis est monstratum. Ergo si ambo componas, tum quod hic eius sit motus, tum quod omne dilatatum ex vicinis ad se trahat; nihil miri tibi videbitur, arterias omnes quæ ad cutim finiuntur, externum aërem cum dilatantur attrahere; quæ vero parte aliqua ad venas se aperiunt, quod tenuissimum maximeque halituosum in his sanguinis est, ad se trahere; at quæ propinquæ cordi sunt, ab illo ipso aliquid trahere. Quippe in successione ad id quod vacuatur, quod leuissimum tenuissimumque est, prius ei quod vacuatur succedit, quam id quod gravius est & crassius. Est porro omnium quæ in corpore sunt, leuissimum tenuissimumque spiritus, secundo loco halitus, tertio gradu qui plane absolutus attenuatusque **B** est sanguis. Hæc igitur arteriæ ex omni parte ad se trahunt; quæ quidem ad cutim pertinent, externum aërem, quippe qui vicinus his sit, ac quam maxime levis; reliquarum autem, ea quidem quæ a corde subit ad collum, & quæ porrigitur per spinam, quæcumque præterea his sunt vicinæ, ex ipso maxime corde; quæ vero tum a corde, tum a cute absunt longius, hæc quod sanguinis est leuissimum a venis trahant necesse est. Quare arteriarum omnium quæ ab ea quæ super spinam est, ad ventrem intestinaque pertingunt, tractio inter dilatandum fit, tum a corde ipso, tum (quæ plurimæ sunt) a vicinis illi venis. Neque **C** enim ex intestinis & ventre quæ adeo crassum graueque in se nutrimentum habeant, possunt aliquid de quo ratio vlla sit habenda, in se transferre, cum prius leuioribus impleantur. Neque enim si in vas quod aqua sabuloque sit plenum, siphone demisso, ore aërem ex vase per eum attraxeris, poterit prius sabulum sequi quam aqua; semper enim in successione ad id quod vacuatur, quod leuius est prius adsequitur. Non est ergo mirandum, si ex ventre prorsus exiguum, quantum scilicet exquisitissime est confectum, in arterias venit, ceu leuiore prius impletas.

Quoniam partium nutritioni de qua instituta fuerat disputatio, non mediocre usum præbent arteriæ, per quas non secus ac per venas nutrimentum distribuitur; proinde agit hoc capite de arteriarum attractione. Probat autem **D** primum positis duobus principiis, arterias cum dilatantur, substantiam aliquam ex partibus vicinis necessario attrahere. Alterum principium id est, Quidquid insigniter cauum est, dilatarique potest ac contrahi, quo tempore dilatatur, aliquid ex iis quæ vicina sunt trahit; & quo tempore contrahitur, aliquid quoque in vicina expellit. Quod ita se habere quotidie experimur; & in rebus externis, ut foliis; & in animalium corporibus, ut in thorace & pulmone. Alterum principium est, In singulis arteriis vis quædam inest quæ a corde influit, cuius beneficio dilatantur & contrahuntur, de qua in præfatione multa diximus. Ex his duobus principiis hæc ratio conficitur, Quidquid cauum est, & dilatari potest, cum dilatatur, aliquid necessario attrahit ex iis quæ sibi vicina sunt: atqui arteriæ instrumenta sunt caua,



A caua, & a facultate quæ a corde influit, dilatantur & contrahuntur: ergo dilatata arteriæ ex partibus sibi vicinis aliquid necessario attrahunt. Attrahunt vero arteriæ cum dilatantur, quod tenuissimum est atque leuissimum, quoniam successione ad id quod vacuatur trahunt; in qua quod leue & tenue est, prius succedit quam graue & crassum. Nam si in vas aliquod aqua & sabulo plenum syphonem demittas, oreque sugendo aërem attrahas, aquam potius quam sabulum sequi experieris. Atqui tres sunt in nostris corporibus omnium leuissimæ, tenuissimæque substantiæ, quas possint arteriæ sua dilatatione attrahere, spiritus, halitus aut vapor, & maxime elaboratus sanguis. Attrahunt vero arteriæ nunc hanc, nunc illam substantiam, pro diuersitate potissimum partiū vicinarum. Quo fit, vt quæ arteriæ finiuntur ad cutim, externum aërem promptissime trahant, vt pote qui & leuissimus sit, & dilatatis arteriis maxime vicinus.

B At quæ propinquæ sunt cordi, (vt arteria magna) hæc tum vitalem spiritum, tum sanguinem arterialem attrahunt ex corde. Quæ vero a corde & cute longius absunt, tenuissimam maximeque halituosam venalis sanguinis portionem ex venis sibi propinquis trahunt, atque iis potissimum, quibus cum per anastomosi communicant. Huius generis sunt quæ ad ventrem pertinent & intestina, hæc namque dum dilatantur, ex corde spiritum, & ex proximis venis quod in sanguine tenuissimum est potius trahunt, quam ex ventriculo & intestinis cibum; quod is crassior sit, quam vt facile sequi possit. Nihil igitur cuius ratio aliqua habenda sit, ex ventriculo arteriæ attrahunt, nisi quod in ipso continetur tenuissimum sit & maxime halituosum, quale potissimum est vinum; cuius spiritiosa substantia (quæ plurima certe est) & arteriarum dilatatione promptissime attrahitur, & reficiendis spiritibus idoneam materiam præbet. Quo fit, vt epoto vino animi deliquium & syncope celerrime corrigantur, vt alibi iam diximus.

C

*Sed illud minime ignorandum, duo esse tractionum genera; vnum quod successione ad id quod vacuatur contingit; alterum quod qualitatis conuenientia fit: aliter namque aer in folles, aliter ferrum a magnete attrahitur.*

Vt tam rationem attractionis arteriarum facilius explicet, duo esse in vniuersum attractionum genera nunc docet; alterum quidem quod fit successione ad id quod vacuatur; alterum vero quod fit qualitatis conuenientia, id est totius substantiæ similitudine. Reperitur autem hoc duplex attractionis genus & in rebus externis, & in nostris corporibus. Folles namque vbi dilatantur, successione ad id quod vacuatur aërem trahunt; magnes vero ferrum trahit qualitatis conuenientia. Et in nostris corporibus instrumenta omnia caua quæ secundum naturam dilatantur (vt cerebrum, thorax, pulmo, cor, & arteriæ) successione ad id quod vacuatur attrahunt: & rursus hæc eadem instrumenta, & reliquæ omnes corporis partes proprium nutrimentum attrahunt substantiæ similitudine. De attractione quæ qualitatis conuenientia fit, abunde diximus libro primo, de ea vero quæ fit successione ad id quod vacuatur nunc dicendum. Sunt qui hanc omnino negarint, putantes scilicet, ei quod vacuatur substantiam aliquam succedere quidem, non tamen attrahi. Quippe cum successio ad id quod vacuatur rebus etiam inanimis communis sit, quemadmodum in his attractionis causa esse non potest, ita neque in animalibus.

Argenterius  
l. 2. de cau. mor  
bo. c. 2. p. 6. &  
Ionbertus pa-  
rad. 8. dec. 2.



Non potest autem in rebus inanimis successio ad id quod vacuatur attractio- A  
nem efficere, quia neque attractrix facultas in ipsis adest, neq; præcedit futuri  
vacui cognitio, neque aliqua esse potest rei attractæ fruitio: cum tamen quid-  
quid trahat, Galeno auctore, proinde trahat, ut re attracta fruatur. Hi tamē meo  
iudicio non recte intelligere videntur, quomodo successione ad id quod va-  
cuatur dicatur fieri attractio. Neq; enim eiusmodi successio causa attractionis  
est, alioqui quæcunque vacuantur attraherent, quod tamen est falsum. Nam si  
dolium vino plenum inaniatur, succedit quidem, non tamen attrahitur, aer. Fit  
ergo dumtaxat attractio successione ad id quod vacuatur, quando instrumentū  
aliquod cauum dilatur; estq; dilatio eius attractionis causa; quæ tamen suc-  
cessione ad id quod vacuatur fieri dicitur, quia ne ampliori reddita dilatari in-  
strumenti cavitare detur vacuum, in vacuati locum aliquid succedit. Itaque dila-  
tato thorace & pulmone attrahitur aer, ut repleatur cavitatis quæ inanis esse nō  
potest: & longo syphone in vas aqua plenum demisso, nunquam ascendet aqua, B  
nisi aer qui intra syphonem est, valida oris suctione attrahatur. Neque id tantū  
animalibus accidere experimur, in quibus peculiaria quædā organa ab aliqua  
facultate dilatantur, verum etiam in rebus inanimis, quæ sola arte distendi pos-  
sunt; dilatari namque folles successione ad id quod vacuatur attracto aëre replē-  
tur. Atqui aduersariorum rationes ex iis quæ diximus facile solui possunt. Ne-  
que enim attractionem quæ fit successione ad id quod vacuatur præcedere de-  
bet futuri vacui cognitio. Neque itidem eiusmodi attractio fit a facultate attra-  
ctrice, neque ipsam sequitur rei attractæ fruitio; hæc enim duo in iis tantum quæ  
substantiæ similitudine trahunt, reperiri voluit Galenus. Quem fortasse calum-  
nietur hoc loco quispiam, quod duo tantum attractionis genera proposuerit, cū C  
tamen alibi & a calore, & dolore attractionem fieri docuerit. Sunt & qui siccita-  
tem attractionis causam statuunt. Dicendum tamen, Galenum hoc lo-  
co quod de functionibus naturalibus disputet, duo dumtaxat attractionis gene-  
ra merito statuisse; quoniam & quæ substantiæ similitudine, & quæ successione  
ad id quod vacuatur attractio fit in nostris corporibus, omnino secundum natu-  
ram est. Quæ vero attractio a calore fit, aut dolore, a causa præter naturam or-  
tum habet, neque ex numero est actionum naturæ. Nam quamuis proprii nu-  
trimenti attractio quæ secundum naturam fit in singulis corporis partibus, ab  
innato calore fieri dicatur, ab eo tamen fit tamquam instrumento facultatis at-  
tractricis, quæ prima causa est eius actionis. Quomodo vero a calore & dolore  
attractio fiat, in pathologicis dicemus.

Præterea successione ad id quod vacuatur prius id trahi quod leuius est; cō-  
uenientia qualitatis nōnumquam (si ita fors tulit) quod grauius, modo id cognata  
magis natura sit. Itaque etiam tum cor ipsum, tum vero arterias, quatenus in-  
strumenta caua, & dilatabilia sunt, semper id quod leuius est prius petit; quate-  
nus vero etiam nutriri postulant, in ipsas tunicas quæ utique instrumentorum  
sunt corpora, quod conueniens est attrahitur. Ergo quod sanguinis in cavitatem  
eorum, cum dilatantur, est translatum, id ceum maxime sibi conueniens, maximeq;  
nutrire se valens, tunica ipsæ vasorum attrahunt. Quod autem ex venis in arte-  
rias trāsferatur aliquid, præter ea quæ dicta sunt, illud satis euidenti argumento  
est. Si enim multis amplisque arteriis præcisis iugulare per eas animal velis, inue-  
nies

Lib. 2. de diff.  
feb. cap. vlti. &  
li. 13. meth. me.  
cap. 3.



- A** ntes eius venas æque atque arterias vacuatas: quod sane nunquam fieret, nisi inter se haberent altera in alteram ora reclusa. Pari autem modo in ipso quoque corde ex dextero eius sinu in sinistrum trahitur quod tenuissimum est, habente scilicet in se eorum interposito septo foramina quædam, in quæ præalte descendere obtutu videre licet, veluti in profunditates quasdam, quæ ex latissimo ore magis magisque semper in angustum procedant; ipsos tamen ultimos earum fines tum propter paruitatem, tum quod in animali iam mortuo omnia sint perfrigerata, ac densata, contueri non licet. Ceterum hîc quoque has sinusum cordis communes vias ratio deprehendit. Primum quidem ea quæ inde ducitur, quod natura nihil molitur frustra, non enim temere aut fortuito facti sunt profundi illi meatus, qui adeo in angustum finiuntur. Secundo illa, quod cum in dextro cordis sinu duo ora sint, vnum quo sanguis inuehitur, alterum quo emittitur; longe maius est id quo infertur, quam id quo emittitur. Tanquam enim non omnis sanguis quem vena caua cordi infert, ex illo rursus in pulmonem emittatur, utique maior est ea caue pars quæ in cor inferitur, quam vena ea quæ in pulmonem procedit. Neque est quod dicat quisquam absumptum esse sanguinis aliquid in ipsam corporis cordis nutritionem; siquidem alia vena est, quæ in id variæ fissa dispergitur, quæque nec ortum a corde habet, nec sanguinem ab eo accipit. Quod si etiam aliquid absumitur, at non tanto minor est vena quæ in pulmonem procedit ea quæ in cor inferitur, quantum credibile est in cordis nutrimentum sanguinis esse absumptum, verum ea longe est minor. Ergo manifestum est, quod in sinistram sinum transmittitur, siquidem etiam duorum numero quæ in hoc sunt vasorum, longe minus est id quod a pulmone in eum ducit spiritum, quam magna quæ ex eo procedit arteria, a qua quæ sunt in corpore omnes ortum habent: ceu non spiritum modo a pulmone accipiat, sed etiam ex dextro sinu per iam dictas communes vias sanguinem. Porro quod præstet corporis partium alias puro, tenui, halituofoque sanguine nutriri, alias crasso & turbido, quodque hac in parte natura nihil omiserit;
- D** id operis quod de partium usu inscribitur, proprium est.

Duo illa attractionis genera bifariam differunt. Primum quidem, quia quæ successione ad id quod vacuatur trahunt, id quod leuius est & ad sequendum paratius, prius trahunt; quamvis eo deficiente sequatur quoque quod graue est. Quæ autem trahunt similitudine substantiæ, ea duntaxat quæ familiaria sunt trahere possunt, siue graua ea sint, siue leuia. Id confirmant arteriæ & cor, in quibus duplex illa attractio reperitur. Nam quatenus caua instrumenta sunt & dilatabilia, aërem, spiritum, halitum, aut elaboratum sanguinem attrahunt sua dilatatione; quatenus vero nutriri postulant, ex sanguine quem inter dilatandum in propriam cauitatem attraxerunt, quod magis conueniens familiareque est, similitudine substantiæ attrahunt, atque in propriam substantiam reponunt. Attrahit autem cor sanguinem venalem per venam cauam, arteriæ vero sanguinem arterialem & spiritum viralem ex corde, ex venisque propinquis venalem sanguinem maxime elaboratum. Porro quod ex venis aliquid sanguinis in arterias



transfundatur, quamuis ex iis quæ supra dicta sunt satis constet, id tamen nunc A  
 probat euidenti demonstratione. Si enim præcisissimis insignibus amplisque arteriis  
 (quales sunt iugulares) animal quodpiam iugulaueris; non solum arterias, sed  
 vniuersas etiam venas sanguine vacuas reperiēs: quod sane fieri non posset, nisi  
 sanguis ex venis transfunderetur in arterias. Similiter quoque qui in dextrum  
 cordis ventriculum per venam cauam attractus est sanguis, aut saltem tenuissi-  
 ma ipsius portio in sinistrum ventriculum transmittitur: quod probat tribus ra-  
 tionibus. Prima desumpta est ex foraminibus quibusdā quæ in cordis septo ma-  
 nifeste conspiciuntur, potissimum qua parte dextrum ventriculū spectant; quæ  
 profundiora sensim, angustioraque ita redduntur, vt vltimi ipsorum fines qui ad  
 sinistrum ventriculum pertinent, sensum omnino effugiāt: siue ob paruitatem id  
 fiat, siue ob densitatem, quæ mortuo animali insigniter refrigerato contingit.  
 Nam & in nervis opticis ab iisdē causis fieri docuimus, vt licet reuera perforati B  
 sint, nulla sensibilis cauitas appareat. Horū itaq; foraminū quæ in cordis septo  
 apparent, nullus alius potest esse vsus, quā vt ex dextro ventriculo in sinistrū san-  
 guis trāsmittatur: aut dicēdū esset frustra naturā eiusmodi foramina fecisse, quod  
 est absurdū. Altera ratio desumpta est ex magnitudine vasorū quæ sunt in dextro  
 cordis vētriculo, venæ scilicet cauæ, & venæ arterialis. Per illam quidem vena-  
 lis sanguis in dextrum cordis ventriculum transmittitur: per hanc vero ex dex-  
 tro cordis ventriculo sanguis in pulmonem transfertur. Est autem vena caua  
 multo maior vena arteriali, vnde recte colligit Galenus, aliquid sanguinis ex  
 dextro ventriculo in sinistrum transfundi. Alioqui enim oportuisset, venam ar-  
 terialem cum vena caua parem magnitudinem habere, quo scilicet posset totū  
 cum sanguinem qui dextrum ventriculum ingressus est, in pulmonem transfer-  
 re, si nihil in sinistrum permeat. Posset tamen quispiam dicere, nihil quidem san- C  
 guinis in sinistrum ventriculum permeare, venam tamen arterialem minorem  
 esse, quia aliqua eius sanguinis portio in cordis nutritionem absuitur. Atqui  
 cor sanguine eo qui dextrum ipsius ventriculum per venam cauam ingreditur,  
 nequaquam nutritur, sed eo potius qui defertur per venam coronariam, quæ  
 quidem ex caua, antequam in dextrum cordis ventriculum inseratur, ortum ha-  
 bens, per cordis basim diffunditur. Quod si quis fortasse dixerit, partes cordis  
 externas per coronariam delato sanguine nutriri, internas vero eo potius ali-  
 qui dextrum ventriculum ingreditur; ne sic quidem propositæ rationis vim ef-  
 fugiet; cum vena arterialis multo sit minor, quam exiguus ille postulet sanguis,  
 qui in internarū cordis partium nutritionem absumi potest. Postrema ratio, ex  
 iis vasibus desumpta est quæ in sinistro sunt cordis vētriculo, arteria scilicet mag-  
 na, & arteria venalis: ex quorum vsu & magnitudine recte probat, ex dextro cor- D  
 dis ventriculo in sinistrum sanguinis aliquid transmitti. Per arteriam quidem ve-  
 nalem externum quem inspiramus aërem attrahit cor expulmone; per mag-  
 nam vero arteriam vitalem spiritum & arterialem sanguinem ad reliquas par-  
 tes expellit. Cum enim arteria magna longe maior sit quam arteria venalis, ne-  
 cessario hinc colligitur, non solum spiritum in sinistro cordis ventriculo geni-  
 tum per arteriam magnam remitti, sed aliud quidpiam vna cum spiritu: quod  
 sane aliud nihil esse potest, quam sanguis ille arterialis, qui in arteriis omnibus  
 secundum naturam continetur. Quod si ex sinistro cordis ventriculo arterialis  
 iste sanguis in arteriam magnam transmittitur, inibi generari necesse est, non  
 secus ac vitalem spiritum. Atqui ex aëre inspirato ex quo certum est vitalem  
 spiritum gigni, arterialis sanguis generationem habere non potest: ergo solus  
 superest



A superest sanguis venalis, qui ipsi gignendo materiam suppeditet.

Quo minus de his agendū hoc loco est, sed quod duo tractus sint genera prius admonitos, nempe aliis dum dilatantur, successione ad id quod vacuatur per latas vias in se trahentibus, aliis qualitatis conuenientia; illud deinceps docendum, priora quidem etiā eminus trahere aliquid posse, posteriora cominus dumtaxat. Siquidem si syphonem longissimum in aquā demiseris, poteris per eum facile humorem sursum in os trahere; at non si ferrum a magnete longius seponas, aut etiā a fictili frumentum, (nam eiusmodi quoque exemplum supra est positum) poterit adhuc fieri tractus. Sane luculenter id intelligas ex iis qui in horto sunt canaliculis, ex his namque in omnia quidem quæ iuxta sunt & vicina, defertur aliquis humor, in ea vero quæ longius absunt peruenire non potest; eoque coguntur, multis canaliculis paruis a magno deriuatis, in omnes horti partes confluxum aquæ moliri; tum ea magnitudine spatia quæ inter canaliculos sint, facere, qua scilicet ea existimant tracto ad se vtrinque affluente humore posse perfrui.

B Alterum discrimen est, quod quæ trahunt successione ad id quod vacuatur, eminus attrahere possint; quæ autem attrahunt similitudine substantiæ, cominus dumtaxat attrahant. In rebus externis rem ita habere experimur. Nam si longissimum syphonem in aquam demiseris, a loco etiam loginquo aquam trahes, si totum aërem qui intra syphonem est, oris suctu inaniueris: fit namque huiusmodi attractio successione ad id quod vacuatur. Porro quod quæ attrahunt similitudine substantiæ, cominus tantum trahant, confirmat exemplo magnetis, tritici, & plantarum quæ in hortis irrigantur. Magnes enim ferrum si iuxta sit positum, attrahit facile; si longius distet, attrahere non potest. Triticū quoque (quod aquā in fictilibus vasis contentam similitudine substantiæ attrahere diximus libro primo) si longius distent fictilia, aquam non attrahit. Et plantæ quæ in horto sunt, ex riuiis sibi propinquis, non autem ex iis qui longius absint, humorem ad se alliciunt. Quamobrem diligentes hortorum cultores quo tempore irrigationē moliantur, ex maioribus canalibus riuiolos quam plurimos certis quibusdam intervallis a se inuicem distantes deriuare consueuerunt; eo nimirum consilio, ut plantæ singulæ tracto ad se affluente humore cōmodissime perfruantur.

D

# CAP. XV.



RG O sic se res habet & in animalium corporibus. Canales multi per omnes partes sparsi, sanguinem illis, veluti in hortulo quandam rigationem adducunt; atq; horum canalium media ipsa quæ interueniunt spatia, mirifice a natura statim inter initia sunt disposita, sic ut nec præparce mediis eorum partibus sanguis quem ad se trahunt subministretur, nec copia superuacui humoris intempestiue ad ea confluentis aliquando obruantur. Quippe modus nutriendorum eorum talis est. Corporis quod sibi est cōtinuum (cuiusmodi Erasistratus simplex vas esse proponit) summæ primum partes admoto sibi nutrimento fruuntur; ab his vero per continuum trahētes sumunt quæ sunt deinceps; deinde ab illis aliæ; nec est eius operis finis, quoad in omnes



in omnes eius partes nutrientis substantiæ qualitas sit perlata. Quæ vero particu- A  
 læ amplius alteratum eum, quo nutriantur, succum desiderant, his veluti penum  
 natura, vel sinus, vel cauernulas, vel aliquid quod cauernulis portione respon-  
 deat, præparauit. Ac carnes quidē tum viscerum omnium, tū vero musculorum,  
 ex sanguine ipso nutriuntur, exiguam scilicet alterationē consequuto. Ossa vero  
 quo nutriantur, numerosa quæ intercedat mutatione egent; estq; qualis carnibus  
 sanguis, talis ossibus medulla; scilicet in iis quæ parua sunt sinusq; expertia, ca-  
 uernulis eorum inspersa; in magnis vero, & quibus sinus non desunt, utiq; in ipsis  
 collecta. Sicut enim in primo monstratum est libro, quibus similis est substantia,  
 his mutari inter se fas est; quibus plurimum inter ipsa est discrimen, ea fieri simi-  
 lia citra omnes quæ in medio sunt mutationes, non possunt. Tale quiddā & char- B  
 tilagini est mucosum illud quod ei circumfunditur. Præterea ligamentis, mēbra-  
 nis, & nervis, lentus humor qui in his inspersus visitur; singula namque horū ex  
 multis conficiuntur fibris, quæ & similes particule sunt, & vere sensibiles. In  
 mediis vero earum spatiis, qui maxime ipsarum nutritioni succus conuenit, est  
 inspersus; hunc vero ex sanguine traxerant venarū, electo inde quoad potuere  
 sibi quam simillimo; assimilant autem sensim, atq; in suā naturam mutant.

Ad explicandum modum quo singulæ corporis partes nutriuntur, reuertitur  
 hoc capite. Cum autem superiore libro demonstratū sit, nutritionis gratia a na- C  
 tura institutam fuisse nutrimenti distributionem, eamque potissimum fieri a fa-  
 cultate attractice; huiusmodi attractionem substantiæ similitudine perfici necesse  
 est. Quoniam vero quæ similitudine substantiæ trahunt, ex locis tantum propin-  
 quis attrahere possunt, partesq; nutriendæ & plurimæ sunt, & a nutrienti prin-  
 cipiis longe distantes; canales quidam prorsus necessarii fuerunt, per quos nu-  
 trimentum ad singulas partes deduceretur. Duo autem potissimum sunt  
 huiusmodi canales maxime insignes, vena scilicet caua, & arteria magna: qui  
 quidem ex suis principiis, iecore & corde, originem trahentes, in alios mino-  
 res canales diuiduntur, hique rursus in alios minores, donec in minimos quos-  
 dam canaliculos, id est minimas venas & arterias, finiantur, ex quibus singulæ  
 partes proprium sibi que familiare nutrimentum ad se alliciunt. Sed & inter eius-  
 modi vasa, media quædā spatia ita mirifice natura disposuit, ut nec penuria nu- D  
 trimenti partes laborare, nec eiusdem copia interdū obrui possint. Atqui hoc  
 nutrimento ex propinquis propriisque vasis attracto, simplices similesq; cor-  
 poris particule hoc ordine nutriuntur, ut summæ, & quæ in superficie positæ  
 sunt particule, venali sanguine ex venis, & ex arteriis vitali spiritu, sanguineq;  
 arteriali attracto primum fruuntur; deinde aliæ per continuum trahentes nutrimē-  
 tum sibi apponant; ab his rursus aliæ quæ continuæ sunt, quoad in minimas om-  
 nes particulas corporis cuiuscunque similis nutrimentum peruaserit. Quem-  
 admodum enim in accretione quælibet augeſcentis corporis particula in tri-  
 nam dimensionem extenditur; ita & in nutritione quamlibet corporis quod nu-  
 tritur particulam, nutrimentum sibi apponere, agglutinare, assimilareq; neces-  
 se est. Et quamuis omnes corporis partes, (ventriculo excepto, & tenuibus in-  
 testinis) sanguine nutriantur, non tamen idem omnino est proximum partium  
 nutrimentum. Cum enim corporis partes & temperie, & substantiæ modo pluri-  
 mum



- A** mum inter se differant, multiplici nutrimento priuatim indiguerunt. Atq; hæc vna causa est, cur sanguis quartus humor, qui solus tota substantia nobis familiaris est, reliquorum humorum mixture postularit, ut scilicet (quemadmodum alibi diximus) calidas, frigidas, siccas, humidas, tenues, crassasq; partes eius mixture beneficio adquiret, variisq; partibus nutriendis redderetur idoneus. Neq; enim eodem sanguine partes carnosas & solidas nutriri probabile est; sed calidiori tenuiori; carnosas, solidas vero frigidiori & crassiori. Iam vero & sanguis ipse in quibusdam partibus minor, in aliis maiorem elaborationem exposcit, prout magis vel minus a partium nutriendarum natura distat. Viscerum itaque & musculorum carnes facili negotio sanguine sibi familiari aluntur, cum caro sit veluti sanguis quidam concretus. Recte autem dixit viscerum & musculorum carnes, quoniam carnes alia spermatica sunt, quæ semine potius quam sanguine proxime nutriuntur. Nam ut proprium partium sanguinearum nutrimentum est sanguis, ita & semen partium spermaticarum. Semine itaq; aluntur testes, mamma lacte, & cerebrum substantia semini simili, quas tamen partes alibi cum Galeno ad carnosum genus retulimus. Sed neq; id semen quo partes spermaticæ aluntur, eandem in omnibus quæ nutriuntur partibus specie refert; neq; ex sanguine similiter concocto gignitur. Commune quidem id est partibus omnibus spermaticis, ut nutriantur sanguine multum concocto & elaborato, in semenq; prius conuerso: non enim fieri potest, ut sanguis natura humidus, fluxilis, ac ruber, partibus albis ac solidis assimiletur, quin plures intercedant mediarum mutationes. Sed quo partes spermaticæ solidiores fuerint, eo maiorem elaborationem sanguis exposcit, ut proprias qualitates sensim deponens, ad partis nutriendæ naturam paulatim accedat. Vnde etiam fit, ut proximum partium spermaticarum nutrimentum diuersam omnino formam præferat, nam ligamentis, membranis, & nervis, latus quidam humor inspergitur, quo eiusmodi partes proxime aluntur. Et chartilaginibus mucosus quidam circumfunditur humor, qui proximum est ipsarum nutrimentum. Ossa præterea partium omnium siccissima ac solidissima, medulla tanquam proprio nutrimento gaudent, quæ ex sanguine multum elaborato, diutissimeq; concocto ortum habet. Neq; vero hoc tantum nomine diuersarum partium nutritioni prouisum est a natura, sed eo etiam mira ipsius prouidentia elucescit, quod sinus quosdam, vel cauernulas, vel aliquid quod portione ipsis respondeat, partibus quibusdam veluti penum quendam præparauerit, ut detentus in his diutissime sanguis ad vnguem concoquatur. Id quod in ossibus factum potissimum observamus, quoniam ut ait Galenus, in ossibus quæ parua sunt & sinus expertia, ipsorum cauernulis inspersa est medulla; in magnis vero & quibus sinus non desunt, in ipsis sinibus est collecta. Videtur autem hoc loco medullæ nomen improprie usurpasse pro nutrimento proprio proximoq; omnium ossium, cum tamen alibi medullam proprie eam tantum vocarit, quæ intra ossium cavitates coacta continetur, quo pacto dictum ab eo est, ossa aliqua medulla carere. Est præterea & illud hoc loco difficile, quod ossa magna, sinuosa, parua vero, sinus expertia, solisq; cauernulis prædita esse dixerit: quam itidem sententiam repetit lib. 11. de usurpar. cap. 18. Quin etiam lib. de ossi. hæc tradit ossium diuisionem, ossium quædam grandia, & ampliter concava sunt, ac medulla plena; quædam parua, solida, ac sine medulla, neque caui quidquam quod sensu dignosci queat, in se habent: quæ tamen constare non potest, ut monstrat apertissime ossium historia & observatio. Siquidem inter ossa magna, quædam sunt sinus expertia, solisq; cauernulis prædita, ut os sacrum, vertebrarum corpora, pectoris os, os calcis, talus, & verticis ossa. Et rursus ex ossibus paruis, non pauca sinibus prædita conspiciuntur, ut pedii, postbrachialis, & digitorum ossa, tum etiam & dentes. Quare non citra rationem Galeni sententia hoc loco scripta, & lib. 11. de part. usu repetita, suspecta videri possit,

Lib. de nat. ho. com. 38.

Lib. 2. de temp. cap. 5.

Lib. de ossibus & lib. 11. de usurpar. cap. 18.



Com. in lib.  
Gal. de ossib.

possit, nisi dixerimus, non affirmasse Galenum, ossa omnia magna sinuosa esse, & omnia ossa parua esse sinus expertia; immo contrarium potius voluisse, cum paruorum ossium, & sinus expertium seorsum meminerit, seorsum quoque magnorum & sinus habentium mentionem fecerit. Ossium vero diuisionem lib. de ossibus traditam, Colladus noster longe doctissimus ita explicabat, vt nolit Galenus ossa quæ magna sunt, esse simul sinuosa, & medulla plena; ossa vero parua esse sinus expertia, & sine medulla; sed simul potius proponat tres distinctas ossium diuisiones, ita vt ex ossibus quædam magna sint, alia parua; rursus alia sinuosa, alia sinus expertia; & tandem alia medullosa, alia vero sine medulla.

## CAP. XVI.



**R**GO hæc omnia tum inter se consentiunt, tum iis quæ supra demonstrata sunt, satis testimonii perhibent. Nec est quod etiamnum disceptationem producamus, siquidem ex iis quæ iam dicta sunt, inueniat quisque non ægre, quemadmodum omnia particularia fiât. Sicut verbi gratia, multis eorum qui immodice bibunt, & ocysime pertransit quod biberunt, & meitur intra breue tempus paullo minus totum. Quippe in his quoque tum qualitatibus conuenientia, tum humoris tenuitate, tum vasorum laxitate, non ipsorum modo, sed etiam eorum oris, tum trahentis facultatis robore, celeritas digestionis perficitur. Particulis quidem quæ iuxta ventriculum sitæ sunt, propter qualitatibus conuenientiam suam ipsarum causâ potionem trahentibus, iis vero quæ proxime ab his sunt, ipsis quoque ad se rapiantibus, deinde iis quæ post has habentur, rursus ab his sumentibus, donec ad cauam peruentum sit venam, ab hac vero renibus iam quod sibi conueniens est attrahentibus. Quare nihil miri est, vinum aqua propter qualitatibus conuenientiam citius sursum assumi. Ipsorum vero vinorum, quod album est & purum, tenuitatis gratia prompte in corpus digeri; sicut e contrario nigrum & turbidum crassitudinis vicio per viam hæerere, ac tardare. Fuerint sane hæc & iis quæ de arteriis supra diximus, non parua testimonia, ubique enim qui conueniens simul ac tenuis sanguis est, eo qui talis non est, facilius trahentem sequitur. Itaque cum quando dilatantur, halitum, spiritum, ac tenuem sanguinem trahant arteriæ, eius qui in ventre & intestinis est succi, aut nihil, aut omnino attrahunt per exiguum.

Agit hoc vltimo capite de distributione potus, quoniam & is partibus nutriendis videtur necessarius. Cum autem duplici utamur potu, aquæ, & vini, & vtriusque mixti, certissimum est vinum nutrire, immo nutrimentum esse omnium maxime nobis familiare. De aqua tamen merito dubitari solet, nutrire possit, necne. Negat plerumque Galenus aquam nutrire, interdum tamen id videtur concessisse. Lib. 4. de vsu part. cum docuisset aquosum humorem esse vehiculum nutrimenti, ad hunc modum scribit, Hunc itaque vsu præbet animalibus aqua, siquidem ex ea nutriri nulla particula potest. Idem manifestius docuit, lib. 3. de rat. vict. in mor. acut. his verbis, At quæ nullo pacto nutriunt, vt aqua, ea virtutem neque summe imbecillitare, neque roborare quispiam vere dixerit, nisi id aliquando per accidens contingat: aqua siquidem non vt alimentum vires recreat, sed bene vt medicamentum, ad temperamenti symmetriam quæ propter ipsius immoderationem imbecilla sunt, reducens. Hippocrates tamen aliquam nutriendi vim videtur aquæ tribuisse, cum

lib.

Cap. 5.

Comen. 17.



- A** lib. 3. de rat. vict. in mor. acut. mulsam solam epotam aqua multo potentiorē esse dixerit. Scribit quoq. Galenus hoc capite, corporis partes, qualitatis convenientia, sua ipsarum causa potionem attrahere: atqui qualitatis convenientiam vocat totius substantiæ similitudinem. Et lib. 1. de sani. tu. agens de triplicis partium substantiæ instauratione, solidam substantiam cibo, humidā potu, spirituosam aëre refarciri docuit. Ac tandem lib. de pul. ad tyro. aquam ad portionem ciborū pulsus immutare fatetur: quod tamen facere non posset, nisi nutriret. Ceterū hæc neminem fateri cogent aquam nutrire, tribuit enim Hippocrates vim aliquā aquæ, nō quod ipsa nutriat, sed quod ventriculi ariditatē irriget, ac corrigat. Non enim aliunde fit, vt qui urgente fame solam aquam bibunt, diutius durent quam qui nihil assumunt. Et quamvis substantiæ similitudine aqua à partibus trahatur, nō propterea necessario nutriet: nam & bilis a vesica, & ab utero semen ob substantiæ familiaritatem attrahitur: cum tamen neq. vesica bile, neq. uterus semine nutriatur. Porro quod humida partium substantia potu instauretur, cū Galeno libenter asserimus, dummodo intelligas potum à Galeno vocari, non aquam epotam, sed in vniuersum nutrimenta omnia humida & fluxilia; qualia sunt, vinum, lac, ptissanæ cremor, & reliqua iuscula. Siquidem & Hippocrates huiusmodi nutrimēta &
- » humoris & potus nomine intellexit, cum ait, Qui celeri alimēti appositione egēt, Lib. de alim.
- » humidum ipsis optimum colligendis viribus remedium: & rursus, Facilius est, potu Aphor. 11. li. 2.
- » refici quam cibo. Tandem vero ad portionem ciborum pulsus immutare dicitur aqua, non quod nutriat quemadmodū cibus, sed quod immodice bibita vires grauet, non secus ac cibus immodicus, efficiatq. proinde pulsus inæquales & inordinatos, quales fieri etiam solent à nimia ciborum copia viribus oppressis. Et rursus vt cibus modice sumptus pulsus mutat ad vehementiam & magnitudinem, ita & aqua modice pota; quæ quidem licet non nutriat, vires ex accidenti recreat; tum quod nutrimenti vehiculum sit; tum etiam quod ventriculi ceterarumq. partium caliditatem siccitatemq. corrigat. Cum igitur hæc omnia loca aptissime explicentur, in aliis vero aperte fateatur aquam nō nutrire; hanc veram esse Galeni sententiam existimamus, quam etiam confirmat ratio. Nam si aquæ potu humida partiū substantia refarciretur, esset aquæ potus ad vitam omnino necessarius. Atqui nōnullos sano habitu præditos, non tantum dierum, sed plurium etiam mensium spatio, nulla cogente necessitate, sine aquæ potu transigere experimur. Et quod maius est, sunt qui toto fere vitæ tempore vix summis labiis aquam degustarint, vt pote qui vino deditissimi, aquam auersentur, & incredibili quodam odio prosequantur. Quod si roges, cur aqua partibus alioqui familiaris, nutrire nō possit; ad nimiam ipsius humiditatem causam referendā esse putarim. Cum enim summe humida sit, partibus agglutinari nequit, præsertim cum omnis lentoris sit expers, ob eamq. causam humido primogenio refarciendo prorsus inepta: cuius substantia cum aërea sit simul & aquea, tenax utcunq. est, & quodammodo pinguis. Quis igitur, dicet quispiam, aquæ epotæ vsus est? quæ tāta plerumq. necessitas, vt præ ipsius inopia multi quotidie pereant? Duplex sane aquæ vsus est, isq. maxime insignis; est namq. nutrimenti vehiculum, & natiuam partium humiditatem fouens siccitatē corrigit, efficitq. ne tam cito natiua humiditas ab insito calore absumatur. Quo etiam consilio satis multam aquæ copiam intra pericardion inclusit natura, vt vehementissimo cordis calori seipsam opponens, natiuam cordis humiditatē foueat, incolumemq. diutius seruet. Atque hinc factum est, vt singulis corporis partibus insita sit serosæ humiditatis appetentia, quam sitim naturalem appellant; nam vt deficiente partibus nutrimento naturalis sit fames, ita deficiente aquosa humiditate naturalis sitis efficitur. Et rursus quemadmodū animalis fames fit sentiente



A  
 tiente ventriculi orificio cibi defectum, ita & sitis fit animalis sentiente ventriculo  
 defectum portionis: quo tempore præcedere debent, seorsæ humiditatis defectus,  
 sitis naturalis, succio, & succionis sensus. Quæ cum ita sint, mirandum pro-  
 fecto non est, si quamuis aqua non nutriat, ipsius potus plerisque sit ad vitam  
 necessarius. Distribuitur autem bibita aqua, non secus ac cibus, ex ventriculo in  
 vniuersum corpus; trahentibus primum ob qualitatis conuenientiam vasis quæ  
 iuxta ventriculum sunt, & ex his rursus trahentibus aliis, & aliis deinceps, donec  
 ex propriis vasis partes singulæ trahant. Porro nunc celerius, nunc contra tardius  
 aqua digeritur ob quattuor causas, qualitatis conuenientiam maiorem, vel mino-  
 rem, aquæ tenuitatem vel crassitiem, vasorum, ac potissimum orificiorum laxitatē  
 aut densitatem, & facultatis attractricis robur aut imbecillitatē. Quæ igitur aqua  
 pura est, limpida, & gustui iucunda, ob qualitatis conuenientiam celerius distri-  
 buit; tardius vero quæ minus familiaris est, qualis est palustris, lacustris, turbida,  
 male olens, aut falsa. Rursus quo tenuior aqua fuerit, eo celerius hypocōdria per-  
 transit, quia attracta facilius promptiusque sequitur: quo autem fuerit crassior, eo  
 B  
 diutius in ventriculo & hypochondriis immoratur, ibique granitatem parit aut  
 tensionem. Quod si vasa, aut ipsorum ora ampla fuerint, & facultas attractrix ro-  
 busta, celeriolem multo aquæ digestionem fieri necesse erit; quemadmodum  
 tardiolem multo, si vasorum ora densa, aut facultas attractrix fuerit imbecilla. Ni-  
 hil igitur est miri, si quibusdam eorum qui immodice bibunt, aqua ocysime per-  
 meatur, & intra breue tempus tota fere mingitur; quibusdam contra diutissime deti-  
 netur. Eadem quoque & de vino intellige, ab iisdem enim causis pendet ipsius  
 distributio ex ventriculo in vniuersum corpus. Vinum tamen quam aqua celerius  
 distribuitur, quia ob maiorem substantiæ similitudinem ac tenuitatem promptius  
 a vasis attrahitur: quo fit, vt vinum aquæ mistum sitim citius extinguat, quam si so-  
 la bibatur aqua. Iam vero & inter ipsa vina, quæ alba & pura sunt, tenuitatis gra-  
 C  
 tia in vniuersum corpus prompte digeruntur, nigra vero, turbida, & crassa (quale  
 nostrum Saguntinum est) per vias hæere solet, ac morari. Atque hæc quidem quæ  
 de potionis distributione hætenus diximus, cum iis maxime cōsentire vidē-  
 tur, quæ de arteriarum attractione dicta antea fuerant, Nam vbi cum  
 similitudine substantiæ tenuitas coniungitur, facillima  
 promptissimaque attractio fieri  
 consuevit.

FINIS



# INDEX IN COMMENTARIOS PHYSIOLOGICOS.



**A**ortu excernitur interdum fœtus in noxiam saniem dissolutus. 528.c.  
**A**ortu ciere impiū est. 435.d.  
**A**ortum mouit aliquādo Hippocrates. 435.a.  
**A**ortus a quibus causis fiat. 527.d.  
**A**croamaticis in disputationibus aliter differendum quam in exotericis. 20.b. & 353.d.  
**A**ctio quid sit. 365.b.  
**A**ctio & passio quomodo differant. 365.c.  
**A**ctio instrumenti propria parti communi deberi non potest. 455.a.  
**A**ctiones aliquę in brutis perfectiores sunt quam in homine temperato. 190.b.  
**A**ctiones communes & proprię partium similarium quę sint. 375.d.  
**A**ctiones manifestę qualitatis quę sint. 27.b.  
**A**ctiones omnes aut sunt naturales, aut animales. 189.a. 350.b. 357.a.  
**A**ctiones primarię & secundarię, quę. 336.a.  
**A**ctiones proprię vel sunt partium similarium, vel instrumentorum. 375.d.  
**A**ctiones totius substantię quę. 127.b. 366.d.  
**A**ctiones vel sunt totius substantię, vel manifestę qualitatis. 127.a. 292.d.  
**A**ctionis nomen quot modis usurpetur. 365.c.  
**A**deps an sit calida, an frigida, an temperata. 222.b.  
**A**deps an sit verā corporis pars. 217.b.  
**A**deps circa præcalidas particulas etiam concreuit. 215.d.  
**A**deps cur non concreuit iuxta partes omnes frigidas. 215.d.  
**A**deps inter partes similes a Galeno recensetur. 432.b. 433.a.  
**A**deps partium omnium humidissima. 218.a.  
**A**dipem cur aliqui putarint non esse veram partem. 385.d.  
**A**dipis generatio. 215.c.  
**A**dolēcentes an parē cum pueris & iuuenibus calorem habeant. 212.d.  
**A**dolēcentia ætatem omnium temperatissima. 213.b.  
**A**egri olim palam exponebantur, & cur. 3.d.  
**A**enanthias dogma a Stoicis inventū. 321.b.  
**A**ër calidus & humidus pestilētissimus. 144.d.  
**A**ër inter causas externās primum locum obtinet. 1.b.  
**A**ër sit ne calidus, an frigidus. 49.a.  
**A**ërem in calores & frigore temperatum qui

statuerint. 50.a.  
**A**ëri ne an aquę conueniat summa humiditas. 482.b.  
**A**esculapij filij, Podalyrius & Machaon Chirurgiam potissimum exercuerunt. 4.c.  
**A**esculapij in templo liberatorum a morbis tabellę suspendebantur. 4.b.  
**A**esculapius Apollinis filius cur in Deorum numerum fuerit relatus. 4.b.  
**A**esopi deformitas. 377.c.  
**A**estimatiua an distinguatur ab imaginatiua. 345.c.  
**A**estimatiuę quod munus tribuant Philosophi. 345.c.  
**A**ctus quid sit. 145.a.  
**A**etas declinans non est confundenda cum iuuentute. 194.b.  
**A**etas declinans non distinguitur a constanti. 194.c.  
**A**etas declinans quę bona adferat. 117.b.  
**A**etas nulla certis limitibus definiri potest. 193.a.  
**A**etas quid sit. 192.d.  
**A**etate subsistens distincta est a senectute. 194.c.  
**A**etate declinante cur redundet melancholicus humor. 194.a.  
**A**etate temperata actiones omnes sunt validę. 145.b.  
**A**etates singulę certo annorum numero circumferuntur. 193.b.  
**A**etates vnde proueniant. 192.d.  
**A**etatibus singulis noua sit temperamentum mutatio. 171.b.  
**A**etatum mutationes per annorum septenarios. 121.a.  
**A**etatum numerus. 193.a.  
**A**etatum singularum temperamenta. 196.a.  
**A**ethyopes cur sint crispi. 246.b.  
**A**frica aliquid noui semper adfert, & cur. 65.d.  
**A**gglutinatiō nutrimenti nullius facultatis est actio, sed concoctionis finis. 489.c. 610.b.  
**A**gglutinatiō nutrimenti referri non debet ad solum substantię modum. 610.b.  
**A**lexi quid. 658.b.  
**A**lati phthisi maxime obnoxij. 255.c.  
**A**lati qui dicantur. 255.c.  
**A**lexipharmaca largius sumpta interficiunt. 299.b.  
**A**lexipharmaca mediam habent naturam inter nostrum corpus & venena. 299.a.  
**A**lexi-



# INDEX.

**A**lexipharmaca quamuis toto genere interficiant, non sunt toto genere deleteria. 299.b  
**A**lexipharmacorum quædam agunt manifesta qualitate, quædam tota substantia. 299.a  
**A**lexipharmacorum quædam attrahunt venenum, quædam corrumpunt. 299.a.415.c  
**A**limentum, vide Nutrimentum.  
**A**ltes facultates varix. 369.c  
**A**lteratio genus est generationis & nutritionis. 388.d  
**A**lteratio in vniuersum duplex. 511.b  
**A**lteratio in vniuersum triplex. 362.c  
**A**lterationes in qualitatibus manifestis generationes non sunt, sed ad generationem dispositiones. 373.c  
**A**lterationes qui Philosophi negarint. 364.a  
**A**lteratrices facultates elementares ac primæ, quattuor. 373.c  
**A**lteratrices facultates particulares diuersis seminibus particulis infunduntur. 379.c  
**A**lteratrices facultates particulares totæ sunt, quot partes similes gignendæ. 374.d  
**A**lteratrices facultates primæ toti semini infunduntur. 379.d  
**A**lteratrix facultas partes similes generat. 372.a  
**A**lteratrix vis quæ partes similes generat, in eisdem generis remanet. 375.a  
**A**nasarca quid. 396.c  
**I**n Anasarca non agglutinatur partibus nutrimentum. 396.c  
**A**nasarca & ascitis collatio. 396.d  
**A**nates & anseres quibus vescantur. 459.d  
**A**natomen in humanis corporibus exercere non licuit Galeno. 490.d  
**A**ngina translatio humore mutatur in peripneumoniam. 87.a  
**A**nima dū est in corpore, & animali spiritu, & cerebri temperie non parum indiget. 348.c  
**A**nima in homine vnica ne sit, an plures. 349.a  
**A**nima mundi. 26.d  
**D**e Anima mundi exstat Timæi liber. 358.c  
**A**nima plantarum distincta est ab anima animæ anima. 360.a  
**A**nima plantis concedi potest, & eisdem negari. 359.d  
**A**nima principium est propriū animalium. 359.a  
**A**nimæ actiones animalium sunt propriæ. 357.c  
**A**nimæ actiones quot sint. 189.c.342.c  
**A**nimæ actionibus vsum præbet cerebri temperies. 116.c  
**A**nimæ domiciliū & sedes, cerebrū. 116.c.338.a  
**A**nimæ essentiam vnde inuestigarint veteres. 357.b  
**A**nimæ facultates principes an distinguantur locis. 348.b  
**D**e Animæ principatu quæstio. 337.c  
**A**nimæ substantiam ignorauit Galenus. 370.b

**A**nimam mundi ante Platonem introduxit Timæus. 358.c  
**A**nimam mundi per corpora omnia extensam esse voluit Plato. 358.c  
**A**nimam putarunt Stoici esse spiritum calidū & siccum. 360.a  
**A**nimam qui dixerint esse sanguinem. 92.a  
**A**nimam quomodo veteres definierint. 357.b  
**A**nimam vnica diuersis facultatibus prædictam statuit Aristoteles. 337.c  
**A**nimas tres specie & sede distinctas constituit Plato. 337.a  
**A**nimalia a duobus gubernantur principiis, anima & natura. 360.b  
**A**nimalia cur duplici nutrimenti principio indigerint. 360.d  
**A**nimalia cur indigerint sensu & motu. 360.b  
**A**nimalia pulmone carentia dextro cordis ventriculo carent. 338.d  
**A**nimalia quomodo dicantur calida & humida. 149.a.151.d  
**A**nalis facultas an influat ex cerebri substantia, an ex menyngibus. 340.b  
**A**nalis facultas an influat sola, an cum spiritu. 341.b  
**A**nalis facultas ex cerebro influit per nervos. 340.b  
**A**nalis facultas quotplex sit. 242.d  
**A**nalis facultatis principium esse cerebrum vnde constet. 338.a  
**A**nimatum ab inanimato differt sensu & motu. 357.b  
**A**nimi mores corporis temperiem sequuntur. 116.b  
**A**nni diuersa tempora vnde constituantur. 112.a  
**A**nni tempora singula in tres partes diuiduntur. 102.c  
**E**x Anni temporibus cur tria sint intemperata, & vnicum temperatum. 143.b  
**A**nni temporum singula quem vsum præbeant. 143.c  
**A**nni temporum temperies ex quibus expendenda. 108.b  
**A**nus Atheniensis nutriebatur cicuta. 315.b  
**Απλός** trifariam vsurpatur. 154.b  
**A**pollo Iouis filius, primus apud Græcos Medicinæ inventor. 4.a  
**A**ppetētia nullius facultatis est actio, sed naturale partium pathema. 610.a  
**A**ppositio nutrimenti nullius facultatis est actio, sed attractionis finis. 489.c.610.b  
**A**qua calida cur ignem extinguat. 309.c  
**A**qua cur aliquando celerius, aliquando tardius distribuatur. 558.a  
**A**qua cur nutrire non possit. 557.c  
**A**qua dulcis dicitur, quæ saporis est expers. 482.d  
**A**qua maris cur sit salsa. 462.d  
**A**qua



# I N D E X.

- Aqua maris mortui cur sit amara:** 462.d  
**Aqua pura quæ dicatur.** 113.d  
**Aqua purum elementum, à summa frigiditate concreveret.** 113.c  
**Aqua quomodo dicatur ad portionem ciborum pulsus mutare.** 557.b  
**Aqua summe est humida:** 129.c  
**Aqua vires recreat, non vt alimentum, sed vt medicamentum.** 556.d  
**Aquæ copiam cur intra pericardion incluse-rit natura:** 557.d  
**Aquæ epotæ duplex vsus:** 557.d  
**Aquæ potus an nutriat:** 556.d  
**Aquæ potus cur sit plerisque ad vitam neces-sarius, etiam si non nutriat.** 558.a  
**Aquam auersantur qui vino sunt deditissi-mi.** 557.c  
**Aquâ qui bibunt fame vrgēte, diutius viuunt quam qui nihil assumunt, & cur.** 557.a  
**Archimedis facta incredibilia.** 300.b  
**Ars quomodo fiat.** 300.c  
**Artem vnâ plures experientie efficiunt.** 4.d  
**Artes coniecturales quæ.** 11.c  
**Artes effectiōis qua methodo constituantur.** 16.d  
**Artis & naturæ duplex discrimen.** 432.a  
**Artium dignitas ex nobilitate subiecti.** 12.b  
**Artium effectiōis differentie.** 9.c  
**Artium inueniendarum duplex occasio.** 3.b  
**Artium prima origo.** 3.a  
**Artium tria genera ex Aristotele, ex Galeno quattuor.** 8.d  
**Artium varia genera vnde sint constituenda.** 8.b  
**Arteriæ cum dilatantur, quid attrahant.** 549.a  
**Arteriæ nihil fere sua dilatatione attrahunt ex ventriculo & intestinis.** 549.b  
**Arteriæ quomodo dicantur ab insita facultate moueri.** 456.d  
**De Arteriarum fibris Galeni cōtradictio.** 525.a  
**Arteriarum plexus admirabilis & reiformis à Galeno confectus.** 334.c  
**Arterijs singulis vis quædā inest, quæ influit ex corde.** 548.d  
**Asclepiadarum medicorum familia nobilissima.** 4.c  
**Assimilationem nutrimenti præcedit agglutination, & hanc appositio.** 489.b  
**Atra bilis, vide Bilis atra.**  
**Attractio an fiat successione ad id quod vacuatur.** 549.d  
**Attractio facillime fit, cum similitudini substantiæ coniungitur tenuitas.** 558.c  
**Attractio quæ similitudine substantiæ fit, à facultate fit attractrice, ipsamque sequitur rei attractæ fruitio.** 550.b  
**Attractio quæ similitudine substantiæ fit, bifariam ab ea differt quæ fit successione ad id quod vacuatur.** 551.d  
**In Attractione quæ fit successione ad id quod vacuatur, quod leue & tenue est prius sequitur, quam graue & crassum.** 549.a  
**Attractionem negauit Plato.** 450.c  
**Attractionis causa non est ad id quod vacuatur successio.** 550.a  
**Attractionis causam statuunt aliqui siccitatem.** 550.c  
**Attractionis duplex genus.** 549.c  
**Attractionis quot sint causæ.** 550.b  
**Attractionis ridiculam causam reddidit Epicurus.** 414.a  
**Attratrix facultas in rebus. etiam vitæ expertibus inuenitur.** 293.a  
**Attratrix facultas omnium prima suo munere fungitur.** 541.c  
**Attrahentium medicamentorum duplex genus.** 414.d  
**Auctio an fieri possit sine vberiore nutritiōe.** 390.b  
**Auctio cur cesset in ætatis vigore.** 386.c  
**Auctio & generatio quomodo differat.** 385.c  
**Auctio humiditate indiget.** 385.c  
**Auctio motus est compositus.** 372.b  
**Auctio simplex est actio naturæ.** 372.b  
**Auctio solius naturæ est opus.** 387.c  
**Auctio quid sit.** 372.b  
**Auctio totius corporis ex partibus spermaticis expenditur.** 386.c  
**Auctio vera quæ postulet.** 388.a  
**Auctionis animalium certus est terminus.** 386.c  
**Auctrici facultati debetur partium dilatatio, non soli calori.** 610.c  
**Auctricis dominium.** 384.d  
**Auctricis ministræ sunt. alteratrix & nutritrix.** 385.b  
**Auctricis proprium munus.** 385.c  
**Auctrix facultas distincta ne sit à nutrice robusta.** 390.a  
**Auctrix facultas toto vitæ tempore in nobis reperitur.** 384.d  
**Augetur animal ad summum vsque ætatis vigorem.** 385.a  
**Augetur animal, donec ossa firmum robur sint adepta.** 386.c  
**Autumni temperies quæ.** 105.a. 142.a  
**Autumno humores contrariis aguntur motibus.** 142.b  
**Autumno meridie viget calor, mane & vespere frigus.** 142.a  
**Autumno morbi acutissimi, & perniciosissimi, & cur.** 142.b  
**Autumno partes omnes redduntur imbecilliores, & cur.** 142.b  
**Autumnus cur insaluberrimus.** 105.d. 142.b  
**Axungiam quomodo quidam distinguant à seuo & adipice.** 217.a



# I N D E X.

## B.

Balearibus quale sit caput. 196.d  
 Balnei aqua an attrahatur per cutem. 294.d  
 Barba cur solis viris tributa sit, non mulieribus. 250.a  
 Barba cur pueris tributa non sit. 250.d  
 Barba cur non occupet totam faciem. 250.b  
 Basiliscus solo aspectu necare creditur. 308.a  
 Ex Bile animi acrimonia & prudentia nascitur, & cur. 116.d  
 Bilem atram exquisitam ne muscæ quidem gustare audent. 480.c  
 Bilis æruginosa & porracea an distinguantur. 473.d  
 Bilis ætate augetur. 104.a  
 Bilis an sit calidior sanguine. 230.a  
 Bilis atra exquisita an fieri possit ex pituita, aut sanguine. 480.d  
 Bilis atra exquisita cur in terram effusa fermentationem efficiat. 480.b  
 Bilis atra exquisita duplex. 479.d  
 Bilis atra exquisita nunquam fit ex sanguinis adustione. 105.c  
 Bilis atra exquisita potestate calidissima 105.b  
 Bilis atra exquisita quæ ex bile fit, acida non est, sed exquisite amara, aut acris. 480.c  
 Bilis atra exquisita quæ ex bile fit, malignior est altera quæ fit ex succo melancholico. 480.c  
 Bilis atra exquisita quæ ex succo melancholico gignitur, & gustui, & olfactui exquisite est acida. 480.c  
 Bilis atræ appellatio, & humori melancholico naturali, & atræ bili exquisitæ communis est. 105.a  
 Bilis atræ exquisitæ conditiones. 480.a  
 Bilis atræ exquisitæ generatio. 105.a. 479.d  
 Bilis cærulea non distinguitur ab isatode. 473.d  
 Bilis causa efficiens quæ. 472.b  
 Bilis duplex, naturalis, & præter naturam. 472.a  
 Bilis est veluti sanguinis flos. 230.d  
 Bilis excrementum est secundæ concoctionis. 265.d  
 Bilis ex sanguine fit, non ex chylo. 472.c  
 Bilis flava an gigni possit in ventriculo. 265.a  
 Bilis flava ex qua materia gignatur. 273.b  
 Bilis flava sicca, & omnium calidissima. 236.d  
 Bilis hyeme minuitur. 107.d  
 Bilis isatodes an gigni possit in ventriculo. 476.d  
 Bilis isatodis generatio. 476.d  
 Bilis maior est copia, quam pituitæ & hu-

moris melancholici. 82.a  
 Bilis materia quæ. 472.b  
 Bilis meracissima quæ dicatur Hippocrati, & quæ mixta. 99.d  
 Bilis naturalis color, sapor, consistentia, & vires. 88.c. 473.a  
 Bilis naturalis quotuplex sit. 472.a. 473.a  
 Bilis porracea an gigni possit in ventriculo ex cibis boni succi. 265.d. 476.a  
 Bilis porracea & in vasis, & in ventriculo gigni potest. 265.a. 475.d  
 Bilis porracea ex præui succi cibis in ventriculo etiam temperato gigni potest. 265.b  
 Bilis porracea sanis nunquam gignitur in vasis. 265.a  
 Bilis potestate est calida & sicca, actu tamen humida. 465.d  
 Bilis præter naturam quotuplex sit. 473.c  
 Bilis quæ in quibus corporibus secundum naturam gignatur. 473.b  
 Bilis refrigerascens quæ dicatur Hippocrati. 108.a  
 Bilis rubra an detur. 474.a  
 De Bilis secretionē disputatio cum Asclepiade. 404.b  
 De Bilis secretionē Erasistrati opinio, & refutatio. 429.d  
 Bilis simpliciter dicta naturalem semper significat. 93.d. 180.a  
 Bilis siue flava sit, siue nigra, in sanguinem mutari nequit, & cur. 472.d  
 Bilis vitellina an gigni possit in ventriculo. 474.d  
 Bilis vitellina colore & consistentia crudorum vitellis est similis. 473.d  
 Bilis vitellinæ generatio. 474.c  
 Bilis usus. 473.b  
 Bilis zinaria Avicennæ quæ sit. 474.b  
 Biliofi quibus vexentur symptomatis, si vel consuetam prandendi horam præterierint. 235.b  
 Bilioforum mores quales sint. 217.b. 245.b  
 Blæ si qui dicantur. 235.c  
 Brigida à Pegaranda, mulier barbata. 64.d

## C.

Cacochymia quid. 84.a  
 Cacochymia quotuplex sit. 84.b  
 Cacochymia debetur purgatio. 84.a  
 Calculus in propria renum carne acerbum infert dolorem. 400.c  
 Calculus in sinibus renum gravem dolorem creat. 400.c  
 Calculus in vteribus acutum dolorem gignit. 400.b  
 Calida potestate medicamenta, calorem quoniam recalfaciunt, à nobis non accipiunt. 301.b  
 Calida



# I N D E X.

Calida potestate medicamenta cur minimo  
mutationis initio à nobis accepto, nobis ca-  
lidiora euadant. 300.a  
Calida potestate medicamenta, verius quam  
potestate frigida dicuntur nostri caloris  
materia. 309.a  
Calida potestate sunt veluti apta materia  
eius quod est actu calidum. 280.c  
Calidi & frigidi solus tactus est iudex, humi-  
di & sicci vna cum tactu ratio. 214.a  
Calidi & humidi hircorum naturam refe-  
runt. 150.a  
Calidi & sicci si febricitantes in ediam fe-  
rant, in febrem ardentem, & hecticam faci-  
le incidunt. 235.b  
Calidi, frigidi, humidi, & sicci, significatio-  
nes variae. 151.c. 153.b. 156.d. 164.a. 172.c  
Calidi innati motus duplex. 1.c  
Calidi innati qualitatem partim elementa-  
rem, partim coelestem qui constituent. 354.a  
Calidi innati substantia varijs modis expli-  
cata. 353.c  
Calidi motus ad interna, quies potius est quàm  
motus. 2.b  
De Calido & frigido librum edidit Theo-  
phrastus. 164.c  
Calidis & humidis excrementa omnia male  
olent. 150.a  
Calidis & siccis aduersissima est inedia, & fe-  
brium paratissima causa. 235.b  
Calidum & frigidum cur dicantur qualita-  
tes agentes, humidum & siccum patien-  
tes. 367.d  
Calidum, frigidum, humidum, & siccum, sig-  
nificant Hippocrati ignem, aquam, aërem,  
& terram. 124.d  
Calidum innatum frigido est tempera-  
tum. 112.d  
Calidum innatum male quidam confundunt  
cum humido primogenio. 354.a  
Calidum innatum quid. 1.c  
Caliditas nostra crassæ est essentiae, halituo-  
sa, & infirma. 282.d  
Caliditas tanta in nobis reperiri non potest,  
ut quæ sicca sunt colliquet. 216.b  
Calidius sit corpus, vel intensa caliditate, vel  
aucta substantia calida. 323.c  
Callus quid sit. 384.c  
Calor innatus vite & interitus est auctor. 2.b  
Calor insitus concoctionis instrumentum. 108.c  
De Calore puerorum & iuuenum quæ-  
stio. 203.a  
In Calore tria consideranda. 211.d  
Calorem innatum ignem vocauit Pla-  
to. 453.c  
Non Caluescunt pueri, nec mulieres, nec  
Aethyopes, & cur. 252.c  
Caluitij causa quæ. 251.c

Caluitij sint ne aliæ causæ præter cutis ca-  
pitis siccitatem. 252.c  
In Caluitio cur ob cutis capitis siccitatem de-  
cidant pili. 252.a  
Caluitium cur fiat in syncipite. 253.d  
Caluitium quid. 251.c  
Cancer non semper habet coniunctum vl-  
cus. 305.d  
Cani pili sunt imbecilli simul & albi. 253.a  
Canis rabidi spuma quando rabiem homini  
inferat. 308.a  
Canitiei causæ. 253.a  
Canities cur incipiat à temporibus. 254.a  
Canities cur quibusdam incipiat ab extremis  
pilorum finibus, alijs potius à radici-  
bus. 253.b  
Cantharides venena sunt erodentia. 309.d  
Cantharides venena cum sint, quomodo ali-  
quando prosint. 310.a  
Ex Cantharidibus medicamentum, hyderi-  
cis & ischuria laborantibus vtilissimum. 310.a  
Cantharidibus solis non vtendum. 305.b  
In Cantharidum vsu quorundam error. 310.a  
Capilli crispi cur in puellis commende-  
tur. 246.c  
Capilli cur non habeant certum terminum  
incrementi. 250.b  
Capilli rufi cur probentur in virginibus. 245.c  
Capillorum vsus. 250.b  
Capitis forma qualis optima. 196.d  
Carbuncolorum differentiae tres. 145.a  
Carbunculus adiunctum semper habet vlcus  
crustosum. 305.d  
Cardiaca falso credita damnantur. 295.d  
Caries quid. 146.b  
Carnem cur aliqui putarint non esse veram cor-  
poris partem. 385.d  
Carnes partium spermaticarum ex sanguine  
fiunt, proindeque sunt calidæ. 227.a  
Caro duplex, musculorum & viscerum. 218.b  
Caro propria in singulis instrumentis, proprijs  
circumascitur fibris. 226.c  
Caro propria partium similarium non est pars  
corporis, sed carnosa partium substan-  
tia. 226.c  
Caro testaceorum & crustaceorum dura &  
concoctu difficilis, semel tamen concocta  
firmum nutrimentum præbet. 271.d  
Caro testaceorum & crustaceorum ventricu-  
lo calido vtilissima. 271.d  
Carnosi generis nomine quæ partes intelli-  
gantur. 218.d  
Causa ad aliquid dicitur. 368.b  
Causæ morbificæ, externæ aut inter-  
næ. 197.d  
Causæ mutationis & interitus, quot sint, &  
quæ. 1.b  
Causæ salubres immodico aut intempestiuo  
vsu



# I N D E X.

- vfu sunt infalubres. 308.b  
 Causam efficientem Parmenides omnium pri-  
 mus agnouit. 22.a  
 Causas internas vocat aliquando Galenus ali-  
 menti excrementa. 191.d  
 A Causis externis magis læduntur corpora  
 rara, ab internis minus. 191.d  
 A Causis internis magis læduntur corpora  
 densa, ab externis minus. 191.d  
 In Cerebri affectibus cur topica syncipiti ad-  
 mouenda. 349.a  
 Cerebri caliditas agilitatem tribuit animæ  
 actionibus. 117.a  
 Cerebri frigidi & humidi signa. 267.b  
 Cerebri intemperies frigida & humida de-  
 stillationum causa est frequentissi-  
 ma. 267.a  
 Cerebri temperies ex quinque signis cognos-  
 citur. 267.b  
 Cerebri tenuitas ingenium acuit, crassities  
 hebetat. 117.a  
 Ex Cerebri ventriculis quis sit præstan-  
 tior. 349.a  
 Cerebrum cur Aristoteli dicatur medul-  
 la. 220.d  
 Cerebrum cur Galeno dicatur primum sen-  
 sorium. 346.a  
 Cerebrum est animæ sedes. 116.c  
 Cerebrum sentiat nec ne. 346.a  
 Cerebrum sit ne frigidum, an calidum. 222.d  
 Cerebrum quomodo sit sensus & volunta-  
 rij motus principium, cum & sensus & vo-  
 luntarij motus sit expers. 341.a  
 Cerebrum temperatū principes omnes actio-  
 nes moderatas habet. 190.a  
 Chiromantici nugacissimi. 271.d  
 Chiromanticorum audacia. 271.d  
 Cholæra morbus duplex. 605.a  
 Chylus ex sanguine facilius gignitur quam  
 ex cibis. 603.b  
 Chylus ventriculi nutrimentum est, & te-  
 nuum intestinorum. 295.b  
 Chymistarum error. 432.c  
 Chyronia vlcera vnde sic dicta. 305.d  
 Cibi non concocti cur vomantur frigi-  
 di. 317.d  
 A Cibo cur interdum frigeamus. 303.c  
 Ciborum moræ in ventriculo quis sit termi-  
 nus. 502.b  
 Cicatrix quid. 384.c  
 Cicuta cur sturnum nutriat, & hominem in-  
 terimat. 326.b  
 Clysteres nutrientes dicti an nutriant. 295.b  
 Clysteris vsum quis primum docuit. 3.c  
 Cœliaca affectio quomodo distinguatur a  
 diarrhœa. 203.d  
 Color viuulus ac roseus vnde nascatur. 191.c  
 Coloris pallidi, rufi, & flauī discer-  
 men. 473.a  
 In Comparationibus omnia debent esse pa-  
 ria, eo excepto in quo fit comparatio. 210.a  
 Conceptionis nomen vnde natum. 378.c  
 Conceptionis signa. 498.b  
 Conceptus ex coitu quando sequatur. 378.c  
 Concoctio cur nō iuuetur fibris, quemadmo-  
 dum attractio, retentio, & expulsio. 524.d  
 Concoctio iuuatur calore. 190.b  
 Concoctio quæ in singulis partibus fit, vnde  
 cognoscenda. 189.b  
 Concoctio quid sit. 511.c  
 Concoctio quotuplex sit. 189.a, 293.d, 509.a  
 Concoctionem ciborum in ventriculo qui di-  
 xerint esse putredinem. 450.b  
 Concoctioni magis contraria est putredo  
 quam cruditas. 146.c  
 Concoctionis præcedentis errorem in sequen-  
 ti emendari non posse, quī sit intelligen-  
 dum. 512.b  
 Concoctionis primæ duplex vsus. 510.d  
 Concoctionis quæ sint instrumenta. 394.d  
 Concoctrix facultas in solis viuentibus repe-  
 ritur. 293.a  
 Quæ Concoquantur, calidiora euadunt &  
 crassiora. 368.a  
 Concupiscibilis appetit cibum, potum, & ve-  
 nerem. 337.a  
 Concupiscibilis variæ cuiusdam & multorum  
 capitum belluæ similis. 337.a  
 Confluxio vna, conspiratio vna. 294.c  
 Constitutio corporis optima quid sit. 190.d  
 Constitutio optima quī distinguatur ab opti-  
 mo habitu. 377.d  
 Contactus duplex, corporum & virtu-  
 tis. 454.d  
 Cor cur dicatur genitum ex sanguine arte-  
 riali. 225.b  
 Cor cur dicatur vitæ fons ac principium. 350.a  
 Cor humidius est cute. 225.b  
 Cor in foetu neque arterialem sanguinem, ne-  
 que vitalem spiritum gignit. 361.a  
 Cor maxime sanguineum dicitur, &  
 cur. 183.a  
 Cor non est viscus, & cur. 183.a, 225.d  
 Cor non nutritur per venam cauam, sed per  
 coronariam. 552.c  
 Cor partium omnium calidissimum. 225.c  
 Cor siccum esse qui dixerint. 225.b  
 Cor vim maximam habet immutandi vniuer-  
 sum corpus. 188.a  
 Cor vtroque sanguine nutritur. 225.c  
 Corde genito foetus iam administratur vt ani-  
 mal. 361.a  
 Cordis ventriculus sinister dextro longe est  
 calidior. 225.c  
 Corpora cœlestia an consistant ex elemen-  
 tis. 284.a



# INDEX.

Ad Corporis similis constitutionem quæ  
sint necessaria. 126.d  
Corpulentia causa quæ. 239.a  
Crassarum partium quæ dicantur. 282.d  
Crassi qui vocentur. 232.b  
Crassities nativa ab adscititia quomodo di-  
stinguatur. 233.b  
Crassarum ordo. 240.c  
Ex Cruditate quales fiant deiectiones. 203.d  
Crurum crassities & gracilitas corporis tem-  
periem non indicant. 271.b  
Cuticula non est corporis pars. 181.b  
Cutis cur dicatur instrumentum tactus. 175.d  
Cutis cur frequenter infestetur ulceribus &  
tumoribus. 305.d  
Cutis est veluti nervus sanguine prædi-  
tus. 180.d  
Cutis internæ manus, omnium quæ sub tactu  
cadunt, iudex est ac norma. 175.c  
Cutis internæ manus temperata est ad pon-  
dus. 175.c  
Cutis non potest esse temperata ad iusti-  
tiam, quin sit temperata ad pondus. 177.a  
Cutis optima temperies quomodo cognosca-  
tur. 180.c

## D.

Deglutitio & vomitus quomodo differant, &  
in quibus conveniant. 517.c  
Deglutitio non fit à pondere eorum quæ de-  
glutiantur. 519.d  
Deglutitio quomodo fiat. 517.c  
Deglutitio violenta quomodo fiat. 577.d  
In Deglutitione deorsum trahitur œsopha-  
gus, & larynx sursum attollitur. 515.c  
Deglutitionis causa. 515.a  
Delirii tria genera. 345.b  
Delirium quid. 338.b  
De Demonstratione commentarii à Galeno  
conscripti perierunt. 206.d  
Demonstrationes vocat Galenus disputatio-  
nis robur. 523.d  
Demonstrationum principia ab Hippocrate  
sumpsit Aristoteles. 364.b  
Dentes genuini senibus etiã nascuntur. 383.d  
Dentes novi prosiliunt anno septimo priori-  
bus decidentibus. 193.b  
Dentes qui infantibus nascuntur, veri dentes  
non sunt, sed dentium epiphytes. 383.c  
Dentes qui septimo anno prosiliunt, in prima  
formatione gignuntur. 383.c  
Dentes septimo mense plerisque nascun-  
tur. 193.c. 383.c  
Dentes soli inter ossa sentiunt. 346.b  
Dentes toto vitæ tempore augentur, &  
cur. 386.b

Destillatio fieri etiam potest à calore. 267.c  
Diæta ex quibus perficiatur in sanis & æ-  
gris. 12.d  
Diæta vsum rerum omnium non naturalium  
complectitur. 232.b  
Diæta vide Vitis ratio.  
Diarrhœa quid. 174.a  
Diarrhœa duplex. 604.d  
Distributio nutrimenti à quibus facultatibus  
fiat. 446.a  
Distributio nutrimenti triplex. 446.a  
De Distributione nutrimenti Erasistrati opi-  
nio, & ipsius refutatio. 427.d. 441.a  
Distributionem nutrimenti propter arteria-  
rum applicationem fieri quidam volue-  
runt. 450.b  
Distributionis alimenti instrumenta quæ.  
394.d  
Dolor à quattuor primis qualitatibus fieri po-  
test. 58.b  
Ad Dolorem quæ sint necessaria. 54.d  
Duritiei triplex causa. 214.b  
Dysenteria à bile flava plerumque cura-  
tur. 469.a  
Dysenteria ab atra bile cur sit exitiosa. 469.a  
Dysenteria cruenta quæ. 604.c  
Dysenteria cruenta quibus contingat. 604.d  
Dysenteria cruenta sæpe ab imminente mor-  
bo hominem liberat. 604.d  
Dysenteria cruenta, simpliciter dysenteria di-  
citur ab Hippocrate. 604.d  
Dysenteria quoruplex sit. 102.d

## E.

Elementa à se invicem aluntur. 113.c  
Elementa cum principijs confundit Pla-  
to. 48.a  
Elementa è nostris corporibus semper efflu-  
unt. 1.c. 127.b  
Elementa ex Platone quæ sint. 27.c  
Elementa maneat ne actu in mixtis, an pote-  
stare. 75.a  
Elementa mixta quæ nunc sunt in mundo,  
cur eadem cum puris elementis nomina  
seruent. 113.c  
Elementa per se tota temperari omnium pri-  
mus asseruit Hippocrates. 70.c  
Elementa pura ac sincera, mente potius conci-  
piuntur, quam reuera sint. 113.c  
Elementa pura non servantur in suis locis na-  
turalibus. 114.a  
Elementa pura nullum mundo vsum præbere  
possunt. 113.d  
Elementa quantitate minima qui statue-  
rint. 29.b  
Elementa singula suos habuerunt auctores



# INDEX.

preter terram. 40.c  
 Elementa specie minima qui statuerint. 29.a  
 Elementa summis qualitatibus a se inuicem distinguuntur. 124.c  
 Elementa sunt proxima materia mixtorum. 24.d  
 Elementa symbola quæ sint, & quem præbeant usum. 74.d  
 Elementi nomen Platonis discipuli omnium primi tribuerunt igni, aëri, aquæ, & terræ. 27.c  
 Elementi nomine nusquam usus est Hippocrates. 27.b  
 Elementi varix definitiones. 27.b  
 In Elementis an reperiuntur formæ à primis qualitatibus distinctæ. 45.b  
 De Elementis impatibilibus multiplex opinio. 55.c  
 De Elementis neque Aristoteles, neque Chrysippus peculiarem librum scripsit. 29.d  
 Ex Elementis quomodo fiunt mixta. 77.d  
 In Elementis singulis binæ sunt qualitates, earumque summa. 72.b. 129.c. 153.c  
 Elemento quopiam deficiente necesse est mundum corrumpi. 112.a  
 Elementorum mixtio ad compositorum corporum generationem est necessaria. 118.b  
 De Elementorum mixtione Peripateticorum & Stoicorum dissensio. 50.d  
 Elementorum numerum vnde demonstrat Aristoteles. 74.c. 134.b  
 Elementorum numerum vnde demonstrat Hippocrates. 73.c  
 Elementorum propria principia quæ sint. 124.d  
 Elementorum qualitates temperari voluerunt Peripatetici, Stoici etiam substantias. 364.c  
 Elementorum singulorum proprii ac peculiare usus qui. 112.d  
 Elementorum substantiæ miscentur, qualitates temperantur. 125.a  
 Elementorum usus communis quis sit. 112.b  
 Elementum ad aliquid dicitur. 28.c  
 Elementum quomodo distinguatur à principio. 48.a  
 Empiricæ sectæ auctores. 6.b  
 Elichirema quid. 206.b  
 Erodentia venena etiam si minima quantitate assumantur, corrumpunt. 310.h  
 Erodentium venenorum duplex genus. 298.a  
 Endemi Philosophi historia. 263.d  
 Excrementa acrida ex prauis cibis, vel ex humorum putredine, aut adustione gignuntur. 305.c  
 Excrementa alui cur flauo colore tincta esse debeant. 473.c  
 Excrementa alui qualia esse oporteat. 89.b  
 Excrementa duo in vnaquaque concoctio-

ne separantur. 244.a  
 Excrementa pectoris vt educantur, syrapi & elixigmata cur supino capite sentim deglutiuntur. 451.b  
 Excrementa si in proprijs conceptaculis non ram fecerint, cur corrumpantur. 529.d  
 Excrementa quæ in habitu corporis continentur, vomitu excerni possunt, aut alui deiectione. 667.b  
 Excrementa tertix concoctionis quæ. 244.a  
 Excrementorum gratia quattuor instrumentorum genera creauit natura. 393.b  
 Excrementorum instrumenta quæ sint. 394.d  
 Excrementorum motus quando à medico iudicandus aut prohibendus, aut omnino sine dus. 606.b  
 Excrementorum prouentus causa est interior. 2.b  
 Excrementorum qualitates ab innato calore provenire quomodo dicantur. 438.d  
 Exemplorum veritas in libris Galeni. 323.d  
 Experientiam efficiunt plures eiusdem rei memorix. 4.d  
 Expultrix facultas quo tempore ad agendum excitetur. 525.a

## FI.

Facies Hippocratica quæ. 269.d  
 Facultas ad actionem dicitur primo, ex accidenti vero ad opus. 368.b  
 Facultas an distinguatur à temperamento. 368.c  
 Facultas an sit causa actionum. 370.a  
 Facultas est naturalis vis. 369.d  
 Facultas Galeno dicitur temperamenti proprietas, aut qualitas. 369.c  
 Facultas idem est naturæ, quod ars est artificis. 369.c  
 Facultas in relatione ad aliquid semper intelligitur. 368.b  
 Facultas non est relatio. 369.d  
 Facultas non est temperamentum, neque forma. 370.a  
 Facultas quantumuis sit vehemens, iusta indiget substantiæ mole. 314.c  
 Facultas quomodo dicatur causa à qua actio procedit. 366.b  
 Facultas, simplex est qualitas. 369.a  
 Facultas vel est actus, vel in futuro tempore. 230.a  
 Facultatem influere quid sit. 353.a  
 Facultatem unicam rationari, irasci, & concupiscere, falso credidit Chrysippus. 336.b  
 Facultates ex qualitatibus temperie manant.



# INDEX.

nent. 396.a  
 Facultates ex suis principijs in reliquis par-  
 tes influunt. 340.b  
 Facultates nostrum corpus gubernantes quot  
 sint. 356.b  
 De Facultatis essentia Argenterij opinio re-  
 futatur. 369.a  
 De Facultatis essentia Fernelij sententia pro-  
 batur. 369.c  
 Facultatum essentia sunt qualitates pri-  
 mae. 336.a  
 Facultatum influentium discrimen. 353.b  
 Facultatum numerum Plato omnium primus  
 demonstravit. 336.b  
 Facultatum numerus qua methodo inuenien-  
 dus. 371.a  
 Facultatum omnium an sit idem principium  
 & sedes. 337.c  
 Fame urgente sursum ventriculus fertur, &  
 cibi ex ore rapiuntur. 519.a  
 Famem animale quattuor praecedunt sym-  
 ptomata. 543.c  
 Famem cur aliquando non sentiat animal,  
 etiam si cibum non capiat. 603.b  
 Famem naturalem sola praecedat inaci-  
 tio. 543.c  
 Fames animalis quomodo fiat. 557.d  
 Fames animalis solus officij ventriculi est  
 propria. 543.c  
 Fames duplex, naturalis & animalis. 543.c  
 Fames naturalis omnibus partibus est com-  
 munita. 543.c  
 Fames naturalis quomodo fiat. 557.d  
 Fames pravis excrementis ventriculum re-  
 plet. 603.b  
 Fames tria significat. 234.d  
 Ex Fascium musculis duos tantum agnoscit  
 Galenus. 515.d  
 Fascium musculorum usus. 515.d  
 Fascium musculos omnes descripsit recte  
 Fallopius. 515.d  
 Fascium musculos praetermisit Vesalius. 515.d  
 In Febribus colliquantibus quae partes col-  
 liquentur. 26.b  
 Fibrae partium similium non sunt corpo-  
 ris partes, sed fibrosa partium substan-  
 tia. 226.c  
 Fibrae propriae sunt in singulis instrumentis,  
 quibus propria caro adnascitur. 226.c  
 Fibrae quae sint omnino similes cuti. 227.c  
 De Fibrarum temperie duplex opinio. 227.b  
 Fibrarum triplex genus, & uniuscuiusque  
 usus. 34.d  
 Fibrarum varius situs pro tunicarum diversi-  
 tate. 54.d  
 Fibris rectis perficitur attractionis motus,  
 transversis motus expulsiuus. 515.b  
 Finis cum scopo aliquando confunditur. 10.c

Finis quid sit. 10.b  
 Finis quomodo distinguatur a scopo. 10.c  
 De Finis ratione non est, ut ipsum consequat-  
 ur artifex. 11.a  
 Flamma aeris commercio priuata cur extin-  
 guatur. 114.a  
 Fluctuatio quid sit, & quae ipsius caus-  
 sa. 502.a  
 Fluctuatio symptoma est retentricis ventri-  
 culi. 502.a  
 Fluxionum causa. 85.c. 604.a  
 Foemina generari solet ex semine genito in-  
 recte sinistro. 66.c  
 Foemina in sinistra uteri parte magis gesta-  
 tur. 66.d  
 Foemina in utero tardius perficitur, in lu-  
 cem autem edita citius augetur, & sene-  
 scit. 493.d  
 Foetus formatio quanto tempore perficia-  
 tur. 491.c  
 Foetus in utero aliqua lactis portione frui-  
 tur. 502.c  
 Foetus octimestris vitalis exempla. 494.c  
 Foetus septimestris cur sit vitalis, octimestris  
 autem non vivat. 494.d  
 Foetus vitalis an quinto, aut sexto mense na-  
 sci possit. 496.b  
 Forma est magis natura quam materia. 22.a  
 Forma natura est corporum propria. 22.a  
 Forma substantialis principium est simplicis-  
 simum. 126.a  
 Formam omnium primus agnoscit Plato. 22.a  
 Formarum contemplatio nullum in Medici-  
 cina usum praebet. 47.a  
 De Formatione dubitat Galenus, sequatur ne  
 qualitatum temperiem, an diuinorem ori-  
 ginem habeat. 179.c  
 Formationis foetus quattuor tempora. 382.c  
 Formationis, motus, ablationis, & egressus  
 in lucem varia tempora in maribus &  
 foeminis. 383.a  
 Formatricem facultatem diuiniorem esse ori-  
 ginis, rationi est consentaneum. 268.d  
 De Formatricis essentia dubitatio. 268.d  
 De Formatricis essentia quid sentiendum. 377.a  
 Formatrix an vnica sit, an plures. 378.a  
 Formatrix artifex facultas est, quae secundum  
 animi mores particulas effingit. 268.d  
 Formatrix circa quae versetur. 268.d. 376.d  
 Formatrix cur recensatur inter facultates  
 naturales. 378.a  
 Formatrix generat partes organicas. 372.a.  
 376.d.  
 Formatrix optima, summaque ars. 377.c  
 Formatrix per totam seminis substantiam est  
 diffusa. 379.d  
 Formatrix qualitatibus vitatur ceu instrumen-  
 tis. 378.a



# INDEX.

Frigida medicamenta citius & valentius refrigerant, si actu calida assumantur. 317.d  
 Frigida medicamenta, etiam si calfacta exhibeantur, refrigerant. 309.b  
 Frigida medicamenta ne paulum quidem à nostro corpore mutantur. 308.d  
 Frigida medicamenta non minus proprie quàm calida dicuntur potestate talia. 309.b  
 Frigida venena maiorem calidioribus corporibus noxam inferunt. 317.d  
 Frigidi nomine calidum imbecillum aliquando intelligimus. 217.d  
 Frigidorum potestate medicamentorum natura quomodo dicatur frigida quemadmodum aqua. 309.b  
 Frigidum in viventibus cur dicatur agere. 368.a  
 Frigiditas actiones omnes, & potissimum animales torpidas reddit. 117.d  
 Frigiditas nullius actionis naturalis est instrumentum. 217.d  
 Frigiditas nulli actioni est per se utilis. 292.d  
 Frigiditas tanta in nobis reperiri non potest, ut quæ humida sunt, ipsius vi in duritiem concrecant. 215.c  
 Frigidius fieri corpus potest, vel auctis succis frigidis, vel aucta frigiditate. 323.d  
 Frigore quæcunque concrecant, calore liquantur, non contra. 219.b  
 Furunculos ocysime concoquit triticum māsūm 509.c

## G.

Galeni liber de ratione procreandi liberos. 69.d  
 Galeni pater Nico. 5.a  
 Galeni patria Pergamus. 5.a  
 Galenus libros omnes edidit in gratiam amicorum. 20.a  
 Galenus quot annis post Hippocratem fuerit. 5.a  
 Gallinæ sine galli congressu quæ ova pariunt. 63.d  
 Gallis quale sit caput. 196.d  
 Generatio ab ijs quæ diuersi sunt generis fieri non potest. 65.c  
 Generatio ab vno fieri non potest. 63.b  
 Generatio duplex, alteratio & formatio. 371.d.  
 Generatio & auctio quomodo differant. 385.c  
 Generatio & motus compositus est, & naturæ actio composita. 372.b  
 Generatio quid sit. 63.b  
 In Generatione fœtus quis ordo seruatur. 382.c  
 In Generatione siccum permiscetur humido. 146.c

Generationi contrarium maxime commune est putrefactio. 146.b  
 Generationis nostræ principia, semen & sanguis. 378.a  
 Generatricis ministræ auctrix & nutrix. 385.b  
 Generatrix an distinguatur à nutrice. 389.d  
 Generatrix an post formatum animal in partibus remaneat. 383.c  
 Generatrix duplex, alteratrix & formatrix. 372.a  
 Generatrix in semine elucescit. 351.b  
 Generatrix in testibus cur potius vigeat quàm in iecore. 351.b  
 Glabrorum ordo. 241.c  
 Glandulæ quæ præbeant tantum vsum, quæ habeant propriam actionem. 218.c  
 Graciles qui dicantur. 232.b  
 Gracilium ordo. 240.d  
 Gracilitas natiua ab adscititia vnde distinguenda. 233.b  
 Gulæ situs cur obliquus. 520.a  
 Gustandi primum organum quod. 455.b  
 Guttur quid. 515.c

## H.

Habitus corporis quid sit. 232.a  
 Habitus corporis optimus, quî distinguatur ab optima constitutione. 377.d  
 In Hæmorrhoidibus diuturnis curandis, cur vna saltem seruari debeat. 449.a  
 In Hæticis febribus quæ partes colliquentur. 216.b  
 Hermaphroditus ex errore naturæ gignitur. 68.a  
 Herpes triplex. 305.d  
 Herpetum qui cum vlcere, qui sine vlcere consistant. 305.d  
 Hippocrates cognomento magnus, & diuinus. 4.c  
 Hippocrates cur primus Medicinæ auctor celebretur. 4.d  
 Hippocrates in aliquibus defecit. 4.d  
 Hippocrates post Aesculapium quot annis fuerit. 4.c  
 Hippocratis auus Hippocrates. 4.c  
 Hippocratis docendi mos. 123.c  
 Hippocratis doctores. 4.c  
 Hippocratis filij Theſſalus & Draco. 4.d  
 Hippocratis liber de natura hominis totius artis Hippocraticæ fundamentū cōtinet. 19.b  
 Hippocratis nepotes ex Theſſalo & Dracone, Hippocrates duo. 5.a  
 Hippocratis pater Heraclida. 4.c  
 Hippocratis successor in docendis discipulis Polybus. 5.a  
 Hirsutorum ordo. 241.b  
 Hispanis optime formatum est caput. 241.b  
 Hominem



# INDEX.

Hominem & armis & artibus nudum creauit natura. 178.b  
 Homines omnes an sint calidi & humidi. 136.c  
 Homini pro armis manus, pro artibus rationem tribuit natura. 178.b  
 Hominis natura inconstans & fluxilis. 1.a  
 Homo in genere animalium est medius. 154.d  
 Homo quadratus medius est in specie humana. 154.d  
 Homo temperatus in specie humana, in genere animalium, & in genere substantiæ est medius. 157.d  
 Humanum corpus varijs mutationibus obnoxium. 1.b  
 Humidi primogenij qualis sit substantia. 113.a  
 557.d.  
 Humidum primogenium innati calidi est paululum. 1.d.13.a.354.a  
 Humidum primogenium quid sit. 354.a  
 Humiditates quattuor partium solidarum quæ. 98.a.395.d  
 Humiditates quattuor secundæ ex Auicenna. 395.d  
 Humores ab vno eodemque iecoris calore gignuntur. 457.b  
 Humores actu reperiuntur in massa. 82.c.  
 129.c.  
 Humores cur vocarit Hippocrates connotata. 94.b.118.b  
 Humores in massa quomodo misceantur. 229.c  
 Humores in massa per se totos temperantur. 82.b  
 Humores omnes actu sunt humidi, potestate aliqui sicci. 88.c.231.a  
 Humores quattuor sunt propria hominis elementa. 94.c  
 Humores vndecim vere Praxagoras recensuit. 486.d  
 Humores vocauit Hippocrates contenta. 80.a  
 Humoris cuiuscunque incrementum aut decrementum quomodo expendendū. 104.b  
 Ex Humoribus quattuor homo gignitur, augetur, & nutritur. 115.b  
 Humorum causa efficiens, & materia quæ. 454.a  
 In Humorum generatione quæ sint consideranda. 454.a  
 Humorum generationis proprium instrumentum quod sit. 454.b  
 Humorum mixtio vera, sed non perfecta. 82.c  
 Humorum natura sensibilis quæ. 88.b  
 Humorum omnium redundantia quibus nominibus appelletur. 83.b  
 Humorum potestas quomodo distinguatur à potestate medicamentorum. 231.b  
 Humorum singulorum peculiare vsus. 115.d

Humorū singulorum quantitas certo definiti non potest. 81.c  
 Humorū vicia in qualitate, quantitate, & mixtione. 83.a  
 Humorū vsus communis. 115.b  
 Hydropicorum aqua si confertim vacuetur, mors sequitur. 95.d  
 Hydropis causæ. 448.d  
 Hydropis vnicam causam agnouit Erasistratus, iecoris scirrhum. 448.c  
 Hyeme augeatur ne pituita, an sanguis. 108.b  
 Hyeme cur fiant concoctiones feliciores. 332.a  
 Hyemis frigiditas & humiditas vnde colligenda. 108.a  
 Hypochondria quid sint, & quibus alijs nominibus appellentur. 449.a  
 Hystericæ an respirent. 94.a

## I.

Icteri causæ variæ. 404.c  
 Ictericis albicant alui excrementa. 264.d  
 In Ictero cur flauus sit cutis color, albus vero excrementorum alui. 404.b  
 Icterus ex cuius meatus obstructione fiat. 404.d  
 Icterus viger vnde fiat. 469.d  
 Icterus quomodo curetur. 406.d  
 Iecore genito fœtus viuit vt planta. 361.a  
 Iecoris caro qualis sit. 224.c  
 Iecoris corpus quid sit. 544.c  
 Iecoris venæ varijs foraminibus pertusæ, & cur. 446.b.454.d  
 Iecur an sit humidius liene. 224.b  
 Iecur fœtus sanguinem non gignit. 224.d  
 Iecur in remotioribus etiam venis sanguinem gignit. 456.a  
 Iecur quo sanguine alatur. 224.c  
 Ignē calida aqua quomodo extinguat. 309.c  
 Ignis duplex, flamma & pruna. 282.b  
 Ignis ex lapidibus attritis quomodo eliciatur. 300.d  
 Ignis non semper tenuium est partium. 282.c  
 Ignis nullus est sub concauo Lunæ. 114.a  
 Ignis vt eliciatur, qui lapides sint magis idonei. 300.d  
 Iuxa quid significet. 600.a  
 Ilei causæ. 607.a  
 Ileos quid. 607.a  
 Ilia quæ partes sint. 449.b  
 Imaginatio humiditate inuatur. 190.b  
 Imaginatio non distinguitur à phantasia. 345.b  
 Imaginationi qui ventriculi cerebri potissimum subseruiant. 349.a  
 Imaginatrix animæ pars, quæcunque ea sit,



# INDEX.

fit, recordatur. 347.d  
 Imbecillitatis cuiuscunque causa est intem-  
 peries. 366.d  
 Immortalitatem hominibus pollicebatur Phi-  
 losophus quidam Aegyptius. 2.a  
 Impetiginum optimum remedium sali-  
 ua. 509.c  
 Inæqualiter intemperatum corpus quando  
 potissimum fiat. 457.a  
 Incrementum corporis cur cesset in summo  
 vigore. 203.d  
 Inedia cur salsam primum, deinde amaram sa-  
 liuam efficiat. 463.a  
 Inedia quæ adferat symptomata. 462.a  
 Inflatio symptoma est retentricis ventricu-  
 li. 502.a  
 Instrumenta rerum iudicandarum duo, sen-  
 sus & ratio. 208.a  
 Intelligenti facultas rationalis animæ est  
 propria, neque indiget corporeo instru-  
 mento. 348.c  
 Intemperiei calidæ & siccæ æqualis no-  
 tæ. 257.d  
 Intemperiei frigidæ & humidæ æqualis no-  
 tæ. 258.a  
 Intemperiei sanæ quanta sit latitudo. 240.b  
 Intemperierum curatio nutrimenti medica-  
 mentosis potiusquam medicamentis perfi-  
 citur. 323.b  
 Intemperierum omnium in partibus corpo-  
 ris exempla. 182.c  
 Intemperies humida simplex quanto tempo-  
 re durare possit. 170.d  
 Intemperies inæqualis quomodo distingua-  
 tur ab æquali. 255.a  
 Intemperies morbose quæ sit. 240.a  
 Intemperies octo ut in partibus corporis re-  
 periri possint, quæ sint seruanda. 182.b  
 Intemperies simplex an possit durare. 170.d  
 Intemperies simplices an dari possint. 168.d  
 Intemperies simplices demonstrantur. 167.a  
 Intestina chylum attrahunt. 525.c  
 Intestina crassa an nutrantur stercore. 547.b  
 Intestina crassa colligendis excrementis sunt  
 tantum dicata. 547.b  
 Intestina frequenter vlcerantur à flaua bile,  
 vel atra. 305.c  
 Intestina nutrantur ne sanguine, an chy-  
 lo. 546.d  
 Intestina solas fere habent fibras transuersas,  
 & cur. 515.c  
 Intestina solo indiguerunt expulsionis mo-  
 tu. 515.b  
 Intestina tenuia distributionis potius quam  
 concoctionis sunt organa. 511.a  
 Intestinis facultas inest ciborum conco-  
 catrix. 295.b  
 Intestinis quem usum præbeant fibræ re-

ctæ. 525.c  
 Intestinis tenuibus ad concoctionem abuti-  
 tur natura. 547.a  
 Intestinorum vtraque tunica cur solis fere fi-  
 bris transuersis sit intertexta. 525.c  
 Iracundi & irati quomodo differant. 359.d  
 Irascibilem facultatem in corde sedem habe-  
 re, ex quibus demonstratur. 338.a  
 Irascibilis appetit quæ ardua sunt & diffici-  
 lia. 337.a  
 Irascibilis, facultas animosa, & animus, idem  
 sunt. 187.b  
 Irascibilis pathemata. 337.a  
 Irascibilis tributa est homini in rationis mi-  
 nisterium. 337.b  
 Iudas Scariothes cur pingatur flauus. 245.b  
 Iurisiurandi Hippocratici nullibi meminit  
 Galenus. 435.c  
 Iusiurandum Hippocrati falso adscri-  
 ptum. 435.c  
 Iuscula coctione immodica cur reddantur  
 salsa. 462.d  
 Iuuenes cur sint vigiles. 205.b  
 Iuuenibus cur profluat frequenter e naribus  
 sanguis. 204.b

## K.

Kapnia quid significet. 529.c  
 Kapnuywos quid sit. 529.c  
 Kopiza est destillatio ad nares. 267.c

## L.

Lac à quibus causis in ventriculo corrumpa-  
 tur. 476.d  
 Lac cur dulcius efficiatur coctione. 462.b  
 Lac in ventriculo frigido acescit, in calido  
 in nidorem conuertitur. 476.c  
 Lactuca æstuantem ventriculum iuuat, sitim  
 ardet, somnum conciliat. 321.d  
 Lactuca Galeno vnicum fuit aduersus ven-  
 triculi æstum & vigilias alexipharma-  
 cum. 322.a  
 Lagana sunt deteriora itriorum gene-  
 ra. 109.b  
 Larynx quid sit. 515.c  
 Lepus marinus venenum est erodens. 310.c  
 In Leuce nutrimentum agglutinatur, non ta-  
 men assimilatur. 396.d  
 Leuce quomodo differat à vitilagine. 396.b  
 Ligna omnia esse ex sua natura frigida, quo-  
 modo sit intelligendum. 286.a. 288.a  
 Lien an sit iecore humidior. 224.b  
 Lien cur frequentius quam icter afficiatur  
 scirrhis, & fortiora toleret medicamen-  
 ta. 522.a  
 Lien



# INDEX.

Lien minuitur quibus corpus floret. 469.c  
 Lien nutriaturne succo melancholico. 521.b  
 Lien quibus augetur corpus contabescit. 469.c  
 Lien quomodo nutrirī dicatur sanguine crasso & limoso. 521.d  
 Lien quo sanguine nutriatur. 224.c. 521.d  
 Lien scirrhis obnoxius. 469.c  
 Lienī quem xsum tribuerit Erasistratus, & ipsius sectatores. 468.c  
 Lienis oaro qualis sit. 224.c  
 Linteria à pituita acida coniunctum semper habet acidum rictum. 262.b  
 In Linterio diuturna acidus rictus cur sit bonum signum. 262.a  
 Logica nostris temporibus quam male doceatur. 151.b  
 Logice ignoratio quanta mala pariat. 151.b

## M.

Magnes attrahit ferrum, nisi alio affricetur, aut ad sit adamas. 414.a  
 Magnetem animatum esse cur dixerit Thales. 357.b  
 Mammarum tantum lactis gignunt, quantum & sibi, & infanti alendo sit satis. 541.d  
 Manus molles ad exquisitius tangendum, duræ ad firmitus comprehendendum sunt idoneæ. 180.c  
 Manus cur dicatur organum, organo-lerum. 178.b  
 Manuum duplex usus. 180.c  
 Mares formantur ex semine genito in dextro testis. 66.c  
 Mares in dextra vteri parte magis gestantur. 66.d  
 Mares in vniuersum calidiores sunt feminis, & cur. 66.b  
 Materia duplex, in qua, & ex qua. 12.c  
 Materia medica quid sit. 13.a  
 Materia prima à Deo ex nihilo creata. 21.b  
 Materia prima à Melisso posteris vocata est, & cur. 20.d  
 Materia prima duplex, omnino, & ad aliquid. 22.c  
 Materia prima natura est communis omnibus corporibus, quæ oriuntur & intereunt. 22.a  
 Materia prima nullum proprium nomen ante Aristotelem obtinuit. 20.d  
 Materia prima varijs nominibus exprimitur à Platone. 20.d  
 Materia prima veteribus poetis dicta est Chaos. 21.c  
 Materia proxima distincta est à materia prima. 22.c

Materiam accipiunt mixta ex substantijs elementorum. 124.c  
 Materiam primam dixit Melissus esse vnam & omne. 45.a  
 Materiam primam ingentem esse voluit Plato, alique veteres Philosophi. 21.a  
 Materiam solam ex quattuor causarum generibus agnouerunt Physici vetustissimi. 22.a  
 Mathematicæ disciplinæ circa Aegyptum primum oborta, & cur. 3.b  
 Medicamenta & nutrimenta quomodo differant. 296.a  
 Medicamenta omnia esse actu talia sentiunt aliqui. 284.b  
 Medicamenta omnia potestate calida, vel sunt ad nos actu frigida, vel temperata. 288.a  
 Medicamenta potestate calida cur non sentiantur tangentibus calida. 283.d  
 Medicamenta potestate calida, partim simili, partim valentiori calore nos recalcant. 282.a  
 Medicamenta potestate calida quomodo dicantur actu calida. 287.b  
 Medicamenta potestate calida sunt veluti alimentum nostri caloris. 287.a  
 Medicamenta potestate frigida quomodo refrigerandi vim accipiant à nostro calore. 288.d  
 Medicamenta potestate talia & actiuam & passiuam potentiam habent. 291.b  
 Medicamenta quædam cur extrinsecus admodum non nocent, intro autem assumpta maxime lædunt. 307.b  
 Medicamenta quædam cur intro assumpta aliquando prosint, aliquando nocent. 308.b  
 Medicamenta quædam cur & exterius admodum, & intro assumpta nocent. 310.d  
 Medicamenta quantitate deleteria, & calida, & frigida esse possunt. 308.d  
 Medicamenta quomodo dicantur potestate talia, multiplex opinio. 296.a  
 Medicamenta simul & venena quæ dici possunt. 310.b  
 In Medicamentis potestate calidis nondum calidum præpollet frigido, sed in propinquo est ut præpolleat. 287.b  
 Medicamentorum facultates an recte explorantur ad ignem. 282.a  
 Medicamentorum facultates duplici methodo explorari possunt. 327.b  
 Medicamentorum facultates qua methodo sint explorandæ. 328.c  
 Medicamentorum omnium & duplex, & quæ duplex genus statui potest. 296.d  
 Medicamentorum omnium natura hominibus est maxime contraria. 319.c  
 Medi-



# INDEX.

Medicamentorum reuocatio in actum fit a  
nostro calore. 285.d  
Medicamentorum reuocatio in actum quæ  
postulet. 285.d  
De Medicamentorum reuocatione in actum  
variarum sententiarum. 289.a  
Medicamentorum vires occultas esse, & ab  
astris prouenire sentiunt aliqui. 284.b  
Medicamentum Medæ. 301.a  
Medicamentum quid sit. 296.b  
Medicamentum sanguinem purgans an de-  
bitur. 92.b  
Medicina an sit ars, an scientia. 7.d  
Medicina cur ars coniecturalis dicatur. 11.a  
Medicina cur sic dicta. 7.a  
Medicina in quo artium genere contineat-  
ur. 9.b  
Medicina in quo genere sit artium effectio-  
nis. 9.d  
Medicina qua methodo ex suis partibus sit  
constituta. 16.d  
Medicina qua methodo sit docenda. 17.a  
Medicina quos præstet usus. 2.c  
Medicina sapientiæ pars aliquando habi-  
ta. 4.c  
Medicina vniuersalis quæ. 12.a  
In Medicina experientia & ratio sunt veluti  
in corpore crura. 3.d  
Medicinæ definitiones variae. 7.b  
Medicinæ dignitas & præstantia. 12.b  
Medicinæ diuisio optimæ. 15.b  
Medicinæ diuisiones variae refelluntur. 14.b  
De Medicinæ fine liber Galeni. 10.b  
Medicinæ finis quis. 10.b  
Medicinæ inueniendæ necessitas. 1.b  
Medicinæ inuentioni principium dedit expe-  
rientia. 3.c  
Medicinæ inuectores primi qui fuerint. 3.d  
Medicinæ nomen soli conuenit partium cura-  
trici. 6.c  
Medicinæ periti qui fuerint ex sapientiæ pro-  
fessoribus. 4.c  
Medicinæ scopus quis. 10.c  
Medicinæ subiectum quod. 12.a  
Medicinæ subiectum cur dixerit Aristoteles  
in esse corpus omne quod ægrotare sanariq;  
potest. 12.a  
Medicinam cur dixerit Galenus coniectura-  
lem esse ob remediorum quantitatem, &  
affectuum dignotionem. 11.c  
Medicinam inuenit Apollo, amplificauit Aescu-  
lapius, perfecit Hippocrates. 4.d  
Medici instrumenta quæ sint. 12.d  
Medici officium quod. 13.b  
Medicis cur præ ceteris liceat manus molles  
seruare. 180.c  
Medicorum quorundam in præscribendo vi-  
ctu austeritas. 306.b

Medicorum sectæ tres, & ipsarum discer-  
men. 5.c  
Medulla duplex, osium, & spinalis. 220.c  
Medulla simpliciter dicta osium medullam  
significat. 220.d  
Medulla simpliciter dicta pro spinali aliquan-  
do sumitur. 220.d. 433.b  
Medullæ vtriusque discrimina. 221.b  
Medullam vocat interdum Galenus proximū  
osium nutrimentum. 555.c  
Mel coctione cur reddatur amarum. 462.b  
Mel frigidis morbis & senibus idoneum, ca-  
lidis, & iuuenibus inimicum. 462.d  
Melancholica temperamenta cur non fiant in  
iuuentute. 273.c  
Melancholica temperamenta ex sanguinis  
adustione fiunt. 273.a  
Melancholica temperamenta in declinanti  
ætate fiunt secundum naturam. 117.b  
Melancholici humoris generatio. 105.c. 273.b.  
477.c. 478.b.  
Melancholici humoris qualitates. 88.c  
Melancholici humoris quam pituitæ maior  
est copia. 82.b  
Melancholici humoris usus. 478.c  
Ex Melancholico humore firmitas nascitur  
& constrictio, & cur. 117.b  
Melancholicum excrementum in ventriculo  
an excitet appetentiam. 478.c  
Melancholicus humor duplex, naturalis &  
præter naturam. 477.b  
Melancholicus humor, sæpe sanguinis  
est. 230.d  
Melancholicus humor in autumno & in æta-  
te declinante redundat, & cur. 273.b. 477.d  
Melancholicus humor naturalis quibus appel-  
letur nominibus. 477.b  
Melancholicus humor potestate est frigidus  
& siccus, & cur. 105.d. 230.d. 466.d  
Melancholicus humor præter naturam qui-  
bus nominibus vocetur. 477.b  
Melancholicus humor violenter educitur per  
vomitus. 466.a  
Membrana & tunica quomodo differant.  
374.d  
Memoratricis facultatis actio quæ. 347.c  
Memoria in homine duplex. 347.c  
Memoria iuuatur siccitate. 190.b  
Memoria neque præsentium est, neque fu-  
tutorum, sed tantum præteritorum. 347.c  
Memoria rerum intelligibilium an sit eadem  
cum intellectu. 347.d  
Memoria rerum sensilium an sit eadem cum  
imaginatione. 347.d  
Memoriæ potissimum subseruit postremus  
ventriculus cerebri. 349.a  
Menon scripsit libros contractionum Medi-  
cinæ. 41.d

Menlis



# I N D E X.

- Mensis civilis quis sit?** 493.a  
**Mensis lunaris & solaris.** 493.c  
**Mensis lunaris tripl. x.** 492.c  
**Mensis peragratiōis quis.** 492.c  
**Mensium computatio in gravidis quot modis fiat.** 493.b  
**Methodicæ sectę auctores,** 6.b  
**Methodus compositionis artibus tradendis idonea.** 17.a  
**Methodus medendi non exiguum remediorū opus.** 31.a  
**Methodus resolutionis quæ.** 16.d  
**Methodus resolutionis vtilissima ad artes constitutenda.** 17.a  
**Methodus soluendæ definitionis ad totius artis compendium, & particularium memoriam aptissima.** 17.a  
**Minervæ orus ex capite Iouis.** 349.d  
**Minimum dicitur bifariam, quantitate, & specie.** 29.a  
**Mixtio quid sit.** 51.a, 175.a  
**Mixtio quomodo fiat.** 125.a  
**Mixtio solis substantijs debetur.** 51.a  
**Mixtio vera solius Dei aut naturæ est opus, non hominum.** 174.d  
**Mixtorum propria constitutio ex quibus perficiatur.** 319.d  
**Molā an possit sine viro mulier concipere.** 63.c  
**Mollitiei duplex causa, humiditas & liquiditas.** 214.c  
**Morbi chronici solvantur tempore anni contrario, & cur.** 120.d  
**Morbi vel solvantur circuitu dierum, vel mensium, vel annorum.** 121.a  
**Morborum acutorum terminus decimus, quartus dies.** 120.d  
**Morborum ex decidentia acutorem terminus dies quadragesimus.** 120.d  
**Morbus annuus bifariam dicitur.** 121.a  
**Morbus lapsus est à propria, non à temperata natura.** 135.b  
**Mores insiti qui dicantur, & qui acquisiti.** 116.b  
**Mores insiti, iecoris, cordis, & cerebri temperiem sequantur.** 116.c  
**Mores potissimum consistunt in pathematis irascibilis, & concupiscibilis.** 187.a  
**Moribus insitis non raro contrarij sunt acquisiti.** 116.b  
**Morum magna vis est ad ostendendam corporis temperiem.** 187.b  
**Mors cur dicatur frigida & sicca.** 149.b  
**Mors naturalis cum voluptate potius accidit, quam cum dolore.** 2.a  
**Mors nulla arte vitari potest.** 2.a  
**Mors quid sit.** 202.a  
**Mors secundum naturam accidit, opus tamen naturę non est.** 2.a  
**Ad Motum maius facultatis robur desideratur quam ad sensum.** 343.a  
**Motus actius quis sit.** 365.b  
**Motus ad quantitatem duplex, accretio & accretio.** 362.d  
**Motus ad substantiam duplex, generatio & corruptio.** 362.d  
**Motus aut simplex est, aut compositus.** 362.c  
**Motus compositus duplex, ad substantiam & quantitatem.** 362.d  
**Motus dicitur prioris status immutatio.** 362.c  
**Motus est causa caloris.** 101.b, 318.a  
**Motus simplex, duplex, alteratio & latitio.** 362.c  
**Motus species quattuor ex Aristotele.** 362.b  
**Motus voluntarij primum organum quod sit.** 455.a  
**Motus voluntarius an omnibus animalibus conveniat.** 358.d  
**Motus voluntarius est de essentia animalium.** 359.b  
**Mucus an sit species pituitæ.** 482.b  
**Mula quæ magis probanda.** 67.d  
**Mulier sola cur non possit concipere.** 64.c  
**Mulieres pulcherrimæ cur aliquando fatuæ & imprudentes.** 377.d  
**De Mundi creatione plura ex libro Metis accipit Plato in Aegyptum profectus.** 21.b  
**In Mundi creatione quis ordo servatus.** 21.b  
**Mundum ingenitum esse crediderunt veteres.** 21.a  
**Mundus initium habuit, & finem habiturus est.** 21.b  
**Musculi capitis cutem mouentes, a Fallopio inventi.** 154.a  
**Ad Musculorum carnem quæ partes referantur.** 218.c  
**Musculorum caro non est simplex.** 225.d  
**Musculorum caro simpliciter & proprie dicitur caro.** 118.b, 225.d  
**Musculorum fibræ quæ habeant naturā.** 226.a  
**Musculus propriū est motus voluntarij instrumentum.** 455.a  
**Musculus quid sit.** 226.a  
**Mylia maior & minor, superior & inferior.** 300.a

## N.

- Nares inter principia nutrimenti spiritus cur enumerarit Hippocrates.** 254.c  
**Nasi figura totius corporis temperiem non indicat.** 269.c  
**De Natura differens Plato cur primum locū non dederit Socrati.** 358.c  
**Natura in suis actionibus id quod melius est semper eligit.** 143.a  
Natura



# INDEX.

**Natura principium est animalibus & plantis commune.** 359.c  
**Natura semper agit propter finem.** 216.a  
**Natura sensibilis ex quibus perficiatur.** 23.d  
**Natura Stoicis quid sit.** 360.a  
**Naturæ & artis duplex discrimen.** 432.a  
**Naturæ propriæ corporis & animæ inuestigandæ methodus ex Hippocrate & Platone.** 25.c  
**Naturæ triplex significatio ex veterum physicorum libris.** 20.d  
**Naturales actiones principes quot sint.** 371.c  
**Naturales facultates cur dicantur totius substantiæ.** 292.c  
**Naturales facultates manifestis qualitatibus iuvantur.** 292.c  
**Naturales facultates ministræ, an sint plures quam quattuor.** 609.b  
**Naturales facultates semper agunt propter usum.** 497.c  
**Naturalis facultas an sola, an cum spiritu influat.** 353.c  
**Naturalis facultas nulla priuatim influit ex iecore.** 353.c  
**Naturalis facultas quibus donetur nominibus.** 351.a  
**De Naturalis facultatis influxu multiplex opinio.** 351.b  
**Naturalis facultatis principium esse iecur, ex quibus demonstratur.** 338.c. 351.a  
**Naturalium facultatum necessitas.** 341.c  
**Nephritici qui dicantur.** 400.b  
**Nervi duplices, molles & duri.** 223.c  
**Nervi duriores sicciores sunt cute.** 223.c  
**Nervi molles quomodo dicantur naturam habere proximam cuti.** 223.c  
**Nervi omnes frigidi, quia exangues.** 224.a  
**Nervi optici an sint perforati.** 342.b  
**Nervi optici cur dicti sint ὀφθαλμοί.** 341.b  
**Nervi optici soli inter nervos sunt perforati.** 441.d  
**Nervorum divisio difficilis explicatur.** 344.a  
**Nervorum triplex usus.** 344.a  
**Nervos omnes perforatos esse, & spiritu repleri voluit Erasistratus.** 441.d  
**Nervus cur enumeretur inter partes similes.** 371.d  
**Nervus ex triplici substantia constar.** 340.c  
**Nosis quid sit.** 174.a  
**De Nominibus Medicis opus Galeni.** 29.b  
**Notiones rerum eadem sunt apud omnes, licet diversis nominibus exprimantur.** 362.b  
**Nutrimenta acria cur extrinsecus admoda cum erodant, comesta nihil mali inferant.** 303.a  
**Nutrimenta aliquid etiā agunt in corpus.** 321.a  
**Nutrimenta calida & frigida an similem sanguinem gignant.** 324.c  
**Nutrimenta cum nutriendis cognationem in**

**qualitatibus habent.** 392.a  
**Nutrimenta & medicamenta quomodo differant.** 296.a  
**Nutrimenta frigida & calida, quomodo dicantur innatum calorem similiter augere.** 324.c  
**Nutrimenta medicamentosa an possint in corpus agere, postquam in sanguinem sunt mutata.** 324.d  
**Nutrimenta medicamentosa quæ sint.** 296.b  
**Nutrimenta medicamentosa quam habeant naturam.** 288.d  
**Nutrimenta medicamentosa quomodo dicantur potestate talia.** 296.c  
**Nutrimenta omnia corpus calefaciunt.** 302.d  
**Nutrimenta pura quomodo in agendo a medicamentosis differant.** 321.d  
**Nutrimenta quædam cur citius concoquantur, alia tardius.** 293.c  
**Nutrimenta quomodo dicantur potestate talia.** 296.b  
**Nutriments omnibus unus est introitus per os.** 393.d  
**Nutrimetorum defectus in ventriculi & iecoris inflammatione.** 306.a  
**Nutrimetorum medicamentosorum natura partim conveniens, partim contraria.** 319.c  
**Nutrimetorum omnium natura homini convenientissima.** 319.c  
**Nutrimetum omne cum nutriendo similitudinem substantiæ habet.** 293.a  
**Nutrimetum proximum diversarum partium quod sit.** 314.d  
**Nutrimetum quid sit.** 296.b  
**Nutrimetum triplex ex Hippocrate.** 303.a. 397.c  
**Nutrimetum triplex in universum, eibus, potus, aer.** 21.b  
**Nutrimetum vel est actu, vel potestate magis vel minus propinqua, aut remota.** 397.c  
**Nutrire an possint aliqua, quin prius in iecore in sanguinem mutantur.** 295.a  
**Nutritio cur dicatur appositio nutrimenti sine ampliatione.** 372.c  
**Nutritio cur dicatur nutrimenti agglutinatione.** 388.d  
**Nutritio idemitas potius est quam assimilatio.** 391.d  
**Nutritio iuvatur humiditate.** 190.b  
**Nutritio partium in tria tempora dividitur.** 342.c  
**Nutritio quid sit.** 292.d. 391.d. 391.a  
**Nutritio quomodo differat a generatione.** 389.a  
**Nutritio vera solum convenit viventibus.** 113.c  
**In Nutritione alimentum tota sui substantia partibus sit simile, vel potius idem.** 293.a  
**Nutritionem præcedunt nutrimenti agglutinatione & appositio.** 395.b  
**Nutritio propinqua opera quæ sint.** 394.c  
**Nutritionis essentia in quo sit posita.** 391.d  
**Nutri-**



# I N D E X.

Nutritionis finis non est assimilatio. 395.c  
 Nutritionis gratia quot genera instrumentorum sint condita. 391.c  
 Nutritionis modus in singulis corporis partibus. 395.b.541.c.554.c  
 A Nutrice facultate non fit appositio, nec agglutinatio, sed sola assimilatio. 395.c  
 Nutrici ministrantes facultates qua methodo inveniendæ. 394.b  
 Nutricis propria actio quæ. 489.b  
 Nutrix quo tempore dominetur. 388.d  
 Nutrix solis viventibus inest. 293.a  
 Nutrix tempore prior auctrice & generatrice, dignitate tamen posterior. 388.c

## O.

Obesitatis causæ. 237.b  
 Obstetricum error in parturientibus. 500.b  
 Obstetricum ignavia. 69.d  
 Obstetricum ignorantia in dignotione conceptus. 498.d  
 Oculi cæsi, cærulei, & glauci. 270.b  
 Oculi cæsi a quibus causis fiant. 270.b  
 Oculi nigri a quibus causis fiant. 270.c  
 Oculorum color non indicat corporis temperiem. 270.a  
 Oculorum magnitudo & paruitas quid indicent. 269.a  
 Oedema quid significet Hippocrati, & quid recentioribus. 101.c  
 Oleum quomodo temperatum dicatur, & potestate calidum. 282.a  
 Omenti usus quis. 510.a  
 Omento exciso cur lædatur ventriculi concoctio. 222.c  
 Opera naturæ a primo hominis conceptu ad exitum usque vitæ quot sint. 371.b  
 Opus est quod factum est, & completum per actionem. 365.b  
 Opus non tantum dicitur quod relinquitur ex actione, sed ipsa etiam actio. 366.b  
 Ossa omnia sensu carent, exceptis dentibus. 346.a  
 Ossium diuisio difficilis explicatur. 555.d  
 Oua sine galli congressu a gallinis concepta, ad gignendos pullos inepta. 63.d  
 Oua sine gallo genita quibus nominibus appellentur. 64.2

## P.

Papaveris succus quomodo dicatur ne vna quidem qualitate a nobis immutari. 315.b  
 Parenchyma, vide Viscus.  
 Pariendi tempus in aliis animalibus certum, in homine incertum. 491.d  
 Partes carnosæ vere augentur, totoque vitæ tempore augeri & minui possunt. 385.d  
 Partes exangues frigidæ, sanguinæ vero calidæ. 222.a

Partes duræ, omnes sunt natura siccæ. 215.c  
 Partes genitales cur in maribus foras promineant, in fœminis intus delitescant. 67.a  
 Partes genitales in maribus & fœminis eadem, solo situ differentes. 67.a  
 Partes molles, oēs sunt natura humidæ. 216.b  
 Partes principes quæ dicantur. 352.d  
 Partes principes quomodo differant a principis. 392.d  
 Partes propter seipsas non expetuntur, sed propter actiones. 336.b  
 Partes quæ post formatum animal fiunt, ex solo sanguine gignuntur. 217.d  
 Partes quædam fiunt tensa generationis materia, aliæ vero concretæ. 196.c  
 Partes sanguinæ sunt, aut spermaticæ. 382.c  
 Partes sanguinæ ex semine etiam fiunt, potissimum tamen ex sanguine. 382.c  
 Partes sanguinem extra vasa effusum ad se retrahere nequeunt. 544.d  
 Partes similes, primæ & simplices partes dicuntur. 460.b  
 Partes similes proprias habent actiones. 375.d  
 Partes similes quæ dicantur, & quæ organice. 30.a  
 Partes, similes sunt, aut organice. 29.d  
 Partes similes sunt elementa organica. 30.b  
 Partes similes sunt sensibilia elementa. 374.d  
 Partes solidæ quæ dicantur. 385.d  
 Partes solidas vocat Hippocrates Continentia. 80.a  
 Partes solum usum non præbent, sed habent singulæ proprias actiones. 336.a  
 Partes spermaticæ ex sanguine etiam fiunt, potissimum tamen ex semine. 382.c.432.b  
 Partes spermaticæ quomodo dicantur fieri ex menstruo matris sanguine. 375.c  
 Partes spermaticæ quomodo sint frigidiores sanguineis, cum ex calidiori principio fiant. 222.b  
 Partes spermaticæ semel deperditæ, cur iterum gigni nequeant. 384.a  
 Partibus omnibus insita est qualitatis conuenientis appetentia, & odium alienæ. 506.c  
 Partium similium actiones primariæ dicuntur, organicarum secundariæ. 336.a  
 De Partu decimestri disputatio. 492.a  
 De Partu duodecimestri. 494.c  
 Partu instante duo præcepta seruanda. 500.a  
 In Partu plures actiones simul conueniunt. 500.c  
 In Partu quæ contingant. 499.c  
 De Partu quattuordecim mensium. 494.d  
 De Partu tredecim mensium. 494.d  
 De Partu undecimestri. 494.a  
 Partus causæ. 527.d  
 Partus instantis indicia. 500.a  
 Partus naturalis quo potissimum mense contingat



# I N D E X.

tingat. 492.a  
 Passionis nomen quot modis vsurpetur. 365.c  
 Passiuus motus quis sit. 365.b  
 Pauli Rhetoris historia. 263.d  
 Perdices lapillos deglutiūt & conficiūt. 459.d  
 In Pestilenti constitutione qui magis periclitentur. 191.d  
 Phagedæna quæ sit affectio. 305.d  
 Philonis anthidotus ad immodicas vigilias, & dolores vehementissimos vtilissima. 309.d  
 In Phlegmone duplex affectus in quantitate & qualitate. 332.a  
 Phycis quis piscis sit. 162.d  
 Physiognomi ex vnus partis intuitu de omnibus moribus non indicant. 256.b  
 Pili aibi qui distinguantur a canis. 244.d  
 Pili cur non nascantur in fronte. 250.a  
 Pili cur non nascantur in vola manus, & planta pedis. 251.c  
 Pili cur non sint veræ partes. 244.c  
 Pili flauī cur prauorū morū sint indicium. 245.a  
 Pili in capite, palpebris, & superciliis cur nobis conuascantur. 250.d  
 Pili in iuuentute geniti cur ad senectutem vsque perdurent. 272.d  
 Pili palpebrarum & superciliorum cur semper eandem longitudinem seruent. 249.d  
 Pili quibus rufi, iisdem fere & crispi. 246.c  
 Pilis carentiū animalū quatuor genera. 243.a  
 Pilorum alii sponte nascuntur, alii ob insignes vsus, & quomodo vtrique differant. 249.d  
 Pilorum crispitudinis duplex causa. 246.b  
 Pilorum differentia vnde sumenda. 241.b  
 Pilorum discrimina pro ætatibus. 247.d  
 Pilorum discrimina pro naturis. 248.d  
 Pilorum discrimina pro regionibus. 247.a  
 Pilorum forma duplex. 246.b  
 Pilorum generatio. 244.a  
 Pilorum rectorum causa. 246.d  
 Pilorum varii colores vnde nascantur. 244.d  
 Pilus siccior est ossē. 196.d  
 Pili, & stapes quomodo differant. 216.d  
 Pinguēdo, vide Adeps.  
 De Piscibus qui recte scripserint. 162.d  
 Piscibus quibuscūq; ventriculus aliquādo procidit in os. 319.a  
 Pituita ad formandos mores ineptissima, & cur. 81.d 117.d  
 Pituita an ex solis cibis pituitosis in ventriculo gignatur. 483.b  
 Pituita augetur hyeme. 301.a  
 Pituita dulcis an fieri possit ex sanguinis permixtione. 484.d  
 Pituita dulcis an sit naturalis. 482.c  
 Pituita dulcis inter insipidam & sanguinem media. 482.c  
 Pituita dulcis salubrior insipida. 482.c  
 Pituita duplex, naturalis, & præter naturam.

482.b  
 Pituita ex cibis fit, nequaquam ex ipso corpore. 275.b  
 Pituita ex cibis in ventriculo concoctis, aut non concoctis vere dicitur fieri. 318.a  
 Pituita excrementum est primæ concoctionis. 318.a  
 Pituita excrementum sanguinis non est. 483.d  
 Pituita ex prima ciborum mutatione generationē habet; fiet ergo in ventriculo. 318.a  
 Pituita ex qua materia gignatur. 318.a  
 Pituita ex ventriculi coctione habet vt succus sit. 485.d  
 Pituita frigida & humida est potestate. 466.c  
 Pituita gybsea Auicennæ non distinguitur a crudo succo. 484.d  
 Pituita humor est crudus, rudis, & veluti sanguis semiconcoctus. 81.c. 118.a. 484.b  
 Pituita insipida potest dici dulcis. 482.d  
 Pituita insipida excrementum est tenue primæ concoctionis. 484.a  
 Pituita insipida maxime est naturalis. 482.c  
 Pituita minuitur ætate. 104.b  
 Pituita mutari potest in sanguinē. 81.d. 484.b  
 Pituita naturalis insipida potius est quam dulcis. 81.d  
 Pituita naturalis qualitatis experta est perinde ac aqua. 482.b  
 Pituita naturalis vbi gignatur. 482.d  
 Pituita omniū quæ in corpore sunt frigidissima est & humidissima. 231.a  
 Pituita præter naturam quatuorplex sit. 484.c  
 Pituita salsa an fieri possit ex permixtione bilis. 486.a  
 Pituita sanguinis generationē præcedit. 483.d  
 Pituita vitrea acidæ qualitatis est particeps. 484.c  
 Pituita vitrea quæ inferat mala. 485.a  
 Pituita vitrea vnde sic dicta. 484.c  
 Pituitæ acidæ generatio. 485.a  
 Pituitæ an sit maior copia quam vtriusque bilis. 81.c  
 Pituitæ cruditas omnimoda qualis sit. 485.c  
 Pituitæ dulcis generatio. 484.c  
 Pituitæ expurgandæ cur nullum instrumentum condiderit natura. 484.b  
 Pituitæ insipidæ generatio. 483.a  
 Pituitæ minor est copia quam reliquorum humorum. 82.b  
 Pituitæ naturalis vsus. 484.a  
 Pituitæ qualitates. 83.b  
 Pituitæ salis generatio. 485.d  
 Pituitæ vitreæ appellatio a Praxagora primū inuenta. 484.c  
 Pituitæ vitreæ generatio. 485.a  
 Pituitosorum conditioes. 118.a  
 Plantæ a sola natura gubernantur. 360.b  
 Plantas Galenus animalia vocat cum Plantone



# I N D E X.

tone. 358.a  
 Plenitudo intra sanitatis limites quamdiu cō  
 tineatur. 239.d  
 Plethora duplex, ad vasa, & ad vires. 83.d  
 Plethora duplex, simpliciter, & secundum  
 quid. 83.b  
 Plethora sanguinea an possit dari. 83.c  
 Plethora secundum quid quoduplex sit. 83.d  
 Plethora simpliciter duplex. 84.d  
 Polyleti Canon. 179.a  
 Potestate talia ad hominem in triplici sunt  
 differentia. 281.b. 292.b  
 Potestate talia interdum dicuntur quæ per  
 se talia sunt. 279.d  
 Potestate talia quæ dicantur. 278.a  
 Potestate talia quot modis dicantur. 278.c.  
 279.a.  
 Potu instaurari humidam partem substanti-  
 am, quomodo intelligendum. 557.b  
 Potu refici, facilius est quam cibo. 502.c  
 Potus an feratur in pulmonem. 451.a  
 Potus nomine quid intelligendū. 502.c. 557.b  
 Potus vel est aquæ, vel vini, vel utriusq. 502.d  
 Principia corporum naturalium, materia, &  
 qualitas. 145.b  
 Principia cum elementis confudit Plato. 48.a  
 Principia nostræ generationis calida sunt &  
 humida. 196.b  
 Principia quæ partes dicantur. 352.d  
 Principijs generationis cur copiosius injectū  
 sit elementum siccum, & cur igneum po-  
 tius quam terreum. 196.b  
 Principium & elementum quomodo distin-  
 guantur. 45.a  
 Proprietas substantiæ quid sit Galeno. 127.b  
 Prudentia optimam indicat cerebri tempe-  
 riem. 188.a  
 Prudentia quamvis ad rationem pertinet, in  
 ter virtutes morales recēsetur, & cur. 187.d  
 De Psylli facultate controversia. 318.d  
 Psyllij semen ad leniendam aluum in enixis  
 exhibetur. 319.a  
 Pterygædus qui vocentur Græcis. 255.c  
 Pudendi erectio vera actio non est. 388.a  
 Pueri cū frequenter cruditis laborēt. 204.a  
 Pueri cur plus alimenti appetant. 204.b  
 Pueri cur somnolenti. 205.b  
 Pueri exsiccati quando augeantur, quando  
 non. 386.d  
 Pueri quomodo dicantur calidi. 149.a  
 Puerorū lusus cū vesicis suū, aut bonū. 387.b  
 In Pueritia quæ actiones sint validæ. 149.b  
 Pulmo quo sanguine nutriatur. 424.c  
 Pulmo solus nutritur ex corde. 428.c  
 Pulmonis caro qualis. 224.c  
 De Pulmonis tēperie multiplex opinio. 219.b  
 Pulsandi facultas insita est cerebro, non se-  
 cus ac cordi. 354.c

Pulsatilis facultas an duplex sit statuenda.  
 350.c  
 Pulsatilis facultas cordi soli est insita. 450.d  
 Pulsatilis facultas sinistra est vitalis. 350.c  
 Pulsatilis facultas dicitur quoque vitalis, &  
 cur. 350.c  
 Ex Pulsu cordis statum certissime cognosci-  
 mus. 350.c  
 Pulsus cur dicatur fieri a facultate vita-  
 li. 350.c  
 Pulsus hominis temperati qualis. 189.c  
 Purgantia cur attrahant, & non attrahan-  
 tur. 408.d  
 Purgantia cur dicantur qualitatis aut sub-  
 stantiæ similitudine attrahere. 409.b  
 Purgantia eos dumtaxat humores attrahere  
 possunt, qui in vasis continentur. 411.d  
 Purgantia & vi attractrice, & calore attra-  
 hunt. 409.a  
 Purgantia omnia sunt calida. 409.a  
 Purgantia pituitam pituita sunt. 411.a  
 Purgantia proprie quæ d'cantur. 52.b  
 Purgantia validissimum habent attractionis  
 motum. 544.d  
 De Purgantibus Asclepiadis opinio, eius-  
 demque refutatio. 406.c  
 De Purgantibus Iouberii opinio. 409.c  
 De Purgantibus Puteani opinio, & refuta-  
 tio. 47.c  
 Purgationes ijs qui integra sunt valetudine  
 cur sint noxiæ. 98.d  
 In Purgationibus immodicis an moriatur  
 æger unico humore vacuo. 97.a  
 In Purgationibus immodicis quomodo dix-  
 erit Hippocrates, neminem mori, donec pu-  
 rus sanguis excernatur. 97.b  
 In Purgationibus immodicis quomodo va-  
 cuentur humores, qui nō sunt medicamen-  
 to familiares. 97.c  
 In Purgationibus immodicis quo ordine pur-  
 getur humor medicamēto familiaris. 98.a  
 In Purgationibus immodicis quo ordine va-  
 rij vacuentur humores. 96.d  
 In Purgationibus immodicis sanguis colli-  
 quatur & caro. 607.c  
 In Putredine caloris externi vi humidum se-  
 paratur a sicco. 146.c  
 A Putredine vendicāt quæ siccandi vi sunt  
 prædita, & cur. 145.d  
 Putredinem auget immobilitas. 146.d  
 Putredinem non sentiunt quæ empino sunt  
 sicca. 146.b  
 Putredinis causa an possit esse frigidi-  
 tas. 146.a  
 Putredinis causa efficiens quæ. 146.a  
 Putredinis causa paratissima, aer humi-  
 dus. 145.c  
 Putredinis definitiones. 146.c  
 Putre-



# I N D E X.

Putredinis materia quæ. 146.b  
 Putredo contrarium est generationi maxi-  
 me commune. 146.b  
 Putredo magis contraria concoctioni quam  
 cruditas. 146.c  
 Putredo quomodo fiat. 146.b  
 Putrefacientia etiam si minima quantitate as-  
 sumantur, corrumpunt. 310.b  
 Putrefacientia improprie dicta, quid exterius  
 admota efficiant, & quid intra corpus as-  
 sumpta. 298.a  
 Putrefacientia improprie quæ dicantur. 298.a  
 Putrefacientium duplex genus. 297.d  
 Putrefacientium venenorum exempla. 297.d  
 Putrefacientium venenorum natura qualis. 297.c  
 Putrescentia corpora ad citius calore calere,  
 proprio frigent. 260.d  
 Putrescentia cur exterius humidiora appa-  
 reant. 146.b  
 Putrescentia quando veluti in cinerem redi-  
 gantur. 146.b  
 Putrescunt promptissime calida & humi-  
 da. 147.a  
 Putrescunt tantum calida & humida, in loco  
 calido & humido male ventilata. 147.a  
 Pyronis historia. 208.c

## Q.

Qualitates adscititæ breui tēpore durant,  
 naturæ diutissime permanent. 317.c  
 Qualitates esse corpora voluerūt Stoici. 438.d  
 Qualitates primæ sint ne omnes agentes, an  
 aliæ agentes, & aliæ patientes. 367.c  
 Qualitates primæ solæ alteratrices sunt, effe-  
 trices, & cōstitutrices corporū. 59.a. 373.c  
 Qualitates primas per se totas tēperari, omnium  
 primus demonstravit Hippocrates. 364.c  
 Qualitates secundæ an sequantur necessario  
 primas. 59.b  
 Qualitates secundæ ex se nihil agunt, aut pa-  
 tiuntur. 373.c  
 Qualitates summæ quomodo dicantur forme  
 elementorum. 125.d  
 Qualitatum primarum dignoscendarum ra-  
 tio. 214.a  
 Ad quartanam medicamentum præstantissi-  
 mum. 308.c  
 Quies quid sit. 362.b

## R.

Ratio ars artium cur dicatur. 178.b  
 Ratio subditis sensibus præest, irascibilique  
 & concupiscibili. 116.d  
 Ratiocinationi vsum præbet medius cerebri  
 ventriculus. 349.a  
 Ratiocinatricis facultatis munera. 347.b  
 Ratiocinatrix facultas quibus donetur nemini-  
 bus. 347.b

Rationalis anima à Deo ex nihilo creata in  
 corpus infunditur. 337.b  
 Rationalis anima immortalis est, & vera for-  
 ma substantialis hominis. 47.d. 337.b  
 Rationalis anima irascibili & concupiscibili  
 præest, veluti auriga equis. 337.b  
 Rationalis anima quæ bona sunt appetit, aut  
 quæ boni speciem præferunt. 337.b  
 Rationalis anima separabilis est, & immorta-  
 lis. 116.c  
 Rationalis sectæ auctores. 6.a  
 Rationalis sectæ conditor Hippocrates. 81.b  
 Remedium quid sit. 31.b  
 Reminiscencia in solis hominibus reperi-  
 tur. 348.a  
 Reminiscencia quid sit. 488.a  
 Reminiscencia quomodo fiat. 348.a  
 Reminiscencia sola ratione differt à memo-  
 ria. 348.a  
 Renes an nutriantur vrina. 521.b  
 Renes cur duriores sint liene & iecore, cum  
 tenuiori sanguine nutriantur. 224.c  
 Renes inter viscera minus humidi. 224.c  
 Respiratio ex inspiratione & expiratione  
 componitur. 94.a  
 Sine respiratione an vita cōseruari possit. 94.a  
 De Respiratione & Perspiratione absurda  
 Platonis sententia. 450.c  
 Respirationis & transpirationis similitudo &  
 dissimilitudo. 608.c  
 Retentrix facultas in rebus etiam vitæ exper-  
 tibus inuenitur. 293.a  
 Retentrix facultas ex quibus demōstretur. 489.b  
 Rhyemata quid sint. 109.b  
 Roma distillationibus obnoxia. 1263.b  
 Ructus acidi aliquando fiunt ob pituitam ex  
 cerebro destillantem. 263.b  
 Ructus acidi an fiunt ob frigiditatem ventri-  
 culi, an ob pituitam destillantem ex cere-  
 bro, quibus signis distinguendum. 266.c  
 Ructus acidi in diuturna henteria cur bonū  
 indicent. 162.a  
 Ructus acidi nisi à cibis proueniant, frigidā  
 ventriculi intemperiem indicant. 262.a  
 Ructus acidus à calore fieri posse qui exstima-  
 rint. 262.a  
 Ructus nidorosi aliquando fiunt ex bile ad  
 ventriculum confluente. 263.b  
 Ructus nidorosi an fiunt ab igneo ventriculi  
 calore, an à bile confluente, quibus signis  
 distinguendum. 264.c  
 Ructus nidorosi diversarū rerum sapes re-  
 ferre possunt. 261.d  
 Ructus nidorosi nisi fiant culpa ciborum, ig-  
 neum indicant ventriculi calorem. 261.d

## S.

Salamandra cur dicatur ab igne inuiolata. 318.c  
 Salamandra



# INDEX.

Salamandra cur tandem igni resistat. 318.c  
 Salamandra falso creditur vivere in igne. 318.c  
 Salamandra tandem ab igne adurit. 318.c  
 Saliva an sit species pituitæ. 482.b  
 Saliva optimi lichenum remedium. 509.c  
 Saliva ubi gignatur. 509.c  
 Salivæ vires. 509.c  
 Salivam vocat pituitam Galenus. 509.c  
 Sanguifica facultas concoctrix est. 454.b  
 Sanguifica facultas ex iccore influit ad omnes venas. 455.d  
 Sanguifica facultas iccori soli est insita. 454.b  
 Sanguificam vim cur venis tribuat Galenus. 365.d  
 Sanguificatio an debeatur venis, an iccori carnium. 454.b  
 Sanguinaria massa quâ habeat tæperie. 219.b  
 Sanguinei quibus moribus sint præditi. 117.c  
 Sanguineus fallere cur non sit difficile. 117.d  
 In sanguine calidum præpoller frigido, & humidum sicco, saltem modice. 196.b  
 In sanguine materno nulla est vis formatrix. 382.b  
 In sanguine materno quæ facultates generatrices reperiantur. 382.a  
 In sanguine plus aqueæ terreæque substantiæ invenitur. 196.b  
 Ex sanguine simplicitas fit, & soliditas. 117.c  
 Sanguinem calidum & humidum esse, cur dixerint Hippocrates & Galenus. 230.a  
 Sanguinem esse animam qui crediderint. 92.a  
 Sanguinem purum quem vocet Hippocrates. 196.a  
 De sanguinis colore Platonis sententia. 453.c  
 Sanguis corruptionis morbo Gallico non est putredo. 146.d  
 Sanguinis duplex significatio. 93.c. 219.a  
 Sanguinis ex quatuor humoribus constituti plures differentie. 437.a  
 Sanguinis fibræ vnde gignantur. 473.c  
 Sanguinis missio cur ad ministratur. 84.a  
 Sanguinis principium sit ne iccor, an cor. 338.d  
 Sanguinis solius redudantia plethora est, non cacochymia. 84.c  
 De sanguinis tæperie multiplex opinio. 118.d  
 Sanguinis visio sectio venæ convenit. 84.a  
 Sanguis an sit calidior bile. 230.a  
 Sanguis an sit tantum materiale generationis principium, an habeat simul efficiendi vim. 381.c  
 Sanguis arterialis ex venali gignitur. 553.a  
 Sanguis augetur vere. 102.c  
 Sanguis calidus & humidus modice, proindeque temperatus. 465.b  
 Sanguis calidus & humidus, quemadmodum verum. 102.d  
 Sanguis cur indiguerit reliquorum humorum

permixtionē. 81.d. 115.d  
 Sanguis dulcissimus est ex sua natura. 81.d  
 Sanguis exiguum quendam qualitarum excessum habet. 115.d  
 Sanguis hircinus ad confringēdos renum calculos commendatur. 100.b  
 Sanguis hircinus eligendus ne sit qui ex iugulato hircio primus effluit, an qui postea. 100.c  
 Sanguis humorum omnium optimus, & nostræ naturæ maxime familiaris. 81.c. 117.c  
 Sanguis in iis qui iugulantur, quævis primus effluit, & qualis postea. 100.a  
 Sanguis in sanis longo intervallo superat reliquos humores. 81.c  
 Sanguis menstruus cur in mulieribus redundet. 381.c  
 Sanguis menstruus principium potius est materiale, quam efficiens. 382.b  
 Sanguis movetur autumnus. 104.d  
 Sanguis naturalis quæ habeat conditiones. 88.b  
 Sanguis non sit ex dulciore nutrimenti portione. 472.c  
 Sanguis ob ætatis calorem adurit in juvenitute. 273.b  
 Sanguis per se est calidus. 323.c  
 Sanguis purus nunquam reperitur intra vasa. 96.a  
 Sanguis quartus humor nullas habet differentias. 437.a  
 Sanguis quartus humor, temperatissimus. 102.d. 116.a. 219.c  
 Sanguis quomodo calidissimus dicatur. 230.b  
 Sanguis quomodo calidus dicatur per exuberantiam. 312.d  
 Sanguis quomodo corpus calfaciat. 303.b  
 Sanguis quomodo gignatur. 457.a  
 Sanguis quomodo sit temperatus, cum a corde gignatur calido per excessum. 465.b  
 Sanguis redditur in utero, quantitate, vel qualitate. 84.a  
 Sanguis solus an augeri possit, reliquis humoribus iustum modum seroantibus. 84.b  
 Sanguis suum à corde accipit calorem. 181.d  
 Sanguis tenuior sentiendi ac intelligendi vim maiorem præstat, crassior robur tribuit. 117.a  
 Sanguis quos vocent Græci. 255.c  
 Sanitas sit ex symmetria & commixtione humorum. 81.b  
 Sanitas in universon triplex. 15.d  
 Sanitas optima duplex. 169.c  
 Sanitas quot auxiliorum generibus conferretur. 16.c  
 Sanitatem efficit elementorum symmetria. 81.a  
 Sanitatem in quibus constituent Methodici, in quibus Rationales. 81.b  
 Scepticorum dogma. 208.b  
 Scepticorum princeps Pyron Heliæsis. 208.b  
 Scopus cum fine aliquando confunditur. 10.c  
 Scopus



# INDEX.

- Scopus quid sit. 10.c  
 Semen animatum ne sit. 379.d  
 Semen animatum quando fit actu, quando potestate. 434.c  
 Semen an effluat ex vniuerso corpore. 380.b  
 Semen an gignant foeminae. 380.d  
 Semen an sit tantum principium efficiens, an simul materiale. 378.a  
 Semen an totum generandi vim habeat, an partes quaedam efficiant, aliae materiam praebent. 379.b  
 Semen artifex est, sanguis vero materia ceræ vice artificis subiecta. 382.b  
 Semen cum primum gignit, & format animal, natura quaedam fit. 434.c  
 Semen ex qua materia gignatur. 380.c  
 Semen foemininum masculino calidius, robustius, & foecundius esse potest. 364.c  
 Semen foemininum principium quoque efficiens est, & materiale. 331.a  
 Semen foemininum sit ne masculini alimentum. 381.b  
 Semen foemininum triplicem in generatione vsum praebet. 381.b  
 Semen in valis seminarijs gigni voluit Aristoteles. 380.c  
 Semen masculinum copiosius est foeminino, crassius, magis lentum, exquisitiusque concoctum. 381.a  
 Semen muliebri paucum est, aquosum, & ex se infocundum. 364.b  
 Semen principium potius efficiens est, quam materiale. 382.b  
 Semen prolificum in solis testibus gignitur. 351.b. 380.b  
 Semen proprium est, atque vltimum partium solidarum nutrimentum. 380.b  
 Semen, spumofum cur sit. 196.b  
 In Semine foeminino multo imbecillior est vis generatrix, quam in masculino. 381.a  
 In Semine omnes naturae facultates, tam principes, quam ministræ reperiuntur. 434.c  
 In Semine plus est ignis aeris que substantiae. 196.b  
 Seminis gignendi materia non mittitur ad testes ex partibus principibus. 380.c  
 Seminis vires non confluunt ex vniuerso corpore. 380.c  
 Semicani qui dicantur. 194.d  
 Senectus nulla arte vitari potest. 2.a  
 Senectus secundum naturam accidit, non est tamen naturæ opus. 2.a  
 Senectus sit ne humida, an sicca. 201.b  
 Senectus via est ad interitum. 202.a  
 Senes crudi qui sint. 194.d  
 Sensui communi quæ munera tribuant Peripatetici. 234.d  
 Sensum communem quomodo distinguant Peripatetici a facultate imaginandi. 344.d  
 Sensum communem vocat Galenus cerebrum, & cur. 345.c  
 Sensus communis an distinguatur a facultate imaginandi. 344.d  
 Sensus omni animali conuenit, & soli. 358.d  
 Sensus plantis etiam inest. 358.d  
 Sensus rei familiaris & alienæ cur in foris lingua reperiatur. 358.a  
 Sensus sit ne animalium proprius. 357.c  
 Sentiens anima propria est animalium. 360.a  
 Sentiens facultas an sit eadem cum motrici. 343.a  
 Sentientes facultates an distinguantur specie. 343.c  
 Serofus humor, chyli & sanguinis vehiculum. 422.d  
 Simia in formatione partium homini similis. 490.d  
 Similitudo filiorum cum parentibus triplex. 66.a  
 Similitudo formæ a quibus causis fiat. 67.b  
 Similitudo generis aut speciei a quibus causis proueniat. 67.d  
 Similitudo sexus a quibus causis nascatur. 66.a  
 De Similitudine filiorum cum matribus Galeni sententia refellitur. 381.d  
 Sitim animalem quattuor praecedunt symptomata. 558.a  
 Sitim citius extinguit vinum aquæ mixtum, quam sola aqua. 558.b  
 Sitis animalis quomodo fiat. 558.a  
 Sitis duplex causa. 322.a  
 Sitis naturalis causæ. 466.a. 557.d  
 Sitis naturalis singulis partibus est inhaerens. 557.d  
 Sitis præter naturam causæ. 466.a  
 Sitis quomodo fiat. 558.b  
 Situs est terreni vaporis putredo. 253.a  
 Socrates in venerem natura procliuus, Philosophiæ studio continentissimus euasit. 116.c  
 Sol quomodo dicatur actu calidus. 284.a  
 Solem ex quattuor elementis constare, videtur sentire Galenus. 112.c  
 Solis calore viuifico indigent omnia viuentia. 112.c  
 Sonus cur non enumeretur inter qualitates secundas. 23.d. 373.b  
 Species infimæ, genera simul & species vocari asserit Galenus, negat tamen Porphyrius. 162.c  
 Splendor, siccus, animus sapientissimus. 117.a  
 Spiritus animæ calidior est & hieciore spiritus naturæ iuxta Stoicos. 117.a  
 Spiritus animalis an detur. 342.a  
 Spiritus animalis an sit multiplex. 343.d  
 Spiritus animalis instrumentum animæ dicitur. 115.d. 339.d  
 Spiritus



Spiritus animalis in solo cerebro gigni-  
tur. 339.d  
Ad Spiritus animalis generationem magis ne-  
cessarius est aer, quā spiritus vitalis. 354.c  
Spiritus animalis materia quæ. 342.b. 354.b  
Spiritus animalis peccantis humoris naturā  
refert. 354.d  
Spiritus animalis vehiculum est facultatis,  
non tamen instrumentum facultatem de-  
ferens. 343.d  
Spiritus ex oculis emissus, aerem quomodo al-  
teret. 341.c  
Spiritus formator & complantatus à quibus-  
dam in semine fingitur. 379.c  
Spiritus naturæ iuxta Stoicos frigidior & hu-  
midior est. 117.a  
Spiritus naturalis angignatur in iecore. 354.b  
Spiritus naturalis non distinguitur à calido  
innato. 353.c. 354.a  
Spiritus quoruplex sitiv. 353.a  
Spiritus splendidi & ætherici ad ingenij acri-  
moniam plurimum faciunt. 117.a  
Spiritus vitalis ad ciborum concoctionem in  
vauibus plurimum confert. 439.d  
Spiritus vitalis in homine parum aut nihil cō-  
fert ad ciborum concoctionem. 460.b  
Spiritus vitalis materia quæ. 354.b  
Spiritus vitalis principium cor. 319.d  
Spiritus vitalis solius naturæ est instrumen-  
tum. 339.d  
Spiritus vitalis vsus. 314.b  
Spiritus vocat Hippocrates Imperium facien-  
tia. 80.a  
Spiritus & anima quomodo differant. 216.d  
Stercus cur in sanis etiam ferreat. 329.d  
Stercus excrementum est crassum primæ cō-  
coctionis. 484.a  
Sterilitatis causæ in viris & mulieribus. 69.a  
Stomachi multiplex significatio. 505.c  
Stomachus nullius priuatim particulæ est no-  
men. 601.b  
Struthiocameli cur lapides & ferrum con-  
coquant. 460.a  
Studiosos quales esse oporteat. 523.d  
Substantia tota quid sit Galeno. 292.c  
Succinum trahit paleas, nisi oleo sint perfu-  
sa. 414.a  
Succo crudo qui abundant. 485.b  
Succus crudus an sit pituitæ species. 484.d  
Succus crudus in articulis colligi solet. 485.c  
Succus crudus in matula subsidens, puri est  
maxime similis. 485.c  
Succus crudus propriè non est succus. 485.c  
Succus crudus quomodo distinguatur à pi-  
tuita. 485.b  
Sudor à quibus causis fiat. 224.b  
Sudor calidis & humidis grauius olet. 150.a  
Sudor excrementum est tertie conditio-

nis. 244.b  
Sudor plerunque est falsus. 485.d  
Sudorem vaeuationem esse genere præter na-  
turam, cur dixerit Diocles. 244.b  
Suffusionem esse insanabilem, ex quo signo  
cognoscatur. 342.c  
Superfœratio quomodo fiat. 499.a  
Syllogismi species quattuor. 206.b  
Symmetria duplex, in qualitate & quantita-  
te. 126.d  
Symptomatis triplex significatio. 365.d  
Synciput quomodo siccissimū dicatur. 253.d

## T.

Tabidum natiuum quid. 255.d  
Tactus animalis essentiam constituit. 190.c  
Tactus cum sapientia coniungitur. 175.d  
Tactus in homine temperato potissimum vi-  
get. 189.d  
Tactus nullum habet proprium instrumen-  
tum. 344.b  
Tactus plura sunt instrumenta. 175.d  
Tactus sensus est omnibus fere partibus com-  
munis. 175.d  
Tegumenta quomodo dicantur potestate ca-  
lida. 281.c  
Telephia vlcera vnde sic dicta. 306.a  
Temperamenta aut natiua sunt, aut adsciti-  
tia. 232.a  
Temperamenta partium internarum vnde  
cognoscenda. 261.b  
Temperamenta vel actu, vel potestate sunt  
italia. 128.c. 277.c  
Temperamenti definitio. 125.d  
Temperamenti definitiones variæ refutan-  
tur. 124.d  
Temperamenti elementa sunt simplices qua-  
litates. 126.a  
Temperamenti ne mine omnium primus vsus  
est Hippocrates. 70.b. 364.c  
Temperamenti præstantia non ex vitæ longi-  
tudine, sed ex eiusdem perfectione est ex-  
pendenda. 150.b  
Temperamenti proprietas quid. 325.d  
Temperamenti proprietas sua est vnicui-  
que. 325.d  
Ex Temperamenti proprietate, similitudo,  
aut dissimilitudo, aut contrarietas substan-  
tiæ nascitur inter mixta. 325.d  
Temperamenti qualitas quid. 369.c  
A Temperamentis habent corpora vt mixta  
sint. 125.d  
In Temperamentis numerorum proportio-  
nes considerare, medico superuacaneum.  
176.c  
In Temperamento quomodo maneant ele-  
mentorū qualitates. 127.d



# INDEX

De Temperamento totius quando liceat ex  
vna particula iudicare. 255.a  
De Temperamento totius quando liceat ex  
soliis cuti affectu iudicare. 259.a  
Temperamentorum differentiæ quot sint. 165.c  
De Temperamentorum differentiis falsæ ve  
terum opiniones. 130.a  
Temperamentorum omnium cognoscendo  
rum methodus. 171.d  
Temperamentorum omnium quanta sit lati  
tudo. 171.b  
Temperamentorum signa ex quibus peran  
tur. 185.d  
Temperamentorum ratione mixta à se inui  
cem differunt. 124.c  
Temperamentum accipiūt mixta ab elemen  
torum qualitatibus. 124.c  
Temperamentum ad pondus an detur. 167.d  
Temperamentum ad pondus an habeat lati  
tudinem. 169.b  
Temperamentum ad pondus duplex. 169.c  
Temperamentum an sit forma mixtorū. 47.b  
Temperamentum calidum & humidum ad  
putredinem proxime per sanitatem acce  
dit. 150.a  
Temperamentum calidum & humidum pu  
tredinis morbis est expositum. 150.a  
Temperamentum cur dicatur substantia, cu  
sit qualitas. 319.d  
Temperamentum distinctū est à forma sub  
stantiali. 125.d  
Temperamentum in nulla categoria contine  
tur. 369.a  
Temperamentum natiuum consuetudinis vi  
in contrarium sæpe mutatur. 232.b  
Temperamentum non distinguitur à primis  
qualitatibus. 126.a  
Temperamentū non recte colligitur ex oculi  
lorum magnitudine, aut paruitate. 268.b  
Temperamentum non recte colligitur ex hu  
more redundantē. 275.a  
Temperamentum omnium actionum causa  
statuitor. 366.c  
Temperamentum optimum in qua ætate re  
periatur. 170.d  
Temperamentum proprium est mixtorū prin  
cipium. 124.c  
Temperamentum qualitas est composita.  
43.b. 126.a. 369.a.  
Temperamentum quomodo dicatur forma  
mixti. 125.d  
Temperamentum quomodo mutari possit ad  
humidius. 232.d  
Temperamentum quomodo vocetur actionū  
principium. 47.d  
Temperamentum solis qualitatibus debe  
tur. 51.a  
Temperamentū substantiarū an detur. 126.b

Temperamentum viuacissimum quodnam  
sit. 149.c  
Temperata corpora cur dicta sint veteribus  
calida & humida. 140.d  
Temperata natura ceteris prior est cognitio  
nis ordine. 135.a  
Temperata natura virtute & viribus reliquis  
præstat. 134.d  
Temperati corporis notitia & cognitio. 174.a  
Temperati hominis actiones cur non sint om  
nes perfectissimæ. 191.a  
Temperati hominis partes quam habeant in  
ter se, & cum eorum proportionem. 176.a  
In Temperato sola cutis temperata est ad pon  
dus, relique partes ad iustitiam. 177.a  
Temperatum corpus an magis resistat causis  
morbificis. 191.d  
Temperatum corpus saluberrimum, & mor  
bis minime obnoxium. 192.a  
Temperatum corpus viuacissimum, & maxi  
me longæuum. 192.a  
Temperatum duplex, ad pondus, & ad iusti  
tiam, & vtriusque cognitio. 159.b  
Temperatus homo an actiones omnes exer  
ceat ceteris perfectiores. 190.c  
Temperatus homo cur dicatur. 176.b  
Temperatus homo ex quibus cognosca  
tur. 186.a  
Temperatus homo tamen & prudentia ceteris  
longe superior. 190.c  
Tendo non est primum motus organum, &  
cur. 455.a  
Tendens compositio qualis sit. 226.a. 455.a  
Tenuia quæ dicatur. 430.a  
Terra purum elementum, quouis admanente  
esset durior. 113.d  
Terram supra aquam collocavit Thales. 41.a  
Testes caliditatem & robur toti corpori tri  
buunt. 356.a  
Testes non sunt partes principes, sed princi  
pia. 353.a. 355.c  
Testes quantum seminis gignant. 541.d  
Testes quomodo dici possint nobiliores cor  
de. 356.b  
Testes vim generandi semini tribuunt. 386.d  
I Testibus an aliquis gignatur spiritus. 356.a  
Testibus exsecris quanta in toto corpore mu  
tatio sequatur. 355.d  
Ex Testibus facultatem aliquam in vniuer  
sum corpus influere, vnde constat. 355.c  
Testibus insita est via prolifici seminis gene  
ratrix. 355.c  
Testibus ridiculum vsum tribuit Aristote  
les. 355.b  
Theophrastus scripsit compendium natura  
lium opinionum. 41.c  
Triticum furandi ratio artificiosa. 416.a  
Triticum mansum furuncules occysime con  
coquit.



coquit. 509.c  
 Triticum vim habet trahendi aquam. 416.a  
 Tunicæ & membrana quomodo differant. 374.d

## V.

Vacuationes immodicæ cur sint noxiæ. 86.a  
 Vacuationes moderatæ à gravissimis morbis  
 sæpe liberant. 86.a  
 Valentia de stillationibus obnoxia. 263.b  
 Valvularum usus, numerus, & situs. 418.d  
 Vari qui dicantur. 255.c  
 Vegetans anima plantis inest. 360.a  
 Vegetantem animam naturam vocarunt Stoi-  
 ci, non animam. 360.a  
 Vena cur enumeretur inter partes simila-  
 res. 371.d  
 Venæ cur enumerentur inter concoquendi in-  
 strumenta. 293.d  
 Venæ exiguæ renasci visæ. 383.c  
 Venæ possunt ne sanguinem gignere. 455.c  
 Venæ secundæ primus magister. 3.d  
 Venarum angustia frigidi temperamenti est  
 indicium. 233.b  
 Venarum angustia in idem fere recidit cum  
 habita crasso. 233.c  
 Venarum latitudo calidum temperamentum  
 indicat. 233.b  
 Venarum latitudo in idem fere recidit cum  
 habitu gracili. 233.c  
 Venarum nomine arterias quoque intellexit  
 Hippocrates. 233.b  
 Venarum principium sit ne iecur, an cor. 338.c  
 Ex Venis in arterias aliquid sanguinis trans-  
 funditur. 551.d  
 Venis quomodo vim sanguificam tribuerit  
 Galenus. 456.a  
 Venena aut sunt actu deleteria, aut potesta-  
 te. 297.a. 314.b. 316.a  
 Venena actu deleteria, vna saltem qualitate à  
 nobis immutantur. 313.b  
 Venena actu & genere deleteria quæ. 307.c  
 Venena an possint interficere exterius admo-  
 ta. 307.d  
 Venena erodentia & putrefacientia eo vehem-  
 entius agunt, quo diutius manent in cor-  
 pore. 316.a  
 Venena mediocri quantitate assumpta, cur nõ  
 semper interficiant. 316.b  
 Venena minima quantitate assumpta, à nostro  
 calore vinci non possunt. 316.a  
 Venena minima quantitate assumpta non in-  
 terficiunt. 314.c  
 Venena non sunt ex eo iudicanda quod sem-  
 per interficiant, sed ex naturæ contrarie-  
 tate. 314.d  
 Venena potestate talia, aut erodentia sunt,  
 aut putrefacientia. 316.a

Venena simul & medicamenta quæ dici pos-  
 sint. 310.b  
 Venter inferior quid. 506.a  
 Venter superior quid. 505.d  
 Ventres hyeme natura calidissimi. 108.c  
 Ventriculi an sit duplex nutritio, ex chylo, &  
 sanguine. 543.a. 546.b  
 Ventriculi appetentia duplex. 507.c  
 Ventriculi calidi notæ. 261.d. 266.d  
 Ventriculi concoctio an sit necessaria ad vi-  
 tam. 512.a  
 Ventriculi concoctio optima quibus signis co-  
 gnoscatur. 189.a  
 Ventriculi concoctio quomodo dicatur elixa-  
 tio. 513.d  
 De Ventriculi concoctione multiplex opi-  
 nio. 511.c  
 Ventriculi frigidi notæ. 262.a. 266.d  
 Ventriculi temperati signa. 261.c  
 In Ventriculo concocti cibi quomodo dicantur  
 ad salubritatem conuersi. 512.d  
 Ventriculo imbecillo non sola adstringentia  
 medentur. 465.a  
 Ventriculo melius nutrimentum est sanguis  
 quam tibi. 603.b  
 Ventriculo quæ usum præbeant venæ. 546.b  
 Ventriculus an nutriatur chylo, an sangui-  
 ne. 545.b  
 Ventriculus an quattuor, an potius octo ha-  
 beat facultates nutriticis ministras. 546.c  
 Ventriculus foetus nondum usum commune  
 præbet. 546.a  
 Ventriculus instrumentum est primæ conco-  
 ctionis. 511.a  
 Ventriculus pars princeps est, non tamẽ prin-  
 cipium. 352.d  
 Ventriculus sui solius, nõ totius corporis gra-  
 tia cibos concoquit. 541.d  
 Ventriculus tantum ciborum concoquit, quã-  
 tum sibi & reliquis partibus nutriendis est  
 necessarium. 541.d  
 Ver saluberrimum, & læthalibus morbis mi-  
 nime obnoxium. 140.b  
 Ver temperatum est, potiusquam calidum &  
 humidum. 102.d. 138.b  
 Ver temperatum quomodo dicatur Hippo-  
 crati calidum & humidum. 140.d  
 Vere saluberrimo cur gravissimi morbi con-  
 tingant. 103.b  
 Vere vomuntur liquidissima, & cur. 119.c  
 Veratrum cur homini noxium medicamen-  
 tum, coturnici familiare nutrimen-  
 tum. 326.b  
 Vesica bilis an nutriatur bile. 522.a  
 Vesica bilis an sit experta nervorum. 530.a  
 Vesica lotij an trahat lotium. 526.d  
 Vesica lotij frequenter eroditur à piquira sal-  
 sa. 305.c  
 Vestes



# INDEX.

Vestis eui vento exponantur, & concutiantur virgis. 146.d  
 Veterinaria quid. 12.a  
 In Veterū lectione præceptū seruandū. 20.b  
 In Vistū instituendo vulgariū medicorum & mulierum error. 235.a  
 Vistū ratio ex latitudine & angustia venarum potius instituenda, quam ex corporis habitu. 234.d  
 Vini spirituosā substantia arteriarum dilata-  
 tione promptissime ex ventriculo attrahi-  
 tur. 549.c  
 Ex Vini veteris potu subsequuta mors. 302.d  
 Vino dediti frigidis morbis obnoxij. 393.a  
 Vinum cum calidum sit, quomodo frigidus  
 morbos gignat. 393.d  
 Vinum cur aliquando celerius, aliquando tar-  
 dius distribuatur. 558.b  
 Vinum cur celerius distribuatur quam a-  
 qua. 558.b  
 Vinum cur enumeretur inter nutrimenta me-  
 dicamentosa. 320.a  
 Vinum epotum an nutrire possit, antequam  
 in ventriculo concoquatur. 295.c  
 Vinum epotum cur calfaciat, cuti impolitum  
 non. 392.c  
 Vinum epotum cur celerrime calfaciat. 393.a  
 Vinum epotum cur sit præsentaneum lypo-  
 thymiz & syncopes remedium. 295.c  
 549.c.  
 Vinum ex quo ordine calfaciētium sit. 302.c  
 Vinum exterius admotum non nutrit. 294.a  
 Vinum esse frigidū, voluit Macrobius. 304.a  
 Vinum inter omnia nutrimenta celerrime cō-  
 coquitur, & assimilatur. 293.c  
 Vinum naribus admotum an nutriat. 295.c  
 Vinum nutrimentum est omnium maxime no-  
 bis familiare. 556.d  
 Vinum nutrire non potest, quā prius in con-  
 coquendi instrumentis concoquatur. 293.c  
 Vinum recens pituitam gignit. 109.b  
 Vinum Saguntinum crassum. 558.c  
 Vinum spirituosam substantiam habet pluri-  
 mam. 549.c  
 Viscera carnem habent simplicem iuxta ve-  
 nas, arterias, & nervos concreſcentē. 225.d  
 Viscera dicuntur aliquando partes omnes in-  
 ternæ. 225.d  
 Viscera ex semine potiusquam sanguine fie-  
 ri voluit Fernelius. 224.d  
 Viscera omnia calida sunt & humida. 224.d  
 Viscera propriè quæ dicantur. 225.d  
 Viscerum carnes cui vocarit Erasistratus pa-  
 renchymata. 225.d  
 Ad Viscerum carnes refertur caro cordis,  
 & proprium cerebri corpus. 218.d  
 Vita consistit in calido & humido. 146.b  
 Vita quid sit. 431.d

Vitales actiones duæ. 189.c  
 Vitalis facultas cur sic dicta. 350.a  
 Vitalis facultas ex corde influit per arte-  
 rias. 350.d  
 Vitalis facultas influat ne per cavitatem, an  
 per tunicas arteriarum. 350.d  
 Vitalis facultas non fuit plantis necessaria,  
 & cur. 360.d  
 Vitalis facultas quatuorplex sit. 350.a  
 Vitalis facultas reuera naturalis est, neque  
 enim distinguitur à concoſtrice. 350.b  
 Vitalis facultas sedem habet in corde. 350.a  
 Vitalis facultatis actio quæ sit. 350.b  
 Vitalis facultatis principium esse cor, vnde  
 constat. 338.a  
 Vitiligo duplex, alba & nigra. 396.b  
 Umbilico admota an fœtum nutrire pos-  
 sint. 294.a  
 Umbilico admota quæ vsum in gravidis præ-  
 beant. 294.d  
 Ungues extremi nec viuunt, nec augen-  
 tur. 387.d  
 Unguium radices viuunt, augentur, & sen-  
 tiunt. 387.d  
 Vomitus & deglutitio in quibus conueniant,  
 & differant. 517.c  
 Vomitus symptoma est expultricis ventricu-  
 li. 502.c  
 Vreteres cur enumerentur inter partes simi-  
 lares. 376.a  
 Vrina certum est concoſtionis iecoris indi-  
 cium. 189.b  
 Vrina cur in sanis male etiam oleat. 529.d  
 Vrina excrementum est venarum & arteria-  
 rum. 430.d  
 Vrina excrementū iecoris dicitur. 430.d  
 Vrina hominis temperati qualis esse de-  
 beat. 189.b  
 Vrina neque tenue, neq; crassum iecoris, aut  
 secundæ cōcoſtionis est excrementū. 430.c  
 Vrina non est excrementum renum. 424.c  
 Vrina plerumque est salsa. 485.d  
 Vrina sit ne tenuior bile. 430.b  
 Vrina vesicam semel ingressa cur ad vreteres  
 remeare nequeat. 432.b  
 Vrinæ color naturalis triplex. 472.b  
 Vrinæ color naturalis vnde proueniat. 472.b  
 Vrinæ secretio à renibus fit. 400.a  
 Vrinæ secretio quomodo fiat. 417.d  
 De Vrinæ secretionē disputatio cum Ascle-  
 piade. 400.a. 450.d  
 De Vrinæ secretionē disputatio cum Eras-  
 istrato. 421.a  
 De Vrinæ secretionē disputatio cum Eras-  
 istratijs. 422.c  
 Vrinarum contenta orobina vnde proue-  
 niant. 216.b  
 Vsum præbent non solum veræ partes, sed &  
 quæ



# INDEX.

que veræ partes nō sunt, & excremēta. 376.a  
 Vsum præbent partes similes trisaria. 376.b  
 Vfus duplex, ante, & post actionem. 376.b  
 Vteri magnitudo. 490.b  
 Vteri procidentia ex valido inter pariendum  
 conatu. 499.d.

## X.

Xenophanes omnium primus omnia esse vñū  
 asseruit. 4.c

## Y.

Yllas nomen qui primum usurparint ad signi-

ficandam primam substantiam. 20.d  
 Yllas nomine nusquā vsus est Plato ad signi-  
 ficandam primam substantiam; Aristoteles  
 vero frequentissime. 21.a

## Z.

Zoophyta an habeant motum voluntarium. 359.a  
 Zoophyta in animalium genere imperfectis-  
 sima. 359.a  
 Zoophytis motum concessit Aristoteles. 359.b  
 Zoophytis quo modo Aristoteles motū de-  
 negarit. 259.b

# ERRATA.

Pagina 1. linea penultima excuerunt, lege excrucerunt. pag. 4. lin. 35. Hieroclyda, lege Heraclida. pag. 9. lin.  
 21. attricium, lege attricum. pag. 9. lin. 22. effectricium, lege effectricum. pag. 16. lin. 24. quoram, lege quo-  
 rum. pag. 27. lin. 32. minimus, lege minimis. pag. 28. in margine, quosioxyas, lege quosioxyas. pag. 28. lin. 30.  
 definitur, lege definiuntur. pag. 34. lin. 11. ualidissima, lege non solū ualidissima. pag. 55. lin. 36. Et rursum his,  
 lege Et rursum ex his. pag. 57. lin. 16. uehementi, lege uehementi. pag. 58. lin. 10. humidum, & , lege & humidum.  
 pag. 65. lin. penult. conco, lege citonco. pag. 67. lin. 1. mare, lege mares. pag. 67. lin. 1. caliares, lege calidiores.  
 pag. 67. lin. 29. coitret, lege coiret. pag. 70. lin. 4. uisauitri, lege uisauitri. pag. 81. lin. 7. qualicunq; lege qua-  
 licunq; pag. 81. lin. 42. qu, lege que. pag. 83. lin. 24. nuquam, lege nunquam. pag. 84. lin. 43. redundantia, lege re-  
 dundantiam. pag. 87. lin. 36. omne, lege omnes. pag. 91. lin. 26. si significare, lege significare. pag. 91. lin. ult. a, ut,  
 lege aut. pag. 109. lin. 33. comprehenso, lege comprehensos. pag. 112. lin. 16. integtas, lege integras. pag. 116. lin.  
 37. no. lege non. pag. 128. lin. 15. differentius, lege differentias. pag. 145. lin. 18. rariones, lege rariores. pag. 163.  
 lin. 32. augenscentia, lege augefcentia. pag. 191. lin. 12. in temperato, lege in intemperato. pag. 194. lin. 21. illis, le-  
 ge illa. pag. 202. lin. 12. censi, lege censi. pag. 213. lin. 24. dixemus, lege diximus. pag. 218. lin. 29. musculorus,  
 lege musculorum. pag. 221. lin. 16. tringinta, lege triginta. pag. 239. lin. 25. τῶν ταχιδῶν, lege τῶν ταχιδῶν. pag.  
 260. lin. 13. plagant, lege plagam. pag. 263. lin. 24. cundum, lege secundum. pag. 266. lin. 36. ca capiti, lege capiti.  
 pag. 272. lin. 6. matationes, lege mut. tiones. pag. 283. lin. 43. potestare, lege potestate. pag. 288. lin. antepenult. do-  
 nes, lege donec. pag. 293. lin. penult. iecore, lege in iecore. pag. 294. lin. 39. acre, lege acrem. pag. 314. lin. 12. ne-  
 quaquaquā, lege nequaquam. pag. 316. lin. 35. effectus, lege affectus. pag. 316. lin. 36. reuertatur, lege reuertantur.  
 pag. 318. lin. 14. quarum, lege quorum. pag. 327. lin. 24. exerccerent, lege exercent. pag. 329. lin. 23. ab, lege ob.  
 pag. 332. lin. 36. potissimum, lege potissimum. pag. 366. lin. 15. arti. lege art. pag. 369. lin. 4. qualitatum, lege fa-  
 cultatum. pag. 384. lin. 1. admittere, lege amittere. pag. 394. lin. 16. inuenictur, lege inuenientur. pag. 394. lin. 21.  
 facultatem, lege facultatum. pag. 401. lin. 41. ligantes, lege litigantes. pag. 443. lin. 1. eius est quod secundo sit sed,  
 dele. pag. 449. lin. 21. mesenterio, lege mesenetrio. pag. 462. lin. 34. iuentum, lege inuentum. pag. 463. lin. 30.  
 undiq; lege utiq; . pag. 475. lin. 19. uitellinam, lege uitellinam. pag. 489. lin. 1. quis, lege quisquis. pag. 513. lin. 10.  
 este, lege esse. pag. 525. lin. 36. præberent, lege præbere. pag. 526. lin. 23. deglutendo, lege deglutendo. pag. 604.  
 lin. 12. accuratius, lege accuratius. pag. 607. lin. 21. mundum, lege modum. pag. 641. lin. 3. particularium, lege  
 particularum.











218758404








C18758101

[illegible]











+ colorchecker CLASSIC

+ calibrite



mm